



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



Dette er en digital utgave av en bok som i generasjoner har vært oppbevart i bibliotekshyller før den omhyggelig ble skannet av Google som del av et prosjekt for å gjøre verdens bøker tilgjengelige på nettet.

Den har levd så lenge at opphavretten er utløpt, og boken kan legges ut på offentlig domene. En offentlig domene-bok er en bok som aldri har vært underlagt opphavsrett eller hvis juridiske opphavsrettigheter har utløpt. Det kan variere fra land til land om en bok finnes på det offentlige domenet. Offentlig domene-bøker er vår port til fortiden, med et vell av historie, kultur og kunnskap som ofte er vanskelig å finne fram til.

Merker, notater og andre anmerkninger i marginen som finnes i det originale eksemplaret, vises også i denne filen - en påminnelse om bokens lange ferd fra utgiver til bibliotek, og til den ender hos deg.

Retningslinjer for bruk

Google er stolt over å kunne digitalisere offentlig domene-materiale sammen med biblioteker, og gjøre det bredt tilgjengelig. Offentlig domene-bøker tilhører offentligheten, og vi er simpelthen deres "oppsynsmenn". Dette arbeidet er imidlertid kostbart, så for å kunne opprettholde denne tjenesten, har vi tatt noen forholdsregler for å hindre misbruk av kommersielle aktører, inkludert innføring av tekniske restriksjoner på automatiske søk.

Vi ber deg også om følgende:

- **Bruk bare filene til ikke-kommersielle formål**
Google Book Search er designet for bruk av enkeltpersoner, og vi ber deg om å bruke disse filene til personlige, ikke-kommersielle formål.
- **Ikke bruk automatiske søk**
Ikke send automatiske søk av noe slag til Googles system. Ta kontakt med oss hvis du driver forskning innen maskinoversettelse, optisk tegngjenkjenning eller andre områder der tilgang til store mengder tekst kan være nyttig. Vi er positive til bruk av offentlig domene-materiale til slike formål, og kan være til hjelp.
- **Behold henvisning**
Google-"vannmerket" som du finner i hver fil, er viktig for å informere brukere om dette prosjektet og hjelpe dem med å finne også annet materiale via Google Book Search. Vennligst ikke fjern.
- **Hold deg innenfor loven**
Uansett hvordan du bruker materialet, husk at du er ansvarlig for at du opptrer innenfor loven. Du kan ikke trekke den slutningen at vår vurdering av en bok som tilhørende det offentlige domene for brukere i USA, impliserer at boken også er offentlig tilgjengelig for brukere i andre land. Det varierer fra land til land om boken fremdeles er underlagt opphavsrett, og vi kan ikke gi veiledning knyttet til om en bestemt anvendelse av en bestemt bok, er tillatt. Trekk derfor ikke den slutningen at en bok som dukker opp på Google Book Search kan brukes på hvilken som helst måte, hvor som helst i verden. Erstatningsansvaret ved brudd på opphavsrettigheter kan bli ganske stort.

Om Google Book Search

Googles mål er å organisere informasjonen i verden og gjøre den universelt tilgjengelig og utnyttbar. Google Book Search hjelper leserne med å oppdage verdens bøker samtidig som vi hjelper forfattere og utgivere med å nå frem til nytt publikum. Du kan søke gjennom hele teksten i denne boken på <http://books.google.com/>

demisigne 560

EX BIBLIOTHECIS GUDBRANDRI
VIGFUSSON et FRIDERICI YORK POWELL
olim alumni, partim ab hoc legatis, partim
emptis, a. MCMIV.

A. 2. 9. 171



Gudbrande Vigfusson

STJORN.

GAMMELNORSK BIBELHISTORIE

**FRA VERDENS SKABELSE
TIL DET BABYLONISKE FANGENSKAB.**

UDGIVET

AF

C. R. UNGER.

CHRISTIANIA.

FEILBERG & LANDMARKS FORLAG.

TRYKT HOS C. C. WERNER & CO.

1862.

Fortale.

~~~~~

*Efter den oprindelige Plan skulde Udgaven af nærværende Bibelhistorie have været ledsaget af Anmærkninger og Ordforklaringer. Hensigten med Anmærkningerne var at antyde de forskjellige Tillæg til den bibelske Text, paaapege disses Kilder, saavidt det havde været muligt at opspore dem, og ved Citater af de latinske Originaler oplyse enkelte Vanskeligheder, som maaske kunde møde Læseren. Dog, da dette endnu mere vilde have forøget Bogens allerede temmelig betydelige Omfang, har Udgiveren, efter Forlæggernes Ønske, opgivet dette, og indskrænket sig til at meddele Texten alene saaledes som den foreligger i Haandskrifterne.*

Nævnet Stjórn (d. e. Styrelsen) findes ikke tillagt Værket nogensteds i Haandskrifterne, og Benævnelsen er maaske først opkommen paa Island, hvor den rimeligvis er flere Aarhundreder gammel. Nævnet er kort og bekvemt, og skal vel egentlig betegne Guds Styrelse, hvorledes han paa vidunderlig Maade styrede og ledede det jødiske Folks Skjebne.

Tiden naar, og Maaden hoorpaa Bogen er bleven til, antydes tilstrækkelig af Prologen (S. 2, jvf. Overskriften S. 54). Det heder der, at Kong Haakon Magnussøn allerede før havde ladet oversætte en Bog, som hed Heilagra manna blómetr, og som indeholdt Helgenes Liv, bestemt til at forelæses paa disses forskjellige Festdage, men nu vilde han ogsaa have en Bog, hvoraf han kunde lade forelæse paa Søndagene og de andre Festdage, der vare helligede Herren selv, og i den Anledning lod han da nærværende Bog istandbringe. Efter hans egen Befaling skulde Begyndelsen ske med Bibelens første Bog (Genesis), og hertil skulde føies Tillæg af andre Bøger, saasom af

*Scholastica Historia og Speculum Historiale.*<sup>1</sup> Tiden for Bogens Tilbliven er altsaa Begyndelsen af det 14de Aarhundrede, da Kong Haakon den femte Magnussön regjerede fra 1299 til 1319.

Dog har Oversætteren eller Samleren ikke naaet at arbeide længer efter den af Kongen lagte Plan end til Enden af anden Mosebogs 18de Capitel; i al Fald er ikke mere af hans Arbeide nu tilbage. Afskriverne af Haandskrifterne synes dog at have nærret Haab om muligens at erholde Fortsættelse af Mosebøgerne, og rimeligvis derfor levnet et ubeskrevet Rum paa det Læg, hoor de have sluttet med 18de Capitel af Exodus, for at kunne være i Stand til at lade Fortsættelsen umiddelbart følge. De have imidlertid paa et nyt Blad begyndt med Josvas Bog efter en ældre Bibelbearbejdelse, og efter denne fortsat indtil Slutningen af 2den Kongernes Bog eller Jødernes Bortførelse til Babylon. I det Haandskrift som her i Ud-gaven er kaldet A, er senere bleven indskudt 8 Blade, rimeligvis skrevne en halvhundrede Aar sildigere end det øvrige af Bogen, og indeholdende netop det der för har manglet, nemlig fra 2den Mosebogs 19de Capitel indtil Slutningen af Mosebøgerne. Dette er dog ikke behandlet paa samme Maade som det foregaaende, men maa grunde sig paa en ældre nöagtigere Oversættelse af Bibelen fra det 13de Aarhundrede, og höist sandsynlig har man her Levninger af en fuldstændig Bibeloversættelse. Oversætteren har rigtignok sprunget over hele Vers ja endog Capitler, der indeholde Gjentagelser af hvad allerede tilforn er fortalt (hvilket ogsaa er Tilfældet i den angelsaksiske Oversættelse af Pentateuchen), men i det han har beholdt, lægger han an paa at levere Bibelens egne Ord uden Tilsætninger. Josvas Bog indtil Slutningen af Værket grunder sig paa en ældre sagamæssig friere Behandling af den hellige Skrifts historiske Böger, sandsynligvis fra første Halvdel af det 13de Aarhundrede, med adskillige Tillæg hentede andensteds fra, indeholdende navnlig allegoriske Forklaringer, hvorved de vigtigste Personer i det gamle Testamente typisk skulle betegne Kristus og Kristendommen.

Stjörn, saaledes som denne Bog nu foreligger os, bestaar altsaa af 3 forskjellige Dele:

1) Side 1—299, den af Kong Haakon Magnussön i Begyndelsen af det 14de Aarhundrede foranstaltede Compilation, indbefattende Genesis og de 18 første Böger af Exodus, med Tillæg af *Scholastica Historia og Speculum Historiale*, den yngste Del af Værket.

<sup>1</sup>) Samleren har ogsaa benyttet Augustinus, Gregorius Magnus og Isidorus Hispalensis.



*I denne første Part af Bogen har Stil, Foredrag og Sprogtone ganske det 14de Aarhundredes<sup>1</sup> Præg, og adskiller sig betydeligt fra det foregaaende (13de) Aarhundredes. Imellemstunder sporer man dog Benyttelsen af ældre indenlandske Kilder, saaledes i Homilien første Søndag i Langfasten (S. 141—158), hvor Sproget flere Steder henpeger paa et ældre Stadium.*

*2) Side 300—349, Exodus fra Capitel 19 indtil Slutningen af Deuteronomium eller det øvrige af Mosebøgerne, Levning af en ældre Oversættelse af Bibelen uden Tilsætninger fra Midten af det 13de Aarhundrede. Herhen hører ogsaa et Membranblad<sup>2</sup> (II Mosebog*

<sup>1)</sup> Dette vil enhver, der er nogenlunde fortrolig med vort gamle Sprog og Litteratur, erkjende ved at slaa efter og læse et længere Stykke næsten hvor-somhelst. I det enkelte kan man mærke som Særkjende for denne Tid, at Relativet som oftest udtrykkes ved hverr er, en Sammenstilling af det spørgende Pronomen hverr med den relative Partikel er, herpaa finder man overalt Exempler; Brugen af lättliga (f. Ex. 112<sup>30</sup>, 281<sup>36</sup>, 297<sup>28</sup>) i samme Betydning som det ældre tyske lichteiche, vil lihte : det kan let være, sandsynligen; hertil slutte sig ogsaa enkelte Ord, der ikke komme tihsyne i det ældre og bedre Sprog, f. Ex. slekt : Stand, Rang, mekt, Magt, Pragt, skalkheidr, Spot, hvilke synes at skyldes tysk Indvirkning, det samme gjælder ogsaa om Verberne paa era: spazera, formera, divisera o. lign.

<sup>2)</sup> Dette Membranblad, hvis Meddelelse skyldes Hr. Bibliothekar G. E. Klemming i Stockholm, aftrykkes her fuldstændig:

..... Moyses til Egipta. j þeire saur var kona hans med honum og synyr þeira. Gud vitradist þeim j einu herbergi og avijtadi Moyses vmm þat ad hann hafði ei skirt umskurnar skirn Gesram son sinn og bætti honum því ad hann skilldi hann af lifji taka. Sidan tok Sephora huassan stein og sneid vmm sueinenn. Epter þat vitradist gud Aron a Egiptalanndi ok mælti. ad hann skilldi fara til funndar vid Moysen brodur sinn. Aron giordi sem gud baud. og uard med þeim mikill sagnafunndr. Moyses sagði aull ord drottins þau er hann hafde talad vid bann og iærteikner þær er hann hafði giort.

Moyses og Aron foru a sunnd Farao konungs sem gud baud þeim. og er þeir komu a konungs fund þa mæltu þeir. þessa hluti mælti gud drottinn Jsraels. Lofa þu lyd minum at hann fari og færi mier forner a eydimork. Pharao mælti. Eigi veit eg hvar drottinn ydar er. og eigi heyre eg raudd hans ad eg lofi lydnum ad færa gudi sinum forner. og ecki ætla eg ydr ad þui verda ad eg lofa ydr wt ad fara. Moyses mælti. Gud ebreskra manna kalladi a oss ad vier ferum þriggia daga leid a eydimorku og særðum forn gudi vorum ad eigi berist oss bradr bani edr ofridd ad hendi. Pharao mælti. Fyrer hui sorgmæði þier lyd fra verkum sinum. fare þier til verks ydvars. Pharao kallar til sin greifa og verkstjora sina og mælti vid þa. þat meigi þier sia ad mikill mannfildi er ordinn Gydinga lydr a launndi hier og mun þui meir folkid folgazt er þeir hafa betra vid sig. Nu skulu þier eigi giefu þeim sader vid er þeir knoda leirit og skulu þeir iafomargar leirhellur giora sem adr. fari þeir og safni sier sáðum og leiti sier spreka þuiat þeir beidaz fyrir þui farar ad þeir vinna of ljítid. Nu skal þeim

4, 24—7, 15) i det kongelige Bibliothek i Stockholm, Fragment af en Codex in quarto, med 32. helt over Siden skrevne Linier. Haandskriftet er med islandsk Orthographi og Haand fra Slutningen af det 15de eller Begyndelsen af det 16de Aarhundrede, og Afskriveren synes at have forkortet noget sin ældre Original.

Þraungua meir j verkum ad þeir kenni sig gíðr. Greifarner foru þa til fundar vid Gydinga og sogdu þeim. Nu vill konungr ad ydr sie eigi sader giefnar og vill hann ad þier giorid íafnmargar hellur sem adur. Nu fari þier og leitid ydr sada og minkid eigi ydar verk. Nu dreifdiz lydrinn vm allt Egiptaland ad leita sadanna. Konungs greifar bórdu lydrinn ef þeir vnnu minna enn akuedid uar. Enn Gydingar foru til fundar vid Farao og mæltu. Fyrir þui giorer þu suo vid oss þræla þina ad þu lætur eigi giefra oss sader og skulu uier þo (giora) íafnmargar leirhellur sem adur. Nu erum vier barder med suipum og giorer þu rangt lyd þinum. Konungr suarar. Þier tæmist fra verkum ydrum og gaid eigi ad vinna og beidist þier fyrir þui ad færa forner ydrar gudi ydrum. Nu fare þier til verks ydar og skal ydur eigi sader giefra og skulu þier þo fylla tolu ydars verks. Nu sau Gydingar ad þeir hofdu ecki ad sáuk vmm sitt og gengu þa burt. Og er þeir voru heim a leid og ut komner vr kongshaullunni. þa komu þeir Moyses og Aaron a moti þeim. þa mæltu Gydingar vid þa brædr. Gud siai og dæme a medal vor og ydar þuiat þid hafid rægt oss wid konunginn og er sem þid hafid giefid konunginum suerd til at drepa oss. Moyses bad gud fyrir lydnum og mælti. Heyr þu drottinn. þui liest þu kvæliastlyd þennan edr þui sennder þu mig hingad. þuiat síðan er eg kom a fund konungs (og) rædda eg um þetta nafn vid hann. þa kuelur hann meir lydrinn enn adur. enn þu leyser þa ei. Drottinn mælti uid þa. Nu muntu sia huad eg mun giora uid Farao konung. þui umm styrkua honnd mun hann lydrinn lausen lata. i styrkre henndi mun hann burt reka lydrinn af iordunni. Eg er drottinn sa er vitrædist Abraham Ysaac og Jacob almattigr gud og nafn mitt Adonay hefer eg enn ei sagt þeim. sáttmal mitt. og eg het ad giefra þeim iord þa er Kananeis iord heitir vtleidingar (iord) þeira a þeire íaurd voru þeir uleender. Nu hefr eg heyrð syting sona Ísraels ad þeir syta af þui ad egiptskir menn þraungua þeim og minnist eg mins sáttmala. fyrir þui skaltu fara a fund Gydinga lydz og seigia þeim suo. Eg emm drottinn sa er ydr mun burt leida vr fiotri Egiptalandz og leysa ydur burt fra þrældomi og mun eg leysa ydr med háfum armlegg og myklum dæmum og vpp mun eg ydur nema j lyd. og mun eg vera ydr gud. sa er ydar mun burt leida fra þrældome egiptakra manna og mun eg leida ydr a iord þa er eg hefer hönd mina yfer og giefra hana Abraham Ysaac og Jacob. og mun eg þa iord giefra ydur til eignar. Eg emm drottinn ydar. Nu epter þessa vitran drottins wors sem gud hafdi þeim sagt brædrum foru þeir til Gydinga og saugdu þeim. Gydingar trudu ei ordum þeira fyrir vesalldar sakir þeirar er þeir hofdu. Gud mælti þa vid Moysen. Eg emm drottinn. mæltu wid Pharao konung Egiptalandz alla hluti þa er eg mæli vid þig. Moyses mælti. Omalsniallr madr er eg og mun hann ad aunguo hafa þat er eg mæli. Eg hefer sett þig drottinn Pharao enn Aron broder þinn skal vera spamadr þeira. Nu mæl þu þa hluti er eg mæli vid þig. en Aron mæli vid Pharao konung ad hann leyfi lyduum ad fara a burt af Egiptalandi. enn hardna mun hiarta hans vid þat og mun hann ei leyfa lyduum burtfor. Eg mun margfallda

3) Sid. 349—654, *Josvas Bog* indtil Slutningen af Kongernes Bøger, friere Bearbejdelse af Bibelens historiske Bøger fra første Halvdel af det 13de Aarhundrede, med adskillige Tilsætninger.

För vi nærmere omtale nærværende Udgave af Stjórn og de til Grund for samme liggende Haandskrifter, skulle vi med nogle Ord berøre de to Værker, der have ydet de væsentligste Bidrag til den første Part af denne Bog: *Historia Scholastica* og *Speculum Historiale*.

Forfatteren til den første af disse, *Historia Scholastica*, var *Petrus Comestor* (*Pierre-le-Mangeur*), der efter at have været Præst og Dechant i Troyes og senere Kantsler ved Universitetet i Paris, døde 1178 (ell. 1198) som Klosterbroder i St. Victor i Paris, testamenterende sin Formue til de Fattige. I dette Kloster ligger han begravet, og der skal endnu findes følgende Gravskrift, som han havde forfattet over sig selv:

*Petrus eram, quem petra tegit, dictusque Comestor;  
Nunc comedor; vicus docui, nec cesso docere  
Mortuus; ut dicat qui me videt incineratum:  
Quod sumus iste fuit, erimus quandoque quod hic est.*<sup>1</sup>

taku og iarteigner minar a Egiptalandi og sennda mun eg honnd mina yfer Egiptaland. og bratti mun eg leysa lyd minn af Egiptalannd ad egiptskir menn uiti ad eg er drottinn sa er hond mina riette yfer Egiptalannd og leida eg i burt sonu Jsraels. Moyses og Aron giordu suo sem gud baud honum. Moyses var þa er þessar hluter barust ad attrædr ad alldre enn Aron þrim vetrum elldre. Aron var og kuongadr og atti þa konu er Elisabet het enn hun var dotter Aminadabs. þeira syner voru þeir Vada og Abiluth Elichar og Jdamar. Gud mælti vid Moysen. Fari þid nu til fundar vid Pharao og kaste Aron vendi yckrum fyrer konung og mun uðndrenn anuast j hðgorms lijkneski.

Moyses og Aron foru til funndar vid konung suo sem gud baud. og er þeir komu fyrer konung. tok Aron uond upp og kastadi nidr fyrir fætr konungi og hirdmðnnum hans og vard vðndrenn þegar ad orme. Enn er Pharao konungr sa þetta undr er ordit var. þa senndi hann epter spekingum sinum og gallDRAMONNUM. og er þeir komu a konnungs funnd og þeir sau huar hoggormar Moysis brðcktust. þa kuodu þeir galldra yfer uondum sinum og kaustudu þeim nidr a golf fyrer konung. og syndist konungi og hans monnum sem þeir vennder yrdi ad hðggormum. og er menn liðu a þetta undur. syndist monnum sem hðggormr Aron gleypti alla vöndu þeira gallDRAMANNA. Enn þo ad Pharao sæi þessar iarteikner. þa var suo hardnat hiarta hans ad hann skipadist ecki vid slíkt. Nv tok Aron uond sinn og var þa hans uonndr sem fyr. Epter þessa atburdi og iarteikner mælti drottinn vid Moysen. Þungt er hiarta Pharao konungs og vill hann ei lofa lydnnm burtfor. Nu far þu a morgin a konungs funnd. og þa er hann fer vt vr hollunne til vatn. þa skaltu fara og standa a árbackanum fyrir konunginum og hafa vonnd þinn j henndi þer er nu snerist j orminn. þa skaltu . . .

<sup>1</sup>) Jeg, hvem Stenen dækker, var Petrus, med Tilnavn Comestor (Æderen);

*Hans Værk er et Uddrag af den hellige Skrifts historiske Bøger, begyndende med Genesis og sluttende med Apostlernes Gjerninger. Dog har Forfatteren ikke holdt sig til Bibelen alene, skjönt denne efter Vulgatas Text som oftest gjengives fuldstændig, men han anfører ogsaa sædvanlig samtidige Theologers og Philosophers Meninger om religiøse Materier, meddeler egne vilkaarlige Fortolkninger af Skriftens Ord, indlader sig paa forkerte Udledninger af Egennavne og lader oftere indflyde temmelig urimelige Fabler, citerer hedenske Philosopher som Plato og Aristoteles, ja endog Digtere som Ovid. Fortløbende anfører han samtidige Begivenheder af den verdslige Historie. Værket blev modtaget med stort Bifald, og ansaaes i flere Aarhundreder som et udmærket Repertorium for den positive Theologi, og er flere Gange bleven trykt, sidst i Migne's Patrologia Tom. 198.*

*Sit Arbeide tilegnede han Vilhelm, kaldet ad Albas Manus 3: med de hvide Hænder, Erkebiskop af Sens, som beklædte denne Stilling fra 1169 til 1175. Værkets Tilbliven falder altsaa mellem disse Aar. Som Prøve paa Sproget og Stilen, og til Sammenligning med den norske Bearbejdelse, anføres her Indledningen, som svarer til det første Afsnit af Prologen i Stjórn (1-2).*

Imperatorie majestatis est, in palatio tres habere mansiones: auditorium vel consistorium, in quo jura decernit; cœnaculum, in quo cibaria distribuit; thalamum, in quo quiescit. Ad hunc modum Imperator noster, qui imperat ventis et mari, mundum hunc habet pro auditorio: ubi ad nutum ejus omnia disponuntur. Unde illud Jeremiæ: *Cælum et terram ego impleo*. Secundum hoc dicitur dominus: Unde: *domini est terra et plenitudo ejus*. Animam justi habet pro thalamo, quia *deliciæ sunt ei ibi quiescere, et esse cum filiis hominum*. Secundum hoc dicitur sponsus, et anima cujusque sponsa. Sacram Scripturam habet pro cœnaculo, in qua sic suos inebriat, ut sobrios reddat. Unde: *Ambulavimus in domo Dei oim consensu*, id est in Sacra Scriptura id ipsum sapientes. Secundum hanc dicitur pater familias. Cœnaculi hujus tres sunt partes, fundamentum, paries, tectum. Historia fundamentum est, cujus tres sunt species: annalis, calendaria, ephimera. Allegoria paries superinnitens, quæ per factum aliud factum figurat. Tropologia, dogma culmini superpositum, quæ per id quod factum est quid a nobis sit faciendum insinuat.<sup>1</sup>

*nu ædes jeg; i levende Live underviste jeg, og ikke ophører jeg dermed ved min Død; saa at den der seer mit Støvdække, kan sige: Hvad vi ere, det var han, og engang skulle vi vorde hvad han er.*

<sup>1</sup>) *Man vil see, ved her at sammenligne Latinen med vor Text, at denne har smulmet betydeligt ud under Oversætterens Haand, er bleven ordrigere og omstændeligere. Man jævnføre f. Ex. den sidste Passus: Tropologia dogma o. s. v. med den norske: En sú þýðingin er þekjan o. s. v., hvilken oversat paa vort nuværende Skriftsprog omtrent maatte lyde saaledes: „Men Taget er den Udtolkning, som forklarer os den Opfatning af de i Historien in-*



Forfatteren til det andet Værk, *Speculum Historiale*, er *Vincen-tius*, efter sit Fødested *Beauvais*, kaldet *Bellovacensis*; han var *Dominicaner* (*Predikebroder*), skal have været meget yndet af *Ludvig den Hellige*, var hans *Forélæser* og havde *Tilsyn* med hans *Børns Underoising*, og døde 1264. Under *Kongens Beskyttelse*, som rigelig udstyrede ham med *Bøger*, forfattede han sit store Værk: *Speculum Majus*. Dette er et stort *Repertorium* indeholdende *Uddrag* af *geistlige* og *verdslige* *Forfattere*. Det udgjør 3 *Dele*: *Speculum Naturale*, *Speculum Doctrinale* og *Speculum Historiale*. Dette sidste er en vidtløftig *Verdenshistorie*, der gaar fra *Verdens Skabelse* til *Aaret 1253*. Den sidste *Udgave* blev trykt i *Douay 1624* in folio under *Titelen*: *Bibliotheca Mundi*. Som *Prøve* og til *Sammenligning* anføres hved der i *Speculum Historiale* svarer til *Begyndelsen* af *Capitel 73* i *Stjorn* (*1ste Bogs 125de Capitel* i *Latinén*):

Exiant autem testamenta duodecim Patriarcharum, in quibus sunt apertissimæ atque pulcherrimæ de Christo prophetiæ; quas nuper transtulit magister Robertus grossum caput, Linconiensis episcopus, de græco in latinum; ideoque hic eas inserere placuit.

*Testamentum Ruben*. Quis noscet legem domini et dividet in iudicium et sacrificia pro omni Israel, usque ad consummationem temporum principis sacerdotum Christi, quem dominus dixit. Et post pauca. Quoniam in eo elegit dominus regnare super omnes populos et adorare semen ipsius, quoniam pro nobis morietur in bellis visibilibus et invisibilibus, et erit in nobis rex sæculorum. Et mortuus est Ruben.

*Testamentum Simeon*. Dominus deus magnus apparebit in terra ut homo, et salvabitur in ipso Adam; tunc dabuntur omnes spiritus erroris in conculcationem, et homines regnabunt super pernitiosos spiritus; tunc resurgam in lætitia et benedicam altissimum in mirabilibus suis, quoniam deus, corpus assumens et comedens cum hominibus, salvabit homines: et nunc filioli obedite Levi, et in Judæa lætabimini, et non efferamini super duas tribus has, quoniam ex ipsis oriatur vobis salutare dei: suscitabit enim deus ex Levi ut principem sacerdotum et ex Juda ut regem, deum et hominem, iste salvabit omnes gentes et genus Israel. Et dormivit Simeon cum patribus suis.

De til nærværende *Udgave* af *Stjorn* benyttede *Haandskrifter* findes i den *Arna-Magnæanske Haandskriftsamling* paa *Universitetsbibliotheket* i *Kjöbenhavn*. De ere paa *Pergament* og synes alle at være skrevne paa *Island*. De ere følgende<sup>1</sup>:

deholdte *Begivenheder* og *Handlinger*, hvilken er os til *Belærelse*, med *Hensyn* til hvad der anstaar os at *udøve* eller *efterfølge* af deres *Handlinger* og *Exemplar*, om hvem *Talen* just har været.“ Det andet *Afsnit* af *Fortalen* tilhører naturligvis *Stjorns Samler*.

<sup>1</sup>) En nøiagtigere *Beskrivelse* af disse *Haandskrifter* findes hos *Gislason*: *Um frumparta íslenskrar tungu í fornöld IX—XVI*.

§. 1) No. 226 fol., her i Udgaven kaldet A. Bogen er skreven i to Spalter rimeligvis ved Midten af det 14de Aarhundrede, er paa 2 Blade nær fuldstændig, og indeholder foruden Stjorn, der ender øverst paa Spalte 445: *Rómverja sögur*,<sup>1</sup> *Alexanders saga*<sup>2</sup> og *Gyð- inga saga*. Ved Slutningen af Bogen angives de to sidste at være oversatte fra Latinen af Brand Jonssön Præst, siden Biskop paa Holum, efter Befaling af Kong Magnus Haakonssön (1263—1280). Fra denne Notiis hidrører sandsynligvis den urigtige Mening, at Biskop Brand skulde have oversat Stjorn, hvilket er en Umulighed,<sup>3</sup> da Biskop Brand Jonssön døde 1264, og Stjorn er bleven til halv-hundrede Aar efter hans Død.

Bogen bærer stærke Spor af at være Afskrift af en i Norge skreven Original; vel lægger Afskriveren an paa at islandisere Orthographien, men der undslipper ham dog idelig norske Egenheder. Hertil maa man regne det hyppig forekommende ø: bœkr, dœma, (d. e. bækr, dæma) for det islandske bækr, dæma; Forkortningstegnet <sup>o</sup>, der sædvanlig betegner er, brugt som r finale, for hvilket Islænderne senere i Almindelighed benyttede den samme Forkortning, hvormed de betegnede ur: okk<sup>o</sup>, fræg<sup>o</sup>, geng<sup>o</sup>, tek<sup>o</sup>, ebresk<sup>o</sup> o. lign. = okkr, frægr, gengr, tekr, ebreskr. Bogen synes overalt at være skreven med een Haand, naar man undtager de 8 senere indskudte Blade.

I Codex Arn. Magn. 225 fol. har man en Afskrift af A, der vel ikke kan være stort mere end 30 eller 40 Aar yngre end sin Original. Det er at mærke, at denne Afskrift er tagen før end de 8 Blade, der indeholde den anden Bestanddel af Stjorn; er blevene indskudte i A (se ovenfor IV), og Afskriveren har begyndt Josvas Historie umiddelbart efter Cap. 94 i nærværende Udgave, som det synes uden at bemærke, at her manglede noget. Dette Haandskrift er bleven jævnført nogle Steder, navnlig ere Varianter tagne deraf, hvor de 2 Blade nu mangle i A. Disse Lacuner i A ere ved en Feiltagelse ikke angivne, og Varianterne ere fortløbende betegnede ogsaa her som tilhørende Haandskriftet A, uagtet de ere tagne af 225. Den

<sup>1</sup>) Udg. af Gislason i: *Prøver af oldnordisk Sprog og Litteratur*. Kjöbenhavn. 1860.

<sup>2</sup>) Udg. Christiania 1848.

<sup>3</sup>) Dette antages som et Factum af Finn Jonssön i hans *Histor. Ecclesiast. Islandiæ*, I. 370—371. Han har dog sandsynligvis aldrig beskæftiget sig nærmere med Bogen, men i en Fart antaget, at den sidste Bemærkning vedkom den hele Skindbogs Indhold. Dette maa man nemlig slutte af hans Yttring l. c. 371 sidst i Noten: *Id pro certo habemus, hanc Bibliorum versionem seu Paraphrasin Norvegicam, aut si mavis Islandicam, quam ipse author rogatu Magni Norvegiæ regis se adornasse fatetur, omnium quæ exstant septentrionalium longe antiquissimam esse.*

förste Lacune i A indfalder Udg. S. 571<sup>17</sup> i Ordet pionoslvmanna og ophører S. 578<sup>7</sup> med Sichem; den anden indfalder S. 584<sup>22</sup> efter i milli meðan og ophører S. 591<sup>14</sup> med aar voru liðin.

I Universitetsbibliotheket i Christiania haves en Papircodex (No. 1 fol.) af Stjorn, skreven i Sauðlauksdal ved Patreksfjorden paa Island 1764 efter en Afskrift af A. Denne Afskrift mangler Prologen.

2) 227 fol., her i Udgaven kaldet B, skreven i to Spalter ved Midten af det 14de Aarhundrede. I Bogen mangler 19 Blade. Den er skreven af to forskellige Hænder. Anden Haanden begynder Spalte 251 (Udg. S. 243<sup>11</sup>) i Ordet maalsendum (hvor maals er skrevet af første Haand, endum af anden), og ophører Spalte 396 (Udg. S. 433<sup>2</sup>), hvor første Haand atter begynder med Ordene at ek man. De to Hænder ere lidt afvigende i Orthographien. Prøver af første Haand har man S. 515<sup>10</sup>—517<sup>30</sup>, 540<sup>29</sup>—543<sup>24</sup>, 549<sup>11</sup>—551<sup>29</sup>; Prøver af den anden Haand Cap. 146, 147 og 148 indtil mod Slutningen af det sidste Capitel, hvor C begynder med Ordet Jordan S. 352<sup>24</sup>. Dette Haandskrift er defekt i Enden.

3) 228 fol., her i Udgaven kaldet C. Bogen er tospaltet og uden Tiol skreven ved Begyndelsen af det 14de Aarhundrede. Dette Haandskrift er defekt i Begyndelsen (Udg. S. 352<sup>24</sup>) og i Enden (Udg. S. 650<sup>7</sup>), og forresten mangler der 3 Blade inde i Texten. Som orthographiske Egenheder kan mærkes: den hyppige Brug af ie = é, overensstemmende med den islandske Udtale; ø og æ = o, og omvendt hyppig e = æ, baade hvor det sidste er Omlyd af å, og hvor det staar for æ Omlyd af ó. Dog forekommer ogsaa oftere æ- Lyden udtrykt ved a og q. To Steder forekommer det sammenslyngede Tegn w = av for ø, nemlig fœtr 422<sup>22</sup> = fœtr, og berfœllr = berfœllr 527<sup>28</sup>; da denne Egenhed kun findes disse to Gange, er den ikke bleven bibeholdt i Udgaven. Flere Gange findes gvtl (Neutrum af göðr) for gott. Endelig skrives enkelte Gange y for v = u. Dette maa rimeligvis grunde sig paa en Misforstaaelse hos Afskriveren af hans ældre Original, hvor rimeligvis Bogstaverne y og v have lignet hinanden eller været skrevne ganske ens, som ofte er Tilfældet i de ældste Haandskrifter. Denne Særegenhed er ikke altid bemærket i Udgaven, og hvor de øvrige Haandskrifter her have u, er y uden videre rettet til v overensstemmende med den sædvanlige Brug i C. De Steder, hvor dette urigtige y findes i C, uden at det er bleven angiret i Udgaven, ere følgende: þyrftv 419<sup>9</sup>, lyti, lyt 427<sup>32.33</sup>, byri 428<sup>4</sup>, þyrfa 533<sup>26</sup>, þyrfið 540<sup>22</sup>, tryr 547<sup>36</sup>, lycir 647<sup>36</sup>.

4) 229 fol., indeholdende adskillige Membranfragmenter af Stjorn.

De synes at være Levninger af 4 Haandskrifter, de fleste Brudstykker have henhørt til en Codex skreven af samme Haand (eller Hænder) som B (227 fol.). Disse Brudstykker ere her i Udgaven nummererede efter den Orden, hvori de slutte sig til Texten, og betegnede som Fragm. eller Frag.

Hertil slutte sig ogsaa 2 Membranblade i det norske Rigsarkiv, hvilke, da de kun ere af ubetydeligt Omfang, her meddeles fuldstændig.

Af det ene, der er skrevet med samme Haand som Codex B og ligesom denne har været en tospaltet Foliant, er der kun levnet det øverste af første Spalte paa første Blads Bagside (paa Forsidens første Spalte har rimeligvis Prologen staaet), svarende til Begyndelsen af Indledningen Udg. S. 3. Overskriften er med rødt Blæk, den første Initial A er ikke bleven tilskreven, men et Rum svarende til ti Linier i Texten er ladet aabent for samme. Hvad her er sat mellem [ ] er bortklippet af Fragmentet.

Her hefr bibleam sua sem almattighr g[uð.] skapaðe  
himin [ok] iorð ok alla l[uthi]. capitulum.

Almattigr guð verande sat[l] lios huerr er lio[set] elskar. ok gerer [alla] luthi meðr lios[i by]riandē rettleggh[a ok] vel viðrkiēmi-l[iga] heimsins skap[an] ok smið af liosinu. A fyrsta deghi sua [sem] saght er at hann skapaðe himin ok iorð. þ[at] er efni ok sua sem frio til himins ok iarðar [ok] þar meðr allra likamligra lutha sua seg-ia[ndi.] Verði lios. ok þegar i stað varð liosit. ok þat [sa]ma lios meðr sinni birti ok vmferð giorði [þr]ia natturuligha dagha. þar til er sol ok ðnn[ur] himintungl voru skapað a hinum fiord[a de]ghi. Eigi skulum ver þann skilningh eðr hug[leið]ingh a hafa fyrr sogðum guðs orða gr. . . . .

Det andet Blad er ligeledes Levning af en tospaltet Foliant, skreven med en ret smuk Haand, og det tiloversblevne er Nederdelen af et Blad indeholdende Yderspalten. Dette Fragment er her i Udgaven S. 625—627 betegnet Fragm. XVII.

#### Forsiden.

. . . . Ec a erendi við þik höfðingi. Hiev suarar. her sitium ver margir samt. við huern altu erendi. Sueinninn svarar. við þik sialfan. Hiev stóð upp oc geck i annat herbergi með honum. Þa tok sendimaðr viðsmiorsker. er þeir kolluðu lentulam olei oc steypiti ifir hofut honum sua segiandi. Þessa hluti segir drottinn gud Jraels. Ec smyr



þik konung ifr lyd minn. at þu drepir niðr hirð oc hyski Achab oc hefuir sva minna spamanna. oc allra þionostlumanna er Jezabel hefir drepa latið. oc sva giorsamliga skaltu eyða allri ætt þeira oc afkuæmi at eigi einn hinn minzti sueinn skal estir lifa i Irael. en hræ hinnar illu Jezabél munu hundar rifa a akri Jezrael. oc engi mun grafa hana. Estir þetta lauk sendimadr upp hurdu oc flýði þar vt. En Hieu geck til sinna felaga. Hofdingjar mæltu. Huerr var þessi enn vitlausir snapr eða huat villdi hann þér. Hiev svaraði. kenna megir þer manninn. oc visir munu þér verða erenda hans. Þeir sögðu þat hegóma oc báðu hann . . . .

*Bagsiden.*

. . . . mælti hann. Konungr foruitnaz huart friðr er. Hiev suaraði. huat mun varða vm frið. far oc fyll flokk minn. Speculator sagði enn konungi at þessi maðr var kominn til flokksins oc huarf ecki aftr. en líkt þicki mer sagði hann at her fari Hieu son Josaphat. oc eigi syniz mer miok fridlíkt. Joram bað þa bua kerru oc beita hesta firir. Geck hann þa vt oc settiz i kerru. oc for sialfr imót Hieu. en Achazias i annarri kerru. Þeir fundu Hieu a akri Naboth er Jezabel drottning lét drepa saklausan sem fyrr er sagt. Joram mælti þa. Huart er friðr Hiev. Hann suaraði. huat friði. hordómar oc hófleysur oc ærslafull grimd Jezabel moðor þinnar hefir enn her til margan mann suikliga sigrat. Joram bra þa upp hendi sinni oc sneri a flóttu. hann kalladi a Achaziam oc mælti. Suik suik Achazia. Hiev þreif einn handboga oc laust æru milli herða Joram konungi i gegnum hiartat sua at vt geck vm briostið. hann steyptiz afraam i kerrun(n)i. Þa mælti Hieu við herloga . . . . .

---

*Det staar nu tilbage med nogle Ord at omtale de forskjellige Haandskrifters Forhold til nærværende Udgave og til hinanden indbyrdes.*

*Den første Del af Stjorn (S. 1—299), der skylder Kong Haakon Magnussøn sin Tilværelse, indeholdes kun i Haandskrifterne A og B. Her lagdes A til Grund for Teksten, fordi dette Haandskrift er fuldstændigt, dog optoges Tillæg og Rettelser efter B, hvor Sammenligning med de latinske Originaler eller Meningen viste, at A var mangelfuld.*

*Den anden Del (S. 300—349) toges naturligvis af A, som dens eneste forhaandenværende Kilde, efter de i dette Haandskrift indskudte 8 Blade. Disse Blade ere rimeligvis skrevne i Begyndelsen*

af det 15de Aarhundrede efter en ældre Original. Afskriveren har skilt sig mindre godt fra sit Arbejde og gjort sig skyldig i mange Feil, hvoraf dog de fleste med temmelig Sikkerhed hate ladet sig rette efter Vulgata.

Ved den tredie Del af Bogen (S. 349—356) er C, som det ældste Haandskrift, lagt til Grund, saaledes at den manglende Begyndelse og de faa Lacuner i Midten ere udfyldte efter B, og Slutningscapitlerne, som mangle i dem begge, ere tagne af A. Muligens er C Leønning af et Haandskrift, der i sin Helhed har indeholdt en ældre friere Bearbejdelse af det gamle Testamentes historiske Bøger (jfr. ovenfor S. IV).

I denne tredie Del af Stjorn er der en stor Overensstemmelse mellem C og B; A stemmer mange Steder nøie med C, men fjerner sig dog ofte fra samme.

A synes fra først af at have foresat sig at lægge Historia Scholastica til Grund for sin Bibeltext, hvilket ogsaa er udført for Jostas Bogs Vedkommende, hvorfor denne ogsaa i A er bleven saa afvigende fra de to andre, at det har været nødvendigt at afstrykke dens Text særskilt (349—364). Men fra Capitel 170 af maa man tro, at der til A har været benyttet en Original, som nøie har stemt med C (hvis det ikke har været denne selv), og at Bearbejderen hist og her, eftersom det har faldet ham ind, har omredigeret eller forkortet sin Original; thi ellers kan man neppe forklare sig den store Overensstemmelse mellem begge Haandskrifter paa mange Steder. Disse Forkortelser findes især i Dommernes Bog og i Samuels Bøger, sjældnere i Kongernes Bøger, og ophøre næsten ganske mod Slutningen af Bogen.

Da denne Særegenhed i A ofte ikke har ladet sig gjengive i Varianterne, kan det maaske interessere Læseren at se et Exempel herpaa til Sammenligning med den udførligere Text. Vi skulle anføre Begyndelsen af Capitel 184 (S. 391—392<sup>20</sup>) saaledes som den lyder i A<sup>1</sup>: Gedeon stefnir eptir guds hodi til sin öllu folki afheraði Abiezer ok af ríki Manase Zabulon Neptalim ok Asser. ok komu þeir til hans. Sidan tok Gedeon eitt ullarreyfi ok setti ut i laafagarð sinn ok bað til guds sva segiandi. Ef þu drottinn minn vill frelsa lyð þinn fyrir minar hendr. sem þu hefir heitit. þa gef þu dögg yfir þetta reyfi i naatt en aull iðrð see þurr. at vær truim fyrirheiti þínu. Sva varð sem hann bað at öll iðrð væ þurr en reyfit fullt af dögg. at hann

<sup>1)</sup> Da særskilt Afskrift her ikke er taget af A, har Udgiveren maattet benytte sig af Papir-Codex 1 fol. i Christiania Universitetsbibliothek.

vatt þar or fulla skaal vat. Ok enn mælti hann. Bið ek þik drottinn miun. at nu se reyfit þurt enn aull iðrð vat aa morgin af dög. Enn guð gerði sem hann bað. Um morgininn eptir reis Gedeon upp snemna o. s. v. *Slutningen stemmende med C.*

*Stundom har A ogsaa Tillæg, som fattes baade i de andre to Haandskrifter og i de latinske Originaler. Saaledes lader den Samson, før denne river Stolperne om for at begrave Philisterne tilligemed sig selv under den nedstyrtende Bygning, bede Drengen, som veiledede ham i hans Blindhed, skynde sig ud, for at frelse ham fra Døden (S. 419 Not. 3).*

*Med Hensyn til Gjengivelsen af Haandskrifternes Text, er Udgaven ikke saa nøiagtig, at den altid angiver Mangelen af et enkelt Ord, som er, var ell. lign. i det til Grund lagte Haandskrift, naar Ordet findes i det eller de Haandskrifter, som man har havt til Jævnførelse. Det samme gjælder ogsaa hvor et enkelt Bogstav mangler, naar dette findes i de andre, f. Ex. veða for verða, se for sem og lign. Paa de Steder derimod, hvor man kun har det ene Haandskrift foreliggende, ere slige Mangler antydede i Udgaven ved at sætte det manglende Ord eller Bogstav i Parenthes. Dette gjælder navnlig ogsaa de Steder i C, hvor B svigter, og hvor A har forkortet Fortællingen, saa at den ikke har kunnet tjene til Jævnførelse.*

---

*Dette var hvad der forekom mig nødvendigst at forudskikke til Læserens Underretning vedkommende denne Udgave af Stjorn. Ved Slutningen af disse Forord maa jeg atter, som ved foregaaende lignende Leiligheder, med Taknæmmelighed nævne Professor P. G. Thorsen, ikke alene for den Velvillie, hvormed han i sin Tid lettede mig Adgangen til de her benyttede Haandskrifter, men ogsaa for den Redebonhed, hvormed han senere hen under Trykningen hævdede adskillige paa enkelte Steder opstaaede Tvivl om mine Afskrifters Rigtighed, ved at eftersee Originalerne, i hvilken Henseende jeg ogsaa maa bevidne Hr. Guðbrandr Vigfússon min Erkjendtlighed for velvillig Bistand. Maatte nu Udgaven af Bogen nogenlunde tilfredsstille disse og andre grundige Kjendere af vort gamle Sprog, vilde Udgiveren ansee sin Tid og Møie vel anvendt.*

*Christiania i Oktober 1862.*

**C. B. Unger.**



# STJORN.

Her hefr vpp prologum eptir fyrirsogn virðuligs herra  
Haconar konungs.

Sa er haattr ok uani keisaralighs ualldz ok konungs gards slekt. at hafua þrenn einkannligh ok heimðligh herbergi. Hit fyrsta hans<sup>1</sup> herbergi er þat i hueriu er hann sitr upp aa raad edr stefnur ok demir logh ok rettindi manna i millum. Annat er þat sem hann etr i ok ueitir sinum monnum ueizlur. Hit þridia hans herbergi er þat sem hann hefir ser til heimoligra naada ok hann sefr i. Vpp aa þenna haatt hefir uaarr konungr. sa sem stiornar medr sialfs sins<sup>2</sup> ualldi vindum ok veralldar sio. þenna heim fyrir þat herbergi i hueriu er hann hefir sin rad ok rædur ok skipar maalum manna. huar er allir lutir skipaz eptir hans ualldi ok uilia. Af þessu kallaz hann sem hann er uaarr herra. huadan af er David segir i psalminum. Vaars herra er iordin ok oll hennar fylling. Avnd ok hiarta huers sem eins rettlaatz manz hefuir hann ser sua sem til naadahus ok heimolligrar huilldar. þuiat mikill lystughleiki er honum at uera setliga medr sonum mannanna. sua sem skrifat er. af huerre samueru ok setre huilld er hann kallaz brudgumi. Heilaga skript ok rauksamliga ritning hefir hann ser til þeirrar hallar ok heimoligs herbergis sem hann ueitir i. i huerre er hann giorir sina menn þaleidis auloda. at þar af skapaz þeir hofsamir. Huar af er sua segiz i psalterinu. Medr samþycki gengum<sup>3</sup> ver i guds husi. þat er sua at undirstanda. at i heilagri ritningu skildum ver allir hinn sama lut medr einu samþycki. af huerre grein er hann kallazt husbondi. þetta sama herbergi heilogh guds ritning hefir þrennar greinir eda haalfur. þat er grunduoll uegg ok þekiu. Sagan sialf er grunduollr þessa heimoliga guds huss ok herberghis. Su skyring af heilagri skript sem segir huat er huert verkit i saughunni hefir at merkia er hinn herri uegggrinn. En su þydingin<sup>4</sup> er

1) konungs, B    2) hans, B    3) gongum, B    4) þydingh, B

þekian sem oss skýrir þann skilning af þeim gerdum ok uerkum er sagan hefir i ser. sem oss er til kennidoms. huat er oss hefir af þeirra framferdum ok eptirdæmum at gera edr fram fara. sem þa hefir fra uerit sagt.

Nu sua sem<sup>1</sup> virduligr herra Hacon Noregs konungr hinn coronadi son Magnusar konungs leet snara þa bok upp i norengu sem heitir heilagra manna blomstr. þeim skynsimum monnum til skemtunar sem eigi skilia edr vndirstanda latinu. huer er gengr ok segir af serhuerium heilogum monnum aa þeirra haatidum ok messudogum. vpp aa þann haatt uildi hann ok at þeim godum monnum metti yfir sealfs hans bordi af þessarri guds havll ok herbergi. þat er af heilagri skript. medr nockurre skemtunar uissu kunnigt verda. sua þo at hinum uisorum metti eigi mikil þuingan i uera. af huerium stormerkium eda huerium tilfellum sunnudagar ok adrir þeir timar eru haldnir sem eigi er<sup>2</sup> odrum heilogum monnum einkannliga sungit enn sialfum gudi. Vil hann sua i sialfs sins herbergi þij. sem hann ueitir i sinum beztum monnum. 2. liosliga lesaz lata fyrir ollum/godum monnum af þij guds husi. þat er af heilagri ritningu. medr hueriu er sialfr hann seðr setliga alla sina menn. En sa sem norænaði. kennandi sinn faatekdom ok uanfære. tok þetta uerk meir upp aa sik af bodskap ok forsaugn fyrri<sup>3</sup> sagds virduligs herra. en þat at hann uissi sik eigi þar til miok ulikan ok uanfæran. huar fyrir er hann bidr. at allir godir menn se honum uaarkunnigir um alla þa luti sem hann hefir i þessarre gerd uuidrkiemiliga<sup>4</sup> sagt eda fram farit. Byriar<sup>5</sup> þessor giord ok hefz af sogdum guds hallar grunduelli. þat er af [sialfre sogunni en eigi af hennar skyring eda skilningi. ok en helldr af upphafui þess sama grunduallar. þat er af<sup>6</sup> ritningarinnar upphafui ok aunduerdri genesi. eptir þij sem timanum til heyrir. nockurum lutum þar medr af odrum bokum. sua sem af scolastica historia ok af speculum hystoriale. eptir sialfs hans forsaugn saman lesnum ok til logdum.

<sup>1</sup>) vaarr tilf. B   <sup>2</sup>) eru, B   <sup>3</sup>) fyrr, B   <sup>4</sup>) uuiðrkuæmiligha, B   <sup>5</sup>) byriaz, B  
<sup>6</sup>) [mgl. B

Her byriaz vpp su bok er Biblea er kallat. Capitulum<sup>1</sup>

1. Almattigr gud verandi satt lios. huerr er liosit elskar ok gerir alla hluti medr liosi byriandi rettliga ok uel vidrkiemiliga heimsins skapan ok smið af liosinu a fyrsta degi. sua sem sagt er at hann skapadi himin ok iord. þat er efni ok sua sem freo til himins ok iardar ok þar medr allra likamliga luta. sua segiandi. Verði lios. ok þegar i stað varð liosit. Ok þat sama lios medr sinni birti ok vmferð gordi .iii. natturliga<sup>2</sup> daga. þar til er sol ok onnur himintungl voru sköput á hinum fiorda degi. Eigi skulum ver þann skilningh edr hugleiðing á hafa fyrr sogdum guds ordagreinum ok atkuðum. eda ðdrum þeim einkannliga sem ritningin téér ok greinir i fyrstum sealfs hans .vi. daga verkum. at þau hafi likamligh sua sem stundligt ok timalight tal ok ordatiltæki uerit. eptir þui sem hinn heilagi Augustinus byskup segir i þeirri fyrstu bok sem hann hefuir moti þeim uillummonnum gört sem Manichei voru kallaðir.<sup>3</sup> þuiat eigi kom sealf spekin almattigs guðs segir hann. þat er eingetinn guds sun Jesus Kristus. takandi til þess varn vstyrkleik vpp a sinn signaða guðdom. samnandi sonum Hierusalem. þat er rettlruaðum monnum kristnum ok val friðsorum undir sealfs sins valld ok verndar skaut upp á þann hátt sem hænan samnar sinum ungum undir sina vængi. at uer skyldim iafnan börn ok smasueinar i skynsemdinni ok uarum skilningi uera. utan helldr til þess at uer séin i illzku ok einni saman afgerdinni smabörnum likir. en i skynsemd ok i skilninginum lettim uer af þeim at likiaz. ok ef uer kunnumnockura þa gudliga luti at lesa. huart sem þat er helldr i þessarri edr annarri bok. sem uarum hugskotz augum uerdi miok myrkir.<sup>4</sup> af huerium er einir ok adrir ymisligir orskurdir megi val gðraz ok ut gefuaz at heilli ok halldinni uaarri kristiligri tru. þa kastim uer ok fellim uarn skilning til enskis af aullum þeim annars helldr enn annars medr oforsealigri sannan edr framleypiligu fylgi. til þess at uer fallim eigi ferliga uernandi þann orskurdinn medr oskynsemd. sem uær haufum adr yfrit skiotliga sinnt ok sannat. eigi sua sem orskurð gudliga ritninga utan helldr uárn orskurð sealfra.

<sup>1</sup>) Saal. B; Ovskr. mangl. A; her hefr bibleam sua sem almattighr g[uð] skapaðe himin [ok] iorð ok alla l[uthi] Ovskr. Fragm. i norske Rigsarkiv

<sup>2</sup>) natturligha, B <sup>3</sup>) yfir genesim. ok enn fleirum þeim lutum sem þar eru greinder tilf. B <sup>4</sup>) ok fiarlægir tilf. B

3.

ef sua kann til bera at þessi falleriz lettliga<sup>1</sup> fyrir þeim sem meðr meira sannleik hefir greindr uerit ok gefinn. ok vilium uær sua uikia ok uenda skriptarinnar ok sannleiksins orskurd eptir uaarum skilningi. þar sem uer skyldum helldr uaarum orskurd ok skilningi eptir ritningarinnar orskurð uilia uikia. Er þess ok uissulig uán at þeir menn sem fákunnigir ero til bókinnar faai eigi skilit mörg ord myrk ok diupsett sem Moyses hefir sett i sina bok genesim. ok enn fleiri adrar sinar bokr. þar<sup>2</sup> sem fyrr nefndr Augustinus segiz [marga uegha<sup>3</sup> orskurði af þeim ut hafa gefit i sinni bok sem synaz maa eigi diarfliga edr miok huatskeytiliga nockurn einn af þeim mörgum stöðum sannligstan domandi. at hann gori eigi annars manz skyringu edr orskurdi [nokkut preiudicium.<sup>4</sup> miok til þess at huerr sem einn taki þann hellz ok ueli sem hann uil ok honum uerdr uidrtækiligztr eptir sinum skilningi ok skynsemdar manéri. Enn þar sem madr kemr eigi sinum skilningi til. þa ueiti hann gudligri skript heidr ok sœmd enn otta sealfum ser.

Her til kemr þat er nefndr Augustinus byskup segir. at sua sem almattigr gud faðir allra luta skapari sagdi. Verdi lios. ok enn litlu sidarr. at sealfr hann kalladi liosit dag enn myrkr nattina. ok enn þar meðr fleiri sealfs hans ord<sup>5</sup> i heimsins skapan. þa taladi hann eigi upp aa ebresku girzku edr látinu edr nõckura adra likamliga edr ueralldliga tungu. helldr taladi hann þat allt meðr þi sama usundrskiptiliga ordi ok sameiginliga eylifu sealfum ser. sem hinn heilagi Jon postoli segir i sinu guðspialli. at i upphafi uar ord. ok at fyrir þat sama ord urðu allir lutir. Nu þar sem allir lutir uurðu fyrir þetta<sup>6</sup> guds ord. þa er audsynt at liosit vard ok fyrir þetta sama guds ord. þat er fyrir eingetinn guds sun. þetta sama ord uar ok upphaf i hueriu ok fyrir huat er gud skapadi allan heiminn. þat er himininn ok himinriki meðr öllu þi sem hann hefir innan sik. ok þar meðr allt iardriki. Ef hann hefði meðr þilikum ordum talat sem uer tölum. meðr huerri tungunni taladi hann at þi. þar sem engin var þa enn skapat.<sup>7</sup> Edr til hvers þurfti þa<sup>8</sup> þess háttar umliðandi liöðan edr málsgrein. þar sem eigi beid þa enn nõckurs likamligs heyrn edr eyru til at heyra þar upp aa. Reinn<sup>9</sup> ok skærr skilningr utan alla ruglan ok háreysti ok tungnanna ymissleik er meðr gudi fedr sua sem tal ok [tungna grein.<sup>10</sup> En þar sem sua er til ordz tekít at hann

<sup>1</sup>) rettlegha, B <sup>2</sup>) þær, B <sup>3</sup>) [margfallda, B <sup>4</sup>) [saal. B; af þeim vt hafa gefit i sinni bok, A <sup>5</sup>) qnnur tilf. B <sup>6</sup>) [guds skyld ok þetta sama, B <sup>7</sup>) skipat, B <sup>8</sup>) enn tilf. B <sup>9</sup>) saal. B; h'einn, A <sup>10</sup>) [tungna, B



kalladi líosít dag. er sua skilianda at hann lét kallaz. þi at alla hluti skipadi hann sua ok greindi. at dagarnir ok adrir lutir mattu synaz ok eptir þi nõfn taka sem hans speki meðr eylífri ok guðligri forseo hafði skipat ok fyrir séét. Eru þessir lutir fyrir þann skyld her skrifadur. at þeir menn heyrandi frasagnir af þessarri edr odrum guðligum<sup>1</sup> ritningum. sem minnr eru til bókinnar uisir. uariz ok vidr scái. at þeir niki eigi edr vendi of miok nõckurum þeim lutum einkannliga guðs ordum edr giðrdum i sinum hiðrtum. ok enn sidr meðr nõckurum ofdiarfligum domum edr orskurdum til likamligs edr ueralldlgs skilnings. sem kirkiunnar kennifedr ok heilög skript segir at meðr andligum skyringum eru skiliandi. þo at þa luti ok adra uerði meðr þess<sup>2</sup> battar ordum ok ðdrum atvikum milli uaar likamligra ok dauðliga manna skilianliga at gera ok i frasagnir föra. Skeyrir ritningin heimsins giord. greinandi guðs uerk aa .vi. dögum<sup>3</sup> hinum fyrstum meðr þrennum háttum. sem sidarr man sagt uerda. þat er meðr skapan skipan ok skyringu. þuiat i fyrstu sem hann skapadi engilliga natturu. skapadi hann ok þar meðr þessa heims efni ok allra likamligra hluta utan sundrskipting ok eptirfarandi forméran. J annan stad skipadi hann ok sundrskipti sinni skapan.<sup>4</sup> J þridia stad skreytti hann sina skepnu gerandi serhueria þessa luti aa huern þann dag sem sidarr segir.

Skrifadi hinn heilagi Moyses spamadr ok hertogi yfir Jsraels folki [fullr af heilags anda gipt<sup>4</sup> þessa frasogn<sup>5</sup> aa þridia heims alldri sidarr enn þessi guðs skipan vard. Enn sua sem honum var bodit af gudi uandasamlight embætti ok ukunnigt. at hann skyldi uera hofdingi ok domari yfir Jsraels folki þui sem bædi var usidlaatt ok sæmdar laust. fyrir þi at allt Jsraels folk uar þann tíma i aanaud ok þrældomi. þa tok Moyses at leida at huga. huersu hann mætti þi sidlausu folki faa stiorinat til godra sida. Ok fyrir þann skyld at hann hafði huarki uerit beittir fyrir uandamaal edr nõckurs konar freistni. þa beiddiz hann þess af gudi at hann syndi honum ðll þau dæmi ok atburði sem uerit höfðu fra upphafi ok þar til. ok uilldi hann opinberliga syna Jsraels<sup>6</sup> folki oll þau dæmi. at þeir mætti þadan af auduellðliga nema uidrsynd illra hluta enn draga ser til nytsemdar aull þau goð<sup>6</sup> dæmi sem uerit höfðu. ef þeim uæri huartueggi kunnig gðr. Enn gud heyrdi bøn hans. ok lauk upp fyrir honum þeim lutum sem ollum monnum uoru þa ukunn-

<sup>1</sup>) guða, B   <sup>2</sup>) tilf. B   <sup>3</sup>) saal. B; skipan, A   <sup>4</sup>) [saal. B; þui sem bædi var usidlaatt ok sæmdar laust. fyrir þui at allt Jsraels folk var þann tíma i aanaud ok þrældomi. þessi Moyses var fullr af heilags anda gipt. hann tok at skrifa, A   <sup>5</sup>) i fyrstu tilf. B   <sup>6</sup>) tilf. B

iger. þíat engin hafði þess gaad at láta skrifa sína æfi edr minni-samlig dæmi. þau sem uordit höfdu. ok höfdu allir atburdir fallit i tión sakir athugaleysis allt til þeirrar stundar. Enn eptir gudligri forsögn tok Moyses at rita ok i bók at setia alla þa luti sem gud syndi honum. at eigi uyrði þeir optarri fyrirtyndir. ef menn villdi þáþan ifra uardueita þa ok sér i nyt særa. Huadan<sup>1</sup> er þat er merkianda. at þrenn eru spaleiks anda kyn. eptir þi sem uida finnz i heilagum ritningum. Þetta er eitt sem hafði heilagr Moyses. at kunna sua sann-liga fra segia þeim stortidindum er mörgum manzolltrum uurdu fyrr enn sa var föddr er fra segir.<sup>2</sup> sem hann hefði innuirduliga þau<sup>3</sup> sét ok heyrð þo utan alla uissu af mannligrí tiluisan. huat er enginn madr fær gort utan af einkannligri heilags anda gípt ok spádóms gíof. Þat er annat at segia sannliga fyrir þa uuordna luti sem löngu síðarr koma fram. sua sem gordu Ysaías ok Jeremias ok margir adrir guðs spamenn af sealfs hans [hígatburð ok pinu ok íamvel af hans hinni síðaztu<sup>4</sup> hígatkuamu i uerolldina. er hann kemr at dæma huern sem einn eptir sinni tilskyllðan. Þat er hit þridia spaleiks anda kyn sem hafði hinn heilagi Paall postoli ok enn fleiri guðs astuinir. hann uissi. þa er hann predicadi síð dags inni i nockuru lopthusi. huat er vti for framm um þann unga mann Euticum. sua at engi madr sagði honum. sem fell sua haatt níðr af þi sama husi til iardar. at hann lámðiz þegar allr ok ðo þar af. Nu af þeirri heilags anda spadóms gíof einkannliga sem fyrst uar greind gordu Moises .v. bókr. af huerium er hin fyrsta heitir Genesis. ok fyrir þi sua at hon hefir i séér heimsins upphaf ok ueralldarinnar gerd ok getnat. Byriar hann i þeirri samu bok sína boksögn af heimsins skapan<sup>5</sup> meðr þeima hætti ok meðr þilikum ordum upp i uárt máál at segia sem her fylgir.

<sup>1</sup>) af tilf. B    <sup>2</sup>) er sagt, B    <sup>3</sup>) r. f. þann    <sup>4</sup>) [tilf. B    <sup>5</sup>) skipan, B

Her segir af þui huersu almattigr guð skapaði himin ok iorð ok huersu Lucifer braut meðr sinu drambi ok ofund i moti gvði sialfum ok huersu guð drottinn heiðraði þa englana sem honum sneruz til staðfastligrs ok gvenligrs kigrleiks i himinrikis dyrð meðr sialfum ser vtan enda.<sup>1</sup>

2. J vpphafi skapadi gud [himin þat er sealft<sup>2</sup> himinriki. huat er medr sinum englum ok himneskum krauptum uar þegar i stad fyllt sua sem fyrst ok fremzt milli allra þeirra hluta sem hann skapadi. ok iordina þat er at skilia samblandit ok usamit efni til fiogurra höfutskepna elldz ok loptz. vatz ok iardar. sua sem freo ok vndirstödu til allra likamligra luta.<sup>3</sup> Var himinriki þa þegar allt skipat ok skreytt af utöluligum fiolda heilagra engla ok annarra himneskra ok usynligra krapta. [þeir sem þa i fyrstunni voru sua<sup>4</sup> uordnir sik. at þeir höfdu fullkomit ok frcalst sealfrædi [at snuaz<sup>5</sup> at einu sinni huart þeir uilldi til elsku uid almattkan gud edr eigi enn eigi optarr. sua sem andaligh nattura utan likhams er til. þeir uoru ok eigi þa enn fulluliga sælir. fyrir þann skyld at þeir uissu eigi sitt eptirkomanda æuintyr. Eigi höfdu þeir ok þaa fyrst<sup>6</sup> fullkominn kigrleik til guds. enn þo elskadu þeir hann af sealfri natturunni yfir alla hluti framm af þeim girmdar elskhuga er þeir glödduz medr sealfum honum um framm allt annat af sealfs hans aasynd. enn medr uinattu kigrleik elskadu þeir sealfa<sup>7</sup> sik mest. þiat þeir uilldu<sup>8</sup> ser bezt.

Nu sem Lucifer einn hinn fremzti af englanna skipan. skryddr ok pryddr um framm adra þa. hugleiddi ok uirdi fegrd ok forprisan sinnar natturu ok diupsetta uitru ser ueitta. hof hann<sup>9</sup> sik sua haatt medr sinu ofdrambi. at hann uilldi iafnaz edr uidrlikiaz sealfan gud. ok fyrir þa sauk skildi hann sik ifra sannleikinum þegar i hridinni. ok þar medr i brott af aullum sgetleik ok eylifri sælu. sua at þar af feck hann medr öllu önguan þef edr kenning. En hann fell sua haatt. eigi at eins af þeirri sælu sem hann hafdi þegit. utan ok þar medr af þeirri sem gud mundi honum gefit hafa ef hann hefði uiliat honum lydinn

<sup>1</sup>) Ooskr. B; mgl. A <sup>2</sup>) [mgl. B <sup>3</sup>) ok syniligr tilf. B <sup>4</sup>) [sem kirkiunnar kenniseðr ok heilugh skript segir ok meðr andalegum skyringum eru skiliandi. þo at þa luti sem adra uerði meðr þess haattar orðum ok qðrum haattum millum váar likamlegra ok dauðlegra manna skilianlega at giora ok i frassagnir færa. Skyrir ritningin huerir er þa i fyrstu voru sua skapadir ok. B <sup>5</sup>) [tilf. B <sup>6</sup>) enn, B <sup>7</sup>) mgl. B <sup>8</sup>) sialfum tilf. B <sup>9</sup>) tilf. B

7.

vera. at hann uard aullum<sup>1</sup> ueslari ok lægri fyrir sinn ðrbætíligan skada ok glæp. þíat hann misgerði utan nõckurs annars æggian edr freistni. Ok sem hann fell dróó hann meðr ser mikinn fiolda engla þeirra sem honum samþyktuz ok sinnadu sialfkrafi i sinum glæp ok ugiptu. utan alla freistni nema at eins af sinni eiginligri aufund ok ofbelldi. þíat þessir glodduz sua af sinni mekt ok-ualldi. sem sealfir þeir uæri ok ueitti ser þann hinn hæsta fagnat ok heidr sem þeir höfdu. ok fyrir þi steyptuz þeir nidr til sinna eiginligra stada. i brott af allri þeirra sameiginligri sælu ok fagnadi sem i godu stadfestuz. hafandi fullt ofmetnadar frammferdi i stad hins haleitazta eilífleiks. hegoma slægdir fyrir hinn uissuligzta sannleik. aaskilnadar studeran ok aastundan fyrir usundrskiptíligan<sup>2</sup> kërleik. ofbelldiss fullir ok aufundsiukir. lygnir ok lastsamir. ok i ollum lutum miok slægir. stirdir ok stadfastir i sinni illzku. harda<sup>3</sup> lystugir iafnan ok giarnir mein at<sup>4</sup> gera.

Nu sua sem þessir snðruz ifra skaparanum af sinni aufund ok stadfestuz i illu. þa snðruz adrir englarnir meðr hans fulltingi til stadfastligs ok æuinligs kërleiks uidr sealfan hann. ok upp ifra þessu stadfesti gud þessa i godu ubrigdilega. glediandi þa ok sæmandi meðr sealfum ser sem honum samtengduz litíalltliga. fyllandi þa meðr sinum andaligum ástgiðfum. eptir þi sem huerr sem einn fyrir sinn astarhita uar uerdugr ok uidrtøkíligr. ok greinandi þa meðr ymissligum gradum ok stettum i sueitir ok fylki eptir ymissari gíafanna tign ok uirding. Allir þeir ok sem af sealfum gudi sendaz til nõckurs. þa geriz þat manningum til hialpar ok heilsu gíafar fyrir sealfra þeirra uerdleik ok þa iafnskiptíliga uinattu<sup>5</sup> ok elskhuga sem milli manzins er ok engilsins. ok til þess at madrinn uidr kenniz sina tign ok uirding. Sumir af þeim eru prouinciales. fyrir þann skyld at þeir eru meðr einkannligri dispenseran einum ok ymisligum þíodum til uerndar ueittir ok skipadir. Adrir af þeim eru personaligir. fyrir þa sauk at þeir eru serhuerium saalum settir til uerndar ok uardueitzlu.

Madrinn hefir tuifallda meinandi skadsemð eptir syndina fengit. þat er syndarinnar kueyking<sup>6</sup> innan meðr sealfum ser ok fiandans freistni fyrir utan sik. Fyrir þi saa gud meðr sinni signadu miskunn sua fyrir. at hann setti honum tuifallda gætzlu ok geymslu. þat er sealfs sins miskunn moti syndarinnar kueykingu. en geymslu engilinn moti pukanum ok hans aaeggian. Miskunnsamligr ok almattigr gud ueitti manningum þrenna uõrdu ok geymara af hinni saumu natturu til

<sup>1</sup>) saal. B; aullu, A    <sup>2</sup>) saal. B; sundrskiptíligan, A    <sup>3</sup>) harðla, B    <sup>4</sup>) tilf.  
B    <sup>5</sup>) i naatturu, B    <sup>6</sup>) saal. B; hneyking, A

tekna moti þrennum hans uinum. sua sem hann uar i þessa utlegd brott ifra sealfs hans aaseonu fyrir tilskyldan skyför ok rekinn. þat er godan getzlu engil moti fiandanum. pinu uars herra likama moti hörundinu. enn moti heiminum ok ueralldligum girndum heilagra manna bönir ok þeirra eptirdömi sem af heiminum eru til eyllis rikis<sup>1</sup> háleittliga upp hafdir. þessir godu englar saalnanna geymarar ok heilagir hirdar stunda oss meðr hardla mikilli umhyggju. tendrandi meðr oss godar ok gudligar hugrenningar enn hinar brott rekandi sem þeim eru gagnstaddir. hugadsamliga ok godfusliga milli farandi guds ok uarar. þann tíma ok sem þeir flytia truliga ok dyggliga uarar idranar sulir ok þar meðr alla uara goda luti til almattigs guds. ord ok uerk ok iafnuel hugrenningar. þa glediaz þeir ok gera gudi þackir. fyrir þann skyld at þeir elska sina samborgarmenn ok samfagna þeim. styrandi þeim ok styrkiandi. lifandi ok lærandi. uernandi<sup>2</sup> þa ok i ollum lutum forseo ueitandi. þeir girnaz ok giarna uara tilkuamu. þiat þeir bida uentandi at af oss ok uærri tilkuamu man leidrettaz ok aprt bötaz þat skard ok skadi. sem aa uard sealfra þeirra borg i nidrfalli Luciferi ok hans fylgiara. Huar fyrir er þeir eru meðr mikilli skemtan ok gledi þo at usyniliga hia oss þann tíma sem uer syngium sémiliga ok bidiumz fyrir rækiliga. ok stoda iafnuel oss andadum huat er þeir mega stetta. þeir flytia ok godra manna saalur i paradisum meðr fiorsfalldri grein eptir þi sem ritningin segir. Su er ein at þeir<sup>3</sup> flytia þær iafnan ok eggia til gods. huar fyrir [þær goraz makligar<sup>4</sup> þagat at koma. J annan stad eggia þeir saalurnar aa sealfum andlatz timanum at girnaz upp aa paradisar fagnat ok tendra þær sua framarliga þar til. at þær skiliaz giarnsamliga uidr likaminn. at nidrlagðri þeirri natturligri astuð ok aluðru sem þær höfdu uid hann haft ok lagit langan tíma. J þridiu deilld reka þeir ubreina anda aa brott fra þeim þann tíma sem þær fara framm af likamanum. til þess at þeir megi saalunum onga taalman eðr hindran þa göra. Meðr fiordu grein flytia þeir iafnuel syniliga nöckurra forprisadra<sup>5</sup> manna saalur til himinrikis [sua sem hins heilaga<sup>6</sup> Benedicti.

Eigi fær godr engill af sealfs sins natturu séed andarinnar hugrenningar einar saman sua lengi sem hon lifir i likamanum. huadan af er hann undirstendr eigi ne skilr manzins innri hluti utan af nöckurri likams giörð edr athöfn ellar af krapti þess lysanda spegils

<sup>1</sup>) saal. B; lifs, A    <sup>2</sup>) verndandi, B    <sup>3</sup>) saal. B; þær, A    <sup>4</sup>) [þeir gignaz makligir, B    <sup>5</sup>) heilagra tilf. B    <sup>6</sup>) [epter andlaatið sua sem qnd heilaga Martini ok hins sæla, B

sem hann birtiz af. Eigi fær ok fiandinn þess hattar hugrenningar skilit edr seed. Englarnir taka ok nöfn af sinum þrindum edr embætti. huern tíma sem þeir eru til mannanna sendir. sua sem Michael. Gabriel ok Raphael. Hinum heilaga Michaeli eru .iiii. lutir kendir ok einkannliga eignadir. þat er eitt at hann berst moti drekanum þat er i moti sealfum feandanum. annat er þat at hann kemr til at hialpa guds folki ok fulltingia. þat er hit þridia at hann flytr godra manna saalur til hinnar himnesku paradisar. i fiorda stad er hann prepositus paradisar forstiori. þat er þeirrar heilagrar kristni sem her stridir<sup>1</sup> fyrir guds skyld i uerolldinni. sua sem hann uar i fyrrunni<sup>2</sup> fyrir uars herra pining forstiori sinagoge. Nu þa at þeir sé til nöckurs gudligs embættis sendir. þa sea þeir allt at eins iafnliga guds födur áaseonu ok iafnan girnaz þeir hana at sea. Ok þo at andlig skepna megi takaz edr skilia undir stadarins grein edr endimarki. medr þi at hon se sua i nöckurum stað at hon se eigi i odrum stad. ok hon lði or odrum ok i annan. þa gðrir hon þo eigi medr sinni tilkuamu mæling<sup>3</sup> edr naueru grein. þiat eigi þröngdi margir andar edr minnkadi sua rum allt at eins. þo at þeir kēmi utðluligir i einna stad allir samt ok i senn. at þar mætti fyrir þann skyld þa færi menn ok adrir likamligir lutir uera enn adr. ok uæri þo engin þeirra andanna annarr i ðdrum. utan helldr mundu þeir allir greiniliga uera skildir huerr uidr annan ok ifra ðdrum sin i milli. þiat andarnir einir saman fylla ðnguan stad meðr likamligum mikilleik. huersu miklir ok margir sem þeir eru. utan helldr medr heilagum ok haleitum krapti.

*Af genesi.* Jörðin uar þa aud ok aauxtar laus ok utan alla prydi. *af scolastica historia.* þat er sua mikit at segia at fyrr sagt heimsins smidi sua skapat uar usyniligt autt ok usamit. eptir þi sem Augustinus segir i sinni fyrr nefndri bok. þartil er gud skipadi ollum lutum eiginligar myndir huerium sem einum i sinum stöðum ok steltum.

*Af genesi.* Ok uoru myrkr af loptzins skugga ok uskerleik alla uegna um iordina. En guds heilagr andi fluttiz yfir uðtnin. *af historia scolastica.* þat er yfir [fyrir sagt<sup>4</sup> heimsins smidi edr efni medr sealfs sins uilia ok fyrirhugsan til eptirfarandi skapanar. Fyri sagt heimsins smidi edr efni kallar bokin fyrir þann skyld stundum iðrd. annan tíma undirdiup. ok stundum uðtn. at þat syniz þa fleirum til heyra. sem þat er eigi at eins medr einnar höfutskepnu

<sup>1</sup>) nu tilf. B<sup>2</sup>) fyrstunni, B<sup>3</sup>) r. f. næring<sup>4</sup>) saal. B; sagt fyrir, A

nafni nefnt. Fyrir þi uar þat þa þegar kallad himinn ok iðrd. at himinn ok iðrd uurdu ok skapaduz þar af. fyrir þa sok uar iordin kollut<sup>1</sup> usyniligh ok usamit ok myrkr yfir undirdiupit. at hon uar þa utan alla eptirfarandi formeran. ok hon hefði þa enn medr engarri mynd megat sén edr handlat uerda. þo at nöckurr madr hefði þa til þess uerit at hafa profuat þat. Fyrir þi uar þat sama smidi uatnit nefnt. at þat var þeim auduelligt ok eptirlátsamt. sem af þi skapadi eptirfarandi luti. ok fyrir þa grein adra at allir þeir lutir sem aa iardriki fódaz. huart sem þat eru helldr kuikindi vaxandi uidir edr groandi grðs ok þilikir lutir. þa taka allir af uðkunni ok af uatninu næring ok sina formeran.

*Af genesi.* Ok þa sagði gud sua. Verdi lios. Ok þegar i stad uard liosit. ok sealfir hann saa at liosit uar gott ok skildi hann þat i brott fra myrkrinu. ok gaf þi nafn at þat skyldi heita dagr enn myrkrunum at heita nátt. *af scolastica historia.* Sem þessi skilnadr gerdiz milli lioss ok myrksins. uard eigi sidr medr guds bodi af glæp ok tilskyldan Luciferi ok hans fylgiara englanna skilnadr. þiat fyrir liossins nefnd merkiaz þeir englar<sup>2</sup> sem stóðu ok stadfestuz i guds ast ok elskhuga. enn fyrir myrkrin merkiz fiandinn ok þeir sem medr honum fellu. uoru þeir allir keyrdir brott. sumir allt nidr til heluitiss. en sumir i þat hit þokufulla lopt milli himins ok iardar. sem eigi er sua ofarliga at þeir hafi nöckurn fagnat edr gleði af liosinu. eigi ok miok nedarliga<sup>3</sup> at þeir megi sua mikla freistni ok margan vřagnat oss göðra sem þeirra uili er til. ok þo fylgir þeim æfinliga sin heluitis pina huar sem þeir eru.

*Af genesi.* Ok sua uard aptann ok morginn. bæði samt einn natturlighr dagr. *af scolastica historia.* þat eru uár .ij. dæghr. þiat i fyrstu er gud skapadi himin ok iorð. skapadi hann ok liosit sem sagt uar. Nu sem þat settiz ok minkadi<sup>4</sup> seint ok seint. þa uard þaþan af fyrsta dags aptann<sup>5</sup> eptir uarum uana. ok þi sama liosi umlidandi<sup>6</sup> iðrdina ok siþan upprennanda<sup>7</sup> uard morginn. *Af Augustino.* Fyrr nefndir uillumenn Manichei. kallzandi þat at dagrinn hefði af aptninum hafiz. skildu eigi at sua sem liosit uar kallat dagr enn myrkrir<sup>8</sup> natt heyrði deginum til. enn aptanninn uard eptir þat sama uerk sua sem lidnum ok lyktadum sealfum deginum. Enn fyrir þa skynsemd at nattin heyrði sinum degi til. þa segiz eigi einn

10.

<sup>1)</sup> sogð, B    <sup>2)</sup> tilf. B    <sup>3)</sup> sua tilf. B    <sup>4)</sup> minnkaðiz e, B    <sup>5)</sup> ok morginn tilf. B    <sup>6)</sup> umliðanda, B    <sup>7)</sup> upprenuandi, B    <sup>8)</sup> myrkrin, B

dagr hafua odru uiss<sup>1</sup> lyktaz ok umlidit utan at lidinni nattinni sua sem morginn uard. Teliaz sua sidan medr sama hætti adrir dagarnir fra morni ok til annars morgins. Leid sua nattin ok lyktadiz. enn annarr dagr byriadiz.

Her segir fra þi er gud skapadi aa oðrum degi festingar himin ok sundrskiptingh aa uðtnum.

3. A oðrum degi skipadi gud hinum hæstum þessa heims haalfum. þiat himinriki var þegar fyllt ok skreytt medr helgum englum [sem fyrr var sagt. þa er þat uar skapat.<sup>2</sup> Gordi hann þa festingarhimin. hafanda innan i ser alla þa hluti sem uer höfum nöckura<sup>3</sup> uissu af. ok skildi medr honum i sundr aull þau uðtn. sem hann uilldi at her ugri eptir i ueroldinni. fra hinum sem yfir honum eru. sua saman strengdum ok þröngdum sem kristallus edr hinn hardazti gleriss til at iafna. utan þat at þau megu litt edr ecki bradna af nöckurum elldzhita. ok sagdi sua. *af genesi*. Verdi festingarhiminn i milli uatnanna ok skili þau i sundr sin i milli. *af scolastica hystoria*. Gordi gud þa festingarhimin af uatzins höfudskepnu sua sterkliga samantengdan ok strengdan. at hann hefir i ser allar himinfastar stiðrnur. ok þi likaz skieðan<sup>4</sup> sem kristallus. sua huelfdan til litils lutar at iafna sem böllott eggskurn. ok greindi sua i sundr medr honum þau uðtn sem undir honum eru fra þeim sem yfir honum eru. þa skapadi hann ok undir festingarhiminsins nafni adra himnana enn sealft himinriki. Enn fyrir hueria sauk er gud uilldi at uðtnin uæri yfir festingarhiminum. þa er þat sealfum honum kunnigt. eptir þi sem segir Comestor. þo at nockurir menn hafi þa etlan aa at [þaðan komi<sup>5</sup> regn aa sumartima. Augustinus segir at huilik uðtn er þar eru ok medr huerium hætti þau eru.<sup>6</sup> þa efum uer medr öngu moti at þau eru þar. þiat meiri er röksemd þessarrar ritningar segir hann enn allr glögg-leikr ok skodan mannligs skilnings ok huguitz er til. *Af genesi*. Ok þegar i stad uard sua. gaf<sup>7</sup> gud honum þat nafn at hann heli himinn. *af scolastica hystoria*. þiat himinninn hefir i þessum stad allt eitt at þyða ok hulning. fyrir þa sauk at hann hylr ok hirdir fyrir oss alla usyniligha luti.

- *Af genesi*. Ok sua uard aptann ok morginn medr fyrri grein annarr dagr. *Af scolastica historia*. Ebreskir menn segia at engill-

<sup>1</sup>) *saal*. B; *uegs*, A    <sup>2</sup>) [er þat var skapat sem fyrr var sagt, B    <sup>3</sup>) skilning eðr *tílf*. B    <sup>4</sup>) af sialfum ser *tílf*. B    <sup>5</sup>) [i suma staði komi þaðan, B    <sup>6</sup>) þar *tílf*. B    <sup>7</sup>) þa *tílf*. B



inn uard aa þessum degi fiandi. ok draga þat eigi sizt til dæmiss þar um. þo at þessa dags uerk se gott sem allra þeirra annarra sem gud gërði. þa er þo allt at eins eigi her af þessu<sup>1</sup> þat einkannliga lesit. at gud saa at þat uar [god skepna.<sup>2</sup> Huerium er þeir synaz samþýckiaz sem aa manadagh<sup>3</sup> ueniaz englum messur at syngia. sua sem þeim til lofs er stadfestuz i guds þeonostu. Enn heilagir kennifedr hallda annat fyrir sannara. at þat se helldr sua meirr uordit fyrir annarrar merkingar skyld. Guð er sealf eining ok samþýkt. ok fyrir þi leiðiz hann allan aaskilnat ok sundrþýkt. enn tuitalan greiniz ut af eininginni fyrst. ok fyrir þann skyld takaz aðrar iðlur i heilagri ritningu medr meiri uirkt ok metare<sup>4</sup> merkingu. Ma þat ok uel audsynaz af uárs herra ordum. at engillinn hafi aa hinum fyrsta degi fallit. þar sem sealf hann talar sua af honum milli annarra luta i Jons gudspialli. at hann uar allt fra upphafi manndrápari ok hann stóð engan tima ne staðfestiz i sannleikinum. Enn af þi at sua ma synaz ok segiaz at hins þridia dags uerk greiniz ut af annars dags uerki. sem sidarr má synaz. þa lofaz þat eigi sua sem ðnnur fyrr enn aa þridia degi. sua sem þat er fulluliga lyktat ok algðrt.

Hler segir fra þi er gud let iordina birtaz ok fræuaz. af speculo historiale. Capitulum.

4. A þridia degi let gud þau uðtn sem undir festingarhimninum uoru. samnaz saman i einn stad. ok iorðina birtaz. skipaði hann sua þorum fyrr sôgdum höfudskepnum huerri medr sinni spera innan festingarhiminsins eptir þij sem<sup>5</sup> sealfra þeirra þýkt ok þungleiki [er til.<sup>6</sup> Elldinn efztan næst festingarhimninum. þiat hann er lettaztr. af huerium er truiz at sealf himintunglin hafi gðr uerit. þa loptit. er þat i sinum efra part skiært i ser. enn i hinum nedra hefir þat marga ruglan af uindum ok uætum. þokum ok reiðarþrumum. sniofum ok elldingum ok odrum þeim lutum tilkomandi sem uer höfum fulla raun af. þar næst uatnit. huert er hann samnadi saman i undirdiupit. dreifandi þadan sua sem af einu modur kyni aull ueralldarinnar uðtn um leyniligar iarðarinnar raasir ok umferdir. henni til freouanar ok mannum til nytsemdar. nedsta skipaði hann iordina ok innzta i aullum þeim. þiat hon er þunguz. iafnuættandi hana<sup>7</sup> sua sem medr cinni uaag ok setiandi i miðian heimsins punct medr aullum sinum

<sup>1</sup>) þessum, B    <sup>2</sup>) [gott, B    <sup>3</sup>) maanadaga, B    <sup>4</sup>) saal. B; me ok, A

<sup>5</sup>) tilf. B    <sup>6</sup>) [tilf. B    <sup>7</sup>) saal. B; þeim, A

yfiruettis þunga. molldu ok allzkyns maalma kyni. grioti ok gimstein-  
um ok<sup>1</sup> annars hattar steinum. Ok sem hann byriaði þessa dags  
uerk sagdi hann sua. *af genesi*. Samniz saman i einn stad uðtn þau  
sem undir himninum eru. at [þurr grandi<sup>2</sup> megi synaz. ok þegar i  
stad uard sua. *af Augustino*. Skildiz þa ok i sundr skiptiz i þær  
myndir sem nu seam uær þat hit usyniliga heimsins efni sem standum  
uar kallad aud iord<sup>3</sup> ok usamit. annan tima myrkr edr<sup>4</sup> undirdiup  
ella uatn. fyrir huert er guds andi fluttiz medr fyrri grein. sua at  
iðrdin formerat af þi sama efni birtiz audsyniliga i sinum stad eptir  
þi sem nu syniz þat. ok er bædi sallt ok sætt. Matti þat uel uera at  
þau uðtn sem medr nõckurri [ðöggvan af þoku<sup>5</sup> huldu ok um foru  
allt þat rum ok uidattu sem i loptinu er. sua sem medr småregni edr  
isinghu. fengi uerit i litlum stad hia þi sem adr. siþan er þeim uar sua  
12. sterkliga saman strengt. Kalladi hann þa þurrlendit iðrd enn allt sam-  
an uatnanna megin kalladi hann hauf.

Ok sua sem uatnanna uerk uar fyllt ok framm komit. segir Moyses  
at þat uar gott ok ual gort. ok lagdi þar til iafnframm annat uerk  
medr þessu. ok sagdi sua. *af genesi*. Groi iðrdin ok freoiz medr  
blomberanda<sup>6</sup> gras gerandi sitt saad. ok medr epliberandi treo ok  
allzkyns alldinuð gerandi allan sinn aaúðxt eptir þi kyni sem þat  
er uordit sik til. huers saad er i sealfu ser skal aa iordunni uera. Ok  
þetta uard allt.<sup>7</sup> at iðrdin bar þegar grænt gras meðr hinn bezta blom-  
a ok saadberanda medr sinu kyni ok epliberandi treo gerandi  
fagran aaúðxt. ok huert sem eitt hafanda medr ser sealfs sins saad  
meðr sinni eiginni mynd. *af speculo historiale*. Eigi leiddi iðrdin þa  
ok sua seint ok aa lðngum timum framm sinar plantanir sem nu. helldr  
uar ðll þessi hennar fegrð ok frygð þegar i stad medr sinum eigin-  
lighum blomum ok aauxti. *af scolastica historia*. Ok þo at nockurir  
menn hafi þrætt um ok á greint huart er helldr hefir heimrinn uerit  
skapadr aa uaartima. þiat þa blomgaz ok aauxtaðz flestir hlutir. edr  
aa haustar<sup>8</sup> tima i augusto manadi. af fyrirfarandum ordum at iðrdin  
bar framm epliberandi treo gðrandi fagran aaúðxt ok gras hafanda  
sitt saad. ok helldr heilog kirkia þat stadfastliga fyrir satt i sinum  
kenningum ok læridomi. at hann hafui aa uarit i marcio skapadr uerit.  
A þeima degi plantadi gud ok iardneska paradis. þat land er sua heit-  
ir ok liggr til austrættar af þeirri heimsins halfu er Asia heitir. miklu  
hæra enn nõkkut annat lænd aa uáru byggiligu iardriki. ok þui matti

<sup>1</sup>) meðr qlum, B    <sup>2</sup>) [þurrlendi, B    <sup>3</sup>) iqr (!) B    <sup>4</sup>) ok, B

<sup>5</sup>) [þoku dögguan, B    <sup>6</sup>) blomganda, B    <sup>7</sup>) sua tilf. B    <sup>8</sup>) saad.

ogs. B

Noa flod huergi námunda þi ganga. ok fylldi<sup>1</sup> þat þegar medr aullum lystugleik ok unadsemd upprennandi ædar medr fōgrum frammflotandi uðtnum medr iardarinnar berligum<sup>2</sup> blomstrum ok allz haattar þeim treom sem full uoru af frygd ok fōgrum aauxeti. Nu sua gort sem uar. sá gud at þetta uar allt saman god skepna. ok suð uard aptann ok morginn ok lyktadiz medr þui hinn þriði dagr.

Her segir af fiorda degi er gud skapadi sol ok ðill onnur himintungl. af speculo hystoriale. Capitulum.

5. A fiorda degi pryddi gud<sup>3</sup> himinn ok þa luti medr himneskum liosum. sem adr hafdi hann gðrt. einkannliga fyrst hinar efztu haalfur heimsins. skapandi þa oll himintungl huer er iðrdina skyldi birta bædi um nœtr ok um daga huart eptir sinum hætti ok greina alla tima huert<sup>4</sup> medr margfalldri<sup>5</sup> sinni ræringu.<sup>6</sup> ok sagði sua. *af genesi.* Uerdi lysandi stiornur i festingarhimninum. at þær greini i sundr sér huart dagh ok nátt. at þær se til taakna ok tima. dagha ok aara. ok lysi i festingarhimninum ok birti iðrdina. ok þegar uard sua. *Scolastica historia.* Eigi at eins let gud þessi lysandi lios sem uær köllum himintungl uerda uerolldinni til fegrðar ok liossins nytseindar. nema ok þar medr til taakna edr marka. at af þeim megi merkiaz huart sem<sup>7</sup> eru skir uedr edr uskir. blid edr hridir. ella til þess at af þeim skyldi uerda þau .xij. taakn er uær köllum stiðrnumðrk sem zodiacus hefir i sér. ok at greina tima. þat er uaar ok sumar haust ok uetr. ok þar medr þa sem uær köllum solstöðu tima aa uetr ok sumar ok iafnættis tima aa haust ok uár. ok at greina daga. uikur ok manadi. aar ok alldir.

*Af genesi.* Gud gordi tuau stor himintungl. hit meira. þat er solina. til þess at þat skyllde medr sinni birti deghinum lysa. hit minna. þat er tunglit. at þat lysti nattinni. Stiðrnur gerdi hann ok þar medr ok setti þær allar i festingarhimninum. utan eigi þær .vij. medr solu ok tungli. sem planete heita. þær reika ok leika lausar i loptinu ok ganga i gegn fyrr sōgdum festingarhimni. at þær medr sinn gangh tempri hans uelltingh ok umturnan. Setti hann þær fyrir þa sauk þar. at þær skyldi medr þi liosi sem þær höfdu<sup>8</sup> af solinni birta alla uerolldina ok gora grein milli lioss ok myrkr. *af [scolastica]*

<sup>1</sup>) saal. B; skyldi, A    <sup>2</sup>) bærelegum, B    <sup>3</sup>) ok prisulega skreytti tilf. B  
<sup>4</sup>) huart, B    <sup>5</sup>) tilf. B    <sup>6</sup>) r. f. næringu    <sup>7</sup>) er hellðr, B    <sup>8</sup>) hefði, B

*historia.*<sup>1</sup> Eigi let gud fyrir þann einn skyld bæði tungl ok stiðrnur birta nattina. at hon skyldi eigi meðr öllu fegrdar laus uera. sua sem þa uæri ef hon hefði meðr öllu ekki lios ok birti. utan ok til þess eigi sidr. at þeir menn sem a nattartimanum starfadi skyldi þar af hialp ok huggan hafua. sua sem skiparar ok adrir farandi menn ok ein-kannliga i Blalandz eydimörkum edr sandhaufum. þar sem litill uindz-blærr sléttir ok hylr þa uegu. sem adr hafa farnir uerit. *Ysidorus dicit.* Þeir eru sumir fuglar sem eigi megu þola at sea solarinnar lios. sua sem noctua. er allr er einn ok nocticorax. huerr er fyrir þa sauð heitir noctua. at hann flygr um nœtr ok sézt<sup>2</sup> öngan tima um daga. þuiat þegar i stad sliouaz hans syn sem dagrinn birtiz. Hann er engin i þeirri ey sem Creta heitir. ok þo at hann se þagat fluttr af odrum stöðum. þa deyr hann þegar<sup>3</sup> sem hann kemr þar. Sa fugl sem strix heitir er<sup>4</sup> náttfugl meðr fleirum odrum. ok fôðaz þeir flest-ir miok aa nattinni. *scolastica historia.* Eigi uar solin ok þui sidr nausynligh ok þarfligh at þat hit biarta sky gordi ok fylldi hennar embœtti sem ueröldina birti. þuiat þat sama sky hafði litit lios ok læ-megit.<sup>5</sup> ok lysti lettliga huergi edr litit utan hina hæsta hluti sua sem nu lysa stiðrnur. Eru ymsar getur aa ok ætlanir huat af þui skyi hafi uordit. annat huat at þat hafi aptr horfit i þat sama efni sem þat uar skapat af. sua sem su stiarna er Austruegs konungum uitradiz. ella at þat sama fari ok fylgi iafnan meðr solinni. ella þat at solarinn-ar likamr se af þi sama görr. Sua finnz ok skrifat at solin uar gör aa morgintima ok i austri. enn tunglit at aptni sua sem tilkom-andi nátt ok i austri. Enn þo uilia [sumir sanna<sup>6</sup> at þau uæri bæði samt gör aa morgintima. sol i austri en tungl i uestri. ok þann tima sem solin settiz. hyrfu tunglit at tilkomandi nátt til austrs. Heil-agr Augustinus syniz hinni fyrri greininni samþykkiaz<sup>7</sup> i fyrr nefn-dri sinni bok yfir genesim. her segir sua milli þeirra sem malug-ligha ok kauisliga<sup>8</sup> kalla. sua sem eptirfrettandi huilikt er tunglit uar skapat i fyrstunni.<sup>9</sup> huat helldr þilikt sem þa er prim er. sakir þess at þa ætti sua at telia. edr fullt ok .xiii. natta. fyrir þann skyld at þat hefði þa átt uskatt<sup>10</sup> at hafa uerit. at hann sinnar huarigum ne samþyckir i alla staði. helldr gengr þar i milli<sup>11</sup> segiandi berliga meðr fullkomnum orskurd. at huat sem þeir kalla i þann þuñct uerit hafa sem prim er edr fullt sua sem .xiii. nátt. at gud görði þat

1) [saal. B; genesi, A    2) saal. B; setz, A    3) leið tilf. B    4) ok tilf. B  
 5) saal. ogs. B    6) [nœkkurir segja B    7) samþykkia B    8) saal. ogs. B  
 9) fyrstu    10) vskadt, B    11) hann tilf. B

algðrt af *genesis*. Ok sealfr hann sa at þetta uar enn ein god skepna. vard sua aptann ok morginn ok lyktadiz hinn fiordi dagr.

Her segir fra þi er gud skapadi fiska ok fugla. scolastica historia ok speculum historiale. Capitulum.

6. A fimta degi pryddi gud loptit medr flugandum fuglum ok uatnit medr suimandum fiskum. takandi af uatninu efni til þessa huars-tueggja. þiat uatnit snyz lettliga til loptzins sua sem þat þynniz. loptit snyz ok aa sömu leid auduellðliga til uatzins sua sem þat þykkar. *Augustinus*. Skulu þeir allir skynsamir menn. sem þessor ord ok atknædi gðra nockura hröring<sup>1</sup> edr efadsemd. þat ual mega uita. at hinir uisuztu menn þeir sem þess<sup>2</sup> hattar hluti skoda ok skynia uanduirk-liga. taka þetta hit þokufulla lopt ok hit uðkumikla medr uðtnuunum. sem fuglarnir fluga i. þiat loptit þrönguiz sua ok þykkar af þeim uætum ok andargust sem upp leggr af ollu saman iðrdunni ok uatn-inn. at þat þolir harðla uel fuglanna flug. þar af uerda sua mikil dauggfaull um nœtr. iafnuel at heidskirum uedrum. at grasit er aluátt af þeirri saumu daugg einni saman um morgininn. eptir þi sem uær megum sea sealfr. Sua finnz ok skrifat i hinum skiluisuztum bokum ok rðksamligum ritningum. at þat fiall sem Olympus heitir. ok stendr i þeirri haalfu Grecie sem heitir Macedonia. se sua yfiruættis hátt. at aa þess efltum hædum uerdi huarki sky ne uindr. fyrir þann skyllð at þat er öllu þessu uætuloptinu hæra. i hueriu er fuglarnir fluga. ok fyrir þa sauk segiz at þar flugi eigi nockurr fugl. Enn þessa uard sua uist ok kunnigt gort. at þeir menn sem til þess uolduz ok uðnduz aar fra aari at fara upp aa ofanuert þat sama fiall sakir nockurra sinna fornsæringa. eigi ueit ek huerra hellz segir hinn helgi *Augustinus*. þa skrifadu þeir nockura merkiliga luti uppi þar aa molldunni edr duptinu. hueria er þeir fundu meðr aullu uskadda ann-at aarit eptir sem þeir þar komu. Matti þat medr öngu moti uera. sem huerr skynsamr madr ma skilia. utan þar kœmi huarki uindr ne uæta. Enn af þi at þar uar loptit miklu þunnara enn þeir mætti þat standaz sakir engis andargustz moti uana sinum ok natturu. þa

baru þeir upp þannig meðr ser uáta suoppu<sup>3</sup> ok logðu uidr nasirnar<sup>4</sup> sealfum sér. at þápan af tœki þeir þykkara lopt ok likara [sinum natturu uana.<sup>5</sup> sogdu þeir sik eigi at<sup>6</sup> einn fugl þar seeð hafa. Eigi segir síá hin skiluisligzta ok hin truanligzta skrift uskynsamliga at þi edr urettliga. eigi at eins fiska ok önnur þau kuikendi sem i uotn-

<sup>1</sup>) rering, B   <sup>2</sup>) tilf. B   <sup>3</sup>) suoppu, B   <sup>4</sup>) nasar aa, B   <sup>5</sup>) [sinni natturu, B

<sup>6</sup>) mgl. B

um flytiaz utan ok iafnuel fliugandi fugla af uðtnunum sædz hafa. fyrir þa grein at þeir megu uel ok fagrliga um þetta loptit fliuga. sem af iardarinnar ok hafsins uðkum ok uætum riss ok þykknar.

*Af genesi.* Gud sagði þa sua. Leidi uotnin ut af ser skridanda lifs anda kuikenda ok fliuganda fugla kyn undir festingarhimninum upp yfir iörðina. *scolastica historia.* Fyrir þann skyldd eru fiskarnir her kalladir [skridlig kuikendi.<sup>1</sup> at þann tima er þeir lengia sik suimandi i. uðtnum sem aakafligaz. flytiaz þeir þo at lettligarr yfir sin briost á uatninu. likara skridandum iardar kuikendum enn þeim er ganga. [Af þui orði villtuz miqk hinn visi Plato þann tima sem hann kom niðr a Egiptaland ok las þar bekr Moysi. at fliuganda fugla kyn leiddiz upp yfir iqrðina. Hugði hann at Moyses hefði þann skilning aa haft. at fliugandi fuglar ueri loptzens skraut ok pryði at eins niðri viðr iqrðina. enn goðer englar ok illir veri hinu efra loptinu til skrautz ok fegrðar. Enn þat er ekki sva. þiat goðer englar eru i himinriki sem fyrr var sagt. enn iller voru i brott keyrðer ok rekner i þetta hið þokufulla lopt. sialfum ser til eylifrar pinu enn ekki til nqkkurs skrautz eðr pryði.<sup>2</sup> *Genesis.* Ok þa skapaði guð stora huali ok annan lifanda ok hræriligan fiska kyns anda. huat er uðtnin höfdu gefit ut af ser medr sinum eiginligum myndum. ok fliugandi fugla. huern medr sinu kyni. Gud sa at þetta uar ein god skepna. ok blezadi bædi fiskum ok fuglum sua segiandi. Uaxit þer ok fiðlgiz ok fyllit seofarins uðtn. fiolgiz ok fuglarnir eigi sidr yfir alla iörðina. Vard sua aptann ok morginn ok lyktadiz hinn fimti dagr.

Her segir fra þi er gud skapadi lauf ok gras ok skryddi iordina medr allzkonar blómstrum ok kuikendum ferfættum. Capitulum.

7. A hinum setta degi pryddi gud iörðina seinaz. sua sem eina af þeim florum fyrr nefndum höfutskepnum sem þungaz er<sup>3</sup> oc lægz liggr. aullum hinum hærum halfum heimsins þat er himninum loptinu ok þar medr uatninu fyrri<sup>3</sup> fagrliga skipadum ok skryddum. Skapadi<sup>4</sup> hann aa þeima degi upp aa iörðina þrenn kuikenda kyn. eitt'er alidyr. þat sem uer kollum busmala. annat skridkuikendi. þridia annur ferfætt kuikendi sem uillidyr. Ok fyrir þa sauk at gud nissi fyrir at madrinn mundi syndeliga falla. þa skapaði hann buit honum til fæðu ok uidrhialpar optir komanda erfidi. þiat iumentum er upp aa norrænu<sup>5</sup> ein hialpadar skepna. A þann sama dag skapaði hann ok

<sup>1</sup>) skridkuikendi, B <sup>2</sup>) [tilf. B <sup>3</sup>) tilf. B <sup>4</sup>) saal. B; skipadi, A <sup>5</sup>) at segia sua sem tilf. B

manninn eigi sidr til at byggja uerolldina þessa heims. sua sem hann hafði hana algort ok fagrliga prydda. gorandi hann af tueimr natturum. likaminn af iarðarinnar molldu samtengiandi honum skynsamligh-  
 an lifs anda af öngu efni utan at eins medr sealfs sins almætti skapadan. Ok sem hann byriadi þessa dags uerk ok skapan sagði hann sua. *genesis*. Leidi iörðin framm ok gefi ut af ser lifanda anda medr sinu kyni. busmala. skridkuikendi ok fersætt kuikendi.<sup>1</sup> huert sem eitt medr sinum eiginlighum myndum. Vard ok þegar i stadinum<sup>2</sup> sua. at gud gordi öll iardarinnar skridkuikendi eptir sinu eigin<sup>3</sup> kyni. Ok sem gud fadir saa at þetta uar ein god skepna. sagði hann sua til sins seta sunar ok heilags anda. Gorum uer manninn eptir uarri liking ok likneskiu. at hann se stioarnari yfir siofar fiskum ok himinsins fuglum. fersættum kuikendum ok aullu iarðrikinu. ok þar meðr öllu þi skridkuikendi sem nockura lifs ræring hefir i uerolldinni. Skapadi gud manninn eptir sealfs sins mynd ok likneskiu. skapadi hann bæði karlmann ok kuenmann. ok þo sidarr konuna sem ofarr meirr man heyrar mega.

*Scolastica historia*. Af þrennum lutum<sup>4</sup> ma einkannligha merkia manzins tign ok uirðing. þat er hit fyrsta at eigi at eins uard hann i sinu kyni sem fyrri sagdir lutir: helldr ok iafnuel at hann er þar medr guds likneskia. fyrir þui at hann gaf honum einum skynsemdar skilning af öllum ueralldar kuikendum. Er likneskia heilagrar þrenningar medr þrifalldri grein<sup>5</sup> ok skilning mannzins aund ok hugskot. þat er til<sup>6</sup> minnis. til skynsemdar skilningar ok til uilia edr elskhuga.<sup>7</sup> þiat þessir .iii. lutir eru ein ueran ok eitt lif medr huerium manni sem einum. sua sem .iii. personur eru i guds þrenningu fadir ok sonr ok heilagrandi. ok þær allar eru þo einn gud. þat er annat at hann uar skapadr medr stadfestri<sup>8</sup> fyrirhugsan. þiat i öðrum sinum uerkum baud gud at eins. ok uurdu þeir lutir. enn i þessu sögdu guds personur fadir ok sonr ok heilagrandi sua fyrirhugsandi ok stadfestandi sin i milli. Gorum uer manninn. þat er hit þridia manzins tign ok forþrisan. at hann uar skapadr herra ok sua sem konung allra<sup>9</sup> iardneskra kuikenda. ok at þau skylldu honum til klædnadar ok sædu ok til erfuidis lettis<sup>10</sup> ok til uidrhalpar. sidan er hann hafði misgert. þiat fyrir syndina gaf gud bæði mannum ok öðrum kuikendum iardarinnar aaðxtu til sædu. [ok þi<sup>11</sup> at iörðin

16.

<sup>1</sup>) *saal*. B; kukuendi, A <sup>2</sup>) i stað, B <sup>3</sup>) eignu, B <sup>4</sup>) greinum, B  
<sup>5</sup>) mynd, B <sup>6</sup>) tilf. B <sup>7</sup>) her. beg. Framg. I <sup>8</sup>) *saal*. ogs. B; staðfastre, Framg. <sup>9</sup>) annarra tilf. B, Framg. <sup>10</sup>) letta B, Framg. <sup>11</sup>) [fyrir þui, Framg.

leiddi þa önguan lut ufrean<sup>1</sup> ut af ser edr<sup>2</sup> skadsamligan. Enn þessarrar drottningar misti hann af syndarinnar tilskyldan. bæði yfir hinum stærstum kuikendum ok hinum smærstum. yfir hinum stærstum sua sem leonum. til þess at hann uiti ok uidrkenniz at hann hefir latit sitt ualld ok drottnan yfir þeim. enn yfir hinum smæstum sem flugunum.<sup>3</sup> til þess at hann skili ok undirstandi þar af huersu uanmegn<sup>4</sup> ok herfiligr hann er þar af uordinn. yfir medalkuikendunum hefir hann enn ualld séér til hugganar. ok at hann uiti þaðan af at hann hafdi sua fyrir syndina yfuir odrum sem þessum.

*Speculum historiale.* Medr þeirri<sup>5</sup> hinni fyrstu ok hinni fremstu fyrr sagdri heilagrar þrenningar likneskiu sem manzins hugskoti er.<sup>6</sup> i huerri er hann samlikiz gudi meðr heilagum englum. berr madrinn ok guds liking einkannliga i .v. lutum. Hin fyrsta er su drottningar röksemd ok ualld sem i fyrstunni uar honum ueitt. þiat sua sem gud er allra luta drottinn ok herra. himneskra ok<sup>6</sup> iardneskra ok þeirra sem i heluiti eru. aa þa leid uar madrinn sem drottinari ok herra yfir skipadr eigi at eins fyrr sögdum kuikendum utan ok þar medr allri þessa heims ueralldar bygd. sem fyrr uar sagt. Annat er upphafsins röksemd. þiat aa þann haatt sem gud er upphaf allra luta fyrir sina skapan. sua er Adám allra manna upphaf ok fyrstr fyrir getnadarins skyld. þat er hit þridia at sua sem nöckurir hlutir eru samkuæmiligir milli guds ok annarra hluta. sua<sup>7</sup> kemr ok mart saman medr mannum ok audrum ueralldligum lutum. ok þáþan af kallaz hann minni heimr. þat er hit fiorda at sua sem gud er allra luta endalykt. sua er madrinn ok sidarst<sup>8</sup> eptir natturu skipaninni.<sup>9</sup> þiat hann var seinaz skapadr. þo at hann uæri allra iardligr hluta fyrstr ok fremztr eptir skynsemdar skipan. þat er hit .vta. at sua sem gud er hucruetna allr medr sinn almatt i hinum meira heimi. sua er aundin i sinum minna heimi þat er i ollum likamsins limum medr huerium sem einum ueralldligum manni. Madrinn medr sinni skynsemd er eigi þaleidis skapadr lutr ok nidrleittr sem skynlaus kuikendi. er hans likams uðxtr rettr formeradr upp til himinsins sua sem scalfan hann aaminnandi. at hann hafi aa þann haatt sin hugskotz augu ok skilningaruit til himneskra hluta. sem hans likamligh augu skilningaruit ok aaseona ueit<sup>10</sup> upp til himinsins. Hann uar ok þa litlu stund sem hann stod i þeirri<sup>11</sup> meinleysiss stett. ok skyllði æfinliga uerit hafa.

<sup>1)</sup> saal. ogs. B og Framg.    <sup>2)</sup> skepnunni tilf. B, Framg.    <sup>3)</sup> flugunum B, Framg.    <sup>4)</sup> vanmeginn, B, Framg.    <sup>5)</sup> þessi B, Framg.    <sup>6)</sup> tilf. B, Framg.    <sup>7)</sup> tilf. Framg.    <sup>8)</sup> sidaztr B, Framg.    <sup>9)</sup> saal. B, Framg.; skapaninni, A    <sup>10)</sup> saal. ogs. B, Framg.    <sup>11)</sup> mgl. B, Framg.



utan alla piniliga angist. ef hann hefði eigi misgort. þíat honum skyldi huarki hungur ne þorsti. eigi kuldi ne hiti. eigi erfídi ne nockurs háttar krankleiki angrat. hafa. Eigi hefði hann ok þurfat<sup>1</sup> líkams dauðann at ottaz. þíat lífandiss [líkaminum skyldi hann<sup>2</sup> flutz hafa til eilífrar dyrdar. Eigi hefði hann ok þurft klæðnat at hafa. ok þó hefði hann [þar af<sup>3</sup> óngua skamfylling fengit. þíat engan kendi hann þa vera sinn leyndarlim. helldr enn hófudit hendr edr fotr. Madrinn hefði þa getinn uerit utan alla synd ok suuirdu. enn fæddr utan allrar sutar<sup>4</sup> ok sárleíks.

Ok eptir þat er gud hafði sua skapat þau. blezadi hann þeim ok sagði sua. *genesis*. Vaxit þit ok fíðlgiz ok fyllit iordina ok stíornit henni. Drottít ok síofaríns fískum híminsíns fuglum ok ollum þeim kúikendum sem roraz aa íardríki. *af scolastica hystoria*. Þar sem gud sagði sua. Vaxit þit ok fíðlgiz. huat er eigi mátti<sup>5</sup> uerda utan þeirra samblandan. þa skapadi hann híuskap millí karlmanz ok konu. huar af er þeir uillumenn eru af sinni sðgn aptísettír ok suuírdír. sem þat sðgdu at sambud millí karlmanz ok konu mætti alldrígin uerda utan synd ok saalu haaska. *Augustínus*. Varu þeir menn ok er þess spurdu. huersu madrinn hafði nóckut ualld yfir dyrum fískum edr fuglum ok ollum audrum dauðligum kúikendum. meðr þúi at uer seamm mennina af mórgum dyrum drepna uerda ok marga fugla þa oss meín gðra. sem uer uíldím fegínsamlíga fordaz ella gíarnsamlíga grípa þa ok faam þat eigi gert.<sup>6</sup> huersu tðkum uer at þí ualld yfir þílíkum lutum. Meðr fyrstu greín ma þí þeim uel suara. at þeir uíllazst míkíllíga þar sem þeir hugleída eígi<sup>7</sup> manzíns stett. huersu hann fordæmdí<sup>8</sup> meðr dauðleík þessa lídanda lífs eptír syndína. tyndí sua ok místí þess algðrleíks. sem hann uar skapadr til guds líkneskíu. Nu ef manzíns [fýrdæmíngar stettí<sup>9</sup> eflír ok orkar sua míklu. at hann stýrí ok stíorni sua mórgum kúikendum sem busmalínn er edr enn fleírur odrum. <sup>10</sup>Þó at hann megi sakír líkamsíns breyskleíks af mórgum dyrum drepínn uerda. þa<sup>11</sup> ma hann [af óngum þeim þó tamídr edr tempradr uerda. Enn<sup>12</sup> sua morg ok míkíls háttar dyr sem hann temí. huat er af hans ríkí þa hugsanda. þí sem honum endrnyíadum ok frealsadum [er af<sup>13</sup> gudi fýrír heítít. J adra deílld eru oll<sup>14</sup> kúíkendi mannínum undír lagín. eígi fýrír líkamsíns skyllíd utan helldr fýrír þá

<sup>1</sup>) þurft, B, Frægm. <sup>2</sup>) [líkamínn skyllí, Frægm. <sup>3</sup>) [mgl. Frægm. <sup>4</sup>) saal. oge. B; sottar, Frægm. <sup>5</sup>) mætti, B <sup>6</sup>) þúi helldr tíf. B, Frægm. <sup>7</sup>) mgl. B, Frægm. <sup>8</sup>) saal. B; fýrdæmdí, Frægm.; fordadíz, A <sup>9</sup>) fordemíngar stettí, B <sup>10</sup>) ok tíf. B, Frægm. <sup>11</sup>) sua, B, Frægm. <sup>12</sup>) [af (at, Frægm.) eugum kósti þeim tamðr uerða, B, Frægm. <sup>13</sup>) [ok af sialfum tíf. B, Frægm. <sup>14</sup>) qnauí tíf. B, Frægm.

skynsemd ok skilning sem ugr höfum ok þau hafa eigi. þó at likaminn uarr sé eíð iafnual sua görr ok uordinn sik. at hann syni þat aa sealfum ser. at [ver sém<sup>1</sup> betri enn önnur kuikendi. ok fyrir þa grein gudi likir. þiat manzins likamr at eins er rettr skapadr ok uppreistr<sup>2</sup> til himins sem fyrr uar sagt.

*Genesis.* Ok enn taladi gud til þeirra. Se herna. at ek gaf yckr huert sem eitt gras beranda sitt saad. ok annan eiginligan aauxt yfir alla iordina. ok aull þau tre sem i ser hafa saad ok freo sins eigin<sup>3</sup> kyns. at þeir lutir se yckr til fædiss ok<sup>4</sup> uidrlifiss ok aullum iardarinnar kuikendum. aullum himinsins fuglum eigi sidr. ok aullum þeim iardneskum lutum<sup>5</sup> sem røraz megu ok lifs<sup>6</sup> andi er medr. ok<sup>7</sup> þau megi þar af fædaz. Ok þetta uard allt sem hann baud. Sa gud alla þa hluti sem hann hafdi gört. ok uoru hardla godir. ok uard sua aptann ok morginn ok lyktadiz hinn setti dagr. *Augustinus.* Þeir menn er þess spyria. fyrir hueria grein er gud gordi sua morg þau kuikendi. huert sem helldr i sio edr aa landi. sem mannum eru þi sidr naudsynlig edr nyttsamligh. at mörg af þeim eru honum helldr miok brædiligh ok haskasamligh.<sup>8</sup> þa skilia<sup>9</sup> eigi ne undirstanda. huersu allir lutir eru skapanum fagrir ok fægiligir. þeim sem alla þa hefir ok nyttir til at drottna ok stiorna þar medr allri sinni skepnu. huerri er hann drottinn medr hinu haleitazta logmaali. Ef sua berr til. at einn uuitr madr gengr inn i nöckurs forhags manz hus edr smidiu. þar sem hann flytr fram sina orku. þa sér hann morg þau tol ok tæki. sem hann veit alldrigi<sup>10</sup> til huers skulu edr fyrir huers<sup>11</sup> skyld þau eru gor. ok hygg þau unyt ok til engiss hæf. ef hann er miok uuitr madr. Einkannliga ok ef hann er<sup>12</sup> uforsiall.<sup>13</sup> hefir fallit i einnhuern ofn edr hefir sært sik medr nöckuru iaarni huossu þij sem hea smidnum hefuir legit. sua sem hann handlar<sup>14</sup> þat uuarliga. þa ætlar hann ok hygg marga luti þar liggiandi miok meinsamliga ok skaðsamligha uera. huerra naudzyn ok nytsemd er smidrinn ueit hardla uel. ok fyrir þi spottar hann ok dárar hins uultzku. ok gefr ser ecki uætta um hans uuitrleik ok uidrkiæmiligh ord. fremiandi sina idn ok orku fasta fari sua sem hann hefir adr ætlat. Ok þó eru margir menn sua uuitrir ok heimskir. at þa luti sem þeir uita eigi meðr mannum einshuerium<sup>15</sup> smid til huers þeir eru hæfir ok<sup>16</sup> nytir. þó þeir eigi at lasta. [helldr trua þeir þa nauzunlega ok til

<sup>1</sup>) saal. B, Fragn.; hann se, A <sup>2</sup>) saal. B, Fragn.; uppreitr, A <sup>3</sup>) eigias B, Fragn. <sup>4</sup>) her end. Fragn. I <sup>5</sup>) saal. B; kuikendum, A <sup>6</sup>) lifandis, B <sup>7</sup>) at, B <sup>8</sup>) skaðsamlig, B <sup>9</sup>) þat tilf. B <sup>10</sup>) eigi, B <sup>11</sup>) huern, B <sup>12</sup>) miok tilf. B <sup>13</sup>) edr tilf. B <sup>14</sup>) hndlar, B <sup>15</sup>) einshueria, B <sup>16</sup>) edr, B

nokkurra nytsemða giorfa vera þegar sem þeir sia þa. enn þeir þora  
 marga þa luti at lasta<sup>1</sup> ok lyta i þessarri uerolldu. huerrar skapari  
 ok æitari almattigr gud er. sem þeir uita eigi fyrir huern skyllld  
 skapaðir eru. uilia þeir sua i uerkum ok smiduælum almattigs guðs  
 hofudsmids allra luta ok hans hagleiks tolum synaz þat uita sem  
 þeir uita medr ongu moti. Ek iatir<sup>2</sup> ok uel uidr gengr seghir hinn  
 heilagi<sup>3</sup> Augustinus. at ek ueit eigi fyrir huern skyllld myss ok madkar  
 flugur ok froskar eru skapaðir. ok þo séer ek allt at eins oll kuikendi  
 i sinu kyni fögr uera eigi sidr. þo at mörg af þeim syniz meinsam-  
 ligh<sup>4</sup> uera bædi ok oss motstaðlig sakir synda uarra. Eigi hugleidir  
 ek sua nökkurs kyns kuikendi edr sér likam edr limu segir hann.  
 at ek finni þar eigi matéer<sup>5</sup> ok mælingar skilrikis<sup>6</sup> tölur ok skip-  
 auir til sæmiligs sama ok samþycktar einingar samankoma. Eigi fær  
 ek ok skilit. huadan af þessir lutir allir munu til koma. utan af þeirri  
 hinni hæstu mælingu skipan ok tölur sem i sealfri usundrskiptiligri ok  
 eylifri guðs tign<sup>7</sup> eru ok saman standa. af huerium er þat er hardla  
 uidrkæmiligt ok sannliga skrifat. at hann skipar alla luti meðr uág<sup>8</sup>  
 matéer ok mælingu. Aull ueralldarinnar kuikendi eru mannum annat  
 huart nyttsamligh. ella skiæð ok skadsamlig. ella i þridia stad huarki  
 medr ne moti. Af nyttsamlighum þarf eigi at spyria ne segia fyrir  
 hueria sök er þau uaru skapað. Af<sup>9</sup> skadsamligum lutum pinumz ugr.  
 fremiumz edr rædumz.<sup>10</sup> til þess at uær of elskim eigi ne fysumz<sup>11</sup> of  
 miok upp aa þetta lidanda lif. sem mörgum háskasamlighum lutum er  
 ladit ok undirgefit. helldr elskim<sup>12</sup> ugr ok girnumz upp aa annat lif-  
 it. þat sem miklu er betra. þar sem hinn hæsti fridr ok<sup>13</sup> farsælld  
 er. kaupim<sup>14</sup> þat ok uerdskyllldim<sup>15</sup> medr milldleiks uerkum. Madrinn  
 pinaz ok miok. þa er hann uerdr meiddr ok<sup>16</sup> skaddr medr nökkuru  
 moti af þeim edr ottaz at uerda meiddr. þiat otti ok hrædzla er harðla  
 mikil pina. huar af er hann ma hialpsamliga hirtaz. sua sem hann ser  
 þessa luti fyrir sakir synda sinna ser til hafa fallit. þar af ma hann  
 ok mikilligha læraz sua at ottaz ok undraz guðs uerk. Ok sem hann  
 séer ok hugleidir hina minztu luti sér mega mein gðra. þa endr-  
 minniz hann sins breyskleiks. huar af er hann mætti ok ætti einkann-  
 ligha at lægiaz ok litillætaz. Vurdu þau fyrir þessa<sup>17</sup> grein mannum  
 skadsamlig eptir syndina. at þar af pinadiz hann hirtiz ok lærdiz. þar  
 sem þau varu miok hoguær skapað i fyrstunni fyrir syndina. Morg

20.

<sup>1)</sup> [tulf. B    <sup>2)</sup> iatar, B    <sup>3)</sup> mickli, B    <sup>4)</sup> meinsom, B    <sup>5)</sup> maatéer, B  
<sup>6)</sup> saal. B; skilrekkis, A    <sup>7)</sup> ok sgmð tulf. B    <sup>8)</sup> ok tqlu tulf. B    <sup>9)</sup> ok, B  
<sup>10)</sup> reiðumz, B    <sup>11)</sup> saal. ogs. B    <sup>12)</sup> elskum, B    <sup>13)</sup> vrugg tulf. B  
<sup>14)</sup> kaupum, B    <sup>15)</sup> verðskyllldum, B    <sup>16)</sup> edr, B    <sup>17)</sup> þrenna tulf. B

af þeim uerda ok odrum at skada. huer er ecki pinaz þaaleidis þar af sem madrinn. ok eigi hirtaz þau ne lærar. Af þessum dæmum ma madrinn enn eigi sidr lærar<sup>1</sup> ef hann hugsar sik um. Nockur af þeim eru sua skapad. at þau skulu odrum kuikendum uera til fædu ok uidrlifiss. En til huers at uær grafimz eptir greinum af þeim kuikendum sem huarki eru medr oss ne i moti segir Augustinus. Mislikar þer madr þat at þau stoda þer ecki ne stetta. þa lat þer þat lika at þau meina þer ecki uætta.

*Scolastica historia.* Af hinum minztum kuikendum. þeim sem af daudra kuikenda likðmum edr uandzligum uætum.<sup>2</sup> daligum [tream edr<sup>3</sup> dygdarlausum grqsum eru uðn at fædaz. hefir umræða uerit manna i milli. huart þau rynnir þa þegar upp sua sem ðnnur kuikendi. Enn þar til er su orlausn gefin. at þau sem eigi fædaz af nockurri spellan edr skadsemd uurdu þa þegar. enn þau sem af einum ok odrum spelladum lutum<sup>4</sup> fædaz. runnu af þeim sðmum upp eptir syndina. Þess ma ok einnhuerr lettliga spyria. fyrir huern<sup>5</sup> skyld er gud gaf manninum fædzlu fyrir syndina til uidrlifis. þar sem hann uar þa udaudligr. En þat uar fyrir þa sauk at sa udaudleikr sem hann uar skapadr med. uar medr fædzlu nærandi ok stydiandi. ok eigi þar um medr þeim hætti sem hinn er ukominn er. huerr er ongarrar fædu þarf edr þess háttar næringar. þiat i hinum fyrra matti madrinn þat at deyia eigi. enn i hinum sidarra ma hann eigi deyia.

Her segir huersu uidrlíkiz .vii. daga uerk almattigs guds uidr .vii. alldra heimsins.

8. Himinn ok iðrd uaru nu algðr. ok oll þeirra segrd ok prydi fylldi gud ok lyktadi. þat er sua mikít at hann syndi fullgort uera sitt uerk aa hinum .viida. degi. ok huilldiz aa honum af aullu þi uerki. sem hann hafði þa gort ok framit. eigi sua sem af nockurri mædu. helldr af lettandi sinni fyrr sagdri skipan ok gðrd aa þeim sama degi. þiat guð hafði þa skapad<sup>6</sup> efni til allra likamligra luta ok<sup>7</sup> saalna. þeirra sem hann skapadi sidan hueria aa sinum skapanar tima. Hafði hann nu framit ok algort þessi .vi.<sup>8</sup> daga uerk medr fyrr sagdri skapan skipan ok skyringu. Meðr skapan aa hinum fyrsta degi sua sem hann framdi sina skapan af ðngu efni. ok medr skipan þa er hann skipadi<sup>9</sup> liosit fra myrkrinu. medr skipan edr sundr-skiptingu aa ðdrum ok hinum þridia. enn medr skreyting aa .iii. hinum sidarstum.

*Augustinus.* J þeim ordum sem Moysec segir at gud huilldiz aa

<sup>1</sup>) læridóm faa, B    <sup>2</sup>) uokum, B    <sup>3</sup>) [ok, B    <sup>4</sup>) tilf. B    <sup>5</sup>) hueria, B  
<sup>6</sup>) skipat, B    <sup>7</sup>) liking tilf. B    <sup>8</sup>) .vii., B    <sup>9</sup>) skildi, B

hinum .viida. degði af þeim sinum hardla godum uerkum sem hann hafði gort. ma ok eigi sidr medr andaligum<sup>1</sup> skilninghi ok skyrum merkiáz uár eptirkomandi huilld. þa sem hann man oss gefa af ollum varum uerkum. ef uær höfum þau god górt. þiat öll uár god uerk er honum at kenna ok eigna. sem oss eggjar<sup>2</sup> til godgörninganna ok medr þeim tekr. synir oss sannleiksins ueg. lockar oss ok leidir<sup>3</sup> 21. til þess at uær gangim hann. gefr oss þar til efni ok orku. at uær fyllim þat medr frammkuemd sem hann bydr oss. Enn þat er<sup>4</sup> innuirduligha hugleidanda segir Augustinus. fyrir hueria skynsemd þessi huilld ueitiz aa hinum .viida. degði. Hann suarar ser sealfr ok [segir. at hann<sup>5</sup> seer .vi. alldra uinnufulla um allan texta gudligra ritninga. sua sem greinda medr<sup>6</sup> sinum eiginligum endimörkum. til þess at huilld-in ueitiz aa hinum .viida. Ok fyrir þi segir hann þa sömu alldra .vi. hafa mynd ok merking þessarar .vi. daga. aa huerium er gud górdi þa fyrr sagda luti sem scriptin skyrir ok nu var fra sagt.

Manndomsins upphaf. sua sem madrinn tokh at neyta ok niota þessa ueralldar lioss i paradiso. samuirdiz uel ok uidrkuemiliga hinum fyrsta degi. aa huerium er gud gerdi liosit. þessi alldr ma ok<sup>6</sup> sua takaz sem hin yngzta barnæska allrar þessar ueralldar. Hans lengd uar fra Adami til Noa flods. ok þat sama flod uard sua sem aptann þessa dags eör heimsalldrs. þiat uárr hinn yngzti barndomr. fra þi er madrinn er föddr ok til þess er hann er .vii. uetra gamall. eydiz ok af mááz<sup>7</sup> sua sem i uminnis ok<sup>8</sup> gleymsku flodi.

Annarr alldr meðr sinn morgin byriaz eptir flodit af Noa ok er til Abrahams æfi. Samuirdiz hann uel ok<sup>9</sup> likiz audrum deginum. aa huerium er festingarhiminninn uar skapadr milli nedri uatnanna ok efri. Sua uard [örkin ok<sup>10</sup> Noa af sinum monnum sterk ok stadligh festingh milli þeirra nedri uatna. sem hon fluttiz i. ok þeirra hinna efri sem ofan rigndi at henni. þessi alldr fyrir uerdr sik eigi af flöðinni. þiat annarr manzins alldr sueindomrinn. fra þi er hann er .vii. uetra ok til þess er hann er .xiii. uetra gamall. þuæz eigi ne fellr iafngiarna medr nockurri gleymsku or hans minni sem hinn fyrsti. þiat uær munum þat sem uær uárum smásueinar. enn neppiliga edr eigi þat er uer uárum smábörn. Tungna skiptit ok þeirra neyking<sup>11</sup> sem górdi stöpulinn Babel uar aptann þessa heimsalldrs. Eigi gat þessi helldr guds lyd en hinn fyrri. þiat annarr manzins alldr er umug-  
uligr<sup>12</sup> afspringh at geta.

<sup>1</sup>) andligum, B    <sup>2</sup>) kallar, B    <sup>3</sup>) laðar, B    <sup>4</sup>) t.ílf. B    <sup>5</sup>) [mgl. B    <sup>6</sup>) eigi  
sidr tilf. B    <sup>7</sup>) máiz, B    <sup>8</sup>) mgl. B    <sup>9</sup>) viðr tilf. B    <sup>10</sup>) [ok orkin, B

<sup>11</sup>) hneykingh ok niðran, B    <sup>12</sup>) cigi meguligr, B

Hins þridia heimsalldrs morginn byreadiz af Abraham. hæfir hann hardla uidrkæmiliga hinum þridia manzalldrinum. fra þi er hann er .xiii. uetra. ok hann hefir .viii. uetr um tuitugt þiat sa alldr er uel meginn ok mattugr afspring at geta. Hann samuirdiz ok hardla ual ok uidrkuemiliga hinum þridia deghinum. aa huerium er iördin uar i brott skipt ok fraskila gör uötnunum. fyrir þann skyld at aa þeima heimsalldri greindiz guds lydr ok fraskila gördiz þeim hinum mikla heidinna þeoda hegoma ok uaandu uillu fyrir truarinnar fedr hinn aageta Abraham. sem þeir i uöfduz medr margskonar skyrilighum skurdgoda blotum sua sem j hræðiligum [ok vstaðlegum vazens vindbárum. ok enn helldr sem i hræðilegum<sup>1</sup> hafbaarum ok sterkum brimstormum. frealsadiz guds lydr þa ok fra skildiz upp aa þann haatt þessarri þeirra uantru. sem iördin af uötnunum þann tima sem hon birtiz ok þurrlendit syndiz. Girntiz<sup>2</sup> hann þa ok þyrsti þaleidis himneska skur gudliga bodorda dyrkandi einn saman<sup>3</sup> ok lifanda gud. sem su iörd<sup>4</sup> matuliga dogguad sem sidan mundi fagran frykt ok

22 nýtsamligha aaüðxtu heilagra ritninga höfudfedra ok spamanna gefa megga. Fyrir þi taladi gud sua til Abrahams. Margra<sup>5</sup> þioda feþr skipadi ek þik. þessi alldr uanz allt til daga Dauids. Var hans aptann i syndaligum lifnadi Saul konunga ok ferligum framferdum þess folks sem undir hans stiornan<sup>6</sup> uar.

Þáþan byriadið hins fiörða heimsalldrs morginn af hinum fræga konungi Dauid. Hann er ok lík hinum fiörða manzalldrinum. þeim sem er fra þi er hann hefir .viii. uetr ok tuitugt<sup>7</sup> ok framm til þess sem hann er fimtögr. [Rikir saa alldr roskinleiksins sæmiliga<sup>8</sup> millum annarra alldranna. ok er hann fastligt ok frygdarsamligt. sterkt ok stadfastligt skart ok skraut allra annarra alldranna. ok fyrir þa sauk samuirdiz hann heiðrs uel ok fagrliga hinum fiörða deghinum. aa huerium er himintunglin uaru ger i festingarhimninum. edr huat megi biartligarr ok auðsynligarr merkia heidr ok birti konungligrs rikis ok þann lyd sem honum er uel hlydinn enn solarinnar fegrö ok forprisan. tunglsins birti merkir sealfa synagogam. stiornurnar hennar höfðingia. ok alla luti sua grunduallada ok stadfesta [i rikis stiorn<sup>9</sup> sem stiornur i festingarhimni. Aptann þessa heimsalldrs [uard aa æfi<sup>10</sup> hinna sidarri konunga. huár fyrir ebreskra manna þiod uar hertekin ok i þrældom rekin.

Hins fimta alldrs morginn uar hin mikla herleiding i Babilonem.

<sup>1</sup>) [tilf. B <sup>2</sup>) greindiz (!), B <sup>3</sup>) saal. ogs. B <sup>4</sup>) saal. B; uörd, A <sup>5</sup>) saal. B; Margar, A <sup>6</sup>) stiorn, B <sup>7</sup>) .xx. B <sup>8</sup>) [Nu herr sia roskinleikinn sennilega til allra (!), B <sup>9</sup>) [tilf. B <sup>10</sup>) [var þa i æfi ok syndalegum lifnadi, B

Var hann eigi ulíkr þeim lúta mannzins allðrs ok æfi, sem honum þýngiz ok honum hallar af roskínleikinum til ellinnar. hann kallaz í bekinni þungleika allðr. hann er frá þi er máðrinn er fimtugr ok til þess er hann er seauræðr. ok se þo enn eigi sealfir ellidomrinn komian. A þessum allðri hallaðiz aa þa leid rikiss stíorn ok stadfesta meðr Gyðingha folki. sem máðrinn þann tíma sem hann líðr af roskínleikinum til ellidomsins. Hans lengd uar af nefndum tíma til hegatburðar uars herra Jesu Kristi. Samuirdiz hann uel hinum .vta. deginum. aa huerium er fiskar ok fuglar uaru skapadir. fyrir þann skyld at Judar<sup>1</sup> toku þa níðr<sup>2</sup> at hafaz milli heidinna þíoda sua sem í seofar haska. ok at hafa uissligha<sup>3</sup> tru ok ustafasta sem flugandi fuglar renna ok reika hegat ok þegat. Varu þar ok uissuliga storir hualir. þar eru þeir sterkir ok stadfastir menn. sem giarnari uilldu ok uel máttu helldr stíorna ser ok odrum í ueralldarinnar bylgium ok baarum enn þíona edr í þrældom leggiaz í þeirri herleidingu. þiat þeir uurðu meðr engiss kyns otta eðr ræzlu til skurdgoða blotz edr nðckurrar annarrar uillu ok uantru leiddir edr lockadir. þat er geymanda er guð blezadi þessum kuikendum ok sagði sua. Vaxit þer ok flolgiz. fyllit seofarins uðtn. enn fluglarnir flolgiz yfir iordina. þiat Gyðinga þíod freouaðiz ok flðlgaðiz harðla mikít upp frá þeim tíma sem hon dreifðiz millum heidinna þíoda. þessa allðrsins aptann uard þat hit mikla ok hit margfallða syndafang meðr Gyðinga folki. er þeir [voru sua blindaðer. at þeir<sup>4</sup> kenda eigi uárn herra Jesum Kristum til sín komanda hígat í uerolldina.

Hins setta allðrs morginn byriaz<sup>5</sup> ok hefz af gudspíallzins predican fyrir lausnara uaarn Jesum Kristum. [Er hann eptir þi sem uerolldinni sealfri til heyrir þeim lúta mannzins æfi líkaztr. sem hans gamall ellidomr birtiz ok audsyniz.<sup>6</sup> A þessum hinum .vta. heimsins allðrinum lamðiz storliga miok ok níðr lagðiz þat hit líkamligha ok hit ueralldligha ríki Juda. aa huerium er þeirra musteri uar níðr brotít ok þeirra fornfæringar eyddar ok unyttar. ok su þíod er dringum komin at endalykt lífsins. eptir þi sem rikissins afli ok orku heyrir til. A þessum allðri foddiz þa nyr máðr sua sem í ellidomi hins gamla manz. saa sem nu lífir andliga. A hinum .vta. degi uard máðrinn til guds líkneskiu ok líkingar. Ok aa þessum hinum .vta. heimsallðri foddiz uarr herra hegat í heim líkamliga. af huerium er spamáðrinn segir sua. Máðr er hann ok huerr man kenna hann. Ok sua sem aa þeim degi uard bæði karlmáðr ok kona. meðr þeima hætti er aa þessum allðri Jesu Kristus ok hans kristni. A þeim degi var máðrinn upp aa þann

<sup>1</sup>) níðars, B <sup>2</sup>) níðr, B <sup>3</sup>) uissilega, B <sup>4</sup>) [íslf. B <sup>5</sup>) upp íslf. B <sup>6</sup>) [mgl. B

haatt yfir skapaðr busmðlum höggormum ok himinsins fuglum. sem Kristr styrir ok stiornar þeim hugskotum aa þessum alldri sem honum goraz hlydin ok til hans kristni koma ok kriupa. huart sem þat er helldr af heidnum þjóðum eðr Gyðinga folki. til þess at þeir temiz ok tempriz af sealfum honum. edr huat manna sem þeir eru er hog-uærir gðraz ok honum hlydnir. huart sem þeir hafa fyrir likams systum of gefnir uerit sem busmalar. edr hafa þeir i myrkra<sup>1</sup> þoku sua sem i uillu eðr nðckurri uantru uafdir ok blindadir uerit sem eitrommar. edr hafa þeir ofmetnadar fullir uerit ok frammgiarnir sem fliugandi fuglar. Biðium nu<sup>2</sup> þess gud at sa ueralldarinnar timi. sem er sua sem aptann þessa heims alldrs.<sup>3</sup> taki oss eigi ne beri aa uára lifdaga. þiat þat er ueralldarinnar endalykt ok timar Antikristi. af huerium er gud segir. Hyggr þu eðr ætlar at mannzins son mun<sup>4</sup> nðckura tru finna aa iardriki þann tima sem hann hefir komit.

Eptir þenna aptan man morginn koma. sua sem sealfur gud man hegat koma meðr sinni signadu birti. þa man þeir huilaz af aullum sinum uerkum medr Jesu Kristo. sem alaz af hans eptirdønum (ok) hafa god uerk gðrt. þiat eptir þilik dæmi<sup>5</sup> er ollum godum monnum huilldin uæntandi aa hinum .vii. deginum. þat er aa hinum .viida. heimsalldrinum. þeim er ðngan hefir aptaninn. Vænti huerr sem einn goðr madr seer at þi eylifrar dyrðar eptir hardla god .vi.<sup>6</sup> dagha uerk. þat er eptir .vi.<sup>6</sup> daga umlidna. ok skili sua huat er þat hefir at þyda. er gud huilldiz aa hinum .viida. deghinum af aullum sinum uerkum. þiat sealfur hann uinnr meðr oss alla þa goða hluti sem uer gðrum. ok af þi er þat rettliga sagt at hann huiliz. þiat eptir ðll þessi uerk mun hann oss<sup>7</sup> meðr sealfum ser æfinliga huilld ueita.

*De genesi.* Blezadi gud þa hinn .viida. daghinn ok helgadi hann. þat er sua at skilia. at hann skapadi at saa dagr ueri haleitr ok heilagr halldinn. þiat aa honum letti hann af aullu uerki sinu. þi sem hann hafdi þa skapat. *scolastica historia.* þar sem segir at gud huilldiz aa hinum .viida. degi af ollu þi uerki sem hann hafdi fyllt ok framt. þa tééz ok syniz þat uerkit sem hann hafdi þa enn eigi gðrt. af hueriu er hann lettir enn eigi edr huiliz. þriu fyrr sogd uerk hafði hann þa gort. skapat skipat ok skreytt. Hit fiorda hans uerk lettir alldrigi af. sua lengi sem hann lætr mannkynit aukaz. skapandi ok samtengiandi huers sem eins saal sinum eiginligum likam. Hit fimta man hann fremia annars heims. synandi þa aullum godum monn-

<sup>1</sup>) saal. B; uillu, A    <sup>2</sup>) mgl. B    <sup>3</sup>) saal. B; dags alldrs, A    <sup>4</sup>) muni, B  
<sup>5</sup>) uerk, B    <sup>6</sup>) vii, B    <sup>7</sup>) þessum, B



iam sealfs sins aasconu sem þionandi madr. sediandi þa ok sømandi æfnligha meðr sealfum ser i himinriki.

Her greinir ok skyrir af skapan ok setning heimsins ok mannzins skapan ok sundrgreining natturu hans.

9. Fyrir þa sok at um hrid uar sagt bædi i senn af skapan karlmanz ok konu. huat er þa uard eigi allt i senn ok aa einum tima. þa endrlekr Moyses medrnockuru moti aptr [til fyrr sagdra luta.<sup>1</sup> til þess at hann þi fylliligarr<sup>2</sup> til lykta leiði þat sem hann hefir adr medr skiotu maali ok skömmu uidr komit. ok tekr i fyrstunni sua til ordz. *genesis*. þessor eru gördir ok getnadir himins ok iarðar þann tima sem þau uaru skapat. aa þann sama dagh sem gud gördi himin ok iðrd ok allan akrsins blomstr ok grænsku ok hans foðr ok sædzlu. fyrr enn þat rynni upp yfir iordina. ok þar medr allt iardarinnar gras fyrr enn þat friuadiz. þiat gud hafdi þa enn eigi nõckurn stad latit rigna yfuir alla iðrdina. eigi uar ok nockurr madr til þa hana at yrkia edr uinna. helldr reis einn storr uppsprettubrunnr edr<sup>3</sup> uatnzædr upp af iordinni dögguandi allan hennar aauxot ok aasynd.

*Augustinus* segir at saa madr er þi sidr aufundandi edr lastandi. sem þessa luti fær sua uel ok uitrliga skilit eptir þi sem letrit heyriz lioda. at hann forðaz allar gudlastanir ok adra þa luti sem kristiligri tru eru gagnstadligir. ok at hann sec helldr sem einkannligr [ok harðla lofsamlegr<sup>4</sup> skilningarmadr hafandi ok halldandi. Enn ef þar til er engi uidkneimiligr uegr milldr ne gudi makligr. at þessir fáir framm sagðir blátir se odruiiss enn medr merkingum ok skyringum skildir.<sup>5</sup> þa höfum þann haatt ok hugsan aa sögdum ordum. sem sealfr hann hefir medr þess fulltingi gort ok gefit. sem oss eggjar at bidia leita ok knya. Fyrrum<sup>6</sup> uaarum .vii. dagar tindir ok taldir. enn nu er einn dagr nefndr<sup>7</sup> ok til tekinn. aa huerium er gud gorði himin ok iðrd ok alla akrsins blomgan, ok hans sædzlu [ok þar medr allt iardarinnar gras. Ecki uarð akrs edr engiss blomstr ok hans sædzlu<sup>8</sup> kyn i upphafui sua sem sagt er at gud skapadi himin ok iðrd. er þat ok berliga lesit. at iarðarinnar blomstr ok hennar sæðu kyn uard aa hinum þridia degi. ok þo skapadi gud eigi odruiiss himin ok iðrd enn adr hefir sagt uerit aa hinum fyrsta degi. J þessum hinum faam ordum teer fyrr nefndr spamadr oss ok skyrir meðr merkingar skilningh alla skepnuna fyrir andar syndina. Vndir nafni himins ok iarðar merkiz aull synilig

<sup>1</sup>) [fyrr sagða luti, B <sup>2</sup>) fullegarr, B <sup>3</sup>) ok, B <sup>4</sup>) [tilf. B <sup>5</sup>) saal. B; skyrdir, A <sup>6</sup>) saal. B; fyrrunni, A <sup>7</sup>) anefndr, B <sup>8</sup>) [mgl. B

25.

skepna. J nafni dagsins merkiz allr timi þessa lidanda lífs. aa huerium er eigi at eins uard himinn ok iðrd. utan þar meðr styriz ok stiornaz skipaz ok ueitiz ðll synilig skepna. Vndir akrsins blomstri ok hans fœðu kyni uill hann at usynilig skepna skiliz. sua sem þaundin fyrir lífsins blomgan ok sterkleik. Enn þat sem hann leggir þa til ok segir. fyrr enn þat akrsins blomstr upp rann yfir iordina edr uard. er sua skilianda. adr enn ðndin misgørði. þiat þann tima segiz hon uera eðr fœðaz yfuir iðrdina. sem hon saurgaz i<sup>1</sup> ueralldligum girndum ok ferligum fystum. Fyrr þij sagdi hann at guð hafdi þa enn eigi regna latit yfir iðrdina. sem hann segdi sua opinberligarr. eigi ueitti uaarr herra ritninganna skyium þa enn læringar regn til at döggua ok endrlifga saalina medan er hon hafdi eigi misgørt. Spamanna bœkr ok postolanna ritningar uerda mðrgum sua<sup>2</sup> myrkar ok uskilianligar. sem þær se meðr nðckurum þokum edr skyflokum skyggdar ok huldar. enn þa uerda þær uel skiliandi monnum sua sem nytsamligh sannleiks skúúr. ef þær eru meðr [margfalldri ok<sup>3</sup> uitrligri tracteran talaðar<sup>2</sup> ok skynsamliga skyrðar. Enn þessa ritningarinnar regns þurfti aundin eigi [medan hon misgerði ecki.<sup>4</sup> Eigi hafdi uaarr herra þa enn fyrir mannzins skyld. þess sem iðrdin kallaz ok er. uaars likama hulningh ok sky tekit upp aa sinn signada guðdom. fyrir huat er hann ueitti hardla nogliga gudspiallzins skurir. ok fyrir hueria sauk. eigi utan þa at mædrinn uar enginn sa er iordina ynni. þat er sua [at skilia.<sup>5</sup> at mædrinn misgørði eigi þa. ok fyrir þi uar honum [eigi naudsyn<sup>6</sup> þa aa scriptarinnar skurum ok ritningarinnar regnum. sem þeim manni er iordina uinnr ok erfidar. at almattigr gud daugguadi fyrr nefndan akrsins blomstr þann sem eigi hafdi þa enn yfir iðrdina komit. þat er syndalausa<sup>7</sup> saal. meðr hinni innri ok andaligri sannleiksins æði ok uppsprettu. sediandi hana meðr sinum innztum ok<sup>8</sup> leyndum lutum. fyrir innan i sealfrrar hennar skynsemd ok skilningu. sem uel ma skilia af þeim uitranum ok uisdomi sem Adami birtuz<sup>9</sup> fyrir syndina ok sidarr man heyrar. Af þessarri ædi edr uppsprettubrunni segir bokin. at einn brunnr reis upp af iðrdinni ok dögguaði allt iardarinnar yfirbragð ok aaseonu. ok af þeirri iordu þo sem psalmista<sup>10</sup> segir af til sealfs guðs. þu ert min uán ok mitt hlutskipti aa lifuandi manna iðrðu.

Eptir þessa syning ok skyringh syniligrar ok usyniligrar skepnu ok þar meðr almennilighan gudligrar ædar ok uppsprettu uelgørninginn uidr sealfs hans usyniliga skepnu. er til sðgunnar aptr huerfanda

<sup>1</sup>) af, B    <sup>2</sup>) tilf. B    <sup>3</sup>) [tilf. B    <sup>4</sup>) [aðr hon misgiørði, B    <sup>5</sup>) [mikit at segia, B    <sup>6</sup>) [eingi nauzum(!), B    <sup>7</sup>) syndalaus, B    <sup>8</sup>) mgl. B    <sup>9</sup>) birtiz, B  
<sup>10</sup>) psalmistinn, B

ok þar til takanda sem fra uar horfit. *genesis.* at gud drottinn formeradi manzins likam af iarðarinnar leiri. sem fyrr uar sagt. ok bles lifs anda af engu efni skapaðan i hans aaseonu ok þar meðr allan likaminn. ok sua uarð madrinn til lifandi<sup>1</sup> saalar ok skynsemdar. af *scolastica historia.* Her hit fyrsta sinn kallar bokin gud drottin edr herra. þiat þa hafði hann ser þionostumann. þenna stad skildi Plato urettligða. segiandi guð hafa skapat aundina at eins enn engla gort hafa likamann. Sua ma þat ok eigi standa ne fyrir satt hallda. sem sumir segia. at öndin se górf af gudligri ueran ok undirstöðu. þiat þa matti hon edr madrinn meðr engu moti misgöðra. Madrinn uar ok skipadr aa rosknum alldri ok fullkomnum. daudligr ok uadaudligr. þiat hann matti deya ef hann skyllðadi til þess. sem raun bar<sup>2</sup> aa. ok hann matti uerit hafa uadaudligr sem fyrr uar sagt.

26.

Her segir fra sællifiss paradís ok huersu almattigr gud skipadi hennar blomstrum.

10. Sællifiss paradís hafði gud plantat fra upphafi. þat er a binum þridia degi. þar er hann baud at iordin skyllði birtaz ok freouaz. sem fyrr uar sagt. i hueria er hann flutti ok setti manninn. er hann hafði skapat aa þeim uelli her aa uarri byggiligri haalfu<sup>3</sup> sem Campus Damascenus heitir. þenna stad let hann audgaz ok alskipaðan uerda meðr allzkyns ynniligum uidum ok alldintream.<sup>4</sup> þeim sem bæði uáru manninum lystiliga fögr at sea upp aa ok sæt at bergia. milli huerra er hann skipadi þeim .ii. tream<sup>5</sup> i midri paradís sem aagietaz uaru af ollum þeim. er annat het lifstre af þeirri natturu er þat hafði meðr ser. þiat sa madr sem optsinnis æti af þi matti eigi deya likams dauda. eigi sinkleik edr elli edr nockurs konar angist faa. enn annat uitzkutre milli gods ok illz. þiat fyrr enn madrinn aat þar af. kunni hann fyrir þann skyllð aungua grein aa illu. að hann hafði þat eigi adr prouat. þiat sinkleik uanmegn ok allt meinlæti kaullum uær illt. enn heilsu styrkleik ok annat eptirlæti köllum ugr gott. *scolastica historia.* Kent hafði Adam þo þegar þessa fyrr sagða illa luti af sinni uitru meðr nockuru moti i sealfs sins samuitzku. enn eigi meðr nockurri raun edr profan. upp aa þann haatt sem godr læknir þann tima sem hann er heill undirstendr hann annars krankleika. ok saa hinn sami læknir skilr hann þo allt at eins giðrr meirr þann tima sem hann befr hinn sama krankleik aa sealfum ser. þiat þa er bæði at hann skilr ok kennir. at sua sem sa smasueinn sem hann er uirduligða ok fagr-

<sup>1</sup>) saal. B; lifandis, A   <sup>2</sup>) berr, B   <sup>3</sup>) iqrðu, B   <sup>4</sup>) alldintriom, B   <sup>5</sup>) triom, B

liga uppfæddr ueit eigi driugum skyn aa illu. Ella merkiz úhlydni rettliga fyrir illt enn hlydni fyrir gott. þiat sua sem hann hafði etit af þi sama tre. þa uissi hann huersu mikit gott hlydnin matti. ok huersu mikit illt uhlydnin<sup>1</sup> stetti.

*Genesis.* Ein hardla fögr [ædr edr uppsprettu<sup>2</sup> brunnr geck ut ok flaut af þessum stad hinum ynniligzta at döggua til freouanar ok aauxtar aull hennar tre. ok þessi sama uppspretta skiptiz þáþan ok sundr greiniz i .iiii. størstu höfutaar. er menn hafa sogur af. heitir ein Phison ok odru nafni Ganges af Gangaro Indialandz konungi. þiat hon kemr þar fram ok fellr um þat sama land. finnz þar ok sæz betra gull enn i odrum londum ok einn hinn dyrazsti steinn onichinus. [*scolastica historia.*<sup>3</sup> Hon skiptiz ok medr ymissligum litum sua sem hon er i ymsum londum edr stöðum. þiat i odrum stad er hon skigr. enn i odrum ruglat ok blandin. [i annan stað er hon litil enn i annan stað mikil ok dreifiz uida.<sup>4</sup> j odrum stad<sup>5</sup> er hon kölld enn i audrum heit. Enn Phison aa ebresku er flockr upp i norrænu. þiat hon fylliz ok aukaz af þeim .x. aam sem falla i hana. Aunnur heitir Gyron er fellr bæði um Bláland ok Egiptaland. ok heitir hon þar Nilus. *genesis.* Hin þridia heitir Tigris. er fellr um austanuert þat land er Mesopotamia heitir ok allt moti þi landi er Assiria heitir. *scolastica historia.* Tigris heitir eitt hit skiotazta dyr. Er þessi aa fyrir þann skyld af sinum stridum straumi ok fliotum forsfaullum kallad Tigris. *genesis.* Hin fiórða er Eufrates. er fellr um uestanuerða Mesopotamiam ok allt i Kalldeam. huaðan er Abraham er kyniaðr. *scolastica historia.* Þessar .iiii. aar fliota ok framm renna af einni uppsprettu sem sagt uar. ok skiliaz þa fyrst. enn siðan koma saman nockurar af þeim. skiliaz þa enn annan tima. þiat þær uikia ok uenda sinni raas optligha nidr i iðrdina. koma siðan upp i einum ok ymsum stöðum ok löndum. þáþan af er þat. at eigi hafa allir eina frasögn huar þeirra uppspretta er i uarri byggiligri uerolldu. Sua segiz af sumum monnum. at Ganges komi upp eigi fjarri fialli þi sem Caucasus heitir. enn Nilus næri þi mikla fialli sem Athlans heitir. enn Tigris ok Eufratés af Armenia.

*Genesis.* Eptir þat flutti gud manninn i brott af þeim stad sem hann hafði skapað hann. ok setti hann i þann enn ynniliga stað paradis. at hann skyldi þar uera ok uinna eigi nöckurs kyns erfði helldr ser til lystiligrar næringar. ok hann skyldi hennar geymari uera enn gud beggia þeirra. *Augustinus.* Su uinna uar hardla lofsamlig enn eigi erfðisssaum. þiat manzins aastundan ok uinna i

<sup>1</sup>) *saal.* B; hlydnin, A    <sup>2</sup>) [uppsprettu gör eör, B    <sup>3</sup>) [mgl. B    <sup>4</sup>) [tilf. B  
<sup>5</sup>) *her mgl. 2 Blade i B*

huilld ok kyrrleik þess sæla lifs. sem qnguan biðr dauðann. er at geyma þat ok hirða sem hann helldr upp aa. *scolastica historia*. Ok þa setti guð honum eitt boðorð. huadan af er hann skyldi uita sik undir sealfs hans ualldi uera eiga ok drottnan. Ok aa þann hátt sem oll uerolldin ok ónnur skepna uar honum hlydin. sua skyldi hann ok skaparanum hlydinn uera. Ok fyrir þi sagði hann sua. *genesis*. Et ok feðz afhueriu tre sem einu. þi sem her bidr i paradis. utan af uitzku tre milli gods ok illz skalt þu eigi eta. fyrir þann skyllt at aa þeim degi sem þu hefir af þi etit mant þu andliga deya ok daudligr uerda. *scolastica historia*. Karlmanninum uar þetta boðord gefit ok sett af guði. enn fra honum skyldi þat koma til konunnar. ella uar þat eigi fyrri sett ok skipat enn þau uaru bæði skapað.

Ok þa sagdi guð. *genesis*. Eigi er mannum gott eðr glediligh at hann sé einn saman. gerum honum fulltingiara sealfum honum likan. Nu sem guð drottinn hafði skapat ok formerat oll iardnesk kuikendi. ok þar meðr fiska ok fugla. þa let hann aull þau koma fyrir Adam. ok at hann skyldi sea ok segia huersu hann uilldi huert þeirra heita láta. þiat þat er huers kuikendis nafn allt til þessa dags sem Adam gaf þi. talandi upp aa ebreska tungu. þiat hon ein uar fra upphafi allt til tungna skiptis. Fyrir tuenna sök let guð aull kuikendi fyrir Aadam koma at hann gięfi þeim nöfn. þa aðra at þapan af mætti þau uita hann uera sinn formann ok stiornara. enn þa aðra at hann sæi þat uissuligha. at þess haattar kuikendi uar sealfum honum (u)likt. ok honum uar fyrir þa sök konan naudsynligh. þaa let gud þilikt sem suefn ok enn helldr nockurs konar umegin falla aa Adam. ok i þessu sama umegni truiz. at hann hafi andliga leiddr uerit ok uppnúminn til himinrikiss hirðar. þiat siðan er hann uaknaði. uar hann fullkominn ok sua framr spaamaðr. at hann spaadi fyrir samband Jesu Kristi ok heilagrar kirkiu. ok þat hit mikla floð er uarð aa dögum Noe. ok þar meðr eigi sidr hinn efzta dom. er fyrir elldinn skal uerða. ok sagði alla þessa luti sinum sunum.

*Genesis*. Ok sem hann uar sofnaðr<sup>1</sup> tok guð brott af honum eitt hans rif ok sua mikit kiðt sem þii til heyrdi. enn let kiðt koma i stað rifsins. ok skapadi konuna fyrir englanna þeonostu af þi sama rifu. gorandi hennar likam af kiðtinu enn beinin af sealfu rifinu. let hana siðan koma fyrir Adam. ok þa sagdi hann sua. Þetta bein er nu af minum beinum. ok þetta kiðt er af minum likam til tekit. *scolastica historia*. Af þessu hinu litla orði .nu. fengu Judar mikla uillu ok uantru. er Adam sagdi sua. þetta bein er nu af minum beinum. þiat þeir

<sup>1</sup>) r. f. skapað

segja honum adra konu fyrr hafa uerit skapaða. þar sem sua er sagt i hinu .viii. dagsuerki guds. at hann gerði bæði karlmann ok konu. Enn þeir segja at hann gerdi nu adra konu. ok taka Adams ord sem sua hafi hann talat. Hin fyrri konan uar gor medr mer af molldu ok leiri. enn þessi er nu gðr af sealfs mins likama. Hegoma þeir ok liuga margar settartölur fra .ii. hans husfreyjum. enn þeirra uilla ok hegomi auðsyniz af sialfum texta Genesis. þar sem iafnan talar einfaldliga af einni husfru. *genesis*. Gaf Adam henni þa nafn sua sem hennar herra. ok sagði sua. þessi skal kerlingh heita. þiat hon er af karlmanninum komin. Uard þetta fyrir þa sök hennar eiginlight nafn. Ok þegar eptir spaaði hann sua segiandi. Fyrir þenna skyld at hon er sua til komin. man margr madr fyrirlata sinn fðður ok moður ok samtengiaz sinni husfru sem einum part af sealfum ser. ok man þau .ii. uera medr einn likam. af þi at af samblandningh beggia þeirra bloðs byriaz barnit. ok huarki þeirra hefir meðr ollu eitt saman ualld yfir sealfs sins likam.

Her segir fra Adam ok Eua huersu hðggormr kom til þeirra ok eggiadi þau til at briota moti gudi sealfum. *Capitulum*.

11. Huartueggja þeirra Adams ok hans husfru uaru medr ollu nauckuit utan alla skammfylling sem fyrr uar sagt. *scolastica hystoria*. Hugdu þau fyrir þa sauk ðnguan hlut aa ser hylia þurfa. at þau kendu aungua þa girnd edr freistni medr ser. sem þau þyrsti at staudua. sua sem uær skammfyllumz eigi. huerr sem sér aa oss hðfuð ok fðtr. þiat utílheyrilig ok uuiðrkuemilig limanna hræring gðrir þa skamfulliga. *29* Ok sem smasueinar skammfyllaz eigi. þo at þeirra leyndarlimir see litnir eðr senir. þiat þeir kenna eigi af getzku sins unga alldrs medr sér nðckura skamfulligha ræringh. edr huar af mundu þau skammfyllaz segir hinn heilagi Augustinus. þar sem þau kendu eigi lðghmaal i sinum limum gagnstadligt hugskotzins lðgmaali. Merkti þess haattar þeirra nðckleiki andarinnar skirleik ok einfalldleik.

Hðggormrinn uar klokaztr ok slægaztr af ollum kuikendum. þeim er til beið aa iardriki ok guð hafði gert. þiat hann uar þegar samdægriz fullr af sianda sem hann uar skapadr. Ok fyrir þann skyld at sua sem Lucifer uar brott rekinn af himneskri paradis. aufundadi hann manninum at uera i iardneskri paradis. uitandi þat at hann mundi þadan brott rekinn. ef hann gengi af guds bodordi. þa kom hann til konunnar i þeim einum hðggormi sem hann hafði meyar aaseonu. eptir þi sem Beda prestr segir. þiat likir hlutþr blidkæz af ser likum lutum. ok stod þa upp sem allir adrir ormar fyrir syndina sua sem

maðr. þíat hann uar i böðluaninni lægðr ok nidradr. ok fyrir þi til hennar. at hann ottadiz at uera kendr af sinum suikum af karlmanninum. ok hann uissi hana ueykari ok uutrari uera enn karlmanninn. ok rærdi eitromsins tungu ok þo uuitanda. sua sem hann hefir gðrt medr odum monnum ok uitlausum. talandi sua til hennar. Fyrir hueria sauk baud gud yckr. at þit skyldit eigi eta af hueriu þi trée sem her er i paradís. Fyrir þa sauk spurdi hann. at hann uilldi af hennar andsuðrum mega finna sauk ok tildrátt at tala þat sem hann hafdi til hugat. sua sem ok uard. Hon suaradi. Af aauxti allra trea þeirra sem bidr i paradís skulum mit fædaz. er ockr likar. enn af þii tre ok þess aauxti sem stendr i midri paradís baud gud at mit skyldim eigi eta ok eigi þi nær koma. lettliga fyrir þa sauk at mit dæim eigi þar af. Ok efandi maðr uikr higat ok þigat ok er i ðngu ðruggr. þa þottiz fiandinn ðruggr at faa þat er hann uilldi. ok segir sua. Meðr engu moti munut (þit) deya þar af. er hitt helldr sannara. at hann uilldi eigi ok fyrirmundi yckr fyrir aufundar sakir. at þit liktiz honum i uitzku ok uisdomi. þíat hann ueit at yck(u)r augu lukaz upp a þann dagh sem þit etit af þii. ok uerðit þit þa sua uis sem guð skyniandi bædi gott ok illt.

Nu af þi at konan uar metnaðargiðrn. i þi er hon uilldi samlikiaz uid gud af ormsins aaeggian. enn saa at treit uar sagrt ok lystiligt at lita. enn skildi af aatekning þess at þat mundi uera eigi sidr sætt at eta. tok þaa eitt epli af aauxti þess sama tress ok aat. ok gaf sidan bonda sinum þar af. eggjandi hann til at eta eigi sidr. Var hann henni þar um audsottr ok eptirlaatr. fyrir þi at sua sem hann saa. at hon dóó eigi þegar hon hafði etit eplit af þi tre. eptir þii sem hann skildi guds orð til uera. at hon mundi deya þegar i stað. þa trudi hann. at hann hefði þat til uarhygdar at eins talat ok høtingar. sem hann hafði þeim daudanum ognat. aat þa af þeim sama aauxti. ok þegar i stað lukuz upp augu þeirra beggia. Huersu þa. utan af sealfra þeirra girnd sin i milli. upp aa þann haatt at þeim þotti nøckleiki sins likama hardla liotr uera. sua sem þau kendu ok undirstodu at þau uaru nøckuið. þíat þau haufdu adr medr ser natturuligar girndir ok ræringar sua hogliga stilltar ok stoðuadar medr sealfum ser. sem meðr ungum smásueinum fyrr enn nøckurr girndarinnar gneisti kēmi til þeirra. Varu þeirra leyndarlimir þeim upp aa sina natturu sua hægir ok eptirlaatir i alla staði sem hendr eðr fotr. Ean siþan er þau urdu uhlyðin sinum yfirboda. þat er skaparanum. þa kendu þau þegar nøckura ræring þa i sinum leyndarlimum. sem þau skildu at i moti skynsemdinni ok andarinnar lögmaali uaru ok þau

höfdu eigi fyrr kent. ok fyrir þi skammaðuz þau at uera nockuit. at þeim rærdiz þa uuidrkemiligt at þeir limir uæri berir. huar af þeir heita sidan leyndarlimir. Adrir limir hafa sik eptir manzins boði ok bendingu utan þessir eigi. *genesis*. Gordu þau ser þa til hulningar litil klæði af fiktrea laufum. þiilikt sem stuttar brökr. ok sua sem þau heyrdur gud drottins ord. sem hann for ok fluttiz eptir midian dag um paradis. þa<sup>1</sup> faalu sik bœdi Adamr ok hans busfru milli þeirra trea. sem uaru miok i midri paradis. at þau uyrði eigi fyrir gud drottins augum.

Her segir fra þi er gud rak Adam ok Euo ut af paradis ok hueria hann skipadi til geymslu lifstressins. *Capitulum*.

12. Eptir þetta kallaði gud Adam ok sagdi sua til hans fyrir skepnunnar embætti i manz mynd. eptir þij sem heilagr Augustinus (segir) i elliftu bok yfir *Genesim*. eigi sem uuitandi. helldr sem aasakandi ok skylldandi hann til at iata sina synd. Huar er þu Adam. þat hefir sua mikit at þyða. Se nu i hueria eynd ok uesolld þu ert uolltinn. *scolastica hystoria*. Fyrir þa sök uar karlmadrinn fyrri spurdr. at honum uar fyrri bodordit sett. ok hann skyllði þat konunni kunnighit gðra sem fyrr uar sagt. *genesis*. Hann suaradi. Ek heyrdar þina rödd her i paradis. ok ottadiz ek fyrir þann skylld at ek uar nockuiðr. ok þi fal ek mik. *Commestor*. Hardla heimsklig andsuðr ok af mikilli uillu ok uantru. at maðrinn mundi fyrir nðckleikann gudi mislika. þar sem hann uar medr nðckleikinum skapadr. Ok þa sagdi gud sua til hans. Huerr sagdi þer at þu uærir nockuidr. nema þat er þu átz af þi tre. hueriu er ek baud þer at þu skylldir eigi eta. Sealld-an edr alldrigi segir ofmetnaðarmadrinn. Ek misgerda. Adam suaradi ok. eigi sua sem litillatliga iatandi sina synd. helldr suarandi ok snuandi hana upp aa sina eiginkonu ok enn helldr upp aa sealf-an skapara konunnar. ok sagdi sua. Kona su sem þu gaft mer til samlaghs. gaf mer af þi tre. ok aat ek. *Augustinus*. Eigi at eins sagdi hann. konan gaf mer. utan helldr lagði hann þat til þar meðr. at su kona sem þu gaft mer til samlags. rópandi sik eigi ne rægiandi um þat er hann hafdi samþyckz konunni. utan helldr kennandi henni sinn glöp eptir ofmetnadarmanna uuana. uilldi hann sua reyndar medr klokskap i liði gudi kenna þat er hann hafði misgört. Reis þat upp ok rann af þeirri ofmetnaðar uillu ok uppsprettu. at hann misgordi sua. at hann uilldi uiðrlikiaz gudi i þi. at uera freals ok

<sup>1</sup>) r. f. þau



lidugr af hans drottan. þar sem hann er allra drottinn ok herra. *genesis*. Gud drottinn sagði þá til konunnar. Fyrir hui góðir þú þetta. Hon svaradi. *scolastica hystoria*. eigi sua sem asakandi sealfa sik. helldr sua sem snuandi syndinni upp aa orminn. ok þo reyndar i hlíodi upp aa ormsins skapara. ok sagði. *af genesi*. Höggormrinn sueik mik ok aat ek fyrir þa sauk af trenu.

*Scolastica hystoria*. þa bannaði gud þeim ok bauluadi ok hóf af höggorminum. hafandi uidrkemiliga skipan ok tðlu medr oíl þau sem uán uar. Höggormrinn misgörði fyrst ok mest. þiat hann misgörði i .iii. hlutum. Konan misgörði minnr enn hann enn meirr en karlmaðrinn. þiat hon misgörði i .ii. lutum. Hann misgörði minnr enn þau. Talaði gud þa til höggormsins. *genesis*. Bauluaðr muntu uera milli allra iarðarinnar kuikenda ok dyra. fyrir þa sauk at þu góðir þetta. Yfir sealfs þins briost skalltu skrida enn sæðaz medr iardarinnar mæld alla þina lifdaga. Fullan flandskap ok uuinattu man ek setia milli þin ok konunnar. milli þins afspringis ok hennar afkuemis. Hon mun lemia þitt höfut. enn þu munt hennar hæli ok enn helldr afkuæmi umsaalir ueita. *scolastica hystoria*. Höggormrinn uar fyrir þann skyllð eigi spurðr. at hann görði eigi mest fyrir sealfan sik. helldr mælli seandinn fyrir hann. Af þi at ormrinn misgerði medr þrennum greinum. feck hann ok þrennar böluanir þar i mot. Fyrir þi at hann aufundadi manzins tign. uar honum sagt þar sem hann stod aðr rettr upp. yfir þitt eiginligt briost skalltu skrida. Enn þar i mot sem hann laug at mannum. uar hann ok i munnum pinadr. þa er honum uar sua sagt. meðr iardarinnar mæld skalltu sæðaz alla þina lifdaga. Enn fyrir þat er hann sueik manninn. uar honum sagt. uuinattu man ek setia milli þin ok konunnar. ok hon man lemia þitt höfuð. J þessum ordum syniz at konan hefir þa þegar angraz ok idraz af sinum glöp. er gud sagði til ormsins. hon man lemia þitt höfuð. þiat hann geymir ok hirdir sua sitt höfud. sem þar at eins se driugum hans lif geymt i. Ok aa þa leið sem hatr ok uuinatta er millum hesta ok dyra þeirra er grifes heita. milli hunda ok uarga. sua er ok milli manzins ok eitormsins. þiat sua sem ormsins eit drepr manninn. sua ma þat uerda at fastanda manz raaki drepi eitorminn. Ok af þi at þau bæði Adam ok hans husfru uaru nöckuið. þa er hann sueik þau. þa ottaz nu eitormrinn iafnan ok flýr nöktan mann. enn ræðr aa þann sem klæddr er. Konan misgerði meðr tuenum greinum. Um þat framm sem hon eggjði sinn bonda at eta eplit ok afsakaði sik síþan. kennandi sina synd orminum ok enn helldr þeim sem orminn hafði skapað. hon misgerði medr öfmetnaði. þa er hon hugdiz ok uilldi

32

uerda sua uitr sem guð. Ok þar i mot lægði gud hana. þa er hann sagdi sua. Þinar eymdir ok uestaldir munu fíolgaz. ok undir bonda þins ualldi skalltu íafnan uera. Fyrir syndina uar hon ok skyllði honum hlyðin uera meðr einum saman kærleik ok elskhuga. enn síþan uard hon af skyllðan ok skilmaala honum at uera hlyðin meðr ötta ok hræðzlu. Ok fyrir þa sauk at hon misgordi etandi af tressins aauesti. uar hon æfinliga pinat i sealftrar sinnar aauesti ok afkuæmi. eptir þi sem gud taladi til hennar sua segiandi. Meðr sut ok saarleik mantu fæða sunu þina ok born. Adam misgerdi mest i þi. er hann aat af tre þi sem honum uar fyrirbodit. Ok fyrir þa sœk setti gud honum þa pinu þar i mot. at hann skyllði meðr sealfs sins sueita ok erfíði alla ser fœðu her aa iardriki. þa er hann sagdi sua til hans. *af genesi*. Fyrir þann skyllð at þu hlyddir ordum konu þinnar ok aaeggian ok dirfdiz at eta af þi tre. hueriu er ok fyrirbaud at þu skyllðir eta. er iordin böluad i uerki þinu. *scolastica historia*. þat er af þinni synd. fyrir huerrar skyllð er iordin. su sem fyrri gerdi ok gaf ut af ser noga ok goda aaubxtu. man upp i fra þessu gefua sealldgeta aauoxtu. ok þo eigi utan manzins starf ok erfíði. *genesis*. þiat alla þina lifdaga skalltu meðr erfíði af henni fæðaz. meðr þorn ok klungr skal hon þer aauxtað ok groa. ok þo muntu iardarinnar gras eta. Sua sem hann segði. i þessu skalltu ok skynlausum busmala líkiaz. Meðr sueita þinnar eiginnar aaseonu skalltu þer braud ok adra fæðu faa. allt til þess er þu skallt aptr huerfa til iardarinnar. þeirrar sœmu sem þinn líkami uar af tekinn. þiat þu ert dupt ok molld ok i þa sœmu molld skalltu aptr huerfa. *scolastica historia*. þiat sua sem þu mundir ok mættir i þeim sama stétt stadit hafa. ef þu hefdir uiliat. sua muntu nu or annarri uestold æ huerfa ok falla i adra sem flótanda uatn.

*Speculum historiale*. Eigi misgerdi Adam íafnmiok meðr þeirri aastundan etandi fyrr sagt epli. at hann girntiz upp aa guddominn sem konan. helldr lokkadiz hann eplir hennar aaeggian sua sem af nöckurum ofmiklum uinattu goðuilla ok eptirlæti. fyrir þi at hann ugði at hon mundi stygguaz uidr. ef hann æti eigi eplit er hon bar honum. *Augustinus*. Ok uilldi fyrir þann skyllð eigi er hon stygdiz þar af eðr rygdiz. at hann hugði at hon mundi af þess haattar þeirra sundrþycki mikilligha þrá eðr með ollu helstrid fáa. Enn eigi leiddiz hennar lockan af líkamsins girnd edr munud at þi sinni. huerrar er hann kendi eigi fyrr en hann hafði etit eplit. helldr af nöckurum ofmiklum ok uanstílltum uinattu kærleik. sem sagt uar. af huerium er þat uerdr ok ueitir optliga. at madrinn uinnr þat til. at uin hans uerdi honum eigi uuin. sem gudi er gagnstadligt. *speculum historiale*. Ok fyrir þi

misgörði hann upp aa tuenna grein. þa adra sem fyrr uar fra sagt. at hann bergdi aa bannadum aauxti. enn þa adra at hann afsakadi sik kennandi konunni sina sekt. Var konunni þi enn meiri ok fleiri pina sett. sem hon misgörði enn margfalldligarr. sem fyrr uar greint. Enn þo misgörði karlmadrinn þungligarr upp aa þann haatt. þiat hann misgerði uisuitandi. þar sem hon uar lockad til medr lygiligum suikum. misgerandi þar fyrir meirr af nöckurri uuitzku. Eigi at eins setti gud þeim pinu af þessarri tilskyllidan i sealfum ser. sem heyra matti. utan ok i ollu þeirra afkuemi. ok þar medr i allri syniligri skepnu. Ok enn þar medr hefði þau at sidurstu fengit heluitiss pinu. ef þau hefði eigi iðraz af sinum glöp ok fengit þar fyrir likn ok miskunn af guði. Enn fyrir þann skyld bannadi gud iðrðinni en eigi uatninu. at af hennar aauxti uard hit fyrsta lagabrot ok bannað uerk. þadan af er þat lesit af uarum lausnara. at hann aat fisk medan hann uar her i uerolldinni enn alldrigi kiðt.

*De genesi.*<sup>1</sup> Adam sytandi þa afkuemissins uesold ok pinu. gaf sidan husfru sinni þat nafn at hon skyldi heita Eua. fyrir þa sauk at hann vissi hana modur allra lifandis<sup>2</sup> manna mundu uera. Sua sem hann segdi þetta. Allir þeir menn munu segia e<sup>3</sup>edr á. sem sædaz af Eua.<sup>3</sup> þiat nyfætt sueinbarn byriar sinn grát medr<sup>4</sup> á. en meybarn af e. Eua þyðiz upp i uárt maal eymd edr ue. eptir þi sem Ysidorus segir. ma þar af marka ok undirstanda. at hann angradi þa þegar ok idradiz af sinum glöp. Let gud drottinn þa fyrir englanna þeonostu kyrtila af daudra kuikenda skinum uerda görua Adam ok Eue. synandi þeim sua mark sealfra þeirra daudleiks. Taladi þa heilog þrenning sin i milli. ella taladi gud til sinna heilagra engla. medr hirtanda edr harmanda manz rödd ok hætti sua segiandi. Se herna. Adam er nu<sup>5</sup> uorðinn sua sem einn af oss skiliandi ok skyniandi bædi gott ok illt. huerr er oss skyldi likr hafa uerit meðr udaudleik. ef hann hefði rettliga stadi. Fyrir þa sauk seait nu ok uidr uariz. at eigi beri<sup>6</sup> sua til. at hann hafi sina hönd af<sup>7</sup> listrenu sealfu takandi þar af. ok eti ok lifi sidan æfinligha. Rak gud hann þa sidan brott af sællifis paradis. ok let hann koma nidr aa þeim sama uelli edr eng Damasceno. af huerrar molldu hans likami uar tekinn ok görr. at hann skyldi hana uinna ok erfida. ok þar sidan iarðadr uera meðr sinni husfru ok þeim fleirum sinum afkuæmissmonnum. sem ofarr meirr man heyraz mega.

*Scolastica hystoria.* þenna brottrekstr uarra fyrstu fedgina af

<sup>1</sup>) her beg. atter B   <sup>2</sup>) lifandi, B   <sup>3</sup>) saal. ogs. B   <sup>4</sup>) af, B   <sup>5</sup>) saal. B; uti, A   <sup>6</sup>) beriz, B   <sup>7</sup>) saal. ogs. B; aa 225

fyrir sagðri paradís presenterar ok endrminniz heilög kirkia á ösku-  
odinsdagh. þann tíma sem hon strengir uti storglöpamenn meðr  
stríði af heilagri kirkíu. Herfíligt haarklæði gefr hon þeim í merking  
fyrir sagðra skinnkyrtla. ösku gefr hon þeim í minningh þessarra  
orda. þu ert molld ok í molldina mant þu aptr huerfa. þat er ok  
sumra kirkna uani af<sup>1</sup> tilskyldan þess uerks. at þeir bera brennandi  
kerti sua sem þeir eru útreknir. í minningh þess at brennandi eldr  
uar tilsettr at ueria paradís um af tilskyldan þess uerks. er þau rettu  
sinar hendr til hins bannada eplis. þeir fara ok frá hinni fyrstu kirkíu  
til annarrar. ok eru þar eigi síðr dyrr aptrbyrgðar fyrir þeim. í merk-  
ingh þess at hinum uar forðum oll tilferð [bannad<sup>2</sup> til paradís um.  
34 þeir taka ok sína födu eigi af bordi helldr af iðróu. þíat sua er<sup>3</sup>  
sagt. Böluad er iorðin af<sup>4</sup> þínu uerki. Engin segir þeim<sup>5</sup> heilsanar-  
orðit Aue. þíat eigi uar þa enn umskipt nafnit Eue.

Þessi guds domr ok orskurdr syniz miok harðr. er hann lagði  
þenna brottrekstr af paradís um meðr fyrir sagðri hegnd ok þínu aa  
fyrir nefnd uar fedgin. Enn þat er þó allt at eins rett sua sem oll  
onnur sealfs hans görd. þíat her meðr tempradi hann miskunnsamliga  
þa þínu sem hann hafði þeim sett. þíat þar sem þau skyldu æfuinliga  
meðr uá ok uestold lífa. þa uar þeirra líf æ þi uestlara er þat uar  
lengra. ok sua sem þau hefði bergt af lífstrénu. þa hefði þau þi  
lengr uestol uerit<sup>6</sup> sem þau hefði lengr lífat. Ma þat eigi undarligt  
þíckia edr otruligt.<sup>7</sup> at þau bæði hefði hardla lengi lífat. íafnual eptir  
þat er þau misgörd. ef þau hefði etit af þi sama tre. meðr þi at þær  
eyiar sinnaz meðr lífandi monnum her í uárri byggiligri uerolldu. í  
huerium er menn deyia seint edr eigi. ok þar sem aa trea laufum.  
meðr þeim þíodum er Seres heita. uerdr þílíkt sem hy edr fíua.<sup>8</sup> af  
huers aati er þeirra manna líf lengiz sem þar af eta. ok sua sem  
Alexander konungr skrifuaði til Aristotilem af kennimonnum solar  
ok tungls. at af epla aati fengi þeir<sup>9</sup> langt líf. Nu sa sem [hann  
uill þetta<sup>10</sup> lygíligt kalla. þa lesi hann fyrri historiam scolasticam. en  
hann segi þetta þann logit hafa eðr díktat sem snarat hefir.

*Genesis.* Ok sem gud hafði Adam brott rekit ok Euam brott af  
paradís um. þa skipadi hann þar fyrir til uerndar .ii. hluti. at engi mætti  
lífstrénu námunda koma. Cherubin er einn engill af þi engla fylki  
er cherubim heitir. setti hann moti fiandans aahlaupum enn elddinn  
moti mannum. huern er Moyses nefnir elldígt suerd ok snuanligt

<sup>1</sup>) ok, B    <sup>2</sup>) [ok vegr aptrbyrgðr, B    <sup>3</sup>) uar, B    <sup>4</sup>) í, B    <sup>5</sup>) tilf. B  
<sup>6</sup>) vorðit, B    <sup>7</sup>) segir Commestor tilf. B    <sup>8</sup>) fífa, B    <sup>9</sup>) harðla tilf. B  
<sup>10</sup>) [þetta vill, B

edr brott tækilíght. af þi sua. at þenna sama elld let gud bædi fra snuaz þann tíma sem Enoch uar vppnuminn i fyrr nefnda paradís. ok sua þa er Helyas uar uppnnuminn. [*scolastica hystoria*.<sup>1</sup> Ef nockur spyr huat er saa elldr hafi ser til næringar. þa ma þi uel þar til suara. at nockur elldzins mynd er su. er eigi þarf nõckut efni ser til næringhar. sem sa er lesit er af i sogu hins heilaga Nicholai. af huerium er madr kennir hita. ef hann rettir hõnd sina at honum. en brennr þo eigi. en þess hattar elldr brennir andana. eptir þi sem i skiluisum bokum finnz skrifuat.

Her segir fra þi er Kayn ok Abel uaru fõddir ok Kain drap Abel brodur sinn. *speculum historiale*.

13. Adam ok Eua. sua sem truæt er. gengu af guðs bodordum aa sealfum fyrsta degi sinnar skapanar. þat er a .vita. degi heimsins i sealfri paradiso sem sagt uar nærr middegi. ok litlu sidarr aa niundu tíð dags þess hins sama varu þau rekin ut af paradiso. Ok fyrir þi krossfestiz Krístr hinn nyi madr aa þeim sama degi eptir mðrg aar umlíðin. þat uar aa .vita. degi uiku hinn attanda kalendas aprílis aa settu tíð dags. leysandi mannkynit af sekt þeirrar sðmu syndar. Ok þa er hann saaladiz aa hinum heilagha krossi uid .ixdu. tíð dagsins. lauk hann sealfur upp iungðngu paradisar illuirkianum.

Sem þau Adam ok Eua uaru brott rekin af paradiso i utlegd þessar ueralldar. þa leitadu þau til mannlígrar hugganar. þíat þau foru meðr meydum af paradiso ok síðan komu þau samt líkamlígha. Nu aa fimtanda aari [lífs Adam<sup>2</sup> uar fõddr Kain ok systir hans Kalmanna. Enn eptir ðnnur .xv. aar fõddiz honum Abel ok hans systir Delbora. *scolastica hystoria*. Enn sua sem Adam hafdi lífat .c. aara tírætt ok .xxx. aara. drap Kain Abel broður sinn. Syttu þau Adam ok Eua .c. aara tírætt eptir hans drap. þar til er þau gátu at eiga son þann er Seth het. eptir þi sem Petrus Commestor segir. Genesis segir. at hann hafdi .c. ok .xxx. aara er hann atti Seth. sem síðarr man heyrar. Sakir skundunar ok skammælís lídr Moyses skíotlíga um kynkúislr Adams. sua at hann getr ecki margra hans suna ok ðetra. skundandi sua sinni frasðgn til Abraham.<sup>3</sup> fõður ebreskra manna.

*Speculum historiale*. Enn þat trua menn. at Adam hafi andlíga lærda sunu sína at ofíra gudi tíundir ok frumfornir. Abel uar einn einfalldr madr ok meinlauss. ok af þi uíldi hann uera saudahírdir. Enn fyrir þann skýlld at Kayn uar aagíarn ok aufundsiukr. þa pløgði

<sup>1</sup>) [mgl. B <sup>2</sup>) [líf Adams, B <sup>3</sup>) Abrahams, B

hann fyrstr manna iordina sakir sinnar aagirni. Sua bar til eptir mörgh aar. at Kayn offradi gudi þat korn sem bitit uar ok fottrodit af þeim kuikendum sem uida gengu. enn hellt hinu ser sem betra uar. Enn Abel offradi gudi miolk ok þar medr þat sem honum uirðiz fægiligaz ok feitzaz af frumburdum sinnar hiarðar. Ok af þi at hans lif ok hiarta likadi gudi uel. þa uaru hans fornir gudi þægiligar. ok þat gordi gud bert upp aa þann haatt. at logi kom or loptinu ok brendi þær. eptir þi sem uidara finnz at gud haf<sup>1</sup> þat birt i hinu forna lōghmaali. Enn af þi at Kayn uar aufundsiukr ok illskeptr. þa aufundadi hann miok giptu ok gietzku sins brodur. ok fyrir þa sauk at hans fornir uaru medr agirnd byriadar ok offradar likadu þær eigi gudi. *de genesi*. Ok þegar sem Kayn fann þat reiddiz hann storligha miok. [öfundandi sua at þat malti sia<sup>2</sup> upp aa sealfs hans aaseonu. at hinn yngri uar meira uirðr. Asakadi gud þa Kayn ok sagdi sua. Fyrir huern skyllð reidiz þu ok synir þat i þinu yfirbragði. edr man eigi þin giðf þa þægiligh uera ok þu þar fyrir af mer ambun taka. ef þu hefir uel gðrt. Hefir þu ok illa gert. þa mun syndin nær þer ok sealfs þins uilia uera ok fullu sealfræði. Skalltu ok hennar girnd ok fysi tempru mega aa hueria leid er þer likar. *scolastica historia*. Rettliga hafdi Kayn gudi offrat. enn urettligha hafdi hann sina offran diuiserat. förnandi sealfan sik fiandanum. er miklu betri forn hefði uerit. ella fyrir þann skyllð<sup>3</sup> at hann hellt<sup>4</sup> eptir hinu betra. enn offradi gudi þau ðx sem hia uegum uáru fottrodin ok etin.

36. *Genesis*. Eptir þat taladi hann<sup>5</sup> til brodur sins. Gðngum ut aa uðll. Ok sua sem þeir uaru badir samt aa einum akri. hliop Kayn upp i moti brodur sinum ok drap hann medr suikum aa þeim akri sem nu er borgin<sup>6</sup> Damascus. þa taladi gud til Kayns. eigi sem uitandi helldr aasakandi hann ok brigzlandi honum brodurdrápit. ok sagdi sua. Huar er þinn brodir Abel. Hann uilldi giarna fela sina synd ok gløp fyrir gudi. ok sagði sua. Ek ueit minn herra eigi. edr er ek nðkut skipadr geymslumadr brodur mins. Eptir þat taladi gud til Kayns. sua sem hann fann at hann uilldi fela<sup>7</sup> fyrir sealfum honum ok yfirhylma<sup>8</sup> sitt uerk. Huat gordir þu. blods uthelling þins brodur kalladi til min af iðrdinni ok gorir alkunniga þina gðrd. Þin gerd ok glæpr þarf ðnguan akiærumann. fyrir þa sðk at blodsins uthelling birtir hann audsyniliga. Nu fyrir þessa sðk mantu bqluadr uera yfir alla iðrdina huer er til þess rymdi sik ok opnadi. at hon tok ok suaðg. þitt brodurblod af sealfs þins hendi. Eigi man hon gefa ne

<sup>1</sup>) *saal*. B; hafði, A <sup>2</sup>) [*saal*. B; sua, A <sup>3</sup>) *tílf*. B <sup>4</sup>) *ser tílf*. B <sup>5</sup>) Kayn, B <sup>6</sup>) við borgina, B <sup>7</sup>) felaz, B <sup>8</sup>) yfirðylia, B

gðra sinn aaðxt þann tíma sem þu hefir hana unnit ok erfídat. helldr man hon meðr klungr ok þyrni gróa þer ok aauxtaz. Sem einn uallari ok forflottamadr mantu íafnan uera [i uerolldinni.<sup>1</sup> *scolastica historia*. Verduliga<sup>2</sup> uar þessi Kayn bóluadr. huat er eigi uar uidr Adam gert. þiat sua sem hann uissi huilik pina fyrir hafdi komit hit fyrsta lógbrot. þa framdi hann eigi þi sídr brodurdrápit. Enn fyrir þa sauk at hann óttadiz. at dyr mundu rífa hann i sundr ok suelgia honum sídan. ef hann færi i brott fra odrum monnum. ella at menninir<sup>3</sup> mundu<sup>4</sup> drepa hann fyrir sinn hinn ogurliga glöp. ef hann uæri hia þeim. þa auruilnadiz hann fordæmandi sealfan sik ok sagði sua. *genesis*. Meiri er minn glæpr ok illzka. enn ek mega neckura miskunn faa. Se. þu tekr mik brott af iardrikinu ok ífra þinni aaseonu. ok af þii man ek felaz ella fara aa iördunni sem einn uallari eðr forflotti. Huerr er mik finnr man mik drepa utilia. þetta taladi hann annathuart af hræzlu ella fyrir þi at hann æskti þess at hann uæri skíott drepinn. þa taladi gud til hans sua segiandi. Meðr öngu moti man sua uerda. Ecki skalltu skíottliga deyia. helldr skal sa madr seaufalldliga pinaz. sem þik drepr Kayn ok frealsar þik sua af þessi uesolld ok erfídi. *scolastica historia*. Meðr annan skilning man saa huerr seaufalldliga pinaz sem Kayn drepr. þiat hann man meirr pinaz enn Kayn. fyrir þa sauk at nu er enn berligarr bannat manndrapit enn þa<sup>5</sup> uar Kayn bannat. *genesis*. Lagdi gud þa eitt aukent mark upp aa Kayn. þat uar höfudskialfti sua sem af ridu-sótt. at [þar af skyldi allir uita.<sup>6</sup> at hann uar fyrir sinn glæp af gudi pinaðr ok bannsettr ok umakligr sealfs hans miskunnar. ok þar meðr at hann skyldi eigi af nokkurum þeim manni sem hann flydi drepinn uerða. Geck hann sídan brott af sealfs drottins augliði ok bygði austr-haalfu iardrikissins moti iarðnesku paradís sem utlagi ok forflotti.

*Scolastica historia*. Brottrekstr ok utlegd Kayns endrminniz heilög kirkia. bannsetiandi manndrapara einkannliga meðr steiptum kertum ok ringdum klokkum. fyrir þann skyld at bædi hann ok þeir slóktu brædra sinna líf. Hinn uisi sagnamadr<sup>7</sup> Josephus segir at hann rakz við a ueralldar sua sem <sup>8</sup>uallari meðr sinni husfru Chalmara. ok eptir þat settiz hann i þeim stad sem Naydda er nefndr. ok gat sér þar syni. Hinn heilagi Jeronimus segir at hann hafí uerit aa þi landi er Nodh heitir ok bygt þar. [*speculum hystoriale*.<sup>9</sup> Enn hann uar drepinn meðr alburð af Lamech. er hinn .viidi. uar af hans ættlegg.

<sup>1</sup>) [a iqrðinni, B    <sup>2</sup>) Verduglega, B    <sup>3</sup>) mennerner, B    <sup>4</sup>) mundi, B  
<sup>5</sup>) þat, B    <sup>6</sup>) [þat skyldi af öllum síð vera ok vitat, B    <sup>7</sup>) sagna-meistari, B    <sup>8</sup>) einn túlf. B    <sup>9</sup>) [túlf. B

sem [ofar meirr man sagt uerda.<sup>1</sup> þiat hann framdi .vii. storsyndir. þat fyrst er hann skipti eigi rett til um offrit sem fyrr uar sagt. ok aufundadi broður sinn. vælti hann meðr suikum kallandi<sup>2</sup> ut. ok drap hann. nitadi hann fyrir gudi sitt uerk<sup>3</sup> meðr mikilli ofdirfd. ok aur-uænti ser miskunnar. ok eigi gordi hann iðran þa er hann feck fyr-döming. Ok fyrir þi uar hann seaufalldliga pinadr. þat er allt i seaunda sinn afspringh. vard þat<sup>4</sup> ok endir aa hans þess haattar pinum ok sua lifi.

Her segir af Kayn ok hans afspringi.<sup>5</sup> genesis.

14. Kayn ok hans husfru Kalmana komu saman likamliga. ok gatú at eiga sun þann er Enoch het. Sidan gördi hann eina borg aa Indialandi. ok gaf henni þilikt nafn sem syni sinum fyrr nefndum. *scolastica historia*. Hedan af er þat audsynt. at þann tima hafa uerit margir sterkir menn. [þa sem Kayn kalladi<sup>6</sup> saman. meðr huerra fulltingi er hann smidadi þessa sðmu borg. hueria er hann fyllti meðr einum saman fiolda sins afkuæmis. Sua segir Josephus. at hann afladi ser eigna ok audæfa meðr raanum ok ofbelldi. leidandi menn ok lockandi til raananna ok at hafa rangar uagir ok mælikerolld. skipt-andi sua meðr sinni áeggian ok eptirdömunum godra manna einfalldleik til slægðar ok skaðsamligs klokskapar. Hann setti fyrstr manna landa skipti ok iardar endimork ok muraði borgir. Ok fyrir þi at hann ottadiz þeirra manna ufrið. sem hann hafdi storum rangt gort. þa uarðueitti hann sik ok sina menn i storum borgum.

*Speculum historiale*. Sua segir heilagr Augustinus. at af þessum .ii. fyrstum sonum Adams. þat er Kayn ok Abel. höfdu uppraas tuær borgir. Ein heilagra manna su sem her aa iardriki er sua sem i utlegd ok bidr sua<sup>7</sup> byggingar i himinriki. þessi er hin himneska Jherusalem. Aunnur er daudra manna ok fyrirdæmdra. þeirra sem her skipa sina borg ok bygð ok eiga ðnga uan til eylifra fagnaða. þessi er andlig Babilon. Ok fyrir þi segiz kirkian eör kristnin hafa uppraas af Abel. þiat hon hafdi eigi halldiz ubrigdiliga. ef hon segdiz af Adami hafa uppraas tekit. enn þi at illzka guds uuina tok i fyrstu i Kayn at ædaz moti guds helgum monnum. enn i Abel hofz ok þroadiz heilagt lif ok þolinmædi. Sua finnz ok skrifuat at fyrir þann skylld uar hinn uersti meðr fæddr fyrr enn hinn rettlati Abel. at i þi skyldi<sup>8</sup> synt. at allt mannkyn fra Adam komit uar rettliga fyrirdömt. Ok þa er gud

<sup>1</sup>) [siðarr man heyrax mega ok ofarr meirr, B    <sup>2</sup>) hann tilf.    <sup>3</sup>) illvirki, B

<sup>4</sup>) þa, B    <sup>5</sup>) ok huerer fyrst fundu iarnsmið ok snglist tilf. B

<sup>6</sup>) [sua sem K. kallaði þa, B    <sup>7</sup>) eylifrar tilf. B    <sup>8</sup>) vera tilf. B



giorir þat meðr sinni miskunn. at nöckurr af mannkyninu uerdr ualidr<sup>1</sup> ker guds til eylifrar sæmdar. þa uerdr þat ecki af mannligri natturu. helldr ueitiz þat af gudligri miskunnsemd.

Fyrr sagðr Enoch gat at eiga þann son er het Yrach. Yrach gat þann son er het Manuel. Manuel gat þann son sem het Matusael. hans son var Lamech fyrr nefndr. er hinn seaundi uar i þann ættlegg<sup>2</sup> af Adam ok einn hinn uesti maðr. þiat hann leiddi fyrstr inn ok byr- iadi at bua meðr .ii. konum ok þo systrum sin i milli. *scolastica historia*. 38. Ok fyrir þann skyld<sup>3</sup> gördi hann bædi moti gudi ok natturu lögunum borandi. þiat i hinni fyrstu manzins skapan uar ein kona einum manni gðr ok ællut. Hafdi gud ok sua stadfastliga fyrir [Adams munu bodit<sup>4</sup> ok aakuedit sem fyrr uar sagt. manu þau<sup>5</sup> meðr einum likam uera. En þessi Lamech tok ser .ii. systir til eiginkuenna. het þannur Oda enn þannur Sella. þessi Oda gat son meðr nefndum Lamech ok het Jabel. hann fann fyrstr allra manna landtiöld at gðra. til þess at bua uti i þeim ef likadi. hann gerdi ok fyrstr manna skipan ok grein aa sinni hiðrd. ok greindi meðr morkum ok einkunnum skiliandi brott færsaudi fra geitsaudum. einlita fra fleckottum. ok eptir aulldrum sem uetrgamla fra ellrum saudum. ok skildi giorla aa huerium tímum þeirra brundr edr burðr uildi uera. Hans brodir sammøddr het Jubal. er fann sðnglist ok hlioda grein. er eyrnanna lystingh tilheyrir. at hirdanna starf skyldi þi lystiligra þickia. Hans brodir samfeddr het<sup>6</sup> Tabulchayn. er fyrstr fann þa list at gora iarn ok smida þat ok gora annan malm meðr grðft ok þeim oðrum hagleik. sem augun lystir at sea upp aa. þiat sua sem þeir brendu meðr storum baalum ok elldum þyrna ok klungrotta iðrð. þa runnu malmædarnar sua sem bekkir þar undan. ok sem þeir toku slaarnar edr spengrnar kolnadar upp. þa uaru þilikar myndir sua sem grafnar aa þeim. sem i þeim stöðum edr lutum höfðu uerit er þær höfðu [legið. Ok þar meðr framdi<sup>7</sup> hann frækiliga ok frammi hafdi fyrstr bardaga listir. *genesis*. Nu sem hann smidadi iarnit. ok hans brodir Jubal sat þar i hea glediandiz af hamarganginum ok þeirra hlioda. sua sem hann heyrdi upp aa. þa hugleiddi hann af höggua misha lioda<sup>8</sup> ok uirdi þar af samhlioda ok adrar hlioda- greinir til sðnglistar ok allz strengleiks. þo at Girkir<sup>9</sup> segi at Pyta- goras hafi fundit þessa<sup>10</sup> iþrott. Ok fyrir þann skyld at hann uissi. at Adam hafdi fyrir spaad .ii. hina stærstu doma. annan fyrir uatn ok annan fyrir elld. þa skrifadi hann þessa list. sem hann hafdi þaleidis

<sup>1</sup>) valit, B   <sup>2</sup>) saal. B; atlegg, A   <sup>3</sup>) tilf. B   <sup>4</sup>) [bodit Adams munuð, B

<sup>5</sup>) tuau tilf. B   <sup>6</sup>) tilf. B   <sup>7</sup>) [saal. B; uerit er þær höfðu, A   <sup>8</sup>) mis-  
blændan, B   <sup>9</sup>) Grikkir, B   <sup>10</sup>) list ok tilf. B

fundit. upp á .ii. pilara. annan af tigli en annan af marmara. ok alla listina upp aa huarn þeirra. til þess at ef saa fyrirferiz i flodinu sem af tiglinu uar görr. þa skyldi sa halldaz sem af marmaranum uar görr. kemi brunadomrinn ok fyrri framm. þa skyldi sa standa ok uidr halldaz sem medr tigliti [var giqrr.<sup>1</sup> Nu af þi at su fyrirdæming kom fyrri framm yfir mannkynit. sem af flodinu uard. þa fannz sua ritat i Josepho. at fyrr sagdr marmarapilarr standi enn ut aa Syrlandi. [*speculum hystoriale*.<sup>2</sup> Systir fyrr nefndra brædra sammödd uidr Tubulchayn het Noemia. hon fann eigi sidr þa list at uesta klædi medr ymissligum bætti. Ok nær allar ueralldligar listir ok uisdomr. huart sem helldr er þat i handauerkum eðr bokfrödi til skemtunar ok foruitni. edr iafnuel þær listir er þiona mannligri naudsyn edr nytsemd. þa hafa fundiz af sunum þessarrar ueralldar at þi sem lesit er. þiat þess haattar listir sem manninum uaru eigi til andaligrar hialpar. attu fannaz medr þeirra studeran ok erfidi. sem eigi uaru synir eyflifrar heilsu. Enn þo eru þær sömu listir [i sumu lagi<sup>3</sup> bædi nytssamligar ok naudsynligar sunum liossins. Nu skyldadiz þetta starf upp aa þilika þessa heims mena. enn hinum uarðueitiz þo þar af auuoxtrinn sem guðs þionostumenn gðraz.

Her segir fra þi er Lamech drap Chayn af tiluisan sueinsins ok sidan sueininn. ok fra ættum höfuðfæðra.

15. Fyrr nefndr Lamech uerandi frammsynn ok forspár um marga luti. ok fyrir þi uissi hann. at Kayn uar undir lagdr æfnliga pinu ok þat meðr at sealfum honum mundi þo til skyllðaz enn meiri pina. <sup>4</sup>taladi hann sua einn tima viðr<sup>5</sup> sinar husfrur Odam ok Sellam upp aa spaamanz haatt. segiandi sua fra þeim lutum er ukomnir uaru sem [þa ueri<sup>6</sup> framm komnir. Heyrit upp aa mitt maal badar husfrur minar ok geymit at minum orðum. þiat ek drap roskinn mann medr særingu ok ungan mann mer til blámanar. þat er sua mikit at segia. at hann drap Kayn ok ungan mann mer til blámanar sagði hann. þiat þegar eptir lamdi hann til ulifiss hinn unga mann. sem sidarr mun sagt uerda. Ok enn sagdi<sup>7</sup> hann sua. Kayns sekt ok synð man seaufallðliga pinaz. ok hegnaðr<sup>8</sup> uerða. enn ek Lamech man seautugfallðliga hegndr uera. *scolastica historia*. þessi Lamech uar hinn mesti bogmaðr. ok sem hann hafdi langan alldr lifat. uard hann blindr badum augum. hafdi ser þa einn ungan mann fyrir augnasuein. sua sem hann for at ueida. hæfandi af hans tiluisan huat er hann uilldi. eigi sakir

<sup>1</sup>) [tilf. B    <sup>2</sup>) [tilf. B    <sup>3</sup>) [mgl. B    <sup>4</sup>) þa tilf. B    <sup>5</sup>) saal. B; til, A

<sup>6</sup>) [þeir vgeri þa, B    <sup>7</sup>) saal. B; segdi, A    <sup>8</sup>) hegnat, B

þess at þa uæri enn kiðt etit. þiat eigi uar mikill uani til þess fyrir Noa flóð. helldr sakir lystugleiks ok skemtunar. ok at hann hefði skinn af þeim dyrum sem hann skaut. Nu sem Kayn leyndiz aa nöckurum tíma milli þorna ok klungra. skaut Lamech hann til bana af sueinsins auuisan. ætlandi þo allt at eins at þar mundi dyr fyrir uera. Ok fyrir þa sauk at hann drap hann skiotandi af hins unga manz auuisan.<sup>1</sup> þa reiddiz hann sua miok. at hann lamdi hann meðr sinum boga til dauda. Kom þat þa fram sem Lamech hafdi fyrir sagt. at hann drap Kayn meðr saari. sua sem hann skaut hann. ok hinn unga mann meðr saarsins blaaman. þat uar sealfum honum til langæligrar fyrirdömingar. ok fyrir þi uar hans sekt þar seautugfalldlīga pinað. Er þat sua skilianda upp aa eina grein milli fleiri annarra. at .lxx. ok .vii. menn. þeir sem hans blóð ok afkuęmi uaru. drucknuðu ok fyrirforuz i Noa flóði. Hans husfrur handladu hann opt illa ok uandzlīga. huarf hann af þa er hann reiddiz. ok taladi sua til þeirra. at hann þyldi þetta allt fyrir þessi tuenn manndráp. Enn þo allt at eins hræddi hann þær ognandi þeim hegningu. sem hann taladi sua. Fyrir hueria sauk uilit þit drepa mik. vitit þat fyrir uist. at þungligarr ok hærdligarr mun sa hegndr uerda er mik drepr. enn ek fyrir dráp ok dauda Kayns.

Her segir fra afkuęmi Seths allt til Noa. speculum hystoriale.

16. Adam uar storlīga hugsiukr eptir dauða sonar sins Abel. ok girntiz miok at eiga nöckurn afspring i hans stad. ok fyrir þi bio hann meðr husfru sinni ok gat son þann er Seth het. þa er hann hafdi .c. ok .xxx. aara. eptir þi sem skrifat stendr i sannfrodum bokum ebreskum. *scolastica historia*. Strabus<sup>2</sup> einn uillumaðr segir Adam þi hafa heitit eptir drap ok dauða Abel. at hann skyllði alldrigi sidan bua meðr husfru sinni likamligða. huat er hann braut eptir þi sem engillinn uitraði honum eptir guds bodi. til þess at guds son skyllði af honum ok hans afkuęmi sæðaz. þessi sami Seth gat Enos. þa er hann hafdi .c. ok .v. aar. enn þa uar liðit fra upphafi heims .cc. ok .xxx. ok .v. aar. þessi Enos gôrði sér kięrt at kalla ok heita upp aa guds nafn. lettligða segir Petrus Commestor. at hann fann þonarord til þess at bidiaz fyrir til guds. Enn ebreskir menn hyggia. at hann hafi hugsat at gora likneskiur til at uekia menn upp til guds minningar. sem þar til höfðu adr hardla litlir ok latir uerit. Enos gat Chaynan. þa er

<sup>1</sup>) her mgl. 2 Blade i B    <sup>2</sup>) r. f. Sirabus, A

hann hafði niutigi uetra. er liðit uar fra upphafi heims .ccc. aara ok .xxv. aara. Chaynan gat Malaleel. þa er hann uar .lxx. aara. enn fra upphafi heims uaru .ccc. ok .ix. tigur ok .v. aar ok .xx. Malaleel gat Jareth. þa er hann hafði halfan seaunda tög uetra. enn fra upphafi heims uaru lidin .cccc. ok .lx. aara. Jareth gat son er het Enoch. þa er hann hafði .c. ok .lx. ok .ii. aar. enn af upphafi heimsins uaru .dc. ok .xxii. aar. Enoch gat Matusalem. þa er hann uar halfseauræðr. enn þa uaru lidin fra heims upphafi .dc. ok .lxxx. ok .vii. aar. Enn síðan er Enoch uar sua gamall at hann hafði .ccc. .lx. ok .v. aar. þa uar hann fluttur at guds uilia i paradisum. ok skal hann þar lifa sua langan tíma sem gud hefir fyrir sééd. til þess at hann skal koma enn i uerolldina aptr meðr Helia spaamanni. at snua hiðrtum suna til fedr-anna. Þíat þessi hinn .viidi. uar hinn bezti maðr i þeirri godu ætt sem af Seth uar komin. sua sem Lamech uar hinn .viidi. uerstr maðr i þeirri saumu vándu ætt er komin uar af Kayn. þessi Enoch fann ok ritzhaatt ok skrifaði nðckurar bðkr. eptir þi sem lesit er. ok aa hans dðgum truíz at Adam hafi andaz. Matusalem gat Lamech. þa er hann hafði .c. uetra ok .lxxx. ok .vii. aar. enn fra heims upphafi uaru lidin .cccc. uetra ok .lxx. ok .vii. aar. Lamech gat Noa þa er hann hafði .c. uetra .lxxx. uetra ok .ii. aar. enn lidit uar fra upphafi heims .m. uetra .l. ok .vi. aar. Fyrr sagðr Matusalem fðdurfaðir Noe andadiz aa þi sama aari sem flodit uard. eptir þi sem hinn heilagi Jeronimus prestr segir. þo at nockurir uisir menn hafi þar um adra frasðgn haft. sua gamall at hann hafði .cm.<sup>1</sup> aara .lx. ok .ix. aar. Noe uar hinn tiundi at langfeðga tali fra Adám. báðum þeim til tauldum. aa huers dðgum er hinn fyrsti heimsalldr lyktadiz uidr flóðit um .x. nefndar kynkuislir. hafandi i ser .mm. (aara) eptir frasðgn hins heilaga Jeronimi ok enn fleiri annarra uisaztu manna. Ysidorus telnr .mm. ok .cc. enn speculum historiale segir .mdl. ok .vi. aar.

Her segir af niu uikna fðstu merking.

17. Niu uikna fasta er skipað i heilagri kirkíu einkannliga sakir þriggia skynsemda. sua sem birtiz i bok meistara Jons af Belach af embøtti heilagrar kirkíu. Hin fyrsta er sakir uarrar lausnar ok aptr-kaups edr umskiptingar uppstigningardags uárs herra Jesu Kristi. aa huerium er uár náttura stigandi upp til himna uar upphafit yfir öll engla fylki. Þíat heilagir fedr skipadu sua i ðnduerdri kristinni. at hinn fimti dagr i huerri uiku skyllði sua hatidligr halldinn uera sem hinn fyrsti dagr i huerium .vii. náttum. þat er sunnudagr. Ok aa

<sup>1</sup>) rettet for .cc.

þann tíma uard aa huern þorsdagh sæmiligh processio lærðra manna. at merkia okpresentera þa processionem lærisueina uars herra Jesu Kristi. sem þeir gördu aa fyrr nefndan dagh til fiallzins Oliueti ok aptr þadan i Hierusalem eptir sealfs hans uppstigning. ok eptir skipan Melchisedis paua uar aa þann dag enga föstu skylt at fasta. þiat hann uar þa iafnheilagr sem sunnudagr. Enn fyrir þann skylld at heilagra manna hátidir komu sidan til. ok þat þotti mikil þuingan at hallda sua margar haatidir. þa gafz upp iafnlengd þessa dags hatidarhalldz. enn fyrr nefnd processio uar færd upp aa sunnudag. Nu i aptrkaup þeirra daga uiku helgir fedr til bindandi ok þarnanar niu uikna föstu. Aunaur skynsemi er sakir merkingar edr endrfórnar. huerri er heilðg kirkia tíar ok presenterar .vii. tigi herleidingar aara Jsraels folks i Babilonia. sem sidarr man sagt uerda. Hin þridia skynsemi er sakir merkingar timans ok hans tíða skipanar. þiat fyrir þenna tíma merkiz uilluglapstigr utlegd ok þrönguing edr endrmöding allz mannkynsins fra Adám allt til ueralldarinnar endalyktar. er hlautz af hans tilskylldan ok Eue. sua sem bæði þau gengu brott af guds bodorðum. sem fyrr uar saght. þessi utlegd skyriz senniliga ok fullgöriz fyrir umlíðning edr aptruellting .vii. daga ok inni byrgiz undir .vii. þusundrudum aara ueralldarinnar. Enn fra upphafi ueralldarinnar allt til uppstigningar uárs herra Jesu Kristi. telium uær .v(i). þusundrud ára. enn fra þeim tíma huat er fylgir allt til enda ueralldariunar fyrir utan hit .viida. þusun-dræd. þa meguum uær eigi uita timans lengd at tölu. þiat einum saman uárum herra er kunnigh þessi grein ok timanna skipan allt til domsdags. hueria er guð fadir eptir ordum sins sæta sonar setti i sealfs hans ualldi. Jesus Kristus lifandi guds sun frealsadi oss aa hinum .vita. heimsalldri fyrir heilaga skirn af þessarri utlegð at aptr gollndum meinleysiss stola. þat er at skilia uaru flecklausu ok huitu skirnarklædi. fyrir huert er uær skulum uænta uarum saalum hialpar ok huilldar ok ey-lifrar ðmbunar eptir uart andlát. Enn at lyktadum ueralldarinnar tíma ok uárrar utlegdar man uárr herra pryða oss ok søma medr huarum-tueggia stolanum. fullkomliga ueitandi oss uart frelsi ok eylifan fagnad ðndum ok líkðmum eptir domsdag. Niu uikna fasta endrfórnar ok tér herleidingartíma Jsraels folks i Babilonem. sem fyrr uar saght. Nabugodonosor herleiddi Gyðinga lyð fyrir þeirra syndagialld brot or Jorsalaborg i Babiloniam. þrælkadi hann þar ok angradi medr hördum ok herfilighum uerkum aa lxx aarum. Sua langan tíma sem þeir uaru þar logdu þeir nidr ok letu alldrigi heyra sin organa hörpur edr ðnnur sðngtöl. moti þi sem þeir uaru uanir at gðra heima i Jerusalem. sua segiandi. Huersu munum uær syngia guð drottins lofsðng i ut-

42.

legd ok annarra manna landi. helldr klædduz þeir sorgsamligum uestaldar klædum. Enn at lidnum .lx. uetra sigradi Cyrus konungr. er þdru nafni het Kristus. ok undir sik uann konung af Babilonia. ok gaf nefndu folki Jsrael gott orlof ok frelsi til heimferdar. For þa mikill partr af Judum heim i sitt eigit erfdaland eptir þa .lx. aara meðr þeim mikils hattar kennimanni sem Jesus het. endrbøttu þa ok uppsmidadu i annan tima i Jorsalaborg templum domini. enn nockurr partr af þeim uar eptir i fyrr sagðri herleidingu þar til er .lxx. aara uaru lidin. huerium fylldu ok frammkomnum foru þeir allir heim aptr meðr fridi ok farsælld. sumir sua sem Darius ok Assuerus lifdu. adrir þann tima sem Esdras uar formadr. ok enn nockurir sua sem i þann tima er þeirra formadr uar Neemias. ok höfdu sua tuifalldan sagnad. Til andaligs skilnings at tala þa hefir Nabugodonosor at merkia fiandann. Babilon heim þenna edr heluiti. Jorsalaborg paradisum. Jsraels folk mannkynit. Nabugodonosor herleiddi Jsraels folk or Hierusalem i Babilon. enn fiandinn rak manukynit brott or paradiso i þessa uestlu uerolld edr heluiti. Nabugodonosor þiadi hann þar ok þrælkadi um .lxx. aara. þiat þetta ueralldar lif lidr ok aptr kemr um .vii. daga. ella fyrir þann skyllt at þat lyktaz um .vii. þushundrad aara sem fyrir uar sagt. Jsraels folk gaf þa upp gledi-söngua ok sin söngtol. ok mannkynit þagði af gledisöngum til guds. Sa lydr klæddiz sorgsamligum klædum. enn mannkynit klæddi sik meðr böluunar hulningu ok klædnadi. eptir þi sem psalmista segir. Verdi hann þaleidiss sem sealfs hans klæði. Fyrr sagðr Jsraels lyðr frealsadiz ok aptr huarf, eptir .lx. aara til sins eigins fostrlandz undir ualldi Jesu kennimanz. Mannkynit frealsadiz ok aa hinum .vita. heimsalldri fyrir Jesum Kristum sannan kennimann. Nockurir af Judum fengu sitt frelsi ok heimferdar orlof undir ualldi ok formanzzskap Esdre. enn sumir undir ualldi Néemie. Esdre ma uel segiaz fulltingiari eðr hialp-ari upp i norrænu. enn Néemias huggari. þiat allir godir menn ok rettruandi munu aptr huerfa til sinnar fððurleifðar. þat er til himin-rikis. fyrir Jesum Kristum sinn hialpara ok fulltingiara ok fyrir helgan anda sinn sannan huggara. ok munu þa fá ok sinna tuifalldan sagnað i dy(r)kan andar ok likama. J aðra deilld endrfórnar ok teer heilog kirkia alla þessa luti fra þeim tima er niu uikna fasta hefz ok allt til laugardags i páska uiku. ok fyrir þann skyllt at Jsraels folk ok eigi sidr allt mannkynit hafdi uolltit ok fallit i fullkomna uestolld ok eynd. sem nu var fra sagt. þa hyriar messu upphaf nu aa sunnudaghinn ok hennar embætti meðr þessum ordum sem her fylgia. Circumderunt me gemitus mortis et cetera. Þessi orð eru sua at skilia til norrænu. Daudans stynir eðr sutir kringdu um mik hueruetna. ok hel-

43.

uitis harmar edr sorgir kringdu um mik. ok i minni þröngu ok angist het ek upp aa gud drottin. ok af sinu heilagu musteri heyrði hann aakall mitt. J þessum ordum synir ok iatar heilög kirkia sik hörmuliga ok margfalldliga öngda uera i allzkyns þrautum. þeim sem hon þolir ok kennir sik mikilliga saman krepta sakir uesalligra synda várra. Ok fyrir þi at hon angraz nu sakir margfalldligrar pinu meðr mörgum erfidum þeim sem aa hana leggiáz. sua sem er hungur ok þorsti. frost ok ofrhiti. mæding ok margskyns siukleiki. ok þar meðr sealfir daudinn fyrir uánda ok saara sina samuitzku. hiartans beiskleiki. myrkr ok daalig deyning. huilikir er heluitis harmar ok saarleikar eru. Enn til þess at þessi harmsamligr stynr ok syting geti eigi edr göri meðr oss hrygd ok gudleti. huer er mannum gorir aaruilnan ok andaligan dauda. þa leggr hon til heilsamligha huggan i uersinu sua segiandi. Diligam te domine uirtus mea. huat er sua er at skilia til norrænu. Heyr þu drottinn uerandi minn kraptr. þik man ek elska. gud drottinn er minn styrkr ok studningh ok mitt ráaskinn<sup>1</sup> ok frealsari. Nu fyrir þi at uéer endrminnumz at tilkomandi niu uikna föstu upp a uara uesolld. i hueria er uær fellum fyrir syndagialld uarra fyrstu fedgina. sem fyrr uar sagt. þa lesum uær bokina Genesim. i huerri er segiz af þeirra brottrekstri af paradiso ok odrum þeim lutum er þar fylgia. af hueriu er uær syngium þetta responsorium. In sudore uultus tui uesceris pane tuo. Medr sueita sealfs þins aaseonu mantu sædaz uidr sealfs þins braud edr sæðzlu. Ok til enn meiri uesalldar merkianda ok munanda. þa lesum uær fyrr ok syngium af maazins tign ok uirding. þat fyrst at hann uar eptir likingh ok likneskiu sealfs guds görr ok skapadr. þar meðr at hann uar skipaðr i paradiso. þat hit þridia at konan uar skaupud hans samsiði honum til hugganar ok eptirlætis. þat hit fiorda at hann skyldi eigi hafua daait edr nockura pinu hafa þolat. utan þat hefði af hans glæp ok syndagialldi til komit. þat er ok mikilligha merkianda. at fyrr sögd ord. Circumdederunt me gemitus mortis. eru ord ok aakall önduerdrar kristinnar sytandi ok gratandi eptir guds frumuatt Abel. huers blod er af þeirri sömu iordu kalladi til guds. sem sik rymdi til þess. at hon drack þat sama blod. sem ut uar hellt meðr hendi sealfs hans bródr Kayns. Nu sua (sem) Jsraels lydr lagði niðr sin söngtol i Babilone ok þagdi af sinum gledisöngum. a þessum tímum þegir ok heilög kirkia aa sömu leid af sinum festiflighum gledisöngum. sem er Alleluia. Gloria in excelsis deo ok Te deum laudamus. Ok af þi at þat

<sup>1</sup>) saal. ogs. 225; en Haand fra 17de Aarh. har i A overstreget dette Ord og i Margen tilökrevet hressing.

sama folk misti þá sins sœmdarklædis. sua þerr nu ok eigi heilög kirkia sinn dyra ok hátidliga skruda. sua sem dalmatikur ok subtila ok onnur þess hattar klædi. sem synaz megu gledibunadr edr skemt-anarskrudi. helldr þerr hon suartan ok syrgiligan bunad. J fædzlutekiu endrfornum uer ok þeirra hrygd fastandi. huadan af er hinn heilaghi Zacharias spumadr taladi sua til þeirra i .viida. capitulo sinnar bœkr. Faustudut þer nockut þá fœstu fyrir mina skyld. sem þer fostudut um þessa .lxx. aara. Ok fyrir þessa skynsemi fasta Girkir þessa næstu uiku ok margir adrir godir menn. Sa lydr feck af Cyro. er odru nafni het Kristus. aa hinu sextöganda aari frealsi af fyrr sôgdum þrældomi ok hægt heimferðar leyfi til sinnar fœdurleifdar. sua uarum uer ok aa setta heimsalldri leystir ok frealsadir af fiandans aanaud ok þrældom fyrir Jesum Kristum. gafz oss þá ok aptr galltz meinleysis stole fyrir skirnarinnar lausn ok fyrirgefningh. Syngium uer fyrir þann skyld eitt alleluia i messunni aa laugardaginn fyrir paschir. sua fagnandi nu þegar af uán eylifrar dyrdar ok endrbœtingar uarrar fœdurleifðar. þat er himinrikiss dyrdar ok eylifrar œmbunar. Ok sua sem nôckurr partr af Jsraels folki for þegar medr hertoga Zorobabel heim i sitt fœdurland. ok margir uaru þá enn eptir i hertekninginni. sua reis ok mikill andaðra manna partr. þeirra sem rettlatir hofdu uerit. upp af dauda medr uarum lausnara Jesu Kristo. ok margir uaru eptir i bidlundar uán ok huggan. Ok sua sem þeir er heim foru til Hierusalem erfidadu mikit i sinum bunadi i samnan byrda sinna fearhluta ok þar medr mikilli leidarlengd. sua erum uer ok frealsadir. ef uer erfidum meðr frammkœmd i fyllingu guds bodorda. Ok fyrir þann skyld syngium uer þegar eptir alleluia tractum Laudate. er starf ok erfidi merkir. huerr er þo er einkannligha sagdr ok sunginn af uars herra lofi. samfagnandi þá meðr af upprisu uárs herra Jesu Kristi. Fyrr sâgdir menn medr gledi aptr huerfandi erfidadu mikit i ueginum. Vær syngium ok i páskauikunni graduale medr alleluia. merkianda starf ok erfidi fyrir graduale enn fagnad ok gledi fyrir alleluia. At sidarstu komu þeir heim allir i sitt eigit fœstrland at fylltum ok frammkomnum .lxxm. aara. ok fengu þar þá sinn fagnad ok gledi. Vær syngium ok .ii. alleluia laugardag i páskauiku. aa huerium er saa timi lyktaz fullkomligha. sem nu byriaz ok septuagesima heitir. merkiandi þat medr tuifœlldu alleluia. at uár herleiding man leysaz at lyktaðum ok umlidnum uarum utlegdartima. ok godra manna stole man þá tuifalldaz. þat er eylif dyrkan bædi til andar ok likama. A þessum tímum þegiaz ok nidr leggiáz gledisônguar. sem fyrr uar sagt. af huerium er hinn heilaghi Jeremias segir sua i .viida. capitulo sinnar bœkr. Huilaz man



ek láta ok af letta gledisöngua ok fagnadar ok þar meðr bædi brúðguma rodd ok brudar. Leo paui segir sua. at fyrir þann skyld leggium uer niðr i niu uikna föstu engilliga lofsöngua sua sem alleluia ok gloria in excelsis deo. at uer brott reknir ok af reiddir samkundu engilligrar skemtanar ok gledi fyrir glæp ok synd hins fyrsta manz sitium i Babilon. þat er i hneyking ok hneisu þessa heims yfir hennar eynd ok ymissleik. sytum þar ok grátum þar til er uer minnumz þeirrar Syon i huerri er allr lofsöngur byr(iar) ok samir sealfum guði. Leggium uer ok niðr aa .ix. uikum i heilagri kirkiu Te deum laudamus. fra þi er niu uikna fasta hefz ok lesit er af þi er hinn fyrsti madr fell ok til hins fyrsta paschadags. af huerium er Jesus Kristus af dauda upprisandi sneri uarri hrygð i gudligha gleði. ok gallt oss apr ok endrnyiadi alleluia. Septuagesima byriar meðr sorg ok sut. en lyktaz meðr gledi ok gudligum fagnadi. þat er okmerkianda. (uer) rep-peterum ok endrnyium alleluia opt ok iðuliga aa næsta laugardag fyrir .ix. uikna föstu i kirkiunnar embætti. fyrir þann skyld at uer elskum þat ok hirðum i hiartans herbergi. upp aa þann hátt sem uer föðmum ok haalsspennum giarnsamliga ok kyssum uárn uin. þann er sik byr i brott ok byriar sina ferð um langan ueg. Meðr annarri skilning marg-falldaz alleluia fyrir þann skyld aa fyrrsagdan laugardags aptan. er forðum kalladiz ok uar huilldardagr. at uer tyndum ok mistum uárs fagnaðar i falli þess fyrsta manz. sem i mikla huilld ok sælu uar settir. huer er aundunum endrbótiz eptir andlaetit i eylifri huilld til hinnar efztu uppris. enn tuifalldaz sidan bædi aundum ok likðmum meðr eylifri dyrð. Drottinsdaga embætti fra .ix. uikna föstu til paska. ein-kannliga messu upphöf. breytaz eðr skiptaz<sup>1</sup> ual uidrkuemiliga fyrir þaa sqk. at uer tókum eðr skilium allan tima þessa lidanda lifs fyrir .ix. uikna föstu. fyrir huat er skipan ok stettir uars lifnadar edr huerrar<sup>2</sup> kristinnar saalu megu uel noteraz. sem hon hefir þo nockut misgert. Fyrir hit fyrsta officium Circumdede runt megum uer skynsamligha skilia einn huern iatanda sinar syndir. þar sem hann segir sua. Daudans stynir edr sutir kringdu um mik hueruetna. heluitis harmar edr saarleikar kringdu um mik. ok i minni þrönguvingh ok angist kallada ek aa gud drottin minn.

<sup>1</sup>) rett. for skiptiz    <sup>2</sup>) rett. for þeirrar

Her hefz upp annarr partr þessarrar gördar eptir forsögn uirðulighs herra Hakonar Noreghs konungs hins koronaða. byriar hann í fyrstu af Noe ok arkafinnar smid. eptir þi sem öðrum sunnudegi í níu uikna föstu ok þeirri uikunni til heyrir. Scolastica historia. capitulum.

46. 18. Sva sem Moyses byreaði sína frásögn af flöðinu. spurdi hann aðr fyrir hueria sauk flöðit uard sua segiandi. þann tíma sem mannfólkittok at flöðgaz í ueröldinni. þa sa synir guds dætr mannanna. at þær uaru miok uenar. þat er sua at skilia. at síðferdugir menn synir Seth saa girndar<sup>1</sup> augum til dætra Kayns ok þeirra afkuæmiss. lögduz medr þeim ok toku þær ser til eiginkuinna.<sup>2</sup> af huerri sambud er þeim fædduz risar. þat er eigi aakuedit aa huerium tíma er þetta uard. huart þat uard aa dögum Noe edr fyrr. eigi ok huart þat uard miklu fyrir hans daga edr litlu. Fædduz ok aðrir risar eptir flöðit í þeirri borg sem Ebron heitir. huerir er síðan staðfestuz í þeirri borg aa Egiptalandi sem Tham heitir. ok þar af uaru þeir kalladir Tythanes. af huerra ætt er Enath fæddiz. ok bygdu hans synir í fyrr sagdri Ebron. af huerium er Goliass medr fleirum öðrum uar kominn.

*Genesis.* Noe gat Sém Chám ok Japheth. þa er hann uar .d. uetra at alldri. Josephus segir at synir Seth ok hans ættmenn uaru godir alt til hinnar seaundu kynkuisslar ok knerunnz. Síðan snöruz þeir til illgerða. fyrirlatandi þær hatidligar dyrkanir sem þeirra feðr höfdu framit ok fyrir þeim halldit. huar fyrir er þeir reittu guds reidi í moti ser. Sua segir hinn heilagi Methodius pinslaruattr. huerium er gud birti fyrir sinn helgan anda af heimsins upphafi ok endalykt þann tíma sem hann sat<sup>3</sup> í myrkuastofu halldinn. at Seth skildi sína kynsmenn ok afspring<sup>4</sup> brott fra kynsmönnum Kayns farandi apr til síns fostrlandz ok faðurleifdar. þiat faðir hans Adam baud þat fastliga sua sem hann lifdi. at þeirra ættir skyldu meðr öngu moti saman blandaz sín milli. ok byggdi Seth þa í fialli nockuru þi sem nalægaz uar paradiso. enn Kayn bygdi í þeim sama stad sem hann hafði drepit broður sinn Abel. þa geck illzka mannanna sua miok af ser. at gud baud Noa. at hann skyldi fyrir þi aurk smida hundradi uetra fyrir flöðit. ok gaf þenna tíma folkinu til idranar. A þessu hundradi uetra predicadi Noe fyrir folkinu. meðan hann let aurkina smida. ok leitadi at snua þeim til hialpsamligrar iðranar. þiat hann einn uar þa fullkominn í rettlæti ok gétzku. ok sagdi þeim fyrir þa guds reidi ok pinu. sem fyrir höndum uar ok þeir mattu þa fordaz. ef þeir uilldi snuaz til

<sup>1</sup>) her beg. alter B <sup>2</sup>) eiginkuenna, B <sup>3</sup>) var, B <sup>4</sup>) afspringi, B

guds meðr samari idran. þíat miok sua allt mannkynit hafði þá lengi rangan uæg gengit. J fyrstu höfðu synir Kayns herfíluga spillt ser i margfelldligu saurlífi meðr husfrum brædra sinna miok afleittliga. ok konurnar görduz sua gintar ok galnar. at þær toku karlmennina ok lögdu undir sik til saurlífiss meðr liotligri orskemd.

*Genesis.* Ok af þi at gud saa. at hardla mikil ok haduligh uar illzka mannanna i uerolldinni. ok ðll þeirra hiartaligh aastundan uar alla<sup>1</sup> tima til illra luta. þa reiddiz gud þeirra syndum ok sektum. ok angradi hann þat er hann hafði manninn skipað aa iordina. eigi sua at hann hefði þar af nockura angist. helldr eptir mannanna dömum ok uíðrlíking til frasagnar. ok sagði sua meðr sealfum ser .xx. uetrum fyrr enn aurkin uar smídat. Eigi man minn andi<sup>2</sup> æfínliga meðr manninum uera. þíat hann uill at eins eptir likaminum frammfara ok lífa. ok fyrir þi skulu hans lífdagar uerda .c. tírætt ok .xx. aar. *scolastica historia*. Eigi eru þessi guðs ord mest af lífnaðar lengd manzins<sup>3</sup> eptir flodit skilíandi. þíat margir menn urðu miklu ellri allt framm um Abrahams<sup>4</sup> æfi. ok sealf hann hafði .c. aara tírætt .lxx. ok .v. aar adr hann andaðiz. helldr taladi gud .xx. aarum ok .c. tíræðu [fyrir flodit.<sup>5</sup> sem hann segði sua. Eigi man ek hann æfínliga pína sua sem pukann. þíat hann er breyskr. helldr skal ek honum eptir þi hegna sem hann hefir til skylldat. ok skal ek ueita honum idranar tima til þess. ef hann uill idraz af sinum syndum. ok ueita honum .c. tírætt ok .xx. aar til íðranarinnar. *genesis*. Ok fyrir þann skyllt at gud uilldi bera uarygd fyrir eptirkomanda tima af angrsamligri manzins tilskyllðan. þa sagði hann<sup>6</sup> sua. Ek skal á aullu íarðriki eyða manninum utan<sup>7</sup> ok þar meðr aullum lífandiss kuikendum. sua flugandum himinsins fuglum sem hinum lægztum skridkuikendum. skal ek þaleidiss eyða þessarri minni görð. sem sa madr er hann idraz sinnar gördar ok fyrir þi eydir hann hana ok onytir.

Fyrr nefndr Noe fann ok feck miskunn af sealfum gudi. uar hann rettlatr ok algörr madr eptir sinum kynkuislum. *speculum historiale*. þíat hann uar eigi þaleidiss algörr sem madrinn sua sem hann er i sinu fódurlandi. þat er i himinríki. helldr eptir sinni kynferd sem kíðtlígun manni er mattulíght. *genesis*. Gekk hann ok frammför gudlígan uæg. ok gat þessa .iii. syni Sém Chám ok Japheth fyrir flodit. sem fyrr uar sagt. Nu af þi at aull uerolldin uar spellat i guðs auglíti ok fyllðiz upp af illzku ok ranglæti. ok hann saa at huerr [sem einn<sup>8</sup> ok

<sup>1</sup>) allan, B    <sup>2</sup>) lífsandi, B    <sup>3</sup>) mannkynsins, B    <sup>4</sup>) Adams (!) B    <sup>5</sup>) [fyrir  
enn flodit varð, B    <sup>6</sup>) enn tilf. B    <sup>7</sup>) mgl. B    <sup>8</sup>) [einn, B

annarr uerallðar madr hafði spellat sinn uæg ok framferð. þá taladi hann sua til Noe. Allr lifandis likami man lyktaz ok fyriruerdaz i minu augliti. þiat aull iordin er full af mannanna illzku ok ranglæti. ok fyrir þann skyld skal ek ollum þeim tapa ok tyna meðr iarðarinnar frykt ok freoleik.<sup>1</sup> Fyllðiz þat ok framm kom. þiat sua segiz ok truiz fylliliga.<sup>2</sup> at allr iarðarinnar freoleiki uar miklu minni<sup>3</sup> enn aðr. Ok þáþan af kom saa uani. at menn áátu kiðt eptir flodit. þar sem þeir fædduz adr medr iardarinnar aauxti. *genesis*.<sup>4</sup> Gðr þer eina aurk af telgdum uidum<sup>5</sup> ok pulizadum treám. sagði gud til Noe. skalltu ok uista greinir ok golf i henni hafa. medr bik ok tiðru skalltu hana bræða bæði utan, ok innan. ok þaleidiss skalltu hana gðra sem nu segir ek þer fyrir. Hennar lengd skal uera .ccc. alna. enn breidleikinn .l. alna. ok hennar hæð skal uera .xxx. alna til efsta<sup>6</sup> þaksins. [Einn glugg skalltu a ofanverðri orkinni giqra. ok laat hana þar eigi uiðari verða enn einnar aalnar. enn neðarlegða a hennar blið eðr siðu skulu hennar dyrr vera. skalltu hana meðr golfum greina ok aa þann haatt sem meðr lophusum.<sup>7</sup> Enn sidan er þat er algðrt. man ek láta uðtn flæða yfir alla uerolldina. til þess at ek [drep ok deydí<sup>8</sup> huern þann likam. sem undir himninum er ok lifs andi er medr ok utan arkarinnar er. þiat allir þeir skulu fyrirfaraz ok eydaz aa iardrikinu. Enn meðr þer man ek mitt saátmaal gðra. ok skalltu ganga i ðrkina ok synir þinir. husfru þin ok þar medr husfrur sona þinna. Medr þessum .viii. monnum uardueitiz saad ok freo allz mannkynsins ok eptirkomanda afkuæmiss. Nefndi gud ok ser huart karlmenn ok konur til inngöngu i aurkina. sem hann segði sua. A þessum pinadar ok kualar tima byriar ydr at bindaz af<sup>9</sup> sambud ok fadmlögum. Af ollum likamligum uerallðar kuikendum skalltu Noe taka tuinn<sup>10</sup> karlkyns ok kuenkyns ok leida inn i ðrkina. at þau lifi þar medr þer. af fuglum eigi sidr i sinu kyni. af aullum ferfættum kuikendum medr sitt kyn. ok þar medr af aullum iardarinnar skridkuikendum meðr sinu eigin kyni. Af aullum þessum skulu æ [tuinne ok tuinne<sup>11</sup> ganga inn medr þer. at þau megi lif sitt hafa. *scolastica historia*. Af hinum minztum kuikendum. þeim sem eigi getaz af nockurri sambud. segir hinn heilagi Augustinus. at eigi uar naudsyn at<sup>12</sup> þau uæri i ðrkinni. sua sem þau er sæðaz af iardar dupti edr molldu. af uðkum edr uætum. af skadsemd edr nõckurs kyns spellan. eptir þi sem fyrr uar sagt. Ma þat ok synaz af ordum sealfrar Genesis. at þau ein kuikendi uaru i ðrkina leidd edr latin. sem af

<sup>1</sup>) *Scolastica hystoria*. tilf. B <sup>2</sup>) fullulegða, B <sup>3</sup>) eptir flodit tilf. B <sup>4</sup>) tilf. B <sup>5</sup>) uiði, B <sup>6</sup>) hins hęsta, B <sup>7</sup>) [tilf. B <sup>8</sup>) [deydí ok drepí, B <sup>9</sup>) likamlegre tilf. B <sup>10</sup>) tuenne, B <sup>11</sup>) [tuenne ok tuenne, B <sup>12</sup>) at at, B

sambud getaz ok fædaz. sua sem þar segir meðr sialfs sins eigin kyni. *genesis*. Af öllum þeim fæðzlum sem ætar eru skalltu ok taka ok bera inn i örkina meðr þer. at þær se<sup>1</sup> sua þer sem þeim til fæðzlu ok uidrlifis. Noe gerdi alla luti sem gud baud honum.

*Speculum hystoriale*. Orkin uar sua smidat. at hon uar tuihusat ok þrihusad. hon uar ok ferhyrnd. ok þi miori at rumi er ofarr uar i heanni. ok þar dyrrin aa sem þat mættiz er hon uar tuihusat ok þrihusad. Hon hafdi .v. hus<sup>2</sup> i ser um framm austrumit.<sup>3</sup> þiat Augustinus segir sua. at yfir þi golfi sem yfir stod austruminu uar hon tuihusat. stod uid<sup>4</sup> sina sidu arkarinnar huart husit. uar i öðru kuikenda fæda. enn i annat samnadiz saurr þeirra. Enn yfir þessum uaru onnur hus þriggreind. ok uar skipat i einu husinu olm kuikendi ok i öðru mannhæg kuikendi. Enn i þi husinu sem þar stod i milli uaru bædi menn ok fuglar. Nockurir menn setia oll þessi hus i einni saman hæd arkarinnar. enn Josephus segir .iiii. husin uerit hafa ok telr þa ecki þar meðr austrumit. *scolastica hystoria*. Hon uar ok .ccc. alna löng .i. alna breið ok .xxx. aalna diup. sem sagt uar. upp aa þann háátt ok mynd sem manzins likamr er uordinn ok uaxinn. eptir þi sem skrifat er. at hans hæð er .vi. lutum lengri enn breidd hans. enn .x. lutum lengri enn þyckleiki manzins er. huat er margir uilia skilia at eins talat uera af likama lausnara uárs Jesu Kristi.

---

Her segir fra þi er Noe geck meðr sinu hyski ok aakuednum kuikendum i örkina ok huersu aull önnur iardnesk kuikendi fyrirforuz i flodinu. *Genesis. capitulum*.

19. Eptir þat er orkin uar algör. taladi gud sua til Noe. Gack inn þu i örkina ok hyski þitt meðr þer. fyrir þi at þik einn fann ek rettlatan af þessarri kynkuisl i minu augliti. Af öllum reinum kuikendum ok himinsins fuglum skallt þu æ taka [.vii. ok .vii. kar(l)kyns ok kuenkys.<sup>5</sup> enn af binum uhreinum meðr sama hætti tuinni ok tuinne. at<sup>6</sup> þeirra freo ok afkugmi megi hialpaz ok halldaz her i uerolldinni. þiat eptir næstu .vii. daga man ek regna láta .xl. daga ok .xl. náttu yfir alla iordina. Skal ek sua eyda allri lifandiss skepnu.<sup>7</sup> er ek gorda ok til er aa iardriki. Noe gördi alla hluti<sup>8</sup> sem gud baud honum. Geck hann þa fyrir flædarinnar skyllid. ok synir hans husfru hans ok sunakonur hans meðr honum. inn i örkina meðr öllum iardarinnar kuikend-

<sup>1</sup>) tilf. B    <sup>2</sup>) rum, B    <sup>3</sup>) austrumit her og siden B    <sup>4</sup>) um, B    <sup>5</sup>) [.vii. karlkyns ok .vii. kuenkyns, B    <sup>6</sup>) saal. B; ok, A    <sup>7</sup>) þeirri tilf. B  
<sup>8</sup>) eptir þi tilf. B

um fyrr sögdum. huer er meðr guðs bodi ok bendingu ok þar meðr af englanna<sup>1</sup> þeonostu uaru inn leidd. Ok sem næstu .vii. dagar uaru lidnir. toku uðtnin at æsaz ok yfir at flota alla iðrdina. Nu sem Noe uar .dc. áára. ok hann hafði meðr aullu sinu hyski gengit i ðrkina ok sua kuikendi.<sup>2</sup> enn almuginn lá enn i sinu fullifi. þa let gud æðar ok uppsprettur þess mikla undirdiups. sem hann hafði mestum lut iarð-rikissins vatna til samnat sem fyrr uar sagt. opnaz ok upp lukaz aa hinum .xviije. degi annars mánadar eptir ebreskra manna töl. þat er i Maio manadi. Opnaduz þa ok upp lukuz þar meðr allar himinsins vatnraasir ok urdu yfiruettiss regn .xl. daga ok .xl. náttu. Voxu uðtnin þa sua miok. at þau hofu ðrkina af iðrdunni. ok æstuz sua ákafliha. at þau haldu alla iordina<sup>3</sup> ok flotu .xv.<sup>4</sup> alna diup yfir hin hæstu fioll i uerolldinni. *scolastica historia*. til þess at þau hreinsadi loptit af saurum ok suiuirðligum mannanna uerkum. er allt þagat hofdu nálgaz. ok allt til þess<sup>5</sup> stadar man elldrinn ganga upp at hinum efzta domi. til at hreinsa þa enn loptit af saurligum<sup>6</sup> ok syndsamligum mannkynsins uerkum. einkannliga þa er þeir fórnferandi sinum [fals-ædum gudum<sup>7</sup> kueiktu þar til ellda aa hinum hæstum fiollum. huers fólskar eimr ok reykr mattu hardla langt upp leiðaz ok saurga sua loptit. þo at meðr odrum hætti mætti manna uerkin uarla sua langt hafa uppgengit. meðr þi at þat fiall er Olimphus<sup>8</sup> heitir er sua háátt. at þat tekr allt upp or uedrinu i skert lopt. eptir þi sem i skiluisum bokum finnz skrifuat ok fyrri uar sagt af ordum hins heilaga Augustini.<sup>9</sup> *genesis*. Ok sem Noe hafði meðr fyrr sagðri grein gengit inn i orkina. þa let gud hennar dyrr uerda byrgdar utan. ok þar meðr uerda bik-adar ok bræddar. Dóó þa ok fyrirforst huerr sa lifandiss likami. sem aa iardrikinu uar. bædi menn ok fuglar ferfætt kuikendi ok þar meðr aull skridkuikendi. Einn saman Noe lifði þa eptir. ok þeir .vii. menn ok önnur kuikendi sem meðr honum uaru i ðrkinni. Hellduz uðtnin meðr þiliku yfiruettiss diupi ok æsingi<sup>10</sup> halft annat hundrad daga tirætt fra þeim fyrsta degi sem Noe hafði gengit i orkina.

<sup>1</sup>) styrk ok tilf. B   <sup>2</sup>) meðr qllu sinu kyni tilf. B   <sup>3</sup>) ok hennar asynd tilf. B   <sup>4</sup>) .xii., B   <sup>5</sup>) sama tilf. B   <sup>6</sup>) sauruglegum, B   <sup>7</sup>) falsgudum, B   <sup>8</sup>) saal. ogs. B   <sup>9</sup>) a hueriu er þat sama letr sem a þurru dusti var skrif-at fannz meðr qllu vskadt ok vblasit aari siðarr. huar er fuglar fa eigi lifat. ok eigi þeir hinir visæztu meistarar philosophi. sem upp þagat komu sakir skemtunar ok foruitni. mattu þar viðr halldaz eigi(?) nokkura stund. utan þeir hefði haft meðr sér siofa(r) suoppu fulla meðr vatn. hveria er þeir hqfðu viðr sinar nasar. at þeir dregi þaðan af at sér þykkara lopt. eptir sinum vana ok matere. Eru þeir ok nokkurir sem flqftin segia þi eigi sua haa hafa verit sem nu eru þau tilf. B   <sup>10</sup>) æsingi, B

Eptir þat mintiz guð Noa með sinni miskunnsemd ok allra þeirra kúik-  
 enda sem með honum uaru i ðrkinni. let þa blasanda uind koma yfir iðr-  
 dina upp fra þeim degi. Toku þadan af uðtnin at minkaz. vðirdiupsins  
 ædar ok uppsprettur ok eigi sidr himinsins uatnraasir byrgduz þa ok  
 aptr lukuz. stöduuðuz þa ok aflettu þar meðr ðll regn. Toku þa uðtnin  
 eptir .c. ok .l. fyrr sagða daga at minkaz ok fram at falla. þar til er  
 aurkin stod grunn ok stöduadiz. aa hinum seaunda degi ok .xx<sup>ta</sup>. til  
 hins .vida. manadar. aa flöllum þess landz er Armenia heitir. aa huer-  
 ium er segiz at enn meggi finnaz mörk ok ðrmul af ðrkinni. *scola-*  
*stica historia*. Josephus segir. at iafnuel hafi þeir menn minz ok getit  
 flodsins ok arkarinnar i sinum frasðgnum. sem heidinna manna sögur  
 samseltu ok skrifadu. huar af er Berosus er Kalldeus uar kalladr sagði  
 sua. Nockurr partr þess skips sem uid Armeniam kom. segiz enn at  
 eptir se uid fiallit Cordithum. ok at þar af takiz þat bik ok flytiz brott.  
 af hueriu er menn taki hardla mikla hreinsan ok heilsubot. Saa madr  
 sem het Manases uar kalladr Damascenus talar sua af fyrr nefndum  
 hlutum. Upp 'fra Numidia er eitt fiall hátt i Armenia. er Baris heitir.  
 aa hueriu er margir menn frealsaduz aa flædartimanum. þeir er þagat  
 flydu eptir þi sem flytz. *de genesi*. Votnin þurru þa ok framm flutu allt  
 til hins .x<sup>da</sup>. manadar. [enn á hinum fyrsta degi þers manadar mattu<sup>1</sup> seaz  
 ofanuerdar fiallahædir. Eptir .xl. daga lidna lauk Noe upp arkarinnar  
 glugg. þann sem hann hafði gðrt. ok sendi ut einn rafn. uiliandi af  
 hans brottsending ok aptrkuamu uiss uerda. huart er honum uæri ut-  
 ganganda edr ðdrum kúikendum af ðrkinni fyrir uatna sakir edr eigi.  
 Ok sem hann uard lauss ok lidugr. flaug hann i brott ok kom ecki  
 sidan aptr til Noa. Lettliga segir Commestor. at uðtn hafi angrat hon-  
 um. ellar hafi hann fundit þat dauðt kúikendis fliotanda ræ. sem hann  
 hafi til lyst ok sidan aa setz. þi næst sendi hann ut eina dufu. til þess  
 at hann mætti þapan af uita. ef hinum mesta uatnaganginum letti i  
 uerolldinni. Ok sem hon fann þat huergi ne framm kom. at hennar  
 fætr mætti huilld eðr nádir fáa. fyrir þann skyllð at uðtnin huldu þa  
 enn<sup>2</sup> uerolldina. þa huarf hon aptr til arkarinnar. tok Noe hana meðr  
 sinni hendi ok hafði inn til sin i aurkina. Matti þat ual uera. at hinar  
 hæstu fiallahædir uæri eigi þegar meðr ollu þurrar. þo at þær sæiz  
 meðr nokkuru moti. ok fyrir þi feck hon eigi huilld aa þess haattar  
 liðrnum edr uatlendi helldr enn aa oðru uatni. Eptir .vii.<sup>3</sup> daga lidna  
 sendi Noe dufuna ut af aurkinni annan tima. kom hon þa at apni þann  
 sama dag aptr til hans. berandi honum i sinum munni einn blomgadan

<sup>1</sup>) [saal. B; maattu þa, A    <sup>2</sup>) hueruina tilf. B    <sup>3</sup>) saal. B; .v., A

kuist af þi tre sem oliua heitir. Skildi Noe af þi er hon hafði iarðarinnar aaðxt fundit. at hinum mesta uatnaganginum yfir iordina mundi þa letta. Beid hann þo allt at eins adra .vii.<sup>1</sup> daga. sendi hann þa enn dufuna ut af orkinni. kom hon þa ecki sidan aptr til hans.

Her segir af utgöngu Noa ok hans manna af orkinni ok þat<sup>2</sup> er gud blezadi þeim. Genesis.

51. 20. Nu sem Noe hafði .dc. aara ok eitt áár umfram. aa hinum fyrsta degi ok manadi til annars aars. let hann arkarinnar þekiu opnada uerda. litadiz þa um ok sáá. at uðtnin höfdu sua minnkaz ok þorrit. at iðrdin uar þa miok sua þurr uordin. enn þo uilldi hann bida guddrottins<sup>3</sup> atkuædiss um utgönguna. A næsta manadi eptir aa hinn .vii.<sup>da</sup>. dag ok .xx. þess manadar. sem iðrdin uar fulluliga þurr uordin. taladi gud aa þessa leid til Noa. Gack ut þu af aurkinni ok husfru þin medr þer. synir þinir ok husfrur þeirra medr þeim. ok aull þau lifandis kuikendi sem medr þer eru skalltu ut leida. huart sem hellðr eru þat fugla kyn edr fersætt iardarinnar kuikendi edr skridkuikendi. þa gangit aull ut aa iordina. uaxit þar ok fíðlgiz. Baud gud nu serhuerium hiunum samfestiliga ut at ganga. i gegn þi sem þeim uar bodit i inngöngunni. sua sem hann taladi upp aa þenna háátt. Nu er sambudartimi aptr kominn. at þer freoiz<sup>4</sup> ok fíðlgiz i uerolldinni. Geck Noe þa ut ok hans husfru. synir hans ok þeirra husfrur. aa þann sama dag eptir aarit umlidit sem hann geck inn i ðrkina. ok oll þau kuikendi sem meðr þeim höfðu geymd uerit ok hirð. *scolastica hystoria*. þann stad sem þau Noe gengu ut af ðrkinni kalla [landzmenn i<sup>5</sup> Armenia egressor(i)um. sua sem utgöngu stad. enn synir Noe nefndu hann Tamnon. sua sem .viii. manna stad. af tölu þeirra manna sem ut gengu af aurkinni.

*Genesis*. Eptir þat gðrði Noe alltari eitt af .viii. steinum. eptir þi sem nockurir menn segia i minning þeirra .viii. manna sem i<sup>6</sup> aurkinni hialpaduz. tok hann þa hit .viida. huert af aullum hreinum kuikendum ok fuglum er hann hafði medr ser haft. ok fornsærði þau gudi. Hafði gud fyrir þann skyllð boðit. at æ skyllði .vii. ok .vii. i aurkinni geymaz. at .vi. skyllði eptir uera at aukaz ok aauxtax sidan er hit .viida. uar fornsært. Var þessi hans fórn gudi sua þægilig. at hann blidkadiz sua sem<sup>7</sup> medr miklum sætleiks ilm. talandi sua til Noa. Medr ongu moti man ek upp fra þessum tima iðrðinni baulua ne

<sup>1</sup>) *saal*. B; .v., A <sup>2</sup>) þui, B <sup>3</sup>) guðsdrottins boðorðs ok, B <sup>4</sup>) fríofiz, B

<sup>5</sup>) [*saal*. B; landz, A <sup>6</sup>) *tílf*. B <sup>7</sup>) *mgf*.



banna fyrir mannanna skyld. þíat mannkynsins skilningaruit ok þess hiartaligh hugrenning hneigia sik ok sueigia [til illra<sup>1</sup> luta allt fra sinum barndomi. man ek eigi upp fra þeima tíma þílíkt slag ueita hueriu sem einu lifanda kuikendi sem nu gorda ek. Alla daga man iardarinnar saadtími ok kornskurdartími. frost ok hiti. uetr ok sumar eigi huilaz. sua at eigi geymiz<sup>2</sup> þeirra tímar. Lettliga segir Petrus at aarsins tímar uaru ecki sua fulluligha greindir fyrir flodit. þíat eigi hófdu uðtnin til skyianna samnad uerit fyrir flóðit. Blezadi gud þa Noa ok sonum hans. ok sagdi sua til þeirra. Vaxit þer ok freoiz ok fyllit uerolldina. skal yður ogn ok otti yfir uera aullum himinsins fuglum ok iardar<sup>3</sup> kuikendum. meðr ollum þeim lutum sem aa iðrdunni ræraz. *scolastica historia*. Þessa luti taladi gud þeim til hugganar. at sua fáair menn skylldu eigi ottaz nockura þrðnguing edr haaska af sua mðrgum storum ok hræðiligum dyrum ok kuikendum. *speculum hystoríale*. Blezadi gud Noa ok sonum hans. endrnyandi þa sðmu blezan. sem hann hafdi fyrr gefit Adami. þíat fyrir þenna<sup>4</sup> uar þa mannkynit [annan tíma<sup>5</sup> fiolganda. Enn þessi blezan stendr saman i .iii. lutum. sem bæði fyrirfarandum ordum ok eptirfarandum ma uel heyraz. fyrst i fiðlgan afkuæmissins. ok þar næst i drottan yfuir oðrum kuikendum sem sagt uar. ok i þridia stað i þi er gud ueitti manninum til fædzlu ok uidrlifiss. en þo uar nu meirr fiðlgat fædzlu-fangit manninum önn fyrr. einkannliga fyrir þann skyllt at iðrdin uar miklu ofreuari eptir flodit enn fyrir. ok þar meðr fyrir ustyrkleik manzins uar þat nu til lagit. at manninum uar lofat at eta kuikendanna kiðt utan blods.

*Genesis*. Ok enn sagdi hann sua. Allir seofarins fiskar eru yðarri hendi undirgefñir.<sup>6</sup> ok sua sem fyrr meirr gaf ek monnum græn kaal ok annan iardarinnar aauxt [til feðu. sua veiti ek yðr nu kuikenda kiqt<sup>6</sup> til fædu ok uidrlifiss. at fra teknu þui at þer skulut eigi blodugt eta kiðt ok eigi þat nockut kuikendi sem [sealdfautt hefir ordit.<sup>7</sup> Eptir þat bannaði gud þeim manndrapit ok sagdi sua. Mannzins aund ok hans lifsblod man ek af manzins ok hans broður hendi krefia ok utheimta. ok eigi at eins af honum nema ok þar meðr af kuikendum. fyrir þaa sök at huerr sem rangliga hefir ut hellt manzins blodi. þa hefir hann fyrirgert sinu blodi. fyrir þa skynsemd at madrinn er eptir guds likneskiu gorr. Vaxit nu ok fiolgiz. farit sua framm i uerolldinni ok fyllit hana. Ok af þi at þeir ottaduz hardla miok. huart gud mundi eigi uðtnin æsaz láta ok flodit uerda annan

<sup>1</sup>) [giarna til allra(!), B    <sup>2</sup>) geymaz, B    <sup>3</sup>) tilf. B    <sup>4</sup>) skyllt tilf. B

<sup>5</sup>) tilf. B    <sup>6</sup>) gefñir i valld, B    <sup>7</sup>) [kafnat hefir öðr suidda vordit, B

52.

tíma. ok Noe bad þess dagliga. at þat skyldi eigi uerda. eptir þi  
 sem Josephus segir. þa taladi gud enn sua til Noa ok sona hans. Se  
 herna. mitt sáttmaal ok skildaga man ek meðr ydr stadfesta ok meðr  
 ydru kyni eptir ydra daga. ok til huers sem eins lifandis kuikendiss.  
 sem meðr ydr eru. sua fuglum sem aullum iardarinnar kuikendum. þeim  
 sem ut gengu af örkinni. Sua man ek mitt sáttmaal meðr ydr stad-  
 festa. at alldrigin hedan fra man aull likamlig sköpna i flödinu deyia  
 ok fyrirfaraz. ok önguan tíma upp fra þuisa man iörðin af flöðinni  
 eydaz. Ok enn sagði gud sua til þeirra. Þetta er þat. sáttmaals mark  
 sem ek man göra ok gefa milli min ok yduar. ok allz annars lifandiss  
 anda. þess sem meðr yör er. um æfniligar kynkuislir. at ek man minn  
 boga i skyiunum setia ok stadfesta. ok skal hann uera saattmaals mark  
 milli min ok iardrikissins. ok þann tíma sem ek hefir himininn skyia  
 latit. þa man minn bogi þar synaz. man ek mins sáttmaals [með yör<sup>1</sup>  
 endrminnaz ok meðr öllum þeim lifandiss anda. sem sinn likam flytr ok  
 hrærir. ok alldrigi upp fra þessum tíma manu uöta ok floð aullum  
 lifandum kuikendum eyda. Ok sem fyrr sagör minn bogi man i sky-  
 ium uera.<sup>2</sup> man ek hann sea ok sua endrminnaz þess eyfls sáttmaals.  
 53 sem sett er ok stadfest milli guds ok allz likamligs lifandis kuikendiss.  
 er til bidr aa iardriki. *scolastica hystoria*. Hefir þetta sáttmaals mark  
 milli guds ok mannkynsins. sem uer kallum regnboga. i seér teikn ok  
 mark tueggia hinna mestu guds döma her i uerolldinni. annars fyrir  
 uatnit þess sem umlidinn er. at enginn þurfir þann hedan af ottaz. þess  
 annars sem um elldinn kemr. þa er uerolldin skal brigdaz. Ok þo at  
 hann<sup>3</sup> syniz hafa .vi. litu i ser. þa hefir hann allt at eins .ii. skyrasta  
 af þeim aullum. [þat er döckgrænn litr<sup>4</sup> næst hinum yzta kompasi-  
 num.<sup>5</sup> til marks um þann dominn er uatnit geck yfir uerolldina. ok  
 fyrir þann skyld er hann utarr meirr skipadr at hann er umlidinn. ok  
 raudan er innarr meirr stendr. til marks um þann dominn sem at  
 sidurstunni kemr um elldinn aa iardriki. Finnz ok sua i heilagra manna  
 bokum ok frasaugnum.<sup>6</sup> at hann man [.xl. daga fyrir dömsdagh alld-  
 regi seenn verða.<sup>7</sup> hvat er æungum mun sidr synir eptir loptzins  
 natturu þurkanina [þa þegar<sup>8</sup> til hafa tekit.

<sup>1)</sup> [tilf. B    <sup>2)</sup> synaz, B    <sup>3)</sup> segiz eör tilf. B    <sup>4)</sup> [þat (er) döckgrenan, B  
<sup>5)</sup> kumpasinum, B    <sup>6)</sup> skrifat tilf. B    <sup>7)</sup> [taal. B; aa .xl. daga fyrir  
 dömsdagh seenn uerda seenn uerda(!), A    <sup>8)</sup> [tilf. B

Her segir af bðluan Kams ok af Jonita syni Noa [ok huersu Noe skipti heiminum meðr sunum sinum ok hversu hans ættir hafa dreifz yfir iorðina.<sup>1</sup> *speculum hystoriale. capitulum.*

21. Sémm einn af fyrr sogdum sunum Noe. af huerium er allt mannkynit i uerolldinni freouadiz ok aukadiz. lifdi .ii. aar eptir flodit. adr hann gat at eiga son þann sem hann kalladi Aarphaxath. aa huers dögum er su hin uidfræga ofdryckia Noa faudur hans barst at. af huerri er þat hlautz. at sa hinn sami hans fadir blezadi honum ok hans brodur Japhet. sakir sæmiligrar skammfyllingar ok fodurligrar uegsemdar er þeir ueittu honum. en hann bðluadi hinum þridia sinum syni Chám einkannliga i hans frumgetnum syni þeim sem Chanaan het. sakir þess haduligs spottz er Cham hafdi gort at sinum fedr. *genesis*. Noe tok þenna tima eptir flodit iorðina at yrkia ok hana at fáaga. vingard at planta ok uin at göðra. Ok af þi at hann uar þess hattar dryck uuanr.<sup>2</sup> ok hann uissi eigi uinsins megin ok styrk. uard hann auloðr. ok sem hann uar sofnaðr. hófdu klæðin farit af honum i tialdbud hans sealfs. sua at hans getnadarlimr uard berr. Ok sem Káám kom at fedr sinum sua liggianda. ok hann saa huersu hann laa. þa spottadi hann ok hlóó at honum. geck sidan ut medr skalkeid<sup>3</sup> ok sagði brøðrum sinum. þeir toku möttul einn aa herdar ser ok gengu aufugir inn i herbergit. til þess at þeir sæi eigi hans leyndarlim. ok huldu hann sua meðr sama möttli. at þeir saa hann eigi. *scolastica hystoria*. Hedan<sup>4</sup> þickir þat likt. at þa hafi enn litill uani til þess uerit. at menn hafi brøkr haft. Nu sem Noe uaknaði af suefninum ok ofdryckiunni. ok hann uard uiss huat er Cham hafdi honum gert. sagdi hann sua. Bauluadr smasueinn Chanaan man þræll ok þionustumadr uera sinna brøðra. Fyrir þi taladi hann sua. at hann uissi þa fyrir af spádoms anda. at eigi mundi Cham uerda þræll edr undirmadr brødra sinna. helldr hans afspringi. ok þo eigi allt hans afspringi utan Chanaans afkuemi. Kann þat ok mörgu sinni ueita. at synir ok annat eptirkomanda kyn giallda<sup>5</sup> þess. sem fedr ok adrir forelldrismenn hafa til skylldat. [sem forn orðzkuiðr kemr til. at griser giallda þess er gqmul suin vallda.<sup>1</sup> Sem fyrr nefndr Noe segdi sua til sins sonar Cháms. Eigi skalltu meiri gleði edr yfiruettiss<sup>6</sup> fagnað fáa af þinum syni Chanaan. enn ek fær af þer. Ok enn taladi hann sua. Blezadr se guddrottinn Sémm. uerdi Chanaan hans þræll ok þionostumadr. Varu þetta fullkomin spádoms orð. þiat hann saa þat fyrir. at guds nafn ok

<sup>1</sup>) [tilf. B    <sup>2</sup>) ekki vanr, B    <sup>3</sup>) skaalkheið, B    <sup>4</sup>) af tilf. B    <sup>5</sup>) gialldi, B  
<sup>6</sup>) megi. B

hans dyrkan mundi meðr sunum Sém æfnliga uera ok stadfestaz. Ok enn taladi Noe. Mikli gud ok uaxa lati Japheth. hafi hann sina bygd i tialldbudum ok herbergium Sém. verði Canaan ok hans þeonostu-madr.

*Speculum hystoriale.* Ættleggir af .iii. sunum Noa eru taldir .ii. ok .lxx. þiat .xv. varu af Japhet .xxx. af Cham. en .xxvii. af Sém. Sua segiz at Noe sealfr hafi sua skipt heiminum meðr sunum sinum. at Sém ok hans afkuðmi fengi Asiam ser til bygðar. enn Cham ok hans kynsmenn Affricam. enn Europam Japhet ok hans kynsmenn.<sup>1</sup> Kom þat þo einkannliga mest framm eptir tungnaskiptit i Babilone. sem sidarr man heyrar. Ysidorus hefir sua skrifat i .xiiiidu. bok Ethimologiarum. at heimrinn se skiptr i .iii. parta. ok þo eigi iafnstorir.<sup>2</sup> Þiat Asia gengr af [sudrhaalfu heimsins um austr<sup>3</sup> ok allt til nordr-ættar. enn Europa fra nordri ok i uestr. enn þapan af er Affrica allt til sudrættar. Ok hefir sua einsaman Asia helming heimsbygd-arinnar. enn annan helming Europa ok Affrica. Eru þær af þi skiptar i .ii. luti. at hinn mikli miðiarðarsior gengr inn i milli þeirra or uthafinu.

*Scolastica historia.* Einn hardla frodr madr er Philo het segir sua i þeirri bok sem hann gordi yfir Genesim. at af .iii. fyrir nefndum sonum Noa uaru komnir at honum lifanda .xxiii<sup>4</sup>. þusundrat karlmanna. ok enn .c. umframm at utöldum konum ok börnum. Þetta folk hafði þa yfir ser .iii. hertoga. Hinn fyrsti af þeim uar Nemroth sunarsun Chams. Þiat Chus hans fadir uar [þa andadr<sup>5</sup> sun Chams. Þessi Nemroth rikti yfir sinum ættmonnum. lærdr þar til af einum uisum manni syni Noa. huers er Moyses getr ecki i Genesi. af huerium er sua segir Methodius einn uiss meistari. at Noe gat sun eptir flodit i ellidomi sinum ser likan. huern er hann nefndi Jonitum. Ok sem hann hafði .ccc. aara eptir flodit umlidit. gaf hann þessum syni sinum storar gíafir ok ueitzlur. veitti hann honum þat land er Ethan heitir. for Jonitus þagat ok bygdi þar. Hann audladiz þa gíof af gudi. at hann uar spekingr mikill at uiti ok uisdom ok forspáar um marga luti. ok fann Astronomiam. þa sem uær kaullum stiornuþrott.<sup>6</sup> Ok af þi at hann uar hardla frægr af sinni uitru ok uisdomi. þa kom fyrr nefndr Nemroth risi sunarsun Chams til hans. at nema af<sup>7</sup> honum uitzku ok læridom. einkannliga til radagordar. at hann mætti ndæckur<sup>8</sup> riki fá. Þiat þessi Jonithus saa fyrir nockur þau tidindi ok æuintyr er löngu sidarr komu framm. ok mest af uppruna ok upphafi .iiii. hinna fræguztu

<sup>1</sup>) gítmenn, B   <sup>2</sup>) iafnstora, B   <sup>3</sup>) [utsuðrs haalfu til austrs, B   <sup>4</sup>) floqur ok .xx. B   <sup>5</sup>) [annarr, B   <sup>6</sup>) stiornubokar list, B   <sup>7</sup>) at, B   <sup>8</sup>) nokkut, B

rikiá. þeirra er uerit hafa í uerolldinni. ok ofarr meirr af þeirra hallan ok niðrfalli. af huerium er hinn heilagi Daniel spaadi longu sidarr aa sinum dögum. Sagdi Jonitus sidan<sup>1</sup> sinum frænda ok lærisueini Nemroth. at Cháms afkuæmi ok ættmenn mundi<sup>2</sup> fyrstir rikiá. þiat Belus hinn fyrsti konungr í Babilon uar son þessa sama Nemroths ok 55  
sadir Nini konungs. er göðra lét þa hina miklu borg Niniuen. ok at þar næst mundi synir Sém ok hans kynsmenn rikiá. Þessi Ninus aukadi sua mikit Niniuen. at hon uar .iii. dagferða löng. ok kalladi hana sidan af sinu nafni Niniuen. þat uar fra þi sem til tok ok hellzt Serkia riki. meðr huerium er hinn frægi Cyrus<sup>3</sup> konungr ok hinn mikli Xerxes. Nabugodonosor. Assuerus er odru nafni het Arthaserxes ok Darius son Arsami ríktu. ok margir adrir uolldugir menn ok mikils haattar konungar. ok eigi sidr um Girkia<sup>4</sup> riki er<sup>5</sup> hofzt af hinum mikla Alexandro. ok sua lengi sem þat helltz. enn sidan<sup>6</sup> ættmenn ok afkuæmi Japheth sem Romueria riki tok til. ok sua langan tima sem þat uannz ok uidr hellz. Nu sem fyrr nefndr Nemroth for brott fra nefndum Jonitho. ok hann hafdi heyrt af honum þess hattar spaar ok forsagnir. þa fystiz hann miok at hafa<sup>7</sup> ualld ok drottan yfir folkinu. yrkti þa ok unáðaði kynsmenn Sém. at þeir skylldu odrum uilia<sup>8</sup> stiorna sem þeir uaru bornir til. þiat þeir uaru komnir af hinum ellzta ok frumgetnum syni Noa. ella at hann skyllði rikiá ok fullkomna drottan yfir þeim hafa. enn þeir uilldu þat meðr öngu moti. Fór hann sidan til fodurfedr sins Cháms ok hans kynsmanna. ok toku þeir hann séér til formannz. ok setti hann sitt riki í Babilon. [*scolastica hystoria*.<sup>9</sup> Hann uar einn hinn fyrsti ok hinn mesti ofbelldissmadr ok sterkr ueidimadr fyrir gudi. þat er sua mikit at segia. at hann uar ramr at afli mandrapari ok hinn mesti ágangsmadr. sakir þess at hann uilldi yfir öðrum<sup>10</sup> ægishialm bera. Hann neyddi menn ok kugadi til þess at dyrka elldinn. þadan af uar sa ordzkuidr þann tima kiærr manna í milli. þa er talat uar af nöckurum rommum ribballda. at hann uar sterkr madr ok illr sem Nemroth. *speculum hystoriale*. Af hans dæmum<sup>11</sup> tok Jetthan at rikiá yfir sonum Sém. enn saa madr sem Suphne<sup>12</sup> hét yfir ættmonnum ok afkuæmi Japheths. Noe lifði .ccc. ok .i. aara eptir flodit. andadiz hann sua sem hann hafdi .ix. hundrad uetra ok .i.

*Scolastica historia*. Josephus segir önguan mistrua þursua edr hyggia þat fals uera. sem af æuinlengd ok ellidomi hinna fyrri manna sinz skrifat. þiat gud ueitti þeim fyrir sin<sup>13</sup> kraptauerk ok dyrdar-

<sup>1)</sup> fyrir tilf. B <sup>2)</sup> mundu, B <sup>3)</sup> saal. B; Tyrus, A <sup>4)</sup> Grikkia, B <sup>5)</sup> saal.

B; ok, A <sup>6)</sup> sidast, B <sup>7)</sup> fá, B <sup>8)</sup> þiona eðr tilf. B <sup>9)</sup> [mgl. B

<sup>10)</sup> valld ok tilf. B <sup>11)</sup> eptirdæmum, B <sup>12)</sup> Suphene, B <sup>13)</sup> saal. B; sinn, A

samligar nytsemdir lengri listundir. þar sem þeir skodadu skynsam-  
liga ok reiknaðu opt ok iduliga himintungla gang ok þa list sem  
astrologia heitir. hueria er þeir hefði eigi megat i fyrstunni skiluislega<sup>1</sup>  
skilia ok gloggliga greina. utan þeir hefði lifat um .dc. aara. þiat hin  
gamla aulld ferr ok fylliz um sua morg áár.

Her segir af Arphaxath ok [stqplinum Babel ok tungnaskipti  
ok hinum dramlata Nemroth.<sup>2</sup>

22. Fyrr nefndr son Sém Arphaxath gat sér son er hét Sale. sem  
hann uar halffertugr at alldri. enn fra upphafi annars heimsaldrs  
uaru lidin .vii. aar ok .xxx. Sale gat Heber sua sem hann uar þritugr  
at alldri. enn af oðrum heimsalldri uaru lidin .vii. aar ok .lx.<sup>3</sup> Af  
þessarra tueggia sedga dögum Arphaxath ok Sale<sup>4</sup> bar ecki þat til.  
at miok hafi frægt edr i frasagnir sært uerit. Heber gat Phalech. þa  
er hann hafði .iiii. uetr hins fiorda tigar. enn lidit uar fra upphafi  
annars aldrs heimsins .c. uetra ok eitt áár. Sua segir Josephus. at  
Ebrei eru kalladir af nafni Heber. þiat i hans husi at eins hellz ebresk  
tunga eptir tungnaskiptit. enn fyrr uar hon ecki kaullut ebresk tunga.  
helldr mannligh tunga einfalldliga sua sem uán<sup>5</sup>, uar. þa er menn  
höfdu ongar fleiri tungur at tala medr. *speculum hystoriale*. Sun  
Heber tok nafn af tungnaskipti ok þiodanna. þiat Phalech þyðiz sundr-  
skipting. fyrir þann skyld at aa hans dögum skiptiz iðrdia medr  
þiodunum. þiat fyrr nefndir hertogar Nemroth Jethan ok Suphene ok  
margir adrir risar medr þeim færdu sina bygd austan eptir Asia. þa-  
dan sem adr höfðu þeir uerit. eptir þat er Noe uar allr. ok komu  
saman aa einum [slettum uelli.<sup>6</sup> sem heitir Sennáár. Uard þapan at  
ryma ok brott at flyia Assur einn af sonum Sém Noa sunar. þiat  
Nemroth rak hann medr ofriki ok uiafnadi brott af sinu erfðarlandi.  
Þessi sami Assur einn af .v. sunum Sém fann fyrstr purpura ok smyrsl  
at gðra. af huers nafni er Assiria heitir.<sup>7</sup>

Ok af þi at þeir ottaduz þa enn flodit ok uilldu rikia yfir odrum  
monnum at radi Nemroths. þa taladi huerr uid sinn naaungh. *genesis*.<sup>8</sup>  
Komum her ok gerum nöckurt aagetisuerk. at þadan af frægimz uær  
fyr enn uær deym. edr uær skilimz ok skiptimz til ymissa landa.  
Gorum oss eina stora ok sterka borg edr stöpul. huers turn edr hæd  
taki allt upp til himna. Toku þeir þa at reisa einn mikinn staupul af

<sup>1)</sup> saal. B; skiliga, A <sup>2)</sup> [saal. B; hans afspringi. capitalum, A

<sup>3)</sup> saal. B; .xli., A <sup>4)</sup> saal. B; Phale, A <sup>5)</sup> vón, B <sup>6)</sup> [velli edr  
slettendi, B <sup>7)</sup> þat land er sua er kallat ílf. B <sup>8)</sup> ílf. B

tigli ok þi lími sem líkaz uar biki meðr griotmol<sup>1</sup> gört. Af þessum staupli segir Josephus. at hans viðleiki uar sua sterklegr. at þeim er nærri uaru syndiz hans hæð ok lengð litils uerd.<sup>2</sup> Gud drottinn geymdi at huat er þeir gordu. sua sem hugsandi þeim þar fyrir hegnd ok pinu. ok sa þa borg ok turn sem þeir smiðaðu. ok sagdi sua til sinna heilagra engla. Ein tunga gengr meðr ollu þessu folki. er þaleidis er talat sem einn samlendr lydr. Höfu þeir ok sua upp þessa sina gerd ok fyrirætlan. at þeir munu ecki sealfkrafi af henni letta.<sup>3</sup> Þar til er þeir hafa hana meðr uerkum fyllt ok frammkomit. Nidrum þa ok neisum þeirra tungur. sua at engin þeirra skilli annars tal. Ok þegar i stad uard sua. at engin þeirra feck annars tal ne tungu undirstadit. þiat ef nockurr bad faa ser steina.<sup>4</sup> þa baru þeir til hans uatn<sup>5</sup> edr eitthuert annat. Braut þat ok annarr nidr sem annarr gördi upp. Vurdu þeir sua af at lata uppteknu uerki. þiat .ii. ok .lxx. uurðu þa mealsgreinir ok tungnaskipti. eptir þi sem i skiluisum bokum finnz skrifat. *scolastica historia*. Petrus Commestor segir. at gud uann þagva nyskapada görd i þessu tungnaskipti. þiat hinar<sup>6</sup> sömu raddir ok ord eru af hinu sama efni meðr aullum þiodum. enn meðr ymissu kyni skildi hana ok greindi ordanna myndir ok maalshaattu. Var þessi staupull kalladr Babel. þiat af hans smid ok uppgord nidraduz tungurnar ok umskiptuz. þiat Babel er sua sem neyking edr suiuirding. *genesis*. Var borgin ok af þessu öllu saman kallat Babilon. Dreifduz þeir sua sidan um þenna þrigreindan heim. sem fyrr uar sagt. at afkuemi Sém bygdi at mestum luta Asiam. kynsmenn Cháms Affricam. enn Japheths ættmenn Europam. Fyrir huern skyllt er<sup>7</sup> þat ma eigi uuiðrkuæmiligt synaz at segia her nöckut af landanna skipan. eptir þi sem Ysidorus segir ok eigi sidr *Speculum historiale*. huer er mestz haattar ok fræguz lönd liggia i séer huerium haalfum heimsins. ok huat er mætað ok faagigtaz i hueriu landinu er ok minniligaz til frasagnar.

Her segir af skipan heimsins [ok fyrst af Asia ok huer lönd hon hefir i seer.<sup>8</sup> *speculum hystoriale. capitulum*.

23. Asia er kallat af nafni nockurrar konu. huer er i fyrndinni heilt ríki i austrhaalfu ueralldarinnar. Þessi Asia liggir ok er skipat i

<sup>1</sup>) griotmiql, B    <sup>2</sup>) var hann sua mikill at .xiii. mílur var vm hann at mqla. huern uegar(!). Mikinn stað gígrðu þeir ok utan um stopulinn. hann var .iiii. mílna ok .lx. huern ueginn um at mqla *sílf*. B    <sup>3</sup>) laata, B    <sup>4</sup>) vatn, B    <sup>5</sup>) steina, B    <sup>6</sup>) hinu, B    <sup>7</sup>) at, B    <sup>8</sup>) *sílf*. B

þridia part ueralldar. sem fyrr uar sagt. ok hefir endimark af austri undir solarinnar uppraas. af sudri endir hana uthaft. enn fyrir uestan miðiardarsior. enn af nordri endiz hon uid aa þa er Tanais heitir ok þann lög er þar fellr or. Asia hefir i sér stór laund ok morg-riki. huerra nöfn ok skipan ek man skiotlīga greina. hefiandi fyrst af hennar haufdi ok hinum hæsta part paradiso.

Paradisus er einn aagetr stad i austrhaalfu. huers nafn snuit af girzku i latínu er hortus. þat kaullum uær grasgard. enn aa ebreska tungu kallaz þessi stadr Eden. þat þydaz<sup>1</sup> krásir edr sællifi at uáru maali. Enn þetta huarttueggja samtengt gðrir krásagrasgard<sup>2</sup> ok sællifiss. þiat þessi stadr er allzkyns uidum ok alldintream audgadr. Hann hefir i séer<sup>3</sup> lifstre. þar er alldrigi frost ne ofmikill hiti. helldr er þar iafnan hin bezta tempran loptzins. J midri paradis sprettr upp uatn mikit. þat sem at nogu dögguir allan alldinuiddinn. enn þat<sup>4</sup> sama uatnfall skiptiz þadan i fíorar höfutaar. Tilferd þessa stadar uar mannum eptir syndina byrgd ok bannat. Segir sua heilog ritning. at hann er aullum megin uadr ok uerndadr medr elldlugu suerdi. þat er sua at skilia. at elldligr hiti gengr umhuerfuss sua haatt. at hans bruni tekr nær til himins. þar eru skipadir til uerndar cherubim. þat eru guds englar. at elldzins<sup>5</sup> logi byrgi mennina uti ok i brott reki. enn englar guds reki brott andskotans engla. sua at huarki megi þar<sup>6</sup> madr ne andi [inn ganga.<sup>7</sup> sa sem eigi er gudi hlydinn.

50 India<sup>8</sup> feck nafn af aanni Jndo. hon er endimark landzins af uestr-haalfu. þetta sama land liggr af sudrætt med<sup>9</sup> uthafinu allt austr til heims enda. ok allt tekr þat nordr<sup>10</sup> til þess haa siallz Caucasus.<sup>11</sup> India hefir i seer margar þiðir ok fiolda storstada. þar fædaz Cenocephali. þeir menn sem fyrir þann skyld heita sua. at þeir hafa hundz höfud. huerra gaud er þa synir<sup>12</sup> litlu sidr hunda uera enn menn. eru þeir ok eigi sidr i suma stadi taldir medr skynlausum kuikendum [enn medr monnum sem apyniur.<sup>13</sup> þiat þeim eru þeir utan at höfdunum eigi ulikir. þar fædaz ok Cipodes.<sup>14</sup> þeir eru sua uordnir sik. at þeir hafa eitt augat i midiu enninu. eptir þi sem segiz. þeir heita öðru nafni Agriophagite. fyrir þa grein at þeir eta ecki uætta nema dyra kiðt. þar segiz ok at su þið se sem Acroni heitir.<sup>15</sup> þeir menn eru sua langir at þeir eru .xii. fotu hafir. þeir menn hafaz ok þar uidr i Indialandz siallbygdum næri sialfu uthafinu. sem eigi eru lengri enn

<sup>1</sup>) þyðez, B <sup>2</sup>) [krasagarð, B <sup>3</sup>) iafnuel tilf. B <sup>4</sup>) saal. B; þiat, A <sup>5</sup>) storr elldzens, B <sup>6</sup>) nqkkurr tilf. B <sup>7</sup>) [inngang faa, B <sup>8</sup>) land tilf. B <sup>9</sup>) meðr, B <sup>10</sup>) austr, B <sup>11</sup>) er Caucasus heitir, B <sup>12</sup>) ok sannar tilf. B <sup>13</sup>) [sem apyniur en meðr monnum, B <sup>14</sup>) iqtær cypodes, B <sup>15</sup>) heita, B



einnar alnar hafir. hueria er Girkir<sup>1</sup> kalla Pigmeos. Þess haattar kuendi [er þar nöckut.<sup>2</sup> at þær geta börn sua sem þær eru .v. uetra gamlar. ok uerda scalldan eðr alldrigi ellri enn .viii. uetra gamlar. þar er ey su er Probana<sup>3</sup> heitir. hafandi um .dccc. ok .lxx. skrefa aa lengd. enn um .dc. ok .xx. skref aa breidd. full medr mörgum frægi-  
 lighum<sup>4</sup> hinum dyruztum gimsteinum. er hon hefir af þeirri aa sem um hana flytr ok fellr. Annarr hennar partr er af monnum bygdr. en annarr er driugum fullr ok alskipadr af filum ok odrum dyrum. J þessarri ey segiz at .ii. uetr ok .ii. sumur séé aa einu aari. ok at saa stadr beri sit<sup>5</sup> blomstr upp aa huert aar .ii. sinnum. Adrar .ii. eyiar þær sem i Jndialandz uthafi liggia. kalla induerskir menn Crisen ok Argiren. ok fyrir þi sua. at i þeim er harðla mikit gull ok silfr. ok margir menn segia. at þar see sua til at sea sem aa gull ok silfr seai. huar af er þær fengu þessi nöfn. Tilen kalla þeir hina þridia. þar þrytr alldri grænt gras edr lauf aa uidum. Yfuruættis storar aar falla um Jndialand. þær sem mikit bota landit. Ein af þeim er hin mikla Ganges. takandi nafn af Gangaro konungi. sem fyrr-uar sagt. hueria er Genesis nefnir Phison. enn þat þydiz flockr. Heitir hon fyrir þa sauk sua. at hon aukaz ok fylliz af þeim .x. storáám. sem i hana falla ok uerda allar at einni áá. Sua segiz. at hon reisiz æa þa leid ok takiz upp ok freoui löndin i austrhalfunni sem aain Nilus Egiptaland. Adra kalla þeir Jndum ok hina þridiu Ypponen. Sua segiz at þeir aalar finniz ok faiz i aanni Jndo. sem .xxx. fota lengd hafi. Ysidorus segir hans uppráas af leiri uordna uera. ok fyrir þann skyld sua háálan ok sléttan skapadan. at hann sleppr manninum æ þi skiotara sem hann gripr hann fastara. Hann segir ok at madrinn uerdi uuiliugr sidan uin at drecka. ef hann hefir druckit af þi uini sem aalarnir hafa uerit drepn-  
 ir i. Jndia er hardla gott land ok heilsamligt af þi skiera lopti. sem þar uerdr af heilsamligum uestanuindi. Þar eru tysuar akrar skorn-  
 ir aa hueriu áári. Solar hiti meinar þar um sumar i stad kulda þess sem uidaz er aa uetrar tima. Þar getaz ok fædaz menn medr ymiss-  
 um litum. Storir fuglar eru þar ok einhyrnd dyr monoceron. Bino-  
 ceron edr monoceron er allt eitt dyr ok unicornis. huert er fyrir þa  
 sauk heitir sua. [at þat hefir eitt horn síðgurra fota langt. er stendr  
 upp or midiu höfðinu sua huast ok sterkt. at huat er unicornis hefir  
 til radit. lemr þat edr leggr igegnum med ollu. þat dyr uid stendr  
 sterkum filum ok uinnr opt yfir þa upp aa þann haatt. at þat særir  
 medr horninu kuidinn aa filnum ok fellir hann sua. þat<sup>6</sup> er sua sterkt

<sup>1</sup>) Girkir *her og senere* B <sup>2</sup>) [nökkut segia þeir ok þar vera, B <sup>3</sup>) Thapro-  
 bana, B <sup>4</sup>) ok fögnum tilf. B <sup>5</sup>) sinn, B <sup>6</sup>) [hafandi sitt hit vasðalega  
 horn síðgurra fota langt af midiu enninu sem síðarr verðr sagt. at þat, B

ok klokt. at þat uerdr medr engarra ueidimanna afli<sup>1</sup> ueitt edr uunnit. heilðr eptir þi sem hinir uisuztu menn segia. þeir sem kuikendanna nattu-  
 rur uissu ok skrifadu. þa setia menn eina skiæra ok uskadda iung-  
 fru moti þi dyri. huer er sinn fadm skal breida moti þi. þann tima  
 sem þat nalgaz henni. ok þegar i stað leggr þat sitt höfud blidliga i  
 hennar fadm. allri sinni grimd niðr lagðri. ok sidan sem þat er þar  
 sætliga sofnat. uerdr þat ok sua<sup>2</sup> yfirunnit sem þat hafi ecki ser til  
 usþns ok uerndar. Fugl sa sem psitacus heitir grænn at lit. fæðiz  
 þar ok aa Indialandz utströndum. hann hefir miklu stærri tungu. ein-  
 kannliga uidari ok breidari enn adrir fuglar. huadan af er hann heyritz  
 tala nockur articulerat ord. sua at ual megi madr skilla. ok ef hann  
 seer eigi sealfan fuglinn. þa skal hann þat ælla at maðrinn tali. Hefir  
 hann þat þo mest af [sealfs sins<sup>3</sup> nattuugiðf. at heilsa giarna ok  
 segia sua. Ver heill edr uel kominn kiæri. Aunnur naufa eþr tal enn  
 heilsa [eðr kalla kiæra sinn.<sup>4</sup> nemr hann sua sem af nöckurri manna  
 tilskipan. þar af eru þessi uers.

Psitacus a uobis aliorum nomina discam.

Hoc didici per me dicere cesar aue.

Sem þessi sami fugl psitacus segi sua. Annarra nöfn man ek af ydr nema.  
 enn þat nam ek af sealfum mer. at segia sua Ver heill keisari. Filar fæðaz  
 þar ok einkannliga mest. huerir er af mikilleik sins likama heita fyrir þa  
 sauk elephantes. at elephio upp aa girzku er sua sem fiall upp aa  
 norrænu. þessor storkuikendi filarnir eru storliga uel tilfallin ok uidr-  
 kuæmiligh at uera i storom orrostum. hafa Serkir ok induerskir menn  
 aa þeim hafa turna. þann tima sem þeir buaz til bardaga [ok byrea  
 sik til at beriaz.<sup>4</sup> ok ueita sidan 'or þeim turnum edr kastalum sinum  
 uuinum<sup>5</sup> skiædar skothridir sua sem af einum múr. þeir hafa bædi  
 hardla mikla skilning ok minni. eptir þi sem skynlausum kuikendum  
 berr til. sua sem heyraz má i sögu hins mikla Alexandri. huersu einn  
 fill fylgði honum<sup>4</sup> ok uerndaði sinn meistara Porum konung. þeir  
 synaz heilsa medr þilikari likamsins teiknan ok tilneingingu sem þeir  
 megu þat gðra. flyia þeir myss ef þær uerða fyrir þeim. þeir snuaz  
 ifra huarr oðrum i sambudinni. Enn ef þeir sæða sua i uðtnum edr i  
 skogum. at þeir uerda uidr dreka uarir. þa fyrirlata þeir ok flyia sinn  
 burd. þiat þeir eru uuinir sin i milli. verðr fillinn ok fanginn stundum  
 ok drepinn af drekanum. Fillinn gengr .ii. aar meðr burdinum. ok  
 getr eigi optarr enn um sinn ok þo eigi meirr enn einn at eins. Hann  
 lifir nær .ccc. aara tirætt. Sua finnaz ok þar dyrir steinar berilli. criso-

<sup>1</sup>) orku, B <sup>2</sup>) fangit ok tilf. B <sup>3</sup>) [sinni, B <sup>4</sup>) [mgl. B <sup>5</sup>) storar ok tilf. B

præsi. adamantes. carbunculi. lignites. margariti<sup>1</sup> ok uniones. til huerri  
 er miok gimazst ríkar konur at skreyta sik medr. þa(r) eru floll gullig. þau sem sakir drepsamlígra dreka ok grimmlígra griffona<sup>2</sup> ok und-  
 erlígra ok storra skrimsla. þeirra sem mannz mynd hafa. er umattuligt  
 [e mannum til<sup>3</sup> at fara. Griffes er eitt mikit ok miok hræðiligt kuikendi  
 ok þo meðr uengium.<sup>4</sup> i aullum líkams uexti storlíga<sup>5</sup> líkr leonum.  
 utan<sup>6</sup> uengium ok aseonu ero þeir aranum líkatzir ok uidr hesta  
 hardla skædir. þeir reyta ok rífa i sundr medr ollu lífandis menn.  
 einkaunlíga ef þeir eru nockur<sup>7</sup> hestunum nærri. Leo er þo einn  
 framaztr ok frægaztr af aullum dyrum. huat er sealfs hans nafa tér  
 uel ok synir. þíat leo upp aa girzku er allt eitt at segia ok konungr  
 upp i norrænu. sua sem hann se annarra dyra hófdingi. Hug hefir  
 hann mikinn ok yfrit aarsædi i sinu briosti enn sterkleik i hófði. þann  
 tíma sem hann er af ueidimonnum einangradr ok umkringdr. þa er  
 hann heldr nidrleitr. til þess at hann seai þi sídr eðr rædiz þeirra  
 tol eðr ueidartæki. Hiola gang ok gnisting ottaz þeir nockut. ok þo  
 enn meirr elldzins. Augu þeirra eru opin ok uaka þann tíma sem þeir  
 sofa. Farueg sinn ok fotspor hylr hann ok slædir medr halanum. þa  
 er hann gengr. til þess at ueidimaðrinn saai þi sídr fundit hann. Leons-  
 ins kuendyr fæðir ok sofandi eðr dauda sína huelpa. ok sua liggia  
 þeir um .iii. daga ok .iii. nætr. ok eptir þat segiz at karldyrit. þat  
 sem fadirinn er. reisi þa upp medr sinni rautan ok rytingu. Vidr  
 manninn er su leonsins nattura. at hann reidiz honum uarla fyrr enn  
 honum er nockut mein eðr moti gort. Hans miskunn ok hogleiki teez  
 ok aúdsyniz af iduligum dæmum ok mðrgum merkiligum frasðgnum. at  
 þeir uerða þeim monnum lyðnir ok eptirlaatir. sem nidr leggiaz [fyrir  
 þeim.<sup>8</sup> fangna menn moti ser farandi gefa þeir lðngum líduga. ok lata  
 fara huert er þeim líkar. ok sua segiz. at þeir drepí eigi þann mann  
 er þeim gorir ecki mein. utan af miklum ok saarum sullt. Huadan af  
 er Lærecius tok sua til ordz i einum stad. at hann kallar heilagan  
 leoninn. Leonthophonus heitir þar ok eitt litit dyr. heitir þat fyrir þi  
 sua. at þat er brent sua sem þat er fangit ok ueitt. ok dreífd sídan  
 askan [ok ridit<sup>9</sup> sem uidaz um þau kíðt. sem til þess eru nidr logð  
 [aa uegum ok uega motum.<sup>10</sup> at leones eti þar af. þíat huersu litit sem  
 leoninn etr af ausku þeirri. þa deyr hann af. þat er ok uani Indialandz  
 kuendiss<sup>10</sup> at binda hunda i skógum aa nattar tíma fyrir þeim dyrum  
 sem tigrídes heita. ok gefa þeim rackana upp til aahlaupa ok sambud-

<sup>1</sup>) margarite, B <sup>2</sup>) griffona, B <sup>3</sup>) [saal. B; er umattuligt, A <sup>4</sup>) ok serfætt tilf. B

<sup>5</sup>) storlegans, B <sup>6</sup>) i tilf. B <sup>7</sup>) nokkut, B <sup>8</sup>) [ok gefaz fyrir þeim upp, B

<sup>9</sup>) [mgl. B <sup>10</sup>) manna, B

61. ar. ok af þess haattar burð ok sambud sædaz sua grimmir ok storir rackar. at medr sinni aaraas briota þeir undir sik sterka leones. A sôgdu Indialandi eru fyrr nefndar aar mestar Ganges ok Indus. þar sem minnz er breidd Gangis. þa er yfir hana .m. skrefa. enn .xx. þusundrat skrefa þar sem hon er breidaz. Diup hennar er þar meirr enn .c. fota.

Parthiam tok þat folk undir sik er Parthi noru kalladir. þeir komu af hinni miklu Suipioð ok kölludu sua landit af sinu nafni. Sunnan at Parthia liggr hit rauða haf. Fyrir þa sauk heitir þat sua. at þess sior er sua raudr sem rosa. eigi sua þo at þat se þilikt i natturunni sem þat syniz. heilðr hitt at lögrinn litaz af landzins ströndum. þeim sem aullum megin at hafinu eru sua raudar driugum sem blod. ok fyrir þi sinnz ok flytz þadan margr hinn bezti ok hinn skiaerazti kolorr. Nu meðr þi at londin þau sem umbuerfiss liggia hafit hafa þess háttar natturu. þa blandaz siorrinn sua at af aullu þi. sem [af hans bárum ok bylgium i hann beraz.<sup>1</sup> ok fyrir þi sinnaz þar þrátt raudir gimsteinar. þiat þess hattar steinn hefir þa bædi iarðarinnar lit ok hafsins. er hann uelltiz ok ualkaz ymizt i leirinu edr sandinum. þetta haf skilz ok i sundr skiptiz i .ii. fiordu. er sa kalladr Persicus er meirr er til austrs. fyrir þann skyld at þær þiadir byggia uidr hans halfur sem Perse heita. hueria er uær köllum Serki. enn annarr af þeim heitir Arabicus. fyrir þa sauk at hann er uidr landit Arabiam. Af norðri liggr þat haf uidr Parthiam. sem kallaz Hircanum salum. Vestan at henni liggr næst þat land er Media heitir. Atian konungariki eru i Parthia allt fra þeirri strönd sem kallaz<sup>2</sup> Kaspium litus [ok til micklu Suipioðar.<sup>3</sup>

Assyria er land þat sem nafn feck af Assur syni Sém. þeim sem hana bygdi fyrstr medr sinu folki eptir flodit. þar til er hinn mikli Nemroth rak hann i brott þadan medr ofriki ok uiafnaði. sem fyrr uar sagt. þetta land hefir Indiam austan at sér enn Mediam sunnan. fyrir uestan er asin Tigris. enn fyrir norðan fiall þat er Caucasus heitir. þar skerz inn haf þat er kallaz Kaspium mare. I þessu landi uar fyrst fundit af fyrr nefndum Assur at gera purpura ok klædaz.<sup>4</sup> þadan af kom sa haaltir ok at smyria háár manna ok likami. ok göðra séér þar medr sætan ilm ok anga. geck þetta sidan or hófi bædi meðr Girkium ok Romuerium.

Media ok Persia. þau lönd er sua heita. fengu nöfn aftueim konungum Medo ok Perso. er þau sömu lönd unnu undir sik medr

<sup>1</sup>) [i hann berst ok af hans baarum ok bylgium, B    <sup>2</sup>) kallat er, B    <sup>3</sup>) [tilf. B

<sup>4</sup>) honum tilf. B

orrostum. Media ok Persia liggr annat uestan uidr Parthiam ok annat sunnan. Einn nordan uid Mediam liggr Armenia. enn austan at er hafit Kaspium. J Media uex þat tre sem heitir medica.<sup>1</sup> enn þat uex i þagu landi odru. þetta tre kalla Girkir cetromelam. enn Latini kalla þat cetriam. ok fyrir þann skyld kalla þessir huarirtueggju þat sua. at þess lauf ok epli berr þilikan ilm. ok anga sem cedrus. huers epli eitri eru miok gagnstadlig. er þat þaðan af er fornskalldit segir. at mannsins aund næriz af þi. þetta tre er driugum aa aullum aarsins timum alskipat ok fullt af eplum. hefir þat i sumum stöðum aa ser súr epli. suma stadi fullkomin ok uaxin sæt epli. enn i suma stadi þa enn hlomgandiz ok uaxandi epli. huat er hardla sealldan finnz ok faaggett er aa andrum treum. þeim sem menn hafa sagnir af. Enn .ii. eru þau lönd er huartueggja heitir Media. hit meira ok hit minna.

Persida hefir uid Indialand endimark fyrir austan. enn fyrir uestan uid rauða haf. Af norðri snértr<sup>2</sup> hon Mediam. enn sunnan at henni liggr Armenia.<sup>3</sup> su sem aafaust er Perside. J þeim laundum er sa stadr aagiptaztr er Susa heitir. huers<sup>4</sup> er getit uerdr i saugu Hester. af konunginum Assuero. þar er ok miok þat skiota dyr er tigris heitir. þat dyr er allt fleckott ok mislitt ok miok nafnfrægt bædi af skiotleik sinum ok orku. af huers nafni er ein af þeim .iiii. aam. sem falla or paradiso ok frammi flota. er kallat Tigris. fyrir þann skyld at hon fellr allra aa strangaz ok stridaz er til biðr. J Persida uar fyrst fundin fólkyngistlist. þat land tok Nemroth<sup>5</sup> ser til bygdar eptir tungna-skiptit. ok kendi þi folki sem þar bygdi þann atrunat at dyrka elld ok sol. halda flestir solina fyrir gud i þeim haalfum ok kalla hana elld upp aa sina tungu.

Mesopotamia eignaz nafn aa girzku af tueimr áám er falla umhverfis landit. þiat Tigris fellr fyrir austan enn Eufrates fyrir uestan. Eufrates hin fiorda af paradisar áám. hafandi i ser nægd mikla agiðtra gimsteina. flytr ok fellr um midia borgina Babilonem. Var hon sua kölluð af þeim freoleik ok aauxti. sem hon gefr landzskipunum<sup>6</sup> i Mesopotamia. þiat hon daugguar þaleidis i sumum stöðum Mesopotamiam. sem Nilus Egiptalandz aa dögguar ok freouar Alexandriam. Salustius einn hinn uisazti madr segir þessar bádar aar Tigrem ok Eufratem eina uppsprettu hafa i Armenia. ok falla sidan i sundr uids vegar ok langleidi sin i milli. er þat mikla land sem milli þeirra uerðr ok þær umkringia þaðan af er þat land kallat Mesopotamia. Enn hon hefr af nordri milli fialla þeirra. sem annat heitir Taurus enn annat

<sup>1</sup>) *saal.* B; *medita*, A   <sup>2</sup>) *saal.* B; *liggr*, A   <sup>3</sup>) *rett.* for *Germania*   <sup>4</sup>) *huerr-*  
*a(r)*, B   <sup>5</sup>) *risi tilf.* B   <sup>6</sup>) *landzskipunum*, B

Caucasus. Enn í<sup>1</sup> suðrhalfu landzins er hin mikla borg Babilon. þar næst er Kaldea. ok suðr af þi landi liggr Arabia. Eudemon kallaz þat land er liggr í millum tveggja hafshotna. er inn gengr uidr Persidam annarr ok annarr uidr Arabiam. sunnan af uthafinu.<sup>2</sup> ok horfir lengd landzins austr ok uestr medr utseonum.<sup>3</sup> Babilon er sua fræg borg. at hon kallaz höfud rikissins. ok fyrir þann skyld kallaz aull þau þriðri ríki. Kaldea Assyria ok Mesopotamia aa<sup>4</sup> sumum bokum medr Babilonar nafni.

Arabia liggr ok í fyrr nefndri Asia. hafandi í sér meira reykelsiligan ok iurtharligan<sup>5</sup> ilm ok sætleik enn flest lönd onnur. ok fyrir þann skyld heitir þat Arabia. enn þat er upp aa úrt meal sua sem heilagt edr heilagt at foræra. í huerrar skogum ok mork er sæz bædi mirra ok sua cinnamomum. þar sædiz ok fuglinn Fenix. af huerium er segiz at hann finnz<sup>6</sup> í öngu landi öðru. ok þo þar<sup>7</sup> einn at eins enn eigi fleiri. ok fyrir þi segir sua<sup>8</sup> hinn agíeti Ysidorus í .xii<sup>te</sup>. bok Ethimologiarum. at þann tíma sem hann hefir lifat meirr enn um .d. ára. ok hann skilr at hann tekr at elldaz. þa berr hann saman ok gorir sér baal af iurta teinungum ok unguði. ok setr sik hit beinazta í gegn geislanum.<sup>9</sup> blakar hann [uengiumum sealfs sins<sup>10</sup> þar at sidan ok gorir séer sua uilianligan bruna. riss sua upp annan tíma af sealfs sins eiginligum auskum. Sa fugl er þar<sup>11</sup> miok sem cynnomagus<sup>12</sup> heitir. hann uerpr í ofanuerdum limum. þeim sem til bidr í hinum hæstum skogum. ok gorir sér þar hreiðr af aaðxtum þeirrar dyraztu iurtar sem cinnamomum<sup>13</sup> heitir. hvar af er hann heitir cynnomagus.<sup>12</sup> Sækia menn þeirra hreiðr þess haattar af þi medr þungum blyskeytum ok fella þær sömu iurtir sua nidr. at þeir faa eigi sakir treonna hæða ok limanna lengda upp komiz ok sott odruniss. Selia þau sömu cinnama síðan miklu dyrra ok meira uerdi enn aðrar þess hattar iurtir. fyrir þi at kaupmenn lofa þær mest<sup>14</sup> ok láta yfir þeim bezt. sem sua eru teknar ok tilkomnar. þar finnz ok sardonis. einn hinn dyrazti steinn. Ulfalldar fædaz þar ok fleiri enn í flestum löndum öðrum. Öðru nafni heitir þetta land Saba. ok kallad sua af syni Chuss sonarsonar Noa er Saba het. huadan er su hin ríka drottning uar. er kom at finna konunginn Salomonem.

Syria feck nafn af Syro þeim manni. eptir þi sem segiz. sem sér tok þar bygdarland. Hon liggr austanuerd uidr aana Eufraten. enn

<sup>1</sup>) saal. B; u. A <sup>2</sup>) utseonum, B <sup>3</sup>) uthafinu, B <sup>4</sup>) i, B <sup>5</sup>) iurtalegan, B

<sup>6</sup>) finnz, B <sup>7</sup>) saal. B; þa, A <sup>8</sup>) af honum (úlf. B <sup>9</sup>) solargeislanum, B

<sup>10</sup>) [með báðum sínum vongium, B <sup>11</sup>) ok úlf. B <sup>12</sup>) cinnamagus, B

<sup>13</sup>) cinnamum, B <sup>14</sup>) miok, B

vestanuerd at uaru mikla haf. nordanuerd liggr hon uidr Armeniam ok Cappadociam. enn sunnan at henni liggr fiðrðrinn arabicus. þann kaullum uær hit rauða haf. meðr þeirri grein sem fyrri uar fra sagt. Hennar uoxtr er sua uordinn sik.<sup>1</sup> at hon er umatiss<sup>2</sup> löng. enn nock-uru minni aa breidd. Hon hefir i sér þessor lönd. Conmagenam Pheniciam ok Palestinam. ok er Judea er uær kaullum Gydingaland einn partr af Palestina. Conmagenam er hið fyrsta land af Syria.<sup>3</sup> kallaz sua af þeirri Conmage sem þar uar forðum höfudborg. Fenix brodir Chathmi. af huerium Cathmo er margar frasagnir eru. ferandi brott af Egiptalandi kom i Syriam ok ríkti i þeirri borg er Sydon heitir. ok kalladi sidan fyrr nefnt land af sinu nafni Pheniciam. Palestina hinn þridi partr af Syria hafdi fyrr meirr þa hina hæstu höfudborg i ser sem Philistijm<sup>4</sup> het. af huerri er þat land feck nafn. enn nu heitir su sama borg Ascalóm.<sup>5</sup>

Judea einn partr af Palestina feck nafn af Juda. enn fyrrum het þat land Chanáán af syni Cham. er fyrr uar getit. ellar af þeim .x. þiodum sem komnar uoru af þeim sama Chanáán. huerium þadan brott reknum eignaduz Judar þat sama land. Enn lengd landzins er af þeim stad sem Arpha heitir ok til Juliadem. er þar huarrauueggju<sup>6</sup> bygd sameiginlig Juda ok Tyriorum.<sup>7</sup> Breidd landzins er fra fiallinu Libano til þess stóra uatnz sem Tyberiadis heitir. Vndir fiallinu Libano spretta upp þær .ii. ædar edr uppsprettur. sem onnur heitir Jor enn önnur Dán. Gorir huár þeirra þar fyrst sinn fiotlanda beck af seér framm fallanda. enn þa er þeir koma badir samt. þa hefir aain þar beggia þeirra nafn ok heitir Jordan. þar er ok su hin undrsamliga tíðrn edr stöduuátn sem heitir Lacus Asfalti. þat er sua sem tíðrutíðrn. i huerium er engin saa lutr ma dreckiaz sem nöckurs kyns lif er meðr. þat heitir fyrir þann skyld hit dauda haf. at þar biðr engan lifanda hlut ok [þat er öngum þeim lut<sup>8</sup> uidrtekiligt sem lif er meðr. þar er huarki fiskr ne nöckurr saa fugl. sem uana hefir til at kafa edr i uatni at uera. Meðr huerri uæl eðr klokskap edr huersu sterkliga sem nöckurum lifandis lut hefir þar i steytt uerit.<sup>9</sup> þa hleypr þat ok skytz þegar i stad upp or kafinu aptr. huersu sterkliga ok akalliga þat hefir nidr keyrt uerit. þar uerdr eigi möckurn tima sua mikill stormr at þat hræriz. sakir þess at allt uatnit floar ofan ok flytr meðr bik ok tíðru. Eigi ma þar ok aa skipum fara. þiat þar söckr allt þat<sup>10</sup> eigi er lif meðr. sua sem hinu uerdr eigi þar dreckt eðr sokt sem lifandis er. ok eigi þolir þat<sup>11</sup>

<sup>1</sup>) mgl. B <sup>2</sup>) umatiss, B <sup>3</sup>) saul. B; Assyria, A <sup>4</sup>) Philistim, B <sup>5</sup>) Ascalon, B

<sup>6</sup>) huarrauueggju, B <sup>7</sup>) Syriorum, B <sup>8</sup>) [þeim er eingum þar lifandi luth, B

<sup>9</sup>) ok dreckt tilf. B <sup>10</sup>) sem tilf. B <sup>11</sup>) þar, B

nöckurs kyns annat efni utan þat sem allt er brætt ok bikat. Sua segiz. at þar flíoti logandi lampi ok huert þat ker ok kerti sem liosit fylgir. enn söckui<sup>1</sup> þegar sem slokit er. Enn i þi flíoti sem menn kalla Dyssiden segiz. at enginn hlutr flíoti ok huetuetna söckui þat sem þar kemr. þar ígegn er su tíðrn i odrum stad sem Alcys<sup>2</sup> er kallat. i huerri er engi lutr söckr. utan helldr flíota þar allir lutir þeir sem þangat eru latnir. huart sem lif er medr þeim edr eigi. A midiu Gydinga landi stendr Jorsalaborg. sua sem midlutr ok hinn bezti partr af aullu landinu. rik af ymisum audæfum hardla frea<sup>3</sup> af sinum auqxtum.<sup>4</sup> enn fræg af uotnum ok nægiandiz<sup>5</sup> af hinum dyruztum iurtum einkannliga balsamo. en þo einna fræguz af naueru ok iartegnagðrðum. predican ok piningu. grepti ok upprisnu uars herra ok lausnara Jesu Kristi.<sup>6</sup>

Samaria annarr partr Palestine tok nafn af þorpi nöckuru edr borg. er forðum het Samaria. sua sem eitt konungs sæti medr Jsraels folki. en nu heitir su borg Sebastia. Hon liggr milli Gydingalandz ok Galileam. hennar uðxtr er sua likr Gydingalandi. at þar berr driugum ecki i milli. Galilea er hinn þridi partr Palestine. takandi þadan af sitt nafn. at þar fæðaz huitari menn enn annars sladar.<sup>7</sup> Galilee eru tuennar. hin efri ok hin nedarri.<sup>8</sup> ok þo samfastar sin i milli. liggiandi sua uid Syriam ok Feniciam. þat land er uel uitt<sup>9</sup> ok storliga<sup>10</sup> freott ok auuaxtsamt.<sup>11</sup>

Su iðrd sem Pentapolis heitir. ok liggr uidr landamæri Arabie ok Palestine er<sup>12</sup> um rid uar fra sagt. seck nafn af þeim .v. borgum<sup>13</sup> Sodomiticorum. sem af hinneskum elldi uaru brendar ok<sup>14</sup> eyddar. þat land uar enn agigtara af sinni nægd ok auuexti enn þat sem Jorsalaborgh stendr aa. enn nu er þat brent ok medr ollu eytt af glæpum ok tilskyldan þeirra uandu manna er þar bygdu. sem heyrar man mega þann tíma sem sagt er af Abrahám ok af Loth hans brodur-syni. Enn þo segir Ysidorus. at þar uaxa blomgandiz epli medr sua mikilli segrd. at huern er þau ser fysisir til at eta þar af. en þegar sem nær þeim er komit ok aa þeim tekit. þa molna<sup>15</sup> þau ok uerda aull medr blásanda reykt at ósku. sua sem þau brenni enn. Nabulthea

1) slokne, B 2) Alltus, B 3) fríó, B 4) saal. B; audæfum, A 5) negiandi, B 6) her indskyder B Stykket om Fuglen Alcion og har derpaa nyt Cap. med Overskrift: her segir af Egiptalandi ok þeim dyrum er þar fegðaz 7) i Palestina tilf. B 8) neðri, B 9) ríkt, B 10) storlegans, B 11) vaxtsamt, B 12) ok, B 13) hinna verstu manna tilf. B 14) upp tilf. B 15) saal. B; molna, A



liggr milli Gyðingalandz ok Arabiam. þat land feck nafn af Nabeth syni Jsmaels Abrahams sonar.

Egiptaland er forðum<sup>1</sup> het Axea. sekk nafn af Egipto brodur Danai eins frægs manz. huerr er þar ríkti síðan. þat liggr austan uerdt við Syriam ok hit rauda haf. enn uestan at þi liggr [Libia. norðan at þui liggr<sup>2</sup> hit mikla haf. enn sunnanuert uendir þat ok uíkr til Blalan. þar kann sealldan eðr nær alldri regn at koma edr uetur. enn asin Nilus, hin fyrsta af paradisar áám. hueria er Genesis nefnir Phison.<sup>3</sup> er um landit flytr ok fellr. uðkuar þat sua ok freouar meðr sinni dögguan. at mikill partr af<sup>4</sup> uerolldinni sódiz af þi hueiti sem þar uex. sua er þat land freott ok auuaxtsamt. þat berr ok eigi sídr sua margan annan dyran frykt ok mætan. at þat uinnz driugum um alla uerolldina. Ok þo segir Plato einn hinn uisazti meistari i fyrndinni. at alldri kemr<sup>5</sup> regn aa Egiptalandi. J aanni Nilo sódiz þat ferfætt kuikendi. huart sem þat skal helldr heita fiskr eðr odruuiss. sem cocodrillus heitir. mikill ok sterkr huart sem hann er i sio edr aa landi. Hann uerðr íafnlíga .x. aalna langr. ok hefir sua einkannlíga storar tenn ok klær. at þeim kuikendum eru þær uádalígar sem uápn. er fyrir þeim uerða. Hans hud er sua horð ok sterk. at hann kennir eigi þo at hans bak se barit ok meðr storum steinum sterklíga slegit. Hann hefz<sup>6</sup> aa náttar tíma uidr i uðtnum. enn [um daga<sup>7</sup> huilíaz hann aa landi. Kuendyrít uerpr þaleidiss eggium sem fuglar [aa landi. ok þo<sup>8</sup> geymir huart þeirra karldýrsins ok kuendýrsins sinnar natturu ok edlis sín i milli. sem flest aull kuikendi onnur. utan orrinn eigi i alla stadi. Kuidinn hefir cocodrillus sua meýran ok lasmæran. at nðckurir þeir fiskar sem huasskðmbottir<sup>9</sup> eru um bakit. sem saga tenn sóé. gnuu ser sua<sup>10</sup> fast uid kuidinn aa honum. at þar af særíz hann ok deyr. Eitt litit iardar dyr. þat sem enidros<sup>11</sup> heitir. er sua fallit. at þat liggr lðngum i uðtnum ok þo einkannlígaz i þessarri aa Nilo. en ef þat kemr sua at cocodrillo. at hann sefr. þa uellíaz hann fyrst i leiri. síþan smýgr þat inn um munninn allt<sup>12</sup> i kuiðinn cocodrilli. klórar hann<sup>13</sup> þa ok<sup>14</sup> rífr sua aull hans innýfli. at þar af deyr hann. Sua segíz at cocodrillus einn af aullum kuikendum ræri sinn hinn efra kinnmarkialka til at tyggia meðr. þann tíma sem hann bítr eitt huat edr tyggr.<sup>15</sup> Orrinn er um ríð uar nefndr er einn [full ok prettafullr fugl.<sup>16</sup> þíat hann kann þat henda. at karlfuglinn kemr ok blandaz

<sup>1</sup>) i fyrndinni, B <sup>2</sup>) [ílf. B <sup>3</sup>) seon(!), B <sup>4</sup>) i, B <sup>5</sup>) komi, B <sup>6</sup>) hefz, B <sup>7</sup>) [a dögum, B <sup>8</sup>) [ok þau, B <sup>9</sup>) huasskognötter, B <sup>10</sup>) þratt ok ílf. B <sup>11</sup>) enideos, B <sup>12</sup>) ofan ílf. B <sup>13</sup>) þar, B <sup>14</sup>) rispar ok ílf. B <sup>15</sup>) af orranum. cap. ílf. B <sup>16</sup>) [litill fugl ok prettafullr, B

uid annan karlfugl. ok gleyrnir sua sinnar tegundar ok naturaligs edlis af rasandi girnd ok fulu raadleysi. Hann er ok sua prettiotr ok færdafullr. at hann rifsar ok grápar<sup>1</sup> egg undan odrum fuglum. leggz aa þau sípan ok klekr þau ut. Enn fals ok fæðr fær alldrigi godan auðxt. ok afsællt nærdr annars glys iafnan. ferr honum ok sua. at þann tíma sem sua tilkonnir ungar uklaktir kenna rödd sinnar eiginnar<sup>2</sup> moður. þa fyrirláta þeir sua sem af nöckurri natlurunnar stangaa ok auuisan þann fuglinn. sem þa hefir adr nærda ok fædda. enn fara aptr til hins ok fylgia þeim síðan æ. sem þeim hefir norpit ok fætt i fyrstunni. Sa fiskr fæðiz þar ok sem ypotamus<sup>3</sup> heitir.<sup>4</sup> hann hefir þilikt bak ok fax ok þaleiðiss gneggiar hann sem einn hestr. hann er fattsholptadr ok hefir sua storar tenn sem uilligðillr. ok hlyckiuttan huart er kalla uill spord eðr hala. Hann hefir<sup>5</sup> uidr a dogum i uðlnum moti þi sem cocodrillus. enn um nætr fæðiz hann aa landi. Saa fugl [hefir þar ok iafnlaga uerit i eydimorkum<sup>6</sup> nærri aanni Nilo. sem pellicanus heitir. af huerium er þat segiz. at hana drepi sealfir sina eiginliga unga. þráar hann sidan ok sytir eptir þeim .iii. daga. eptir þat særir hann sealfan sik. ok dreifir þa medr blodinu. lifgandi þa sömu sina unga medr aadreifingu sins blods. Alcion heitir einn hafsfugl. sa sem um haauetri gorir ser hreiðr i sealfu uthafinu. uerpr þar ok klekr ut ungana. Enn þa hlydni ok eptirlætiss þionostu segiz at sealf nalturan ueiti. til þess at hann megi sinn burd upp fæda. at aa uidum ok runum seo see hafit þa sua kyrt ok bægt. at huarki bidi þar báaru ne uindzblæ samfleytt aa þeim .vii. natlum. sem hann liggir aa eggjum ok hann skal ut klekia.

Seres<sup>7</sup> uar eitt frægt þorp edr borg enn þar i austrhalfa.<sup>8</sup> af huerri er bædi feck nafn þiöðin ok landit. þat land hefir mikinn freoleik. af agigtum<sup>9</sup> ok frægiligum laufum. huer er þeir kamba sem ullar reyfi. ok selia sidan öðrum þiöðum þeim til klædnadar.

Baktria heitir þar eitt land. kallad af aa þeirri sem þar fellr ok Baktros heitir.

Sciähia er nær köllum miklu Suipiod uar forðum eitt stort land. kallat sua af Magog<sup>10</sup> cinum syni Japheth. eptir þi sem segiz. Henni liggir aafast þat land er Hircania heitir. Hafa þessor laund bædi samt margar þiödir uida reikandi ok farandi sakir landanna ufreoleiks. af huerium sumar plægja akra ser til uidrlifis. sumar af þeim uordnar miok skyrsiligar ok ræðiligar fæðaz uidr manna likami ok drecka

<sup>1</sup>) gripr, B    <sup>2</sup>) eiginlegrar, B    <sup>3</sup>) Ypothauus, B    <sup>4</sup>) i eyðimörkinni tilf. B

<sup>5</sup>) hefr, B    <sup>6</sup>) [hefr þar ok iafnlaga uidr, B    <sup>7</sup>) Heres, B    <sup>8</sup>) austrveginum, B

<sup>9</sup>) ok fagrlegum tilf. B    <sup>10</sup>) mgl. B

þeirra blod. sem Aneropagi<sup>1</sup> heita. þar er ok su ein þíod er Panothios heitir. hafandi sua stær<sup>2</sup> eyrun. at hon hylr driugum allan sinn likama meðr eyrunum einum saman. huadan af er þeir heita panothi. þíat pan aa girzku er upp aa uárt maal at segia sua sem allt. enn othi er allt eitt ok eyra. Ypodes ero þar ok. þeir hafa manz mynd aa sér. utan þat at fætr hafa þeir sua uordan sem hestafætr. þeir ero ok einir sem ermoðrodite heita. er af þi ero sua kalladir. at þeir synaz bædi uera karlkindar ok kuenkindar. þíat erma upp aa girzku er karlmadr upp i norrænu. enn afrodi þyðiz konan. þessir hafa hit hægra briostit sua uordit sem karlmenn. enn hit uinstra sem konur. þeir geta bádir eina leid samt ok i senn huarr þeirra meðr odrum i sambudinni. ok fæda sua sidan. J utanuerdri heimsins austrhaalfu segiz at margar se skyrsilighar<sup>3</sup> þíodanna aaseonur. eptir þi sem skrifat er. at [þeir se<sup>4</sup> sua liotliga uordnir sik. at þeir hafi huarki nef ne nasir. ok allt andlitit liggi iafnbátt ok iafnslótt.<sup>5</sup> Audrum liggir<sup>6</sup> sua langt framman hin nedri uðrin. at þeir hylia meðr henni alla sina aaseonu i solar hita. þann tíma sem þeir sofa. Sumir af þeim eru sua munnliðir. at þeir hafa þar eina litla boru sem adrir menn hafa munnim. med huerri er þeir draga ok suga sua sem um nockurn fædrstaf at sér fæðuna. Af odrum segiz at ónguar hafi tungurnar meðr aulla. ok teikni<sup>7</sup> meðr einum ok öðrum bendingum ok likamsins tilhneigingum<sup>8</sup> fyrir tal ok malsgreinir sin i milli. Enn þo at nockurum moanum þícki þat undr edr utruanligt. sem sagt er af þess hattar edr annarri skyrsiligri<sup>9</sup> skepnu. þa er þat þo satt eigi þi sidr. ok Ysidorus segir þi framarr. at þess hattar skepnur ero eigi i moti nattura. þíat þar uerda meðr guðs uilia. enn skaparans uili er nattura huers. sem eins lutar<sup>10</sup> þess sem skapaðr er. huadan af er heidnir spekingar kollaðu sealfan gud annan tíma natturu enn annan tíma gud. Nu fyrir þessa skynsemdargrein sem hana gorir ok gefr. at skaparans uili er skepnunnar nattura. þa er þess hattar undr ok skyrsilig skepna eigi moti sealfri naturunni uerdin. utan moti þeirri natturu sem oss er kunnig. J fyrr nefndri Sithia eru morg ríki<sup>11</sup> ok þo flest ubygd. þíat i marga þa stadi sem yfrin gnott er af gulli ok gimsteinum. fær seallðan edr alldrigi madr komit sakir orma<sup>12</sup> ok mikilleika griphorum. Smaragdus einn hinn dyrazti steinn er þar miok.<sup>13</sup> ok sa steinn sem cyaneus heitir ok hinn skígrazti cristallus. Hon hefir ok margar storar áar i sér. sua sem Fasiden ok Araxen meðr fleirum odrum.

67

<sup>1</sup>) matropophagi, B <sup>2</sup>) ok við tál. B <sup>3</sup>) skyrsiligar, B <sup>4</sup>) [sumir eru, B <sup>5</sup>) alslétt, B <sup>6</sup>) skagir, B <sup>7</sup>) saal. B; reikni, A <sup>8</sup>) hneigingum, B <sup>9</sup>) skynsamligri, B <sup>10</sup>) saal B; luta, A <sup>11</sup>) rik lond, B <sup>12</sup>) ognar, B <sup>13</sup>) i nogh tál. B

Hircania er kallað af þeim [sama skogi sem aa þa leið<sup>1</sup> heitir. þat land hefir i sér mikla nægð af storum skogum ok mikils hattar dyrum. bæði tigribus þeim hinum skiotum ok fræknum fleckottum dyrum sem fyrr uar fra sagt. ok þar medr panteris ok pardis. Panter er sua fallit dyr. at þat er ollum kuikendum blitt<sup>2</sup> utan [drekum einum.<sup>3</sup> þat er sua fleckott sem þat se medr smáringum. ymiz huitum edr suðrtum. ok sua sem meðr augum innan i ringunum. af gulli gðruum eðr diuiseradam. skreytt ok skrifuat. þetta dyr sædir eigi fyrir þann skyld optarr sinnu burð enn um sinn. at hualparnir klora mædrinner kuid. sua sem hann er þuingadr ok fullr af burdinum. sem hann se þeim motstadligr at þeir sædiz.<sup>4</sup> skera sua ok slita allan hennar kuid medr sinum klóm ok allan getnadarliminn. þann tíma sem þeir eru kuiknadir ok fyrir afls sakir ok aldrs tilfallnir at sædaz. at hon fellir þa helldr [fyrir sakir saarleiks<sup>5</sup> ok kastar nidr burdinum. enn sædir eptir annarra kuikenda natturu. huar fyrir er getnadarfreoit ma eigi i tilskipadam stöðum örrottum<sup>6</sup> skornum ok skóddum takaz ne stadfestaz sidan. þiat sua segir Plinius einn hinn uisazti madr i fyrndiani ok fleiri naturiste. at engin kuikendi megi mðrgum sinnum þann burd fæða. sem medr huðssum klóóm er i móður kuida. þiat þau skæraz ok skemmaz innan sua sem hualpar ræraz. Pardus er ok annat mislitt ok fleckott dyr enn panter. storliga<sup>7</sup> skioð aa fæti ok sua fust ok fliott til blods ok uillibrada. at þat leypr þar til er þat fellr dautt nidr. Leopardus er getinn af pardo enn [kuenkuikendinu leona.<sup>8</sup> sua sem af uuidrkuemiligri ok usambæriligr<sup>9</sup> þeirra tueggia dyra sambud. leonsins ok pardi. Verdr af þess háttar sambudum<sup>10</sup> iafnan einkannligr kynia<sup>11</sup> burdr. sua sem leopardus af nefndum pardo ok leona.<sup>12</sup> mull af asna ok rossi. burdo af hesti ok ausnu. jbridus<sup>13</sup> af uilligelli ok alisuini. tycirus<sup>14</sup> af buck ok aasaud.<sup>15</sup> en musco<sup>16</sup> af vedr ok geit.<sup>17</sup>

Picha heitir ok einn fugl. huerr er sua er fallinn. at hann heyriz tala meðr sinni raddargrein sem madr. þiat þar sem hann sitr<sup>18</sup> aa [skogar tream.<sup>19</sup> þo at hann megi eigi medr tungunni sitt maal skyrt ok skilianligt gðra.<sup>20</sup> þa fær hann allt at eins meðr sinni þraligri liodan. þar sem hann<sup>21</sup> klakar medr uidanna lauf ok kuistu. manzins

<sup>1)</sup> [skogh sem sqmu leið, B <sup>2)</sup> boguðrt, B <sup>3)</sup> [eigi drekum, B <sup>4)</sup> sædaz, B <sup>5)</sup> [skyndilegha, B <sup>6)</sup> ok rettum, B <sup>7)</sup> storlegans, B <sup>8)</sup> [kuendyrinu leona, B <sup>9)</sup> vsamheyrligr, B <sup>10)</sup> sambuð, B <sup>11)</sup> qrkynia, B <sup>12)</sup> leone, B <sup>13)</sup> ok bridus, B <sup>14)</sup> tytirus, B <sup>15)</sup> sauð, B <sup>16)</sup> musto, B <sup>17)</sup> heitir þers haattar burðr af kuikendum kyniaðr sua sem hann er tilf. B <sup>18)</sup> ok klunner tilf. B <sup>19)</sup> [saal. B; skoga trénu, A <sup>20)</sup> tala, B <sup>21)</sup> kallar ok tilf. B

rödd latit sua likt. at uarla ueit huart heyrir. ef madr ueit eigi adr uan i. Af huers uegna er einn meistari segir sua.

Picha loquax certa domine te uoce saluto.

Si me non uideas esse negabis auem.

Sem hann segdi sua af fuglsins haalfu. Medr sua uissuligri málsrödd heilsar ek þik minn herra. at þu munt nita ok dyliaz uid at ek séé fugl. ef þu fær eigi seed mik. Pichus er annars háttar fugl. þo at þeir beri likt nafn baðir. Hann hefir fyrir þann skyllt þat nafn fengit. at Pichus sun Saturni hafdi hann sua sem til nockurs forsagnar frod-leiks ok forbendingar um eina luti ok adra. þiat sua segiz at saa fugl hafi fyrir þa sauk nockut fyriruissu mark medr sér. at aa hueriu tre sem hann hefir hreidraz edr uorpit. eðr aa huar annat fast sem hann hefir setz meðr sitt reidr. þa ma þat eigi lengi sidan standa sua at þat falli eigi. Hann er kalladr pichus marcius. ok fyrir þi er picha annars háttar fugl enn þessi. [Arinn hefir sua huassa syn ok augu. at þann tima sem hann flygr sua haatt yfir uqtn eðr sio. at eingi maðr megí hann sia. þa siai hann flugandi suimandi fiska i sionum eðr uatninu. Ferr hann þa ok flygr sua hart niðr sem kolfi skioti. gripr séér sua villibraað ok flytr til strandar. þat segiz ok at hann viki meðr engu moti sinni syn eðr blundskaki nokkurs haattar moti solargeislanum. Hann profar ok sua sina vnga. at hann henger þaa vpp meðr sialfs sins klóm. snuandi þeim ondverðum rett hið beinazta moti solargeislanum. geymir hann þeim sem eignum sonum sinum ok vel tilkomnum. sem sina syn ok sialldr bera vblöskrandi framm moti solargeislanum. enn hinum kastar hann brott ok annzar ekki vella sem gttlerum. er hann sier at a nokkurn vegh uikia eðr uenda sinni syn.<sup>1</sup>

Fyrr nefnd Asia hefir i sér enn fleiri fræg lönd enn þessi. sua sem Albaniam. er af þeirra manna birtu ok huitleika sem þar fædaz feck þat nafn. þiat þeir eru miok lioshærdir. þar uerda ok sua storið hundar. at þeir drepa bædi gradunga ok eigi sidr leones. Hon hefir i ser Armeniam. er nafn feck af Armenio konungi. þeim sem hana feck medr hernadi ok gaf henni sidan þat nafn. J þeim fiollum sem nordan liggia at Armenia sprettr upp ein hin frægazta aa Tigris. ok aa hennar fiollum stöduadiz Noa aurk eptir flodit. sem fyrr uar sagt. Ok er þo tuenn Armenia hin efri ok hin nedri. Hon hefir ok i sér Hiberiam. i hueriu er betri litanar<sup>2</sup> grös uaxa enn i öðrum stodum. ok Capadociam ok Ciliciam. Vestr af Capadocia liggr hin minni Asia enn ollum megin annars stadar kringir haf um hana. Hon hefir i ser

69.

<sup>1</sup>) [álf. B    <sup>2</sup>) litar, B

mörg lönd edr stor herað. Bithiniam. tuenna Frigiam. Galaciam. Lidiam. Chariam. Pamphiliam. Ysuriam.<sup>1</sup> Liciam [ok Ciliciam.<sup>2</sup> J fyrr nefndri Frigia er hin frægea Troea. hueria er Thrór Troeomanna konungr fadir Ganimedis kalladi sua af sealfs sins nafni. Enn i Licialandi er þat fiall er Chimera<sup>3</sup> heitir. huert er sua miklar iardhitur hefir i sér. eptir þi sem segiz i sögu hins heilaga Nicholai. at aa náttar tima ryðr þat ok eyss elldi or ser upp. sua sem þat fiall i Sichiley<sup>4</sup> er Ethna heitir edr Ueseuus i Campania edr Hekluþiall aa Jslandi.

Her segir af Europa odrum heimsins part ok huar af nöfn landanna byriaz. capitulum.

24. Eptir fyrr sagda luti af Asia. ero ok nöckurir lutir skrifandi af Europa annarri heimsins halfu. Europa het<sup>5</sup> dottir hins fræga Agenoris konungs i Libia. hueria er Jupiter hertok brott af sealfs hans landi Affrica ok slutti heim til sin i eyna Krit. ok kalladi sidan [hinn þridia part heimsins<sup>6</sup> af hennar nafni Europam. Þessi Agenor uar sun þeirrar konu er het Libia. af huerri er Libia.<sup>7</sup> þat er allt eitt ok Affrica hinn þridi ueralldarinnar partr. seck þat nafn. Varu sua þessar .ii. heimsins halfur Affrica ok Europa kallaðar ok nafugiptar. onnur af mæðr konungsins Agenoris enn önnur af hans dottur Europa. sem nu uar sagt. Huaðan af er þat er auðsynt. at Libia hefir fyrri fengit sitt nafn enn Europa. Europa hefz upp ok tekr til af einni mikils hattar ok frægri aa Tanays. ok gengr sua medr norðanuerdu uthafinu uestr allt til endimarka Hyspanie. enn hennar austrhaalfa<sup>8</sup> ok hinn synnri<sup>9</sup> partr byriaz af Ponto. ok gengr allt medr hinu mikla hafi ok lyktaz<sup>10</sup> uidr þær eyiar sem Gades heita.

Hit fyrsta land i Europa er hin nedri Sithia. huer er tiltekr ok upphefz af þeim storum stöduuautnum sem Meotides heita. ok liggir milli aarinnar Danubium er uær köllum Dynu ok nordanuerdz uthafsins allt til Germaniam. Hinn fyrsti partr Sithie heitir Alanía. þar næst Dacia ok Gothia. Næst fyrr nefndri Scithie er þat land er Germania heitir. huert er austanuert liggir uidr aana Danubium enn sunnanuert uidr Rin. enn norðan ok uestan at henni liggir uthafit sealft. stóraudigt bæði at rikdomi ok folksins fiðlda ok þeirra mekt ok mikilleika. [huaðan af er hon heitir Germania<sup>11</sup> sakir freoleiks folksins ok alnugans.

<sup>1</sup>) Hysauriam, B    <sup>2</sup>) [mgl. B    <sup>3</sup>) saal. B; Thimera, A    <sup>4</sup>) Sikiley, B

<sup>5</sup>) tilf. B.    <sup>6</sup>) [hinn þridi part heimsins halfu, B    <sup>7</sup>) er kallat tilf. B

<sup>8</sup>) saal. B; uthaalfa, A    <sup>9</sup>) syðri, B    <sup>10</sup>) saal. B; lyktaz, A    <sup>11</sup>) [tilf. B

þar fæðaz þeir fuglar sem hercynnee heita. af þeirri einni maurk i Germania sem Hercineus salltus heitir. huerra uengir eru sua mætir ok agigtir. at alldrigi uerdr sua myrkt aa nõckurri nátt. at eigi se þeirra skinanda fíðri ðruggr<sup>1</sup> leidaruisir. huar sem þeirra uengium uerdr kastat aa ueginn framm monnum til leidar lysingar ok farar greiða. Hon hefir ok i sér dyr þau meinlaus ok monnum hoguær. sem i audrum londum eru miok uadalig sem biðrnu ok fleiri aunnur. ok þar medr hardla dyra gimsteina. cristallum ok succinum. grænan callaticum ok huitan ceraunum. Germanie eru tuennar. hin efri er liggr viðr nordanuert uthafit ok hin nedri er liggr uidr Rin.

Þessi lönd liggia ok milli fyrr nefndrar Danubium ok midiarðar-siofar. Fyrst Misia takandi nafn af sinu mikla saaði ok mætum aauxti. huadan af er heiðnir men kalladu Misiam kornhlaudu Cereris. er þeir [trudu korngydiu uera ok<sup>2</sup> aaudxt gefa. [Hon liggr austanverð viðr osa Danubii. enn til landsuðrs viðr hana<sup>3</sup> þat land er Tracia heitir. Sunnan at henni liggr sa partr af Girklandi sem Macedonia heitir. enn af uestri liggr hon uid Hystriam. þar næst liggr Pannonia. þat land sem sua heitir. a hueriu hinn heilagi Martinus turonensis erchi-biskup uar fæddr. Ok þa Tracia er nafn feck af Tyrase syni Japheths. þar er Constantinopolis. su borg sem Nordmenn kalla Miklagarð. i henni austanuerdri. huer er af miklum uolldugskap<sup>4</sup> ok margri uerd-skyllðan er i marga stadi samuirdandi sealfri Roma. Nordan at henni liggr aain Hyster. su hin sama er Danubius. Hon er ein<sup>5</sup> mest af aullum þeim áám sem Europa hefir i sér. Enn sunnan at Tracia liggr þat haf sem Egeum mare heitir. enn uestan at henni gengr Macedonia. þetta land bygdu fordum margar ok ymissligar þiodir. Massagete edr Mesigete.<sup>6</sup> Sarmathe ok Scithe ok enn fleiri adrar. ok fyrir þann skyllð at þat er eitt mikit land. þa tok þat mikit folk ok margar þiodir.

Grecia tok af þeim konungi nafn. sem [riki feck<sup>7</sup> yfir ollu þi landi ok Grecus het. Ero i henni .vii. lönd edr storherad sem sua heita. Af uestri er fyrst Dalmathia er nafn feck af þeirre fremztu borg i þi landi sem Delme heitir. eptir þi sem segiz. Liggir hon austanuerd uidr Macedoniam enn af nordri uid Misiam. af uestri lyktaz hon uidr Hystriam enn af sudri uidr hafit Adriaticum. Annarr partr af Grecia heitir Epýrus af Píro syni Achilles. Hinn þridi heitir Elladas ok odru

<sup>1</sup>) vruggr, B    <sup>2</sup>) [kølludu korngydiu vera ok iardarinnar, B    <sup>3</sup>) saal. B;  
Austan uidr hana liggr, A    <sup>4</sup>) vølldugleik, B    <sup>5</sup>) mgl. B    <sup>6</sup>) Missigete, B  
<sup>7</sup>) [rikt, B

nafni Attica af Attis<sup>1</sup> dottur þess manz sem Granus heitir.<sup>2</sup> huerr er ser tok forðum bygd ok ríki i Grecia. Hon liggir i milli Macedoniem ok Achaíam er Nordmenn kalla Engils nes. Nordan at henni liggir Archadia. Þessi Atticha<sup>3</sup> er einn hinn fremzti partr i Grecia. i huerri er hin fræga borg Athene. er sannliga kallaz modir allra boklista ok fostrmodir allra philosophorum.<sup>4</sup> ok ecki hafdi Girkland i sér henni frammarri edr frægiligra. J fyrr nefndri Atthica eru .ii. prouincie. af huerium er ðnnur heitir Boecia ok ðnnur Pelopenesus<sup>5</sup> Enn Boecia fekk nafn af þeirri sauk ok tilfelli sem her fylgir. Þann tíma sem Cathmus son Agenoris. er um rid uar nefndr ok brodir fyrr nefndrar Europe. skyldi fara at leita hennar eptir fedr sins bodskap. sidan er Jupiter hafdi fangit<sup>6</sup> hana sem fyrr uar sagt. ok hann feck eigi fundit hana. þa ottadiz hann sua sins fedr<sup>7</sup> reidi. at hann stadfesti þat rad fulluliga medr<sup>8</sup> ser. at taka helldr aa sik utlegd enn koma aptr til fedr<sup>7</sup> sins. Ok þa berr sua til at einn uxi gengr fyrir honum. ok hann geck þar eptir þar til. er hann nemr stad.<sup>9</sup> ok setr þar sina bygd sem uxinn lagdiz nidr ok huilldiz. ok kalladi sidan af uxans nafni Boeciam. þiat bos aa latinu er uxi upp i norrænu. ok smidaði i þeim stad borgina Thebas. i huerri er frægir bardagar uaru i fyrndinni. Fæddiz<sup>10</sup> þar upp bædi Apollo ok Hercules hinn sterki. er einn hefir mestr uerit i tyrndinni af Thebanis ok frægaztr. J Boecia eru þeir .ii. brunnar. sem sua ero fallnir ok natturadir. at annarr eykr þeim manuit<sup>11</sup> sem af honum drecka ok minni. enn annarr er sa er þeim gefr ok gðrir gleymsku ok uminni. sem af honum hefir druckit. þar er ok ein su tíðrn. at hennar uatn er sua gint ok galit. at huerr sem þat hefir druckit. þa hitnar hann<sup>12</sup> ok logar af munudlífiss girnd ok hita. Þessi Boecia heitir odru nafni Aonya. af þeim þrunni edr uppsprettu sem þar er. Pelopenesus annarr partr af Atthica feck nafn af Pelope konungi er þar ríkti. Hinn fiordi partr Grecie heitir Thesalia. af huerium er eitt frægaz Thesalonia.<sup>13</sup> huert er hinn heilagi Pall postoli skrifadi einn sinn pistil. þar er ok fiallit Parnasus er forðum uar helgat Apollini. er heiðnir menn kalladu solar gud. þat klyfz ok tuiskiptiz sua sem upp sækir i fiallit. heitir þar annarr partrinn Cirra enn annarr Nisa. þar fæddiz ok upp uox hinn mikli Achilles. ok þar hófuz Laphite er odru nafni heita centaury. af huerium er<sup>14</sup> þat segiz. at þeir taumdu fyrstir af aullum monnum hesta medr bitlum. Enn þo

<sup>1</sup>) Athis, B   <sup>2</sup>) het, B   <sup>3</sup>) Archadia(!), B   <sup>4</sup>) stendr tilf. B   <sup>5</sup>) Pelopenese, B  
<sup>6</sup>) fengit, B   <sup>7</sup>) sqdur, B   <sup>8</sup>) siolfum tilf. B   <sup>9</sup>) staðar, B   <sup>10</sup>) fædduz, B  
<sup>11</sup>) saal. B; munud, A   <sup>12</sup>) þegar tilf. B   <sup>13</sup>) Thessaloni, B   <sup>14</sup>) saal. B; af, A



segir Ysidorus, at centaurus er sua uordinn sem madr aa hesti sitiandi edr honum samtengðr. enn sumir menn segia, at þeir uæri<sup>1</sup> riddarar i fyrr nefndri Thesalia. Enn fyrir þann skyld at þeir synduz einn likam manz ok hestz hafa samtengdan huart uidr annat, sua sem þeir foru<sup>2</sup> rennandi ok reikandi<sup>3</sup> i bardaganum. þa segiz at þaðan af uæri þeir centauri kallaðir. Minocentaurum segia þeir nafn hafa tekit af manni ok gridungi. fyrir þa sauk at hann se sua uorðinn sem allt saman graðungr<sup>4</sup> ok madr. huilikt dyr er hinir fyrri menn sôgdu i sinum skróksôgum inni byrgt i laborintho.<sup>5</sup> huert er sumir menn kalla Völundar hús. Onocentaurus segiz at af þi se sua kallaðr. at hann se halfr uorðinn sem madr enn halfr sem asni. Enn Ypocentaurus af þi at [hans natura er haalfblandinn af monnum ok hestum.<sup>6</sup> J Thesalia eru þar .ii. aar. at allir þeir sauðir uerða huitir sem af annarri drecka. enn hinir allir suartir sem af annarri drecka. enn þeir allir mislitir ok fleckottir sem af badum þeim ok ymissum drecka. Macedonia hinn .vii. partr af Grecia feck nafn af Macedone sunarsyni Deuchalionis. þiat hann kalladi hana af sinu nafni. sidan er hann feck þar höfðingiadom ok ríki. Hon liggr austanuerð [uidr Egiptalandzhaf nalæg.<sup>7</sup> enn sunnan at henni liggr Achaia. af uestri Dalmathia. enn af nordri Misia. fedrland hins mikla Alexandri. þat land er miok gagnauðigt bædi at gullbergi<sup>8</sup> ok silfrbergi. Hit mikla ok hit fræga fyrr sagt siall Olimphus er [sua yfir- uæltis<sup>9</sup> háátt. at aa hinum hæstum þess hæðum uerdr huarki sky ne uindar nockurn tima. sem fyrr uar sagt. Achaia hinn .viii. partr Grecie.<sup>10</sup> takandi nafn af Acheo konungi. ok þar meðr af þeirri borg ok bygdarlagi er sua het. [er miok komin ok<sup>11</sup> uorðin sik sem eitt eyland. ðllum megin gengr at henni haf ok kringir um hana. utan eigi nordan at þar sem hon liggr uidr Macedoniam eðr<sup>12</sup> Atticam. Hin hesta höfudborg i Achaia heitir Chorintus. heidr ok prydi Grecie. Jnacus er ein nafukunnigh áá i Achaia. ok þar er sa fiðrdr sem Archadia heitir. ok enn er uidara getit i bokum. huern er Archas son Jonis ok<sup>13</sup> Kastule kalladi sua af sealfs sins nafni. eptir þat er hann hafdi sigrat mikinn part af Girkium ok sua undir sik lagt. at<sup>14</sup> þeir gafuz honum i ualld. Sua segiz ok at i nöckurum stodum spretti uatn<sup>15</sup> or steinum i Achaia. Archadia heitir ok öðru nafni Sicionia af Sicione konungi. af huerium er Sicioniorum ríki. þeirra manna sem sua uaru kalladir. feck þat nafn ok heiti. J Archadia er ein mikil áá

72.

<sup>1</sup>) vorn, B    <sup>2</sup>) fara, B    <sup>3</sup>) leikandi, B    <sup>4</sup>) gridungr, B    <sup>5</sup>) laborintha, B

<sup>6</sup>) [aaal. B; hann se halfblandinn, A    <sup>7</sup>) nalæg v. e. haf, B    <sup>8</sup>) gulli, B

<sup>9</sup>) [ok þar sua, B    <sup>10</sup>) af Grikklandi, B    <sup>11</sup>) [ok miok sua, B

<sup>12</sup>) ok, B    <sup>13</sup>) af, B    <sup>14</sup>) ok, B    <sup>15</sup>) upp tilf. B

su sem Heremantus heitir. þar finnz ok sa steinn sem abeston heitir. hann hefir iarns lit ok þar meðr þa natturu. at sua sem eitt sinn kueykiz [lios aa honum. þa sloknar hann<sup>1</sup> alldrigi huarki af uindi ne uætum. þar sædiz ok sa fugl sem Merula heitir. hann sædiz ok i fleirum stöðum enn þar. ok i ollum audrum stöðum suartr utan þar i Archadia eda Achaia er hann haitr.

Eyiarnar Cretha ok Ciclades eru hinn .viidi. partr af Grecia. Cretha uar kallat af einum þarlendzkum manni þeim er Cretus het. huern er heidnir menn segia uerit hafa einn af hinum fornum Citarbyggium. [ok hafa folgit ok vppfegt Jouem.<sup>2</sup> Hennar lengd er hardla mikil. ok liggr af austri til uestrs. Hon uar af þi hardla fræg forðum. at hon hafdi i ser .c. borga. huaðan af er hon uar köllut Antepolis.<sup>3</sup> Af þi uard hon ok fræg. at þar gördur fyrst aarar til skipa. ok sua skotfæri. þar uar ok fyrst lærd ok kend sönglistar íþrott. þar er huarki uargr ne refr. ok eigi nockut ferfætt kuikendi.<sup>4</sup> Eigi bidr þar ok nockurn eitorm. ok önguan þann fugl sem noctua eðr nocticorax heitir. huern er ugr köllum náttasfn. Heitir hann fyrir þi sua. at hann flygr ok hefir sik áá nattar tima uppi. enn aa dögum séz hann fyrir þi huergi. at hans syn sliouaz þegar sem solin birtir uerolldina. Plagar<sup>5</sup> hann af þi ok elskar nattina enn flyr daginn ok firriz liosit. at hann ma meðr öngumoti solina sea. Hann deyr ok þegar i stad. ef<sup>6</sup> hann er þangat fluttr i Krit. Hon er hardla miok uinuidi ok audrum hinum bezta uidi uaxin. þat gras uex þar ok sem dyptamnus heitir. af<sup>7</sup> þi flalli þar i Creta sem Dypta heitir. þat gras er sua mætt ok mikillar mektar. at þat hlífir huerium sem einum þeim likam ok skyfir brott af þeim<sup>8</sup> skotum ok skaðasamlighu iarni. sem þat hefir aa sér. þadan af er þat. at þau dyr sem þar ganga ok sædaz. hafa meðr þess hattar fodr ok sædu skeytin af ser. ok skyfaz þau fyrir þi sama grasi sua brott af þeirra likam. at þau skadar ecki uætta.<sup>9</sup> Fyrr nefndar [Grikklandz<sup>10</sup> eyiar Ciclades eru .i. ok .iii. at tölu. Ein af þeim heitir Delos. su sem i midiu er ok mestz haattar af þeim. af huerri er allar þær iafn-saman hafa nafn tekit. þo at margar af þeim se henni miok flarlægar. ok heita Ciclades þi at þær liggia allar sua sem i hring um hana. en Girkir kalla þat cyclon<sup>11</sup> sem uær köllum hring. Ma þat af þi uel merkiaz at hon liggr i midiu. sem at barz aa dögum konungsins

<sup>1</sup>) [hann meðr liosi. þa slökkuiþ þat, B <sup>2</sup>) [tilf. B <sup>3</sup>) Annpolis, B <sup>4</sup>) mein-kuikendi, B <sup>5</sup>) Flygr, B <sup>6</sup>) sem. B <sup>7</sup>) a, B <sup>8</sup>) honum, B <sup>9</sup>) her greiner þau þriu floð er freguz hafa uerit i verolldinni Ousk. og nyt Cap. i B <sup>10</sup>) saal. B; eyiar landz, A <sup>11</sup>) saal. B; cidon, A

Ogygi.<sup>1</sup> at sua sem niðamyrrkr hafði samfleytt aa mörgum manudum uerit sua sem ein nátt ueralldar. þa skein þar fyrri sul enn aa nöck-uru audru nalægu landi. hvar af er hon uar sidan kallad Delos sua sem auðsyn. Hon heitir audru nafni fyrir þa grein Ortigia. at þar sað fyrst þeir fuglar sem Girkir kalla Ortigias. enn Latini kalla coturnices.<sup>2</sup> A þess sama dögum konungs Ogygi. ok hins agiæla höfudfedr Jacobs sunarsunar Abrahams. uarð ok mikit flod i fyrr nefndri Achaia. Hafa þrenn uerit mest ok fræguz flod i uerolldinni. Hit fyrsta ok hit fremsta uar Noa flod. þat sem flestum er frægaz ok heyrinkunnigaz uordit. Annat um Jacobs daga þat sem nu uar fra sagt ok uard i Achaia. Hit þridia uard a dögum Moysi ok Amphitritionis konungs hins þridia eplir hinn fræga Cycropem konung i fyrr nefndri Girklandz haalfu Thesalia. [sua mikit at mestr luti þers folks allz sem i var allri Thessalia<sup>3</sup> fyrirforst ok tyndiz i þi hinu mikla floði ok æsiligum uatnagangi sem þar uard. þeim fám monnum frateknum<sup>4</sup> sem i háaflollum frealsaduz. ok sua komuz undan at þeir hirdu sik þar. ok mest i fiallinu Parnaso.<sup>5</sup> Þar hafði þa ok hellt ríki sa madr umhuerfis<sup>6</sup> fiallit sem Deuchalion het. hann tok uel ok menniligha uidr<sup>7</sup> ollum þeim monnum sem til hans flydu ok aa skipum komuz undan. Ok fyrir þann skyld at hann ueitti þeim landzuist i fyrrnefndum fiallzins haalfum ok fiallaklofum Cyrra ok Nisa. ok [þar medr gaf hann þeim<sup>8</sup> allan þann kost sem þeir þurflu ser til uidrlifiss ok næringar. þat i adra deilld at þeir somu menn höfðu<sup>9</sup> holldgroinn ok innborinn hiartans harðleik. sua at ual matti<sup>10</sup> segia at þeir hefði steins hiortu. þa finnz sua skrifat i skróksögum Grecorum. at þessi sami Deucalion hafði<sup>11</sup> mannkynit af steinum upp reist ok endrbött medr sinni husfru<sup>12</sup> Pura. þat ma ok uerda segir Ysidorus. þann tíma sem storaar<sup>13</sup> æsað af yfiruættis regnum umframm uana [bædi at lengd ok mikilleika<sup>14</sup> ok þar medr af mörgum<sup>15</sup> uauceifligum tilkomandi uatna uðxtum. ok þær briota niðr edr dreckia mörgu þi sem monnum þickir ser [mein ok skadar<sup>16</sup> i uera. at þat se þa flod kallat. þat er ok uel uitanda segir hann. at þat kanín henda þann tíma sem aarnar eðr önnur uðtn uaxa meirr enn til dōma. at þær gora stundum<sup>17</sup> eigi at eins skada þa þegar i stad. utan helldr teikna þær þar medr ok fyrirbenda iafnuel nöckura merkiliga eplirkomandi luti. Jlliricus er<sup>18</sup> aluenniligt

<sup>1</sup>) Agygi, B   <sup>2</sup>) saal. B; cortimices, A   <sup>3</sup>) [tilf. B   <sup>4</sup>) tilf. B   <sup>5</sup>) saal. B; Pandora, A   <sup>6</sup>) umbergis, B   <sup>7</sup>) meðr, B   <sup>8</sup>) [gaf þeim þar meðr, B   <sup>9</sup>) miok tilf. B   <sup>10</sup>) sua tilf. B   <sup>11</sup>) saal. B; hafði, A   <sup>12</sup>) tilf. B   <sup>13</sup>) storar áár, B   <sup>14</sup>) [ok mikilleik ok lengð, B   <sup>15</sup>) qðrum tilf. B   <sup>16</sup>) [stor mein ok skaði, B   <sup>17</sup>) suma tíma tilf. B   <sup>18</sup>) ok tilf. B

74. nafn<sup>1</sup> Grecie. Cyprus hueria er uær köllum Cipr.<sup>2</sup> ok audru nafni heitir Paphus. uar forðum ein fræg ey af sinum rikdomi. þar uar su list fyrst fundin at smida af kopar slíkt er monnum líkadi. þíat hann er<sup>3</sup> þar i nog. Sa litr<sup>4</sup> sem þeir kalla conchium<sup>5</sup> edr ostrum. i huerium<sup>6</sup> er purpurinn er litadr. sæz þar betri enn i flestum stöðum odrum. Fyrir þann skyld kalla menn þann lit þar conchium.<sup>7</sup> at hann tempraz af blodi edr taarum conchilii. þess fisks er sua heitir. ok audru nafni murex. Hann er eins hattar skelfiskr i sudrhaufunum.<sup>8</sup> huern er þeir særa medr iarni þegar sem hann uerdr tekinn. ok af þeirri særingu fellir hann táár. þau sem purpurans lit hafa. samna þeim saman sidan. ok i þeim sömum lita þeir purpurann. Enn þadan af kalla þeir hann ostrum. at hann tekz<sup>9</sup> af skelfisksins taarum ok uðkuan. þíat Girkir kalla þat hostram<sup>10</sup> sem uær kaullum skurn<sup>11</sup> edr skel. ok þadan af kaullum uær einsháttar skelfiska kyn óstrur.

Pannonia hefir nafn af þeim flollum sem hana skilia ok greina af Ittalalandi ok Alpes Apennini heita. Hon er hardla sterk ok mikit skemtanarland. ok liggir austanuverd uid Misiam. umkringd af þessum .ii. storum ok ströngum áam Drabo ok Sabo. af austanuverðu<sup>12</sup> land-suðri<sup>13</sup> hefir hon Hystriam. af suðri edr utsudri liggia uid hana flóllin Alpes. af uestri partr sa af Gallia sem Belgica heitir. kalladr sua af borginni Belgis. enn til norðrs<sup>14</sup> uidr uppsprettu Danubii ok þat landamæri sem greinir Germaniam ok Galliam. Hystria þat land er sua heitir liggir nordan<sup>15</sup> uíðr Pannoniam. hafandi þat nafn af aanni Hystro er um þat<sup>16</sup> land fellr. Su hin sama<sup>17</sup> heitir Danubius odru nafni. sem fyrr uar sagt. Hon fellr ok framm flytr aa morgum ok ymissum londum. ok skipa einar ok ymissar þíodir þa hennar nöfnum sem þeim líkar. Sua segir Ysidorus. at .lx. storaa renna sua at allar koma nidr i henni. ok hon fellr i .vii. stodum ok medr .vii. osum [til siofar.<sup>18</sup>

Italia het i fyrndinni Saturnia<sup>19</sup> af Saturno konungi. ok eptir þat uar hon kollut Lacium. fyrir þann skyld at Saturnus leyndiz þar um rid. sua sem hann uar brott rekinn or sinu ríki<sup>20</sup> af sinum syni Joue. enn sidarr<sup>21</sup> uar þat land kallat Ytalia af þeim konungi sem<sup>22</sup> Ytalus het. þeir uaru .iii. bróðr. Salinus Ytalus ok Sicanus. af huerium er

<sup>1</sup>) allrar tilf. B   <sup>2</sup>) Kipr, B   <sup>3</sup>) var, B   <sup>4</sup>) lutr, B   <sup>5</sup>) conchilium, B  
<sup>6</sup>) hueriu, B   <sup>7</sup>) conchilium, B   <sup>8</sup>) sudrhaufinu, B   <sup>9</sup>) vt tilf. B  
<sup>10</sup>) ostram, B   <sup>11</sup>) saal. B; skærn, A   <sup>12</sup>) saal. B; austanuverðum, A  
<sup>13</sup>) landinu, B   <sup>14</sup>) liggir hon tilf. B   <sup>15</sup>) verð tilf. B   <sup>16</sup>) sama tilf. B  
<sup>17</sup>) aa tilf. B   <sup>18</sup>) [ut i haf, B   <sup>19</sup>) saal. B; Saturina, A   <sup>20</sup>) Krit tilf. B  
<sup>21</sup>) sidan, B   <sup>22</sup>) þar ríki ok tilf. B

bæði fengu nöfn<sup>1</sup> síðan laund ok lydir. Af Ytalo uaru kalladir Ytali þeir sem Ytaliæm bygðu. af Sabino Sabini. enn af Sicano Sicani. Sannan at<sup>2</sup> Ytalia liggir þat haf sem Cyreneum<sup>3</sup> heitir. enn norðan haðit Adriaticum. enn uestan at henni liggia þær heidar<sup>4</sup> ok haalsar sem framm ganga af fyrr nefndum fiðllum Alpibus. Ytalia<sup>5</sup> er eitt hardla [gott ok fagrt<sup>6</sup> land at aullum lutum. einkannliga þeckiligt ok lystiligt af iardarinnar aauesti ok freoleik. ok þar medr af nægd allz-kostar monnum til uidruæriss ok skemtiligs uidrlifiss.

Sicilia er uer köllum Sikiley feck nafn af brodur Ytali.<sup>7</sup> þeim sem Siclus<sup>8</sup> het. enn fyrr meirr nar hon kallad Sycania af Sicano konungi. Sikiley liggir eigi langt ut edr brott af Ytalia. hon er friott land uel ok áuaxtsamt. rik at gulli ok morgum odrum godum ok girniligum lutum. Hon er þo uida [gagnfærilig at<sup>9</sup> leyniligum hellum ok iard-holum. ok hueruitna full af uindum ok brennusteini. Hon hefir þat<sup>10</sup> fiæll i sér sem Ethna heitir. i hueriu er Ysidorus segir at storir iard-hellar fullir driugum at brennusteini eru sua langir. at þeir liggia allt niðr til seofar þar sem utsynningr ma beinaz blasa framan i þa. Nu af þessu ollu saman ok þeim baarum ok brimstormi.<sup>11</sup> sem framan<sup>12</sup> ganga af sionum i hellis munnana. ok þi sem siorrinn rydr or ser. þa tendraz þar af ok kueykiz elldr með brennusteini þeim sem þar er. ok af þi uerða þar storir iardelldar. þar er<sup>13</sup> sá nafnfrægr brunnr edr uppspretta sem Arethusa heitir. ok ein stor áá. su sem Alpheus heitir. .ccc. stadia er uidleiki umhuerfis<sup>14</sup> alla Sikiley. þar eru þær .ii. æðar ok uppsprettur. sem sua mikillar ok sterkrar natturu eru. at þær konur sem ubyria eru uerda barnbærar. sem af annarri drecka. enn onnur er sua fallin. at þær konur sem aðr eru uel barn-bærar ok freouar. uerða ubyria ef þær drecka af þeirri.

Ytalia hefir ok þessi stóór stöduuðin i ser. Benachum. Auernum ok Lucrinum. Ok þessar .ii. aar. Eridanum er odru nafni heitir Padus. ok Tiberin er Nordmenn kalla Tifr. huer er þaþan af feck nafn. at Tiberinus konungr af Albania fell i hana ok drucknadi þar. Benachus er sua stort<sup>15</sup> uatn ok uitt. at aa þi uerdr driugum sua storr<sup>16</sup> báru-stormr sem aa seo. þar er ok su uppsprettuæðr<sup>17</sup> sem kaullut er Cycerons brunnr. huerr er þa natturu hefir. at hann grædir augna-meia manna. Hon hefir ok i ser dyra gimsteina. sircithen. ligurium ok corallium. ok þau dyr sem lincea heita. ok þa fugla sem dyomedes

<sup>1</sup>) nafn, B <sup>2</sup>) af, B <sup>3</sup>) tyrenum edr cyrenum, B <sup>4</sup>) hqðir, B <sup>5</sup>) Jtalia, B <sup>6</sup>) [frægt, B <sup>7</sup>) konungs tilf. B <sup>8</sup>) Siclus, B <sup>9</sup>) ogagnfærilig af, B <sup>10</sup>) mikkla tilf. B <sup>11</sup>) brimstormum, B <sup>12</sup>) framm, B <sup>13</sup>) ok tilf. B <sup>14</sup>) umbergiss, B <sup>15</sup>) mikit, B <sup>16</sup>) mikill, B <sup>17</sup>) saal. B; uppspretta æðr, A

75.

heita. ok þann einn orm sem boas heitir upp i latnu. ok fyrir þa  
 sök heitir hann sua. at hann [sækir storliga<sup>1</sup> miok {bu manna.<sup>2</sup> ok  
 þo mest nauta flocka. leggz hann miok<sup>3</sup> til miolkinnar. ok sygr sua  
 kynnar at þar af deyia þær. Linces eru fleckott dyr ok mislit. ein-  
 kannliga mest um bakit sua sem pardus. en i odrum lutum eru þau<sup>4</sup>  
 uarginum lik.<sup>5</sup> ok fyrir þi eru þau<sup>6</sup> miok i uarga tölu höfð.<sup>7</sup> Bru  
 þeirra nöfn ok sua lik sin i milli. at þessi dyr heita linces. en Girkir  
 kalla hina likos. Sua segiz at hlantit linces hardni sua mikit. at þat  
 uerdi at þeim hinum dyra steini sem ligurius heitir. huar er menn  
 segia at sealf dyrin linces ulti. marka þeir þat ok profa af þi. at þau  
 fela þat þegar i stad ok hylia medr sandi. eptir þi<sup>8</sup> sem þat hefir  
 fra þeim flöt. sua sem af nöckurri natturunnar aufund. til þess at  
 þat uerdi eigi manningum til gagns edr nytsemdar. Plinius segir ok  
 linces eigi optarr sæða sinn burd enn um<sup>9</sup> sinn. Fuglarnir dyomedes  
 hafa nafn fengit af feldgum ok förunautum hertogans Diomedis. hueria  
 er heidnir menn segia i sinum skróksögum fyrir þa sauk af monnum  
 þess háttar fugla uordit hafa. at þeirra formadr ok höfðingi Dyomedes  
 hafi sært sealfa Gefion gydiuna einu miklu saari ok hættligu i einum<sup>10</sup>  
 bardaga. þeir fuglar eru þi nærr at uexti sem suanir. huitir at lit. ok  
 hafa stór nef bædi ok hörd. þeir eru mest i þeirri ey liggjandi ut  
 uid Pul sem Dyomedia heitir. flugandi milli þeirra gia ok gliufra ok  
 storra steina edr biarga sem aa siofar<sup>11</sup> ströndum<sup>12</sup> eru. þeir kunnu  
 göra grein huart samlendir menn þeim koma þangat eör adrir. Koma  
 þar Girkir. þa fara þeir giarna þeim nærri. til þess at þeir syni<sup>13</sup>  
 þeim blidubragð aa séér. enn ef þar koma annarra landa menn. þa  
 rada þeir á þa. bita þa ok særa þat mesta sem þeir mega. þeir eru  
 sorgsamliga ok<sup>14</sup> hlíðaðir. sua sem harmandi medr sinni raudð ok  
 sytandi bædi sealfra sinna umskipti ok afskaplig afelli. ok þar medr  
 eigi sidr tion ok tapan sins höfðingia. þiat Dyomedes uar af Girkium  
 þo drepinn. þessa fugla kalla Girkir herodyos. Ero þeir ok skilreckir<sup>15</sup>  
 menn ok uel skynsamir. sem þessa nefnda kompana Dyomedes segia  
 ok sanna. eigi medr skrókligu skrapi hegomans edr liottligri lygi utan  
 helldr meðr sannligri ok ufalsadri frasögn. at fuglinum uordit hafa. þiat  
 nöckurir menn hafa þat fyrir satt eptir frasögn Ysidori i sinni .xii.  
 bok i sidarsta capitulo de transformatis. at þeir fuglar sem striges  
 heita uerdi edr hafi uordit af monnum. þiat uidr mörg glæpauerk

<sup>1</sup>) [serer storlegans, B <sup>2</sup>) [busmala, B <sup>3</sup>) ok miok giarna, B <sup>4</sup>) þeir, B  
<sup>5</sup>) liker, <sup>6</sup>) þeir, B <sup>7</sup>) hafðir, B <sup>8</sup>) sem þau megu framast tilf. B  
<sup>9</sup>) eitt, B <sup>10</sup>) mgl. B <sup>11</sup>) saal. B; skoga, A <sup>12</sup>) ströndinni, B <sup>13</sup>) saal.  
 B; megi, A <sup>14</sup>) mgl. B <sup>15</sup>) skilrikir, B

ok ferliggar latrona frammferdir skiptaz glöpmanna myndir edr as-  
sionur ok umsnúaz segir hann. ok at aullum likaminum snúaz<sup>1</sup> þeir  
um ok uerda at dyrum. huart sem þat uerdr helldr af galldraligum  
ordum ok yfirsöngum. eðr er þat af nöckurum eitrligum grðsum ok  
galldrasamligum. Er þat ok uissuliga uitat. at iafnuel eptir sealfri  
natturunni skiptaz margir lutir ok umuendaz i ymissligar myndir ok  
asionur. sua sem þeir fyriruerdaz ok spellaz. sem þat at byflugur  
uerda af uxakiðli rotnudu edr kálfa. scrabones af hestum. locuste af  
mulum. scorpio huerr<sup>2</sup> er betr ma teliaz [medr möðkum enn<sup>3</sup> ormum  
af kröbbum. Fucus er kallaz hin meiri byfluga sædiz ok af mulum.  
enn þat flugnakyn sem ueste heita af ösnum. Enn [þat flugna kyn  
byflugurnar uerda mest<sup>4</sup> af kalfakiðti. medr þeim klokskap at menn  
taka kalfakiðtit. þann tima sem þeir eru sæfdir. ok beria sua at sem  
mest uerdi blodugt.<sup>5</sup> til þess at þat sama kiðt medr blodinu madki  
sem mest. Verda sidan af þeim blodmöðkum byflugurnar. Sa fugl strix  
sem fyrr uar nefndr heitir auðru nafni ama. af þeirri mikilli elsku sem  
hann elskar sina unga. huadan af er þat hermiz at hann gefi þeim  
miolk sua sem þeir eru fæddir ok utklaktir. Tuscia er einn partr af  
Ytalia kallat sua af iduligri ok optligri reykelis offran ok forofsærin-  
gum af thure. Apulia er Nordmenn kalla Pul liggir ok þar nær  
Campania uerandi ok einn partr<sup>6</sup> af Ytalia. takandi<sup>7</sup> nafn af þeirri  
miklu borg Capua. sem sua het af Kafisilano<sup>8</sup> konungi Albanorum.  
hefir þær iardir ok herad i ser. sem aa huern<sup>9</sup> uetr bera paleidis blom  
sem aa sumar. Solar gangrinn er þar bædi monnum ok bui hægr  
ok hardla skemtiligr. landzins tempran öll lystilig. enn loptit bædi blitt  
ok skært. Þar fáz ok finnaz þau uðtn sem sua mikillar ok heilsamligrar  
natturu eru. at þau taka ufreoleik fra þeim konum sem þau drecka ok  
adr hafa uerit obyria. enn uitleysi fra körlum. ef þeir drecka þau fyrr  
nefnd uðtn. Lucrinus ok Auernus eru bædi i Kampania. hefir Lucrinus  
uerit hit mesta fiskiuatn. Auernus feck af þi nafn. at fuglar er aues  
era<sup>10</sup> aa latinu mattu forðum fyrir þann skylld yfir þat uatn eigi  
fiuga. at þeir fellu niðr af þeim daliga þef sem af uatninu lagdiz upp  
i loptit. En þat uoldi þi. at þat<sup>11</sup> uar öllum megin þakit ok umkringt  
af sua þyckum skógum bædi -hit nedra ok hit efra. at þau brennu-  
steins uatn sem þar uaru i sumum stöðum. nadu minna uindruminu  
brott at blása brennusteins þefinum enn þurfti. til þess at eigi spilltiz  
loptit af þeim sama deynanda uþef. af huerium er fuglarnir fellu niðr

<sup>1</sup>) saal. B; snúiz, A    <sup>2</sup>) huart, B    <sup>3</sup>) [af möðkum eðr, B    <sup>4</sup>) [þo uerða  
byflugurnar mest ok eighinligast, B    <sup>5</sup>) bloðrisa, B    <sup>6</sup>) lutr, B    <sup>7</sup>) þat  
túlf. B    <sup>8</sup>) Capelino, B    <sup>9</sup>) beran, B    <sup>10</sup>) heita, B    <sup>11</sup>) þar, B

ok do. Ok sem Augustus keisari uard þess uarr.<sup>1</sup> þa let hann höggva niðr skogana. ok uurdu þeir stadir sidan af þi sama lystiligrir ok heilsamligrir. sem af deyiandi<sup>2</sup> drepstott höfðu adr hættiligrir ok dauðligrir uerit. J Campania stendr sealf Roma ok su fræga borg sem Cartago heitir.

Gallia hefir nafn fengit af birti ok huiltleik þess folks sem hana bygdi. þat galla uppa girzku er lae upp aa latinu enn miolk upp i norrænu. þau hin stærstu fyrr nefnd fioll er Alpes heita. sem austan ganga at Gallia. ueria hana uidr solar hita. ok enn fleiri onnur. huadan af er menn uerða þar miok huitir. [Hon lyktaz at uestri uidr uthafit.<sup>3</sup> Af sudri liggia uidr hana þau fiöll ok uslettur<sup>4</sup> hædir sem Purinei heita. enn af nordri þau uðtn sem falla ut af aanni Rin ok fyrr nefnd<sup>5</sup> Germania. Aquitania þat land er sua heitir [berr storlign<sup>6</sup> freoua iðrd ok goda monnum til sædis ok kostar. enn ongum mun uerri kuikendum. Hon dögguaz ok freouaz af þeim morgum áám ok uppsprettum sem hon hefir i sér. af huerium er þessar .ii. eru frægaztar. Rodanus ok Renus. Belgis heitir ein borg i Gallia. af huerri er sa þatr Gallie feck nafa er Belgica heitir.

74 Hispania er uer kollum Spanland het forðum Hyberia af einni aa Ybero. Hon tok sidan nafn af þeim manni er Hyspalus het. ok kallat Hispania. Hon er ok fyrir þa grein rettliga köllut Hesperia af aptanstiðrnunni hespero. at hon liggr allt<sup>7</sup> uidr heimsendann. Spania<sup>8</sup> liggr milli Galliam ok Affricam. nordan at þi liggia fyrr nefnd fiöll Purinei. enn ollum megin adra stadi kringir hafit um þat. þat hefir hardla gott lopt ok er heilsamligt land. uel freott ok gagnsamt at aullum aauxti. ok ueralldar rikt af gimsteinum ok dyrum malmi. Vm Hispaniam falla storar aar er sua heita. Bethus. Mineus. fyrrnefnd Yberis ok Tagus. Hon greiniz i .vi. parta Terraconensem. Cartagenensem. Lucithaniam. Galiciam. Bethicam. ok Tingitaniam er utan hafs liggr i Affrica.

---

Her segir af skipan landa i þriðia part veralldarinnar er heitir i Affrika.<sup>9</sup>

25. Affrica hinn þridi ueralldariunar þatr ok halfa feck nafn af einum afkuemismanni Abrahe. þeim sem Affer het. eptir þi sem segiz. Hon het forðum Libia af dottur Parchi sunar Jouis. huerr er smida

<sup>1</sup>) viss, B   <sup>2</sup>) deynandi, B   <sup>3</sup>) [mgl. B   <sup>4</sup>) uslettur ok, B   <sup>5</sup>) nefndri, B  
<sup>6</sup>) [hefir storlegans, B   <sup>7</sup>) uestr tilf. B   <sup>8</sup>) Spanland, B   <sup>9</sup>) Her segir af Affrica hinum þriðia part heimsins ok þeim londum sem til hennar liggia. Capitulum, B



let þá miklu borg ok frægu Memphim aa Egiptalandi. Þessi Libia sunardottir Jouis eignaðiz sidan ríki i Affrika. ok uar þá landit af hennar nafni kallat Libia. Affrika byriaz ok hefz af Egiptalandz herudum ok endimörkum. ok liggir sua sunnanuerd um Blaland allt til hins mikla fíallz Athlantem. Nordanuerd liggir hon uid miðiardarsio ok lyktaz þar. enn at sidarstu endaz hon ok lyktaz medr hafinu Gadi-thano. hafandi i sér þessar prouincias. Libiam. Cirenensem. Pentapoliu. Bizantium. Cartaginem. Numidiam. Mauritaniam. Scitifentem.<sup>1</sup> Tingitanam. ok þar medr Blaland uidr sealfan solarbrunann.<sup>2</sup> J Affrica er einn sa brunnr edr uppspretta. at hon bötir ok skígra gorir huers manz raudd. þess sem af hefir druckit þeim brunni.

Fyrr nefnt land Libia Cyrenensis er hinn fyrsti partr Affrice. sua nefnt af þeirri fremztu borg er þar uar ok Cyrene het. Austan at þi liggir Egiptaland. enn uestan at þeirra þjóða lönd<sup>3</sup> sem Trogodite heita. ok þá sem þeir kalla meiri Sirtes.<sup>4</sup> Trogodite eru skiotari a fæti enn nöckur<sup>5</sup> dyr. Medr Trogoditis er su tíðrn. sem hennar uatn uerdr .i. sinnum aa huerium degi sallt ok beiskt. enn alla tíma adra er þat sætt ok medr aullu usallt. Nordan at nefndri Libia liggir þat haf sem heitir Libicum. enn sunnan Blaland ok einar ok ymisligar þjódir ok ufærligar audnir. i huerium er eigi sidr er sa ormr<sup>6</sup> sem basiliscus heitir. ok audru nafni heitir hann regulus. þat er sua sem smakonungr. Fyrr þá grein heitir hann sua. at hann er sem eitorma konungr. eigi fyrir mikilleiks sakir edr uaxtar. utan helldr af þi at hann drepr menn medr einni saman sinni syn. ok þu at þeir sei hann fyrri<sup>7</sup> ok flyi. þá drepr hann þá med einni saman sinni þefan. Huerr flugandi fugl sem fyrir hans seonum uerdr. huat flarlægr honum sem hann ferr edr flygr. þá brennr hann af hans munni ok fyrirferst. Enn allt at eins uerdr hann af hreysikattinum<sup>8</sup> yfirstiginn ok sigradr. Þann tíma sem [hann er settr<sup>9</sup> fyrir þau gren edr holur sem hann leyniz i. þá flyr basiliscus hreysikattinn. enn hann sækir eptir ok drepr sua basiliscum. þiat himneskr fadir hefir öngan lut i uerolldinni sua skadsamligan skapadan. at eigi se æ læknissdomrinn i gegn honum til reidu. ef menn kynni hann rettliga medr höndum at hafa. Hann er lengztum huitfleckottr eör huitröndottr ok nærri halfs fotar langr. J Libia fæðaz ok höfuðlausir menn eptir þi sem truíz. hueria er Lybici kalla Lemnia. hafa þeir munn ok augu framan aa briostinu. Adrir eru þeir sem þar fæðaz ok öngan hafa halsinn. enn augun aa oxlunum. Antipodes eru

<sup>1</sup>) Siufensem, B    <sup>2</sup>) Ysidorus tilf. B    <sup>3</sup>) land, B    <sup>4</sup>) saak. B; Sires, A

<sup>5</sup>) nokkurs kyns, B    <sup>6</sup>) þrætt tilf. B    <sup>7</sup>) eigi, B    <sup>8</sup>) reysikattinum, B

<sup>9</sup>) [menn setia hann, B

þar ok. hueria er nockurir menn kalla andfetinga. þeim horfa fœtrnir ok rístrnar aa bak apr ok hafa .viii. tær á huarum fœti.

Pentapolis annarr partr Africe. hafandi upp aa Girzku nafn af .v. borgum. liggir uid fyrr nefnda Libiam Cyrinensem. ok telr suma stadi medr hennar herudum ok endimörkum. Tripolitanam hinn þridia hennar part hafa Girkir upp aa sina tungu at tala kallat af þeim .iii. borgum sem þar ero frægazlar ok sua heita. Ochea. Tabreta ok Leptis. Hinn .iiiiði. partr Africe huerr er Bizancena heitir hefir nafn af .ii. þar hinum fræguztum ok hinum fremztum þorpum huert er annat er sua friott af oleis ok odrum feitum iarðar aaúðxtum. ok fullum meðr dygd. at þat sem i þa iðrd uerdr sáait gefr hundradfalldan aaúðxt.

Annat heitir Zeuges er liggir milli Numidiam<sup>1</sup> ok Bizancium. huar er ein mikil borg stendr. er Carthago<sup>2</sup> heitir. Nordan at þi liggir þat haf sem Siculum heitir af Sicilia. enn sunnanuert liggir þat uidr þat land sem Getulia heitir. Hinn nærri ok hinn nordarri partr af Zeugis er miok aauxtsamr. enn hinn ytri ok sa sem firrmeirr liggir er fullr af onagris. þeim storum ausnum grimmum ok ólðmdum sem i eydimorkum uti reika ok renna. ok ðdrum grimmum dyrum ok hðggormum. Þessir hinir grimmu ok utðmdu asnar. sem onagri heita. hafaz iafnan uidr uti medr uillidyrum ok fylgir æ serhuert<sup>3</sup> karldyrit kuedyra flockinum. ok þo mest fyrir þa skyld. at þeir uandlæta þegar leid ok afbryda sem karldyrin eru borin. ok setia þegar af þeim nyrn. ef þeir na til þeirra sem þeir eru nysæddir. ok þetta kunna<sup>4</sup> meðrnar at uaraz. ok sela þa þegar i leyniligum stöðum ef þær fáa þat gert. Getulia liggir miok i midri Affrica.

Numidia feck nafn af þeim monnum er þar toku ser bygd. ok scalldan hofdu<sup>5</sup> sama stad. ok driugum foru sem uallarar. þiat ymissar ok uuisar heimilisuistir kallaz upp aa þeirra tal ok tungu numidie. þar leidir hon dyr ok uppfædir. sem hon er<sup>6</sup> skogi uaxin ok slettland. enn þar hesta ok fyrr greinda onagros. sem hon er hálsut eðr fíðlott. Hun er hardla fræg af þeim marmara sem numidicum heitir. J Numidia er Yppane. er hinn heilagi Augustinus ypponensis er uid kendr. meðr fleirum odrum frægum ok mikils hattar borgum.

Mauritania hefir nafn af suðrtum þeirra manna lit sem þar byggia. þiat mauron kalla Girkir þat sem suart er. ok sua sem Gallia hefir nafn af folksins birti ok huitleik. sem fyrr uar sagt. sua hefir Mauritania nafn af suðrtum lit sins folks. huerrar hin fyrsta prouincia er

<sup>1</sup>) Mundiam, B <sup>2</sup>) saal. B; Sarrago, A <sup>3</sup>) serhuert, B <sup>4</sup>) kunnu, B <sup>5</sup>) ser tilf. B <sup>6</sup>) miok tilf. B

**Mauritania Siciphensis.** hafandi nafn af þi þorpi sem Siciphi heitir. ok **Mauritania Cesarensis.** er nafn feck af þeirri borg sem Juba konungr er þar ríkti let gðra Augusto keisara til heiðrs ok sæmdar. ok kalladi af hans nafni Cesaream. sua sem Herodes let adra Cesaream gora honum til sæmdar i Palestina. su sem ein er hardla fræg borg. þessar badar prouincie liggia sua samtengdar sin i milli. at austan liggr at þeim Numidia enn norðan hit mikla haf. af uestri su áá sem Malua heitir. ena af suðri fiallit Astrixis. huert er greinir ok sundr skilr þana part af landinu sem frior er ok þurra sanda allt til uthafsins. **Mauritania Tingitania** uar kallat af höfudborg þeirri sem Tingis<sup>1</sup> het ok þar stod. Af austri liggr uidr hana fyrr nefnd aa Malua. af nordri hafit Gaditanum. af uestri uthafit Atlanticum. enn af sudri þeirra þjóða laund<sup>2</sup> sem Gaulalie heita. Gaulalie eru kallaðir af þeirri ey sem liggr nærri Blalandi ok Gauleon heitir. i huerri sem<sup>3</sup> enginn eitormr sæðiz ok engin fær þar lifat. J uthafinu uidr Mauritaniam segiz. at sua mikill ofreflis fioldi þeirra fiska séé. sem lulligenes<sup>4</sup> heita. Áiugandi eigi langt i brott fra þeirri aa sem Aalixus heitir. at þeir drecki ok sökui nidr skipum ef fyrir þeim uerða. J Mauritania þessarri sðaz morg undarligh dyr ok kuikendi. sua sem apyniur drekar ok struciones. Fimm ero apyniu kyn. Þat er eitt at hala hefir. af henni segiz þat at hon se sua greinamikil ok skyniugh<sup>5</sup> upp aa suma skepnuna. at hon gleðiz iafnan sua sem tungl er nykomit ok þat er ungt. en hon<sup>6</sup> ryggiz þana tíma sem þat er fullt eðr þuerranda. Hon berr þau horn sin ok burdi fyrir a briosti ok bringu ser. sem hon elskar. enn hin klunna sua uidr bakit ok annars staðar aa henni sem uerða má. sem hon anzar minnr ok uanrækir. Struciones eru sua fallin kuikendi. at þau synaz hafa uængi þaleidis sem fuglar. ok faa sik allt at eins litt eðr ecki af iorðinni hafit. Struciones uanrækia ok uilia alldrigi uerma<sup>7</sup> sin egg. ok þo sem þeir hafa þau brott rekit fra ser. þa leidaz ut af þeim ok lifgaz ungar af duptzins ok iardarinnar næringu. Drekar eru stærstir ok sterkastir af aullum eitormum ok eigi sidr af ollum iardarinnar kuikendum. hann er kambottr ok hefir litinn munn ok sua sem miofar pipur eðr spirur. meðr huerium er hann dregr andann.<sup>8</sup> Hann hefir ok ecki miok mikit afl i tðnnunum. enn i spordinum hefir hann sua mikit. at þar lyr hann meðr ok lemr huat er hann fær fengit ok nað. Hann er ok ecki fyrir þa sök af eitriu skadsamligr. at hann þarf ecki þess uidr at deyða ðnnur kuikendi þar meðr. Þat

<sup>1</sup>) Tinghi, B    <sup>2</sup>) allt til uthafsins tilf. B    <sup>3</sup>) er, B    <sup>4</sup>) lulligenes, B  
<sup>5</sup>) skynug, B    <sup>6</sup>) saaf. B; þat, A    <sup>7</sup>) rækia, B    <sup>8</sup>) Hic inquirator de artis  
fistalis et q. exerat linguam tilf. B

81. **huert** sem hann fær fangit. þa bindr hann ok kreppir sua. at þar af drepr hann. fyrir huerium er fillinn er eigi helldr <sup>1</sup>ðruggr<sup>1</sup> meðr sinnu mikilleik enn smæri kuikendi. þiat sua sem drekinns ligr uidr þann uegh sem fillinn ferr eptir sinum uana. þa hrðckuiz hann um hans fotleggi kreppandi þa saman medr sterkum knutum. uinnr sua sidan at honum. at hann kiæfir hann ok drepr medr aullu. þessi Mauritania uar forðum fell af filum. hueria er Indialand hefir nu<sup>2</sup> mest i séér. þat land sem Garamans heitir. hefir nafn af þess háttar einni borg edr þorpi sem Garama heitir.<sup>3</sup> huert er Garamans konungr sun Apollinis let gðra ok kalladi sua af sinu nafni. þat ligr milli Cirenen ok Blalandz. þar er sa brunnr sem þa natturu hefir. at hann<sup>4</sup> fryss sua þann tima dags sem heitaz er.<sup>5</sup> at hann er monnum eigi dreckandi. enn hann þidnar ok hitnar sua þann tima nætr sem kalldaz er. at þa er engi uán. at þess háttar megi menn honum nærri koma. þeir menn sem þat land byggia ok Garamantes heita. eru bædi grimmir i ser ok af mannkynsins samlagi<sup>6</sup> miok flarrlægir.

Ethiopia sem uær kallum Blaland. hefir nafn af lit ok aasionu þeirra manna er þar byggia. hueria er solin brennir<sup>7</sup> sakir sinnar naueru. Mannanna litr birtir þar ok synir solarinnar afl ok natturu. þar er nær iafnliga<sup>8</sup> samr hiti. fyrir þann skyld at þat ligr rett undir sealfu solar sudri ok middegiss skeidi. Vestanuert er þat fiðllott. enn um mitt landit er þat sðndugt. enn austanuert er þat medr aullu eytt. þess lengd ligr uestan fra fiállinu Athlante ok til austrs allt til Egiptalandz endimarka. Af suðri ligr þat ok lyktaz uidr ut-haft. enn af nordri uidr áána Nilum. ok hefir i séér harðla margar þiodir rædiligar ok ogurligar af skyssiligri mynd ok aasionu.<sup>9</sup> Pamphagi eru þar ok. þeir hafa huetuetna þat sem eta ma ser til fœdu ok uidrlifiss. Archiophagi<sup>10</sup> uerandi klokir til ueidiskapar hafaz þratt uidr aa hafi ut ok sædaz at eins uidr fiska. enn Anntropophagi ein hin harðazta þiod sædiz medr manna kiðt.

Blaland er driugum fullt af fiolda undarligra dyra ok eitorma. Ysidorus telr storliga mðrg eitorma kyn i .xiiio. bok ethimologiarum. ok þo segir hann þau fleiri uera enn hann hefir þar fra sagt. En sua mðrg sem þeirra kyn eru. sua margs háttar eru ok eigi siðr þeirra eit ok skadsamligir sáarleikar. þeir sem af þii uerða. ok sua margir sem þeir eru. sua mðrg dauða kyn fylgia þeim ok. Stellio

<sup>1</sup>) uruggr, B    <sup>2</sup>) tilf. B    <sup>3</sup>) het, B    <sup>4</sup>) kolnar ok tilf. B    <sup>5</sup>) sua tilf. B  
<sup>6</sup>) þo tilf. B    <sup>7</sup>) ok sortar tilf. B    <sup>8</sup>) iðurligr ok tilf. B    <sup>9</sup>) Trogodite eru einar af þeim. þat folk er sua fraatt a fœti. at þat er eigi seinna enn hin skiotustu dyr sem fyrr var sagt tilf. B    <sup>10</sup>) Athiophagi, B

heitir einn af eitorma kyninu. ok fyrir þa grein heitir hann sua. at allt hans bak er sem putreat<sup>1</sup> se ok skrifat meðr skinandum dropum þilikt sem stiðrnum. Hann er sua gagnstæðligr þeim höggormum edr storum eitrmöðkum sem scorpiones heita. at þeir ottaz þegar þeir sia hann. ok sem nockurr uprísnaðar þungi edr dofi falli áá þa. Viperu hueria er uær nefnum nöðru. hefir af þi nafn fengit at hon sæðir meðr saarleik ok ofressi [sinn burð.<sup>2</sup> þiat þann tima sem hennar kuiðr þratnar af burðinum ok yrmlingarnir eru lifgaðir. þa þola þeir eigi at bida matuligs ok fullkomins nattuinnar burdartima ok lausnar. rifa sua ok slita skeinandi<sup>3</sup> hennar sidur<sup>4</sup> ok þar ut farandi. ok þar af deyr hon. Hon fær ok sua liotliga sins burdar. at hon tekr freoit meðr munnum. Berr þat ok sua til þann tima sem karldyrit hefir til þess sama höfudit inni i hennar munni. at henni bregðr sua uidr sambudina. at hon bitr höfudit af hinu dyrinu. ok fyrir þi uerdr sua at huartueggia feðginit fyrirferst iafnan. þegar sem þau geta burð saman. karldyrit i sambudinni enn kuendyrit i sæðinginni. Anfuena<sup>5</sup> er sua fallin. at hon hefir .ii. höfudin. annat framan eptir uana enn annat aptr áá spordinum. ok renn framm eptir huarutueggia höfðinu dragandi sua aptr<sup>6</sup> i hring likamann eptir sér. þessi hefir sik<sup>7</sup> af aullum eitormum uti i frosti. Hans augu lysa sem logandi lios. Scitalis er ok sua fagr fleckottr ormr um bakit. at þar af duelr hann þrátt þeirra manna ferd sem hann sea. Kann þat ok sua til bera. at þar sem hann fær seinna skridit enn flestir adrir eitormar ok fyrir þa sauk eigi manninum fylgt. þa fær hann meðr þi mennina fangit. at þeir dueliandiz undraz<sup>8</sup> hans fegrð. Hann er ok sua heitrar natturu moti þi sem adrir eitormar. at hann teer sinn ham ok yztu luti af sinum likam uti aa uetrar tima. [Enn aller þeir eru þo allt at eins kallder i sialfra sinna natturu.<sup>9</sup> ok eigi saa þeir monnum nöckut illt slag edr mikit mein gðrt. utan þann tima sem þeir hitua. ok fyrir þann skyld er<sup>10</sup> þeirra eitr manninum miklu skadsamligra um daga enn um nætr. þiat þeir dofna af nætr kuldauum. huadan af er þeir stirdna ok hröckua saman sem<sup>11</sup> lyckjur eðr knutar<sup>12</sup> á uetrar tima enn leysaz or knutunum ok lyckiunum aa sumarit. Er ormanna meinsemda<sup>13</sup> gðrd eigi annat. eptir þi sem Lucanus segir. enn eitredrepið samblandit mannzins blodi. Allt ormanna eitr er kallt<sup>14</sup> i sinni nattu. ok fyrir þi flyr mannzins aund eitrit. huer<sup>15</sup> er i hans

<sup>1</sup>) putreat, B    <sup>2</sup>) [mgl. B    <sup>3</sup>) skemmendi, B    <sup>4</sup>) ok skerandi tilf. B

<sup>5</sup>) Anfuena, B    <sup>6</sup>) mgl. B    <sup>7</sup>) giarna tilf. B    <sup>8</sup>) undra, B    <sup>9</sup>) [tilf. B

<sup>10</sup>) saal. B; ma, A    <sup>11</sup>) i tilf. B    <sup>12</sup>) knuta, B    <sup>13</sup>) meinsemdar, B

<sup>14</sup>) kallat(!) B    <sup>15</sup>) saal. B; huer, A

blodi byggir. at hon er elldligh ok heitrar nátturu. Allir eitrormar hafa slíofa syn sem líkíkt má þíckia. meðr þi at þeir hafa augun áá uængiunum enn eigi framan í<sup>1</sup> höldinu. ok fyrir þi heyra þeir fyrri<sup>2</sup> enn þeir sia.<sup>3</sup> Þar i mot hafa þeir huassara skilningar uit enn flest oll önnur skynlaus kuikendi. huar af er sagt uar i Genesi. at höggormrinn uar ollum iardarinnar kuikendum uitrari. Sua segiz af honum. at hans höfud lífi þo at þat komiz eigi meirr enn .ii. singra [langt undan ulamit.<sup>4</sup> sua er hann i höfðinu lífmikill. Ok fyrir þi hlífir hann þi meðr ollum líkamanum moti þeim sem hann uilia líofa ok lemia. Ecki kuikendi fær sina tungu íafnskiott rært sem eitrormrinn. sua framt at hann syniz drjugum .iii. hafa þar sem ein er til at eins. þeirra líkamir eru uaukuir<sup>5</sup> ok uatir. sua at þeirra uegr uelíz ok merkiz af uætunni<sup>6</sup> huar sem þeir fara. þeirra [fotspor ok uegr rett at segia<sup>7</sup> er þi líkr at sea. sem þeir hafi meðr fotum runnit. enn þeir skrida þo allt at eins aa hudinni ok þeim reistkðmbum. sem þeirra kuidr ok allr líkaminn nedan er alskipadr af. allt fra ofanuerdum hálsi ok til nedanuertz kuidarins. Beina þeir sinn skrid meðr hreistrkðmbunum sem meðr klóóm. en meðr rífiunum i stad leggianna. þaðan afer þat. at ef þeir uerða nöckur nedan aa líkamann allt fra nedanuerdum kuidinum slegnir ok upp til höfudsins. þa þrífz hann ecki til skridsins ok raasarinnar. sua er hann þar audkumall ok lasmærr. Sua er ok skrifat at eitrormarnir lífi storligha<sup>8</sup> lengi. sua at þeir leggi nidr ellihaminn. ok þar meðr falli af þeim ellin. ok huerfi sua aptir til æskunnar. Pythagoras einn ueralldar uitringr i fyrndinni segir eitrorminn af funadum andaðs mannz merg uerða. ok þat sama sannar ok segir Ouidius i sinum bokum. Er þat ok merkiliga ok uel uidrkuemiliga truat. at aa sömu leid uerdi eitrormrinn af mannzins dauda. sem mannzins dauði<sup>9</sup> uard af eitrormsins tilstilli. J þessu<sup>10</sup> Blalandi er [ok þat sama dyr monoceron. er odru nafni 'heitir unicornis. hafanda sitt hit uádaliga horn .iiii<sup>a</sup>. fota langt upp af midiu enninu. sem fyrr uar sagt.<sup>11</sup> Vlfalldar eru þar ok þau dyr sem pardi heita. mislit ok hardla skiot ok einkannliga skiotuz til at hella ut annarra kuikenda bloði. þiat þar til leggrr pardus sua giarna. at hann hleypr þar til sem<sup>12</sup> hann fellr daudr nidr. sem fyrr uar sagt. Camaleon er eitt fleckott dyr<sup>13</sup> sem

<sup>1</sup>) a, B    <sup>2</sup>) fyrr, B    <sup>3</sup>) siai, B    <sup>4</sup>) [vlamið vndon, B    <sup>5</sup>) vokuer, B  
<sup>6</sup>) vqkunni, B    <sup>7</sup>) [vegr, B    <sup>8</sup>) storleghans, B    <sup>9</sup>) kom til ok tilf. B  
<sup>10</sup>) fyrrnefndu, B    <sup>11</sup>) [þat eitt dyr sem ríceron heitir. ok qðru nafni monoceron. þat er allt eitt ok unicornis. huert er fyrir þa sǫk heitir sua at þat o. s. v. som ovenfor S. 69—70 indtil til uapns ok uerndar, B    <sup>12</sup>) er, B  
<sup>13</sup>) a þa leið tilf. B

pardus. utan þat at camaleons likami skiptir auðuellldiga litinum eptir þeim lit sem fyrir honum uerdr ok hann séér. huat er eigi er annarra kuikenda natura. Camaleopardus er [sua uordinn sik. at hann er<sup>1</sup> uidaz buifleckotr<sup>2</sup> sem pardus. haals hefir hann sua sem einn hestr. enn fætr sem yxn.<sup>3</sup> enn hofudit sem ulfalldi. Formice hueria er uer köllum maura. eru þar miklu störru enn i odrum stöddum. ok miok undarligha uordnir<sup>4</sup> sik. Maurr er sua forsiallt kuikendi sem menn uita. at hann samnar<sup>5</sup> þat ok saman dregr aa sumarit. sem hann etr aa uetrinn.<sup>6</sup> einkanliga hueitiskorn<sup>7</sup> edr þesskyns miðl aa kornskurdartima. enn upp aa bygg girniz hann ecki giarna. Enn aa Blalandi segiz at hann uerði sua storr sem smárackar. Grefr hann þar upp medr fotum sinum sanda. þa sem gulligir eru at sea. geymir þeim sidan ok uardueitir sem hann ma uanduirkligaz. at engi beri þeim<sup>8</sup> i brott. enn þa sem til þess byria sik at bera þa i brott. sækir<sup>9</sup> hann til dauds. Ok fyrir þa sök heitir hann þar formicaleon.<sup>10</sup> at hann er lettliga<sup>11</sup> sua uordinn sik sem formica ok leon<sup>12</sup> þoat litill. Hann er maurum<sup>13</sup> skiædr ok skadsamligr. upp aa þann hátt at hann felr sik i molldu eðr sandi. ok kemr þadan at þeim.<sup>14</sup> sua sem þeir bera hueiti þat sem þeir hafa saman dregit. þadan af er hann kalladr leo ok formica. þiat flestum odrum kuikendum er hann sem maurr. enn maurinum uerdr hann sem leo. Margr basiliscus er ok þar ok hardla storir drekar. af huerra höfði ok heila gimsteinar ut takaz. þar finnaz ok þessir steinar. iacinctus ok crisoprassus ok hit dyra cinnamomum. J Blalandi er ok su ein tíðrn. at þeir likamir uerda sua biartir sem i hennar uatni uerda þuegnir. sem þeir se meðr hinu dygdugazta oleo laugadir<sup>15</sup> ok litadir.

Tuenn eru bygd Blalönd. annat þat sem austaz er bygt ok næst þi sem solin kemr upp. annat er til uestrs i Mauritania. Vmframm þessar .iii. fyrr sagdar haalfur heimsins. sem fyrr nefndir synir Noa ok þeirra ættmenn ok afkemi<sup>16</sup> skiptu medr ser. liggir hinn fiordi heimsins partr ok haalfa til sudrs odrum megin hins meira uthafsins. huerr er sakir yfiruættiss solar hita oss er meðr öllu ukunnighr. i 84. huerri er heidnir menn sogdu. ok þo medr falsi ok hegoma. at þar bygdi andfætingar. Hinn heilagi ok hinn mikli Augustinus segir ok sannar sua meðr fulluligri<sup>17</sup> skynsemd i þeirri bok er hann hefir gðrt. ok heitir Augustinus de ciuitate dei. at engin iarðneskr madr ma þagat

<sup>1)</sup> [mgl. B <sup>2)</sup> þaleidiss tilf. B <sup>3)</sup> vxi, B <sup>4)</sup> saal. B; uordinn, A <sup>5)</sup> samkar, B <sup>6)</sup> uetrum, B <sup>7)</sup> hueitiskorn, B <sup>8)</sup> saal. ogs. B <sup>9)</sup> sgrer, B <sup>10)</sup> formicaleon, B <sup>11)</sup> mgl. B <sup>12)</sup> leo, B <sup>13)</sup> smamaurum, B <sup>14)</sup> aa vuart tilf. B <sup>15)</sup> smurdir tilf. B <sup>16)</sup> afkiemi, B <sup>17)</sup> fullegri, B

komaz or uarri byggiligri uerolldu sakir solar hita ok margrar annarrar umattuligrar ufæru. Enn i adra deildd er þat ollum monnum kunnigt. at allt mannkyn er fra Adam komit. ok allt hans afkuemi hefir bygt þessar þrennar fyrr nefndar heimsins haalfur. medr þeim ollum<sup>1</sup> laundum ok eyium utöldum sem i nordrhaalfunni liggia ok monnum er her kunnigaz. Mauritania liggr næst uestr uid Hispaniam. þar næst Numidia. þa þat land sem Cartaginensis heitir af borginni Cartagine. sem fyrr uar sagt. þa Getulia ok Ethiopia. ok eptir þat þeir stadir sem allir ero suidnir af solar bruna.

---

Her segir af Nemroth er fyrstr let smiða borgina Babilon. ok fra Ninus er fyrstr kom upp skurðgoða smið.<sup>2</sup>

26. þar er nu til at taka sem fyrri<sup>3</sup> uar fra horfit. at þann tima sem synir Noa ok aðrir hans ættmenn ok afkuemi hofdu skipt londum medr ser. sem fyrr uar sagt. rak fyrr nefndr Nemroth Assur sun Sém brott af sinu eignarlandi ok erfðar Sennáár medr alli ok ofbelldi. ok smidadi þar fyrst<sup>4</sup> eptir flodit þa borg sem sidan uar köllat Babilon eptir tungnaskiptit. sem fyrr uar sagt. nu sem Kayn smidadi fyrstr borgina Enoch [aa Jndialandi fyrir flodit.<sup>5</sup> Belus het sun Nemroths. huerr er settiz i Babilone ok lét gefa ser konungs nafn ok heriaði upp aa Assyriam. vann hann þo litit þar i. sua at hann eignadiz af henni. En sua sem hann uar allr.<sup>6</sup> uann Ninus son hans alla Assyriam ok eignadiz hana. ok þa borg sem mestz haattar uar i þi riki let hann sua mikit auka ok ut færa. at hon uar sidan þriggia daga<sup>7</sup> ferd aa lengd. ok kalladi hann sidan hana af sinu nafni Niniuen. Heðan af er þat er i nockurum frasnognum segiz. at Serkia riki hofz af<sup>8</sup> nefndum Belo. ok er þat satt sakir þess at hann byriadi þat fyrstr. en sumir segia. at þat byriadz<sup>9</sup> af Nino syni hans. huat er satt er sakir rikissins alla ok aukningar.

*Speculum hystoriale.* Ninus sigradi Cham födurfedr sinn. er þa lifdi enn sua sem hann hofz til rikiss. huerr er fyrstr segiz at galldra list<sup>10</sup> hafi kunnat. Hann kendi syni sinum er Stráám het galldra fiolkyngi.<sup>11</sup> er til illz eina<sup>12</sup> uar fundin. af huerium er kyn Egiptiorum. Babiloniorum ok Persarum er komit. fyrir huern skyld er menn kalladu hann Zoroastrem. ok af þi sama nafni uaru<sup>13</sup> um eina stund margar

<sup>1</sup>) qðrum, B   <sup>2</sup>) fra þeim seðgum Belo ok Nino ok þar meðr Zoroaster ok skurðgoða villa hofz, B   <sup>3</sup>) fyrr, B   <sup>4</sup>) fyrstr, B   <sup>5</sup>) [fyrir flodit aa Jndialandi, B   <sup>6</sup>) þa tilf. B   <sup>7</sup>) dagleiða, B   <sup>8</sup>) fyrr tilf. B   <sup>9</sup>) hofz, B   <sup>10</sup>) fiolkyngi, B   <sup>11</sup>) list, B   <sup>12</sup>) eins, B   <sup>13</sup>) til tilf.



bökr af þeirri somu kunnastu. Þessi Cham uiliandi synaz gud manna i milli ok hafandi 'sina aastundan opt ok iduliga til himintungla gangs ok þeirra natturu. [syndiz hann<sup>1</sup> meðr sinum górdum af stiðrnunum nockura geisla edr gneista gefa edr ut leida. til þess at þadan af skyldi hann unga menn ok uuitra leida ok locka þat at undraz sem nöckura iartegn.<sup>2</sup> En sua lauk hans lifðögum. at hann uar brendr um siðir af þeim sama fianda. sem hann het optaz aa ok treysti<sup>3</sup> bezt. huerium er þeir menn sem aa hans tróldom ok folkyngi trudu. gordu sem einum guds uin meðr klokskap sua skapada grðf edr leiði meðr einnar áár flytian ok fulltingi. at þat syndiz allt saman flytiz ok upp hefiaz til himins. huadan er hann seck þat<sup>4</sup> nafn einkanliga eptir sinn dauða. at hann uar kalladr Zoroastres. þat er upp i norrænu at segia sem lifanda himintungl. Af þessum sama Zoroastre segir einn uiss madr Solinus. at hann hlo þegar leid sem hann uar fæddr. i gegn þi sem aull onnur börn gráta. huert [eitt ok eitt<sup>5</sup> er i uerolldina uerdr<sup>6</sup> fætt. Huar til er suarar hinn heilagi Augustinus i hinni fyrstu bok ok .xx. de ciuitate dei. Huerr mun eigi afskræmiliga<sup>7</sup> ottaz ok fastliga i minni festa. huart sem helldr er fyrir hans heyrn ok hugskotz augu frammsettr daudinn. er hann fær eigi fordaz. edr hans burdr ok barndomr. þiat engin<sup>8</sup> ueit huat er hann spáár<sup>9</sup> edr fyrir segir. þann tima sem barnit fædiz ok kemr i ueralldarinnar lios. þar sem huers sem eins barns burðr ok sæðing er skipadr [ok byriaz<sup>10</sup> af grát enn eigi hlátri. utan þat er menn segia. at einn saman Zoroastes hafi þat gðrt at hlæia<sup>11</sup> aa sinum burdartima. Ok eigi bendi sa hinn skyrsiligi ok hinn hrædiligi<sup>12</sup> hlátr nöckut gott fyrir. þiat allt at eins uard hann af Nino Serkia konungi sigradr i bardaga ok yfirstiginn. at hann fyndi fyrstr galldra folkyngi. ok uæri þar meðr formadr þeirra þioda sem bygdu i Baktria. Hann skrifadi ok .vii. liberales artes aa .xiii. pilarum. af huerium er .vii. uaru meðr kopar enn aðrir .vii. af tigli moti flodi ok odram ueralldar uaða. Enn allar hans bökr brendi Ninus.

Af þessum sama Nino hófz skurðgoda smid meðr þeima hætti. at sua sem fadir hans Belus uar allr. let hann gora eptir honum eina likneskiu. sér til hugganar eptir þann mikla harm sem hann seck af hans andláti ok frafalli. huerri er hann ueitti sua mikla uirdingh ok uegsemd. at hann gaf þeim ollum monnum grid ok goðar gíafir.<sup>13</sup> sem ser sattu þagat til hialpa<sup>14</sup> ok uerndar. huat illt er þeir hofdu gert

<sup>1)</sup> [syndi honum, B <sup>2)</sup> iartein, B <sup>3)</sup> træystiz, B <sup>4)</sup> sitt, B <sup>5)</sup> [sem eitt, B <sup>6)</sup> er, B <sup>7)</sup> afskræmilega, B <sup>8)</sup> maðr *túlf.* B <sup>9)</sup> meðr nokkurv moti *túlf.* B <sup>10)</sup> [*túlf.* B <sup>11)</sup> hlegit(!) B <sup>12)</sup> herfiligi, B <sup>13)</sup> naaðir, B <sup>14)</sup> hialpar, B

adr. huadan af er sa uani tokz upp. at<sup>1</sup> menn ueittu guðflga lotning ok uegsemd þessu sama likneski. Sidan gördu hardla margir menn þar at hans eptirdømunum likneskiur. huerr eptir sinn frēnda ok astuin. ok dyrkadu þau sidan. ok sua hofuz ðill ðnnur skurðgod. ok fengu nafn af skurðgodinu Belo. þo at þat se ymissliga nefnt edr neigt sakir þiodanna ymissleiks ok þeirra maalshattar. þiat sua sem Belus het medr Serkium. sua breyttu adrar þioðir þi nafni huerr eptir sinni tungu ok tali. at sumar nefna<sup>2</sup> þat skurðgoð Bel. adrar Beel. nockurar nefndu þat Baal. sumar Baalim. aðrar Beelphegór edr Beelzebub. Þrir lutir eggjudu menn i fyrstunni mest framm at dyrka ok stunda upp aa þess hattar likneski.<sup>3</sup> eptir þi sem ritat er i<sup>4</sup> libro sapientie. Hit fyrsta uar astud ok elskugi lifandi manna uidr<sup>5</sup> sina frēndr ok uini. sua sem fyrr nefndr Ninus gordi uidr sinn fodur Belum. Annat uar ðtti ok ueinurd uidr þa konunga sem þat uilldu giarna gora edr framm fara. Hit þridia uar hagleikr ok uanduirt smidanna. þeirra er likneskin gördu ok pentadu edr grofu. sua at menn lysti at lita þau ok sea þar upp aa. Skal her nu fra huerfa enn segia<sup>6</sup> þo at medr fáám orðum<sup>7</sup> af ættartölu Séin til Abraham.<sup>8</sup>

*Genesis.* Fyrr nefndr Falech<sup>9</sup> son Heber. aa huers dögum er risarnir smidadu stöðpulinn Babel sem fyrr uar. sagt. uar þa þritugr at alldri. er hann gat þann son er Reu het ok odru nafni Ragau. enn þa uar lidit af audrum heimsalldri .c. aara .xxx. ok eitt áár. Ragau edr Reu gat Saruch.<sup>10</sup> sua sem hann hafdi .ii. aar ok þritugt. enn lidit uar fraa upphafi annars heimsalldrs hundrad aara .lx. ok .iii. aar. A hans dögum hofuz Egiptalandz riki. þat uannz ok hellz driugum allt til daga Octouiani keisara. þoat þar yrði suma tima nockut milli. sua sem þa er Nabugodonosor Serkia konungr. huerr er odru nafni het Cambises. feck ualld yfir Egiptalandi aa fimtanda aari sealfs sins rikiss. ok sua letti af þeirra riki allt til daga Assueri konungs er odru nafni het Arthaserxes. Saruch gat Nachor<sup>11</sup> þann tima sem hann uar þritugr. enn fra upphafi annars heimsalldrs uaru lidin hundrad niu tigr ok þriu aar. A hans dögum hofz Serkia riki ok annat riki Sici-oniorum. Nachor gat Tharam edr Thare. þann tima sem hann hafdi niu aar ok tuttugu. enn af audrum heimsalldri uaru lidin tuau hundrad ok .ii. aar ok tuttugu. A dögum Thare lyktadiz annarr heimsins alldr. sua sem hann uar .lxx. at alldri. hafandi eptir ebreskra manna tölu

<sup>1</sup>) margir tilf. B    <sup>2</sup>) klluðu, B    <sup>3</sup>) likneskiv, B    <sup>4</sup>) in, B    <sup>5</sup>) eptir, B

<sup>6</sup>) nokkut tilf. B    <sup>7</sup>) se tilf. B    <sup>8</sup>) Abrahams, B    <sup>9</sup>) tilf. B    <sup>11</sup>) Seruch, B

<sup>12</sup>) saal. B; son, A

.cc. ára niutigi ok tuau aar. Enn eptir sðgn seautigi interpretum þushundrad siautigi ok tuau aar.

Her segir fra upphafi ok uppraas<sup>1</sup> Abrahams ok huersu hann geck ut af Calldea. Genesis.

27. Thare gat .iiii. syni. Abram Nachor ok Aram. þann tima sem hann uar nær seautugr at alldri. Aram uar ellztr þeirra brøðra. Nachor þar næst. enn Abrám uar yngztr. Aram gat at eiga þessor fugur bðrn. Loth ok Jescam. Saray ok Melcham. ok andadiz i þeirri borg i sinu eignu fustrlandi Chaldea sem nu heitir Ur. at lifanda fedr sinum Thare. ok þar iardaðr. Þeir brøðrnir Abram ok Nachor fengu ser husfrur. geck Abram med fedr sins<sup>2</sup> ráði at eiga brodurdottur sina Saray. [uaru þær systr ok Melcha er Nachor atti.<sup>3</sup> Enn af þi at Saray uar ubyria ok atti engi bðrn.<sup>4</sup> þa tok hann Loth brodurson sinn ok brodur hennar sér til oskbernis ok seer i sunar stað. *scolastica hystoria*. Calldei bðfdu þann uillu átrunat. at þeir dyrkadu elld. en elldrinn er upp aa þeirra tungu (Ur). um huern er þeir fluttu eðr leiddu skiotliga<sup>5</sup> sin bðrn. sua sem medr þeima hætti þau skirandi eptir þi sem segiz. Enn fyrir þann skyld at synir Thare ok sealfir hann uilldu medr ongu moti elldinn dyrka. þa kastadu Chaldei þeim brøðrum Abram ok Aram i elldinn utan uægd ok miskunn. Dó Araam þar. eptir þi sem sumir menn segia. enn Abrám frelsadiz þar af<sup>6</sup> med guds fulltingi ok miskunn. huadan af er þat er sungit ok lesit af honum. at gud leysti hann ok leiddi ut af Ur Chaldeorum. Nu fyrir þa sauk at Thare hatadi þetta land sakir harms ok missu af þess<sup>7</sup> háttar drápi ok dauda sins sonar Araams. ok hann þottiz eigi mega þola þær<sup>8</sup> motgordir ok meinlæti. sem Chaldei ueittu honum til þess at hann dyrkadi þa helldr enn adr elldinn. þa tok hann þat raad. at hann stöck i brótt or Chaldea. ok hafdi meðr seer son sinn Abrám ok Loth sunarsun sinn. sun Aráms. ok sunarkonu sina Saray. husfru Abrams. ok byriaði sua sða ferd ut af Chaldealandi til þess landz. sem þann tima bygdu kynsmenn ok afkugmi Chanááns. ok þa het terra Chanaan enn sidan uar kallat Judea. ok komu i þann stad i Mesopotamialandi sem heitir Aran. enn sumir kalla<sup>9</sup> Charram.<sup>10</sup> sua

<sup>1</sup>) vpprvna, B    <sup>2</sup>) sinum ok at hans, B    <sup>3</sup>) [en aðra Nachor þeirra fyrr nefnda brodurdottur sina Melcham. voru þær baaðar dættir Arams ok systr Lothz sem fyrr var saght, B    <sup>4</sup>) við bonda sinum Abram tilf. B    <sup>5</sup>) ok leulega tilf. B    <sup>6</sup>) tilf. B    <sup>7</sup>) saal. B; þra, A    <sup>8</sup>) saal. B; þar, A    <sup>9</sup>) kolluðu, B    <sup>10</sup>) ok settu þar sina byggð (!) tilf. B

sem ymissliga er skrifat ok sagt Oreb edr Choreb. ok i annan stad Raab edr Rachab. ok settu þar sina bygd i Charram. ok andadiz Thare þar sua sem hann hafði .cc. uetra ok .v. áár. *speculum hystoriale*. Nu sua sem allir adrir ueralldar menn uilltuz ok uðsduz i þess háttar skurdgoda uillu.<sup>1</sup> sem fyrr uar fra sagt. þa uar bædi. at Abram mátti kenna sinn skapara. ok skilia þat medr sinni skynsemd af himintungla [skipan ok stíornugang. meðr þui at hann var hinn bezti astrologus. at aller luter skipaduz ok stíornaðuz af hans<sup>2</sup> skipan ok forseo. ok ðngum mun sidr<sup>3</sup> hafði hann þar til fullkomliga ok aluðruliga aa-stundan. huar fyrir er engill guds uitradiz honum ok lærði hann enn miklu frammarri ok fulluligarr af þeim lutum. sem adr hafði hann af sinni list ok uisdomi nockura kenning. edr skilning.

---

Her segir fra þui er sialfr guð talaði við Abraham ok sagði honum fyrir huert hann skyldi fara ok fra kono hans Saray.<sup>4</sup>

28. Eptir þat sem Thare uar andadr i Aráán edr Charram. sem fyrr uar fra sagt. taladi gud sua til sunar hans Abrams. þann tima sem hann uar attræðr<sup>5</sup> at alldri. Gack ut þu Abrám af þínu fostrlandi ok eiginni fódurleifd. i brott or þinum frændhaga ok þins fedr husi ok herbergi. ok þar til þess landz sem ek mun syna þer ok til uisa. 48. Ok mikla þíod man ek láta ut<sup>6</sup> af þer koma. bleza man ek þer ok mikla þitt nafn. ok blezadr mantu uera.<sup>7</sup> Bleza man ek<sup>8</sup> ollum þeim er þer bleza. enn banna ollum þeim er þer baulua. J þer manu allar þíodir ok iarðarinnar kynkuislir blezaðar uerða ok þínu afkuemi. Fór Abrám þa i brott af fyrr sögdu landi. sua sem gud bauð honum. Var hann þa halfattræðr. er hann geck ut af Aaran. Flutti hann medr ser husfru sina Saray ok Loth brodurson sinn ok alla sina eign ok busmala ok þar meðr allt sitt hyski. ok kom framm aa<sup>9</sup> landi Chanaan allt til borgarinnar Sichem. er audru nafni het Sycháár. ok til þess hins fræga dals. sem [forðum het Pentapolis<sup>10</sup> af þeim .v. borgum Sodomorum. huar er nu heitir hit dauda haf. fyrir þann skyllt at þar ma engi lutr nu þrifaz ne sínu lífi hallda. sem um rid uar fra sagt. Sa lydr sem Chananeus het kominn af Chanaans ætt bygdi þann tima<sup>11</sup>

<sup>1</sup>) ok vantru *tílf*. B    <sup>2</sup>) [*tílf*. B    <sup>3</sup>) minnr, B    <sup>4</sup>) Fra þui er Abram gekk ut af Aaram ok bygði borgina Damascus ok kom síðan nidr a Egiptaland, B    <sup>5</sup>) haalfattræðr, B    <sup>6</sup>) *mgk*. B    <sup>7</sup>) uerða, B    <sup>8</sup>) ok *tílf*. B    <sup>9</sup>) fyrrnefndu *tílf*. B    <sup>10</sup>) [*saal*. B; Pentapolis heit pentapo, A    <sup>11</sup>) *saal*. B; stad, A

þat sama land. [Uitraðiz guð þa Abram ok sagði sua til hans. Þínu af-  
 kiemi man ek gefa þetta land.<sup>1</sup> Görði Abram þa þeim sama gudi til  
 heidrs eitt alltari. sem honum hafði utraz. *scolastica hystoria*. Af  
 þessarri hans frammferd ok tiltæki talar sua Josephus i sinni bok  
 ok fraasögn. at hann dirfdiz fyrstr<sup>2</sup> allra manna opinberliga þat at  
 tala ok framm at bera. at einn guð væri allra hluta skapari. ok at  
 endrnyia ok til umbotar at uenda annarra manna ætlan ok atrunadi.  
 hueria er þeir höfdu hellz af gudi. Enn þessa luti markadi hann mest  
 ok medr líkindum<sup>3</sup> profaði af þeim raunum ok æuintyrum sem [i lopti-  
 nu<sup>4</sup> iörðinni [ok hafinu kunni<sup>5</sup> opt ok iduliga til at koma. ok eigi  
 sidr þeim lutum sem himninum ok<sup>6</sup> himintunglunum kunnu til koma.  
 þiat hann uar. eptir þi sem meistari Berosus segir. hardla uiss af  
 himneskum lutum ok þeim sem himintungla ganginum til heyra. sem  
 fyrr uar sagt. *genesis*. Abrám for enn lengra framum aa leid. þar  
 til er hann setti um eina stund sina bygd ok herbergi milli Bethel  
 ok þess stadar sem het Hay. ok gordi þar enn alltari gudi til heidrs  
 ok sæmdar. *scolastica historia*. Fór þa enn sidarr nöckuru framarri  
 ok meirr til sudrs. ok bygdi medr allt sitt folk i borginni Damasco.  
 huadan af er hans nafn er þar i enn meiri ucgsemd haft enn i öðrum  
 stadum. ok þar syniz ok tééz enn<sup>7</sup> sa stadr sem Abrams bygd er kallat.  
 ok þadan af hefir sua talat Nicholaus damascenus. Abraham komandi  
 medr sinn<sup>8</sup> her af [þi landi sem upp er af<sup>9</sup> Babilonia ok kallaz Ur  
 Chaltheorum. setti sina bygd i Damasco.

*De genesi*. Hann hafði þar eigi lengi uerit. adr þar kom mik-  
 ill sulltr ok hallæri. sua at fyrir þann skyld byriadi hann ferd  
 sina nidr áá Egiptaland. at hann skyldi þar uera ok uidr hafuaz sem  
 einn utlendzkr madr. Ok af þi at hann ottadiz sakir egiptzkra manna  
 lostasemdar ok fullifnadar. at þeir mundu<sup>10</sup> drepa hann sakir sinnar  
 husfru<sup>11</sup> Saray. þiat hon uar hardla fögr kona. þa sagdi hann hana  
 sina systur uera. ok þat sama bad hann hana<sup>12</sup> segia. Nu sem Abram  
 kom i Egiptum. saa þeir at hon uar ein uæn kona. ok sogdu ualldz-  
 menn Pharaoni konungi af hennar fegrd ok lofadu hana fyrir sealfum  
 honum. Var hon sidan flutt i hans heimolligt hus ok herbergi. ok fyrir  
 hennar skyld gördu þeir uel uidr Abram. sua at þadan af [afladuz  
 honum<sup>13</sup> yxn ok saudir. asnar ok ulfalldar. þrælar ok annat hyski.  
 Gud barði Pharaonem ok hans heimolligt folk meðr mörgum aafellum

<sup>1</sup>) [túlf. B <sup>2</sup>) fyrstr, B <sup>3</sup>) réð eðr túlf. B <sup>4</sup>) [saal. B; loptunum, A <sup>5</sup>) saal.  
 oga. B <sup>6</sup>) sol ok tungli ok qörum, B <sup>7</sup>) mgl. B <sup>8</sup>) sinum, B <sup>9</sup>) túlf. B  
<sup>10</sup>) mendi, B <sup>11</sup>) husfrur, B <sup>12</sup>) gera ok túlf. B <sup>13</sup>) [aflaðiz honum  
 ok aukaðiz, B

fyrir skyld Saray konu Abrams. stöðuadi hann ok tempradi konungs-  
ins girnd til hennar medr krankleik. ok þar til meðr morgum mala-  
kerum ok unadum. *scolastica hystoria*. Ok þann tima sem blot-  
domsins kennimenn förnfærdu sinum gudum honum til heilsubotar.  
fengu þeir þat bendingar andsuar þar i mot. at hann feck af guds reidi  
alla þessa angist ok aalagh. fyrir þa sauk at hann hafdi ætlat at sui-  
uirða hins utlenda manz husfru. *genesis*. Kalladi konungrinn þa  
Abram til sin ok sagdi sua. Huat hefir þu gort Abram. fyrir hueria  
skyld sagdir þu mer eigi. at hon uar þin eigin kona. ok fyrir hueria  
sok sagðir þu hana þina systur uera. lettliga at ek hefði tekit hana  
mer til husfru. Se nu medr þi at hon er þin eigin kona. þa tak hana  
ok far brott. Baud Pharao þa sinum monnum at fylgia Abram brótt.  
sua at sealfr hann husfru hans ok allir lutir þeir sem hann ætti særi  
i fridi. *scolastica historia*. Abram lærði egiptzka menn upp aa  
astrologiam ok arithmeticam. af huerium listum er þeir höfðu adr litla  
uissu edr öngua. fra huerium er þær somu listir komu sidan til Girkia.

---

Her segir fra þi er Abraham setti sina bygd i Chanaans  
landi enn Loth i Sodomia. *Genesis. capitulum*.

29. Abram for nu i brott or Egipto hafandi medr ser alla sina  
eign. husfru sina Saray. ok þar medr Loth brodurson sinn. vendi  
hann sinum ueg til austrs. Hann uar hardla ríkr bæði at gulli ok brendu  
silfri. hiord ok hiunum. þrælum ok ambáattum. Abram for aprt sömu  
leid sem hann hafdi þagat farit. þar til sem hann kom til þess sama  
stadar. sem hann hafdi tialldat ok séér herbergi tekit milli Bethel ok  
Hay. sem fyrr uar sagt. ok kom til þess sama alltaris. sem hann hafdi  
þar fyrr gört. kalladi þa enn af nyiu ok het upp aa guds nafn. Hann  
parteradi ok skipti þi sama landi milli sin ok Loths frænda sins sem  
honum likaði. Enn af þi at Loth atti eigi sidr mart kuikfe<sup>1</sup> bæði naut  
[ok sauði<sup>2</sup> ok þar meðr tialldbudir. ok þeirra eign uard sua mikil. at  
sa landzkostr matti eigi bera beggia þeirra hiord. þa uurdu þrætur ok  
deilur milli hirdanna þeirra frænda. Þann tima bygdí mest þar i landi  
þat folk. sem annat uar kallat Chananeus enn annat Pherezeus. Abram  
taladi þa til Loths. Ek bidr at eigi uerdi nðckur deila milli min ok  
þin. eðr milli minna hirdingia ok þinna. þiat uid erom bræðr. Se<sup>3</sup> at  
allt þetta land liggdr driugum laust ok lidugt fyrir þer. ok fyrir þann  
skyld bidr ek þik. at þu skilir uidr mik at sinni. [Velr þu helldr ok

<sup>1</sup>) ganganda fe, B

<sup>2</sup>) [tilf. B

<sup>3</sup>) ek tilf. B

will fara<sup>1</sup> til vinstri handar. þa helldr ek til hægri handar. enn ef þu snyr til hægri handar. þa uendir ek til vinstri handar. Loth geck ut ok litadiz um. ok saa allt þat land sem láá námunda uidr áána Jórdan bæði mikit ok gott ok sér uel uidrkuemiligt. huert er þaleidis dögguadiz sem paradisus eðr Egiptaland. adr gud drottinn sòkkti edr umsòðri Sodoma ok Gomorra. Tok Loth sér þa land uidr Jordan. ok setti þar sina bygd. ok for brott þadan austan fra Abram. Skildu þeir frændr þa sin i milli. sua at Abram bygði aa Chanaans iðrðu. en Loth hafðiz uidr i þeim þorpum sem lagu uidr Jordan. ok bygdi i borginni Sodoma. þeir menn sem þar bygdu fyrir váru hinir uerstu i guds augliti ok hinir liotuztu allra þeirra sem til váru. Nu sem Loth uar skildr uidr Abram. taladi gud sua til hans. Sé upp þinum augum Abram ok lít yfir landit. fra þeim stad sem nu stendr þu. til sudrs ok norðrs. uestrs ok austrs. allt þetta land sua sem þu malt sea. man ek þer gefa ok þínu kyni æfínliga eptir þinn dag. huert er sua mart skal uerda sem iarðarinnar dupt. [ok ef nòkkurr maðr máá telia iarðarennar duft.<sup>2</sup> þa man hann ok telia mega þina kynsmenn ok afkuemi. Ris upp þu ok gack bædi lengd ok breidd landzins. þiat þat man ek þer gefa. Abram flytiandi sina tialldbud þadan i brótt kom nidr i þeim<sup>3</sup> stad sem heitir Mambre. ok liggir i lægra lagi sem einn dalr. þat er i borginni Ebron. huar er hinn fyrsti madr Adam ok þeir adrir fedgarnir Abraham Ysaac ok Jacob váru iarðadir huerr hia sinni eiginni kusfru. þar bygdu fyrir .iii. brædr er sua hetu. Mambre. Anel ok Eschol. þessir bundu sik i sætt ok samlaghi uidr Abram. Var þessi sami dalr kalladr Mambre af hinum ellzta þeirra brødranna. Setti Abram þar sina bygd undir einni þessi<sup>4</sup> quercu edr therebintho. sem Josephus nefnir medr eiginligu nafni ogigi edr doros. ok gordi þar enn af nyiu alltari gudi til heidrs ok sæmdar.

---

Her segir fra stridi ok bardogum Chodorlacomor ok borgarmanna [Sodomai ok Gomorre Selldys(!) ok Baala.<sup>1</sup>

30. þat bar til aa nockurum tima nær þi sem nu uar fra sagt. at Amphael konungr af Babilon ok Chodorlacomor konungr Elamitarum ok adrir .ii. konungar medr þeim biogguz til bardaga moti þeim .v. konungum. sem ríktu i þeim audrum .iii. sem þar lagu til. Adama. Sebyis ok Baala. er audru nafni heitir Segor. *scolastica hystoria*.

<sup>1</sup>) [Vilir þu helldr ganga, B <sup>2</sup>) [tilf. B <sup>3</sup>) þann, B <sup>4</sup>) þeirri, B <sup>5</sup>) [Sodoma ok Gomarra ok fra Melchisedech, B

91.

Sua mikil yfirgirnd ok fysi uar þo medr folkinu yfir audrum ualld ok drottinn at hafa. at sinn konungr ríkti yfir seerhuerri þíodu. af huerium er margir þíonadu odrum konungum sér ríkarum ok meira háttar. en at sidarstu urdu þeir lyðskylldir ok skattgilldir Serkia konungi ok undirgefnir hans einualldi. Chodorlacomor einn af fyrr sðgðum .iiii. konungum hafði sigrat ok uunnit undir sik þessar .v. borgir ok gðrt þær ok þeirra konunga séér skattgillda. hafði honum þadan lokiz skattr aa .xii. aarum. A hinu .xiiiða. uilldu þeir eigi skatt luka. ok fyrir þann skyld samnadi hann her saman aa hinu .xiiiða. aari sins ríkis. ok fyrr nefndr Amphael<sup>1</sup> konungr af Babilon ok .ii. aðrir konungar meðr þeim. ok komu allir samt medr her sinn i dal þann sem uallís siluestris heitir. af þeim mætum ok agætum skogum sem þar uaru þa. i huerium er uar einn storr brunnr edr uppspretta medr bik edr tíðru. Enn i þessum agiæta dal uard sidan þat dauda haf. sem fyrr uar fra sagt. *genesis*. Chodorlacomor ok hans kompanar eyddu alla stadi. þa sem þar uaru naalægir. Enn þeim i moti gengu ok striddu .v. konungar af .v. fyrr nefndum borgum. ok þo<sup>2</sup> flydu þeir .v. enn fioldi fell af þeim. ena þeir flydu ok forðaduz er<sup>3</sup> undan komuz. Enn hinir sem sigraduz toku alla þeirra eign ok fluttu brott medr séér. ok þa hertekna menn sem fangnir voru.<sup>4</sup> ok þar medr Loth ok alla hans eigu.<sup>5</sup> Enn flottamenn þeir sem undan komuz. sogdu Abram hinum ebreska. er þa bygdi i fyrr nefndum dal<sup>6</sup> Mambre. oll þessi tidindi. Ok þegar sem Abram heyrdi þat. at Loth brodurson hans uar fanginn. þa taldi<sup>7</sup> hann .xviii. ok .ccc. frækinna ok uel færri sinna huskarla til ferdar meðr ser. ok þar til .iiii. fyrr nefnda bræðr. Mambre Anel ok Eskol. ok sotti eptir .iiii. fyrr sðgðum konungum allt til þeirrar ædar ok uppsprettu. sem Dan heitir uid fiallit Libanum. ok aunnur er af .ii. uppsprettum aarinnar Jordanis. af huerri er þat sama þorp sem þar liggir uidr uar þa kallat Dan. enn nu heitir Paneos. enn ðnnur heitir Jor. En sua sem þær .ii. kuislir edr uatnrasir sem af þessum æðum<sup>8</sup> framm renna koma saman. þa heitir hon Jordan. Skipti hann þa sinum monnum i .iii. stadi. ok liop a þa medr mikilli sokn þegar um náttina ok gaf þeim mikit slag. sua at hann drap þa sem suafu. enn hina sem ðloðir uaru rak hann aa flótta. sua at þeir mattu eigi beriaz. allt til þess stadar sem Hoba heitir ok liggir [a vinstra veg<sup>9</sup> uidr borgina Damascum. tok sidan alla þa eign sem þeir höfdu hertekit. ok flutti aptr medr ser Loth broðursun sinn medr allri sinni eign. ok þar medr bæði

<sup>1</sup>) Amraphael, B    <sup>2</sup>) þa, B    <sup>3</sup>) ok, B    <sup>4</sup>) tilf. B    <sup>5</sup>) eign, B    <sup>6</sup>) tilf. B  
<sup>7</sup>) kallaði, B    <sup>8</sup>) edr uppsprettum tilf. B    <sup>9</sup>) [tilf. B



konur ok karla. Nu sem Abram uendi sinum uæg aptr fra fundi þess-  
arra .iiii<sup>a</sup>. konunga. þa geck konungrinn af Sodoma ut i mot honum  
ok mætti honum áá ueginum til borgarinnar Salem. i þeim dal sem  
Sabe heitir. huerr er öðru nafni het konungs dalr. Enn Melchisedech  
konungr af Salem. er sidan uar kallad Hierusalem. offradi honum bæði  
braud ok uin. fyrir þann skyld at hann uar kennimadr hins hæsta guds.  
*scolastica hystoria*. Huat er Josephus segir sua skyrandi. at hann  
gaf honum ok hans monnum smáar ok ferskar gíafir. enn mikla gnott  
þess kostar sem þeim uar þa uörkæmiligr. sua sem braud ok uin. Meðr  
þessarri offran ok presenteran blezadi Melchisedech Abram sua seg-  
iandi. Blezadr uerdi Abram af hinum hæsta gudi. þeim sem skapadi 92.  
himin ok iord. ok blezadr uerdi hinn hæsti gud. af huers hlif ok uernd-  
an uuinir þinir gafuz Abram upp i [þilt ualld.<sup>1</sup> Sidan gaf Abram  
honum hinn tiunda part af aullu sinu herfangi. Finnz þat i engan stad  
fyr lesit. at tiundir hafi gefnar öðr loknar uerit enn hér. en frumfornir  
hofuz þegar af Abel. *genesis*. Konungrinn af Sodoma taladi sua til  
Abrams. Gef mer aptr menn mina. enn tak til þin adra luti. þa sem  
mer til heyrdi. En hann suarði honum sua. Sua hefr ek mina hönd  
upp til hins hæsta gud<sup>2</sup> drottins mins. þess sem aa bæði himin ok  
iðrð. at eigi tekr ek ne þiggr sua mikit af þinni eign. sem er einn  
þrædr af liettu uadmáli<sup>3</sup> edr sköpuendr. er uerdr til þess at eigi mögir  
þu þetta tala. ek görda Abram rikan. utan þeim lutum frateknum sem  
sueinar uarir höfdu sér til kostar. ok þat sem kemr aa part ok lut-  
skipti þeirra bröðra þriggia Mambre ok hinna tueggia er foru meðr  
oss. þa skulu þeir taka uskaddan sinn part ok lutskipti. *Ysidorus*.  
þenna Melchisedech. sem fyrr uar af talat. segia ebreskir menn hinn  
sama ok allan einn uerit hafa ok Sémi sun Noa. ok at hann [hafdi  
fyst<sup>4</sup> eptir flodit smíðat borgina Salem. huar er hans riki uar. sem fyrr  
uar sagt. Eptir hann allan toku ok helldu þessa sömu borg Jebusei.  
þat folk sem sua uar kallat. ok hon het Jebus af þeirra nafni. þessum  
tueim nofnum samtengdum uar hon kaullud Jerusalem. huer er sidarr sem  
Salomon konungr ríkti þar feck þat nafn. at hon uar Hierosalomina<sup>5</sup>  
kallad sua sem Jerosolima.<sup>6</sup> Segia þeir at hann hafi uordit sua gamall.  
at hann hafi lifat allt til þess sem Ysaach uar föddr. ok alla frumgetna  
syni segia þeir iafnan kennimenn uerit hafa fra Noa til Aarons.

*Speculum historiale*. Skyldu þeir bleza folkit i fornsfæringum  
ok ueitzlum. ok höfdu frumgetinna manna forprisanir ok tignir. af

<sup>1</sup>) [þinar hendr, B    <sup>2</sup>) guðs, B    <sup>3</sup>) undirklæði, B    <sup>4</sup>) [hafdi fyrstr, B  
<sup>5</sup>) Hierosolima, B    <sup>6</sup>) Hierosalomonia, B

93. huerium er su uar ein. at bera kennimanþ klæði. meðr hueriu er hann skryddiz ðngan tíma utan þa at eins. er hann fornfærði gudi sem einn byskup. ok at taka endiliga blezan af sinum fedr fyrir hans andlát. ok at bleza sér minnum monnum i ueitzlum eðr odrum hatidum sem sagt uar. ok taka þann tíma tuifalldan kost séer til matar ok dryckiar. ok sua segiz at þeir tóki tuifalldan erfðarpart af peningum i sitt lutskipti. [*scolastica hystoria*.<sup>1</sup> Af þessum sigri Abrahams segiz at fyrirgefningar áár huert. er iubileus uar kallat i forna lögmali. hafi fyrst hafiz. fyrir þessa hertekiinna manna lausn ok uppgefning. þiat Jøbal er upp i norrænu sua sem upphaf eðr fyrirgefning. ok þadan af kallaz iubileus sua sem fyrirgefningar aar huert hit fimtuganda. er Judar helldu hatidligt. fyrir þann skyld at Loth uar þa fimtugr at aara tali er hann frealsadiz. eptir þi sem nockurir menn segia. ella fyrir þa sauk at þa uar hit fimtuganda aar fra þii er gud taladi til hans aa ueginum. ella fra þeim tíma sem hann geck ut af Charram. *speculum hystoriale*. Melchisedech utgangandi moti Abrám offradi honum braud ok uin. sua sem táksamliga fyrirmerkiandi Aaron hinn fyrsta kennimann i hinu forna lögmali. ok enn helldr sealfan Jesum Christum sannan ok hina hæsta kennimann. at hann mundi af honum ok hans afkugmi sædaz hegat i ueroldina. huern er sealfan sik fornfærði gudi fedr fyrir uara skyld áá hinum heilaga krossi. Melchisedech offrandi Abram braud ok uin teiknar ok merkir fagrliga lausnara uarn Jesum Christum. þann sama sem sina sæta likam ok signat<sup>2</sup> blod gaf sinum lærisueinum undir mynd ok aasionu brauds ok uins. huadan af er hann blezadi Abram undir mynd ok merking Jesu Christi. enn Abram gaf honum tiundir<sup>3</sup> af aullu sinu herfangi. sem fyrr uar sagt.

Her segir fra þui er guð vitraðiz Abraham ok sagði honum [fyrir huerio hann skyldi fram fara.<sup>4</sup> Capitulum.

31. þessum lutum sua lidnum sem nu uar fra sagt. uitradiz gud Abram ok taladi sua til hans. Hird eigi þu at ottaz Abram. Ek skal þin uernd ok uardueitzla uera. ok hardla mikit man þitt uerkkaup uera. Abram suaradi. Huat mantu gefa mér. barnlauss man ek framm fara. at<sup>5</sup> þessi Damascus sem meðr mér er. sun radsmanz mins Eliezer. man uerda minn erfingi. *scolastica hystoria*. Sem hann segdi sua. Huat stettir at þu gefir mér landit. ef þu gefir mér engan erfingiann. Sua segir Ysidorus. at þessi Damascus son Eliezer hafi latit reisa borgina

<sup>1)</sup> [tilf. B <sup>2)</sup> signada, B <sup>3)</sup> tiund, B <sup>4)</sup> huersu hann skyldi offra, B

<sup>5)</sup> mgl. B

Damascus ok kallat hana af sinu nafni. ok ríkt þar síðan. *genesis*. Ok enn taladi Abrám. Eigi gæft þú mér auka eðr afkuemi. Se þessi minn huskarl man minn erfingi uera. Ok þegar í stad taladi guð drottinn til hans. Eigi man þessi þinn erfingi uera. heilðr saa sem af sealfs þins líkam man getinn uerda. Leiddi hann síðan út ok sagði sua. Hugsa ecki upp á þat. at þú munir ríkja þegar í þessu landi. eðr þitt afkuemi eptir þik. þiat mitt fyrirheit man framm koma ok fyllaz eptir .cccc. ára. sua sem þú ert aðr andaðr. Enn þó allt at eins man ek dæma ok hegna þa þíod. sem þa hafa þíad ok þrælkat. ok eptir þat manu þeir meðr mikilli eign fara brott af þi sama landi. Se nú upp til himinsins. ok tel hans stíornur ef þú mátt. A sömu leiddi man þitt afkuemi uerda útluligt sem þær. Abram trudi gudi. ok uard honum þat til fullkomins rettlætis. Taladi guð þa til hans. Ek<sup>1</sup> em sá hinn sami þinn herra. sem þik leiddi út af Ur Challdeorum. til þess at ek gefa þer þetta sama land til eignar. *speculum historiale*. Enn fyrir þann skyld at hann feck af gudi fremra fyrirheit en sealfur kunni sér at óskja eðr uænta. þa bað hann guð faa þar til nockut mark. huadan af er hann mætti þat uita. eigi sua sem af nockurum mistrunadi eðr auruilnan. heilðr uæntandi ok eptirfretandi meðr huerium hætti þat mundi uerda. ok taladi. *genesis*. Herra guð minn. huadan af megí ek þat uita. at ek muni þetta land eignaz. Hedan af hófz saa uani meðr Judum at spyria eptir táknum ok mörkum ok eptir at leita. Guð drottinn svaradi honum þa ok sagði sua. Tak þer aa morgin eina þreuetra ku ok þar meðr þríæra geit ok þreuetran uedr. ok þar meðr eina dufu ok turturam. Sem hann segði sua. þessa luti muntu mér offra. ok þar til man ek syna þer eitt mark. Ok sem hann hafði tekit þessi kuikendi. sundradi hann þau ok skipti sundr í midiu. ok lét sua liggja sundrada<sup>2</sup> parta ok horfa [huara í mot<sup>3</sup> odrum. utan fuglana sundradi hann eigi. Ok meðan hann beiddi guð<sup>4</sup> drottins bodordz ok atkuædiss. meðr huerium hætti hann skyldi fornæra þessa luti. þa flugu til fuglar ok settuz aa hræin. enn Abram rak þa í brott. Enn í þann tíma sem sol mundi sett.<sup>5</sup> þa fell aa hann suefn. mikil hræzla ok myrkfælni kom ok yfir hann. ok þar meðr uar sua talat til hans. Vit þat fyrir uist. at þitt kyn ok afkuemi man örlandaz ok utlægt uerda aa audru enn eigi<sup>6</sup> sealfs þins landi. munu utlendir menn leggja þa undir þrældom ok þungar kwalir aa síorum hundradum ára. enn þú mánt andaz í náðum ok frídi. ok fara sua

94

<sup>1</sup>) ret. for Ef ek<sup>2</sup>) sundrat a, B<sup>3</sup>) [hvarr a moti, B<sup>4</sup>) guðs, B<sup>5</sup>) setiaz, B<sup>6</sup>) í tilf. B

til þinna fedra ok forellra greptr ok iardaðr i godum ellidomi. Enn þitt kyn ok afkuæmi man i hinna fiordu kynkuisl aptr hingat koma. Þat eigi er aulld<sup>1</sup> Amorreorum enn fylld ok framun komin. *scolastica historia*. Enn þat sem gud taladi til Abrams. at hans fyrirheit mundi vid hans ættmenn ok afkuæmi um .cccc. aara fyllaz ok framm koma. er eigi sua skilianda. at Jsraels lydr hafi aa sua mörgum aarum þrælk-aðr uerit aa Egiptalandi. helldr lyktadiz þessi tala ok fyllidiz i þeirra þrönguigh<sup>2</sup> ok mædingu. Byreadiz þessi ára tala ok hofz upp fra þeim tima sem Abram feck þetta fyrirheit. eptir þi sem Ysidorus segir. Heilagr Augustinus telr þessi .cccc. ok .v. aar fra þeim tima sem Ysaach uar sæddr. fyrir þann skyld sem<sup>3</sup> gud sagdi sua til Abrams. at hans kyn ok afkuæmi mundi utlægiar. ok til þess sem Jsraels lydr geck ut af Egiptalandi. ok getr Genesis ecki þeirra .v. Var hans afkuæmi sua sem utlægt aa ollum þessum tima. huart sem helldr uar i landinu Chanáan eðr Egipto. þar til er þat feck ok auðladiz erfd aa fyrr sögdu landi. *genesis*. Eptir þat sem sol hafdi setz. uarð mikit þokumyrkr. ok syndiz þá þilikt sem riukandi ofns elldr ok elldligr lampi lidandi ok umfarandi fyrr sagdar fornir. sua sundrskiptar sem fyrr uar sagt. ok eyddi medr guds vilia aullum þeim. ok gaf honum þetta mark sins fyrirheitiz.<sup>4</sup> A þeima degi stadfesti gud fullkomliga sitt sáttmaal medr Abrám. ok greindi mikilleik ok endimörk þessa fyrirheitna landz. sua segiandi.<sup>5</sup> Þetta land man ek þinu kyni ok afkuæmi gefa fra Rinocorula Egiptalandz aa til hinnar miklu áar Eufraten. ok taldi þær .x. þiodir er þar bygdu.

Her segir fra þi er Abram gat at eiga Ysmael medr Agar. ok engillinn uitradiz henni. Genesis.

32. Þenna tima hafdi Saray engi börn getit. helldr hafdi hon egiptzka þernu er Agar het. ok taladi sua til sins bonda Abrams. Se sua lukti ok hirði mik gud drottinn. at ek ma eigi syni geta. fyrir þi gack inn til minnar þionostukonu. léttliga at ek megí sua af henni syni fá. Nu sem hann samþyktiz hennar bön. tok hon Agar hina egiptzku sina þionostukonu. eptir .x. aar fra þi sem þau settu sina bygd i landinu Chanáan. ok gaf hana sinum bonda i ualld sua sem<sup>6</sup> eiginkonu. Geck hann sidan i sæng til hennar. Enn sua sem hun uissi. at hun hafði barn getit af þeirra sambud. þa fyrirleit hon sina

<sup>1</sup>) qll gtt, B   <sup>2</sup>) þröngum, B   <sup>3</sup>) er, B   <sup>4</sup>) saal. B; fyrirheit, A   <sup>5</sup>) her beg. Fragin. II   <sup>6</sup>) hans tál. B, Fragin.

fru<sup>1</sup> Saray. Enn Abram let eigi sem hann uisai huat tíðis<sup>2</sup> uar. Saray taladi þa til Abrams. Vrettliga giorir þu uidr mik. Ek gaf mina þeonostakonu upp i þinn eiginligan fadm. Nu þegar sem hun fannr at hun hefir barn getit þa fyrirsmaár hon mik. Dæmi gud drottinn milli min ok þin. Hann suaradi henni ok sagdi sua. Se ambatt þin<sup>3</sup> i þinu ualldi. Gør medr hana aa þa leid sem þer likar. Ok þegar sem Saray þiadi hana ok þröngði. þa slydi hun undan [ok fór i brott<sup>4</sup> ok ætladiz heim i Egiptaland. Fann guds engill hana<sup>5</sup> eina saman. sua sem hon þyrst [ok uilltiz<sup>6</sup> uegar hafði komit til eins brunnz edr uppsprettu aa neigium er liggir um eydimörkina Sør. ok sagdi sua til hennar. Huadan komtu Agar ambátt. edr huert hefir þu byriat þina ferd. Hon suaradi. Ek flyr ifra minni fru Saray. Engillinn sagði þa til hennar. Huerf aptr þu til þinnar fru. læg þik ok gefz henni i ualld. Ok enn taladi hann sua til hennar. Margfalldliga man ek fiolga þitt afkuemi. ok fyrir siöldans sakir man þat eigi takt uerda. Ok enn sagdi hann sua. Sé þu hefir medr manni buit. ok inant þu son sæða. ok hans nafn mant þu Ysmael kalla. fyrir þa skyld er drottinn<sup>7</sup> heyrði þina naud<sup>8</sup> ok angist. þiat ismael er i latinu<sup>9</sup> sua mikit at þyda sem guds heyrn upp i norrænu. J þessum stad er þat fyrst lesit at nöckurs mannz nafn hafi af [guds uitran uerit fyrir sagl.<sup>10</sup> huat er hardla sealldan hefir uissuliga uordit. þessi man uera einn grimmr madr ok hardr. sagdi engillinn til Agar. hans hendr ok frammferdir mannu<sup>11</sup> qllum odrum gagnstæðlighar uera. ok i landeign allra sinna bræðra man hann setia sin ufridar landtiöld. *scolastica historia*. Huat er þo er eigi af sealfum honum at eins lesit. helldr af syni hans Cedar. ok þo uar þetta mest af hans kynsmönnum ok afkuemi fyrir spáad. þiat Saraceni. huerir er af hans ætt eru komnir ok forðum hetu Ysmaelite. uerandi i ymsum stöðum sem uallarar. bórduz iafnan moti þeim þiodum. huerium er þeir uaru nalægaztir. þo at sua sem eydiliga ut af annarra manna bygd ok af aullum uaru þeir settir ok unadadir. Einkannliga mest kom þessi forsbögn framm þo. eptir þi sem Metodius segir. þann tíma sem þéssir .iiii. hófðingiar af ætt Ysmaels. Oreb ok Zeeb. Zebee ok Salmana. gengu ut af einni eydimörk moti Jsrael. hueria er hann kalladi uingardz<sup>12</sup> sunu. lettliga fyrir sitt uitleysi sua sem bloda. ok þeir sömu sigradir af hinum goða Gedeone runnu ok rucku aptr i þa sömu eydimork. sem þeir hófdu adr uerit ok ut af gengit. Hann segir

<sup>1</sup>) husfru, B, Fragn. <sup>2</sup>) tíðiss, B; tíðs, Fragn. <sup>3</sup>) er túlf. B, ikke Fragn.

<sup>4</sup>) [mgl. B, Fragn. <sup>5</sup>) þa' túlf. B <sup>6</sup>) [saal. ogs. B; villta Fragn. <sup>7</sup>) guð, B

<sup>8</sup>) neyð, B <sup>9</sup>) saal. ogs. B, Fragn. <sup>10</sup>) [guði vitrat verit, B <sup>11</sup>) saal. B; man, A <sup>12</sup>) hingarðs(!), B, Fragn.

at Ysmaels folk ok afkuemi munu um sidir at einu sinni sua af sinum eydimorkun ut ganga. at þeir manni fá uald yfir uerollðinni um .viii. tukur aara. ok at þeirra uegr ok framferd man kallaz angistar aar. fyrir þann skyld at i uigðum stöðum manni þeir eigi sidir kennimenn uega enn adra. ok i þeim stöðum hia konum bua ok þeim sofa. ok binda sina eyki uid heilagra manna leidi. Eptir þat sem guds engill hafði fyrr sagda blati talad til Agar. hvarf hann henni<sup>1</sup> medr einum huirf-iluindi. ok hon saa eptir honum ok sagði sua. Ek saa aa bak [þeim manni<sup>2</sup> sem mik sa. ok af þi kalladi hon þann sama brunn sem hun fann seanda brunn ok lifanda. fyrir þann skyld at guddrottinn saa þa til hennar<sup>3</sup> þyrstandi. sua sem sitt lif synandi henni þann sama brunn. sem uel ma kallaz Agar brunnr ok enn ma synaz milli Clades ok Baraath.<sup>4</sup> þeirra borga sem sua heita. Ok sua sem hon kom heim aptr sæddi hon suein. þann sem hon<sup>5</sup> hafði getit medr Abrám. ok kalladi hann Jsmael. hafði Abram þa .lxxx. ok .vi. áár. er Jsmael fæddiz honum af Agar.

Her segir fra þi er gud uitradiz Abraham ok um skurdarskirn.

33. Þann tima sem Abram hafði .ix. tugu aara ok .ix. áár. vitradiz gud honum ok sagði sua til hans. Ek em almattigr gud. gack framm i minu augliti. ok uer algðrr madr. man ek mitt saltmál setia milli mia ok þin ok mikilligra fíðlga þitt afkuemi. Abram fell framn allt til iardar. ok taladi sua til hans gud. Ek em gud ok minn skilmaali skal æ medr þer uera. ok þu mant uerda fadir margra þioda. Enn þo breytti gud nðokut nafni hans adr hann skyrdi honum sinn skilmaala. ok sagði sua. Eigi man þitt nafn heden af kallaz Abram. heldr skaltu heita Abraham. þiæt ek skipada þik ok gðrda fodur margra þioda. man ek ok þik mikilliga lata med þiodunum uaxa ok freouaz. manni konungar af þer ok þinu kyni koma. Mitt sáttmál ok skildaga man ek milli min ok þin ok þins kyns eptir þina daga umlidna setia um æfnligar kynkuislir medr eilifu saattmaals<sup>6</sup> sambandi. til þess at ek se þinn gud ok þins afkuemiss eptir þik. Man ek þer ok þinu kyni gefa þitt utlegdar land til æfnligar eignar. sua sem er Chanáans land. man ek ok uera þeirra gud. Ok fyrir þann skyld at gud uildi greina sinn lyd sem uar Jsraels folk sua sem medr nokkuru einkannlighu marki. þa baud hann þeim skurdarskirn talandi sua til

<sup>1</sup>) heim, B, Fragm. <sup>2</sup>) [eptir þeim, B <sup>3</sup>) henni (!), B <sup>4</sup>) Baraak, B <sup>5</sup>) saal. B; han, A <sup>6</sup>) saal. B; sambandi, A

Abrahams. Þú skalt at geyma þessum mínum skildaga. ok allt þitt kyn ok afkugmi i sinum kynkuislum. huern<sup>1</sup> er þer skulut geymiliga uardueita milli min ok yðar ok þins kyns ok afkugmis optir þik. Huert sem eitt sveinbarn með yðr skal taka skurðarskirn. skulu þer umhuerfis<sup>2</sup> snida kiðt af hinum fremsta part aa þeirra leyndarlim. til þess at þat sé sáttmáls mark milli min ok yðar. Atta daga gamalt barn skal meðr skurðarskirn skiraz.<sup>3</sup> huerr sem einn karlkindar i yðru afkugmi ok kynkuislum.<sup>4</sup> sua sa [madr sem hann hefir mansmadr<sup>5</sup> keyptr uerit. isfrael þo at hann so eigi af yðru kyni. skal skiraz skurðarskirn. Man þessi skilmali uera til æfínligs sáttmáls i yðru kiottligu afkugmi. Þess karlmanz sem hans holdr edr skinn aa fremsta part aa fyrr nefndum hans lim hefir eigi uerit um snidit. man fyrirfaraz ok brottu skiliaz fra sinum eignum lyd ok sættmonnum. þiaþ hana hellt ok hafði fyrir hegoma mina skipan ok skilmala. *scolastica hystoria*. Fyrir þa skynsemi at gud skipti þann tíma nafni Abrahams. sem hann baud honum skurðarskirn. gefa Judar börnum sinum nðfn sua senn þeir skira þau þeirri sðmu skirn. Ok enn talaði gud sua til Abrahams. Eigi skaltu upp fra þeima<sup>6</sup> tíma þina husfru Saray nefna. utan helldr skaltu hana Saram kalla. Henni man ek bleza ok hana signa. ok af henni man ek þer sun gefa. huerium er ek man bleza. af honum manna miklar ættir ok kynkuislir koma. ok af honum munu margir þiodkonungar fædaz. Nu sua sem gud snðri meðr forspá ok fyrrsagðri merkingu nafni Abrahams. at þar sem hann het at fyrstu Abram. sua sem haleitr fadir. skyllði hann sidan heita Abraham. þat er sua sem margra þioda fadir. a sðmu leid snðri hann meðr forspá ok fagrligri merkingu nafni hans husfru. takandi i brott hinn sidarsta staf af heppnar nafni. at þar sem hon het aðr<sup>7</sup> Saray. þat er minn höfðingi. huat er sua mikit er at segia. at hon uæri eins herbergiss höfðingi.<sup>8</sup> skyllði hon sidarr meirr Sara sua sem allra höfðingi heita. Abraham fell þa framm yðr sealfs sins aasionu. hlæiandi af þeirri gleði ok fagnaði sem hann hafði fengið. ok segiandi sua upp i scalls þins hiarta. Huat hyggir þu at mér. hundrað uetra gömlum manni mani sun fædaz. ok Sara [mani barnbær<sup>9</sup> uera. þar sem hun er nu niræð. Hann talaði þa til guds. Ek æskir þess at Ysmael halldi sinu lifi fyrir þer. Gud sagði þa til Abrahams. þin husfru Sara man þer sun fæda. ok hans nafn mantu Ysaach kalla. meðr æfiligt<sup>10</sup> sáttmál man ek minn skilmaala honum skipa ok hans

<sup>1</sup>) huert, B <sup>2</sup>) vmbergis, B <sup>3</sup>) hvert sem eitt sveinbarn meðr yðr skal taka skurðarskirn tilf. B <sup>4</sup>) her end. Fragin. II <sup>5</sup>) [mansmadr sem hana hefir, B <sup>6</sup>) degði edr tilf. B <sup>7</sup>) fyrra tíma, B <sup>8</sup>) fra enn eigi ácirri, B <sup>9</sup>) saal. B; man barnbært, A <sup>10</sup>) æfenleght, B

98. afkuemi eptir hans dag. Yfir Ysmaelem man ek ok þina bæn keyra. ok honum bleza. hardla mikilliga man ek auka ok fíðgæz lata hans kyn ok afkuemi. Tolf hertoga eðr hófðingia mun hann ut af ser geta ok mikla þíod man ek af honum [aukaz ok fíðgæz<sup>1</sup> lata. Minu sáttmali ok skildaga man ek til Ysaachs uenda. huern er Sára man þer annat aar þenna tíma fæða. Her finnz þat i odrum stað at nðkurs manz nafn se af sealfum guði fyrir sagt. huat er af .ii. odrum finnz<sup>2</sup> i hinu forna lðgmaali. þat er af hinum sterka Samsoni ok af Josia konungi. J hinu nyia lðgmali finnz þat ok truiz af tueima at eins Jesu Christo ok Johanne baptista. Ysaac þýpiz hlátr af fyrr sðgdum hlátri hans feðr Abrahams. Eptir þat sem gud hafði sitt tal endat þa at sinni. tok Abraham son sinn Ysmaelem ok allt sitt hyski ok heimafolk. ok þar meðr eigi sidr þa menn [er hann hafði keypt til. alla þa menn<sup>3</sup> ellri ok yngri sem karlkindar varu ok honum til heyrðu. ok skirði<sup>4</sup> þegar i stad aa þeim sama degi alla þa ok sealfan sik meðr fyrr sagðri umskurdarskirn. sua sem gud hafði bðit honum. Hafði hann þa .ix. ok niutigi aara. enn Ysmael uar þa .xiii. uetra.

*Speculum hystoriale.* Til þess uar margföld sðk ok skynsemi. fyrir huern skyld er almattigr gud bænd ok skipadi umskurdarskirn.<sup>5</sup> Su uar hin fyrsta. at Abraham skyldi gudi lika fyrir þa sðmu hlydni. er hann ueitti honum i umskurdarskirninni. af huerrar afgðngu er Adam mislikadi gudi. Su er<sup>6</sup> onnur. at guds lydr skyldi af þess háttar marki fraskildir ok audkendr uera fra aullum oðrum þíoðum. Su uar hin þridia. at sa hinn sumi lyðr skyldi þadan af skilla sik uera skyldugan til at snida af ser saurugliga flecka<sup>7</sup> ok fullifnad. er hann uar i þeim líkamsins lim skirðr skurdarskirninni. i huerium er losta-girndin er<sup>8</sup> uðn at rikia. Su uar hin fiorda. at þessi skirn skyldi fyrr nefndum hðfuðfeðr Abraham uera til marks hans mikillar ok haleitrar truar. enn hans sunum ok afkuemi til ágetz eptirdømis. Su hin .vta. at hun skyldi uera sáttmæls mark milli guds ok Abraham.<sup>9</sup> edr hans kyns. sua sem saar Jesu Christi ero sáttmæls mork milli uðár ok hans.<sup>10</sup> Su hin .viia. at hun skyldi þeim uera til marks ok ááminningar hinnar fyrstu syndar. sua sem latron ok þíofr berr íafnan aa sér sitt sektar mark. Su uar hin .viida. at hon skyldi uera lækningar græding ígegn hinum fyrsta glæp fedgina uarra. þiat þat sama ueitti skurdarskirnin<sup>11</sup> breskum monnum til lausnar ok fyrirgefningar þeirrar sðmu syndar sem uatnzskirn kristnum monnum. utan annars heims

<sup>1</sup>) [auka ok verða, B    <sup>2</sup>) til sílf. B    <sup>3</sup>) [sílf. B    <sup>4</sup>) þa sílf. B    <sup>5</sup>) sua sem guð hafði bðit(!) sílf. B    <sup>6</sup>) var, B    <sup>7</sup>) flekkan, B    <sup>8</sup>) mest sílf. B  
<sup>9</sup>) Abrahams, B    <sup>10</sup>) sialfs sílf. B



matti hon þeim ekki uetta miskunn ok giptu. Fyrr enn skurdarskirn vyrði. [leidrettuz<sup>1</sup> ok smasueinar i tru fedgina sinna ok foreldra. enn þeirra fedgin af fornfæringa styrk ok kröptum. enn þat er at skilia fyrir þingar tru Jesu. hueria er þeir skildu ok fyrirspadu i sinum fornfæringum. Enn þær ungar konur<sup>2</sup> sem af Abrahams afspringi komu.<sup>3</sup> leidrettuz ok reinsaduz fyrir [tru ok<sup>4</sup> godgiordir fedgina sinna. enn hinir ellri af sealfra sinna tru ok godum uerkum. Fyrir þann skyld uard ok skurdarskirnin helldr i þeim lim enn i odrum. at Abraham skyldi i þeim sama blydnimark taka uidr sealfan gud. i huerium er hinn fyrsti maðr Adam kendi ok undirstod sinn uhlydnisglæp. ok huldi fyrir þann skyld sinn leyndarlim. Vard ok skurdarskirnin i þeim lim sem lostagirndin rikir ok aufigaz. til marks ok aminningar at oss byriar hana af oss at snida. Su uar ok sök til þess. at i þeim sama lim sem mannkynit aukaz af meðr hinni fyrstu synd. skyldi lækningin byreaz ok fyrir buaz möti þeirri sömu synd. Fyrr sögd skurdarskirn uar uéitt hueriu sem einu sueinbarni a attanda degi fra þi sem þat uar fædt ok meðr steinknið. eptir þi sem lesit er ok segiz i sögu hertoga Jesue. þiat aull umskiptilíg spellan ok skadsemd man i almennilígrí upprisú á hinum attanda heims alldri fyrir sannan stein Jesum Kristum af snidaz aullum uauldum monnum. ok i adra deilld sniðz huers sem eins kristins mannz aund i þessarri uerolldu ok skiriz at sinum syndum fyrir upprisú skyld Jesu Kristi. þess sem rettliga truir upp aa hann. Huanan af er .ii. lutir eru meðr þessarri helgan skurdarskirninni einkanuliga merkiandi. þat er skurdarskirn af ollum sektum ok syndum i þessarri uerolldu. ok skurdarskirn af allri skadsemd ok brigdilígrí spellan i ukominni uerolldu.

99.

Her segir fra þui er sialfr guð vitraðiz Abrahe meðr .ii. englum ok fra kono hans.<sup>5</sup>

34. Drottinn uitradiz Abrahe i dalinum Mambre. aa einn þann dag sem hiti uar mikill uti. sem hann sat i sealfs sins tialldbudar durum. Ok er Abraham litadiz um. þa syndiz honum sem .iii. menn stædi þar driugum i hia honum. huerium er hann möti rennandi ok til iardar frammfallandi dyrkadi þo einn af þeim sua segiandi. Far eigi i brott minn herra fra mer þinum þionostumanni. ef ek hefir nockurn tíma giptu fundit ok fengit i þínu augliti. Vil ek helldr bera ydr til litit

<sup>1</sup>) [saal. B; þeim til leidrettu, A <sup>2</sup>) saal. B; þiodir, A <sup>3</sup>) voru komnar, B

<sup>4</sup>) [saal. B; skurda, A <sup>5</sup>) Fra þui er Abraham tok meðr þrimr englum ok dyrkadi þo einn. Genesis, B

uatn. at þer þuait þar i fætr ydra. ok huilliz her undir trenu. Man ek framm selia fyrir ydr nockut litit braud. Nærit ydr ok styrkit sua ydart lif ok hiðrtu. Verit sidan a ueg. Fyrir þenna skyld uæntir mik at þer uikit<sup>1</sup> higat til ydars þionostumanz. Þeir suðrudu. Gðr eptir þi sem þu segir. Hann skundaði heim i tialldbudina til Saram ok bad hana sem skiotaz [taka .iii. sinnum braud.<sup>2</sup> ok matgora þeim þar af. Enn sealfir hann for þagat sem naut hans uáru. tok þaðan einn hinn bezta kalf miok ungan. ok feck i hendr sueini sinum. ok bad hann sioða þegar i stad. ok hann gðrði sua. Sidan bar Abraham framm fyrir þa smidr ok miolk. ok þar meðr kalfinn þann tima sem hann uar sodinn. Hann stod hia þeim undir trenu. *scolastica hystoria*. Josephus segir .iii. engla meðr mannligum myndum til hans hafa senda uerit. til þess at cinn af þeim skyldi þa enn segia honum fyrir af syni sinum. enn .ii. skyldi<sup>3</sup> nidr briota ok um snua Sodomam. Enn Eusebius segir sua. at guds ord. þat er guds sun huern er Abraham dyrkadi. het honum fyrstum allra spamanna fyrir allra<sup>4</sup> þioda ákall ok leidretting. þann tima sem hann uitradiz honum meðr mannligri mynd ok aaseónu. Enn þeir .ii. englar. sem segiz at meðr honum uitraduz. merkia þa .ii. guds sonar forrennara Móysen ok Holiam. sem annarr kom ok spadi fyrir hiha fyrri hans higatkuamu i heiminn. sem uar Móyses. en annarr mun koma ok fyrir segfa hina sidarri hans higatkuamu til hins efsta doms. sem er Helyas. þat er ok liklikt at Abraham hafi þa i fyrstunni truat ok ætlat menn uera. þar sem hann bio<sup>5</sup> þeim fyrr sagda sina rettu. enn síðan profadi hann uissuliga. at þeir uaru englar guds. Af fædzlu þeirri sem þeir neyttu. segir Commestor. at hon matti uel eydaz ok fyriruerdaz. af þi sem hon uar bitin edr tuggin. sem uatn af elldz hita. Ok sem þeir höfdu etit. taladu þeir til Abrahams. *genesis*.<sup>6</sup> Huar er husfru þin Sara. Se her i tialldbudinni er hon sagdi hann. Ok enn taladi engillinn til hans. Aptr higat man ek huerfa annan tima. ok koma her þenna sama dag<sup>7</sup> annat aar [at mer lifanda.<sup>8</sup> ok man Sara þa séét son eiga. Ok er Sara heyrði þetta. þar sem hon uar at hurdarbaki i tialldbudinni. þa hlo hon. fyrir þa sauð at þau uaru bæði miok gaumul ok<sup>9</sup> hnigin i hinn efra alldr. sem fyrr uar fra sagt. Varu ok þa af Sara meðr aulla gengnar uanasottir þeirra kuenna sem barnbærar eru fyrir elli sakir. hefði annat þeirra ungt uerit eðr aa æskualldri. þa hefði þat uel eptir natturu matuligt uerit. at þau hefði barn getit.<sup>10</sup> þo at annat þeirra hefði gamallt uerit. enn nu uaru þau bæði

<sup>1</sup>) vikul, B   <sup>2</sup>) [faa ser .iii. similiu brauðleifa, B   <sup>3</sup>) skyldu, B   <sup>4</sup>) heidinna, B  
<sup>5</sup>) byggi, B   <sup>6</sup>) tilf. B   <sup>7</sup>) til þin tilf. B   <sup>8</sup>) [myl. B   <sup>9</sup>) miok tilf. B  
<sup>10</sup>) allt at eins tilf. B

miok gömul. eptir þi sem þa gerdiz mannaMdrinn. ok þar medr hafði hun alla götu þar til ubyria uerit. Nu hlo hon fyrir þannu skyld. at hun efadi um fyrirheitit. talandi leyniliga fyrir<sup>1</sup> sealfri sér. Ek man ok a gamals alldri aa sambudir ok munudli<sup>2</sup> stunda. þar sem minn husbondi gðriz ok storliga<sup>3</sup> gamall. Taladi gud þa til Abrahams ok sagdi sua. Fyrir hueria sauk hló hun Sara sua mælandi. Man þat nockat satt uera. at ek gaumul kerling mun<sup>4</sup> barn fœða. Er guði nðckut toruelldligt<sup>5</sup> ok umattulight. Eptir fyrra skilmala man ek til þin<sup>6</sup> á þenna sama tima aptr koma. ok man Sara. þa son eiga. Sara ottadiz þa ok nitadi at hun hefði hlegit. ok sagdi sua. Eigi hló ek. þar sem ek uar hellðr hrædd ok ottafengin. Enn gud suaradi henni. Eigi er sua sagdi hann. hitt er<sup>7</sup> sannsara at þu hlótt. Se her segir Commestor. saa sem hiðrtun<sup>8</sup> sér ma rettliga<sup>9</sup> dœna medr huilikri aastundan huerr hefir hlegit.

Fra þui er guð talaði með Abraham ok hinu auðru er guð let niðr sauckua borgirnar Sodome ok Gom.<sup>10</sup>

35. Ok eptir þat er þeir stodu upp ok foru þadan i brott. leidda þeir augum ok sa til Sodomam. Abraham geck ok medr þeim leidandi þa sua ut af sinu heimili ok herbergi. Taladi gud þa a þessa leid. Man ek nockut þa luti fyrir Abraham leynda lata uera. sem ek man gera ok framín fara. þar sem ek man hann ok hans afkugni lata uera hina mestu ok hina sterkustu þiod. ok þar sem i honum manu allar þiodir signadar ok blezadar uerda. Taladi hann þa enn til Abrahams. Kall þeirra manna. sem byggia borgirnar Sodomam ok Gomorram. siðlgaz mikit ok aukaz. ok hardla mikit<sup>11</sup> þyngiz þeirra synda lifnadr. *scolastica hystoria*. Syndin meðr kallr ok hæreysti er syndaligr lifnadr. sa sem utan kallz ok kgru er opinberliga medr fyst ok frelsi framidr. Ok enn sagdi hann sua. Nidr þagat man ek stiga ok sea. huart er þeir fylla þat sama kall medr uerkunum sem fyrir mik er komit. Sa sem alla luti ueit gaf oss her af sealfs sins ordum eptirdœmi. sem hann segdi sua. Truit eigi fyrri þeim lytum ok illum lutum sem qðrum<sup>12</sup> monnum eru sagdir. fyrr enn þer prouit þa. þadan af er þat er<sup>13</sup> domandinn ma eigi rettliga hegna þann laust sem honum einum saman

<sup>1</sup>) þessum ordum meðr, B <sup>2</sup>) munadarlifi, B <sup>3</sup>) storlegana, B <sup>4</sup>) muni, B <sup>5</sup>) torvellikt, B <sup>6</sup>) tilf. B <sup>7</sup>) hellðr tilf. B <sup>8</sup>) veit ok tilf B <sup>9</sup>) djarf-liga, B <sup>10</sup>) Fra þui er .ii. englar komu til borgarinnar Sodomam ok þui er hon vmæneriz ok sokk, B <sup>11</sup>) mikillegha, B <sup>12</sup>) saal. B; cbreskum, A <sup>13</sup>) at, B

er kunnigr at hann se gerr. *genesis*. Snöru sidan i brott þadam ok til Sodomam. Abraham uerandi minnigr broðursonar sins Loths. þar sem hann uar. geck nærr meirr gudi. ok sem hann stöð fyrir honum sagði hann sua. Mantu herra minn tyna ok fyrirfara rettlátum manni meðr ranglátum. ef .i. rettlátra manna kunou finnaz i borginni. edr skulu þeir fyrirfaraz eigi sidr. ok mantu eigi þyrna þeim stad ok miskunna fyrir skyld þeirra .i. ef þeir finnaz [ok fáaz.<sup>1</sup> Verði þat alldrigi þin görd. at þu drepir rettlatan meðr ranglátum. ok rettuiss fari þaleidis sem umilldr. Eigi er þat þin görd. meðr engu moti dómir þu þess háttar dom. þar sem þu dómir rettligha allt iardrikit. Guð suaradi þa. Fær ek fundit .i. rettlatra manna i borginni Sodoma. þa man ek [fyrirláta þeim<sup>2</sup> stad ok ollum þeim sem hann byggia fyrir þeirra skyld .i. þa ueik Abraham ok uendi sinum bönarstad. teliandi æ ok færandi til þess færi ok færi. at fyrr sögd lausn ok fyrirgefning þægiz fyrir þeirra giætzku ok godlifnad. ok sagði sua. Fyrir þann skyld at ek byreada ok bar mik til at einu sinni. þa man ek tala til mins herra. þo at ek se dupr ok aska. Huat er nu ef þar finnaz .v. minnr enn .i. rettlatra manna. [mantu eyða alla borgina fyrir skyld þeirra .v. ok .xl. Hann svaraði. Eigi man ek hana eyða. ef ek fæ þar fundit .v. ok .xl. Ok enn talaði Abraham til hans. Huersu mant þu gera. ef þar finnaz .xl. rettlaatra manna.<sup>3</sup> Hann suaradi. Ecki slag man ek þar ueita. ef .xl. finnaz. Ek biðr minn herra. at þu latir þer eigi mislika sagði Abraham. þo at ek tali enn lengra.<sup>4</sup> Huat mantu af gðra. ef þar finnaz .xxx. rettlátra manna.<sup>5</sup> Hann svaradi. Eigi man þar mannfali uerda sakir þeirra .xxx. Fyrir þann skyld segir Abraham at ek byreada her um mitt mál. þa man ek enn tala til mins herra. Huersu mantu gera. ef þar finnaz .xx. menn rettlatir. Ecki man ek at gðra sagði gud. ef ek sinnr þar þa .xx. Mikilliga biðr ek at þu reidiz eigi minn herra sagði Abraham. þo at ek tali enn einu sinni. Huersu mantu gora. ef þar finnaz .x. rettlatir menn. Hann svaradi. Eigi man ek stadinn eyða fyrir .x. manna skyld. ef þeir finnaz. Eptir þat sem gud letti af at tala meðr Abraham. þa huarf hann fra honum at syn. enn Abraham for apr til sins heimolligs stadar.

102 Enn sua sem aa leid daginn ok miok sidla uar uordit komu þessir .ii. englar til Sodomam.<sup>6</sup> sem meðr gudi höfdu komit til Abrahams. ella adrir .ii. eptir nöckurra manna sögn. þann tima sem Loth sat við borgarinnar port. biðandi þar godra gesta ef at bæri. Ok

<sup>1</sup>) [þar, B <sup>2</sup>) [saal. B; eigi fyrirláta þann, A <sup>3</sup>) [silf. B <sup>4</sup>) lengr, B <sup>5</sup>) [Hann svaradi. Ecki slag man ek þar ueita. ef þar finnaz .xxx. rettlatra manna, silf. her A <sup>6</sup>) saal. B; Sodomam man, B

þegar sem hann sa þa. reis hann upp ok rann<sup>1</sup> i móti þeim ok laut<sup>2</sup> þeim allr til iardar ok sagði sua. Ek biðr yðr herrar minir. Vikit til huss ok herbergiss yckars smásueins. ok dueliz þar i natt. þuait fetr ykra. enn uerit aa uæg i morgin. ok farit þa leidar yckarrar. þeir mæltu i mot ok sögðu sik [mundu aa strætinu<sup>3</sup> vidr hafaz. þar til er hann skylltadi þa til mikilligha at þeir uiki til<sup>4</sup> herbergiss. Ok þegar sem þeir komu þar. gördi hann þeim ueitzlu. gefandi þeim hit bezta nybakat flurbraud. ok toku þeir at snæda. En þegar [sem þat uar<sup>5</sup> kom þar allt þat folk sem i borginni bygði. ellri madr ok yngri. ok slogu allir iafnsaman<sup>6</sup> ring um hans hus ok herbergi. kalladu þeir þa Loth. ok sögdu sua til hans. Huar eru menn<sup>6</sup> þeir sem i kuelld komu heim<sup>7</sup> til þin. Leid þa ut. at uær kennim þa ok göðim<sup>8</sup> uárn ulia medr þeim. Loth geck ut byrgiandi ok aptr strengiandi hurdina at baki ser. ok sagði sua. Ek biðr yðr bróðr minir. at þer uariz ok uidr seait. at þer gorit eigi þetta hit illa uerk. Ek aa þær dætr .ii. sem óngan tíma kendu nöckurs karlmahnz. þær man ek ut leida. ef þer uilit. misgorit helldr ok leikit medr þeim huat er yðr likar. enn ein-kannliga umframm allt annat biðr ek yðr. at þer göðit þessum monnum engan lut til meins. sem inn gengu i mitt skiol ok husaskygni. *sco-lastica hystoria*. þat uar fordum ok er enn i dag dyggra ok dugandi maana sidr ok maner at ueria sina gesti ok hlifa þeim af allri mein-görð ok annarra agangi. enn þo uar þat sumt eigi sidr af hugar ru-plan<sup>9</sup> enn af fullkomnu radi sem Loth taladi. eptir þi sem Commestor segir. þat er fulluliga heillt ráð. at madr geri þat sem lettara ok líkn-samligt er. til þess at hann göðri eigi ne fremi þat sem þungara er. Enn medr aungu móti áá nöckurr madr at göðra til þess daudliga synd. þo at hon se lettari. at annarr göðri þa siðr<sup>10</sup> daudliga synd þa sem þungari er. þeir suðrudu honum. Far hédan brott. þu ert her kominn sem einn<sup>11</sup> utlendr madr. edr nöckut til þess at þu sér uarr domandi. Skulu ngr meiri þrönguung ok afelli þer ueita enn hinum. Göðru þeir þa skaffiga þrönguung ok ofuslld uidr Loth. sua at la uidr sealft at þeir<sup>12</sup> mundi husit ok dyrrin upp briota. þar til er ein hönd kom ut til hans. ok englarnir leiddu Loth inn til sin. Byrgdu siðan<sup>13</sup> aptr dyrra. enn letu alla þa sem uti uaru blinda uerda. minzta mann ok mesta. upp aa þann hátt at þeir fengu ecki dyrrin fundit. enn eigi uardu þeir medr ollu steinblindir. sua at þeir sæi ecki uætta. helldr medr þeim hætti at þeir mattu ecki þat sea. sem þeim uar til upurstar

<sup>1</sup>) framman tilf. B   <sup>2</sup>) luttu, B   <sup>3</sup>) [a strætum vilja, B   <sup>4</sup>) hans tilf. B   <sup>5</sup>) [i stað, B  
<sup>6</sup>) karlmenn, B   <sup>7</sup>) hegat, B   <sup>8</sup>) gíerum, B   <sup>9</sup>) ruglan, B   <sup>10</sup>) saal. B;  
helldr, A   <sup>11</sup>) saal. B; hinu, A   <sup>12</sup>) saal. B; hon, A   <sup>13</sup>) tilf. B

103.

ok falkominnar ugíptu. huerium blindleik er þeir uaru slegnir. sem leitadu at Heliseo spámanni. saa sem hann uar rett i hia þeim. ok enn þi uíðríkt sem uars herra lærisueinar kendu hann eigi. þann tíma sem þeir gengu meðr sealfum honum til kastalans Binaus. ok meðr þílikum hætti ma þat lettliga uerða. at uer leitim þess sem uer hölldum aa.

*Genesis.* Englarnir talaðu þa til Loths. Alla þa menn sem þer heyra til. huart sem þat eru helldr mágar þínir synir eðr dætr. skalltu af þessarri borg utleida. þiat allan þenna stad munu uid eyda. fyrir þa sauk at syndakall Sodomorum ferr æ uaxanda fyrir guði. huerr er ockr sendi hígat til þess at mit tynim þeim. Loth geck ut til mágs-efna sinna. þeirra sem ællat uar at hans dætr skylldu eiga ganga. ok taladi til þeirra. Risit upp skiott ok farit ut af stadinum. þiat alla þessa borg man gud eyda ok nidr briota. Enn þeir hugdu. at hann taladi meðr leik ok skalkeið. ok sðgðu at hann uar optarr uanr at hafa slika<sup>1</sup> ordrædu. At morgins áari skylldadu englarnir Loth ut at ganga. ok sðgðu til hans. Ris upp þu ok tak husfru þína ok dætr þínar .ii. at eigi fyrirfariz þu meðr glæpamonnum borgarinnar. Ok sem hann uar nðckut sua dylinn [um ok dulsamr.<sup>2</sup> þa gripu þeir hans hönd ok hans husfru ok eigi sidr hans dotra. fyrir þa sauk at gud uilldi þeim þyrma ok miskunna fyrir skyld hans fððurbrodur Abrahams. Leiddu þeir hann þa ut af borginni. namu þar stadar ok taladu sua til hans. Hialpa nu lífi þínu ok saal. ok geym at þu seair eigi apr. ok nem eigi stað nðckur námunda þessarri byggð. haf þik helldr í flallinu heilan ok hialpaðan at þu fariz<sup>3</sup> eigi. Enn fyrir þa sauk at hann trudi eigi sua fulluliga sem hann skyldi af þeirri ruglan ok rædzlu sem hann hafdi fengit. þa segir<sup>4</sup> hann sua. Eigi man ek i flallinu hialpaz mega. at eigi fanghi mik þar eðr hendi nðckut illt. sua at þar af deyi ek. Lettliga at hann ræddiz ok kuiddi uidr frostinu ok leidarlengd. þar sem hann gðrðiz miok gamall. Her er ein litil borg nærri sagdi hann. til huerrar er ek ma vel uikia<sup>5</sup> ok hialpaz i henni. J þessu man ek eigi sidr heyra ok þiggia þínar bønir sagdi gud. at ek snui þessi borg eigi um ne nidr sauckui. fyrir huerri er þu hefir nu beðit. Fyrir þa grein at Loth sagði at þessi borg uæri litil. uar hon sidan kollud Segor. þat er litil. Var þa solar uppraas er Loth geck inn i Segor. *scolastica hystoria.* Hlifdi gud henni ok þyrmdi sua lengi sem Loth uar þar. Enn fyrir þa sauk at Loth ottadiz hennar uana landzskialfta. eptir þi sem Jeronimus segir. þa for hann'upp i

<sup>1</sup>) þess haattar tal ok, B   <sup>2</sup>) (ok dulsamr, B   <sup>3</sup>) fyrirfariz, B   <sup>4</sup>) svarði, B  
<sup>5</sup>) ok flyia tilf. B

fallit ok uar þar. Segia ebreskir menn. at hon hafi síðan sockit i hinum þridia landskjalpta. eptir er hinar flórar höfðu nidr sockit.

*Genesis.*<sup>1</sup> Nu sem Loth uar ut genginn. let gud regna bæði elldi ok brennusteini [af himni niðr<sup>2</sup> yfir Sodomam ok Gomerram. let hann þessar borgir um snuaz ok sðckua. ok allt þat herad ok bygðarlag sem þar [lá umhuersis.<sup>3</sup> ok alla þa menn sem þær borgir bygðu. ok þar meðr allan iardarinnar blomstr ok auðxt. *scolastica historia*. Let hann fyrir þa sauk þessa luti nidr yfir iðrdinn regna. at hon skyldi þar æfnliga þurr ok áuaxtarlaus uera utan allrar freouanar væn upp i fra þeim tíma. Pindi hann þessa fyrir þa sauk ok hegndi þungligarr ok hardtigarr enn hina fyrri glæpamenn. þa sem i flóðinu uarn. at þeir misgerðu sua sem natturliga.<sup>4</sup> þo at þeir gengi langt umframm hof ok stilling i sinum syndauerkum. enn þessir syndgadz ok misgerðu i moti natturunni. ok fyrir þi dreckti gud ok saukkti þeim aullum eigi sidr ungum börnum ok smápilltum fyrir syndafars sakir sinna feðgina. veitandi þeim sua forseo. at þeir<sup>5</sup> gerdi eigi ne framm læri eptir ferligum feðgina dómum. ef þau höfði lengi lifat. Enn sua sem husfru Loths leit aptr. þa dó hun ok uard þilik at sea sem einn sallsteinn. huern er Josephus segir uerit hafa til sinna daga ok sík hafa sééd. ok uar hann þo eptir uars herra higatburd. Sneruz allar þær borgir ok bygðarlag i salltflod usfreott. huat er nu kallaz danda haf. fyrir þann skyld at þar byriaz eoki þat kuikendi ne fædiz at lif sitt hafi. þat er ok ecki þi nðckuru uidræklígt sem lifandiss er. þær mega huarki lifa fiskar ne siofuglar sua sem i audrum haufum. Eigi fær þar ok skip uerit. sua at lifandi menn se þar i. sua at eigi flotni þar allt upp ok umturni. utan nðckuru helldz brætt ok bikat. Hefir einshueria kuiku þar i nockurum stad uerit i kastad edr drekt. meðr huerri list klokskap edr ofressi þat hefir gert uerit. þa flotnar þat upp þegar i stad. Loganda lios flytr þar. enn þegar iafnskiott sem þat er slðkkt. þa sðckr þat sem liosit hafði logat áá. I mðrgum stóðum rydr þat ok eyss upp or ser storum flotum<sup>6</sup> edr<sup>7</sup> tíðrutíðnum. huadan af er þat kallaz tíðrn edr flot alþatí. Eigi ræriz þat af uindum. sua nerr tíaran su sem á uatninu flytr ok bikit stormum ok uindum. Ysi-doras segir ok. at epli þa þeim tream<sup>8</sup> sem þar standa i namunda synaz hallda allri sinni fegrd ok frygd. ok áá saumu leid seolf trein. sua at þann tíma sem þau ero fulluaxin ok algor. synaz þau sua fðgr. [at huerr<sup>9</sup> sem þau ser þa. lystir til at eta þau. Enn þegar sem nær

104.

<sup>1</sup>) tilf. B    <sup>2</sup>) (tilf. B    <sup>3</sup>) [var umvergis, B    <sup>4</sup>) natturulega, B    <sup>5</sup>) þau, B  
<sup>6</sup>) flötum (?), B    <sup>7</sup>) ok, B    <sup>8</sup>) triom, B    <sup>9</sup>) [ok frygðarsamlegh at þann mann, B

þeim er komit ok aa þeim tók. þa blæss þar ok eys reykt út af suu sem enn brenni þau. ok fyrirverðaz þegar leid<sup>1</sup> sem þanur aska. þadan af segir Josephus. at upp á skroksdögur skal þaleidiss trua<sup>2</sup> sem aa iardarinnar dygd þar sem Sodoma hefir stadið. Josephus segir. at Uespasianus let á ndokurum monnum binda hendrnar á bak aptr. ok kasta þeim sidan haatt<sup>3</sup> upp. til þess at þeir skyldi þi<sup>4</sup> lengra i fyrr sagt flod edr haf nidr sauðkua. ok skaut þeim öllum þegar upp. suu sem þeir uæri meðr ofressi upp keyrdir. suu at þeir flutu ofan á. þiat suu sem þat hefir ecki lifanda kyns i sór. suu er þat ok meðr öngu moti uidrtækiligt nöckuru þi sem lifandis er. *genesis*. Enn er Abraham reis upp um morgininn. ok hann kom þar sem hann hafði uidr gud talat hina fyrra daginn. þa saa hann til Sodomam ok Gomorram ok allt þat landzlegh sem þar uar i nánunda. ok gat at lita suidufaulska flugandi upp af iðrdinni. þi líkæz sem ofas reykr uæri.

Fra þui er Loth gat þa Moab ok Ammon við dætrum sinum.

36. Loth geck út.<sup>5</sup> af borginni Segor ok upp til flalzins. sem fyrr uar sagt. ok dótr hans .ii. meðr honum. ok bygdi þar i einum hellisskuta. þiat hann ottadiz at uera þar i borginni. fyrir þa sauð sem fyrr uar sagt. Dætr hans höfdu heyrt at heimslitin skyldi af elldz bruna uerða. ok fyrir þa grein grunadi þær. at<sup>6</sup> upp aa þann hátt mundi þær lifandis eptir hafa uordit i ueröldinni meðr fedr sinum at auka<sup>7</sup> mannkynit. sem aa Noa dögum uard. Taladi hin ellri þa til systur ginnar hinnar yngri. Fadir ockarr er nu gamall. enn engin annarr lifandi karlmadr er eptir uordinn aa iardriki. suu at til ockar megi ganga ok meðr ockr uera eptir aullum ueralldarinnar uana. Heilar suu. förum til ok gefum honum þar til uin at drecka. at hann se aulodr. til þess at uid megin meðr þess haltar atferd finna<sup>8</sup> ok faa freo ok afspring af fedr ockrum. Villdu þær ok<sup>9</sup> hans hrygd ok mædu meðr uindryckinum mykia. Fór sidan þat sama framm. at þær gördu hann suu uin-druckinn ok aulodan.<sup>10</sup> at hann uarð eigi uarr uid. at þær gengu til hans sina nátt huar þeirra. ok suafu hia honum. hin ellri hina fyrri nattina. enn hin yngri hina sidarri. ok gatu [þa leidar<sup>12</sup> badar sinn son huar þeirra meðr sinum fedr. Het hinnar ellri son Moab. fadir ok forellrismadr þeirra þioda sem Moabite heita iafnan sidan af hans nafni. Enn hin yngri kalladi sinn son Ammon. uar hann forfadir Am-

<sup>1</sup>) suu tilf. B <sup>2</sup>) trua, B <sup>3</sup>) i lopt tilf. B <sup>4</sup>) þa, B <sup>5</sup>) saal. B; upp, A <sup>6</sup>) nekkut tilf. B <sup>7</sup>) ok endrbeta tilf. B <sup>8</sup>) kenna, B <sup>9</sup>) tilf. B <sup>10</sup>) .ii. ngr tilf. B <sup>12</sup>) þa leidi(!), B



monitarum. ok eru þeir af honum ok hans nafni sua kallaðir allt til þessa dags. *scholastica hystoria*. Her af talar sua Comnestor ok segir sua. at ebrískir menn hafi þetta þó sagt um þat framm sem truanligt er. þiat þat er eigi eptir natturu segir hann. at nðckurr megi uuitandi meðr konu uera. ma þat uel truaz. at hann hafi huariga þeirra uítat uera sina dottur. ok ættat at husfru hans hafi<sup>1</sup> uerit. þiat hann uar gíatr ok auloðr. Heilagr Jeronimus segir dætr Loths þar fyrir mega afsakaz. at þær trudu allt mannkynit fyrirfariz hafa. ok fyrir þann skyld afsakaði atkænissins mildleiki þann umildleik ok synd sem þær frömdu meðr frændsemisspellum. enn þetta afsakar æigi feðr þeirra. þiat tortrygd hans ok otruleiki uar sauk til þess frændsemisspelliz sem hann framdi. Huar af er Strabus talar sua. Loth er eigi afsakandi segir hann. fyrir þat er hann trudi eigi englinum. þar sem hann sagði honum at hann mætti hialpaz i borginni Segor. [síðan<sup>2</sup> fyrir þat er hann górdi sik gíntan ok aulodan. ok uard sua syndin sauk ok efni til annarrar syndarinnar.

Her segir fra þui er sialfr guð vitradiz i suefni Abimelech konungi ok ansakaði hann.<sup>3</sup>

37. Abraham færði sina bygd i brótt or dalnum Mambre til þeirrar landzins halfu [sem Palestina heitir ok<sup>4</sup> meirr la til sudra. ok setti sina bygd milli Sur ok Chades. ok fór þa sem einn utlendzkr madr ok ukunnigr þagat sem Gerara heitir. ok sagði sua enn sem fyrr<sup>5</sup> at Sara uæri hans systir. Enn þa konungr sem þar ríkti ok Abimelech het. [lok hana<sup>6</sup> heim til sins herbergiss. af hueriu er hennar einkannlig fegrd má uel markaz.<sup>7</sup> þar sem menn rendu girndaraugum ok ástarbug til hennar þann tíma er hon uar nirað.<sup>8</sup> Konungrinn feck krankleika meðr guds uilia ok forseo. vitradiz hann honum aa einni mátt i suefni ok sagði sua til hans. Séó ek segi þer uissuliga. at þu mant skiott deya fyrir skyld konu þeirrar sem þu tokt heim hígat til þin. þiat hun aa sér bonda. Abimelech hafði meðr óngu moti saurgaz af henni. ok sagði sua. Mantu minn herra drepa þa rettlata þioð. sem hun ueit eigi huat er hon górir. Sagði eigi sealfir hann mer. at hon uæri hans systir. ok hon at hann uæri hennar brodir. þetta górdi ek meðr reinum hqndum<sup>9</sup> ok einfauddu hiarta. Ek ueit þat sagði guð. at þu hefir

106.

<sup>1</sup>) hia honum tilf. B <sup>2</sup>) [saal. B; [Loth er eigi afsakandi segir hann, A

<sup>3</sup>) Fra þi er Abraham kom til Abimelechs konungs Palestine i Geraram. Genesis, B <sup>4</sup>) [Palestine sem, B <sup>5</sup>) meirr fyrir reflu sakir tilf. B <sup>6</sup>) [let hana taka, B <sup>7</sup>) merkiaz, B <sup>8</sup>) saal. B; tírað, A <sup>9</sup>) saal. B; hiarta, A

Þetta meðr reinu hárta górt. ok fyrir þá grein geymda ek þín. at þú misgerdir eigi uidr mik. ok gaf ek þér ekki ualld aa hennar uilia. Gef hana aptr bonda sinum. þíat hann er framsýun ok forspáarr. ok man hann bidia fyrir þér. mantu þá hallda lífi þínu. Enn ef þú uill þat eigi. þá mantu skíotlīga deyia. ok allir þeir sem þér til heyra. Su lagdiz ok ónnur radning ok hegning upp aa konungsins hus Abimelechs fyrir skyllid Sarre. at engin kona matti fæda sinn burd. ok som læknar aur-uilnaduz. um sinn læknisdom ok atgerdir. beyrði konungr<sup>1</sup> i suefni þessa luti sem nu var fra sagt. Reis hann upp þegar i stad á nattartima. sem hann uaknadi. ok sagdi sinum monnum allt þeirra tal. hvar af er alkir ottaduz mikilliga. Let Abimelech þá kalla ser Abraham. ok sagdi sua til hans. Huat gerdir þú oss edr. huat mikit höfum uær [þess misgert uid þik.<sup>2</sup> at þú leiddir sua liota ok leida synd um<sup>3</sup> mik ok mitt riki. þá luti gerdir þú oss sem þú skylldir eigi gert hafa. Abraham suaradi. þann tima sem ek for higat til landz. hugsaði ek meðr sealfum mer sua segiandi. Lettligha at menn elski<sup>4</sup> ecki gud i stad þessum. ok munu þeir drepa mik þá fyrir minnar husfru skyllid. J adra deilld at tala þá er hon ok senniliga min systir. þíat hon er dottir fedr mins. enn eigi módur minnar dottir. ok festa ek hana mer til konu.<sup>5</sup> Ek talada ok til hennar eptir þat sem gud leiddi mik af mins föður husi. þat tillæti uæntir mik. at þú ueitir mer i huern stað sem uid kunnum koma. at þú segir mik uera þinn brodur. [*scolastica hystoria*.<sup>6</sup> þar sem Abraham sagði. Hon er dottir fedr mins. er sua i sundr greinanda. Hon uar<sup>7</sup> dottir fedr sins at skilia. enn fyrir þi minn. at hana er<sup>8</sup> minn broðir. Ella suaradi. Hon er dottir fedr mins. þíat hon er hans sunar dottir. þíat aa þann hatt sem þeir kalladu sua skyllida karlmenn sina bræðr. aa sömu leið kalladu þeir sua skyllidar konur systir sínar. Ella kalladi hana Aram broður sinn fedr sinn. fyrir þann skyllid at hana uar<sup>9</sup> ellri. sua sem málshættu manna er til<sup>10</sup> lafsan. at uær köllum þá fedr sem oss eru ellri. enn hina sumu sem yngri eru enn uær. Nockurir menn segia. at Thare hafi fengit annarrar konu. sidan er modir Abrahams uar aull. ok átt Saram meðr þeirri. ok hétu hon sua<sup>11</sup> kídttlig dottir Thare. *genesis*. Abimelech gaf þá. Abrahe yxn ok saudi. þræla ok þionostumenn.<sup>12</sup> gefandi þar meðr Saram aptr i sealfs hans ualld. ok sagdi sua. Allt mitt land er yckr til reidu. at byggia hvar þér best likar. Sidan taladi hana til Saram. þushundrad silfrpeninga. gaf ek bræðr þínum fyrir þína skyllid Sara. þat man þér

<sup>1</sup>) hann af gudi, B <sup>2</sup>) [þer misgort til þess, B <sup>3</sup>) yfir, B <sup>4</sup>) ottiz, B

<sup>5</sup>) husfru, B <sup>6</sup>) [tilf. B <sup>7</sup>) er, B <sup>8</sup>) var, B <sup>9</sup>) hinn tilf. B <sup>10</sup>) mgl. B

<sup>11</sup>) her tilf. B <sup>12</sup>) þionostukonur, B

ok þínum augum uera til minniligrar skuplu ok skammtfyllingar uid alla þu menn sem hia þer eru. huar sem þu ferr eðr framm kemr. at þu uart fangin ok at hegoma fundin. Ella uar þat einn klokskapr<sup>1</sup> fagrliga fundinn. er hann sagði sua. þat man þer ok þínum augum uera minnilig hulning eðr skupla. sua sem nöckur líkferdur áminning eðr fyrirbunadr. *scolastica historia*. Sem hann segði sua. Gömul kerling ertu nu uordin ok komin at dauda framm. ok uilldir þu liuga ok sulkiast um. haf þetta fyrir sakir þess líkferðar expens. þiat hon uerdr iafnan meðr miklum kostnadi einkannligha meðr ebreskum monnum. ella haf þat þer fyrir skaut ok höfudduk. at þu hylir þar meðr þína áseonu. sua at þu ser eigi meðr girndaraugum á gamals alldri séén eðr elskað. Enn þegar sem Abraham bað fyrir Abimelech. þa gaf gud honum heilsu sina. ok hans busfru ok þionostukonur þeirra fæddu þær<sup>2</sup> badar huar sitt barn. huat er þær mattu eigi fyrr enn Abraham bað fyrir þeim. sem nu uar sagt.

Her segir fra burð Ysaacs. ok þi er Agar uar a brott rekin meðr syni sinum Ysmael. ok huersu gud uitradiz henni.

Genesis.

38. Gud drottinn uitadi<sup>3</sup> til Saram. eptir þi sem hann hafði heitið. Gat hon son at eiga ok fæddi hann i ellidomi sinum. aa þeim sama tíma sem gud hafði henni fyrir sagt. Skirdi Abraham son sinn aa hinum attanda degi umskurðar<sup>4</sup> skirn. fra þi sem hann uar fæddr. ok gaf honum nafn ok kallaði hann Ysaach. þat þyðiz blaatr. fyrir þann skyld. at gud gerði eigi at eins hans feðginum hlátr. utan ok helldr fagrligan fagnad framarrí enn nockurr kunni at segja<sup>5</sup> þann tíma sem hann uar fæddr. Hafði Abraham þa .c. uetra tírætt. þadan af er þat at Judar skira börn sin iafnan aa hinum attanda degi sem Ysaach uar skirðr. Enn Arabes skira sin börn æigi fyrr ena þau eru .xiii. uetra. fyrir þa sank at Ysmael þeirra forfaðir uar sua gamall skirðr. sem fyrr uar sagt. Smasueinninn Ysaach uox upp. ok er hann uar þreutr. af uandiz hann modur miolk. Ok a þeim sama degi sem þat byriadi. hafði faðir hans inni ueitzla mikla. geck hann þa fyrstan<sup>6</sup> tíma framm fyrir sins födur bord. Ok sem þeir leku ser<sup>7</sup> bræðrnir Ysmael sun Agar ok Ysaach. ok hinn ellri lek illa uid hinn yngra. þa hugsadi Sara ok skildi eptirkomanda ufrid af leikinum þeim. sem hun sa at hiñ ellri mundi hinum yngra bioða. ok drottna uilia þann tíma sem faðir þeirra

<sup>1</sup>) klokligr skalkeldr, B <sup>2</sup>) þa tilf. B <sup>3</sup>) þa tilf. B <sup>4</sup>) skurðar, B <sup>5</sup>) eðr hugsa tilf. B <sup>6</sup>) fyrsta, B <sup>7</sup>) baaðer samt tilf. B

ugri<sup>1</sup> allr. ella kugadi Ysmael hann til at dyrka líkneski þau sem hann hafði sér af leiri gort. eptir ebreskra manna sögn. Ok sem meðr hans mislíkaði þetta. þá taladi hun til Abrahams. Rek i brott ambattina ok hennar sun. þíat eigi man ambáttar sun sáa erfingi þinn uerda meðr syni minum Ysáách. Abraham tok þessu hennar tali helldr þungtíga fyrir sunar sins skyllð Ysmaels. ok gaf ser ecki um þar til er gud taladi sua til hans. Heyr þu ok haf tillögur<sup>2</sup> Sare um alla luti þa sem hon taladi fyrir þer. ok lát þer þat ecki þungt falla. huarki til sueinsins ne ambattarinnar. fyrir þann skyllð at þitt afkugmi ok freo man einkannliga kallaz meðr Ysaach. en ambattarinnar sun ok hans afsprung<sup>3</sup> man ek lata uerda mikla þíod. þíat hann er ok þinn afsprungr.

Þegar um morgininn sem Abraham uar klæddr. tok hann braud ok [uatnlegil einn<sup>4</sup> ok let aa herdar Agár. feck henni i hendr sueininn ok bad hana brott fara. Ok er hun hafði gengit um stund. þá uilltiz hun i eydimörkinni. þeirri sem Bersabee heitir. ok sem uatnit uar allt af leglinum. enn sueininn þyrsti. sua<sup>5</sup> at hann uar driugum at dauda kominn. þá lagði hon hann nídr undir tre þat<sup>6</sup> sem þar uar. gock sidan sua langt brott fra þi sem aurskotz lengd er. ok settiz þar nídr. at hon sæi eigi upp aa sins sunar dauda. ok taladi sua fyrir sealfri ser. Eigi skal ek sea upp a þat er<sup>7</sup> son minn deyr. Grét hun þa meðr hári röddu. þar sem hon sat i gegn þi sem sueininn lá. Guds engill kalladi þa til Agar sua segiandi. Huat gorir þu Agár. híd eigi þu<sup>8</sup> at ottaz. þíat gud heyrði sueinsins rödd. ok enn helldr þína raudð fyrir sueinsins skyllð. Ris upp þu ok tak sueininn. þíat hann man ek fyrir<sup>9</sup> mikilli þíod uerda láta. Let gud hennar augu þa upp lukaz. sua at hun sá einn þann brunn sem nær henni uar. For hon þagat til ok fylldi legilinn. gaf sidan sueininum at drecka. Eptir þat foru þau þadan i brott. Vox sueinn þessi upp ok hafðiz uid i eydimörkinni Pharan. ok uard hina mesti bogmadr ok hinn beztí skyti. Sysladi modir hans honum hufu af Egiptalandi. meðr huerri er hann atti .xii. syni. forfedr ok höfðingia sinna afkuemissmanna ok sætta. Het hinn fyrsti Nabaoth.<sup>10</sup> af huerium er Nabathea hefr nafn fengit. þat land sem sua heitir. Annarr Cedar. af huers nafni er þat bygðarlag<sup>11</sup> tok nafn er Cedar heitir.

<sup>1</sup>) er, B <sup>2</sup>) tillögu, B <sup>3</sup>) afsprungi, B <sup>4</sup>) [einn legel meðr vatn, B <sup>5</sup>) miqk tilf. B <sup>6</sup>) þi, B <sup>7</sup>) at, B <sup>8</sup>) mgl. B <sup>9</sup>) at, B <sup>10</sup>) Nabaoth, B <sup>11</sup>) eðr eydimörk tilf. B

### Her segir fra sættargord ok sambandi Abraham ok Abimelechs.

39. Nær þeim tíma sem nú var frá sagt kom Abimelech konungur. ok<sup>1</sup> Phicol sa sem var formaður fyrir hans utgördum ok herferdum. til Abraham<sup>2</sup> ok taladi til hans. Af þi at<sup>3</sup> gud er meðr þer i aullum þínum gördum ok frammferdum. þa bidr ek. at þu suerir mer þat uid gud drottin þinn. at þu skaltt eigi mer ne minu kyni<sup>4</sup> mein göðra ok eigi minum eptirkomandum. helldr skalttu gera meðr mik ok land þetta. sem þu utlendzkr hefir nú dualiz áá um nöckura stund. á þann háátt miskunnsamliga sem ek görða uidr þik. Ek skal sueria uissuliga sagði Abraham. Enn þo asakaði hann Abimelech fyrir brunn þann sem Abraham hafði grafit ok gert. fyrr enn Agár var á brott rekin. huern er gud syndi henni sidan sem sagt var. enn konungsins sueinar höfðu hann meðr ualldi tekit ok ueitt frammi i eydimörkina. at uatna þar meðr þeim fenadi sem þar sæðiz<sup>5</sup> langt i brott frá hans bygð. Leiddi Abraham konung<sup>6</sup> þa þar til. Abimelech suaradi þa. Eigi ueit ek huerr þetta hefir gert. enn hitt ueit ek. at þu sagdir mer þetta eigi fyrri ok önguan heyrda ok segia utan þik nú i dag. Eptir þat gaf Abimelech Abraham yxn ok sauði. stadfestu sidan saattmaals samband ok felagskap sin i milli. Enn i minning þess sem Abraham hafði brunninn grafit ok<sup>7</sup> Abimelech ueitti hann honum sidan apr. er hann hafði latit hann. [gaf hann<sup>8</sup> konunginum .vii. gymbrarlömb. Var sa brunnr þa kallaðr Bersabée. sua sem suardaga brunnr. fyrir þa sauk at baðir þeir festu meðr suardögum þar sitt sáttmaal ok samtál. Er þat herad sem þar liggir umhuersis Bersabée kallat sidan af þeim sama brunni. For Abimelech ok Phicol þa heim i land Palestinorum. Enn Abraham plantadi sidan margan stóran uid langan tíma uidr brunninn Bersabée. enn ecki stadfesti hann þar þo lengi sina bygð allt at eins. eptir þi sem hinn heilagi Stephanus segir in actibus apostolorum. at hann eignadiz eigi þann tíma þar sua mikla erfð edr odal. at til eins fótmaals næri. Het hann þa enn af nyiu ok kallaði upp a guds nafn ok nadir.

Her segir frá huersu guð freistaði Abrahams ok huersu hann [var staðfastr til guðs.<sup>9</sup>

40. Nockuru sidarr freistadi gud Abrahams. þann tíma sem Ysaach hafði .ii. áar ok .xx. eptir sögn Josephi. meðr þeim hætti sem her

<sup>1</sup>) af, B <sup>2</sup>) Abrahams, B <sup>3</sup>) ek ær at tilf. B <sup>4</sup>) afkími, B <sup>5</sup>) fæddiz, B <sup>6</sup>) mgl. B <sup>7</sup>) þess er tilf. B <sup>8</sup>) [mgl. B <sup>9</sup>) [forafgrði veðrinn i stað Ysaachs, B

113. fylgir. at hann titradiz honum sua segiandi. Abraham. Abraham. Hann suaradi. Ek er til reidu. Tak þu sun þinn Ysaach. þann sem þu elskar sagði gud. ok far til sionar landz. ok offra. mer hann þar<sup>1</sup> á einu þi fialli sem ek man þer syna. *scolastica hystoria*. Synar land kalladi hann fialbygdur aa Gydingha landi. af huerium er langt matti sia til annarra bygda ok af öðrum til þeirra. Enn uppi á fiðllunum uar eitt litit fiall þat sem hæst uar. þat sem het Moria fiall. huert er gud syndi Abrahe. at hann offradi honum þar<sup>2</sup> sun sinn Ysaach. J þeim segiz af ebreskum monnum at sidan uæri eitt musteri smidat. ok alltarit uæri sett i þeim sama stad sem Abraham gordi sitt alltari. *speculum hystoriale*. Freistadi gud truar Abrahams ok hlydni i þessum sialfs hans elskuligum ok eingetnum syni. eigi fyrir þann skyllt at hann uissi eigi aðr. utan helldr til hins at hann gordi þessa hans krapla kunniga oss til eptirdömiss. þar sem hann uilldi meðr efanarlausum<sup>3</sup> hug ok hiarta sēfa sinn sun fyrir guds bodskap ok sealfs hans samuitzku. Huar fyrir er hann er bædi lofandi af þeirri sinni stadfesti.<sup>4</sup> sem hann uilldi fyrir guds sakir sinn son offra. ok af þeirri tru sem hann trudi at hann mundi sidan lifgaz ok uppreisaz. af huerium er hann heyrði ok seck þat fyrirheit. at af honum mundi hans kyn aukaz ok uppuekiaz. J þeim ordum sem gud taladi til hans. tak þu sun þinn Ysaach þann sem þu elskar. má ual hugsa huersu hættliga feðrins<sup>5</sup> astud ok elskhugi mundi kueykiaz ok uppuekiaz til sins sunar af sua morgum sētum nafnagiptum. til þess at hans hönd yrði lettliga þi seinna til at sēfa sealfs sins sun. sem elskhugans ok kjerleiksins minni uaknadi meirr medr honum af þess háttar sunar nöfnum ok sētum aminningum. ef hann hefði eigi [med þilikri tru ok stadfestu uerit<sup>6</sup> til guds. eptir þi sem likamsins kostgjefti er til eptir natturu. Var ok sueinninn nefndr<sup>7</sup> sinu eiginligu nafni. þar sem gud hafði honum aðr sagt. at medr Ysaach mundi hans sáad ok freo einkannligha kallaz ok folgaz.<sup>8</sup> til þess at þar fyrir mætti hann af þi sama fyrirheiti auduellidligarr auruilnaz. ok þessa alla luti gordi hann fyrir þa sök. at hann freistadi Abrahams. Ok enn sagði hann þetta medr. far til þess fiallz sem ek man þer syna ok offra mer þar sun þinn. Af serhuerium lutum ma huerr sem einn skynsamr madr skilia uel. medr huersu mörgum háttum hans freistni aukadiz. Fyrst uar honum sagt. at hann skyllti soninn fornsæra. enn sidan at hann skyllti aa fiallit upp fara. at um allan ueginn skyllti hann af sinum bugrenningum sua medr tuennum áskilnadi þyngiaz<sup>9</sup> ok

<sup>1</sup>) meðr fornfering tilf. B    <sup>2</sup>) sēfandi tilf. B    <sup>3</sup>) saal. B; hefndarlausum, A

<sup>4</sup>) stadfestu, B    <sup>5</sup>) saal. ogs. B    <sup>6</sup>) [þilika tru ok stadfestu haft, B

<sup>7</sup>) meðr tilf. B    <sup>8</sup>) aukaz, B    <sup>9</sup>) þyngaz, B

sagistaz. i annan stad af guds bodordi honum til þrönguanda. enn i adra deilld pinaðiz hann af motispornandi sins sunar áástud ok elskhuga. ok fyrir þann skyld. uar honum sua langr uegr lagiðr. at hann skyldi aa fiallit upp fara. at mannlig ástud ok gudlig trua. kiðtligr kjerleiki ok gudligr elskbugi. vinátta nálæggra syniligrá luta [ok bidandi uaa ukominna luta<sup>1</sup> mætti fá noga stund aa aullum þeim tímum<sup>2</sup> ok dægum til kappsamligrar kjeru ok þrautar sin i milli. Skal her nu um eina stund fra snua ok til sðgunnar aprt snua.<sup>3</sup>

*Genesis.* Abraham reis upp þegar á nattar tíma ok sagði ðngum manni sína fyrirættan. klæddi<sup>4</sup> meðr reida einn<sup>5</sup> asna. kallandi meðr ser .ii. sueina ok son sinn hinn þridia. Ok sem hann hafði högguit ser þau tre sem hann þurfti til fórnfæringar at hafa. þa for hann á .iii. dðgum. þar til sem hann sá aa hinum .iiia. deginum þann stad langt framman fyrir sik. sem gud hafði boðit honum at hann skyldi til fara. Huadan af er þat er prouat. at þeir uillaz segir Comestor sem hann segia<sup>6</sup> þa bygt hafa milli Bethel ok Hay. þiat þadan er eigi meirr enn eins dags ferd til fiallzins Moria. Sidan talar hann til sueinanna. Bidit her i hia asnanum. vid smasueinninn forum skiotligha framman enn nöckuru lengra. ok komum þegar aprt til yckar. er ///vid haufum bediz fyrir sem ockr likar. Hann tok þa trein ok lagði upp aa sun sinn Ysáäch. enn sealfr hann bar suerd ok elld sér i hendi. Ok sem þeir foru .ii. samt. taladi sueinninn til sins fedr. Fadir minn sagði hann. Huat uilltu sun minn sagði Abraham. Se faðir minn sagði sueinninn. elldrinn ok trein eru her til reidu. enn huar er þat sem offraz skal. Hann svaradi. Gud sealfr man [ser sea<sup>7</sup> fórn til handa sun minn. Foru sidan badir samt til þess stadar sem gud hafði synt honum ok til uisat. Gørði hann þar eitt alltari ok lagði trein þar aa ofan ok elldinn meðr. eptir þat sem hann hafði þeim sua skipat ok hegdat sem honum likadi. *speculum hystoriale.* Allan þenna<sup>8</sup> .iii. daga tíma uannz þeirra uegr. aa huerium er fodurligr hugr ok hiarta þiadiz ok pinediz af angrsamlighum aahyggium. þiat á aullum þessum tíma sua löngum leit hann ok sá upp aa sinn sðn. ok aatu badir samt. á sua morgun nattum halsspenti sueinninn meðr sætum blidskap sinn faður ok láá uidr hans briost meðr faðurligu faðmlagi. Vid badir samt sagði Abraham sueinninn ok ek munum aprt huerfa til yckar. Segmer Abraham. segir<sup>9</sup> brodir Jacob er compilerat hefir *speculum hystoriale.* huart samir at falsa ok hegoma. Hinn svarar at hann segir satt. Huart segir þu satt edr falsar þu. Ef þu segir satt. þa mantu

<sup>1</sup>) [mgl. B <sup>2</sup>) dðgum, B <sup>3</sup>) huerfa, B <sup>4</sup>) saal. B; helldr, A <sup>5</sup>) sinn tilf. B

<sup>6</sup>) her beg. Fragm. III. <sup>7</sup>) [sia ser, B <sup>8</sup>) mgl. B <sup>9</sup>) talar, B

eigi sueinninn offra. enn ef þu falsar ok offrar hann. þa berr þat ekki ne stendr þílikum hofudfedr at falsa. Ek segir satt. talar hann af hans halfu. ek offrar sueinsins forn.<sup>1</sup> þo allt at eins man hann meðr mer aptr koma<sup>2</sup> til yckar. þiat ek truir fulluliga. at gudi er [ecku um megn<sup>3</sup> at reisa hann upp af dauda. Fadir minn sagði sueinninn. Huat hyggur þu. huersu einkannliga miok sa sun mundi meðr þess haattar ordum skaka ok skelfa iðr ok aluoru sins faður. sem lilu sidarr skyldi af sealfum honum sæfaz. eptir þi sem hann hugdi. edr huart ellar þu. at nockurum af oss alliz sua mikill hugarstyrkr af þessarri frásögn. at hann seti þenna hinn eingetna ok elskuliga sun Abrahams fyrir sin hugskotz augu ver til hugarstyrktar ok eptirdæmis. þann tima sem nockurs uars sun er at kominn natturuligum dauda. þeim sem ollum er skyldugr ok sameiginligr. *scolastica hystoria ok speculum hystoriale*. Josephus segir at þeim sueinsins ordum sem hann sagði. Fadir minn. huar er su foorn er offraz skal. hafi fadir hans aa þessa leid suarat. at sua sem hann uar dasamliga meðr guds uilia higat i heiminn fæddr. mundi hann ok eptir þi sem uidrkuæmiligt ok naudsynligt uæri meðr guds uilia dasamliga af heiminum fara. huern er gud drottinn hafði makligan gort at lykta sitt lif eigi meðr nockurum siokdomi edr krankleika. eigi i bardaga edr uapnaskiptum edr af nockurri mannligri pinu. utan helldr at kalla sealfs hans aund ok saal til sin meðr bönnum ok foornsfæringum. ok reisa hann upp til þess at fylla meðr honum fyrr sögd sin fyrirheit. Geck Ysaach sua giarnsamliga til altarissins ok sins dauda.

*Genesis*. Eptir þat batt Abraham son sinn ok lagði<sup>4</sup> hann upp á uidarbulung. þann sem hann hafði yfir alltarinu gört. greip sidan suerdit<sup>5</sup> ok ætladi at höggua hann. þa kalladi guds engill af himni til hans sua segiandi. Legg eigi þina hönd aa sueinninn Abraham. sua at þu gorir honum nöckut grand.<sup>6</sup> Ek sa þat nu ok prouaða at þu ottaz gud. þar sem þu þyrmdir eigi þinum eingetnum syni fyrir hans skyld. þiat eigi þyrsti gud eðr fysti upp aa sueinsins blöð. utan helldr at þat prouandiz ok uæri uitat. huersu mikilligha er Abraham ottadiz gud. Abraham sa þa einn hornottan uedr at baki ser milli þorna ok klungra. sua sem hann litadiz um. tok hann ok fornferdi i stað sunar sins. *scolastica hystoria*. Segir Rabanus<sup>7</sup> þenna vedr eigi þa nyskepadan uerit hafa. helldr at hann hafi þagat or nöckurum stad af englinum flultr uerit. *genesis*. Gaf Abraham sidan þessum sama stad eðr siallinu nafn. ok sagði sua. Drottinn séér. Huadan af er sa ordzkuidr eðr

) ok tilf. B    2) huerfa, B    3) [vel maattuleglt, B    4) let, B    5) meðr aunarri hendi tilf. B    6) til grandz, B    7) saal. B; Tabanus, A



maalshóttir er meðr Juðum allt til þessa dags. eptir þi sem segiz þann tíma sem þeir uerda fyrir nöckurum naudum edr þrönguungum. A fallinu man drottinn sea. sem þeir segi meðr þessum skilningi. Gud sei oss nu sua i uarri naud ok angist. sem hann sá Ysaach á fiallinu. Frealsanar dag Ysaachs segia ebreskir menn uera hinn fyrsta dag i manadinum Septembri. i huers minning þeir hallda þa halidliga ok þeyta fast meðr hornum i minning hins hornotta uedrs. þess scm [offradr uar.<sup>1</sup> Annan tíma kalladi guds engill enn af himni til Abrahams sua segiandi. Fyrir sealfan mik hefir<sup>2</sup> ek þat suarit. segir gud drottinn. at ek man þer bleza. fyrir þa sauk at þu gordin þenna lut ok þyrmdir eigi þinu<sup>3</sup> syni fyrir mina skyld. Man ek þitt kyn ok afkuæmi fiðlga ok margfallda sem himins stiðrnur edr ægis sand. Man þitt afkuæmi eignaz sinna uuina port ok borgir. ok i þinu kyni manu allar þiðir blezadar ok signadar uerda. þiat þu uart hlydinn mér ok minum bodskap. Eptir þat fór Abraham aptr til sueina sinna. foru sidan heim allir samt til Bersabée. ok bygdi hann þar um nöckura stund. Þa uar Abraham sagt. at Nachor brodir hans hafdi getit .viii. syni meðr sinni husfru Melcham. [Het hinn ellzti<sup>4</sup> Hus. af huers ætt er hinn ágæti Job uar kominn. sua sem skrifat er i upphafi sealfs hans bokr. at sa maðr uar i landinu Hus scm Job het. ok þi uillaz þeir segir Commestor. er hann segia af ætt Esau kominn uera. annarr het Buth. af hans ætt uar Balaam spamadr. Batuel uar hinn .viii. þeirra brodir samborinn bædi til faudur ok modur. hans dottir uar Rebecca er sidarr<sup>5</sup> man getit uerda. Nachor atti ok .iiii. frillusonu meðr þeirri saumu konu sem Roma het. Abraham fór sidan aptr til dalsins Mambre. ok i borg þeirri sem Ebron heilir á Gydinga landi andadiz honum Sara. sua sem hun hafdi .c. aara tolfætt ok .vii. Var hon þar iardat i þeim tuifallda hellisskuta. sem Abraham keypti med .cccc. siclis<sup>6</sup> örtögum silfrs af Effron syni Seor. þeim sem þat pláz atti sem hellir þessi uar i. sua sem landz lydrinn Etheus bad fyrir honum.<sup>7</sup> þiat allir þeir uilldu giarna at hann græfi hana i huers þeirra eign edr grðfum sem hann uilldi [ok ueldi<sup>8</sup> hellz. sögðu at honum mætti þat engin madr banna. ok kalladu hann sinn herra ok höfðingia fyrir gudi. Effron baud ok at gefa honum þat plaz edr eng<sup>9</sup> sem hellirinn uar i. þegar sem hann uilldi kaupa þat. ok hann uissi þat. sua at almuginn heyrdi upp áá. ok uilldi Abraham þo helldr kaupa þat meðr sua miklum peningum

<sup>1</sup>) [þa var offradr, B <sup>2</sup>) saal. B; suer, A <sup>3</sup>) eingetnum tilf. B <sup>4</sup>) [tilf. B <sup>5</sup>) sidan, B <sup>6</sup>) I Margen af B er tilskrevet med en Haand fra Slutn. af 15 Aarhundrede: ciclus ad uikt fiordi partur gyllenis. þat er .vi. lybisker skillingar <sup>7</sup>) henni, B <sup>8</sup>) [mgl. B <sup>9</sup>) her end. Fragm. III.

sem hann sagði at iðrdin tok. sem hann góði. eigi at eins til þess at grafa<sup>1</sup> þar i sina husfru Saram. utan iafnuel þar meðr alla sina frændr ok kynsmenn. Hellir þessi uar ein hamargnipa. hafandi i séér .ii. hella huarn upp af audrum. huárt sem helldr uaru þeir eptir natturu sua skapadir edr meðr smiduæl sua goruir. Varu karlmenn iardadir i hinum efra enn konur i hinum nedra. [*speculum hystoriale*.<sup>2</sup> Eigi syndgadiz Abraham edr misgóði kaupandi þetta sama plaz sem hellirinn uar i. sua sem sa misgorir eigi nu i dag sem kaupir eitt plaz ok gorir þar kirkiugard. utan hellz fyrir þa sank at hin fyrstu uár forfeðgin<sup>3</sup> Adam ok Eua uaru þar iardat. Heilagr Jeronimus lytir ok lastar fyrir þeim sem plazit ok hellinn selldi. fyrir þa grein at hann sigradr af ágirni ok eigingi rni selldi sidan<sup>4</sup> hardla dyrt þann sama graptarrett ok heimolldir. sem hann baud framm ok gaf i fyrstunni kauplaust. ok fyrir þi uar hans nafni breytt ok kallat Eðfrán. Enn Abrahams góðr er fyrir þa skynsemd eigi lastad. at hann keypti plazit þat sem hellirinn uar i enn eigi sealfan hellinn. upp á þann haatt sem sa mundi eigi misgóða. sem hann keypti þat plaz i dagh edr grunduðll sem ein kirkia stendr á. Keypti hann ok eigi fyrir hellissins skyllð giarnaz ok dyraz þetta sama plaz ok eigi graptarins rett. helldr hafði hann þar mikinn áuðxt af sterkum tream ok audrum giædum sidan er hann atti þat. eptir þi sem Genesis segir.

---

Her segir fra viðtali þeirra Abrahams ok Eliezar ok fra Rebecku.<sup>5</sup>

41. Abraham góðiz nu madr miok gamall. sua langa daga sem hann hafði lifat. ok fyrir þann skyllð at hann fann at hans lifðögum leid miok framm. þa taladi hann sua til hins gamla sins radsmanz Eliezer. þess sem ellztr uar i hans þionostu ok fyrri<sup>6</sup> var nefndr ok fyrir uar ollu þi goðz sem hann<sup>7</sup> varðaði. Suer mer þess uidr gud himinrikiss [ok iardörikis<sup>8</sup> leggiandi þina hönd nedan aa mitt lær. at þu skallt eigi syni minum Ysaach af Chanaáns ætt edr heidinna manna kyni kuanfangs leita. milli huerra er ek byggir nu. helldr skalltu fara til minnar odalsiarðar ok kynkuislar. ok freista at þadan faair þu honum konu.<sup>9</sup> Hann suaradi. Huart skal ek helldr fylgia þinum syni til þess sama landz enn hann missi konunnar. ef hun uill eigi þat til vinna at eiga hann at fara hegat til landz þessa. þat skalltu uaraz sagdi

<sup>1</sup>) iarða, B   <sup>2</sup>) [mgl. B   <sup>3</sup>) feðgin, B   <sup>4</sup>) sidarr, B   <sup>5</sup>) Af sendiferð Eliezer i Mesopotamiam ok af kvanfangi Ysaachs, B   <sup>6</sup>) fyrri, B  
<sup>7</sup>) hina, B   <sup>8</sup>) [tilf. B   <sup>9</sup>) syst tilf. B

Abraham. lat hann alldrigin um alldr þagat koma. Sá hinn sami gud himinrikis herra ok iardrikiss. sem mik leiddi ut af mins fedr husi ok fostrlandi ok þat taladi uidr mik. suerandi uidr sealfan sik. at þetta land mundi hann minu afkuæmi gefa. hann man sinn engil i saurum ok fylgiu meðr þer lata uera.<sup>1</sup> sua at þadan muntu syni minum konu fá. Vill hon eigi þer higat fylgia. þa ertu lauss ok lidugr afsuadaganum. utan þat eina. at þu lát sun minn alldrigi þar koma. Fyrr nefndr hans sueinna sör þa meðr þeima hætli ok skilmála sem nu uar sagt. leggandi sina hönd þar á hans lær medan hann sör. sem hinn sagdi fyrir. *scolastica hystoria*. Ebreskir menn segia at hann hafi suarit uidr hans helgan. þat er at skilia uidr sealfa skurdarskirnina. Enn i þi sem hann sor uidr lærit.<sup>2</sup> huat er getnadarliminum er náálægt. byr sa skilningr. at hann sör þa uidr afkuæmi Abrahe. þat er uidr Jesum Kristum. huerr er hann uissi at af honum mundi fædaz. huadan af er hann sagdi sua. Suer mer þat uidr herra himinrikiss ok iardrikiss. Enn i þi sem hann bad hann leggja hand<sup>3</sup> sina<sup>4</sup> neðan aa sealfs hans lær.<sup>5</sup> syndi hann þat. at likami Jesu Kristi mundi umframm ok yfir aullum uera.

*De genesi*. Eliezer for heiman eptir þat. halandi meðr ser .x. ulfallda af sins herra hiqrð.<sup>6</sup> ok huat annat er hann uilldi af öllu hans godzi. ok einkannliga mest alla þa luti sem hann uissi at i þi landi uaru fagiætaztir sem hann skyldi til fara. Hann kom framm um sidir meðr storliga<sup>7</sup> mikilli mædu ok erfidi i þi landi. sem Mesopotamia heitir. huat er liggir milli þeirra frægustu áá Tigrim ok Eufraten. sem af iardnesku paradís fljóta ok framm koma. Fellr Tigris fyrir austan enn Eufrates fyrir uestan. freouar hon sua ok áauaxtar i sumum stöddum Mesopotamiam sem Nilus Egiptaland eptir sögn Ysidori. Var þat bædi langr vegr ok torsottr. adr hann kom framm til borgarinnar Charram. þar sem fyrr nefndr Nachor brodir Abrahams bygdi. þiat a uetrar tíma er mærgstadar i Mesopotamia miok diupr leiruadill. enn aa sumarit uida uatzskortr. enn i skogum ok eydimorkum liggja þiofar ok latronar. Ok sem hann uar þar kominn. þa uar komit at kuelldi dags. nær þeim tíma sem konur uaru usnar ut at ganga at taka ser ualn. ok fyrir þa sök let hann ulfalldana þar leggjaz utan borgar uidr einn brunn ok builaz.<sup>8</sup> Enn hann talaz uidr einn saman dictandi ser eitt æuintyr. af hueriu er hann megi marka huart gud uil<sup>9</sup> heyra hans bæn edr eigi. ok segir sua. Herra gud mins herra Abrahams. ek bidr þik at þu

<sup>1</sup>) nerða, B <sup>2</sup>) hans lær, B <sup>3</sup>) saal. ogs. B, som oftere ellers i denne Cod.

<sup>4</sup>) heidr tilf. B <sup>5</sup>) enn i qðrum stað tilf. B <sup>6</sup>) saal. B; iorð, A <sup>7</sup>) storlegaa, B <sup>8</sup>) hvila sik, B <sup>9</sup>) vill, B

115. hialpir mér i dag. ok ger þína miskun meðr minum herra Abraham. See nu stendr ek her hia brunninum. ok dætr þeirra manna sem borg-  
 ina byggja manu skíott ut ganga at<sup>1</sup> taka sér uatn. enn af þi markar  
 ok ok þíckiz skília uissuliga. at þu gorir her um miskunnsamliga  
 uid<sup>2</sup> minn herra. at ef su meýia sem ek hefir ællaz at tala þessum  
 ordum til. Vik hegat kerí þínu at ek drecki þar af. suarar hon mer  
 sua. Dreck herra. ok sua man ek gefa ulföldum þinum eigi sídr at  
 drecka. þessor uæntir mik<sup>3</sup> at su hin sama se. sem þu hefir fyrir buit  
 ok hugat þinum þionostumanni Ysaach syni mins herra Abrahams.

Ok þegar i stad fyrr en hann hafdi<sup>4</sup> utí aull þessor sin ord. kom  
 Rebeccha Batuels dottir ut af borginni gangandi sunardottir Nachors.  
 brodur Abrahams. ok hans husfru Melche. ein hin uenazsta mæðr ok  
 hin fegrsta<sup>5</sup> iungfru er til beid. ok þersum manni þo miok ukunnig.  
 Hun hafdi meðr sér eitt ker ok geck nidr at brunninum. fylldi þat ok  
 fóór aptr sidan. Sendimadrinn geck at henni ok sagdi sua. Gef mer  
 at drecka lítið uatn af kerí þínu. Hun svaradi. Dreck minn herra.<sup>6</sup>  
 Ok þegar sem hann hafdi druckit. sagdi hun sua til hans. Vlföldum  
 þinum man ek ok eigi sídr uatnit bera. þar til er allir þeir hafa druckit  
 i nog. Helti hon þa uatninu nidr fyrir þa i þær þrær sem þar uaru  
 til gðruar. Geck sidan aptr til brunnsins ok bar upp uatnit fyrir þa.  
 þar til er þeir höfdu allir druckit. Alla þa stund sem hun gerdi þetta.  
 sáá hann upp aa hana þegiandi. sua sem uirdandi meðr sealfum sér.  
 huárt er gud hefdi nðkut sua greitt hans ueg. at þessi ugri hans herra  
 uidrukumilig.<sup>7</sup> Sidan spurdi hann huers dottir hun væri. ok huárt  
 hann mundi nðkut herbergi fa i hennar fedr husi. Hon suaradi þa.  
 Ek er dottir Batuels Nachors sunar ok Melche. fóðr hafum ugr i nog.  
 bæði hey ok sádir. ok rún hindrar þik<sup>8</sup> eigi at uera hvar er þu uill.  
 Hann bar þa framm uangagull þau sem stodu .ii. aurtugar ok bauga  
 þa eðr hringa sem stodu .x. aurtugar. ok gaf henni. Lutti sidan dyrk-  
 andi gud. ok sagdi sua. Blezadr er gud drottinn<sup>9</sup> Abrahams. sa sem  
 sina miskunn ok sannleik tok enn eigi brott af minum herra ok leiddi  
 mik meðr rettum ueg til huss ok herbergiss broður<sup>10</sup> mins herra.

Meýian skundadi heim aptr til herbergis þess sem modir hennar  
 uar i. ok sagdi þar alla þessa hluti sem hun hafdi seed ok heýrt.  
 Rebeccha atti þann brodur sem Laban het. hann geck ut skíottliga. sem  
 hann sáá uangagullin ok baugana aa höndum hennar.<sup>11</sup> ok hann beyrði  
 huat hun hermdi af beggia þeirra tali. ok taladi sua til mannsins þess

<sup>1</sup>) ok, B <sup>2</sup>) meðr, B <sup>3</sup>) ek, B <sup>4</sup>) hefdi, B <sup>5</sup>) fagrferðugasta, B <sup>6</sup>) sagði  
 hon tilf. B <sup>7</sup>) ok tilheyrriligh tilf. B <sup>8</sup>) þar tilf. B <sup>9</sup>) mins herra tilf. B

<sup>10</sup>) tilf. B <sup>11</sup>) systur sinnar tilf. B

sem mid brunninn stöð hia ulföldunum. Þu hinn blezaði guds máðr  
gæck inn. ok fyrir huern skyllð stendr þu uti. ek hefir ulföldum  
þínum buit hus ok adra naudsynliga luti. Hann leiddi þenna mann til  
herbergis. tok af hans ulföldum ok gaf þeim hey ok sádir. enn let  
taka vatn ok þo sætr gestanna ok ulfalldanna. Eptir þat let hann  
bua þeim bord ok bera framm mat fyrir þa. Enn sendimadrinn sagðis  
eigi uilia fyrri eta enn hann hefði uppborit ok talatsilt ðrindi. Batuel  
ok Laban badu hann tala huat er honum likadi. Eliezer sagði þa sua. 116.  
Ek er einn þionostumadr ok sueinn mins herra Abrahams. huerium er  
gud blezaði mikilliga. gefandi honum yxn ok saudi. gull ok sylfr. þræla  
ok þionostukonur. asna ok ulfallda. gerandi hann þar meðr i ætlum  
latum storliga<sup>1</sup> mikils háttar mann. husfru mins herra sæddi honum ok  
sæn i sinum ellidomi. huerium er hann gaf alla þa luti sem hann hafði  
eigandi at uordit. Sagði þeim sidan greiniliga fyrst af bæn ok bodskap  
Abrahe uidr sik um kuanfangit ok sealfs sins suardaga. þar meðr af  
tali sinu ok bæninni uidr brunninn. ok huersu allir þeir lutir fóru eptir  
þi framm. sem hann sagði fyrir ok bad at uerða skyllði. Nu fyrir  
þann skyllð sagði hann. at blezaðr gud drottinn mins herra Abrahams  
visaði mer<sup>2</sup> hegat ok leiddi mik til þins huss. þess ðrindiss at ek taki  
sænardottur hans samborins bróður sealfs hans syni til eiginnar husfru.  
ok fyrir þi festa ek eyrnagullin upp aa hana ok baugana aa hennar  
hendr henni til skrautz ok pryði. þa segit mer. ef þer uilit þat tillæti  
þia minum herra meðr miskunn ok einfalldleik. at gera her um hans  
uilia. ella ef yokr likar annat rad heldr at taka. þa segit mer ok þat.  
at ek megi fara [i huern stad<sup>3</sup> er mer likar. þeir badir fedgarnir Batuel  
ok Laban suaradu. þetta tal ok ordræða sem þu gengr meðr. bæði  
Abrahams ok þin. hefir af sealfum gudi byreaz ok framm farit. ok  
fyrir þa sauk munu uær þi einu þer suara her um. sem uer uitum at  
honum er uel uiliat. Þu ser at hon Rebeccha er þar rett i hia þer.  
tak hana þínum herra þer til eigin husfru. eptir þi sem gud befir talat  
ok rad fyrir gert. ok far sidan heimleidis. Ok sem fyrr nemndr sueinn  
Abrahe heyrdi þetta. þa fell hann framm ok gordi gudi þackir fyrir  
þat huersu fagrliga ok farsælligha er hann hafði greitt hans ferd. Tok  
eptir þat þa dyruzlu gripi sem hann hafði. gullker ok silfrker ok  
þar meðr agiæt klæði. ok gaf Rebecche. mæðr hennar ok bróðrum gaf  
hann ok godar gíafir. Gengu sidan þar til bordz. áátu ok drucku  
allir samt.

Enn þegar at morni sem hann uar klæddr. bad hann þeim badum  
orlofs. ok sagðis uilia fara heim til herra sins. taldi þar til bæði ell-

<sup>1</sup>) storlegans, B <sup>2</sup>) á rettan vegh tilf. B <sup>3</sup>) [hverja leið, B

117. Ídom hans, ok at hann hafði [lengi í<sup>1</sup> uegnaum uerit. Enn fadír ok modír Rebecche badu hana bida um eina .x. daga hit skemzta til þess at hon færi í brott. Sendimadrinn suaradi þa. Geymit at þer halldit mík ecki ne hindrit. þat gud greidir minn ueg ok mína ferd, ok gefit mér gott orlof, at ek fari heim til míns herra. Þeir badu þa kalla meyna ok sögduz uillia heyra hér um hennar uillia. Ok sem hon uar eptir spurd af þeim, huart er hun uilddi í brótt fara meðr þeim hinum komna manna. [hon suaradi sua.<sup>2</sup> Fara man ek. Her finnz þat fyrst lesit, at nockur kona hafi eptir uerit frelt sinni giptingu.<sup>3</sup> Ok þadan af uár þat sidan fyrir lögmául halldit, at konunnar samþycki se þar um heyrt. Gafu þeir henni þa gott orlof ok fostra hennar edr þernu, sua ok elgi sidr sendimanni Abrahams ok hans kompanum, bídandi at Rebeccha færi giptusamliga. Þess bídium uær sogdu þeir, at þu uaxir ok þinn afsþringr til þusundrad þusundrada, þar sem þu ert uár systir, ok þitt kyn ok afkæmi öðliz ok eigniz sinna motstöðumanna borgir ok port. Rebeccha ok hennar þernur<sup>4</sup> uaru settar upp áá ulfalldana ok foru brótt meðr Eliezer. Hann skundadi sinni ferd, ok letti eigi fyrr enn hann kom heim til síns herra.

Þann tíma hafðiz Ysaach uidr ok uar í fyrr nemadum stad Gerara. Ok sem hann geck sinn ueg til þess brunnz er heitir lifanda brunnr ok seanda, spázerandi ser at álidnum degi í einum akri edr eng, hugsandi til guds, ok nöckut sua af þi huat er sendimanninn mundi hindra. Þa sa hann ulfallda af löngum ueg komaa, sua sem hann hóf upp ein augu ok kíadiz um. Enn Rebeccha steig þegar nidr af ulfalldanum sem hun sa Ysaach, ok taladi til sueinsins. Huerr er þessi madr er hér kom í mot oss. Þessi er minn herra sagdi hann. Ok er hon uissi at þersi uar hennar bondi, þa kembdi hon sik ok tok þegar í stad einn duk ok huldi sik þar meðr. Sendimadrinn sagdi<sup>5</sup> allt hit sannazta af sinum ferdum. Leiddi Ysaach sidan Rebecchan inn í þat sama herbergi sem modír hans Sara hafdi átt, tok hana ser til<sup>6</sup> husfru ok elskadi hana sua mikilliga, at þar fyrir geck af honum fulluliga su brygð ok angist sem hana hafði fengit í sinum modur dauda.

---

Her segir fra andlati Abrahams ok huar hann er grafinn.<sup>7</sup>

42. Abraham geck at eiga þa konu eptir andlat Sarre sem Cethura het, ok atti meðr henni þessa .vi. sonu. Amram ok Jexhan. Madan

<sup>1</sup>) [langan tíma á, B    <sup>2</sup>) [suaradi hon sua, B    <sup>3</sup>) ok gíaförði tilf. B  
<sup>4</sup>) þerna, B    <sup>5</sup>) Ysaach tilf. B    <sup>6</sup>) eigin tilf. B    <sup>7</sup>) Af síðarri kuanfangi Abrahe ok hans andlaati, B

ok Madian. Jeboth ok Sue. *scolastica hystoria*. Ebreskir menn segja [at þat hað uerit<sup>1</sup> hennar kenningar nafn enn eigi hennar eiginligt skirnar nafn. þiat Cethura þydiz samtengd. segja þeir þessa alla eina uerit hafa<sup>2</sup> ok Agar egiptzku modur Hysmaels. ok haði Abraham tekit hana ser til eigin husfru eptir þat er Sara uar aull helldr enn ukunn- iga konu. til þess at honum gðmlum felli eigi þat til abyrgdar edr ímælis. at hann girntiz aa gamals alldri fyrir lostasemdar sakir ok legdiz medr fleirum konum enn hann hafði adr medr buit. Segir Josephus. at hann haði fyrri fengit hennar enn sun hans Ysaach gengi at eiga Rebeccham. Enn þa .vi. syni sem hann atti medr hinni sidarri sioni husfru let hann langt i brott fara i austanuerda landzins háalfu. skiliandi þa sua fra Ysaach ok allri hans eign. medan sealfr hann lifði. gaf hann honum sina eign alla enn hinum gaf hann smagiafir einar hia þi. sua sem nockurar minningar þann tima sem þeir skildu uidr hann. Synir Cethure gafu ser þo nöfn ok sinum ættmonnum af nafni hinnar fyrri ok frealsari sins faður husfru. ok kallaðu sik Sarracenos. þeir eignaduz sidan ok þeirra afkuemi nockur lönd ok mörg stór herad sua sem Traconitidem Feniciam ok Arabiam. allt til hins rauda hafs. Josephus segir at af einum þeirra fæddiz Opher<sup>3</sup> einn mikill hermaðr. er heriadi i Libiam ok uynni hana. bygdi þar sidan ok hans afkuemi. ok kalladu af hans nafni Affricam. Hann segir ok þann spámann sem Cledeus het. ok Malcus öðru nafni. hafa skrifat Juda sqgur upp aa þann hátt sem Moyses skrifadi. ok hermir at sa Malchus segi Syriam nafn hafa fengit af þeim syni edr afkuæmismanni Cethure sem Surim [haði heitit.<sup>4</sup> enn Affrica haði kallad uerit af audrum þeim sem [Apher hefir<sup>5</sup> heitit. ok þann tima sem þessi sami Apheram hefir komit ok heriat i Libiam. haði þar komit Hercules hinn sterki ok ueitt honum sinn styrk ok lidsinni. gengit sidan at eiga dottur hans Etream. ok átt medr henni þann sun sem Dodorus het. huers sun er Pharan einn frægr maðr hefir uerit.

*Genesis*. Abraham löiddi ok lyktadi sina lifdaga medr godum ok ágiptum ellidomi. for hann þa þann ueg sem hans folk ok forellris- menn hófdu fyrr gengit. ok andaðiz sua sem hann hafði .c. uetra tírett .lxx. ok .v. aar. Grofu synir hans Ysaach ok Ysmael hann i fyrr sogðum helli. þeim sem hann hafði keypt af Effron syni Seor. hia husfru sinni Sarra. Eptir hans andlat blezaði gud ok signdi<sup>6</sup> hans son Ysaach.

*Scolastica hystoria*. Ninus Serkia konungr sun Beli. huerr er

<sup>1</sup>) [Cethuram uerit hafa, B <sup>2</sup>) ok hina sqmu tilf. B <sup>3</sup>) Opher, B <sup>4</sup>) [het, B <sup>5</sup>) [Apheram haði, B <sup>6</sup>) signaði, B

mest aukadi ok mektadi hina miklu borg Niniven ok kalladi hana sua af sealfs sins nafni sem fyrr uar sagt. andaðiz þann tíma sem Abraham uar .xi. uetra. Ean eptir hans andlat giptiz Semiramis hans husfru sinum eigialigum syni. þeim sem hon hafði aati meðr sinum bonda Nino. til þess at hun skyldi þar fyrir mega hallda ríkinu. Eptir þat er hann uar allr. gat hun þann son meðr þessum sinum bonda ok syni sem<sup>1</sup> ríkti i borginni Babilone. Guds fyrirheit fylldiz uidr Abraham. sua sem hann uar halsfattrædr. Ysmael uar sæddr þa er hann hafði .lxxx. ok .v.<sup>2</sup> aar. enn Ysaach þann tíma sem hann hafði .c. ára tírætt. Sarra andadiz sua sem hann hafði [.c. aara .xxxvii.<sup>3</sup> [Ríki Assiriorum<sup>4</sup> hofz undir Belo konungi. fódur Nini. þeim sem fyrr uar nöckut fra sagt. uar þat aa dögum Saruch faudurfedr Thare. fódur Abrahams. sua sem hann uar halsfritugr at alldri. ok uannz um þushundrad aara .ccc. ok .ii. aar. um .xxx. ok .vii. konunga æfi<sup>5</sup> ok ríki. allt til hins .viida. aars rikiss Ozie konungs aa Gydinga landi. Ríki Sicioniorum hofz af Egealeo konungi a dögum Nachors fódurfedr Abrahams.<sup>6</sup> sua sem hann hafði .iiii. uetr ok tuitugt. ok uannz um .dcccc. aara .lxx. ok eitt aar. allt til þers er Heli hafði uerit um .viii. áár ok .xx. domandi ok kennimadr yfir Jsraels folki. Höfdu þeir yfir sér einn konung ok .xx.<sup>7</sup> aa ollum þessum tíma. þessir hinir sömu Sicionii uaru fyrri kalladir Agealei<sup>8</sup> af Agealeo konungi. enn sidarr Sicionii af þeim konungi sem Sicionius het. Ero þessir huarirtueggju allir einir ok Girkir. þiat þeir eru meðr mörgum háttum nafnkendir. ok þo fengu þeir flest aull sin nöfn af sinum konungum edr audrum formonnum. eptir þi sem Ysidorus segir. J fyrstu uaru þeir kalladir Thessali af Thessalo konungi. þeim sem eignadiz alla Greciam. enn sidan Greci af þeim sinum konungi sem Grecus het. Archades heita þeir af Archade konungi syni Jouis. Danai af Danao konungi. Stundum heita þeir Argiui<sup>9</sup> af Argo syni þess konungs sem þar ríkti fyrir honum ok Apis het. Dyrkadu Girkir þenna sama Argum eptir hans andlat sua sem einn gud. bædi meðr musteris gördum ok sua meðr förnfæringum. Achiui<sup>10</sup> segiz at þeir se kalladir af þeim syni Jouis sem Acheus hét. Eptir þann konung sem Cycrops het. kom sa konungr þar til ríkis i Grecia er sidan heitir Atthica [sem Granus het. hann aatti ser þa dottur er Atthis het. Var af hennar nafni sa parlr Grecie sidan kallaðr Atthica.<sup>11</sup> ok þeir menn sem þar voru<sup>12</sup> Atthici edr Atheniensis. Grecia kallaz öll saman Jlliricus audru nafni. enn hon

<sup>1</sup>) sidan tulf. B   <sup>2</sup>) .vi., B   <sup>3</sup>) [.vii. ok .xxx. aara til annars hundraðs, B

<sup>4</sup>) [Serkia ríki Assyriorum, B   <sup>5</sup>) alldr, B   <sup>6</sup>) Abrahe, B   <sup>7</sup>) .xxx., B

<sup>8</sup>) tulf. B   <sup>9</sup>) Argui, B   <sup>10</sup>) Achim, B   <sup>11</sup>) [tulf. B   <sup>12</sup>) saal. B; uar, A



greinir sundr i .vii. lönd. edr stor herad. þau sem sua heita. Dalmathia liggir vestan af Grecia. þar nest Epirus er öðru nafni heitir Chanania.<sup>1</sup> Elladas heitir hit þridia. hit fiorda Thessalia. Macedonia hit .vta. Achaia heitir hit .vita. hit .viida. eru þær .iii. eyiar Creta ok Cielades. sem i hafi ut liggia. Fyrr nefnd Sicionia heyrir þó einkannligha<sup>2</sup> þeirri Girklandz halfu til sem Achaia heitir.

*Genesis.* Nu lytr<sup>3</sup> her fra at snua ok til sögunnar apr at uenda. Ysmael atti ser .xii. syni. þa sem huerr þeirra uard fadir ok formadr sinnar ættar ok utbluliga afkuemiss. Varu þeir sidan kalladir Ysmaelite. standum Sarraceni af Sarra. meðr þeirri grein sem sagt uar. edr Agareni af formædr sinni Agar. Bygdi hans afkuemi allt milli Jndislandz ok eydimerkrinnar Sur. er liggir milli fyrr nefndra stada Cades ok Barath. Eptir þat andadiz Ysmael af utsott eptir ebresora manna sögn. aullum sinum sunum lifandum. sua sem hann hafdi .c. ára tirætt.<sup>4</sup>

Her segir af .xl. daga faustu ok hinu er pukinn freistaði guðs sonar.<sup>5</sup>

43. Alla tima er oss rett truadum monnum uel lifanda ok uitr-  
liga ok fagrliga framm faranda. uikiandi til þess ok uendandi aullum  
uorum uerkum ok uilia sem uær uitum at gudligu rettlæti se þægilig  
ok uel uiliat. enn þó byriar oss allt at eins at birta nu ok reinsa uar  
hiðrtu meðr enn uirduligri kraplanna uerk ok [kennidom. nu<sup>6</sup> meðr  
enn frammarra studeran ok starf. sem þeir dagar nalgaz. hueria er  
haleitar helganir uarrar hialpar ok heilsugiafar gordu oss aullum  
audrum<sup>7</sup> segri ok frægiligri. til þess at uar uelferdug framferd gangi  
aa þeima tima þaleidiss i nockurum lutum um framm sitt uanaligt  
sidferdi. sem þau stormerki er á þessum tímum gorduz eru i nockurum  
sinum part audrum hans stormerkium meiri ok mætari. ok at huerr sa  
sem hann helldr þa hina haleitaztu ok frægiligztu fagnadar tid. finniz<sup>8</sup>  
sealfr eigi sidr aa henni i sinum sidum ok framferdum biartari ok  
bæriligri. Þiat ef þat er meðr nockuru moti skylduligt bædi ok skyn-  
samligt at bera sik þa framm meðr sinum hinum bezta ok bæriligzta  
bunadi. synandi sua þa hiartaliga<sup>9</sup> gleði sem i briostinu<sup>10</sup> byr. ok ef  
uær skreytum þa ok skrydum bænarinna hus ok herbergi. þat er  
heilaga kirkiu. af allri uárrí kunnattu<sup>11</sup> meðr hinum bezta skrudu sem  
skyldugt er. þa er þat ok bædi miok makligt ok tilheyriligt. at kristins

<sup>1</sup>) Chaonia, B <sup>2</sup>) ok eiginlegha tulf. B <sup>3</sup>) saal. B; lykr, A <sup>4</sup>) .xxx. ok .vii. tulf. B <sup>5</sup>) Af fyrsta sunnvdegi i langa fustu byriar þetta kapitulum. Leoni sermonibus, B <sup>6</sup>) [kennidominn, B <sup>7</sup>) mgl. B <sup>8</sup>) ánnzt, B <sup>9</sup>) hiartalegu, B <sup>10</sup>) brýstinnu, B <sup>11</sup>) kynnostu, B

manz saal. su sem fyrir utan allt fals ok hegoma er lifenda guds mæsteri. prydi ok skrydi uitrliga sealfsra sinnar fegrd ok frygd. ok at hon uariz ok uidr seai. at eigi lyti hana nockurr ranglætiss fleckr edr suiuidilig saurgan. þann tíma sem hun berr sik ok byriar til þess at hallda hatid ok helgan sinnar lausnar ok lifganar. þiat eigi stodar mikit ne stettir hinn ytri skrudinn. synandi aa sér. sæmdar fegrd ok formeran. ef mannzins hugr ok hiarta fleckaz ok faulnaz af nöckurri synda saurgan. þiat hinn ytri fagrligr ok skartsamligr akrudi er til þess skipadr ok tendradr. at birta medr manninum hinn<sup>1</sup> inna. þat er andarinnar priss ok prydi. Fyrir þa sauk eru þeir allir lutir einkannaliga þenna tíma opt ok iduliga af þerrandi ok sua sem af nöckurri snarpri um-slettan ok yfirbot biartari ok skierri görandi. sem hugarins skærleik ok hugskotzins skuggseon hafa hegat til skyiat ok uskygnat. Rannsaki nu at þi huerr sem einn ok skodi skynsamliga sealfs sins samuitaku leggiandi rettan dom ok orskurd upp aa sitt eigit hiarta. á sealfs sins frammferði. ok seai innuirduliga ef hann finnr þann frid ok nadir i sinum hiartakofa. sem sealfs gud gefr ut af sér. Enn þa finnr hann þann hans frid medr ser vera. ef engin likaumsins yfirgirnd stridir upp aa hiartans ok andarinnar girnd. ok ef hann forsmár eigi ok fyrirlitr lága ok litils háttar luti ok girniz eigi upp aa þa sem mætir ok mikils háttar eru. þar medr ef hann gledz eigi of giarna af nockurum rang-latum alla edr uanstílltum ok yfiruættis framgangi sealfs sins godz ok auexti. ef hann [sitir yfir<sup>2</sup> enskis manz sæmd eðr sælu. ok fagnar eigi af sins uunar uesold ok ugiptu. Ok ef sua berr til. at hann finnr óngua þessa ruglan edr ræring medr ser. þa skodi hann medr skierri ok skilreckri<sup>3</sup> prouan. huilíkar hugrenningar optaz eru giarnaztar til hans. ok geymi at hann sinni ok samþyckiz engum hegomligum þeirra líkindum. ok leidi sinn hug æ sem skiotaz i brott frá þeim. sem honum blidkaz. ok hann ma þo skilia ef hann uil at honum eru skadsamligar. þiat eigi er þat þessa heims maner ok uani. sem allt er fullt af freistnanum. at madrinn rugliz eigi edr hræriz af nockurum uleyfiligum girndanna gneistum.

Er sa huerr ok storliga<sup>4</sup> miok sigradr ok yfirstiginn. [sem hann<sup>5</sup> ottaz eigi at hann uerdi af freistninni sigradr.<sup>6</sup> þar sem lestirnir 121] hafa sik sua sem medr nöckuru skynsemdar skilrecki medr falsblan-dadri freistni til þeirra hugskota sem adr er blekt ok blindat. þiat hegoma dyrd edr ofmetnadar er sua sem medr nöckuru skyn-semdar yfirbragði uðn<sup>7</sup> framm at eggia ok æsa þess manz hiarta sem

<sup>1</sup>) A tilf. her inn <sup>2</sup>) [qfundar, B <sup>3</sup>) saal. ogs. her B <sup>4</sup>) storlegana, B <sup>5</sup>) [sua sem hon, B <sup>6</sup>) er hann ottadiz eigi af honni at verða sigradr tilf. B <sup>7</sup>) vaur, B

adr er sigraðr ok yfurstiginn. sua segiandi. Fyrir þa grein skalltu æ gírnaz fram<sup>1</sup> til meiri meklar ok metnadar. at þu megir þi fleirum stoda ok stetta. sem þu hefir meira uallð ok yfir fleirum. Aufundin er ok sua sem meðr nöckurri skynsemd uðn at eggja þat hiarta sem adr er sigrat ok blíndat. þann tíma sem hun segir sua. J hueriu ertu honum eðr<sup>2</sup> ollum þeim minna háttar maðr. [huersu mikils háttar or þat. er þu eðir ok orkar ok þeir adrir eða meðr öngu moti. fyrir hueria grein ertu eigi þeirra maki at minnzta lagi. eða meira háttar maðr.<sup>3</sup> fyrir þann skyld skulu þeir þi sidr uera þinir yfirmonn. at þeir eru meðr öngu moti þinir líkar eðr íafningiar. A saumu leið er reidinn sua sem meðr nöckurri skynsemdar skilrecki uðn at eggja fram þat hiarta sem adr er blíndat ok sigrat. þann tíma sem hun segir sua. þessir lutir megu þi sidr meðr nöckuru moti sua lengr þolaz ok fram fara. sem meðr þik er gðrt ok fram farit. at þat er mikil afgærd<sup>4</sup> ok synd at taka slíka framferð af nöckurum manni meðr þólmæði sem þu þolir af þeim. ok ef þu riss eigi snarpliga upp i gegn þeim ok tekr þa meðr hardri hendi brott af þer. þa munu þeir<sup>5</sup> um fram dæmi þer i mot síðgaz ok fram ganga. Rygdin er ok á saumu leið sua sem<sup>6</sup> meðr nöckurri skynsemd uðn fram at eggja sigraðs manz hiarta sua segiandi. Huat hefir þu þess handa i milli. at þer megi til gleði eðr skemtanar uerða. þar sem þu þolir bæði marga ok mikla illa lati af þinum naungum. hygg at ok uird meðr þer sealfum meðr huiltikri sorg ok sut er þu átt at sea til þeirra manna. sem meðr þilikum meinkætum ok mótgerdum bera sik beiskliga þer i mot. Agirndar löst-rinn er ok eigi sidr á saumu leið sua sem meðr nöckuru skynsemdar skilrecki sigraðs manz hiarta uanr fram at eggja i þann tíma sem hann tekr fyrir honum ok segir sua. Senniliga er þat með aullu engi glæpr. at þu gírnaz at eiga eina luti ok adra. þiat ecki gorir þu þat meðr þeirri ástundan. at þu hirdir ríkr at uera. utan helldr til þess at þu uerdir ægi fatækr ok ðreigi. ok til hins annars at þu mant betr ok samiligarr ueita þat sem annarr helldr illa ok alleitliga. Ofneytzlam hefir sik ok til sigraðs hiarta<sup>7</sup> sua sem meðr nöckurri skynsemdar líking ok yfirbragði. þat eggjandi ok sua segiandi. Alla reina luti skapadi gud manninum til átz ok atuinnu. ok huat gorir sa at þi sem hann tekr eigi mat ok drykk. eptir þi sem hann til lystir. utan þat at hann mæli moti ok nitar þa<sup>8</sup> saumu giðf sem gud hefir gefit honum.

<sup>1</sup>) at eggjaz tilf. B   <sup>2</sup>) [öðrum af tilf. B   <sup>3</sup>) [eðr fyrir hv. gr. ertu e. þeirra m. a. m. l. eða meira háttar maðr. huersu mikils haattar þat er þu eðir ok orkar ok þeir aðrir eða meðr öngu moti, B   <sup>4</sup>) gigrð, B   <sup>5</sup>) framleiðis tilf. B   <sup>6</sup>) megi. B   <sup>7</sup>) ok blindaðs tilf. B   <sup>8</sup>) þeirri, B

122

Lostagirndin syniz ok sua sem medr nockurri skynsemd eggja blindat hlarta til sinnar frammferdar þann tíma sem hon segir sua. Fyrir huera skyld [tæmir þu þik eigi allan<sup>1</sup> til eptirlætiss ok munudliffiss nu. þar sem þu veitz medr engu moti. huat er þik kann sidarr henda ok eptir at koma. geym þess einkannliga. at þu tynir eigi ok unytir tekinn tíma. sua at þu gorir eigi huat er þik<sup>2</sup> girniz. ok farir eigi<sup>3</sup> aullu þi fram sem þik til fysisir. þiat þu veitz medr öngu moti. huersu skiotliga timinn man um lida. Er þat til marks. at þu matt þetta uel gora. at gud mundi medr öngu moti skapat hafa þegar bædi<sup>4</sup> karlmann ok konu. sua sem mannkynit byriadið. ef hann bannadi ok uildi eigi. at þau blandadið medr likamligri lostagirndar sambud sin i milli. þessi lastanna talkan ok tala ok önnur þessarri lik eggjar manninn æ þi framarr ok heimelligarr<sup>5</sup> illa at göra. sem henni uerdr uforsealigarr ok uuarligarr inngöngu orlof gefit til hiartans herbergis.

Er þat ok eitt of mikit mannzins ofmetnadar mark at treystaz medr ofdirfd ok ofuilnan. at hann man eigi [misgora mega.<sup>6</sup> medr þi at þessi sama ofdirfdar ofuilnan se falkomin synd. eptir þi sem hinn heilagi Johannes postoli ok gudspiallamadr gefr orskurd aa sua seglandi.<sup>7</sup> Ef uer segium at uer haufum eigi syndir medr oss. þa suikium uer oss sealfa. ok þa bidr eigi sannleikinn<sup>8</sup> medr oss. Geymum at þi allir samt ok seam uid. at enginn blecki sua edr suiki sealfan<sup>9</sup> sik. at hann hyggiz engum fiandans freistnanum undir edr þeirra haskum. þar sem hinn uakri ok falsutti freistari unaðar þa meðr enn grimmarum ok greypilligum umsátum. sem hann sér at sik hallða mest ifra syndalifnadinum. Enn uioðr huat<sup>10</sup> man hann forðiarfaz ok auruilnaz at hafa frammi sina<sup>11</sup> suiksamliga prettu. þar sem hann freistadi iafnuat sealfs græðarans.<sup>12</sup> þat er almattigs guds sunar. medr sinni suiksamligri flærd. eptir þi sem i dag uar lesit i gudspiallinu. þar sem hinn heilagi Matheus postoli segir. at Jesus Kristus uar af sealfs sins heilagum anda eptir tekna uatnzskirn af hinum heilaga Johanne til þess i eyðimörk leiddr. at hann skyldi þar af fiandanum freistadr uera.<sup>13</sup> einkannliga fyrir þa sauk. sem bædi uar miskunnsamlig ok miok tilheyrlig. at hann sigradi sua uárar freistnanir medr sinum freistnanum. sem hann sigradi uarn dauda medr sealfs sins dauda. Ok sem hann hafði þar fastad .xl. daga ok .xl. natta. þa hungradi hann. ok sidan kom freistarinn til hans. *scolastica hystoria*. Fyrir þann skyld rærdiz

<sup>1</sup>) [temr þu eigi allan þik, B <sup>2</sup>) þu, B <sup>3</sup>) mgl. B <sup>4</sup>) mgl. B <sup>5</sup>) hegomlegarr, B <sup>6</sup>) [giarna misgiora, B <sup>7</sup>) talandi, B <sup>8</sup>) sannleikr, B <sup>9</sup>) saal. B; sua sea, A <sup>10</sup>) saal. B; hann, A <sup>11</sup>) sun, B <sup>12</sup>) vallds herrans, B <sup>13</sup>) verðan, B

þekinn eigi minnz ok rugladiz af hans .xl. daga föstu. at hann uissi at aa sua mörgum dögum helltuz undirdiupsins uðtn upp yfir iordina henni til breinsanar i Noa flodi. ok aa sua mörgum dögum uar Moyses i falliau þann tima sem gud gaf honum sitt logmal. sem siðarr man sagt uerða. ok at aa sua mörgum dögum uar fyrirheitz laud spæiat<sup>1</sup> ok rannsakat. adr enn Jsraels folk kięmi þar. ok enn þar medr uissi hann. at þat sama folk aa sua mörgum áárum föddiz ok lifdi uidr engla miðl i eydimörkinni. Nu sem hann fann þa likamsins ustyrtk á uárum herra. at hann tok at hungra. huat er huarki er lesit af Moyse ne Helia þann tima sem þeir fastadu. þa kom hann til þess freistandi. at hann fengi hann medr nockurum suikum ok syndakyni felldan. ok at hann villdi<sup>2</sup> fyrir þa sauk skoða<sup>3</sup> nu enn af nyiu ok uiss uerda. huart er hann uæri guds sun edr eigi. at hann hafdi guds rödd heyrtil yfir hann i skirninni komandi ok sua segiandi. þersi er minn elskuligr sun. huern er hann uissi fulluliga fyrir at koma mundi. ok at hann mundi fyrir þann sama sinu drottanar ualldi fyrirtapa ok tyna. *Gregorius in omilia*. Ok fyrir þi kom hann freistandi sealfs hans medr þeim þrennum greinum.<sup>4</sup> huerium er hann freistadi hins fyrsta forfedrs<sup>5</sup> uars Adam ok felldi hann. þat uar medr ofneytzlu. medr hegoma dyrd ok i þridiu deildd medr yfgrirnd edr ágrini. Af ofneytzlu freistadi hann Adams. sua sem hann téði honum fædi fyrirbodins ok bannads tréss. ok eggiandi hann til at eta þar af. Af hegoma dyrd freistadi hann hans þann tima sem hann sagdi sua til Adams. ok manut þit þa sua sem gud uera. Af agirndar framfærni edr yfgrirnd einkannliga til tignar ok ofinetnaðar mektar freistadi hann. þa er hann sagdi sua. uitandi badi<sup>6</sup> gott ok illt.

Nu ef uær uilium skynsamliga skoda ok skilia medr huilikri skipan ok grein er guds sunar uar freistat. þa megum uer uissuliga uita ok hiartaliga uirða medr huilikum miskunnar mikilleik<sup>7</sup> uer erum af fundans freistnanum frealsadir. þiat eptir þi sem harðla tilheyriligt ok uidrkuemiligt uar frealsadi hann oss ok aa sömu leid uarar freistnanir medr sinum freistnanum. sem hann sigradi uárn dauda medr sealfs sins dauda. sem um rid uar sagt. Ok fyrir þi kom freistarinn eptir fyrr sagda sealfs hans .xl. daga föstu freistandi hans i fyrstu sua sem Adams af ofneytzlunni. prouandi ef hann fengi medr nockurum ofneytzlunnar fleck hann felldan. berandi honum medr sér steina. ok sua segiandi til þers at hann skyldi af uanstilltri fædunnar fysi sigdradr uerda. sem hann hungdradr sæi braudit fyrir sér. Ef þu ert guds sun sagdi hann. þa

1) spæiat, B 2) tilf. B 3) saak. B; skodandi, A 4) meðr tilf. B 5) saak. ogs. B 6) beði, B 7) milldlek, B

seg at steinar þessir uerdi braud. Enn af þi at freistain uedr ok gðriz af þrimr hááttum. þat er medr aeggian meðr tilleygingar lystingu ok medr samþyckt uidr syndina. þa faullum uer fyrir þann skyld opt ok iðuliga bædi i lystughleikinum ok samþyktinni. þann tima sem uer erum medr fiandans áeggian freistadir. at uær berum i sealfra uarra likðmum orrostu efnit. þar sem uer erum af likams syndinni byreaðir ok getnir. Enn af þi at guds sun<sup>1</sup> getinn ok holldgadr i sinnar sætuþtu modur kuidi Marie meyar koin utan alla synd i þenna heim. þa þoldi hann ónguan þers haattar motgang edr orrostu. ok fyrir þi mætti hann medr andskotans uæl at eins freistadr uerða. enn medr engu moti mætti syndarinnar tilleyging ok lystugleiki bita hans hug edr bleyta. huar fyrir er aull su hin fiandaliga<sup>2</sup> freistni uar at eins fyrir utan enn engin fyrir innan i hans hiarta. Ok fyrir þa sauk suaradi hann fyrr sögdum freistarans ordum a þersa leid. Sua er skrifat. at madriinn lifir eigi medr braud eitt saman. utan helldr fœðiz hann uidr buert þat ord sem framm ferr af guds munni. Ok fyrir þi at fiandinn fann sik sigradan i þessarri sinni freistni hinni fyrstu. þa freistadi hann guds sunar annan tima þaleidis af hegoma dyrdinni. at hann hóf hann upp yfir templum domini. er stod i hinni heilagu Jorsalaborg. ok setti hann nidr aa hæstu musterissins hæd edr mæni. ok sagdi sua til þers. at hann uildi at hann syndi sik meðr metnadar ræsni guds sun uera. þiat i ollum sinum freistnanum uar þat hans aastundan ok gðrd. at hann mætti uita huart hann uæri guds sun edr eigi. Enn hann tempradi sitt andsuar. at hans freistari uar engum mun þar um minnr uuiss edr efadsamligr enn adr. Ef þu ert guds sun sagdi hann. þa stig þu sua nidr at þik skadi ecki. Hann suaradi. Sua er skrifat. eigi skalltu freista guðs<sup>3</sup> drottins þins. Ok sem fiandinn uar annan tima af þersarri ofmetnadarins freistni suuiuirðr ok sigradr. þa freistaði hann guds sunar þridia tima af agirndar syndinni. sua at hann hóf hann upp aa eitt hit hæsta fiall ok syndi honum aull ueralldarinnar riki ok alla þeirra dyrd. ok sagdi sua til hans. Alla þersa luti man ek þer gefa. ef þu uegsamar mik sua at þu fallir framm fyrir mik. þar til suaradi sua Jesus. Fyrir þann skyld far i brott andskoti. at sua er skrifat. Drottin gud þinn skalltu dyrka ok honum einum mantu þiona. Nu fyrir þa sauk at hann uar medr þrennum greinum ok þeim sðmum háttum undirlagðr<sup>4</sup> ok sigradr af guds syni. meðr huerium er hann brotsadi ser ok hælðiz. at hann hefði sigrat ok tellt hinn fyrsta mann. sem þer heyrdut. til þers at hann fanginn fari um þann sama ueg ut af uárum hiðrtum. um huern er hann geck inn þann fyrsta tima

<sup>1</sup>) er tilf. B   <sup>2</sup>) fiandliga, B   <sup>3</sup>) saal. B; gud, A   <sup>4</sup>) undirlagiðr, B

sem<sup>1</sup> hann fangaði oss ok ufrealisadi. þa hvarf hann i brott at sinni fra uarum herra. enn guds englar komu til hans i stadinn ok þionaðu honum. *scolastica hystoria*. Annan tima kom hann aptr til hans a sealfum hans piningar tima. ok ætladi þa af dauðans ogn ok otta hann at fella ok yfir at stiga. Enn hann uard þa medr ollu fulluliga sigradr ok bundinn i heluiti. allt til þess tima sem Antikristr man sæddr uerða.<sup>2</sup> þa man<sup>3</sup> hinn uersti lauss uerda. eptir þi sem hinn heilagi Johannes segir fyrir aa sinni bok Apocalipsi. þat truiz ok at pukinn hafi manz mynd tekit upp aa sik. sua sem hann freistadi uars herra. til þers at hann skyldi sua bæði sealfan hann leida mega ok tala med honum. Enn huat er allar þersar fiandans freistnanir hafi uordit aa hinum sid-azla degi uars herra föstu at eins. eör hafa nockurar af þeim fyrri uordit. sua sem a sinum degi huer þeirra. þa er eigi þar um fulluliga i skriptinni urskurdr ueittr. uardar oss ok þat eigi uissuligarr at uita. Fastadi uarr herra þersa faustu i eydimörk milli Jorsalaborgar ok Jericho.

*Gregorius in omilia*. Enn af þi at uer haufum nu af sealfs hans eptirdönum byriat ok upphafit uara .xl. daga faustu. sem oss er til idranar ok yfirbota uars syndaligs lifnadar skipat. þa er oss þat medr skynsemd skodanda. fyrir huern skyld þersi [sami bindandis timi.<sup>4</sup> sem uer kaullum langafaustu. skal hellz um .xl. daga taulu<sup>5</sup> geymaz ok halldaz. Hinn signadi Moyses fastadi .xl. daga aa fiallinu Synay. sua at hann aat huarki ne drack. til þers at hann skyldi þar guds lög af sealfum honum þiggia. sem ofarr meirr man heyraz mega. Hinn heilagi Helias fastadi ok .xl. daga i eydimörkinni. Sealfr lausnari uarr ok skapari til mannkynsins komandi fastadi ok sua .xl. daga. at hann tok medr aullu enga sædu. Ok fyrir þi skulum uer eptir hans dönum aa þessum tima aar eptir ár medr þeirri mestu bindandi<sup>6</sup> sem uer megrum ok tilheyrligt er möða ok megra uara likami. Er ok fertugfolld tala fyrir þa grein einkannliga greind. geymd ok halldin i þersarri faustu bindandi.<sup>6</sup> at aull þau kraptanna uerk sem i tiu laga bodordum standa saman fremiaz ok fullgðraz um fiorar gudspiallanna bokr. *Beda supplicam.*<sup>7</sup> cap. Fastaði guds sun ok fyrir þa grein .xl. daga fyrir sinn likams dauða. þann tima sem hann þurfti eptir likamsins eðli<sup>8</sup> sædunnar ok hans uar freistat. sem fyrr uar sagt. sa sem heildr kom til þess hegat i uerolldina at fylla lögmalit enn fyrirdiarfa þat edr sundr at leysa. Enn hann aat ok drack medr sinum lærisueinum eptir upprisuna. þann

125.

<sup>1</sup>) þer heyrðut. til þers at töl. B <sup>2</sup>) uera, B <sup>3</sup>) hann töl. B <sup>4</sup>) [sambindandis timi, B <sup>5</sup>) fyrst, B <sup>6</sup>) bindendi, B <sup>7</sup>) supplicum, B <sup>8</sup>) töl. B.

tíma sem hans signaði líkami hafði tekið sína fullkomna dyrd ok hann þurfti enga fædu. sú sem hann útráðiz þeim um .xl. daga fyrir sína uppstigningh. sýnandi sú í sealfum sér fyrir .xl. daga föstu uarð starf ok erfíði. enn sýnandi í þinni fædutekiunni sealfs hans buggan meðr oss uera. terminerandi hana enn um .xl. daga. þíat<sup>1</sup> í þersarri tölu merkiaz aull ueralldarinnar rás ok umferð. meðr aullum þeim monnum sem fyrir sealfs hans gípt ok miskunn uerða til hans kalladir. þar sem .x. laga bodorð. þau sem allir uer erum skyldugir at hallda. dreifaz meðr hans miskunn<sup>2</sup> allan þenna fíerskiptan<sup>3</sup> heim. Tíu ferfalldaðir gera .xl. þíat alla þa menn samnadi hann til af austri ok uestri. af nordri ok sunnan af úthafinu sem hann leysti. Nu þar sem hann fastaði .xl. daga fyrir líkams dauðann<sup>4</sup> þursfandi fæðunnar næringar. uar sem kallandi mínti oss aa. at uer bindimz ok halldim oss frá þersa heims fystum ok girndum. Enn þar sem hann aat ok drack enn um .xl. daga eptir sína upprisú. þar sem hann þurfti þa engrar þers háttar næringar. þa uar sem hann kalladi oss syndugum ok ustyrum sinnandi ok súa scgiandi. Se her [er ek<sup>5</sup> meðr ydr allt til ueralldarinnar endalyktar.

126. *Gregorius in omilia.* Er ok nu annarr skynsemdar skilningr af þersum fóstutíma. þíat frá þeima sunnuðegi. sem nu er kominn. eru .vi. úikur [framan til<sup>6</sup> hatíðlíg ok fagnadarsamlíg páskatíma. Nu súa sem sunnudagarnir .v. eru eigi til faustu<sup>7</sup> taldir. þa uerða eigi meirr af þersum .xl. ok .ii. eptir. súa at til faustunnar [se taldir.<sup>8</sup> enn .xxx. ok .vi. dagar. Nu meðr þí at aarit hefir í sér .ccc. ok .lx. daga. enn uer þuingumz aa .vi. daugum ok .xxx<sup>m</sup>. þa er sem uer gefim ok gorim gudi tíundir af aullum aaronum. at þar sem uer lífdum<sup>9</sup> driugum alla aarsins tíma eptir sealfra uarra leik ok lýstingu líkamsins. þa [þíam uer oss<sup>10</sup> ok þyngim<sup>11</sup> fyrir skaparans ok lausnarans skyld. bæði í faustum ok annarri bindandi<sup>12</sup> aa sealfs hans tíundar tíma. þíat á sðinu leid eigum uer honum at offra ok gðra tíundir af aullum úarum lífdaugum. sem oss er í lðgunum skyldulíg bodit at offra gudi ok gora rettar tíundir af aullu uaru godzi ok ueralldarinnar auðæfum. Megri nu at þí huerr sem einn ok mæði sinn líkama. lemi ok fyrir leggi<sup>13</sup> uleyfðar girndir. eptir þí sem kraptr ok orka uinnz til ok uidrkugmíligt er. deyði ok drepi meðr aullu líotar ok leidar líkamsins lýstingar. til þers at hann uerði eptir postolans orðum Paals lífandi fórn. Upp aa þann hátt ma guds fórn ok offran bæði sæfaz ok þo

<sup>1</sup>) mgl. B    <sup>2</sup>) saal. ogs. B    <sup>3</sup>) ferskiptan, B    <sup>4</sup>) andann, B    <sup>5</sup>) [ek er, B  
<sup>6</sup>) saal. B; til páska, A    <sup>7</sup>) fóstunnar, B    <sup>8</sup>) [megi teliaz, B    <sup>9</sup>) lífdim, B  
<sup>10</sup>) saal. B; seam uer, B    <sup>11</sup>) þyngim, B    <sup>12</sup>) meðu, B    <sup>13</sup>) hann ok  
allar tilf. B



lifandiss vera. at maðrinn deydi meðr ser rangar likams fystir. enn fyrir uerdiz eigi þi helldr eðr þreytiz annars kostar i þessu lifi. Nu sua sem hðrundin<sup>1</sup> dró oss i glæpinn. sua sem hon uar<sup>2</sup> of kát alin. þa leidi hon oss meðr hialpsamligri mædingu þiad ok þuingad<sup>3</sup> apr til leidrettu ok liknar. Upphafsmaðr uars dauda geck ut af lifs bodorðum fyrir avoxi ok epli fyrirbodins ok bannads tress. ok af þi at uær fellum fyrir sædutekiuna i brott af Paradisar sagnadum. þa risu uer fyrir faustunnar bindandi<sup>4</sup> upp til þeirra. eptir þi sem uær efum ok orkum. *Augustinus.* Nu af þi at uær eigum meðr .xl. daga fðstu at byria oss ok bua moti uárs herra helganum ok sealfs hans holldtekiu. þa geymum fyrir guds sakir. at uer fastim aa sua mðrgum dðgum falslausliga fyrir sakir<sup>5</sup> uarra synda. sem guds sun fastadi fyrir til-skyllan uarra glæpa ok afgerda. Ok fyrir þi gai<sup>6</sup> þess allir iafnsaman ok geymi. at engin dirfuz at snæða nu nðckurn dag optarr enn einn tima sunnudaga i milli. utan sa se nðckurr einn edr fleiri. at fyrir siukdoms sakir faai eigi fastad. ok eli þo fyrir þann skylld meðr sút ok sárri anduarpan harmþrungins hugar leyniliga sér einn saman. ella meðr ðdrum siukum sinum lika.<sup>7</sup> at hann ma eigi sinna ok samþyckia audrum sidlátum kristnum monnum i sinni faustu ok annarri bindandi.<sup>8</sup> ok sua láti hann<sup>9</sup> leyniligaz séér þa luti bua. sem honum eru naud-synligir. þiat honum byriar meðr ðngu moti at bidia edr bida nðkk-urum heilum manni þat bil til bordz meðr séér. [at eigi<sup>10</sup> auki hann iafnfram sinum krankleika sér synd ok sekt af annars ofneytzu. Ok enn þi framarr.<sup>11</sup> ef hann uill<sup>12</sup> fulluligha uel gðra. þa aa hann at ueita þi meira godz ok framarr hinum fatæka sem hann fær eigi fastad. til þers at hann leysi ok lækni sua þær sinar skadsemdir meðr olmusugerdinni. sem hann fær eigi grætt fastandi. Fastan er uissuliga god i guds augliti. ena þo er olmusugiofin fyrir hans sakir gðr enn betri. Nu sa sem huarttæggia ma ok gorir sua. þa fremr hann fyrir guds skylld at gera goda luti tua. Ma hann ok eigi efla at gðra bada. gefi hann helldr aulmusuna. ef hann kann faa. Ef maðrinn hefir eigi megat fasta. þa nægiz honum. aulmusugiðfin. þo at hann fasti eigi. Enn fastan ma honum meðr engu moti fulluliga nægiaz edr halldkugnaz utan aulmusugiðfina. utan þeim sem hann er sua fatækr. at hann hefir ecki ugta til at ueita þurfandum. þeim sem sakir sinnar fatæktar eru sua uidlatnir. at þeir megu ecki þess háttar godz audrum ueita. Vinz at fullu ok nægiz einn saman goduili. eptir þi sem himnakonungs hird ok englar

<sup>1</sup>) giradin, B <sup>2</sup>) gløð ok tulf. B <sup>3</sup>) þuingiat, B <sup>4</sup>) bindendi, B <sup>5</sup>) sialfra tulf. B <sup>6</sup>) gaið, B <sup>7</sup>) saak. B; likar, A <sup>8</sup>) bindendi, B <sup>9</sup>) sem tulf. B

<sup>10</sup>) [tulf. B <sup>11</sup>) at tulf. B <sup>12</sup>) tulf. B

127

æðgdu ok sungu á sealfs hans burdartilma sua talandi. Dyrð se gudi i hinum hæstum lutum. ok aa iardriki se fridr þeim monnum sem god-uiliugir eru. Enn huerr megi sakir fatæktarinnar ðruggliga<sup>1</sup> utan allz<sup>2</sup> otta sik afsaka. þar sem uárr lausnari heitr i guðspiallinu ok iátar meðr sealfs sins munni. at hann skal fullkomlight [uerkkaup aumbuna þeim fyrir.<sup>3</sup> sem hinum fatæka ueitir einn kалldan uatzdryck. Ok fyrir huern skyllð tok hann helldr þa kалldan til enn heitan utan fyrir þann skyllð. at sa sem fatækr uęri edr urikr skyllði eigi sakir elldiudarleysis edr ketta<sup>4</sup> sik afsaka mega. at hann mætti eigi þann sama dryck heitan gera. *Gregorius in omilia.* Ok enn þi framarr. at þo at einn huerr hinn fatækazti meggi þenna hinn kallda uatzdryck eigi ueita. þa heitr sealfr sannleikrinn oss allt at eins ðrugga<sup>5</sup> aumbunarinnar uán fyrir einn saman goðuiliann. þiat alldrigi<sup>6</sup> er hōndin þa meðr ollu tóóm fyrir gudi edr lutlaus [fyrir gudi.<sup>7</sup> er hiartans herbergi er i sealfs hans augliti fullt af goðuilianum.<sup>8</sup> Ecki ueita ma þat offraz edr fornşeraz at gudi se þægiligra enn goduiliann. Enn þat er sannr god-uili. at ueita ok gera þat eina oðrum. sem þu uill giarna at uidr þik se gort. nita ok eigi þat oðrum sem þu uill<sup>9</sup> at þer se gort ok ueitt. skunda ok hialpa naungi þinum i hans þurft ok naudsyn. eptir þi sem þu ešfir ok orkar. enn uilia þo [enn framarri<sup>10</sup> stoda honum ok stetta.

Af sliku ok oðru þiliku þa er engin driugum sua latr. lágr edr litils háttar. at hann megi auruggr ok ottalauss um uera. at hann hafu eigi þegit nōckut eitt edr fleiri af þeim pundum ok gozi. sem sealfr guds sun segir i gudspiallinu sua sem meðr nockurri dæmisauğu. fra þi er hann hefir maunnum ueitt sealfs sins láán her i uerolldinni. þeim til æfinligs uerdleiks ok auaxtar sem sua uilia meðr honum hafa sem hann hafdi. þar sem hann segir undir þeirri saumu dæmisōgu. at hann feck einum .v. pund. auðrum ueitti hann .iii. pund. enn oðrum 128. i.<sup>11</sup> Enn af þi at sa hinn sami sem alldri<sup>12</sup> hegomar segir sua sem meðr hotanar<sup>13</sup> ordum fyrir. at hann man eptir langan tíma til þers aptir huorfa<sup>14</sup> i uerolldina at krefia þa skilreckiss ok skynsemdar af ueittum pundum ok uelgōrningum. þa erum uęr aamintir at hugleida þat hiartaliga. at uęr [faaim ok<sup>15</sup> fallim eigi i þyngra uars herra dom i þeirri hans hegatkuámu. sem hann ueitir oss framarri ok meira enn auðrum monnum her i uerolldinni. þiat aa sōmu leid aukaz ok uaxa giarfanna reikningar ok skynsemdir sem<sup>16</sup> giafirnar aukaz. Ok fyrir

<sup>1</sup>) vruglega, B <sup>2</sup>) allan, B <sup>3</sup>) [verðkaup fyrir taka, B <sup>4</sup>) katta, B <sup>5</sup>) urugga, B <sup>6</sup>) alldregin, B <sup>7</sup>) [mgl. B <sup>8</sup>) godum vilianum, B <sup>9</sup>) villt, B <sup>10</sup>) [slikt edr framarri, B <sup>11</sup>) eitt, B <sup>12</sup>) engan lut, B <sup>13</sup>) hotunar, B <sup>14</sup>) hegat tilf. B <sup>15</sup>) [mgl. B <sup>16</sup>) sialfar tilf. B

þat sama skyllðaz huerr sem einn at uera<sup>1</sup> þi litillatari ok þionostu-  
felli fyrir allar þær guds gíafir ok láán. er honum ueitiz her. sem  
hann skilr sik sealfum honum meirr skyllðugan i reikningar gerdinni  
ok skynsemdar gíalldinu. Ok þo má engin þat medr sannindum segia.  
at hann hafi ecki þers háttar pund þegit. ok fyrir þann skyllð þurfi  
hann enga skynsemdar reikning at gora. þiat íafnuel man hinum fatæka  
þat hit minzla sem honum ueitiz at þi uerda. sem hann hafi nðckut  
pund þegit. Sa er einn sem hann hefir til þers skilning ok skynsemd  
þegit at predica fyrir audrum monnum. ok þat sama embætti uerdr  
hann af þi pundi skyllðugr at ueita. Annarr hefir þegit ueralldlig  
aðæfi. ok af þi sama pundi uerdr hann skyllðugr at reida ok ut at  
greida. Sa er rettliga hinn þridi. sem honum hefir huarki mikit ueitz  
af andligum skriptarinnar skilningi ne af ueralldar gozi. utan helldr  
hefir hann numit þa mentanar list ok íþrott. sem þar af ma hann sædaz  
ok uel fara. þersi hans mentan uerdr honum ðruggliga at pundi. Enn  
er sa ok einn sem engin af aullum þersum .iii. hefir þegit. enn þo  
hefir hann heimolligt herbergi meðr uel rikum manni. ok þat sama  
heimilishus ok herbergi er hans pund. sua at hann uerdr skyllðugr  
at tala fyrir hinum ríka manni af hins fatæka uegna. ef hann will eigi  
fordæmaz fyrir þat. huersu hann helldr inni sinu pundi. Nu sa sem  
hann hefir skilningaruit til framburðar fengit. þa geymi hann ok gai.  
at hann þegi eigi af þeirri predican ok framburði. sem honum til  
heyrir. Enn sa sem hann hefir ueralldar goz medr hðndum. þa uaki<sup>2</sup>  
hann ok uakti sik uel. at hann ueiti þat godz uidrkuæmiliga sem gud  
gaf honum. Enn hinn sem meiri mentan enn annat ueralldar láán hefir  
fengit. þa hafi mikilliga studeran ok astundan til þess at partera hana  
sua ut af sér. at hans náungar uerdi honum uel uiliandi. Enn sa sem  
hann hefir stund ok stad at mega<sup>3</sup> tala medr<sup>4</sup> hinn ríka mann. þann  
tima sem honum líkar. þa ottiz at hann falli eigi i fordøming fyrir  
sina fundlekiu. ef hann flytr ekki fyrir hinum ríka biðiandi<sup>5</sup> fyrir  
hinum fatæka. [þa er<sup>6</sup> hann ma þat uel gðra. Sa domandinn sem at  
sidazta man koma. krefr sua mikit ut af huerium uarum sem hann gaf.  
Ok fyrir þi mætti huerr sem einn dagliga hugsandi uera medr sealfum  
sér. uat er honum hefir uerit ueitt. til þers at hann megi þar fyrir  
nðckuru framarr ok ðruggligarr gðra ok gíallda guði skynsemd af þi  
uelgrnings pundi. sem hann hefir honum ueitt.

*Augustinus.*<sup>7</sup> Er ok nockurr enn sua fatækr. at hann megi eigi  
sæda edr annat þers háttar gods hinum fatæka ueita. þa lati hann þo

<sup>1</sup>) þ. tál. B   <sup>2</sup>) uari, B   <sup>3</sup>) mgl. B   <sup>4</sup>) saal. ogs. B   <sup>5</sup>) biðian, B   <sup>6</sup>) [ef, B  
<sup>7</sup>) tál. B

allt at eins bua pilgriminum sæng. edr þeim audrum sem þurfandis er. i einni huerri kra edr hyrningh sins herbergiss.<sup>1</sup> Huat munum uær ella segia edr suara. edr hueria afsakan manum uer þa hafa mega. sem her haufum mðrg stór hus ok mikil herbergi. ok uirdumz þo uarla nðckurn tima hinum fatæka uart hus at ueita. sua sem uuitandi ok enn helldr mistruandi. at Jesus Kristus er þa inntekinn huern tima sem<sup>2</sup> pilgrimr edr annarr fatækr er<sup>3</sup> inntekinn. eptir þi sem hann sealfr segir. at hann man tala til retllatra manna at hinum efzta domi sua segiandi. Gestkominn uar ek ok tokut þer mik inn i ydart herbergi. ok sua langan tima sem þer gerdut einum af þersum hinum minztum minum monnum. þa gordut þer þat sealfum mer. Ef oss þickir miók erfilt. leidint ok leidigiarnt at hysa ok herbergia Jesum Kristum i fatækum monnum her i uarri faðurleifd ok fostrlandi. þa ma oss miók ræðiligt þickia. at hann gialldi oss ok aumbuni sua eptir uarri uerð-skyllðan. at hann herbergi oss eigi ne inntaki i sina eylifa sæmd ok sælu. Ok ef uær haufnum honum her aa iardriki. þa eigum uer ok megum mikilliga ottaz. at hann hafni oss annan tima i himinriki. eptir þi sem hann segiz a fyrrnemndum tima<sup>4</sup> til ranglatra manna tala skulu. Hungradi mik ok gafut þer mer eigi at eta. gestkominn uar ek [ok tokut þer mik eigi inn i ydart herbergi.<sup>5</sup> ok sua lengi sem þer gerdut eigi einum af þessum hinum minztum minum monnum. sua gerdut þer eigi mer. Enn uidr þi sem eptir ferr ok þar fylgir. firri sealfr guds sun oss ok meðr sealfs sins miskunn frealsi oss. er hann man til þeirra salugra sua tala. Huerfüt brott fra mor þer bauluadir mena i þann eylifan<sup>6</sup> elld. sem diðllinum er fyrirbuinn ok hans englum. þersa luti skyllðim uer fordaz ok hiartaliga heyra. enn eigi sua. at þegar<sup>7</sup> lidi ut um annat eyra. enn inn gengr um annat. utan helldr hýra ok hugsa þessor sealfs hans ord sua dyggiliga ok truliga. at af uarum kennidomi<sup>8</sup> mætti iafnuel eigi sidr adrir menn hafa þau af uarum ordum<sup>9</sup> sem godum monnum til heyra.

*Gregorius.* Einn sagrligr ok hardla frægr lutr. þo at æigi laigr til frasagnar. synir ok sannar uars herra sðgn ok fyrirheit. sem her ýlgir. Nockurr godr husbondi lagdi<sup>10</sup> sik mikilliga meðr ollu sinu hyski ok hei-molligu<sup>11</sup> folki til gestrisnis starfs ok astundanar. ok hafdi dagligi ut-lenda<sup>12</sup> pilgrima i sinu boði ok at bordi meðr séér. A nðckurum degi uar einn pilgrimr meðr fleirum audrum kalladr ok inn<sup>13</sup> leiddr til hans berðz.

<sup>1</sup>) herbyrgis, B    <sup>2</sup>) þurfandi tilf. B    <sup>3</sup>) enn tilf. B    <sup>4</sup>) tilf. B    <sup>5</sup>) [tilf. B  
<sup>6</sup>) saal. ogs. B    <sup>7</sup>) leið tilf. B    <sup>8</sup>) kenningum, B    <sup>9</sup>) ok eptirdænum  
tilf. B    <sup>10</sup>) sagði, B    <sup>11</sup>) hegomlegu (!), B    <sup>12</sup>) menn til. B  
<sup>13</sup>) var, B

ok sua sem hann husbandinn sealfir eptir sinni hæuersku<sup>1</sup> ok manndoms maneri etladi<sup>2</sup> at gefa honum handlaugar ok hann sneriz nockut sua i fra gestinum at taka uatnkarlinn. þa uar sia hinn eini pilagrimr honum sua skiotliga horfinn. sem hann ætladi handlaugina at gefa.<sup>3</sup> at hann fann hann huergi. Ok sem hann undradiz medr sealfum ser. huersu þetta hafdi uordit. þa uitradiz uarr herra honum á næstu nátt eptir. ok taladi sua til hans. Adra daga hefir þu mik i minum limum iuntekit i þitt herbergi. enn i giar<sup>4</sup> tokt þu mik inn sealfan. Se nu. várr herra uitiar þegar löngu fyrir domsdag þeirra manna fyrir sealfan sik her i ueroldinni. sem hann hysa<sup>5</sup> ok herbergia þo i hans limum fatækum monnum [sem þer heyrdut.<sup>6</sup> ok gerum uer oss allt at eins lata til [gestrisni frealsleikans.<sup>7</sup> slíka giptu ok gæfu sem uer megum fyrir hana faa. Ef nóckut torg uæri þat. aa hueriu er þer heyrdut .c. gullpeninga ganga ok ut gefaz fyrir einn koparpening. þa mundut þer allir þagat skunda sem skiotaz driugum medr allt godz ydart. ok kalla þa uesla ok uitstolna er eigi rynni sem fastaz.<sup>8</sup> enn beria þa meðr bræði ok bannanarorðum. sem yðr helldi ok hindraði af þersarri ferd. Virdum nu at þi ok skodum medr skynsemd. huilíkr kraptr er gestrisnia er fyrir guði. Biodit Jesu Kristo her til bordz meðr ydr. til þers at þer megit þar fyrir inn takaz annars heims i hans eylifar himinrikis ueitzlur. ok ueitit honum utlendum ok fatækum nu til þers ydart herbergi. at þer takiz eigi af sealfum honum at hinum efsta domi sua sem utlendir ok ukendir. utan helldr taki hann ydr þa fyrir yðra ueitzlu ok uelgðrninga sem eiginliga ok heimolliga menn inn i sitt ríki. þetta sama birtir oss ok tér sáa alburðr. sem hinn heilagi Gregorius pavi segir enn ifra annan tíma. at sua sem nauckur hardla sæmilig husfreyia ok sidlát i Romaborg gekk æinn dag eptir uana sinum sakir heilags bönahaldz til kirkiu guds pislaruátta þar i borginni. ok hun byriaði sina ferd i brott fra kirkiunni. þa fann hun tua munka meðr utlendum bunaði standandi a ueginum fyrir sér. ok fyrir þann skylld at hon ætlaði þersa menn uera fatæka pilagríma. þa baud hun at þeim skylldi gefaz fyrir guds sakir nockur aulmusa. Enn fyrr enn sa sem aulmusuna skylldi þeim framm selia fengi þat gort. þa gengu þeir at henni ok sögdu sua. þu uitiar nu ok kemr nu her til ockar. þar fyrir munum uid uiltia þin áá domsdegi ok ueita þer huat er uid megum. Ok þegar hurfu þeir fra henni at syn. sem þeir haufdu þetta talat. En hun rædd ok ottafull af þersi uitran ueik ok uendi ser aptr til kirkunnar. ok badz þar fyrir hardla lengi medr mikilli taara uthellingu.

<sup>1</sup>) samvizku, B   <sup>2</sup>) tok, B   <sup>3</sup>) honum tilf. B   <sup>4</sup>) i giær, B   <sup>5</sup>) her tilf. B

<sup>6</sup>) [mgl. B   <sup>7</sup>) [gestrisnis frealsleika, B   <sup>8</sup>) skiotaz, B

130.

ok uard bæði aa þönninni æ þi stadfastari ok godfusari sem hun var<sup>1</sup> a fyrirheitinu bæði fegnari ok uisari.

*Augustinus.* Göðrum at þi sua sem uer uarum fyrri eggjadir ok ámintir. at aulmusunnar frygd ok feiti prydi ok segri uarar föstur. þiat fastan er þa leið<sup>2</sup> fallin utan ölmusunnar sem lios ok lampi er utan oleum eðr annat lysi. Ok sem þat lios. sem sua er kueykt at<sup>3</sup> eigi er nockut lysi medr. ma riuka enn eigi lysa. upp aa þann hátt pinar su fasta ok kuelr likaminn. sem engin ferr ok fylgir aulmusan meðr. enn lysir eigi salina eðr birtir medr sannleiksins<sup>4</sup> liosi. Látum nu at þi uarar faustur sua fallnar uerda sem komnum tima til heyrir. at uarir daguerðir ueiliz fátækum monnum. at uer hirdim þat helldr i þeirra fátækra manna haundum ok hungradum kuidi. sem uer mundim<sup>5</sup> ella um mornana snætt hafa. enn i uarum klefum eðr matkaussum.<sup>6</sup> þiat fátæks manz hönd er fehirdzluhus Jesu Kristi. hon hirdir þat ok uarðueilir i himinriki. sem þaleidis eydiz her aa iarðriki. þiat uerdskeyllan gods uerks hirdiz ok geymiz allt at eins i himinriki. at su fæda eydiz ok upp neytiz sem hinn fátæki þiggr her aa iarðriki. Hugsum uer þat sem optaz ok iduligaz.<sup>7</sup> huersu sa hinn riki madr for af heiminum. sem fyrir þa fátæka mola sem fellu nidr af hans borði bað eins uatzdropa. sua sem hann brann i annars heims kuðlum. ok fekk eigi. *Gregorius in omília.* Eigi er þersi hinn audgi madr fyrir þat lyttr ok lastadr. at hann hafi þat rænt ok ripsat<sup>8</sup> eðr grimmliga grápat<sup>9</sup> sem adrir menn attu. utan helldr fyrir þat at hann ueitti eigi uidrkuemiliga þat sem sealfr hann alli. ok eigi segiz þat af honum. at hann gordi áá nöckurum manni ofualld eðr ofriki. utan helldr at hann mektadiz of miok ok hóf sik of háátt af þeim audæfum ok uelgerningum sem honum ueittiz.<sup>10</sup> Hedan af er þat mikilliga merkianda ok hiartaliga hugsanda medr huilikri pinu sa man annars heims uerda hegndr. sem hann rænir eðr medr nockurri grein afðgliga grápar<sup>11</sup> annarra. þar sem sa er medr heluitis fordæming hegndr. sem hann ueilir eigi fyrir guds sakir sitt eigit goðz. Ok fyrir þann keyll skal engin örugga<sup>12</sup> sealfun sik ok sua segia. at hann rænir æcki eðr ripsar þat sem adrir menn eigu. utan helldr nytr ok neytir þess sem honum hefir ueitt uerit uel ok frealsliga. þiat þessi hinn riki maðr uar eigi fyrir þa sauk pindr. at hann tæki nöckura þa luti sem adrir menn attu. utan helldr fyrir þat at hann fyrirlét ok uanrækti uándzliga sealfan sik i þeim lutum sem honum ueittuz. ok þat sama hellt honum ok kom til heluitiss kuals. at hann uar ecki uætta hræddr eðr ottafenginn

<sup>1)</sup> iulf. B <sup>2)</sup> þa leiðis, B <sup>3)</sup> ok, B <sup>4)</sup> kieggleiksins, B <sup>5)</sup> mundum, B <sup>6)</sup> matkaussum, B <sup>7)</sup> idnlegaz, B <sup>8)</sup> ripsat, B <sup>9)</sup> gripit, B <sup>10)</sup> saal. ogs. B <sup>11)</sup> gripa(!) B <sup>12)</sup> uruggia, B

her i sinni sæmd ok sælu. þat annat at hann hellt ok hafði þa goda luti sér til ofmetnaðar ræsni sem gud hafði honum gefit. þat hit þridia at hann var meðr öllu lutlauss ok afskiptr hiartans huggið ok samþing uidr fataka menn. þat hit .iiii<sup>a</sup>. at hann uildi eigi frelsa sínar syndir ok leysa. iafnuel i þann punct sem hann hafði meirr enn í nóg godz þar til. ef hann hefði sua uiliat sein hann hefði megat.<sup>1</sup> Takit ydr þar af hialpsamliga hugsan ok heilan skilning. huersu strangr ok stridr er guds domr uerdr sidarr. sem ofarr meirr segir eptir sannleiksins ordum i guðspiallinu. at eptir þat sem huarrlueggi var allr. hinn fataki ok hann var af guds englum fluttr i huilddar stad ok i fadm Abrahe. ok i annan stad hinn riki madr eptir sitt andlát var grafinn i heluiti. Ok sem hann kualdiz þar ok hóf upp nöckut<sup>2</sup> sin augu. þa sa hann hinn signada Abraham sér miok fiarlægan ok þann fataka Lazarum i hans faðmi. huerium er hann uildi engan manndom eðr miskunnar minning her ueita. ok kallaði þarflatlige<sup>3</sup> til hans sua segiandi. Miskunna mer þu fadir Abraham ok send Lazarum. at hann drepí sinum minnzla framanuerðum fingri til þers i uatn. at hann kiæli mina tungu. þiat ek kueliumz saarlige i þersum loga. O ho. séé nu huersu smásmuglige ok stranglige bæði geriz goðra uerka uerðlaun<sup>4</sup> ok illra. þiat sua sem Lazarus fystiz fyrr meirr i þersu lifi at sæðaz ok fylla sik af þeim brauðmolun sem fellu af hins rika manz bordi. ok eogi gaf honum þi helldr. meðr samri grein sagðiz nu af hins auðga mannz kuðl. at hann uildi giarna at cinn uatzdropsi af hinum minzla fingri Lazari drypi i hans munn. Ok ueittiz honum þat eigi. utan helldr suaradi Abraham þi sem aullum oss er meðr miklum otta hugsanda sua segiandi. Sun minn. minnz nu upp aa þat. at þu þátt goda luti i þinu lifi ok Lazarus á sömu leid illa luti. Þessi hinn riki madr. sem eigi uildi her hinum sára fataekum manni gefa hina minnztu brauðmola af sinu bordi. var sidan [sua leiddr<sup>5</sup> ok litt at tekinn. at hann leitadi eptir at hann mætti þiggja hardla lilla luti. sua sem hann var i hormuligum helmitis kuðlum. þiat hann beiddiz uatzdropa. þar sem hann nitadi brauðmola. þat er ok mikillige merkianda. at hinn riki madr bað einkannlige. at hann mætti kiegla þann tíma sem hann brann ok kualdiz i eldinum. þar sem uárr herra segir ekki fra þi fyrir frammi i guðspiallinu. at hann hafi sik miok haft til umlestrs eðr annarrar ofmælgí. utan helldr at hann misgerði meðr ofmetnaðinum ok fasthelldi i ofneytzlu ok öðru yfiruettis eptirlífi. Enn fyrir þa skynsemd at þat er optlige skriptarinnar háltr. at þar sem hun talar af einshuerium lut.

132.

<sup>1</sup>) maett, B   <sup>2</sup>) sva táf. B   <sup>3</sup>) þarflaudega, B   <sup>4</sup>) verðskyllðan, B   <sup>5</sup>) [leiddr sva, B

þa tér hon ok synir æigi sidr þann annan medr sinni teiknan ok [tiluisan leyniligri.<sup>1</sup> sem hon talar eigi til. þa segiz fyrir þa grein uel ok rettliga. at heluitiss elldr brendi þann ok pinaði saarlígaz i tungunni. sem yfiruettliss illa ok uuidrkemiliga hafði i ueitzlunum fengiz. at mælgín er i þeim storliga<sup>2</sup> tilgiðrn. þiat þat er ofdryckiunnar uani. at henni fylgir fyrst mikil margmælgí. enn eptir þat lystir menn at sla ser lausum ok leika. eptir þi sem af Ebreis er skrifat in exodo. at þat sama folk sat sér fyrst at eta ok drekka. enn síðan er þat uar gort. þa stodu þeir upp at leika. Ok enn i dag er þat ofdryckiumanna manér. at tungan roriz fyrri til hegoma talsins enn likaminn roriz til leiksins. Ok fyrir þi brann hins ríka mannz tunga mest ok sárlígaz eptir sealfs hans tilskyllðan. at hann hafði i sinum uuidrkuemiligum ueitzlum i margmælginni mesta lagi syndgaz ok misgert. þau ord ok orskurdr hins agieta Abraham eru ok hiartaliga hugsandi ok medr mikilli rædzlu i minni festandi. sem hann suaraði opt nefndum ríka manni. eptir þat sem hann hafði honum medr áminningu teed. huersu marga goda luti hann hafði þegit i þersu lífi. ok huersu Lazarus hafði þar i mot kellt<sup>3</sup> aa ser marga kránka luti. fyrir þat sama huggaz hann nu. talaði hann til hins audga manz af Lazaro. enn þu kuelz nu. þer sem nockut mikit ueralldar godz hafit þegit her. skulut þar medr ottaz þat godz meðr nockuru moti. ef mer líkar sua at tala ok til ordz at komaz. ok fyrir hueria sauk. utan þa. at ydr ueitiz<sup>4</sup> þat eigi sua i uerkkaup<sup>5</sup> ok fulla samuirðing fyrir þau god uerk sem þer hafit gert. þa er þat uissuliga synt. at hann hefir gert nõckura þa illa luti sem reinsaz þurfu. ok þær sðmu hans syndir ok afgorðir reinsadi aureignarinnar<sup>6</sup> elldr. enn hins ríka manz ðmbunaði sæmd ok sæla þersa líðanda lífs.

Nu allir þer sem her [þiggít mart<sup>7</sup> ok mikit godz i uerolldinni. ok þo hugsit þat iafnframm. at þer gðrit suma luti ual. þa uerit um þat hræddir. at þeir sðmu godu lutir ok þeirra farsælld. sem ydr ueittiz<sup>8</sup> her. uerdi ydr eigi at fullri aumbun allra þeirra goðra lula sem þer hafit gðrt. Ok þann tíma sem þer seait nokkura fatæka menn fremia þa einshueria luti sem liotir ok lastsamligir.<sup>9</sup> eru. þa fyrirlitit þa eigi þi helldr ok lastit þa ekki. auruilniz ok ecki af þeirra uegna. at þeir megi eigi<sup>10</sup> uel fara. þiat fatækis elldr ok ofn sær lettliga þat uel reinsat. sem litils háttar yfirgirnd ok líksamligr syndalífnaðr hefir saurgat. Ottiz helldr fyrir þa sauk hardla mikilliga af sealfum ydr. at þat kann benda. at þeim ueitaz margir farsælligir lutir i þessu lífi.

<sup>1)</sup> [leyniligri tilvisan, B    <sup>2)</sup> storlegans, B    <sup>3)</sup> her kiellt, B    <sup>4)</sup> uirðiz, B

<sup>5)</sup> uerðkaup, B    <sup>6)</sup> qreignarennar, B    <sup>7)</sup> saal. B; þiggia marga, A

<sup>8)</sup> ueitiz, B    <sup>9)</sup> lastsamir, B    <sup>10)</sup> mgl. B



sem eðr hafa marga illa luti framit ok daaliga framm farit. Enn fyrir þann skyld at þer skildut<sup>1</sup> nockut sua af gudspiallzins ordum huilld ok fagnat hins fatæka Lazari. ok eigi sidr hins rika manz prisund ok pinu. þa hugsit ydr um hiartaliga ok freistit. at þer faait nockura þa<sup>2</sup> fatæka menn ydr procurerat. sem ydr megi á siðarsta doms degi fyrir ydrum glæpum ok afgerðum fyrir sealfum guði tulkar ok ténadarmenn vera. Marga Lazaros hafi þer nu þa her. sem fyrir durum uti liggia ok miðk eru þurfandi þeirra aulmasumola ok annarra minninga. sem dagliga falla nidr eðr brótt beraz af ydru borði. þat bil sem þer erut sémiliga saddir. Fyrirsögd gudspiallzins ord skyldi oss mikilliga læra ok lokka til at fremia ok fylla þessor mildleiks bodorð. þiat uær sinnum dagliga fatæka Lazarum. ef uær leitum<sup>3</sup> hans ecki uætla.<sup>4</sup> fatækir menn syna sik þraliga. ok þeir saumu bidia oss nu her. sem oss mætti þar uerða<sup>5</sup> fulltingsmenn ok formælendr i sinum bönum. Geymit at þi fyrir guds skyld. at þer fyrirtapit eigi ok tynit miskunnar timanum. uanrækit eigi medr uitrligri uanrækni ueittar þers háttar lækningar. ok hugsit til kualarinnar fyrir kualar timann. Nu sem þer seait einn huern fatækan. þann sem hans lifnadr ma lettliga i nockuru liotr edr lastandi uerða.<sup>6</sup> þa skyldi hann helldr uerða til umbotar áminntr enn fyrirlitinn eðr hafnadr. til þers at sua mætti til bera. at þer uikit ok uendit hans daligum uerkum ydr<sup>7</sup> til mildleiks uerka ok uerdleiks sauaxtar. ef þer gefit honum bædi samt aulmusunnar braud til sadningar ok áminningar ord til hirtingar. ok hann mætti þar þiggia tuenna sædu bædi andaliga<sup>8</sup> ok likamliga. sem hann bað einnar at eins. Enn meðr þi at hann hafi ónga daliga frammsferd. þa er hann mikilliga uirdandi sua sem uarr flutnings<sup>9</sup> maðr ok formælandi. Huersu marga menn seam uer uitum ekki uætla til. huers uerdleiks þeir eru fyrir guði. ok fyrir þa grein er oss yfir ollum kristnum monnum þi frammarri ok fagrligarr látanda. sem uær uitum sidarr huiliks<sup>10</sup> uerdleiks huerr er.

þetta sama synir ok sannar sa atburðr sem hinn heilagi Gregorius segir ifra. at nær þeim tima uarð a hans döðum. sem hann geck inn i þat sama munklifuss klaustr. sem hann hafdi af sealfs sins gozi reisa lalit i Romaborg. meðr þeim .vi. audrum sem hann hafdi medr sinu gozi i Sikiley medr ollum þeirra rentum ok inntektum göðra lalit. Hann segir. at nöckur gömul kerling berandi systra klæðnat hafdz<sup>11</sup> uidr nærri uarrar fru kirkiu i borginni Roma sem Redempta het. Hun hafdi uerit fyrr meirr þionostukona<sup>12</sup> ok læridottir þeirrar sömu

<sup>1</sup>) skyldut (!), B <sup>2</sup>) mgl. B <sup>3</sup>) leitum, B <sup>4</sup>) mgl. B <sup>5</sup>) vera, B <sup>6</sup>) vera, B

<sup>7</sup>) mgl. B <sup>8</sup>) andlega, B <sup>9</sup>) fulltings, B <sup>10</sup>) huera, B <sup>11</sup>) þar tilf. B

<sup>12</sup>) þionostumeyia, B

Herundinis. sem hardla fræg ok frægilig uar af mörgum ok miklum krapta uerkum. ok heilt einsetu lifnat eptir þi sem fluttiz áð síðllum þeim sem Prenestini heita. þersi gamla kerlingh Redempta tok inn til sin i sitt herbergi þær .iii. meyar meðr sama klædnaði. sem onnur het Romula. enn adra þa sem eptir lifdi sagdiz hann pauinn kenna at syn enn eigi at nafni. Helldu sik ok höfðuz þar uiðr allar samt langan tíma meðr miok fatekum ok þo eigi þi sidr hardla sidferdugum ok sæmiligum lifnaði. Ok þo at þær tæz hennar lærimeyiar lifdi baðar storliga<sup>1</sup> sæmiliga. þa geck Romula þo langt um framm hinnar fagrar framferdir i sinum heilagum bönum [ok haleitum<sup>2</sup> kraptalifnadi. þiat hon uar driugum um framm dæmi lydin ok eptirlát. einkannaliga þolinmod ok geymandi allra tilheyrligra þagnartíma. temprandi fagrlega allt sitt tal ok tungu. bafandi hana opt ok iduliga til heilágs bönahalldz. Enn þat kann þo at henda. at þeir hafi nockurar uauirkiur i sinum framferdum ok uerkum fyrir augum hins agætazta ok haaleitazta höfudsmids. sem fyrir manninum synaz algöruir<sup>3</sup> uera. sem uer uhagir menn lofum þann innsighlissgröft sua sem algeruan ef uær seam hann. sem honum grafurinum<sup>4</sup> uirðiz eigi algörr. ok [hugsar sik um ok séór upp aa sinn gröpt. þetta suerfr hann<sup>5</sup> ok setr til betr. slær hann ok sléttir til betranar ok fullkominnar umbotar. ecki þi sidr at sa lolaði sem eigi kunni sea. Bar her nu ok sua til. at likami þersarrar Romule uar sleginn medr sua mikilli líkþra. at hun la sua mörg aar kaurlegsmadr. at hun malti sér driugum sealf ecki uætta uinna.

Her segir fra Ysaach sonar(!) Abrahams ok Rebecku husfru hans ok fra burð þeirra Esau ok Jacobs.

135 44. Nu er þar til maals at taka sem fyrr uar fra horfit. at Ysaach sun Abrahams hafði tekit Rebeccam dottur Batuels sér til eiginnar husfru. þann tíma sem hann uar fertugr at alldri. Enn sua sem hann fann ok prouaði um langa tíma nær um .xx. aar. at hun uar kona ubyria. enn hann uissi þo i annan stad guds fyrirheit uid fedr sinn Abraham. at fyrir sealfan sik skyldi ok mundi<sup>6</sup> hans kyn ok afkæmi fiolgaz ok margfalldaz. þa bað hann til guds. at hann fylldi meðr honum þetta hit sama sitt fyrirheit. Guð heyrði bön hans. Fann Rebeccha þi næst. at tuennr burdr hafði byriaz meðr henni. ok eigi uar langt til þers sem uán uar at hon mundi sæða. þa fann hon at

<sup>1</sup>) storlegans, B <sup>2</sup>) [saal. B; alettum, A <sup>3</sup>) algiorfer, B <sup>4</sup>) grafurinum, B

<sup>5</sup>) [sem hann séór sik vm. suerfr hann af, B <sup>6</sup>) myndi, B

huarr getnaðrinn geck ok gerdi [i moti audrum<sup>1</sup> sua sem kifandi<sup>2</sup> sin i milli i hennar kuidi. meðr þeirri grein at pilltarnir ræðuz sua ymissliga ok þo iafnskiptiliga. sem huarr uildi audrum fyrr sæðaz ok framm koma. eigi fyrir þann skyld sem nockurir menn hafa skilit. at þeir hefði eigi þar nogt rum ok hægt i sinnar meður kuidi sem þeir uaru kominir. utan helldr uar þat sua af guds uilia ok tilskipan. þers sem þat syndi þa þegar ok birti meðr þeim obornum. sem sidarr kom framm meðr þeim fæddum ok fullkomnum. þiat þann frumgetnad auðlaðiz annarr ok fekk fyrir guðliga miskunn ok fyrirhyggju.<sup>3</sup> sem annarr alli fyrir alldrs sakir ok natturu. ok þann aaskilnad merkti hann þegar meðr þeim afæddum. sem löngu sidarr kom framm ok fullkomnaðiz meðr sealfra þeirra afspringi ok sættmonnum.

Nu sem modirin<sup>4</sup> uar her af halldin miok þungliga. þa sagði hon sua. Huat mundi mer naudsyn at hafa getit nockurn burð til þers at þella kizmi eptir. Ok er hon auruilnadiz driugum ok þottiz eigi<sup>5</sup> uita. huersu heonar hagr mundi uerda edr greidaz. þa for hon at radfrettaz af gudi eptir þi huersu uerða mundi.<sup>6</sup> þa uar engin stadr þa enn edr nockurs kyns háttir til þers einkannliga skipaðr. ok eigi fyrir hueria<sup>7</sup> er menn mætti þilikra luta uisir uerda. Lettliga segir Commestor at hon for til fiallzins Moria. þar sem Abraham gordi gudi alltarit. ok hafi þar gudi fornfært ok legit aa skinnum er af kuikendum uaru flegin. þeim sem hon offradi. ok hafi<sup>8</sup> henni sua i suesninum guds annsuor uitrað uerit. þat ma ok uera. at hon hafi meðr þi maneri sem hon sa meðr sinum fedr gort. laurum þat sem þeir segia þrikuislat<sup>9</sup> uera lagit sér undir höfuð. af hueriu [er þat segiz<sup>10</sup> at eins eptir sðgn Ysiori. at alldrigi slai<sup>11</sup> þat ne grandí þi nockur ellding. ok hafi legit þar meðr aa kuistum þessa tress sem heilir [agnus castus.<sup>12</sup> til þers at hun skyldi eigi uidr nockurar seonhuerfingar uðr uerda. meðan hon suæfi. Ma ok at Melchisedech hafi þa enn lifat. ok hafi hun uidr hann gengit til fréttu. Enn huerium hætti er hon hefir þat gort. þa uar henni uitrað andsuðr af gudi sua segianda.<sup>13</sup> J þinum kuidi eru nu tæx þiðdir. þat er at skilia tueggia þiöda feðr. ok af þinum kuidi man tueggia<sup>14</sup> handa lydr ut ganga. manu þeir greinaz ok sua sundrlyndir uerda sin i milli. at<sup>15</sup> þeir munu beriaz. man annarr sá lydr annan sigra. ok hinn meiri man hinum minna þiona ok litillæti<sup>16</sup> ueita. Huat er þo er eigi af sealfum þeim smapilltunum einkannliga sua skil-

<sup>1)</sup> [eðrum igegn, B <sup>2)</sup> lifandi(!), B <sup>3)</sup> giptu, B <sup>4)</sup> pinæðiz ok tilsf. B <sup>5)</sup> tilsf. B <sup>6)</sup> ok hon kunai tilsf. B <sup>7)</sup> saal. ogs. B <sup>8)</sup> hafði, B <sup>9)</sup> þrikuislutt, B <sup>10)</sup> [einu er þat truiz, B <sup>11)</sup> saal. B; slæi, A <sup>12)</sup> [castus, B <sup>13)</sup> segiandi, B <sup>14)</sup> tænnara, B <sup>15)</sup> tilsf. B <sup>16)</sup> tillæti, B

ianda. þar sem hinn ellri ríkti íamnan hinum yngra. hælðr af þeim þíodum sem fra þeim koma.<sup>1</sup> Þíat Jdumei afkuemismenn Esau urðu löngu síðarr skattgíllðir Dauid konungi. er kominn uar af langfedga tali fra Jacob. utan meðr þeim skílníngi segíz<sup>2</sup> at Esau hafí þíonat Jacob. þa er hann gerði honum ufírd. sem þel þíonar íarni þann tíma sem þat er sorfít ok hreínsat. [ok þúst korní. eðr ofn rauðu gulli.<sup>3</sup> Ok [sem sa tími kom sem<sup>4</sup> hon skýlði fæða. þa prouaðíz sua tíl. at þar komu .ii. pílltar fram. Sa sem fyrr [kom fram<sup>5</sup> uar rauðr ok lodinn allr sem eítt skínn. ok fyrr þa sauk uar hann kalladr Seyr. þíat ebreskír menn kalla seríon hár eðr lokk.<sup>6</sup> Enn þo uar Esau hans eígt nafn. Ok þegar í stad fæddíz annarr sua. at hann hells um síns bræðr íl ok ríst. sua sem uíliandi draga sínn bræðr<sup>7</sup> apte ok híndra hann af frumburdínun. Uar hans nafn fyrr þann skýlld kallad Jacob. sua sem undírgrefíll. Var Ysaach þa .lx.<sup>8</sup> er smapílltarnír synír hans uaru fæddír. lífði Abraham þa enn .xx.<sup>9</sup> aar upp fra þeim tíma. meðr þí at Ysaach atti pílltana sextugr. enn faðír hans hafði .c. aara .lxx. ok .v. áár aðr hann andadíz sem fyrr segír.<sup>10</sup>

### Her segír fra þeim bræðrum Esau ok Jacob.<sup>11</sup>

45. Þann tíma sem synír Ysaachs uaru uaxnír menn. gíorðíz Esau eínn klokr ueíðímaðr ok kunní uel plægía. enn Jacob uar eínfallðr maðr ok geymði fyrr þí híardar fíður ok modur heíma uídr tíalldbudír. Ysaach elskaði meírr Esau. bæði fyrr þann skýlld at hann uar frumgetínn ok fyrr þat er<sup>12</sup> hann feck íamnan goda rettu af þeim uíllíbradum sem hann ueíðí ok færði feðr sínum. Enn Rebecca elskadí framarrí<sup>13</sup> Jacob af sínum eínfallðleík. ella af þí at guð blés henni þí í bríost. þat bar tíl eínu sínni sem Jacob hafði gort ser ertrauellíng. at Esau<sup>14</sup> kom af akrí eðr eng tíl hans míok modr af eínníhuerrí orku. ok sagði sua tíl hans. Gef mer nockurn part af uellíngínun. þíat ek er storlíga<sup>15</sup> modr uordínn. Sem hann segði<sup>16</sup> sua. Míok hungrar mík. enn þo ma ek eígi fyrr mæði sakír [gera mer nú<sup>17</sup> uellíngínn. Jacob bað hann selía sér sína frumburði. [Hann svaraðí.<sup>18</sup> Huat skal mer frumburðírínn<sup>19</sup> ef ek deyr. Suer mer at þí sagði Jacob. at þu skallt þat

<sup>1)</sup> komu, B <sup>2)</sup> saal. B; segír, A <sup>3)</sup> [tílf. B <sup>4)</sup> [sua sem tími kom at, B <sup>5)</sup> [fæddíz, B <sup>6)</sup> saal. B; klæði, A <sup>7)</sup> broður, B <sup>8)</sup> sextugr, B <sup>9)</sup> xv, B <sup>10)</sup> var sagt, B <sup>11)</sup> Fra þí er Esau selldí frumgetnaðínn Jacob bræðr sínum. Genesis, B <sup>12)</sup> at, B <sup>13)</sup> framarr, B <sup>14)</sup> broðer hans tílf. B <sup>15)</sup> storlegans, B <sup>16)</sup> saal. B; sagði, A <sup>17)</sup> [nu matgíqra mer, B <sup>18)</sup> [tílf. B <sup>19)</sup> frumburðérner, B

halda. Esau sór ok selldi frumburdina. tok þa badi<sup>1</sup> ertr ok braud. ok át sem honum likadi. hugsandi at hann mundi deya ef hann hefði eigi þa þegar i stad elit. for sidan i brott ok uirdi litils þat er hann hafði frumburdanna rettindi ok forprisanir sellt. Enn fyrir þann skyld 137 er ertrnar þær sem hann keypti uaru raudar edr bleikar. þa uar hann þar af kalladr Edom. ella af þi sem Ysidorus segir. at hans likami uar miok raudlitaðr. Hafði hann .iii. nöfn. ok af sinu<sup>2</sup> tilfelli huert.<sup>3</sup> hann het Esau sua sem raudr. ok Seyr þat er lodinn. ok Edom þat er bleikr edr blodligr.

*Scolastica hystoria.* Frumburdirnir uaru þær .vi. tignir edr rettinda forprisanir. sem hinum ellztum ok frumgetnum sunum til beyrðu ok þeir höfðu um framm aðra sina brædr ok frændr allt til Aarons.<sup>4</sup> Hit fyrsta uar þat kennimanz klæði. sem þeim einum uar lofat at bera. ok þo þa at eins er þeir offradu. þat uar annat. at þeim heyrði su þionosta einkannliga til at offra. þat hit þridia. at þeir döladuz ok fengu endi-  
liga<sup>5</sup> blezan af sinum fedrum. þat uar hit fiorda. at þeir blezadu hinum yngnum bræðrum sinum at ueitzlum edr hatidum. enn þat hit .vta. at þeir toku þar medr allan kost tuifalldan uidr adra brædr sina. su uar hin .vita. frumgetins<sup>6</sup> tign ok forprisan. at hann uar herra ok yfir-  
maðr<sup>7</sup> sinna brædra. *speculum hystoriale.* Eigi misgordi Jacob kaupandi þenna frumgetnat medr ertrauellinginum af sinum brædr Esau. þar sem hann hafði uel megat sæða hann kauplaust ef hann hefði þat uiliat. fyrir þann skyld at hinn kallzadi þa<sup>8</sup> sædzluna at fa af einni saman græðgi sinni ok giolifi.<sup>9</sup> eptir þi sem hinn heilagi Gregorius segir. en ecki fyrir natturunnar naudsyn. Er þat ok eiginligarr ok rettligarr sagt. at hann hafi frumburðarins ualld ok heidr fyrir þa sök hellðr leyst [en keypt meðr þi at blezanin fylgði<sup>10</sup> frumburðinum. at honum uar þat adr uitrat. at hann skyldi honum til heyra ok hans uerda. Er ok huerium ok einum lofat at leysa til sin sealfs<sup>11</sup> rettinda ualld. Ella for blezanin sua sem fylgiandi ok samfaust upphafsins undirstodu. þat er sealfum frumburðinum. aa þann hátt sem ius patronatus samfast ok tilbeyranda kirkiunnar grunduelli ferr<sup>12</sup> ok fylgir medr honum.

<sup>1</sup>) bæði, B <sup>2</sup>) sinni sök ok, B <sup>3</sup>) þeirra tilf. B <sup>4</sup>) daga tilf. B <sup>5</sup>) enda-  
lega, B <sup>6</sup>) sunar tilf. B <sup>7</sup>) annarra tilf. B <sup>8</sup>) ok kostgiöfði, B <sup>9</sup>) giolifi, B  
<sup>10</sup>) [sæl. B; ok keypt blezanina á, A <sup>11</sup>) sins tilf. B <sup>12</sup>) æ tilf. B

### Her segir fra þui at guð vitraðiz Ysaach.<sup>1</sup>

46. Þat bar til einn tima. sua sem hin krankazta tid af miklum sullt kom ok for um uerolldina eptir þat mikla hallæri sem áá Abrahams dogum hafdi uordit. at Ysaach ætladiz at fara nidr aa Egiptaland. ok<sup>2</sup> uitradiz gud honum þa ok taladiz til hans. Far ekki nidr aa Egiptaland. ok huilz helldr ok hafz uidr i<sup>3</sup> þi landi sem ek sær sagt ok synt þer. ok orlendz<sup>4</sup> þar. man ek medr þer uera ok þer bleza. ðll þersor stor herud man ek þer gefa ok þinu afkuæmi. fyllandi sua þann suardaga sem ek hefir þinum feðr Abraham fyrir heilit. þitt kyn ok afkuæmi man ek sua fiolgaz lata [sem himinsins stiqrnur. Ok<sup>5</sup> þinum eptirkoman- dum erfingium man ek aull þersi laund ok stor herud gefa. ok allar ueralldarinnar þiodir munu i þinu kyni blezadar ok signadar uerda. 138 fyrir þann skyld at Abraham uar uel lyðinn ollu minu tali. uardueitandi sæmiliga min boðorð ok setningar. ræktandi þar medr min [logmaal ok<sup>6</sup> rettindi. For Ysaach þa til Abimeleks konungs i fyrr nefnda landzins haalfu Palestina<sup>7</sup> Gerara. ok stadfestiz þar um nockura stund. Var hann þar uel tekinn. einkannliga fyrir sakir þeirrar uinattu sem landzmenn<sup>8</sup> höfðu haft uidr fauður hans Abraham. Ok sem hann uar þar. sagdi hann eptir hans dæmum af sinni husfru Rebeccha. at hun uæri hans systir. Nu bar sua til eitt sinn. sua sem hann hafdi þar lengi uerit. at kon- ungrinn scalfr Abimelech sa hann um einn glugga liggia heimolliga hia henni Rebecka. Léét hann sidan kalla séér ok sagdi sua. þat er audsynt at hun Rebeccha er þin husfru. fyrir hui uilldir þu liuga ok segia hana þina systur uera. Hann suaradi. Ek ottadiz at ek uæri drepinn fyrir hennar segrðar skyld. ef ek segða at hon uæri min hus- fru. Fyrir hueria skyld<sup>9</sup> uilldir þu þaleidiss suikia oss sagdi konungrinn. Einn huerr af landzmonnum her hefði megat leggiaz medr eiginkonu þinni. hugsandi at hon hefði fyrir huerium karlmanni<sup>10</sup> freals ok lidug uerit. ok hefdir þu þa bundit ok borit oss eina mikla syndabyrði. Lagdi hann sidan sua ríkt uidr ollu sinu landzfolki. at ef nockurr yrði sua diarfr. at þers haattar kæmi nær hans konu.<sup>11</sup> þa skyldi honum dráp ok dauði sialfdæmðr uera.

Ysaach hafði þar sád mikil ok sua gott. at hann reiknadi sik hun- dradfalldan áuðxt hafa fengit aa þi sama aæri. hia þi<sup>12</sup> sem fyrr hafði hann saait. Hafði hann ok eigi at eins af saðinu einu. utan iasf- uel af aullu sinu godz storliga<sup>13</sup> mikinn frammgang ok aaúðxt. Gerdiz

<sup>1</sup>) Af ferð Ysaachs til Abimelechs. Genesis, B <sup>2</sup>) mgl. B <sup>3</sup>) a, B

<sup>4</sup>) orlendz, B <sup>5</sup>) [saal. B; til heimsins stiornar. ok af, A <sup>6</sup>) [tilf. B

<sup>7</sup>) Palestine, B <sup>8</sup>) saal. B; landmenn, A <sup>9</sup>) sqk, B <sup>10</sup>) þar um tilf. B

<sup>11</sup>) husfru, B <sup>12</sup>) binu, B <sup>13</sup>) storligana, B

hann meðr guds-blezan ok uillia einn mikils háttar madr ok miok ríkr at ganganda fe. hafandi marga yxn ok saudi. ok heilt mart folk upp aa sinn kost. fyrir huern skyld er sealfir landzmenninir Palestine ðfundadu hann. ok byrgðu aptr syllandi meðr molldu alla þa brunna. sem faðir hans hafði grafa latit. Kom þeirra aufund sua um sidir. at sealfir konungrinn Abimelech taladi til Ysaachs. Far í brott hedan. þiat þu geriz hardla mikils háttar madr. ok allt uolldugari<sup>1</sup> enn uær erum. For hann þa i brott þaðan ok kom framm i engidal nockurum. þeim er Phaara heitir. i þi sama landi Gerara. ok bygdi þar uidr eina lækjarraas.<sup>2</sup> i hueria er einn fors. saa sem þar uar nær. sell aa nockurum tímum en stundum eigi. Enn busmalinn matti eigi uel uatzins missa. ok fyrir þi let hann upp grafa þa saumu brunna. sem faðir hans hafði þar forðum gort. ok kallaði þa meðr [fyrnum sinum<sup>3</sup> nðfnum sem hann hafði þeim gefit. hueria er Philistei fylldu meðr molldu sidan er hann uar allr. Ok þegar sem Ysaach hafði þar fundit ok fengit sagrt uatn. þa kallzadu þeir<sup>4</sup> til þeirra sðmu brunna ok deilldu. ok sogðu at þeir ætti þat sama uatn. Kalladi Ysaak fyrir þa sauk þann brunn Eskon. þat er sua sem klandan edr deila. J brott for hann þaðan ok gróf annan brunn. ok til þers sama kaulludu<sup>5</sup> landzmenn eigi siðr. Fyrir þa grein kallaði hann þann gagnstað<sup>6</sup> eðr uuinattur. Josephus segir. at<sup>7</sup> sua geck hann fra brunni<sup>8</sup> þersum. at [hann uar eigi algerr.<sup>9</sup> uiliandi giarnara bida til þers at hann fengi<sup>10</sup> þar um orlof landzmannna ok þeirra godan uillia meðr skynsemd ok skilrekki enn þræta með kifan ok kallzi meðr<sup>11</sup> þa. For hann i brott þaðan ok grof brunn hinn þriðia. ok til þess deilldu þeir eigi. Fyrir þann skyld kalladi Ysaach þann brunn Robooth. þat er uidleiki. ok sagði sua. Vidkaz lætr gud oss nu ok uaxa i uerolldinni. þaðan for hann upp i þann stad sem Bersabéó heitir. ok aa þeirri saumu nátt sem hann kom þar. uitraðiz honum gud drottinn sua segiandi. Ek er gud seðr þins Abrahams. hird eigi at ottaz. Ek er meðr þer. ek man bleza þer ok<sup>12</sup> ek man fólga<sup>13</sup> ok margfallda þitt kyn ok afkuemi fyrir tilskyldan mins þionostumanz Abrahams. Gørði Ysaach þar eitt alltari. héét ok kallaði upp a guðs nafn ok naðir. setti siðan upp sina tialldbuð. ok bauð sueinum sinum at gera þar ok grafa einn brunn.

J þann punct kom þagat til fundar uidr hann konungrinn Abimelech. ok .iii. hinir fremztu uinir hans meðr honum. Phicol riddara

<sup>1</sup>) völdugari, B <sup>2</sup>) beckiarras eðr for, B <sup>3</sup>) [hinum æqum, B <sup>4</sup>) landzmenn, B <sup>5</sup>) kallzadu, B <sup>6</sup>) gagnstadligan, B <sup>7</sup>) saal. B; ok, A <sup>8</sup>) brunnum, B <sup>9</sup>) [þeir varu eigi algiorfer, B <sup>10</sup>) faai, B <sup>11</sup>) við, B <sup>12</sup>) tilf. B <sup>13</sup>) fólga, B

hofdingi hans. or fyrr uar nefndr. ok annarr hans beztu uin Ocozach.<sup>1</sup> Ok sem Ysaach sa þa. taladi hann til þeirra. Fyrir hueria skyld komu þer hingat til min. þess manz sem þer hatadut ok rakut brott fra ydr. [Konungr svaradi.<sup>2</sup> Fyrir þann skyld at uær seam. at gud drottinn er meðr þer. þa tölum uær þat. at uer uilium setia sáttmál ok leggja felagskap uár i milli. binda þat sidan medr suardögum. at þu skaltt oss ecki mein gera. sua sem uer [agirndumz ekki eðr<sup>3</sup> tokum þat sem þu attir. ok eigi gordum uer þer nõckut uætta til meins. helldr gafum uer þer gott orlof at fara medr ollu þi gozi sem gud hafði gefit þer hueria leid sem þer likaði. Eptir þat gerdi Ysaach þeim ueitzlu. ok um morgininn sem þeir uaru klæddir. soru þeir huarir audrum sinn trunat ok felagskap. foru síþan heim aptr meðr hans godu orlofi. A þann sama dag komu sueinar Ysaachs. þeir sem brunninn skyldu grafit hafa. ok sögdu at þeir haufdu þat gert ok fundit uatn.<sup>4</sup> huapan<sup>5</sup> er hann kalladi þann sua sem gnottar brunn. ok þar af er borgin alla götu sidan kaullud Bersabée allt til þessa dags. þat er sua sem gnottar brunnr edr sadningar.<sup>6</sup>

*Scolastica hystoria.*<sup>7</sup> Nær þersum tima sem nu. uar fra sagt setti Phoroneus sun Jnachi ok Nyobes frammarri lög i Grecia enn fyrr hofdu<sup>8</sup> uerit. ok skipaði þat ok stadfesti. at aull mál ok sakarferli<sup>9</sup> skyldi fyrir domanda kgraz ok nidr setiaz. ok þann stad sem dominum uar einkannliga tilskipaðr ok ælladr kalladi hann af sinu nafni Forum. Hans systir Ysis for aa skipi til Egiptalandz. hon uar sua klok kona. at hon kendi egiptzkum monnum nockura þa bokstafi ok ritzháttu. sem þeir kunnu eigi aðr. Af súdplóg ok korngiðrd fræddi<sup>10</sup> hon þa.<sup>11</sup> huar fyrir þeir kaulladu hana Ysidem. þat sem upp a þeirra<sup>12</sup> tungu þydz iord. þar sem hon héet adr Juno. sua sem Jano. þi at philosophi sögdu. at hun uæri [sua sem hurð eðr port allra<sup>13</sup> þeirra kuinna<sup>14</sup> sem giptiz ok barnbærar væri.<sup>15</sup> Nu af fyrr sagðri sauk uar hon eptir sinn dauda i guda tölum [tekin<sup>16</sup> aa Egiptalandi. þann tima for ok sun Phoronei er Apis<sup>17</sup> het á skipi til Egiptalandz. huern er nockurir menn segia uerit hafa eiginbonda<sup>18</sup> Ysidis. Var hann ok þar i guda tölum tekinn ok kalladr Sarapis.<sup>19</sup>

*Genesis.* Esau geck at eiga .ii. konur storættadar af Chanaans ætt. þann tima sem hann uar fertugr at alldri. het aunnur Judith enn

<sup>1</sup>) Ochozath, B <sup>2</sup>) [þeir sugruðu, B <sup>3</sup>) [saal. B; agirntumz ok, A <sup>4</sup>) brunninn, B <sup>5</sup>) af tilf. B <sup>6</sup>) brunur tilf. B <sup>7</sup>) [saal. B; Her segir af Phoromeus ok Ysis systor hans, A <sup>8</sup>) hafði, B <sup>9</sup>) sakarferli, B <sup>10</sup>) saal. B; fæddi, A <sup>11</sup>) ok um marga luti tilf. B <sup>12</sup>) tal ok tilf. B <sup>13</sup>) [saal. B; hurð edr sua sem frilla(!), A <sup>14</sup>) kuenna, B <sup>15</sup>) saal. B; varu, A <sup>16</sup>) [saal. B; hðkin (? hðfð), A <sup>17</sup>) saal. B; Apis, A <sup>18</sup>) fyrr sagðrar tilf. B <sup>19</sup>) Serapis, B



annur Bethsamath. ok görði sik sem einn herra ok höfðingia meðr þeim mágum. uaru þær badar miok styggvar<sup>1</sup> ok stridar uid' Ysaach ok Rebeccham.

Fra þui er Ysaach blezaði son sinn Jacob. [þa er hann  
hvgði Esau at bleza.<sup>2</sup>

47. Þar er nu til máls at taka. at sua sem Ysaach gerðiz madr miok gamall ok hafði mist synar sinnar. kalladi hann til sin Esau. ok talaði til hans aa þessa leid. Þu sér þat sun minn.<sup>3</sup> at ek elldumz mikit. ok ek ueit eigi minn daudadagh fyrir. nær hann [man koma.<sup>4</sup> tak þin uapn boga ok aurfar<sup>5</sup> ok gakk ut ok freista. at þu fair fengit nockut af ueidiskap. ok gor mer af þilika pottsteik eör uelling. sem þu ueitz minn uilia ok uana til uera. ok gef mer þat sama til bordz sua buit at snæða. ok sealfs mins aund blezi þik [fyrir guði fyrr<sup>6</sup> en ek sáliz. Ok þegar sem Rebecca hafði þetta heyrð. ok Esau uar ut genginn at fylla sins faudur bøn ok bodskap. talaði hon til sins sunar Jacob. Ek heyrda upp aa at fadir þinn talaði<sup>7</sup> til þins bróðr Esau. ok hermdi honum huersu hann hafði talad. Lyd nu at þi radum minum sun minn sagði Rebecca. far ok ber mer þau .ii. kid. sem bezt bidr i allri minni<sup>8</sup> hiorð. til þers at ek göri þar af þinum fedr þers háttar fædzlur. sem ek ueit at hann eitr giarna. Ok sem þu hefir honum [þers háttar retti<sup>9</sup> borit. ok hann hefir þar af etit. þa ma uera at hann blezi þer i stad Esau fyrr enn hann deyi. Hann suaradi þa. þat ueitz þu modir min. at Esau brodir minn er madr allr lodinn. enn ek em allr linr ok slettr. Nu ef sua berr til. at fadir minn uill meðr hondum þreifa um mik. ok kenni hann mik ok alla þersa mina görd. þa ottaz<sup>10</sup> ek. at hann hyggi mik [uiliat hafa<sup>11</sup> dára sik ok seti mer þa boluan fyrir blezan. Þersi bauluan [sun minn<sup>12</sup> bidr ek at aa mer liggi sagði Rebecca. Ger þetta eina sem ek bydr þer. ok ber hegat til min þat sem ek sagði þer. Hann geck brott. ok bar henni þat sem hon bad. Matbio<sup>13</sup> hon þar af þess hattar fædu.<sup>14</sup> sem hon uissi fedr hans giarnaz uilia hafa. ok klæddi hann meðr hardla godum klædum. er Esau atti ok hon hafði heima þar at geyma hia ser. huer er frumgetnum syni til heyrdur. sem fyrr var sagt. Meðr kidskinnum huldi hun hans hendr ok hals. feck honum sidan i hendr þat pulmentum sem hon hafði

<sup>1</sup>) strangar, B <sup>2</sup>) [tilf. B <sup>3</sup>) sagði hann tilf. B <sup>4</sup>) [kemr. þa, B <sup>5</sup>) qrfamq, B <sup>6</sup>) [saal. B; fyrri guði, A <sup>7</sup>) svo tilf. B <sup>8</sup>) vaarri, B <sup>9</sup>) [þersa retta, B <sup>10</sup>) ottumz, B <sup>11</sup>) [hafa viliat, B <sup>12</sup>) [tilf. B <sup>13</sup>) Matbyggi, B <sup>14</sup>) retta, B

141.

matgort. ok braud þau sem hon hafði bakat. Bar hann þenna sama matbunað feðr sinum. ok sagði sua. Faðir minn. Hann suarar. Ek heyrir edr huerr ertu son minn. Ek er Esau þinn son frumgetinn sagði Jacob. górdi ek nú sem þú bauðt mér. Ysaach taladi þá til sunar sins. Ok huersu bar þers til. at þú mattir sua skíotliga finna sun minn. Hann suaradi. Sua uilldi gud. at þat uyrði skíott fyrir mér. sem ek uilldi fa ok finna. Gack hegat til min sun minn sagði Ysaach. at ek profi meðr handa aatekning. huart þú ert sun minn Esau eðr eigi. Hann geck þá at feðr sinum. Ok er hann hafði handlat hann sem [hann uilldi.<sup>1</sup> sagði hann sua. Tal þitt ok raudð er þilíkt sem Jacob<sup>2</sup> enn [hendr eru Esau.<sup>3</sup> Kendi hann fyrir þann skyld eigi Jacob. at hans lodnar hendr gerdu hann líkan sinum bræðr hinum meira. enn um marga luti aðra uoru þeir hardla líkir. sem tuiburum er uant at uerða. [Ysaach blezadi<sup>4</sup> hann ok sagði sua. Ert þú sun minn Esau. Hann svaradi. Ek er hann. Ber hegat til min retti<sup>5</sup> þá sun minn sagði Ysaach. sem þú hefir mér matbuit<sup>6</sup> af þinum ueidiskap. til þers at min auð blezi þer. Hann gerði sua. ok þar meðr gaf hann honum uin at drecka. Ok sem hann hafði bæði etit ok druckit. taladi hann til hans. Gakk hegat til min son minn ok kyss mik. Hann gekk at honum ok kysti hann. Ok þegar i stad sem hann kendi þann ilm ok anga sem af hans klæðum uar. þá blezadi hann honum sua segiandi. Se her. mins sonar ilmr ok angi er þilíkr sem sa ilmr sem af þeim fullgörfum akri uerdr. sem gud drottinn hefir blezað. Gefi gud þer mikla nægd hueitiss. uins ok uidsmíðrs. af himins daugg ok þar meðr af iarðarinnar kost ok feiti. J þersum .iii. lutum ma rettlíga skíliáz allr iarðarinnar freoleiki. sæðan fyrir hueitíð. allr drykkr fyrir uinit. aull potagia ok uellingr fyrir uidsmíðrit. Ok enn sagði Ysaach. Ættir ok alþyða þioni þer<sup>7</sup> ok sæmi þik. Bræðr þínir luti<sup>8</sup> þer ok tillæti ueiti. ok allra þinna bræðra skalltu herra<sup>9</sup> uera.<sup>10</sup> Huerr sem þer hefir bannat. se hann bannaðr ok bauluadr. enn sa se fullulíga blezaðr sem þer hefir blezað. *scolastica hystoria*. Fekk Jacob þessa blezan eptir þi sem hans fedr orð ok ordanna kraptr uar til. enn eigi eptir hans aastundan þá at sinni. sua sem einn huerr byskup mætti uigía annars byskups klerk. þann sem hann hugði<sup>11</sup> síalífs síns klerk. ok uæri þó uigdr allt at eins. *speculum hystoriale*. Eigi syndgaðiz hann ok [af þersarri<sup>12</sup> sinni górd. þíat þessa frumgetins sunar tign ok blezan gráðadi hann eigi ne feck meðr nõkkurri flæð. helldr tok hann hana ok keypti af sinum fedr sua sem sér eiginlíga

<sup>1)</sup> [honum líkaði, B <sup>2)</sup> tal Jacobs, B <sup>3)</sup> [hendrnar eru hendr Esau, B

<sup>4)</sup> [Síðan blezadi Ysaach, B <sup>5)</sup> rettu, B <sup>6)</sup> huið, B <sup>7)</sup> saal. B; þik, A <sup>8)</sup> saal. B; þioni, A <sup>9)</sup> ok yfirmaðr tilf. B. <sup>10)</sup> uerða, B <sup>11)</sup> hygði, B <sup>12)</sup> [i þersi, B

ok tilheyrliga. eptir þi sem hinn heilagi Gregorius segir. Eigi laug hann æ falsadi segiandi sinum feðr at hann uæri Esau. [fyrir þann skyld at hann var Esau<sup>1</sup> eigi i sialfs sins persona helldr i frumburðarins tign. þaleidis sem Johannes baptista uar Helias eigi i sinni naturu edr persona utan helldr i sinum kraptauerkum.

*Genesis.* Þegar<sup>2</sup> sem Ysaach hafði næfrliga<sup>3</sup> lyktat sinu fyrr sögdu tali ok Jacob uar ut genginn. kom Esau ok bar sinum fedr þa fædu. sem hann hafði honum matgðrt ok sodit af sinum ueidiskap. ok sagdi sua. Ris upp þu fadir minn. ok et af þins sunar uillibraad ok ueidiskap. at þin aund blezi mer nu. Huerr-ertu sagdi Ysaach. Hann svaradi. Ek em þinn frumgetinn son Esau. Ysaach ottadiz þa mikilliga ok undradiz meirr enn til dæma eðr nockurr maðr mætti skilia edr trua. ok sagdi sua. Huerr er sa at þi er til min bar nu fyrir litilli stundu þa uillibraad ok ueidiskap sem hann hafði fengit.<sup>4</sup> ok aat ek af aullum þeim rettum fyrr enn þu kiæmir. Gaf ek honum þa<sup>5</sup> blezan. ok hann man æ blezaðr uera. Ok er Esau heyrði þersi fedr sins ord. þa setti hann upp mikit op. ok i [þeim angist ok eliar<sup>6</sup> sem hann feck af þersu aullu saman. sagdi hann sua. Bleza mer<sup>7</sup> eigi at sidr faðir minn. *scolastica hystoria.* En fyrir þa sauk at Ysaach uar þat synt ok uitrað i þersarri miklu ræzlu ok enn helldr nauckuru miklu umegni. sem hann fekk þann tima sem Esau kom aptr. at þetta uard allt eptir guds uilia. ok hann undirstod merking þeirrar milldu flærðar ok klok-skapar. sem þar for framm. ok þar fyrir uar hann þi sidr reidr. at hann styrkti ok stadfesti þat sem hann hafði fyrr gort. ok sagdi hann sua. *genesis.* Þinn broðir samborinn kom nockut sua klokliga ok tok þina blezan. Hann svaradi. Rettliga uar hans nafn kallat Jacob. fyrir þa grein at nu sueik hann mik annan tima ok gróf enn undir mer. J fyrstanni tok hann frumburði mina. enn nu ripsaði hann ok grápaði blezan mina. edr uardueittir<sup>8</sup> þu eigi adra blezan mer til handa. Herra þinn hefir ek [nu hann<sup>9</sup> skipat sagdi Ysaach. ok alla hans bræðr lagða ek undir hans tyktan ok yfirbod. Medr hueiti. uini ok uidsmiðri styrkta ek hann ok stadfesta. ok huat ma ek þer gðra son minn sidan. Esau suaradi. Hefir þu eina [at eins<sup>10</sup> blezan til faðir minn. ek bidr at þu blezir mik<sup>11</sup> eigi sidr enn hann.<sup>12</sup> Nu sem hann grét medr opi miklu ok ðdrum sinum<sup>13</sup> lætum. geckz Ysaach hugr uid ok sagði sua. J iardarinnar kost ok feitleik ok þar meðr i þeirri dög er ofan or

142.

<sup>1)</sup> (sif. B <sup>2)</sup> leið sif. B <sup>3)</sup> neppilega, B <sup>4)</sup> fangit, B <sup>5)</sup> mgl. B <sup>6)</sup> [saal. ogs. B; *maacke bør der læses: þeim angistar ekki* <sup>7)</sup> ok sif. B <sup>8)</sup> varðveittir, B <sup>9)</sup> [hann nu, B <sup>10)</sup> [sif. B <sup>11)</sup> mer, B <sup>12)</sup> honum, B <sup>13)</sup> illum, B

himninum kemr man þin blezan uera. Kom þat framm i þi landi sem Jdumea het [ok síðan<sup>1</sup> af hans nafni Edom. þiat þar er hin bezta hagiðrd eptir þi sem Commestor segir. Ok enn lagði<sup>2</sup> hann til nõckur ord spaandi af hans eptirkomandum ættmonnum. Meðr suerð mantu lifa ok bardaga-madr uera ok bræðr þinum þiona. Kom þat þa framm er Jdumea uard skattgilld þeim sem formenn uaru yfir Jsraels husi. Enn þo man sa timi koma sagdi Ysaach. at þu mant hans aanaudarok [reka brott ok<sup>3</sup> af reida þinum halsi. Þat fyldiz þa ok framm kom. er Jdumea bardiz moti ualldi ok yfirbodi Jude.

Fra brautferð Jacobs ok huat guð syndi honum i suefni.<sup>4</sup>

48. Esau hatadi iafnan síðan brædr sinn Jacob fyrir þa sðmu blezan. sem fadir hans hafði gefit honum. ok taladi sua nõckurum sinnum [upp aa sealfs sins hiarta. Daudadagar fedr mins munu<sup>5</sup> skíott koma. ok skal ek þa drepa brodur minn Jacob. Þessor ord uaru kunnig gior Rebecche. *scolastica hystoria*. Þat er [aa þa leidiss<sup>6</sup> at skilia. at Rebeccha uissi hugrenningar Esau af uitran þers sama anda<sup>7</sup> sem henni kendi klokskap sem Jacob hafði uidr sinn [broður Esau.<sup>8</sup> Af-sakadiz hann ok lygiuni<sup>9</sup> uidr sinn feðr. enn flærdinni ok prettunum uidr brædr sinn. fyrir þa lydni sem hann ueitti sinni mædr. Enn modir hans afsakadiz fyrir heimolligt heilags anda raad. *genesis*. Hon let kalla ser son sinn Jacob. ok talaði þa<sup>10</sup> til hans. Vit þat at broðir þinn Esau heitaz<sup>11</sup> at drepa þik. Nu fyrir þann skyld [haf ok<sup>12</sup> heyr mitt tal ok ráð. Far i brott fra honum ok fly til Labans bræðr mins i Arán. ok bygg i hia honum um nõckura fáá daga. þar til er grimd hans ok reidi sefaz ok gengr af honum. ok hann gleymir þeim lutum sem þu hefir honum i moti gert. Síðan man ek senda [þer ord<sup>13</sup> at þu komir hingat. Ok fyrir huern skyld skal ek beggia minna sona aa [einum degi<sup>14</sup> missa. Ok af þi at hon uilldi. at þetta gerdiz meðr godu orlofi fedr hans. þa geck hun til hans. ok sagdi honum sua. Eigi hirðir ek at lifa. ef Jacob fær nõckura af herlendzkum konum eðr [af dættrum Héét<sup>15</sup> ser til eiginkonu. Let Ysaach þa<sup>16</sup> kalla til sin Jacob ok blezadi honum þa enn af nyiu ok fyrirbauð honum at taka sér eiginkonu af Chanaans ætt.<sup>17</sup> far helldr son minn sagdi hann i þa

<sup>1)</sup> [tilf. B <sup>2)</sup> saal. B; sagdi, A <sup>3)</sup> [tilf. B <sup>4)</sup> Af syn ok suefni Jacobs þa er hann kom i Luza, B <sup>5)</sup> [meðr sialfum sier. Daudadagar fquðr mins man, B <sup>6)</sup> [þa leidis, B <sup>7)</sup> orðn, B <sup>8)</sup> [saal. B; brædr Ysaach, A <sup>9)</sup> tilf. B <sup>10)</sup> sua, B <sup>11)</sup> heitr, B <sup>12)</sup> [mgt. B <sup>13)</sup> [eptir þer, B <sup>14)</sup> [einn dagh, B <sup>15)</sup> [saal. B; dætrum, A <sup>16)</sup> tilf. B <sup>17)</sup> dættrum, B

Mesopotamiam sem aa Syrlandi er. til húss ok herbergiss modurfedr þins Batuelis. ok fa þer þar eina konu<sup>1</sup> af dætrum modurbæðr<sup>2</sup> þins Labans. Almattigr gud blezi þik. hann láti þik uaxa ok aukaz. sua at ut af þer komi margar þiðir. gefi hann þer ok þínu afkuemi [eptir þína dagh<sup>3</sup> þilika blezan. sem hann gaf feðr minum Abraham. at þu eigniz þitt utlegdarland. þat sama sem hann het þínum faðurfeðr. Eptir þat fór Jacob i brott fra sinum fedr ok mædr i<sup>4</sup> þeirra godu orlofi. ok letti<sup>5</sup> eigi fyrr enn hann kom fram i fyrrnesnda Mesopotameam til modurbroður sins Labans sunar Batuelis. Enn sem Esau uar þess uiss. at faðir hans hafði þa enn blezad Jacob ok bodit honum at fara til Mesopotamiam at fa sér þar kuanfang. ok hann hafði sua gort sem honum uar bodit. enn i annan stad uissi hann at feðr hans uar litt uiliat til Chanáans dætra. ok hann hafði þat miok i mot hans uilia gert. er hann hafði af þersarri kynkuisl seer konu<sup>6</sup> fengit. þa fór hann til faðurbroður sins Hismaelem ok tok hans dottur er Malech<sup>7</sup> het samborna systur Nabaioth sor til eiginkonu iafnframm<sup>8</sup> þeim sem fyrr hafði hann tekit. Enn sua sem Jacob uar ut genginn af tyrr nefndum stad eðr borg Bersabee. þa byriadi hann sinn uæg til Aran leggiandi. sina leid um Chananeam. [*scolastica hystoria*.<sup>9</sup> Hann ottadiz þo þar<sup>10</sup> landzmenn. fyrir þa sok at Chananei uaru miok þungir ok illa uiliadir fedr hans af hinum fyrrum hans bardögum. þeim sem hann hafði þar hait. einkannliga þa mest er hann fangadi Chariathim. þann stad eðr borg sem sua heitir. þi at þar lagði hann mesta stund ok starf áá. ok fyrir þi ottadiz<sup>11</sup> Jacob at taka sér medr nðckurum innlendzkum<sup>12</sup> manni herbergi.

*Genesis*.<sup>13</sup> Ok er hann kom at aptni dags til þers stadar sem Luxa<sup>14</sup> heitir. ok hann uilldi taka aa sik huilld ok náðir eptir þat er solu uar sett ok leggiáz nidr til suefns. þa tok hann einn stein af þeim sem þar uaru<sup>15</sup> nærri honum ok lagði undir höfud sér ok sofnæði þar áá. Ok er hann uar sofnæðr. þa sa hann einn þann stiga. sem hann stod nidr aa iordina. enn hans lengd ok hæð [tok allt vpp<sup>16</sup> til himins. þar medr sá hann i suefninum ganga guds engla upp eptir stiganum ok nidr. Josephus segir sua.<sup>17</sup> at hann sa þær myndir stiga nðr eptir stiganum. sem miklu sæmiligri natturu höfðu medr sér enn nðckurir menn. hann saa ok sealfan gud i stiganum ueranda ok heyrði<sup>18</sup>

<sup>1</sup>) eiginhustru, B <sup>2</sup>) modurbroður, B <sup>3</sup>) [tilf. B <sup>4</sup>) meðr, B <sup>5</sup>) sinni ferð tilf. B <sup>6</sup>) knenna, B <sup>7</sup>) Melec, B <sup>8</sup>) meðr tilf. B <sup>9</sup>) [tilf. B <sup>10</sup>) saal. B; þa, A <sup>11</sup>) ottaði, B <sup>12</sup>) þarlendzkum, B <sup>13</sup>) tilf. B <sup>14</sup>) Luxa, B <sup>15</sup>) lagu, B <sup>16</sup>) [saal. B; stoð, A <sup>17</sup>) scolastica hystoria, B <sup>18</sup>) hann tilf. B

meðr þessum ordum til sín talanda. *genesis*.<sup>1</sup> Ek er guð þins fedr Abrahams ok Ysaachs. þetta land er nu sefr þu áá man ek þer ok þínu afkugmi gefa. Man þitt kyn ok freo sem iarðarinnar dupt mart [ok mikit<sup>2</sup> uerða. man þat dreifaz til austrs ok uestrs. suðrs ok norðrs. ok allar ueralldarinnar kynkuislir munu i [þer ok<sup>3</sup> þínu kyni blezadar ok signadar uerða. Ek man þinn hirdir ok geymari uera hueria leid sem þu uill farit hafa. ok til [þersa sama<sup>4</sup> landz þik aptr senda. ok eigi fyrri<sup>5</sup> þik upp gefa enn ek hefir alla þa luti fylt ok framm latit koma sem ek hefir talat. Ok er Jacob uaknaði af suefninum. sagði hann sua. Senniliga er drottinn i þersum stað. ok uissa ek þat eigi. Ok enn talaði hann sua sem af nockurum otta eðr rædzlu sua segjandi. Hardla hræðiligr er þersi stadr. her biðr ecki nõckut annat nema<sup>6</sup> her er guds hus ok himinrikiss port. [*scolastica hystoria*.<sup>7</sup> J þersum ordum spaadi hann fyrir af þeim .iii. lutum. sem aa þersu sama landi komu longu sidarr framm. þat uar af eptirkomanda lögmaali. af guds musteri ok af piningu Jesu Kristi. Þiat lögmaalit er hræðiligt ok ottaligt.<sup>8</sup> guds hus er musteri. enn pining Jesu Kristi er himinrikis port ok upplokning. Ok sua sem hann stod<sup>9</sup> upp um morgininn. tok hann þann sama stein. sem hann hafði lagit ser undir höfud um kuelldit. reisandi<sup>10</sup> hann þar upp til marks ok [aminningar lofsamligrar<sup>11</sup> þersar synar. ok steypandi oleum nidr yfir hann. offrandi<sup>12</sup> þat sua gudi. Het hann þa þeim sama gudi. sem honum hafði uitraz. heit<sup>13</sup> sua segjandi. Ef guð drottinn hefir meðr mer uerit ok uardueitt mik a þeima ucg. sem nu gengr ek. ok gefr hann mer' noga<sup>14</sup> fæðu ok sua klæði. ok gefr hann mer uel at fara ok meðr farsæld til mins feðr huss aptr at koma. þa man drottinn iafnan minn guð uera. ok þersi steinn sem ek reista nu her upp til lofsamligrar aminningar. ok sa stadr sem hann stod á. man kallaz guds hus. ok af aullum þeim lutum sem hann hefir mer gefit skal ek honum tiundir ok adrar fornseringar offra. sua sem ek hefir aptr higat komit. Kalladi hann sidan þa somu borg af þersum ordum ok atburð Bethel. þat þyðiz guds hus. sem adr het Luza. ella kallaz hon guds fórn eptir sögn Josephi.

Her segir fra þui er Jacob [feck Rachelar.<sup>15</sup>

49. Þadan for Jacob i Mesopotamiam. ok kom um sidir eptir langan tima liðinn framm til borgarinnar Aran eda Charram. Hann sa

<sup>1</sup>) *isrlf.* B <sup>2</sup>) *isrlf.* B <sup>3</sup>) [*saal.* B; þimok, A <sup>4</sup>) *isrlf.* B <sup>5</sup>) fyrr, B <sup>6</sup>) vtan, B <sup>7</sup>) *isrlf.* B <sup>8</sup>) ottasamlight, B <sup>9</sup>) reist, B <sup>10</sup>) reisti, B <sup>11</sup>) [lofsamligrar minningar, B <sup>12</sup>) *her beg.* Fragn. IV <sup>13</sup>) haait, B, Fragn. <sup>14</sup>) i nog, B, Fragn. <sup>15</sup>) [sann Laban, B

þar einn brunn i plazi nokkuru edr eng ok margan saud liggianda<sup>1</sup> 145.  
 uidr brunninn. þiat ollum þeim smala uar uant þar at uatna ok byrgia  
 hann sidan medr einum miklum steini. skyldi honum fra uellta þann  
 tima sem allr saudrinn uæri saman rekinn. ok uatna sua aullum i senn.  
 setia hann sidan aptr yfir brunninn. sem fenadrinn uæri fullr. Hann  
 talaði þa til fehirdanna. Huadan eru þer bróðr minir. þeir suðrudu.  
 Vær erum af Aram.<sup>2</sup> Hann spurði.<sup>3</sup> Kunni þer nökkut Laban Batuels  
 sun. þeir suorudu. Hann kennum uer uissuliga. Er hann heill sagdi  
 hana. Vel ma hann sogdu þeir. ok dottir hans Rachel kom nu her  
 medr sealís hans saudum. Langt er enn dags eptir sagdi Jacob. ok  
 er enn ecki timi at reka saudinn i rettir. gefit honum at drecka ok  
 latit hann<sup>4</sup> á gras. þeir suorudu. Eigi megum uer þat fyrri gera enn  
 allr busmalinn er adr saman rekinn. lettum eptir þat steininum af  
 brunnsins glugga. ok uðtnum sua allri hiðrdinni i senn. Ok rett sem  
 þeir talaðuz uidr. þa kom Rachel meðr saudum fedr sins Labans. þegar  
 sem Jacob sa hana. uitandi at hon uar hans systrungr ok at Laban  
 móðurbroðir hans átti saudina. þa lagði hann steininn brott af brunn-  
 inum. ok er ælri hennar hiord uar uatnat. þa kysti hann hana. ok  
 sagdi henni at hann uar sun hennar faðursystur Rebeccæ. Hon skun-  
 dadi at segia þetta fedr sinum. ok þegar leid sem hann uissi<sup>5</sup> at Jacob  
 systurson hans uar þar kominn. þa gekk hann skiotlega<sup>6</sup> ut i moti honum.  
 fæðandi<sup>7</sup> hann ok kyssandi. leidandi<sup>8</sup> hann meðr slikum blidskap inn  
 i sitt hus ok herbergi. Ok er Laban heyrði. huer sauk til uar þangat-  
 ferdar hans ok flotta. þa suaradi hann. Mitt kiðt ok bein ertu. Sem  
 hann segði sua. Af þi at þu ert min ætt ok náskyldr frændi. þa hird  
 þik her i hia mer.

Ok er hann hafði þar uerit einn manad. talaði Laban til hans.  
 Mantu [nðekut til engrar<sup>9</sup> rentu mer uilia þiona. þar sem þu ert minn  
 broðir ok systursun. Seg mer til huers þu mælis. Laban átti .ii. dætr.  
 het hia ellri Lia enn Rachel hin yngri. Lya uar nðekut augsur ok  
 hafði krónk augu. en Rakel systir hennar bar eina uæna ok sagra  
 ásonu. ok af þi at Jacob elskadi hana. sagdi hann sua. Ek þionar þer  
 um .vii. áár til þess at þu giptir mer hina minni dottur þina Rachel.  
 Laban suaradi. Betr man uera at ek gipta<sup>10</sup> þer hana helldr enn odrum  
 manni.<sup>11</sup> ok uer medr mer. Jacob starfadi þar ok stundadi fyrir Rachelar

<sup>1</sup>) saal. B, Fragn.; lifanda, A <sup>2</sup>) Aran, B, Fragn. <sup>3</sup>) þa tilf. B, Fragn.

<sup>4</sup>) saudinn, B, Fragn. <sup>5</sup>) heyrði, B, Fragn. <sup>6</sup>) tilf. B, Fragn. <sup>7</sup>) saal.  
 B, Fragn.; fæðandi, A <sup>8</sup>) laðandi, B, Fragn. <sup>9</sup>) [nakkuat til engarrar, B  
 Fragn. <sup>10</sup>) gefi, B, Fragn. <sup>11</sup>) saal. B, Fragn.; monnum, B

skyld um .vii. aar. ok fell honum þat sua liett<sup>1</sup> fyrir astar sakir uidr hana. sem faair dagar hefði uerit. Eptir þau .vii. aar lidin<sup>2</sup> taladi hann sua til Labans. Gef mer konu mina. þiat nu er sa timi fylldr ok frammkominn. sem ek hefir til skyldat at ganga i sæng medr henni. Laban [bio þa<sup>3</sup> brudlaups ueitzlu. baud hann þar til mörgum sinum uinum. ok um kuelldit sua sem til sængr skyldi ganga. uar Lya leidd ok lugin<sup>4</sup> i sæng Jacobs. ok fengin su þerna henni til þeonostu sem Zelpha het. Jacob geck i sæng til brudarinnar eptir siduana. ok sem morginn kom<sup>5</sup> ok hann sa Lyan liggia hia sér. talaði hann til mágs sins. Huat görd er þetta er þu hefir gört. eör þionadi ek þer eigi fyrir Rachelar skyld. fyrir hueria grein gördir þu þess háttar lut eör prett uidr mik.<sup>6</sup> Ecki er þat her uani edr vaarr<sup>7</sup> landzskapr sagdi Laban. at gipta<sup>8</sup> fyrr hinar yngri dætr sinar enn hinar ellri. Sitium at brudlaupi þersu fyrst um eina uiku ok fyllum þat eptir uana. ok sidan man ek gipta þer hina eigi sidr fyrir þat starf ok þionostu sem þu munt mer um qnnur .vii. aar ueita. Þetta lét Jacob ser lika. ok sem uika uar lidin. þa feck hann Rachelem sér til eiginhusfru. Var henni su þerna af feör sinum gefin til þionostu sem Bala heet. *scolastica hystoria*. Fyrir þann skyld þotti Jacob<sup>9</sup> þessi .vii. aara timi sua skammr ok litill. at miok<sup>10</sup> fusum manni til eins huers pickir sealfir flytirinn iafnuel tomláatr uera. ok enn fyrir þat at hann þottiz sua elskuligan ok ynniligan<sup>11</sup> lut uidr litlu uerði keypt hafa sem Rachel uar. Hefði hann ok miklu fleiri áar fyrir hennar skyld þionat fyrr enn hann hefði mist hennar. fell honum ok létt lystiligt<sup>12</sup> uerk. Josephus segir. at Jacob bygdi þa fyrstu nátt með Lia sem þau lagu<sup>13</sup> bædi samt sakir þers at hann kendi eigi huar þeirra systranna uar fyrir nattarinnar<sup>14</sup> skyld. ok hins annars at hann var kendr af dryck. ok<sup>15</sup> þi kærði aa sealfan ueitzludaginn um<sup>16</sup> þat sama uidr Laban mág sinn sem nu uar sagt. Enn Laban bað hann uera ser þar um uárkunnigan. bædi sakir þers naudsynligs uana sem þar uar landskapr til ok þers annars at hann uilddi helldr hindra at senda dottur sina til Chananeos. þar sem hann iðraðiz<sup>17</sup> at hann hafdi systur sina Rebeccham þangat sent. Jeronimus segir. at þeir uillaz sem þat segia at Rachel uæri eptir aunnur .vii. aar lidin gipt ok gefin Jacob. utan helldr segir hann. at hon uar honum gefin þegar eptir þa .vii. daga. sem brudlaups ueitzlan stod. Uar fyrir þa sauk<sup>18</sup> þess at bepit. at hon

<sup>1</sup>) lett, B, Fragn. <sup>2</sup>) vm lidin B, Fragn. <sup>3</sup>) [byggiz þa viðr, B, Fragn.

<sup>4</sup>) lagit, B, Fragn. <sup>5</sup>) var, B, Fragn. <sup>6</sup>) hann svaraði tilf. B, Fragn.

<sup>7</sup>) tilf. B, Fragn. <sup>8</sup>) gefua, B, Fragn. <sup>9</sup>) Jacobi, B <sup>10</sup>) saal. B,

Fragn.; sealfir, A <sup>11</sup>) sasteamlegan, B <sup>12</sup>) lystisamlit, B, Fragn.

<sup>13</sup>) leggi, B, Fragn. <sup>14</sup>) netrimar, B, Fragn. <sup>15</sup>) fyrir tilf. B, Fragn.

<sup>16</sup>) mgl. B, Fragn. <sup>17</sup>) þers tilf. B, Fragn. <sup>18</sup>) grein, B, Fragn.



veri uli. at eigi gerdiz nokkur ruglan eðr sundrlyndi af þi. at aunnur brudr [þa enn af nyiu ugr<sup>1</sup> til hins sama brudgumans innar leidd. *genesis*.<sup>2</sup> Enn at þeim lyktadum ok lidnum uar<sup>3</sup> þat hans brulleup frammgengt. sem hann uar giarnari til.<sup>4</sup> Sua sem hann geck at eiga Racheleu. lagdi hann ok meira<sup>5</sup> elskhuga til hennar [enn til Lya. þionandi<sup>6</sup> fyrir Rachelar skyld aunnur<sup>7</sup> .vii. aar eptir þi sem skilmaali þeirra máaga stod<sup>8</sup> til.

*Speculum hystoriale.* Enn þar sem Jacob er af mðrgum<sup>9</sup> monnum sua sem af einum þungum glæp þi brigzlat ok i moti kastat. at hann hafði<sup>10</sup> .iiii. konur medr ambattum eiginkuenna sinna. þa ma hann isfual medr almenniligum flutningi ok frammsðgn<sup>11</sup> þar af reinsaz ok afsakaz. þiat sumar syndir eru i moti natturu. sumar natturuligar. nockurar af þeim uerða geruar ok framdar moti sidsemdum. enn aðrar moti boðordum. Nu medr þi at þu hugsir til natturunnar.<sup>12</sup> þa fremia þeir allir sem henni fylgia fullkomliga sambudina. til þess at gera ser afspring can eigi sakir lostasemdar<sup>13</sup> edr munudliðss. Sér þu til sidsemdanna. þa uara þær<sup>14</sup> eigi þann tima<sup>15</sup> i þeim londum. Enn ef þu hugsar til bodorð-  
147  
anna. þa uar þersi hátt meðr ðngu lðgmáli bannaðr edr fyrirbodinn i þann tima. Ok fyrir hueria sauk er þat nu synd at þi. ef nðkurr gðrir þat. atan fyrir þa at þat er nu bæði i moti sidsemdum ok lagasetningum. Vndirstanda þeir ok<sup>16</sup> meðr ðngu moti. sem nu gora þers háttar luti. hinaa astundan. hverra hugarkrapta er þeir<sup>17</sup> meðr aullu eigi uita.

### Fra Lyam kono Jacobs ok sonum hennar.<sup>18</sup>

50. Ok sem gud drottinn sá. at Jacob fyrirleit<sup>19</sup> sina husfru Lyam. þa gaf hann henni þat til hugganar. at hun gat sun at eiga uidr<sup>20</sup> sinum bonda. til þess at þadan af legði hann meiri blidu ok astuð til hennar. þar sem hennar systir Rachel var ubyria. [Sa hel<sup>21</sup> Ruben. þat er synar<sup>22</sup> sun. sua segiandi. Gud drottinn sa mina lægd ok litillæti. man minn bondi<sup>23</sup> nu mik elska. Hun gat annan son ok fæddi sua segiandi. Fyrir þann skyld gaf guð mer ok þenna. at hann heyrði at ek uar hafnad. þenna kalladi hon Simeonem. þat þyðiz heyrn.

<sup>1</sup>) [veri þa af nyiu, B, *Fragm.* <sup>2</sup>) *mgf.* B, *Fragm.* <sup>3</sup>) varð, B, *Fragm.* <sup>4</sup>) ok suari. *genesis*, *tílf.* B, *Fragm.* <sup>5</sup>) kigrleik *tílf.* B, *Fragm.* <sup>6</sup>) [siðan helldr eu til hinnar fyrri. þionaði hann, B <sup>7</sup>) *her end.* *Fragm.* IV <sup>8</sup>) var, B <sup>9</sup>) nekkarum, B <sup>10</sup>) *saal.* B; hañ, A <sup>11</sup>) fyrirsgn, B <sup>12</sup>) neqriunnar(!), B <sup>13</sup>) lostasemi, B <sup>14</sup>) þeir, B <sup>15</sup>) vitaðer *tílf.* B <sup>16</sup>) þetta, B <sup>17</sup>) megu *tílf.* B <sup>18</sup>) ok þar meðr af ambaatta sunum *tílf.* B <sup>19</sup>) fyrirlet, B <sup>20</sup>) meðr, B. <sup>21</sup>) [Hua kalladi þenna suein, B <sup>22</sup>) *rett. for sunar* <sup>23</sup>) husbondi, B

Þridia tima gat hun sun. ok fæddi ok sagdi sua. Nu mun minn bondi uisliga mer samtengiaz ok sitt samband uidr mik leggja. fyrir þa sauð at ek hefir nu fædt honum .iii. syni. Fyrir þa grein uar hann kalladr Leui. þat þyðiz uidrlagning edr felagskapar styrkiari.<sup>1</sup> Fiorda tima fæddi hon sun ok sagði sua. Nu iátar<sup>2</sup> ek drottnei. Af þi uar sa sueinn Judas kalladr. þat þyðiz iatning. Eptir þat letti hon af at fæða.

Ok<sup>3</sup> sem Rachel sáa at hun uar ubyria. aufundaði hon systur sina Lyam. talandi sua til bonda sins Jacobs. Ger mer börn nöckur. ella man ok deya. Hann reiddiz<sup>4</sup> við þessor hennar ord. ok sagdi sua. Er ek nöckurr<sup>5</sup> sa gud sem þik suipti þins<sup>6</sup> kuidar burd ok auuexti. Ek hefir sagdi hun þernu mina Balam. Gack til hennar ok freista. at ek fái af henni mer sonu. þo at ek fái eigi af sealfri mer. Lagdi hon síðan sina ambátt Balam til sambudar upp vid hann. Ok af þeirri sambud fæddi hon son. huar af er Rachel sagdi sua. Nu dæmdi gud drottinn mik heyrandi mina rödd. gefandi mer sun ok samuirðandi mik sua systur minni. Var sueinninn fyrir þa skyllð kallaðr Dan. þat þyðiz domr. þersi sama Bala gat at eiga annan sun meðr Jacob. af huerium er Rachel talaði sua. Samuirði gud mik systur minni [ok mektaðiz ek nu miðk.<sup>7</sup> Var [sueinninn fyrir þann skyllð kalladr<sup>8</sup> Neptalim. þat er uirding edr uidleiki. Nu sem Lya skilði at hon letti af barnburdinum. gaf hon bonda sinum til sambudar þernu sina Zelpham. Hun gat meðr honum sun ok sagdi [sua Lya.<sup>9</sup> Sælliga [uar ek selt.<sup>10</sup> Fyrir þa grein uar sa sueinn kalladr Gaad.<sup>11</sup> þat þyðiz sæla. Zelpha fæddi son annan. huar af er Lya sagdi sua. Fyrir sælu minni er þetta. þiat allar konur munu mik sæla segia. ok fyrir þann skyllð uar sa sueinn kalladr Asser. þat er sæll.

*Scolastica hystoria.* Nær þersum tima uard storliga<sup>12</sup> mikit flod i þeirri Girklandz halfu er Achaia heitir. aa dögum þers konungs sem Ogyges het. hann endrbætti þa borg sem Accha het ok kalladi hana sidan Eleusinam. þa syndiz su mæz uidr uatnid Triconidem sem Girkir kalla Mineruam. hana segia þeir fundit hafa margskonar listir.<sup>13</sup> ok mikils hattar manuit.<sup>14</sup> ok einkannliga allar þær sem af ullu uerda göruar. *Ysidorus.* Trichom<sup>15</sup> het eitt mikit stöduuátn i Affrica. hia hueriu er [segiz at hun<sup>16</sup> syndiz aa iungfru alldri. ok fyrir þa sauð heitir hun ödru nafni Trichonis. huadan af er hun uar af heidnum monnum i guða tölu höfð heimolliga. sem hennar ætt ok afspringi<sup>17</sup>

<sup>1)</sup> saal. B; styrandi, B <sup>2)</sup> iatar, B <sup>3)</sup> Nu, B <sup>4)</sup> reiddiz, B <sup>5)</sup> nökkut, B <sup>6)</sup> saal. B; þiks, A <sup>7)</sup> [tilf. B <sup>8)</sup> [saa sveinn fyrir þa sqk nefndr, B <sup>9)</sup> [þa Lya sua, B <sup>10)</sup> [mgl. B <sup>11)</sup> Dán, B <sup>12)</sup> storleghans, B <sup>13)</sup> manvit, B <sup>14)</sup> listir, B <sup>15)</sup> Trichon, B <sup>16)</sup> [tilf. B <sup>17)</sup> vppruni, B

uar til<sup>1</sup> aullam ukunnigri.<sup>2</sup> Enn fyrir þann skyldd at þeir trudu ut<sup>3</sup> af henni<sup>4</sup> monnum ueitaz skynsemd ok íþrotta skilning.<sup>5</sup> þa sogdu þeir hana af hofði sealfs Jouis fædda uera. þat er ok hennar nafn. at hun heitir Pallas. af þeirri ey i Tracia landi sem Pallene<sup>6</sup> heitir. i huerri er hon uar fostrad ok uppfædd. ella<sup>7</sup> af þeim risa sem hun drap. ok Pallans heit. Sua segiz ok. at þær eyiar sem Ciclades heita .xl.<sup>8</sup> ok .iii. at tölu. hueriar er forðum uaru hinn seaundi partr af Grecia. varu a morgum manadum huldar. sem ein ok idulig nátt uærl þar iafuan þann tima sem þetta flod uar i Achaia. Enn sua sem uðtnin minkaduz. þa skein solin [fyrst aa þa eyna<sup>9</sup> af þeim ollum lond-unum<sup>10</sup> er þar lagu nalæg sem Delos heitir. enn þat þydiz birt edr audsynt. þiat hon feck af þi nafn. at hon birtiz fyrst ok syndiz<sup>11</sup> eptir þersi hin miklu undr. þessi<sup>12</sup> ey heitir ok oðru nafni Ortigia. fyrir þa sauk at þeir fuglar sem coturnices heita. ok Girkir kalla ortigias. varu þar fyrst senir. þetta telr Ysidorus næst Noa flodi. enn<sup>13</sup> þat bit þridia sem uard i Thessalia. þeirri Girklandz halfu sem sua heitir. a dögum Moysi ok Amphitricionis konungs.

---

Her segir fra þui huersu marga sono Jacob atti medr þeim systur.<sup>14</sup>

51. Nu skal þar til taka sem [fra uar<sup>15</sup> horfit. at sua sem Ruben hinn ellzti son Lye ok Jacobs geck ut i akr. þann tima sem hueiti-korn uar skorit. fann hann<sup>16</sup> þau grös sem manndragore heita. ok bar heim medr ser ok gaf modur sinni. [scolast. hystoria.<sup>17</sup> Enn fyrir þi at nockurir menn segia þess hattar gras edr eplakyn gora eðr gefa þeim konum freoleik. sem adr hafa uerit ubyrea. ef þær eta þat. þa girntiz<sup>18</sup> Rachel at eta þat sama gras. þegar hon sa þat. talandi sua til sinnar systur Lyam. Gef mer nockurn part af þersu grasi sunar þins mandragora. Hon svaradi. Huart syniz þer þat litils uert. at þu takir bondann af mer. nema þu takir þar medr þau manndragores<sup>19</sup> sem son minn [feck ok færð<sup>20</sup> mer. Enn fyrir þa sauk at Rachel uildi blidka systur sina enn þiggia þo allt at eins þat er hun bað. þa sagði hon sua. Sofi hann hia þer i natt fyrir þessarra grasa skyldd. Gek Lia þegar um kuelldit ut i mot Jacob. sem hann kom<sup>21</sup> af akri

<sup>1)</sup> mgl. B   <sup>2)</sup> vkunnari, B   <sup>3)</sup> at, B   <sup>4)</sup> myndi tilf. B   <sup>5)</sup> skilningr, B  
<sup>6)</sup> saal. B; Pallentei, A   <sup>7)</sup> allar, B   <sup>8)</sup> fimtigit, B   <sup>9)</sup> [saal. B; fyrsta, A  
<sup>10)</sup> landum, B   <sup>11)</sup> varð séen, B   <sup>12)</sup> þersor, B   <sup>13)</sup> ok, B   <sup>14)</sup> Af sunum  
Lye ok burð Josephs, B   <sup>15)</sup> [fyrir var fra, B   <sup>16)</sup> tilf. B   <sup>17)</sup> [mgl. B  
<sup>18)</sup> girndiz, B   <sup>19)</sup> mandragoras, B   <sup>20)</sup> [fann ok fekk, B   <sup>21)</sup> heim tilf. B

149.

ok taladi til hans. Til minnar sængr átt þu i kuelld at ganga. Þíat medr kaupi leigða ek þik fyrir þat sama manndragora sem sun minn gaf mer. Suaf hann þa nátt meðr henni. Gud heyrði hennar bönir.<sup>1</sup> ok fæddi hun honum [hinn fimta<sup>2</sup> sun sua segiandi. Verkkaup ok ömbum gaf gud mer fyrir þat er ek gaf mina ambátt minum bonda i ualld. ok fyrir [þann skyld<sup>3</sup> kalladi hun þann svein Ysachar. þat hefir sua mikit at þyda. hann er uerkkaup. Gaf hon honum fyrir þa grein þat nafn. at hun hafdi medr manndragores<sup>4</sup> bondans sambud keypt áá þeirri sömu natt sem hann byreadiz. Ysidorus segir at manndragora hefir sua uaxna rot undir séér sem manz likami. ok sumir<sup>5</sup> af þeim beri meirr karlmanz mynd. ok þilik flur edr lauf sem ber.<sup>6</sup> Enn adrir<sup>7</sup> hafi<sup>8</sup> kuenmanz mynd. berandi epli meðr sua uorðnum flurum edr laufum sem surur. Lya gat at eiga hinn .vi.<sup>10</sup> sun. ok sagdi sua. Meðr godum mund ok heimanferd giæddi guð mik ok audgadi. man bondi minn nu fyrir þann skyld uissuliga medr mer byggia. at ek hefir sætt honum .vi. syni. Var sueinsins nafn af þi kallat Zabulon. þat ma her uel segiaz bygging. Sidan fæddi hon eina dottur er Dina uar kallad. Þar kom at gud minntiz eigi sidr medr sinni miskunn Rachelar heyrandi hennar bön. ok let hana kudiuga uerda. fæddi hon son. ok<sup>9</sup> sagdi sua. Mitt brigzli tok gud<sup>10</sup> af mer. [ok<sup>11</sup> þar medr sua segiandi. Gefi gud mer her medr annan son. Var hann af þessum hennar ordum Joseph kalladr. þat þydz aukning.

Her segir fra þeim magum Jacob ok Laban.<sup>12</sup>

52. At lidnum þeim .xiii. aarum. sem Jacob hafdi þionat mági sinvm Laban fyrir beggia sinna husfrua skyld ok Joseph uar fæddr. talaði hann sua til Labans. Gef mer gott orlof. at ek fari heim apr til mins fostrelandz ok födurleifdar. ok gef<sup>13</sup> mer lidugar husfrur minar. fyrir [huerra skyld er<sup>14</sup> ek hefir þer þionat. ok þar meðr öll min börn. þu ueitz uel alla<sup>15</sup> þionostu sem ek hefir þer ueitt. Laban svaradi. J þinu augliti uilldi ek giarna [giæfumaðr uera.<sup>16</sup> Þíat meðr fullkominni profan hefir ek [þat fundit ok skilit<sup>17</sup> at gud hefir fyrir þina skyld mer blezat. Mæl þu þer ok akued þilikt kaup. sem þu uill at ek gefi

<sup>1</sup>) bön, B <sup>2</sup>) [saal. B; fyrir þa grein, A <sup>3</sup>) [þa sqk, B <sup>4</sup>) mandragoris, B <sup>5</sup>) sumar, B <sup>6</sup>) bere, B <sup>7</sup>) aðrar, B <sup>8</sup>) meirr tilf. B <sup>9</sup>) saal. B; hun, A <sup>10</sup>) brott tilf. B <sup>11</sup>) [kallaði hun þenna svein Joseph, B <sup>12</sup>) Af mislitum sauðburð ok fiargroða Jacobs, B <sup>13</sup>) giqr, B <sup>14</sup>) [saal. B; huerra skyld at, A <sup>15</sup>) þa tilf. B <sup>16</sup>) [giptumaðr uerða, B <sup>17</sup>) [saal. B; þann fundit, A

þer. Þu ueitz sagdi Jacob. meðr huerri dygd ek hefir þer þionat ok huilik er þin eign hefir undir [minni hendi<sup>1</sup> uordit. þu attir litit eina aðr en ek kom<sup>2</sup> til þin. enn sua hefir gud þik blezat i minni hingatkuamu ok uel uðr þik gort. at þu ert<sup>3</sup> driugum uordinn uellaudigr madr. Er<sup>4</sup> þat nu ok rettligt ok uel uidrkuemiligt. at ek ueita sealfs mins husi forsio nu um sidir. Huat skal ek gefa þer sagdi Laban. Jacob svaradi. Ecki vil ek aa kueda. Enn ef þu gorir þat sem ek beidiz. þa man ek geyma hiardar þinnar ok hana sæða enn um stund. Gack umuergiss<sup>5</sup> sealfs ok skoða allar þinar hiardir. ok skil brott fra minni. [gięzlu ok<sup>6</sup> geymslu huern þann saud sem þu finnr flekkoltan edrnockurs konar mislitan. ok faa þa sunum þinum [i hendr<sup>6</sup> til geymslu. enn faa mer at geyma aullum einlitum saudum. Se þat allt mitt uerkkaup sem undir þeim hinum einlitum [elz er ek hefir at geyma<sup>7</sup> flekkolt edrnockurs konar<sup>8</sup> mislitt. huart sem þat er medr fersaudum edr geitsaudum. enn allt þat sem einlitt hefir sæðz undir þeim hinum einlitum se þitt. Man þa mitt<sup>9</sup> rettuise frammleiddiss mer i moti koma. Sem hann segði sua meðr enn liosarum orðum. Natturan seolf uinnr medr<sup>10</sup> þer<sup>11</sup> i þessum minum skilmála. þiat þat er natturuligt at huitir sæðiz af huitum enn suartir af suðrtum. Enn medr mer ma uinna sigr ok audna. medr þi at gud uili þat mer moti natturu ueita fyrir mitt starf ok stundan. sem hann sér at matuligt<sup>12</sup> ok rettligt er. Þetta likadi Laban<sup>13</sup> uel. Skildi hann þegar aa þeim sama degi alla flekkotta saudi ok mislita langt i brott fra þeim sem einlittir uaru. sua uedra sem hafra.<sup>14</sup> ok þar medr geitr [ok bucka.<sup>15</sup> ok feck alla þa sunum sinum at geyma. Enn alla þa sem einlittir uaru fekk hann Jacob at geyma. ok let eigi skemra i milli uera. þar sem huarir geymdu sinnar hiardar. enn .iiij. daga leid. til þess at engi prettr edr uæl skyllði af þi uerda mega. er þeir uæri nalægir<sup>16</sup> sin i milli. [scolastica hystoria.<sup>17</sup> Jacob fann ok feck séér eina nyia klokskapar list. stridandi upp aa þenna haat med natturuligri uælfinni<sup>18</sup> moti sealfri natturunni. at hann tok gręna uöndu af popleris<sup>19</sup> ok platanis. þeim tream<sup>20</sup> er sua heita. ok enn fleirum þar medr. ok birkti þa sumstaðar. enn annan hvern partinn<sup>21</sup> let hann iafnan ubirktan uera. sua at bæði uar eptir aa þeim næfr ok bðrkr. Alla<sup>22</sup> birkti hann suma uönduna. ok uaru þeir þa huitir eptir. enn let suma uera meðr ollu ubirkta. ok uaru þeir þa

<sup>1</sup>) [minum hendum ok geymslo, B <sup>2</sup>) hingat tilf. B <sup>3</sup>) nu tilf. B <sup>4</sup>) Sé, B

<sup>5</sup>) saal. ogs. B <sup>6</sup>) [tilf. B <sup>7</sup>) [er ek hefir at geyma hefufr aliz, B

<sup>8</sup>) nökkurs haattar, B <sup>9</sup>) min, B <sup>10</sup>) fyrir, B <sup>11</sup>) saal. B; mer, A

<sup>12</sup>) maklikt, B <sup>13</sup>) harða tilf. B <sup>14</sup>) saal. B; adra, A <sup>15</sup>) [mgl. B

<sup>16</sup>) nalęgri, B <sup>17</sup>) [mgl. B <sup>18</sup>) uelfinni, B <sup>19</sup>) poplis, B <sup>20</sup>) treom, B

<sup>21</sup>) part a þeim, B <sup>22</sup>) ella, B

grænir. setti sidan þessa uöndu sua mislita nidr i þeim þróm eör bryd-  
ium. er þi sama uatni uar i hellt. sem smalinn allr saa sem hann  
geyindi skyldi uatnaz uidr. uanduirkliga geymandi<sup>1</sup> at þeim tima sem  
[hiordinni uard<sup>2</sup> sem heitaz. ok let hana. þann tima sem mestr uar  
hitinn aa daginn ok hun uar<sup>3</sup> lystugaz at drekka. uatnaz medr þetta  
sama uatn. til þers at ær ok geitr skyldu uönduna sua skapaða ok  
þeirra skugga i uatninu þa sia. er<sup>4</sup> þær uæri blæsma ok þær skyldi  
sinn burð geta. til þess at hann yrði medr sama hætti mislitr. sem  
skuggar þeir sem þær saa<sup>5</sup> upp aa. er uedrarir ok buckarnir lágu  
þær. Vard þetta allt medr hans klokskap ok tilstilli frammgengt. at  
sua bar huarrrueggi saudrinn. sa sem fyrst gekk ok snemmbæraztr<sup>6</sup>  
uar. allan sinn burd fleckuttan ok mislitan. sem hann hafdi<sup>7</sup> mislita  
séd uönduna ok þeirra skugga i þann punct sem burðrinn byriadiz.  
Nu atti Jacob eptir fyrr sögðum skilmala allt<sup>8</sup> þat sem fleckutt fæddiz  
edr nöckurs háttar mislitt. enn Laban þat eina sem huitt edr suart  
yrði. En til þers at hann vörði eigi grunadr eör fundinn at þersarri  
sinni uælfinni.<sup>9</sup> þa hafdi hann þessa klokskapar list uid þann einn  
fenadinn<sup>10</sup> sem fyrst gekk ok snemmbæraztr uar. enn uid engan hinn  
sem seinaz geck ok sidbærri uar. þiat flestr fenadr með iöfnu kyni  
er sá minni nátturu sem [sidarr berr.<sup>11</sup> Vard sua Jacobs allr sa burdr  
ok undireldi þers fiár sem hann hafdi at geyma sem ellztr uar. enn  
þat eina Labans sem sidarst uar borit ok dälígaz uar. ella kallar hann  
þann burdinn sidskota. sem af þi [byreaz at<sup>12</sup> uedrinne eör bukk-  
rinn uar [aa haustið<sup>13</sup> til lätinn. þiat sua segiz at su se saudarins nattura  
badi<sup>14</sup> i Mesopotamia ok Italia. at hann beri .ii. sinnum á hueriu áári.  
151. *speculum hystoriale.* Commestor segir sua. at þat er eigi ulíkligt eör  
undarligt. at burdrinn uerdi líkr þeirri mynd eör líkneskiu. sem hon  
séer i sidarsta punct lostagirndarinnar sua sem hun uerdr at honum  
hafandi. medr þi at Jeronimus segir sua. at þetta<sup>15</sup> sama uerdi<sup>16</sup> medr  
horsunum i Spania.<sup>17</sup> Ok sá meistari sem Quintillianus het<sup>18</sup> uernaði  
sua nockura fru. þa sem fæddi sua sem blalenzkan burð. at hann  
profadi þat af þi sua uordit hafa. at hon hafði þers háttar líkneski<sup>19</sup>  
seed i þann punct sem burdrinn byreadiz meðr henni. Ok i bokum<sup>20</sup>  
Ypocratis finnz þat skrifat. at menn ætlaðu at pina þa konu sem hon  
hafði fæðt hardla uænt mey barn miok ulíkt bæði fedr ok meðr ok þar

<sup>1</sup>) tilf. B <sup>2</sup>) [oll hiqrðin var, B <sup>3</sup>) einkannlegga, B <sup>4</sup>) sem, B <sup>5</sup>) þa  
tilf. B <sup>6</sup>) seinbæraztr, B <sup>7</sup>) tilf. B <sup>8</sup>) tilf. B <sup>9</sup>) vielðnni, B <sup>10</sup>) frammi

<sup>11</sup>) [sidberr er, B <sup>12</sup>) [byriadiz er, B <sup>13</sup>) [tilf. B <sup>14</sup>) bæði, B

<sup>15</sup>) hit, B <sup>16</sup>) ianuel tilf. B <sup>17</sup>) Spanlandi, B <sup>18</sup>) tilf. B <sup>19</sup>) líkneskiu, B

<sup>20</sup>) spekingisins tilf. B

medr öllu þeirra kyni. þar til er þersi hinn sami Ypocras bad menn leita ok foruitnaz. ef þilik skrifan fyndiz skrifat<sup>1</sup> i þeim suefnklefa sem barnit uar byriat i.

*Genesis.* Jacob gerdiz þa rikari madr driugum enn til dōma. einkannliga at ganganda fē. hann hafdi ok marga menn þa sem honum til heyrdu. þræla ok þionostukonur. asna ok ulfallda. Ok sem hans kostr gordiz sua mikils háttar. þa heyrði hann sonu Labans sua segiandi.<sup>2</sup> Jacob þersi tekr ok dregr undir sik allt þat sem uárt ok uars feðr eigu [uar ok er.<sup>3</sup> ok af hans auð er hann nu ríkr uordinn ok frægr. Hann fann þat eigi sidr af áásionu ok yfirbragði<sup>4</sup> Labans. at hann uar ecki þaleidis blidr [uidr hann.<sup>5</sup> sem hina fyrri daga. ok þo einkannliga mest af þi at gud taladi sua til hans. Far aptr til landz þinna feðra ok forellrismanna ok til frænda þinna. ok man ek medr þer uera. llann let kalla sér husfrur sínar Rachelem ok Lyam þangat i hagann [sem hiorðin uar.<sup>6</sup> ok taladi sua til þeirra. Ek séér þat nu af asionu fedr yckars ok oðrum hans atuikum. at hann er ecki mer aa þa leid uiliadr sem i giar<sup>7</sup> edr hinn fyrri dag. enn gud er mer sinnandi ok samuinnandi. ok þit sealfar uitit þat ual. at ek hefir fedr ykkrum sua framarliga þionat. sem ek hefir orkat. þit<sup>8</sup> uitit ok at hann hefir æ um<sup>9</sup> minn lut setit. skiptandi<sup>10</sup> .x. sinnum ok umuendandi minu uerkkaupi. ok þo gaf gud honum allt at eins alldrigi<sup>11</sup> ualld aa þi. at hann mætti mer nockut mein gðra. þann tíma sem hann sagdi sua. Allr mislitr burdr skal þitt uerkkaup<sup>12</sup> uera. þa baru allir [mislit eldi.<sup>13</sup> En þa sem hann sagdi sua gagnstadliga þar i mot. Nu skalltu taka alla huita. þa sæddi huerr sautr huitan burð þegar. Ok sem hann sa hina einlitu mer folgaz ok framm ganga. þa skipti hann ok umuendi [enn af nyiu<sup>14</sup> minu kaupi. Tok gud þaleidiss. feðr yckars eign ok gaf mer. saa hinn sami sem i suefni syndi mer iafnan. huilíkr er burdrinn mundi fēðaz.<sup>15</sup> ok taladi sua til min. Ris upp þu ok far brott hedan ok heim til þins foftrlandz. þær<sup>16</sup> svorudu þa. Sua hefir fadir ockarr ockr tekít sem uskyllðar konur ok medr ollu uendzlaular. edr hðfum mid<sup>17</sup> þockurs konar gripi edr lausafe af aullum aud ok erfd fðdur ockars eptir okkr at flytia.<sup>18</sup> Nei ok eigi. Nu af þi at gud tok fedr ockars godz. gefandi þat okkr ok sunum okkrum. þa ger alla luti sem hana hefir þer birt ok bodit. [*scolastica hystoria.*<sup>19</sup> Josephus segir at

<sup>1</sup>) pentat, B <sup>2</sup>) talandi, B <sup>3</sup>) [er eðr var, B <sup>4</sup>) qllu viðrbragði, B

<sup>5</sup>) [til hans, B <sup>6</sup>) [mgl. B <sup>7</sup>) saal. ogs. B <sup>8</sup>) þat(!), B <sup>9</sup>) mik ok tilf. B

<sup>10</sup>) saal. B; skipandi, A <sup>11</sup>) alldregin, B <sup>12</sup>) kaup, B <sup>13</sup>) [mislitt

vndireldi, B <sup>14</sup>) [tilf. B <sup>15</sup>) saal. B; synaz, A <sup>16</sup>) Rachel ok Lya tilf. B

<sup>17</sup>) við, B <sup>18</sup>) af hans husi tilf. B <sup>19</sup>) [tilf. B

allr sa timi iafnsaman. sem Jacob uar meðr Laban. uoru rett .xx. aar meðr hinum .xiii. sem fyrr uar fra sagt. Villdi hann eigi fylla<sup>1</sup> hin sidarstu .vii. meðr sinni þaruistu fyrir ranglætiss sakir [ok illzku Labans.<sup>2</sup>

Her segir fra Jacob ok Laban magi hans ok vm ferð þeirra ok saltmal.<sup>3</sup>

53. Eptir þetta þeirra tal bioz<sup>4</sup> Jacob skíotliga ok for brott meðr husfrum sinum badum ok ollum þeirra börnum. hafandi meðr séér alla þa hiorð ok aðra eign sem hann hafði þa<sup>5</sup> aflat i Mesopotamea. Let hann Rachelem ok Lyam ok aull sin börn rida ulföldum. byriandi sina ferd sua til Chanáans iardar<sup>6</sup> ok fedr sins Ysaachs. [*scolastica hystoria*.<sup>7</sup> Josephus segir at Jacob flytti<sup>8</sup> ok helming hiardarinnar at uuitanda Laban i brott meðr séér. þiat hann hafði þann tima farit at taka ull af saudum sinum. *genesis*.<sup>9</sup> Villdi Jacob ecki gera hann uaran vid sina brottferd. Rachel tok ok leyniliga at uuitanda Jacob aull þau skurðgud fedr sins sem dyrmætuz uaru ok hafði<sup>10</sup> meðr ser. [*scolastica hystoria*.<sup>11</sup> eigi til þers at hon uilddi dyrka þau. fyrir þi at hun uissi uel af sögn ok kenningu sins bonda at þat uar bannat. utan helldr til þers at þau fengi uægd ok miskunn af fedr hennar. sua sem þau flydi ok kígni upp aa þeirra uernd ok grid. ef hann særi eptir þeim ok yrði þau sua meðr ufridi fengin.<sup>12</sup>

*Genesis*.<sup>13</sup> For Jacob nu leid sina ok allt hans hyski ok þat er honum til heyrði. þar til er hann kom yfir ána Jordan moti fialli þi sem Galaath heitir. þa uar Labani sagt aa hinum þriðia degi. at Jacob [uar brott farinn.<sup>14</sup> Hann bregdr uid skíott [ok samnaði<sup>15</sup> at sér monnum sinum sünnum brædrum ok odrum frændum. ok sækir eptir þeim alla .vii. daga. þar til er hann kom eptir þeim i fiallinu Galaath. þa uitradiz gud honum i suefni ok sagði sua til hans. Se vid ok uaraz Laban. at tala ecki uætta huatlíga<sup>16</sup> moti Jacob. þar i fiallinu hafði Jacob sett sina tialldbud. aðr enn Laban meðr sina menn kiæmi<sup>17</sup> eptir þeim. Reisti hann ok þar landtialld sitt. Enn um morgininn. sem hann uar klæddr. kemr hann til Jacobs sua segiandi. Fyrir hueria grein gerdir [þu sua.<sup>18</sup> at þu leyndiz at fyrir mer rekandi sua minar dætr i brott. sem þær uæri meðr suerði sollar ok herteknar. Eða fyrir

<sup>1)</sup> þersi *tílf.* B <sup>2)</sup> [*tílf.* B <sup>3)</sup> Af flotta Jacob ok saattmasli þeirra Labans. de *genesis*. B <sup>4)</sup> byggiz, B <sup>5)</sup> *mgl.* B <sup>6)</sup> landz, B <sup>7)</sup> [*tílf.* B <sup>8)</sup> flutti, B <sup>9)</sup> *tílf.* B. <sup>10)</sup> leynilegha *tílf.* B <sup>11)</sup> [*tílf.* B <sup>12)</sup> sangin, B <sup>13)</sup> *tílf.* B <sup>14)</sup> [hafði flyit ok brott farit, B <sup>15)</sup> [safnandi, B <sup>16)</sup> huassliga, B <sup>17)</sup> kom, B <sup>18)</sup> [saal. B; sua þu, A



huern skyld flydir þu at mer uuitanda ok sagdir mer eigi aðr. ok hefði ek gort þik af gardi meðr gledi ok fagnaði. fylgiandi þer meðr gigium. hörpum ok audrum saungfærum. Eigi þoldir þu þat. at ek kysti minar dætr ok þeirra syni. ok uuitrliga gordir þu þetta. þiat ek hefir að<sup>1</sup> ok orku til þers at ðmbuna þer þetta meðr illu. Ok ef þu systiz at fara heim til frænda þinna ok þins fedr huss. fyrir hui stalt þu gudum minum. ecki stendr þer slikt. Ecki skyldir þu sua gort hafa. þar sem þu ert systursun minn ok þar meðr bædi magr ok mblunautr. En gud faudur ydars Abrahams talaði sua til min. Varaz þu ok tala ecki uætla hardliga edr huassliga moti Jacob. Jacob svaradi. Fyrir þann skyld for ek utan orlofs brott fra<sup>2</sup> þer uuitanda. at ek ottadiz at þu mundir meðr aðli ok orku dætrum þinum hallda fyrir mer. Enn þar sem þu kigrir mik um þiofnaðinn. þa uanda ek eigi at sa se drepinn her rétt fyrir augum frænda uárra. meðr huerium þu sér godin<sup>3</sup> fundit. Rannsaka þu<sup>4</sup> ef þu uill ok tak i brott. ef þu finnr nðckut uætla þat i minu ualldi ok uarðueitzlu sem þitt er. Taladi hann<sup>5</sup> þi sua. at hann uissi eigi at Rachel hefði skurðgudin tekit. Laban rannsakai fyrst i tialldbudum Jacob ok Lye ok ambattanna.<sup>6</sup> ok fann þar eigi sem uán var. Enn sem Rachel uissi at hann for til hennar tiallbudar. þa skundaði hon ok fal skurðgudin undir ulfallda uerium. þeim sem þar uaru inni. ok settiz þar áá ofan. Ok er hann hafdi þar rannsakað ok fundit ecki þi helldr [þat sem hann leitaði.<sup>7</sup> sagdi hon sua. Ek bidr minn herra. at þer reidiz eigi ok fyrirlatit mer. er ek stendr eigi upp i moti ydr fyrir þa sok at nu hefir uanasott kuenna at mer komit. Lek hon þaleidis fedr sinn aahyggiufullan af séér. at hann leitadi lengr. Jacob mislikadi rannsakan Labans ok talaði til hans sua sem kigrandi. Fyrir huern minn glæp edr afgerd gerdir þu þik sua heitan mer i mot. at þu rannsakaðir allan minn uarnað. huat fantu nu<sup>8</sup> af allri þinni eign. Leggium þetta mal til þinna frænda ok minna. at þeir dæmi milli min ok þin. skal ek til þilikrar uerdskyllðanar .xx. áar uerit hafa meðr þer. Eigi varu þinar ær edr geitr gelldar. eigi hafdi ek þina uedra<sup>9</sup> mer til budaruardar. ok engan sagda ek þer edr syndi af dyrum gripinn edr risinn. huern er tyndiz gallt ek þer apr. ok huern þann saud sem stolinn uar reiknadir þu ok krafdir af mer. Annan tima brann ek-driugum af ofrhita bædi dag ok nætr.<sup>10</sup> enn aa odrum tima kom mer fyrir kulda sakir eigi suefn aa augu. Meðr þeima hætti þionadi ek þer um .xx. aar i sealfs þins husi .xiiii. fyrir dætra þinna skyld enn um .vi. fyrir hiðrdinni. Tiu sinnum

153

<sup>1</sup>) nu aðla, B <sup>2</sup>) at, B <sup>3</sup>) guð þin, B <sup>4</sup>) nu, B <sup>5</sup>) fyrir tilf. B <sup>6</sup>) ambattarinnar  
huarratueggju, B <sup>7</sup>) [tilf. B <sup>8</sup>) her tilf. B <sup>9</sup>) edr hafra tilf. B <sup>10</sup>) náátt, B

skiptir þu ok umuendir minu kaupgialldi, ok lettliga at þu heðir mik  
 fatækan ok nær nauktan latit brott fara nu. nema sá gud sem Abra-  
 ham faudurfadir minn trudi upp aa hefði meðr mer uerit. ok [fyrir  
 mer stadið þat er<sup>1</sup> þu ottadiz fedr minn Ysaach. Enn sa gud sem leit<sup>2</sup>  
 mina neyd ok erfiði aasakaði þik i giar. þa svaradi Laban. Syni þina  
 ok dotr minar. hiðrd<sup>3</sup> ok alla þa luti sem nu sier<sup>4</sup> þu her. þa hefir þu  
 af mer lotit. ok fyrir þa sauk eru þeir allir sua sem min eign. ok huat  
 ma ek nu gera framarr<sup>5</sup> dætrum minum ok þeirra sunum. fðrum til  
 ok gðrum sááttmaal ok felagsskap ockar i millum. Jacob tok þa einn  
 stein samþyckiandi þersu hans bodi. ok reisti hann upp til sáttmáls  
 marks talandi sua til sinna frænda<sup>6</sup> ok hiauerandi brøðra.<sup>7</sup> Berit higat  
 til steina.<sup>8</sup> Þeir báru þa saman.<sup>9</sup> gðrandi þar af einn haug edr stora  
 uðrðu ok aantu sidan [þar uppi aa.<sup>10</sup> Laban sagði þa sua. þersi haugr  
 see uátr ok uitni ockars saattmaals ok felagsskapar. þess sem her  
 gðrdiz<sup>11</sup> i dag milli min ok þin. Seai nu gud drottinn ok dæmi ockar  
 i milli sidan er huarir hafa skilit vid adra. ef þu leggðr dætr minar þa  
 i nðckurar kualar eðr aanaud.<sup>12</sup> eðr ef þu tekr adrar husfrur iafn-  
 framm<sup>13</sup> at þeim lifandum. þiat engin er nu uátr okkars sáttmáls nema  
 gud einn sa sem seer huat<sup>14</sup> framm ferr. Ok enn taladi hann til Jac-  
 obs. See her. þersi haugr ok steinn. sem ek reisti<sup>15</sup> nu upp. skal  
 uátr<sup>16</sup> uera milli min ok þin. fer ek um hann uidr<sup>17</sup> illan hug til þin  
 edr þu til min. þa dæmi saa gud okkar i milli sem Abraham ok Na-  
 chor ok þeirra fedr dyrkadu. Sór Jacob ok þetta sááttmál ok samband  
 uid sins feðr nafn ok ótta Ysaachs. Ok eptir þat sem hann hafði off-  
 rat gudi slikar fornþeringar i fyrrnefndu fialli sem honum likadi. þa  
 baud hann þeim frændum sinum at eta meðr sér. Varu þeir þa allir  
 sunt nockura stund. eptir þat er þeir hófdu snætt. Laban reis upp  
 áá nattar tima ok minutiz uid dotr sinar ok døtra sunu. hann blezadi  
 þeim ok bad þær uel fara. for sidan aptr til sins<sup>18</sup> heimiliss.

Her segir fra ferð Jacobs ok þui er þeir funduz ok Esau  
 broðir hans.<sup>19</sup>

54. Ok sem Jacob for þann sama ueg sem hann hafði byreat. þa  
 uard mikill fioldi heilagra engla á ueginum frammi fyrir honum. fyrir

<sup>1</sup>) [þat hefði fyrir stadið at, B <sup>2</sup>) alla tilf. B <sup>3</sup>) hiardr, B <sup>4</sup>) saal. B;  
 hefir, A. <sup>5</sup>) framarr, B <sup>6</sup>) brøðra, B <sup>7</sup>) frænda, B <sup>8</sup>) steinana, B  
<sup>9</sup>) steinana tilf. B <sup>10</sup>) [aa vppi, B <sup>11</sup>) gioriz, B <sup>12</sup>) aanauder, B <sup>13</sup>) hia  
 framm, B <sup>14</sup>) er nu tilf. B <sup>15</sup>) reisi, B <sup>16</sup>) ok vitni tilf. B <sup>17</sup>) meðr, B  
<sup>18</sup>) eigins tilf. B <sup>19</sup>) Af gífum þeim sem Jacob sendi Esa(?) ok af  
 fangtøku meðr englinum, B

þi kallaði hann þann stad Manaym. þat þyðiz herbudir. sua segiandi. þersir<sup>1</sup> ero guds kast<sup>2</sup> edr herbudir. at hann sá at englarnir uaru bunir at ueria hann i moti bræðr sinum Esau. huern er hann ottadiz. Ok fyrir þa sauk gerði hann af þeim stad sendiboda framm fyrir sik til Seyr. þat þorp edr kaupun er sua heitir af hinu þridia nafni Esau. at þeir skyldu<sup>3</sup> proua huilikan hug er brodir hans hafði<sup>4</sup> þa til hans. Ok sem þeir komu aptr. sogdu þeir at Esau for fridsamliga medr .cccc. manna [honum i mot.<sup>5</sup> Jacob ottadiz þa eigi mistruandi edr ðruilnandi [af englanna fyrirheiti<sup>6</sup> helldr sua sem af mannligri natturu ræddr ok ruglaðr. Skipti hann þa folki þi sem medr honum uar. ok þar medr allri biordinni. yxnum<sup>7</sup> ok saudum. ðsnum ok ulfolldum i .ii. flocka. sua segiandi. Kemr Esau sua til [flokksins annars huars<sup>8</sup> at hann ueitir honum slag ok drepr hann. þa man sa annarr hialpaz sem sidarr ferr. Ok enn taladi Jacob. Heyr þu gud [mins fedr<sup>9</sup> Abrahams. ok fedr mins Ysaachs. heyr þu drottinn minn. er sua taladir mer til. far heim aptr til þins landz ok þers stadar sem þu uart fæddr ok uppfostradr. ok man ek þer<sup>10</sup> bleza. minna háttar er ek ollum þeim sannindum [ok miskunsemðum.<sup>11</sup> sem þu fylldir ok fram komt<sup>12</sup> med fðurfedr<sup>13</sup> minnum Abraham. yfir þessa sðmu Jordan for ek fyrr meirr uidr einn staf framm aa leid. sem nu fer ek aptr aa leid. [meðr .ii. flokkum mer fylgiandum.<sup>14</sup> frelsa mik nu af þi af mins brodur hðnd<sup>15</sup> ok ualdi Esau. þiat hardla miok ottaz ek hann. at eigi beri sua illa til. at hann slaae fedriinn af medr sinum sunum þann tima sem hann finnr oss. þu taluðir sealftr. at þu skylldir uel uidr mik gora fíolgandi sua ok aukandi mitt freo. sem þann ægisand<sup>16</sup> er eigi fær talt. Næsta dag eptir þetta sem nu uar fra sagt. gordi hann raad fyrir gíofum þeim sem hann ætlaði fyrr nefndum brædr sinum. ualdi hann þat til. sem segrst uar ok þar fagiætaz. medr mðrgum ok ymissum<sup>17</sup> hiardarinnar kynium. varu þat .cc. sauda<sup>18</sup> ok .cc. geita. ok<sup>19</sup> .xx. uedra ok .xx. hafra. ok .xx. ulfallda uel freoua medr sinum folum.<sup>20</sup> .xl. kua ok .xx. gradunga. ðsnur .xx. medr .x. fylíum. Gordi hann þat<sup>21</sup> rad fyrir. at seer huer skyllði þersi biord fara medr hans þionostumonnum. talandi sua til þess sem fyrstr for. Ef sua berr til at Esau brodir minn komi þer i mot. ok spyri hann þik. huert þu skallt fara edr buerium þu til heyrir ok þeir lutir sem þu fylgir ok ferr medr.

<sup>1</sup>) þessor, B <sup>2</sup>) kaster, B <sup>3</sup>) skyllði, B <sup>4</sup>) hefði, B <sup>5</sup>) [tilf. B <sup>6</sup>) [saal. B; engilsins fyrirheit, A <sup>7</sup>) yxnum, B <sup>8</sup>) [annars flokksins, B <sup>9</sup>) [saal. B; minn. fadir, A <sup>10</sup>) þik, B <sup>11</sup>) [tilf. B <sup>12</sup>) komu, B <sup>13</sup>) saal. B; fedr, A <sup>14</sup>) [tilf. B <sup>15</sup>) hand, B <sup>16</sup>) egissand, B <sup>17</sup>) ymsum, B <sup>18</sup>) áásauðar, B <sup>19</sup>) þar til tilf. B <sup>20</sup>) burðum, B <sup>21</sup>) þa, B

þa muntu svara. [þionostumadr þinn<sup>1</sup> Jacob. [þersa luti<sup>2</sup> sendi hann sinum herra Esau. A sömu leid baud hann þeim öðrum sendiboda ok hinum þridia sem fyrr sögdum hiordum fylgdu. þar meðr sua seg-iandi. Meðr þilikum ordum skulu þer tala þann tima sem þer finnit Esau. [ok þersi til leggja. Hann<sup>3</sup> Jacob þionostumadr þinn ferr þenna sama ueg eptir nokkuru seinna. ok talaði sua. Ek skal freista at blidka broður minn meðr fyrirfarandum giðsum. ok ma þa uerda lettliga at hann likni mer ok miskunni. sua sem hann seer mik. Foru giasir þessar framm allar aa ueginn fyrir. Enn scalfr hann uar þa nátt i fyrr nefndum stad.<sup>4</sup> Ok þegar sem hann reis upp miok tima-liga. þa slutti hann badar sínar husfrur ok þeirra þernur meðr .xi. sun-um sinum. ok for yfir ááruadit.

Ok er hann hafdi<sup>5</sup> þa luti yfir slutt. sem honum til heyrdi.<sup>6</sup> þa uar hann einn samt<sup>7</sup> eptir aa aarbackanum.<sup>8</sup> ok etlaðiz at bidiaz fyr-ir. ok þar bar sua til at hann tok fang meðr einn engil sua sem uid einn huern mann. allt til þers<sup>9</sup> er morgintimi var. Ok sem hann<sup>10</sup> fann þat. at hann fekk eigi yfirunnit Jacob. þa tok hann i brott eina sin or hans læri. ok þegar i stad uar sem hann uisnadi. Hann taladi þa til Jacobs. Gef mik lidugan. þi at nu rennr dagsbrun<sup>11</sup> upp. Hann suaradi. Eigi læt ek þer laust utan þu blezir mik. Huert er þitt nafn. sagdi hinn sem meðr hann talaði. Hann svaradi. Jacob. Meðr engu moti man þitt nafn hedan ifra uera kallat Jacob. helldr ma þat rett-ligarr<sup>12</sup> kallaz Jsrael. fyrir þann skyld at ef þu hefðir<sup>13</sup> nockurn styrkleik i moti gudi. huersu miklu frammarri mantu þa mennina sigr ok yfiruinna. Jacob spurdi hann þa. Seg mer huert þitt nafn er. Hann suaradi. Fyrir hui spyr þu eptir minu nafni. þat er miok dasamligt. Blezadi hann þa Jacob i þeim sama stad. [*scolastica hystoria*.<sup>14</sup> skipt-andi sua uid hann um nöfnin. at hann gaf honum þat sem frammarri uar enn hitt sem ádr hafdi hann. ok styrkti<sup>15</sup> hann moti sinum bróðr. at hann ottadiz hann eigi. þiat ef hann stodz usigradr moti gudi edr sealfs hans krapti. þa skyldi hann þapan af marka mega. at hann mundi usigradr standa mega moti sinum bróðr Esau. Josephus segir

156 Jsraels nafn upp aa ebresku hafa at boda<sup>16</sup> edr þyda heilagan engil moti spornanda.<sup>17</sup> Enn þo allt at eins þydz Jsrael i ebreskra nafna bok madr gud siandi. þiat is þydz karlmadr. el er eitt guds nafn.

1) [þionostumanni þinum, B 2) [þersar minningar, B 3) [tilf. B 4) Manaym tilf. B 5) alla tilf. B 6) heyrdi, B 7) saman, B 8) aarstrqdinni, B 9) tilf. B 10) saa, B 11) dagsbrunin, B 12) rettlegha, B 13) hafðir, B 14) [tilf. B 15) styrkiandi, B 16) liðna, B 17) saal. B; spornan, A

enn ra seandi. þat ma ok<sup>1</sup> segiaz hugskot siánda guð<sup>2</sup>. *genesis*. Kall-  
aði Jacob fyrir þann skyld þann stad sidan Phanuel. þat er guds  
aasiona. sua segiandi. Ek saa gud drottins aasionu. ok uard min aund  
heil ok hialpat. þat er sua mikil at segia. at uidr þersa syn styrktiz  
hon hardla mikil.<sup>3</sup> þar sem adr uar hon hrædd. Rann þa solin upp  
sem hann for brott af Phanuel. Gekk hann þa halltr. Hann áat all-  
rigi<sup>4</sup> sidan ne nockut hans afkuemi sin. er hon morknadi ok uisnadi  
i hans læri.<sup>5</sup>

Ok sem Jacobi uard litit framm aa [ueginn fyrir sik.<sup>6</sup> saa hann ferd  
Esau ok þeirra .cccc. manna. sem i ferd uaru medr honum. skildi  
hann þa i flocka ok sundr skipti sinu heimoligu folki. let hann ambatt-  
irnar ok þeirra syni uera i fyrsta stad. enn Lyam ok hennar syni  
i öðrum stad. enn Rachel ok Joseph seinaz sua sem kigras ser af  
ollum þeim. Geck hann þa fyrir framm bada fyrr sagða flocka ambatt-  
anna ok Lye. fallandi .vii. sinnum [allr framm<sup>7</sup> til iardar. þar til  
er Esau uar kominn. Ok þegar i stad [geck Esau<sup>8</sup> blidliga moti broður  
sinum Jacob fadmandi hann ok halsspennandi. ok er hann kysti hann.  
þa gret hann. Ok sem hann litaðiz um. þa sa hann konur ok sma-  
sueina. ok sagði sun. Huersu ueit uid um folk þetta. huat uilia þeir.  
edr er nockut þat til efniss at þeir heyri þer til. Hann svaradi. Þessa  
smasueina gaf gud mer þinum þioni.<sup>9</sup> Nu sem ambattirnar ok þeirra  
synir nalgaduz. þa neigdu þær sik fyrir Esau. sua hit sama Lya sem  
huan kom meðr sinum sunum. þa lutu<sup>10</sup> þau ok litillættu sik [ok eighi  
siðr.<sup>11</sup> Rachel ok Joseph sidarst.<sup>12</sup> Huat ferd edr flokkum [uaru þat<sup>13</sup>  
segir Esau sem i moti mer foru. Jacob svaradi. Til þess uaru þeir  
framm fyrir gðruir. at ek fengi giptu ok miskunn af þer minn herra.  
Ok enn sagði Esau. Ek hefir hardla marga luti ok miklar eignir brodir  
minn. haf fyrir þann skyld þat er þitt er. Ek bidr sagði Jacob. at  
þu gorir eigi sua. Ef ek þiggr nöckura miskunn edr eptirlæti i þinu  
augliti. þa þigg þessa litlu gíof at mer. þiat sua uard mer þin aasiona  
fyrir augum. sem ek hefda<sup>14</sup> nockurs hins uolldugazta manz aasionu  
seð. Ok sem hann þa þær um sidir uidr hins bæn.<sup>15</sup> sagði hann sua.  
Göngum uer aull samt. ok man ek uera forunautr ydarr. Jacob suarði.  
þu ueitz nu uel minn herra. at ek hefir unga smásueina medr mer  
i ferdinni ok þar medr lembdar ær ok kyr medr kalfum. ok deyr þessi  
senadr allr aa einum degi. ef ek flytir sua.<sup>16</sup> at honum uerdi miok

<sup>1</sup>) tilf. B <sup>2</sup>) saal. B; guds, A <sup>3</sup>) miok, B <sup>4</sup>) alldregin, B <sup>5</sup>) fæti, B  
<sup>6</sup>) [skoginn, B <sup>7</sup>) [framm allt, B <sup>8</sup>) [gengr hann, B <sup>9</sup>) þion, B  
<sup>10</sup>) luttu, B <sup>11</sup>) [saal. B; fyrir Esau, A <sup>12</sup>) at siðaztu, B <sup>13</sup>) [uar  
þetta, B <sup>14</sup>) hæfi, B <sup>15</sup>) ok beðu(!) tilf. B <sup>16</sup>) ferðinni tilf. B

erfitt um ferdina. [Far fyrri minn herra. en<sup>1</sup> ek man fylgia ok fara eptir [af tomi.<sup>2</sup> sua sem ek ser at smasueinarnir ella. þar til er ek kemr til mins herra i Seyr. Ek bidr þa sagdi<sup>3</sup> Esau. at nockurir af minum kompanum dueliz eptir ok fari medr þer. Engi naudsyn er aa þi sagdi Jacob. þersa eina þarf ek at fá ok finna þina uinattu. For Esau heim aptr um daginn þann sama uæg sem hann hafdi þangat farit. ok kom at kuelldi i þann stad sem Socoth heitir. gerdi hann sér þar hus ok reisti<sup>4</sup> þar landtíðlð sin. kallandi þann stad sidan Sochoth. þat þyðiz tialldbudir. Þadan for hann i borgina Salem er odru nafni uar köllut Sichem. er stendr aa Chanaans landi. [af huerri<sup>5</sup> er Sichimi edr Sichimite uaru kalladir. Sua segia ebreskir menn. at þann einn tíma hafði<sup>6</sup> Moyses kallat hana Salem. þat er sua sem algerua. fyrir þa skyllð<sup>7</sup> at lærit Jacobs þat sem adr uar hallt uar þar<sup>8</sup> grætt.

Fra Jacob ok Lye(!) dottur hans ok bræðrum hennar.<sup>9</sup>

55. Jacob keypti nöckurn part af þeim akri eðr eng. sem þar la uidr portit edr borgina eptir þat er hann kom aptr af fyrr nefndri<sup>10</sup> Mesopotamia af konungi Sichimorum. þeim sem Emmor het. ok sunum hans medr .c. lamba. ok bygdi þar um stund. Gordi hann þar sidan eitt alltæri. kallandi ok heitandi yfir þat sama upp á guds nafn. þers sem Jsrael dyrkadi. Sua bar til einn tíma. at Dyna dottir Jacobs ok Lye geck heiman ok uilldi sea þarlendzkt kuendi. ok þegar sem konungs sun er Sichem hét sáa hana. þa leit hann girndar augum til hennar. gripandi hana ok takandi med ualldi. þiat hun hafdi einsaman gengit til borgarinnar eptir sögn Josephi. þers örindiss at kaupa ser kuenbunat. sem þar plagaðiz. aa þann sama dag sem Sichimite höfðu ok helldu eitt mikit hóf edr hátid. ok suaf sidan medr henni at hennar uuilia. leggiandi hiartanligan<sup>11</sup> ástarhug til hennar ok huggandi hana brygga medr mörögum blidkanum. bidiandi þar medr [at hans fadir Emmor<sup>12</sup> kiæmi þi uid. at hann fengi þersa sömu mey<sup>13</sup> ser til husfru. Foru þeir sidan feðgar baðir samt at finna Jacob. ok höfðu<sup>14</sup> sua til hans<sup>15</sup> at segia honum. at synir hans uaru i haga ok geymdu hiardar hans enn eigi hia honum. Jacob suaradi öngu til. fyrr en þeir komu aptr. Vurdu þeir storliga<sup>16</sup> reidir. sem þeir beyrðu huersu at hafði boriz. ok huersu fulsliga Sichem hafði uid þeirra systur gert. Ok<sup>17</sup>

<sup>1)</sup> [tílf. B <sup>2)</sup> [tílf. B <sup>3)</sup> qvað, B <sup>4)</sup> setti, B <sup>5)</sup> [saal. B; huern, A <sup>6)</sup> hað, B <sup>7)</sup> sqk, B <sup>8)</sup> saal. B; þa, A <sup>9)</sup> Af dauða Sichimorum ok flotta Jacob, B <sup>10)</sup> fyrr nefndu, B <sup>11)</sup> hiartalegan, B <sup>12)</sup> [sinn feðr Emmor at hann, B <sup>13)</sup> stulku, B <sup>14)</sup> höfðu, B <sup>15)</sup> mgl. B <sup>16)</sup> storlegans, B <sup>17)</sup> þa tílf. B

gengu þeir Emmor ok Sichem til þeirra fedga. bar Emmor upp þetta<sup>1</sup> eyrindi<sup>2</sup> ok sagdi sua. Hugr ok hiarta Sichems sunar mins hefir fallit til frændkonu ydarrar. ok giptit honum hana. ok gerum<sup>3</sup> sidan huaritueggju sæmiliga þeirra samgang.<sup>4</sup> Giptit uarúm monnum ydrar dotr. enn uær ydr uárar frændkonur. ok stadfestit her ydra bygd i hia oss. Veri iðrd<sup>5</sup> ok landit i ydru ualldi. vinnit hana ok plægit. ok eigniz slikt af sem ydr er uel uiliat. Sichem taladi sua til Jacobs ok hans suna. Þess biðr ek. at ek fái miskunn af ydr ok uinattu. man ek þa gefa. huat sem þer krefit edr kallit. leggit til hennar [nðckurn mund.<sup>6</sup> enn mælit henni þilikar gíafir sem ydr likar. ek lætr giarnsamliga framm<sup>7</sup> ok gefr huat er [ydr likar.<sup>8</sup> gerit þetta cina af yduarra uegna ok giptit mer meyna. Synir Jacobs svorudu þeim fedgum medr prett ok undirhyggju. þiat þeir uaru miok grimmhugadir af legordz sauk systur sinnar. þo at þeir leti þat litt aa siaz þa at sinni. ok sðgdu sua. Eigi megum uer þat gora sem þit bidit. at gefa systur uára ok gipta þeim manni. sem hann hefir eigi skurðarskirn<sup>9</sup> tekit. þat er eitt bannat uerk ok ubæriligt meðr oss. Enn medr þeima hætti skulum uær sættaz ok samtala<sup>10</sup> medr oss. ef þer uilit uárir [makar i þui verða.<sup>11</sup> at huerr karlmadr af ydr skiriz skurðarskirn. þa munum uer taka ydrar frændkonur enn gefa ydr uarar. stadfestandi uara bygd her medr yðr. ok uera allir samt sem einn lydr. Enn ella munum uer taka frændkonu uara ok fara i brott. ef þer uilit eigi skiraz. Þetta bod ok beidzla likadi uel Emmor konungi ok syni hans. villdi hinn vngi madr medr engu moti hindraz láta. at þat uæri gðrt ok fullkomit þegar i stað sem beðit<sup>12</sup> uar. þiat hann elskaði miok meyna. enn hann uar æinn frægr madr ok framr i sins fðdur husi. Hððu þeir fedgar þessi<sup>13</sup> nymæli uppi<sup>14</sup> fyrir ollu sinu folki. þegar sem þeir komu heim apt<sup>r</sup> i borgina. ok eggjudu alla til at taka skurðarskirnina. ok lögdu þar til mðrg orð. sðgðu at menn þersir uaru fridsamir ok uilldu giarna staðfesta þar sina bygd. ok saugdu þeim<sup>15</sup> eigi landskort uera. hellðr hitt at hun uæri uida ecki unnin<sup>16</sup> edr pløgð. enn þeir hafa eignir miklar ok margar hiarðir. ok man þat allt skiotlliga uár eign uerða. Luku þeir sua sinni tðlu at allir samþykktuz þersu.<sup>17</sup> Var þar huerr sem einn karlmadr skirðr skurðarskirn.

Enn aa hinum þridia degi. sua sem borgarmonnum uaru sinar skeinur<sup>18</sup> einkannliga sem saraztar. liopu synir Jacobs Simeon ok

<sup>1</sup>) þeirra, B <sup>2</sup>) erendi, B <sup>3</sup>) gerim, B <sup>4</sup>) samlagh, B <sup>5</sup>) iqrðin, B

<sup>6</sup>) [heimanferð, B <sup>7</sup>) frammi, B <sup>8</sup>) [þer biðit, B <sup>9</sup>) umskurðarskirn, B

<sup>10</sup>) saman tala, B <sup>11</sup>) [saal. B; mágar vera, A <sup>12</sup>) beidit, B <sup>13</sup>) þetta, B

<sup>14</sup>) frammi, B <sup>15</sup>) þar, B <sup>16</sup>) vunnin, B <sup>17</sup>) mgl. B <sup>18</sup>) skeinar(!), B

Leui sammæddir bróðr Dñe til uapna. gengu síðan diarfliga<sup>1</sup> i borg-  
 ina ok drápu bæði Sichem ok feðr hans Emmor. meðr ollum þeim  
 karlmonnum sem i borginni beid. takandi systur sina Dinam brott af  
 þeirra husi. Þangat liopu ok til adrir synir Jacobs meðr þeim ok  
 eyddu meðr ollu borgina. hefnandi sua suiuirðingar systur sinnar.  
 Sneyddu þeir ok<sup>2</sup> borgina bæði nautum ok saudum. ausnum ok aullum  
 lutum öðrum. eigi sidr þeim sem i eng edr akri uaru. enn hertoku  
 konur þeirra<sup>3</sup> ok börn. Josephus segir. at þann tíma sem borgarmenn<sup>4</sup>  
 helldu nockut mikit hof ok þeir höfdu sem mesta skemtan ok nádir.  
 hliopu þeir bróðrnir fyrst aa uardhaldsmennina ok drápu síðan suma<sup>5</sup>  
 sofandi. Enn er fadir þeirra Jacob uissi huat er þeir höfdu gert. þa  
 taladi hann diarfliga við Simeonem ok Leui. Þit rugladut mik ok  
 unaðaðut. gerandi mik leidan öllum Chananeis ok Pherezeis. þeim sem  
 þetta land byggia. Nu þar sem uer erum faair einir menn saman<sup>6</sup>. þa  
 munu [þeir fiolgaz<sup>7</sup> ok sla mik fyrst af ok cyða sua [mer ok<sup>8</sup> aullu minu  
 hyski aa iardriki. þeir svorudu. Skylldu þeir nockut systur uára hafa  
 ok hallda<sup>9</sup> sem eina putu. Guð drottinn styrkti þa enn Jacob ok taladi  
 sua til hans. Ris upp. ok far upp til borgarinnar Bethel ok bygg  
 þar. gerandi þa alltari þeim<sup>10</sup> gudi til heids. sem þer uitradiz þann  
 tíma sem þu flydir fyrir bróður þinum Esau. ok reinsa uel aðr alla  
 þína menn. Jacob kalladi saman [alla sina menn ok<sup>11</sup> hyski ok sagði<sup>12</sup>  
 sua. Kastit i brott ollum utlægum<sup>13</sup> ok annarligum gudum. þeim sem  
 þer hafit her með ydr. ok reinsit ydr ok [allan yðarn uarnat ok<sup>14</sup>  
 klæðnat. fðrum sua síðan upp til borgarinnar Bethel. gorandi gudi þar  
 alltari. þeim sem nik heyrdi a minum angistar [tíma ok uar<sup>15</sup> alla  
 gautu síðan i fðr ok fylgiu meðr mér. Þau höfdu borit [brott af borg-  
 inni<sup>16</sup> meðr séér. skurdgod. ok þar meðr þeirra uangagull ok annat  
 þeirra skraut ok skrud. Gafu þau Jacob þa i ualld aull þau gud sem  
 þau höfdu þa<sup>17</sup> með farit. meðr aullum þeim gripum ok gersimum.  
 sem aa þeim höfdu uerit. ok grof hann<sup>18</sup> þetta allt iafnsaman nidr<sup>19</sup>  
 undir rætr þess tréss sem therebinthus heitir. eigi langt fra borginni  
 Sichem. [scolastica hystoria.<sup>20</sup> Sua segia nockurir menn. at þersi  
 saumu skurdgud ok þeirra glys. sem Jacob grof nidr. hafi David  
 konungr upp grafit ok flutt heim til Jorsalaborgar ok latit nidr steypa  
 til fegrdar ok prydi musteri þi sem hann [hafði ætlat<sup>21</sup> at lata gðra.

<sup>1</sup>) inn tilf. B <sup>2</sup>) mgl. B <sup>3</sup>) tilf. B <sup>4</sup>) þesser tilf. B <sup>5</sup>) mgl. B <sup>6</sup>) mgl. B  
<sup>7</sup>) [kallaz saman, B <sup>8</sup>) [tilf. B <sup>9</sup>) sua tilf. B <sup>10</sup>) sama tilf. B <sup>11</sup>) [allt  
 sitt, B <sup>12</sup>) [saal. 'B; hyski, A <sup>13</sup>) útloghum, B <sup>14</sup>) [yðarn, B  
<sup>15</sup>) [deggi ok þrönguingar ok um, B <sup>16</sup>) [tilf. B <sup>17</sup>) mgl. B <sup>18</sup>) tilf. B  
<sup>19</sup>) i iqrð tilf. B <sup>20</sup>) [tilf. B <sup>21</sup>) [ætlatiz, B



enn þat uar<sup>1</sup> eigi fyrri gort enn aa dögum sunar hans Salamonis.<sup>2</sup> Eptir þat er hann uar allr. Enn sua kom guðligr olli yfir alla náá-grendarmenn ok þær borgir. sem þeir um foru eðr i namunda uáru. at engin madr þordi þeim mein<sup>3</sup> at gora eðr nockurn ufrid. Kom hann sealfr ok allt hans folk sua framm til borgarrinnar Luxam.<sup>4</sup> er odru nafni uar kallat Bethel. aa Chanaans landi. huer er síðan uar kallad Jerusalem<sup>5</sup> aa Jorsalalandi. Gordi hann þar<sup>6</sup> gudi eitt alltari. ok offradi honum þar medr fornir. sem hann hafdi honum<sup>7</sup> heitit. ok kalladi þann stad sidan fyrir þa<sup>8</sup> grein guðs hus. at gud uitradiz honum þar sua sem hann flydi fyrir bræðr sinum. sem fyrr uar sagt.

*Genesis.*<sup>9</sup> Nærri þersum<sup>10</sup> tima. sem nu uar fra sagt. andadiz Delbora fostra Rebecche. ok uar hun grafin uid borgina Bethel. undir þi tre sem ymissliga er kallad quercus eðr therebinthus. Uar sa stadr sidan kalladr gratz quercus. Gud uitradiz [þa enn<sup>11</sup> Jacob ok blezadi honum sua segiandi. Eigi skalltu hedan af<sup>12</sup> Jacob heita. helldr skal þitt nafn Jsrael uera. Hann gaf honum þa Jsraels nafn fullkomliga. huert er hinn fyrri tima hafdi hann heitit honum. ok sagdi sua. Ek almattigr gud man þik láta friouaz. siolgaz ok aauxataz. ok margar þiodir ok kynkuislir manu goraz ut<sup>13</sup> af þer. ok iafnuel manu konungar ut<sup>14</sup> af þer ok þinum lendum sædaz. þat sama land sem ek gaf Abraham [ok Ysaach<sup>15</sup> mun ek ok þer gefa ok þínu afkugmi. Eptir þat huarf hann fra honum at syn. enn Jacob reisti þar enn upp einn stein til uegsamligs marks þers er gud uitradiz honum ok taladi medr hann. smyriandi þann sama stein medr oleo. offrandi gudi fornir þar yfir ok kallandi hans<sup>16</sup> nafn Bethel.

Her segir fra Jacob ok sonum hans. capitulum.<sup>17</sup>

56. At komanda uaartima for Jacob brott af Bethel ok kom aa þann ueg sem lá til borgarinnar Bethléém. er odru nafni [uar kollud<sup>18</sup> Efrata af husfru Caleph þeirri sem þar uar iarðat. sem sidan man heyraz mega. A þersum ueg uard Rachel af barnburd miok hættliga ok haskasamliga halldin. sua sem hon skyldi [lettari uerða.<sup>19</sup> Yfir-setukonan sagdi sua til hennar. Oltaz eigi. þiat her mantu son sæða. Nu<sup>20</sup> sem henni laa vid andlat af þeirri sut<sup>21</sup> ok saarleik. sem hun

189.

<sup>1)</sup> uarð þo, B <sup>2)</sup> Salomonis, B <sup>3)</sup> grand, B <sup>4)</sup> Luzam, B <sup>5)</sup> Hierusalem, B  
<sup>6)</sup> þa, B <sup>7)</sup> mgl. B <sup>8)</sup> tilf. B <sup>9)</sup> tilf. B <sup>10)</sup> þeim, B <sup>11)</sup> [tilf. B  
<sup>12)</sup> ifra, B <sup>13)</sup> mgl. B <sup>14)</sup> mgl. B <sup>15)</sup> [tilf. B <sup>16)</sup> þa þers, B  
<sup>17)</sup> Af dauða Rachel ok Ysaachs capitulum, B <sup>18)</sup> [er kallat, B  
<sup>19)</sup> [saal. B; da faru(!), A <sup>20)</sup> Enn, B <sup>21)</sup> sott, B

hafði i fæðingu sueinsins. þá kalladi hon hann Bennon. þat er sua sem saarleiks sun eðr harms. Enn fadir hans kalladi hann Benjamin sua sem hann skirði hann.<sup>1</sup> þat þyðiz hægri handar sun. Andaðiz Rachel þar ok uar grafin<sup>2</sup> þar aa ueginum til<sup>3</sup> Bethleem. Feck hun ein af þeim frændum ok skuldarfolki eigi þa sænd at uera iarðat hia Abraham. Reisti Jacob þar enn upp minningarmark yfir hennar leidi. [þat sem þar<sup>4</sup> stendr allt til þersa dags. J brott for hann þadan. ok kom til þess staðar sem Aders [tur(n) eðr hiarðar turn<sup>5</sup> heitir. ok reisti þar [sin landtiðlld.<sup>6</sup> J þersum stad segia ebreskir menn. at guds must-eri uar reist ok gort. ok uæri þat sua sem medr nockurri fyrirsögn edr forspaa kallat hiarðar turn<sup>7</sup> sem ukominnar samkuamu ok tilsoknar guds musteris. Enn Jeronimus segir þenna stad uera uid Bethleem borg. þar sem englanna hird<sup>8</sup> ok fioldi saung ok sagdi guds sunar higatburd. ella<sup>9</sup> kalladi Jacob hann af þi sua. at hann fæddi þar sinar hiarðir. Ruben hinn ellzti sun Jacobs for ok lagðiz medr frillu fedr sins Bala. sua sem hann hafðiz uidr i þersu bygðarlagi. Vard fadir hans ecki þessu leyndr sem sidarr mun [sagt uerða.<sup>10</sup> [Voru þa .xii.<sup>11</sup> synir Jacob. Var Ruben son Lye frumgetinn medr v. öðrum hennar sonum Simeon ok Leui. Judas. Ysachár. ok Zabulon .ii. Rachelar synir Joseph ok Benjamin .ii. synir Bále Dan ok Neptalim .ii. synir Zelphe Gád ok Asser.

Kom Jacob um sidir til fedr sins Ysaach<sup>12</sup> i borgina Ebron. þa sömu sem þeir fedgarnir Abraham höfðu baðir bygt sua sem utlendir ok ukunnir. Var modir hans þa aull er hann kom þar. ok eigi löngu sidarr er hann kom heim þangat andadiz Ysaach. sua sem hann uar elligamall. hafandi .c. áára tirætt ok .lxxx. Josephus segir. at hann hafði .v. aar hins niunda tigar. Var hann sua fullr af æfi ok ellidogum fluttr ok færðr til sins ættfolks<sup>13</sup> ok iarðaðr af sunum sinum Jacob ok Esau hia fedginum sinum ok forellrismonnum i þeim tuifallda hellisskuta. sem fyrr uar fra sagt. Lyktaz her hin fyrsta bok Josephi<sup>14</sup> eptir þi sem Commestor segir.

Eptir andlát Ysaachs gerduz synir hans sua ueralldar rikir at ganganda fé. at þeim uannz neppiliga badum iardkostrinn þar sem þeir uaru. For Esau þa enn apr til fiallbygdanna. þar sem fyrr<sup>15</sup> hafði hann uerit medr husfrum sinum. sunum ok dætrum. meðr ollum sinum biðrdum ok hiunum. ok þar meðr ollu þi sem hann hafði eigandi at

<sup>1</sup>) skurðarskirn tilf. B <sup>2</sup>) iarðat, B <sup>3</sup>) saal. B; uid, A <sup>4</sup>) [sua sem, B

<sup>6</sup>) [tilf. B <sup>6</sup>) [sitt landtiðlld, B <sup>7</sup>) sua tilf. B <sup>8</sup>) higrð, B <sup>9</sup>) ellar, B

<sup>10</sup>) [heyraz, B <sup>11</sup>) [saal. B; Eru .xii., A <sup>12</sup>) Ysaachs, B <sup>13</sup>) folks, B

<sup>14</sup>) Joseph, B <sup>15</sup>) fyrri, B

nordit. Var su landzins hálfa sem hann bygdi af audru hans nafni Edom kallat. er fyrr meirr uar kallat Bostra<sup>1</sup> enn sidan Jdumea. Stadfesti hann sina bygd í þi fialli sem kallat er Seyr. Komu fra honum margir storeflissmenn. eptir þi sem Moyses greinir í Genesi. teliandi þa .xii. konunga<sup>2</sup> sem þar ríktu fra hinum fyrsta allt til hins sidarsta. þers sem hann saa.<sup>3</sup> ok sagði sua. [*scolastica hystoria*.<sup>4</sup> Eptir Bale.<sup>5</sup> þann sem fyrstr af þeim .xii. uar allr.<sup>6</sup> ríkti Jobal<sup>7</sup> sun Zære af Bostra<sup>8</sup> landi. Segia nockurir menn þenna uerit hafa Job sunarsun Esau. í fiorda stétt nidr af honum badum þeim til töldum. enn ebreskir menn mæla þi í mot sem fyrr segir.<sup>9</sup> J þenna tíma segiz. at sa madr sem Prometheus [uar kalladr<sup>10</sup> brodir hins mikla Atlantis hafi fyrstr menn<sup>11</sup> gört. annat huart fyrir þann skyld at hann gordi uisa menn af uutr-um.<sup>12</sup> ella fyrir þat at hann smidadi likneski eptir monnum. ok feck sua gort medr [sinum klokskap.<sup>13</sup> at þau synduz ganga. Hann fann ok fyrstr manna<sup>14</sup> at gðra fingrgull ok fingrunga. ok þo í fyrstu af iárni. ok setti þar í einn gimstein. Sagði hann at fyrir þa skynsemi skyldi gull beraz aa hinum fiorda fingri. þeim sem læknuissfingr heitir næstr<sup>15</sup> hinum minnzta honum til skrautz ok fegrdar. at hann uæri aullum þeim læðri fyrir þat ok agiætari.<sup>16</sup> at ein ædr liggi af honum allt til hiartans.

156

Her segir fra draumum Josephs ok hino auðru er bræðr hans seldu hann við verði.<sup>17</sup>

57. Jacob staðfesti sina bygd aa þi sama landi Chanáán. sem hans fadir hafdi adr bygt eptir guds bodskap. uaru þersar<sup>18</sup> hans kynferdir ok afdrif. þann tíma sem sunr hans Joseph uar .xvi. uetra gamall smasueinn. geymdi hann hiardar fedr sins medr odrum<sup>19</sup> bræðrum sinum sunum Zelphe ok Bale. *scolastica hystoria*. Er þat reiknanda eptir sðgn Commestoris. at Joseph uar .xii. aarum selldr fyrr enn Ysaach andadiz. huat er hann prouar sua. at Ysaach uar sextðgr þa er Jacob uar sæddr.<sup>20</sup> Nu meðr þi at hann hafdi þa .c. ok .lxxx. aara. er hann andadiz. þa er audsynt. at Jacob hafdi þa .c. aara tolfraett. Enn þa hafdi hann .c. tíraett ok .viii. aar. er son hans uar selldr. þiat þa hafdi hann<sup>21</sup> tíraett .c. ok .xxx. aara.

<sup>1</sup>) Bosra, B <sup>2</sup>) mgl. B <sup>3</sup>) maatti vel sia, B <sup>4</sup>) tilf. B <sup>5</sup>) Sale, B <sup>6</sup>) þa tilf. B <sup>7</sup>) ok Jobab, B <sup>8</sup>) Bosra, B <sup>9</sup>) var sagt, B <sup>10</sup>) [het, B <sup>11</sup>) saal. B; manna, A <sup>12</sup>) vuisum, B <sup>13</sup>) [sinni klokskapar vel, B <sup>14</sup>) mgl. B <sup>15</sup>) nerst, B <sup>16</sup>) [qðrum fyrir þat enn mætari ok tignari, B <sup>17</sup>) Her hefr seggu Josephs ok fyrst fra þui er hann uar selldr á Egiptaland. Capit. Genesis, B <sup>18</sup>) þersor, B <sup>19</sup>) mgl. B <sup>20</sup>) sem fyrr var saght tilf. B <sup>21</sup>) ok tilf. B

er hann kom til hans aa Egiptaland. enn milli þers ok hins er Joseph uar selldr uaru .ii. aar ok .xx. Joseph uar þa .xvi. uetra. er hann uar selldr nidr aa Egiptaland. enn þa hafdi hann .xxx. ok .viii. aar er fadir hans kom þangat aa hans fund. Huerfr Moyses sua aptr segiandi þat her sem [adr hafdi hann<sup>1</sup> um lidit. Nu sem Jacob for heim aptr af nefndri Mesopotamia ok hann hafdi eigi þa enn fundit fedr sinn. ok at lifandi Rachel eptir sögn Josephi. uar Joseph [selldr medr þeima hætti. sem her segir.<sup>2</sup> *genesis*. at bróðr hans hötudu<sup>3</sup> hann ok uaru miok upp aa hans skaða. fyrir þann skyld at fadir hans elskaði hann umframum alla adra sina sunu. fyrir þa grein at hann hafdi getit hann i sinum ellidomi. ella fyrir þat at hann uar aullum þeim uordinn<sup>4</sup> upp aa sinn likam<sup>5</sup> uænni ok uaskligri ok þar med uitrari. hafdi hann ok rópat<sup>6</sup> þa um<sup>7</sup> hardla liotan lifnat<sup>8</sup> fyrir fedr sinum. annat huart<sup>9</sup> huersu [mikilliga þeir<sup>10</sup> uaru upp aa sealfs<sup>11</sup> hans skada. ella þat at þeir höfðu lagiz medr fersættum kuikendum ok skynlausum. ella hafdi hann rópat einn saman Ruben<sup>12</sup> af sambud fyrr nefndrar frillu fedr sins Bála.<sup>13</sup> Jacob let gora Joseph einn hæl-sidan kyrtil ok mislitan. undarluga [meðr höndum uel pentaðan<sup>14</sup> ok saumadan. Nu sem hans brædr fundu þat ok saa. at hann uar aullum þeim frammarri af fedr sinum elskadr. þa lögdu þeir mikit hatr upp aa hann. sua at þeir mattu eigi nöckut naðuligt blidskaparord til hans tala.

þat bar til einn tima er<sup>15</sup> hann sagdi þeim draum sinn. vard þeim þat<sup>16</sup> þa enn af nyiu meiri<sup>16</sup> hats sauk ok sundrlyndiss saaðir<sup>17</sup> ok kueikia.<sup>18</sup> Hann taladi sua til þeirra. Heyrit draum þann sem mik dreymdi. Mer syndiz i suefninum sem ugr byndim bundin i einum akri. ok sua sem mitt bundin risi upp ok stædi yfir hinum. enn yd(u)r bundin aull umuergiss lutu ok tillæti ueittu minu bundini. þeir svorudu. Huart mantu konungr uarr uerda edr munu ugr luta ok leggiáz undir þinn rikdóm. Nu urðu þeim draumar slikir ok<sup>19</sup> þeirra uidræða mikil æsing ok auki þeirrar aufundar ok hats sem þeir haufðu [langa tima<sup>20</sup> til hans haft. Annan draum sagdi hann þeim ok fedr sinum hia uer-anda. sua talandi. Sua syndiz mer i suefninum sem sol ok tungl ok þar medr .xi. stiðrnur uegsamadi mik [ok ueitti<sup>21</sup> mer tillæti. Fadir hans aasakadi hann þa nöckut ok sagdi sua. Huat hygg þu huat þessi

<sup>1</sup>) [hann hefir aaðr, B <sup>2</sup>) fylger, B <sup>3</sup>) hataðu, B <sup>4</sup>) breðrum, B <sup>5</sup>) likama, B <sup>6</sup>) roopat, B <sup>7</sup>) nokkurn tilf. B <sup>8</sup>) lqst, B <sup>9</sup>) fyrir þat tilf. B <sup>10</sup>) [saal. B; þeir uaru mikilliga, A <sup>11</sup>) mgl. B <sup>12</sup>) Simeonem, B <sup>13</sup>) Bale, B <sup>14</sup>) [haghleggha meðr hand ok naal purtreaðan, B <sup>15</sup>) at, B <sup>16</sup>) tilf. B <sup>17</sup>) saað, B <sup>18</sup>) kueykia, B <sup>19</sup>) þar meðr tilf. B <sup>20</sup>) [langan tima aaðr tilf. B <sup>21</sup>) [veitandi, B

draumr hafi<sup>1</sup> at segia sem þik dreymdi. huart þat at ek ok modir þin ok bróðr munu<sup>2</sup> uegsama þik aa iardriki. [*scolastica hystoria*.<sup>3</sup> Vidr-kuemiliga nefndi hann modur hans. fyrir þui at hon lifdi þa enn.<sup>4</sup> þo ueitti hon ecki þers háttar litillæti<sup>5</sup> syni sinum Joseph. þiat hon kom ecki niðr aa Egiptaland. ok eigi er þat lesit at fadir hans hafi medr þeima hætti hann uegsamat. hefði Joseph þat<sup>6</sup> ecki uiliat ne þolat. helldr ucittu bróðr hans honum allir þersa sæmd<sup>7</sup> ok uirðing. ok mætti fyrir þa grein upp aa þenna<sup>8</sup> haatt þat uel segia. at hans fedgin ueittu<sup>9</sup> honum lotning ok uirðing i ollum<sup>10</sup> sinum sunum ok afspringi.

*Genesis*.<sup>11</sup> Nu sem hans bróðr hófduz uidr i þeim stad. ok<sup>12</sup> geymandi sinum hiqrdum sem Sichem heitir. þa sendi faðir hans hann af dalinum Ebron til þeirra þess orindiss.<sup>13</sup> at hann skyldi skynia ok foruitnaz huersu giptusamliga þeim edr senadinum færi at. ok bad hann segia séér heim aptr. huat er þeir hefðiz at. Ok er hann uar kominn i Sichem. þa fann madr hann nockurr þar sem hann uilltiz i enginni brott af ueginum. ok spurdi huers hann leitadi. Enn hann sagðiz brædra sinna leita.<sup>14</sup> ok bad hann segia ser huar þeir geymdu fiarins. Hann svaradi. Brott foru þeir af þessum stad. ok heyrda ek þa þat tala. at þeir skyldi fara i Dothaym. þann stad sem sua heitir. For Joseph þa leitandi bróðra sinna. þangat til er hann fann þa i Dothaym. Ok þegar sem þeir sá hann miok fiarri sér. hugsadu þeir aðr [hann kēmi<sup>15</sup> til þeirra. at þeir skyldu drepa hann. ok taladu sua sin i millum. See nu<sup>16</sup> her. nu er draummaðrinn<sup>17</sup> kominn. fōrum til ok drepum hann. ok kōstum likinu<sup>18</sup> i þersa gomlu grōf sem her er. segium sidan at eitt hardla uánt ok dāligt dyr hafi gleypst honum. man þa synaz mega huat honum stetta<sup>19</sup> sinir draumar. Ok er Ruben heyrði<sup>20</sup> þeirra fyrirætlan. þa ætladi hann at frelsa<sup>21</sup> hann af þeirra böndum. ok sagði sua. Tokum ecki þaleidis hans lif. ok hellum ecki ut hans bloði. kastit honum helldr lifanda nidr i þessa grōf edr iardgiá. sem her er i eydimörkinni. at eigi deyi beði<sup>22</sup> fadir hans ok modir af [harmi. ok<sup>23</sup> hafit sua ok hirdit syknar hendr ydrar. Fyrir þi taladi Ruben sua. at hann uilldi<sup>24</sup> frealsat hafa Joseph af þeirra ualldi ok fengit aptr fedr sinum. Ok þegar<sup>25</sup> sem Joseph kom til þeirra af

<sup>1</sup>) vill eðr hefer, B <sup>2</sup>) manim, B <sup>3</sup>) [tilf. B <sup>4</sup>) Enn tilf. B <sup>5</sup>) tillæti, B <sup>6</sup>) ok tilf. B <sup>7</sup>) vegsæmd, B <sup>8</sup>) einn, B <sup>9</sup>) veitti, B <sup>10</sup>) qðrum, B <sup>11</sup>) tilf. B <sup>12</sup>) mgl. B <sup>13</sup>) erendis, B <sup>14</sup>) tilf. B <sup>15</sup>) [enn hann kom, B <sup>16</sup>) mgl. B <sup>17</sup>) draumamaðrinn, B <sup>18</sup>) honum sidan, B <sup>19</sup>) saal. B; stettir, A <sup>20</sup>) þersa tilf. B <sup>21</sup>) fríalsa, B <sup>22</sup>) tilf. B <sup>23</sup>) [tilf. B <sup>24</sup>) þa tilf. B <sup>25</sup>) leið tilf. B

klæddu þeir hann þeim hinum hæsida kyrtli. sem fyrr uar fra sagt. ok kðstudu honum i [þa hina vatnlausu grðf eðr gia. sem hann matti eigi einn saman or komaz.<sup>1</sup> For Ruben þa i brott at finna ok faa hiðrdum sinum betri<sup>2</sup> haga. Enn sem adrir hans brøðr settuz nidr [at snæða.<sup>3</sup> þa saa þeir kaupmenn nðckura af Ysmaels ætt komna<sup>4</sup> fra fyrr nefndu fialli Galaath<sup>5</sup> fara at<sup>6</sup> sér. báru þeir þess háttar krydd<sup>7</sup> ok iurtir aa sinum ausnum sem aromata resina ok<sup>8</sup> mirra heita. ok stefndu þa leid sem til Egiptalandz láá. Judas taladi þa til bræðra sinna. Huat stoðar oss<sup>9</sup> at uær drepim brodur uárn ok leynim<sup>10</sup> sidan sem einu morði. er oss hitt miklu sniallara raað at selia Ysmaelitis þessum. sem her fara nu. ok saurgum<sup>11</sup> ecki hendr uarar i hans blodi.<sup>12</sup> þi at hann er broðir uárr ok<sup>13</sup> uárt eigit kiðt. Brødrum hans likaði uel þessor hans tillaga. drogu þeir hann þa upp or grðfinni ok selldu hann kaupmonnum þessum með .xx. silfrpeningum eðr .xxx. sem ymissliga<sup>14</sup> eru nefndir Madianite edr Ysmaelite. ok fluttu þeir<sup>15</sup> hann aa Egiptaland. *scolastica hystoria*. Madianite uaru<sup>16</sup> komnir af<sup>17</sup> Madian. þeim syni Abrahe sem hann atti uiðr<sup>18</sup> sidarri sinni konu Cethura. enn Ysmaelite<sup>19</sup> af Ysmaele syni Abraham<sup>20</sup> ok Agar. Skildi Abraham alla sina syni ok gðrði brott af sinu husi ok syni sinum Ysaach. sua sem hann lifði. þa sem hann gat meðr<sup>21</sup> odrum konum enn Sarra. sem fyrr uar sagt. Komu þeir hans synir sua skildir ok þeirra afkuæmi lettliga nidr sidan allir samt i einn stad segir Commestor. ok urdu þa einna handa lydr ok folk.<sup>22</sup> ok helldu þo huarir sinu fðður nafni. [Ella uar<sup>23</sup> su ebreskra manna sðgn sqnn. er<sup>24</sup> þeir segia alla uera eina<sup>25</sup> Agár. er fyrr uar frilla Abrahams. ok Cethuram er hann gekk at eiga eptir þat er Sarra uar andat.<sup>26</sup> ok uaru þeir þa letlegha<sup>27</sup> alla gðtu einn lydr.

*Genesis*. Enn er Ruben kom til þess sama pyttz aptr. sem Joseph uar i settr. ok hann sáá hann ecki þar uera. þa ylði hann ok æpti rifandi<sup>28</sup> af sér sin klæði. þiat hann hugdi hann drepinn uera. Kom hann þa til bræðra sinna sua segiandi. Ok huert skal ek nu fara. þar sem sueinninn sééz nu huergi. Enn þegar i stað huggaðiz hann.<sup>29</sup> sem hann uissi at sueinninn lifdi. Eptir þat toku þeir kyrtil Josephs.

<sup>1</sup>) [þann hinn vatnlausu pytt eðr iarðdiki or huerri(!) er hann maatti ekki komaz einn saman, B <sup>2</sup>) beiti, B <sup>3</sup>) [ok snæddu, B <sup>4</sup>) saal. B; koma, A <sup>5</sup>) Galaad, B <sup>6</sup>) ngr, B <sup>7</sup>) [saal. B; skrud, A <sup>8</sup>) tilf. B <sup>9</sup>) eðr stettir tilf. B <sup>10</sup>) þi tilf. B <sup>11</sup>) saurga, B <sup>12</sup>) aa honum tilf. B <sup>13</sup>) sua sem tilf. B <sup>14</sup>) ymist, B <sup>15</sup>) tilf. B <sup>16</sup>) eru, B <sup>17</sup>) ætt tilf. B <sup>18</sup>) meðr henni(!), B <sup>19</sup>) voru tilf. B <sup>20</sup>) Abrahams, B <sup>21</sup>) uiðr, B <sup>22</sup>) foolk, B <sup>23</sup>) [Ellar er, B <sup>24</sup>) at, B <sup>25</sup>) ok hina sqmu tilf. B <sup>26</sup>) qll, B <sup>27</sup>) tilf. B <sup>28</sup>) sniðandi, B <sup>29</sup>) ok þagnabi tilf. B

laugaðu hann ok litaðu i kidia<sup>1</sup> blodi. lutudu sidan til. huerr af þeim hann skyldi bera fedr þeirra ok segia sua. Kyrtill þenna fundum uer. séé ok geym at. huart þersi er kyrtill sunar þins edr eigi. Enn sem Jacob kendi kyrtilinn. sagði hann sua. [Hann er sannliga<sup>2</sup> hans kyrtill. eitt hit uersta dyr reif i sundr ok at gleypanda<sup>3</sup> grimmliga sun minn Joseph. Sneid hann þa ok reif klædin af ser ok klæddi sik háarklædi. sytandi sun sinn ok þrándi eptir honum langan tima. Ok sua sem aull hans börn samnaduz saman ok komu til hans at<sup>4</sup> létta hans angr ok harm. þa uilldi hann medr öngu moti heyra þau edr annza þeirra hugganarordum. helldr sagði hann sua. Medr sorg ok sût man ek nidr stiga til sunar mins i heluiti. *scolastica hystoria*. J heluiti uar þa<sup>5</sup> godra mann staðr langt i brótt ok fiarrlægr illra manna pin-ingarstöðum. sem fyrir builldar sakir naða ok fraskilnadar odrum þeim uar sinus kallaðr. Enn þat er sua sem<sup>6</sup> nockut afuik. sua sem uer köllum síðrd eðr uik aa sio. Var ok sua iafnuel kalladr sinus Abrahe. fyrir þann skyld at hans aund uar [eigi þar sidr. biðandi þar<sup>7</sup> dauda Jesu Christi.

*De genesi*. Nu sem Jacob stadfestiz i sinni sorg ok sut. þa selldu fyrr sagdir Madianite Joseph aa Egiptalandi þeim einum manni gelldum edr ufreom [ok þo mætum meistara<sup>8</sup> upp aa alla riddaralist<sup>9</sup> medr Pharaone konungi sem Putiphar het. *scolastica hystoria*. Nockurir menn<sup>10</sup> segia hann uerit hafa steikara meistara. segir Commestor at þat ma uel fyrir þann skyld satt uera. at meðr morgum þiodum er hina fremzti [steikara höfðingi<sup>11</sup> hardla sæmiligr madr ok iafnuel riddara<sup>12</sup> höfðingi. þenna sama nefnir Josephus Putipharem. Hann atti ser konu ok börn. þiat Joseph atti<sup>13</sup> sidan dottur hans sem ofarr meirr man heyraz mega. Ok fyrir þi uar hann ecki af þeim konungsins gelldingum sem þegar i barndominum uaru gelldir. helldr eptir þi sem ebreskir menn segia. at sua sem hann sá afbragdz uænleik Josephs. keypti hann hann<sup>14</sup> til þess at hann uilldi blandaz medr hann. Enn gud uarðueitti Joseph fra þeirri uhæfu. gerandi Putipharem sua kalldan ok afskiptan sinni sambudarnatturu. at alldrigi<sup>15</sup> sidan hafui<sup>16</sup> hann kuennytr uordit [helldr enn hann hafi gelldr uerit.<sup>17</sup> Ok eptir þat uar hann tekinn til byskups i Helyopoleos ok gerr enn meira hááttar

<sup>1</sup>) kidlings, B <sup>2</sup>) [þat er sennilegha aa sami, B <sup>3</sup>) gleypandi, B <sup>4</sup>) lina ok tilf. B <sup>5</sup>) saa tilf. B <sup>6</sup>) uik eðr tilf. B <sup>7</sup>) [þar eigi síðr biðandi allt til, B <sup>8</sup>) [mgl. B <sup>9</sup>) eðr slekt tilf. B <sup>10</sup>) aðrer tilf. B <sup>11</sup>) [höfðing(?)a steikari, B <sup>12</sup>) mgl. B <sup>13</sup>) fekk, B <sup>14</sup>) tilf. B <sup>15</sup>) alldreglin, B <sup>16</sup>) saal. B; hafdi, A <sup>17</sup>) [tilf. B

madr ok sæmiligri i sinum stétt ok hofdingsskap enn engan tíma fyrr hafði hann uerit.

Her segir af fæðingu tueggja bræðra Phares ok Zaram.<sup>1</sup>

58. Nærri þersum tíma. ok helldr fyrri enn nu uar fra sagt. skildiz Judas Jacobs sun uidr adra sina bræðr um nðckura stund. ok kom nidr medr þeim manni sem Yras het. tok hann sér þar til eigin-konu dottur eins Chananei. þa sem Sue hét. Gat hann med henni son þann sem hann kalladi Heer. annan sun gatu þau at eiga. kalladi hann þann Onam. ok hinn þridia þann sem hann nefndi Salam.<sup>2</sup> Eptir þat letti hon af at fæða börn. Judas fekk hinum ellzta syni sinum Heer þa konu til eiginordz sem Thámar hét. Heer uar einn uandr madr [i guðs augliti<sup>3</sup> uerandi urettlíga medr [sialfs sins<sup>4</sup> eiginkonu. Var hann fyrir þa sok af gudi<sup>5</sup> sua drepinn. at hann fannz braddaudr i sænginni hia husfru sinni. Eptir hans andlát bad Judas Onam<sup>6</sup> sun sinn ganga at eiga Thamar ok uekia upp sua sins brodur freo ok afkuæmi. af hueriu er þat er audsynt. at nðckurir þeir lutir uoru sidarr skipadir<sup>7</sup> ok bodnir i Moyses lögum<sup>8</sup> sem fyrir lögmaalit uoru hafdir ok halldnir. Ok sem honum seinkadiz barneign<sup>9</sup> medr henni. ok hon-um þotti uuist at hann mundi nockura sunu eiga. þa uar hann medr 165 fullu uskilriki<sup>10</sup> utan allrar [uaanar barngetnadar<sup>11</sup> meðr henni lát-andi sik utan þers staðar sem þar [er til<sup>12</sup> skipadr. til þers at þeim fæddiz eigi<sup>13</sup> börn undir hans brodur nafni. Tok gud hann af lifdogum fyrir þa sauk at hann gordi sua liotan löst ok afleittigan.<sup>14</sup> Eptir þetta sendi Judas Thamar heim til sins fðdur huss. bidiandi hana þar bida meðr eckiudom. þar til er smasueinninn Saala<sup>15</sup> uæri uaxinn madr. gorandi þat yfirbragd aa. at hann mundi þenna sinn sun þa hana [eiga ganga lata.<sup>16</sup> En þat þordi hann<sup>17</sup> eigi. þiat hann ottadiz at hann lyti þilíkt af þeirra samgangi sem hinir fyrri bræðr hans. Leet hann sem hann gleymdi ok geymdi eigi huersu gort uar. Eptir marga daga lidna þaðan ifra andadiz Sue husfru Jude. ok sem hann gladd-iz eptir hennar andlatz sorg. þa for hann til saudaklippara sinna i Thamnás. þann stad sem sua uar kallaðr. ok medr honum Yras komp-an hans ok saudahirðir.

<sup>1)</sup> Fra þui er Judas gat Phares ok Zaram af Thamar. De genesi, B

<sup>2)</sup> Selam, B <sup>3)</sup> [ílf. B <sup>4)</sup> [sinni, B <sup>5)</sup> sialfum honum, B <sup>6)</sup> annan, B

<sup>7)</sup> skrifaðer, B <sup>8)</sup> lqghmaali, B <sup>9)</sup> barneignin, B <sup>10)</sup> uskilrekki, B

<sup>11)</sup> [barnvagnar, B <sup>12)</sup> [til er skapadr ok, B <sup>13)</sup> eingi, B <sup>14)</sup> luth ílf. B

<sup>15)</sup> Sela, B <sup>16)</sup> [lata eiga ganga, B <sup>17)</sup> þo ílf. B



Thamar uar sagt. at mágr hennar hafði farit upp i Thamnas at<sup>1</sup> taka ull af saudum sinum. Hun leggr ekkiubunaðinn af ser prydandi<sup>2</sup> sik medr annars hááttar bunadi. for sidan heiman ok settiz nidr aa gatnamoti. þi sem uegrinn láá til Thamnas. þar sem leidin<sup>3</sup> Jude uar. þi at aa gatnamotinu þarf farandi madr sik betr um at sia.<sup>4</sup> ok ein-kannligaz at geyma huert hann gengr edr ferr. Gordi hun þetta sua sem hefandi þers. at Sala<sup>5</sup> uar nu uaxinn madr ok hon ecki honum gipt þi helldr. Hun hafði sua sidan falld. at nær huergi matti kenna hana edr sea hennar aasionu. Nu sem Judas kom þar ok saa konuna. þa hugdi hann at<sup>6</sup> skiækia nðckur uæri. ok gekk til hennar sua segi-andi. Lofa mer at ek liggi medr þer. þiat hann uissi eigi at hun uæri hans magkona. Hun suaradi. Huat gefr þu mer til huiluneytis. Eitt kid man ek senda þer af hiord minni. sagdi hann. Hon svaradi. Til reidu læt ek þat er þu beidiz. ef þu fgr mer [nogan pant<sup>7</sup> ok godan festarpening. þar<sup>8</sup> til er þat efniz sem þu heitr<sup>9</sup> mer. Huat uilltu þer [til festarpenings<sup>10</sup> fá lata. sagdi Judas. Hun suaradi. Fingrgull þitt ok baug. ok þar med staf þann er þu helldr aa. Fór þat framm at hann bio<sup>11</sup> med henni. Af þeirri saumu<sup>12</sup> sambud uard hun at tuenn-um burd hafandi.<sup>13</sup> For hon [heim þegar<sup>14</sup> eptir þat. leggiandi af sér bunad þann sem hun hafði þa upplekit enn takandi sinn ekkiubunað. Judas sendi kidit medr kumpán sinum saudahirdinum þangat aptr til gatnamotzins. skyllði hann taka aptr þann sama pant sem hann hafði konunni fengit. Ok er hann fann hana ecki þar sem uan<sup>15</sup> uar. þa spurdi hann þar bygdarlagsmenn. huar kona su mundi uera. sem uid gatnamotit uar uðn at sitia. þeir suorudu<sup>16</sup> allir. at i þeim stad beid eigi nðckura putu. For hann aptr uid sua buit ok sagdi Jude.<sup>17</sup> at hann fann hana eigi. ok at allir bygdarlagsmenn þar segdi.<sup>18</sup> at alldregi hefði þar nðckur skiækia uti setit. Hann svaradi þa. Hafi hun seolf lygilðst sinn. ma hon nu ecki aa okkr kiæra. þiat ek senda kidit sem ek het. ok fannz hon eigi.

Eptir [iii. edr<sup>19</sup> .iiii. manadi lidna uar honum sagt. at magkona hans Thamar hafði horat ok hun syndiz kona uera kuidug. Judas svaradi. Leidit hana ut. ok see hon brend. Enn sua sem hon uar leidd til þessarrar pinu. sendi hon gull þat ok adra gripi. sem hon hafði i pantinn<sup>20</sup> tekit. til mágs sins sua segiandi. Medr þeim manni

<sup>1</sup>) lata *silf.* B <sup>2</sup>) kleðandi, B <sup>3</sup>) leið, B <sup>4</sup>) *saal.* B; siða, A <sup>5</sup>) Sela, B <sup>6</sup>) puta edr *silf.* B <sup>7</sup>) [noga borgan, B <sup>8</sup>) þaghat, B <sup>9</sup>) hetz, B <sup>10</sup>) [i festarpening, B <sup>11</sup>) laa, B <sup>12</sup>) *mgf.* B <sup>13</sup>) *mgf.* B <sup>14</sup>) [a braut, B <sup>15</sup>) von, B <sup>16</sup>) ok segðu *silf.* B <sup>17</sup>) Juda, B <sup>18</sup>) segðu, B <sup>19</sup>) [*mgf.* B <sup>20</sup>) pantid, B

hefir ek nu getnað<sup>1</sup> getit. sem þessa gripi aa. kenn sialfr huers eign gullit stafrinn ok baugrinn er. Ok þegar<sup>2</sup> sem hann kendi gripina. sagði hann sua. Rettligarr hefir Thamar nu farit enn mer. fyrir þa grein at ek gipta hana eigi syni minum Sale.<sup>3</sup> hefir hon þetta fyrir þi gort. at hun uildi at afkuemi sonar mins fyrirfæriz eigi. Engan tíma sidan kom hann þess haattar vid hana. Ean þann tíma sem Thamar skyldi fæða. þa birtuz þar tuiburar. Ok i sealfri sæðingunni sem skilnadrinn skyldi uerda medr burdinum ok mæðrinni. retti annarr ut höndina.<sup>4</sup> ok batt konan<sup>5</sup> þa silkiþræði<sup>6</sup> um höndina.<sup>4</sup> ok sagði sua. þessi man fyrri sædaz. Ok er sa hafði at ser haundina. þa kom annarr framm ok sæddiz. ok sagði móðirin sua. Fyrir hui letz þu af þínum uðlldum eptirburðinn ok lækinn sueininum fraskila uerda.<sup>7</sup> Af þessari sauk uar hann sidan kallaðr Phares. þat þyðiz skilnadr edr sundrskipting. Eptir þat kom framm annarr ok sæddiz. aa þess hendi sem silkiþrádrinn uar bundinn. Var sa kalladr Zaram. þat þyðiz upprennandi. fyrir þa sauk at hann birtiz fyrri. ella fyrir þi<sup>8</sup> at<sup>9</sup> margir rettlátir menn runnu upp af honum ok sædduz. eptir þi sem lesit er i þeirri bok er Paralyppomenon heitir.

Her segir fra þui er Joseph var settr i myrkuastofu fyrir alygi einnar konu ok kyndugskap.<sup>10</sup>

59. Nv skal þar til taka sem fyrr uar fra hörfit. at fyrr nefndr Putiphar hinn egiptzki. sa sem<sup>11</sup> uar fyrir utgördum ok herferdum Pharaonis.<sup>12</sup> hafði keypt Joseph af þeim Ysmaelitis sem hann höfðu þangat flutt. ok uar gud i saur ok i fylgiu medr honum. ok allar sinar giordir tokuz honum giptusamligha. Var hann iafnliga i sins herra husi.<sup>13</sup> huerr er hardla uel uissi þat ok undirstod. at gud uar honum samuinnandi i ollum sinum handauerkum ok odrum sinum frammferdum. ok fyrir þi feck hann sins herra giptu ok uinattu. þar medr uard hann af sinni dyggiligri þionostu. þeirri sem hann ueitti honum. sua uel kendr. at hann skipadi hann formann fyrir<sup>14</sup> sealfs sins hus ok<sup>15</sup> alla sina eign. stiornaði hann uel ok samliga aullum þeim lutum sem honum uar um bodit. Blezadi gud hins egiptzka manz hus fyrir Josephs skyld ok let alla hans eign mikilliga grædaz ok sauaxtaz bæði i

<sup>1</sup>) mgl. B   <sup>2</sup>) leið *sílf.* B   <sup>3</sup>) Sele, B   <sup>4</sup>) handina, B   <sup>5</sup>) ngrkonan, B  
<sup>6</sup>) silkiþræð, B   <sup>7</sup>) De scol. hyst. *sílf.* B   <sup>8</sup>) þat, B   <sup>9</sup>) hardla *sílf.* B  
<sup>10</sup>) Fra þui er Joseph var inn kastaðr ok draumaraaðningu byrlans ok steikarans, B   <sup>11</sup>) formaðr *sílf.* B   <sup>12</sup>) konungs *sílf.* B  
<sup>13</sup>) herberghi, B   <sup>14</sup>) yár, B   <sup>15</sup>) þar meðr *sílf.* B

gordum ok aukrum. Ok eigi lagdi hann edr lutadiz hann til nockurs hlutar þers sem hann atti edr uissi dagliga huat<sup>1</sup> framm for. utan þat huersu sealfs hans bord uar buit.<sup>2</sup>

Joseph uar hardla uenn madr ok hafdi einkannliga sagra aasionu. sem fyrr uar sagt. Þat bar til eptir marga daga lidna fra þi sem Joseph kom þangat. at hans fru leit ástaraugum til hans. ok sagdi saa. Sof medr mer. Enn fyrir þa sœk at hann uilldi medr engu moti samþykkiaz þi bðluaða ok bannaða uerki. þa svaradi hann henni sua. Medr huerium hætti mega ek þenna illa lut gera medr<sup>3</sup> minn herra. þar sem hann hefir alla sina eign fengit mer at geyma. ok eigi ueit hann huat er hann áá i sinu husi. ok eigi nõckurr lutr er saa af hans godzi. at hann hafi eigi mer fengit [i ualld.<sup>4</sup> utan þik sealfs hans fru. Medr þerssháttar tilmælissordum kallzaði kona þessi dagliga ok mæddi þenna hinn unga mann. Enn hann neitaði þuerliga medr henni at bua. Sua bar til aa nockurum almenniligum ueitzludegi eptir sœgn Josephi. at buerri ueitzlu er eigi skylldu sidr konur uera enn karlar. at hon gerdi ser skropasott fyrir bonda sinum. þiat<sup>5</sup> hun uilldi medr aullu einsaman uera ok allt hliott um sik hafa. A þann sama dag geck Joseph þar inn sem hon uar fyrir. ætlandi at gora þat eitt huat sem honum tilheyrdi. ok<sup>6</sup> hirti ecki aðra menn til at kalla. þa greip hun til<sup>7</sup> hans mðttuls skautz<sup>8</sup> sua segiandi. Sof nu medr mer. Hann reiddiz uid þersor hennar ord. ok gekk sua skiotliga<sup>9</sup> ut af husinu. at hon hellt eptir mottlinum. Nu sem hon geymdi at huarutueggia. þi at<sup>10</sup> hun hafdi mðttlinum eptir halldit. ok hinu odru at<sup>10</sup> hon uar hafnat ok þottiz uera fyrirsmaad. þa kalladi hon til sin þa menn sem þar hofdu heimilisshus. ok sagði sua. Einn ebreskan þræl tok<sup>11</sup> bondi minn her inn [til sin.<sup>12</sup> til þers at hann skylldi dára mik. ok þers orindis geck hann<sup>13</sup> inn higat til min. at hann ætladi at hafa medr mer buit. Enn þegar sem hann heyrdi at ek kallada. liop hann sua skiotliga ut ok i brott. at hann lét her eptir mðttulinn þann er ek hellt áá. Syndi hun ok tedi bonda sinum þann sama mðttul sem hon hafdi eptir halldit. þa er hann kom þangat. til profs ok iartegna at hann tryði þi giarnara þi sem hon sagdi sua til hans. Sa hinn ebreski þræll sem þu tokt heim hingat gekk til min ok hugdiz skylldu daara mik. enn þegar sem hann heyrdi mik kalla. liop hann ut ok let her eptir mðttulinn. Herrann reiddiz storliga<sup>14</sup> miok. sem hann heyrdi þersa luti. ok fyrir [þann skyld<sup>15</sup> at hann uar of<sup>16</sup> audtryggr sinni husfru ok hennar

<sup>1)</sup> er tilf. B <sup>2)</sup> mgl. B <sup>3)</sup> viðr. B <sup>4)</sup> [ok i ualld gefit, B <sup>5)</sup> fyrir þi at, B

<sup>6)</sup> hann tilf. B <sup>7)</sup> mgl. B <sup>8)</sup> skaut, B <sup>9)</sup> brott ok tilf. B <sup>10)</sup> er, B

<sup>11)</sup> hann tilf. B <sup>12)</sup> [mgl. B <sup>13)</sup> tilf. B <sup>14)</sup> storleghans, B <sup>15)</sup> [þa sœk, B

<sup>16)</sup> mgl. B

167.

sögn. þá let hann setja Joseph í þá sömu myrkuastofu. sem konungsins bandingiar uoru geymdir. Var þá enn gud meðr Joseph ok miskunnaði honum. sua at hann gaf honum þá giptu ok giæfu meðr<sup>1</sup> myrkuastofu uðrdinn ok hennar formann. at hann fekk honum í valld alla þá bandingia sem geymdir uaru ok í uardhöllum hafdir. Greiddi gud þá enn giptusamliga allar hans gördir ok frammferdir.

168 Eptir [þersa luti umlidna<sup>2</sup> sem nu uar fra sagt. vard sa atburdr at .ii. gelldingar konungsins þionostumenn. annarr sealfs hans skenkari enn annarr bakari ok steikara meistari. urdu fyrir sina tilskyllðan fyrir sealfs hans ublidu. Ok af þi at þeir urdu fyrir sealfs hans ublidu.<sup>3</sup> þá let hann þeim inn kasta í þá sömu myrkuastofu sem adr uar fra sagt. fekk myrkuastofu uðrdinn þá sem alla adra Joseph til geymslu. ok þionadi hann þeim. Leid sua miok lengi framm. at þeir uaru þar halldnir. A nockurri natt dreymdi þessa báða konungsins sueina þilikan draum huarn þeirra sem eptir rettri ráðningu ok þydingu til<sup>4</sup> heyrdi huarum. Nu sem Joseph kom til þeirra um morgininn eptir. ok hann sa þá ryggari uera enn uani uar til. þá spurdi hann eptir huer<sup>5</sup> sauk til þess uæri. þeir suorudu. Okkr dreymdi í naatt. ok eigi er sa maðr her til. sem draumana raði skyrandi okkr þeirra þyding. Er þat eigi guds at þyda þá sagdi Joseph. Segit<sup>6</sup> mer huat yckr dreymdi. Byrlinn byriadi fyrr<sup>7</sup> sinn draum ok sagdi sua. Ek þottiz sia einn uinuid<sup>8</sup> fyrir mer. a huerium uaru .iii. [uinuidiss teinungar edr sprotar. ok syndiz mer uisirinn uaxa smam þeim. berandi sinn blomstr ok allan aauxt. þar til er sealf uinberin røskuduz. sua at þau uaru meðr aullu fullgðr.<sup>9</sup> Enn ek hellt [a keru mins herra konungsins.<sup>10</sup> tok ek þá uinberin ok sprengda ek nidr í kerit. gaf ek sidan minum herra konunginum at drecka. Joseph svaradi þá. þessor er radning ok skilning draums þins. þriar uinuðarins greinir hafa at merkia þá .iii. daga eptir hueria er Pharao man minnaz þinnar þionostu. man hann þá setja þik í þann sama stett ok starf. sem þu hafdir fyrra tima. ok mantu gefa sealfum honum at drecka eptir þi sem þu uart uanr honum<sup>11</sup> at þiona. ok þers bidr ek. at þu minniz min þann tima sem þer hefir uel gengit. ok ger þá miskunn á mér. at tala þat fyrir Pharao<sup>12</sup> konungi. at hann frelsi mik af þersarri myrkuastofu. þi at meðr leynd ok lymsku uar ek tekinn ok brott

<sup>1</sup>) uidr, B <sup>2</sup>) [þetta, B <sup>3</sup>) reiði, B <sup>4</sup>) mgl. B <sup>5</sup>) tilf. B <sup>6</sup>) saal. B; Seg, A <sup>7</sup>) fyrri, B <sup>8</sup>) frammi tilf. B <sup>9</sup>) [vnguidis sprotar edr rislur berandi sinn blomstr ok allan avqxt. ok syndiz mer visirinn vaxa smaam þeim. ok uinberia røskuazt eptir þat er þau hqðu aaðr blomgaz, B <sup>10</sup>) [keri mins herra konungsins í hendi mer, B <sup>11</sup>) tilf. B <sup>12</sup>) Pharaone, B

flútr af ebreskra manna landi. ok saklauss uar ek i þersa dyflizu setlr.<sup>1</sup> Nu sem bakara meistarinn undirstod. at hann hafdi uitrliga rapit þann draum. sagdi hann sua. þat dreyndi mik. at ek hefda .iii. koruer<sup>2</sup> medr miol uppi yfir hofdi mer. ok i þeim einum sem efztr uar bar ek alla þa reittu. sem bakarar ok steikarar kunna<sup>3</sup> medr sinni list at gðra. komu þar at fuglar ok áátu þann mat. Joseph suaradi. Giarna<sup>4</sup> uillda ek eiga godan draum at ráða. [.iii. korfar<sup>5</sup> merkia þa .iii. daga eptir hueria er Pharao man láta hængia þik aa gálga. munu þa fuglar slita hræ þin ok eta. Eptir .iii. daga<sup>6</sup> þadan uar burdardagr Pharaonis. ok sua sem hann ueitti sinum monnum aa þann sama dag. þa mintiz<sup>7</sup> hann byrlans. sua at hann skipadi honum<sup>8</sup> fyrra sinn stótt. at hann skyldi skenkia sealfum honum. Bakarans mintiz hann ok sua at hann let hann hengia. Geck hvarum þeirra rett eptir þi sem Joseph hafdi draumana radit. Enn sua uel ok heimolliga sem byrlinn uar nu kominn. þa mintiz hann ecki Josephs.

Her segir fra draumum Pharao konungs ok huersu Joseph reð eptir sem gengu allir. capitulum.<sup>9</sup>

60. Eptir .ii. aar lidin upp fra þi sem nu uar sagt. dreyndi konunginn Pharaonem draum. Hann þottiz uera staddr aa nockurum aarbakka. honum syndiz sem .vii. kyr sagnar ok storar ok [miok feitar<sup>10</sup> gengi upp or aanni ok sæddiz<sup>11</sup> þar medr [grænt gras<sup>12</sup> sem uallendi var ok uokusamt. Adrar .vii. kyr [alfarnar ok magrar sua sem<sup>13</sup> at þrotum komnar af sullti ok megrd komu sidarr upp or aanni. [þilikar at<sup>14</sup> hann þottiz alldri slikar<sup>15</sup> sééd hafa fyrri<sup>15</sup> aa ollu Egiptalandi. ok<sup>16</sup> sædduz þær<sup>17</sup> aa sealfum aarbackanum. Gengu þessar medr sinni megrd ok liotleika langt umframm hinar meðr sinni feiti ok frealsleik. sua at honum þotti enskiss<sup>18</sup> um uert hinna<sup>19</sup> fegrd hia þessarra megrð.<sup>20</sup> Pharao uard ottafenginn uid draum þenna sem hann uaknadi. Hann sofnadi annan tima ok dreyndi draum annan. Honum syndiz sem .vii. aux fðgr ok fullfengilig yxi upp aa einn haalm. ok onnur .vii. mia<sup>21</sup> ok miok visin i annan enda.<sup>22</sup> sua at honum syndiz

1) ok mer inn kastat tilf. B 2) coruéér, B 3) kunnu, B 4) Giarnari, B 5) [þria coruéér, B 6) nętr, B 7) minniz, B 8) hinn tilf. B 9) Af draumaraadningu Pharaonis ok vegsemd Josepa, B 10) [sua feitar sem þęr hefði til draps uerit alnar, B 11) sædduz, B 12) [gręn gros, B 13) [fóllegar magrar ok, B 14) [huilikar er, B 15) mętl. B 16) tilf. B 17) þar, B 18) eingis, B 19) saal. B; þeirra, A 20) saal. B; megrð, A 21) saal. ogs. B 22) stað, B

um þat enn meira uert. Her af uard hann miok bræddr. sua sem hann uaknadi hugleidandi þessa drauma. Ok um morgininn eptir leet hann kalla seer alla sina spekinga ok þa uisaztu<sup>1</sup> menn sem i uaru Egiptalandi. segiandi þeim draumana. ok beid engan<sup>2</sup> þann af aullum þeim er<sup>3</sup> rada kynni. þa minntiz konungsins byrli aa um sidir. huat er framm hafdi farit medr þeim Joseph i myrkuastofunni. ok sagði sua. Ek iatir ok vidr gengr minni sekt. at þann tima sem uid bakarinn<sup>4</sup> urdum fyrir mins herra reidi ok hann leet okkr inn kasta i eins riddara hofdingians myrkuastofu. þa dreymdi okkr báða aa einni nátt þess haattar drauma. sem [at forspaa uurðu<sup>5</sup> eptir þi sem huarum geck eptir. Var þar einn ebreskr þionostusueinn<sup>6</sup> þers sama riddara höfðingia. reed hann ockra drauma rett eptir þi sem huars ockars audna ok æuintyr gekk<sup>7</sup> sidan. [at ek þáá aptir mina fyrri þionostu enn hann var hengðr aa gaalga.<sup>8</sup>

Þegar i stad uar Joseph af þersarri byrlans saugn ok aeggian vt leiddr af myrkuastofunni. þar medr uar hans haar klipt ok ræktat. þiat bandingiar ok utlagar lata ecki haar sitt skapa [ok skera. Ok<sup>9</sup> sem þeir hofdu fengit honum sæmilig klædi. þa uar hann fyrir konunginn leiddr. Hann tok þegar hans hægri hand.<sup>10</sup> er hann kom fyrir hann. ok sagdi sua. Mik hefir dreymt .ii. drauma. ok kann engin þa at rada ok mer at skyra. Enn ek hefir heyrt. at þu mant hardla ual ok uitrliga þa kunna skilia ok skyra. ok ottaz medr engu moti at segia huat er þeir hafa at þyda. Joseph svaradi. Utan mik ok minnar<sup>11</sup> hiaueru man gud giptusamligh andsuðr ok farsællig ueita Pharaoni. Konungrinn sagdi<sup>12</sup> honum þa báða fyrr sagda drauma. greinandi þat at hann uaknadi i milli. Eptir þat taladi<sup>13</sup> hann til Josephs. greinandi þat at hann hafdi þersa drauma sagt hinum fremztum sinum uitringum ok frammsynum monnum. ok at engin af ollum þeim kunni þa at<sup>14</sup> rada. Joseph svaradi. Badir ydrir draumar hafa alla eina merking. syndi gud þa luti Pharaoni fyrir. sem hann man sidarr gora ok lata framm koma. Seau hardla feitar kyr ok fagrar ok þar medr .vii. fðgr ðx. full ok stór, merkia þau .vii. frioleiks aar sem god munu [uerda. ok<sup>15</sup> allt Egiptaland man þar af<sup>16</sup> fullt af giętzku. Enn þær binar magru<sup>17</sup> kyr .vii. ok hinar solltnu. sem sidarr komu upp or aanni. ok þar medr þau .vii.<sup>18</sup> hin uisnu aux ok ueslu. sem af brennanda uindi fyriruurduz. merkia þau .vii. hallæris aar ok sulltar. sem eptir

<sup>1</sup>) *saal.* B; *uissaztu*, A <sup>2</sup>) *eigi nqkkurn*, B <sup>3</sup>) *at*, B <sup>4</sup>) *bakara meistarena*, B <sup>5</sup>) [*uurðu* at fullulegri forspáa, B <sup>6</sup>) *sueinn þionostumaðr*, B <sup>7</sup>) *reyndiz*, B <sup>8</sup>) [*tílf.* B <sup>9</sup>) [*agl.* B <sup>10</sup>) *hqnd*, B <sup>11</sup>) *saal. ogs.* B <sup>12</sup>) *segir*, B <sup>13</sup>) *talur*, B <sup>14</sup>) *agl.* B <sup>15</sup>) [*vera at*, B <sup>16</sup>) *verða tílf.* B <sup>17</sup>) *mogru*, B <sup>18</sup>) *tílf.* B

hin .vii. manu koma. Manu þersir<sup>1</sup> lutir medr þeima hætti fyllaz ok frammgengt<sup>2</sup> uerda. at fyrst manu koma þau .vii. aar. at<sup>3</sup> hin bezta tid man [koma yfir allt Egiptaland.<sup>4</sup> enn eptir þau .vii. lidin manu koma sunnur .vii. aar medr sua miklum ufreoleik ok yfiruættiss hallæri. at þa þicki litils hin uerd sem fyrr gengu ok allt uar i nog þat er hafa þurfti. Man su hin krænka tid ok sulltr aa huert land koma ok eyda allri þeirri giętzku. sem adr hefir aflat uerit ok saman dregit. En þat er uissulight sönunarmark til þersarra lula. at annan tima skyllði þann draum fyrir þik þera sem hinn sama lut hefði at merkia ok hinn fyrri. ok at guds atkuedi<sup>5</sup> fylliz skiotliga ok frammgengt uerdi. Er þat nu min tillagha<sup>6</sup> sagði Joseph. at<sup>7</sup> konungrinn hafi nu forsia vid. takandi nöckurn uitran mann ok ual klokan þann sem hann fyrir skipi ok yfir seti allt Egiptaland. ok sa seti<sup>8</sup> formann i aullum ok seer-huerium herudum. til þers at þeir taki saman hinn fimta part af aullum þeim áuexti sem verdr aa þersum<sup>9</sup> .vii. freoleiks aarum sem nu koma. hirdandi hann<sup>10</sup> i storum ok godum kornlaudum. ok [se allt hueiti þat<sup>11</sup> hirt ok geymt undir konungsins ualldi<sup>12</sup> Pharaonis ok sua uard-weitt i biam<sup>13</sup> ok borgum. ok se þaleidis uid buit<sup>14</sup> eptirkomanda þeim [.vii. aara<sup>15</sup> sullt. sem aa man leggiaz allt Egiptum.<sup>16</sup> at landit eydiz eigi af hallæri ok sullt. þetta rad likaði konunginum ual ok aullum hans monnum.

Ok [af þi at hann undradiz<sup>17</sup> bædi huersu skynsamliga Joseph hafði skilit ok skyrt sealfs hans drauma. ok engum mun<sup>18</sup> minnr þat raad ok tillögu sem hann hafði ut gefit. þa taladi hann sua til þeirra. Manu ugr nöckurn annan mann þann faa fundit.<sup>19</sup> sem sua se fullr af guds andagipt ok gięfu sem þersi. Sidan taladi hann til Josephs. Fyrir þa sauk at gud syndi þer ok tędi alla þa luti sem þu taladir nu. þa sær ek engan fundit þer uitrara edr [þer likan<sup>20</sup> at uiti ok raadum. þu skallt formadr uera fyrir<sup>21</sup> minni hall<sup>22</sup> ok husi. ok þinu bodi ok atkuædi skal allr Egiptalandz lydr hlydinn uera. ok. at einu saman konungdömsins<sup>23</sup> haasæti skal ek fyrir þik framm halldinn uera. Ok enn taladi hann til Josephs. See her. ek skipar þik yfir allt Egiptaland. Her medr tok hann eitt fingrgull af hendi ser ok dro upp aa hönd Joseph. ok lét klæda hann medr bisso. ok eitt gullmen let hann

<sup>1</sup>) aller *tílf.* B <sup>2</sup>) frammgengir, B <sup>3</sup>) sem, B <sup>4</sup>) [verða aa öllu Egiptalandi, B <sup>5</sup>) akuęði, B <sup>6</sup>) *saal.* B; laga, A <sup>7</sup>) sialfr *tílf.* B <sup>8</sup>) skipi, B <sup>9</sup>) öllum þeim, B <sup>10</sup>) allan *tílf.* B <sup>11</sup>) [*saal.* B; sem allt hueiti er, A <sup>12</sup>) [naað, B <sup>13</sup>) bæum, B <sup>14</sup>) buiz, B <sup>15</sup>) [*saal.* B; tima ok, A <sup>16</sup>) [til þers *tílf.* B <sup>17</sup>) [sem konungrinn undirstöð, B <sup>18</sup>) *tílf.* B <sup>19</sup>) aa ięrðinni, B <sup>20</sup>) [þinn lika, B <sup>21</sup>) yfer, B <sup>22</sup>) *saal. ogs.* B <sup>23</sup>) rikissins, B

um<sup>1</sup> hans haals. Bad hann sidan sua buinn stiga upp i<sup>2</sup> sealfs sins kerru. Þar medr skyldi einn forrennari kalla huar sem hann for. at allir menn skyldu<sup>3</sup> fyrir honum knefalla sua sem konunginum sealfum. ok þeir skyldi af þi uita mega. at hann uæri formadr yfir aullu Egiptalandi. Pharao taladi þa enn til Josephs. Ek er Pharao. Sem hann legði<sup>4</sup> uid særi sin sua segiandi. Sua sem þat er satt<sup>5</sup> at ek er Pharao. sua skal þat satt uera sem ek man þer segia. at enginn madr aa aullu Egiptalandi skal þer i moti uikia edr neighia huarki hendi ne fæti. ok eigi skal nockurr utan medr þinum bodskap ok blidu yfirbragdi<sup>6</sup> brott<sup>7</sup> fara ne nockurs háttar<sup>8</sup> almenniligt starf fremia edr frammi hafa. Sneri hann þa nafni<sup>9</sup> Josephs ok kalladi hann heimsins hialpara upp aa Egiptalandz tal ok tungu. Var hann þa .xxx.<sup>10</sup> at alldri er hann uar fyrstan tima fyrir konunginum Pharaone.

### Her segir af Asenech dottur Putiphars.<sup>11</sup>

61. A hinu fyrsta freoleiks aari af þeim .vii. sem Joseph sagdi fyrir at koma mundi. sendi konungrinn hann um allt Egiptaland. at hann [leti saman<sup>12</sup> taka<sup>13</sup> hinn .vta. part af ollu [hueiti.<sup>14</sup> eptir þi sem fyrr uar greint. Hann kom framm i fyrr nefndri landzins haalfu Helyopoleos. Var þa<sup>15</sup> Putiphar riddara höfðingi ok konungsins radgiafi þar uordinn kennimadr ok höfðingi. hann atti sér þa dottur sem Aseneth het. Ollum Egiptalandz iungfrum uar hon fegri ok frealsligri. i flestum lutum uar hon storliga<sup>16</sup> lik ebreskra manna döttrum. hun uar hæuersk<sup>17</sup> ok bar sik heidsamliga.<sup>18</sup> metnaðarsöm uar hun sua ok mikillát. at engi karlmadr þotti henni sér iafnkosta. Engin karlmadr hafdi ok seod hana utan fadir hennar ok brædr. fyrir þann skyld at einn mikill turn<sup>19</sup> ok miok haar uar aafastr husi ok herbergium Putiphars. yfir huerium er þat eitt loptus var smídat. sem i sér hafdi .x. heimollig herbergi. þilik sem suefnklefar uæri. af huerium er hinn fyrsti ok fremzti uar fagrigha giðr<sup>20</sup> af þeim dyrmætum steinum sem porphiriti<sup>21</sup> eru kalladir. ok allir hans ueggir uaru af einum ok ymissum aagiætum steinum gioruir. ok þar medr uaru hans fleyðr gullgar.

<sup>1</sup>) upp aa, B <sup>2</sup>) aðra hina bestu tilf. B <sup>3</sup>) skyldi, B <sup>4</sup>) saal. B; lagdi, A <sup>5</sup>) saal. B; sód, A <sup>6</sup>) orlofi, B <sup>7</sup>) tilf. B <sup>8</sup>) konar, B <sup>9</sup>) hans tilf. B <sup>10</sup>) þritagr, B <sup>11</sup>) Af Asenech ok hennar herbergi. De speculo hystoriali, B <sup>12</sup>) [skyldi saman laata, B <sup>13</sup>) ok hirða tilf. B <sup>14</sup>) [saal. B; þi hueiti eptir þi hueiti(!), A <sup>15</sup>) fyrr nefndr tilf. B <sup>16</sup>) storleghans, B <sup>17</sup>) ok haattaqm tilf. B <sup>18</sup>) heiðra sgmilegha, B <sup>19</sup>) eðr stopull tilf. B <sup>20</sup>) ok smíðaðr tilf. B <sup>21</sup>) porphiriti, B



Bygdi Aseneth<sup>1</sup> meðr sinum þernum þersor herbergi. Varu gud Egiptalandz manna. þau sem af gulli ok sylfri<sup>2</sup> uaru giðr. geymd ok hird i þessum hennar heimolliga klefa. huer er seolf hon dyrkadi dagliga þeim fornfærandi. Annat þetta hit heimolliga hus edr klefi uar hennar fatabor. yfrinn rikdom i sér hafandi. þi at hann uar fullr af gulli ok brendu silfri. dyrum gripum<sup>3</sup> ok dyrligum steinum. J þridiu<sup>4</sup> sialfrar hennar heimolligu herbergi uar nær oll su giætzka sem dyrmætaz uar þar i landi. var þat hennar iurtaklesui. ok aull hennar krydd uaru þar geymd ok hirð. Adra klefa .vii. af þersum .x. heimolligum herbergium hosdu þær .vii. iungfrur harða fagrar. sem henni pionadu dagliga. vidr hueriar er engin karlmadr hafdi nockut ord talad. huarki uaxian madr ne smásueinn. A suefnklefa sealfrar Aseneth varu .iii. uenir gluggar. ok uar sa storliga<sup>5</sup> mikill sem til austrs horfdi. annarr af þeim uar til sudrs. ok hinn þridi til nordrs. J þersum klefa uar ein sæng sua skemtilig ok skrautlig at sia upp aa. sem hon ueri af raudu gulli giðr. hon uar tialldat meðr gulluofnum purpura sparldkum. ok þar til meðr iacincto ok einföldum purpura<sup>6</sup> ok<sup>7</sup> bisso. i huerri er sialf hon suaf ein saman. Hia þessarri hennar sæng hafdi engan tima<sup>8</sup> karlmadr niðr setz. Vmuergis þetta hit agiða<sup>9</sup> hus ok herbyrgi allt saman uar einn mikill grasgadr. ok miok haar<sup>10</sup> uar allr hans murr giorr af ferhyrndu grioti. A gardi þersum uaru .iiii.<sup>11</sup> iarnport. þau sem .iiii. hinir fegrstu<sup>12</sup> ungir menn uel ueptir<sup>13</sup> uaru fengnir til at geyma [allir samt.<sup>14</sup> A hægra uegna i gardinum uar ein fðgr siolandi uatzædr. ok eitt fagrt stöduuain ok sua skiært þar i hia. at [þar matti<sup>15</sup> ual sia<sup>16</sup> i skuggann allra þeirra tria sem þar uaru plantad. er bædi uaru fðgr ok frygdafull.<sup>17</sup> Aseneth uar sua mikil sem Sarra. sua fogr ok frid sem Rebeccha. ok þaleidiss uen ok at olla æl uordin<sup>18</sup> sem Rachel.

172.

Her segir af Joseph ok Putiphar ok dottur hans.<sup>19</sup>

62. Joseph gerdi fyrr nefndum Putiphar sendibod. at hann mundi aikia til hans<sup>20</sup> herbergiss. Tok Putiphar þi feginsamliga. ok sagdi dottur sinni at guds mektugr madr Joseph<sup>21</sup> mundi þar koma. ok hann mundi

<sup>1</sup>) saal. B; Asenech, her og senere, A <sup>2</sup>) silfri, B <sup>3</sup>) iurtum, B <sup>4</sup>) þridia, B <sup>5</sup>) storleghana, B <sup>6</sup>) saal. B; þurpura, A <sup>7</sup>) meðr tilf. B <sup>8</sup>) nökkurr tilf. B <sup>9</sup>) ok mikkla tilf. B <sup>10</sup>) tilf. B <sup>11</sup>) flokkur, B <sup>12</sup>) fręknuztu, B <sup>13</sup>) vępnder, B <sup>14</sup>) [allt saman, B <sup>15</sup>) [þær maattu, B <sup>16</sup>) þær tilf. B <sup>17</sup>) frygdarfull, B <sup>18</sup>) mik tilf. B <sup>19</sup>) Af fundi þeirra Joseph ok Aseneth dottur Putiphari. Capitulum, B <sup>20</sup>) huss ok tilf. B <sup>21</sup>) tilf. B

eigi uanda at gipta honum sialfa hana. Vidr þersor ord reiddiz hon ok sagði. at hun hugðiz helldr skylldu giptaz konungs syni enn her-teknum kotkarls syni. ok henni þætti þat helldr eptir sinni mekt ok maneri. Fyrir þi taladi hon sua. at Pharao atti séér syni. sem sidarr man [sagt uerda.<sup>1</sup> Ok rett sem þau áttu her um at tala. var þeim sagt at Joseph [var kominn.<sup>2</sup> Geck Aseneth þa þegar upp i lopt-husit ok sialfrar sinnar herbergi. Joseph kom þa sitiandi i þeirri konungsins kerru sem ðll gloadi af gulð. hana drogu .iiii. fannhuitir hestar [sem snior<sup>3</sup> medr gylldum bitlum beittir ok beisladir. Joseph uar sua buinn. at hann hafdi alhuitan kyrtil miok biartan af bisso. ok þar yfir gulluofinn purpuramóttul. gullkoronu á höfði. ok uaru .xii. hinir dyrstu<sup>4</sup> steinar umuergiss aa krununni. ok yfir þeim uaru markat .xii. gullig himintungl. konungligan rikissuðnd hafdi hann seer i hendi. ok þar medr einn kuist oliue<sup>5</sup> medr hardla feitum ok sögrum aauxti.<sup>6</sup> Geck Putiphar ok hans husfru ut i mot honum. lutu<sup>7</sup> honum ok i ollum lutum uirding ueittu. Eptir þat gekk Joseph inn i gardinn. ok þegar uaru byrgð aull hans port. Nu séér Aseneth Joseph ut um einn glugg<sup>8</sup> aa sinu herbergi. rugladiz hun þa þegar<sup>9</sup> af þeim ordum sem hon hafdi til hans talat. ok sagdi sua. Séé her. solin sealf er komin i sinni kerru hegat til uár ofan af himni. Ekki uissa ek þat at Joseph uæri guds sun. ok huar man finnaz sa madr um alldr er þilika fegrd megi<sup>10</sup> getit hafa. edr huerr konu kuidr megi liosit ok þilika birti<sup>11</sup> borit hafa. Joseph geck þa inn i herbergi Putiphars. ok uaru þuegnir sætr hans. Eptir þat spurdi Joseph. huer su kona uæri er hann [leit um<sup>12</sup> gluggann aa loptusinu. fari hon i brott<sup>13</sup> sagdi hann. Fyrir þi taladi hann sua. at hann ottadiz at hon mundi þaleidis angra hann ok vnada. sem allar adrar konur þar sem hann kom. þær sendu þegar i stad sina sueina til hans medr einum ok ymissum dyrmætum giðfum. huerium er hann nitadi<sup>14</sup> medr fullkominni ublidu. ok brott kastadi þeim til neisu ok nidranar sem sent hafdi. þa suaradi Putiphar. Minn herra. þersi mæ er min dottir. su sem huern karlmann hefir fyrirlitit hegat til. hana hefir ok engin karlmadr seed utan ek ok þer<sup>15</sup> i dag. Ok ef þer uilit sua. þa kemr hon her ok heilsar ydr. Joseph hugsadi þat er hun fyrirleit<sup>16</sup> huern karlmann<sup>17</sup> ok hatadi. at alldrigi mundi hun þa<sup>18</sup> þræbæn edr ofblid uidr hann uera. ok taladi sua til fedr hennar. Ef

<sup>1</sup>) [heyrax megha, B    <sup>2</sup>) [kæmi þar i stað, B    <sup>3</sup>) [mgl. B    <sup>4</sup>) dyruztu, B  
<sup>5</sup>) tilf. B    <sup>6</sup>) frykth, B    <sup>7</sup>) luttu, B    <sup>8</sup>) glugginn, B    <sup>9</sup>) nekkut sua ok  
angradiz tilf. B    <sup>10</sup>) maa, B    <sup>11</sup>) birtu, B    <sup>12</sup>) [hafði seed uidr, B    <sup>13</sup>) heðan  
tilf. B    <sup>14</sup>) neitaði, B    <sup>15</sup>) nu tilf. B    <sup>16</sup>) saal. B; fyrirleti, A    <sup>17</sup>) annan  
tilf. B    <sup>18</sup>) mgl. B

dottir yd(u)r er skígr iungfru. þá elskar ek hana sem systur minna. Gekk 173.  
modir hennar þá upp til hennar kallandi hana nidr ok frammleidandi  
fyrir Joseph. Fadir hennar taladi henni sua til. Heilsa bróðr þínum. þeim  
sem aa saumu leid hatar ok fyrirlitr allar þær konur sem annars kyns  
ok kindar<sup>1</sup> eru enn<sup>2</sup> hann. sem þu fyrirlitr alla karlmenn. Aseneth  
taladi til Josephs. þu blezadr af hinum hæsta gudi uer heill ok uel  
kominn. Joseph suaradi. Sa gud sem alla luti lifgar blezi þik. Putiphar  
bad þá dottur sína minnaz uid Joseph ok kyssa hann. Ok sem hun  
etladi þat at gera ok gekk at honum. þá retti hann höndina framm.  
takandi moti hennar briosti ok bringu sua segiandi. Meðr öngu moti  
stendr þat. at sá madr sem lifanda gud dyrkar ok lifsbrauð etr ok  
heilsamligan dryck dreckr. kyssi þá konu [sem af heidinni þioð er  
getin. ok hon<sup>3</sup> dyrkar ok kyssir dauð ok dumba skurdgod. etandi  
braud sitt ok aðra<sup>4</sup> fædu af þeirra bordi. ok dreckandi sinn dryck  
af þeirra kerum ok kaunnum. ok smyriandi sik meðr þi oleo. sem uarla  
uerdr skodat eðr skyniat huelikt<sup>5</sup> þat er.

Her segir af þui er guðs engill vitraðiz Asenech.<sup>6</sup>

63. Aseneth uard storliga<sup>7</sup> rygg heyrandi þessor hans orð. sua  
at nu tok hun at grata. Joseph leit þaa miskunnar augum til hennar.  
ok lagdi hann sína hond yfir hennar höfud ok blezadi hana. Aseneth  
gladdiz nockut sua af hans blezan. enn þo skyndi<sup>8</sup> hon heim til síns  
herbyrgis. ok kastadi ser þar nidr uidr sængina af þeim krankleika  
sem hon hafdi fengit af þeirra fundi ok vidtali. Jdraðiz hon þá þers  
mikilliga. er hun hafdi gudin dyrkat<sup>9</sup> ok afnitti<sup>10</sup> þeim þa fulluliga.  
Joseph aat þar ok drakk. ok eptir þat bioz hann til brottferdar. Puti-  
phar beiddiz at hann mundi dueliar þar um einn dag. ok feck hann  
þat eigi. For Joseph i brott ok het at koma aptr þagat eptir hina  
næstu .vii. daga lidna. Aseneth klæddi sik einum suortum kyrtli. huerr  
er hennar hrygdarklædnadr hafdi uerit. þann tima sem hinn yngri  
bróðir hennar hafdi andaz. Byrgdi hon sik eina saman i nöckurum  
klefa lokandi siolf hurdirnar. ok gret þar. [Aull sin skurdgod<sup>11</sup> kast-  
adi hon ut um þann glugga. sem nordan uar aa fyrrgreindu herbyrgi.<sup>12</sup>  
ok huerium þeim höfðingligum rett sem henni uar settr kastadi hon

<sup>1</sup>) ettar, B <sup>2</sup>) sialfr tilf. B <sup>3</sup>) [af heidinni þioð komna sem hun, B <sup>4</sup>) saal. B;  
siana, A <sup>5</sup>) huelikt, B <sup>6</sup>) Fra þui er engillinn vitradiz Aseneth ok  
fra þeirra tali, B <sup>7</sup>) storleghans, B <sup>8</sup>) skundaði, B <sup>9</sup>) ok þeim uegsemd  
veitt tilf. B <sup>10</sup>) afneitaði, B <sup>11</sup>) [Ollum sinum skurðguðum, B <sup>12</sup>) hennar  
tilf. B

174 aa golf framm ok gaf hundum at eta. enn ios molldu ok ösku upp i höfud sitt ok um allt herbyrgit. ok grét alla þessa .vii. daga miok saarlíga. A hinum áttanda degi uard henni litit miok aarla ut um þann sama glugga sem til norðrs horfdi. sua sem hon heyrði hunda geyia ok hana gala. Ok er hon saa ut. þa birtiz henni su biarta stiarna nærri sealfum himninum sem Lucifer heitir. ok þar med sua mikit lios. at hon gat<sup>1</sup> eigi stadiz. ok af þi fell hon aa framm<sup>2</sup> sinar hendr ok aaseonu i þa ausku sem aa golfinu uar. ok henni syndiz. þar sem hon laa. sem madr nockurr stigi nidr af himninum ok stædi yfir hennar höfði kallandi hana medr sinu eiginligu nafni. Enn af þi at hun þordi sakir rædzlu ok mikils ótta augu uætta at suara. þa het hann aa hana<sup>3</sup> annan tima sua segiandi. Aseneth. Aseneth. Hun svaradi þa. Ek er her minn herra. edr huerr ertu. seg mer þat. Ek er höfdingi guds huss sagdi hann. ok ek er höfdingi yfir<sup>4</sup> sialfs hans utgordum ok herferdum. Ris upp ok statt aa þina<sup>5</sup> fætr. man ek þa tala medr þik. Ok er Aseneth freistaði aa fætr at fara<sup>6</sup> ok hon hof sitt höfud upp. þa syndiz henni saa madr um alla luti likr Joseph. at klædnadi. krunu ok konungligum rikisuendi. sem þar uar kominn. Hans aasiona uar þilik sem<sup>7</sup> ellding. augun sem solar geislar. enn haarit ok hans lockar sem logandi elldr. Ok sem Aseneth saa þetta. uard hon sua ottafengin. at hon fell<sup>8</sup> framm annan tima. Engillinn sa sem henni [uitradiz i manz mynd<sup>9</sup> styrkti hana þa létandi upp aa sina fætr. ok sagdi sua. Legg nidr þetta hit suarta haarkleði.<sup>10</sup> sem þu hefir klætt þik med. ok hrygdarlinda þann sem þu hefir um<sup>11</sup> þinar lendar. skak i brott or höfði þer dupt ok osku ok þua bædi hendr þinar ok aasionu i skígru uatni. ok klæd þik fagríga med hinum heidrligztum þinum<sup>12</sup> klædum. ok eptir þat man ek tala uid þik. Ok þegar sem hun hafdi eptir hans áákúædi um buiz. þa kom hon skiotlíga aptr til hans. Kasta af höfði þer skautum ok höfdudduk. þiat þu ert skígr iungfru. Styrkz þu ok fagna iungfru Aseneth. fyrir þi<sup>13</sup> at nu er þitt nafn aa lifandi manna bok skraad ok skrifuat. ok æfnlígha man þat alldrigi<sup>14</sup> af mááz. Ek segir þer þat ok synir uissulíga. at upp fra þersum degi ert þu endrnyiat ok lifgat. Munt þu blezanar braud eta ok heilsamlígan dryck drecka. þiat medr heilagri krismu<sup>15</sup> mant þu smurd uerda.<sup>16</sup> See her i dagh gef ek þik Joseph til brudar

<sup>1</sup>) fekk þat, B <sup>2</sup>) saal. ogs. B <sup>3</sup>) ok kallaði tilf. B <sup>4</sup>) fyrir, B <sup>5</sup>) eigna tilf. B <sup>6</sup>) fgraxt, B <sup>7</sup>) ein tilf. B <sup>8</sup>) þa enn tilf. B <sup>9</sup>) [syndiz maðrenn vera, B <sup>10</sup>) saal. B; klædi, A <sup>11</sup>) þik lagit. kasta ok i brott sorgar-klæðnaði þeim sem þu hefir um tilf. B <sup>12</sup>) sialfrar þinnar hof, B <sup>13</sup>) þann skyllid, B <sup>14</sup>) þar tilf. B <sup>15</sup>) saal. B; kristni, A <sup>16</sup>) uera, B

ok eiginhusfru. Man þitt nafn eigi<sup>1</sup> uera kallað Aseneth sem mik-  
ilsháttar hlifðar borg edr uerndar. fyrir þi<sup>2</sup> at idran þin bad hinn  
hæsta gud fyrir þer. huer er<sup>3</sup> uordin dottir þers sem haleitaztr er.  
glöð ok god guds iungfru hæuersk ok hááttsðm. Ok er engillinn uar  
eptir frettr af Aseneth. huert hans nafn uæri. þa svaradi hann sua.  
Medr guds hand<sup>4</sup> ok fingri er mitt nafn skrifuat aa þers bok sem  
haleitaztr er. eru þeir allir lutir ousmædiligrir sem aa þeirri bok eru  
skrifadir. ok engum daudligum manni samir þa at segia ok eigi helldr  
heyra.

Her segir fra viðtali þeirra Aseneth ok guðs engils.<sup>5</sup>

64. Aseneth taladi þa til engilsins halldandi aa<sup>6</sup> ofuanuerdum  
hans móttli. ok sagdi sua. Ef ek hefir nöckura giptu fundit ok fengit  
i þínu augliti. þa setz<sup>7</sup> nidr um eina lilla stund hia sæng þersarri.  
hia huerri er alldrigi sat enn nockurr karlmadr.<sup>8</sup> ok man ek bua þer  
bord. Engillinn suaradi. Lat framm koma at þi skiott. Setti hon bordit  
buandi þat medr hit bezta braud ok sætt uin ok med gaumlu oleo. 175  
Ber mer ok hunangs seim. sagdi engillinn. Ok sem hun stod rygg af  
þersum hans ordum. fyrir þat er hun hafði engan seim at faa honum.  
þa sagdi hann sua. Gakk inn i kiallara þinn. ok þar aa einu bordi  
þínu mantu hunangs seim<sup>9</sup> finna. Vard henni þersi uán eigi at he-  
goma. at hun fann þar sua huitan seim sem snior uæri ok hit skigr-  
azla hunang gefanda hinn sælazta ilm<sup>10</sup> af ser. Aseneth taladi þa til  
hans. Eigi hafða ek seiminn minn herra. helldr hitt at hann uard þegar<sup>11</sup>  
þu taladir ok nefndir medr þinum helgum<sup>12</sup> munni. huadan<sup>13</sup> er hans  
ilmr man<sup>14</sup> rett þiligr sem<sup>15</sup> af sealfs þins [anda. er ferr af þinum<sup>16</sup>  
munni. Engillinn hlo þa lettliga at skilning ok skynsemd Aseneth.  
Retti hann þa framm hondina. leggiandi hana yfir hennar höfud sua  
segiandi. Sæl ertu. fyrir þat er þu hafnadir skurdgudum ok fyrirleitz  
þau ok trudir upp aa lifanda gud. ok allir þeir eru sælir sem med  
idran koma til hans. þat af þersum hinum sama seim munu þeir bergia.  
sem [guds byflugur af<sup>17</sup> paradiso hafa<sup>18</sup> saman borit. ok af rosauatni  
paradisi munu þeir drekka. ok her af bergia allir guds englar. deya  
þeir ok alldrigi æfiliga.<sup>19</sup> sem af honum hafa nockurn tíma etit. Hann

<sup>1)</sup> sua rettlegha síðan tilf. B <sup>2)</sup> þa sqk, B <sup>3)</sup> nu er tilf. B <sup>4)</sup> saal. ogs. B

<sup>5)</sup> Fra þui er engillinn blezaði hana ok gaf henni seiminn, B

<sup>6)</sup> mgl. B <sup>7)</sup> her tilf. B <sup>8)</sup> maðr, B <sup>9)</sup> seiminn, B <sup>10)</sup> vtt tilf. B

<sup>11)</sup> i stað sem tilf. B <sup>12)</sup> haleitum, B <sup>13)</sup> af tilf. B <sup>14)</sup> er B <sup>15)</sup> ang-

inn tilf. B <sup>16)</sup> [mgl. B <sup>17)</sup> [byflugur af guðs, B <sup>18)</sup> gort ok tilf. B

<sup>19)</sup> eyllifigha, B

retti þa enn framm höndina. ok tok einn hardla litinn part af seim-  
num ok áát sealfir suman. enn þat sem eptir var af honum lagdi hann  
i munn Aseneth. talandi til hennar þar med þersum ordum. See nu  
átz þu lifs braud. ok nu ertu smurð medr heilagri crismu. man [þitt  
holld<sup>1</sup> upp fra þeima degi endrnyiaz. ok hedan af munu þin beia  
bætaz ok grædaz. vþrotnandi man þinn kraptr uera. enn æska þin man  
alldrigi elli kenna. ok alldrigi man þin fegrd faulna. mantu þilik uera  
sem smidat hofudborg ollum þeim. sem sinni uan uenda flyiandi til  
nafns almattigs guds.<sup>2</sup> þess sem allra uerallda konungr er. Hann retti  
þa enn framm höndina. ok tok þann seim sem hann hafdi fyrr sagðan  
part af tekitt. uard hann þa þegar heill ok uskaddr sua sem adr uar  
hann. Tok hann þa medr sinni hægri hendi ofanuerdan seimsins<sup>3</sup>  
part. þann sem til austrs uissi. medr þeim fingrinum einkannliga sem  
þumalfingrinum uar næstr ok tilsagnarfingr heitir. dragandi hann at  
ser til neðanuerdz seimsins. þers sem til uestrs uissi. Syndiz Aseneth  
þa sem bloð uæri alla uega. þar sem hann hafdi fingrinn um dregit.  
Sia nu seiminn sagdi engillinn. Sa hon þa. at margar huitar byflugur  
sem snior flugu ok foru utan<sup>4</sup> af seiminum. enn sumar af þeim höfdu  
raudan purpura lit sem iacinctus. kringdu þær allar [um Aseneth<sup>5</sup>  
saman berandi ok gerandi af nyiu hunangs seim i hennar höndum.  
[átu þær ok þar af.<sup>6</sup> Eptir þat taladi engillinn til byflygissins. Farit  
nu brott i þann stad sem ydr til heyrir. Hurfu þær allar þadan þegar  
i stad. ok uendu sinum<sup>6</sup> ueg til paradisum i austr. Engillinn taladi  
þa til Aseneth. A somu leid eru þeir allir lutir sannir. sem ek hefðir  
talad fyrir þer i dag. sem byflugurnar foru brott i þann stad sem [ek  
uisada þeim.<sup>7</sup> Hann retti þa enn<sup>8</sup> þridia tima framinn handina ok tok  
176 upp seiminn. kom þa elldr upp þar rett af bordinu ok eyddi ollum  
þeim seiminum sem eptir hafdi uerit. snart hann þo medr engu moti  
bordit. Vard af seimsins bruna hardla sætr ilmr ok angi. enn bordit  
var sua medr aullu ubrunnit. sem engan tima hefði þi elldr námunda  
komit. Aseneth taladi þa<sup>9</sup> til engilsins. Seau iungfrur eru her dag-  
liga [hia mer<sup>10</sup> minn herra. þær sem fra barndomi hafa her upp sædz  
medr mer. varu þær ok aa þeirri sömu nalt [fæddar ok getnar<sup>11</sup> sem  
ek. villða ek giarna kalla þær. til þers at þu blezadir<sup>12</sup> þeim [á sömu  
leid<sup>13</sup> sem þu hefir mik blezad. Hann bad hana kalla þær. ok blezadi  
hann þeim sua segiandi. Hinn hæsti gud drottinn blezi ydr. at þer  
seed sua sem .vii. hlifdarborgir stydiur edr sterkir pilarar. Engillinn

<sup>1</sup>) [þin hqrund, B <sup>2</sup>) guðdrottins, B <sup>3</sup>) hunangsins, B <sup>4</sup>) vvt, B <sup>5</sup>) [mgl. B  
<sup>6</sup>) sinn, B <sup>7</sup>) [þer voru adr sem ek sagði þer, B <sup>8</sup>) i tilf. B <sup>9</sup>) enn  
tilf. B <sup>10</sup>) [tilf. B <sup>11</sup>) [getnar ok fæddar, B <sup>12</sup>) blezer, B <sup>13</sup>) [sua, B

bað þá Aseneth lietta borðinu. Hon gordi sem hann baud. Ok er hún ætladi bordit nidr at leggja. þá uar engillinn brott fra henni at syn. ok er hon snoriz aptr ok litadiz um. þá sa hon sua sem eina kerru meðr .iiii. hestum<sup>1</sup> austr til hininsins framm farandi ok þagat huerfandi.

Aseneth lagdiz til bönar eptir þat er engillinn uar i brottu. Ok<sup>2</sup> sem hon bað ser líknar ok miskunnar. fyrir þat er hon hafði sua diarfliga uidr<sup>3</sup> hann talad. þá kom einn iunkkiæri<sup>4</sup> til hennar. sa sem fedr hennar þionostumadr uar. berandi henni sealfs hans boð sua segiandi. Se nu kom Joseph. sterkr ok mektugr guds madr. er hans forrennari her nu rett uid portit aa [ydru herbergi.<sup>5</sup> Skundadi Aseneth þá ut i moti Joseph ok stod i suðlunum frammi fyrir herberginu. Ok þegar sem Joseph gekk inn i gardinn. kalladi<sup>6</sup> Aseneth upp aa hann. segiandi honum allt tal engilsins. þat sem hann hafði uid<sup>7</sup> hana talat. ok þar meðr þó hon sealfs hans fœlr. Annan dag eplir bað Joseph konunginn sealfan Pharaonem gipta ser Aseneth til eiginhusfru. Var þat þegar<sup>8</sup> gort sem hann uilddi. at hon uar honum gefin.<sup>9</sup> ok setti konungrinn þær uænuztu coronur sem hann atti upp aa huars þeirra höfud. ok let þau minnaz til ok kyssaz. Veitti sidan sealfr þeirra brudlaup.<sup>10</sup> gorandi þá sua gillda ok uæna ueitzlu. at hun uannz ual .vii. daga. biodandi þar med at engin<sup>11</sup> madr skyllði nockura<sup>12</sup> erfðiss orku uinna medan brudlaup Josephs stödi. Gaf honum<sup>13</sup> þá þat nafn. at hann skyllði guds son heita. enn Aseneth dottir hins haleitazta.

---

Her segir fra Joseph ok sonum Jacobs. capitulum.<sup>14</sup>

65. Joseph for um aull Egiptalandz herud.<sup>15</sup> Kom þar yfiruættiss freoleiki ok aaúðxtr um hin næstu .vii. aar. Let hann allt þat korn saman taka ok i hlödur bera. sem hann kunni faa. ok allt þat hueiti sem þá þotti sua nogt<sup>16</sup> ok mikit uera sem ægiss sánder. ok eigi kom mælingum aa. let hann i ymissum borgum hirdaz ok geymaz. ok engan lut let hann þi helldr unytaz edr at misköstum faraz. Hann gat at eiga .ii. syni meðr fyrr nefndri husfru sinni Aseneth. adr enn sulkriinn ok hallærit kom. kalladi hann hinn fyrra ok hinn frumgetna

<sup>1</sup>) i tilf. B <sup>2</sup>) sua tilf. B <sup>3</sup>) meðr, B <sup>4</sup>) iunkherra, B <sup>5</sup>) [yðrum garði, B <sup>6</sup>) heilsaði, B <sup>7</sup>) meðr, B <sup>8</sup>) i stað tilf. B <sup>9</sup>) ok gipt tilf. B <sup>10</sup>) brullaup, B <sup>11</sup>) eingi, B <sup>12</sup>) nockurs konar, B <sup>13</sup>) hann Joseph, B <sup>14</sup>) Fra þi er breðr Josephs utan Benjamin komu til hans á Egiptaland. de genesi, B <sup>15</sup>) herad, B <sup>16</sup>) i nóg, B

177.

sinn son Manasen. þat þyðiz gleyming. ok sagði sua. þat gaf gud ok gordi. at ek hefir nu gleymt ok afhuga uordit minum erfidum<sup>1</sup> ok mins fedr husi. Annan kalladi hann Eðfraym. þat er áuaxtan. sua seg-iandi. Vera let gud mik i minu fatækisslandi. Enn þann tima sem þau .vii. freoleiks aar uáru gengin. sem aa Egiptalandi hófdu uerit ok nu uar fra sagt. þa komu þau .vii. hallæriss áár ok sulkar aar. sem Joseph hafði fyrir sagt. [sua at sulltr ok seyra gekk nær<sup>2</sup> um allan heiminn. ok þar kom at uarla beid braud eðr adra sædu a ollu Egiptalandi. Tok þa folkit at suellta ok kalla konunginn Pharaonem. at hann fengi þeim nöckut til sæðiss ok uidrliffs. Hann svaradi þeim. Farit til Josephs ok görit huat er hann bydr ydr. Sulltrinn uox dagliga um allt landit. lauk Joseph þa upp kornlaudum. þeim sem kostinum geymdu. ok selldi Egiptalandz monnum. ok sua þeim sem af öðrum löndum ok herudum komu þangat séér kost at kaupa. Uaru þeir peningar greiddir i hendr konungsins féhirdzlumonnum<sup>3</sup> sem þar uaru i moti gefnir.

Enn þa er Jacob fretti. at miol ok korn selldiz aa Egiptalandi. þa taladi hann sua til sona sinna. Af þi at hin hardasta tíð geriz<sup>4</sup> aa Chanaanlandi. fyrir hui erut þer sua uprifnir. Ek hefir heyrt at hueiti selz aa Egiptalandi. freistit ok farit nidr [þann ueg.<sup>5</sup> ok kaupit oss til bordz þann kost þo at litinn sem oss naudsyniar. at uer halldin lifi uaru ok fyrirfarimz eigi af sullt ok fatækt. Foru sidan .x. bróðr Josephs til Egiptalandz þers eyrindis<sup>6</sup> at kaupa þar hueiti. Enn Beniamin hinn yngzti af aullum þeim uar eptir<sup>7</sup> hia fedr sinum. at honum bæri engan daligan eðr uadaligan lut til aa ueginum. Komu þeir aa Egiptaland medr öðrum þeim sem þagat foru til kauþa. Var Joseph þar þa formadr ok hófðingi fyrir. ok eptir hans bodskap ok akuæði selldiz ollum monnum hueiti ok annarr kostr þadan. Nu sem hans bróðr komu fyrir hann uegsamandi hann ok jotning ueittu<sup>8</sup> sem allir adrir. ok hann kendi þa giðrla enn þeir kendu hann medr engu moti. þa taladi hann hardligarr ok ublidligarr til þeirra enn annarra manna [ok þo<sup>9</sup> fyrir einn tulk spyriandi þá. Huadan komut þer sagði hann. þeir suorudu. Af Chanaanlandi komu uær at kaupa oss lifnæringar kost ok naudsynligha luti. Enn<sup>10</sup> nu sem hann kendi þa. enn þeir kendu hann eigi. þa minntiz hann aa drauma þa. sem fyrr meirr hafði fyrir hann borit. ok sagði sua. þer erut einir speiarar<sup>11</sup> ok komut fyrir þann skyld heghat.<sup>12</sup> at þer uilldut sia uarn fatækan ok ueslugan landzskap. þeir suorudu. Eigi er sua minn herra. helldr komum uer

<sup>1)</sup> eruðum, B <sup>2)</sup> [tilf. B <sup>3)</sup> fehirði, B <sup>4)</sup> giðrdiz, B <sup>5)</sup> [þannigh, B

<sup>6)</sup> erendia, B <sup>7)</sup> heima tilf. B <sup>8)</sup> veitandi, B <sup>9)</sup> [mgl. B <sup>10)</sup> Ok, B

<sup>11)</sup> spejarar, B <sup>12)</sup> tilf. B



þínir þíonostumenn til þers at kaupa oss sœðzlu<sup>1</sup> ok fedr uarum. Vær erum allir eins manz synir. komu uær her meðr náðum sem adrir<sup>2</sup> frídmenn. ok eigi bruggu uær brædr þíonar þínir nœckurs konar illt edr daligt. Ek ueit at odruniss er sœgdi hann. Til þers komu þer hegat. at þer skodadut<sup>3</sup> ok hugleiddut<sup>4</sup> uigleysi uars landz ok annan þers fatækdóm. þeir svorudu. Vær sueinar þínir erum .xi. brædr. synir eins manz af<sup>5</sup> Chanáánslandi. ok er hinn yngzti eptir nu hia fedr uarum. en annarr er nu eigi til. Hitt er sannara sœgdi Joseph. at þer erut speiarar<sup>6</sup> ok komut<sup>7</sup> til af [einum ok<sup>8</sup> ymisum londum.<sup>9</sup> 178 Skál ek her þegar i stad profa. [hue sannordir<sup>10</sup> þer erut. þi at þat er undarligt ok miok sua umættuligt einum kotkarli at eiga [iafnmarga syni þilika.<sup>11</sup> einkannliga er þer segit einn uera eptir heima. þar sem uarla kunna konungar at fa [þilika suna nægd<sup>12</sup> sua mannumænliga. Ok þat segir ek upp aa konungsins heilsu Pharaonis. at alldrigi fyrri farit þer hedan allir i brott enn sa minnzti brodir ydarr krmr higat. Sendit einn huern af ydr þann sem hann flytr<sup>13</sup> higat. Skulu þer þar til i bœndum her halldnir uera. sem profaz huart þat er satt [œdr logit<sup>14</sup> sem þer hafit sœgt. Ella fyrir konungsins heilsu Pharaonis segir ek ok seer þat fyrir uist. at þer erut speiarar ok niosnarmenn. Ok fyrir [þi at hann<sup>15</sup> ottadiz. at þeir mundu<sup>16</sup> nockut illt gort hafa. þa let hann geyma þeim um .iii. daga. Hinn .iiii<sup>a</sup>. dag taladi hann til þeirra. sua sem þeir uaru ut leiddir. Gorit sem ek sagda. ok munu þer þa na at hallda lifinu. ef þer erut spaklatir frídmenn. þiat ek er gudhræddr madr. Vil ek at einn af ydr brædrum see her bundinn eptir i pant ok settr i myrkuastofu. en þer farit brœtt adrir. ef ydr líkar. ok berit heim til yduars huss hœiti þat sem þer hafit keypt. Flytit sidan<sup>17</sup> aptir til min þann unga yduarn brœdr.<sup>18</sup> at ek megi sua profua sagnir ydrar sannar. ok munu þer þa ecki drepnir uera. þeir gerdu eptir þi sem hann baud. ok tœludu þo sin i milli. sua at hann heyrði upp aa. enn hugsædu<sup>19</sup> at hann mundi eigi undirstanda ebreska tungu. einkannliga fyrir þat er hann hafði tulk fyrir ser i þeirra tali. ok sœgdu sua. Verduliga þolum uær þetta eptir sealfra varra tilskyldan. fyrir þat er uær gœrdum<sup>20</sup> uid uarn kiœtligan brodur seandi hans neyd ok œngist. ok eigi uilddum uer hann heyra<sup>21</sup> sem hann bad oss.

<sup>1</sup>) sœzlu, B <sup>2</sup>) mgl. B <sup>3</sup>) skodadit, B <sup>4</sup>) hugleiddit, B <sup>5</sup>) aa, B <sup>6</sup>) speiarar, B <sup>7</sup>) komner, B <sup>8</sup>) [mgl. B <sup>9</sup>) stjœðum, B <sup>10</sup>) [huiliker œdr huersu sannsœgler, B <sup>11</sup>) [þilika ok iammikla suna nægd, B <sup>12</sup>) [iammarga syni, B <sup>13</sup>) flyti, B <sup>14</sup>) [tilf. B <sup>15</sup>) [þa sœk at hann vgœi ok, B <sup>16</sup>) myndi, B <sup>17</sup>) hegat, B <sup>18</sup>) broður, B <sup>19</sup>) hugðu, B <sup>20</sup>) misgjœrdum, B <sup>21</sup>) þar vm sua tilf. B

Fyrir þessa uára gord ok grimmleik kemr oss nu þersi naud<sup>1</sup> ok þrönguing. Ruben einn af þeim [.xii. bróðrum<sup>2</sup> sagði<sup>3</sup> sua. Talada ek ekki þat þa til yduar. at ek bad ydr ekki syndgaz á sueinum edr uid hann misgðra. ok uilldut þer eigi heyra mik. See nu er til hefnda eptir sed hans blod.<sup>4</sup> Enn af þi at Joseph skildi huert þeirra ord. þo at þeir uissi þat eigi sem sagt uar. þa snðriz hann brott um eina litla stund ok komz uid sua at hann táradiz. veik ser aptr sidan. ok taladi uid þa sem adr. Let hann<sup>5</sup> taka Simeon broður þeirra ok binda. sua at þeir sa upp aa. Baud sidan sueinum sinum at fylla sekki þeirra allra medr hueiti. ok i huers þeirra sekk let hann leggja þann fiarhlut<sup>6</sup> sem þeir hofdu moti hueitinu gefit. gefandi þeim þar medr sua mikinn kost sem þeim nægdiz i ueginum. Var sua gört sem hann baud. Foru þeir i brott eptir þat. berandi hueitit aa sealfra þeirra ausnum.<sup>7</sup>

179 Nockuru sidarr tok einn þeirra<sup>8</sup> nidr i sinn [sekk ok gtladi<sup>9</sup> eyk-inum aafodr. ok er hann sa fiarlutinn i seckiar munninum. þa taladi hann til bróðra sinna. See her er mer gefinn aptr kaupeyrir minn. hefir ek hann her nu i sekkinum. Þeir uurdu hræddir ok ottafengnir. ok taladu sua sin i millum. Huersu man þetta uera edr uid uita. sem gud hefir gort uid oss. Eptir þat foru þeir ueg sinn. þar til er þeir komu heim til fedr sins Jacobs aa Chanaansland. ok sögdu honum. greinandi giorla ok skiluisliga ord ok gördir ok allt.<sup>10</sup> sem farit hafdi medr þeim ok landzherranum i Egipto. sua þat at<sup>11</sup> Simeon uar þar eptir i böndum. ok þat at<sup>12</sup> hann bad þa sinn hinn yngzta bróðr þangat flytia. sem adr uar sagt. Eptir þat er þeir höfdu sagt honum allt hit sannazta af sinni ferd. þa fann huerr þeirra sinn fiarhlut ok kaupeyri bundinn i sinum sekk. vndraduz þeir þa ok ottaduz allir. Ok sem Jacob heyrdi þat. sagdi hann sua. Barnlausan hafit þer nu gort mik driugum. Joseph er eigi til. Simeon er i böndum hafdr ok halldinn. enn nu gtlit<sup>13</sup> þer Benjamin [brott at<sup>14</sup> taka. Allir þersir illir lutir ok däligr huerfa til min ok koma nu mer i mot. þa svaradi Ruben. Fáá mer hann i hendr. ek skal hann aptr flytia. Eigi man sia son minn þangat med ydr fara sagði Jacob. Brodir hans samborinn er allr. en hann er einn eptir. Nu ef hann mætir nockuru däligu i<sup>15</sup> þi sama landi. sem þer farit til. þa munu þer minar ellihærur medr sut ok harmi til heluitiss færa.<sup>16</sup>

<sup>1</sup>) kuql, B   <sup>2</sup>) [brøðrunum, B   <sup>3</sup>) þa tilf. B   <sup>4</sup>) bloði, B   <sup>5</sup>) þa tilf. B  
<sup>6</sup>) kaupeyri, B   <sup>7</sup>) annum, B   <sup>8</sup>) af þeim, B   <sup>9</sup>) [saal. B; klæðsock. ladi(!), A  
<sup>10</sup>) alla lut sua, B   <sup>11</sup>) sem, B   <sup>12</sup>) er, B   <sup>13</sup>) vili, B   <sup>14</sup>) [i brottu, B  
<sup>15</sup>) a, B   <sup>16</sup>) leiða, B

Sulltr<sup>1</sup> ok hallæri þröngdi þá af nyiu öllu þi landi ok mörgum odrum. Ok sem allr kostur sa var upp genginn. sem þeir höfdu heim flutt af Egiptalandi. þá taladi Jacob enn til sona sinna. Farit niðr aptr a Egiptaland ok kaupit oss sæzlur þó at litlar. Judas svaradi. Sa madr sem þar uar stiuarðr sóór sik um. at uær skyldim eigi sua mikit sysla at uær nædim at sia hann. utan uer flyttim þangat hinn yngsta<sup>2</sup> brodur uarn med oss. Villtu gefa gott orlof<sup>3</sup> at hann fylgi mer. þá munum uær fara allir saman ok kaupa þá luti. sem oss naudsyniar ena fara i engan stad. ef þu uill eigi þat. þat gerdut þer upp aa minn angr ok skada sagdi Jacob. er þer sogdut honum nöckut ifra. at þer ættit þenna brodur. þeir svorudu. þersi madr spurði oss inn-uirdiliga<sup>4</sup> eptir uárri ætt. bædi huart fadir uárr lifði edr ef uær ættim fleiri bröðr en þar uaru þá. ok urdu uer honum uidrkuemiliga at suara um þá luti sem hann spurdi. edr mattum uer þat nöckut uita fyrir. at hann mundi þers beidaz at uer flyttim þangat brodur uárn. Judas taladi þá enn til fedr sins. Sent þu sueininn medr mer ok undir minu nafni. at uer megim fara uæg uárn ok hallda lifi uáru ok synir uarir. Ek tekr giarna medr sueininum af sealfs þins hendi. kref hann ut af mer. skal ek uid ydr<sup>5</sup> alla tima mikilliga sakadr uera. ef ek flytr hann eigi heim ok færir<sup>6</sup> hann sealfum þer i hendr. Uærim uer nu aptr komnir [annan tima.<sup>7</sup> ef þetta hefði eigi hindrad. Jsrael fadir þeirra svaradi þá. Ef sua mikil naudsyn liggr her vid. sem þer seghit. þá gerit sem þer uilit.<sup>8</sup> Takit af ollum hinum<sup>9</sup> dygduguztum iærðarinnar saubxtum. er til bidr [i þersu<sup>10</sup> landi. berandi þá i budkum<sup>11</sup> med ydr. ok presentit þær gjafr þessum manni. Nefndi hann þar til nockur .iiii. edr .v. þau hin dyrastu krydd ok iurta<sup>12</sup> kyn. sem i nockuru landi kunnu faaz. ok þar medr sagdi hann sua. Hafit ok tuifalldan kaupæyri medr ydr. ok berit þann aptr þangat sem þer fundut i sekkunum. ef sua léttliga hefir kunnat til at bera. at nockut fals edr misfangi hefir<sup>13</sup> i farit. Takit ok nu þar med yduarn brædr. ok farit sua a fund þessa manz. Bidr ek.<sup>14</sup> at minn almattigr gud geri hann nu blidan ok miuklyndan uid yðr ok sendi þann brodur yðarn heilan aptr higat [medr ydr<sup>15</sup> sem hann helldr þar i böndum ok Beniamin. Enn ek man nu sua sem barnlauss eptir uera.

183.

<sup>1</sup>) saal. B; Sulltr, A <sup>2</sup>) minnsti, B <sup>3</sup>) til tilf. B <sup>4</sup>) meðr skipan tilf. B <sup>5</sup>) þik, B  
<sup>6</sup>) fær, B <sup>7</sup>) [tilf. B <sup>8</sup>) talit, B <sup>9</sup>) bestum ok tilf. B <sup>10</sup>) [her i, B  
<sup>11</sup>) kœrum, B <sup>12</sup>) giurta(!), B <sup>13</sup>) hafr, B <sup>14</sup>) þers tilf. B <sup>15</sup>) [mgl. B

Fra þui er Jacobs synir komu meðr Beniamin i Egiptum ok Joseph kendi þeim sialfan sik.<sup>1</sup>

66. Synir Jacobs toku þa giafir þær. sem hann hafdi til nefnt at Egiptalandz herranum skyldi presenteraz. ok tuifalldan kaupeyri ok þar med bróðr sinn Beniamin. foru sua nidr aa Egiptaland ok komu fyrir Joseph. Ok þegar sem hann saa<sup>2</sup> þa alla samt ok Beniamin. þa baud hann sinum stiuard.<sup>3</sup> at hann skyldi þersa menn<sup>4</sup> leida inn i hans hus ok herbergi. bad hann ok buaz uid ueitzlu ok ráða ual til budaruardar. þiat þessir menn skulu eta medr mer i dag um middegiss skeid sagði hann. [Hann giqrði sem honum var boðit ok leiddi þa inn meðr sier.<sup>5</sup> Vidr þetta<sup>6</sup> uurdu þeir ræddir ok taladu þersor ord leyniligha sin i milli. Fyrir þers sama kaupeyriss skyld ok fiarlutar uaru uær higat leiddir. sem uær barum næstum i sekkunum.<sup>7</sup> at hann kallzi oss ok klandi. leggiandi bædi oss ok eyki uara i þrældom medr sinu ualldi ok ofriki. Gengu þeir fyrir þersa grein þar i durunum til hans rádsmanz sua segiandi. Vær bidium minn herra. at þu heyrir oss. Vær uarum her hinn fyrri tima [ok keyptum<sup>8</sup> oss sædzlur sem þu uissir. Nu sem þat uar gðrt ok uær kómum upp til saluhussins aa ueginum ok ver leystum til sekkianna.<sup>9</sup> þa fann huerr uárr þann fiarlut i sinum sekk. sem hann hafdi sellt. ok þann sama kaupeyri allan iafnueginn. Bárum vær nu aptr higat ok höðfum medr oss annat silfr eigi þi sidr at kaupa medr þi þa luti sem oss naudsyniar. Er þat eigi aa uaru ulti huerr þann fiarlut hefir þar latit. Hann svaradi. Fridr se med<sup>10</sup> ydr ok oltiz ekki. fyrir þi at gud ydarr ok föður ydars gaf ydr þann fiarlut.<sup>11</sup> sem i sekkiunum uar. þiat ek hefir allan þann kaupeyri prouadan ok rettliga rannsakadan sem þer lukut mer. Leiddi hann þa Simeon ut til þeirra. Tok sidan ualn. er þeir uaru inn komnir. ok þo sætr þeirra ok gaf [eykium þeirra.<sup>12</sup>

Eptir þat biðggu<sup>13</sup> þeir til giafir. þær sem þeir ætladu at presentera Joseph. þann tima sem hann gengi um miðdegis skeid inn þann ueg. þiat þeir höfdu heyrt at þeir mundu<sup>14</sup> þar eta um daginn. Ok þegar sem hann kom inn i þat herbyrgi sem þeir uaru fyrir. þa presenteruðu þeir honum þa luti. sem þeir höfdu til ætlat. fram fallandi ok honum uegsemd ueitandi. Heilsadi hann þeim þa bliðliga i moti spyriandi<sup>15</sup> þersum ordum. Var sa gamli fadir yduarr uel heill. sem þer sogdut mer fra næstunni. Þeir svaradu. Fadir uarr ok þinn þeon-

<sup>1</sup>) *Overskrift og Capitelshifte efter B; A har her ikke nyt Capitel.* <sup>2</sup>) *tílf. B* <sup>3</sup>) *stiuardí, B* <sup>4</sup>) *alla tílf. B* <sup>5</sup>) *[tílf. B* <sup>6</sup>) *þersa hans giqrð, B* <sup>7</sup>) *sekkium, B*

<sup>8</sup>) *[at ver keyptim, B* <sup>9</sup>) *sekkanna, B* <sup>10</sup>) *tílf. B* <sup>11</sup>) *thesaur, B*

<sup>12</sup>) *[eykiunum föðr, B* <sup>13</sup>) *biuggu, B* <sup>14</sup>) *myndi, B* <sup>15</sup>) *meðr tílf. B*

ustumadr lifir enn ok er uel heill. Lutu<sup>1</sup> þeir honum þa enn ok til-  
læti ueittu. Ok sem Joseph litadiz um. þa sa hann sinn samborinn  
broður Beniamin. ok sagði sua. Er þersi sa ungi brodir yduarr. sem  
þer sogdat mer fra. Ok enn sagdi hann sua. Gud miskunni þer son  
minn. Skundaði hann þa uikiandi ser brott fra þeim i klefa nockurn.  
fyrir þann skyld at hann uar<sup>2</sup> sua uarkunnigr sinum sammæddum  
broður. at hann<sup>3</sup> taradiz. Enn þegar sem hann feck halldit sik fra þi  
ok hann hafdi þuegiz. þa [gekk hann út. ok<sup>4</sup> taladi hann uid sealfs  
sins sueina. Latit framm braud ok adra fædu. Ok sem þat uar gert.  
þa settiz Joseph ser einsliga. sua sem af odrum löndum<sup>5</sup> kyniadr ok  
kominn. Egíptzkir menn satu ser samt. sua sem innlendzkir menn. ok  
hinir komnu bróðr ser einir saman.<sup>6</sup> sua sem ukunnir ok utlendzkir  
menn. þiat Egíptalandz monnum uirdiz þat eitt bannat uhæfu uerk.  
lettliga fyrir miok ulikan atrunat. at eta medr ebreskum monnum. Skip-  
adi Joseph bræðrum sinum eptir auðldrum þeirra. sem þeir uaru uanir  
at sitia i sins fedr husi. Enn er þeim uaru rettir settir edr sendir. þa  
undraduz þeir þat mikilligha. at sa partr sem Beniamin til heyrði uar  
.v. lutum meiri edr betri enn sa sem nockurum þeirra odrum til heyrði.  
lettliga [fyrir þa<sup>7</sup> grein segir Commestor. at Joseph uaru .v. rettir  
settir. ok sendi hann Beniamin af huerium þeirra halfu meira part enn  
nockurum odrum hans brædra. Drucku þeir þar i hia honum um dag-  
inn ok uaru uel halldnir. Eptir þat baud Joseph radsmanni sinum.  
at hann skyldi fylla sekki þeirra allra medr<sup>8</sup> hueiti. sem [med mestu  
matti<sup>9</sup> taka. ok leggja þar i huers þeirra kaupeyri. sem hit fyrri  
sinn uar gort. ok þat med at eitt silfrker. þat sem sealfr hann atti.  
skyldi hann láta<sup>10</sup> nidr i hueitissekk hins yngzla þeirra bróðranna.  
Hann gerdi sem honum uar bodit. ok annan dag eptir<sup>11</sup> at morni  
foru þeir i brott medr ausnum sinum<sup>12</sup> sem þeir uaru bunir.

Joseph let kalla ser radsmanninn. þann tima sem þeir uaru driug-  
um nyfarnir i brott af borginni. ok bad hann fara eptir þeim ok gripa  
þa alla.<sup>13</sup> ok segja sua. Fyrir hueria sauk<sup>14</sup> aumbunit þer þat illu.  
sem ual er vid ydr gert. þat sama ker sem þer hafit stolit aa minn  
herra. af hueriu er<sup>15</sup> hann dreckr dagliga ok er uanr sinn frodleik  
ok frammsyni at fremia ok frammi at<sup>16</sup> hafa. þer hafit gort eitt hitt  
uersta uerk. Hann for i brott ok gordi sem honum uar bodit. let  
gripa þa. ok taladi til þeirra sem fyrr uar sagt. þeir suorudu ok

181.

<sup>1</sup>) lutu, B    <sup>2</sup>) varð, B    <sup>3</sup>) gréét ok tilf. B    <sup>4</sup>) [tilf. B    <sup>5</sup>) þíodum, B  
<sup>6</sup>) samt, B    <sup>7</sup>) [medr þeirri, B    <sup>8</sup>) af, B    <sup>9</sup>) [mest metti þeir, B  
<sup>10</sup>) leggja, B    <sup>11</sup>) [saal. B; tima foru þeir brott, A    <sup>12</sup>) sua tilf. B  
<sup>13</sup>) mgl. B    <sup>14</sup>) grein, B    <sup>15</sup>) sialfr tilf. B    <sup>16</sup>) mgl. B

182. sögdur undraz. er<sup>1</sup> hann [uilldi tala þat.<sup>2</sup> at þeir mundi gort hafa þi-  
likan glöf ok sua haduligt uerk. Barum uær hingat apr af Chanaans-  
landi kaupeyri þann sögdu þeir. sem uær fundum i sekkium<sup>3</sup> uarum.  
sem þu uissir sialfr. ok huersu liklikt er þat at þi. at uer hafim af  
þins herra husi hans gulli stolit ok gripum. Rannsaka oss ok leita.  
Medr<sup>4</sup> huerium uarum er þu finnr þat sem þu leitar. þa se sa drep-  
inn. enn uær adrir skulum uera þins herra þrælar ok þionustumenn.  
Se rett eptir yduarri bön ok bodi segir hann. at sa yduarr se mins  
herra ok minn þionustumadr. medr huerium af ydr er ek finnr kerit.  
enn þer farit<sup>5</sup> lidugir. þeir skundudu nu<sup>6</sup> sem öruggir at taka niör  
sekkina. leysti huerr sem aa iörd kom<sup>7</sup> sinn sekk. rannsakadi hann  
sua alla þa<sup>8</sup> fra hinum ellzta til hins yngzta. ok fann sua kerit i seck-  
inum Beniamins. Vidr þersa syn rifu þeir ok skaru klædi sin af ser  
eptir [sinum uana<sup>9</sup> i hinum krönkuztum tilfellum. hofu sidan upp ok  
klyfudu eyki sina. ok foru sua aprt hinn sama uæg i borgina. ok komu  
fyrir Joseph i þeim sama stad sem þeir hofdu medr<sup>10</sup> hann skiliz.

Gekk Judas þa fyrstr<sup>11</sup> af ollum þeim. Ok þegar sem þeir komu  
þar. þa fellu þeir allir framm fyrir hann allt nidr a iörd. Hann taladi  
sua<sup>12</sup> til þeirra. Fyrir hui gerdut þer sua. edr uitit þer eigi. at engan  
bidr minn lika i frædi ok frammsyni at reyna eptir þi sem stolit er.  
Liettliga segir Commestor at hann taladi þetta med leik ok kallzi. þiat  
þat er medr aullu umælenda. at hann mundi sinn uisdom eör framms-  
yni medr nokkurs konar uleyfiligri forneskiu fremia.<sup>13</sup> Judas suaradi  
þa. Huat munum uær nu þers mega tala edr moti<sup>14</sup> mæla. sem uær  
uerium<sup>15</sup> oss uidrkueniliga edr rettliga fyrir þersum uarum herra.  
Gud hefir nu fundit ranglæti þinna þionostumanna ok þræla. Se nu  
her. vær erum allir þinir þrælar minn herra. bædi uær ok hann medr  
huerium er kerit fannz. Verði [eigi þat<sup>16</sup> sagdi Joseph. at ek göri  
sua. Sa einn skal minn þionostumadr uera. sem kerinu hefir stolit.  
en þer allir adrir farit i brott lidugir ok frealsir til feör ydars. Judas  
gekk þa [nærrmeirr honum<sup>17</sup> talaudi til hans diarfliga medr þersum  
ordum.<sup>18</sup> Ek bidr minn herra. at þu reidiz mer eigi þinum þionostu-  
manni. ok gefir mer orlof til at ek tali nöckur ord medr<sup>19</sup> sealfan  
þik. þiat þu ert minn herra meðr sealfum konunginum Pharaone. þu

<sup>1</sup>) at, B <sup>2</sup>) [skylldi þat vilia tala, B <sup>3</sup>) sekkum, B <sup>4</sup>) sem þer likar. ok  
meör, B <sup>5</sup>) aðrer seed sykner ok, B <sup>6</sup>) sua tilf. B <sup>7</sup>) ok lauk upp  
tilf. B <sup>8</sup>) rett ok alett hefandi sina rannsoka tilf. B <sup>9</sup>) [þui sem þeirra  
vani var til, B <sup>10</sup>) viðr, B <sup>11</sup>) fyrst, B <sup>12</sup>) þa, B <sup>13</sup>) eör frammi hafa  
tilf. B <sup>14</sup>) vm, B <sup>15</sup>) uerim, B <sup>16</sup>) [þat alldragia, B <sup>17</sup>) [framarr  
meirr, B <sup>18</sup>) eör þersum likum tilf. B <sup>19</sup>) við, B

spurdir oss fyrra tíma sem uær komum<sup>1</sup> her at fedr uarum ok brøðrum. Enn uær suðrudum þer ok sogdum, at ugr attum gamlan fedr hardla ok einn ungan brodur. þann sem hann hafði i sinum ellidomi getit, ok hans sammæddr brodir uæri allr. ok af þi at hans modir átti þaan einn son eptir. þa elskar fadir uárr hann einkannliga hiartaliga, ok þu bauðt oss<sup>2</sup> at færa þer þenna uarn brodur ok sagðiz uilldu sea hann. Hermdi Judas sidan aull ord ok atuik. huersu farit höfðu bæði meðr þeim Joseph. hid fyrra sinn adr þeir færi brott. ok fedr þeirra. þa er þeir komu heim. ok eigi<sup>3</sup> sidr huat [i for<sup>4</sup> meðr þeim sedgunum. adr þeir fengi feðr sins orlof til þers. at Benjamin brodir þeirra fylgdi þeim. Her med hermdi Judas ord fedr sins til sin ok annarra brødra sua segiandi. þer bræðr uitit<sup>5</sup> þat ualsagði Jacob. at ek átti meðr minni husfru [.ii. syni. Rachel.<sup>6</sup> ok sem annarr gekk ut um einn dag. þa sogdu þer. at eitt skogardyr sualg hann.<sup>7</sup> saa ek hann ekki sidan. Nu ueit ek þat. ef þer takit þenna brott ok hafit meðr ydr ok uerdr honum nðckut til meins i ueginum edr yduarri bróttferd.<sup>8</sup> þa munu þer minar hærur ok ellidom meðr harmi til helutliss leiða. Nu ueit ek<sup>9</sup> sagði Judas. ef ek kemr sua heim til fedr uárs. at sueinninn fylgir eigi meðr. ok hann seer hann eigi meðr oss<sup>10</sup> sem ugr göngum fyrir hann. þa man hann deyja af harmi ok helstridi. meðr þi at hans lif er ok stendr þar undir. huersu meðr sueinninn er gðrt. Bydr ek þat. at ek skal eiginliga þinn [þionn uera.<sup>11</sup> fyrir þa sauk at ek tók hann upp aa mina tru. sua framt talandi ok fedr minum fyrirheitandi. at ek skyllða æfinliga<sup>12</sup> vidr hann sealfan sua sem af mikilli syndagerd sekr uera. ef ek flytta eigi sueinninn heim apr til hans. Skal ek fyrir þann skyllð [i hans stað<sup>13</sup> minn herra ydarr þræll ok þionostumadr uera. er ek þer miklu ðruggari þræll ok [þionostumadr til orku<sup>14</sup> enn smásueinn þersi. Enn Benjamin fari heim med brøðrum sinum. þiat eigi megum uær sua fyrir fedr uarn koma. at hann fylgi eigi meðr. ok eigi fær ek þar sua komit. at ek uerdi uátr edr hiauerumadr þeirrar angistar ok aafelliss. sem þa man at honum [koma ok<sup>15</sup> þröngua.

Eptir þersor hans ord fekk Joseph eigi lengr halldit sik. sua at hann kiemiz eigi vid. sua at margir menn uaru hia. Hann baud þa at allir egiptzkir menn skyllði ut ganga af herberginu. til þers at þeir uæri eigi þa vid. er hann uilldi at hans brædr kendi hann. Ok sem<sup>16</sup>

<sup>1</sup>) vorum, B    <sup>2</sup>) einkannlegga tilf. B    <sup>3</sup>) engum man, B    <sup>4</sup>) [er i för, B  
<sup>5</sup>) uitir, B    <sup>6</sup>) [Rachel .ii. syni, B    <sup>7</sup>) honum, B    <sup>8</sup>) brottveru, B    <sup>9</sup>) þat  
tilf. B    <sup>10</sup>) sua tilf. B    <sup>11</sup>) [þræll vera ok þionn, B    <sup>12</sup>) eiginlegga, B  
<sup>13</sup>) [tilf. B    <sup>14</sup>) [orkumadr, B    <sup>15</sup>) [mgl. B    <sup>16</sup>) tilf. B

allir adrir uaru ut gengnir. þa kalladi hann meðr haari röddu. sua at þeir hinir egyptzku ok heimolligir konungsins menn heyrdu sem uti uaru. meðr taarfellingu til sinna brædra sua segiandi.<sup>1</sup> Ek er Joseph. edr lifir faðir minn enn. Vidr þersi hans ord uurdu þeir<sup>2</sup> sua ræddir.<sup>3</sup> at þeir mattu engu uetta suara. Hann taladi þa blidliga ok sætliga til þeirra. ok sagdi sua. Gangit higat til min. Ok sem þeir komu til hans. sagdi hann sua. Ek er sa sami brodir ydarr Joseph. sem þer selldut aa Egiptaland. hirðit eigi at ottaz ok latit ydr nu ecki hardrædi i<sup>4</sup> þickia. er þer selldut mik hegat til þersarra herada. þiat gud sendi mik hegat fyrir aa Egiptaland ydr til hialpar ok heilsu. Sulltr þersi ok hallæri hefir nu uerit um .ii. aar. enn .v. ero eptir. aa huerium er huarki man mega eria ne korn skera. Huat er af yfiruættiss uexti aarinnar Nili. er fellr um allt Egiptaland. ok hennar æsingi<sup>5</sup> truiuz at uordit hafi. Fyrir þa sœk sendi gud mik hegat fyrir. at þer megit enn lengr uera ok uidr halldaz i uerolldinni. ok þer skyldut<sup>6</sup> her mega sædzlur kaupar<sup>7</sup> sealfum ydr til næringar ok uidrlifiss. Var þat eigi mest af yduarri radagerd. utan helldr meðr guds uilia<sup>8</sup> uar ek hegat selldr ok sendr. þess sama sem mik gœrði sua sem faundur Pharaoniss konungs ok herra yfir hans hall ok husi. ok þar meðr höfðingia yfir öllu Egiptalandi. Skundit ok farit heim til fedr mins ok segit honum sua. þersi bod sendi þer sun þinn Joseph. Gud gerdi mik alla Egiptalandz herra ok höfðingia. far nidr þagat til min. at þu megir uel hallda lifi þinu. ok bygg i þeirri bezlu landzins haalfu<sup>9</sup> sem Gersen heitir. ok uerit<sup>10</sup> ihia mer sealf þu ok synir þinir. ok þar meðr suna synir þinir saudir ok annarr þinn busmali ok ganganda fe meðr allri þinni eign. man ek þar sædu ok annan kost fyrir þik leggja. til þers at þu ok hyski þitt ok adrir lutir þeir er þu áátt fyrirfariz eigi. þiat enn eru .v. aar eptir þersarrar krönku tidar ok hallæriss. [Siait þer nu ok sia(l)fer meðr yðrum augum ok broðer minn Benjamin þat sama sem ek talar við yðr.<sup>11</sup> Segit<sup>12</sup> fedr minum sannliga mina dyrd ok mekt meðr audrum þeim lutum sem þer hafit her seed aa Egiptalandi. Skundit ok flytit hann æ sem fyrst higat til min.

Eptir þersor hans ord ok þat er hann hafdi þa sadnat. þa lagdi hann hendrnar upp um haals brædr sinum Benjamin. faðmandi hann sua meðr taarfellingu. at huarr þeirra gret sem annan kysti ok sadmadi. Mintiz Joseph þa meðr taarfellingu uidr alla sina brædr. ok eptir þat þordu þeir at tala uidr hann. For þetta nu ok slaug ok uar skiott

<sup>1</sup>) talandi, B <sup>2</sup>) hans brœðr, B <sup>3</sup>) ok micklum otta slegner tilf. B <sup>4</sup>) þui tilf. B <sup>5</sup>) geingu, B <sup>6</sup>) skyldit, B <sup>7</sup>) faa, B <sup>8</sup>) ok forsis tilf. B <sup>9</sup>) tilf. B <sup>10</sup>) namunda tilf. B <sup>11</sup>) [tilf. B <sup>12</sup>) af þi tilf. B



slæmt um alla konungsins hall. at brædr Josephs uaru þar komner. Vard konungrinn sealfir allgladr vidr þessa sögn ok allt hans heimoligt folk. ok [það Joseph bioða<sup>1</sup> brædrum sinum fyrst at klyfia eyki sina med aullum hinum bezta kost. ok fara sua i moti fedr sinum Jacob.<sup>2</sup> ok flytia sua allt saman þangat til hans a Egiptaland. Skal ek þeim veita ok gefa alla þa beztu luti sem i bidr allri Egipto. taladi konungrinn til Josephs. ok þat sem kiarni<sup>3</sup> er landzins skulu þeir sér til kostarhalldz hafa. Laat þa ok<sup>4</sup> af uarum kost<sup>5</sup> taka ser eyki. uagna ok uistir moti fedr sinum. konum ok börnum ok aullu hans folki. Bid þa fara medr skundan ok flyta ser aptr hegat [æ sem fyrst<sup>6</sup> medr hann feðr sinn. ok lati ekki uætta þar eptir af aullu sinu godzi<sup>7</sup> þi sem þeir eiga. þiat allr Egiptalandz audr skal ydarr uera. Jsraels synir gerdu sem þeim uar bodit. Fekk Joseph þeim uagna ok uistir eptir konungsins bodskap ok aakuædi. Let hann þa bera .iii.<sup>8</sup> hin uenuztu klædi huerium<sup>9</sup> þeirra. enn Benjamin gaf hann .ccc. aurtuga silfrpeninga<sup>10</sup> medr þeim .v. klædum sem bezt uaru af aullum þeim. þilikan kleðnat<sup>11</sup> medr sua miklum ok morgum peningum sendi hann fedr sinum. leggiandi þar til .x. asna. þeir<sup>12</sup> sem honum fluttu af aullum Egiptalandz audæfum. ok adra .x. asna þa sem hueiti braud ok adrar uistir skyldu bera. sua sem þeir uæri<sup>13</sup> i ueginum. Gaf Joseph þa brædrum sinum blitt orlof. talandi til þeirra sua sem þeir [uaru i ueginum. at þeir geymdi at ok reiddiz eigi.<sup>14</sup>

Foru þeir<sup>15</sup> þa i brott at sinni af Egipto ok komu heim til fedr sins aa Chanaanland. ok sögdu honum. at Joseph sun hans lifdi ok uæri þa formadr yfir ollu Egiptalandi. Ok er Jacob heyrdi þetta. þa uar sem hann uaknadi af einum þungum suefni. ok þo trudi hann þeim eigi allt at eins i fyrstunni.<sup>16</sup> Enn sua sem hann sa uagna þa medr ollum þeim gripum ok godzi. sem Joseph hafdi þangat sent. þa endr-lifnadi hans andi. ok sagdi hann sua. Nægiz mer ok þðrf uinnr. efson minn Joseph lifir. Sem hann segdi sua. Ekki hirtir ek sua mikit um þat huerrar<sup>17</sup> stettar hann er. mer nægiz<sup>18</sup> sem hann lifir. man ek fara at sea hann fyrr enn [ek deya.<sup>19</sup>

<sup>1)</sup> [saal. B; band Joseph, A <sup>2)</sup> ok qllu frændliði tilf. B <sup>3)</sup> kiarninn, B <sup>4)</sup> sagði hann tilf. B <sup>5)</sup> kosti, B <sup>6)</sup> [mgl. B <sup>7)</sup> goðz, B <sup>8)</sup> tuau, B <sup>9)</sup> sier-huerium, B <sup>10)</sup> silfrpenninga, B <sup>11)</sup> tilf. B <sup>12)</sup> saal. ogs. B <sup>13)</sup> voru, B <sup>14)</sup> [byriðu sina ferð. Geymit at þer reiddiz eigi. meðan þer erut i veginum, B <sup>15)</sup> tilf. B <sup>16)</sup> i fyrstu, B <sup>17)</sup> mektar eðr tilf. B <sup>18)</sup> þegar tilf. B <sup>19)</sup> [saal. B; hann(!), A

Her segir frá Jacob ok Joseph ok bræðrum hans ok Pharaone konungi.<sup>1</sup>

67. Jsrael bioz<sup>2</sup> til brottferdar af Chanaanslandi meðr öllu sínu gozi ok folki. þíi sem hann átti. ok kom til brunnz þers sem suardaga brunnr heitir. ok fyrri var frá sagt. Fornfærði hann þar gudi þeim sama sem faðir hans hafði trúat aa.<sup>3</sup> Ok eptir þat uitradiz gud honum áá náttar tíma. kallandi hann meðr sealfs hans nafni ok sua segiandi. Ek er hinn sterkazti gud fodur þins Ysaachs. Rædz eigi þu. frá heilðr níðr aa Egiptaland. man ek þagat í for ok fylgiu meðr þer uera. þíat þar man ek þík ok þítt askuemi eina mikla þíod uerða lata. ok ek skal þík þáðan brott flytia þann tíma sem þu mant aptruenda. Joseph skal ok leggja hendr<sup>4</sup> yfir þín augu. Hann fór eptir þat brott frá fyrr nefndum brunni ok fluttiz til Egiptalandz í uðgnum þeim. sem Pharaó hafði sent í móti honum<sup>5</sup> konum ok börnum. Kom hann þangat meðr sunum sínum ok öllu sínu askuemi aa öðrum manadi til annars hallæris ok sulltaráðsins. sua sem .xx. dagar uaru lídnir af þeim manadi. Varu þar<sup>6</sup> þa uordnir nær .lxx. manna meðr Joseph ok .ii. hans sunum. Ok<sup>7</sup> allt hans folk<sup>8</sup> íafnsaman þat sem meðr honum kom í Egiptum uaru .lxxx. manna. Jacob sendi undan sun sinn fyrir til fundar við Joseph. at segja honum kuamu sína í Gersen. Þar er su borg er síðarr<sup>9</sup> uar kollud Thebais. af huerri er hinn heilagi Mauricius meðr sínum kompanum<sup>10</sup> uaru komnir ok kalladir Thebei. J herudum edr endimörkum þessarrar Egiptalandz haalfu. sem Gersen heitir. gerdu ebreskir menn síðarr meirr þa borg af fullkominni kugan ok naugðan Egiptalandz manna. sem Rameses heitir. eptir<sup>11</sup> þí sem nockut<sup>12</sup> man getit uerða af uppruna Moysi.

Kom Joseph í Gersen til fundar<sup>13</sup> við feðr sinn. Ok þegar sem hann sa hann. fagnadi hann honum ok fadnadi grátandi. Taladi Jacob þa til Josephs. Nu man ek gládliga deýia. fyrir þa sök at nu hefir ek þína ásionu seed. ok þu mant lífa eptir mik líðinn. Joseph taladi þa til bræðra sinna ok allz þess folks. sem feðr hans hafði þangat fylgt. Ek man fara at segja Pharaoni. at faðir minn ok bræðr ok allt hans hyski. þat sem aa Chanaanslandi uar. er nu komit<sup>14</sup> upp í mína uernd. Eru þeir öruggrir saudahirdar at<sup>15</sup> geyma íafnual annarra manna hiarda. fluttu þeir hígat meðr sér<sup>16</sup> bæði naut ok saudi ok

1) Af niðrferð Jsraels í Egiptum. capitulum, B 2) byggiz, B 3) ok treyst tilf. B 4) sína hand, B 5) þeim hinum gamla manni, B 6) þat, B 7) En, B 8) tilf. B 9) síðan, B 10) .vi. hundradum .vi. þúsundradum ok .lx. tilf. B 11) tilf. B 12) sua tilf. B 13) móz, B 14) hegat tilf. B 15) ok, B 16) allan sinn smala tilf. B

annat godz þat sem þeir attu. Nu þann tíma sem hann kallar ydr til sín ok spyrr ydr.<sup>1</sup> uid hueria athöfn ok orku þer erot klokaztir. þa skulu þer suara. Vær þeonostumenn þínir höfum íafnan saudageymslumen uerit fra barndomi allt til þersa dags. ok a sömu leid uaru fedr uarir fyrir oss. Fyrir þann skyld skulu þer þetta segia. at þer mættit byggia heimoliga ok einsliga i þersarri<sup>2</sup> landzins haalfu Gersen i brott ifra audrum Egiptalandz monnum. þiat þeir fyrirlita ok hallda alla saudahirda sem afleita. af þi at þeir eta þa ekki giarna. helldr dyrka þeir nockura af þeim sem gud sitt Namonem.

Eptir þat gekk Joseph fyrir konunginn ok sagdi honum. at fadir hans ok bræðr ok allr þeirra busmali. naut ok saudir med aullu þi godz sem þeir attu. uaru nu komnir af Chanaanslandi i Gersen. Hann hafdi þar ok medr ser .v. bræðr sína. hueria er hann skipadi fremzta af aullum monnum fyrir konunginn. Spurði hann sealfr þersa menn. huat þeir kynni bezt uinna. þeir svorudu eptir þi sem Joseph hafði fyrir sagt. ok sogdu sik saudahirda [uerit hafa.<sup>3</sup> ok<sup>4</sup> þeir badu sér ok bui sinu<sup>5</sup> bygdarleyfis. þiat eigi bidr sua mikít gras sakir hallæ-iss aa Chanaanslandi sogdu þeir. at þat megi þrifaz vid. ok af þi bidium uær þrælar þínir. at uær mættim medr þinum boðskap ok bliðu orlofi stadfestaz i landinu Gersen. þiat uær uilldim giarna eigi skiliaz. ok mega sua allir sameiginliga neyta ok niota fodurligrar forsionar. Konungrinn taladi þa til Josephs. Medr þi at fadir þinn ok bræðr eru komnir hingat til min<sup>6</sup> upp aa minar nadir. ok allt Egiptaland er þer sua kunnigt sem þat se þer fyrir augum. þa lát þa þann stad byggia. sem þu ueitz at beztan bidr til i ollu landinu. enn þat er i Gersen. ok faa þeim þa<sup>7</sup> saumu landzins haalfu<sup>8</sup> minna uegna i lén. Enn ef þu ueitz nockura uelkloka menn af þeim uera. þa gðr þa forsiomenn yfir minum hiðrdum. Eptir þat leiddi Joseph fðdur sinn fyrir Pharaonem. ok bad hann standa rett frammi fyrir bonum. Ok eptir þat er hann hafdi blezat<sup>9</sup> honum. þa spurdi konungrinn. huersu gamall madr hann uæri. Hann suaradi. .c. ok .xxx. aara eru minir utlegdar ok lifsdagar. litlir ok dágir. ok eigi komuz þeir enn til minna forfedra lifsdaga. aa huerium er þeir ullægduz. Fyrir þann skyld kalladi Jacob sínar listundir utlegdar daga. at heilagir menn taka þenna<sup>10</sup> ueralldar lifuað sua sem utlegd ok erlending. enn fyrir þi illa. at huerr uitr madr rópar sik helldr enn lofar<sup>11</sup> i sealfs sins tali. enn fyrir þat litla. at þeir komuz eigi til lika hans forfedra lifdaga. [eptir þi<sup>12</sup> sem

<sup>1</sup>) eptir, B   <sup>2</sup>) beztu tilf. B   <sup>3</sup>) [uera, B   <sup>4</sup>) enn þat með at, B   <sup>5</sup>) þar tilf. B   <sup>6</sup>) ok tilf. B   <sup>7</sup>) saal. B; þo, A   <sup>8</sup>) af tilf. B   <sup>9</sup>) sialfum tilf. B  
<sup>10</sup>) lifanda tilf. B   <sup>11</sup>) rosar, B   <sup>12</sup>) [mgl. B

hann sagði. Eptir þetta<sup>1</sup> tal blezadi Jacob konunginum ok gekk sidan<sup>2</sup> i brott.

Joseph fekk feðr sinum ok brøðrum meðr bodi ok forsogn Pharaonis eign i Gersen. þeirri iordu sem bezta beid aa öllu Egiptalandi. fæddi hann þa ok ueitti allan kost. bædi sealfum þeim ok<sup>3</sup> aullu þeirra hyski. þiat sulltr ok hallæri gekk sua nær um allan heim. at huarki kunni i nog at fa braud ne adra sædu. ok þo einkannliga mest aa Chanáanslandi ok Egipto. Let hann saman taka allan þann flarlut ok kaupeyri. sem af<sup>4</sup> badum þersum londum uar uiðr hueitinu gefinn. ok i konungsins fehirdzlu nidr leggiaz ok geymaz. Enn þann tima sem folkit hindradi kaupeyri<sup>4</sup> i moti kostinum. þa kom allr Egiptalandz lydr [fyrir Joseph<sup>5</sup> ok sagdi sua. Faa oss fædzlur nockurar. edr fyrir huern skyld skulum ugr þi helldr deyaia af sullti.<sup>6</sup> sua at þu seair upp aa at kaupeyrinn<sup>7</sup> hindri. Hann suaradi. Ef þer hafit eigi annat uerd edr kaupeyri moti kostinum at gefa. þa rekit higat allan busmala ydarn. ok gef ek ydr þar fyrir fædzlu<sup>8</sup> at sinni. Ok sem þat uar gert. þa gaf hann þeim hueiti moti hestum ok saudum. yxnum ok ausnum. lifdu þeir uidr þann hialpar atstudning sem þeir fengu þar i mot af honum aa þi aari. A næsta aari eptir komu þeir enn fyrir hann ok sogdu sua. Eigi faam uer lengr leynt uárn herra<sup>9</sup> konunginn. at nu er i kost genginn allr uarr kaupeyrir<sup>10</sup> ok busmali. ok sealfum þer er þat kunnigt. at ugr höfum ekki uætta eptir utan iardir ok sealfa oss. Erum ugr nu sealfir ok allt uart godz i ydru<sup>11</sup> ualldi. kaup oss nu konunginum helldr til þræla ok mansmannan. en ugr deyim sua af sulltinum at þu sisir upp aa. Veit oss sidan nockut saad ok frækorn. til þers at iordin leggiz eigi meðr ollu i eydi. ef engi finnz edr sæz saa er hana plægi. Joseph keypti þa allar þær iardir sem i uaru<sup>12</sup> ollu Egiptalandi. þiat huerr sem einn vard um sidir sakir yfiruættis hallæriss at selia sinar fasta<sup>13</sup> eignir. Kom hann sua aullum fasta<sup>14</sup> eignum undir konungdominn ok þar meðr ollu landzfolkinu milli yztu endimarka allz Egipti. utan eigi kennimanna iardir. hueriar er konungarnir höfdu þeim adr<sup>15</sup> ueittar. ok fyrir þann skyld annan at þeim uar skipadr setningr<sup>16</sup> af almenniligum kornhlodum-sér til kostar. þa urdu þeir ecki þröngdir edr þuingadir til at selia sinar iardir.<sup>17</sup> Enn sua sem eigi uar langt hallæriss<sup>18</sup> eptir. taladi Joseph til folksins. þer

<sup>1</sup>) þeirra, B   <sup>2</sup>) þar meðr tilf. B   <sup>3</sup>) aa, B   <sup>4</sup>) kaupeyrinn, B   <sup>5</sup>) [til Josephs, B   <sup>6</sup>) sullt, B   <sup>7</sup>) saal. ogs. B   <sup>8</sup>) fæzlur, B   <sup>9</sup>) sialfan tilf. B  
<sup>10</sup>) hęði tilf. B   <sup>11</sup>) þinu, B   <sup>12</sup>) beið, B   <sup>13</sup>) saal. ogs. B   <sup>14</sup>) Egiptalandz, B   <sup>15</sup>) gefit ok tilf. B   <sup>16</sup>) saal. B; seningr, A   <sup>17</sup>) eignir, B  
<sup>18</sup>) hallærissens, B

sialfir vitit þat uel. at allir þer bædi meðr busmðlum ok qlluun ydrum eignum ok iordum erut [i konungsins eign ok<sup>1</sup> ualldi. See nu ueitir ek ydr aptr allar iardirnar ok busmalann. ok þar med fær ek ydr saadkorn. þa skulut þer alla Egiptalandz iord plægja ok uinna ok sau<sup>2</sup> akra. sua at þer megit sem mestan unning ok áuðxt [saa ok<sup>3</sup> þar af taka. ok fá konunginum hinn .vta. part af aullum aauextinum. enn hina .iiii. lofar ek ydr allt saman til saads ok atuinnu sialfum ydr. bðrnum ydrum ok qdru þi folki sem ydr til heyrir. þeir suorudu. J<sup>4</sup> þinu ualldi er uár hialp ok heilsa herra. Liti gud ok þi<sup>5</sup> miskunn-araugum<sup>6</sup> til uár. þa munum uer glaðliga konunginum þiona. Fra þeim tima hefir iafnliga konunginum lokiz hinn .vü. partr allz aauxtar aa aullu Egiptalandi allt til þersa dags. eptir þi sem Joseph gordi þa rad fyrir ok nu uar fra sagt. utan kennimanna iardir uaru iafnan frealsar ok lidugar af allri konungsins krðf ok skilmála. enn um allar adrar uar þat endiliga sua sem med æfinligu lögmaali sett ok stadfest.

---

Her segir af Asceneth ok Joseph.<sup>7</sup>

68. Þann tima sem Jacob kom i fyrr nefnda Egiptalandz haalfu Gersen. for Asceneth mágkona hans meðr Joseph bonda sinum at finna hann. ok sem hon saa hann. þa undradiz hun huersu fridr ok fagr hann iafngamall madr ok nær ðruasi matti vera.<sup>8</sup> sua sem fyrir ugnleiks skyld ok allz þríflegleiks uæri hann ungr ok aa æsku alldri. Hans hofud uar alhuitt sem snior. skeggit uar ok sniohuitt. ok sua sitt at þat breiddiz<sup>9</sup> um bringuna ok briostit. hann uar sua snareygr sem hans augu uæri gloandi edr gneistar flygi ut af þeim. hans sinar ok herdar. axlir ok armleggir uaru þa enn storliga<sup>10</sup> sterkligir. kne hans ok lærleggir. fætr hans ok folleggir varu þilikir sem risa fætr edr leggir uæri Blezadi Jacob þeim badum hiunum Joseph ok Aseneth ok mintiz uid<sup>11</sup> þau. Enn eptir þat sem þau höfdu snæðt. foru þau heim aptr til sealfra sinna<sup>12</sup> herbergiss. ok meðr þeim .ii. brædr Josephs Simeon ok Leui. þat bar til einn tima. at sua sem konungsins sun Pharaonis sa Aseneth gangandi i [sins feðr<sup>13</sup> herbergi at hann fystiz meðr sua miklum girndarhita til hennar segrdar. at hann taladi til Simeonem ok Leui. bidiandi þa at þeir dræpi<sup>14</sup> brodur sinn Joseph. Enn af þi at hon uar þeim na-

<sup>1)</sup> [konungsins eign ok i sialfs hans, B <sup>2)</sup> sua, B <sup>3)</sup> [mgl. B <sup>4)</sup> Vpp aa, B

<sup>4)</sup> þer, B <sup>5)</sup> saal B; miskunnar, A <sup>7)</sup> Af uelrððum konungs svnar við Joseph. de speculo hyst., B <sup>8)</sup> saal. B; uerda, A <sup>9)</sup> niðr tilf. B <sup>10)</sup> storleg-hans, B <sup>11)</sup> meðr, B <sup>12)</sup> heimollegs tilf. B <sup>13)</sup> [saal. B; sin, A <sup>14)</sup> drepi, B

uenzlat ok hann uildi giarna fáa hennar seer til [eiginnar konu.<sup>1</sup> þa baud hann at gefa þeim þar til mikit goz<sup>2</sup> gull ok silfr. Enn þegar sem hann fann at þeir lyddu ekki aa<sup>3</sup> hans fortölur. þa tok hann ok ropadi Joseph þaleidiss uidr þa brædr<sup>4</sup> Dan ok Gád. sem ambatta synir uáru. at hann sagdiz heyrta hafa Joseph tala þat fyrir feðr sinum Pharaone. at hann skyldi sua fyrir koma þeim. eptir þat sem fadir þeirra uæri allr. at alldrigi<sup>5</sup> skyldu þeir ambatta synirnir arfgengir uerda med eiginkuenna sonum fedr hans. ok hann skyldi þa muna þeim þat er þeir höfðu sellt hann Ysmaelitis. Bad hann þa vid honum sea. eggjandi þa mikilliga<sup>6</sup> at þeir dræpi hann. enn sealfir hann sagdiz skyldu drepa fedr sinn. fyrir þa sök at hann uar sua sem fadir Josephs. Enn<sup>7</sup> aa nockurri nátt<sup>8</sup> sem hann uildi framm hafa komit þui uaanda uerki. þa fyrirbodu þeir menn sem uórdinn helldu. at hann gengi inn. ok sogdu sua til hans. Fadir þinn hefir miok kránkt höfud ok hefir nu þo sofnat allt at eins. ok af þi fyrirbaud hann oss adr enn hann sofnadi. at nöckurr madr gengi inn til hans at sinni. ok eigi þi helldr þo at hinn frumgetni [sun hans<sup>9</sup> kemi til. Brott foru þeir þadan. ok [gengu .i. uel uæpntra karlmanna medr honum.<sup>10</sup> Lettu þeir allir samt eigi fyrr sinni ferd. en þeir fundu Dan ok Gad med hardla morgum uæpnatun karlmonnum til bardaga bunum. veitandi badum þeim Joseph ok Aseneth fyrirsnat i þeim sama stad. sem honum<sup>11</sup> var sagt at þau mundu<sup>12</sup> koma. Nv bar sua til at Aseneth kom i þann sama stað. ok medr henni .dc.<sup>13</sup> ungra karla. Slær þar þegar i bardaga sem þeir mætaz. ok lykr sua. at þeir sem i fyrirsatinni uaru drapu huert manz barn af monnum Aseneth. utan þann einn suein sem medr laupi<sup>14</sup> komz [undan ok<sup>15</sup> aa fund fyrr nefndra brøðra Simeonis ok Leui. ok sagdi þeim þessi tíðindi sem gðr höfðu. Aseneth komz ok brott or bardaganum i einni kerru medr Benjamin brodur Josephs. Simeon ok Leui hölluðu medr sér alla sina menn. þa sem uapnum mattu uallda. ok sattu fastafari eptir þeim sem i fyrirsatinni höfðu uerit. liopu þegar i stad a þa medr harðri atsokn sem þeir komu eptir þeim ok drapu hardla mart folk. Enn þeir bræðrnir Dan ok Gad komuz undan medr flotta ok faaluz i einum þyckum reyrskog.

A hinu .xii. aari höfðingiadoms Josephs i Egipto andadiz Pharao konungr. a huers dögum er hann hófz. þann segir Commestor öðru

<sup>1</sup>) [eiginkonu, B <sup>2</sup>) bæði tlf. B <sup>3</sup>) upp aa þessar, B <sup>4</sup>) .ii. brøðr sine, B <sup>5</sup>) alldregin, B <sup>6</sup>) til þers tlf. B <sup>7</sup>) Ok, B <sup>8</sup>) sua tlf. B <sup>9</sup>) [sialfs hans sun, B <sup>10</sup>) [fengu fimmtíghi uel uæpntra karlmanna til ferðar medr séer, B <sup>11</sup>) þeim, B <sup>12</sup>) myndi, B <sup>13</sup>) .vi. hundrat, B <sup>14</sup>) saal. B; kaupi, A <sup>15</sup>) [i brott, B

nafni kalladan hafa uerit Nefrem. Af hans dauda talar sua i þeirri fræðgn sem gor er af Aseneth. at sua sem Benjamin sat i kerrunni meðr Aseneth. eptir fyrr sagdan bardaga milli konungs sunar ok þeirra bræðranna Simeonis ok Leui. sem nu uar fra sagt. þa sa Benjamin konungsins sun koma i moti ser. ok ælladiz i brott at taka hans brodur konu Aseneth. Hann leypr or kerrunni ok gripr einn stein upp or forsinum. hia huerium er þau oku. ok slær konungs sun meðr hinn vinstra ueg<sup>1</sup> aa halsinn. sua at hann fell þegar i uuit nidr af sinum hesti. sem hann uæri dauðr. Eptir þat sa Benjamin bræðr sina Simeonem ok Leui leitandi þeirra Dan ok Gad. ok þottiz hann þa ðruggr<sup>2</sup> uera. at þeir ælladuz<sup>3</sup> at drepa þa bræðr þeirra.<sup>4</sup> Enn Benjamin hindradi þeirra ferd ok af taldi þat fyrir þeim. Toku þeir þa sun Pharaonis. þar sem hann lá. ok særdu hann a sætr. bundu saar hans ok [fylgdu honum<sup>5</sup> til fedr sins. segiandi honum allan þenna atburð med ordum ok atvikum sem farit hafdi. Þakkadi konungrinn þeim mikilliga þat er þeir höfdu eigi drepit hann. Enn þo do hann af þi sama seari .iii. nattum<sup>6</sup> eptir bardagann. ok litlu sidarr andadiz konungrinn sealfr af þeim harmi ok angist sem hann fekk af sunar daudanum. sua sem hann hafdi .xc. ok .ix. aar. Leyfði<sup>7</sup> hann allt sitt riki Joseph. upp aa þann haatt at hann helldi þi af smasueinsins uegna annars sunar Pharaonis. þerss sem þa uar briostbarn er fadir hans andadiz. Helldi hann þi riki þaleidiss nær .xl. ok .viii. aar. feck hann sidan af höndum ok gaf i ualld þeim sama syni Pharaonis. Var Joseph þo<sup>8</sup> sua framt forsiomadr rikissins med honum. at hann uar hans fadir kalladr um allt Egiptaland. Þionadi hann þa ok [sem fyrr<sup>9</sup> sua uitrliga ok dyggiliga sinum herra. at hann lagdi meðr sinni uitzku<sup>10</sup> allt Egiptalandz folk af nyiu undir hans þrældom ok þionostu.

187.

Her segir af Jacob ok Joseph syni hans.<sup>11</sup>

69. Jsrael bygdi aa fyrr sogdu landi Gersen ok eignadiz þat aukadiz [hann þa<sup>12</sup> storliga<sup>13</sup> miok ok hans afkæmi. ok lifdi þar .xvii. áar. urðu sua hans lifdagar allir saman<sup>14</sup> .c. tirætt .xl. ok .vii. aar. Enn sua sem hann fann at hans daudadagr nalgadiz. þa let hann kalla ser son sinn Joseph. ok taladi sua til hans. Sua framt sem ek

<sup>1</sup>) megin, B <sup>2</sup>) vruggr, B <sup>3</sup>) gtuðu, B <sup>4</sup>) sina, B <sup>5</sup>) [ferðu hann, B <sup>6</sup>) sidarr tilf. B <sup>7</sup>) saal. ogs. B <sup>8</sup>) þa, B <sup>9</sup>) [mgl. B <sup>10</sup>) hueitis sglu mgonum til kostar, B <sup>11</sup>) Af suardaga þeim sem Joseph veitti feðr sinum ok blezaði Effraim ok Manasen. Genesis, B <sup>12</sup>) [saal. B; þat þar, A <sup>13</sup>) storlegans, B <sup>14</sup>) iafnsaman, B

hefir giptu ok gefu fundit ok fengit i þínu augliti. bidr ek at þú leggir þína hand<sup>1</sup> aa mitt lær. iatandi mer þeirri miskunn meðr sannindum ok einfalldleik. at þú skallt eigi iarda mik her aa Egiptalandi. flyt mik<sup>2</sup> hedan i brott af þessu landi ok iarda mik i þeim<sup>3</sup> stad sem feðr uarir<sup>4</sup> eru iarðadir adr. Bad hann fyrir þann skyld þersa. at hinum fyrrum heilagum hofudfedrum uar mikil fyst aa at uera i þeirri iordu greptir. i hverri er þeir uissu fyrir at guds son mundi<sup>5</sup> upp risa. til þers at þeir mætti þa þar meðr sealsum honum upp risa. [Hann sagði honum fra þui. hvar moðir hans Rachel uar iarðat uíðr fyrr nefnda borg Bethleem eðr Effraym. sua sem hann var á vaartima i ueginum af Mesopotamia. sem afsakandi sik vm þat. er hann hafði eigi þar hana iarðat sem hann beiddiz at uera grafinn.<sup>6</sup> Er milli þers stadar sem hann ok allir þeir fedgar med Abraham eru iardadir ok Abrahámium er kalladr .xxx. milna ok þers stadar sem uars herra<sup>7</sup> likamr uar iarðadr<sup>8</sup> ok Caluaria uar kalladr. Joseph iatadi þi meðr suardaga. sem faðir hans beiddi. Eptir þat sneriz Jsrael upp til höfðalagsins. er til austrs horfði. ok dyrkadi gud drottin.

Nockuru sidarr uar Joseph sagt. at faðir hans hafði fengit mikinn siukdom.<sup>9</sup> For hann þa meðr .ii. sunum sinum Effraim ok Manase at finna hann. Ok sem Jacob uar sagt. at Joseph sun hans uar kominn. þa uar þilikt sem hann styrktiz þegar i stad. ok settiz upp i sænginni. En sua sem Joseph kom inn i herbergit til hans. ok hann sa syni hans .ii. ok þo ekki miok giorla. þa spurdi hann huerir þeir ueri. Joseph svaradi. Synir minir eru þeir faðir minn. þeir sem gud gaf mér i þersu landi. Þersir .ii. synir þínir at eins sagði Jacob. skulu mér teliaz ok takaz i [suna stadi<sup>10</sup> undir samri grein sem Ruben ok Simeon. sem þer<sup>11</sup> sædduz fyrr aa Egiptalandi enn ek kemí higat til. Sem hann segdi. at þaleidis mundi<sup>12</sup> huarr þeirra<sup>13</sup> fullgera sína kynkuisl. sem hverr eiginligra sealfs hans suna. Enn allir aðrir þínir synir. þeir<sup>14</sup> sem þú getr at eiga. skulu kallaz ok teliaz undir sealfra sinna brædra [nafni i sinum<sup>15</sup> eignum ok ættum. eptir þi sem þeir eru bornir<sup>16</sup> til. Ok leid þa<sup>17</sup> til mín sagði Jacob. at ek blezi<sup>18</sup> þeim. Maðrinn gerdiz þa ekki miok glauggskygn<sup>19</sup> fyrir elli sakir. Hann mintiz vid þa bada ok fadnadi þa. talandi þa<sup>20</sup> til sunar síns Josephs. þi sidr er ek nu suikinn edr afsuiptr þinni<sup>21</sup> asionu. at þar med

<sup>1</sup>) hænd, B <sup>2</sup>) helldr tilf. B <sup>3</sup>) sama tilf. B <sup>4</sup>) ok forellrer(!) tilf. B <sup>5</sup>) myndi, B <sup>6</sup>) (tilf. B <sup>7</sup>) lausnara, B <sup>8</sup>) i tilf. B <sup>9</sup>) siukleik, B <sup>10</sup>) [sunar stad, B <sup>11</sup>) saal. B; þeir, A <sup>12</sup>) myndi, B <sup>13</sup>) fremia ok tilf. B <sup>14</sup>) þa, B <sup>15</sup>) [saal. B; nöfnusinum, A <sup>16</sup>) uorðnir, B <sup>17</sup>) hegat tilf. B <sup>18</sup>) blezn, B <sup>19</sup>) gloggsynn, B <sup>20</sup>) sua, B <sup>21</sup>) sialfs þins, B



syndi gud mer þitt kyn ok afkuemi. Lutti Joseph þa litillatliga allt nidr til iardar. er hann tok sueinana af fadmi feðr sinum.<sup>1</sup> bidiandi hann sua meðr uegsemð at hann blezadi þeim. skipandi Effraim son sinn honum til uinstri handar enn Manasen til hinnar hægri. Enn Jacob cancelleradi sua sinar hendr af heilags anda uitran. at hann lagdi sina hægri<sup>2</sup> hand<sup>3</sup> yfir hofud Effraim. þers sem yngri uar þeirra brædra. en hina uinstri yfir Manasen er frumgetinn uar. Blezaði<sup>4</sup> badum þeim. eplir þat er hann hafdi sinum höndum umuendat sem hann uilldi. ok sagdi sua. Sa hinn sami gud fedra uarra. sem mik hefir sætt fra minum barndomi allt til þersa dags ok frialsat mik af aullum illum lutum. blezi<sup>5</sup> sueina þersa. Se mitt nafn ok fedra minna nöfn [Abraham ok Ysaach<sup>6</sup> yfir þeim nesnt ok kallat. ok uaxi þeir ok auaxtiz meðr miklum afkuemiss fiolda i uerolldinni. Joseph tok þi nockut sua þungliga. er fadir hans hafdi<sup>7</sup> sina hægri hand yfir hofud Effraim. þreif hann þa til<sup>8</sup> handarinnar ok uilldi letta henni brott af hans höfði ok yfir Manasen. ok sem þat uard eigi gort. taladi hann til fedr sins. Eigi byriar at þu gorir sua. fadir minn. þiat Manases er frumgetinn. legg helldr fyrir [þann skyld<sup>9</sup> þina hægri hand yfir hans höfud. Hann nitadi<sup>10</sup> þi ok svaradi. Ek ueit sun minn. at af þessum man ok margr lydr sædaz ok fiolgaz. enn þo man hans hinn yngri brodir honum meira haaltar uerda. þiat hans kyn ok afkuemi man til mikilla þioda aukaz ok auuaxtaz.<sup>11</sup> Fyllidiz þetta ok framm kom yfir<sup>12</sup> Jeroboam konungi þeim sem af Effraims ætt uar kominn. huerr er fyrstr ríkti yfir .x. Jsraels ættum. Taladi hann þa enn til Effraym. J þer man Jsraels ætt blezad uerda. ok þersi maalshaattr ok ordzkuidr<sup>13</sup> eptir hafdr. Göri gud drottinn sua uid þik sem meðr Effraim ok Manasen. Skipadi hann þa ok setti Effraim framm fyrir Manasen. Sidan taladi hann til Josephs. Se nu man ek deya. en gud sealfir man meðr ydr uera. ok hann man ydr aptir leida til yduars landz ok faudurleifdar. ok af þi gef ek þer umframm adra bróðr þina þann part af Sichima. sem ek uann ok sotta meðr minu suerdi ok boga af hand<sup>14</sup> ok ualldi Amorrei. [*de scolastica hystoria*<sup>15</sup> þenna part keypti hann i fyrstunni af konunginum Emmor meðr .c. lamba. Enn meðr þi at honum uar fyrirgert i drápi Sichimitarum. þi sem [fyrir uar<sup>16</sup> sagt. ok hann hellt honum eigi þi<sup>17</sup> sidr þoat meðr ualldi. þa komz hann fyrir þann skyld sua at ordi. at hann hefði þann sama part af ualldi Amorrei sott ok uunnit.

<sup>1</sup>) sins, B <sup>2</sup>) saal. B; hægð, A <sup>3</sup>) hqnd, B <sup>4</sup>) blezandi, B <sup>5</sup>) ok signi tilf. B

<sup>6</sup>) [Ysaachs ok Abrahams, B <sup>7</sup>) lagði, B <sup>8</sup>) þeirrar tilf. B <sup>9</sup>) [þa sqk, B

<sup>10</sup>) neitadi, B <sup>11</sup>) vaxa, B <sup>12</sup>) meðr, B <sup>13</sup>) sidan tilf. B <sup>14</sup>) saal.

ogs. B <sup>15</sup>) [tilf. B <sup>16</sup>) [fyrri var fra, B <sup>17</sup>) at, B

Er Jacob talaði fyrir sonum sínum.<sup>1</sup>

70. Eptir þat sem nu uar fra sagt kalladi Jacob til sín alla sunu sína. ok taladi sua til þeirra. Komit allir samt hegat til mín. ek man tíu ydr ok fyrir segia þa luti sem a hinum efsztum ok siðarstlum dögum manu frammkoma.<sup>2</sup> komit higat ok heyrit mik Jacob. heyrit fódur yduara Jsrael. Blezadi hann þa mörgum af þeim sem honum þottu þers makligir uera.<sup>3</sup> Enn ollum þeim sagði hann fyrir uel ok spadomliga marga uuordna luti. Hann spaadi líosliga fyrir ok opinberliga af Gydingalandz surdrskiptinghu. þeirri sem löngu síðarr kom framm. ok af þeim steett<sup>4</sup> ok athöfn sem fyrir mundi liggja huers þeirra ætt ok afkuemi.<sup>5</sup> Enn þo spaadi hann berligaz af huarritueggju hegatkuamu Jesu Christi i ueroldina.

Hann taladi sua til sunar síns Ruben. Þu Ruben minn son frumgetinn ok minn sterkleiki. þiat þik gat ek at eiga aa hinum gilldazta minum alldri. uerandi upphaf minnar angistar ok umhyggia<sup>6</sup> við mína sonu. þu hefdir aatt sakir frumburðarins at uera fremztr i fegjðfum ok æztr i allri sæmd ok yfirlæti. Enn fyrir þa sauk at þu framm flautz<sup>7</sup> ok ut helltiz þaleiðiss til herfiligrar lostasemdar. sem þat uatn er sakir æsiligs uaxtar gengr or sínum farueg. þann tíma sem þu komt i suefnklefa þíns fódur saurgandi ok suiuirdandi sealfs hans sæng. [þa mant þu ekki þann avoxt eðr framgang fa.<sup>8</sup>

Þa taladi hann til Simeonem<sup>9</sup> ok Leui. Simeon ok Leui bröðrnir uaru bardagagiðrn ok ufridsöm ranglætiss ker eðr herbergi. fyrir þa sauk at þeir drapu Sichimitas ok grofu murinn eptir sealfra sinna uilia. Komi alldregi mín aund ne<sup>10</sup> aluara við þeirra raad.<sup>11</sup> ok eigi verdi mín dyrð<sup>12</sup> meðr þeirra sueit ok samhelldi. Her<sup>13</sup> birtir hann þat segir Commestor. at þat uerk uar gört utan hans orlof ok uilia. þeirra grimd<sup>14</sup> er böluad sagdi<sup>15</sup> hann. þiat hon er miok þralynd. ok aa saumu leið<sup>16</sup> er þeirra reidi. þiat hon er hörd ok miskunnarlaus. Þetta spadi hann berliga<sup>17</sup> af Jesu Christo. þiat þeir formenn sem scribe uaru kallaðir [meðr Judum.<sup>18</sup> uaru komnir af ætt Simeonis. enn kennimenn af ætt Leui. af huerra radi<sup>19</sup> er sialfr Kristur uar krossfestr. Skilia man ek þa sagdi hann meðr Jacob ok dreifa þeim meðr Jsraels folki. Þessi hans spadomr kom audsyniligha framm. sua at ætt ok afkuemi Leui hafdi ser einsliga eðr eiginliga eigi nockut lutskipti

<sup>1</sup>) Fra þui er Jacob blezaði sonum sínum, B <sup>2</sup>) frammgenger uerða, B

<sup>3</sup>) mgl. B <sup>4</sup>) tilf. B <sup>5</sup>) saal. B; athöfn, A <sup>6</sup>) umhyggi, B <sup>7</sup>) fluttiz, B

<sup>8</sup>) [tilf. B <sup>9</sup>) Simeonis, B <sup>10</sup>) ok, B <sup>11</sup>) qnd, B <sup>12</sup>) saal. B; aund, A

<sup>13</sup>) tilf. B <sup>14</sup>) gigrð, B <sup>15</sup>) seghir, B <sup>16</sup>) tilf. B <sup>17</sup>) fyrir tilf. B

<sup>18</sup>) [tilf. B <sup>19</sup>) ok atkalli tilf. B

i þi fyrirheitna landi. sem Jsraels folk fekk löngu síðarr eptir guds fyrirheiti ok síðan uar Gydingaland kallat.<sup>1</sup> helldr uar hann þar um i bland medr odrum Jsraels ættum. hafandi [sina búi<sup>2</sup> til þess at geyma þar i sinum<sup>3</sup> busmala. Simeons ætt hafði þar ok aa sömu leid ekki lutskipti. utan þat er hon tokz inn i þat lutskipti sem lotnadiz ætt ok afkuemi Jude.

þar næst blezadi hann Jude. talandi sua af honum ok spaandi af ríki Jude. þi sem mörgum manzaulldrum síðarr kom framm. ok einkannliga líosliga af sealfum lausnaranum Jesu Christo. ok sagdi sua. Bróðr þinir munu lofa þik Juda. þinar hendr munu standa ok starfa upp aa þinna uuina haals ok suira. ok þins fedr synir munu þik ueg-sama ok þer uirðing ueita. A þann haalt sotti þu son minn ok upp gekkt eptir brádinni ok<sup>4</sup> herfanginu sem nockurr leonshuelpr. Enn þa er þv huilldiz. lagdiz þu nidr sua sem<sup>5</sup> hans kuendyr lena.<sup>6</sup> Ok huerr man hann uekia edr upp reisa. Eigi man rikissuðndrinn brott takaz af Juda. ok engum mun helldr hertoginn af hans lærum ok ætlegg. þar til er sa kemr sem sendr man vera. Sa hinn sami man uera [biðandi þiódanna heilsa.<sup>7</sup> bindandi son minn uidr uingard sinn<sup>8</sup> 192 ungan eyk ok uidr uinuid sealfs sins ausnu. Sinn stola man hann i uini líta ok lauga. enn möttul sinn i uinbers bloði. Fagrligr ok uænni ero hans augu enn nockut uin. ok hans tenn eru huitari ok biartari enn [nóckurs konar<sup>9</sup> miolk [*de scolastica hystoria*.<sup>10</sup> þat<sup>11</sup> sem Jacob taladi sua af syni sinum Juda. at hans bróðr mundu<sup>12</sup> lofa hann. þa kom framm medr hans kynsmonnum ok afkuemi. þann tíma sem þeir redu fyrstir til af öllu Jsraels folki at ganga framm i hit rauda haf. annan tíma eptir Moýsen. [þa er hann<sup>13</sup> fekk ríki. En þar merkir hann ok fyrirspáar þeirra ualld ok ríki. þat sem síðarr kom framm. er hann sagði sua. Þin hönd man [standa ok starfa<sup>14</sup> upp aa þinna uuina háals ok suira. ok synir sealfs þins fedr manu þik uirða ok uegsama. Enn þar sem hann nefndi Judam edr uidriafnadi leonis<sup>15</sup> huelpinum. noteraði hann höfud ok upphaf konungdomsins af hans ætt ok afkuemi. þiat Dáuid minztr ok yngztr allra sinna bróðra uar einn af aullum þeim til konungs tekinn ok ualdr. Ok enn taladi Jacob sua til Judam. Vpp stett þu til bráðar edr ránfengiss sun minn. þiat Dáuid konungr af hans ætt kominn hafði i fyrstu hardla marga uuini ok motstöðumenn. Enn sem þu huilldiz sagdi Jacob. lagdiz þu sem hans

<sup>1</sup>) bqlvat, B <sup>2</sup>) [uesla smabgi, B <sup>3</sup>) sinn, B <sup>4</sup>) edr, B <sup>5</sup>) sialfs tilf. B <sup>6</sup>) leena, B <sup>7</sup>) [saal. B; biðiandi þiódanna heilsu, A <sup>8</sup>) fola tilf. B <sup>9</sup>) [mgl. B <sup>10</sup>) [tilf. B <sup>11</sup>) þar, B <sup>12</sup>) mundi, B <sup>13</sup>) [þar sem hann óðlaðiz þa ok, B <sup>14</sup>) [starfa ok stunda, B <sup>15</sup>) leons, B

léna. noterandi þat ok fyrirspáandi. at hann ríkti síðarr meðr meira frídi. ok þa uar storlíg<sup>1</sup> mikill otti at honum. Huerr man hann upp uekia. þat lalar hann til spadoms ok þers anda sem Dáuid uar af sealfum gudi sendr ok gefinn. Sua ma þat ok<sup>2</sup> uel skilíaz ok segíaz af arftæki<sup>3</sup> sunar hans Salomonis. Egi man ríkisuðndrinn. þat er konungdomrinn edr höfðingskaprinn. brott takaz af Juda ok hans afkuemi. allt til þers tíma sem sá mun koma sem af [fedrnum man sendr uera.<sup>4</sup> þat er Jesus Christus. Allir þeir konungar sem meðr Judum ríktu uaru kynsmenn<sup>5</sup> Jude fra Dáuid honum til töldum. allt til hinnar miklu herleidingar [i Babilonem.<sup>6</sup> Vpp fra þeim tíma varu hertogar ok adrir höfðingar af hans ætt. allt framan til tíma Hircan<sup>7</sup>. ok þa uaru enn konungar af kyni Jude nærri<sup>8</sup> uárs herra hígaburd. sem Jacob hafði fyrir sagt. Lyktaðiz<sup>9</sup> þeirra ueralldar ríki. sua sem hinn illi konungr Herodes af odrum ættum getinn kom til ríkiss. ok hann sealfr mun biðandi<sup>10</sup> manna. eigi at eins Juda utan<sup>11</sup> íafnual heidinna þjóða. heilsa uera. Eptir þat uendir hann talinu til Judam sins sunar af hingatkuamu Jesu Christi. sua segiandi. Sinn ungan fola mun hann víd uingard binda sun minn. ok sína ausnu meðr<sup>12</sup> uinuíð. þat er sua mikit at segia. at [sá man<sup>13</sup> ser huarttueggia heidinna manna lyd ok Juda samtengia sem sannr uinuíðr.<sup>14</sup> J uini man hann sinn stola lauga ok líta. ok sinn móttul man hann ríða í uinbers blódi. þat er. at hann man í pínígu af blóds uthellíngu líta ok lauga sinn líkam. Hans augu. þat eru<sup>15</sup> postolarnir. eru uenni enn nöckut uin. ok hans tenn heilagir predícarar eru míolkinni huitarí.<sup>16</sup>

Þar næst taladí hann ok spáði af Zabulon ok sagði sua. A síofar ströndu ok uídr skipa lending edr uppsáat man Zabulon byggia ok nalgaz sua allt til<sup>17</sup> Sydonem. Ma þersor ord uel eptir þi sem letrít líodar af Zabulons ætt skilía. þíat hon eignadíz síobygdír.

Eptir þat taladí hann sua af Ysachar. Ysachar<sup>18</sup> sterkr asní huílandi sík ok líggiandi víd landamæri sá at huílldín uar god ok at íördín uar hardla fréo ok god. Fyrr þann skýlld kalladí Jacob Ysachar sterkan sem asna. at hans ætt ok afkuemi uaru míklir orkumenn. eínkannlíga til [akrs ok annars íardarplógs.<sup>19</sup> enn fyrr þa greín líggia meðr landamæri. at þersor ætt eignadíz mest mítt landít míllí síobygdar<sup>20</sup>

<sup>1</sup>) storlegana, B <sup>2</sup>) tilf. B <sup>3</sup>) arftöku, B <sup>4</sup>) fedr(n)um er sendandi, B <sup>5</sup>) ok afkiemi tilf. B <sup>6</sup>) [Babilonis, B <sup>7</sup>) saal. B; Hircanij, A <sup>8</sup>) fyrir, B <sup>9</sup>) þa tilf. B <sup>10</sup>) saal. B; biðandi, A <sup>11</sup>) helldr tilf. B <sup>12</sup>) uíð, B <sup>13</sup>) [sua man sna, B <sup>14</sup>) er tilf. B <sup>15</sup>) er at skilía, B <sup>16</sup>) de Gen. et scolastica hystoria tilf. B <sup>17</sup>) tilf. B <sup>18</sup>) verandi tilf. B <sup>19</sup>) [íarðplógs ok akrgíordar, B <sup>20</sup>) síobygdá, B

ok fiallbygðar.<sup>1</sup> Enn þat fylgir. at hann saa at iðrdin uar hardla god ok freo. [enn þat sidarst.<sup>2</sup> at hann setti sina ðxl ok herdar undir byrdar. at hann þionadi ok sinnadi sköttum. Sagði. hann fyrir þann skyld. at Ysachars ætt flutti þann kost frækiliga ok þrífuga<sup>3</sup> meðr mikilli mæðu til siofar. sem af seolfum<sup>4</sup> þrífnaði uar nogr i þeirra hálfum ok herudum. Enn fyrir þi sagði Jacob [at hann þionadi sköttum.<sup>5</sup> at þeir annaðu<sup>6</sup> miok ok sintu skipum þeim sem skatta fluttu. Ebreskir menn skyra þetta meðr annars haattar skilningu ok segia. at þersi ætt starfadi nætr ok daga stadfastliga i sinni stundan.<sup>7</sup> fyrir huern skyld er þeir segia. at allar adrar Jsraels ættir þionadu honum presenterandi margar godar gjafr sem sinum meistara.

Eptir þat taladi hann af Dan ok sagði sua. Dan man dæma sinn lyð. sua sem ðunnur Jsraels ætt. Verdi Dan höggormr i ueginum ok aa stiginum. sa ormr sem cerastes heitir. bitandi sua hestzins hófa. at sa falli aa bak aptr sem [ua honum<sup>8</sup> sitr. Þetta fyllðiz ok framm kom meðr Samsoni sterka. sem hann segði<sup>9</sup> sua. þo af<sup>10</sup> Dan uerði<sup>11</sup> litils haattar ætt. þa man þo allt at eins<sup>12</sup> af henni<sup>13</sup> domandi upp sæðaz yfir Jsraels folki. sua sem af odrum ættum. sem þaleidiss man uegunum<sup>14</sup> uardhald uera.<sup>15</sup> sem nefndir ormar coluber ok cerastes. til þers at eigi gefiz Jsraels uinum freals gangr at leita<sup>16</sup> sua meðr auðn<sup>17</sup> ok ufridi nöckurum Judeam sem [fyrri. ok<sup>18</sup> ofbelldi Philistinorum man hann bakferla ok aptrkast lata fá. Enn þo at hann se sua. þa er hann þo eigi Cristus. huar fyrir er Jacob leggr þetta þar til. Allt at eins man ek<sup>19</sup> þitt hialprad bida drottinn minn. Þetta skal<sup>20</sup> skiliaz ok skyraz af Anticristó. þiat af Dans ætt man hann sæðaz hegat i uerolldina. huerr er meðr prædicannar<sup>21</sup> ordum bite<sup>22</sup> sem coluber. ok meðr ofbelldis horni man moti helgum monnum uapnaz. sem cerastes. þiat marga þa man hann aa bak aptr fella. sem i kraplanna hæd ok heilagleik hafa adr upp stigit. ok þa man sa hialparinn koma [til hins efzta doms.<sup>23</sup> huers er langan tíma hefir bidat<sup>24</sup> uerit.

Þar næst spaadi hann af syni sinum Gaad. ok sagði sua. Gáth<sup>25</sup> man suerdi gyrdr edr léttbuinn beriaz fyrir hans skyld. ok hann sealfr man um bakit aptr suerdi gyrdaz. Þat fyllðiz sua meðr frammkuemd. at Gaths ætt<sup>26</sup> aluæpnt<sup>27</sup> með halfri Rubens ætt ok Manase

<sup>1</sup>) fiallbygðarennar, B   <sup>2</sup>) [ok enn siðarr, B   <sup>3</sup>) þrífulegha, B   <sup>4</sup>) sialfra þeirra, B   <sup>5</sup>) [hann sköttum þionanda, B   <sup>6</sup>) saal. B; andzakadu, A   <sup>7</sup>) staderan, B   <sup>8</sup>) [hann, B   <sup>9</sup>) saal. B; sagði, A   <sup>10</sup>) at af, B   <sup>11</sup>) saal. B; uęri, A   <sup>12</sup>) a seomu leið tilf. B   <sup>13</sup>) sua tilf. B   <sup>14</sup>) veghinum, B   <sup>15</sup>) ueita, B   <sup>16</sup>) fara, B   <sup>17</sup>) auði(!), B   <sup>18</sup>) [saal. B; fyrir, A   <sup>19</sup>) saal. B; hann, A   <sup>20</sup>) sua tilf. B   <sup>21</sup>) predicanarennar, B   <sup>22</sup>) tilf. B   <sup>23</sup>) [tilf. B   <sup>24</sup>) beðit, B   <sup>25</sup>) Gad, B   <sup>26</sup>) gekk tilf. B   <sup>27</sup>) aluapnut, B

for<sup>1</sup> framm fyrir allt Jsraels folk a þat sama land sem gud hafði þeim fyrirheitit. sua at hun let konur sínar ok börn eptir fyrir utan Jordan. i þeim herudum ok endimörkum sem henni hafði þar hlotnaz. Ean sua gyrdiz hun<sup>2</sup> sidan um bak<sup>3</sup> aptr. at hon fann þar þa storar orrostur heidinna manna ok sterka bardaga moti sinum monnum. þeim sem hun<sup>2</sup> hafði þar eptir latit fyrir utan áána. sua sem [hun kom fyrst<sup>4</sup> af aullum aptr þagat eptir .xiii. aar lidin. bardiz þa sterkliga moti sinum uuinum ok braut þa undir sik. fellandi sua þat folk ok sina motstöðumenn fra laundum.

Af Asser taladi hann þar næst ok sagði sua. Asser er feitr hleifr ok feit fæzla. ok konungum man hann krasir ueita. þat kom sua framm. at su eign ok landaskipti sem Assers ætt lotnadiz var fréott ok furðuliga auvaxtsamt ok fullt [allt af<sup>5</sup> girniligri giętzku.

Af Neptalims ætt spaadi hann þar næst ok sagði. Neptalim er utsendr hiðrtr [ok gefandi fegrðar<sup>6</sup> malsenda. Fyrir hiartarins skiotleik merkiz iardarinnar skiotleiki. þiat su iðrd getr ok gefr medr sinni frygð ok nægð dyrsta ok dyggari<sup>7</sup> auðxtu. sem sua er uorðin sik. Hennar fagrligir malsendar heyra fyrir þann skyld til fiallinu Tabor.<sup>8</sup> þi sem segiz at i hennar eydimörkum ok lutfalli uæri. at þar bygdu miok heilagir spamenn. ella fyrir þann skyld at af hinum fyrstum fiallzins auðxtum uar iafnan fornfært aa pascha tima. huadan af er guds lof. þat sem utan ef er fegrðar tal. uard einkannliga. Heyrir þat<sup>9</sup> þo sannligarr ok enn sémiligarr af fyrr sögdum skiotleik sealfum Cristi til ok hans postolum. fyrir þann skyld at hann flutti þar i mesta lagi framm sina predican ok heilagar kenningar.

Eptir þat blezadi hann sinum elskuliga<sup>10</sup> syni Joseph. byriandi sua [sina ræðu<sup>11</sup> af honum ok hans afkuæmi. Son minn Joseph er uaxandi ok uænn i asionu. Vaxandi uar hann eigi at eins af<sup>12</sup> tign ok krapti utan ok<sup>13</sup> iafnuel af .ii. paurtum meðr<sup>14</sup> Jsraels ęttum.<sup>15</sup> Dætrnar sagði Jacob. þat eru iungfrur ok annat kuendi. runnu ok reikadu um murinn. J þersum ordum noterar hann þat ok tear.<sup>16</sup> huersu kuendit gekk ut ok spaceraði ser [fyrir þar<sup>17</sup> aa ueginum sem Joseph for ok fluttiz um Egiptaland. til þers at þær mætti hans frygdarsamliga fegrð ok framferdi sia. Ok enn sagði<sup>18</sup> hann sua. Snarpa ok skarpa deilu gordu þeir honum medr þeim aufundar skeytum sem þeir höfðu.

<sup>1</sup>) mgl. B <sup>2</sup>) hann, B <sup>3</sup>) bakit, B <sup>4</sup>) [saal. B; hann kom fyrstr, A <sup>5</sup>) [ngr af allri, B <sup>6</sup>) saal. B; gefandi fegrð. ok, A <sup>7</sup>) dygdugari, B <sup>8</sup>) Thorbor, B <sup>9</sup>) tilf. B <sup>10</sup>) elskuligsta, B <sup>11</sup>) [sitt tal, B <sup>12</sup>) i, B <sup>13</sup>) þar meðr tilf. B <sup>14</sup>) saal. B; af, A <sup>15</sup>) saal. B; ætt, A <sup>16</sup>) téar, B <sup>17</sup>) [þar fyrir, B <sup>18</sup>) seger, B

þersor ord eru talat af sealfs hans bræðrum. ella<sup>1</sup> af egiptzkum monnum. þiat huarirtueggju uapnadu<sup>2</sup> sik um cina stund meðr aufundar skeytlum honum i moti. J [styrkleik séé ok<sup>3</sup> stadfestiz hans bogi segir Jacob. þat er i uars herra uernd ok ualldi. ok fyrir þi leystuz bðndin af [hans bðndum ok armleggjum fyrir hendr uolldugs Jacobs. þat er at sealfr gud. sem ualld ok matlr er Jacobs. leysti þau bðnd af<sup>4</sup> honum. meðr huerium er hans brødr hðfdu bundit hann. Ok enn sagdi Jacob. þadan steig ok ut gekk Jsraels steinn ok hirdir. edr sua sem ebreskir men segia. at þadan gekk ut hirdaligr<sup>5</sup> steinn. þat er sua skilianda. at af hans ætt kom Roboam. sa sem sterkligha styrdi .x. Jsraels ættum. ella skal þat skilia til þers. at hann uar [hirdir ok<sup>6</sup> hðfðingi allz sins fðdur hyskiss aa Egiptalandi. Eptir þetta tal hit lofsamliga Jacobs af Joseph. byriar hann<sup>7</sup> sina blezan uidr hann. ok segir sua. Gud þins fedr<sup>8</sup> man þinn hialpari ok fulltingiari uera. ok almattligr gud [man þik meðr himinsins blezanum ofan at bleza enn neðan at meðr vndirdiupsins<sup>9</sup> blezanum. meðr kuidarins ok briostanna blezanum man hann [bleza þik.<sup>10</sup> Meðr þersum ordum æskir Jacob Joseph himinsins dðgg ok iardarinnar aaubxt. aarligs búss<sup>11</sup> ok busmalans freoleiks. agigtz afsprings ok honum sðmiligs uppfððiss. Ok enn sagdi Jacob. Blezanir þins fodur styrktuz ok stadfestuz meðr blezanum hans fedra. þar til er fyst ok girnd æuinligra halsa man framm koma. þersum ordum heyrir [nockurr til<sup>12</sup> annarr skilningr ok skyring enn þau heyra<sup>13</sup> hlioda. Sua [lesum uer<sup>14</sup> i psalminum. at sua fðgnudu fiollin ok glðdduz sem ueðrar. enn haalsarnir sem fersauda lðmb. Segir hann þetta haalsanna girnd uera. þiat aa nockurum tima sua sem Jsraels folk for nærri þeim sama<sup>15</sup> stad sem Amon heitir ok þeir komu þar at gryttum ok miok uslettum fiallzhálsum. þa [neigðiz nqckvrr partr af þeim.<sup>16</sup> ok sléttiz þi sama folki til [auðuellðligri yfirferdar.<sup>17</sup> sua sem glediandiz ok fagnandi þeirra tilkuamu. ok liettliga at haalf ætt Manase sonar Josephs hafði<sup>18</sup> nærri þeim fiollum lotit sitt lutskipti. Sem hann segdi sua. Man Joseph blezaðr uerda sem ek hefir bedit. þar til er hans ætt ok Jsraels folk man um fagnandi haalsa áá hit fyrirheitna land inn ganga. Ok þi framarr segir Commestor. at hann spáði liettliga af fiallinu Eðfraym ok af fiallinu Samarie. þar sem Jsrael ríkti. Jacob sagdi enn sua. Ok þersar allar blezanir uerdi yfir

<sup>1)</sup> eller, B <sup>2)</sup> þeir fepndu, B <sup>3)</sup> [saal. B; styrkleiks lit, A <sup>4)</sup> [mgl. B

<sup>5)</sup> hirdligr, B <sup>6)</sup> [tilf. B <sup>7)</sup> fader hans, B <sup>8)</sup> eiginleghs tilf. B <sup>9)</sup> [saal. B; meðr heimsins, A <sup>10)</sup> [þik bleza, B <sup>11)</sup> kyns, B <sup>12)</sup> [nqkkut, B <sup>13)</sup> heyrar, B <sup>14)</sup> [sem lesit er, B <sup>15)</sup> mgl. B <sup>16)</sup> [saal. B; neigduz þeir meðr nockurn part af ser, A <sup>17)</sup> [auðvellðligrar vmferðar, B <sup>18)</sup> hafð, B

ok i Josephs [hofði ok i huirði<sup>1</sup> Nazarei. þat er i huirði hans heilags milli sinna brødra.

Sidarst blezadi hann Benjamin sun sinn. þiat hann uar yngztr af aullum hans sonum. ok spaði sua af honum ok hans afkuæmi. Beniamin uerandi skiæðr uargr man um morgindinn þat eta. sem rænt er ok rífsat. enn at kuelldi man hann ránfenginu medr odrum skipla. þeir eru nockurir menn.<sup>2</sup> sem þersor ord uilia fyrir þann skyld af sealfri Jorsalaborg skilia. at hon uar<sup>3</sup> i lutskipti Beniamins ættar. hueria er þeir kalla skiæðan uarg. fyrir þi at hun hellti bædi ut spá-manna blodi ok sua blodi Jesu Cristi. ok af þi at [Jsraels ætt<sup>4</sup> tok aa utferðarmorni sinum af Egiptalandi rífs ok ráán. eigi at eins af þi sama landi. vtan ok þar medr lögmaalit þat sem hann tok sua sem snarat ut af sealfum gudi. ok enn er sua sem hun eti þat sama raanfengi. enn aa ueralldarinnar aptni ok endalykt man hann skilia ok sundrskipta lögmaalsins lifganda skilmingar anda af þi lögmaalsins letri. sem nu drepr ef þat er skyringarlaust skilit. Ebreskir menn skilia fyrr sðgd ord af alltari þi sem uar i Jerusalem. þat sem þeir kolludu skiæðan uarg fyrir öldzins skiæðleik ok gleyping.<sup>5</sup> aa huert er kennimenn settu folksins offránir<sup>6</sup> gudi til þægiligra fornsæringa. Enn at aptni skiptu þeir þeim þörtum sin i milli. sem þeim offraduz<sup>7</sup> af þi sem sórnfært<sup>8</sup> hafdi uerit. Enn þo ero þau rettligaz ok sannligaz skilin af Pali postola. þeim sem af ætt Beniamins uar kominn ok kyniadr. huerr er aunduerda æfi sina gerdi kristnum monnum ufrid. enn aa sidarra tima skipadi hann ok skipti truliga ok trauslliga medr kristnum monnum gudligum maalum ok kirkiunnar grádum ok stettum. Ella<sup>9</sup> taladi hann þau fyrir þann skyld til Beniamins. at hans ætt ok afkuæmi uaru hinir mestu bardagamenn.

Þersa luti sem nu var fra sagt taladi Jsrael<sup>10</sup> fyrir sunum sinum. ok blezadi þeim sérhuerium medr sinum eiginligum blezanum. eigi sua at hann segdi þeim aullum ok sérhuerium goda luti. sem heyrar matti. utan hellðr<sup>11</sup> at hann blezadi morgum ok meira luta af þeim. enn hann taladi uel ok spádomliga af ollum þeim ok þeirra afkuæmi. sem fyrr uar sagt.

<sup>1)</sup> [saak. B; huirði ok i hofði, A    <sup>2)</sup> mgl. B    <sup>3)</sup> varð, B    <sup>4)</sup> [Jsrael, B  
<sup>5)</sup> greypingh, B    <sup>6)</sup> at innu tilf. B    <sup>7)</sup> lotnaðiz, B    <sup>8)</sup> offrat, B  
<sup>9)</sup> ellar, B    <sup>10)</sup> Jacob, B    <sup>11)</sup> þat tilf. B



Her segir af andlati Jacobs ok hans tilskipan.<sup>1</sup>

71. Eptir fyrr sagða luti taladi Jacob sua til sona sinna. [Þat sér ek at ek lidr<sup>2</sup> framm eptir forlögum mins folks ok forellris. ok fyrir þi biðr ek ok byðr. at þer grafit mik ok iardit hia minum fedrum<sup>3</sup> i þeim tuifallda helli. sem i Effrons akri er aa Chanaanslandi moti borginni Mambre. huern er fôdur fadir minn Abraham keypti meðr akrinum ok einginni af þeim sama Effron<sup>4</sup> ser ok sinum ættmonnum til æfnligs graptar. þar sem hann er iardadr ok hans husfru Sára. Ysaach með sinni husfru Rebecche. þar liggr ok min husfru Lya. Ok sem hann hafði þersa luti ok þann fleira bodskap ok heilræði fyrir þeim talat sem honum likadi. þa lagdi hann sina sætr upp i sængina ok andadiz. ok for sua þann sama ueg um daudans dyrr eptir sinum forlögum. sem hans folk ok forellrismenn hófdu fyrir honum farit. Ok sem Joseph sa þat. þa lagdiz hann nidr yfir hans likam ok [hans nasianu<sup>5</sup> ok kysti hann gratandi. Sidan bauð<sup>6</sup> Joseph hinum beztum<sup>7</sup> læknum af<sup>8</sup> ollum sinum sueinum<sup>9</sup> ok þionostumonnum. at þeir skylldu smyria hans likam með aromatibus ok odrum þeing iurtum ok smyrslum sem til uáru. þeir gerdu sua sem hann baud. ok sua uarðueittu Egiptalandz menn hann um .xl. daga.

Þat uar hááttir Egiptalandz gelldinga ok uani.<sup>10</sup> at uardueita um .ix.<sup>11</sup> daga andadra [mikils háttir<sup>12</sup> manna likami osmurda. sytandi þa ok gratandi aa ollum þersum dögum ok sérhuerium. þögu þa þar meðr ok nærdu likamina með uðrmu uatni. til þess at þar af mætti uissuligarr<sup>13</sup> uitat uerda. huart er aundin uæri meðr ollu uidskild likamin.<sup>14</sup> edr uæri hon odruuisi<sup>15</sup> suæfd. Enn smurda likamina uardueittu þeir um [.xl. daga. Ebreskir menn hófdu þann uana. at þeir uardueittu usmurda likamina um .vii. daga. enn smurda uardueittu þeir um<sup>16</sup> .xxx. daga. Nu uardueittu þeir sealfir hinir ebresku ok hirdu likam Jacobs .xxx. enn hinir .xl. sem sagt uar.<sup>17</sup> ok af þi [uurdu þat<sup>18</sup> .lxx. daga sem hann uar af huarúntueggjum<sup>19</sup> geymdr ok gratinn. Kristnir menn syta ok gráta sua um .xxx. daga sina astmenn. (er) þeir segia edr trua meðr truarinnar krapti nærða uera. at þeir segia edr syngia sua marga daga<sup>20</sup> messur fyrir þeirra saalum frammsörnum. Nockurir menn<sup>21</sup> hafa þann háátt. at þeir hallda mest hinn þridia

<sup>1</sup>) Af andlaati Jacob ok líkferð hans i Ebron. de genesi, B <sup>2</sup>) [þer sied at ek líð, B <sup>3</sup>) saal. B; fedr, A <sup>4</sup>) A tilf.: sem hann keypti <sup>5</sup>) [nasianu, B <sup>6</sup>) saal. B; bad, A <sup>7</sup>) saal. B; hæstum, A <sup>8</sup>) ok, B <sup>9</sup>) saal. B; læknum, A <sup>10</sup>) uenia, B <sup>11</sup>) .x., B <sup>12</sup>) [mgl. B <sup>13</sup>) vissulegha, B <sup>14</sup>) likamann, B <sup>15</sup>) qöruviss, B <sup>16</sup>) [mgl. B <sup>17</sup>) varð, B <sup>18</sup>) [varðueittu þeir, B <sup>19</sup>) iafusaman tilf. B <sup>20</sup>) einkannleggha tilf. B <sup>21</sup>) mgl. B

daginn at messusöng<sup>1</sup> ok odrum saalutidum [safir andarennar ok likamans.<sup>2</sup> Adrir hallda hinn .viida.<sup>3</sup> dag framarst. fyrir þa grein at hinir andadu hafi<sup>4</sup> til huilldar<sup>5</sup> seaundar andaz ok frammfarit.<sup>6</sup>

197. Eptir sagdan sytingartimann umlidinn gerði Joseph konunginum Pharaoni kunnigt fyrir sinn<sup>7</sup> sendiboda. huar er hann hafði sinum fedr heitit fastmælum eptir hans bodskap [ok bönarstad<sup>8</sup> af flutninginum ok greplinum iatat. Ok sem hann hafði [harðla gott ok bliðt orlof af konunginum<sup>9</sup> fengit at fara ok flytia sinn fedr aa Chanaansland medr þili-ku<sup>10</sup> fylgi ok föruneysi sem hann sealfr uilldi. sua þo at hann kiemi þegar aptr sem þat uæri gort. þa for hann ok [með honum bræðr hans ok<sup>11</sup> allir hinir fremztu ok hinir buðgugztu Egiptalandz menn heim-olligir af konungsins hall ok herbergi. fluttu þeir medr ser likam Jacobs hafandi mart föruneysi ok miok ualit. hesta marga medr kerrum ok uðgnum. Enn fyrir þann skyld at þeir ottaduz ufrid af landz-monnum. þa sneruz<sup>12</sup> þeir brott af [almennings ueg.<sup>13</sup> komandi framm aa sandi þeim sem liggr uid aana Jordan. er kalladr er Odady. huar er ebreskr lydr murrandi<sup>14</sup> sidan<sup>15</sup> ok moti gudi kigrandi eyddiz ok fyrirforz af gudligum eldi. Gerdu þa enn stadfastliga<sup>16</sup> hans lik-ferd af nyiu ok syttu hann þar mikilliga .vii. daga. huar af er inn-bornir<sup>17</sup> menn þar ðludu sin i milli. at þersi grátr ok sut uar mikil meðr<sup>18</sup> hinum egiptzkum. ok<sup>19</sup> fyrir þi kölludu þeir þann sama stad sid-an Egiptalandz grát. Eptir þat gerdu synir Jacobs sua sem hann hafði bodit þeim. at þeir fluttu hann aa Chanaansland i Ebron ok grofu hann i fyrr sögdum Elfrons helli. ok for Joseph sidan heim aptr aa Egiptaland medr bræðrum sinum ok odru sinu fylgi ok föruneysi.

Her segir fra viðrtali bræðra(!) Jacobs ok Joseph.<sup>20</sup>

72. Eptir þat er Jacob uar allr. ottaduz bræðr hans<sup>21</sup> Josephs. at hann mundi<sup>22</sup> minnaz aa þær miklu meingerdir ok hatr. sem þeir höfdu fyrri tima vidr hann haft. ok tolotu leyniliga sin i milli. at hann mundi þa liettliga giallda þeim ok ombuna liku likt eptir þeirra til-skyllðan.<sup>23</sup> Gengu sidan fyrir hann ok sögdu sua. Fadir uárr<sup>24</sup> baud oss adr hann andadizst. at huerr várr bræðra<sup>25</sup> skyldi þersor ord edr

<sup>1</sup>) sönginum, B <sup>2</sup>) [silf. B <sup>3</sup>) setta, B <sup>4</sup>) saal. B; hafði, A <sup>5</sup>) huilldar-ennar, B <sup>6</sup>) frammlidit, B <sup>7</sup>) sinu, B <sup>8</sup>) [mgl. B <sup>9</sup>) [saal. B; medr fastmælum af konunginum orlof, A <sup>10</sup>) þuilikt, B <sup>11</sup>) [silf. B <sup>12</sup>) sneru, B <sup>13</sup>) [rettum almanna uegh, B <sup>14</sup>) saal. B; muradi, A <sup>15</sup>) sidarr, B <sup>16</sup>) festiflega, B <sup>17</sup>) iambornir, B <sup>18</sup>) þeim tilf. B <sup>19</sup>) tilf. B <sup>20</sup>) Af andlaati Josephs. Capitulum, B <sup>21</sup>) mgl. B <sup>22</sup>) myndi, B <sup>23</sup>) aa-stundan, B <sup>24</sup>) þinn, B <sup>25</sup>) bræðrana, B

þersum lík til þín tala. þann tíma sem hann ugrí allr. Ek bíð þik. at þú minniz eigi aa þann glöf ok illgörðir sem bróðr þínir gerdu þér í mot. Nu bídium ugr þik senniliga. at þú fyrirlaatið oss þíonostumönnum þínum<sup>1</sup> þersi ranglætissuærk ok illgerdir. Joseph komz uid sua at hann táradið. er hann heyrði þersi ord þeirra. Gengu bróðr hans þa nærr meirr honum. neigdu honum ok lutu<sup>2</sup> allt níðr at iorðu sua segiandi. Þínir þrælur ok þíonostumenn eru ugr. Hann svaradi þeim þa. Hírdit eigi þér at ottaz. mundim ugr nockut mega níta edr moti gðra gudz uilia. þér hugsadut mér illt. enn gud uendi þi sua ok snéri fyrir þa grein til gods. at hann uilði mik hefía ok heidra eptir þi sem nu siait þér. ok at ek skyllða landzfolkinu ok mörgum öðrum lydum hialp ok heilsu uinna. Hírdit eigi þér at ottaz. ek skal ydr kostinn gefa ok sæða bæði böðrn yd(u)r ok eigi síðr sealfa ydr. Her meðr huggadi hann þa margfallðliga meðr mörgum blidum ordum ok sögrum fortöllum. Joseph uard sua gamall madr. at hann sa sunu Effraýms<sup>3</sup> allt til [hinnar þríðiu kynkulslar.<sup>4</sup> Afspringi Mathir sunar Manasen uard ok mart um Josephs daga. sua at hann saa þat allt.

Nu at þersum lutum aullum sua fylldum ok frammkomnum. taladi Joseph<sup>5</sup> til bræðra sinna ok frænda. Af þi at gud man uilia yduar. eptir þat sem ek em allr. ok aþr leida<sup>6</sup> til þers sama landz. sem hann hafði<sup>7</sup> adr suarit fedrum uárum Abraham. Ysaach ok Jacob. þa berit bein mín brott<sup>8</sup> hedan meðr ydr. þangat sem þér farit ok ilendiz. Eptir þat sem hann hafði her um sært þa. ok þeir hófdu ueitt honum þar til<sup>9</sup> þílik fastmæli sem<sup>10</sup> honum líkadi. þa andaðiz Joseph sua sem hann hafði .c. aara tírætt ok .x. aar. Var hans líkami þa fyrst smurð med aromatibus ok þar<sup>11</sup> hírdi ok níðr settr í Egipto. ok eigi nockurum<sup>12</sup> stad þadan í brott borinn. allt til þers er Jsraels folk gekk ut ok frealsadið af Egiptalandi. Adrir hans bróðr uáru fluttir aa Chanansland. huerr eptir sitt andlát. ok iardaðir í fyrr nefndum stad Ebron. enn síðan fluttir í borgina Sichem. eptir þi sem Josephus segir.

Her segir af testamentis huersu skiput er(u).<sup>13</sup>

73. Af þi at .xii. synir Jsrael.<sup>14</sup> huerir er íafnlíga heita sua sem þeir eru höfudfedr .xii. Jsraels ætta ok afkuemis. gordu þau testamenta. sem í ser hafa hardla fagríligar ok storlíga<sup>15</sup> opinberlígar ok

<sup>1</sup>) þíns feðr, B <sup>2</sup>) luttu, B <sup>3</sup>) sunar síns tilf. B <sup>4</sup>) [hins þríðia kynkulslar ætleggs, B <sup>5</sup>) sua tilf. B <sup>6</sup>) hedan tilf. B <sup>7</sup>) hefer, B <sup>8</sup>) saal. B; burt, A <sup>9</sup>) vm, B <sup>10</sup>) hann krasði ok tilf. B <sup>11</sup>) sua, B <sup>12</sup>) nekkurn, B <sup>13</sup>) Af testamentis .xii. suna Jacobs, B <sup>14</sup>) Jacobs, B <sup>15</sup>) storlegans, B

auðsynileghar<sup>1</sup> spásagnir af Jesu Christo. sem heyrar ma. hueriar er meistari Robert, byskup af Lincolni. er kalladr uar grossum caput, snaradi nu nyliga af girzku til latinu tungu. þa syniz þat uel tilheyriligt at nockurir lutir af þeim se her sagdir.<sup>2</sup> þeir sem serhuerr<sup>3</sup> taladi i sinu testamento fyrir sinum eignum sunum.

Af testamento Ruben.<sup>4</sup> Huerr man lögmalt kunna fyrir gudi ok diuisera til rettdomis ok fórnfæringa fyrir aullu Jsraels folki. allt til fyllingar ok endalyktar tima Kristz kennimanna höfðingia.<sup>5</sup> huerr er gud drottinn taladi. þi at medr honum ualdi uarr herra at rikia yfir ollum lydum. ok at uirda ok uegsama hans kyn ok afkuemi. fyrir þa sauk at hann man i syniligum bardogum deyia fyrir uara sauk. ok hann man ueralldanna konungr med oss uera. Eptir þat andadiz Ruben.

Testamento Symeon.<sup>6</sup> Hinn mikli gud drottinn Jsraels man sua sem madr iardrikis<sup>7</sup> uitraz. ok medr honum sealfum man hann Adam hialpa. þa manu allir uillu andar undir uerda trodnir. ok þann tima munu mennirnir rikia ok ualld bera yfir skadsamligum andum. Medr gledi man ek þa upp risa. ok hinn hesta gud mun ek þa bleza i sealfs hans stormerkium ok dasamligum lutum. þiat sealf<sup>8</sup> gud man þa mðnnunum<sup>9</sup> hialpa ok þa græða. takandi likam upp aa sealfan sik ok etandi sina sæðu medr monnum. Ok lydit nu af þi synir minir Leui. ok<sup>10</sup> munut þer gleðiaz [i Juda.<sup>11</sup> þiat af þeim hinum sqmum [ii. ættum.<sup>12</sup> man oss guds hialpráð upp renna. fyrir þa grein at gud man kennimanna<sup>13</sup> höfðingia af Leui láta upp risa ok af Juða þann konung sem bæði man uera gud ok madr. Sua man hanu allar þiodir [ok Jsraels kyn<sup>14</sup> upp reisa. Eptir þat sofnadi Simeon sua sem hans fedr ok forellri.

Testamento<sup>15</sup> Leui. Kenniz menn<sup>16</sup> uíðr ok undirstandi<sup>17</sup> segir hann. at gud man rettdomi gera ok yfir manna sonu<sup>18</sup> láta koma. fyrir þann skyld at sua sem steinarnir sundr rifna. enn solin sortnar. uðtnin þorna. enn elldrinn óttaz ok sloknar. ok þar medr ruglæz aull skepna. vsyniligr andar fyriruerdaz ok bráðna. enn<sup>19</sup> heluiti uerdr rænt aa piningartima hins háleitazta. þa munu mennirnir eigi at sidr [rangtruandi stadfestaz<sup>20</sup> i sinum ranglætisuerkum. fyrir huéria til-skyllðan er þeir munu medr piningu fyrirdomaz.<sup>21</sup> Ok enn nockuru

<sup>1)</sup> saal. B; nauðsynligar, A <sup>2)</sup> ok i settir tilf. B <sup>3)</sup> þeirra tilf. B <sup>4)</sup> þessor orð eru af testamento Rubens ok Simeonis, B <sup>5)</sup> ok enn litlu síðarr tilf. B <sup>6)</sup> Testamentum Simeonis, B <sup>7)</sup> iardriki, B <sup>8)</sup> mgl. B <sup>9)</sup> mannum, B <sup>10)</sup> þa tilf. B <sup>11)</sup> [Jude, B <sup>12)</sup> [mgl. B <sup>13)</sup> koma ok, B <sup>14)</sup> [tilf. B <sup>15)</sup> Testamentum, B <sup>16)</sup> mgl. B <sup>17)</sup> undirstandi, B <sup>18)</sup> frammi tilf. B <sup>19)</sup> tilf. B <sup>20)</sup> [saal. B; truandi ok stadfestandi, A <sup>21)</sup> forðemaz, B

sidarr sagði hann sua. Ek undirstod ok skilda nu synir minir af script Enochs ok hans ritningu. at þer munut i ueralldarinnar endalykt vmilldliga gera leggiandi meðr allri illzku hendr aa uarn herra. munu ydrir bróðr ok frændr þa hneykiaz ok suuiurdaz i ydr ok ydrum gerdum. ok man þar af meðr ollum þiodum uerda mikit spott ok skalkheidr. þiat uissuliga man ydarr fadir Jsrael reinn uera af aullum umilld-leik kennimanna höfðingia. þeirra sem<sup>1</sup> hendr munu leggja aa heimsins hialpara ok grædara. Ok enn sidarr segir hann. Huat munu allar adrar þiodir þa gera. ef<sup>2</sup> þer myrknit ok blindiz meðr vmilldlek. ok ef þer leidit inn böluar yfir ydart kyn ok afkuemi. uiliandi drepa þann ok deyda sem sua uar sem heimsins lios. fyrir þeirra skyld meðr yðr gefit til þers at lysa ok birta huern sem einn ueralldar mann. lærandi þau bodord sem gagnstæðlig uaru gudligum rettlætum. Ok enn segir<sup>3</sup> hann. Ek hefir skilit i Enochs bok. at um .lxx. uikur manut þer uillaz ok kennimannzskapinn<sup>4</sup> suuiurda enn fornfæringar<sup>5</sup> saurga ok afurda.<sup>6</sup> lögmaalit manut þer eyda ok<sup>7</sup> hafna spámanna sögnum.<sup>8</sup> meðr ranglæti manut þer rettlatum monnum ufrið gera ok millda menn manut þer hata. sannorðra manna malsenda manut þer afrækiaz ok afurda. Enn þann sem endrnyiar lögmaalit meðr þers krapti sem háleitaztr er. munu þer uillumann kalla. ok at sidarstu munu þer hann drepa. eptir þi sem þer manut ætla. uuitandi hans upprisú. takandi hans saklaust blod af yduarri illzku<sup>9</sup> yfir yd(u)r höfud. Fyrir hans skyld munu ydrar helganir böluadar ok eyddar uerða allt nidr at iðrðu.<sup>10</sup> ok eigi man nockurr yduarr staðr reinn uera. enn meðr heidnum þiodum man hann uera til [bannanar ok<sup>11</sup> bauluanar ok til ðruilnanar. þar til er hann sealfir man uitia ydar annan tima. ok þa man hann miskunnandi meðr tru ok uatni meðr ydr taka.<sup>12</sup> Her meðr segir hann enn sidarr. Þann kennimann man gud drottinn uppreisa.<sup>13</sup> huerium er allir guds maalsendar manu birtaz. ok hann man sannleiksins rettdömi aa iardriki gera. ok um mikinn daga<sup>14</sup> fiolda manu hans himintungl aa himninum þa-leiðiss uppreнна. [sem saa konungr er<sup>15</sup> lysir ok birtir skilningarinnar lios ok dagsins sol.<sup>16</sup> man hann i landanna hring ok heimi miklaz allt til sealfs hans uppnumningar. þersi man aa þann haatt um alla ueroldina skina sem sol. ok oll myrkr man hann nedan af [undir himninum<sup>17</sup> brott taka. ok um allt iardrikit man þa friðr uera. A

<sup>1)</sup> sínar tilf. B <sup>2)</sup> er, B <sup>3)</sup> sagði, B <sup>4)</sup> saal. B; kennimanz skipan, A  
<sup>5)</sup> fornfæringarnar, B <sup>6)</sup> suuiurda, B <sup>7)</sup> enn, B <sup>8)</sup> sogum, B <sup>9)</sup> illmennzku, B <sup>10)</sup> golfs, B <sup>11)</sup> [bannaðar, B <sup>12)</sup> saal. B; uera, A <sup>13)</sup> saal. B; syna, A <sup>14)</sup> daganna, B <sup>15)</sup> [saal. B; Enn aa konungr, A <sup>16)</sup> saal. B; lios, A <sup>17)</sup> [saal. B; heiminum, A

200. sealfs hans dogum manu himnarnir glediaz ok iarðrikit<sup>1</sup> fagna. skyin munu þa ok skemtan faa. enn gudlig kenning man sua nogliga<sup>2</sup> framm ueitaz i uerolldinni sem siofar lðgr. ok dyrdar englar manu glediaz af guds aasionu. Medr honum munu himnarnir upplukaz. ok af dyrdar musteri man helgan medr fagrlihri<sup>3</sup> rödd yfir hann koma sua sem af Abraham fedr Ysaachs. hins haleitazta dyrd man [sealfum honum yfir<sup>4</sup> segiaz. ok helganar andi ok skilningar man yfir sealfan hann i uatni huilaz. Gudliga mekt ok miklan man hann [meðr sannleik<sup>5</sup> um allr ok æfi gefa sinum sunum. Paradisar port man hann sealfr upp luka. ok þat suerd sem moti Adam ognar ok hælir man hann standa lata. heilagum monnum man hann gefa at eta af lifs trénu. enn Belial<sup>6</sup> man af sealfum honum bundinn uera. ok sunum sinum man hann uallid gefa til þers at stiga yfir skadsamliga anda ok undir, fotum at troda. Abraham. Ysaach ok Jacob manu þa glediaz. ok þa man ek fagna. ok allir helgir manu medr fagnadi ok gledi skrydaz. [Sidan dó hann.<sup>7</sup>

Testamento Jude.<sup>8</sup> Medr miskunn ok elsku uidr oss enn<sup>9</sup> medr hortekning uidr uuini uara man herra gud uár uitia. Eptir þat man himintungl ydr til fridar [af Jacob<sup>10</sup> upp renna. ok af minu kyni man sa madr sua sem siolf rettlætiss. solin upp risa. sem medr mannanna sunum man medr hoguærleik ok rettlæti ganga ok framm fara. ok eigi nockur synd edr sekt man medr honum finnaz. Yfir sealfum honum manu himnarnir opnaz ok upplukaz til at ueita ok frammsenda heilags fedr blezandar anda. ok miskunnar anda man hann yfir ydr senda. ok medr sannleik manu þer i [sunar stað<sup>11</sup> honum uera gangandi ok frammfarandi bæði eptir hinum fyrstum ok sidarstum hans bodordum. þersi er freo ok getnadr almattligs guds. ok hann er umskipting huers sem eins likama til lifs. þa mun minn rikissuðndr skina. ok af þeirri minni rot man plantanar ker sædaz. af huerri er heidnum þiodum man rettlætis uðndr upp renna til at døma þa<sup>12</sup> ok hialpa ollum þeim sem a uarn herra heita ok kalla.

Testamento Ysacar.<sup>13</sup> Huert sem eitt skogardyr manut þer i þrældom undir leggja. hafandi med ydr himinrikis gud ganganda medr hiartans einfalldleik manna i milli. Sina fætr retti hann framm ok sua do hann.

Testamento Zabulon. þat ueit ek sagdi hann af ritning minna fedra.<sup>14</sup> at þer manut aa<sup>15</sup> sidarstum dðgum fra gudi snuaz. ok

<sup>1</sup>) iqrðin, B <sup>2</sup>) noglig, B <sup>3</sup>) guðlegri, B <sup>4</sup>) [yfer sialfum honum, B <sup>5</sup>) [tilf. B <sup>6</sup>) saal. B; Belian, A <sup>7</sup>) [mgl. B <sup>8</sup>) Testamentum Jude, B <sup>9</sup>) ok, B <sup>10</sup>) [tilf. B <sup>11</sup>) [saal. B; suma(!) stadi, A <sup>12</sup>) mgl. B <sup>13</sup>) Testamentum Ysachar, B <sup>14</sup>) forfedra, B <sup>15</sup>) hinum tilf. B

manut þer þa skiliáz ok sundrskiptaz medr Jsraels folki. ok .ii. konungum munud þer þa fylgia. ok nær alla umenzku munu þer þa drygia<sup>1</sup> ok framnfara um nockura stund. Ok enn nokkuru sidarr segir hann. Eptir þat man rettlætis solin guddrottinn ydr upp renna. man miskunn ok heilsa i hans uengium<sup>2</sup> uera. Sealfr hann man leysa alla hertekning [suna mannanna.<sup>3</sup> enn Belial ok huerr sem einn annarr uillu andi man undir fotum trodaz. ok aullum þioduðn man hann snua til eptirlikingar uid sealfan sik. Þa manu þer sialfan gud sea medr manzins mynd. huerr<sup>4</sup> er hann ualdi ser. herrann Hierusalem man hans nafn þa uera. Annan tima munu þer hann<sup>5</sup> medr ydrum illum ok daligum maalsendum reita ok reidan gera. ok þer manut ut uerda kastadir allt til þers tima sem endalyktin man uerda.

Testamentum Dan.<sup>6</sup> Dan<sup>7</sup> sagði sua. eptir þat sem hann hafði talt ok tint þa daliga<sup>8</sup> luti sem hans syni<sup>9</sup> ok ættmenn mundi<sup>10</sup> henda kunna. Miskunn munu þer fá ok odlaz þann tima sem þer huerfit aptir til guddrottins. ok<sup>11</sup> til sinnar helganar man hann ydr leida gefandi ydr æfniligen frid. Vars herra hialprad man ydr þa af ætt Leui ok Juda upp renna. ok sealfr hann man þa orrostu byria moti Belial. gefandi uarum herudum ok landamærum sigranar hegnd. ok heilagra manna saalur man hann medr herfangi [af Belial<sup>12</sup> brott taka. Vtrulynd hiðrtu man hann snua til guddrottins. enn eylifan<sup>13</sup> frid man hann þeim gefa sem til hans kalla<sup>14</sup> ok [a hann<sup>15</sup> heita. ok med þeim hinum sama munu helgir menn huilaz. Ok i<sup>16</sup> þeirri nyiu Hierusalem munu rettlatir menn glediaz. sem um alla uerolldina man i guds dyrkan uera. Ok alldrigi upp fra þi man Hierusalem eydd uerda. ok eigi helldr Jsraels folk hertekit uerda ne fangit. fyrir þa sauk at drottinn hafandi sitt sidferdi medr monnum man rett i miðiu<sup>17</sup> þeirra i milli [vera. ok<sup>18</sup> Jsraels heilagr medr litillæti ok fatæki yfir þeim rikia. ok sa sem aa hann truir man medr sannleik aa hinnum rikia. Ottiz nu<sup>19</sup> synir minir fyrir þersa grein guddrottin. hugsandi fyrir sealfum<sup>20</sup> yðr moti fiandnum ok hans aundum ok ðrindrekum.<sup>21</sup> Þiat Jsraels lyðr man medr fridi standa moti uuinarins riki. þann tima sem gud nalgaz ok sa engill sem ydr man ueria ok afsaka. þiat þersi er meðalferdar madr milli guds ok manna! Fyrir þetta sama man uuinrinn upp aa þat stunda. at

<sup>1</sup>) giæra, B <sup>2</sup>) saal. B; uegium, A <sup>3</sup>) [saal. B; sinna manna, A <sup>4</sup>) saal. B; huerr A <sup>5</sup>) ok tilf. B <sup>6</sup>) Af testamento Dan Neptalims ok Gads, B <sup>7</sup>) saal. B; Hann, A <sup>8</sup>) saal. ogs. B <sup>9</sup>) sunu, B <sup>10</sup>) myadi, B <sup>11</sup>) inn tilf. B <sup>12</sup>) [tilf. B <sup>13</sup>) eilifan, B <sup>14</sup>) saal. B; falla, A <sup>15</sup>) [saal. B; til hans, A <sup>16</sup>) tilf. B <sup>17</sup>) saal. B; imilliu, A <sup>18</sup>) [saal. B; ok uera konungr, A <sup>19</sup>) at þui tilf. B <sup>20</sup>) sealfa, B <sup>21</sup>) erendrekum, B

snua þeim ollum ok rangsnara sem aa guddrottin kalla ok heita. þat hann uoit þat. at andskotans<sup>1</sup> riki man aa þeim degi lyktaz ok eydaz sem Jsrael man retttuadr uerda.

Testamentum Neptalim. Se her synir minir at ek hefir synt ydr hina sidarstu tima. þat allir þeir manu uerda [framm at<sup>2</sup> koma medr Jsraels folki. ok fyrir þann skyld biodit sua eigi siðr sunum yðrum. at þeir hialpiz af Leui ok Juda. þat fyrir Judam mun heilsa upp renna medr Jsrael. ok i sealfum honum man Jacob blezadr uerda. þat fyrir rikissuðnd man gud birtaz byggiandi manna i millum. til þers at Jsraels kyn hialpiz. ok af heidnum þiodum man hann heidnum monnum saman samna.

Testamentum Gaadh.<sup>3</sup> Leggit [nidr ok latit<sup>4</sup> brott hatr af aundum ydrum ok elskiz medr hiartans rettuise ydar i milli. Talit þer ok eigi sidr þat ok telit fyrir ydrum sunum. at þeir sæmi ok heidri Judam ok Leui. þat af þeim man herra gud Jsraels hialpara ok græðara lata upp renna.<sup>5</sup>

Testamento Asser.<sup>6</sup> Asser taladi sua til suna sinna. Ek uoit þat [fyrir seger hann. at<sup>7</sup> þer munut misgera. ok þer manut i yduarra uuina hendr selldir ok gefnir uerda. ydart land man eydaz ok þer manut dreifaz um .vii. ueralldarinnar horn ok haalfur. [ok i dreifingunni manut þer sua sem unytsamleght vatn fyrirlitlegher ok afseitlegher verða.<sup>8</sup> allt til þers tima at hinn hæsti hialpari<sup>9</sup> man ueralldarinnar uiltia ok [sua koma. at<sup>10</sup> hann man meðr iardneskum monnum eta ok drecka. lemiandi<sup>11</sup> medr leynd<sup>12</sup> fyrir uatnit drekans höfud. [verandi guð meðr manndomi folginn. þerse man healpa Jsrael ok heilan gera ok þar meðr allar heiðnar þioðer.<sup>13</sup> Segit fyrir þa sauk ydrum sunum at þeir mistrui hann<sup>14</sup> eigi.

202 Testamentum Joseph. Ek sa þat sagdi Joseph. at ein mærafandi fagran stola af bisso fæddiz [af Juda.<sup>15</sup> ok af henni for framm ok fæddiz eitt flekklaust lamb. ok aa uinstra ueg lambinu eitt leon. ok aull onnur dyr ædduz medr mikilli aakefð moti þi sama lambi. enn þat sigradi þau ok tortimdi<sup>16</sup> þeim. sua at þau tráduz undir. J þi sama lambi fognudu englar ok menn ok þar medr allt iardrikil. Nu

<sup>1)</sup> ok uuinarius tilf. B <sup>2)</sup> [ok framm, B <sup>3)</sup> Af testamento, B <sup>4)</sup> [af ok kastit i, B <sup>5)</sup> tilf. B <sup>6)</sup> Testamentum Asser, B <sup>7)</sup> [saal. B; at fyrir dreifingunni munut þer fyrirlitligir ok afseitligir uerða. ok, A <sup>8)</sup> [tilf. B <sup>9)</sup> sun, B <sup>10)</sup> [tilf. B <sup>11)</sup> saal. B; lemianda, A <sup>12)</sup> hand, B <sup>13)</sup> [saal. B; sua sem unytsamligt. Vatn man hialpa ok heilan gðra Jsrael ok þar medr allar heiðnar þiodir. uerandi gud medr manndomi folginn, A <sup>14)</sup> honum, B <sup>15)</sup> [tilf. B <sup>16)</sup> tyndi, B



fyrir þessa grein geymit þer at guds bodordum synir minir ok uard-  
ueitit þeim. virdit ok uegsanit Judam ok Leui. þiat guds lamb græd-  
anda<sup>1</sup> meðr miskunn allar þiðir ok Jsraels lyd man af þeim<sup>2</sup> ydr sæðaz  
ok upp renna. ok þers eyli<sup>3</sup> riki man æfinliga uera ok eigi eydaz  
edr um lida.

Testamento<sup>4</sup> Benjamin. Benjamin sagdi sua talandi til  
sinna suna. Geymit at ok uardueitit uars herra bodorðum. allt til þers  
at<sup>5</sup> gud man sitt blezada<sup>6</sup> hialpráád ollum þiðum ueita ok birta. þa  
munut þer sia Enoch ok Noa. Séin ok Abraham. Ysaach ok Jacob meðr  
fagnadi honum aa hægra ueg upp risandi. þa manum uer ok upprisa  
huerr sem einn til sius rikiss. dyrkandi<sup>7</sup> ok uegsamandi þann sama  
himna gud<sup>8</sup> sem her aa iardriki syndiz i mynd lágs ok litillátz manz.  
ok allir þeir munu þa honum samfagna sem honum truðu her i uer-  
olldinni. þa munu ok allir menn upp risa. þersir uissuliga til eilifr<sup>9</sup>  
dyrdar. enn hinir adrir til skemdar ok suiurdingar. Man gud drottinn  
i fyrstu fordöma Jsraels folk fyrir ranglæti uid sealfan hann. [þat  
er<sup>10</sup> þeir<sup>11</sup> truðu hann eigi sinn frealsara ok lausnara uera. þann tíma  
sem hann kom i likaminum til þeirra. Ok þa man hann döma allar þær  
þiðir. huersu margar sem þær uaru. sem honum truðu eigi. sua sem  
hann uiltradz her i uerolldinni. ok Jsraels lyd man hann iafnan med  
þeim uoldum monnum aasaka. sem af heidnum þiðum eru komnir.

Allir Jacobs synir uaru þegar huerr eptir sitt andlát fluttir i brott  
af Egiptalandi ok grafnir i fyrr nefndri Ebron i Effrons helli eptir  
aðgn Josephi. utan bein Joseph sem fyrr uar sagt. enn sidan fluttir  
i borgina Sichem ok þar iardadir. Joseph uar um .v. konunga daga  
Egiptalandz hofdingi. Hinn fyrsti af þeim huerr er Joseph hof ok heid-  
radi fyrsta tíma. er eigi med hinum fyrrum sagnameistarum odru nafni  
nefndr enn Pharao. utan Commestor nefnir hann Nephrem. Annarr het  
Amons. er ríkti .v. áár ok .xx. aa huers .xliida. aari er Jacob andadiz.  
Hinn .liidi. het Thebron. er ríkti .xlii. aar. Hinn .liiii. Amenophes um eitt  
aar ok .xx. Hinn fimti het Mephres. er ríkti um .xlii. aar. aa huers  
hins .ixda. aari Joseph andaðiz. sua gamall sem fyrr segir. Lyktaz  
her hin fyrsta bok Moysi Genesis. enn byriaz onnur su sem Exodus  
heilir.

<sup>1</sup>) saal. B; græðandi, A    <sup>2</sup>) tilf. B    <sup>3</sup>) eilíft, B    <sup>4</sup>) Testamentum, B  
<sup>5</sup>) er, B    <sup>6</sup>) tilf. B    <sup>7</sup>) saal. B; styrkiandi, A    <sup>8</sup>) konung, B    <sup>9</sup>) tilf. B  
<sup>10</sup>) [at, B    <sup>11</sup>) her mgl. 1 Blad i B

Her hefr ok byriaz vpp af annarri bok Moysi. þeirri sem Exodus heitir. ok segir fyrst af [ku]aul ok þrældomi ebre-skra manna.

74. Her hefr frasðgn af annarri bok Moysi. þeirri sem Exodus heitir. Er hon eigi fyrir þann skyld (ðnnur). at hennar frasagnarefni leidiz eigi samfestiliga ok ut greiniz af fyrirfarandi frasðgn Genesis. utan helldr fyrir þat at hans uerk er til þers sundrgreint ok diuiserat i .v. parta. at þeim sem lesa megi sua liettara ok uleiðigiarnara uera. Hefir huerr þersi partr eiginligt bokarinnar nafn ok hennar þyding i sinu nafni. sua sem su bok Exodus er nu byreaz. þiat exodus upp aa girzku er upp aa latinu exitus. enn upp aa norrænu sua sem utferdarbok. þiat hon segir af utferd Jsraels folks af Egipto. huer er af þeirri sqk ok tilgangi byriaz i fyrstu sem her fylgir.

Eptir þat er Joseph uar andadr ok allir hans .xi. bræðr. Ruben. Simeon. Leui. Judas. Ysachar. Zabulon ok Beniamin. Dan ok Neptalim. Gaad ok Asser. huerir er medr sinum fedr Jacob ilenduz huerr medr sinum hiunum ok hyski aa Egiptalandi. þa kom nyr konungr sidarr yfir Egiptum. sua sem þeirra nánazta kynkuisl ok ætt uar aull uordin. þessi uar hinn attandi fra fyrr nefndum Nephrem Egiptalandz konungi. þeim sem Joseph hof fyrst til höfðingiadoms. ok uar hans eiginligt nafn Amenophis. aa huers dogum er Moyses var sæddr. Enn fyrir þa sauk at hann uar af annars háttar ættum ok husi til konungs tekinn enn hinir fyrri konungar. þa uilldi hann uminnigr uera þeirra uelgerninga sem Joseph hafði Egiptalandz monnum gort. hatadi hann ok striddi af þi storliga miok ollu Jsraels afkuemi. at allr Egiptalandz lydr ófundadi medr sealfum honum þa hina ebresku. ok þo einkannliga mest af þersum .iiii. lutum. þat hit fyrsta. at þeir uaru i ollum lutum miklu uisari. enn þat annat at i ollum sinum uerkum ok gerdum uaru þeir miklu hagari ok klokari. þat hit .iii. at þeir urdu at godzinu miklu rikari. þat hit .iiii. at þeirra getnadr ok afspringi uar miklu gilldari ok giptusamligri. Nu af sinni eiginni aufund ok illzku medr audrum saugdum lutum let hann þa hina ebresku marga uega uerda kvalda. ok sagdi sua til sinna manna. Þer siait at Jsraels<sup>1</sup> lydr geriz sua margr at hann er skiott oss ok uaru landzfolki fræknari ok sterkari. komit til at þi ok kreppit hann sua klokliga. at hann fiolgiz ecki. þiat ef hann eflir ufrid ok bardaga oss i mot. þa ma liettliga at hann fylli uárn uuinaflock ok komiz sua brott heda or landinu ok uaru riki. ef sua berr til at þeir beriz uid oss. Til þersa þottiz hann faa ok finna

<sup>1</sup>) r. f. Jsmaels.

orugga klokskapar uel upp aa þann hátt. at hann lagði sua þungar ok erfðar uerkanaudir upp aa þa. at þar af skyldi þeir fyrirleggjaz ok rcki til sambudanna fysaz. Var þersi hin erfða ok hin þunga uerk-naud medr þrennum þyngslum ok þrældomi. sem aa þa uar lagt. Su uar ein. at þeir skyldu ellta leir ok gera tigl. steikia þat ok saman bera. af hueriu er þeir gordu konunginum þær .ii. tialldbuda borgir. sem onnur heitir Phytton enn onnur Rameses. Borgir hofdu þær eigi sidr fyrri kalladar uerit. enn ekki uaru þær þa uid tialldbudir kendar. Enn fyrir þann skyld at þær stodu uid landamæri i Egipto. ok þo ekki ual muradar. þa let fyrr nefndr konungr. huerr er Pharao er kalladr sem allir adrir Egiptalandz konungar. þær ella til þers. at hann uilldi þar iafnan lata uera ual uæpnta uakandi uarðhaldzmenn aa sömu leid sem i tialldbudum. at eigi mætti nockurr madr sinn fót aa Egipta-land setia utan medr konungsins bodskap ok blidum uilia. Varu þær fyrir þa grein tialldbuda borgir kalladar. ella fyrir þa sauk at i þeim uar adr mest fatækra manna bygd þaleidiss sem i tialldbudum uti. Enn sidan aukaduz þeir ok audgaðuz af þeirra aud ok erfði. Ebreska menn skipadi konungrinn til allrar gerdarinnar setningar ok for-sagnar. enn egiptzka menn ok meistara til þers at þeir kueldiz erfð-andi sem mest ok þyldi sem uerst. Önnur þeirra erfðissneyd. su sem konungrinn lagdi upp aa þa. uar eigi sua þungh sem hon uar ful ok þræslig. at þeir skyldu bera þrekk ok leir i laupum i brott fra aullum bæium ok strætum. þar sem þeir uaru. af hueriu er þat er i psalmin-um lesit. Medr uandlaupi þionaðu ok þrækaduz hans hendr. Hit .iiia. þeirra uerk ok erfði uar þat eptir sögn Josephi. at þeir skyldu aar-innar uatn Nili landinu til freoleiks ok aauaxtar ueita um eina stadi ok ymissa ok kringia sidan medr þeirri klokskapar uel<sup>1</sup> umuergiss allar borgirnar. at uðtnin mætti huergi mein gera edr of miok at þeim æsaz. Leiddu þeir hinir ebresku lyktada sina lifdaga i þilikri neyð ok þrældomi nær um .cccc. aara tirætt. Enn þi meirr sem þeir uaru af hinum egiptzkum þröngdir ok þrælkadir. þi frammarri gafogud at þeir freouadiz æ ok fiolgadiz.

---

Her segir fra Pharao konungi ok huersu hann bauð at gera skyldi.

75. Enn sem Pharao saa at hinir ebresku fiolgaduz eigi at sidr. þo at þeir uæri sua þungligha þrælkadir. þa hugsadi hann þeim annan prett ok suikrædi. taladi til þeirra ebreskra manna nærkuenna. sem

<sup>1</sup>) først i A, som det synes, skrevet gerd, men senere rettet til uel.

skipadar uaru fyrir miklum fiolda þers kuendis sem þers haattar embætti höfdu með höndum. onnur þeirra het Sephora enn aunnur Phua. biodandi þeim at huern tima sent þær kiemi aa fædingartimanum til þeirra hinna ebresku. þa skylldu þær drepa sueinbörnin. liuga sidan ok láta sem þær hefði þau sua liflaus sætt. enn meybörnin skylldu þær geyma ok uardueita. Gordi hann þetta bæði fyrir þann skyllt at blaut ok breysk kuenna natura ok tegund malti þeim litit mein gora. enn uilldi at hinir ebresku þionadi lifdi ok lietli allt eptir egiptzkra manna lostasemd ok munudliff. enn ottadiz. ef karlbörnin lifdi. at þeir mundi moti risa hans riki ok röngu ofbelldi. ef þeir freouaðiz ok fiolgaðiz. ok þo mest fyrir þa sök ræddiz hann þat. at einn frammsynn ok foruitri madr. af þeirra tölu sem þar uaru fornfæringa skrifarar kalladir. hafði konunginum fyrir sagt. at aa þeim tima mundi sa madr Jsraels folki sædaz. sem miok mundi leggja niðr ok neisa Egiptalandz riki. ok þar medr mundi hann medr sinum krapti ok kunnattu um framm alla aðra menn uera. Su uar hin þriðia sauk til þessa hans bodskapar. sem teez yfir aunduert gudspiallit heilags Mathei. at siandinn uissi þat fyrir. at Kristr mundi af ebreskra manna kyni sædaz i uerolldina. ok fyrir þat uilldi hann eyda ok niðr drepa þeim lyd. Sinnadi Phraao hans raadum ok þionaði i þersu. Fyrr nefndar nauerukonur fylldu eigi þenna sagdan konungsins bodskap. þiat þær varu gudræddar ok letu þær karlbörnin eigi sidr geymd uerda ok uardueitt. Enn þann tima sem konungriinn liet þær til sin kalla ok spurdi fyrir hueria grein þær gerdi moti hans bodi. þa diktadu þær seer þau andsuðr sem eigi uaru sðnn. ok sðgdu sua at ebreskar konur uaru miklu kienni ok klokari i þers haattar gðrdum ok aatqum enn egiptzkar konur. ok at þær sæddu fyrr enn þær kiemi til þeirra. ok hefði uit til at uinna ser sealfar þann tima sem þær urdu liettari. Ok fyrir þann skyllt at nærkonurnar ottaduz gud. þa segir bokin at hann gerdi þeim hus ok herbergi. þat er sua mikit at segia. at hann let þær audgaz sem adr uaru fatækar. enn himar freouaz ok börn sæda sem adr uaru ubyrea. Augustinus segir þær i þersi sinni lygi leyfiliga<sup>1</sup> misgert hafa. enn Gregorius syniz meirr segia. at þær hafi daudliga misgðrt. hann segir at þeirra godgirnd ok gigtzka<sup>2</sup> hefði uel megat ðmbunaz i ey lifu lifi. ef þær hefði eigi logit. enn nu skiptiz þeirra uerdskylltan ok umuendiz til ueralldligs uerkkaups<sup>3</sup> ok stundligar ðmbunar.

<sup>1</sup>) rett. for likamliga    <sup>2</sup>) her beg. atter B    <sup>3</sup>) verðkaups, B

Fra Pharao konungi ok goðum hans Apis ok Serapis.<sup>1</sup>

76. Nu sem Pharao sa. at hans leynilig flærd ok fyrr sögd [uæ]l komu fyrir<sup>2</sup> minna enn hann ugenti ok uilldi. þa ferra hann sua opinberliga framm i moti þeim hinum ebreskum. at hann byðr<sup>3</sup> hueriu þi sueinbarni sem þeim fæddiz [at hans menn skylldu<sup>4</sup> dreckia [aa ánni<sup>5</sup> Nil. er fellr um allt Egiptaland. sem fyrr uar sagt. Fyrirforuz sua ok tynduz þann tima mikill flóidi ebreskra manna smasucina. at þeim uar drekt eptir konungsins bodskap.

*Scolastica hystoria.*<sup>6</sup> Af þersi hinni grimmligu egiptzkra manna glæpagerd truiz. at gud leti þa falla ok uefiaz i þeirri ueslu uillu at hafa ok hallda Apin<sup>7</sup> fyrir sinn eigin gud ok trua upp aa hann. Apis uar sua uordinn sik sem einn gridungr. eptir þi sem Plinius segir. huerr er hann kallaz sééd hafa. Hann kom aa einum ok audrum ymissum tímum aa uuart af kafi<sup>8</sup> upp or aanni Nil. hafandi eitt biart<sup>9</sup> mark aa hinum hægra bögnum. þilikt sem hornott<sup>10</sup> tungl uæri. Ok þegar sem Egiptalandz folk flyktiz at honum medr söngum ok allzkyns sinum söngfærum. þa fluttiz hann ok hofz sua sem syngiandi i loptit upp yfir þa. ok aa sömu leid foru þeir medr sinum söngum ok leik aa iðrdinni sem hann for medr ser i loptinu. þiat huern tima sem hann rærdiz. þa gengu þeir ok hoppudu. enn þa sungu þeir standande<sup>11</sup> er hann uar kyrr. Enn a þeim sama degi huarf hann þeim. Nockurir menn segia. at hann kafadi upp or aanni ok kom til þeirra meðr samri grein huert aar eptir annat aa halidardegi þers fremzta þeirra guds sem Serapis heitir. huar af er þeir kolludu hann Serapium.<sup>12</sup> enn þat er sua mikit at segia. at þeir hugsa hann Serapi helgan<sup>13</sup> uera. Sumir segia hann hit tiunda huert aar [at eins<sup>14</sup> uitraz hafa. *speculum hyst.* Varu sua þersir .ii. Egiptalandz gudar Apis ok Serapis. sem þeir dyrkaðu mikilliga ok trudu upp aa. Serapis het ok<sup>15</sup> eigi sidr Apis i fyrstinni<sup>16</sup> sinu eignarnafni medan þat lifdi. hann uar sun Phoronei<sup>17</sup> konungs i Grecia ok atti<sup>18</sup> þann brodur sem Egialeus het. huern er hann skipadi fyrir sina fodurleifd eptir hans andlát i þeirri Girklandz haalfu sem Achaia<sup>19</sup> heitir. enn sialfr hann for ok fluttiz medr miklum mannfolda til Egiptalandz. þersi Apis ilendiz i Egipto ok andadiz

<sup>1</sup>) Capitulum fra smasueina druknan ok af Egiptalands godinu Api. af genesi, B <sup>2</sup>) [uelrði uunnu, B <sup>3</sup>) sinum monnum at tilf. B <sup>4</sup>) [skylldi, B <sup>5</sup>) [i aana, B <sup>6</sup>) Af scolastica hystoria ok af speculo hystorale, B <sup>7</sup>) Apim, B <sup>8</sup>) hafi, B <sup>9</sup>) tilf. B <sup>10</sup>) hornutt, B <sup>11</sup>) tilf. B <sup>12</sup>) serapinum eða seraphun, B <sup>13</sup>) helgaðan, B <sup>14</sup>) [tilf. B <sup>15</sup>) tilf. B <sup>16</sup>) saal. ogs. B <sup>17</sup>) saal. B; Pharaoniss, A <sup>18</sup>) ser tilf. B <sup>19</sup>) saal. B; Athia, A

þar. Helldu landzmenn hann ok höfdu sidan fyrir hion fremsta sinnu gud. sua at þeir skipadu þat ok dæmdu stadfastliga. at huerr sem einn sa madr skyldi halshöggguinn uera. sem þat segdi at hann hefði madr uerit. Skyldi ok iafnan i þi hofi sem hann [hafði dyrkadr uerit<sup>1</sup> þat eitt skurdgod uera. [sem sua<sup>2</sup> uæri skorit ok uordit sik sem þat legði medr fingrunum saman aa ser uarrarnar. sua sem teiknandi ok biodandi medr þers háttar þagnarmarki. at allir þegdi um þat at hann hefði madr uerit. Enn fyrir þa sauk lengdu þeir hans nafn ok kolludu hann Serapim. at þeir dyrkadu hann i fyrstunni eptir hans liflát liggianda<sup>3</sup> i ork nockurri edr annarri hirdzlu. sua sem i grðf edr leiði.<sup>4</sup> [þar til er<sup>5</sup> hans musteri uar gort. Kalla þeir þat sarcophagum. enn Girkir saros.<sup>6</sup> sem ugr kollum grðf edr leiði. Var hann af þi sama leiði sem hann uar i fyrstunni eptir andlatit i lagdr<sup>7</sup> sidan Serapis kalladr. undir huers nafni er Egiptalandz lydr sæddi honum til heids ok sæmdar upp einn huitfleckkottan<sup>8</sup> uxa medr morgum lystiligum lutum af sinni hörmuligri uillu ok uantru. huern er þeir kalladu fyrir þann skyld Apim af hans nafni. at hann uar honum helgaðr. ok þeir dyrkadu hann fyrir þi.<sup>9</sup> at þeim syndiz hann af ser gefa audsyn ok opinberlig mörk af morgum eptirkomandum lutum. Enn sem uxi<sup>10</sup> þersi uar daudr ok folkit leitadi hans ok grofz eptir honum. þa fannz þar einn ungr kalfr medr sama lit ok þilikum fogrum flekkum<sup>11</sup> sem hann hafði uerit. þann sem þeir trudu ser dasamliga sysladan ok af Serapi gudliga sendan hafa uerit. Mundi ureinum aundum eigi mikit fyrir<sup>12</sup> uerda at syna [kunni gridungs edr uxa þilika<sup>13</sup> sionhuerfing. sua at hun sæi hana ein saman þann tima sem hun uæri yxna ok hennar burdr byrædiz medr henne. til þers at suikia þa hina egiptzku. sua at af þeirri seonhuerfingarsyn drægi hon þat i sealfum girndarpunctinum at ser. er sidan syndiz i hennar burd likamliga. sua sem Jacob gerdi af þeim mislitum uðndum sem hann setti fyrir saudina Labans. sem fyrr uar fra sagt.

Her segir fra Moyses ok huersu hann var vpp sæddr.<sup>14</sup>

77. Eptir fyrr sagdan konungsins bodskap Pharaonis byreadan. at ebreskra manna born skyldi ut uera borin ok drekt. reis sa madr upp.

<sup>1)</sup> [var dyrkadr, B <sup>2)</sup> [saal. B; sua sem, A <sup>3)</sup> saal. B; leggianda, A <sup>4)</sup> saal. B; hirdzlu, A <sup>5)</sup> [tilf. B <sup>6)</sup> edr soron tilf. B <sup>7)</sup> lagedr, B <sup>8)</sup> huitfleckkottan, B <sup>9)</sup> sem guð tilf. B <sup>10)</sup> oxi, B <sup>11)</sup> saal. B; litum, A <sup>12)</sup> þui tilf. B <sup>13)</sup> [kuanne þilika gridungs edr vxa, B <sup>14)</sup> Af sædingu ok vppræna Moysi. Scolastica hystoria ok speculo hystoriale, B

kómna af vett Leui Jacobs sunar. sem Amram het Gáds son. Amram var sonar sonr Leui. hann gekk at eiga þa konu sem hans bróðrungr var ok Jocabeth het. þiat hun var ok sunar dottir Leui. Þau attu .ii. börn. het sun þeirra Aaron enn dottir Maria. Enn sua sem hann saa. at þetta konungsins bod gekk framm at börnunum var drekt. þa uilldi hann eigi nærri koma eiginkonu sinni. sua at hann byggi med henni. uilldi hann helldr eiga engi börn enn geta þau þegar leidis<sup>1</sup> til dráps ok dauda sem þau uæri<sup>2</sup> fædd. þa uitrædiz gud honum i suefni eptir sögn Josephi ok bad hann eigi ottaz at koma uid eiginhusfru sina. sagði honum at sá sueinn mundi honum<sup>3</sup> fæðaz sem Egiptalandz menn ottaduz ok rædduz. þar medr gerdi hann honum ok nockut kunnigt af kennimannzskap Aarons. Eptir þeirra sambud gat Jocabeth barn at eiga. ok aa tilheyriligum tíma fæddi hon leyniliga sun i heim. Feck hon þat af þi leyniliga gort. at hun hafdi þar til ekki miok þunga edr saara sott eptir annarra kuenna uana. *exodus*. Ok sem hon sa. at sueinbarn þetta var yfiruæltis uænt. þa fal hun þat um .iii. manaði. Enn fyrir þann skyld at hun fekk honum eigi lengr leynt. þa tok hon einn siualan<sup>4</sup> stökk af tágum ok sefi geruan. bræddi hann allan utan medr bik ok tíðru ok lagdi þar i sueininn. lauk aptr sidan ok bio um sem bez kunni hon. bar hann eptir þat til aarinnar. ok skildiz sua uid. at hann flaut framm med aarbakkanum. Gordi hon þat til þers. at hon uilldi giarna at barnit bæriz eigi framm i strauminn i aarmegn- it. þar stod miok langt brott i fra systir sueinsins Maria. eptir þi sem modir hennar hafdi bodit. at hon skyldi þar bida ok sea til huerrar<sup>5</sup> endalyktar þetta leiddi.

So rett i þenna punct gekk nidr þann ueg konungsins dottir Pharonis er Thermith<sup>6</sup> het. þers éyrindis at þuáz i aanni. ok þernur hennar ok þionostumeyiar medr henni. Ok sem þær gengu allar saman framm med aanni. saa þær þenna sama stökk medr sögdum sinum umbuningi flota fyrir ser framm meðr aarbackanum. Bad konungs dottir þa eina sina þionustumey bera sér stockinn. lauk hon upp stokkinum<sup>7</sup> ok sa þar i eitt ugent grátanda sueinbarn. til huers er hon leit miskunnar augum ok sagði sua. þersi sueinn er af ebreskra manna börnum. [*scholastica hystoria*].<sup>8</sup> Sua uænan ok uel fallinn hafdi gud hann skap- adan. at iafnual syndiz hans<sup>9</sup> uuinum ok aufundarmonnum ual uidr- kuæmiligt at hann uæri upp fæddr. Margar<sup>10</sup> konungs dottur þionostu- konur budu barni þersu briost at drekka. enn þat snðriz ifra ok

<sup>1</sup>) leið, B   <sup>2</sup>) voru, B   <sup>3</sup>) henne, B   <sup>4</sup>) sífalan, B   <sup>5</sup>) huers éventyrs ok B   <sup>6</sup>) Thermuth, B   <sup>7</sup>) stokkinu, B   <sup>8</sup>) [*tilf*. B   <sup>9</sup>) *tilf*. B   <sup>10</sup>) hinar egiptasku *tilf*. B

uilldi at engri<sup>1</sup> þeirra miolk þiggia. *genesis*.<sup>2</sup> Fyrr nefnd Maria systir sueinsins uar þar i hia ok taladi til konungs dottur. Villtu at ek kalla þer nockura ebreska konu. liettliga at hann þiggi giarnara briost þeirrar sem hann<sup>3</sup> er samkynia. Hon bad hana ganga. Maria kalladi modur sueinsins ok leiddi hana undir þi uidbragdi<sup>4</sup> sem uskyllda konu ok ukunniga til konungs dottur. Ok þegar sem hun kom. drack hann giarna hennar briost. Konungs dottir bauð henni at taka suein þenna undir hennar uernd heim til sin ok fæda hann upp henni til handa. sagdiz sidan skylldu fullu ðmbuna<sup>5</sup> henni fyrir allan hans kost ok uppfædi. Su sama kona tok medr sueininum. sem hans modir uar. þo at konungs dottir uissi þat eigi. nærði hann ok uppfæddi. þar til er hann uar ual af modur miolk. flutti hann eptir þat til konungs dottur ok fekk henni i hendr. ok þann sama suein gerdi hon ser at oskberni. ok kalladi hann fyrir þann skylld Moysen. at hun hafði hann af uatni medr hialparhendi tekít. þiat mos upp aa Egiptalandz tungu er uatn upp aa uárt maal. enn ys er upp aa norrænu sua sem hialpat.

[*Scolastica hystoria ok speculum hystoriale*.<sup>6</sup> Sua bar til einn tíma at fyrr nefnd konungs dottir Thermith<sup>7</sup> gekk fyrir sinn feðr Pharaonem medr þenna sama suein Moysen. honum synandi ok til þers presenterandi at hann gerdi sueininn sér<sup>8</sup> at oskberni.<sup>9</sup> Konungrinn undradiz miok hans fegrd sem hann saa hann. ok sakir sæmiligs yfirlætiss tok hann sealfs sins coronu<sup>10</sup> af höfði ser ok setti aa höfud sueininum. Enn aa þeirri sðmu coronu uar gðr edr grafin likneskia Hamonis. eins þers guds sem þeir dyrkadu. Smasueinninn greip af höfði ser coronuna ok kastadi brott ok braut i sundr. Konungsins kennimadr af Helyopoleos. sá sem sat hit næsta<sup>11</sup> honum. liop upp kallandi uid þersa gerd Moysi. ok sagdi sua. þenna smásuein eigum uer at drepa. eptir þi sem sealfr gudinn hefir oss synt ok sannliga<sup>12</sup> teed. til þers at uer megim alla gðtu [sidan ual<sup>13</sup> ottalausir uera. Hafði hann þa þegar<sup>14</sup> ætlat at drepa hann. enn hann komz undan medr konungsins hialp<sup>15</sup> ok fulltingi ok eins annars uitrs manz áeggian ok tillögu. þers sem þat tok upp fyrir þeim sem hia uaru. at pilltrinn hefði þetta fyrir uuitzku sakir gðrt enn eigi illuilia. hua er þeir þottuz sua profa satt uera. at þeir baru brennandi glæðr at honum ok uilldu uita huer su honum brygdi uid. Enn hann tok nöckurn part af ok lagdi i munninn aa ser. sua at þar af brann framanuerd tungan hans ok spillt-

<sup>1</sup>) eingarre, B <sup>2</sup>) tilf. B <sup>3</sup>) honum, B <sup>4</sup>) yfirbragðe, B <sup>5</sup>) ambuna, B

<sup>6</sup>) [tilf. B <sup>7</sup>) Thermuth, B <sup>8</sup>) adoptium þat er tilf. B <sup>9</sup>) oskbarne, B

<sup>10</sup>) coronam, B <sup>11</sup>) scalfum tilf. B <sup>12</sup>) sannilegha, B <sup>13</sup>) [vel sidan, B

<sup>14</sup>) i stað tilf. B <sup>15</sup>) healpan, B



iz. haaf af er ebreskir menn segja hann ecki miok malsniállan edr greiðtaladan uerit hafa. Enn sua fagraf ok yfiruættis<sup>1</sup> giptusamligan segir Josephus hann uerit hafa. at engin maðr mundi honum sua harðr edr grinnur uera aðr. at hann mundi honum eigi blezamarord til tala edr eins huers gods bidia. þegar sem hann sæi upp aa hann. ok margir gafuz upp iafnan at sinum gerdum ok gadu eigi annars enn undraz hans fegrð ok sia þar upp áá sem hann uar fluttr um stræti. þar sem mart folk uar fyrir.

Er Moyses for til Blalandz ok huersu hann komz aptf aa Egiptaland.<sup>2</sup>

78. Sua bar til þann tima sem Moyses gerdiz uaxinn maðr. at blalandzkr herra eyddi Egiptaland ok undir sik braut allt til borgarinnar Memphim<sup>3</sup> ok hafsins. af huerri sauk er Egiptalandz menn gengu til frettar<sup>4</sup> uid galldramenn sina huat tiltækiligaz uæri. Fengu þeir þau raad ok andsuðr þar i mot. at þeir skylldu faa ser ebreskan fulltingsmann<sup>5</sup> ok forstiora. Eptir þat badu þeir Thermith<sup>6</sup> konungs dottur. at hon ledi þeim Moysen til ferdarinnar formannz ok hofdingia. Enn þat fehz alldri fyrr<sup>7</sup> ne þááz af henni enn þeir soru þat. at þeir skylldu honum ekki mein<sup>8</sup> gera. Moyses gerdiz þa þegar hinn ðruggazti<sup>9</sup> ok hinn klokazti bardagamadr. Hann tok þat raad. at hann ueitti áána Nilum i nðkkurum stöðum uidara upp aa landit ok gerdi hennar farueg breiðara enn aðr hafði uerit. at hann mætti þar meðr herinn yfir<sup>10</sup> fara. sem hun uar adr ufær. til þers at hann kæmiz sua<sup>11</sup> þann hinn skemra ueginn meðr her sinn aa uuart fyrir þa hina blalandzku. A þurru landi görði hann eigi sidr þa uegu sinu herfolki þaleidis ual færa. sem adr uaru fullir af eitromum. at hann let bera meðr ser i uðgnum þa Egiptalandz fugla. sem ibices ciconie eru kalladir. i þeim kðssum edr hirdzlum sem af sefi edr slyi uaru göruir. þat þeir uaru<sup>12</sup> nærri aanni Nilo. ok reinsa sua sinn kuid at þeir bera meðr nefinu ualnit i baklutinn aa ser sealfum. Ok fyrir þann skyllt at þers haattar fuglar eru miok skadsamligir eitromum. eptir þeirri naturu sem þeim er innborin. þa let hann sla þeim lausum. huar sem hann setti sinar herbudir. at þeir skylldu sua ellta ok eyða<sup>13</sup> eitrukuikendum. þar<sup>14</sup> sem þeir uaru. Malti hann sua ðruggr fara ok flytia sinn her fyrir þa sauk

<sup>1</sup>) vénan ok tilf. B <sup>2</sup>) Capitulum af hinne blaalandzsku konu Thabys ok Moysi. Speculum, B <sup>3</sup>) saal. B; Nephrem, A <sup>4</sup>) fretta, B <sup>5</sup>) maun til fulltings, B <sup>6</sup>) Thermuth, B <sup>7</sup>) fyrri, B <sup>8</sup>) til meins, B <sup>9</sup>) frégiazte, B <sup>10</sup>) hana tilf. B <sup>11</sup>) vm tilf. B <sup>12</sup>) eru þraatt, B <sup>13</sup>) ollum tilf. B <sup>14</sup>) hvar, B

eigi sidr um nætr enn daga. [hvar um landit er honum líkaðe.<sup>1</sup> Kom hann fyrir þenna<sup>2</sup> klofskap blalendingum miok aa uuart ok bærðiz við þa. enn þeir lögðuz<sup>3</sup> undan aa flotta ok flyðu til halldz ok [ðruggs uigis<sup>4</sup> i þa borg sem konungrinn sealfr sat i ok þa het Saba.<sup>5</sup> hueria er konungrinn Kambises<sup>6</sup> kalladi löngu sidarr af nafni systur sinnar Mheroam.<sup>7</sup>

Vm þersa borg satu þeir Moyses ok hans menn langan tíma. Enn af þi at þat uar nær umattulígt. at hun uyrði unnin. þa fengu þeir ecki uætta at gert. [fyr enn<sup>8</sup> dottir konungsins er þar ríkti ok Thebus<sup>9</sup> het kom augum aa Moysen ok kastadi girndarhug til hans sua framt. at hon gaf honum borgina ok allt þat folk sem þar [var i valld.<sup>10</sup> meðr þeim skilmála at hann skyldi festa ser hana til<sup>11</sup> husfru. Vard þat huarttueggja sua frammengt sem talat uar. Þadan afer þat sem sidarr man [heyra mega.<sup>12</sup> at broðir hans ok systir kaulzudu hann.<sup>13</sup> sem brígzlandi honum þi at hann hefði eiga gengit þa hina blalendzku konu. Enn fyrir þa sök at hon uilddi meðr ongu moti fyrir astar sakir samþykkia hans brottferd. sua sem honum þótti til þers tími uera. þa gerdi hann eptir þeirra manna maneri. sem uisaztir eru upp á himintungla gang ok þar af<sup>14</sup> taka mestan klofskap ok kunnáttu. at hann grof þær .ii. myndir edr líkneskiur aa .ii. gimsteinum. sem sua mikít afl ok nátturu hófdu með ser. at aunnur þeirra ueittli þeim manni hardla mikít minni. um þat framm sem hann hafði ádr af sealfs sins naturugíðf. sem þann stein með sua skapadri mynd bæri.<sup>15</sup> enn onnur gaf ok górdi þeim yfiruættis uminni ok gleymsku sem hinn annan bæri. er þers haaltar figura uar á markat. Til þersarra steina let hann gera .ii. gull sua lík. at huarki matti fra öðru af flestum monnum kend uera. Ok sem steinarnir uaru<sup>16</sup> i settir. þa gaf hann gleymskugullit husfru sinni. at hun skyldi þat bera. enn sealfr hann bar minnisgullit. Skyldi af þersarri hans gerd öðrum monnum sua synaz. at aa sömu leid skyldu þau iðfn gull bera ser til skrautz ok sæmdar. sem þau hefði iafnan kígleik ok [elsku huárt til annars.<sup>17</sup> Enn þegar sem hon bar þetta gull. sem hann hafði henni gort ok gefit.<sup>18</sup> þa gleymdi hun at miklum luta allri þeirri<sup>19</sup> áástud sem hun hafði til hans haft. fekk hann sua frealsan gang ok gott orlof meðr fogrum sigri heim aptr aa<sup>20</sup> Egiptaland.

<sup>1)</sup> [tilf. B <sup>2)</sup> sama tilf. B <sup>3)</sup> lögðu, B <sup>4)</sup> [vruga traustz, B <sup>5)</sup> saal. B; Saba, A <sup>6)</sup> Chambysea, B <sup>7)</sup> saal. ogs B <sup>8)</sup> [þar til or, B <sup>9)</sup> Thabys, B <sup>10)</sup> [saal. B; valld lld(!), A <sup>11)</sup> eighin tilf. B <sup>12)</sup> [heyraz, B <sup>13)</sup> sua tilf. B <sup>14)</sup> saal. B; at, A <sup>15)</sup> saal. B; bædi, A <sup>16)</sup> þar tilf. B <sup>17)</sup> [elskugha sin i millem, B <sup>18)</sup> grafit, B <sup>19)</sup> elsku ok tilf. B <sup>20)</sup> i, B

Her segir fra þui er Moyses drap einn egiptzkan mann.<sup>1</sup>

79. Þann tíma sem Moyses var fulluaxinn maðr, fystiz hann at fara til fundar uid frændr sína. Ok sem hann kom til motz uid þa. sa hann þeirra kuðl ok angistar neyd. Hann kom þar at sem nockurr egiptzkr maðr. sa sem uerkstiori var skipaðr yfir hina ebresku.<sup>2</sup> slo nockurn<sup>3</sup> af ebreskum monnum. Moyses litadiz um higat ok þigat. ok sem hann saa at ðngir menn varu þar<sup>4</sup> namunda. þa drap hann hinn egiptzka ok fal hann sidan i sandinum. Ok annan dag eptir sem hann, geck uti. kom hann þar at sem .ii. ebreskir menn kifudu ok deilldu sin i milli. Hann taladi þa til þers sem þrætunni uolli<sup>5</sup> ok uerr hafði. 210. Fyrir hueria sǫk slær þu þinn náung. Hann svaradi. Huerr skipadi þik höfðingia eðr domara yfir ockr. eðr ætlaz þu sua mik at drepa sem þu drapt i gear<sup>6</sup> hinn egiptzka mann. Moyses ottadiz þa ok svaradi sua. Huersu uard þetta opinbert ok alrømt manna i milli. Pharao fretti uig þetta ok uilldi<sup>7</sup> lata drepa Moysen.

[*Speculum hystoriale*.<sup>8</sup> J þeima stad kastar Faustus einn uandr uillu-maðr þersum mandrápslesti i moti Moysi. sua sem honum manndrápinu brigglandi. Huerium er [hinn heilagi<sup>9</sup> Augustinus suarar sua i annarri þeirri bok sem hann gerdi honum i gegn. at eptir þi ráði ok rettuise sem ey lifu guds lögmáli til heyrir. var þat senniliga audsynt ok opinbert. at Moyses hafði fyrir þa sauk senniliga eigi aalt at drepa þann hinn egiptzka mann. þott hann væri bæði udyggrr ok aaleitinn. at hann hafði þann tíma ecki orlof ne nockurs kyns ualld þar til þegit. huarki af gudi ser gefit ne af mannligum kompanaskap ser skipat. Huadan af er hann segir sua i oðrum stað. Rettligha megu þeir menn miok lastadir ok aaleitadir uerða. sem meðr stíornlausum ufridarstormi utan skynsamliga tilskipan strida meðr hardri hirtingu upp aa þa menn sem meðr augnu laugmaali ero þeim lyðskyldir. Enn þo kann þat henda at þeir menn. sem andaligum kröptum uerða siðarr<sup>10</sup> ual uidrtækiligir. fremia fyrst ok falla sua sem af nockurri forðogn i þa löstu. fyrir hueria er þat birtiz ok audsyniz. at þeir uerða kraptanna uerkum siðarr uel uidrkuemiligir. þann tíma sem þeir uerða meðr guðligum boðordum þar til samdir ok plagadir. Sua sem klokir akrplogsmenn gera þann tíma sem þeir sea stor grös þo at unytsamlig<sup>11</sup> aa nockurri iðru fyrir ser uerða. þa sia þeir þat þegar ok fyrir segia. at þau eru hueitiss auuexti uidrkuemilig ok ual tilheyrilig. ef þau eru til þers

<sup>1</sup>) Capitulum afflotta Moysi ok hans kvaanfangi. Exodus, B <sup>2</sup>) *mgj.* B

<sup>3</sup>) einn, B <sup>4</sup>) adrir *tílf.* B <sup>5</sup>) volde, B <sup>6</sup>) giér, B <sup>7</sup>) giarna *tílf.* B

<sup>8</sup>) [*tílf.* B <sup>9</sup>) [heilaghr, B <sup>10</sup>) ok *tílf.* B <sup>11</sup>) vnaðsamleg, B

plagat ok plantat. A sömu leid er ok, ef þeir sia þat tre þarri audrum monnum i fiallskogum sem oleaster heitir. þa efaz þeir ecki i at þeir taka ofarr meirr þar af oleum. Fyrir þa grein heitir þat oleaster. at þat berr lik lauf aa sér utan uidara<sup>1</sup> ok oliua. Er þat eitt uplantat skogartre ok auuaxtarlaust til nockurrar mætrar ok mikillar dygdar af sealfu ser. enn ef þers kuistr er oliuotrenu samtengdr ok sua plantadr. þa skiptiz rotarinnar afl ok umuendiz til þilikrar dygdar sem sealfst treit hefir i ser. Vpp aa þann haatt uar þersi hugar ruglan ok uandlæti Moysi þa enn sua sem usamit<sup>2</sup> ok utemprat. af hueriu er hann hefndi sua meingerdar<sup>3</sup> sins frenda aa hinum egiptzka manni. at hann geymdi eigi þar um rettar ok uidrkuemiligar ualldzins stillingar ok skipanir.<sup>4</sup> enn þo tedi þetta hans uandlætisuerk ok fyrir bendi mikit freoleiks mark ok auuaxtar. Meðr saumu grein var sa grimmeikr Pauli syndsamligr. med huerium er hann ueitti edr gerdi sua mikinn ofrid guds kristni. at hann þottiz hallda i þi sinar södur-  
 211 ligar skipanir ok setningar ok gudi heidr ok þionostu ueita. enn þo uar hann eigi þi sidr mikit freoleiks ok uandlætis mark. Þat sama uar ok meðr Petro. sua sem hann bra suerdi uiliandi ueria uárn herra a sealfs hans piningartima. þiat sealfr hann aasakadi Petrum fyrir þat er hann bio<sup>5</sup> eyrat af einum sueini hans ufridar manna<sup>6</sup> er Malchus het.

Höfdu allir þersir öruggliga uandlæti i þersum sípum uerkum. eptir þi sem Augustinus segir. enn þo eigi sua uitrligt sem hæfði ok fyrir þann skyllt uidrkuemiligt. huert er fyrir heilags anda tilkuamu skipadiz sua sidar ok samdz medr þeim. at þat nægdiz þa sua med godusem fyrri med daligu. þo at þeir þættiz eigi fyrir illu gera. Huaðan af er Moyses uar eptir þetta sama uerk sua skipadr höfðingi synagoge sem hinn heilagi Petrus eptir sitt uerk kristinnar höfðingi. Enn þo afsakaz Moyses miklu framrri fyrir þetta uerk er hann drap hinn egiptzka mann i glosa actibus<sup>7</sup> apostolorum. einkannliga i ordum hins heilaga Stephani. sua sem hann taladi langt þrindi ok sniallt fyrir Judum aa þi sama þingi sem hann uar sidan gryttr. ok sem hann hafði getit þersa sama hans uerks. sagði hann sua at [(hann) hugde at<sup>8</sup> hans brædr mundi þat skilia sem sealfr hann skildi. at gud drottinn mundi þeim fyrir hans hand hialp ok heilsu gefa. Enn<sup>9</sup> þeir undirstodu þat meðr ongu moti. Fyrir þenna uitnisburd syniz segir glosa<sup>9</sup> at Moyses hafi ual megat af gudligri aaminningu heyrta hafa. at hann skyllti þa þegar taka at begna frænda sinna mein ok motgerdir aa hinum egiptzkum monnum.

<sup>1</sup>) saal. ogs. B   <sup>2</sup>) vansamit, B   <sup>3</sup>) saal. B; meingerdir, A   <sup>4</sup>) skipanar, B

<sup>5</sup>) ætti, B   <sup>6</sup>) manne, B   <sup>7</sup>) yfer actus, B   <sup>8</sup>) [tilf. B   <sup>9</sup>) glosan, B

**Exodus.**<sup>1</sup> Enn fyrir þann skyld at hann uar her af<sup>2</sup> ropaðr uiðr Pharaonem. þa flydi hann i brott fra konunginum ok for um eina eyd-  
imörk i þa landzins haalfu sem heitir terra Madian. [Var þat land sua  
kallat af syne Abrahe. huern er hann atti meðr hinne siðarre konu  
sinne Cethura.<sup>3</sup> Segir Josephus. at i þersarri ferd þoldi hann hardla  
karlmannliga mikinn sullt ok hardretti. þar til er hann kom fram til  
eins brunnz ok settiz þar niðr. Sa formaðr sem þar uar<sup>4</sup> het Raguel.  
enn Jethro uar hans ættar kenningarnafn. Hann atti ser .vii. döttr. var  
su þeirra daglig sysla. at þær geymdu ok giættu hiarðar fedr sins.  
þiat þat gerdi<sup>5</sup> þann tima ekki sidr kuendi enn karlmenn. þær komu  
til þers sama brunnz sem Moyses hafði fundit. ok sua sem þær ætladu  
at uatna hiðrdinni ok þær höfdu aðr fyllt þær<sup>6</sup> þroar sem þær skyldu  
uatna i. þa komu þar<sup>7</sup> annarra manna hiarðrekar ok bægdur<sup>8</sup> þeim  
ifra. þar til er Moyses for til med þeim ok hialpadi meyiunum ok  
uatnadi ollum þeirra<sup>9</sup> hiðrdum. Enn sem þær komu heim til feðr sins.  
spurdi hann fyrir hueria sqk er þær komu miklu skiotara heim aptr  
enn uani þeirra uar til. þær suðrudu ok sögðu. at einn egipzkr madr  
hefði frelsat þær af hiardrekanna höndum ok ualldi. ok þat medr at  
hann ios uatnit upp ok uatnadi saudunum.<sup>10</sup> Fluttu þær allt hit bezta.  
bidiandi þar med at hans uerðskyllðan ok uelgerningr ueri uel ðmb-  
unaðr.<sup>11</sup> Raguel spurdi huar hann uæri. bad þær<sup>12</sup> kalla hann ok  
bioda honum at eta. Ok sem Moyses kom þar ok hann hafði þar eigi  
lengi dualiz. þa sör hann um at hann skyllði þar uidr hafaz. Gekk  
hann sidan at eiga eina hans dottur. þa sem Sephora het. þau attu  
ser .ii. syni. het hinn ellri Gersan edr Gersen. enn þat þydiz sua sem  
utlendzkr. fyrir þa grein at fadir hans gat hann i utlegð. annan kall-  
adi hann Eleazar. enn þat er sua sem mins guds uidrhialp edr full-  
ting. þiat gud mins fedr er minn hialpari sagði Moyses. ok hann freals-  
adi mik af Pharaonis ualldi. Gaf [maagr hans<sup>13</sup> honum i ualld umseo  
at ueita ok at geyma ollum hans hiðrdum ok kuikfe. þiat hann hafði  
sua sem nær allir adrir utlendzkr menn i fyrndinni i þat eina uarit  
driugum [allri sinni eigu.<sup>14</sup>

212.

<sup>1</sup>) tilf. B <sup>2</sup>) miok tilf. B <sup>3</sup>) [tilf. B <sup>4</sup>) fyrer tilf. B <sup>5</sup>) giörðu, B <sup>6</sup>) byrður  
eða tilf. B <sup>7</sup>) at tilf. B <sup>8</sup>) skyfdu, B <sup>9</sup>) sauð ok tilf. B <sup>10</sup>) sauðinum, B  
<sup>11</sup>) ambunaðr, B <sup>12</sup>) saal. B; hann, A <sup>13</sup>) [saal. B; Moyses, A <sup>14</sup>) [ollu  
sina fe ok eighn, B

Er guð vitraðiz Moyses i viðarrunni þeim er allr syndiz loga.<sup>1</sup>

80. Longu sidarr andaðiz saa<sup>2</sup> Pharao. fyrir huerium er Moyses flydi ok rymdi af Egiptalandi. þiat þersi uar hinn .vii. fra þeim er þa rikti er Moyses uar fæddr. badum þeim til toldum sem næst komu til rikis eptir þenna sem nu uar fra sagt. Het binn fyrsti af þeim .v. Ammenophis at sinu eignarnafni. andadiz hann sua sem Moyses uar .vii. uetra. Enn sa het Horus sem næst honum rikti vm .xxx. ok .viii. aar. Eptir þann<sup>3</sup> rikti Acentris .xii. aar. Achoris het saa sem eptir þann rikti um .viii.<sup>4</sup> aar. Enn þersi het Centres sinu eignarnafni sem nu byreaz sagan af. hann rikti .xviii. aar. aa huers dögum er<sup>5</sup> Moyses tok hertogadom medr guds skipan ok þeima tilgangi sem her fylgir.

*Exodus.*<sup>6</sup> Þenna tima sem fra uar sagt syttu Jsraels synir saarlíga af sogdum aanaudaruerkum ok kolludu til guds akaðliga. ok hann heyrandi þeirra [sarligu sut ok hörmuliga<sup>7</sup> angistar neyd mintiz upp aa þat saattmals samband ok skilmaala. sem hann hafdi sterklíga stadfest ok samteki med þeirra forfeðrum Abraham. Ysaach ok Jacob. Ok sua sem hann leit Jsraels lyð<sup>8</sup> sinum milldum miskunnsemdar<sup>9</sup> augum ok hann kendi þa. bar sua til at Moyses geymdi sauda mágs sins Raguels. Ok sem hann hellt fenadinum lengra fram i eydimörkina. þa kom hann til fiallz þers sem guði hefir íafnlíga sakir margra mikils háttar stormerkia einkannlíga eignat uerit ok Synai heitir. af hueriu er nockurr partr er kalladr Oreb. J þi fialli uaru agiétir hagar bædi kostigir ok yfiruettis loðnir. fyrir þa sök at hiardrekar þordu engan tima upp þangat at fara. annat huart fyrir þann skyld at þat uar storlíga<sup>10</sup> háátt. ella fyrir þat at þat uar margra manna ætlan ok ordtæki. at þar uæri einkannlíga guds bygd ok nauera. Gud uitradiz honum þa i<sup>11</sup> einum uidarrunni. þeim sem hann saa at logadi. ok þo brann [eigi þi helldr<sup>12</sup> huarki blomstr hans [ne hann sealf.<sup>13</sup> Nu sem hann sá at runnrinn allr logadi ok brann eigi þi helldr. talaði hann medr seallum ser. Ek skal fara ok sia þersa hina miklu syn. [fyrer hvern skyld er runnrinn brann eighi. þar sem hann logar þo. Ok sem gud drottinn saa. at hann for at foruitnaz um þersa hina metu ok myklu syn.<sup>14</sup> þa kalladi hann Moysen rett af<sup>15</sup> midium runninum tueim sinnum rett medr

<sup>1</sup>) Capitulum af þui er Moyses saa runninn. Speculum hystoriale, B

<sup>2</sup>) tilf. B <sup>3</sup>) saal. B; þersi, A <sup>4</sup>) .vii., B <sup>5</sup>) nefndr tilf. B <sup>6</sup>) tilf. B

<sup>7</sup>) [saal. ogs. B <sup>8</sup>) meðr tilf. B <sup>9</sup>) miskunnar, B <sup>10</sup>) storleghans, B

<sup>11</sup>) midium tilf. B <sup>12</sup>) [mgl. B <sup>13</sup>) [ok eighe sealfr hann, B <sup>14</sup>) [tilf. B

<sup>15</sup>) saal. B; aa, A

sealfs hans nafni sua segiandi. Moyses Moyses. Hann suaradi. Ek er her. Gakk eigi hegat segir gud þa til hans. tak heilðr af þer skoklæðin. fyrir þann skyld at sa stadr er heilðg iorð. aa huerium er þu stendr. Ek er gud þins födur bæði Abrahams ok Ysaachs ok sua Jacobs. Moyses sal þa sealfs sins aasionu. fyrir þa sok at hann þordi eigi at sea i gegn gudi. Ok þo taladi gud enn til hans. Ek hefir seed þa kuðl ok neyð sem minn lydr þolir aa Egiptalandi. ok heyrte hefir ek hans kall. fyrir þi stig<sup>1</sup> ek nidr þannueg. at ek frealsi hann i brott af höndum ok ualldi Egiptalandz manna. ok ek leidi hann ut af þi landi til þers hins goda ok ruma landz sem bæði flytr ok nægiz medr miolk ok hunangi. til þeirra stada sem þersar þioðir hafa aðr ok hallda<sup>2</sup> af sinum fedrum ok forellrismonnum. Chananeus ok Etheus. Amorreus ok Ferezeus. Eueus. Jebuseus ok Gergeseus. Kallz<sup>3</sup> ok æheit Jsraels suna<sup>4</sup> kom til min. hefir ek ok seed þeirra kuðl ok angistar neyð. medr huerri er þeir eru af hinum egiptzkum þröngdir ok þrælkadir. Vil ek af þi senda þik til Pharaonem þers eyrindiss. at þu leidir minn lyd ut af Egiptalandi.

Moyes svaradi þa. Huat manna er ek til þers at ek fari þangat þiliks eyrindis. at ek leidi Jsraels lyd ut af Egiptalandi. Ek man medr þer uera sagdi gud. ok þat skalltu fyrir skyrt ok skiluist mark hafa at ek sendir þik. at þu munt a þersu fialli þann tima sornfæra sem þu hefir minn lyd leyst ok utleidd af Egiptalandi. Moyses [sagdi þa<sup>5</sup> sua. Ek man fara til Jsraels sona ok tala sua til þeirra. Gud fedra ydarra sendi mik til yduar hingat. Enn hueriu skal ek<sup>6</sup> suara. ef<sup>7</sup> þeir spyria<sup>8</sup> mik huert nafn hans er. Gud drottinn taladi þa til hans. Ek er saa sem ek er. Sem hann segdi sua. Ek kallaz saa sem ek er. Ok sua skalltu til þeirra tala. Sa hinn sami [sem er sendi mik<sup>9</sup> hingat til ydar. [herra guð föðra yðarra. guð Abrahams. guð Ysaachs ok gud Jacobs sendi mik til yðar.<sup>10</sup> Þetta er mitt eylist minniligt<sup>11</sup> nafn. þiat þersir minir uattar manu eylifiga lifa. Josephus segir. at þat sialfs sins nafn ledi gud her Moysi. sem alldrigi<sup>12</sup> fyrri hafdi nockurr lifandi<sup>13</sup> madr heyrte ok mer er neppiliga lofat at nefna segir hann. Far ok kalla medr þer alla hina fremztu menn af Jsraels folki. sagdi gud til Moysen. ok seg þeim. at ek uitradiz þer. ok ek hefir þik til þers higat sent. at ek<sup>14</sup> frealsa þa. munu þeir þa<sup>15</sup> heyra þat er þu talar. Gakk sidan inn fyrir konunginn. ok þeir medr þer. ok tala sua til hans. Herra gud

<sup>1</sup>) steigh, B <sup>2</sup>) sem sua heita tilf. B <sup>3</sup>) kall, B <sup>4</sup>) tilf. B <sup>5</sup>) [suarade þa ok sagðe, B <sup>6</sup>) til tilf. B <sup>7</sup>) sua berr til at tilf. B <sup>8</sup>) spyri, B <sup>9</sup>) [saal. B; er sem mik sendi, A <sup>10</sup>) [tilf. B <sup>11</sup>) ok ævinlegt tilf. B <sup>12</sup>) alldreighon, B <sup>13</sup>) veralldar, B <sup>14</sup>) mgl. B <sup>15</sup>) giarna tilf. B

ebreskra manna kalladi oss. at uær farim .iiij<sup>a</sup>. daga ueg um eydimörk. til þers at uer fornsærim þar gudi uarum. Enn ek ueit þat fyrir. at Egiptalandz konungr gefr ydr ecki brottferdar orlof utan fyrir nockura sterka ok harda hand. man ek minna hand framn retta ok sla Egiptaland medr ollum þeim minum undrum ok dasamligum lutum. sem ek man milli þeirra gera. Eptir þat fyllt ok frammkomit mun hann ydr liduga gera. man ek þa ok ydru folki mikla uinsæld ok giptu gefa fyrir hinum egiptzkum.<sup>1</sup> Eigi skulu þer ok medr ollu lausir ok lebbunir edr sua sem fatækir brott fara. þann tima sem þer gangit ut af Egiptalandi. helldr skulu þer sua ræna Egiptum at huerr<sup>2</sup> sem ein yd(u)r kona skal bidia sina uinkonu ok nagrönnu lea<sup>3</sup> ser gullkerin ok silfrkerin. klædin ok aull<sup>4</sup> sin dyruztu clenodia. leggit þat allt iafnsaman upp á dætr ydrar ok syni. ok latit þau brott bera medr ydr.

Moyses svaradi.<sup>5</sup> Ekki munu þeir trua mer.<sup>6</sup> ok eigi manu<sup>7</sup> þeir heyra mik uilia. helldr manu þeir segia. at ekki hafi gud mer uitraz. Hvat er þat er þu helldr aa sagdi gud. Þat er einn uaundr sagði Moyses. Kasta honum nidr aa iordina sagdi gud. Hann kastadi nidr uendinum. ok þegar i stad uard hann at einum höggormi. sua at Moyses ottadiz ok uilldi flyia. Gud talaði þa til hans. bad hann retta framn höndina ok gripa hoggormsins spord. Hann gerdi sem gud baud honum. greip hann um spordinn. ok þegar sem hann hellt þar.<sup>8</sup> uard hann at uendi. Þetta sama takn matt<sup>9</sup> þu til þers gera sagdi guð. at þeir trui þer um þat. at gud hafi uitraz þer. Ok enn sagdi guð sua. Legg haund þina<sup>10</sup> i sealfs þins faðm. Ok þegar i stað sem hann hafdi þetta<sup>11</sup> gert. þa uard hon likþrá full ok sua alhuit þar af sem aa snio sæi. Tak aptr höndina sagdi gud annan tima. Ok þegar sem hann [gerdi þat.<sup>12</sup> þa uar hun alheil<sup>13</sup> sem annarr hans likami. Hafa þeir eigi uiliat trua þer af þinu tali fyrir hit fyrri<sup>14</sup> taknit sagdi guð. þa ma at þeir trui fyrir hit sidarra. Enn ef þeir uilia eigi fyrir þersi bæði takn trua þer ok heyra þina fortölu. þa aus upp<sup>15</sup> uatnit or Nil. ok hell þi niðr aa þurra iðrðina fyrir þa. ok skal allt þat uatn at blodi uerda. sem þu hefir ór aanni ausit. Moyses svaradi þa. Ek bidr minn herra at þu sendir nockurn annan. þiat ek er ekki maalsniallr madr. fra þi er þu taladir þegar i giar ok hinn fyrri dag til þins þeonostumanz. hefir ek bæði stirda ok seintalada tungu til nockurs framburdar. Gud taladi þa til hans. Huerr gerdi [mannzins munn.<sup>16</sup> edr huerr skap-

<sup>1)</sup> monnum tilf. B <sup>2)</sup> saal. ogs. B <sup>3)</sup> leaa, B <sup>4)</sup> önnur, B <sup>5)</sup> þaa enn tilf. B

<sup>6)</sup> sagðe hann tilf. B <sup>7)</sup> saal. B; muna, A <sup>8)</sup> þa tilf. B <sup>9)</sup> mant, B

<sup>10)</sup> vpp tilf. B <sup>11)</sup> þat, B <sup>12)</sup> [hafde þat gert, B <sup>13)</sup> rett tilf. B

<sup>14)</sup> fyrsta, B <sup>15)</sup> aar tilf. B <sup>16)</sup> [maandoominn, B



adi mallausan mann ok daufan. ok þar med<sup>1</sup> seanda mann ok blindan. huat gerda ek þa edr eigi. Far nu af þi. fyrir þann skyldd at ek man uera þer munnr ok mælandi tunga. huat er þu skalt tala. Hann svaradi. Ek bidr minn herra. at þu sendir þann sem þu ætlaz at senda. Gudi mislikadi þa nöckut sua vid Moysen. ok sagdi sua. Þat ueit ek.<sup>2</sup> at brodir þinn Aaron kominn af ætt Leui er ual snialltaladr madr. see hann man ganga ut aa ueginn i moti þer. ok sem hann seer þik.<sup>3</sup> man hann glediaz i<sup>4</sup> sialfs sins hiarta. Lat hann heyra öll þau<sup>5</sup> ord. sem ek hefir til þin talat. ok té honum innuirduliga allt ockat tal. man ek bæði uera til framburdrar i þinum munni ok hans. man ek syna yckr huat er þit skulut gera ok frammfara. Hann skal tala ok uera sua sem mælandi munnr af þinni haalfu fyrir folkinu. enn þu skalt fyrir honum uera i ollum þeim lutum sem gudi til heyra. Vönd þenna skaltu ok bera [meðr þinne hende.<sup>6</sup> med huerium er þu mant mörg stortakn gera.

Eptir þat for Moyses nidr af fiallinu ok heim til mags sins. ok taladi sua til hans. J brott man ek hedan fara ok heim aftr<sup>7</sup> til frænda minna aa Egiptaland ok uita at þeir lifi enn. Mágr hans svaradi ok bað hann i fridi fara huert<sup>8</sup> sem hann uilldi. Ok sem honum dualdiz enn um nockura stund i Madian. þa taladi gud til hans. Far aftr fyrir þann skyldd aa Egiptaland. at þeir eru nu andadir sem eptir [þinu lifsblodi leitadu.<sup>9</sup> sua sem uar fyrr nefndr Pharao ok hans sambandsmenn.

### Fra ferð Moysi ok fra Sephoro.<sup>10</sup>

81. Moyses tok husfru sina Sephoram ok syni sina .ii. utan guds bodskap. setti þau aa asna ok uendi [sinum ueg til Egiptalandz.<sup>11</sup> hafandi guðs uönd ser i hendi. Taladi gud þa enn til hans sua sem hann uar i ueginum. Far aftr til þers at þu gorir öll þau takn ok tilsyni fyrir Pharaone. sem ek hefir i þina hand skipat ok sett. Hans hiarta man ek hardna lata. sua at hann man eigi lidugan uillia gera ok upp gefa minn lyd. Enn sua sem Moyses kom i þann stad sem farandi menn uaru uanir um at buaz ok hann ætladi snæda fara. þa kom guds engill meðr brugdnu suerdi honum i mot. sua sem buinn til at drepa hann. fyrir þa sök at hann flutti konu sina ok syni moti guds uillia

<sup>1</sup>) bæði tilf. B <sup>2</sup>) tilf. B <sup>3</sup>) þa tilf. B <sup>4</sup>) vm, B <sup>5</sup>) saal. B; þin, A <sup>6</sup>) [tilf. B <sup>7</sup>) tilf. B <sup>8</sup>) sua, B <sup>9</sup>) [leitadu þinu lifsblodi, B <sup>10</sup>) Fra þui er Moyses snere aftr a Egiptaland. Exodus, B <sup>11</sup>) [siðan vegh sinum aftr aa Egiptaland, B

medr sér. hvar af er honum matti leiða mikit hindr ok tálman. ella fyrir þat er<sup>1</sup> hann flutti annan sun sinn uskirdan medr ser. En adr hafdi hann annan lethhlegha<sup>2</sup> skirdan<sup>3</sup> skurdarskirninni. Þiat eigi er þeim truanda. sem annan sueininn segia eptir hafa uerit medr mægi hans. þar sem fyrr uar sua sagt. at hann flytti medr ser .ii. sina syni. Fyrr nefnd husfru hans Sephora bra uid skiott.<sup>4</sup> sem hon sa at engillinn gtladiz fyrir þenna skyld at drepa bonda hennar Moysen. ok tok einn hardla huassan stein. meðr huerium er hun af sneid hinn fremzta part getnadarlim sins sonar. eptir þi sem i skurdarskirninni uar skipat. þiat Moyses uar sua þröngðr af englinum at hann matti þat eigi gera. Huadan af er hun reiddiz gripandi sueinsins fætr ella engilsins. ok taladi sua til sins bonda. Huart er<sup>5</sup> þu mer bloda brudgumi edr eigi. [*scolastica hystoria*.<sup>6</sup> Sem hun segði sua. huart skyldumz ek af þinum hiuskap til þers at gera sua mikinn glæp at hella ut mins sunar blodi. Medr ebreskum monnum er sua skrifat. at Sephora tok fætr Moysi. ok taladi til hans þilikum ordum. Mitt blod helltiz ut i mins sunar blodi. til þers at mykia ok stödua engilinn. er þer ognadi dráp ok dauda. Eptir þat gaf engillinn Moysen lausan ok lidugan. Sephora for ok heim aptr til fedr sins med sun sinn. Sua segia nock-urir menn. at af þessarri gord Sephoræ hofz<sup>7</sup> sa uani at snida medr steinknif<sup>8</sup> i skurdarskirninni. Enn sumir segia at sa uani hofz af þi. at hertogi Josue gerdi sua uid folkit i Galgalis.<sup>9</sup> sem i sealfs hans sogu man heyrar mega.

Fra þeim bræðrum Moyses ok Aaron ok af Pharao konungi.<sup>10</sup>

82. Moyses for nu einn saman þann sama ueg sem til Egiptalandz laa. ok hafdi uðndinn i hendi ser. Gud uitradiz þa brædr hans Aaron ok bad hann framm i eydimörkina fara. þa sem liggr nærri fiallinu Synay. Hann gðrði sem honum uar bodit. ok mætti þar uid fiallit brædr sinum Moysi ok minntiz medr hann. Sagdi Moyses honum þa aull þau takn<sup>11</sup> ok tal sem gud hafdi honum teed ok boðit. foru þeir þa baðir samt ok kalladu til sin alla framazta<sup>12</sup> menn [ok skilrikazta<sup>13</sup> ok hina ellztu af Jsraels folki. Taladi Aaron þa ok teedi þeim oll þau ord sem gud hafdi talat medr Moysen. gorandi þar medr

<sup>1)</sup> at, B <sup>2)</sup> saal. B; leyniliga, A <sup>3)</sup> skirt, B <sup>4)</sup> sua tilf. B <sup>5)</sup> ert, B  
<sup>6)</sup> [tilf. B <sup>7)</sup> hēfz, B <sup>8)</sup> steinknifum, B <sup>9)</sup> eptir þui tilf. B <sup>10)</sup> Fra fundi þeirra brædra Moysi ok Aaron. ok þui er (þeir) gengu fyrsta tima fyrir Pharaonem. Exodus, B <sup>11)</sup> þa tilf. B <sup>12)</sup> fremstu, B  
<sup>13)</sup> [mgl. B

stortákn sua at þeir sá upp aa. ok fyrir þa sauk trudu þeir þeim bræðrum þa þegar i stad. at þeir heyrdi at gud drottinn mundi nu vitil<sup>1</sup> hafa Jsraels sona [ok litit hafa þeirra<sup>2</sup> kuql ok neyd. Luttu þeir litillátliga dyrkandi gud.

Eptir þat gengu þeir Moyses ok Aaron framm fyrir Pharaonem ok tóldu sua til hans. þersi bod ok þrindi sendi þer gud drottinn Jsraels folks. Gef ok ger lidugan lyd minn. at hann fornfæri mer i eydimörk. Hann svaradi. Huat herra er hann<sup>3</sup> þers at ek lyði sua mikit upp aa hans tal. at ek gefa lidugan Jsraels lyd. Ekki kennir ek þann herra. man ek fyrir þann skyld ekki Jsraels folk upp gefa. þeir taladu þa enn. Ebreskra manna gud kalladi oss. at uer færim .iiii. daga leid<sup>4</sup> þers þrindis i eydimörk. at uer offrim þar ok fornfærim gudi drottni uarum. at eigi komi nockut hættligt sverd edr daligt drep<sup>5</sup> yfir oss. [*scolastica hystoria*.<sup>6</sup> Eigi bidr nokkurn gagnstæðleik edr tuifalldleik<sup>7</sup> i þersum þeirra ordum. at þeir nefndu<sup>8</sup> .iii. daga til þers-arrar ferðar. at folkit mundi þaleidis liettliga ut hafa uerit leidt<sup>9</sup> af Egipto. ef Pharao hefði þeim gott orlof gefit. þo at þat vyrdi nu langr uegr hia þi sem heyrar man mega. Her [minnti Moyses konunginn<sup>10</sup> upp a þa lidueitzlu ok uelgerning sem hann ueitti Egiptalandz monnum. þann tima sem þeir uaru þröngdir ok bardir af Blalendingum. eptir sögn Josephi. ok bad hann aa minnaz aull þau haskasamlig uerk ok erfði sem hann hafði fyrir þeirra skyld þolat. let þat fylgia. at hann hefði eigi mækliga ombun ok erfðislaun af þeim tekit fyrir sina uerðskyldan. ok þar meðr sagði hann þa luti sem teðuz i flallinu Synay. Her i mot gaf konungurinn honum ok gallt spott ok skalkheid. kallandi hann sinn ræddan ok flóttagiarnan þræl. segiandi hann nu fyrir styrialldar sakir ok ufridar aptr hafa horfit. Hann taladi sua til beggia þeirra. Fyrir hueria skyld kallzadut þit Moyses ok Aaron folkit fra uerkum sinum ok orku. farit aptr. kalla ek raad til orku yduarrar ok byrða. Sidan taladi hann til sealfs sins þionostumanna. Sialfir þer séð. at þersi lydr geriz driugum landz herr. ok at þat folk uex æ ok flölgaz. huersu miklu meirr ok frammarri man þat flölgaz at þi. ef uer gefum þeim nockura huilld af erfðisuerkum.

Aa þann sama dag let Pharao kalla ser uerkstiora. þa sem yfir hina ebresku uaru skipadir. ok taladi sua til þeirra. Nu skulut þer engan tima þeim sádir gefa til þers<sup>11</sup> hedan ifra. at þeir mali þær ok elle<sup>12</sup> þar með tigliti. eigi ok til þers at þeir steiki tigliti þar með.

<sup>1</sup>) *saal*. B; *uitat*, A <sup>2</sup>) [*tilf*. B <sup>3</sup>) þat, B <sup>4</sup>) *vegh*, B <sup>5</sup>) *saal*. B; *dráp*, A

<sup>6</sup>) [*tilf*. B <sup>7</sup>) fyrir þa grein *tilf*. B <sup>8</sup>) *saal*. B; mundi, A <sup>9</sup>) *tilf*. B

<sup>10</sup>) [*saal*. B; *minnti Moyses*, A <sup>11</sup>) *tilf*. B <sup>12</sup>) *saal*. B; *ellid*, A

217. Fari þeir helldr sealfir ok leiti ser þar<sup>1</sup> at sáðum ok elldiuidarstikum edr sprekum. sem þeir kunnu<sup>2</sup> finna ok fáá. ok geymit þo þers inn-uirduliga. at þeir skulu iafnmart griot gera dagliga sem fyrr hafa þeir gert. ok i engu uætta minka þeirra orku ok erfídi. þeir eru allz of frealsir ok sealfiradir. ok fyrir þi beidaz þeir i brott. ok sagdi sua. [Fðrum ok fornfærum<sup>3</sup> gudi uarum. Nu skulu þer enn allt framarri þrysta þeim ok þrðngua med erfídisuerkum<sup>4</sup> enn fyrri<sup>5</sup> hefir uerit. ok uita ef þeir kunni sik þa giðrr meirr. ok lydi eigi upp aa nokkurar lygífortðlur. þeir foru til fundar uidr hina ebresku flytiandi þeim allan þenna konungsins bodskap. ok sðgdu sua. Farit ok samnit ydr<sup>6</sup> þar sáðum ok elldiuidarstikum. sem þer kunnit þau at faa. ok hugsit ydr sua um. at ekki uætta skal þo af leggiáz ydru uerki ok erfídi.

Her segir af aanaud ebreskra manna þar til er guð villði frelsa þa.<sup>7</sup>

83. Hinir ebresku [dreifduz þa<sup>8</sup> ok rakuz driugum um allt Egiptaland at leita ser at sáðum. uaru þeir sua kualdir bædi nætr ok daga. at þeir sðmnudu um nætrnar saadum enn um dagana gerdu þeir tigl-griotit. þar med gengu uerkstiorarnir hinir egiptzku fastafari med freku at þeim ok sogdu sua. Fyllit dagliga sua framt allt ydart uerk ok orku. sem þa er ydr uaru sadir gefnar. þar medr uaru hinir ebresku uerksins formenn iafnliga bardir ok driugum lamdir af hinum egiptzkum uerkstiorum. huerir er sua tðludu til þeirra. Fyrir huern skyllid fylli þer eigi þat matér<sup>9</sup> i tiglgerdinni huarki i giar<sup>10</sup> ne i dag. sem ydr hefir sett uerit. Formenn Jsraels folks gengu þa fyrir Pharaonem ok sogdu sua. Fyrir hueria grein gerir þu sua rangliga uid oss þræla þina ok þionostumenn. ver kunnum nu eigi sadir at fáá edr adra naudsynliga luti til uarrar gerdar. ok þo skulum uer fylla hina fyrri tolu ok matér<sup>11</sup> i sialfri gerdinni. Se nu at uer þionostumenn þinir erum lamdir. ok urettliga er gort uid þenna lyd. Hann svaradi. þer erut systlulausir ok allz of frealsir. fyrir þa sauk beidiz þer a<sup>12</sup> brott ok at fornfæra gudi ydrum. Farit brótt ok uinnit ok erfídit. Engar saadir skulu ydr gefaz. ok þo skulu þer hina fyrri tiglgerdarinnar matér<sup>13</sup> ok tolu fylla ok fullgera. Ok þegar sem þeir gengu ut af konungsins hall. mættu þeir þeim Moysi ok Aaron. ok tðludu sua til þeirra.

<sup>1)</sup> tilf. B <sup>2)</sup> þat tilf. B <sup>3)</sup> [farim ok for(n)færim, B <sup>4)</sup> erfðisverkunum, B <sup>5)</sup> fyrr, B <sup>6)</sup> saman tilf. B <sup>7)</sup> Af ebreskra manna kuol ok anaud, B <sup>8)</sup> [dreifðu þa ser, B <sup>9)</sup> maater, B <sup>10)</sup> i giær, B <sup>11)</sup> maather, B <sup>12)</sup> i, B <sup>13)</sup> maater, B

Sei nú guð ykkra<sup>1</sup> gerd í gegn oss ok hegni. þiat sua leidiliga haði þit oss gort í ykkru<sup>2</sup> tali ok fula uid Pharaonem ok alla hans menn. sem þit hafit honum suerd gefit at halshoggua oss medr.

Moyses sneriz þa til guðs ok sagði sua. Fyrir hui lætr þu lyd þenna kueliaz drottinn minn. edr fyrir hueria sök sendir þu mik hegat. Fra þeim tíma sem ek gekk fyrir Pharaonem ok ek taladi nockut af þínu nafni. þa kuelr hann ok pinir<sup>3</sup> enn framarri þitt folk. þi sidr frealsadir þu þat. Guð taladi þa enn til Moysen. þu mant nú skiotligha síá. huat er ek man gera ok framm fara vid Pharaonem. fyrir þann skyld at hann man eigi lydinu utan fyrir sterka<sup>4</sup> hand lidugan gefa ok af sinu landi ut láta fara. Ok enn sagði hann sua. Ek er saa sami drottinn. sem uitraðiz Abraham. Ysaach ok Jacob. ok þa tiada<sup>5</sup> ek þeim eigi mitt nafn Adonay. þat er sua sem ualld ok sterkleiki.<sup>6</sup> Enn þo staðfesta ek<sup>7</sup> mitt sáttmál med þeim. at ek skylda þeirra utlegdarland. sua sem Chanaansland er. þeim gefa. Ek hefir nú heyrð Jsraels suna sorg ok sut af þi at egiptzkir menn þröngua [ok þrælka þa.<sup>8</sup> ok af þi at ek endrminniz nú mins sáttmals ok fyrr sagdz skilmaala. þa seg Jsraels sunum. at ek guð drottinn man leida þa ut af myrkuastofu egiptzkra manna medr haleitum armlegg ok hardri hand ok sterkum áfallzdomum. man ek þa leysa<sup>9</sup> ok frealsa af þeirra þrældomi. þar med man ek þa minn lyd gera. ok þeirra guð man ek þar<sup>10</sup> uera. 210. Huadan<sup>11</sup> af manut þer allir samt uita ok uisir af uerda. at ek er sa guð drottinn sem þa frealsadi ok utleiddi af Egiptalandz manna fanghelsi. ok at ek leidir þa sua framt inn aa fyrr nefnt fyrirheitit land. yfir huert er ek hóf mína hand til þers at gefa þat Abraham Ysaach oc Jacob ok sealfum ydr til eignar. sem ek er guð drottinn.

Moyses fór ok flutti Jsraels folki alla þessa luti. enn þeir gafu engan gaum at hans ordum þersum<sup>12</sup> sakir sinnar angistar ok erfðisneydar. Guð taladi þa enn til Moysen. Gakk fyrir Pharaonem Egiptalandz konung. ok bið hann gefa Jsraels sonum frealsan gang ok lidugan ut af landinu. Moyses svaradi sua. Jsraels synir. uilia nú ekki heyra mik. huat man Pharaó at þi uilia mik heyra. einkannliga þar sem ek hefir ekki ual reinar uarrar edr ual fallnar til framburðar. Guð taladi þa enn til þeirra bróðra Moysen ok Aaron. gefandi þeim báðum þann boðskap til [Pharaonis Egiptalandz konungs.<sup>13</sup> at þeir skyldu alla Jsraels sunu ut leida af Egiptalandi. [*scolastica hystoria*.<sup>14</sup>

<sup>1</sup>) saal. B; ydra, A <sup>2</sup>) saal. B; ydru, A <sup>3</sup>) pinar, B <sup>4</sup>) ok harða tilf. B <sup>5</sup>) teeðe, B <sup>6</sup>) sterkleik, B <sup>7</sup>) sua tilf. B <sup>8</sup>) [þeim ok þrælka, B <sup>9</sup>) saal. B; utleida, A <sup>10</sup>) æ, B <sup>11</sup>) þaðan, B <sup>12</sup>) mgl. B <sup>13</sup>) [Egiptalandz konungs Pharaonem, B <sup>14</sup>) [tilf. B

Her telr Exodus ok téér nockura [þa af þrimr<sup>1</sup> ættum Jsraels. Rubens Simeonis ok Leui. sem höfðingiar ok formenn uaru fyrir sinum bium ok husum. enn oss nægiz at segia her at eins af ættmonnum Leui. fðdurfedr Moysi. Leui atti ser .iii. syni. het einn Gersan.<sup>2</sup> annarr Gaad. hinn þridi Merari. Af þeirra nofnum greinduz<sup>3</sup> sidan nðfn þersa<sup>4</sup> kuenna sem fra Leui uaru komnar.<sup>5</sup> sua sem Gersonyte. Chaalyto. Meratyte. Synir Gaads uaru þeir Amram ok Jsuar. Synir Amrams [ok Jocabeths<sup>6</sup> uaru þeir Aaron ok Moyses enn Maria-dottir. sem fyrr uar sagt. Ean sun Ysuars uar Chore. ok uaru þeir Moyses ok Chore sua brødra synir. huers Chore er enn uerðr sidarr getit i sðgunni. Aaron atti þa konu sem Elisabeth het. dottur Aminadab ok systur Naason. þau altu .iiii. syni þa sem her séð nefndir. het einn Nadabeth. annarr Abiu. .iiidi. Eleazar. ok hinn .iiidi. Jthamar. Eleazar Aarons son gekk at eiga eina af Phanuels dætrum. ok gat meðr henni þann son sem Phinees het ok enn uerdr getit sidarr at godu.

#### Fra tilskipan guðs ok fyrirsogn við þa bræðr Moyses ok Aaron.<sup>7</sup>

84. Eptir þat sem nu uar um rid fra sagt. taladi gud til Moysen. Tala sua framt uid Pharaonem [Egiptalandz konung<sup>8</sup> alla þa luti sem ek hefir þer til talat. sem ek er<sup>9</sup> gud drottinn. Hann svaradi. Huersu man Pharao mik uilia heyra. þar sem ek hefir ekki ual skirar uarrar.<sup>10</sup> Gud taladi þa enn<sup>11</sup> til Moysen. Hird eigi þu at ottaz. fyrir þann skyld at ek skipar<sup>12</sup> þik sua uolldugan yfir sealfan hann ok allt hans land til at gera stortakn ok iartegnir. sem þu seer hans yfirmadr.<sup>13</sup> Aaron skal þinn forsprakari ok mælandi munnr uera. enn þu skallt honum alla þa luti til tala ok tea sem ek byd þer. hann skal framm bera minn bodskap fyrir Pharaonem. at hann gefi Jsraels sonum gott orlof ok frealsan gang ut af Egipto. Enn hans hiarta man hardna. man ek þa flokga minar iarteinir ok stortakn aa Egiptalandi. ok [þo man hann eighi heyra yðr. Mina harda hand man ek<sup>14</sup> senda yfir allt Egiptaland. leidandi allan minn lyd ok Jsraels her meðr mikils háttar dæmum<sup>15</sup> ok stormerkium hedan i brott. Manu egiptzkir menn þa uita ok<sup>16</sup> uarir uerda. at ek er saa gud drottinn sem mina hönd hefir framm

1) [saal. B; af þeim, A 2) Gerson, B 3) saal. B; greiniz, A 4) þeirra, B 5) ok kyniadar, B 6) [tilf. B 7) Fra þui er vunderner vvrdu af(?) eitroimum. exodus. Capitulum, B 8) [tilf. B 9) sennilegha tilf. B 10) varrer, B 11) sua, B 12) skipa, B 13) guð, B 14) [saal. B; þa man ek mina harda hand, A 15) domum, B 16) uissulegha tilf. B

rett yfir allt Egiptaland. ok alla Jsraels sonu sua milli sealfra þeirra ut leiðt. at sealfir þeir hafa hia uerit ok seed upp aa. Moyses ok Aaron gerðu alla luti eptir þi sem gud baud<sup>1</sup> þeim. ok for þat allt framm sem hann hafði fyrir sagt. Var Moyses þa attræðr at áráttali enn Aaron .liii. uetrum ellri. er þeir fluttu þenna guds bodskap ok fram baru fyrir konunginn Pharaonem. Hann sat<sup>2</sup> i þeirri Egiptalandz hofudborgh<sup>3</sup> sem Thanes heitir. Enn fyrir þi heitir hun sua. at hana smidada risar i fyrstunni. eptir þi sem Ysidorus segir. ok kallaðu<sup>4</sup> af sealfra sinna nafni Thanes. þi at þeir uaru þa af sinum þiodum kalladir Thitanes. Ok enn taladi Gud medr Moysen ok Aaron. Þann tima sem hann biðr ykkir syna taknin. þa skalltu Moyses tala til Aarons brodur þins ok bidia hann taka uðnd sinn ok kasta honum framm fyrir Pharaonem. man hann þa snuaz i eitorms liki.<sup>5</sup>

Þeir bróðr gengu fyrir Pharaonem. sem gud hafði þeim bodit. Tok Aaron uðndinn. ok þegar leid sem hann kastadi honum framm fyrir konunginn ok hans þionostumenn. þa uedr hann at eitormi. Enn sem Pharao. saa undr þetta. let hann kalla ser spekinga sina ok galldramenn. Toku þeir sér eigi sidr uðndu. ok sem þeir komu fyrir konunginn. þa kuadu þeir ok sogdu yfir þeim egiptzkan galldr. ok þa medr adra þa leynilegha<sup>6</sup> fiolkyngi sem þeir kunnu. Köstudu sidan allir fram huerr sinum uendi. snoruz þeir allir eigi sidr i eitorma myndir. Enn þo uann sá sem Aaron heyrdi til sua yfir hina. at hann sualg ok gleypti alla þa. Commestor segir. at galldramenninir gordu dárassamliga<sup>7</sup> ginning ok seonhuerfing þeirra manna augum. sem þar saa vpp aa. Aaron tok sidan ormsins spord. ok uar<sup>8</sup> hann þa uðndr sem adr. Hiarta Pharaonis hardnadi at eins uid þersa syn. ok fyrir þi uilldi hann ekki heyra þa.

---

Her segir af fyrsta Egiptalandz vndre.<sup>9</sup>

85. Eptir þat taladi gud enn til Moysen. Af þi at hiarta Pharaonis hardnar at eins ok þyngiz. ok hann uill eigi lyðinn gera lidugan. þa gakk til hans at morni. sua sem hann gengr til uatz. ok statt rett aa aarbakkanum i gegn honum. sua sem hann gengr ut af sinni ball. hafandi þann sama uðnd sem at orminum uard þer i hendi. ok tala sua til hans. Herra gud ebreskra manna bad mik bera þer hans ord<sup>10</sup> sua segiandi. Gðr lidugan ok gef upp minn lyd. at hann

<sup>1</sup>) hafðe bodit, B    <sup>2</sup>) þa tilf. B    <sup>3</sup>) saal. B; haalfu, A    <sup>4</sup>) hana tilf. B  
<sup>5</sup>) mynd, B    <sup>6</sup>) saal. B; luti ok, A    <sup>7</sup>) osannleggha, B    <sup>8</sup>) varð, B  
<sup>9</sup>) Capitulum af Egiptalandz vndrum ok afellum, B    <sup>10</sup>) boð, B

220. fornfæri mer i eydimorkinni. sem ek hefir bodit. ok þo hefir þu enn eigi uiliat heyra her<sup>1</sup> til. Fyrir þessa þina tilskyldan segir sua gud sialfr. Af þersu mant þu fyrir uist uita mega. at ek er gud drottinn. at ek mun aarinnar uatn sua sla medr þersum uendi. sem ek hefir nu i hendi mer. at þat man allt at blodi uerda. Vötnin aull manu sua rotna ok ulldna. at allir þeir fiskar sem i aanni bidr manu deyia. ok allir þeir egiptzkir menn sem af aarinnar uatni drekka munu pinaz ok kueliaz saarluga. Her medr skalltu segia bróðr þinum Aaroni. taladi gud til Moysen. at hann tæki sinn uönd ok retti hann framm yfir Egiptalandz uötn medr sinni hand bæði yfir aar ok bekkii. yfir allar tiarnir ok stöduuötn. til þers at þau uerdi oll at bloði ok alldri bidi þat uatn til i allri Egipto. huarki uti ne inni. huart sem hellðr er i trekerum. bordkerum edr steinkerum. at eigi uerdi allt at blodi bædi at sea ok bergia þi.

Badir þeir bróðr Moyses ok Aaron gordu sem gud [baud þeim.<sup>2</sup> Foru þeir um morgininn eptir aa konungsins fund Pharaonis. ok gengu fyrir hann aa árstrondinni. sua sem gud hafdi þeim<sup>3</sup> fyrir sagt. þeir baru honum guds ord ok erindi. ok eptir þat hof Aaron upp uöndinn. medr huerium er hann laust<sup>4</sup> áarinnar uatn. sua at konungrinn saa upp aa ok hans menn. ok þegar i stad uard uatnit allt at blodi. ok allir þeir fiskar do sem i henni uaru. þar med rotnadi hon öll ok ulldnadi. sua at Egiptar mattu huergi drekka hennar uatn. Ok eigi at eins honnar uatn. utan oll uötn i Egipto uurdu at blodi einu. eigi sidr at sapor<sup>5</sup> enn at syn ok lit. utan i þeirri landzins haalfu sem Gersen heitir. hueria er ebreskir menn bygdu mest. þa breyttiz þar ekki uatn ne uard at blodi. Ok ekki af aullum þeim .x. storslögum ok aafellum kom þar. fyrir [þeirra skyld hinna<sup>6</sup> ebresku. sem gud lét fyrir ofbelldi Pharaonis ok illzkupra<sup>7</sup> aa leggiaz annars staðar allt Egiptaland. Af huerium er þetta er hit fyrsta sem nu uar<sup>8</sup> fra sagt. Ok þo segir Josephus. at ebreskum monnum uar allt uatn aarinnar eigi at sidr sætt ok uel dreckanda. huar er þeir uilldu. þetta sama undr sem nu uar fra sagt synduz þeir gallDRAMENNIR Jamnes<sup>9</sup> ok Mambres ok<sup>10</sup> göðra medr sinum gaulldrum ok siolkyngi. Konungsins hiarta harðnaði at eins.<sup>11</sup> ok medr öngu moti uilldi hann heyra þa.<sup>12</sup> hellðr snöri hann medr stygð i brott ok gekk heim til sealfs sins herbergiss. Egiptzkir menn grofu umuergis aana Nil ok gerdu ser sua nyia brunna. Segia þat ok nockurir menn. at þeir bæri uatnit allt af nefndri landz-

<sup>1</sup>) hegðat, B <sup>2</sup>) [hafðe bodit, B <sup>3</sup>) mgl. B <sup>4</sup>) niðr a tölfr. B <sup>5</sup>) saal. B; sapio, A <sup>6</sup>) [saal. B; þaun skyld fyrir hina, A <sup>7</sup>) saal. B; illzku þeirra, A <sup>8</sup>) er, B <sup>9</sup>) Amnes, B <sup>10</sup>) tölfr. B <sup>11</sup>) enu tölfr. B <sup>12</sup>) Moysen tölfr. B



ins haalfu Gersen ser til drykkjar ok annarrar nytsemdar. Var þetta undr ok aafelli ok uannz um .vii. daga samfleytt. at oll aain ok Egiptalandz uðtn uaru þeim þalæidis unyt. Af þessu slagi segir Josephus at Pharao efaðiz nockut sua ok óttadiz ok gaf hinum ebreskum brottsferðar orlof um eina stund. Enn þegar sem þat geck af honum. þa uendi hann ok aptr kastadi þeim sinum orskurdi<sup>1</sup> ok orlofi.

Annat Egiptalandz vndr.<sup>2</sup> Gud taladi þa enn uid Moysen ok sagdi sua. [Gakk inn fyrir Pharaonem ok segh honum sua.<sup>3</sup> at ek gud drottinn bydr honum enn sem fyrr. at hann gefi minn lyd lidugan. at hann fornfæri mer. Enn ef hann uill þat eigi. þa man ek sla aull hans herud ok landamæri med fulum froskum. skal aain aull Nil<sup>4</sup> uolla ok fyllaz af froskunum. þadan skulu þeir skriða<sup>5</sup> inn i sealfs hans hall ok heimollig herbergi. J hans suefnhus ok eigi sidr upp i sealfs hans sæng. þar med i hus ok herbergi hans heimolligra þeonostumanna. upp aa sealfan hann eigi sidr ok aa hans menn. aa sealfs hans mat ok allt annat þat sem aa bidr [hans landi<sup>6</sup> skulu froskar þersir fara. Seg sua<sup>7</sup> bróðr þinum Aaron. at hann retti sina hand framm yfir aar ok ðnnur uðtn [beði fliotandi bekki ok stoðuðtn.<sup>8</sup> ok lat sua froskana framm leidaz yfir allt Egiptaland. Eptir [þersi ord<sup>9</sup> almattigs guds gengu þeir Moyses ok Aaron enn<sup>10</sup> fyrir Pharaonem. segiandi honum guðs ord þau sem hann hafdi þeim bodit framm at bera. Enn meðr þi at hann uilldi ekki trua [þeim edr þeirra fortölum.<sup>11</sup> þa laust Aaron uendinum<sup>12</sup> nidr aa Nil ok ðnnur Egiptalandz uðtn. Komu þar þegar framm i mot af uðtnunum sua mikill umáttiss froskaöldi. at þeir huldu driugum allt Egiptaland. þat fylgdi þar meðr. at margir af þeim farandi heimolliga inn i hus manna ok herbergi funduz sumir i sængum. enn sumir i mat edr drykk. Varu þeir ok nockurir er skiottliga do. þegar þeir komu upp or uatninu. funadu þeirra hræ ok ulldnadu.<sup>13</sup> sua at þar af uard storliga<sup>14</sup> full þeifr ok monnum miok skadsamligr. A somu leid synduz ok gallDRAMENN Pharaonis medr sinum sionhuerfingum gera ok fiolkyngi ok giorningum. Konungrinn let þa kalla ser Moysen ok Aaron ok mællti. Bidit þit drottin. at hann láti froska þersa huerfa<sup>15</sup> fra mer ok minu folki. man ek þa gott orlof gefa yckrum lyd. at hann fornfæri gudi sinum.<sup>16</sup> Moyses svaradi. Set mer termin ok tima til. nær þu uill at

<sup>1</sup>) orskurð, B   <sup>2</sup>) Rubrica af odru Egiptalandz afelli, B   <sup>3</sup>) [tilf. B  
<sup>4</sup>) ok tilf. B   <sup>5</sup>) tilf. B   <sup>6</sup>) [mgl. B   <sup>7</sup>) ok, B   <sup>8</sup>) [tilf. B   <sup>9</sup>) [þersar  
viðræður, B   <sup>10</sup>) tilf. B   <sup>11</sup>) [þeirra tal edr þeirra fortölur, B   <sup>12</sup>) meðr  
sinnu hende tilf. B   <sup>13</sup>) vlnaðu, B   <sup>14</sup>) storleghans, B   <sup>15</sup>) ok i brott  
flytjaz tilf. B   <sup>16</sup>) yðrum, B

221.

ek biddi fyrir þér ok þínum monnum ok öllu þínu folki. at froskarnir huerfi brott fra yðr öllum saman. utan i aanni at eins skulu þeir eptir uera. J morgin bidr ek at þat þiggiz segir konungrinn. Eptir þi sem þu bidr man ek gera sagði Moyses. til þers at þu uitir ok uidrkenniz. at engi er liki uid þann gud<sup>1</sup> sem uær dyrkum. Moyses ok Aaron gengu þa ut ok i brott af fundi Pharaonis. Bad Moyses þa til guds. at þat þægiz sem hann hafði konunginum heitit. Let gud allt þat geraz<sup>2</sup> ok eptir þi frammgengt uerda sem hann hafði iatal<sup>3</sup> Pharaoni. at froskarnir do ok fyrirforuz i aullum husum ok herbergium. þorpum<sup>4</sup> ok konungsins kaupturnum. ökrum ok engium. Var þeim sidan saman samnat i stóra lada ok hardla mikla hauga. Rotnadi þat sua ok funadi. at þar af ulldnadi iörðin miok ok illa skapadiz.<sup>5</sup> En sem Pharao sá at hann fékk her af huilld ok nadir. þa uar hann [slikr edr þungari<sup>6</sup> Jsraels folki. sem fyrr hafði hann uerit. ok at engu ugta uildi hann þat hafa ok<sup>7</sup> hallda sem hann hafði ual talat.

Þriðia Egiptalandz vndr.<sup>8</sup> Eptir þetta taladi gud til Moysen. Biod Aaroni bróðr þínum. at hann retti enn<sup>9</sup> framm sína hand ok slái nu iardarinnar dupt. til þers at þar af verdi cynifes<sup>10</sup> aa aullu Egiptalandi. [*scolastica hystoria*.<sup>11</sup> Cinifes<sup>10</sup> ero einar hinar smæstu flugur ok þo monnum miok angrsamar.<sup>12</sup> af þi at þær eru sua nærkuæmar i sinum flug. at þær taka driugum synina fra þeim monnum. sem eigi eru huasseygaztir. þær hafa ok uti bloð<sup>13</sup> aa huerium þeim likam sem þær aa setiaz. ok<sup>14</sup> þær hafa eina uesla pipu i munninum sem mior teinn.<sup>15</sup> meðr huerri er þær suga þar til er likaminn dreyrir þar undir ok drekka sua blodit. Þetta flugna kyn er i sumum stodum [kallat culex.<sup>16</sup> *exodus*.<sup>17</sup> Moyses ok Aaron gerdu sem gud baud þeim. at Aaron slo iardarduþlit meðr uendinum. Sneriz þat sama dupt þegar i adra mynd ok uard at þers háttar flugum sem nu uar fra sagt. ok lagdiz þat allt bæði upp aa menn ok sua<sup>18</sup> aa fenad. sua at huarki mátti þar fyrir frid hafa ne naadir aa aullu Egiptalandi. Þetta sama undr gtladu gallDRAMENNINIR at gera eigi sidr meðr sinni flökyngi ok gerningum. ok mattu eigi. Þeir taladu til Pharaonem ok toku sua til ordz. Guds fingr er her nu. [*scolastica hystoria*.<sup>19</sup> þat er guds andi. þiat sua sem guds son merkiz fyrir<sup>20</sup> hægri hand. sua skal heilagr andi skiliáz fyrir fingrinn. Augustinus spyrr. fyrir hueria grein er

<sup>1</sup>) drottin *tílf.* B <sup>2</sup>) *tílf.* B <sup>3</sup>) heitit, B <sup>4</sup>) *tílf.* B <sup>5</sup>) skipadiz B <sup>6</sup>) [slikr edr þyngri, B <sup>7</sup>) ne, B <sup>8</sup>) Rubrica af þriðia Egiptalandz slaghi. capitulum, B <sup>9</sup>) *tílf.* B <sup>10</sup>) scynifes, B <sup>11</sup>) [*tílf.* B <sup>12</sup>) ok skaðsamlagar *tílf.* B <sup>13</sup>) fyrir þa sök *tílf.* B <sup>14</sup>) at, B <sup>15</sup>) see *tílf.* B <sup>16</sup>) [*tílf.* B <sup>17</sup>) *tílf.* B <sup>18</sup>) *mgf.* B <sup>19</sup>) [*tílf.* B <sup>20</sup>) guds *tílf.* B

galldramennina þræut ok hindradi at gera þetta hit þridia undrit. 222.  
 ean eigi um hit fyrsta ok annat. Sealfr hann svarar þar til ok segir  
 þat i þi merkiaz. at þo at heidnir philosophi hinir uisazu ueralldar  
 uitringar hefði nðckura uissu af fedr ok syni. þa höfdu þeir ðngua  
 uissu<sup>1</sup> allt at eins af helgum anda. þersi .iii. tákn gerdi gud fyrir  
 Aarons skyld. sem nu uar fra sagt. en þau gerdi hann fyrir sealfan  
 sik. edr [ok nockut<sup>2</sup> af þeim fyrir Moysen. sem eptir fara. *exodus*.<sup>3</sup>  
 Konungsins hiarta hardnadi enn at þessu sinni. huar fyrir er hann  
 uilldi meðr engu mote hlyda fyrr sogdum guds bodorðum.

Fiorða Egiptalandz vndr.<sup>4</sup> Gud taladi þa enn til Moysen.  
 Ris upp aarla i<sup>5</sup> morgin. ok kom sua fyrir konunginn sem hann gengr  
 til uatz meðr sinum monnum. ok seg honum sua. at [ek byðr honum  
 at<sup>6</sup> hann geri minn lyd lidugan. til þers at hann fornfæri mer. ella  
 man ek allt þat flugna kyn sem til bidr upp aa sealfan hann lata  
 koma ok aa hans heimolliga menn [ok allt hans folk<sup>7</sup> ok aull hans  
 bus. ok Egiptalandz herbergi munu af allzkyns flugum fyllaz þegar i  
 morgin. utan aa landinu Gersen þar sem minn lydr er skal ek sua  
 dasamliga gera. at ek skal þar engar flugur meðr aullu uerda lata.  
 til þers at hann uiti uissuliga. at ek em gud drottinn áá iardriki. Skal  
 ek sua gera grein ok skilnad milli mins lyds ok hans. Moyses gerdi  
 sem gud baud honum. Hann gekk um morgininn a konungsins fund  
 Pharaonis ok sagdi honum þersor guds ord. ok sem hann uilldi ðngan  
 trunad leggja upp aa hans tal ok fortölur. þa let guð allar hinar  
 krankaztu<sup>8</sup> ok dáligztu flugur koma ok fylla aull hans herbergi ok  
 hans manna uun allt Egiptum.<sup>9</sup> utan i Gersen þar sem gydingar uaru  
 komu eigi nðckurar. Pharao let þa kalla ser Moysen ok Aaron. ok  
 sagdi sua. Farit ok fórnfærit gudi ydrum ok þo her innan landz.  
 Moyses svaradi. Ecki megum uær sua gora nee framm fara. fyrir þa  
 skyld at þa er sem uær fórnfærim gudi drottni uarum egiptzkra manna  
 udadir ok umennzkur. þat ok i annan stad at egiptzkir<sup>10</sup> menn munu  
 gryta oss i hel. ef uær sœfum þaa sœmu luti þeim aasiandum ok fornfæ-  
 rum. sem þeir dyrka ok fyrir gud hallda. Verðum uær uissuliga .iiii.  
 daga uegh i eydimork at fara til þers at offra þar ok fornfæra gudi  
 uárum. [*scolastica hystoria*.<sup>11</sup> Fyrir þa grein talaði Moyses þat. at  
 Egiptalandz menn mundi þa hina ebresku gryta. ef þeir sæfði þat sem  
 hinir dyrkadu.<sup>12</sup> at Egiptalandz menn dyrkadu gridung til uegs ok  
 uirdingar uid Apim. enn ku til sœmdar uid gydiu sina Ysidem. enn

<sup>1</sup>) mgl. B <sup>2</sup>) [nokkor, B <sup>3</sup>) *tílf.* B <sup>4</sup>) Rubrica af hinu .iiiiða. Egipta-  
 landz slaghe. *exodus*, B <sup>5</sup>) *tílf.* B <sup>6</sup>) [*tílf.* B <sup>7</sup>) [*tílf.* B <sup>8</sup>) kronk-  
 austu, B <sup>9</sup>) Egiptaland, B <sup>10</sup>) yðrer, B <sup>11</sup>) [*tílf.* B <sup>12</sup>) dyrkaðe, B

223) saud til sæmdar ok heidrs uid Hamonem. huadan af er þeim þotti þat afskapligt ok miok umannligt. at þersir lutir uæri<sup>1</sup> drepnir ok elnir. *Exodus.*<sup>2</sup> Konunggrinn svaradi þa. Orlof man ek ydr gefa ok liduga gera. at þer fornfærit gudi ydrum i eydimorkinni. sua framt sem þer farit eigi lengra i brott. ok bidit fyrir mer at flugurnar huerfi fram er. Sua sem ek hefir ut gengit. man ek bidia til guds<sup>3</sup> sagdi Moyses. man flugan fyrir mina bön áá morgin a brott huerfa Pharao ok aullu þinu folki. Enn geym þers ok gaa. at þu gðr oss ðngan hegoma hedan i fra. sua at þu gefir eigi uarum monnum gott orlof. Eptir þat sem Moyses uar ut genginn. bað hann fyrir Pharaone ok hans folki. þááz hans bön þegar i ridinni. sua at huer su fluga huarf ok flydi brott af sealfum honum ok þionostumonnum ok ollu hans folki. sua sem at þeim hafdi sótt. at eigi uar ein þeirra eptir. Konungsins hugr ok hiarta hardnadi enn at sinni. sua at hann uilldi eigi guds bodskap gera ok lydinu upp gefa. Af þersum .ii. hinum næstum undrum ok aafellum segir Josephus. at egiptzkir menn fengu sua mikla lyski. huer er af innrum ureinindum brautz ut um likamann. at þeim bættiz eigi ne eyd(d)iz huarki af baði ne laugu. eigi af heilsamligum smyrslum ne nockurum ðdrum lækningar lyfum. þiat medr morgum odrum mikils haattar áfellum er truanligt at Egiptalandz menn hafi slegnir uerit um fram þau .x. sem frægiaz eru.

Fimta Egiptalandz vndr. Gud taladi þa enn uid Moysen. Gakk enn fyrir Pharaonem ok ber honum minn bodskap sua segiandi. Sua talar herra gud ebreskra manna. Gef lausan ok lidugan lyd minn. at hann megí fornfæra mer. Enn ef þu uill þat eigi ok helldr þu honum lengr. þa man min hand koma yfir alla þina eign. akra asna ulfallda yxn ok saudi ok hesta. þar medr allar þinar hiardir. Her medr man gud drottinn sua dasamliga medr alla Jsraels syni gera. at hann man greina milli þeirra eigna ok annarra manna. at engin lutr man sa tynaz ne fyrirfaraz sem þeim til heyrir. Skal þetta allt at morni frammgengt æra ok sua framm fara. ef þu stadfestiz i þinu þrái. Moyses for aa fund Pharaonis ok flutti honum þersi guds ord. Ok fyrir þa sauk at hann uilldi þeim ekki sinna. þa do aull egiptzkra manna kuikendi eptir guds aakuædi. þau sem i husum inni uaru. þiat hin tynduz af haglinu sem i hðgunum uti uaru. sem sidarr man segiaz. Ella fyrirforuz þau greinarlaust segir Commestor. ok hefir þa sua langt uerit milli þessarra áfella. at þeir hafa uel megat or nockurum stöðum faa ser fenað. Enn af ollum Jsraels suna kuikendum fyrirforst eigi edr tyndiz sua mikit at eitt ueri. Pharao sendi þa sina menn

<sup>1</sup>) voru, B <sup>2</sup>) tilf. B <sup>3</sup>) her mgl. 2 Blade i B

til hinna ebresku at foruitnaz. huart nockut hefði dait af þeirra kuikendum. Enn sem þeir komu aptr. sögdu þeir sem satt uar. at þar uar huert kuikendi heillt ok halldit. Af þersu slagi segir Josephus at gud lét þeirra land ok herud hinna egiptzku driugum alskipad uerda af þeim margsháttar uillidyrum. sem engin madr þordi moti renna ne til-ræði ueita. af huerium er landit eyddiz miok einkannliga at akrkðrlum ok odrum orkumonnum. Konungsins hugr ok hiarta uar æ þi þungara uid hinn ebreska lyd. ok ecki nær um at hann uilldi hann liðugan gera.

Setta Egiptalandz vndr. Eptir þat taladi gud uid Moysen ok Aaron. Takit þit hondum fullum ðsku af ofni ok farit aa fund Pharaonis. dreifi Moyses sidan ðskunni ok kasti upp i loptit. sua at konungrinn sealfr sei upp aa. þat sama dupt man dreifaz um allt Egiptaland. sua at þar af manu þrutnandi blöðrur ok bolur medr suiðandum saarum koma bæði aa menn ok fenad. Moyses ok Aaron gordu sem gud baud þeim. at þeir toku ausku af ofni ok gengu fyrir Pharaonem. Ok sem þeir komu fyrir hann. dreifdi Moyses ðskunni i loptit upp. ok þegar i stad fellu stór saar med þrutnadum bolum bæði aa menn ok qnnur kuikendi um allt Egiptaland. Sua fellu ok eigi siðr saar aa galldramennina. at þeir mattu medr ongu moti standa upp ok fellu niðr af saarum. Konungsins hiarta hardnadi at eins. ok af þi uilldi hann ekki sinna þeirra fortöllum.

Siaunda Egiptalandz vndr. Gud talaði þa enn uid Moysen. Ris upp aarla i morginn. ok uer aa ueg fyrir Pharaone ok tala sua til hans. þersa luti talar gud drottinn ebreskra manna þer til. Ger þu frealsan minn lyd. at hann förnfæri mer. Enn ef þu uill þat eigi. þa man ek at þersu sinni aull min<sup>1</sup> aafellissaar senda upp aa sealfs þins hiarta. yfir þina heimolliga menn ok allt þitt folk. til þers at þer uilit ok uidrkenniz. at enginn bidr minn lika á aullu iarðriki. Man ek nu slaa þik meðr sealfs mins hendi sua sem ek rettir hana framum ok þitt folk medr sua þungu drápi ok aafelli. at þu mant fyrirfaraz af uerolldinni. Hefir ek þik til þers sent ok skipat. at ek syni minn sterkleika aa þer. sua at þadan af flytiz mitt nafn ok frægiz um alla uerolldina. Ef þu helldr enn lengr minn lyd ok gorir hann eigi lidugan. see þenna sama tíma man ek her at morni láta regna sua stort hagl. sem alldrigi fyrri uaru slik i allri Egipto fra þeim fyrsta degi sem þat land uar skapat ok til þers tíma sem nu er. ok eigi helldr i hinum nördztum heimsins haalsum. Send nu þegar i stad at þi menn fyrir þa sök at samna saman aullum þinum fenadi ok audru þi sem þu átt uti i eng ok akri. at bæði menn ok aunnur kuikendi. ok allir þeir

<sup>1</sup>) rett. for þin

lutir sem þann tíma eru uti sem haglit er. man(u) deýia fyrir þi. Moyses for eptir þi sem gud baud honum aa fund Pharaonis ok flutti honum aull þersi guðs orð. Þeir af konungsins monnum sem nockut ottaduz þersor hans orð létu allt sitt folk ok fenad flyia ok i bus inn fara. enn hinir sem ekki annzadu þersum hans bodskap letu aa sömu leid uti uera sem aðr. Eptir þat taladi gud til Moysen. Rett upp þina hand til himinsins. man sua framt uerda mikit ok stort hagl um allt Egiptaland. skal þat falla bædi yfir folk ok fenat ok þar medr yfir allt Egiptalandz sædi. Moyses gordi sem gud baud honum. at hann retti upp handina i loptit. ok þegar i ridinni let gud uerda ogurligar elldingar medr hagldropum ok rædiligum reidarþrumum. Var þat hagl sua stort. sem fell um allt Egiptaland. utan eigi aa Gersen þar sem Jsraels synir uaru. at alldrigi fyrri uard slikt aa ollu Egiptalandi fra þeim fyrsta tíma sem su þiod uar skapad. Meiddiz af þersu hagli bædi menn ok só. þat sem fyrir þi uard uti. Grasið luðiz ok lamdiz. A skogartreanum uard ok sua mikill skadi. at þau brotnadu driugum aull ok meidduz. Konungrinn let þa kalla ser Moysen ok Aaron. ok sagði sua. Vissuliga hefir ek nu misgert. herra gud er rettlátr. enn ek ok minir menn eru ranglaatir ok umilldir. Bidit nu til guds. at þersar hans reidarþrumur ok hagl lietti af oss. ok gefi ek ydr gott brottferdar orlof. ok uerdit her alldrigi upp fra þeima tíma. Moyses svaradi. Sua sem ek hefir ut gengit hedan af borginni. þa man þegar i stað þersar reidarþrumur ok hagl af lietta. sem ek rettir mina hand til himins ok gud drottins mins. til þers at þu uitir ok uidrkenniz. at allt iardriki er hans eign. Enn þo ueit ek allt at eins. at þu ok þinir menn ottiz enn ekki gud drottin. Moyses gerdi sem hann sagði. at hann retti sina hand upp til himins. eptir þat sem hann uar ut genginn af borginni. ok lietti þegar af su hin rædiliga rid hagl ok reidarþrumur sua giðrsamliga sem uerit hafði. at eigi kom nockut haglkorn sidan yfir iorðina. Lin ok bygg ok saa iardariannar aaúðxtr sem snemmgrær er ok adr hafði blomgaz uar mest skaddr ok skadaðr. enn hueiti ok annarr saa aaúðxtr sem seinna blomgadiz uar minnr skadadr. Enn sua sem Phraao fann. at þersarri haglhrid ok reidarþrumur lietti. þa ankadi hann synd aa synd ofan. hardnadi hann nu enn ok hans menn. Var nu engin uan i at hann uilldi Jsraels lyd lidugan gefa fyrir Moysen. eptir þi sem gud hafði bodit.

Aatta Egiptalandz vndr. Eptir þat taladi gud uidr Moysen. Gakk inn fyrir Pharaonem. þiat ek lætr hans hiarta ok hans manna nu harðna. til þers at ek gera þau min takn aa honum. sem þu skalt þinum sunum ok suna sunum segia ok kunnigt gera. huersu opt ok morgum

sinnum er ek hefir slegit ok lamit þa hina egiptzku ok min takn ok stormerki aa þeim gert. ok uitit sua allir samt at ek er gud drottinn. Moyses ok Aaron gengu inn fyrir Pharaonem ok toludu sua til hans. Þersor ord bad gud ebreskra okkr tala þer til af sealf(s) hans uegna. Huersu lengi uilltu eigi gefaz ok mer lydinng goraz. Gef lausan ok lidugan lyd minn allan. at hann fornfæri mer. Enn ef þu ert mer enn motstadligr ok uill hann eigi upp gefa. þa man ek locusta inn láta leidaz i aull þin herud ok endimork. sua at hon skal alla iðrdina hylia. skal hon allan þann hennar aaðxtinn eyda ok eta sem af haglinu hefir eptir uordit. þar medr man hun aull þau tre gnaga sem nockurn frykt bora. Sialfs þins hus ok herbergi þinna manna ok allra egiptzkra manna munu locuste fylla. sua at slikt undr saa alldrigi um alldr þinir fedr ne fodur fedr. fra þeim fyrsta tima sem þeir uaru sæddir i uerolldinni allt til þersa dags. Eptir þat snðri Moyses i brott ok gekk ut. Konungsins menn taladu til hans. Huersu skulu uær þola þersa neyd ok aafelli. Gðrit sua uel at gefit liduga menn þersa. at þeir offri drottni gudi sinum. edr seer þu eigi at allt Egiptaland er fyrirordit sik. Voru þeir Moyses ok Aaron þa enn aptr kalladir til konungsins. huerium er hann sagdi sua. Farit ok fornfærit gudi drottni ydrum. edr huerir skulu fara medr ydr. Moyses svaradi. Vær skulum fara allir samt. huerr sem einn sa er af uaru kyni er kominn. bædi karlar ok konur. ellri menn ok yngri. synir uarir ok dætr. naut ok saudir. ok þar medr allr annarr uárr fenadr þa skal fylgia ok medr oss fara. Her til svaradi Pharao. Sua se rett gud drottinn med þer. sem ek skal sealfa ydr medr smasueinum ydrum aullum liduga gora ok upp gefa. edr mant þu nokkut efaz i huersu illa ok hæduliga þer hugsa kunnit. Man ekki af þersu uerda. farit þer karlmennirnir helldr einir samt ok fornfærit. þa sem yðr getz at. þiat þersa hafit þer beiðz sealfir. Varu þeir brædr þa skiotliga utskyfdir af konungsins hall ok herbergi. Taladi gud þa enn til Moysen. Rett nu þina hand framm yfir allt Egiptaland. til þers at locusta leidiz yfir landit. eydi hun ok eti allt þat gras sem eptir hefir uorðit haglaridina. Moyses gerdi sem gud beiddi. at hann retti framm uðndinn yfir Egiptaland medr sialfs sins hendi. ok þegar i stad let gud brennanda<sup>1</sup> uind blasa allan þann dag ok eptir um nattina. sua at saa sami blásandi uindr leiddi locustas framm yfir Egiptum eptir um morgininn. hvar af er þær hofuz upp ok flyktuz sua medr miklum umaattis fiolda um allt Egiptum<sup>2</sup>. at þær sátu utðuligar i ollum landzins herudum ok endimorkum. huilkar er alldregi uurdu huarki adr ne sidan ok alldrigi munu uerda. Locustam telr Ysidorus

226

<sup>1</sup>) blásanda tilf. her A    <sup>2</sup>) rett. for Egiptum

eitt flugn(akyn.) þat kuikendi er miok langfætt. at þi sem annarr uðxtr þers er. ok lifir huart er þi likar áá sio edr landi. þersi kuikendi locuste huldu alla iardarinnar aasynd. suelgiandi þar medr ok eyðandi aullum hennar grodrum ok grænum grðsum. ok eigi sidr eplum þeim sem eigi hofdu adr tynz edr fyrirfariz af haglinu. sua at ekki uætta beid þat eptir i allri Egipto. huarki uidr ne gras. at sinn aaúðxt ok blomstr bæri. Fyrir þenna skyld bad Pharao kalla ser Moysen ok Aaron. huerium er hann sagdi sua. Misgert hefir ek uid gud drottin ydarn. ok eigi sidr uid sealfa yðr. fyrirlátit mer mina synd ok sekt nu at sinni. ok bidit til herra guds ykkars. at hann lati þenna dauda brott takaz af mer. Moyses geck ut af konungsins fundi. ok þegar sem hann bad til guds. þa let hann koma sua huassan uind. at hann bles aullum locustis rétt ok slétt sua giorsamliga i brott ok bar nidr i rauda haf. at eigi uar<sup>1</sup> ein eptir i aullum Egiptalandz halfum ok heruðum. Konungsins hiarta Pharaonis hardnadi þa enn af nyiu ok uilldi hinn ebreska lyd ekki lidugan gera ne upp gefa.

Niunda Egiptalandz vndr. Gud taladi þa enn til Moysen. Rett þina hand upp til himinsins. skulu þa uerda sua mikil ok þykk myrkr yfir allt Egiptaland. at þreifa man um þau mega ok medr höndum þeirra kenna. Moyses gerdi eptir þi sem guð baud. at hann retti sina hand upp i loptit. ok uurdu sua mikil myrkr ok ræðilig .iii. daga yfir aullu Egiptalandi. at enginn saa sinn bræðr edr kompan ne nockurskonar mann. ok enginn af ollum Egiptalandz monnum matti sik driugum ræra or þeim stad sem hann uar adr kominn. Margir af þeim hinum egiptzkum dó þa ok miok undarliga. Enn þar uar iafnan liost sem ebreskir menn bygdu. Konungrinn let þa enn kalla Moysen ok Aaron. ok taladi sua til þeirra. Farit til ok fórnfærit gudi ydrum. utan naut at eins skulu eptir uera ok saudir. enn smasueinar ydrir fari nu meðr ydr. Moyses svaradi. Lausa ok liduga uerdr þu alla þa luti at gefa. sem ugr skulum gudi uárum offra ok fornfæra. Skulu allar uarar hiardir medr oss fara. sua framt at eigi nockur klauf skal eptir uera af aullum þeim lutum sem naudsynligir eru til gud drottins þionostu ok dyrkanar. einkannliga þar sem uær uitum eigi huat er offraz skal. fyrr enn uær komum til þers stadar sem fórnfæring skal fram fara. Vidr þersi hans orð hardnadi konungsins hugr ok hiarta. ok af þi uilldi hann þeim ekki brottferdar orlof gefa. Hann taladi þa til Moysen. Gack i brott þina (leið) hedan fra mer. ok uaraz sua framt at þu<sup>2</sup> komir alldrigi mer i augsyn. sem þu uil(l) lifinu hallda ok heill uera. þiat þann sama dag skalltu drepinn uera sem ek sér þik. Moyses

<sup>1</sup>) at tilf. her A    <sup>2</sup>) rett. for þa



svaradi. Far(i) þat sama rett fram sem nu sagdir þu. at ek koma alldregin þer i augsyn upp fra þersum tima.

Tiunda Egiptalandz vndr. Gud taladi þa uid Moysen. Eptir er enn eitt slagit. med hueriu er ek man nærr ganga konunginum Pharaone ok aullu Egiptalandz folki. Eptir þat man hann ydr upp gefa ok skylduliga bioða ydr i brott at fara. Þa skalltu tala þat fyrir aullu folki þínu. at huerr sem einn karlmadr bidi sinn kompán lia ser bædi gullkerin ok silfrkerin. ok aa sömu leid huer sem ein ebresk kona þa bidi bædi klæðanna ok keranna af sinni egiptzkri uinkonu. Enn gud drottian man þa giptu gefa ydr uid hina egiptzku. Allir konungsins þeonestumenn ok þar med landzfolkit allt saa þat. at Moyses var einn agigr ok hardla mikils háttar madr. Hann taladi þa enn at sinni sua til Pharaonem. fyrr enn hann færi fulluliga i brott af hans fundi. Þersa luti segir sealfr gud drottinn. Sua man ek um midnættis skeid inn ganga. at huerr sem einn Egiptalandz frumburdr man deyia. sua frumburdr Pharaonis þers sem i konungsins hasæti sitr. sem þeirrar ueslastu ambattar frumburdr er hon stendr uidr ok melr. ok medr huers kuikendis ok fenadar frumburdr. Þar af man sua mikit óp ok kall þa uerða aa aullu Egiptalandi. sem alldrigi fyrr uard slikt ok eigi man uerda upp fra þeima tima. utan medr Jsraels sonum man allt sua kyrt ok halldit uera bædi medr monnum ok ollum odrum kuikendum. at eigi man þar helldr heyra til rakkans enn annars. til þers at allir þer uitit. medr huilikri iartegn ok stórtákni gud drottinn greinir ok skilr milli Jsraels folks ok Egiptalandz manna. Manu allir þinir þeonestumenn þa ganga nidr til min neigiandi mer blidliga medr bøn-arordum ok sua segiandi. Gakk ut hedan þu ok allr þinn lydr sa sem þer uill lydinn uera. Eptir þat munum mer ut ganga hedan af Egiptalandi. Ok sem Moyses hafdi þersa luti talat fyrir Pharaone. þa geck hann storliga reidr ut ok i brott af konungsins fundi. Taladi gud þa enn til hans a þessa leid. Ekki mun Pharao enn heyra ydr. til þers at þar fyrir uerdi mörg takn aa Egiptalandi. Gordu þeir Moyses ok Aaron aull þersi takn fyrir konunginum Pharaone. sem nu var fra sagt. Hardnaði hans hiarta eigi at sidr ok uilldi eigi Jsraels lyd til brottferdarinnar af sinu landi lausan edr lidugan gora.

---

Her greinir af Egiptus ok af þeim dogum er við hann ero kendir.

86. Fleiri varu Egiptalandz slöð ok undrsamlig aafelli enn þau x. sem Moyses tclr i sinni bok Exodus. sem fyrr var sagt. Eru þau

228 lettliga fyrir þann skyld eigi tind ok talin. at þau hafi eigi iafnþung uerit ok hrædilig sem þersi .x. Huadan af er nockurir dagar kallaz fyrir þa grein egiptzkir. at Egiptus hafi aa þeim pinaz. af huerium er .ii. einir noteraz monnum til minnis aa serhuerium manadi. þo at þeir hafi lettliga fleiri uerit. Engin trunadr er ok upp aa þat leggiandi. at egiptzkir menn hafi þersa daga sem þaleidis eru kallaðir bannaða eðr driugum sua sem boluada fündit ok profat til at byria einshueria mannzins athðfn. þo at þeir uæri hardla uisir stiðrnurims meist-arar. Huat sem helldr uilia menn aa þeim dðgum byria sina ferd edr sla ser blod. ok huat annat gott ok nytsamligt uerk er þeir uilia þa byreat hafa. þa skulu menn ekki þi trua. at þeir se til þers unytir ok uhelgir helldr enn adrir dagar. þat er ok noteranda. at nockurir mikilshaattar Egiptalandz menn foru þenna tima sialskraft þapan i brott. sua sem þeir ottaduz at landit mundi tynaz ok fyrirfaraz af þersum undrum ok aafellum. Sem uar hinn frægi Cicrops. er þadan for ok stadfestiz sidan i Grecia. let hann þar gora þa borg sem hann kalladi Cicropiam af sialfs sins nafni. hueria er Anfluxion hinn þridi Girklandz konungr eptir Cicropem helgadi þeirri gydiu er Minerua heitir. ok kalladi af hennar nafni Athenas. þiat hun heitir sua upp aa girzku. Af þersum ufridarstormi truiz ok at Dionisius Bachus hafi þadan flyit.<sup>1</sup> saa sem Argos smidadi ok Girkium kendi klokskap ok uana til þers at planta uingarda. Nærri þessum tima<sup>2</sup> segiz ok<sup>3</sup> at þat hit mikla flod hafi uordit i þeirri Girklandz hálfu sem Thessalia heitir aa dogum Diucalionis.<sup>4</sup> sem fyrr uar fra sagt at a dogum Moysi hafi<sup>5</sup> uordit. ok flestir flydu upp aa nadir þers sama Diucalionis.<sup>4</sup> þann tima uard ok hinn mikli bruni aa dogum Phetontis. þa sigradi ok Hercules hinn sterki Anthaum.

Her segir af guðs skipan huersu lambit skyldi sæfa.<sup>6</sup>

87. Gud drottinn taladi þa enn til Moysen ok Aaron. sua sem þeir uaru aa Egiptalandi. þessi manadr skal ydr uera annarra manada upphaf sagdi hann. ok fyrstr<sup>7</sup> af ollum aarsins manadum. [*scolastica hystoria*.<sup>8</sup> þat er [Aprilis tunglkuama.<sup>9</sup> su sem optlliga hefz ok byriaz i Marcio manadi. þiat gud uildi at gydingar uæri sua greindir ok audkendir i timans skipan ok skynsemd fra odrum þiodum sem i skirn-arinnar teikni<sup>10</sup> ok i sidferdis atrunadi. Romueriar. ok þeir flestir sem

<sup>1</sup>) her *begynder atter* B <sup>2</sup>) timum, B <sup>3</sup>) tilf. B <sup>4</sup>) Deucalionis, B <sup>5</sup>) hefðe, B

<sup>6</sup>) Capitulum af hinu .x<sup>da</sup>. Egiptalandz vndri ok afelli. ok fyrst af paskalambæ, B <sup>7</sup>) eðr ædzstr tilf. B <sup>8</sup>) [tilf. B <sup>9</sup>) [æðaltunglku, B

<sup>10</sup>) saal. B; tekiu, A

nordrhaalfuna byggja. telia ok hallda Januarium af skipan ok setningu Pompilii fyrir þann skyld fyrstan. at solin gengr þann tíma upp ok aukaz hennar gangr eptir þa sólstöðuna sem aa uetrinn uerdr. [enn þeir sem Arabiam byggja byria sina aaratolu eftir hina solstöðuna sem a sumarit verðr.<sup>1</sup> Enn su syniz þo<sup>2</sup> uörkuæmiligaz. sem af ebreskum monnum er höfd ok halldin ok byriaz af Marcio. aa hverium er þat er lesit at heimrinn uar skapaðr. Sampyckia þeir um timahalldit medr oss i Aprili enn eigi um offranarinnar haatt eðr förnfæring. Enn þar sem tunglit uar þa .x. náttu. er lambit skyldi takaz. tééz þat ok audsyniz. at þat sama lamb merkir nöckut þat sem eylist ok æfinligt er. Segiz tunglit þa ok syniz sua sem .xiii. natta uerit hafa aa þeim hinum .iiii<sup>da</sup>. degi. sem þat uar skapat. sua sem þat hefði .xi. natta uerit aa hinum fyrsta heimsins degi. enn .x. fyrir heimskapanina. ef þat hefði þa til uerit.

*Exodus.*<sup>3</sup> Talit þit sagði gud til Moysen ok Aaron sua af minna uegna til allz Jsraels suna folks [ok fiolda.<sup>4</sup> A .x<sup>da</sup>. degi þersa man-  
 227.  
 adar skall huerr sem einn husbondi taka eitt uetrgamallt ok flekklaust<sup>5</sup>  
 uedrarlamb ok hafa heim til eins herbergiss ok uardueita þi til hins  
 .xiii<sup>da</sup>. dags þers<sup>6</sup> manaðar. Hefir hann husbondinn sua fátækr uerit.  
 at hann hefir eigi nöckut fersaudarlamb<sup>7</sup> áátt ok til haft. þa skal aa  
 sömu leid taka þat kid flekklaust.<sup>8</sup> [*scolastica hystoria*.<sup>9</sup> meirr undir  
 þeirri grein at þat se eigi blint ne fotbrotit ok at ongu uætta uanat  
 eðr uanfært ok at ollu ual heillt enn þat se til reyfissins<sup>10</sup> talat.  
*exodus.*<sup>11</sup> Enn ef husbondinn hefir færa folk i sealfs sins herberghi  
 sagði gud. enn til uinnz at eta þetta sama lamb at einu sinni. þa skal  
 hann kalla til sin sua marga sina granna þa sem þeim<sup>12</sup> eru nálægir.<sup>13</sup>  
 at þeir allir samt faai uel upp etit allt lambit. þetta sama lamb skal  
 allr Jsraels suna fioldi aa hinum .xiii<sup>da</sup>. degi þers<sup>14</sup> manadar at kuelldi  
 [huerr sæfa<sup>15</sup> sitt lamb. taka sidan blodit ok dreifa þi medr þeim sam-  
 a<sup>16</sup> stöckli sem þar til skal af Ysopo görr uera. laugandi sua ok lit-  
 andi bæði ofdyrit ok baaða<sup>17</sup> dyristafina fyrir þeim husum medr  
 lambsblodinu. i huerium er þeir skulu sidan lambit sealt eta. A þeirri  
 sömu nátt skulu þeir huerr sem einn allt sitt lamb eta. huarki brátt  
 ne i uatni sodit ok eigi odruvisi<sup>18</sup> til buit enn aa<sup>19</sup> elldi steikt. ok  
 þar uidr skiært einbakat brauð ok beiskar surur.<sup>20</sup> huerra surleiki er

<sup>1)</sup> [tílf. B <sup>2)</sup> einkannlegha tílf. B <sup>3)</sup> tílf. B <sup>4)</sup> [tílf. B <sup>5)</sup> vlflekkutt, B

<sup>6)</sup> sama tílf. B <sup>7)</sup> saudarlamb, B <sup>8)</sup> sem flekklaust see, B <sup>9)</sup> [tílf. B

<sup>10)</sup> einkannlegha tílf. B <sup>11)</sup> tílf. B <sup>12)</sup> honum, B <sup>13)</sup> nálægazetir, B

<sup>14)</sup> sama tílf. B <sup>15)</sup> [sæfa huerr, B <sup>16)</sup> mgl. B <sup>17)</sup> tílf. B <sup>18)</sup> odruviss, B

<sup>19)</sup> meðr, B <sup>20)</sup> suurur, B

monnum skal til æuinligrar þrældomsins minningar uera. Eta skulu þer [ok eighi siðr<sup>1</sup> lambsins höfud ok fotr medr ollum idrum ok innýflum. Eigi skal nockurr lutr af lambinu leifaz<sup>2</sup> ok til morgins eptir uera. enn ef nockut uætta leifiz<sup>3</sup> sua at eigi uerdi etit. þa skulu þer þat i elldi brenna. Skulu þer medr þeima hætti þat eta. sem nu hefir sagt uerit. Eigi skulu þer bein þers briota ok aungan lut ut af senda. Sua skulu þer bunir uera sem nu man ek segia. Lendar ydrar skulu þer gyrda ok sealfa ydr lettibuna gera. hafit skoklædi aa fótum en stafi i hondum. ok etid ual skiott. fyrir þann skyld at þa er Phase. þat er gud drottins umferd.<sup>4</sup> þiat aa þeirri sömu natt man ek um fara alla Egiptum ok ueita daudaslag huerium sem einum Egiptalandz frumburdi.<sup>5</sup> sua manzins sem annars kuikendiss. ok þa man ek gud drottinn gera fordömingar<sup>6</sup> rettdæmi a ollum Egiptalandz gudum.<sup>7</sup> Enn þat lambsins blod sem þer hafit litat medr ok laugat þeirra husa ofdyri ok bada dyristafi. sem þer munut þa byggia. man ydr uera til þers takns ok heilsumarks. at ek man þar drepsottina lata hia lida sem ek hefir blodit seed. [þann tima sem ek veithir þetta slaggh Egiptalandz folki.<sup>8</sup> Munut þer þenna dag minniligan hafa ok medr æuinligri dyrkan hann gudi drottni hatidligan hallda<sup>9</sup> um allar yðrar<sup>10</sup> kynkuislir ok afkuæmi.<sup>11</sup> A hinum næstum .vii. dögum skulu þer þetta skiaera braud eta. Hinn fyrsti dagrinn man ydr heilagr ok hatidligr uera. ok aa saumu leid hinn .viidi. Enskisskonar uerk skulu þer aa þeim .ii. dögum uinna. at fra teknum þeim lutum sem monnum er til borðz at bua. A þeim hinum sama fyrsta deginum man ek ydarn her ut leida ok i brott af Egiptalandi. ok fyrir þat skulu þer ok allt ydart kyn ok afkugmi þenna dag medr æuinligri sæmd ok sidsemd hallda ok uardueita. [*scolastica hystoria*.<sup>12</sup> Af fyrr sogdum lutum ma þat audsynaz. at þeim uar lofat aa þeim .v. meðaldögum<sup>13</sup> at uinna þat sem þeir uilldu. Af þersu ma þat ok ual skilia. at þeir helldu huern sem einn laugardagh festiligarr<sup>14</sup> ok framarri at uerkinu enn nokkura adra daga sina hátid. aa huerium er þeim er<sup>15</sup> þat eigi sidr bannat at uinna sem til borðz ok matbunadar heyrir. Matti þat liettliga þadan af uera. at uars herra þeonostukonur hafi aa sealfri paschadags hatidinni megat smyrslin bua. til þers at smyria þar med sealfs hans likama. huat er þeim mundi aa laugardaginn eigi lofat uerit hafa. [*speculum hystoriale*.<sup>16</sup> Nu þo at þersi guds skipan ok fyrr sagt

<sup>1</sup>) [*tíl. B* <sup>2</sup>) leyfaz(!), B <sup>3</sup>) leyfiz(!), B <sup>4</sup>) saal. B; ntferd, A <sup>5</sup>) frumburð, B <sup>6</sup>) min, B

<sup>7</sup>) eðr fordæmingar *tíl. B* <sup>8</sup>) [*tíl. B* <sup>9</sup>) *her begynder* *Fragm. V* <sup>10</sup>) saal. B; adrar, A <sup>11</sup>) saal. B; afkuæmiss, A <sup>12</sup>) [*tíl. B* <sup>13</sup>) saal. B, *Fragm.*; dögum al dögum(!), A <sup>14</sup>) festiflegarr, B; festiflega, *Fragm.* <sup>15</sup>) var, B <sup>16</sup>) [*tíl. B*

lamb skyldi meðr sogdum greinum sæfaz til<sup>1</sup> frelsis Jsraels folki moti þeim eydanda engli sem truiz at nockurr dáligr engill hafi uerit. [þa er þo allt at eins formerking uárs herra piningar. fyrir hueria<sup>2</sup> er ugr frealsadumz af fiandans ualldi. upphaflig sök ok skynsemd til þers-arrar sealfs hans skipanar.

*Exodus.*<sup>3</sup> Moyses let<sup>4</sup> kalla sér alla hina ellztu ok fremztu menn af Jsraels folki. ok sagði þeim greiniliga allan þenna guds bodskap. bædi huersu lambit skyldi sæfa ok sidan eta. er þeir höfðu<sup>5</sup> dyristafina ok ofdyrit, adr upp aa þann hátt meðr þers blodi laugat ok litat sem nu uar sagt. ok at engin þeirra gengi þa natt allt til morgins nockur ut af þi sama sialfs sins husi. fyrir þa sauk at gud<sup>6</sup> mundi meðr fyrr nefudu slagi ok aafelli aa þeirri natt um fara alla Egiptum. [utan þann sem slaghet veitti<sup>7</sup> mundi hann<sup>8</sup> aull hus um lata lida. þau sem meðr lambsblodinu uæri litud. bad þa ok þersa laga boð-orda<sup>9</sup> æuinliga geyma ok giæta bædi ser ok sunum sinum. ok sagdi þar meðr sua til þeirra. þersar lagaskipanir<sup>10</sup> skulu þer eigi sidr hafa ok hallda þann tima sem þer hafit aa þat sama land komit ok inn gengit. sem gud drottinn hefir ydr fyrir heitit. Ok sua sem synir ydrir spyria ydr eptir liettliga. huers háttar sidr þat se. þa segit þeim sem satt er. at þetta er umferdar<sup>11</sup> færing ok fórnfæring i þa minning hofd ok halldin. sem hann um leid Jsraels sona hus frealsandi þau aull þann tima sem hann slo þa hina egiptzku. Vidr þersa tolu Moysi fellu þeir hinir ebresku til iardar ok lofudu gud. Sidan byri-adu þeir sina ferd. eptir þi sem gud bauð<sup>12</sup> þeim Moysi ok Aaron. ok somnudur saman uidr Egipti landamæri nærri fyrrnefndri borg Rame-se. sua sem tunglit uar .xiiii. nátta ok sem þeir hofdu lambit sæft ok sua meðr ollu farit sem fyrir<sup>13</sup> uar sagt.

þa let gud þat slag koma yfir allt Egiptaland. at huerr sem einn frumburdr uard þar bráddaur um miðnættiss skeid. sua frumburdr þers sama Pharaonis. sem i konungsins hasæti sat. sem frumburdr þeirrar ueslu<sup>14</sup> ambáttar. sem i fanghelsi ok myrkuastofu uar [hertekin ok halldin.<sup>15</sup> ok þar meðr allr fenaðarins frumburðr. Reis konungrinn<sup>16</sup> þa upp um nattina þionustumenn hans ok allt Egiptalandz folk meðr miklu opi ok kalli. þiat alldregin uar þat driugum nockut hus. at eigi lægi nockurr daurdr madr.<sup>17</sup> Liettliga segir Commestor at gud hafi sua

<sup>1</sup>) verndar ok tilf. B <sup>2</sup>) [en þo allt at eins kom hann a vaars herra pininghartima, B <sup>3</sup>) tilf. B <sup>4</sup>) þa tilf. B <sup>5</sup>) hefðe, B <sup>6</sup>) drottinn tilf. B <sup>7</sup>) [tilf. B <sup>8</sup>) saal. B; ok tilf. A <sup>9</sup>) boðorðz, B <sup>10</sup>) ok fornsfæringar tilf. B <sup>11</sup>) saal. B; uferdar, A <sup>12</sup>) hafðe boðit, B <sup>13</sup>) fyrri, B; fyrr, Fragn. <sup>14</sup>) veslazu, B <sup>15</sup>) [flotrat ok hertekin halldin (helldr, Fr.), B, Fr. <sup>16</sup>) sealfir tilf. B <sup>17</sup>) i tilf. B

231 skipat.<sup>1</sup> þíat i flestum ollum husum hafi nockurr frumburdr uerit. Nu sem Pharaó var sua þröngdr til ok þuingadr.<sup>2</sup> þa sendi hann sina menn medr þeim ordum ok erindum til Moysen ok Aaron. at þeir særi i brott [sem fyrst<sup>3</sup> ok allt þeirra folk fra [honum ok<sup>4</sup> hans monnum. Farit<sup>5</sup> allir Jsraels synir sagdi hann ok förnfærit sua gudi ydrum. sem þer hafit adr talat ok til mællt. ok flytit<sup>6</sup> brott medr ydr allan ydarn fiarlut. bædi naut ok saudi. ok blezit mer sua sem þer farit i brott. Hinir egiptzku skundadu ok skylldadu þa hina ebresku til brottferdar af Egiptalandi sua segiandi. Allir munum uer deya. ef þer farit eigi i brott. Jsraels synir gordu nu sem gud hafði bodit þeim. at þeir badu hina egiptzku lea<sup>7</sup> ser bædi gullker ok silfrker. ok þar medr mörg goð<sup>8</sup> klædi. Gaf gud þeim at þi sinni þa giæfu<sup>9</sup> uid hina egiptzku. at þeir ledu hinum ebreskum huat er þeir badu. Rænti þat folk sua ok fletti Egiptalandz menn medr guds orlofi ok bodskap. bædi fyrir þat sem þeir höfdu þrælkaz ok unnit fyrir þeim ok engan godan lut mot tekit ok i annan stad til þers at tialldbudin mætti þar af geraz sidan.

### Her segir af ferð Jsraels lyðs.<sup>10</sup>

88. Jsraels lydr for af nefndri borg Ramese til þers stadar sem Sochoth heitir. Uaru þeir nær .dc.<sup>11</sup> þushundrada gangandi karlmanna. enn born ok konur medr odru þeonostufolki uar sua mart. at uarla uard talit. höfdu þeir bædi naut ok saudi ok allzkyns fenad<sup>12</sup> meðr ser. Hafdu Jsraels folk þa uerit [fiogur hundrat ok .xxx. aara<sup>13</sup> aa Egiptalandi. [*scolastica hystoria ok speculum hystoriale*.<sup>14</sup> medr þeim til töldum sem lidit hafði<sup>15</sup> fra þeim tima sem gud uitraðiz<sup>16</sup> Abraham á ueginum til Mesopotamiam ok gaf honum sitt fyrirheit ok til þers er hann gaf Moysi lögmálit i fiallinu Synay. þíat eigi uaru þeir lengr i þrældominum þíadir enn .c. aara tirætt .xl. ok .iiii. aar. sua langt sem lidit uar fra andlati Josephs. Skilz ok undir Egiptalandz nafni ok telz allr timinn vpp fra þi er Abraham ok allt hans<sup>17</sup> afkuemi utlægdiz af sinni fodurleifð ok fostrlandi Chaldea ok til þers er lögmálit gafz. Fyrir þann skyld fylgdu Egiptalandz menn þeim huergi. at þeir urdu hueruetna at grafa hina dauðu. Enn þo idraduz margir af þeim ok gretu þat er þeir höfdu sua grimmir uerit. Enn fyrir þa

<sup>1</sup>) adr *tílf.* B <sup>2</sup>) þrungaðr, B <sup>3</sup>) [*tílf.* B <sup>4</sup>) [*mgf.* B <sup>5</sup>) nu *tílf.* B <sup>6</sup>) ok *tílf.* B <sup>7</sup>) at þeir leði, B <sup>8</sup>) dyr, B <sup>9</sup>) ok giptu *tílf.* B <sup>10</sup>) Capitulum af vtfærd Jsraels lyðs af Egiptalandi. exodus, B <sup>11</sup>) sex hundrat, B <sup>12</sup>) i ferð *tílf.* B <sup>13</sup>) [*saal.* B; .cccc. aara, A <sup>14</sup>) [*tílf.* B <sup>15</sup>) höfðu, B <sup>16</sup>) *saal.* B; uitradi, A <sup>17</sup>) kyn ok *tílf.* B

grein at gud drottinn hafði drepit alla Egiptalandz frumburði enn freals-  
at af engilsins hendi [i sealfra þeirra frealsan<sup>1</sup> ok brottferd alla þeirra  
frumburði. þá taladi hann sua til Moyses.<sup>2</sup> Helga mer huern þann karl-  
kindar frumburd. sua af monnum sem af aullum odrum kuikendum.  
sem meðr Jsraels sunum eru i ferdinni. þiat allir þersir lutir eru minir.  
Vildi hann af þersarri sauð þá lata sér helgaz ok fornfæraz. Er saa  
ok einkannliga i fyrstu meðr hinum grænazta frykt<sup>3</sup> ok auexti ueg-  
samandi. af huerium er allir þiggia alla goda luti. [Frumgetnir synir af-  
kuemiss ok éltmanna Leui voru þaaleidiss offrader ok fornférðer. at  
þeir skylldu iafnlega guðe þiona. Enn frumgetner annarra Jsraels éttu  
voru sua fornférðer. at þeir skylldu leysaz meðr .x. örtugum silfrs. Allr  
fenað(a)rins frumburðr. saa sem vel var vidrkiémilegr at offraz. þá voru  
kennimanna offr. Enn hinna frumburder. sem vreinne voru ok offrinu  
vitilheyrileggher. voru sumer leyster. sua sem asna frumburðr varskiptr  
sua at sauðr var i moti lagiðr ok offraðr. enn sumer voru drepnir ok  
eigi leyster. sua sem rakka frumburdr.<sup>4</sup>

*Exodus.* Moyses flutti allan þenna guds bodskap Jsraels folki. ok  
taladi sua til huers sem eins af ollum þeim. þann tima sem þinn sun  
hefir eptir frett. huart sem þat er fyrr edr sidarr. huat er þetta hefir at  
þyða. þá seg honum. at herra gud leiddi yðr meðr sinni sterkri ok  
hardri hendi ut ok i brott af Egiptalandi ok af þeirra þrældomshusi.  
ok at hann drap allan þenna<sup>5</sup> frumburd. sua manzins sem huers sem  
eins annars<sup>6</sup> kuikendiss. þann tima sem Pharaó hardnadi mest ok  
uilldi oss eigi lausa lata ne liduga gera. fyrir þenna skyld fornfæri  
ek gudi drottni minum allan karlkindar frumburd. sua sunar mins frum-  
burd sem allan annan. Skal þetta þer sua skyrt ok uissuligt mark uera.  
at hann frealsadi oss þadan meðr sinni sterkri hand. sem þat er þu  
helldr upp aa meðr sealfs þins hendi. edr þat eitt huat er fyrir þinum  
augum er uppfest þer til æuinligrar minningar. [*scolastica hystoria.*<sup>7</sup>  
at þersi frelsis minning gleymiz eigi giarnari af þer ok [þinu minne<sup>8</sup>  
en þeir lutir sem þu hefir ok helldr þer i hendi.

*Exodus.*<sup>9</sup> Nu<sup>10</sup> sem Pharaó hafði Jsraels folki brottferdar orlof  
gefit sem fyrr uar sagt. þá foru þeir fyrir þá grein meðr guds forsio  
þann æydimarkar ueg sem liggr uid hit rauda haf ok lengri uar. enn  
eigi þann sem var<sup>11</sup> um landlt Philistiim edr Palestinam. er næst lá  
uidr sealf Egiptalandz endimork ok landamæri ok skemri uar. at eigi  
uar ulikt at þeir hefði aptr horfit i Egiptum ok idraz þers er þeir

<sup>1)</sup> [saal. B; ok sealfs þins hand, A <sup>2)</sup> Moysen, B <sup>3)</sup> frukt, B <sup>4)</sup> [silf. B

<sup>5)</sup> þeirra, B <sup>6)</sup> mgl. B <sup>7)</sup> [silf. B <sup>8)</sup> [saal. B; þinum monnum, A <sup>9)</sup> tilf. B

<sup>10)</sup> sua tilf. B <sup>11)</sup> tilf. B

232.

hofdu<sup>1</sup> nokkurn tíma þáðan í brott farit. ef Philistei hefði fyrir fornan fiandskap ok áfundarhatr við þeirra frændr ok forfedr meðr bardagha moti þeim risit. J annan stad hafði guð sua búið ok fyrir sagt Moysi. sem heyrar mátti. at Jsraels folk skyldi um fíallit Synay brott fara ok sealfum honum þar fórnfæra. Hefde<sup>2</sup> þeir ok líttlíga marga mikils háttar mæðu ok kuql þolat aa þeim ueginum. ef hinir egiptzku hefði idraz þeirra brottferdar [ok sotti eptir þeim meðr vfríðe<sup>3</sup> sem nu uard. Foru Jsraels synir sua meðr miklum ríkdómi ok herfangi brott af Egiptalandi. [*scolastica hystoria*.<sup>4</sup> Þat bar [ok þa<sup>5</sup> til sem optarri kunni<sup>6</sup> uerda. at aain Nilus geystiz<sup>7</sup> or sinum farueg ok sell<sup>8</sup> miklu uidara enn<sup>9</sup> uani hennar uar til. Enn meðr<sup>10</sup> þi at Jsraels synir höfðu Joseph þi meðr særum<sup>11</sup> heitit at flytia hans bein brott meðr ser. þann tíma sem guð uitiadi þeirra ok greiddi þeirra ueg ut af Egipto sem fyrr uar sagt. ok aarinnar uatn flaut ok flæddi<sup>12</sup> þar yfir sem hann uar iardæðr. þa skrifadi Moyses eðr grof eitt hardla háleitt guðs nafn tetragramaton aa einni gullspöng. hueria er hann lagdi níðr aa uatnit. flaut hun ok fluttiz hegat ok þegat allt til þers er hon stod-uaðiz aa uatninu þar beint yfir sem beinin Josephs<sup>13</sup> uaru grafin. Grofu þeir þa þar til er þeir fundu bein hans ok báru brott meðr ser. af huerium er þat er lesit ok sua til orðz tekit. at þau hafi þeim forspaar ueitt. líttlíga segir Commestor af leidarinnar frammsferð ok þeirra farlengd. Ebreskir meann segia at sautr nockurr hafi komit til þeirra aa uuart ok stadið hia þeim. sua sem þeir stöðfudu at beinunum. ok saa sami sauðr hafi talit með<sup>14</sup> þa. huar fyrir er þeir fluttu hann meðr ser langan tíma um æyðimorkina ok kaulludu hann Josephs saut. Morg Egiptalandz hóf sellu níðr meðr ollum sinum skurð-godum ok fyriruurðuz af þeim iardskialpta sem uard í þeirra brottferð af Egipto.

Enn sua sem þeir fluttu sína ferd í brott af fyrr nefndum stad Sochoth. þa komu þeir í þann stad í hinum yztum eyðimarkarinnar endimörkum. sem Ethau heitir. ok settu þar sínar herbudir. Þat uar þa ein eyðiborg. huar er Josephus segir at síðarr uar murat ok gör ein stor ualldborg.<sup>15</sup> þann tíma sem Chambyzes fór herskildi [yfir Egiptum.<sup>16</sup> Enn af þi at um eyðimerkrnar uar saatt til leidaruisis. þa uar guð drottinn sua í för ok í fylgiu með þeim ok þeirra leidsagi. at sky nockut. sua uaxit sem einn pílar uæri moti solar hita um dag-

<sup>1</sup>) hefde, B <sup>2</sup>) saal. B; höfðu, A <sup>3</sup>) [tilf. B <sup>4</sup>) [tilf. B <sup>5</sup>) [þa enn, B <sup>6</sup>) at tilf. B <sup>7</sup>) æstiz, B <sup>8</sup>) feall, B <sup>9</sup>) daghlegr tilf. B <sup>10</sup>) af, B <sup>11</sup>) ok suardagha tilf. B <sup>12</sup>) flæðe, B <sup>13</sup>) mgl. B <sup>14</sup>) viðr, B <sup>15</sup>) ok sterk borgh, B <sup>16</sup>) [ok eyddi Egiptaland, B



ana. let hann fyrir þeim fara. huert er þeir skyldu uikia ok uenda sinni ferd. enn um nætrnar elldligan stolpa<sup>1</sup> moti myrkrum ok eitromum. sua at þeir uissi hual<sup>2</sup> þa uar at uaraz. hindraði þenna leidaruisi<sup>3</sup> engan tíma huarki nētr ne daga frammi fyrir folkinu.

Her segir vm herleiðing þa er guð gerði yfir hafit rauða.<sup>4</sup>

89. Gud drottinn taladi þa enn til Moysen ok bad hann<sup>5</sup> gðra rad fyrir. at Jsraels folk snðri nockut sua ok uendi apt̃ ueginum<sup>6</sup> medr Egiptalandi. ok setia sinar herbudir milli þeirrar borgar sem Magdalon heitir ok stendr uid Egiptalandz landamæri ok hins rauda hafs. Phara<sup>7</sup>o man<sup>8</sup> þa tala til Jsraels suna sagdi gud. [Krepter ok þrongder eru þeir nu. hefer eydimorkin nu klypt þa.<sup>9</sup> Man hans hiarta þa hardna ok med ufridi eptir ydr sækia. man ek þa ok mina dyrd láta birtaz aa Pharaone ok aullum hans her. Gordu þeir sem gud bauð. [*scolastica hystoria*.<sup>10</sup> Ok<sup>11</sup> sem hinir ebresku hofdu þar nidr<sup>12</sup> sett sinar herbudir. þa uurdu<sup>13</sup> þeir<sup>14</sup> sua klyptir ok klembradir. at af annarri hálfu uar uthafit<sup>15</sup> enn af annarri ufær fioll ok æydimörk<sup>16</sup> at þeim. þar sem eigi lágu Egiptalandz halfur [ok landamæri<sup>17</sup> uid þa.

Egiptalandz konungi uar nu sagt. at Jsraels folk hafdi allt flyit ok brótt farit. Ok þegar sem hann fretti þat. þa kastadi hann vm<sup>18</sup> sinum hug ok hiarta til þeirra ok allir hans menn. sua segiandi. Til huers mundim uær þetta uilia sua gora. at gefa Jsraels lyd lausan ok lidugan sua at hann þionadi eigi ok þrælkadiz fyrir oss. Let Pharao þa taka .ccc. af uoldum sealfs sins kerrum. ok aunnur .ccc. aa sōmu leid af þeim bezlum kerrum<sup>19</sup> sem landzfolkit lagdi til herferdarinnar. hafdi hann þar til hertoga sina ok .l. þushundraða ualdra riddara ok ual uapnaðra. ok þar medr .cc. þushundraða ual buinna fotgöngumanna.<sup>20</sup> For hann medr ollum þersum her ok sotti fast med<sup>21</sup> ufridi þann sama ueg eptir Jsraels sunum<sup>22</sup> sem þeir hofdu adr farit. ok fundu þa uidr hafit þar sem þeir uaru medr [sinar herbudir.<sup>23</sup> Nu sem Pharao nalgadiz. ok Jsraels synir litaduz um ok þeir sa hina egiptzku sækia fast eptir sér. þa ottaduz þeir storliga<sup>24</sup> miok hans her. bædi fyrir þat er þeir mattu huergi flyia eðr<sup>25</sup> undan fara. Eigi mattu þeir ok beriaz

<sup>1</sup>) pilar, B <sup>2</sup>) huar, B <sup>3</sup>) saal. B; leidaruisa, A <sup>4</sup>) Capitulum af vmferð Jsraels lyðs vm hit rauða haf. exodus, B <sup>5</sup>) sua tilf. B <sup>6</sup>) sinum tilf. B <sup>7</sup>) Ok at ek(!), B <sup>8</sup>) sua tilf. B <sup>9</sup>) [tilf. B <sup>10</sup>) [tilf. B <sup>11</sup>) Nu, B <sup>12</sup>) uidr hafit, B <sup>13</sup>) voru, B <sup>14</sup>) þar tilf. B <sup>15</sup>) hafit, B <sup>16</sup>) eyðimerkr, B <sup>17</sup>) [tilf. B <sup>18</sup>) saal. B, Fragm.; sun, A <sup>19</sup>) [her mgl. 1 Blad i B <sup>20</sup>) fotgangandi manna, Fragm. <sup>21</sup>) fullkomnum tilf. Fr. <sup>22</sup>) lyð, Fr. <sup>23</sup>) [sinum herbudum, Fr. <sup>24</sup>) storlegans, Fr. <sup>25</sup>) ne, Fr.

234.

ne nokkura mottoku fyrir þa sank ueita. at þeir uaru driugum uapnlausir. enga duðl máttu þeir ok þar eiga sakir matleysiss. Af þi kolludu þeir til guds talandi þar medr til hans þionostumannz Moysen. Huart flytr<sup>1</sup> þu oss fyrir þann skyld<sup>2</sup> til dráps ok dauda i eydimorkina. at engar mundi grafirnar hafa til fengiz at iarda oss aa Egiptalandi. Vitum ugr æigi til huers þu gordir þat at flytia<sup>3</sup> oss brott af Egiptalandi. edr taladum ugr eigi þat sama þann tima sem ugr uorum þar. at ugr uilldim at þu færir i brott fra oss ok þeonadim ugr hinum egiptzkum sem adr. Miklu betra þætti oss at hafa þeonat ok þrælkaz fyrir þeim enn deya her i eyðimörkinni. Moyses suaradi þeim ok segir sua. Hirdit eigi þer at ottaz. standit upp ok seait þau hin miklu stormerki. sem gud lætr i dag uarda<sup>4</sup> ok frammgeng geraz.<sup>5</sup> þiat þersa hina egiptzku hermenn<sup>6</sup> mun alldregi æfinliga upp fra þersum tima ydr optarr fyrir augu bera. sem nu seait þer. Man gud drottinn frammgöngu ueita ok beriaz fyrir ydr. enn þer manut þegia.

Lagðiz Moyses þa til bönar ok bað til guds. Eptir þat taladi gud til Moysen. Til huers [kallzar þu edr kallar<sup>7</sup> upp aa mik. Seg Jsraels sonum. at þeir [byri sina<sup>8</sup> brottferd. enn þu skallt taka uðndinn ok liosta honum meðr sealfs þins hendi nidr aa sioinn. man hafit þa sua i sundr skiptaz. at Jsraels synir munu þar þurruum fæti iafnuel mega yfir<sup>9</sup> fara. Manu Egiptalandz menn þa sua<sup>10</sup> harðna. at þeir munu med ufridi eptir ydr sækia. man ek þa mina dyrd synaz láta á Pharaone konungi ok hans kerrum. ok þar medr aa<sup>11</sup> aullum hans her ok hestum. Eptir þersor hans ord hofz saa sami guds engill upp medr leidsögupilarinum. sem adr uar uanr fyrir at fara Jsraels folki ok hans herbudum. ok for nu sua eptir þeim. at sealfr hann ok pilarrinn uar millum ebreskra manna herbuda ok egiptzkra. farandi sua ok flytiandi þenna skypilar þeirra i milli. at þeim hinum ebreskum uard hann nu sem fyrr [til lysanda leidaruisis.<sup>12</sup> enn hinum egiptzkum til myrks ok mikillar tálmanar um eptirferdina ok atsoknina. Moyses laust þa uendinum nidr aa hafit. sem guð hafði bodit honum. ok þegar i stad brast siorrinn af þeim hinum stora ok sterka blásanda uindi. sem þar kom meðr guds uilia. ok sundr skiptiz medr tolgreindri sundrskiptingu. sua at huer sem ein af aullum .xii. Jsraels ættum mátti þurruum fæti fara um serhueria<sup>13</sup> hafsins sundrskiptingargrein. [*scolastica hystoria*.<sup>14</sup> Kalladi Moyses þa seerhueriar ættirnar þagat til ok bad þær allar. fyrst Rubens ætt ok hueria sidan eptir sinni skipan ok all-

<sup>1</sup>) fluttir, Fr. <sup>2</sup>) hegat tilf. Fr. <sup>3</sup>) leiða, Fr. <sup>4</sup>) gigráz, Fr. <sup>5</sup>) verða, Fr. <sup>6</sup>) mgl. Fr.

<sup>7</sup>) kallar þu eðr kallzar, Fr. <sup>8</sup>) [flyti sinni, Fr. <sup>9</sup>) hann tilf. Fr. <sup>10</sup>) miqk, Fr.

<sup>11</sup>) tilf. Fr. <sup>12</sup>) [at lysanda leidarvisi, Fr. <sup>13</sup>) þersa tilf. Fr. <sup>14</sup>) [tilf. Fr.

dri sias forfedra. diarfliga þar eptir fara<sup>1</sup> sem hann gengi fyrir. Enn sua sem engin af þriur hinum fyrstum. Rubens ætt Simeonis ok Leui. þordi fram at ganga i hafsgreinina. þa red ætt ok afkuemi Jude fyrst til at ganga þar<sup>2</sup> eptir sem Moyses for fyrir. Óðlaðiz hun þadan af fyrir sina tru ok hlydni at hafa sidan ríkisstiorn ok konungdom yfir aullum audrum Jsraels ættum. eptir þi sem Jacob hafdi longu fyrir sins sonar blezan Jude spád ok fyrir sagt. Eptir þat gengu allir Jsraels synir þurruum fotum rett um mitt hafit. þar sem þat hafdi skiptiz i sundr ok skiliz. Var siorrinn þeim þa til beggia handa sua sem oruggr múrr.

Nu sua sem hinir egiptzku saa þetta. þa toku þeir sua i fyrstu. at þeir særi sua sem einir skynlausir menn ok medr aullu [sua sem<sup>3</sup> uitlausir. Enn sem þeir skildu. at þa skadadi ekki uetta. þa for allr konungsins herr ok riddarar<sup>4</sup> medr sinum kerrum hestum ok allri herneskiu fastafari fram eptir þeim i midia hafsgailina. Ok sem at morgins tima [uar miok<sup>5</sup> sua komit. sua sem ugr kollum nætrelding. þa leit gud drottinn med þeima hætti um fyrr sagdan elldzins ok skyssins pilar yfir egiptzkra manna folk ok herferd. at hann let skad-samligar skurir hrædiligar þrumur<sup>6</sup> ok ogurligar elldingar yfir þa koma ok at þeim fliuga. huar af er mikill<sup>7</sup> þeirra herr fyrirforst. enn uagnahiolin umturnaduz. suarfadiz þa ok sopadiz allt iafnsaman ut i siofardiupit. Nockurir af hinum egiptzkum toludu. Flyium nu af þi fyrir Jsraels folki. at gud drottinn berst nu fyrir þeirra skyllid oss i mot. Nu sua sem þeir rædduz þaleidiss. þa taladi gud sua til Moysen. Rett þu hand þina framm yfir hafit. til þers at siofaruatnit falli apr at hinum egiptzkum kerrum þeirra ok allri konungsins herneskiu. Ok þegar sem Moyses hafði þat gort. þa sneriz hafit allt apr at aunduerdum morgins tima ok fell i fyrri stad. sem þat uar adr uant. Kom siofarstormrinn sua framt þeim i mot. sem þeir ætludu at flyia ok undan at hallda. sumladiz konungrinn ok sopaðiz medr aullum sinum kerrum riddarum ok hestum ok þar medr aullum sinum herfórum sua i siofarins bylgium ok baarum. at þar drucknadi huert manzbarn. sua at engin komz medr lifi til landz apr af aullum þeim monnum. sem fylgt höfdu ok i hafit fram eptirferdina ueitt medr Pharaone. Enn Jsraels synir farandi frealsliga þurran ueg um mitt hafit. komu medr ollu heilu ok holldau til þers landz sem gagnuart hafdi uerit odrum megin hafsins. Frealsadi gud þa sua at þi sinni af egiptzkra manna ualldi ok þrældomi. Sa þeir hina egiptzku dauda liggia um daginn

235.

<sup>1</sup>) ok fylgia tilf. Fr. <sup>2</sup>) framm tilf. Fr. <sup>3</sup>) [mgl. Fr. <sup>4</sup>) riddaraskari, Fr. <sup>5</sup>) [myndi nekkut, Fr. <sup>6</sup>) reidarþrumur, Fr. <sup>7</sup>) her ender Fragg. V

eptir aa landi. ok fyrir þat hit mikla ualld ok stortakn sem gud hafði gort aa þeim. ottaðuz þeir þa gud ok trudu honum ok þar med hans þionostumanni Moysi. Toku þeir ok uapn hinna egiptzku. þar sem þeir láágu daudir aa siofarströndinni.

Sua segiz at þar syniz enn ok tééz hardla uissulig merki ok minningar þersarra tidinda. upp aa þann haett at hiolanna kringlur ok kernanna tingiur megi þar synaz. eigi at eins aa siofarströndinni utan ok eigi sidr nidri aa grunnum i sealfu siofardiupinu. ef þat mætti sakir siofar synarinnar. Enn ef þersir lutir ruglaz um stundar sakir edr einshuerium atburð ok yfirkomanda tilfelli nockurs háttar umturnaz. þa endrbøtaz þeir fyrir þann skyllð skiotliga ok apr skipaz medr guds tilskipan af uindum ok baarum til hinnar fyrri myndar ok aasionu. at sa madr slæuiz ok ottiz gud drottin (sakir) sua lidinnar ok uordinnar hardligrar hegndar. sem hann uill eigi adr ottaz fyrir sealfs hans skyllð ok aastundan lofligs sidferdis. Enn þeir Egiptalandz menn sem eigi hofdu uerit i ferd medr Pharaone. þa helldu þat allir ok hofdu ser fyrir gud. sem hann hafði hindrad ok halldit fra ferdinni. sumir kaal. enn sumir ein ok onnur kuikendi. sua segiandi. þersi uar mer nu gud i dag um þat er ek fylgda eigi Pharaone. til þers at ek drektiz eigi i hafinu.

Eptir þersa hina haleitu iartegn ok frelsissigr. er gud hafði þeim gort ok gefit. dictadi Moyses fyrir gud(s) elskhuga ok componadi medr sexfættu metri canticum. Cantemus domino. huers bin fyrstu uers medr enn fleirum hefir sua mikit at þyda upp i norrænu. Syngium uer gudi drottni fyrir þann skyllð. at hann mikladiz nu dyrdarsamliga sua sem hann niðr braut bæði hestinn i<sup>1</sup> hafit ok þann sem hann sat. Gud drottinn er mitt lof ok sterkleiki. uard hann ok mer til heilsu ok hialpar. þersi er minn gud. huern er ek<sup>2</sup> dyrka. þersi er ok fedr mins gud. huern er ek man enn hafia ok heiðra. Gud drottinn er semeinn gilldr bardagamadr. almattigr er hans nafn. þiat hann kastadi konungsins kerrum Pharaonis ok aullum hans her i hafit nidr. Hans ualdir höfðingiar druknaðu i hinu rauda hafi. undirdiupin huldu þa. ok sua sucku þeir i siofardiupit sem einn steinn. Með sterkleik mikladiz þin hægri hand drottinn minn. þin hægri hand slo uuininn herra minn. ok medr margfalldri þinni dyrd ueittir þu þinum uuinum aprkast. þina reidi sendir þu til at eyda þeim ok gleypa sem einn halm.<sup>2</sup> ok af þinum grimdaranda samnaduz uðtnin saman. Fliotanda uatn stod um stund. ok i midiu hafinu samnaduz saman undirdiupin. Motstöðumaðrinn ok uuinrinn taladu þa sua. Eptir skal ek sækia ok gripa

<sup>1</sup>) reft. for ok <sup>2</sup>) rett. for hialm

þeim. man min aund þá saudd uerda. er ek skiptir herfanginu eptir þá. Bregda man ek minu suerdi. skal min hand þá drepa ok af slá. Hiit uar heilðr. at þinn andi bles sua i moti þeim at hafit huldi. sukku þeir niðr sem bly i akafligum siofaruotnum ok drukknadu. Huerr er þinn liki. sua mikiluirkr naduligr ok liufsamligr sem<sup>1</sup> þu ert i þinum heilagleik. sua dásamliga luti ok storiartegnr sem þu gorir. þiat sua sem Phraao konungr for ridandi medr aullum sinum kerrum ok riddarum framm i hafit. þa letz þu gud drottinn siofarins uðtn aptr leidaz ok yfir þa falla. enn Jsraels synir gengu þurt midleidis um þat allt til landz.

[*Scolastica hystoria*.<sup>2</sup> Josephus segir at þersi guds iartegn. er hann greiddi þaleidis Jsraels ferd um hit rauda haf sem nu uar fra sagt. er þi sidr grunanda edr mistruanda. at sua finnz lesit. at þat hit mikla haf sem Pamphilicum<sup>3</sup> heitir skiptiz ok fyrir þann skylld ok i suadr greindiz eptir guds uilia fyrir hinum mikla Alexandro Macedoni ok haas her. þann tima sem hann hafdi medr sinum inikla hernadi sólt eptir Dario konungi. at gud uilldi fyrir hann eydaz lata Serkia riki. Enn af þi at Jsraels lydr dualdiz þar um .vii. daga uid hafit. þa komu þeir dagliga medr sinum bumbum ok audrum sðngtolum nidr til strandarinnar. syngiandi þenna sama cantica upp aa þann haatt gudi til lofs ok dyrdar. at Maria systir þeirra Moysi ok Aaron<sup>4</sup> gekk fyrir hafandi bumbu i hendi sér. enn allar adrar konur þær sém til uaru gengu eptir henni medr sinum bumbum ok odrum songfærum. Sðng Maria<sup>5</sup> fyrir cantemus domino. en allt folkit song þar eptir. sua at karlmenn sungu ser i<sup>6</sup> stad. enn kuendit allt i oðrum. J minning ok merking þersarrar þeirra gongu ok gðrdar gðngum uer ok þaleidis hina fyrstu .vii. daga um fontinn syngiandi. sua sem uær hölldum uara pascha.

237

Her segir fra Moyses ok hans lyð.<sup>7</sup>

90. Eptir þat er Moyses hafdi flutt Jsraels folk medr guds fulltingi yfir hit rauda haf. sem nu uar fra sagt. þa byriadu þeir sina ferd þadan i brott eptir .vii. daga lidna. farandi fram i þa eydimork sem Sur heitir. Gengu þeir sua .iii. daga um þersa eydimørk. at þeir fengu huergi ne fundu nockut uatn. þar til er þeir komu i þann stad sem sidan<sup>8</sup> uar kalladr Marath. [þar uaru uðtn fyrir ok þo sua beisk. at

<sup>1</sup>) her *begynder* aller B <sup>2</sup>) [tilf. B <sup>3</sup>) Pamphilicum, B <sup>4</sup>) Aarons, B <sup>5</sup>) þa tilf. B <sup>6</sup>) oðrum tilf. B <sup>7</sup>) Af þui huersu votnin vverdu vel set ok drekkande i Maarath, B <sup>8</sup>) sidarr, B

engi uar uan i at þeir mætti drekka. Húadan af er sa staðr uar síðan uíðrkuæmiliga kalladr Marath.<sup>1</sup> þat er bótaleiki. ella uar staðrinn sua kalladr af þeim hugar beiskleik. sem þeir hófdu af þorstanum. einkanhliga síðan þeir fundu vatnit ok máttu þat eigi drecka. þat nockuru huglettara er þeim. er sua þyrstir at hann ánn eigi dryckinn. enn hinum miok þyrstum. er dryckinn sér ok fær ekki<sup>2</sup> þi helldr. *Exodus.*<sup>3</sup> Gordiz þa illr kurr af folkinu. kíerandi sik fyrir Moysi sna segiandi. Hvat skulum mer drekka. Moyses bad þa enn gud miskunnar. ok hann heyrði skíott hans bæn ok syndi honum [iarteinasmiliga þar<sup>4</sup> tre i eydimörkinni. sem ecki tre uar uant at uera. Ok sem Moyses tok þat sama tré ok setti þat níðr i uðtnin. þa urðu [þau þegar aull<sup>5</sup> sæt ok god at drecka. [*scolastica hystoria.*<sup>6</sup> Lettliga. at þat tre hefði<sup>7</sup> þers háttar afl ok natturu meðr sér. Enn þa segia ebreskir menn. at þat tré uar harðla beiskt af sealfs sins naturnu. ok at sua [gordiz ok uard sætleikinn<sup>8</sup> aa beisku vatninnu. at beiskt uar uíðr beiskt lagit.<sup>9</sup> til þers at guds kraptr skyldi þa enn dasamligrí<sup>10</sup> tiaz ok synaz. Josephus symiz sua uillia segia. at uðtnin hafi<sup>11</sup> þersa spellan af þi fengit. at þau hafi íafnan uerit i sama stað á fíalli nockuru ok sua spellaz. eptir þi sem segiz at uðtnin uerdi ecki uel nema þau ræriz. Segir hann þar<sup>12</sup> litinn brunn uerit hafa. ok [at Moyses hafi<sup>13</sup> síðan þann sama voad<sup>14</sup> um endilangan i miðiu sundr sníðit. sem hann hefir þa hía sér haft. ok þann annan hans<sup>15</sup> helming níðr hafa sett i brunninnu. Eptir þat [baud Moyses<sup>16</sup> sterkum monnum at bera vatnit upp or brunninum. steyptu þeir þi aullu níðr. sua at þeir nytta til enskis. sem fyrst ok langan tíma uar upp ausit. til þers at hit síðarsta skyldi þi sælara uerða ok betra at drekka. þat sem nysprottit ueri<sup>17</sup> upp ok betr hefði<sup>18</sup> skirnat ok settz.<sup>19</sup> J þersum stað Marath hel gud at hann [mundi skipa þeim<sup>20</sup> sin bódorð ok doma. ef þeir uíldi rettlatir ok sealfum honum hlyðnir uera.

Fra Moyses er guð vítraðiz honum ok sagði honum fyrir.<sup>21</sup>

91. Moyses fór meðr allt sitt folk ok foruneyti af Marath i þann stað sem Helym heitir. vrðu þar fyrir þeim .xii. brunnar. ok [lxx.

<sup>1)</sup> [mgl. B <sup>2)</sup> eighi, B <sup>3)</sup> tulf. B <sup>4)</sup> [iarteghnarsamlegha eitt, B <sup>5)</sup> [vel, B <sup>6)</sup> [tulf. B <sup>7)</sup> hafde, B <sup>8)</sup> [gerdiz sætleikinn ok varð, B <sup>9)</sup> ok lætit tulf. B <sup>10)</sup> ok dyrdarsamlegre, B <sup>11)</sup> hófdu, B <sup>12)</sup> saal. B; þat, A <sup>13)</sup> [saal. B; Moyses hefði, A <sup>14)</sup> saal. B; brunn, A <sup>15)</sup> vandarinn, B <sup>16)</sup> [seggher hann at Moyses baud, B <sup>17)</sup> var, B <sup>18)</sup> hafde, B <sup>19)</sup> siaz, B <sup>20)</sup> [myndi gefa þeim ok skipa, B <sup>21)</sup> Capítulum af þui er veittaz fuglarnir cot. ok, B

palmtree.<sup>1</sup> [*schoolastica hystoria*.<sup>2</sup> Segir Josephus at brunnar þersir höfdu sua litit uatn. at þat hit litla uard bædi leirugt ok saurugt sem þeir fengu medr höndum sinum upp ausit. Af þii sama urdu palmtreein þar miklu lægri enn i odrum stöðum er þeirra nattura til. at þeim uard þar uðkuskortir til uaxtarins. *Exodus*.<sup>3</sup> Þadan foru þeir aa hinum xvda. degi til annars manadar<sup>4</sup> fra þi sem þeir gengu ut af Egiptalandi um þa eydimörk sem Syn<sup>5</sup> heitir. huer<sup>6</sup> er liggr millum [þersa stadar<sup>7</sup> Helym sem nu uar fra sagt ok fiallzins Synay.

Ok af þi at þa hafdi upp gengit allr þeirra<sup>8</sup> kostir ok uistir. sem þeir höfdu medr ser brott flutt af Egiptalandi. þa kigrdi allr Jsraels suna fiöldi sik i fastafari þar um eydimörkina<sup>9</sup> murrandi ok mangl- andi<sup>10</sup> moti þeim badum bröðrum Moysi ok Aaron. sua segiandi. Betr mættim uær medr guðs ualld ok uilia aa Egiptalandi dait hafa. sua sem uær saatum yfir sodkötum.<sup>11</sup> þann tima sem kiðt uar sodit. ok satum sua brauðit i nog sem sealfir uær uilddum. Fyrir hueria<sup>12</sup> skyllt lockudut þit ok leiddut oss til þers hegat i eydimörkina. at þit drepit allan þenna mannfialda med hungri ok saara sullt. Eptir þat taladi gud sua til Moysen. Af himninum ofan man ek lata rigna yfir sædzlur. gangi þa allt folkit ut lesandi ser ok samnandi<sup>13</sup> dagliga sua mikit. at huerium sem einum uinniz dag fra degi. til þers at ek proui huart er þetta folk uill eptir minum uilia ok lögmaali framm fara eðr eigi. A hinum setta degi skulu þer tueggja daga kost ok atuinnu saman taka ok ydr til bordz bua. þiæt þer skulut hinn .viida. daginn sua um þetta sem<sup>14</sup> allt annat heilagtt hallda.

Moyses ok Aaron taladu þa til allra iafnsaman Jsraels suna. At apni<sup>15</sup> mannt þer uita ok uidrkennaz. at gud drottinn hefir ydr ut leitit ok i brott af Egiptalandi. ok at morni munut þer sealfir hans dyrd mega sea. At aptni man hann ydr gefa kiðt enn at morni braud nogt<sup>16</sup> sem þer uilit sealfir. af þi at hann heyrdi ydart kallz ok kigrur sealfum honum. eðr huat erum mit brödr. Ekki er þersi murren eðr umlestr görr i gegn okkr utan helldr i gegn sealfum gudi. Moyses taladi þa til Aarons. Seg ollum Jsraels suna fiolda. at hann gangi framm fyrir gud drottins auglit. Nu sem hann gerdi sua. sem honum uar bodit. ok hann taladi fyrir folkinu. uard honum litit til eydimerkrinnar. ok saa at guðs dyrd birtiz i skyinu. sua at hann taladi til Moysen sua segiandi. Heyrda ek Jsraels suna kurr ok kiæru. at aptni man ek yðr

<sup>1</sup>) [.vii. tigher palmtree, B <sup>2</sup>) [tilf. B <sup>3</sup>) tilf. B <sup>4</sup>) saal. B; aars, A <sup>5</sup>) Sur, B <sup>6</sup>) saal. B; huert, A <sup>7</sup>) [saal. B; persarra stada, A <sup>8</sup>) sa, B <sup>9</sup>) i eydimorkinne, B <sup>10</sup>) moglande, B <sup>11</sup>) sodketlunum, B <sup>12</sup>) hvern, B <sup>13</sup>) samkande, B <sup>14</sup>) ok, B <sup>15</sup>) aptni, B <sup>16</sup>) i nogh sua, B

239. gefa<sup>1</sup> kiðt at ela. enn um morna munut þer uid braud fæðaz<sup>2</sup> ok saddir uerda. uitandi þat at ek er ydarr gud drottinn. Bar þat ok sua til um aptaninn. at sua margr sa fugl sem colurnix heitir. ok uær kollom akrhænu. kom upp af þeirri rauda hafs halfu sem fiordrinn Arabicus er kalladr. þar sem hann fæðiz einkannliga. at hann huldi driugum allar herbudirnar. sua at allr Jsraels lydr mætti sua taka hann sem [hann uilldi<sup>3</sup> ok hann til lysti. [*scolastica hystoria*.<sup>4</sup> þenna fugl kallar Josephus ortigiam. eon Girkir kalla hann ortogomenam. huera er almeonningr kallar af sinni raas curlerum upp i latiau. Eon um morgininn eptir kom su döggr af himni umuergiss allar þeirra herbudir. sua sem Moyses hafði bediz fyrir. at hon loddí ok limðiz uid bendrarnar. sua sem aa henni uar tekit. Hugdu þeir i fyrstunni sem þeir sa. at hagl eðr hóluskur nockur mundi fallit hafa. þiat þat uar upp aa þann haatt huitt ok smakornott<sup>5</sup> uaxit ok uordit sik. Enn sua sem þeir kendu þat sua sætt sem hunang i bergingunni uera. enn sáa at eydimörkin uar qlum megin af þersu hulit i hia þeim. sua sem af helu edr sniohuitum haglkornum. þa talaðu þeir sin i milli ok toku sua til ordz. Manhu. þat hefir sua mikit at þyda. huat er þetta edr huat hefir þetta at merkia. þiat þeir uissu eigi huat er þeir sáa. þaðan af uar þat sidan kallat manna. er þeir sogðu sua spyriandi manhu. þat sama kollom uær himnamiol edr himnafædu.<sup>6</sup>

*Exodus*.<sup>7</sup> Moyses svaradi þeim<sup>8</sup> ok sagði sua. þetta er su fædzla sem gud drottinn hefir ydr gefit til fædzlu ok uidrlifiss. Er þat hans ord ok bodskapr. at huerr sem einn af ollum ydr lesi ok saman taki sér til kostar ok<sup>9</sup> eins dags atuinnu þa mæling sem gomor heitir fyrir huern mann ok eigi meira. þeir gerdu sem gud hafði bodit þeim. at þeir lásu manna saman um morgininn. fyrir þann skyld at þat bráðnaði<sup>10</sup> um miðdegis skeið. ef þat uar þa handlat ok samantekit. Enn þo at annarr lóki ser miklu meira enn annarr minna. þa hafði sa eigi meira sem mikit hafði samantekit.<sup>11</sup> ok eigi helldr sá minna sem [litit hafði<sup>12</sup> samantekit. utan helldr hófdu allir iafnmikit eptir fyllingu fyrr nefadz kers<sup>13</sup> gomor. sua huerr sem þurfti. Liettliga at þat uar i einn stað nidrlagit. sua sem þat uar samanlesit. ok þaðan fyllt<sup>14</sup> sidan sérhuerium ok fengin þersi mæling. ella<sup>15</sup> hitt at huersu mikit sem einnhuerr hafði lesit ok uti samantekit. þa fann hann eigi<sup>16</sup> þi meira edr feck þar af. þann<sup>17</sup> tíma sem hann kom heim til sealfs

<sup>1</sup>) ydr tilf. wrigt. A <sup>2</sup>) fæðdir, B <sup>3</sup>) [honum likade, B <sup>4</sup>) [tilf. B <sup>5</sup>) smakornott, B

<sup>6</sup>) himnafædzlu, B <sup>7</sup>) tilf. B <sup>8</sup>) þa, B <sup>9</sup>) saal. B; til, A <sup>10</sup>) af solarhitanum tilf. B <sup>11</sup>) samanlesit, B <sup>12</sup>) [edr hafði samant ok litit, B

<sup>13</sup>) mælikers, B <sup>14</sup>) fyllt, B <sup>15</sup>) ellar, B <sup>16</sup>) ekki, B <sup>17</sup>) saal. B; annan, A



sins. enn mælikerit gomor. Vard þat ok miok merkiliga ok taknsamliga. at su mæling nægdiz aullum slétt. [*scolastica hystoria*.<sup>1</sup> Sua uar þat ok eigi síðr. at þar sem manna bráðnaði um middegiss skeid af solarhitanum. ef þat uar þa uti handlat ok halldit. þa hardnadi þat eigi<sup>2</sup> síðr uid elldinn. þiat sua biuggu þeir þat [til sædu ser.<sup>3</sup> at i fyrstunni molu þeir þat i sundr sem smæst. knodadu sidan saman sem-iandi<sup>4</sup> ok bakandi þaleidiss uid elldinn [sem annat brauð.<sup>5</sup> Þat hafði hardla sætan saporem i sealfu sér. Sumum uard þers ilmr ok angi<sup>6</sup> þi likaztr sem hunangbakat simliubraud. Öðrum uard þat þi likt i munni sem þat braud sem meðr oleo er bakat. Enn med huerium sem einum hafði þat þann þef mest i munninum ok bergingunni sem sealfum honum likadi bezt ok bann lysti mest.

*Exodus*.<sup>7</sup> Moyses baud þeim. at ekki uetta skyllði eptir uera til morgins af þi sem þeir höfdu samanlesit adr um daginu. Nockurir af þeim gerdu moti þersum hans bodskap ok uardueittu til morgins þat sem af gekk um kuellit. Var þat þa þegar allt alrotit ok uall upp af möðkum. Reiddiz Moyses þa folkinu ok ásakadi þa um sina afgord. Las þa huerr sér um morgininn sua mikit sem honum uannz þann dag til kostar ok atvinnu. þiat þat bráðnadi sua sem solin skein sem biartaz.<sup>8</sup> Moyses baud þeim.<sup>9</sup> at þeir læsi sér ok tæki tuifalldan kost aa hinum .vii.<sup>10</sup> degi uiku. sua at huerr madr tæki þa .ii. fyrr nefnd mæliker gomor. vynni þa sydi ok matbiðggi<sup>11</sup> alla þa luti sem þeir þyrftu aa laugardaginn at hafa. Sagdi hann þeim sua. at laugardagsins huilld helgadiz af sealfum gudi. þeir gordu sem hann baud. at þeir uardueittu til laugardags morginsins þat sem aa freadaginn leifdiz. funadi þat meðr öngu moti ok eigi fannz þar nöckurr madkr i. [*scolastica hystoria*. Eru þeir þo nokkorer sem segia. at enghen af þeim lese meirr enn eitt meliker helldr a hinum .viida. degi enn öðrum dögum. hefer saa kostr þa meðr iarteghnum sua fiolgaz ok aukaz. at hann skyllði vinnaz vm .vii. dagha. Hafa þeir þat fyrir seer til sannaar þersa skilnings ok skilrekkiss. sem her er nokkoru sidarr lesit. at fyrir þa grein hefer guð drottinn yör a hinum .viia. degi tuifalldar vistir veitt.<sup>12</sup>

*Exodus*. Enn sem laugardagrinn kom. þa gengunockurir af Judum ut þers öndindiss at lesa saman himnamiolit i moti guds bodskap ok Moysi. ok fundu þa<sup>13</sup> huergi. Taladi gud þa til Moysen. Huersu lengi uilit þer eigi hallda mitt lögmaal ok at geyma minum bodord-

<sup>1</sup>) [tilf. B <sup>2</sup>) þui tilf. B <sup>3</sup>) [acer til bordz, B <sup>4</sup>) þat tilf. B <sup>5</sup>) [tilf. B <sup>6</sup>) þefr, B <sup>7</sup>) tilf. B <sup>8</sup>) heitaz, B <sup>9</sup>) ok tilf. B <sup>10</sup>) .vii., B <sup>11</sup>) matbygge, B <sup>12</sup>) [tilf. B <sup>13</sup>) þat, B

240.

um. Seait hedan af ok at geymit. at gud drottinn hefir yör huilldar-  
daginn gefit. ok fyrir þa grein hefir hann yör aa hinum .vii<sup>ta</sup>. degia-  
um tuifalldar uistir ueitt. Ueri huerr sem einn þa heima at sealls sins.  
gangi engi ut af sinum stad ok heimili aa hinum .viida<sup>a</sup>. deginum. ok  
halldi folkit hatidliga hinn .viida<sup>a</sup>. huern huilldardag. Kölludu Jsraels  
synir þersa fædzlu sidan manna. sem fyrr uar sagt. Var þat sniohuitt  
ok sua uordit sik sem hægikorn. ok flestum uard þers sapor likaztr<sup>1</sup>  
hunangsbakaðu similiabraudi odr setum<sup>2</sup> haejtissalla medr hunang.<sup>3</sup>  
Moyses taladi þa enn til folksins ok sagdi sua. Gud drottinn bydr.  
at þer fyllit mælikerit gomor medr himnamiðlinu. til þers at þat uard-  
ueitiz ydrum kynkuislum<sup>4</sup> til æuinligns minnis um eptirkomandi uer-  
alldir. huersu hann sæddi ydr i eydimörkinni. þann tima sem [þer  
vorut<sup>5</sup> utleiddir af Egiptalandi. Taladi hann þa sua til brædr sins  
Aarons. Tak þer eitt ker ok lát þar i sua mikit af manna sem mæli-  
kerit gomor tekr. hird þat sidan ok uarðueit i guds auglitu. sua at þat  
geymiz um eptirkomandi alldir medr ydrum kynkuislum ok ættmonnum.  
eptir þi sem gud hefir boðit mer Moysi. Aaron gordi sem honum uar  
bodit. at hann lét þat nidr i eina þa ringiu sem af gulli uar'gíðr. ok  
[hirdi þat<sup>6</sup> fyrst i þeirri litlu tialldbud. sem ebreskir menn segia at  
þeir hafi i fyrstunni haft. i huerri er þeir radfrottuz i sinum uand-  
amalum uid gud drottin. Fæddiz allt Jsraels suna<sup>7</sup> folk medr þersarri  
himmamiols fæzlu alla þa .xl. aara. sem þeir uoru i ueginum i eyd-  
morkinni. þar til er þeir komu til Chanaanslandz herada ok landa-  
mæra.

---

Fra ferð Jsraels suna af eyðimork ok þui er guð talaði  
við Moyses.

92. Eptir þersar iartegnir foru allir Jsraels synir i brott af fyrr  
nefndri eydimork Sur medr guds tilskipan. hafandi sinar dualir ok  
náttstadi eptir skyssins teiknan ok tiluisan. þiat þeir foru iafnan þar  
eptir ok fylgdu sem hann<sup>8</sup> for fyrir. sem fyrr uar sagt. enn namu  
þa stadar ok settu sinar herbudir. er hann<sup>9</sup> stöðduadz.<sup>9</sup> Foru nu þar til  
er þeir komu i Raphadim setiandi þar ok festandi sinar herbudir. Enn  
fyrir þa sök at þar beid engiss kyns uatn folkinu til drykkjar. þa  
kigardi þat sik fastafari [þar um uid<sup>10</sup> Moysen. bidiandi hann gefa  
ser nockut uatn at drecka. Hann<sup>11</sup> sagdi þeim sua. Til huers deili þer

<sup>1)</sup> tilf. B <sup>2)</sup> saal. B; sem, A <sup>3)</sup> hunanghi, B <sup>4)</sup> ok afkuðni tilf. B

<sup>5)</sup> [saal. B; þeir uaru, A <sup>6)</sup> [saal. B; hirda þer, A <sup>7)</sup> ægl. B <sup>8)</sup> þat, B

<sup>9)</sup> ok nam stadar tilf. B <sup>10)</sup> [kallzande þar um, B <sup>11)</sup> suaraðe tilf. B

upp aa mik. edr hui freistit þer guds<sup>1</sup> drottins. þeir suaradu. Fyrir hui-leiddir þu oss til þers ut af Egiptalandi. at þu dræpir her bædi oss ok bðrn uar ok þar medr allan uarn fenað af þorsta. Moyses het þa enn ok kallaði til guds<sup>2</sup> drottins sua segiandi. Huat skal ek uidr þetta folk ok mannfíolda gora. Ek hefir her enn litla stund fylgt ok medr þeim farit. ok man hann nu skíott gryta mik uilia. Guð taladi þa til Moysen. Kalla medr þer alla hina fremztu formenn af Jsraels folki<sup>3</sup> ok haf i hendi þer þann sama uðnd. sem þu laust medr ána Nilum. ok far fyrir til fiakzins Oreb. man ek þar standa fyrir þer yfir þeim<sup>4</sup> fiakzins [hellum edr steinum.<sup>5</sup> sem þu skalt medr uendinum liosta. ok man þegar þar i mot or þeim sama steini sua mikit uatn framm flota. at folkit man ual mega drekka. [*scolastica hystoria*.<sup>6</sup> Oreb er einn partr af fiellinu Synay. aunnur ok i ðdrum stad er hellan<sup>7</sup> Oreb. huer er af þi uar kallat sua. at þar uar sa mikilsháttar madr drepinn sem Oreb het. *exodus*.<sup>8</sup> Moyses gordi sem gud baud honum. ok þegar i stad flaut<sup>9</sup> af þeim sama steini sua mikit uatn. at þeir allir fengu þar af i nog at drekka. Kalladi Moyses þann stad fyrir [þann skyld af þeirra kisan ok kallzi<sup>10</sup> sua sem freistnannar stad. þiat þeir freistadu þar gud drottins sua segiandi. Huart er gud drottinn medr oss edr eigi. Aunnur [er þar<sup>11</sup> sem motmælis uðn eru sidan<sup>12</sup> köllud. þoat iartegnin ok stormerkit se nockut líkt. sem heyrar mun mega.

Fra þui er Josue barðiz við heiðingia.<sup>13</sup>

93. Þann tima sem Moyses kom i Raphadim. sðmnudu þeir heidn-ir<sup>14</sup> menn herlidi<sup>15</sup> saman. sem Amalechite uaru kalladir. ok foru medr þii sama herfolki i eydimorkina ok ætladu at beriaz medr Moysen ok hans menn. [*scolastica hystoria*.<sup>16</sup> Strabus segir at Amalech het<sup>17</sup> son Ysmaels Abrahams sunar. af huerium er Amalechite uaru kalladir enn stundum Ysmaelile. þeir hinir sðmu ok allir einir eru ok Sarraceni. Þersa segir Josephus hina mestu bardagamenn uerit hafa ok af nalægum<sup>18</sup> þiðum til bardaga moti hinum ebreskum leigda hafa uerit. *exodus*.<sup>19</sup> Nu sem Moyses spurdi til ufridar<sup>20</sup> þeirra Amalechs manna. þa [valde hann þann<sup>21</sup> einn hinn fremzta ok hinn fræknazta<sup>22</sup> bardagamann af Jsraels [suna ætt.<sup>23</sup> kominn af ætt Effraims Josephs sunar.

<sup>1</sup>) guð, B <sup>2</sup>) guð, B <sup>3</sup>) kyni, B <sup>4</sup>) þeirre, B <sup>5</sup>) [hellu edr steini, B <sup>6</sup>) [tilf. B <sup>7</sup>) saal. B; kollut, A <sup>8</sup>) tilf. B <sup>9</sup>) spratt ok, B <sup>10</sup>) [þeirra kallz ok kiðru, B <sup>11</sup>) [eru þau, B <sup>12</sup>) siðarr, B <sup>13</sup>) *Overskriften mgl. i B* <sup>14</sup>) heiða, B <sup>15</sup>) ser her við, B <sup>16</sup>) [tilf. B <sup>17</sup>) var, B <sup>18</sup>) fiarlægum, B <sup>19</sup>) tilf. B <sup>20</sup>) ferða, B <sup>21</sup>) [saal. B; kalladi hann sér, A <sup>22</sup>) framazta, B <sup>23</sup>) [sonum, B

[meðr faam uęptum monnum til ferðar ok orrostu moti þeim Amalechitis.<sup>1</sup> þann sem Jesus het ok öðru nafni Josue. [enn leet mestan lula lydsins viðr herbudernar efter vera at geyma þeim ok ollu þeirra godzi.<sup>1</sup> ok taladi sua til hans. Vel þer menn af uaru lidi til föruneysis ok framingðngu meðr þer moti þeim Amalechitis. sem flokk ok ufrid hafa efdan i moti oss. þiat i morgin skulut þer beriaz uid þa. Enn ek man fara upp aa fiallit. þangat sem ek megi uel sia til bardagans. hafandi uðndinn mer i hendi ok bidiandi gud fulltings. Enn af þi at Josue uar einn raustr madr ok rettlatr.<sup>2</sup> godr ok gudhræddr. þa gerdi hann eptir þi sem Moyses baud. at hann ualdi nokkura menn ekki miok marga til fylgðar ok bardagha meðr ser moti þeim hinum heidnum. Enn Moyses kalladi brödr sinn Aaron til ferdar meðr ser. ok þann mann annan sem Ur het ok uar bondi Marie systur Moysi. enn þo segir i þeirri bok sem Paralippomenon heitir. at hann næri son Calreph ok Marie ok fodur fadir smidsins Bethel.

242 Foru þeir allir samt upp a fiallit. þar sem þat uar i hœra lagi. huadan er þeir mattu ual sea. huersu bardaginn gekk huarum Josue edr hinum heidnum. Ok þegar sem bardaginn tokz ok Moyses hellt upp höndunum til himins sua sem bidiandi til guds. þa hopudu heidngiar aa hæl ok flydu. Enn þegar i stad sem hann<sup>3</sup> let þer nidr siga. huersu litla stund sem þat uar at hann hellt þeim eigi upp. þa<sup>4</sup> gekk hinum heidnum betr. Nu af þi at Moysi uaru hendrnar miok þungar. en þeir Aaron ok Ur skildu þo. at bardaginn halladiz iafnan eptir þi aa hina heidnu sem Moyses hellt upp höndunum. þa settu þeir undir hann einn stein. á huerium er hann sat. Enn undir sina hans hand studdi huarr þeirra. ok liettu sua upp at bonum skyllði þer eigi þyngiaz eðr dofna. ok helldu<sup>5</sup> þersu framm allt til solar setrs. Flydu hinir heiðnu þa. enn Josue rak flottann ok drap þann dag margan mann af Amalechitis meðr sinu suerdi. [*scolastica hystoria*.<sup>6</sup> I minning þersa handa upphalldz Moysi hefr prestrinn ok helldr upp sinum haundum i messunni. ok þo engum mun<sup>7</sup> minnr i minning þers ok merking sem Jesus Cristus rétti sinar bendr bidiandiz fyrir aa hinum heilaga krossi. *exodus*.<sup>8</sup> Eptir þat taladi gud til Moysen. Skrifu þenna sigr til æfnligs minnis upp aa þa bok. sem þu skallt Josue tíá ok i hendr faa. fyrir þi at ek man minning Amalechitarum eydaz lata manna i milli. Moyses gerdi sem gud baud honum. hann gordi þa ok guði alltari offrandi honum fornir kallandi þar meðr ok heitandi aa sealfs hans nafn.

<sup>1)</sup> [iulf. B <sup>2)</sup> rettviass, B <sup>3)</sup> hafðe þær niðr at ser ok hann iulf. B <sup>4)</sup> vann Amalech ok iulf. B <sup>5)</sup> hellt, B <sup>6)</sup> [iulf. B <sup>7)</sup> ok iulf. B <sup>8)</sup> iulf. B

Her segir fra Moysi ok af tillaugu ok raðagerð Jethro.<sup>1</sup>

94. Enn sua sem fyrr nefndr Raguel kennimadr af Madians landi. mágr ok frændi Moysi. huerr er odru nafni het Jethro. heyrdi frasagnir af þeim lutum. sem gud hafði gert Jsraels folki fyrir sinn þionostumann Moysen. ok at hann hafði þann sama lyd ut leitt af Egiptalandi. þa kom<sup>2</sup> hann til fundar uid Moysen i eydimorkina. þar sem hann hafði sínar herbudir sett<sup>3</sup> uidr guds fiall Synay. sua framt sem hann fretti þat uissuliga. at hann uar þar kominn. flytiandi þangat medr sér dottur sina ok husfru Moysy Sephoram ok syni þeirra .ii. Gersen<sup>4</sup> ok Elcazar. Ok þegar sem Jethro gordi honum bod. at hann mundi þar koma medr sunum hans ok husfru. þa gekk hann blidliga<sup>5</sup> i moti honum. heilsadi þeim ok mintiz uidr þau ok baud þeim heim til budar sinnar. Ok sem Jethro uar þar kominn. tedi Moyses honum innuirduliga<sup>6</sup> oll þau tækn ok stortidindi.<sup>7</sup> sem gud hafði gort uid Pharaonem ok allt hans folk fyrir Jsraels skyld. ok huersu gud frealsadi þa af allri þeirri mædu ok erfídi. sem þeim hafði i ueginum ok ferdinni til fallit. Jethro uard storliga<sup>8</sup> gladr. sua sem hann heyrdi þersi tidindi ok stormerki ok huersu marga goda luti er gud gerdi Jsraels folki. ok sagdi sua. Blezadr uerdi<sup>9</sup> gud drottinn. sa sem ydr frealsadi af Pharaonis ualldi ok hans folks áánaud ok ufrídi. Nu skilr ek þat ok skyniar uissuliga. at herra gud drottinn<sup>10</sup> er yfir ok um framm alla adra guda. Offradi Jethro þa gudi fórnir. eptir þi sem mágr hans Moyses sa fyrir. Enn eptir þat átu þeir Aaron med oðrum hinum fremztum Jsraels formonnum allir samt i guds augliti. [*scolastica hystoria*.<sup>11</sup> Augustinus syniz<sup>12</sup> eigi uillia. at heidinn madr hafi gudi fórnfært. sua sem Jethro uar. Tekr hann helldr sua. at Moyses hafi fornfært af hans uegna. enn<sup>13</sup> sidan hafi Jethro tekit sinn part af þeirri sömu fornfæringu ok etid. Liettliga at Moyses hafi þann tima þa sömu fornfæring offrat uidr fiallit Synay. sem [gud baud<sup>14</sup> fyrr meirr. [þa er<sup>15</sup> hann uitradiz honum i runninum. þiat Josephus segir Jethron<sup>16</sup> þar hafa komit á fund Moysy uidr fiallit Synay. sem hann hafði flestar synirnar ok uitranirnar i runninum seed. sem fyrr uar fra sagt.

*Exodus*.<sup>17</sup> Annan dag eptir sem Jethro uar medr Moysi. bar sua til sem iafnlaga kunni til koma. at Moyses sat allt fra [morgins timanum ok<sup>18</sup> til aptans yfir domum ok odrum<sup>19</sup> uandamálum. Nu sem

<sup>1)</sup> *Overskriften mgl.* i B <sup>2)</sup> for, B <sup>3)</sup> settar, B <sup>4)</sup> Gersan, B <sup>5)</sup> vt tilf. B <sup>6)</sup> innuirdilega, B <sup>7)</sup> stormerke, B <sup>8)</sup> storlegana, B <sup>9)</sup> see, B <sup>10)</sup> yðarr tilf. B <sup>11)</sup> [tilf. B <sup>12)</sup> segiz, B <sup>13)</sup> ok, B <sup>14)</sup> [honum hafðe guð bœdit, B <sup>15)</sup> [sua sem, B <sup>16)</sup> saal. ogs. B <sup>17)</sup> tilf. B <sup>18)</sup> [morgintima, B <sup>19)</sup> folksins tilf. B

Jethro sa. at folkit stod allan daginn bidandi þar eptir allt til aptans. þá taladi hann til Moysen. Huat hefir þetta at þyda. sem þu gerir meðr folkinu. þar sem þu sitr allan daginn dæmandi einn saman allra manna mál. enn alnuginn bidar þar eptir allan daginn fra morni til aptans. Moyses svaradi. Folkit kemr dagliga fyrir mik ok beidiz þann orskurd ok endalykt aa sinum málum. sem gud leggr raad á. Ok þegar<sup>1</sup> sem þeim hefir [nokkurs kyns<sup>2</sup> grein edr áskilnadr til komit. þá fara þeir aa fund minn til þilikrar lausnar ok orskurdar. sem ek leggr raad<sup>3</sup> áá meðr guds bodordum ok lögmali þeirra i milli. Ecki er þetta god gord ne uitrilig sagdi Jethro. at þu bindir þer sua mikla ok þunga byrði. at þu fáir meðr öngu moti borit. Fæz þu ok allt þat folk sem meðr þer er i hardla heimsligu<sup>4</sup> hegomastarfi. þiat þetta starf allt saman er um framm þinn mátt ok megn.<sup>5</sup> at þu megir þi einn saman efla ok orka. Heyr helldr mina tillaugu ok haf min rad. ef þer likar. ok mun gud drottinn meðr þer uera. Jollum þeim lutum skalltu folkinu ok almuganum til reidu ok þeirra forsiomadr uera. sem gudi til heyra.<sup>6</sup> segia lydinum innuirðuliga lagasetningar ok adra þa luti. sem af gudi ero til hans taladir. þu skallt ok skiluisliga skyra honum ok syna. meðr huilikum hætti edr sidsemd er hann skal sealfan hann dyrka. ok þar meðr huat er hann skal gðra ok i aullu fram fara. Vel sidan meðr sealfs þins forsio af öllu þersu folki uolldugha menn ok ual gudrædda. þa sem sannleik prisi ok plagi enn hali ok fyrirmái yfirgirnd ok aagirni. Skipa þa sem þer þickia best tilfallnir af aullum þeim sinn formann ok höfðingia. fyrst yfir sérhueria ætt ok kynkuisl. edr sua ok yfir serhueria þusund. þar næst hundrads höfðingia. þeim næst þa sem forsio beri fyrir fimmtigum manna. eptir þat hina sem .x. manna formenn sé. at þersir dæmi dagliga semiandi ok nidrsetiandi aull hin smæri mál manna i milli. Man þer þa miklu liettara falla. þo at þeir dæmi at eins um hin minni malin. enn hin se til þin lagit ok rekin. sem einna stærst ok mestháttar eru. Mant þu sua uel mega fylla guds bodskap ok efla ollu þinu starfi. ef þu hefir þaleidiss gort. ok sua man allt þetta folk meðr fridi aptr fara til sins heimilis.

[*Scolastica hystoria*.<sup>7</sup> Þat er<sup>8</sup> mikilliga merkianda.<sup>9</sup> at fyrrnefndr Jethro telr uolldugleik fyrst af þeim .iiii.<sup>10</sup> lutum. sem hann teer ok synir. at meðr þeim manni eru hugleidandi ok hæfir at sóé. sem til formanz<sup>11</sup> er takandi<sup>12</sup> ok ueliandi. þiat hann stettir hardla mikit.

<sup>1</sup>) leið tilf. B   <sup>2</sup>) [nokkur, B   <sup>3</sup>) mgl. B   <sup>4</sup>) heimskleggha, B   <sup>5</sup>) megin, B  
<sup>6</sup>) sua ok tilf. B   <sup>7</sup>) [tilf. B   <sup>8</sup>) ok tilf. B   <sup>9</sup>) greimunda, B   <sup>10</sup>) saad. B; .iii., A

<sup>11</sup>) formanzzkapar ok doma, B   <sup>12</sup>) tilhafande, B

ef hinir .iii. fylgia iafuframva ok fara medr honum. sear hann skildi til medr at þers háltar [menn skyldi uera gudræddir. elska<sup>1</sup> sannindi. enn fyrirsma mutur ok aagirni. ella er þilikaz sem undirmenninir se bædi sottir med eitir ok suerd.<sup>2</sup> Su uar ok hans rádagörð ok tilskipan. at huerr sa formadr<sup>3</sup> sem yfir uar skipadr hueria sem eina Jsraels sött skyldi<sup>4</sup> þushundrads höfðingia hafa undir sér. enn huerr þeirra .x. hundrads höfðingia. huerr hundrads höfðingi .ii. fímtighe<sup>5</sup> manna höfðingia. enn huerr þeirra .v. þa sem .x. manna formenn uæri.<sup>6</sup> Skyldu þersir deçani sem sidarstir uaru i formanna laulunni døna þau smæstu mal. sem til felli manna i milli ok eigi uæri fleiri i uafdir enn tia. Tæki þeir eigi yfir. þa skyldi þi<sup>7</sup> skiota æ til hins næsta formannz ok domara. ok sua fra huerium [til hins<sup>8</sup> hœra døms. ok at sidarstu til sealfs Moyses: ef þers þurfti<sup>9</sup> uid. ok uar<sup>10</sup> þat hardla sialldan. utan þau hin størstu maal sem<sup>11</sup> honum einum saman til heyrdu. Vpp a þenna<sup>12</sup> haatt helldr ok hefir heilog Romæria kirkia hardla margar stettir til skynsamlig-rar skodunar ok skilrikra<sup>13</sup> málanna orskurda<sup>14</sup> heilagri kristni.<sup>15</sup> sua sem primates<sup>16</sup> edr patriarchas. erchibyskupa ok lydbyskupa. erchidiakna ok erchipresta. ok þar medr hinir minni<sup>17</sup> hattar kennimenn. þeir sem döna ok raad leggja aa medr monnum um hinar smæri sektir ok syndir. ok nõkkurar eigi sidr þær hinar stærri sem leyndar eru. enn hinum storum<sup>18</sup> þeim sem opimberar eru stefna þeir ok biöda til byskupa.

*Exodus.*<sup>19</sup> Ræn sem Moyses heyrði þersa hans radagiord ok til-lögu. þa giordi hann sua ok for her um allt þetta framm. sem hann hafði fyrir sagt. Skamnfyllidiz eigi sia hinn heilagi madr Moyses. sem fullr uar af<sup>20</sup> gudligri [tru ok<sup>21</sup> giptu. at hafa þat raad. sem þersi hinn heidai madr mágr hans hafði talat ok til lagit medr honum. Eptir þat gaf Moyses honum gott orlof. for Jethro sua<sup>22</sup> aprt i sitt eigit land Madyan.<sup>23</sup>

<sup>1</sup>) [skyldi vera goðr formaðr at seghia. B <sup>2</sup>) suerde. B <sup>3</sup>) ok höfðingi tilf. B <sup>4</sup>) æ tilf. B <sup>5</sup>) saal. B; .i., A <sup>6</sup>) hað. B <sup>7</sup>) maali tilf. B <sup>8</sup>) [upp til. B <sup>9</sup>) þyrfti. B <sup>10</sup>) varð. B <sup>11</sup>) sealfum tilf. B <sup>12</sup>) þann. B <sup>13</sup>) skilrekkrar. B <sup>14</sup>) i tilf. B <sup>15</sup>) kirkju. B <sup>16</sup>) saal. B; primatus. A <sup>17</sup>) saal. ogs. B <sup>18</sup>) storum. B <sup>19</sup>) tilf. B <sup>20</sup>) mgl. B <sup>21</sup>) [mgl. B <sup>22</sup>) heim tilf. B <sup>23</sup>) Hæd her følger fra Cap. 95 til 145 (svarende til Resten af Mosebøgerne fra anden Bogs Cap. 19 af) er senere indskudt i Cod. A, skrevet paa 8 Blade og med en fra den øvrige Text forskjellig yngre Haand. Den oprindelige Haand begynder atter med Josva Bogs. I Cod. B mangler dette Stykke, og Afskriveren har ladet 2½ Spalte aaben for maanske senere at tilføie det her manglende.

245.

95.<sup>1</sup> A þridia manadi eptir brottfaur Gydinga af Egiptalandi komu þeir i audn Synay. þuiat þeir foru ur Raphedin i Sin. ok settu þar herbudir sinar vit fiall þat er þar var. Ok er þeir voru þar. þa kalladi drottinn aa Moyses<sup>2</sup> ok mællti. Þessa hluti skaltu segia sonum Jacobs ok Jsraels. þer saud þa hluti er ek giorda egipzkum monnum. huersu ek bar ydr suo sem yfir arnaruengi ok vog ydr upp til handa mier. Nv ef þier heyrit raudd mina (ok) vardueitid þier saatlmal mitt. þa munu þier vera mer einkannligr lydr af aullum lydum. þuiat ek aa alla iordina ok þer munut uera mier i kennimannligt riki ok i heilagt lan. Ok er gud hafdi þetta mællt. þa for Moyses ok kalladi aa kynstora menn ok sagdi þeim þat er gud hafdi mællt vit henn. Allr lydrinn suaradi honum. Giora munu uler þat allt er gud bydr. Nu er Moyses hafdi þessi ord lydsins framm rakit til drottins. þa mælti gud vit Moyses. Koma mun ek til þin i þoku skys. at<sup>3</sup> lydr minn heyre mik mælanda vit þik ok trui þier at eilifu. Far þu ok helga folkit i dag. ok aa morgin þuoi þeir klædi sin ok se bunir aa þridia degi. þuiat aa þridia degi mun drottinn nidr stiga yfir fiall Sinay fyrir aullu folki. Mark skaltu giora umhuerriss fiallit ok biota aullum lyd. at þeir gangi eigi yfir þat mark aa fiallit. þuiat sa er gengr yfir þat mark. þa dey hann dauda. Eigi skulu hendr (til) hans taka. helldr se hann grioti bardr edr skeytum raufadr. huort sem yfir merkit gengr menn edr fenadr. Ok er þeir heyra ludrinn<sup>4</sup> syngia. þa rise allér upp ok gangi til fiallzins. Moyses sagdi lydnum þessi ord drottins. er hann hafdi mællt. Ok er þeir haufdu þuegit klædi sin. þa mælti Moyses. Verit þier bunir aa þridia degi ok halldit hreinlifi ydru þar til. Enn er enn þridi dagr var. ok um morguninn tok at skygia. þa heyrdu þeir reidarþrumur. ok þeir sa elldingar fluga. ok þyck sky hulda<sup>5</sup> fiallit. Ok aakæfligr ludrablastr heyrdizt. folkit hræddizt þat er i herbudunum var þessar ognir. Allt fiallit Synay rauk. þiat drottinn sto nidr i eldi yfir fiallit. ok af þeim eldi rann reykr upp sem af ofni. Allt fiallit var ogurligt. ok ludrablastr ox i hærra hliod ok leingra. þa leiddi Moyses lydinn allann ut ur herbudunum at fiallinu. Gud mælti þa vit Moyses. Far þu upp ok Aaron brodir þinn med þer.

96. 'Gud mælti vit allann Gydinga lyd. suo at aller heyrdi. Eg em drottinn gud þinn Gydinga lydr. sa er ydr leidda aa brutt af Egiptalandi. ok leysta ek ydr af þrældomi. Eigi skulu þier onnur gud dyrka enn mik. Eigi skulu þier ydr skurgod giora eptir likingu þeirri sem aa himnum er edr aa iordu i uotnum eda undir iordu. Eigi skulu þier

<sup>1</sup>) Överst paa Siden staar: Assit principio sancta Maria meo. <sup>2</sup>) rett. for Moyses

<sup>3</sup>) rett. for ok <sup>4</sup>) rett. for lydinn <sup>5</sup>) rett. for huldi



þa hluti vegsama ok saga. Eg em drottinn gud yduarr styrkr kappi. vitandi illtzu fedra aa sonum ok i ætt ina þridiu ok ina fiordu þeirra er mik hata. ok gerandi miskun i þusund þeirra er mik elska ok min bodord varducita. Eigi skulu þier taka nafn drottins vit hegoma. þiat gud mun þann eigi saklausan hafa. er vpp nemr nafn mitt drottins guds yduars ofirirayniu i hiegoma. Minnizt þier at hallda helgan þuottdag huern. Siex daga skulu þier vinna verk ydur. Ean aa sionda dag skalltu hallda buildardag drottins guds þins. Eigi skalltu neitt vinna aa þuott-degi. sear þinn ok dottir þin. þræll þinn ok ambatt þin. eykr þinn ok vtleendr madr aa er med þer er. ok firir innan hlid þin skal ecki vinna aa þuottdag. A siau daugum giordi drottinn himin ok iord. sio ok alla hluti þa er i þeim ero. enn aa sionda degi huildizt hann af aulla verki. firir þui blezadi drottinn þuottdag ok helgadi. Vegsama þu faedur þinna ok modur þina. at þu sert langærr yfir iordiane. þa er gud mun gefa þer. Eigi skalltu vega. Eigi skalltu hordoma giora. Ok eigi skalltu stela. Eigi skalltu liugvitni bera i gegn naungi þinum. Ok eigi skalltu girnast hus naungs þins. eigi skalltu girnast konu naungs þins. eigi þræl. eigi ambatt. eigi vxa eda asna ok aungvann hlut þann er annar aa. Allr lydr heyrdi raudgina ok suo hornblastr ok sa dal ok riukanda fiall. ok hræddir voru þeir miok ok lostnir med ogn. ok mæltu vit Moyses. Mæl þu vit oss. at uer heyrim ok munu ver heyra. Mæli eigi drottinn vit oss. at eigi berizt suo at. at uer deyim. þa mælti Moyses vit lydin. Hrædzit þier eigi. þuiat til þess kom gud. at hann reyndi ydr ok at ogn hans uæri yfir ydr. til þess at eigi misgerdi þier. Lydrinn stod miog langt fra fiallinu. Enn Moyses geck at þok-unni þeirri er gud<sup>1</sup> var i. Drottinn mælti þa vit Moyses. þessa hluti skalltu seigia sonum Jsrael. þer sad ok heyrdi(ð) þat er ek mælti vit ydr af himne. Eigi skulu þier gera ydr god af gulli eda silfri. Allt-ara skulu þier giora mer aa iordunne. ok þar yfir skulu þier særa fridsamliga hluti ydra. Saude ydra skulu þer i fora særa i huerium stad. þar er mianing verdr gior mins nafns. Eigi skalltu aunnur god elska ean mik. þuiat ek mun koma til ydar ok bleza ydr. Ef þier gioret mier steinalltara. þa gior þu þat eigi af skornum steinum. þuiat ef þu hefr upp knif þinn yfir þat. þa saurgast. Eigi skalltu vm palla vpp sliga til alltaris. at eigi uitrezt liotleikr þinn.

97. þesser ero domar þeir er þu skalt þeim firir setia. Ef þu kaupir ebreskan þræl. þa skal hann þer .vi. uetr þiona. enn hann skal aa sionda ari brutt fara kauplaust sem hann kom. Enn ef hann aa konu. ok fari hun aa brutt med honum. Enn ef hann aa sonu ok dætr. veri

<sup>1</sup>) rett. for fiallit

konan ok born hennar drottins síns þionar. enn hann sialfr fari aa brútt með klæðum sínum. Nv ef þrællinn segir. Elska ek drottin minn konu ok sonu. ok þú vil ek eigi frials aa brútt. þa skal drottinn hans færa hann gudi. ok vit mun hann leggjast vit dyr ok dyristað. ok rauða mun drottinn eyra hans með al. ok mun vera hans i veraldir. Ef nockur madr selr dottur sína til ambattar. þa skal hon eigi suo aa brútt fara. sem adrar ambattir ero vanar. at fara. Ef mistikar augum drottins síns þess er hana hefir keypta. þa lati hann hana aa brútt fara. Eigi skal hann selja hana vtlandum lyd. þo. at hann ræki. Ef hann fastnar hana syni sínum. giore hann vit hana. sem vit dottur sína. Enn ef hann tekr adra konu. þa mun hana ok sia meynna gíaford. ok eigi mun hann neita henni klæði ok verd með grændværi. Sa er maann lystir ok vill vega. deyi hann dauda. Sa madr er (eigi) sítr um annan. en gud selr annann i hond honum. setia mun ek stad þann er honum skal til fylgia. Ef nockur madr uegr naung sinn. ok um mot farar. rek þú hann aa brútt fra alltari minu at hann deyi. Sa er lystir faudur sinn eda modur. deyi hann dauda. Sa er maanni stelr eda selr hann hann. deyi hana dauda yfirstiginn af sakfelli. Sa er baular faudur sínum ok modur. deyi hana dauda. Ef menn þræstast aa. ok lystir annar annann með. steine eda knef(a). ok deyr hann eigi helldr liggr hann i rockiu. ok ef hann ríss vpp ok gengr með staf vti. þa mun hann sáklauss vera. ef hann helldr vpp verkum hans. aamedann. ok gíalldi hann allann lækningar kostnad. Sa er lystir með hendi þrel eda ambatt. ok deya þau af hans haundum. lastar mun hann sekr vera. Enn ef hana lífr einn dag eda .ii. þadan af. þa mun hann eigi písl undir liggja. þvíst þræll ok ambatt ero hans fe. Ef menn verða reidir. ok lystir madr kuidaða konu. suo at haufn sv deyr er hon ferr með. ok skilst hon vit haufnina. enn hon lífr sialf. sa er laust skal liggja undir domi þvístikum. sein buandi hennar ok domendr dæma. enn ef kona deyr. þa skal hann gíallda aund firir aund auga firir auga tann firir tann hound firir hound fot firir fot bruna firir bruna sar firir sar. Ef nauckur madr lystir i auga þræls síns ok ambattar. þa skulu þau frelsi hafa firir augat þat er hann ut stack. Ef madr brytr taunn vr þræli sínum eda ambatt þa skal hann þeim frelsi gefa. Ef gridungr stangar konu eda kallmann til bana. þa skal gridunginn grioti beria til bana. ok eigi skulu menn hann eta. ok sa madr er gridunginn aa mun sáklauss vera. ef hann visse. eigi at gridungrinn var ygr. Ef gridungrinn er ygr .ii. daga eda .iii. ok veit sa er aa at hann er ygr. ok vill hann eigi vardveita gridunginn. ok stangar hann karlmann eda konu til bana. þa skal beria gridunginn grioti til bana ok suo þann mann er aa gridunginn. Ef

menn vilja se taka fyrir hann. þa skal hann gjalda þuilið fyrir sik sem hann er heiddr. þuiliðv atkæði skal hann undir liggja. þu at gridungr stangi son hans eða dottur. Ef naut stangar þræl eða ambætt til bana. þa skal sa er naut aa gjalda gjalda .xxx. ciklos drottini þræls eða ambættar. enn gridung skal beria grioti til bana. .xv. peningar ero ciklos. Ef nockur madr grefr grauf. ok fellr þar i oxi eða asni ok deyr. þa skal sa madr er grofna grof gjalda verd fenadarins þeim er fied atti. en hann skal gjalda naut fyrir naut. enn hann skal hafa þat naut er do.

98. Ef nockur madr tekr naut eða saud ok haugr eða ælr. þa skal hann gjalda .v. naut fyrir .i. ok .iiii. saude fyrir einn saud. Ef þiofr verdr fundinn er hann brytr hus eða ryfr. ok er hann ueginn at þui uerki. þa sek(i)zt eigi uegandi aa honum. Ef hann giorer þat at vpprunninne solo. þa framdi hann manndrap ok sialfr deyr. hann þa. Ef þiofrinn hefir eigi se til at gjalda fyrir stuldinn. þa skal hann sialf-sa sik selia ok gjalda sitt verd fyrir stuldinn. Ef saudr eða naut finnst lifanda með þeim manni er stal. þa gjaldi hann aptr tægiöldum. Ef nockur madr beitir akr annars manns eða vingarda. eða spillir annan ueg. þa gjaldi hann þat fyrir er aa bint aa okrum eða vingordum. Ef elldr brænnir bæi eða akra. þa aa at bæta þann skada sa er elld kœkti. Ef nockur madr selr uia sinum kei eða annan grip til varðueitla. ok verdr þat stolit aa brutt. ok ef þat spyrst vpp. þa gjaldi þiofsat tuenn-um giöldum. En ef eigi finnst þat er stolit er. þa suer<sup>1</sup> sa vjt gud er varðueitti. at hann hefir eigi stolit ne suikát se annars manns. huort sem horfit hefir naut eða saud eða annat se. ok hualki er skadi ma. at verda. [Ef madr selr<sup>2</sup> i hendr naungi sinum til varðueitla oxa eða asna eða annan fenad. ok deyr þat eða lemzt eða bitr dyr ok ser eingi madr þat. suer hann eid. at hann rielti eigi hond sina til eiga naungs sins. Ok skal eigandi fiarins þiggja hans suardaga. ok er uard-ueitlumadr þa eigi skylldr at gjalda skada fiarins. þeim er. feit atti. Ef varðueitlumadr fiarins færir eiganda þat sem dyr bitr. þa er hann eigi skylldr at bæta skadann. Sa madr er at lani tekr se af manni. ok deyr þat eða lemzt suo at eigandi er eigi hia. þa skal hann gjalda skada þeim er atti. Ef eigandi er uit stadr. þa er hann eigi skylldr at gjalda. ef leigt hefir. verit þat. ok komit mest fyrir verdkaupi verks-ins. Ef nockur madr suikr mey eigi manni fastnada ok misþyrmir hann hana. þa skal hann þa mey mundi kaup. ok ganga hana at eiga. Ef fadir meyar vill honum eigi gefa hana. gjaldi hann þa þui-licht se. með henni. sem mundr hennar er ok meyar ero uanar at taka.

<sup>1</sup>) rett. for suer <sup>2</sup>) [rett. for komi

Eigi skaltu illuirkia lífa láta þanna er vit kúikuendi aa vitskipti. deyi hann dauda. Eigi skaltu bryggja ne kuelia utlenda menn. þúiat [þer uorut<sup>1</sup> utlendir aa Egiptalandi. Eigi skulu (þer) grand giora eckiu eda vngum manni. þúiat þau munu til min kalla. ok mun ek heyra kall þeirra. ok mun reidast hefnd min ok mun liosta ydr med suerdi. ok munu konur ydrar uerda eckjur ok synir ydrir litlir. vegizt sa er skur-god blotar. Ef þu gefr daudan fenat folki minu þui er med þer er. þa skaltu eigi þraungua þui suo sem heimtari. ok eigi med leigu skaltu þui þraungua. Ef þu tekr klædnat af naungi þinum. þa gíalttu honum þat sífir solar fall. þúiat síst er eitt skryding líkama hans. su er hann klædizt med. ok eigi hefir hann annat til abreidu þa er hann sefr. Ef hann kallar til min. þa mun ek heyra ord hans. þúiat ek em mysk-unasamr. Eigi skaltu gudi hallmæla. ok eigi skaltu bolua haufdingia lyds mins. Tiundir skaltu eigi duelia at gíalda ok frumburdi. Frum-gelning sona þinna skaltu mer gefa. ok suo ed sama af nautum ok saudum. .vii. daga skal þat med modur sinne vera. enn aa atta degi skaltu mer þat gíalda. Helgir menn minir skulu þier uera. þann senad er dyr bitr ok etr af skulu þier eigi eta. helldr skulut þier þat hundum gefa.

99. Eigi skaltu líuga ne lygi trua. Eigi skaltu líuguitni bera med omílldu(m). Eigi skaltu flokk fylgja til illgiorda. ok eigi skaltu hlýða margra manna atkæði i dome. at þu gangir glapstiga fra saunnu. Eigi skaltu myskunn neita i fatækum kaupstad. Ef þu renn at moti vxa eda asna. þeim er villr hleypr ok ouinr þinn aa. þa skaltu hann aptrleida til hans. Ef þu sier asna þess er þik hatar liggja undir byrði. þa skaltu upp líetta med honum ok eigi fra fara. Eigi skaltu fra hneig-iazt i fatæks mannz domi. Fly þu lygi. Eigi skaltu uega ríettlatan mana. þann er aa moti stendr omílldu. Eigi skaltu gíafir þiggja þer er blinda uitra menn ok snua nídr híortum ríettlatra. Sex ar skaltu uiana iord þina ok safna saman auoxtum hennar. enn þu lat hana hailast aa síonda ari. at fatækir menn þinir eli þat ok dyr er eptir hefir ordites iordunni. a aukrum ok uingordum ok vitsmíorstriam. þrim síanum aa hueriu ari skulu þier halda hatid. Paska sagnad skulu þier halda .vii. daga aa hueriu ari. Adra hatid skulu þier halda. þa er þier hafit saad iardir ydrar. þrídiu hatid skulu þier halda. þa er þier hafit saman fært korn ydur aa haustit. Eigi skaltu kalfs blod sæfa til hatidar minnar yfir hueiti. ok eigi skal eptir uera feiti hatidar minnar at morni. Frumuort iardar þinnar skaltu færa i hus drottins guds þins. Eigi skaltu síoda kid i míolk modur sinnar. Se herna. ek mun senda eingil minn þann er sífir þer fari ok vardueiti þik ok toi þier. at ek leidi þik til þess

<sup>1</sup>) [rett. for þeir voru]

stadar er ek hef þier fyrir buit. Vardueittu ok heyr radd hans. at eigi misgerir þu. ok nafn mitt er i honum. Ef þu heyrir radd hans ok gerir alla hluti þa er ek byd þier. þa mun ek uera ouinr ouinum þinum. ok mun ek kuelia þa er þik kuelia. ok mun eingill minn fara fyrir þer. ok mun hann leida þik til þioda Amorreum ok Eltheum ok Ferezeum ok Cananeum ok Eueum ok Ebuseum. ok mun ek þa kuelia. Eigi skaltu god þeirra gaufga ne faga. ok eigi skaltu uerk þeirra gera. heildir skaltu þau nidr briota ok rækia aull skurgod. þiona skulu þier drottni gæði ydrum. at ek bleza bornum ydrum braud ok uotn. at ek færa aa brött fra ydr allar illzkur. Eigi mun uera ofra kona ne obyria i husi þinu. þar til er ek fylli [tal daga<sup>1</sup> þinna. Ogn minna mun ek senda fyrir þier. ok allan lyd mun ek uega þa er þu kemr til. ok alla ouine þina mun ek flyia lata fyrir þer. Setia mun ek enndimark þitt allt fra hafinu rauda til siauar Palestinorum.

100. Stig upp þu til drottins ok Aaron ok Naadab ok Abiu ok .lxx. (aulldunga) af Jsrael. Ok munu þier uegsama min laug. en þu einn munt vpp stiga til drottins. Moyses for þa til fundar uit folkit ok sagði þeim ord drottins ok doma. Lydrinn allr suarar. Aull ord drottins munu uer gera ok doma. þa ritadi Moyses aull ord drottins ok doma. ok eptir þat reis hann snemma upp um morguninn ok gerdi alltara hia fiællinu ok færði þar .xii. kalfa fyrir .xii. ætlum Jsrael. Moyses tok halft fornarblodit ok hellti þui i kerit. en halft blod hellti hann yfir alltarann. Eptir (þat) tok Moyses logbokina þa er hann hafði ritad ok las upp fyrir folkinu. Lydrinn mælti þa. Alla hluti munu uer giora þa er drottinn bydr. þa tok Moyses fornarblodit ok stockti yfir lydinn ok mælti. þetta er satmæls blod þat er drottinn festi med ydr yfir aullum þessum malum. Eptir þat for Moyses ok Aaron ok Naadab ok Abiu ok .lxx. aulldunga til fulltings vit þa til fiællzins. ok þeir sau gud Gydinga lyds. Ok þeim syndizt undir fotum hans steinn safirus ok suo se(m) himinn heidr. Ok eigi sendi hann hond sina yfir þa menn. er langt höfðu brutt farit fra sonum Jsrael. ok er þeir sau drottin þa toku alu ok drucku. Gud mælti þa uit Moysen. Stig þu upp til min aa fiællit ok uertu þar. ok mun ek gefa þer .ii. tabulur ok laug ok bodord þau er ek ritada. at þu lærir lydinn þadan af. Eptir þat reis Moyses upp ok Jesue þion hans. Moyses mælti þa uit aulldunga folksins adr hann færi aa brutt. Bidit þier þangat til er uer komum apr til ydar. Aaron ok Vr munu eptir uera med ydr. ok skulu þer uit þa til frettar ganga um þa hluti er þier þurfit. Ok er Moyses hafði suo mælt. þa for hann vpp aa fiællit. ok þa haldi sky fiællit. Dyrd drottins bygdi yfir

<sup>1</sup>) [rett. for talda]

Synay þekiandi fiallit med skyi siau daga. A sionda degi kalladi drottinn aa Moysen or<sup>1</sup> midri þokunni. Asiona drottins var sem logandi elldr yfir huirfil fiallzins i augliti allz lyds Gydinga. Moyses var aa fiallinu .xl. daga ok .xl. natta.

101. Gud mælti þa uit Moysen. Biod þu sonum Jsrael. at þeir særi mer frumburdi allz fenadar. þeir (skulu) mer særa gull ok silfr. eir ok iacinctum. purpura ok tuilitadan guduef ok bissum. geitarhar ok hrutagætur raudar ok skinn iacinctina ok tre sethim ok uidsmior lios at kueikia. smyr(s)l ok smurning ok reykelsi gods ilms. steina onikilus ok gimsteina at pryda effod ok rationabile. Geri þeir<sup>2</sup> mer sauughus. ok mun ek byggia i midiu þeirra. geri þeir mer bygd eptir liking þeirrar er eg mun pier syna ok allra kera til embættis tialldbudarinnar. Gior þu mer aurk af triam sethim. Aurkin skal uera halfrar þridiu alnar laung. enn halfrar annarrar alnar breid ok halfrar annarar alnar ha. Gylla skaltu aurkina vtan ok innan. ok gera skaltu koronu yfir aurkina ok gylla skaltu hana. ok af gulli umhuerfis hana .iiii. gullhringa skaltu gera ok setia þa i .iiii. horn arkarinnar. þu skalt gera steingr af triam sethim ok bua þær allar med gulli ok stinga þeim i hringa erkrinnar. at hon berizt af þeim. Ok steingr skulu aavallt vera i hringum erkrinnar. Ok setia muntu uitni þau i orkinni<sup>3</sup> er ek mun gefa. Gera skaltu skrifunarfiol af gulli hreinu halfrar þridiu alnar langa ok halfrar annarrar alnar breida. ok þar skaltu aa skrifa .ii. eingla fylki sinu megin huort. ok skulu þau litazt til. ok yfir þeim mun ek vit þik mæla ok boda pier þau bodord er þu skalt boda Gydinga lyd. Bord skaltu giora af sithim alnar breitt ok tueggia alna langt. halfrar alnar hatt. bord skaltu bua allt med gulli. Aa bordinu skaltu gera uatzker ok þar yfir koronu. Fiora gullhringa skaltu gera ok bua ok setia i fiogur horn bordzins .ii. steingr skaltu gera af triam sethim ok bua med gulli. stinga þeim i hringa bordzins. suo at þat se aa staungum borit. Kerit skaltu gera af hreinu gulle i tabula ok fialar ok reykelsisker ok chiathos. i þeim fornir særa ok setia yfir bord i augliti minv iafnan. Gera skaltu kertistiku af hreinu gulli. A skapti hennar skulu uera ker ok knappar kalami ok lilii. Sex knappar skulu ut ganga af sidu kertistikunnar .iii. af huorri sidu. þriu ker uaxin sem hnot ok .iii. knappar skulu uera aa serhuerium kalamo. ok .iii. lilium. Siau lios skulu uera aa kertistikunni. Pund skal uega med aullum buningi sinum. Gera skaltu klofa af gulli lios at slockua.

102. Tialldbudina skaltu gera eptir þeirri er pier mun hier synd uera aa fiallinu. Tiu tiolld skaltu gera ofin af bisso ok purpura tuilit-

<sup>1</sup>) rett. for ok <sup>2</sup>) rett. for pier <sup>3</sup>) rett. for iordunni

udum guduef. skrifut med ymsum litum .viii. alna ok .xx. skal uera huort tialldit langt enn .iiii. alna breitt. Fimm tiolld skulu vitfost .v. tiolldum. Kroka skaltu gera i iodrum ok endum tialldanna. at þau megi samanteingia þegar er uill. Finmtigir kroka skulu uera i iodrum tialldzins. at krokr komi kroki i mot. Gior þu ok .i. hringa af gulli. med þeim skal segl tialldanna samanteingia at ein bud verdi allt. þu skalt ok gera lata. .xi. harklædi at hylia med þak budarinnar. .xxx. alna skal vera huert harklædit langt. enn fiogra alna breitt. .v. harklædi skal uit fimm festa. ok hid sietta skal tuefallda framan firir budina. .i. kroka skulu uera i huerium iadri hartialldanna. at þau megi samteingia. .i. nista or eiri gior skulu uit teingiazt krokunum. at tiolldin megi samanteingiazt. Gera skaltu af hrutagærum raudum ok yfir utan af skinum iacinctinis. þu skalt ok gera fialar þær er vppstandi i tialldbudina af tria(m) sithem alnar langar. enn halfrar alnar breidar. ok greypa hueria vit adra. Skulu .x. vera firir sunnan i tialldbudinne ok .ii. knutar af silfri geruir undir enda huerrar fialarinnar. firir nordan i tialldbudinne skulu vera adrar .xx. fialer ok þar unndir .xl. knuta af silfri geruir. firir uestan i tialldbudinne skulu vera .vii. fialir. adrar .ii. þær er i hornum skulu upp reisazt. Allar fialir skulu samfastar. vera fra nedanverdu ok i ofanwert. ok ein samfesting mun allar fialir samanhallda. þuilik stadfesting mun vardueitazt i .ii. fiolum þeim er i hornum ero vppreistar i tialldbudinne. .v. asa skaltu gera af triam sithim ok hallda saman fiolam firir sunnan i tialldbudinne. ok adrar .v. firir nordan. suo hid sama firir uestan. Allar fialir ok asa skaltu gulli bua. Gera skaltu hringa af gulli i fialer budarinnar. þar skulu asa(r)nir i gegnum ganga. er þa hallda saman. Budina skaltu gera eptir þui sem þier er synd aa fiallinu. Gera skaltu tialld af iacinctu ok purpura ok bissu snunu oft med skrifsamligu uerki ok fogrum ymissleik. Fiora stolpa skaltu gera af triam cithim ok bua med gulli. hofud skulu uera af gulli gerr ok knutar af silfri gervir. þa stolpa skaltu setia i budina ok breida þar yfir tialldit ok greina suo ina ytri budina fra inne idri. Med hringum skal tialldit vppfesta. Aurkina skaltu setia inn i budinni. ok þar yfir skaltu setia skrifunarfiolina. Bord skal uera firir vtan tialldit ok firir nordan i budinne. enn kertistikan skal standa firir sunnan i budinne. Gera skaltu tialld at inngongo budarinnar af iacinctu ok purpura ok .ii. litudum guduef. þar skaltu gera .v. stolpa af triam cethim ok bua þa med gulli. firir vtan stolpana skaltu breida tialldit. aa stolpunum skulu uera hofud af gulli ok hnutar af eiri.

103. Gera skaltu alltara af triam cethim .v. alna langan. ok suo breidan at hann se ferskeyttr. ok .iiii. alna hafan. Alltari skal med .iiii.

hórnum uera. þat skal med eiri bua. Gera skaltu kalla ok lata auskuri teingr ok sodala ok elldaherbergit. Aull ker skaltu gera af eiri. Fiora hringa skaltu gera af eiri i flogur horn altarans. Arin skaltu gera ur eiri yfir alltarann. Tvær steingr skaltu gera af cethim ok bua eiri ok stinga þeim i hringa alltaris. at þat se aa staungum borit. Alltarid skal holt innan vera. suo sem er aa fiallinu synt. Gera skaltu ok gard um budina af bisso ofnu. Firir sunnan budina skulu uera tiolld .c. alna laung. ok þar undir .xx. stolpar med iafnmorgum knutum. a þeim stolpum skulu uera hofud af silfri giaur. Suo skal ok vera firir nordan i tialldbudar gardinum .c. alna laung tiolld. ok undir .xx. stolpar ok iammargir knutar. Firir uestan tialldbudina skulu uera tiolld .l. alna laung. ok þar undir .x. stolpar ok iammargir knutar. Suo skal ok uera firir austan tialldbudina tiolld .l. alna laung sem firir uestan i tialldbudar gardinum. Firir nordan ok sunnan skulu tiolld uera .xv. alna laung ok .ii. studlar ok iammargir knutar. J inngongu gardzias skal tialld uera .xx. alna langt ok þar undir .iiii. stolpar med iammorgum knutum. Tialldbudar gardinna skal uera .c. alna langr en .l. alna breidr ok .v. alna har gior af bysso. Biottu sonum Jsraels. at þeir færi mier vitsmior hreint af vidsmiorstriam ok auallt hreint lios i tialldbudinne uppfest firir utan tialldit. þat skulu vardueita Aaron ok synir hans. at þat lysi i budinne hueria nott allt til morgins.

104. Aaron brodur þinn skaltu uigia ok sonu hans til kenaimanna. Gera skaltu heilog klædi. at þeir hafi þa er þeir þiona mer. rationali et superhumirali. linkyrtil þraunguan. koronu ok linda. Humerali skulu þier gera af gulli hreinu ok iacinctu purpura ok guduef ok bisso. .ii. skaut skulu aa uera. at þau megi samteingia .ii. steina onichulus skaltu þar aa setia ok grafa aa þeim nofn sona Jsraels .vi. aa huerium steini. ok bua þa med gulli. Sett þa aa huoratueggju sidu humirali i minning sona Jsrael. ok mun Aaron bera nofn þeirra firir drottni yfir huorutueggju oxl i<sup>1</sup> endrminning þeirra. Rationali skal ferskeytt uera lofa uitt aa alla uega ok tuesalt. ok aa þui skaltu setia<sup>2</sup> .iiii. skipaner gimsteina. J fyrstu skipan skal vera steinn sardius ok topadius ok smaragdus. i annarri skipan skal uera carbunculus ok iaspis. i þridiu skipan skal vera ligucius ok agates ok amesticus. i fiordu skipan skal uera crisolitus ok onichulus ok berillus. A þeim steinum skal uera nofn sona Jsrael. med gulli skaltu um steinana bua. Tvo linda skaltu gera af gulli ok festa þar aa rationali ok .ii. gullbringa. med þeim skaltu festa rationali vit humerali. Gera skaltu ok kyrtil yfir humerali. a midium honum skal hauttr vera. aa innztum hlut klæda. enn aa

<sup>1</sup>) nett. for ok <sup>2</sup>) ratt. for sitia



medanverðum kyrtlinum skaltu gera suo sem blalenzt epli af incincto ok purpura ok guduef tuilitudum. enn þar med festum biollum i midiu. suo at gullig bialla se i odrum huerium stad. en audrum mikit epli. Ok skrydizt þui Aaron guds þionostumadr. at hliomr heyrizt þa er hann gengr ut ok inn i saunghus i augliti drottins. at eigi deyi hann. Gera skaltu ok spaung af gulli. ok grafa skaltu aa henne sanctum domino ok binnda hana med dregli iacinctam vit korono. at hon se aa enni byskups. Ok bera mun Aaron illzkur þeirra. þær er synir Gydinga færa til. at þeir er fornir færa i ollum gíofum sinum. Gullspaung skal iafnan uera i enni byskups Aarons. at drottinn se honum iafnan sefadr. Coronan skal uera af bisso ger. Med þessum klæðum skaltu skryda Aaron ok sonu hans ok uigia þa ok helga hendr þeirra. at þeir færi mer fornir. Gera skaltu þeim linbrækr. at hylí lendar þeirra ok lær ok allt hold liotleiks þeirra. J þeim linbrokum skal Aaron uera ok synir hans. þa er þeir ganga inn i tialldbudina eda til alltaris at þiona i helgum stad. at eigi dey(i) þeir sekir af illzku. Laugsamligt ok eilíft mun þella uera Aaroni ok kyni hans.

105. Þa er þu vigir Aaron. þa skaltu taka kalf af hiord ok hruta alhuita tuo ok braud azimos. en dreg ok dreif af vitsmiorue. gera skaltu af braudi adzimos smurdu vitsmiorue ok hucitisalla. færi þat i forn sett i bolla. kalf ok .ii. hruta. Ok Aaron ok sonu hans skaltu leida til tialldbudarinnar. ok er þu hefir þuegit Aaron ok sonu hans. þa skaltu skryda þa klæðum sinum. þat er linkyrtli ok humerali ok rationali. Ok setia skaltu coronu aa hofud Aarons ok gullspaung yfir coronuna. ok þa skaltu hella vidsmiorue yfir hofud hans. ok med þessum hætti skaltu uigia sonu hans. skryda skaltu þa linbrokum ok gyrda þa med belttum. Settu ok coronu aa hofud þeim. ok munu þeir vera minir kennimeunn i eilíft sidlæti. Eptir þat er þu hefir helgat hendr þeirra. skal leida kalfinn til tialldbudar dyranna. ok skal Aaron ok synir hans leggja hendr i haufud honum. ok skaltu þa sæfa kalfinn i drottins augliti vit dyrr tialldbudarinnar. þu skalt taka blod kalfsins ok rida þui yfir .iiii. horn alltarisins med fingri þinum. Enn þat er eptir er blodsins skaltu hella nidr vit alltarann. þa skaltu taka alla feiti þa er idrin hylr ok netiu lifrarinnar ok .ii. nyru ok þa feiti er yfir þeim er. ok skaltu færa þa hluti brenda i forn yfir alltara. Enn hold<sup>1</sup> kalfsins ok hud ok myki skaltu brenna firir utan herbudir. þuiat þat er firir synnd fært. Einn hrut skaltu vpp taka. ok skal Aaron ok synir hans leggja hendr yfir hofud hans. ok þa skaltu sæfa hrutinn ok hella blodi hans umhuerfis alltarann. enn sialfan hrutinn skaltu snida i stycki.

251.

<sup>1</sup>) rett. for heild

idr hans ok fætr skaltu leggja yfir styckin ok yfir hofud hans. ok skaltu færa allann hrutinn i forn brenda yfir alltarann. er hann drottni ilmr enn sætazti tafn guds. Þa skaltu taka annan hrut. ok skal Aaron ok synir hans leggja hendr sinar yfir hofud honum. ok sidan skaltu sæfa hann ok rida blodi hans yfir innzta hlut eyra Aarons ok sona hans. ok yfir þumalfingr innar hægri handar huers þeirra ok þumalta ena hægri fota þeirra. ok hella blodinu yfir alltaran ok stockua vitsmiorne smurningar Aaron ok klædi hans. yfir sonu hans ok klædi þeirra. Ok at þeim vigdum ok klædum þeirra taktu feitina af hrutinum. hala ok hiartmor ok net lifrar. ok tuo nyru. ok þa feiti er þar er um. ok enn hægra bog. þuiat hann er [uigsluhrutr. ok einn braudleif<sup>1</sup> ok stycki dreipt med olio. laganum<sup>2</sup> aa bolla azimorum þat er sett er i augliti drottins. þa hluti alla skaltu setia yfir hendr Aarons ok sona hans. ok skaltu helga þa vpphefiandi firir drottni. Ok þa skaltu taka þessa hluti alla ur hondum þeirra ok brenna yfir alltaran i forn ok sætum ilm i augliti drottins. þuiat þeir hlutir ero hans forn. Þu skalt ok taka bringu af hrutinum þeim er vpphafdr er. ok helgadu hana upphafda firir drottni. Helga skaltu bringu ok bog af hrutinum. ok munu þeir hlutir falla til Aaroni ok sonum hans. Eptir þat skaltu taka vigslu-hrutinn ok sioda holld hans i helgum stad. ok skal Aaron ok synir hans eta hrutinn. þeir skulu ok eta braud þat er i bollanum er i skrudhusi tialldbudarinnar. at hann se sefanlig forn ok helgiz hendr fornferandi. Eigi sædizt af þui utlendr madr. þuiat þeir hlutir ero helgir. Ef nockut er eptir af hrutinum eda braudi. þa skal þat i elldi brenna enn eigi eta. þuiat þeir hlutir ero helgadir. Þessa hluti alla sem ek baud þier skaltu suo gera yfir Aaroni ok sonum hans. Færa skal huern dag kalf i forn firir þa ok breinsa þa af synd. þa skal ok hreinsa alltara. þa er þu færir fornir hreinsanar. ok smyria skaltv þat i helgan. Siau daga skaltu hreinsa alltaran. ok mun þat vera heilagt heilagra. ok huerr sa er þat ner mun helgast. Þu skalt taka .ii. lomb huern dag þeirra siav daga ok færa þau i forn. eitt lamb um morgininn. enn annat vm aptanin skaltu i forn færa. ok tiunda hlut hueit-issalla dreift med olio hreinu. þat hafdi mæling enn florda [hlut hin.<sup>3</sup> ok uin at drecka med enni saumu mæling med einu lambi. Annat lamb skaltu i forn færa at apni. vit þann hatt sem þu færdir um morgininn. ok eptir þui sem uer hofum sagt þer. Ok vin sætleiksfor drottni med eillfv embætti vit dyrr uitnisbudarinnar firir drottni. þar mun ek vit þik mæla. Ok þar mun ek bodord bioda sonum Jsrael. ok þar mun helgast alltari mitt i dyrd minne. Helga mun ek saattmalsbud med allt-

<sup>1</sup>) [r. f. uigsluhlutr sancti sueins braudleifs    <sup>2</sup>) r. f. laganum    <sup>3</sup>) [r. f. hlutan

ara ok Aaron ok sonu hans. at þeir neyti minum kennimannzskap. ok man ek byggja mitt i medal sona Jsrael. ok gud mun ek uera þeim. Ok uita munu þeir. at ek er drottinn gud þeirra. sa er þa leiddi aa brutt af Egiptalandi. at ek skal medal þeirra drottinn gud þeirra (vera).

106. Gera skaltu alltara at færa reykelsi firir af triam sithim. alnar langt ok alnar breitt. at þat se ferskeytt. ok tueggja alna hatt med .iiiii. hornum. ok bua skaltu þat med gulle hreinu. [suo brandreid sem ueggi ok<sup>1</sup> horn. Gera skaltu ok koronu af gulli vmhuerfis all-  
arann ok bringa .ii. undir coronunni um sierhueriar sidur hennar. at þar megi staungum i slinga. at hon se aa staungum borin. Þær steingr skulu giornar uera af triam soethim. ok skaltu þær med gulli bua. Alltari skaltu setia firir utan orkina. at ek mæla þar vit þik. þa er Aaron berr reykelsi sætliga ilmanda. þa er hann kueikir lios aa morgin ok aptan. Eigi skulu þeir færa yfir þui reykelsi annarar sanuætningar ok eigi forn.<sup>2</sup> Bidia mun Aaron yfir horn alltarans vm sinn aara i blodi þui er sært er yfir ættir ydrar firir synd. Gud mællti þa enn vit Moysen. Gera skaltu uatn(ke) eirligt med knut sinum. at þuo megi mienn ser þadan af. þat uatnker skal uera i uitnisbud ok alltara. Af þui uatnkeri skal Aaron ok synir hans þuo hendr sinar ok fætr. þa er þeir ganga inn i vitnisbud til alltara. at þeir færi fornir drottni. at eigi berizt suo at. at þeir (deyi). Laugsamt mun þetta vera ok eilíft Aaroni ok sonum hans ok kyni hans.

107. Gud mællti enn vit Moysen. Se herna, ek kalla af nafni Beseel son Huri sonar Hurr af kyni Judas. ok fyllda ek hann minum anda ok speki skilningar i aullu uerki at smida gull ok silfr eir ok marmara ok gimsteina ok tre. ok ek mun gefa felaga þannu er Chobab heitir son Josamek. hann er af kyni Dans. Ok setta ek i hiarta þeirra speki allz hagleiks at smida alla hluti þa er ek baud þeim at gera. sattuallsbuud ok uitnisaurk ok skrifunarfíol ok aulker ok alltara ok kertistikur ok heilug klædi. ok alla hluti þa er ek baud þer at gera. Gud gaf Moysi tær steintabulur. aa þeim hafdi gud ritad med fingri sinum .x. laga bodord þau er hann baud Gydingum.

108. Þa er Gydingar sau (at) Moyses dualdizt leingi aa fiallinu. þa saumauduzt þeir saman ok foru aa fund Aarons ok mælltu. Gerr þu oss god þau er firir oss fari. þuiat ver uitum eigi huat af þessum Moysi er ordit er oss leiddi burt af Egiptalandi. Aaron suarar. Taki þier eyrnagull kuenna ydarra sona ok dætra ok færit mer. Lydrinn gerdi sem Aaron baud. þui baud Aaron at þeir skyldi færa honum eyrna-  
gull sin. at hann uisse at þeir ætludu þar skurgod af at gera. Aaron

<sup>1</sup>) r. f. ok brandreid þa sem vegst i <sup>2</sup>) r. f. færa

let þat gull i elld bera. ok ætladi suo at lemia fyrir þeim skurgods smidina. Enn er gull tok at brenna i asinum. þa snerizt þat i nautz likneski. vaxit sem kalfr enn litt sem eir. En er Gydingar sa þetta undr er uordit var. ok þat uar likneski er ordit var i asinum. þa mælltu þeir. Þetta gud hefir leitt oss aa brott af Egiptalandi. Ok er Aaron sa at þeir villdi blota kalfinn. þa gerdi hann alltari fyrir þui gudi. ok let blasa til motz ok mællti. A morgin er hatid drottins. ok dualdi suo blotid. Um morgunin eptir risu Gydingar snemma vpp ok færdu fornir skurgodinu. ok sat lydrinn at at eta ok drecka. ok þa risu þeir vpp at leika.<sup>1</sup> Gud mællti þa vit Moysen. Far þu ok stig niðr af fiállinu. þuist lydrinn misgerdi. sa er þu leiddir i brutt af Egiptalandi. ok hafa þeir skiott i burt farit af þessi gautu er þu syndir þeim. ok þeir hafa gert sier kalf af malmi ok vegsama nv hann ok færa honum fornir ok mæla suo. Þetta gud leiddi oss aa burt af Egiptalandi. Sa ek sagdi drottinn. at lydr þessi er með hordum suira. Lofa þu mér at hefnd min reidizt i gegn Gydinga lyd. enn ek mun gera þik mikinn mann. Moyses bad þa til drottins ok mællti. Heyr þu drottinn. fyrir hui reidizt hefnd þin i moti lyd þinum. þeim er þu leiddir aa brutt af Egiptalandi með micille ok styrkri hendi. Bid ek þik drottinn minn. at eigi segi egiptzkir menn. Suikliga leiddi gud þa aa brutt biedan. at hann drepí þa aa fiollum ok mai þa af iordunni. Bid ek þik drottinn. at huilizt reidi þin ok vertu sefadr yfir illzkur lydssins. Endrminoztv Abrahams. Ysaacs ok Jacobs þræla þinna. þeim suardir þu um sialfan þik ok mælltir. Margfallda mun ek kyn ydart suo sem stíornur himins. ok alla iord. þa er ek sagda fra. mun ek gefa kyni ydru. ok munu þier hana eignazt at eilifu. þa for Moyses af fiállinu ok hafdi i hendi sier .ii. tabulur. þær er drottinn hafdi badu megin ritad sinne hendi ok geruar. Ok er Josue for ofan fyrir fiállit með honum þíonn hans. þa heyrdu þeir þyss æpanda lyds. Josue mællti þa vit Moysen. Herop er at heyra i herbudirnar. Moyses suaradi. Eigi er þetta herop er ek heyre. helldr er þat raudd syngiandi manna er ek heyre. Ok er Moyses nalgadizt til herbudanna. þa sa hann blotkalfinn ok flocka þeirra manna er þær haufdu bring um slegit. Hann reiddizt þa miog ok kastadi niðr tabulum badum þeim er hann hafdi i hendi. suo hart at þær brotnudu badar i fiállzhlidinne. Hann hliop þa at blotkalfinum ok braut hann allan i sundr ok brendi. suo at hann vard at ausku einne. þeirre ausku sneri hann i uatn ok gaf Gydingum at drecka af þui uatni. Moyses mællti þa vit Aaron. Huat giordi þier lydr sia er þu leiddir yfir hann enu mestu synd. Aaron suaradi. Reidzt eigi þu mior drottinn minn. þu

<sup>1</sup>) rett. for leita

úisser huern veg lydr sia er. at hann er iafnan buinn til illz. Þeir mæltu vit mik. Ger þu oss skurgod þau er fyrir oss fari. þuiat ver uitam eigi huat af þessum Moysi er ordit. Ek suarada þeim. Færi þer mer gull ydart. Þeir giordu suo at þeir færdu mer gull. ek kastadi þa þui i elld ok snerizt þat i kalfs likneski. Moyses sa þa at lydrinn var naucktr. þuiat Aaron hafdi rænt hann fyrir tignum skurgodsins ok sett naucktan medal fianda. Moyses stod i hlidi herbudanna ok mælti. Ef nauckur mædr er guds her. þa fari sa hingat til min. Þa saumnuduzt saman synir Leui ok foru þangat sem Moyses uar. Þa mælti hann uit þa. Vopnizt þier nu ok farit fra hlidi til hlids um rætt herbudanna. ok uegit þa menn sem fyrir ydr uerda. ok uægit aungum manni þeim er fyrir ydr uerda. eigi brodur eigi uin. eigi naungi. Synir Leui gerdu sem Moyses baud. ok aa þeim degi fiellu .iii. þusundir manna. Moyses mælti þa. Helgudut þer hendr ydrar i dag drottnei. huerr yduar sem sonu aa. ok brodur sinum segi at ydr gefizt blezun. Suo segia sumar bækr. at Moyses stauckti uatninu þui er hann hafdi blandat uit ausku blotkalfsins yfir folkit. ok festizt vit þa eina sandr oskunnar. er sakbitnir voru af blotinu. ok hefði synir Leui þat til marks hucra þeir skylldu vega. er sandr gullzins var festr annathuort i harinu eda skegginu mannanna. A odrum degi optir þenna atburd mælti Moyses uit lydrinn. Misgiordu þer ena mestu synd. þuiat ek mun vpp stiga til drottins. ok uita ef ek mega þiggja af drottnei likn fyrir synd ydra. Moyses bad fyrir lydrnum til drottins ok mælti. Bid ek þik drottinn. þo at lydrinn sia misgiordi vit þik ok giordi sier. gud af gulli. at þu firirgefir þeim synd þessa. Enn ef þu giorer eigi þat. þa ma þu mik af þeirri bok er þu skrifadir. Drottinn suaradi bonum. Af mun ek ma af minne bok þa er vit mik misgiordu. Ean þu far ok mæl vit lydrinn þat sem ek mæltta vit þik. Eingill minn mun fyrir þier fara. enn ek mun uitia þessa synd aa hefndardegi.

109. Moyses mælti uit drottinn. Þu bydr at ek leida lyd þenna. enn þu segir mer eigi. huern þu sendir til þessa uerks þann er sendandi er. Ef ek fann myskunn i þinu augliti. þa syndu mer gautv þina. at ek uita þik ok finna ek myskun fyrir þinu augliti. Littu lyd þinn ok þiod þessa. Gud mælti vit Moysen. Andlit mitt mun ek lata fyrir þier fara. ok huild mun ek þier gefa. Moyses mælti. Eigi leidir þu oss ur þessum stad. nema þu sialfr farir fyrir oss. Eda huersu ma ek eda lydr þinn vita. huort uer haufum fundit myskunn i þinu augliti. nema þu farir med oss. at uier dyrkimzt af aullum lydrum þeim er aa iordu ero. Gud mælti þa uit Moysen. Gera mun ek þetta ord er þu mælis. þuiat þu fant myskunn fyrir mier. ok uissa ek þik sialfan at

nafni. Moyses mællti. Syndu mier dyrd þína. Gud mællti. Allt gott mun ek syna. ok miskunna mun ek þíer. ok milldr mun ek þeimvera er mer likar uel uit. Enn eigi muntu sia mega andlit mitt. þúiat eingi madr mun mik sia mega suo at hann life. Se herna sagdi drottinn. nær mer er stadr. sa er þu munt standa yfir stein. Ok þa er framm mun fara dyrd min. mun ek sitia uit rauf þa er aa steininum er. ok mun ek hlifa þíer með hægri hendi minne. þa er ek fer framm. Ok taka mun ek haund mína. sia muntu bak mitt. enn andlit mitt muntu eigi sia mega.

34.

110. Gíorr þu tæx tabulur af steine þeim er þu attir fyrri. ok mun ek rita aa þeim þau ord sem uoru aa enum fyrrum tabulum. Vertu buinn snemma aa morgin. at þu stígir upp aa fiállit skiott Sinai. Ok standa muntu hia mer yfir huirfil fiállzins. enn eingi madr skal með þer upp stíga aa fiállit. ok eigi skal fenadr fæðæzt aa fiállinu. Moyses gerdi sem gud baud. hann gerdi .ii. tabulur af steine þuilikar sem hann hafdi fyrr gíort. Hann reis upp snemma um morguninn ok for upp aa fiállit. sem gud baud honum. ok hafdi tabulurnar i hendi síer. Ok þa ste drottinn nídr i skyi yfir fiállit. Moyses stod þa hia honum ok kalladi aa nafn drottins ok mællti. Heyrdu drottinn. milldr ok miskunn-samr. styrkr ok þolinmodr. sannr ok fullr mikillar miskunnar. þu er vardueitir miskunn i þusundir. þu er<sup>1</sup> aa brutt færir uorar illzkur ok aa brutt tekr glæpi ok syndir. ok (engi) madr er saklauss vit þik um síalfan sig. þu er gelldr illzku fedra i sonum ok sonarsonum allt i þrídiu ætt ok fiordu kynslod. Moyses fiell þa skiott til iardar ok mællti. Ef ek fann miskunn i þínu augliti drottinn. þa bíð ek þik at þu færir með oss. þúiat lydr sia er með hordum síura. bíð ek at þu færir aa brutt illzkur. ok eignæzt þu oss. Drottinn mællti þa. Ek mun sattmal mitt gera með ydr at ollum asiaundum. ok ek mun taka gera. þau er eigi munu fyrr hafa sen uerit aa iordunni þuilik ok með æungum þíodum. at lydr sia uiti. er þu styrir. ogurleik drottins um þat er ek mun gera. Vardueittu alla hluti þa er ek baud þíer. Moyses var aa fiállinu með drottni .xl. daga ok .xl. natta. suo at hann áteigi ne drack. Gud ritadi þa aa tabulum tíu laga bodord. suo sem fyrr hafdi hann ritad. Eptir þat ste Moyses af fiállinu Sinay ok bar tabulur þær i hondum síer. ok uoru horn uaxin aa hófði honum af samuelli gudlígsmals. ok uísse Moyses þat eigi. Ok er Aaron ok synir Jsrael sau hyrnda aasionu Moysi. þa hrædduðzt þeir ok þórdum eigi at ganga at Moysi. Moyses kalladi aa þa ok bad þa eigi hræðæzt. Ok þa for Aaron til fundar vit Moysen ok hófðingiar Gyðinga lyds. Moyses sagdi

254

<sup>1</sup>) rett. for ert

lyðnum þá hluti alla er gud hafði mælt vit hann aa flallinu. Lydrinn mælti þá. Alla hluti munu uer gera þá er gud baud. Moyses haldi asionu sina. þá er hann taladi firir folkinu. þuiat Gydingar hrædduzt hans hyrnda aasionu. Enn þá er hann geck til mals vit drottin. þá tók hann af haufdi sier þá hulning er hann taladi vit gud.

111. Moyses liet gera tialldbudina eptir þui sem gud baud honum ok allt skrud tialldbudarinnar. Beseleel ok Cobab þeir smidudu þá alla hluti er gud baud þeim. Moyses reisti budina þá vpp. er honuar gior. Budin var upp reist aa fimla degi annars ars bruttfarar Gydinga lyds af Egiptalandi. þá uoru uppreist tialldbudar þili. stolpar med knutum. asar ok þauk yfir gior suo sem gud hafði bodit. Aurk sattmals var þá sett i saunghus budarinnar. skrifunarfíol ok gulligt alltari med reykelsi ok smurningu. Tialld medal saunghus ok budar. bord med braudum firirsetninga ok kerum. kertistúkur med liosum ok sinum buningi. Eirligt alltari med brandreid ok kerum. teingr ok sodalar ok vatnker giort af skuggsia kuenna. Klædi heilug þau er Aaron ok synir (hans) skylldu hafa. þá er þeir fraumdu kennimannzskap. Moyses gerdi gard umhuerfiss tialldbudina. tialld i kirkiugardinum. Ok er Moyses hafði þessa hluti alla algerua. haldi sky sattmalsbudina. ok fyllði dyrd drottins budina. suo at Moyses matti eigi inn ganga i tialldbudina firir skyi hylianda alla hluti ok skinanda guds uelldi. En er skyid leid upp af budinne. þá for folkit til budarinnar. Enn er skyid var yfir budinne. þá þordi eingi nær at koma budinne. ok var þá huerr i sinum stad. Sv dyrd drottins uar at sia um daga sem sky. en um nætr sem elldr. ok sa allr lydr þessa dyrd drottins um allar herbudir sinar.

112. Eptir þessa hluti gerdi gud laugmal vit Moysen vm fornferinger. hueriar fornir skyllði færa firir huerri synd. Ef kennimadr misgerdi nockura hluti firir ouitzku sakir. þá skyllði hann kalf alhuitan i forn færa. kalf skyllði þá i forn færa er allir menn misgiordi firir ouitzku sakir. Ef hofdingi nockur misgerdi firir (ouitzku) sakir. þá skyllði færa i forn firir honum hafr alhuitan. Ef nockur madr ouigr misgerdi firir ouitzku sakir nockut. þá skyllði færa i forn firir honum geit alhuita. Moyses uigdi Aaron ok sonu hans eptir þeim hætti sem gud hafði bodit honum. A .vii. dogun fyllidzt vigsla Aarons. Eptir þat vigdi Aaron tialldbudina. eptir þeim hætti sem gud baud honum. ok færði þær fornir sem gud baud. kalf alhuitan firir synd ok hrut alhuitan i forn. Lydr færði hafr firir synd. kalf ok lamb. huortueggia var i forn fært alhuitt. hrut ok oxa firir fridsamligum hlutum. Ok er Aaron hafði uigt budina. þá blezadi hann lydinn. þá uitradizt dyrd drottins ollum lyd Gydinga. ok þá kom elldr af himne

II, 35-III, 9.

ok brendi fornina ok alla feiti þa er yfir alltarinu uar. Ok er lydrinn sa þann elld. þa lofadi hann drottin ok fiell allr til iardar.

113. þa toku þeir Nadab ok Abiu synir Aarons glodker sin ok letu i annan<sup>1</sup> elld enn þann er yfir alltarinu var. ok laugdu þar reykel-  
 255. els i. En þat var bannat af gudi at hafa annan elld til reykelsis-  
 burdar enn þann er yfir alltarinu var. þa kom elldr af hinne ok laust þa bada til bana Nadab ok Abiu. Moyses mælti þa vit Aaron. Nv er þat framm komit sem gud mælti. Helgast mun ek aa þeim er mer nalgast. ok i augliti allz lyds mun ek dyrkast. Aaron súaradi aungu. Moyses mælti þa uit Misael ok Elesafan sonu Oziel saudurbroður Aarons. Farit þer ok berit aa brutt lik frænda yduarra ur tialdbudinne. ok ferit þau ut fra herbudunum. Þeir giordu sem Moyses mælti. at þeir særdu lik þeirra Nadabs ok Abiu aa brutt fra herbudunum. Moyses mælti þa vit Aaron ok sonu hans Eleazar ok Jþamar. Gerit þer eigi nockt haufud ydur. ok eigi slitid þer klædi ydur. at eigi berizt suo at. at þer deyt ok renni reidi vpp yfir allann flocksinn. Þeir gerdu sem Moyses baud.

114. Gud mælti vit Moysen ok Aaron. Segit þid sonum Jsraels. Þessi ero þau kuikuendi er þier skulit eta af aullum kuikuendum hrein-  
 14. um iardarinnar. Huert kuikindi þat er klauf hefir ok iortrar skulu þier eta. enn þat er iortrar ok hefir eigi klauf. suo sem vlfalldi er. skulu þer eigi eta. Cirogrillus iortrar ok hefir eigi klauf. eigi skal hann eta. Heri iortrar ok hefir eigi klauf. suin hefir klauf ok iortrar eigi. þat huorki skal eta. Ok eigi skulu þier taka aa hræum<sup>2</sup> þeirra. þuiat þau kuikindi ero ohrein. Þesser hlutir ero þeir er i uotnum sædast ok þier skulut eta. Enn þeir hlutir er eigi hafa synduga hluti ok eigi hreistr. ok sædast þo i uotnum. skal eigi eta. ok ræk ero hræ þeirra. Þesser ero þeir hlutir i fuglakyni er eigi er lofat at eta. Aurn ok gafe ok vkitum giod dulcorem. ok allt kyn þeirra skal eigi eta. strucc-  
 ionem ok noctuam ok lalum ok onocetulum ok persiconem heredio-  
 onem ok caradrimonem. ok allt þeirra kyn. Vpupam ok uespertilionem ok allt fuglakyn þat sem flora færtr hefir. þat skal eigi eta. Huatki er yfir flora færtr gengr ok hefir leingri ena eptri leggi. ok hleypr þat yfir þa um iordina. þat skulu þer eta. sem er hrutus ok hans kyn. ok attakus ok orformatus ok locusta i sinu kyni. Alla fugla þa er flora færtr hafa skal eigi eta. ok huergi madr er tekr a hræum<sup>2</sup> þeirra. þa saurgast hann ok mun ohreinn uera allt til aptans. Ef naudsyn berr til at menn beri dautt nockud kuikuendi. þa skal hann þuo klædi sin. ok mun hann ohreinn uera allt til solar fallz. Huert kykuendi þat

<sup>1</sup>) rett. for hrcinan <sup>2</sup>) rett. for hrærum



sem eigi hefir klauf ok eigi iortrar mun ohreint uera fersætt. Þessar hlutir ero ohreinir aa iordunni. hreysikaltr ok myss. cocodrillus ok kyn hans. tingali ok camellion. stelia ok lucerta. talpa. þeir hlutir aller ero ohreinir. ok sa madr er tekr aa hræum þeirra mun ohreinn vera allt til aptans. ok ef hræ þeirra fellr yfir nockurn hlut. þa saurgazt þat er firir uerdr. huort sem er ker eda klædi. þa skal þa hluti þuo i uatni. ok ero þeir hlutir ohreinir allt til aptans. Ef rækindi falla i grylu af leire giorua. þa saurgazt hon ok skal hana i sundr briota. Ef þat vatn slagnazt yfir fædzlur ydrar er ohreinir hlutir hafa þuegnir i uerit. eda koma þess hattar rækindi [a. þa eru<sup>1</sup> þeir hlutir ohreinir er firir verda. Enn ef brunnar eda uotn saurgazt af hræi ohreinna kuikinda. ef þau falla i ofan. eigi saurgazt þott þau falli yfir. En ef nockur madr heller vatni yfir sadit. sidan er dædifli fiell yfir. þa saurgazt þat. Ef eitrukuikuendi deyr. þa saurgazt sa madr er aa þui tekr. ok mun ohreinn vera allt til aptans. Rækt er huert kuikuendi þat er skridr aa iordu. ok skal þat eigi til fædzlu hafa. Eigi skulu þier þau kuikuendi nyta til fædzlu er marga fætr hafa<sup>2</sup> ok dragast yfir briost. at eigi saurgizt andir ydrar ne neitt suo at þer uerdt af þui ohreinir. þuiat ek em drottinn gud yduarr. Veri þier helgir. þuiat ek em heilagr. Saurgi þier eigi andir ydrar af hueriu skridkuikuendi þui er hrærizt aa iordu. þuiat ek em drottinn sa (er) ydr leidde af Egiptalandi. talendi at ek væra ydar gud. Helgir erut þier. þuiat ek em heilagr. Þetta er laugmal fugla ok kuikuinda ok huerrar lifandi andar. su er hrærizt i uatni ok skridr aa iordu. at þier uitid grein hreinna kuikuenda ok ohreinna. at þier uitid huat þer skulit eta eda huat þier skulut rækia.

115. Gud mællti þa enn vit Moysen. Mæl þu uit sonu Jsraels ok seg þeim suo. Ef kona fædir sueinbarn. þa mun hon ohrein vera .vii. daga ok aa sæng huila. ok aa enum atta degi skal barnit skira umskurderskirn. Enn eptir þat skal kona uti standa .xxx. daga ok ganga eigi i kirkiu. Ef kona fædir meybarn. þa mun hon ohrein vera .xiii. daga ok aa sæng huila. ok eptir þat uti standa .xl. daga. ok er fylldir uerda dagar hreinsanar hennar. þa skal hon færa i forn firir sier ok dottur sinne ok syni sinum lamb uetrgamallt ok dufuunga eda turtura firir synd. hon skal þa hluti færa til dura tialdbudarinnar ok selia i hond kennimanni þeim er þa (mun) færa i forn ok helga firir drottins augliti. ok mun kennimadr bidia firir henne. mun hon suo hreinsazt af synd sinne. Ef kona hefir eigi lamb til at færa i forn. þa skal hon

M, 12

250

<sup>1</sup>) [rett. for eda    <sup>2</sup>) rett. for hefir

særa .ii. turtura eda .ii. dufuunga. einn i forn enn annan firir synd. ok mun kennimadr bidia firir henni til guds.

116. Gud setti langt laugmal um líkþra menn. huersu með þeirra mali skyldi fara. þúiat gud baud at þeir skyldu eigi samuista vera vit heila menn. helldr skyldu þeir firir utan herbudir herbergi hafa einir saman. Ef lærðum manni batnadi þeirrar sottar. þa skyldi fornir firir honum særa adr enn hann uere samuistum vit adra menn. Tuo titlinga þa er æter uæri skyldi særa lifandi i forn. ok tre cedrine ok uermiculum ok ysopum. Kennimadr skyldi sæfa annan titling ok lata renna blodit i ker ofan. þat er uatn er i. Af þui blodi skal hann ríoda annan titling lifanda með tre cedrinu ok guduef ok ysopo. ok blodi skyldi hann stockua .vii. sinnum yfir manninn þann er hreinsazt skyldi. Lifandi titlingr blodi rodinn skyldi aa brútt flúga. Eptir þat skyldi madrinn vera .vii. daga firir utan herbudir. ok aa .viida. degi skyldi hann taka locka sína skegg ok brynn ok oll har líkamans. ok þa skyldi þuo klædi hans. ok aa alla degi skyldi hann koma i þuegnum klæðum til tialldbudarinnar. ok hafa þangat .ii. lomb ok alhúitan saud uetrgamlan ok hueitisalla með oleo. Vit þeim blutum skyldi kennimadr taka firir tialldbudar dyrum ok særa i forn firir þeim manni er hreinsadr var. ok ríða fornarblodinu ok vidsmíorue yfir íð hægra eyra hans ok þumalíngir ok þumalta ena hægri. ok særa þa hluti alla i forn firir honum sem nu uoru taldir. Gud setti laugmal um þa menn er hófdu fluxum seminis uakandi ok sofandi. huersu þeir skyldu hreinsazt firir fornir. þa er af hyrði meinsemdin. firir þeim skyldi særa i forn .ii. turtura eda dufuunga. Slíkt hit sama ef konur hófdu blóðsott. ok suo um þa menn er vit þær hófdu samræði aa þeim tímum. huersu þeir skyldu obreinir vera eda þær. firir þeim skyldi i forn særa .ii. dufuunga ok .ii. turturis.

117. Eptir andlát sona Aarons mælti gud vit Moysen. Mæl þu vit Aaron bróður þinn. at eigi gangi hann aa huerri tíð inn i saung-hus. þat er firir utan er tialldit þar er aurkin er. at eigi deyi hann. þúiat i skye mun ek vitrast yfir oraculum. nema hann gerði þessa hluti fyrr. Kalf skal hann i forn særa. líkyrtli skal hann skrydazt ok línbrok ok línlínda. ok línlíga koronu skal hann hafa aa hófði. þúiat þessi klæði ero heilug. þeim skal Aaron skrydazt þa er hann er þueginn. Ok þa skal hann taka af ollum sonum Jsraels .ii. hafra firir synd ok einn hrut i forn. Ok er hann færir kalf i forn firir sier ok sínum monnum. þa skal hann lata leíða hafrana firir tialldbudar dyrin. ok skal hann leggja aa hönd sína ok bluta huorn i forn skal særa eda huorn aa brútt senda. þess hlutr er uppkemr skal særa drottni firir

synd sona Jsraels. enn þann hafr er aa brutt skal senda. þa skal hann setia lifanda firir drottin. at Aaron helgi bænir yfir honum ok sendi hann i audn. At þessum hlutum holldnum skal Aaron færa kalfinn i forn. ok bidia firir sér ok sinum monnum ok sæfa kalfinn. þa skal hann taka glodker ok fylla þat af glodum. þeim er aa altarinu ero. ok leggja þar yfir reykelsi. ok þa skal hann ganga med glodkerit innar um tialldit i saunghusit ok bera reykelsit hia. suo at reykinn leggi um allt saunghusit. at eigi deyi hann. Eptir þat skal hann taka af blodi kalfsins ok stockua i gegn propiciatorium til austrs .vii. sinn-um. ok þa skal hann sæfa kalfinn firir synd lydsins ok bera blod hans innan um tialldit. ok stockua þui innar yfir propiciatorium ok hreinsa suo saunghusit af synd lydsins. Ringi skal inn ganga i tialldbudina. þa er Aaron gengr i saunghusbudina at bidiazt firir ok hellir blodi kalfs ok hafrs yfir horn alltarans ok umhuerfis alltarann. ok stockui blodinu .iiii. sinnum yfir alltarann ok helgi þat fra syndum Gydinga lyds. Ok er hann hefir vigt saunghusit ok budina ok altarann. þa skal hann færa lifanda hafr til tialldbudar dyranna. ok skal hann leggja huoratueggju hond sina yfir hofud hafrinu(m) ok iata allar syndir Jsraels ok bidia lydnum hialpar yfir hofdi hafrinum. ok þa sentu einn mann brutt med hafrinn i eydimork. ok lati þar lausann hafrinn i eydimorkiane at hluta illzkur sona Jsrael þar aa eydimorkinne. ok fari hann aptr til fundar vit þa Aaron. sa er med hafrinn for. Ok þa fari Aaron til tialldbudarinnar ok leggi af sier þau klædi er hann hafdi haft. þa er hann uigdi tialldbudina. ok þa skal hann þuo allan likama sinn i helgum stad. ok eptir þat klædizt hann klædum sinum. Ok er Aaron gengr at ok færir forn sina ok lydsins. þa skal hann bidia firir sier ok sonum sinum ok ollu folkinu. ok þa skal hann brenna yfir alltarinu þa feiti er færd er firir syndum lydsins. Sa madr er med hafrinn for i eydimorkina skal hann þuo allan likama sinn ok klædi sin i uatni. adr enn hann gengr inn i tialldbudina. Kalf ok hafr þa er færdir hafa verit firir syndum lydsins skal brenna i eldi. iafnt skinnnet sem bein ok slatr ok myki þeirra. ok sa madr er þa hlati brenner skal þuo klædi sin ok allan likama sinn i uatni. adr hann gangi i tialldbudina ok i herbudir. þetta laugmal skal ydr vera eilift.

118. Gud mællti þa vit Moysen. Mæl þu þessa hluti vit sonu Jsrael ok seg þeim suo. Ek em drottinn gud yduar. uardueiti þer bodord min ok doma mina þa er þier skulut gera. þiat huer madr lifir i þeim. þuiat ek em drottinn. Ringi madr skal ganga til frændkonu blods sins. at hann uiti liotleik hennar. þuiat ek em drottinn. Eigi skaltu beran gera liotleik fodur þins eda modur þinnar. þuiat hann er þinn

liotleikr. Eigi skaltu beran gera liotleik konu faður þins. þú ert hennar hlutr er föður þins. Liotleik systur þinnar sammædra ok samfædra skaltu eigi syna. eða dóttur sonar þins eða sonarsonar skaltu eigi syna. þú ert þat er þinn liotleikr. Liotleik systur konu föður þins skaltu eigi syna eða dóttur konu föður þins skaltu eigi syna eða systur föður þins skaltu eigi syna. þú ert þat er hollð föður þins. eða móðursystur þinnar skaltu eigi syna. þú ert hon er hollð móður þinnar. Liotleik faðurbroður þins skaltu eigi syna. ok eigi skaltu ganga til konu hans. þú ert hon er sifkona þin. Liotleik broðurkonu þinnar skaltu eigi syna. þú ert þat er liotleikr broður þins. Liotleik<sup>1</sup> dóttur þinnar eða dóttur hennar skaltu eigi syna. ok svo sonardóttur hennar eða dótturdóttur. þa skaltu eigi syna þeirra otign. þú ert þær ero konu þinnar hollð. Systur konu þinnar skaltu eigi taka eða eliu hennar. ok eigi skaltu syna liotleik hennar. Vardueiti þér laug mín ok doma mín.

119. Kona het Salamid. hon var dóttir þess manns er Dáfrí hét. hann var af kyni Daans sonar Jacobs. Salamid gat son vit egiptízkum manni. Sonr hennar vox þar vpp með liti Móysi. ok er hann var fulltíða at aldri. þa þrætti hann um dag vit einn Gyðing. ok í þeirra þrætu guðlastaði hann nafn drottins ok boluadi guðs nafni. ok firir þat varð hann leiddr aa fund Móysi. ok var honum saugd guðlastan hans. Móyses lét setja þann mann í myrkuastofu. ok sagði at hann skyldi þar bida þess. er guð útradi huat hann uillde firir honum síð. Guð mælti þa vit Móysen. Leid út úr myrkuastofunni þann mann er guðlastaði. ok út frá herbúðum skulu þér hann færa. ok skulu þeir menn er heyrdu hans guðlastan leggja hendr sínar yfir höfuð honum. ok eftir þat skal allr Gyðingur lydr beria hann gríoti til bana at öllum aasiáundum.

120. Guð mælti þa vit Móysen í eyðimörk Synai í sáttmálsbúð aa fyrsta degi annars manadar aa öðru ari bruttsfarar þeirra af Egiptalandi. Skaltu telja alla kallmenn tuituga ok þaðan af eldri þa er með yðr ero. ok munu þessar menn vera haufðingar yfir þeim. er ek mun nu telja. Ebsur af kyni Rubens. hann er sonr Seder. Salares hét sonr Salai af kyni Simeons. Naason son Aminadab af kyni Juda. Natanael sonr Suar af kyni Ysachar. Heleab son Helim af kyni Zabulon. Elisama son Amiud af kyni Efraim son Joseps. Gamaliel son Fadasin son Manases son Joseps. Abida son Gedeons af kyni Beniamin. Abiezzer son Amissadai af kyni Dans. Raguel son Akram af kyni Asser. Elesaphan son Doel af kyni Gad. Haiara son Enam af kyni Neftalim. Þessir menn voru haufðingar yfir Gyðingum liti huerr í sínu kyni.

<sup>1</sup>) rett. for eða <sup>2</sup>) rett. for ak

þa toldo þeir alla kallmenn tuituga ok þadan af ellri i þessum kynspattum. er nu voru taldir. J kyni Rubens voru .xl. þusunda ok .vi. þusundir ok .vc. J kyni Simeons voru .l. þusunda ok .ix. þusundir ok .ccc. J kyni Gads voru .xl. þusunda ok .v. þusundir ok .dc. ok .l. J kyni Juda voru .lxx. þusunda ok .iiii. þusundir ok .vic. J kyni Jsachar voru .l. þusunda ok .iiii. þusundir ok .xl. manna. J kyni Zabulon voru .l. þusunda ok .vii. þusundir ok .cccc. J kyni Joseps voru þui er komit var fra Effraim .xl. þusunda ok .d. fra Manases syni Joseps uoru komnir .xxx. þusunda ok tæx þusundir ok .cc. J kyni Benjamin voru .xxx. þusunda ok .v. þusundir ok .cccc. J kyni Dans uoru .lx. þusunda ok .ii. þusundir ok .dcc. J kyni Asser voru .xl. þusunda ok .m. ok .d. J kyni Neptalim voru .l. þusunda ok .iii. þusundir ok .cccc. J þessum kynspattum voru höfð allz .dc. þusunda ok .dc. ok .l. Gud mællti nit Moysen. Eigi skaltu telia kyn Leui til bardaga. helldr skaltu þat vardueita i fortialldi budar ok þa hluti er til guds þionustu þarf at hafa. Gud mællti þa vit Moysen. Lydrinn skal setia tialldbudir sinar umhuersis tialldbudina federis. Kynspattr Judas skal setia herbudir sinar i austr fra sattmalsbudinne. ok þar hia honum kynspattr Ysakars ok Zabulons. J sudr fra sattmalsbud skal setia sinar herbudir kynspattr Rubens ok Simeons ok Gads. Kynspattr Leui skal bera tialldbudina. ok vpp taka þa er þeir fara. ok nidr setia þa er þeir nema stadar. ok reisa vpp budina þar sem þeir skulu huilazt. J vestr fra sattmalsbudinne skal setia sinar herbudir kynspattr Effraims ok Manases ok Beniamins. J norðr fra sattmalsbud skal setia sinar herbudir kynspattr Gadz ok Neptalims. Gud baud Moysi. at hann teldi alla kallmenn i kyni Leui. þa er uoru manadar gamler eda elldri. ok voru þeir menn .xx. þusunda ok .ii. þusundir. Gud baud Moysi. at hann skyllði gera lala .ii. ludra af silfri. ok skyllði þeim blasa. þa er lydrinn skyllði vpp hefja saur sina. Gud kuat aa huerr flockr fyrst skyllði fara eda þar næstr fara. ok suo huerr at oðrum. Gud kuat aa ok huerir lærdir menn skylldu bera þa hluti er vigdir uoru. tiallduidu eda þak budarinnar. aurk eda alltari. skrifunarfíol eda adra hluti. þa er til guds embættis skyllði hafa. Gud setti laugmal vm synduga menn. at þeir skylldu eigi samuistum uera vit adra menn. þeir skylldu helldr vera firir vtan herbudir. ok særa forn firir þeim þa er þeir sættuzt vit gud. Vm Nazareorum setti gud laug ok þeirra fornir ok huersu þeir skylldu bleza lydinn. Gud setti ok uandlætislaugmal um þær konur. er menn grunadi at fílduzt fra bondum sinum. huersu kennimenn skylldu þeim skirslur gera. þa baud Aaron ok synir hans. at þeir skylldu med þessum ordum bleza lydinn. Benedicat tibi dominus et custodiat te ab omni

258.

malo. ostendat dominus faciem suam tibi miseratus tibi. conuertat dominus uultum suum ad te et det tibi pacem. Gud setti laugmal. huad .xii. holdingiar af .xii. kynspattum skyldi i forn færa aa .vii. dogum i tialldbudar vigslu.

117, 10. 11.

121. A audru ari brottfarar Gydinga folks af Egiptalandi ok aa tiunda degi þess ars hofst upp sky þat er yfir tialldbudinne var. ok þa foru synir Jsrael med flocca sina ur eydimork Synay. Ok for fyrst flockshauðingi med flocki sinum Naason. hann var af kyni Judas. þa for næst med sinum flocki Natanael. hann var af kyni Jsachar. þa for Eliab med sinn flokk. hann var af kyni Zabulon. þa var nidr laugd tialldbud. hana baru synir Gerson ok Merari. þeir voru lærdir menn. þa for Disui med flokk sinn. hann uar af kyni Rvbens. þa for Salamid med sinn flokk. hann var af kyni Simeons. þa for Elesaphat med sinn flokk. hann var af kyni Gads. þa foru lærdir menn þeir er kalladir voru Kaadite. þeir baru saunghus tialldbudarinnar. þa for Helai med sinn flokk. hann var af kyni Efraim. þa for Gamaliel med sinn flokk. hann var af kyni Ase. þa for Aminadaan med sinn flokk. hann var af kyni Dans. i hans flocki for med lidi sinu Faguel. han var af kyni Asser. med Dans flocki for Elkeran med sinum flokk. hann var af kyni Neptalim. Medr þessi lidsskipan foru Gydingar iafnan er þeir færdu sinar herbudir. Sky for firir þeim i eydimork Faaran. ok þar settu þeir sinar herbudir. Moyses mællti vit Ozihab son Raguels mags sins. Far þu med oss til þess stadar er gud mun gefa oss. ok munu uer gera til yduar uel. Ozihab svaradi. Eigi mun ek fara med ydr. heldr mun ek fara heim til minnar ættiardar. Moyses svaradi. Þat uilldu uer. at þer firirletut oss eigi i þesse for. þuiat ydr er kunnig eydimorkin. huar ver skulum setia<sup>1</sup> vorar herbudir. Nv uilldum ver. at þu nærir vorr leidtogi. Enn ef þu kemr med oss til þeirrar iardar er gud hefir oss firir heitid. þa munum ver gefa<sup>2</sup> þier þat er bezt er aa þeirri iordu. er gud gefr oss. Moyses for þa med sinu foruneyti fra fiallinu þriggia daga leid. enn aurk sattmals drottins for firir þria daga at sia firir herbudar stadi. Sky drottins var firir þeim um daga er þeir foru. Ok er aurkin var upptekin. þa mællti Moyses. Ris vpp þu drottinn. ok slitizt i sundr ouinir þinir. ok flyi aller af þinu augliti þeir er þik hata. Enn er aurkin var nidr sett. þa mællti Moyses. Snu aptir þu drottinn til fiolda hers Jsraels.

259.

117, 11.

122. J þui bili gerdizt gnadd i folkinu. ok hormudu sitt erfide ok maugludu i gegn drottnei. Ok firir þui laust gud þa elldingu. ok brann enn yzti hlutr herbudanna. þa kalladi lydrinn til Moysen. at hann

<sup>1</sup>) rett. for sitia <sup>2</sup>) rett. for gafa

skyldi þeim uit hialpa. Moyses bad þa firir þeim til almattigs guds. at hann byrgi þeim. ok þa slocknadi þegar elldrinn. Moyses kalladi þann stad bruna. Gydingar girntuþt þa slatr at eta. ok mælltu þa. Huerr mun gefa oss slatr at eta. Endrminnumzt uer fiska þeirra er ver atum aa Egiptalandi. i hug koma oss kocumeris ok pepones ok porti ok tepi ok adrir hlutir þeir er ver atum aa Egiptalandi. Vit þesse þeirra ord reiddizt gud þeim. Moyses mællti þa. Firir hui kallar þu drottinn aa þræl þina. hui sinn ek eigi myskun firir þier. firir hui lagdir þu drottinn firir mik byrði lyds þessa allz. Eda huort gat ek allan þenna mannfolda. þar er þu mælis vit mik. ber þu þa i þinum fadmi ok fær þu þa til þeirrar iardar. er þu suardir fedrum þeirra. Eda huadan mun mer koma suo mikit slatr at gefa suo miklum mannfolda. þuiat þeir grata i gegn mer ok mæla. Gef þu oss slatr at eta. Nv ma ek eigi einn bera allan lyd þenna. þuiat hann er mer hardla þvng. eda synizt þier eigi suo drottinn. Bid ek þik drottinn minn. at þu drepir mik ok sinna eg myskunn firir þinum augum. at eigi kueliumzt ek af suo miklum illum hlutum. Gud mællti þa vit Moysen. Kalladu saman lydin firir mitt auglit .lxx. hauðingia lydsins. þa er þu veizt at meist-arar ero ok oлдungar lydsins. ok leid þa til dura tialdbudarianar. ok lat þa þar standa hia þier. at ek stiga nidr ok mælag vit þik. ok mun ek færa af anda þinum. ok mun ek segia þeim. at þeir beri byrði lydsins. at eigi þyngizt þu einn af þessu erfidi. þu skalt ok mæla vit lydin. Hvggizt þier. þuiat aa morgin munu þer eta slatr. þuiat ek heyrðag þa segia. Huerr mun gefa oss slatr at eta. gott var oss aa Egiptalandi. Nv mun drottinn gefa ydr slatr at eta. eigi einn dag eda tuo .v. eda .x. eda .xx. heldr allan manud. þar til er ut ferr snykr<sup>1</sup> um nasar ydrar. þuiat þier rakud aa brutt drottin þann er aa millum ydvar var. ok grættut þer hann. ok gretut þier firir honum ok mællt-ud. Firir hui erum uer aa brutt farnir af Egiptalandi. Moyses mællti vit drottin. Sex hundrut þusunda er þessi lydr fotganganda lids. ok segir þu drottinn þeim suo. Gefa mun ek ydr slatr at eta allan manud. Huort mun allr sauda fioldi eda nauta vera aflatinn.<sup>2</sup> at þeim vinne þaruf til fædzlu. eda munu aller fiskar siofar samnazt saman i einn stad. at þeir sedizt af. Drottinn suaradi. Huort er ostyrk hond drottins. Mitt mal mun med verki fyllazt. ok mun synazt huort min haund er ostyrk. Moyses gerdi sem gud baud. at hann samnadi saman .lxx. manna. þeirra er hofdingiar voru firir lidinu. ok let þa standa firir tialdbudinne. þa ste drottinn nidr i skyi ok mællti vit hann. A brutt mun ek færa af anda þeim er i Moysi er. ok mun ek gefa .lxx. manna.

<sup>1</sup>) r. f. frykr <sup>2</sup>) r. f. aditinn

260 Ok þá er heilagr andi huilzt i þeim. munu þeir spa. ok eigi munu þeir fyrr aflata. Tueir menn uoru eptir i herbudum. þeir er Moyses hafdi nefnda til vífarar af þeim .lxx. manna. er ádr var fra sagt. annar þeirra het Helldab. enn annar Medab. yfir þá kom heilagr andi. ok toku þeir at spa heima i herbudunum. þá tok sa madr til orða er Josue het. hann uar Nuns son. hann var þionn Moysi ok ualidr einn af fleirum ok mællti. Heyrdrv drottinn minn Moyses. Banna þu þeim at þeir spai er heima ero. Hual talar þu flir mier. huerr veilti at altr lydr spadi nema gud. at hann gefi þeim anda sinn. Ok eptir þat huarf Moyses i herbudirnar. ok allir haufdingiar med honum. þá liet gud koma coturnices<sup>1</sup> af sæ i herbudir Gydinga. ok þar umhuerris suo uilt sem dagleid ueri. þeir flugu i loptinu tueggia alna halt upp af iordunni. þá reis lydrinn upp ok samnadi saman coturnicibus ok bio sier til sædzlu. ok var þá slatr gnogt ollum lyd. ok eigi þraut þá þessa sædzlu medan þeir uoru i eydimork. Firir þessa girnd þeirra uaktizt vpp hefnd drottins vit lydinn. þá laust gud lydinn bradum bana. ok do þar þá mikill mannföldi. firir þat er þeir girntuzt slatr at eta. þann stad kolludu þeir girndar grafar. þuiat þar grofu þeir þá menn. er þar do ok girnzt hosdu slatr at eta. Moyses for med lidi sinu ur girndar graufum ok i þann stad er kalladr var Maserad.

12.

123. Ok er Moyses uar þar kominn. þá maugladi Maria systir hans ok Aaron i moti Moysi firir sakir konu hans. þeirrar er Peokilla het ok blalendzk var. Maria mællti þá vit Aaron. Huort mællti drottinn at eins vit Moysen. eda huort mællti hann uit oss slíkt hid sama. Ean er gud hafdi heyrt dramb ok maugl Aarons ok Mariu i mot Moysi. þá reiddizt hann. þui Moyses var inn miuklyndazti madr vm framm alla þá er aa iordunni uoru. Gud mællti. Moyses ok Aaron ok Maria. komit þier þriu til sattmalsbudar. þau gerdu sem gud mællti. Ok er þau voru þar komin (til) tialldbudar duranna. þá ste drottinn i stolpa skysins i tialldbudar dyrunum ok mællti vit Aaron ok Mariu. Heyrit ord min. Ef nockur madr verdr spamadr drottins i medal yduar. þá mun ek uitrazt honum i suefnum ok mæla vit hann vm drauma. Ean eigi er þuilíkr þionn minn Moyses. sa er tralyndastr er allra manna. þuiat ek mun vit hann mæla munni til munnz berliga. eigi um gatur eda drauma eda myndir. hellr mun hann berliga sia drottin. Ok firir hui hrædzit þier eigi þá at hallmæla þræli minum Moysi. Eptir þessi ord ste drottinn upp til himins. ok skyit huarf þat er yfir tiallbudinne var. þá fiell líkþra aa Mariu suo þyekt sem snær uæri. Ok er Aaron sa líkþrasott þá er fallit hafdi aa Mariu. þá mællti hann vit Moysen.

<sup>1</sup>) r. f. cokurnisia



Bid ek þik drottinn minn. at eigi virðir þu vit oss þessa synd. er uer haufum misgiort heimskliga. at eigi verði sia kona sem daud eða daud-yfli þat er kastazt fra mōdur kuidi. þuiat se herna. þat er mitt holld er hennar er ok nu er solgit af likþrasott. Moyses kalladi þa til drottias ok mællti. Heyrdu gud minn. er ek bid þik at þu grædir Mariu. Gud suaradi. Ef fadir hennar hefði hrægt i andlit henne. huort skyldi hon þa eigi hrellazt af kinnroda. þo at eigi væri leingr enn .vii. daga. Ok eptir þat særi hun aptr i herbudir. þa uar Maria byrgd firir utan herbudir .vii. daga. ok lydrinn var i sama stad þar til er Maria kom aptr.

124. Gydingar foru af Meserad ok i eydimork. þa er Pharan var kaullud. Ok er þeir uoru þar komnir. þa mællti gud vit Moysen. Sentu menn til Kanaans iardar. at sia þat land er ek mun gefa sonum Jsrael. .xii. menn af hofdingium vr sierhuerium kynspætti Gydinga skaltu þangat senda. Moyses gerdi sem gud baud. Hann sendi þessa haufd-  
ingia sem nu munu nefndir uerda ur eydimork Pharan til Kanaana iardar. Af kyni Rubens for Senma son Zecuri. Af kyni Simeons for Saphad son Uri. Af kyni Juda for Kabeb son Jefone. Af kyni Jsachar for Jgal son Joseps. Af kyni Effraim for Josue son Nuns. Af kyni Benjamin for Falan son Rafu. Af kyni Zabulons for Gadeel son Sadi. Af kyni Joseps for Skept Manase son Sub. Af kyni Dans for Anvel son Gemani. Af kyni Asser for Stur son Mikael. Af kyni Neptalim for Nabbe son Nabsi. Af kyni Gadz for Gabeb son Maka. Þessa menn sendi Moyses at sia Jorsalaland. þat var þa kallad Kunaans iord. Moyses mællti vit þa. Farit þier sunnan aa landit. ok gangit aa fioll upp. ok litid þadan yfir landit. huilikt þat se. Litit þier lyd þann er landit byggir. huersu styrkr hann er eða huersu fiolment landit er. ok huersu storar borgir eru eða styrkar aa landinu. Litid þier vandliga aa huersu grosugt landit er eða skogott. færir þier oss af iardar auoxtum þeim er aa landinu eru. Sendimenn Moysi foru eptir þui sem hann baud þeim ok rannasokudu landit ok toku einn uinuid af landinu ok hofdu med sier. Hann uar suo mikill. at tueir menn baru hann aa staung medal sin. þeir hofdu med sier af landinu epli stor ok fiktres alldin. J þesse sendifaur voru sendimenn Moysi .xl. daga. ok er þeir komu aptr ur þessi for til fundar vit Moysen. þa saugdu þeir þau tidindi er þeir hofdu sied i sinne ransoku ok syndu auoxst iardarinnar. þann er þeir hofdu þadan ollum Gydinga lyd. þeir mælltu suo. Vær kuomum aa þat land er þer sendut oss til. ok ma suo rielt at kueda. at su iord fioti miolk ok hunangi. sem þier megir sia af þeim auoxtum er ver hofum haft þadan. A þui landi ero storir menn ok sterker. borgir

13.

261.

miklar ok ramgiornar. Ver saum þar þa menn er risa kyns vora. Amalec byggvir sudr aa landit. Etheus ok Ebucius ok Amoreus byggia i fiallbygdum landzins. Cananeus byggia vit sio ok nordan vid.

14. 125. Nv er þeir saugdu þessa hluti fra landzbygðinne. þa hræddizt lydrinn ok aamæltti Moysi firir þat. er hann villði þa leida til þess landz. er suo torsottligt var at uinna. Ok er Calep heyrdi þeirra gnadd i gegn Moysi. þa mæltti hann. Faurum ver at visu þangat ok munum ver vnnit fa landit. þuiat ver munum þat audlazt. Forunautar Kalep svorudu. Alldri munu uer þann lyd yfirstiga. er þat land i byggir. þuiat hann er miklu sterkari enn ver. Enn sa lydr sem þar er ero med risa uexti ok suo margir sem locusta. Enn (er) lydrinn heyrdi þessa frasaugn sendimanna Moysi. þa gretu Gydingar med miklu opi aa þeirri nott ok maugludu allir i moti Moysi ok Aaron ok mæltu. Veri suo vel at ver sæ(r)umzt hier aller. ok leidde eigi drottinn oss til þess landz. at eigi seum uer þar suerðum hoggnir. ok eigi sesynir uorir þar i þrældom lagdir. mun oss elgi betra vera at snua aptr til Egiptalandz. Ok þa mæltti þetta huerr at odrum. Fa munum ver oss leidtoga. ok munum ver huerfa aptr til Egiptalandz. Ok er Moyses ok Aaron heyrdu þessi ord lydsins. þa fiellu þeir til iardar firir augliti allz lyds. Josue son Nuns ok Kaleph son Jefone slitr klæði sin ok mæltu vit lyðinn. þat land er uer litum er hardla gott. Nv ef drottinn uerdr oss myskunnsamr. þa mun hann leida oss til þeirrar iardar er flytr med miolk ok hunangi. Nu verit þer eigi motbarligir i gegn drottni. ok eigi skulu þier hræðazt lyd þessa landz. þuiat eigi mun oss meira toruelli vera at vega þa enn eta braud. þuiat allt fullting huarf i brutt fra þeim. Hræðizt þier elgi. þuiat gud er með oss. Enn allr lydrinn æpti i mot ok villde beria þa med grioti Moysen ok Aaron ok Josue ok Kaleb. Ok þa vitradizt dyrd drottins yfir tialdbudinne. Gud mæltti þa vit Moysen. Huar til mun mer hallmæla þesse lydr. eda firir hui trua þeir eigi suo morgum iarteignum sem ek hefi giort firir þier. Særa mun ek þa ok eyda med skelmisdrepi. enn ek mun giora þik mikinn haufdingia yfir mikla þiod ok meir styrkia enn sia þiod er. Moyses suaradi. Egiptzkir menn hafa hoyrt iarteignir þær er þu hefir giort med oss i bruttfor uorri af Egiptalandi. ok þat er þu sier til vor augliti þins andlitz. ok þat er sky þitt hliifr. ok i skystolpa ferr þu firir oss um daga. enn i elldzstolpa um nætr. Nv ef þu uegr allan þenna mannfjollda suo sem eina mann. þa munu egiptzkir menn þetta mæla. Eigi matti hann leida lyðinn til þess landz er hann hafði suarit þeim. ok firir þat drap hann þa i eydimork. Miklitz nu styrk dyrd þin drottinn. suo sem þu suarðir mælandi. Drottinn

þolinamodr ok mikillar myskunnar. aa brútt færandi illzku ok syndir ok aungan saklausan mann firirlatandi. þu er<sup>1</sup> uiltar syndir fedra i ætt ok kynkvísl þridiu ok fiordu. Bid ek þik drottinn. at þu firirgefir lydnun syndir þeirra. ok gior uit þa eptir fiolda mysk(un)semða þinna. suo sem þv vart myskunsamr vit þa i brúttfaur þeirra af Egiptalandi ok allt til þessa dags. Gud mæltti þa vit Moysen. Firir þinar sakir mun ek þeim firirgefa þat sem þeir uit mik mysgiorðu. life eg ok mun fyllazt dyrd drottins. aa allri iordu. Enn þeir menn aller er sia uelldi mitt ok iurteignir þær er ek giorda á Egiptalandi ok i eydimork ok freistudu<sup>2</sup> min .x. sinnum. ok uoru<sup>3</sup> ohlydnir minne rauddu. þeir munu eigi sia iord þa er ek suarda fedrum þeirra. ok eingi þeirra manna er mer hallmæla mun sia þat land. Enn þræll minn Kalep. sa er fullr er af helgum anda ok fylgdi mer. hann mun ek leida til þess landz er hann sa ok for yfir. ok kyn hans mun eignazt þat land. Gud mæltti þa can vit þa Moysen ok Aaron. Huersu leingi mun sia enn uesti lydr mogla i gegn mer. Heyrda ek illzkur sona Jsrael. Seg þu þeim. suo life ek sagdi drottinn. gera mun eg uit ydr suo sem þer sogdut at mer heyranda. I þessi audn munu liggia hræ ydur. Aller tuitugir menn ok ellri þeir er gnodduda i gegn mer munu eigi koma aa Jorsalaland. nema Kalep ok Josue. Enn sonu ydra mun ek leida aa Jorsalaland. þa er þier saugdut at verda mundu at herfangi fiandmanna yduarra. En ydur hræ munu liggia daud hier i eydimorkinne. Synir ydrir munu utlendir uera .xl. uetra i eydi(morkinne). ok munu bera yduarn hordom þar til er hræ fedra yduarra suna. þer munut taka giöld firir syndir ydrar ok munut þer reyna hefnd mina. þuiat ek mun suo giora sem nu hefi ek mællt vit þenna allan enn uesta mannfiolda. þann er upp rois hier i gegn mer i eydimorkinne. hann mun hier deyia ok þrotna. þeir menn er Moyses leidde aa Jorsalaland at sia landit ok hallmælltu landinu ok letu af þui maugla allan þenna mannfiolda er þeir lostudu landit. þeir munu aller deyia i minu augliti. en Josue ok Kalep munu eigi med þeim deyia. Nv er gud hafdi þessa hluti mællt. þa fiellu sendimennirnir aller daudir nidr. nema þeir Josue ok Kalep. Moyses sagdi lydnun þessa alla hluti sem gud hafdi mællt vit hann. Ok vit þessi tidindi gret lydrinn e miog. Vm morguninn risu Gydingar sneumma upp ok foru aa fiall þat er hia herbudunum var ok mælltu. Nv ero uer bunir at fara aa Jorsalaland. þuiat uer haufum miok<sup>4</sup> misgert. Moyses mæltti vit þa. Firir hui giora þier i gegn ordum guds almattigs. ok eigi mun ydr þat til farsælu snuazt. Nv farit þier eigi. þuiat eigi er gud med ydr. ok munu þer falla firir

262.

<sup>1</sup>) r. f. ert   <sup>2</sup>) r. f. freistudut   <sup>3</sup>) r. f. uorud   <sup>4</sup>) r. f. nu ok

ouinum ydrum. ef þier farit án guds leyfi. Amalegites ok Kananeus munu koma i mot ydr ok beriazt vit ydr. firir þeim munu þer falla. þuiat þier vilid eigi guds ordum hlyda. þui er eigi drottinn med ydr. Lydrinn gaf eigi gaum at ordum Moysi. ok foru þeir eptir þui sem þeir höfdu ætlad. Moyses var eptir i herbudum ok aurk drottins. Amalechite ok Kananei foru i moti Gydingum ok borduzt uit þa ok unnu aa þeim mikinn sigr. Gydingar laugdu aa flotta. enn heidnir menn elltu þa langa leid allt til þess stadar er kalladr var Horma.

126. Sa atburdr vard þa er Gydingar voru i eydimorkinne. at þeir fundu einn mann af sinum monnum. þann er vit bar saman aa þuottdegi. þann mann færdu þeir heim þeim Moysi ok Aaron. Moyses liet þann mann setia i myrkuastofu. þuiat hann visse eigi hult gud villdi firir. Gud mællti vit Moysen. þann mann skal af life taka sem þier hafit i myrkuastofu settan. ok skal allr lydr beria hann grioti til bana firir vtan herbudir. Eptir þessa uitran liet Moyses mannan leida ur myrkuastofunni ok ut fra herbudum. þar baurdu Gydingar hann grioti til bana. sem gud baud þeim. Gud mællti vit Moysen. Mæ þu vit lydinn. at þeir giore trauf med dreglum um skickiur sinar. at þeir minnizt minna bodorda. þa er þeir hafa traufin aa klædunum. at eigi fylgi þeim rangar hugrenningar sinar til ymisslagra hordoma. heldr minnizt þeir minna bodorda ok giore þeir þau ok se þeir helgir. firir þui at ek em drottinn gud þeirra.

127. Madr het Chore. hann var son Ysachar Kaadsson Leui sonar. annar madr het Dathan ok enn þride Abiron. þeir voru synir Hebab. Hon het madr son Felie. hann var af kyni Rubens. þesser menn risu upp i moti Moysi ok .cc. ok .l. manna annara. þeir voru þinghus haufdingiar<sup>1</sup> ok þeir kolludu saman aa þingi. ok stodu i moti Moysi ok Aaron ok mælltu. þaurf uinnr ydr er allr þessi mannfildi er heilagr. ok gud er med þeim sialfum. firir hui hefizt þier vpp yfir lydr drottins. Ok er Moyses heyrdi ord þeirra. þa srell hann til iardar ok mællti uit Kora ok forunauta hans alla. Gud mun ydr kunnigt giora snemma aa morgin. huerer hans menn ero eda hueria hann mun sier kiosa eda huerir honum munu vit teingiazt. Nv taktu Kori ok aller þinir menn glodker ydur ok latit elld i ok leggit aa reykelsi firir drottins augliti. ok mun þa synazt huerer guds menn ero. Eda huad syniz þier ok ydr þat litils vert vera. er gud greindi ydr fra ollum lydum odrum ok helgadi ydr sier. at þer þionadit honum i faugnudum heilagrar satlmalsbudar ok stædit firir offron lydsins ok þionadit gudi almatigum. Firir þui<sup>2</sup> let gud ydr at sier ganga. at þier eign-

<sup>1</sup>) r. f. haufdingium <sup>2</sup>) r. f. hui

adizt kennimannzskap. Enn nu gíorer þu Kore ok aller þínir menn i gegn drottni gudi mínum. Eða huat hefir Aaron gert til saka vit ydr. er þíer mavgludut i gegn honum. Þa sendi Moyses eptir þeim Datanh ok hans monnum ok Abiron. at þeir kæme aa hans fund. Þeir suorudu. Eigi munu ver koma aa hans fund. Eða synizt honum þat litils vert. er hann leidde oss i brutt af Egiptalandi i þessa eydimork. at hann dræpi oss hieir alla ok styrdi oss med ofride. Eða huar kemr þat nu fram. er hann sagdizt oss mundu leida til iardar þeirrar er flíota mundi med míolk ok hunangi. ok sagdizt hann mundu gefa oss akra ok vingerda ok adrar eignir. Enn oss synizt hínu nær. at hann víle vor augu ut slínga. Nv munu ver eigi koma aa hans fund. Ok er Moyses vísse þesse suor þeirra. þa reiddizt hann míog ok mællti. Lítt eigi þu drottinn forn þeirra Datans ok Abirons. Þu ueizt drottinn. at eg hefi eigi tekít asna þeirra ne adra hluti. ok eigi hefi ek kvalít neínn þeirra. Vm morgunínn eptir þessar vítrædur kom Kori med sínn flokk til tíalldbudarínnar. þeir voru .cc. ok .l. manna. þeir baru allir glodker i hondum ser. þar var i elldr med reykelší. þar kom ok Aaron med sínu glodkeri ok hans menn. þeir stodu huorertueggju firir tíalldbudar dyrunum. þa útradizt dyrd drottíns ollum yfir tíalldbudínn. Gud mællti þa vít Moysen. Skílízť þer fra flokki Kora. þuíat ek mún uega þa med skíotu voucífl. Moyses ok Aaron fellu badir til iardar firir auglíti drottíns ok mælltu. Heyrdu hínn styrksti gud anda allz holldz. huort mun þín reídi grímmazt i gegn ollum monnum at eínun manni mísgíoranda. Gud mællti víť Moysen. Bíod þu ollum lyd. at þeir skílízť i brott fra lídi þeirra ok tíalldbudum þeirra Datans ok Abirons. Honum fylgdu hófđíngíar Gyđínga lyds þangat. Ok er þeir voru komnir til þeirra tíalldbuda. þa mællti Moyses. Farít þer aa brutt aller fra budum þessa omílldu manna. ok komít augu þúi i nand er þeir eíga. at eígi uefízť þer i syndum þeirra. þa foru aller menn aa brott fra budum þeirra Datans ok Abirons. Enn þeir stodu vti hía budum sínum ok konur þeirra ok synir ok allr þeirra flockr. Moyses mællti þa. J þessum alburd er nu mun verda múnv þíer víta mega. huort gud sendi mík eða eígi. at ek reynda þa hluti alla er þíer hafít síed eígi af mínv híarta helldr af guds traustí. Ef þesser menn deýia eptir þúi sem adrír menn ero vaner líf at lata. þa sendi eígi gud mík til stíornar þessa folks. Enn ef gud gerír nyían hlut. ok lætr hann íordína vpp luka sínn múnv ok suelgía þa Datan ok Abiron ok alla þeirra menn ok flarhlut. ok fari þeir lífandi i heluíti. þa skulu þíer víta. at þeir hafa gudlastad. Ok er Moyses lauk malí sínu. þa sprack íordín undír fótum þeirra Dathans ok Abirons. ok foru þeir lífandi i íordína nídr

ok do suo. ok aller þeirra menn ok alr þeirra fjarhlutr með þeirra herbudum. Alr lydr flyði þadan aa brutt. er þessi atburdr varð. með mikille hrædzlu. ok badu gud almattigan. at eigi dæi þeir með suo miklu voueifi. J þui bile kom elldr af himne ok brendi Kora til bana ok þau .cc. manna ok her er honum fylgdu.

264 128. Eptir þessa ena ogurligv atburdi þa mælti gud vit Moysen. Biod þv Eleazaro kennimanni syni Aarons. at hann taki glodker þau er liggja i brennunne ok roti elldinum i sundr hingat ok þangat. þuiat glodkerin ero heilug i dauda syndugra manna. Nu giorre Eleazar af þeim speingr ok festi aa alltara. þuiat i þeim var reykelsi fært drottini. ok ero þau af þui heilug. Nv skulv þav uera a alltara til uitnis þess atburdar. er giorzt hefir i listioni Kora ok hans manna. Moyses sagði þessa hluti Eleazaro. Eleazar tok glodkerin ok giordi af þeim speingr ok festi aa alltara. suo sem gud baud honum. til vitnis þeirra inna ogurligu atburda er giorzt hosdu. Eptir þessa atburdi giordu Gydingar gnadd i moti þeim Moysi ok Aaron ok mæltu. Þier draput þenna lyd drottins. Ok þa giordizt osætti mikid með lydnum. ok uilldu margir Gydingar drepa Moysen ok Aaron. Þeir flydu undan til tialdbudarinnar. ok þa vitradizt dyrd drottins yfir tialdbudinne. Gud mælti þa vit Moysen. Farit þier aa brutt fra folki þessu.<sup>1)</sup> þuiat ek mun<sup>2)</sup> drepa þa nu. Ok er þeir lagu aa iordunni. þa mælti Moyses vit Aaron. Taktu glodker þitt ok lat i elld af alltaris elldi ok legg aa reykelsi. ok far til lydsins. at þu bidir firir þeim. þuiat gud hefir lostit þa með elldingu. Aaron gerdi sem Moyses mælti. hann tok glodkerit ok elld af alltari ok lagði þar reykelsi yfir. ok for til folksins þar sem þat brann. ok geck aa medal daudra manna ok lifandi ok bad firir lydinna. ok þegar slocknadi elldrinn. J þeirre brennv forvzt flortan þusundir manna adrir enn Kori ok hans menn. Aaron for þa aptr til fundar vit Moysen til tialdbudar duranna. þar sem Moyses var aa bænum.

129. Gud mælti vit Moysen. Tak þu af Gydingum uondu tolfur kynspattum þeirra .xii. ok rita þu huers þeirra nafn yfir huers þeirra vendi. Nafn Aarons skaltu rita i kyni Leui. þu skalt setia uonduna i tialdbvudinne. þar sem ek mælti vit þik. ok mun ek syna huern ek uel. þuiat eg mun giora þess uond með berki ok næfr ok alldine. er ek vel. Moyses tok .xii. vondv adra enn Aarons uond ok setti i tialdbudinne. Ok um morguninn eptir fanzt Aarons vondr grænn ok groinn berki ok næfri ok alldine. þa tok huerr þeirra vit þeim vendi sem atti. ok sau allir þa iarteign er ordin var aa uendi Aarons. Gud mælti

<sup>1)</sup> r. f. þessum <sup>2)</sup> r. f. enun

vit Moysen. Settv vond Aarons i tialldbudinne til vitnis þessa atburdar. er giorzt hafdi aa vendinum. Moyses giordi suo sem gud baud.

130. Eptir þessa atburdi for Moyses med ollum Gydinga lyd i eydimork. þa er Sin var kollut. i þann stad er Kades het. Ok er þeir voru komnir þar. þa andadizt Maria systir þeirra Moysi ok Aarons. þat var aa enum fyrsta degi manadar mulseta. Maria var þar grafin i Kades. Ok er lydrinn var þar. þa gat þar eigi vatn at drecka. Vm þat maugladi lydrinn med osætt vit Moysen ok Aaron ok mælti. Veri suo vel at uer hefdim dait medal brædra vorra firir drottnei. Firir hui leiddut þier lyd drottins i eydimork. at uer ok fenadr vorr dæim. firir hui letud þier oss i brutt fara af Egiptalandi i þenna enn uesta stad. er eigi fær vatn at drecka ok cigi getr fikiur ok timeas ok eigi skoron. ok þat aa annat ofan er eigi getr vatn at drecka. Moyses ok Aaron gengu þa aa brutt fra folkinu til tiallbudarinnar ok fiellv til iardar ok kolludu til drottins ok mæltu suo. Heyrdu drottinn gud kall lyds þessa ok luk þeim vpp sehirdzlu þina. brunn lifanda vatz. at aflati gnadd þeirra. þa er þeir ero saddir. Ok þa uitradizt dyrd drottins yfir þeim. Gud mælti þa vit Moysen. Tak þu vond þinn ok safna saman lydinn. þu ok Aaron brodir þinn. ok mæl þu vit steininn firir þeirra augliti. at hann gefi vatn ok þer leiddit ut uotn af steininum. þa mun lydrinn drecka ok fenadr þeirra. Moyses tok þa vondinn vr tialldbudinne ok kalladi saman lydinn til eins steins. Heyri þier motbarligir ok otruer. huad munu ver mega leida vt vatn af þessum steine. Ok þa lyster Moyses uendinum tysvar sinnum aa steininn. ok þa sprettr þar vpp þegar vatn. god ok nog. suo at lydrinn allr drack ok fenadr þeirra. Gud mælti þa vit Moysen ok Aaron. Þui at þer trudut eigi mer. at þer helgadi mik firir sonum Jsrael. þui [munu þer<sup>1</sup> eigi leida þa lyd þenna til þeirrar iardar. er ek mun þeim gefa. þetta er gagnmælis uatn. þar þrættu synir Jsraels i gegn drottnei. ok helgadr var hann med þeim. þa sendi Moyses menn aa fund konungs þess er Edom het. at bidia sinum monnum fararleyfis um hans riki. Ok er sendimenn Moysi komu aa fund Edoms. ok þeir mæltu. Brodir þinn Gydinga lydr mæler suo til þin. Vita muntu allt vort erfide þat er uer haufum haft. huersu uorir langfedr foru til Egiptalandz. ok hofum ver þar langa æfi verit þiadir ok uorer langfedgar. Heyrt muntu hafa. at uer hofum til guds kallad. ok hann hefir heyrt vora bæn ok sendi eingil sinn til vor. þann er oss leiddi i brutt af Egiptalandi. ok er nu uorr flockr i borg Kades. su er i hinum yztum morkum. Nv bidium ver. at þu lofir oss at fara um þitt riki. ok munu uer eigi troda akra þina eda uingarda. ok eigi

<sup>1</sup>) [r. f. mun ek

235

munum uer drecka voln vr brunnum ydrum. helldr munu ver fara þíodgautur eptir midíu landi ydrú. ok eigi munu ver hneigia af til hægri handar eða vinstri. meðan ver foru yfir þitt ríki. Edom konungur svaradi. Eigi mun konungur ydr lofa at fara um mitt ríki. ok með uopnum mun ek ydr ueria at fara um mitt land. Sendimenn Moysi mælltu. Ver munum skíott yfir fara. ok ef uer dreckum ydr voln eða vorr senadr. þá munu ver þar se firir gíallda. Edom suaradi. Eigi munu þíer í mínu leyfi fara um mitt land. Edom samnadi þá míklu lídi ok ællar þá at vería vopnum landit ok bardaga. at eigi fari Gydinga lydr yfir hans ríki. Sendimenn Moysi foru aþr til fundar vit hann ok saugdu honum ord Edoms. ok huersu hann bannadi þeim yfirfaur um sitt ríki. Moyses hrærdi þá herbudir sínar ur Kades. hann for þá með sínv foruneyti aa síall þat er Horr heitir. þat síall var í endimorkum ríkis Edoms konungs. Ok er lydrinn var aa síallit vpp kominn. þá mællti gud vit Moysen. Fari Aaron nu til framlidinna ættingia sinna. þúiat hann mun eigi koma aa þat land. er ek mun gefa sonum Jsraels. firir þú at hann trudi eigi mínum ordum vit uatn gagnmælis. Nv leídtv Aaron ok son hans Eleazar aa síallit ofanvert. ok þá færðv Aaron af klæðvm sínvm. ok skryd með þeim klæðum Eleazar son hans. ok þá mun Aaron andazt. Moyses gerdi sem gud bauð honum. at hann for aa síallit vpp ok Aaron brodir hans ok Eleazar son Aarons. at aasiaundum Gydingum. þá færði Moyses Aaron af klæðum sínum ok skryddi þeim klæðum Eleazar son hans. Ok er Eleazar var skryddr þessum klæðum. þá andazt Aaron. Ok er hann var andadr þar aa síallzbruninne. þá for Moyses ok Eleazar til fundar vit lyðinn. Ok er folkit visse at Aaron var andadr. þá gretu allir Gydingar andlat Aarons .xxx. daga.

131. Konungur het Kananeus. hann ríed firir þeim stad er Arath het. ok er hann heyrði sagt fra faur Gydinga. þá eíldi hann horlídi í mot þeim ok bardízt vit þá ok sígradízt aa þeim í fyrstu ok toku af þeim herfang. En Gydingar hetu þá aa gud til traustz síer ok mælltu. Ef þú selr lyð þenna í vorar hendr. þá munu ver drepa hann ok bríota borgir þeírra. Ok þá baurduzt þeir vit Kananeum. J þeim bardaga síell Kananeus. enn Gydingar sígruduzt. þá brutv þeir borg þá er Kananeus hafdi firir radit. Gydingar foru þá af síallinu Horr langa leídi. þá hallmælltu þeir gudi ok Moysi ok saugdu suo. Firir hui leíddir þú oss í brutt af Egiptalandi. at ver ðeím her í eydímarkinne. þar er eigi getr vatn. þúiat aund vor hravrnar af þessi fædzlu enni líettuztv. Firir þetta gnadd Gydinga sendi gud eíldlígá eítrorma til Gydinga at særa þá til ðauða. Ok er þeir voru lostnir af þeim eíldlígum eítrorm-



um. þa flydu þeir aa fund Moysi ok mælltu. Misgerdum uer. er ver mælltum i moti gudi ok þer. nv bid þv firir oss. at gud firir lati oss þessi vandræði. Moyses bad þa firir lydnum. þa mællti gud vit Moysen. Giordu orm ur eiri. ok set hann til marks þeim monnum er lost-  
nir verða af eitormvnum. ok munu allir heilir verða þeir er eirorm-  
inn sia. Moyses gerði sem gud baud. at hann liet gera orm af eire.  
ok vrðu aller heiler þeir er þann orm litu. þóat þeir væri adr af  
eitormunum særdir. Moyses sendi menn aa fund konungs þess er  
Seon het. ok mællti suo til hans. Bid ek þik. at þu lofir oss at fara  
vm þitt land. ok munu ver eigi troða vingarda þina ne akra. ok eigi  
munum ver drecka vatn ur brunnnum ydrum. helldr fara konungs gatur  
þar til er vier komum aa burt vr þinu ríki. Ok er þessi ordsending  
Moysi kom til eyrna Seem konungi. þa reiddizt hann miog vit þat  
ok lofði eigi lydnum at fara um sitt land. Seon samnadi herliði ok  
for med miklum her i eydimarkina i mot Moysi. Ok er þeir funduzt.  
þa baurduzt þeir. J þeim bardaga fiell Seon konungr ok fioldi ann-  
arra manna. þa lagði Moyses vndir sik þat ríki er att hafði Seon  
konungr ok firir radit. ok bygðu Gydingar þa i þeim borgvm er i  
þui ríki var(u). Konungr het Ogg. hann var med rísa vexti. hann atti  
reckiu af iarni gerua. hon var .ix. alna laung enn .iiii. alna breið. Sia  
konungr for med her miklum i moti Moysi. Ok er Gydingar sav þann  
enn ogurliga her er Ogg hafði. þa hrædduzt þeir þann enn mikla uoxt  
er Ogg hafði ok margir adrir hans menn. Gvð mællti þa vit Moysen.  
Eigi skaltu hræðazt Ogg konung eda hans menn. þuiat eigi mun ydr  
meira verða firir at drepa hann enn Seon konung. Gydingar borduzt  
þa vit Ogg konung ok sigruduzt aa honum ok hans monnum. þar fiell  
Ogg ok mikill mannfíoldi med honum. Gydingar laugðu þa undir sik  
land þat er Ogg konungr hafði firir radit.

132. Eptir þat foru Gydingar aa völv þa er voru i ríki Moabs  
þiðar skamt fra Jordan. þar sem gagnvart stod borg su er Hiericho  
heitir audru megin aa backanum. Konungr het Balak. hann var yfir  
Moabs þið. Hann sa þa hluti alla er Gydingar hófðu giort lydnum  
Aamorra. ok þat er Moabite hófðu hræðzt þa ok mattv eigi bera  
þeirra ofríð. Balakh atti þa fund vit hófðingia. þa er voru i hans ríki.  
A þeim fundi mællti hann suo. Mikil reidi liggir aa folki voru af yfir-  
gang Moysi ok hans manna. þuiat þeir eyða suo miog konunga ríki.  
sem oxi er uanr at bita allt gras med rotum. A þeim fundi tok kon-  
ungrinn þat til rads. at senda menn eptir manni þeim er Balaam het.  
Hann var son Hehor. hann var blotmadr mikill. hann bygði vit Jordan  
i ríki Balaks konungs. Konungrinn hafði mikinn aatronat þar sem Bal-

200

aam var. Ok þa er sendimenn konungs komu aa fund Balaams. þa mælltu þeir. Lydr margr er kominn i ríki vort af Egiptalandi. ok fara þeir med ofridi þar sem þeir koma. Nv sendi konungr vor þier ord. at þu kæmer ok litir yfir lyd þenna. er miklu er styrkari enn vier. Vill konungrinn at þu bauluir lydnum. at uer megin sigrast aa honum ok reka þa i brutt af landinu. þuiat konungrinn truir þui. at sa muni blezadr vera er þu blezar. enn sa boluadr er þu baulvar. Sendimenn greida framm gíafir þær er konungrinn sendi Balaam. Blotmadrinn suaradi. Uerit þer her i nott. ok mun eg aa morgin segia ydr þat sem drottinn segir mer. Sendimenn uoru med honum um nottina. Ok aa þeirre nott kom drottinn til Balaam ok mællti vit hann. Huat uilia þesser er komnir ero til þin. Balaam svaradi. Balak konungr sendi þa til min. ok bad at ek skyllða koma at baulua lyd þeim. er kominn er af Egiptalandi hingat i vort land. ok reka þa menn med boluan brutt af voru landi ef ek mætta. Gud mællti vit Balaam. Eigi skaltu fara med þeim. ok eigi skaltu bolua lyd þessum. þuiat hann er blezadr. Vm morgunin eptir þessa uitran reis Balaam snemma vpp ok mællti vit sendimenn konungs. Nv skulv þier fara heim. ok mvn ek eigi med ydr fara. þuiat gud bannar mer at fara. Sendimenn Balaks voru hofdingiar. þeir foru þa heim aa konungs fund ok saugdv honum. at Balaam villði eigi fara aa hans fund. Balak konungr sendi þa fleire hofdingia ok gofugligri enn þeir er fyrr hofdu komit aa fund Balaams. Ok er þeir komu aa hans fund. þa mælltu þeir. Balak konungr mæli suo til þin. Duel eigi þu at koma aa fund uorn. þuiat ek em buina at koma aa þinn fund ok uegsama þik. ok mvn ek gefa þer þat sem þu villt. Nv kom þu at bolua lyd þessum. er kominn er i vort ríki. þa er sendimenn konungs hofdu suo mællt. þa suaradi Balaam. þo at konungr gefi mer hus sitt fullt af gulli ok silfri. þa ma ek þo eigi skipta vm ord guds drottins mins. at ek mæla meir eða midr ena gud bydr mier. Nv uerit þer hier i nott. at ek mega vita huat drottinn bydr mer at mæla vit ydr. A þeirri nott kom drottinn til Balaams ok mællti vit hann. Enn ef þesser menn ero komnir aa þinn fund ok bidia þik at fara med sier. þa ris þu upp ok far med þeim. ok gior þo þat eitt er ek byd þier. Balaam reis þa vpp snemma vm morgininn ok lenadi ausnu sina. ok for med sendimonnum konungs. Ok firir þat reiddizt gud honum. Enn huskarlar Balaams foru med honum. Hann reid eptir gautu framm. þar er akrar voru aa tuær hendr honum. Enn eingill guds stod aa gotunni firir honum i gardzins hlidi ok hafði brugðit suerd i hendi. Asnan sa hvar eingillinn stod. ok þui geck hon af gautunne. enn hann sa eigi eingilinn. Enn hon geck at gard-

iaum ok þordi þo eigi at ganga i garðhlidit. þar sem eingillinn stod. Hon þraungdi fæti Balaams vit gar(d)inn. Balaam bardi osnuna miog. enn hon geck þo eigi framm. hon lagdizt þa nidr vndir honum. Balaam tok þa kylfu mikla ok bardi osnuna med henni. ok uar miog reidr. Drottinn lauk þa vpp munn osunnar. suo at hon mællti. Firir hui berr þu mik suo hart. huat hefi ek misgiort vit þik. er þu hefir barit mik þrysuar sinnum. Balaam suaradi. þess ertu uerd at eg beria þik. þuiat þu bleckir mik. Væri suo uel at ek hefda suerd i hendi. ok munda eg þa hoggua þik. Asnan mællti. Huat er. em ek eigi þitt kuiuendi. þat er þv ert uanr at sitia yfir iafnan er þu ferr leidar þinnar allt til þessa dags. Segdu huat ek hefi þuilickt giort vit þik. sem þu giordir nu vit mik. Balaam suaradi. Ecki hefir þu suo vit mik giort. sem ek hefi nv vit þik giort. Gud lauk skiott upp augu Balaams. suo at hann sa huar eingillinn stod aa gautvnni firir honum. Eingillinn mællti þa. Firir hui bardir þu ausnuna þrysvar sinnum. Eg kom til þess. at asnan giordi þier i mot. þuiat raung er gata þin ok mier gagnstæðlig. Enn ef asnan hefði gautuna gengit. þa munda ek hafa gefit henni fararleyfi. enn ek munda hafa hogguit þik. Balaam suaradi. Misgiorda ek outandi at þu stædir aa gautunni. ok mvn ek aptr huerfa af þessi minne for. Eingillinn suaradi. Far þu med þessum monnum. ok varazt at eigi mæler þv fleira enn ek byd þer. Balaam for þa med hofdingium. þeim er eptir honum voru sendir. Ok er Balak konungr visse þangatfor hans. ok er þeir funduzt. þa mællti Balak konungr. Firir hui konitu eigi þegar aa minn fund. er ek senda meann eptir þier. huort ætladir þu at ek munda eigi aumbuna þer þina for. Balaam suaradi. Ek em nu kominn. enn huort ætlar þu. at ek muna mæla annat enn þat er gud gefr mer at mæla. þeir foru þa i borgina. þa er var i ydztum endimorkum hans rikis. Balak konungr let þa hoggua naut ok sandi ok sendi þa hluti Balaam<sup>1</sup> ok þeim hofdingium er honum fylgdr.

133. Vm morguninn eptir fylgdi konungr Balaam til hofs Baals. þat stod á einne hæd. þadan sa inn innzta hlut herbuda Moysi. Balaam mællti þa vit Balac. Gior þu mier hier .vii. stalla. ok bu hier til fornfæringar .vii. kalfa ok .vii. hruta. Balak konungr giordi sem Balaam mællti. Ok er hann hafdi lagt kalfana ok hrutana yfir stallana. þa mællti Balaam vit Balak konung. Bid þu hier littad hia forninne. þangat til er ek kem aptr. Ek mun fara skamt aa brutt hiedan ok uita ef drottinn komi til min. ok mun ek vit þik mæla þat er hann bydr mer. Konungr kvat suo vera skyldu. Ok er Balaam var skamt

<sup>1</sup>) r. f. Balak

þadan aa brutt farinn. þa kom drottinn i mot honum. Balaam mælti þa uit hann. .vii. stalla hefi ek hier vpp reist ok þar yfir lagt suo marga kalfa ok hruta. Drottinn lagdi þa ord i mvnn honum ok mælti. Far þu aptr til konungs ok mæl þa hluti er ek byd þier. Balaam for þa aptr til fundar vit konung. þar sem hann var hia forninni ok hofdingiarnir. Balaam mælti þa at uppnuminne dæmisauðu sinne. Konungr Moabitarum Balak leidde mik af austrligum fiollum. mælti vit mik. Kom þu at bolua Jacob ok skyntu ok lasta Jsrael. Ok huersu munek þeim bolua mega. er gud boluar eigi. eda huersu mun ek þann lasta mega. er gud lastar eigi. Sia mun Gydinga lyd af hinum hæstum stodum steinum eda holum. mun ek hann lita. Einn lydr mun her byggia ok mun (eigi) skipast medal heidinnar þiodar. Huerr mun telia mega dust eda uita tolu kyns Jacobs. Deyi aund min dauda rettlatra manna. ok uerdi minir hlutir enir siduztu likir þeirra hlutum. Balak konungr mælti vit Balaam. Huat giordir þu nu. Ek baud þier til þess hingat. at þu boluadir ouinum minum. enn þv giorir þar gegn. þuiat þu blezadir þeim. Balaam svaradi. Huat mun ek mega annat mæla en þat sem gud leggr firir mik at mæla. Kom þu med mier i annan stad. þar er þu sier meir yfir Gydinga lyd. ok þeir meg i þik eigi. sia. ok bolua þu lydnum. þa for Balak konungr ok Balaam med sinv foruneyti aa fioll vpp. þat er Fylgor het. Ok er þeir voru þar komnir. þa giordi Balak sier .vii. stalla ok lagdi yfir huern stall(a) kalf ok hrut. sem Balaam baud honum. Balaam mælti þa vit Balac konung. Bid þu hier hia forninne. medan eg fer aa brutt. Konungr kuad suo uera skulu. Nv er Balaam var skamt aa brutt farinn. þa kom drottinn til fundar vit hann ok lagdi ord i munn honum ok mælti vit hann. Far þu aptr til Balaks konungs ok mæl vit hann þat sem ek byd þier. Balaam for þa til fundar vit konung ok hofdingiana. þar sem þeir stodu hia forninne. Konungr mælti þa vit Balaam. Huat mælti gud vit þik. Balaam mælti þa at vppnuminne sinne dæmisogu. Heyrdu Balak konungr son Sefor. Stattu ok hlyd þeim hlutum er ek mun mæla. Eigi er gud sem madr. at hann liugi. ok eigi sem sonr mannz. at hann skiptlizi. Eda huort sagdi gud þat. at hann mundi gera þat er hann gerdi eigi. eda huort het gud þui nockuru. er hann endi eigi. Til þess em eg hingat kominn. at ek bleza. ok firir þui mun ek eigi blezan banna. Eigi er blot med Jacob. ok eigi sezt skurgud med Jsrael. Drottinn gud hans er med honum. ok sigr drottins er med honum. Gud sendi hann aa brutt af Egiptalandi. likr er styrkr hans cinocedris. Eigi er fiolkyngi med Jacob ok eigi blotskapr. Ok Jsrael mun segia aa sinum tidum huat gud gerdi. Se herna. lydr sia mun vpp risa sem

leena. ok vpp mun hann orgazt sem leo. Eigi mun hann huilazt fyrr enn hann suelgr herfang ok hann dreckr blod ueginna manna. Balak konungr mællti þa vit Balaam. Eigi muntu bolua lydnum. ok eigi muntu bleza hann. Balaam suaradi. Huort sagða ek þier eigi. at ek munda þat mæla er gud byði mer. Balak konungr mællti. Far þu með mer til annars stadar. ok kann vera at þadan boluir þu at lofanda gudi. þa foru þeir aa fiallit vpp. þar sem hæst var fiallit. þadan sa uida. Balaam mællti þa vit konung. Giordu mer hier .vii. stalla. ok lat þar yfir .vii. kalfa ok .vii. hruta. Konungr gerdi sem Balaam mællti.

134. Ok er Balaam sa at gudi likadi at hann blezadi lydnum. þa for hann eigi sem fyrr hafdi hann farit. at hann leitadi spaleiks. helldr leit hann yfir lydinn. ok sa tialldbudir þeirra ok þa sialfa. huar þeir voru. Ok þa fiell i briost honum guds andi. ok hann mællti at vpp- tekinne dæmisaugu. Hann mællti suo. madr þess auga byrgdizt. sagði heyrari guds mala. sa er litr syn almattigs guds. hann fellr ok suo lukazt vp augv hans. Suo sagnar tialldbudir þinar Jacob ok tiolld þin Jsrael. sem daler skogafuller [sem grasgardar vit ar uokuader.<sup>1</sup> þær tialldbudir festi drottinn suo sem cedri vit morg votn sett. Firir lyð þessum mun takazt Agagg konungr. ok mun hans riki aa brutt særast. Gud leiddi lyð þenna af Egiptalandi með styrkt. hann er likr rinoce- rodis. Suelgia munu heidnar þiodir fiandmenn hans. ok munu þeir briota bein þeirra. ok með orum munu þeir þa reyfa. [Liggiandi mun hann sofa sem leo ok leena þau<sup>2</sup> er eingi mun þora vpp at vekia. Sa mun blezadr er þeim blezar. ok sa mun boluadr er þeim boluar. Balak konungr reiddizt þa Balaam firir þessi ord ok mællti. Ek kallada þik aa minn fund til þess at þu boluadir ouinum minum. eun þu gerdir þar i gegn. ok hefir þu nu þrysvar sinnum þeim blezad. Nv far þu heim til þins heimilis. Ek hafða radit at uegsama þik. enn drottinn rænti þik þeirre vegsemd. Balaam suaradi. Huort sagða ek eigi sendimonnum þinum. þeim er þu sendir til min. þo at þu gæfir mer hus þitt fullt af gulli. þa munda ek eigi mega um lida ord guds drottins mins. ok eigi munda ek mega mæla af minu hiarta huorki gott ne illt. helldr vard ek þat at mæla sem gud baud mer. Nv mun ek fara heim. ok mun ek gefa ydr rad adr enn uer skilium. huat þer skulut gera vit þenna lyð. Balaam mællti þa<sup>3</sup> at uppnuminne dæmi- saugu. Balaam Beors son sagði suo. madr mællti suo. þess auga byrgd- izt. sagði heyrari guds mala. sa er ueit læring hins hæsta guds. ok ser sa almattigan .gud. sa hefir fallandi vpplokin augu. Sia mun ek

<sup>1</sup>) [r. f. eigi er þat uor at uokun    <sup>2</sup>) [r. f. eggendr munu þeir sæfa sem leo. ok lækna þann    <sup>3</sup>) r. f. þo

hann. enn eigi mun ek hann lita. Vpp mun renna stiarna af Jacob. ok mun vpp risa Jsrael. ok mun liosta hertuga Moab. ok mun eyda alla sonu Seth. ok mun uera onyt eiga hans. þeir munu falla af ouinum sinum. enn Jsrael mun styrkliga gera. Af Jacob mun sa uera erstyra mun. ok mun hann glata erfd borgar. Ok er Balaam sa Amalek. þa mællti hann at vppnuminne dæmisauðu. Styrk er at uisu bygd þin. ok setia muntu at visu aa steini hreidr þitt. ok validr muntv uera afkyni Kaams. suo leingi sem þu matt vera. þuiat Assur mun þik (taka). Balaam mællti þa enn at uppnvminne dæmisauðu. Hev huerr er sigruegari. þa er drottinn gerir þessa hluti. koma munu med uopnum af Jtalia. þeir er yfir munu stiga Arcerius ok munu eyda Ebreos. ok sidaz munu þeir farazt. þa er Balaam<sup>1</sup> hafdi suo mællt. þa for hann heim til heimkynna sinna. þa reiddizt konungr Balaami firir þau ord er hann hafdi mællt. Ok er Balaam uisse konungs reide. þa gaf hann þau rad til konunginum. at hann sendi sagrar konur margar til Moyses manna. at leika firir þeim ok uita ef þær lockadi hug þeirra til blota eda til samræða vit sig. Hann sagdi suo. at gud mundi reidazt þeim. ef þeir blotadi eda hefði samræði vit heidnar konur. ok munu þeir þa auðuelldliga mega yfir stigazt. ef eigi væri guds gætzla yfir þeim. Konungr gerdi sem Balaam gaf rad til.

269.  
135. A þeirri tid var Gydinga lydr i þeim stad er Sedi var kalladr. ok heidnar konur komu þangat. þa hófdu margir menn samræði vit þær ok blotudu med þeim. Firir þat reiddizt gud þeim. hann mællti þa vit Moysen. Tak þu nu höfðingia lydsins ok fest þa vpp aa galga i gegn solu. at reide min huerfi i brutt fra lydnum. Moyses mællti þa vit domendr. þa er yfir voru lydnum. Uegi nu huerr sinn naung þann er blotad hefir Belfegor. Madr het Zambre<sup>2</sup> hann var Saul son. hann var einn höfðinge af kyni Simeons. hann lagdi hia sier eina portkonu heidna. þa er Kozbi het. hon var dottir Sur Madianitarum. mikils höfðingia. Zambri var suo diarfr i saurlifis synd. at hann hafdi samræði vit Kozbi at aasiaanda Moysi ok ollum lyd. þau hormudu allir godir menn ok gretu. þeir er þann leik sau. ok stodu firir dyrum tialdbudarinnar. Madr het Finies. hann var son Eleazar Aaron sonar. hann reis vpp ok bra saxi ok lagdi þau bæði i gegnum til bana i lostalid kallmanninum enn þurstarlid konunni. Moyses liet þa vega .iii. menn ok .xx. adra. ok af þeim vigum sefadiz guds reidi. Gud mællti þa vit Moysen. Finees son Eleazars kennimannz sefadi reidi mina fra sonum Jsrael. þuiat hann hrærdizt af minu kappi i gegn þeim. at eigi dræpa ek þa i minne hefnd. þui skaltu nu honum segia. at ek mun gefa

<sup>1</sup>) r. f. Balaac <sup>2</sup>) r. f. Nambre

honum fríd mins sattmals. ok mun hann vera ok kyn hans eilíft satt-  
 mal kennimannzskapar. þúiat hann kepti firir gudi sinum ok hreinsadi  
 glæpi sona Jsraels. Eptir þessa atburdi bauð gud Moysi. at hann teldi  
 alla kallmenn. þa er i hans foruncyti voru ellri enn tuitugir. Moyses  
 giordi sem gud baud honum. J kyni Rubens voru þa .xl. þusunda ok  
 .ii. þusundir ok .dec. ok .xxx. manna. J kyni Simeons voru .xx. þus-  
 undir .ii. þusundir ok .cc. manna. J kyni Gads voru .xl. þusunda ok  
 .d. J kyni Juda voru .lxx. þusunda oc .ii. þusundir oc .d. manna. J  
 kyni Jsachar voru .xl. þusunda .iiii. þusundir ok .ccc. J kyni Zabu-  
 lon voru .xl. þusunda ok .v. þusundir. J kyni Manases voru .xl. þus-  
 unda .ii. þusundir ok .dec. J kyni Effraim voru .xxx. þusunda .ii. þus-  
 undir ok .d. J kyni Benjamin voru .xl. þusunda .v. þusundir ok dc.  
 J kyni Dáns voru .xl. þusunda .iiii. þusundir ok .cccc. J kyni Asser  
 voru .l. þusunda .iii. þusundir ok .cccc. J kyni Neptalim voru .xl.  
 þusunda .v. ok .cccc. Sia tala er oll saman sex hundrut þusunda ok  
 þusund ok .dcexxxx.

136. Gud mællti vit Moysen. Stig þu vpp aa siáll Eborim. ok lit  
 iord þa er ek mun gefa sonum Jsrael. Ok er þu sier þa iord. þa  
 muntv fara til frammlidinna frænda þinna sem Aaron brodir þinn. þúiat  
 þer stygdut mik i eydimork Sin ok gagnmælis lydr. ok eigi villdut  
 þier mik helga firir sonum Jsraels firir votn gagnmælis i Cades i ey-  
 dimork Sin. Moyses suaradi. Drottinn gud andi allz blods. sia firir  
 nockurn mann. þann er styre þessum mannfiolda ok megi fara firir  
 lydnum vt ok inn. at eigi se lydrinn suo sem saudir þeir er eigi hafa  
 hirde. Gud mællti vit Moysen. Taktu Josue son Nuns agætan mann. i  
 honum er guds andi. ok legg þu hond þina yfir hann. þa er hann  
 stendr firir Eliazaro kennimanni ok ollum þessum mannfiolda. ok muntu  
 þa gefa honum bodord at ollum asiaundum monnum ok hlut dyrdar  
 þinnar. at aller synir Jsrael veiti honum hlydni. Eleazar skal til frettar  
 ganga um þa hluti er þess þarf vit. ok Eleazar skal firir rada. huenær  
 lydrinn skal vpp hefja saur sina eda huenær hann skal standa. Moyses  
 gerdi sem gud baud honum. hann setti Josue firir Eleazaro ok ollum  
 lydnum. ok lagdi hendr sinar yfir hofud honum ok sagdi honum þa  
 hluti er gud baud honum. þa sagdi gud Moysi þau laug er hann  
 setti um huersdagligar fornsfæringar a morgun ok aptan. ok þa greindi  
 gud fornsfæringar þær er lydrinn skyllði færa aa sierhuerium tímum.

137. Eptir þat mællti gud vit Moysen. Hefn þu nu adr enn þu  
 andazt þess er portkonur spilltu lyd þessum. Moyses mællti þa vit  
 lydin. Velit nu þusund manna af lydnum af sierhuerium kynspætti  
 Jsraels. ok uopnit þat lid ok buit til bardaga. ok berizt vit Madianitis

270.

þíod. ok hefuit þess er þer letud portkonur ydr suikia. Lydrinn gerdi sem Moyses baud. þeir völdv af lidi sínv .xliii. þúsundir manna. Moyses setti Finies son Eleazar höfðingia yfir þat lid. ok selldi honum heilug ker ok ludra at blasa til þess er þurpti. þa for Finies með þessu lide i moti heidnum monnum. Heidnir menn eflðv lid i moti Gyðingum. ok er þeir funduzt. þa baurduzt þeir. J þessum bardaga sigruduzt Gyðingar ok drapu alla heidna menn. þa er i moti þeim haufdu farit. suo konunga þeirra ok höfðingia. þar fiell Balaam Beors son. þeir toku þar at herfangi konur þeirra ok baurn ok fenadi alla. ok allt se þat er þeir haufdu att. ok eyddu borgir þeirra ok kastala ok bæi ok brendv i elldi. Ok er þeir komu apr til fundar vit Moysen ok Eleazar. þa saugdu þeir þeim sigr þann er þeir höfdu unnit. ok syndu þeim menn ok kuikfe þat er þeir haufdu at herfangi tekit. Enn annat se haufdu þeir saman borit aa vollum Moab. Moyses ok Eleazar gengu i moti þeim með miklv fiolinenni vt fra herbudum. Ok er Moyses visse at þeir höfdu konur at herfangi tekit. þa reiddezt hann höfðingium þeim er firir þui höfdu radit. Moyses mællti þa. Firir hui toku þier þessar konur at herfangi. ero eigi þessar þær hinar saumu er tældv fyrr frændr ydra ok teygdu þa til blotz Bals. ok lietv firir þa synd margir menn lif sitt. Nv drepit þier oll sueinborn ok konur þær er vit kalla hafa att samrædi. enn vardveitid ydr til handa allar ungar meyar. verit þier nu .vii. daga firir vtan herbudir. Sa huerr er heidinn mann vegr eda tekr aa heidins mannz líkvegin. þann mann skal rannsaka aa þridia degi ok sionda. Alla hluti skal hreinsa. þa er þeir hafa at herfangi tekit. Eleazar kennimadr mællti vit alla hermenn. þa er barizt höfdu aa moti Madianitis monnum. Þetta er laugmal þat er drottinn baud sinum monnum. gull ok silfr. iarn ok eir. tin ok bly. ok allt þat er elld ma þola skal i elldi hreinsa. A sionda degi skulu þier þuo klædi ydur. ok suo skulu þer hreinsadir ganga i herbudir. Lydrinn gerdi sem Eleazar baud. Gud baud Moysi. at hann skipti herfangi með lydnum er þeir höfdu feingit i forinne. ok sagdi vandliga firir. at þeim hlutum skyllði skipta með aullum þeim er barist höfdu. ok suo þeim er heima voru. þat baud gud. at eitt kuikindi af .v. hundrudum iafnt af monnum sein odrum kuikuendum skyllði færa Eleazaro. þuiat þeir hlutir ero frumtignir drottins. Enn helming allra kuikvenda skylldu hafa lærdir menn. þeir er þionudu i tialldbud drottins. Moyses ok Eleazar haufðingar lydsins skiptu herfangi með folkinu. sem gud baud þeim. þat herfang var .dc. .lxx. ok .v. saudir. naut voru .lxx. ok .v. asnar voru .lx. þúsund manna .xxx. ok .ii. konur þeirra er eigi höfdu vit kallmenn att samrædi.



138. Kynspáttir Rubens ok Gads voru audgir menn ok attv margt  
 kuikfe. Ok er þeir sa þar godar iardir ok heraud Jaredh ok Galeath.  
 þa foru þeir aa fund Moyses ok Eleazar ok annarra hofdingia. ok mælltu  
 suo. Jord Jazareth ok Bebon ok Jareth. Nema. Esbon. Eskale. Soba ok  
 Neba ok Beon. þessar iardir hefir gud gefit i yduart valld ok ero  
 uel grosugar ok kostgodar. enn ver þrælar þinir hofum margt kuikfe.  
 Nv bidium ver þig. ef ver hofum fundit mys-kunn firir þinum augum.  
 at þu gefir oss þessar iardir til eignar þinum þionum. ok lat oss eigi  
 fara yfir Jordan. Moyses suaradi. Huort skulv þier hier sitia. þa er  
 frændr ydrir fara til bardaga. Firir hui snuit þier nidr hugi frænda  
 yduarra sona Jsraels. at þeir þori eigi at fara til þess stadar er gud  
 hefir þeim gefit. Suo giordu ok frændr ydrir. þeir er ek senda at nios-  
 na Jorsalalandz. þa er þeir komu aptir. þa sneru þeir nidr hugi sona  
 Jsraels. at þeir færi eigi til þess landz er gud baud þeim til at fara.  
 Firir þat reiddizt gud þeim ok sagdi. at ongvir tuitugir menn ok elldri  
 mundu koma aa Jorsalaland nema Kaleb ok Josue. ok firir þat let gud  
 þenna lyd .xl. vetra i eydimork. til þess er hann eyddi þa menn alla  
 er vit hann misgiordu. Ok nu risit þer vpp eptir þeirra dænum illra  
 yduarra frænda. ok gioreszt fostrar syndugra manna. at þier aukit vit  
 reidi drottins yfir sonum Jsraels. Nv ef þier vilid eigi gudi fylgia.  
 þa mun hann lyd þenna firirlata i eydimork hier. ok mvnu þer vera  
 sauk bana þeirra manna allra er lif sitt lata her. Nv er Moyses hafdi  
 þessa hluti mællt. þa gengu þeir nær er landzins badu ok mælltu. Uer  
 hofum nu hus ok rettir fenadi vorum. borgir ok kastala konum vorum  
 ok bornum. þui munum ver fara vopnadir til bardaga med lydnum  
 þangat til er þeir fa unnit landit. Enn ver munum hier eptir lata konur  
 vorar ok born i stærstum borgum. Enn ver munum eigi hingat aptir  
 fara fyrr enn synir Jsraels hafa unnit þat land er gud hefir þeim gefit.  
 Moyses mællti. Ef þier gioresd [eptir þui<sup>1</sup> sem þer mælit. at þier farit  
 firir guds saker fuser fyrr til bardaga vel vopnadir ok fylgit lyd guds  
 þangat til er þeir hafa þat vnnit er gud hefir þeim gefit. þa eignizt  
 þer þessar iardir er þier beidizt. þeir suorudu. Alla hluti munu ver  
 efna. þa er ver hofum mællt vm þetta mal. ok dreingiliga skulu ver  
 fylgia folkinu i ollum mannraunum þeim sem at berazt. Moyses voltadi  
 þetta mal firir Eleazaro ok lydnum ok ollum hofdingium. Hann gaf þa  
 kyni Rubens ok Gadz ok halfu kyni Manases syni Joseps þær iardir  
 sem þeir beiddu. þat riki er haft hafdi Seon konungr Amoriorum þioda  
 ok Ogg konungr Basan med borgum ok kastolum. Kynslod Gads skip-  
 adi hann Bidon ok Astaréth. Aro Efrod. Somphon. Jaredh. Jeobab.

<sup>1</sup>) [r. f. eigi

Bedueta. Beþeron. þær borgir voru allar miklar ok sterkar. Frændr Rvbens skipudu þessar borgir. Esbon. Eskale. Cariatharim. Naba. Baul. Meon. Frændr Malor son Manases foru i Galaath ok drapu þar Amoræum höfðingia þess herads ok eyddu ollum monnum þeim er þar höfdu bygt. ok eptir þat bygðu þeir þar sialfir. Jair son Manase eyddi marga borg fyrir heidnum monnum. þeim er voru i Galaath. ok gerdi þar mikla borg. þa kalladi hann Annat. Nvbe vann þa borg er Kanaan var kollut ok þær borgir er þar lagu vit. ok gaf sitt nafn borginne ok kalladi Nube.

139. Moyses ritadi nafn stada þeirra allra er þeir settv herbudir sínar i eydimarkinne. þar sem gud baud þeim. Gud baud Moysi ok sagdi med huerium endimorkum var þat land er hann gaf sonum Jsraels. bæði norðr ok sudr. austr ok uestr. Gud mælti vit Moysen. Þessi ero naufn þeirra manna er skipta skulu landi meðal allra manna yduarra. Eleazar kennimadr ok Josue son Nuns. ok sierhuerir höfðingiar i ollum kynium Jsrael. þeim er ek nun nu nefna. Af kyni Juda Kalef son Efona. Af kyni Simeons Fanuel. Af kyni Dans Boczi son Augli. Af kyni Manase Hamel son Epod. Af kyni Efraim Kanuel son Serfaan. Af kyni Zabulon Elesaphad son Faron. Af kyni Jsacar her-tugi Fallziel son Ozan. Af kyni Asser Abiut son Salomi. Af kyni Nep-talim Fedael son Ameþad. Þessum monnum baud gud at skipta landi med sonum Jsrael. Gud mælti þa enn vit Moysen. Bied þu sonum Jsrael. at þeir gefi lærdum monnum af sinu se ok eignum borgir at byggia i ok undirborgir frændum þeirra. Af þeim borgum er lærdir menn eigu skulv uera .vi. borgir. þær er allir menn skulu frid hafa. þeir er þangat sækia. .xl. annarra borga skulu lærdir menn eiga til bygðar. ok þar vm framm vndirborgir fenudum til fædzlu.

140. Moyses skyrdi þa fyrir folkinu allt laugmal þat sem gud baud þeim. ok iarteignir þær er gud hafdi gert fyrir þeim. ok eggiaði lyðinn til astar vit gud ok varðueitzlu guds bodorda. Moyses sette menn til at bleza þeim er guds laug helldu ok bolua þeim er guds laug brutv. ok sette huoruntueggium formæli. huersu þeir skyldu bleza eða bolua. J þessum ordum mælti hann suo. Þessi ord skulu lærdir menn mæla med harri rauddu við allan Gyðinga lyd. Bauluadr se sa madr er skurgod gerir ok blotar. ok þa skal allr lydr suara ok segia amen. þa skulu lærdir men mæla. Bauluadr se sa madr er eigi vegsamar faudur sinn ok modur. ok þa skulu aller menn segia amen. Bolvadr se sa madr. er aa brutt særir landamark naungs sins. ok þa skulu aller svara ok segia amen. Boluadr se sa er blindan mann lær villast aa gautu. þa skulu allir suara ok segia amen. Boluadr se

sa madr er rangsnyr vtlendz mannz dom eda ungs mannz eda eckiu. þa skulu aller suara ok segia amen. Boluadr se sa madr er sefr med konu fodur sins ok synir yfirbreidzlu reckiu hennar. þa skulu aller suara amen. Boluadr se sa madr er vit ferfætt kuikendi aa sainrædi. ok þa skulu aller segia amen. Boluadr se sa madr er sefr med systur sinne ok dottur fodur sins ok modur sinnar. ok þa skulu aller svara ok segia amen. Boluadr se sa madr er sefr med suæru sinne. þa skulu aller suara ok segia amen. Boluadr se sa madr er leyniliga lyster naung sinn. ok þa skulu aller suara ok segia amen. Boluadr se sa madr er fe tekr til þess at liosta naung sinn. þa skulu aller suara amen.

141. Enn ef þu heyrir ord drottins guds þins ok gerir ok varðueitir bodord hans oll. þau er ek byd ydr i dag. þa mun drottinn ægiora þik ollum þiodum ædra þeim er aa iordu ero. ok munu koma yfir ydr allar hans blezaner ok munu gripa þik. ef þu giorir hans bodord. Blezadr skaltu uera i borg ok blezadr vtan borgar. Blezadr se sauoxtr kuidar þins ok blezadr auoxtr iardar þinnar ok fenada þinna. Blezadar se iardir nauta þinna ok sauda ok riettir þeirra. Blezadar se bygghlodur þinar ok leifar þeirra. Blezadr siertu inngangandi ok suo utgangandi. Falla mun gud lata þina ouine i þinu augliti. þa er vpp risa i moti þier. Um eina gauþv munu þeir koma i moti þier. enn um .vii. munu þeir flyia af þinu augliti. Senda mun drottinn blezan sina yfir burd þinn. ok bleza mun hann þier aa þeirri iordu er þu byggvir aa. Drottinn mun þik upp uekia ser i<sup>1</sup> helgan lyd. suo sem hann suardi þier. ef þv varðueitir bodord drottins guds þins. ok gengr þu i hans gautum. þa mun allr lydr virða suo. at guds nafn er yfir þik kallat. ok munu aller þik hrædazt. Drottinn mun þik gnægta ollum godum hlutum af aaueksti kuidar þins ok auexti fenada þinna ok auexti iardar þinnar. ok drottinn suardi fedrum þinum at hann gæfi þer. Vpp mun drottinn luka fehirdzlu sina inu beztu himins. at hann ueiti regn aa iordu sinne. at hann bleze ollum uerkum handa þinna. ok morgum monnum muntu fe lana. enn þu munt at ongum þurfa fe at<sup>2</sup> lani at taka. Drottinn mun þik setia i hofut enn eigi i hala. ok iaflan muntu yfir odrum vera enn eigi undir. Ef þu hefir bodord drottins guds þins. þau er ek byd þer i dag. ok varðueitir ok giorer vel ok hneigir þu huorki af þeim til hægri handar ne vinstre. ok fylgir þu eigi skurgodum ne blecktu. þa mun sia blezan oll yfir þik koma.

142. Enn ef þu villt eigi heyra rodd drottins guds þins. suo at þu giorer oll bodord hans. ok varðueitir þu eigi giafir þessar er ek byd þier i dag. þa munu koma yfir þik allar boluaner þessar ok munu

<sup>1</sup>) r. f. ok <sup>2</sup>) r. f. af

gripa þik. Boluadr muntv vera i borg ok utan borgar. Boluod mun vera bygghlada þin ok hennar leifar. Boluadr mún vera aavoxtr quidar þins ok auoxtr iardar þinnar. Bauluadar munu uera iardir nauta þinna ok sauda. Boluadr muntu vera utgangandi ok inngangandi. Senda mun drottinn yfir þik sullt ok hungur ok aaút um aull uerk þin þau er þu gerir. þar til er hann knosar þik ok glatar skiott firir hinar uestu putlingar þinar. i þeim firirleztv (mik). Vit teingdi þer drottinn skel-misdrep. þar til er hann eydir þik af þeirri iordu er hann gaf þier. Liosta mun drottinn þik med ridusott frosti ok bruna. hita ok hrygg-iligu lopti ok rydi. ok muntu sekiazt til þess er þu deyr. Himinn se eirligr<sup>1</sup> sa er yfir þier er. Gefi drottinn skur iordu þinne. ok hann lati nidr stiga molldausku af himne yfir þik. til þess er þu knosazt. Seli drottinn þik fallanda firir fiandr þina. Vm eina gautu muntu vt-ganga i mot þeim. enn vm .vii. gautur muntu flyia ok dreifazt af aullu riki iardar. ok hræ þitt mun vera sædzla fuglum himins ok dyrum. ok eingi mun þik fra þui leysa. Liosta mun drottinn þik med hrufu Egiptalandz a þeim hluta likama þins er taud fara aa brutt fra þer. vella muntu hrufu ok vogi. suo at þu munt eigi heill uerda. Liosti drottinn þik vitleysi ok hugarædi. ok þreifir (þu) aa midium degi suo sem blindr er vanr at þreifa i myrkrum. ok eigi greidir þu gautur þinar. Bera skaltu hadung aa huerri stundu ok þraunguazt af ofrafi. ok eigi skal þik leysa. Konu muntv eiga ok annar madr mun med henni sofa. Hus muntu upp gefa. ok i þui muntu eigi byggia. Wingard muntv grodrsetia. ok aungvan auoxl muntu af honum taka. Uxi<sup>2</sup> þinn mun hauguenn uera firir þinu augliti. ok ecki muntu af honum eta. Asni þinn mun tekinn vera at þier siaanda. ok ecki muntu af honum audlazt. Saudir þinir munu teknir vera af ouinum þinum. ok eingi madr mun rietta þitt mal. Synir þinir ok dætr munu herteknar vera af ullendum monnum at asiandum augum þinum ok þrottandum<sup>3</sup> af augliti þeirra aa aullum daugum. ok eigi se styrkr i þinne hendi. Ok lydr<sup>4</sup> mun eta auoxl iardar þinnar ok aull erfidi þin. at þu berer iafnan hadungar ok þraunging kome yfir þik aa aullum daugum. ok undrandi vit ogn þa er augu þessi munu sia. Drottinn liosti þik enni vestu hrufu a get-nadarlim ok lærum. suo at þu verdir eigi heill allt fra ilium ok til huirfils. Drottinn mun leida þik ok konung þann er þu munt setia yfir þik til þeirrar þiodar er þu ueiz eigi skyn aa. ok aunguir frændr þinir ero. ok muntu þeim þiona ok vtlendum godum triam ok steinum. ok glatadr muntu vera i uidri iordv ok skrauksaugum ollum lydnum þeim er gud leidir þik til. Morg sad muntu i iord kasta. ok muntv

<sup>1</sup>) r. f. lopligr <sup>2</sup>) r. f. Auxi <sup>3</sup>) r. f. drottandum <sup>4</sup>) r. f. udr

þar lítið gott aftaka. þúiat locuste mun þín sad eta. Vingarda muntv grodrsetia. ok eigi muntu þar af uin drecka. ok eigi muntu þar gott af taka. þúiat madkar munu þat eyða. Vitsmiorstre muntu selia i endimorkum þínum. ok eigi muntu af vitsmiorui audlæzt. þúiat vitsmiorren mænu níðr<sup>1</sup> renna ok færazt. Sonu ok dætr muntu eiga. ok aungvar nytsemdir muntu þadan hafa. þúiat þeir munu þrælkadir vera. Aull tre þín ok auoxtv mun ryð eyða. Vtlendr madr sa er með þer er aa þínne iordu mun upp stiga yfir þik ok mun verða þer æðri. enn þu munt níðr stiga ok uera honum minne. hann mun af þer se taka. enn þu munt ecki af honum hafa. hann mun uera i hofud en þu i hala. Koma munu yfir þik allar boluanir þessar. ok ofsækiendr munu þik gripa. til þess er þu ferzt. þúiat þu hlýdir eigi rauddu drottins þíns. ok eigi varðueitir þu bodord hans ok astgiafir. Maurg undr munu þier verða ok þínu kyni allt at eilifu. þúiat þu þionadir eigi gudi þínum drottni i fagnadi ok gleði hiarta þíns firir gnott allra audræða. Þiona muntu ouinum þeim er gud mun þier til senda i sullt ok þorsta ok nockleik ok allra hluta fatæki. Gud mun setia iarnligt ok<sup>2</sup> yfir suira þinn. at hann knosi þik. Leida muntv yfir þik þíodir af fiarlægum ok af ollum enum yztum herudum iardar i liking flugandi arnar með gny. þess gny muntv eigi mega skilia. Su hin huarkuænta þíod mun eigi gomlum uægja ne ungum myskunna. Su þíod mun suelgia auoxtu iardar þinnar. þar til er þu ferst. ok munu þeir þar eigi eptir lata uin ne hveiti eða vidsmior. eigi naut ne saudi. þar til er hann drepr þik ok knosar i ollum borgum þínum. Níðr munu briotazt styrkir ok hafir uegger borgar þinnar þeir er þu treystizt. A allri iordu þínne mun vm sitiazt firir innan<sup>3</sup> hlíð þín aa allri iordu þínne þeirri er drottinn gud mun gefa þier. Eða muntu auoxtv quidar þíns ok holld sona ok dætra þinna i þreyngingum ok audn þeirri er fiandmenn þínir munu gera þer. J þínu kyni mun sædazt villaus madr ok lostafullr hardla. sa er ofunda mun brodur sinum ok konu þeirri er huiler i hans fadmi. at eigi gefi hann þeim af holldi sona sinna. þú er hann mun eta. þúiat hann mun ecki annat hafa enn vmsat ok fatæki. þúiat ouinir þínir munu þik eyða<sup>4</sup> firir innan hlíð þín. Vng kona ok audskæð matti eigi inn ganga yfir iord. ok eigi matti festa fotspor fota firir blautleik ok mikinn meyrleik. hon mun afunda manni sinum þeim er huiler i fadmi hennar yfir blodi sonar ok dottur ok i ofati annarra. þeir er vt ganga af midiu kuenna hans. ok yfir sonum þeim er bornir ero firir fatækis sakir allra audræða ok umsata. ok audn su er þraungua mun þik af ouenium þínum firir hlíðin. Nema þu varðueitir aull ord langmals þessa.

<sup>1</sup>) r. f. vid <sup>2</sup>) r. f. ax <sup>3</sup>) r. f. mann <sup>4</sup>) r. f. fæda

þau er ritud eru aa þessi bok. ok hrædizt þu nafn guds dyrdligt ok ogurligt. auka mun drottinn sar þin ok sar konu þinnar ok sona þinna. ok þola munu. þau enu uestu siukleika. ok snua mun hann til þin allar kualer Egiptalandz. þær er þu hrædizt. ok þer munu vit festazt allar sottir ok sar. Ok þau er eigi ero ritud i þesse lagabok ok munu þau leida yfir þik ok knosa. til þess er þier erut fair eptir i tolu þeirre er fyrr uoru suo margir sem himintungl. Firir þui munu þessir hlutir yfir þik koma. er þu vart ohlydinn rauddu guds drottins þins. Suo sem gud gladdizt vel vit ydr giorandi ok margfalldandi. ok suo mun hann glediazt ok drepanði ydr ok nidr snuandi. at þer særizt aa brutt af þeirri iordu er ydr var til tignar gefin. Dreifa mun drottinn þig i alla lydi<sup>1</sup> ok af ofanuærdri iordu allt til inna ydzsta endimarka hennar. ok muntu þa þiona vtendum þiodum þeim er þu ueizt eigi deili aa ok eigi sedr þinir. þuiat þu munt þiona triam ok steinum. Med þeim þiodum muntu þiona. ok eigi mun þar uera hvilld<sup>2</sup> spora fotar þins. þuiat drottinn mun þar gefa þier hrætt hiarta ok þrotnandi augv ok eyda aund af hatri. ok lif þitt mun suo uera sem þat hangi firir þier. þuiat þu munt hræddr vera aa degi ok nott. ok eigi muntu trua<sup>3</sup> þin v life. Vm morgin muntu segia. huerr mun mer gefa at lifa til aptans. ok at apni muntv spyria. huer mun mer gefa at lifa til morgins. Þessa hluti muntu segia firir ogn hiarta þins ok firir þa hluti er þu munt sia firir augum þinum. Drottinn mun leida þik med skipastol aptr aa Egiptaland. ok um þa gautv er drottinn sagdi at þu mundir eigi sia hann optar. Enn þar munu þier selldir uera ouinum þinum til þræla ok ambatta. ok eingi mun ydr þadan leysa. Þessi ero ord sattunals þessar drottinn baud Moysi. at hann lysti firir sonum Jsraels aa iordu Moab umframmm um þat sattmal er gud baud aa fiallinv Oref.

143. Ok er Moyses hafdi þessa hluti mællt vit lydinn. þa mællti hann. Himin ok iord nefni ek i uætti. at ek hefi skyrt firir ydr lif ok dauda. boluan ok blezan. Velit þier ydr lif. at þer lifit ok kyn yduart. Elski þier drottin gud yduarn ok hlydit honum ok festizt honum vit. þuiat hann er ydart lif ok langleikr daga yduarra. at þier megit byggia aa iordu þeirri er hann gaf ydr ok suardi fedrum ydrum Abraham. Ysaac ok Jacob. Ek hefi nu hundrat ara ok .xx. ar. ok mun ek nu eigi leingr lifa. þuiat drottinn sagdi mier. at ek mvnda eigi fara yfir Jordan. Drottinn gud yduar mun firir ydr fara. hann mun af ma allar þioder þessar. ok munut þier þær<sup>4</sup> eignazt. Ok Josue mun ydr styra. þuiat gud hefir honum þat ualld gefit. Giorer þier styrkliga ok karllmannnliga ok hrædizt eigi asionv fiandmanna yduarra. þuiat gud drott-

<sup>1</sup>) r. f. lidu <sup>2</sup>) r. f. holld <sup>3</sup>) r. f. tyna <sup>4</sup>) r. f. þau

inn mun uera yduar leidtogi. Eigi mun hann ydr firirlata. Moyses mælti þa vit Josue. Styrkstu ok uer styrkr. þuiat þu munt leida lyd þenna aa þa iord er drottinn hefir suarit fedrum þeirra. þu munt landi skipta ok hlutum aa kasta. huert huergi skal eiga. Moyses ritadi laug guds aa bok ok baud lærðum monnum. at þeir legdi þa bok i saltmals aurk<sup>1</sup> ok vardueitti þar. Moyses orti þa cantica Audite celi at heyrenda aullum Gydinga lyd. Eptir þat mælti gud vit Moysen. Stig vpp þu aa fiallit Aabarim. þat er aa iordu Nebor ok Moab gagnuart Hiericho. ok sier þu iord Canaan. þa er ek sel i hendr sonum Jsrael til eignar. þar skaltu andaz aa fiallinu. suo sem Aaron þinn brodir andadizt aa fiallinu Hor. ok var þar nidr lagdr af lydum sinum.

144. Moyses blezadi sonum Jsrael adr hann andadizt ok mælti suo. Drottinn kom þu af Sina. ok rann vpp af Sir firir oss. Hann uitradizt aa fialli Faraan. ok þusund heilagra manna med honum. Elldlig laugmal er i hendi honum enni hægri. elskadi hann her alla lyde. Helgir menn ero i hans hendi. taka munu þeir af hans læringu er nalgezt fotum hans. Moyses baud oss laugmal erfd Jacobs fiolda. þat laugmal mun vera med hinum riettlatazta at samansomnuðum sonum Jsrael. Life Ruben ok deyi eigi. ok se litill i taulu. Sia er blezan Jude. Heyrdu drottinn raudd Jude. ok leidtu hann inn til lyds þins med hendi. Hann mun beriazt firir honum. ok fulltingiare hans mun hann vera i gegn motstodumonnum hans. Vit Leui mælti Moyses. Algiorleikr þinn ok læring þin af helgum manni þinum. þann reyndir þu i fyrstu ok dæmdir vit votn gagnmælis. Hann sagdi faudur sinum ok, modur sinne. Eigi veit ek ydr. eigi veit ek þa. ok eigi vissv þeir sonu sina. þeir vardueittv mal þitt. saltmal þitt vardueittv þeir ok doma þina. heyrdur Jacob laugmal þitt. heyrdur Jsrael. Setia munu þeir forn ok reykelisi yfir alltari þitt. Blezadu drottinn ok styrk lid hans. ok tak þu drottinn verk handa hans. Liostu drottinn bak ouina hans. ok eigi rise uel þeir er hann hata. Moyses mælti vit Benjamin. Enn astsamligazti drottinn mun byggia med honum traustliga. suo sem (i) brudhuilu. aullum degi mun hann þar dueliast. ok medal axla hans mun hann huilast. Moyses mælti vit Joseph. Af blezan drottins er iord hans. af eplum himins ok daugg ok diupe liggianda. af eplum oc sauexti solar ok tungls. af huirfli fornra fialla. ok af eplum eilifra halsa. ok af iardar auuoxtum ok fyllingv hennar. Blezan hans sv er vitradizt i rvnni. hon mun koma yfir Joseph ok hans hofud ok yfir huirfil Nazarei medal brædra sinna. Fegrð hans mun uera suo sem frumgetins gridungs. horn hans munu uera sem horn rinocerotis. Med þeim mun

<sup>1</sup>) saal. rettel i Margen, i Texten staar bad.

hann stínga allar þíoder allt til iardar enda. Þessar ero fioldar Efraim. ok þessar þusundir Manase. Moyses mælti vit Zabulon. Gledizt þu Zabulon (i) utfor þin(ni). ok Ysachar i budum þinum. þar mun kalla<sup>1</sup> lydi til fiallz. sæfa munu þeir laufn ríettlætiss. [þeir munu suga miolk<sup>2</sup> i afgang síofar ok folgnar sehirdzlur sanda.<sup>3</sup> Moyses mælti vit gud. Blezadr se Gad i vidleik. suo sem leo suo buildizt hann. ok tok hann armlegg ok huirfil ok sa hann haufðingskap. ok þat er i hans hlut var kennari skapadr. leitadi hann med hofðingium lyds sins. ok gerdi drottinn ríettlæti ok dom sinn med Jsrael. Moyses mælti vit Daan. Dan er huelpur hins oarga dyrs. flíota mun hann aurliga af Basan. Moyses mælti vit Neptalim. [Gnott áuaxtar<sup>4</sup> mun hann eignazt aa morni ok middegi. Moyses mælti vit Asser. Blindr se Asser medaf sona líkandi bræðrum sinum. ok vokva mun hann fot sinn i vitsmíorue. iarn<sup>5</sup> ok eir skulu klædi hans. Elli þin mvn vera suo sem æskv þínnar dagar ero. Eigi er annar gud sem gud ins ríettlataxta. himins vppstígari. fulltingiare þinn. mikíleikr hans [mun um<sup>6</sup> sky renna. bygd hans [uppi ok vndir eilífir armleggir.<sup>7</sup> Brvtt mvn hann reka af þínu augliti ouin þinn ok segia mun hann farztv. Byggia mun Jsrael styrkliga einn. Avga Jacobs aa iordv hueitis ok vins. ok himnar munu þyckna af daugg. Sæll ertu Jsrael. heyrdu lydr. huerr er þer líkr. þu er greidizt af drottni. skíolldr fulltings. þar er ok suerd dyrdar þínnar. Neita munv þik ouinir þínir. ok þu munt troða halsa þeirra.

145. Ok er Moyses hafdi þetta mælt. þa ste hann vpp aa fíallt Nebor aa huirfil Faska gagnvart Hiericho. ok syndi gud honum alla iord Galaath allt til Dans iardar. Neptalim ok iord Efraim ok iord Manase. ok alla iord Juda allt til ins yzta síofar. ok austrhalsur ok vidleik vallar Hiericho Palma borgar allt til Segor. Drottinn mælti vit Moysen. Sia er iord su er ek suarda ok gaf Abraham Ysaac ok Jacob ok kyni þeirra. Nu sattu þat augum þinum. Enn þu munt eigi koma fotum þinum aa þat. þa andadizt Moyses þar aa fíallinu þíonn drottins at bíoda(n)da gudi. ok var hann grafinn i dal Moab iardar gagnvart Fotor. ok eingi madr veit huar hans grauf er allt til þessa dags. Moyses hafdi hundrat ara alldrs ok .xx. ar. þa er hann andadizt. Eigi daucktuzt augu hans. ok eigi losnudu hans tenn ne hreyrnudu. Lydrinn gret andlat Moysis aa völlum Moab .xxx. daga. Josue son Nuns fyllidizt af spektar anda. þuiat Moyses setti hendr sínar yfir hofud honum. Synir Jsraels ueittv Josue hlydni ok giordu suo sem gud baud Moysi. Eingi spamadr var íafn vit Moysen i Gydinga laugum sa er

<sup>1</sup>) r. f. kasta <sup>2</sup>) [r. f. vpp mun rísa miog <sup>3</sup>) r. f. senda <sup>4</sup>) [r. f. gríot áuaxtar ok <sup>5</sup>) r. f. iardar <sup>6</sup>) [r. f. vpp mun <sup>7</sup>) [r. f. ok vndir dreifa armleggi



(gud) uisse andliti til andlitz i ollum taknum ok undrum. þeim er gud gerdi um hann aa Egiptalandi Faraoni ok hirdmonnum hans ok ollu landi hans ok mikinn kragt ok iarteignir þær er Moyses giorde at aasiaanda ollum Gydinga lyd. Ok firir þa hluti alla se almattigum gudi lof ok dyrd nu ok iafnan. þat se ok veri an enda. Amen.

<sup>1</sup>Her byriaz bok af hinum agieta guðs vin Josue hertuga. er Moyses aðr hann andaðiz setti yfer allan Gyðinga lyð.

146. Moyses agietr guds vin aðr hann andadizt hafðe at guds raade ok fyrersðgn sett þann mann hertogha yfer allan Gyðinga lyð er heet Josue. faðer hans er nefndr Nun. Josue heet oðro nafne Jesus sun Naue. Ok efter andlaat Moysi vittraðiz guð drottinn Josue sua seghiande. Moyses minn þionn er andaðr. nu ris þu vpp ok flyt allan minn lyð yfer aana Jordan. aa þa iorð er ek man gefa Gydinga lyð. Huern þann stad sem þer komit fotum a man ek selia vnder ydart valld. sem ek sagða Moysi. fra eyðimork ok fialli Libano allt til hinnar miklu aar Eyfraaten. alla iorð þeirra þioða er Ethoi heita til hafsins mikla moti solar setri. þetta er vmmerki ydars rikiss. Eingi maðr skal yðr megha i moti standa sua leingi sem þu lifer. Sua sem ek var meðr Moysi meðan hann lifdi. slíkt hit sama skal ek nu meðr þer vera ok eigi þik vpp gefa ok eigi forlaata. Styrktz þu ok ver ofligr. þuiat

<sup>1</sup>) Herefter lægges Codex C (Cd. Arn. Magn. 228 fol.) som det ældste Haandskrift til Grund for Texten. Dog da Capp. 146, 147 og den største Del af Cap. 148 paa Grund af en Defect i Begyndelsen af C her mangler, tages disse Capiller af Codex B (Cd. Arn. Magn. 227 fol.); det samme er Tilfældet ved et Par senere Lacuner i C. De sidste Capiller i Bogen, der mangle baade i C og B, tages af Codex A (Cd. Arn. Magn. 226 fol.) Da dette sidste Haandskrift A har Josvæ Historie i en fra C og B temmelig afvigende Recension, saa trykkes denne her nedenunder med mindre Skrift.

Eptir andlat Moyses ok harmsong þann er Gydingar sungu eptir hann. þa mællti gud uid Josue son Nun. Moyses þionn minn er nu andadr. Nu ris þu upp ok far yfir Jordan. ok allr Gydinga lydr med þer. Enn ek mun vera meðr þer. sem ok var meðr Moysi. ok þer mun ek selia i hendr borgir ok fyrirheitiz iorð. þa er ek sagða Moysi fra. Josue kallar þa til sin lydinn ok taladi sua. Buit þer ydr uistir. þiat ugr munum aa fára daga fresti fara yfir Jordan. Lydrinn gerdi sem Josue bauð. Sidan sendi Josue .ii. menn yfir Jordan i Jericho at niosna huar þar er til tíðinda. Ok er þeir voru brottu. tok Josue upp herbudir sínar ok for með lidi sínu varla allt til Jordanar. ok setti sua nockuru langt herbudir sínar fra aanni Jordan. at .xl. skeida voru i milli. Niosnarmenn Josue komu i Jerichoborg ok duolduz þar. ok kalladuz vera fáuisir menn fyrir þeim er þeir taladu vid. þeir niosnadu vand-

þu skaltt skipta iorðu þeirri meðr þessum lyð. er ek heet<sup>1</sup> at gefa fedrum þinum. Styrktz þu ok ver stoðugr at fremia ok fullgiora allt lðghmaal. þat er minn þionn Moyses bauð þer. Eigi skaltt þu hneigiaz fra þui loghmaale til hēgre handar ne vinstre. at þu meger skilia skynsamlega huar þu giorer. Latt þu loghmáalsbok þessa þer eigi or minne falla. helldr hugleidd vm netr ok dagha. at þu vardueiter ok vinner alla luti þa sem a henne eru skrifaðer. at þu greider gotu þina ok skiler hana. Séé nu. ek byð þer at þu styrkiz ok ver stadfastr. hirð ekki at hrédaz. þuiat drottinn gud þinn er meðr þer i ollum lutum til huerra sem þu ferr.

### Josue kallade saman hofdingia.

147. Eftir þessa guðlegha vittran kallar Josue saman alla hofdingia Gydinga sua segiande. Farit skiott vm allar herbuder ok bioðit folkinu. at huerr maðr bui sinn varnað ok vister. þuiat eftir þrea dagha skulut þer fura yfer Jordan ok ganga til eighnar aa þa iorð er drottinn guð man ydr gefa. Sidan kallar Josue til sin þa menn sem komner voru fra Ruben ok Gaað sunum Jacobs ok helming kyns Manase. þersu folki hafde Moyses meðan hann lifde gefit ríki þat er þeir hofdu vunnit fyrer austan Jordan af heidnum konungum. þeim er þeim bannade meðr bardagha. er þeir beidduz meðr friðe at fara yfer þetta ríki. Josue talar nu sua vidr þenna lyð. Minniz nu a friðar selagh. huar hinn méti Moyses guðs þionostumadr bauð yðr. þa er hann veitti sem þer beiddut til frelsis iorð þessa ok oðul. sem nu erum ver a sladder. Latit her eftir vnder guðs þionostu ok geymslu konur yðrar ok kuikfe born ok busmala. Enn þer takit vaapn ok viðrbunað ok gangit meðr goðfysi dreingilegha ok dearflega fyrer breðr ydra moti

<sup>1</sup>) r. f. heit

liga alla luti i borginni. Kona het Raab. hon var ein lettætisskona. Hon atíðus i utanuerdri borginni nærr borgarhlidinu. Þangat foru þeir vm kuelldit ok tok hon vel við þeim. Vm kuelldit er konungr Jerichoborgar sat yfir bordum. þa var honum sagt. at þeir menn vðri komnir i borgina um dagina. er menn grunadu at niosarmenn uðri. Konungr fretti huar menn vissi til þeirra. Honum var sagt. at þeir foru til husa Raab. Konungr sendi þagat sina menn at leita þeirra. Ok er Raab vard vðr vid kuámu konungs manna. þa fel hon niosarmenna Josue i halmi. þar er hon þurkadi korn aa borgarueggjum. Konungs menn spurdu. hvart hon vissi neckut til vtlendra manna er þar hófdu komit. Hon svaradi. Komu her .ii. menn i kuelldok foru til árinuar litlu adr enn borgin var læst. Nv farit þann ueg. ef þer vilitt þa finna. Konungs menn tradu ordum hennar ok foru þann ueg at leita þeirra sem

heidingium. þar til er guð gefr þeim sagnaðar frelse. sua sem hann hefer yðr adr gefit. Enn þa er þeir hafa alla iorð oðlaz. þa sem guð man gefa þeim. þa huerfi þer astr til ydarrar eignar iardar. buiz þa vm ok byggit hana medr friðe ok farsêlu. Sem Josue hêtte sinne rêdu. suara þeir a þersa lund. Meðr glodum hugh ok goðum vilia skulum ver giora alla luthi efter þinni bæn ok boðe. Sua sem ver hlyddum Moysi medan hann lifde. sua skulum ver nu vera þer auðuellder ok ofletter til allra lutha er þu vill at ver giorim. Veri guð drottinn meðr þer sem hann var medr Moysi ok styrki þik. sua at þu strider styrkleggha ok knoser knaalegha þina motstoðumenn. Se sa drepinn ok deyðdr er neittar nokkoru orði þui er þu byðr.

Her sender Josue menn sina i Jiericho at skoða landzlegh.

148. Þa er Josue var i þeim stad er Sathim heiter. sende hann .ii. menn fra herbudum leynilegha yfer Jordan at skynia ok skoða landzlegh<sup>1</sup> ok niosna. ef þeir nêði i borg Jericho er stoð a vollunum odrú megin aarinnar. þeir foru ok framm komu. toku ser herbergi i husum einnar portkonu innan borghar er heet Raab. Ok þegar var sagt konungi borgarinnar. at þar vêri komner<sup>2</sup> a þeirri nalt niosnarmenn Gydingha. Konungr sender iafnskiott menn til husa Raab ok bað hana framm selia gesti þa er þar voru. þuiat þat voru niosnarmenn segia þeir komner at ranzsaka land vaart. Sem Raab var uon viðr konungs menn. for hon at fela gesti sina i nokkoru leyni husa sinna Geingr siðan at suara konungs monnum. Jatti ek seggher hun. at komu .ii. menn til min vkunner mer. ok visse ek eigi huadan þeir voru. ok struku brottu baðer i myrkrinu við þat sealft er borgarhlið voru byrgd. visse ek eighi huert þeir sneru af sidan. Farit nu sem skiotaz

<sup>1</sup>) r. f. landzlogh <sup>2</sup>) r. f. kominn

Raab lagdi raad aa. Enn hon fann gesti sina ok mælti við þa. Weit ek at drottina man gefa yðr þetta land er vgr byggium aa. þiat ver heyrdum sagt fra morgum iartegnum er gud gordi yðr. hversu hann þurkadi baðt rauda. ok sæddi yðr med himna miol. ok gaf yðr vatn or steini. ok huersu þer drapud .ii. konunga Amorrorum þiorda Seon ok Ogg. ok sua huer vndr gud gerdi aa Egiptalandi fyrir yðr. ok engin er annarr gud aa himni ok iordu enn gud yduarr. Nu mundut þit hafa vordit haandeknair af konungs monnum ok til kuala leiddir. ef ek hefði migi hialpad yckr. þai vil ek at þit snerit eid við drottin. at þer veitit mer miskuna ok frid. ok ollum minum monnum ok siarlut. þa er þer farit higat at heria. þeir suaradu. Mackligt er at ver gefim þer frid ok þinu fee. ok suoru eidian sem hon bað. Raab tok þa eina festi af guduof ok knytti vm sendimennina. ok let þa siga vt vm einn

at handla þa. Konungs menn kostgiððu sem fyrst at finna þa. fyrer þui skynda þeir i brott af borginne a þær gotur er greidaz laa veqr til Jordaunar. var þa borgarhlið byrgt aftr efter þeim. Enn Raab geingr inn til gesta ok talar sua. Eigi dyl ek. helldr þikki mer vis vaan. at guð man gefa yðr iorð þersa. þuiat eingi er sua styrkr ok stoðugr ok hraustr hofdingli a vaaru lande at eighi hreðiz yðra tilkuamu. sua at vggr ok otti gerdir ok grefr vm váár hiortu. at oss er varla lifs von fyrer hrêzlu. siðan ver heyrdum at drottinn þurkaðe hafit rauda ok giorde ydr þar yfer greiða gotu. er þer forut af Egiptalande. ok huersu þer draput .ii. konunga Aamorreorum þioða. þui trui ek ok þat hyggr ek. at guð yðarr er drottinn bædi vppi a himni ok nidre a iorðu. Nu þa suerit mer fyrer dyrd drottins. at sua sem ek gerir vidr ykkir milldi ok miskunn. slikt hit sama skulut þer giora viðr mik. Gefit mer skyrt ok skiott mark til. at þit manit mer heaalp veita ok heilsu foður minum ok modur bredrum ok systrum ok ollu þui gods er ver eigum. ok allt vart hyski ok heimamenn leysa fra dauða ok draapi. þeir suorudu. Sennilega skulum við selia okkr i lifs haaska fyrer ydr. ef þu selr okkr nu eighi framm. ok þa er guð gefr þersa iorð a vaart valld. þa skulum ver giora vidr þik sannleik ok maklega miskunn. Nu fyrer þui at hennar herbergi voru afost borgarvegginum. leet hon þa siga i festi i gegnum einn glugg ofan fyrer murinn. ok mælti viðr þa. Farit nu fiallueghu vt yfer aana eighi hit beinsta. at þeir sinne ykkir eigi. er þeir huerfa aftr er ykkar fara at leitha. þeir snua þuers fra borginne ok fara esther fealli allt til<sup>1</sup> Jordanar. oc sva yfir ana til fyndar við Josve oc segia honvm allt þat er gerðiz<sup>2</sup> i þeirra ferð. kvadvz þat oc vist hyggia. at gvð myndi gefa i þeirra valld alla þa iorð. þiat allir landzmenn ero ottafvllir segia þeir.

<sup>1</sup>) her *begynder* C   <sup>2</sup>) giorzt hafde, B

glugg aa husi sinu nidr fyrir borgarmurinn. ok bad þa fara fialluegu til sarianar ok leynaz aa daga. Niosnarmenn mæltu. þersa guðueðlarfesti skaltu her lata vera. þa er ver herium higat. at ugr kennim herbergi þin. Enn ef þu gerir æigi sua. þa erum ver lausir allra heita ok suardaga vid þik. þeir foru nu á eitt fall ok leyadaz þar .iiii. daga. ok foru sidan til Josue ok sogdu honum allt þat er gerz hafdi i þeirra ferð. ok sua vm heit ok suardaga vid Raab. En hann sagði ok Eleazar. at aa suardagi skyllði halldaz. Eptir .iiii. daga þadan fra mælti Josue vid lyðinn. Herklæðiz þer i morgin. þiat drottinn man dasamliga luti gera fyrir ydr. Vm morgininn mælti Josue til kennimanna lydsins. Takit upp orkina ok berit fyrir lyðum. ok farit æigi lengra fram enn .mm. alna iafnan sua at allir megi ydr sea. Ok er þer komit til Jordanar. þa man hon þorna sœm golf. Kennimenn gærdu sem Josue

Fra ferð Gyðinga.<sup>1</sup>

149. Um morgvinnu eftir sem Josve oc allr herrinn var klæddr. taka þeir at hræra herbvðir sínar oc fara fram til arinnar Jordanar oc dvöldvz þar .iii. daga við ana. At þrim dagvinnu liðnum fara rennarar um allar herbvðir oc loko at kalla sva segiandi. Þann tíma sem þer siat kennimenn fram bera sattuðr drottins. þa risi þer vpp oc sékist framm<sup>2</sup> eftir. Enn fyrir þi at þer eigist at ganga gættu vinnu. þa sem þer hafið ægi fyrrum farit. þa skvlu þer þessa menn er drkna bera lata [allðri skemra<sup>3</sup> fram fara vndan en .ii. þvsvndir alna se milli yðar oc archarinnar. til þess at þer megist iafnan liosan læiðarvisi bafa af þeirra fyrirferð. Josve talar nú [til lyðsins.<sup>4</sup> Hrginsit yðr oc helgit. þi at morgin man herra gæð gera fvrðvliga favgr takn i yðrv avgliti. Siðan mælti hann<sup>5</sup> til kennimanna. Takit vpp hina helgu drk oc gangit fyrir folkino. En þeir flíott fyllandi hans boðskap barv framm drkina. Gæð drottinn talar þa til Josve. J dag man ek til taka þik vpp at hefja fyrir ðllvm Jsraels<sup>6</sup> lyð. at þeir megist þaðan af skilia. at ek em nú sva með þer sem ek var með Moyse. Enn nú biððu<sup>7</sup> kennimennum at bera avrkina. Ok þegar sem þeir stiga vt

<sup>1</sup>) Her vitraz drottinn guds vin Josue. capitulum, B <sup>2</sup>) þar, B

<sup>3</sup>) [allðregin leingra, B <sup>4</sup>) [fyrir folkinu, B <sup>5</sup>) Josue, B <sup>6</sup>) saal. B; C  
skrifer her og overalt Jrael for Jsrael <sup>7</sup>) biððu þu, B

band. ok þar eptir foru konur ok börn. ok þa for allr lydr meðr uapnum. Ok er þeir komu til Jordanar. var aain mikil ok oyfirfærlig. þi at vatnavextir voru miklir. þo þegar kennimenn gengu framm aa ana með orkina. nam hon stadar. ok stod usmit vpp fra þeim sem fall væri. enn þurt var i aarfuruegnum. en niðr fra þeim þornadi aain þangat til er Mare mortuum var kallad. þar höfðu stadið borgir Sodoma ok Gomorra. Kennimenn stodu i midium aarfuruegnum meðr drkina. til þess er allr lydr var yfir kominn aana. þa valdi Josue .xii. menn af serhuerium kynþættinum. þeir toku .xii. steina or aarfuruegnum. þar sem kennimenn höfðu stadið. ok baru aa land upp. .xii. steina adra toku þeir af landi ok baru i aarfuruegiun. þar sem kennimenn stodu. ok lodu saman þar til vitnisburðar þessartegnar. sem gud hafði þeim gætt. Ok eru þeir steinar þar allt til þessa dags. Ok sem þeir voru komnir yfir aana. þa sellu vðtnin saman þegar. sua sem þau höfðu fyrr verit. Lydrinn for yfir Jordan aa fyrsta manadi missera ok aa .viii. degi þess manadar. þeir settu herbvðir sínar i Galgala .x. skeið fra Jerichoborg. Josue gerði þa alltari af þeim steinum er hann hafði or aaini tekit. ok lagði þar fornir yfir. A þeirri tíð let Josue skira vmskurdarskirn þa menn sem ægi voru adr skirðir. þi at margir menn höfðu ægi gaum at gefist aa eydimorkinni at snida um sonu sína. þeir voru vmsniðir meðr steinknifum. Gud mælti þa við Josue. Brótt tokt þu i dag brigzli Egiptalandz af yðr. Þann stadið kalladi hann Galgala. þat er helgan at pyða. er þessi tíðindi gerduz. sem David segir. Facta est Judea sanctificatio eius. þat er sua

a Jordan. þa nemi þeir<sup>1</sup> stað oc standi<sup>2</sup> þar. þa mælti Josve til lyðsins. Gangit nv higat oc heyrið orð drottins. J þesso megv<sup>3</sup> þer vist vita segir hann. at varr herra lifandi gvð er með yðr. at hann man dreifa oc dræpa i yðvarri avgsyn þessar þioðir Chananeum. Etheum. Eveum. Ferezeum. Gergeseum. Amorreum oc Jebuseum. at<sup>3</sup> þa er kennimenn þeir er bera sattmalsörk drottins allrar iarðar snerta sinvm fotvm vatn Jordanar. þa man sa hlvtr arinnar sem niðr er. fra þeim þrotna oc þorna af. enn þat sem vpp er fra þeim man styrkiaz oc standa vppi.

#### Ferð Gyðinga yfir Jordan.<sup>4</sup>

150. Nv biozt allr herr<sup>5</sup> sem akafaz or herbvðvm. oc er kennimenn koma at ainni<sup>6</sup> með örkina. þa ferr allt sem fyrr<sup>7</sup> var sagt. at i ainni var vðxtr Jordan mikill. sem verða kann vm kornskvrðar tima. sva at fylldi allan farveg vpp a backana baðvm megin. Ok þegar sem þeir stiga i vatnit er á flavt backann. þa nam staðar stravmrinn vpp fra þæim oc þrvtnaði. þilikaz sem fiall stæði sva hatt. at langa læið sa til allt af borg Adóm oc til þess staðar er Sartan heitir. Enn þav

<sup>1</sup>) þer, B    <sup>2</sup>) standit, B    <sup>3</sup>) ok, B    <sup>4</sup>) Kennimenn baaru orkina, B    <sup>5</sup>) herrinn, B    <sup>6</sup>) aanni, B    <sup>7</sup>) fyrir, B

at þyða. Gordiz Gydinga land helgan hans. Lydrinn var i herbudum siaum þar til er menn voru heilir þeirra saara er menn höfðu fengit i umanidninginoi. Gydingar gerdu þa pascha aa .xiii<sup>da</sup>. degi þers manader at aptni þess dags aa uollum Jericho. aa odru aari brottferdar Gydinga lyds af Egiptalandi. Enn eptir þat fell niðr paschahalldit ok umskurðarskirn. til þess er Josue tok upp huartueggja. þa er þeir komu aa Egiptaland(!). Lydrinn aat af þeim iarðar vexti er þar var. ok görðu polenta þat eru kornsáadir. þegar er þeir komu aa Jorsalaland. þa kuiknadi(!) þegar himnamiolit. þat er þeir höfðu meðr ser haft þa .xl. uetra er þeir uoru i eydimorkinni.

Fra þui er engillinn vitraðiz Josue. A fyrstu paschanatt for Josue brott fra lidinu einn samt at niosna vm borgina. huersu vænaz væri hana at vinna. Ok er hann for i borgina. þa saa hann einn mann standa fyrir ser ok hafði brugðit suerd i hendi. Saa mælti. Huart ertu uárr mædr edr motstóðumadr. Josue svaðdi. Eigi em ek yduarr motstóðumadr. helldr em ek höfðingi hers drottins. ok fer ek nu at niosna um borg Jericho. huersu vænst se at vinna hana. Sa er suerdit hafði i hendi var engill guds. ok sagði honum fyrir huersu borgina skyllði uinna. ok þat at hon var bannsett ok allr hennar flarlutr. Josue fell þa til fota englinum. Engillinn mælti. Leystu skoklæði af fotum þer. þiat þat er beilagr staðr er þu stendr. Eptir þessa engila uitran for Josue aptir til herbudanna. Ok um morgininn snimma vakti Josue vpp .vii. kennimenn. ok mælti at þeir kolo blasa i ludra sina.

vafn sem neðar voro fello fram í sia þar sem hættir dafða haf. þar höfðv staðit borgir Sodoma oc Gomorra. Varþ<sup>1</sup> þa með öllo ecki vatn elfir í farveg arinnar. Geck þa allr lyðr þvrrvm fotvm yfir Jordan. Enn kennimenn með örkina helgv stoðv a þvrrv grioti í miðivm farveg Jordanar. þar til er allt folk var yfir komit ana a fyrirhæiz iorð.

Gyðingar toko steina or Jordan ok baru til herbuða sinna.<sup>2</sup>

151. Þa er allr Jsraels lyðr var yfir kominn farveg Jordanar. valði Josve eptir þi sem gvð bavð honvm .xii. menn. sinn af hverio kyni .xii. sona Jsraels. oc sagði sva til þeirra. Sinn stein skal hverr yðvarr taka or miðivm farveg arinnar rétt vndan fotvm kennimanna oc bera a avxlv m yðr. þar til sem ver setivm landtiðlld vár í kvellð. til marks vm miklar iartegnir<sup>3</sup> gvðs. Sem þetta var gert oc allir hlvtir fylldir eptir gvðs fyrirsögn. þa bavð<sup>4</sup> drottinn Josve. at hann skyllði kennimenn lata avrkina a land bera. Ok þegar sem þeir vorv komnir a þvrra iorð stræymðv<sup>5</sup> vðlnin í sinn farveg oc fltv at vanða. Synir Rubens oc Gað oc helmingr kyns Manase gengv vapnaðir fyrir herivm oc bvnir at beriaz fyrir folkinv.

<sup>1</sup>) var, B <sup>2</sup>) Josue let taka steinana or farveg Jordanar, B <sup>3</sup>) almatligu tilf. B <sup>4</sup>) gud tilf. B <sup>5</sup>) saal. B; stræymði, C

at herrinn risi upp. Þat var aa fyrsta degi azimorum. Viðr þann luðrabyt reis upp allr lydr ok herklæddiz. Seau kennimenn baru örkina meðr helgum domum ok blesu í ludra .vii. ok margir menn foru bæði fyrir ok eptir meðr vapnum. þeir gengv vmhuersiss borgina ok blesu í .vii. ludra. Ok eptir þat foru þeir apr til herbuda með hliodi. Sua foru þeir .vii. daga í samt. at þeir gengu í hring vm borgina. ok blesu .vii. kennimenn í .vii. ludra huern dag. A .viida. degi foru þeir .vii. sinnum vmhuersiss borgina ok blesu í seau ludra. ok í hinni .viida. mællti Josue vidr lyðina. Æpit nu herop ok gangit at borginni. ok vitit at hon er bannsett ok allt fe hennar. ok þi skolo þer þat æigi taka ok æigi nyt. vtan gull ok silfr ok eir. ok þa munu þer uardueita frumtignir drottins. Raab skolo þer grid gefa ok aullu hennar fe. enn alla menn adra skolo þer drepa. Þa æpti lydrinn herop. enn kennimenn blesu í ludra. Ok vid þann gny sellu allir borgarueggir til iardar. sua at huerr matti þar vpp ganga sem at kom. Gyðingar gengu þa í borgina ok drapu konunginn ok huert mannbarn er þar var. nema Raab ok hennar menn. þeir hiðggu kuikfee allt þat er í borginni var. nema þat er Raab atti. Eptir þat brendu þeir borgina ok alla luti þa er þar voru. Raab höfðu þeir brott meðr ser ok alla hennar menn ok fiarlut. Hon var gipt sidan þeim manni er het Salmon. hann var af kyni Juda. Þa mællti Josue. Boluadr see saa er endrbætir Jerichoborg. þat geck eptir sidan sua sem sagt er. Achior het mudr. hann var son þess mannz er Charin het. hann stal af bannsettu fee í Jerichoborg gulluofnum guduefarmsðiili. Josue sendi menn

Gyðingar settu herbuðir.<sup>1</sup>

152. A fyrsta degi hins tívnda manaðar. sem allr lýðr var yfir kominn Jordan. barv kennimenn hina helgv ðrk drottins enn fram fyrir folkino með þeirri somo skipan sem fyrr<sup>2</sup> var sagt. þar næst fyrir ððrvm herinvu þeir menn sem aðr var getið at til þess voro<sup>3</sup> skipaðir. gengv bryniaðir oc til bardaga bvnir .xl. þvsvnda millvm annarra flocca oc fiolmenniss.<sup>4</sup> Sottv sva fram a slættur oc víða vðllo borgar<sup>5</sup> Jericho. settv sínar herbuðir i Galgalis. þat er fyrir avstan borgina. þar setr Josue þa .xii. steina sem þeir höðöv tekit or farveg Jordanar eptir tðlu .xii. svna Jsraels. Josue segir sva til lýðsins. Hier i Galgala skvlv standa steinar þessir at ælifv. at þa er síðarri synir yðrir spyria eptir. þeir er<sup>6</sup> ægi vita skyn a hvat þessir steinar takna. þa skal hvern yðarr læra sína syni<sup>7</sup> með slikvm orðvm. þat merkia steinar þessir skvlyt þer segia. at sva sem drottinn gvð þvrkaði hafit ravða fyrir sonvm Jsraels er þeir foro af Egyptalandi. slikt it sama þvrkaði hann oc i avgsyn varri vavín Jordanar. sva at ver gengvm þvrrvm fotvm yfir farveg hennar. Nv skal þetta segia hvern faðir sínvu syni vm alldr oc gfi. at ðll veralldar bygð megi skynia

<sup>1</sup>) Ork drottins borin fyrer folkinu, B    <sup>2</sup>) fyrer, B    <sup>3</sup>) vøre, B  
<sup>4</sup>) saal. B; fiolmenni, C    <sup>5</sup>) borgarinnar, B    <sup>6</sup>) tilf. B    <sup>7</sup>) sunu, B

fra Jerichoborg til þeirrar borgar er Hay het. at niosna vm huersu auduelldig su borg var. Ok er sendimenn komu aptir. sogdu þeir at su borg væri audsottlig. at eighi mundi meirr þurfa til at vinna hana enn .xxx. manna. þa sendi Josue menn til borgarinnar vel uspaða. ok er þeir komu þar. þa gengu borgarmenn i moti þeim ok bðrduz. i þeim bardaga fellu Gyðingar. enn borgarmenn sigraðuz ok drapu af monnum Josue .xxx. ok .vi. menn. Ok er Josue veit þenna usigr. þa sleit hann klædi sín ok laa á kníám fyrir ðrkinni allt til aptans. ok ðlldungar lýðsins skrydduz hárlæðum. Drottinn mælti þa við Josue. Sargadr er lydr þinn af hanni. ok ægi man ek vera meðr lýdnum. þangat til sem hann er reinsaðr. þu skalt á morgin kalla til þín lýðinn ok luta meðr aullum kynspattum Jsrael ok þadan af með ollu folkinu. huerr misgert hafi uid mik. ok þann mann skaltu af lífi taka er misgert hefir ok stolit af ððnnudu fee. enn brenna i eldi fe hans allt. Josue gerdi sem gud bað honum. Hann lutaði með lýdnum um stuldinn. ok blautz i kyn Jude. ok síðan kom vpp lutr Achior. Josue mælti þa við hann. Gef þu gudi dyrd ok iata fyrir honum þat er þu hefir misgert. Achior segir þa hueriu hann hafði stolit. ok at hann hafði folgit i iorðu þat fé. Josue sendi þa menn til tialldz Achior. þeir toku þadan þat fe er Achior hafði stolit ok særdu Josue. Hann let leiða hann i ðel einn diupan. ok þangat let hann særa allan hans siarlut. Josue bað þangat aullum Gyðinga lyd at beria Achior grioti i hel. þeir gerdu sua. Síðan brendu þeir alla siarluti þa er hann hafði att. Eptir þat gerdu þeir haug yfir líki hans. ok er saa ðalr síðan kalladr Achiors ðalr.



oc skilia halæita hond drottins vera miog maltvga. oc at þer ottiz yðvarn herra gvð a hveriom tíma. A þeim tíma miklaði drottinn Josve. sva at allt Jsraels folk ottapiz hann sem þeir höðv ottaz Moysen meðan hann lifði.

### Gyðingar toko vmskurðarskirn<sup>1</sup>.

153. Allir konvngar Amorreorum þjóða. þeir er ríktv fyrir vestan Jordan. oc allir konvngar Chanaans iardar allt vestr at hafino mikla sem þeir hæyrðv at hæligr gvð hafði latið standa stravn Jordanar oc þvrkað hennar farveg sonvm Jsraels til yfirferðar. þa tok stormiog at stallra hiarta hæðingia. sva at varla var lifs andi með þeim af vgg oc otta þeirra þarkvamo. A þeim tíma bavð drottinn Josve at gera hvassa stæinknifa oc væita vmskurðarskirn sonvm Jsraels. Enn sv savk var til þess. at allr sa lyðr er i fyrsto hafði farit með Moyse af Egyptalandi oc þar hafði aðr tekit skvrðarskirn var nv andaðr. enn þat allt folk er fætt var a eyðimörkinni. er þeir ferðvðvz .xl. ara. hafði ecki tekit skvrþarskirn sakir vass<sup>2</sup> oc vesalldar. er þeir höðv<sup>3</sup> i þeirri<sup>4</sup> ferð. oc þi væitti nv Josve sem gvð bavð honvm vmskurðarskirn qllym karlmonnvum i kyni Jsraels. oc voro þeir nv i sama stað

<sup>1</sup>) Josue baud umsk., B <sup>2</sup>) vasse, B <sup>3</sup>) þoldu, B <sup>4</sup>) þeirra, B

Er Josue vann borgina Hay ok drap konunginn. Eptir þenna atburð for Josue ok allr lydr uapnadr meðr honum til Ahilam borgar. Hann skipti þa lidi sínu. ok sendi þa .xxx. þusunda manna milli Bethel ok Hayborgar .v. þusundir manna let hann i leynum uera. Konungr Hayborgar varð varr við þenna mann-folda. hann reis vpp snimma vm morgininn ok geck ut með herklæddu lidi. Ok er Josue vissi hvar herlid þeirra for. þa let hann vndan i fyrstu. enn konungr hellt eptir þeim. Ok sem hann var sua langt kominn fra borginni at mikitrum var millum herlidsins ok borgarinnar. þa bra Josue vpp skilddi sinum ok gerdi sua visbending þeim monaum. sem hann hafði i leynum sett. ok spruttu þeir vpp ok liöpu millum borgarinnar ok lids konungs. þa brendu sumir borgina. enn sumir komu a bak konungsmonnum ok drapu þa. J þeim bardaga fell konungr Hayborgar. Josue skipti þa herfangi millum sinna manna. Gabaon het borg er æigi var langt brott fra þi er Hayborg hafði stadið. þær þjódir voru kalladar Gabaonite er hana bygðu. þeim var sagt huersu Josue hafði vnnit .ii. borgir ok ongu vægt. sem gud baud honum. þa gerdu þeir raad með miklum slægleik. huersu þeir skyldu sættaz við Jsraels lyd. þeir sendu menn til Josue ok sögduz vera komnir vm langan veg. þeir höfðu slitna skua aa fotum ok myglugt braud i kaussum sinum. Ok er þeir komu aa fund Josue. þa mæltu þeir. Wær erum komnir aa yduarn fund vm langan vegh af farlægu landi. ok eru þau brindi var við ydr. at vgr vilium vera ydrir þrælur. Nv gefit oss frid ok suerit oss eida. þiat vgr erum af ydrum monnum. Gyðingar

i herbvðvm frialsir þar til er þeir<sup>1</sup> voro gronir. Þa mællti drottinn við Josve. Nv hefi ek tekit af yðr brizgli Egyptalandz. [Heitir sa staðr er þeir voro þa i staddir<sup>2</sup> Galgala allt til þessa dags.

### Paskahalld Gydinga.<sup>3</sup>

154. Þa er Gyðinga lyðr var i Galgalis hofv<sup>4</sup> þeir paschahalld hinn .xiii. dag manaðar at kvelldi a vðllum við Jericho. oc atv annan dag nyian iarðar avðxt oc nytt bravð. Þravn þaðan ifra sæðzlv þa er manna heitir oc ver kavllvm himnamiql. sva at Gyðingar næyllv siþan ecki þeirrar sæðv. helldr atv þeir þa alldin oc iarðar avðxt þess árs er þa var komit.

### Drottinn vittradiz Josue medr suerde.

155. Þa er Josve var staddr a akri við borg Jericho. sa hann standa fyrir ser mann með brvgðnv sverði. Josve geck at honvm oc spvrði. Hvart ertv varr maðr segir hann gða af molstoðvmonnvum varum. Hann svaraði. Vist ægi em ek yðvarr vvin. helldr hððdingi drott-

<sup>1</sup>) tilf. B <sup>2</sup>) [enn sa staðr er þeir voru þa i staddir heet, B <sup>3</sup>) Overskrifterne tages herefter af B, da C i det følgende kun har et næbent Rum for dem.

<sup>4</sup>) hofdu, B

svorudu þa ordum þeirra ok gengu ægi til frettar vid drottin vm þetta mal. Josue ok Eleazar ok allr Gydinga lydr gerdi sætt vid þa ok sóru þeim eida. Þrimr dðgum sidarr enn þessir menn hofdu komit biogguz Gydingar at beriaz vid Gabaonitas ok briota þa borg. Þa gengu þessir menn fyrir Josue. er honum hofdu eida suarit. ok segia þa hit sanna huerir þeir voru. Josue mællti. Fyrir hui gerdu þer þetta vid oss. Þeir svorudu. Vær hræddumz þitt riki ok fiolmenne. Nu gerit þer vid oss sem yðr syniz rett vera. Þa kalladi alþyda lydsins ok sagdi. at saa suardagi ætti ecki at halldaz er medr suikum hafdi gorr verit. allra hellz er gud bannadi þeim at sættaz vid þessa menn. Enn hofdingiar þeir sem suarit hofdu villðu hallda sina eida ok skipadu sua. at þeir gerðu Gabaonitas sina þreļa ok vatndragara. ok eptir þat foru þeir apr i Galgala.

Fra þeim kraft er guð veitti Josue. A þeirri tid var sa konungr yfir Jorsalalandi er Adenisedech het. Nu er hann hefir heyrt at Gabaonite hofdu sættz vid Gydinga. þa kalladi hann til sin .iii. konunga heidna. Sidan foru þeir .v. konungar med miklu lidi til Gabaonite borgar ok satu um borgina. Enn borgarmenn sendu menn aa fund Josue ok badu hann hialpa ser. ok for hann þa medr vapnaðu lidi til Gabaonite borgar ok komu aa vvert konungi ok bðrduz vid þa er þeir funduz. Enn konungar lðgðu aa flotta. Gud let koma mikit hagl yfir heid-ingia. sua at fleiri menn dó af haglinu enn fyrir vapnum. Nu saa Josue at aa leid daginn. ok þotti honum sem hann mundi vega sigr aa konunginum. ef honum yrði

inlign hers oc nv nykominn at væita yðr lið. Josve fiell allr til iarðar oc tignaði hann sva segiandi. Hvat villt þv minn herra mæla við þræl þinn. Hann svaraði. Læyst<sup>1</sup> þv skva<sup>2</sup> af fotvm þer. þiat þat er hæilagr staðr er þv slendr á. Hann gerði sem honvm var boðit. Borgarmenn Jericho byrgðv borgina oc biðggvz<sup>3</sup> fyrir til varnar. þiat sva mikil hrygð oc hræðzla stoð þeim af Gyðingvm. at engi maðr þorði af borginni at ganga vt ne inn. Nv segir guð drottinn sva til Josve. Se nv gef ek Jericho i þinar hendr konung hennar oc kappa. Gangi þer vmhverfiss borgina sinn a degi hverivm.<sup>4</sup> sva skvlv þer gera .vi.<sup>5</sup> daga i samt. Hinn .vii.<sup>6</sup> dag segþv kennimonnm. at þeir taki .vii. lvðra sina. þa sem þeir ero vanir at hafa til gleði oc gamans. þa er þeir frelta fagnaðar tiðendi. oc fari fyrir sattmaldörkinni syngiandi lvðrvm. kringit vm borgina .vii. sinnvm enn .vii.<sup>6</sup> dag. Ok þa er þeir hafa þæytt sva lengi lvðra sina. gangi allr lyðr með miklo kalli. þa manv bresta borgarveggir fyrir yðvarri avgsyn. Siþan kallar Josve saman kennimenn oc segir þeim þessi ðll orð drottins. Gera þeir nv sva eftir gvðs boði oc tilskipan Josve. at fyrst ganga hermenn til bardaga bvnir. siðan .vii.<sup>7</sup> kennimenn með þæytandi lvðrvm. þa var borin hin agæta ðrk drottins. oc fylgði þar ðll alþyða eptir. Sem folkit allt villdi þegar þæyta sina lvðra. þa mællti Josve til mvga

<sup>1</sup>) saal. ogs. B <sup>2</sup>) sko, B <sup>3</sup>) biugguz, B <sup>4</sup>) her beg. Fragn. VI. <sup>5</sup>) .iii., B <sup>6</sup>) fiorda, B <sup>7</sup>) fiorer, B

æigi dagfatt. Hann bað þa almattigan gud. at solin næmi stad ok gengi æigi sinn gang. Ok þat ueitti honum gud. at sol ok tungl namu stad at .ii. dagar foru saman isfalangir. Konungar flydu þa i einn helli. þa baud Josue sinum monnum. at þeir byrgdi hellinn meðr grioti ok helldi nðrdu at engin þeirra kemiz ut. Enn sumt lidity skyldi reka flotta ok drepa af þeim slíkt er þeir mætti. Þeir gerdu sem Josue baud ok drapu fiolda heidingia. ok siðan foru þeir aptr til Josue ok höfdu ðngan mann latit i ferdinni. þa mællti Josue. Leidit vt höfðingia or hellinum. ok leggit þa nidr ok stigit aa haals þeim ok gangit aa þa ofan. Þeir gorðu sna. at þeir tradu þa undir fotum ok hengdu þa siðan. sem Josue baud. Ok vm kuelldit toku þeir ofan lík þeirra ok drogu i hellinn. ok byrgdu munnann meðr grioti. Ok er su kauz þar enn allt til þersa dags.

Her segir fra þui er guð mællti við Josue. Eptir þat uann Josue þa borg er Macedon het. ok braut nidr þat ríki sem þar var. Eptir þat eyddi hann Jabin ok Fabrum ok Egion. Ebron ok Olabre. Konungr het Jabin er red fyrir borg þeir(ri) er Ersor het. Ok er honum var sagt fra morgum bardögum þeim er Josue hafði átt. þa samnaði hann ser lidity ok hafði meðr ser .xxiii. konunga. þeir höfdu meðr ser .iii. þusundir vapnadra manna. ok .ii. þusundir vagna. þeir komu til vatna þeirra er Meron heita meðr sitt herlid. Gud mællti þa við Josue. Æigi skaltu ræðaz þenna mannsfolda. þiat vndir þin vapn man ek leggja þenna lyd. ok manut þer a þeim sigraz. Eptir þersa uitran for Josue til bardaga moti heidingium ok drap

inanna. Latið með engv moti af yðr hæyra hark ne haræysti fyrr en ek byð yðr æpa. Þeir gera nv þilika processionem .vi.<sup>1</sup> daga i samt vmhverfiss<sup>2</sup> Jericho. Hinn .vii.<sup>3</sup> dag risa þeir vpp þegar i lysing. bvaz bardagamenn at vanda með allvæpni<sup>4</sup> til fyrirgavngv. oc .vii.<sup>5</sup> kennimenn með sinvm sigrlvðrv. en siðarst eftir ðrkinni ganga flockar oc allr fiððinn. fara nv sva .vii.<sup>6</sup> sinnvm þenna dag vmhverfuss borgina. Ok [it .vii.<sup>7</sup> sinn er þeir hafa þæytt lvðra sina lengi sem til vorv settir. þa mællti Josve við allan herinn. Æpit nv ogvrliga. þiat nv man gvð gefa þessa borg vndir yðvart valld. Nv sem allr lyðrinn<sup>8</sup> epti sva gnogliga at gnast i eyrv borgarmanna. þa fello sva fvlkmliga niðr allir veggir Jericho. at hverr maðr matti hit gegnasta ganga<sup>9</sup> þar vpp sem þa var hann kominn. Nv er þeir voro allir komnir i borgina. þa mællti Josve til þeirra tveggja manna. sem hann hafði senda fyrr til borgarinnar. Farit nv sem skiotaz til hvsa portkonv þeirrar er ykr hialpaði. oc læiðit hana brottv or harki oc haska. sem þið hētvd henni. Sem þeir skygnðuz<sup>10</sup> vm. sa þeir einstaðar<sup>11</sup> i gegnvm glvgg nackornn vt hanga festi af gvðvef gerva. kendo þeir at þar myndi Raab inni vera. þiat þav hððv þat rað gert með ser. at hon skyllði með þessi gvðvgfuar taug<sup>12</sup> ginkenna sin hus. Læiddv þeir hana vt af borginni

<sup>1</sup>) .iii., B   <sup>2</sup>) umbergis, Fragm.   <sup>3</sup>) fiorda, B   <sup>4</sup>) aluepni, B   <sup>5</sup>) fiorer, B  
<sup>6</sup>) þrim, B   <sup>7</sup>) [hit fiorda, B   <sup>8</sup>) mugrinn, B   <sup>9</sup>) tulf. B   <sup>10</sup>) skygnuduz, B  
<sup>11</sup>) eins stadar, B   <sup>12</sup>) saal. B; tqg, C

mikinn fiolda af þeim. Enn þeir er vndan komuz liopu i eina borg ok vorduz þadan. Enn Josue eyddi miok her heidingia ok skipti fee þeirra medr sinum monnum. þa er .v. uetr voru liðnir. fór Josue medr aullu lidi sinu af Galgala i Sylo. ok reisti upp sattmalsaark drottins medr aullu skrudi sinu. þadan for hann medr aullum Gydingum i Sichem ok gerdi þar alltari aa fialli þui er Jebal heitir. Yfir þui alltari færdu þeir fornir almattigum gudi. ok ritadu þar yfir bodord guds drottins. med þeim hætti sem ritit er i deutronomio. Josue setti i fiallinu helming liðs med kennimonnum ok deaknum. ok setti þar annan helming er Gazez heitir ok skipadi kennimonnum. ok skipadi þar blezanir sem gud hafði bodit Moysi. Eptir þat for Josue aptr i Sylo. Josue gaf kyni Juda fiallbygdur sudr aa landit. þiat þa var enn ægi landinu skipt sem gud hafði bodit. Efraims kyni gaf hann fiallbygdur nordr i landit. ok þar milli gaf hann Manase. Chaleph geck þa at Josue ok mællti. Viastir þu huat gud mællti vid mik ok þik vid Moysen. ok þat er Moyses mællti vid mik. þa er vid komum or niosnarðrinni af Jorsalalandi. Ok hann mællti sua. Su iord er fotr þinn treðr mun þin vera at ey lifu. Josue blezadi honum ok gaf honum Ebron til eignar. Josue kalladi þa saman allan lydinn i Sylo.

Her segir fra landaskipt(i) med sonum Jsraels. A þeim fundi mællti Josue sua. Ek elldumz miok. Nu þicki mer radligt at ver skiptim landi þersu er gud hefir gefit oss. Hann valdi þa .iii. menn af sérhuerium kynspattum. þa er vitrir voru ok radspakir at skipta landinu. Hann feck þeim .x. menn til fylgdar. þa

oc gafv henni frið oc frelsi. favðvr hennar oc moðvr oc frendvm oc ðllv þi goðsi er henni hæyrði.<sup>1</sup> Læiddv hana til landtiallda sinna. Var hon síðan gipt einvm höfðingia af kyni Jvde svnar Jacobs. oc af hennar ætt virðiz síðan varr herra Jesus Cristr at lata beraz i þenna heim til lavsnar ðllv mannkyni. Enn Josve oc hans hermenn toko borg Jericho oc drapv sva konvr sem karla. börn oc bvsmla. navt oc savði. asna oc æyki. oc allt þat er kvikt var i henni. Ok síðan leggja þeir elld i borgina oc brenna alla lvti þa sem þar vorv vtan gvl oc silfr gír oc iarn. þetta höfðv þeir at smíða ór þa lvti sem þvrfti<sup>2</sup> til drottins þionosto. Síðan bannsetti Josve borgarstaðinn oc bavlvaði þeim er Jericho ræisti síðan. Nv var gvð drottinn með Josve oc [varð hann nafnfreg<sup>3</sup> nær vm allan hæim.

### Achior medr gekk sinum glepum.

156. Sem Josve hafði brent borg Jericho. sendi hann sina menn at skynia hversu styrk gða fiðlmenn sv borg vgrí er het Hay. Oc er þeir komv apr. sögðv þeir sva Josve. Ecki þarf at þæysa allan her til borgar þessar. þiat hon er mannfá oc miog vstyrk. sva at vel

<sup>1</sup>) til iðf. B <sup>2</sup>) þvrfti, B <sup>3</sup>) [var hans nafn frégt, B

er rettaisir voru at mæla iordina. Josue haud at þeir skyldi sua landinu skipta. at þat land skyldi vidara vera er ogagnaudgara vgrí. Þeir foru nu sem Josue sagdi fyrir vm landit ok skiptu landinu iasfoliga. ok voru i þeirri fdr .vi. manaði. Síðan komv þeir apr ok sogdu Josue. huert landaskipti þeir höfdu gðrt. þa var lutat huat huerr skyldi hafa. Fyrst kom vpp lutr Juda. þa Symeons. ok síðan Beniamins. hans iðrð var vviduz ok gagnaudguz. þa kom vpp lutr Efraims. þa Manase. þa Ysachar. þa Zabulon. þa Neptalim. Sidarst kom vpp lutr Dans. Nu er landinu var skipt med sonum Jsraels. þa skipti Josue af aullum þeirra eignum .viii. borgum ok .xl. til handa kennimonnum. Josue setti .iii. fridar borgir. sem gud hafði bodit. Su var ein Ebron i landi Juda. sunnur Sichem i landi Efraim. þridia Cades i lut Neptalims. Kynsmenn Joseps komu fyrir Josue ok mæltu. Fyrir hui gafut þer oss æigi eins reips iord. sua margir sem vær erum. Hann svaradi. Þer erut miklir kappar. þi ferit til sialbygða vm fram þersi landamðrk<sup>1</sup> sem nu er skipt. ok nemit ydr þar iardir. Caleph for til þeirrar iardar er honum hafði lotiz. ok er hann kom i Ebron. drap hann .iii. syni Enoch. þeir voru med risa uexti. Þaðan for hann til þeirrar iardar er Dacuen het. Ok er Calef kom til þeirrar borgar. saa hann athon var torsottlig miok at vinna. þa mælti Caleph. Sa maðr er fyrstr kemr vpp i þessa borg ok hana vinnr. þeim manni man ek gefa dottur mina Axam. Samnes het maðr er þa borg vann. honum var gefin Axa. Caleph let henne heiman fylgia godar iardir.

<sup>1</sup>) r. f. landi mqrk.

megv vinna hana .ii. þvsvndir<sup>1</sup> manna gða þriar.<sup>2</sup> Hann sendir nvtí<sup>3</sup> .iii. þvsvndir bardagamanna. Enn borgarmenn rððvz vt i mot þeim til bardaga. Enn menn Josve snero þegar baki við [.Ok i fyrsto alldgv<sup>4</sup> fello af þeim .vii.<sup>5</sup> menn hins .xl. oc snero þa fvlkcomliga a flotta. Borgarmenn ellto þa allt til þess staðar er het Sabbarim. oc fello flottamenn nær hverr vm annan þveran. Viðr þetta þiðna miog hiarto<sup>6</sup> hersins af ofmiklvn otta oc havrmvligri hræzlo. Sem Josvesa vfarar sinna manna. bra honvm oc miog við. sva at hann ræif klæði af ser oc fell fram fyrir ðrk drottins allr til iarðar oc allir avlldvngar Gyðinga lagv þar allt til aptans oc baro moid i hðfvð ser. Oc [sva mællti Josve. O ho<sup>7</sup> drottinn gvð. hvi villdir þv læiða lyð þenna vtan yfir Jordan at glata honvm her oc gefa oss i hendr Amorreis þioðvm. Makara at ver hefðim helldr sem ver ællvðvm hviz þar vm<sup>8</sup> fyrir vtan Jordan. Hæyr minn herra gvð. hvat skal ec gera gðrmæla. er ek se Jsrael<sup>9</sup> blavtliga bakverpaz við sinvm vvinum. þetta manv hæyra Chananei. oc allir hierlendzkir heiðingiar manv saman samnaz oc ðllvm megin at oss sèkia oc vara minning ma af iorðvnni. hvat mantv þa gera þinv miklo oc mattvgv nafni. Drottinn mællti við Josve. Ris vpp skiott. fyrir hvi liggr þv. Jsraels lyðr hefir misgert. rofit salt-

<sup>1</sup>) .ii. þushundrat, B <sup>2</sup>) .iii., B; þriu, Fr. <sup>3</sup>) borgarinnar tilf. B <sup>4</sup>) [i fyrsta atlogu, B <sup>5</sup>) .iii., B <sup>6</sup>) hiortu, B <sup>7</sup>) [þa mællti Josue sua. ho. ho, B <sup>8</sup>) ok buit tilf. B <sup>9</sup>) Jsraels lyð, B

Her segir fra Josue ok Phinees hofðingia. A .xiii. aari bygðar Gyðinga lyds aa Jorsalalandi. mællti Josue vid kynþatt Rubens. þer hafit gðrt sem Moyses baud i fylgd uid folk vart. Nv fyrir þi at gud hefir frid gefit Judum. þa farit þer til iarða yduarra ok eigna. ok halldit guds bodorð ok dyrkit engan vtan almattigan gud. Sidan foru þeir brott. Ok er þeir komu til iarðanna þar er þeir hofðu yfir farit. gðrðu þeir alltari ok ritadu þar yfir þersi ord. at þi sem Josephus segir. þetta alltari er vart vitni. at drottinn er sealfs gud. Ok er þeir voru komnir til sinna iarða. þa var Josue sagt at þeir hofðu alltari vpp reist. þa ætladi hann at þeir mvndi þar fornir yfir sèra. Enn þat var ægi lofat. at annars stadar væri fornir særðar enn yfir þat alltari er var i tialldbud drottins. Josue sendi þa Phinees hofðingia ok .x. menn med honum at hefna þersar syndar. er sagt var at þeir hofðu gert. Ok er Phinees kom aa þeirra fund. þa mællti hann. Huer er þessi synd er þer hafit gert. fyrir hui latit þer gud yduarn. þeir svaradu. Verði ægi at ver gorim þilika synd. ok ægi hðfum vær gert. Drottinn setti markland millum vaar ok yduar. þui gðrdum ugr alltari at þat skyldi uera minniligt mark várrar frændsemi. ok þers at vgr eruun bræðr. Phinees blidkadiz vidr þessi ord ok for apr aa Jorsalaland. ok sagði Josue fra sinni ferd ok ollum Gyðingum. þeir lofudu allir hans ferd.

Er Josue talaði fyrir Gyðinga lyð. capitulum. þa er Josue tok at elldaz. þa kalladi hann saman allan Gyðinga lyd i Sirhem. A þeim fundi mællti

mál mitt oc brotið boðskap. þiat þeir hafa tekit bannat blotfe. stólit oc lygiliga<sup>1</sup> læynt i sinni varðvæizlo. Nv man Jsrael<sup>2</sup> a flotta rekinn oc ægi mega moti standa sinom vvinvm. þiat hann er savrgaðr af bavl-vodv blotfe. Ægi man ek vera með yðr heðan i fra þar til er þeim er hefnt er þenna glæp gerði. Nv ris þv vpp oc kalla saman allan lyð. oc seg sva til þinna manna. Helgizt þer oc hræinsizt til morgins. þiat þessa lvti segir drottinn gvð Gyðinga. Bannsett fe er með þer Jsrael. oc þi mattv ægi viðnam veita þinvm vvinvm [fyrrvm enn fra þer er dömdr oc drepinn sa<sup>3</sup> er þessa verks er valldr. A morgin skvltv þer til hlvtfallz ganga. hverr vvnit hefir vandskap þenna. Josve riss<sup>4</sup> nv vpp arla morgins oc læiðir folkit til hlvtfallz vm sierhveria kynþattv .xii. sona Jsraels. oc kom hlvtv vpp yfir kyn Jvde. Siþan er þar til hlvtað er hlvtv berr a einn mann. sa hæitir<sup>5</sup> Achior son Carmi. sonar Zabdi. sonar Zare af kyni Jude. Josve talar þa til Achior sva segiandi. Son minn. dyrka þv drottin gvð Jsraels. Jata oc seg mer hvat þv hefir gert oc læyn ægi længr.<sup>6</sup> Þa svarar Achior. Þat er satt at ek hefi [misgert miog<sup>7</sup> moti gvði. at þa er ver lifðvmm vvnit borg Jericho. sa ek eina harðla goða gvðvæfiarskickiv oc .cc. skillinga silfr<sup>8</sup> oc gvlliga reglv gðr rettiskið<sup>9</sup> vegandi .i. skillinga. þessa hlvti agirn-

<sup>1</sup>) *saal* B; *læyniliga*, C <sup>2</sup>) *Jsraels lyðr*, B <sup>3</sup>) [*fyrr en sa er dæmdr ok drepinn*, B <sup>4</sup>) *reis*, B <sup>5</sup>) *heet*, B <sup>6</sup>) *her end*. *Fragm. VI.* <sup>7</sup>) [*sua miok misgiort*, B <sup>8</sup>) *sylfra*, B <sup>9</sup>) *rettaskið*, B

hann sua. Ek veit at ek á skamt vlifat. ok veit ek at þer munut bunir vera at skelkia at gudi. þa er min er ægi uid kostr. Kiosit nu þat er ydr likar. huart þer vilit þiona almattigum gudi þeim er ydrir langfedgar þeonaðu. æda vili þer dyrka gud Amorreorum. Lydrinn suaradi. Drottin vilium ver dyrka ok ægi fra honum huerfa. Josue mællti. Vattar eru þer. at þer uðldut ydr einn gud at trua sa. Þeir suorodu. Vist erum ver uattar þess. þa for Josue ok allr Gyðinga lydr i Sylo til tialldbudar drottins. Ok a þeim degi festi lydrinn saattmál vid gud. þa hellti Josue vatni aa iord til vitnis þessa saattmáls er þeir hosdu gðrt. Þui voru heidnir menn vanir. at þeir helltu suins blodi aa iord. þa er þeir gerdu saattmaal vid menn. ok mælltu. Fari sua blod þers mannz er þessu saattmali bregðr ok aull hans kynslod. sem allt þat er vær helltum nidr. Josue setti einn stein mikinn vndir eina eik er stod fyrir tialldbudinni. ok mællti. Þenna stein set ek vpp<sup>1</sup> i minning varra eida. Sva voru fornir menn vanir at gera sætt uid menn. at þeir reistu vpp steina til vitniss vm þeirra sætt. Eptir þessa hluti baud Josue. at lydrinn særi heim til sinna eigna. ok sua gora þeir.

Her segir fra Phinees hosðingia. capitulum. Eptir þat andadiz Josue. þa hafði hann .c. vetra ok einn vetr. Hann hafði .iiii. hins florda tigar er hann kom til Moyses. enn hann var .xl. uetra i eydimork. enn hann styrði riki .vi.

<sup>1</sup>) *til tilf.* A

dmz ek oc bravt<sup>1</sup> berandi fal ek i iorðv gagnvart<sup>2</sup> miðio minv land-  
tialldi. Josve sem hann hæyrði þetta. sendir hann menn til hans her-  
bvða.<sup>3</sup> oc þetta allt sem hann [hafði stólit oc hann<sup>4</sup> visaði til fyndv  
þeir oc fgrðv Josve oc ðllvm lyð. Þa liet Josve taka Achior oc allt  
þetta sem hann hafði stólit. sva syni hans oc eign alla. navt oc savði  
oc allt kvikfe er hann atti. sva tialldbvð hans oc allan vmbvning. oc  
flytia þeir oc fgra<sup>5</sup> þetta allt saman i dal þann er síþan haitir Achior  
af hans nafni. Þa mællti Josve. Hrelli þik drottinn gvð i dag Achior.  
fyrir þat er þv hrældir<sup>6</sup> oss oc hrygðir. Eptir þat grytti [Achior  
allt Jsraels folk<sup>7</sup> til bana. brendv a bali allt saman þat er aðr<sup>8</sup> var  
talt. oc aðr þeir gengi fra. giðrðv þeir yfir<sup>9</sup> griothavg mikinn. þess  
sier enn merki segir hinn helgi Jeronimvs prestir. Eptir þetta sneri  
drottinn reiði sinni af Jsrael.<sup>9</sup>

### Josue vann borg h Hay.

157. Eptir þat er Achior var dæmðr oc drepinn. sem nv var  
sagt. talar drottinn til Josve sva segiandi. Hirð ecki at ottlaz. far nv  
til borgar Hay með allan fioldá bardagamanna. þiat nv man ec i þitt  
valld gefa konung hennar oc allan lyð. Gier nv slikt við Hay oc hennar  
folk. sem þv giðrðir við Jericho aðr. vtan allt kvikfe taki þer at her-  
fangi. Settv<sup>10</sup> lavnsatir<sup>11</sup> at baki borgarinnar. [þat er<sup>12</sup> þeim megin  
sem þer sekit ægi til. Nv byr Josve her sinn or herbvðvm. hann  
velr af lyðnmv .xxx. þvsvnda hinna sterkvztv<sup>13</sup> bardagamanna oc fara  
vm nottina til borgar Hay. Hann setr eptir .ii. þvsvndir manna i lavn-  
sat nær borginni fyrir vestan i milli oc Bethel. oc segir sva til þeirra.  
Nv skvlu þer vera her albvnir oc hræraz hvergi langt a brottv. þar  
til er ek geri yðr eitt hvert mark. En ek oc<sup>14</sup> allr fioldi folksins  
mvnmv<sup>15</sup> .er mornar ganga i gleit við borgarmenn oc vita ef ver ggl-  
im ginnt þa fra borginni. Ok ef sva verðr sem mik varir. þa man ek  
gera yðr visbending. skvltv þer þa skvnda<sup>16</sup> i borgina. rvpla hana oc

<sup>1</sup>) brott, B <sup>2</sup>) i tñlf. B <sup>3</sup>) herbvðar, B <sup>4</sup>) [mgl. B <sup>5</sup>) fara(!), B <sup>6</sup>) hrellder, B  
<sup>7</sup>) [Jsraels folk Achior, B <sup>8</sup>) mgl. B <sup>9</sup>) Jsraels lyð, B <sup>10</sup>) sett þu, B  
<sup>11</sup>) launsater, B <sup>12</sup>) [mgl. B <sup>13</sup>) saal. B; sterkvz, C <sup>14</sup>) tñlf. B <sup>15</sup>) ver tñlf. B  
<sup>16</sup>) skynda, B

veit ok .xx. Hann var grafinn i stad þeim er Comnasara heitir. Sa stadr er i fialli  
Efraim. Eptir þat andadiz Eleazar kennimadr. hann var grafinn i Gabaa. Phinees  
var kennimadr eptir Eleazar fodur sinn ok var nytr höfðingi. Her lykr bok Josue  
vinar almattigs guds. þers er lifir ok rikir eylifr gud um allar aldir amen.



ræna öllu þi sem þer finnit femött. leggja síðan i elld oc brenna borgina. Gæymit nv oc gerit alla hlvti sem ek hefi fyrir sagt. Nv ferr Josve með herinn allan annan vinn nottina norðr vinn borgina oc fylkir þar sva. at<sup>1</sup> annarr fylkingararmr er miog sva við borgina. enn annarr vissi til landnorðrs. var þar dalverpi nockvt sem þeir dvavldvz vinn nottina. Ok er lysir ser konvng Hay oc borgarlyðrinn. hvar þeir Josve vorv<sup>2</sup> hvnir til bardaga. briota þeir vpp vapn sin oc bioggvz sem skiolaz til ofangavngv. Ok sem allr herr var vtkominn af borginni. skipa þeir sínar fylkingar i mot Josve. Enn þiat þeir visso ægillavn-satuna. þa drifv þeir sva giðrsamliga or borginni. at ægill einn maðr vapnferr var eptir. þa mællti Josve til sinna manna. Nv skvlvm ver vndan snva oc gera þat bragð a<sup>3</sup> sem ver vilim flyia oc teyia<sup>4</sup> þa sva or borginni. Enn er þat sia borgarmenn. ætla þeir þa fyrir hræzlo sakir flyia sem fyrra dag oc sekia eptir með opi oc eggian.<sup>5</sup> sva at hverr hleypr fyrir annan fram oc þickiaz hafa i hendi sigrinn. Nv sem Josve sneri til eyðimerkr. mællti drottinn við hann. Bregðv<sup>6</sup> nv vpp skilddi þinvm moti borginni Hay. þiat nv gef ek hana þer oc þinvm monnvm. Hann gerði sva. Enn er þat sa þeir er i satinni vorv. sprvttv þeir þegar vpp oc rvnnv i borgina. er hinir höðv fra lavpit opinni. reka brottv kvikfe oc ræna öllv þi sem femött var. enn leggja elld i hvs oc herbergi. Nv sem borgarmenn sa<sup>7</sup> reyk oc loga til hvsa sinna. varþ þeim seinna vinn eptirsoknina. Oc þegar er Josve oc hans herr væit. at borgin var fangin af hans monnvm. snero þeir moti sinvm vvinvm með hinvm harðazsta bardaga oc mannfalli miklo. Enn er þeir sia bardagann er i borginni vorv. letta<sup>8</sup> þeir af borgar<sup>9</sup> brennvnni oc snva til orrostv með ognar opi oc gny. koma þeir hæðingivm i opna skiolldv oc sa a þeim hefíliga hoggstaði. Ganga sva<sup>10</sup> allir samt. at þeir letta ægill fyrr bardaganvm enn þeir höðv drepit alla vvini sina þa er þar vorv vtan einn konvng þeirra. hann havndlvðv<sup>11</sup> þeir oc ferdv lifanda Josve. Josve hiellt vpp skilddi sinvm sem gvð bavð honvm sva lengi sem bardaginn var. J þessi snerrv ligtv Gyðingar engan mann. Snerrv síðan at borginni Hay oc slogv með sverði<sup>12</sup> konvr oc börnn. sva at a þeim degi drapv þeir allz með konvm .xii. þvsvndir manna. Eptir þat brendo þeir borg alla Hay at kavldvm kolvm. Enn liðsmenn skiptv með ser kvikfe oc avllo herfangi þi sem þar hafði femött verit. J þann tima sem lengi síðan þotti sa davði hæðiligazstr at hanga a krossi. þi bavð Josve at krossfesta konvng Hayborgar.

<sup>1</sup>) tilf. B <sup>2</sup>) komner ok tilf. B <sup>3</sup>) oss tilf. B <sup>4</sup>) teygja, B <sup>5</sup>) æggian, B

<sup>6</sup>) Bregð þu, B <sup>7</sup>) sen, B <sup>8</sup>) lettu, B <sup>9</sup>) mgl. B <sup>10</sup>) at tilf. B

<sup>11</sup>) handlodn, B <sup>12</sup>) sverðum, B

Heck hann þar allt til aptans. enn eplið solar setr bauð Josve attaka hrę hans af krossi. þeir gerðv sva oc kastaðv honvm i borgarstaðinn oc vvrpv yfir harðla mikinn havg af grioti. þess ser enn merki allt til þessa dags.

### Alltariss giorð Josue drottni.

158. At æyddvm vvinvm oc brendri borg Hay gerði Josve alltari drottni gvði Gyðinga af vtelgðvm steinvvm. þeim sem ecki iarn hafði snortið. sva sem dyrðligr<sup>1</sup> drottins þionn Moyses hafði boðit i lðgvvm oc ferði þar gvði fornir yfir alltarið a fialli Hebal. ok þackaði sva guði sigr sinn. Josve skipaði yfir alltarit devtronomivm. þat er annat lavgmal eða endrnyiað lavgmal Moysi. Allt folk skipaðiz i tva flocka fra hinni helgv saltmalsörk drottins oc kennimonnvvm þeim er þar til þionðv. stoð annarr flockr við fiall Gazirim<sup>2</sup> enn annarr við fiall Hebal. sva sem Moyses hafði boðit. Ok i fyrsto blezaðæ Josve allt Gyðinga folk oc las af lðgbok Moysi ðll blezanarorð oc sípan bavivanar. oc engan lvt læt hann eflir standa. at hann fremði ægi oc fvlgerði þat sem Moyses hafði boðit.

Allir konvngar þeir sem rikto avstan fra fialli Libano oc allt vestr at hafino mikla oc vt at Jordan. sva vm fiallbygðir sem vm iafnlendi. samnaz saman. sem hæyra sagt fra þessvm tíðendvm er nv var vm talat. oc gera rað sin með einvm<sup>3</sup> hvg oc samþycki. at hverr skal striða með ollvm sinvm afa oc herskap sem mest moti Josve oc Jsraels folki.

### Fra Gabaaons monnum.

159. Gabaon het ein miog mikil borg a Gyðinga landi. þessar<sup>4</sup> borgar menn sem þeir fretta athafnir Josve oc Gyðinga. hvaz þeir við bravgðvm með þess hattar slægð. taka ser nest oc navðsynliga lvti. vinberla brotna oc hvnna saman. secki savrga oc slitna leggja þeir a asna sina. hvarki hðfðv þeir asna feita ne feliga.<sup>5</sup> helldr þa er þeir fengv herfiligsta. fotabvnað fatækligan oc annan klæðnað slitinn af fyrnskv. bravð harðt til vista<sup>6</sup> sva at varla var monnvvm ætt. oc allr var þeirra heimanbvnaðr hinn hæðiligsti. raðazt nv til serðar oc fram koma i Galgalis. þiat Josve hafði þar sinar herbvðir. Gabaonite ganga fyrir Josve oc allan lyð sva segiandi. Ver ervm komnir vm langan

<sup>1</sup>) dyrlegr, B <sup>2</sup>) Garizim, B <sup>3</sup>) einn, B <sup>4</sup>) þessar, B <sup>5</sup>) felaga(!), B <sup>6</sup>) ser tilf. B

veg af fiarrlægvi landi at gera við yðr frið oc felagskap. Höfðingiar hersins svaraðv sva. Ecki sattmal megvu ver við yðr setia. þiat ver vilivm ecki yðra byggð með oss a þeirri iorðv er gvð varr hefir heilit at giefa oss. þa mæltv kvamvmenn við Josve. þinir þrælar erom ver. Hann svarar. Hvaðan ero þer gða hvaðan komv þer. þeir svara. Ver þrælar þinir sem vër savgðvm höfvm haft langan farveg af fiarrlægr iorð i nafni drottins gvðs þins. þiat ver hæyrðvm fregð hans mikla mattar<sup>1</sup> oc alla þa hlvti er hann vann a Egyptalandi. ok sva hvat hann gerði fyrir yðr .ii. konvngvm Amorreorvm þioða<sup>2</sup> Seon konvngi af Esebon oc Ogg konvngi Baasan er vorv i riki Astaroth. Sðgvðv oss sva oc allir ðlðvngar oc aðrir landzmenn varir. Bvit yðr vistir oc aðra hlvti. þa sem þer, þvrfi at hafa til langrar læiðar. oc farit til fvndar við lyð þenna er miklar sðgvv ganga fra þeirra freknleik.<sup>3</sup> oc setið saltmal við þa af varri hendi. Nv með þi at þer trvið æigi varvm orðvm. þa litið á fargagn vart. se her bravð vart er ver tokvm nybakat aðr ver hæiman forvm. enn þat er nv harðt oc afnikilli fyrnsko myglat oc mað i gegnvm. sva at æigi er manna matr. þa lietvm ver oc nytlt vin i nyia berla. enn sakir sva langrar læiðar er vinit rotið enn leglar lekir oc lavggstocknir. sva ok<sup>4</sup> varar gangverior oc klæði<sup>5</sup> er þa tokvm ver ny. enn nv ero drivgvvm farin<sup>6</sup> af fyrnskv. Nv sem þeir sia þeirra favng<sup>7</sup> hæitr Josve þeim friði. oc setia saltmal sin a milli. sva at allir höfðingiar sveria þeim griði. sva at þeir baðv ecki gvð aðr segia ser sannendi her af. Fara þa Gabaonite brottv með sva systv grendi. Enn .iii. dagvm siðarr hæyra Gyðingar þann kvitt. at þessir menn er þeir höfðv sett við gert attv<sup>8</sup> þaðan skamt i brottv byggð. oc siðan myndi þeir æ hliota at æiga sambyggð við Gyðinga a fyrirheiltz iorðv. Jsraels lyðr hrerði þa herbvðir sinar or Galgala oc flvttvz<sup>9</sup> fram til þeirra borga er byggðv þessir menn. sem þeir höfðv saltmalit svarit. þat var borg Gabaon oc .iii. aðrar er þangat lagv vndir. Caphira. Beroth oc Cariath. Oc<sup>10</sup> drapv þeir<sup>11</sup> æigi þenna lyð. þiat<sup>12</sup> höfðingiar Gyðinga höfðv svarit þeim griði i nafni drottins gvðs sins. Enn almvgrinn kvrraði illa oc amælti<sup>13</sup> hers höfðingiom. sðgvðv þessa sætt ecki eiga at halldazt. er með slikvm prettvm var giðrt oc lygi af Gabaonitis. Höfðingivm þpotti þat salt talat.<sup>14</sup> enn kvadvz hræðaz gvðs ræiði. ef þeir ryfi þann frið er þeir höfðv svarit i hans nafni. oc fyrir þessa skyllð sðgvðv þeir verðvm ver at lata þa

B20.

<sup>1</sup>) mgl. B <sup>2</sup>) saal. B; þriðia, C <sup>3</sup>) saal. B; frenklæil(!), C <sup>4</sup>) saal. B; at, C  
<sup>5</sup>) skoklæde, B <sup>6</sup>) fuin, B <sup>7</sup>) fargðgn, B <sup>8</sup>) étu, B <sup>9</sup>) fluttiz, B  
<sup>10</sup>) Nu, B <sup>11</sup>) þui tilf. B <sup>12</sup>) er, B <sup>13</sup>) amæltu, B <sup>14</sup>) [þottu þeir  
salt tala, B

lifa þó at með nockorvm navðakostvm. Nv sem þeir altv vm þetta at kiera. kallar Josve til sin Gabaons menn sva segiandi. Hvi villdo þer sva svikia oss með vandri vel. segiandi at þer ætlið allfiarri oss riki. þar sem þer bygðvt her bæint hia oss. Nv fyrir þessa yðra liota lygi. þó at ver latim yðr lifi hallda sakir swardaga varra höfðingia. þa skvltv þer allt at einv vndir bva æylifvm vfagnaði. sva at af yðr oc yðvarri ætt skal alldri ganga þat anavðarok at eylifv. at þerskvltv þiona Jsraels folki. bera at þeim vatn oc höggva ris oc sva annað embætti þat er vássamast verðr. þeir svaraðv. Oss þrælvvm þinvm var sannliga sagt. at herra gvð yðvarr hefði hæitið sinvm scla þion Moysi at gefa yðr alla þessa iorð enn dreifa gða<sup>1</sup> drepa alla hennar abvðarmenn. Nv sem oss flavg þetta i eyro. vvrðvm ver ogn oc otta slægnir. ok fyrir siaandi varo lifi. giðrðv ver þetta rað. enn vart goðs er allt a yðrv valldi. Gerit nv við oss sem yðr likar oc þó somir yðrvm rikdomi oc réttlæti. Siþan var þat dðmt oc lavgtekit með swardavgvm hinna beztv manna or hvarra tveggia liði. at Gabaonite skylldo hallda lifi oc limvm með slikri lyðskylldo vndir Gyðinga sem aðr var talt. oc hellzt þat æ siþan. Eftir þetta hvarf Josve aptr með allan sinn her i Galgala.

Fra konungum er þeir settuz vm borgina Gabaaon ok Josue ok hans monnum.

160. Adonisedech het konvngr er reð fyrir Hiervsalems. sem hann frellir at Josve hafði vvnnit Jericho borgir<sup>2</sup> oc Hay. drepit konvnga þeirra enn brotið oc brent borgir.<sup>3</sup> oc sva þat at Gabaonite höfðv sialfkrafa sottan hans fvnd oc þeir höfðv gert sçtt sin i milli. þa tok hann at hreðaz harðla miog. þiat Gabaon var çin hin mesta af konvngligvm borgvm i rikin v oc allir hennar menn vorv miog styrkir oc hinir vaskvzstv til vapna. sva at nær hveriom manni vorv þar iafnbvnnar baðar hendr til bardaga. Adonisedech konvngr af Hiervsalems sendir nv boð Oham konvngi Ebron oc Pharan konvngi af Herimoth. oc Japhie konvngi af Lachis<sup>4</sup> oc Dabir konvngi af Eglon. Hann segir sva til þeirra. Komit til min sem fyrst með allan yðvarn her oc berioniz a<sup>5</sup> borg Gabaon. fyrir þat er þeir hafa gengit til handa Gyðingvm oc gerðvz menn Josve. þessir .v. konvngar sem aðr vorv nefndir koma nv skiott saman oc setiaz vm borgina með allan sinn afla oc herskap oc striða fast a hana. Enn þiat<sup>6</sup> borgarmenn sa<sup>7</sup> ægi sinn

<sup>1</sup>) ok, B <sup>2</sup>) gorgh(!), B <sup>3</sup>) borgirnar, B <sup>4</sup>) saal. B; Jachis, C <sup>5</sup>) vidr, B <sup>6</sup>) þeir, B <sup>7</sup>) sca, B

afla i mot þessvm öllum her. senda þeir orð Josve i Galgala. baðv hann koma sem skiotast at hialpa ser. þiat allir konvngar segia þeir ofan af landi oc flallbygðvm hafa saman samnaz oss i moti með vvigian her ok sitia nv vm borg vara at briota enn oss bana at væita. þiat þeir gefa oss þat at savk. er ver höfvm gert sætt við yðr. þegar sem Josve kæmr þessi orðsending. bregðr hann við skíott oc byr alla hina sterkastv bardagamenn oc allan vapnferan her. þa mælti drottinn til hans. Eigi skalltv<sup>1</sup> ottaz þenna hæðingia<sup>2</sup> her. þiat ek man selia þa i þinar hendr. sva at ægi nokvrr af<sup>3</sup> þeima fiolða man þer mega motstqðv væita. Josve ferr nv með allan herinn af Galgala oc blæypr vm nolt a hæðingia vvara með braðvm bardaga. sva at hann væitir sinvm vvinvm mikit<sup>4</sup> slag aðr mornaði. Enn gvð drottinn gaf heiðingivm hræzlv sva mikla. at þeir flyðv felms fvlir þegar er dagaði. Enn Josve oc Gyðingar rakv flottann oc fylgðv þeim vpp a veginn er liggir til Bethoron oc drapv hvern mann er þeir naðv. allt þar til er þeir höfðv rekit flottann til þeirra staða er sva hæita Azecha oc Maceda. Nv sem herr hæðingia flyr niðr fra Bethoron. þiat þeir naðv eigi borginni. þa letr drottinn gvð rigna a þa af hiinni sva stovr grioti [sem hagl veri<sup>5</sup> aðr þeir komo til borgar Azecha. at miklo flæiri fiello oc fengv bana af griothaglino enn fyrir vapnvm Gyðinga. Nv ser Josve at honvm man verða dagfatt at sigraz sem hann vill a sinvm vvinvm. bað hann þen sinni til gvðs oc sagði siþan. sva at allir hans menn heyrðv. Sol<sup>6</sup> gegnt Gabaon ægi skalltv hræraz. oc tvngl ægi<sup>7</sup> ganga yfir dal Haylon. Er<sup>8</sup> ægi sva ritat oc fyrir spað i rættlattra manna bokvm. at sol oc tvngl manv standa þar til er þioð min hefir hefat sin a heiðingivm oc sinvm vvinvm segir drottinn. Sem hann hafði þetta mællt. stoð sol a miðivm himni. sva at hon geck með engv moti til setrs sva lengi sem æins dags læingð er. Alldri aðr ne siðan varð sva langr dagr sem þa er gvð hlyðnaðiz röddv þessa mannz. er rettliga oc goðfvsliga bardiz fyrir hans folki. Enn er Josve hafði drepit oc dreift öllum vvina her. hvarf hann aftr til herbvða sinna i Galgala.

### Josue let heingia konunga.

161. Nv frellir Josve at þeir .v. konvngar er fyrr vorv nefndir höfðv komiz brott or bardaga við Gabaon. oc læyndiz<sup>9</sup> nv i helli ginvm miklvm við borg þa er Maceda heitir. Segir Josve þa sinvm felagvm.

<sup>1</sup>) skulat þer, B <sup>2</sup>) mgl. B <sup>3</sup>) ollum tilf. B <sup>4</sup>) saal. B; mikinn, C <sup>5</sup>) [mgl. B <sup>6</sup>) er tilf. B <sup>7</sup>) r. f. til, C; man eigi, B <sup>8</sup>) ok tilf. B <sup>9</sup>) saal. ogs. B

Farit nv sem skiotazt oc velltit storv grioti fyrir hellismvnnann. þar er konvngar ero inni. oc setið<sup>1</sup> siðan til vrvgga varðhallzmenn. at þeir komiz<sup>2</sup> hvarki brottv með sinvm mætti ne annarra fvlittingi. Siðan er yðr enn ecki setvefni at sinni. helldr skvlvt þer sækia nv af nyio efir yðrvm vvinvm vndan flyiondv. Drept æ þa af flottamonnv sem siðarst fara oc yðr ero næstir. Farit nv hermannliga. geymit<sup>3</sup> til oc gietit vendiliga. at engir þeir varir vvinir sem gvð gefr i vart valld nai sinvm borgvm ser til verndar gða viðrstðv. þeir fara oc gera alla hlvti eptir boði Josve. sva at þeir drapv drivgv allan her heiðingia. er dreifðz hafði her oc hvar. oc þeir ænir þagv lifit er með flotta komvz i styrkar borgir oc byrgðv sik þar. Siðan hverfa Gyðingar astr oc sinna Josve við Macedam. þiat hann hafði þagat flvt meðan herbvðir sinar. Enn i ðllvm þessvm socknv. sem nv var fra sagt. var engi hans manna<sup>4</sup> fallinn oc engi sarr vorðinn. siðan hinn vandi þiofr Achior var davðr. þorði nv engi at krytia gða kvæina moti Jsraels lyð. Eftir þetta bavð Josve sinvm monnv at opna helli þann er konvngar varv byrgðir i oc læiða þa fyrir sik. Sem þat var gert. kallaði Josve saman allan lyð oc talar sva til allra hðfðingia Gyðinga.<sup>5</sup> Farit nv til oc foltropit þessa konvnga oc gangit a þeirra halsa þeim til haðvngar. Sem þeir þetta giorðv. mælti Josve til sinna manna. Hirðit ecki at ottaz. styrkiz helldr oc verit vrvggir. þiat sva man drottinn gera við [yðra alla<sup>6</sup> vvini. þa sem þer stridit dreingiliga i mot. Enn Josve barði þa oc bavð siðan vpp at festa þessa .v. konvnga. oc hengv þeir allt til aptans. oc at solar setri eptir boði Josue voro þeir af galga teknir. oc [dregin hre þeirra<sup>7</sup> i helli þann sem þeir hðfðv aðr læyndz i. baro siðan at stort griot oc kasvðv þa. oc sva velltv þeir storvm steinvvm fyrir hellissmvnnann. sem enn ma merki sia.

### Her vinnr Josue borgirnar ok drepr folkit.

162. Eptir þetta settiz Josve með sinn her vm Macedam oc vann hana. drapv þeir konvng hennar oc slogv með sverði hvern mann er bygði borgina. sva konvr sem karla. Af Maceda for Josve með allan herinn til þeirrar borgar er heitir Lebna<sup>8</sup> oc striddi a hana þar til er gvð gaf i hans valld borgina. drapv konvng hennar oc hvert mannz barnn a sðmv leið sem i Maceda. Fra Lebna<sup>8</sup> for hann með alltt Jsraels folk til þeirrar borgar er Lachis<sup>9</sup> hætir oc setti þar herbvðir sinar

<sup>1</sup>) laetit, B <sup>2</sup>) saal. B; komvz, C <sup>3</sup>) nu tilf. B <sup>4</sup>) madr, B <sup>5</sup>) mgl. B <sup>6</sup>) [alla yðra, B <sup>7</sup>) [dregner, B <sup>8</sup>) saal. rett.; Jebna, C; Lebija, B <sup>9</sup>) saal. B; Jachis, C

vmhverfis oc bardiz þar a<sup>1</sup> .ii. daga. feck þa vnnit þa borg með gvðs fvltingi. drap hann oc dæyddi hvern mann er i var borginni. sem hann hafði giort við Lebna.<sup>2</sup>

#### Fra Jram konunge af Gaze.

163. J þann tíma samnaði Jram konvngur af Gazer at ser miklvm her. for síðan oc ællaði at hialpa Lachis monnvvm. Enn þat varð ægi sva. helldr hefir Josve af hans ætlan niosn. snyr þa i mot honvm. oc æiga orrosto beði langa oc harða<sup>3</sup> stríða oc stranga. sva at ægi liettir fyrr enn þar fellr [konvngur Jram<sup>4</sup> oc allr hans herr. sva at engi maðr var eptir vdrepinn af hans liði. Eptir þat for Josve með allan sinnu her til þeirrar borgar er Eglon het. oc kringði<sup>5</sup> þegar vm borgina með bardaga oc atsokn sva harðri. at hann vann hana a ginvvm degi oc drap allt þat er þar var mannkyns. ok æyddi allt þat herað er þar la til borgariunnar. Af Eglon for hann i Ebron oc vann þa borg. oc æyddi allt þat ríki er þangat la vndir. þaðan for hann með allan sinnu her i Dabir oc vann hana oc æyddi með eggiv ðll þorp vmhverfiss. Sva gersamliga drap hann menn i ðllvm þessvm borgvm. at ægi lifði æitt barn eptir. þiat sva hafði gvð boðit honvm. Alla [konvnga oc ríki þeirra<sup>6</sup> eyddi hann með ginni enndalykt fra Chadesbárne. þeim stöðvm er sva hæita. allt til Gazeborgar. alla iorð Gesen til Gabaon. þiat gvð drottinn Jsraels bardiz fyrir hann. Síðan hvarf hann afirst til sinni til herbvða staðar i Galgala með allan sinnu lyð.

#### Af Jabin konunge af Asor.

164. Sem Jabin konvngur af þi ríki er heitir<sup>7</sup> Asor hæyrir gétit hernaðar Josve. gllar hann at afla ser fregðar oc reisa her i mot Gyðingvm. Sendir hann þa orð Jobab konvngi Aðon oc ðllvm þeim konvngvm er ríktv norðr fra honvm vm fiallbyggðir oc sliettlendi svðr fra Tenaroth<sup>8</sup> oc [a vðllvm oc heroðvm Din<sup>9</sup> allt til siafar. Hann kallar oc til sin kynsmenn Chanaan beði avstan oc vestan. sva oc allar þioðir er byggðv vndir fialli Hermon a iorðv Masphat. þegar sem þeim komo boð Jabins konvngs. for hverr konvngur sem hvalligast til motz við annan með sinnu her oc allan afla. þar til er allir þessir konvngar komv saman i einn stað. hverr með sína flocca oc fiolmenni. við vðtn

<sup>1</sup>) vm, B    <sup>2</sup>) rett.; Jebna, C; Lebija, B    <sup>3</sup>) tilf. B    <sup>4</sup>) [Jram konungur, B  
<sup>5</sup>) kringdu, B    <sup>6</sup>) [borgina ok ríki þetta, B    <sup>7</sup>) het, B    <sup>8</sup>) Cenaroth, B  
<sup>9</sup>) [af ollum heroðum Dor, B

þav er Meron hæita. Var þar þa saman kominn sva margr lyðr sem siavar sanndr. þiat hestar þeirra oc kerrvr var sva mart at varla kom tðlv a. þessi hinn mikli herr heiðingia biozt til bardaga moti Gyðingvm með ognar<sup>1</sup> miklv harki oc haræysti. [opi oc eggian.<sup>2</sup> oc sva gnogvm gny oc vapnabraki at viðá landz hæyrði. Þa mællti drottinn til Josve. Ottazt þv ecki mikinn her hæiðingia. helldr bv þik oc þina menn til bardaga moti þeim [hvglavsvm. oc ver orvggr.<sup>3</sup> þiat a morgin miog i þenna tima dags man ek þa selia i yðart valld oc vapna. Mantv mēiða vagna<sup>4</sup> oc hamla hesta þeirra enn flesta drepa oc kerrvr a bali brenna. Josve vrvgr oc ottalavss af gvðligv fyrirhæiti kemr nv i mot heiðingivm með allan Jsraels lyð við vðtn Meron. fyrr enn þeir vissi ván. hlavpa þegar a þa með hðggvm storvm oc stinnvm<sup>5</sup> lðgvvm. sva at hæiðingiar vikna fyrir.<sup>6</sup> slær þeim þa skiott skelk i bringo. þiat gvð gaf þa sem hann hafði hæitið i hendr Gyðingvm. Leggia hæiðingiar a flotta. þeir fyrst er fremstir stoðv. Enn Josve oc hans menn [vissv þa hvat vinna skyllði. þiat þeir fylgðv flottamonnvvm oc bæittv sverðvm a bak þeim er næstir vorv. sva at drivgvvm fiell hverr vm þveran annan er vndan flyði. Forðaðvz þa allir fvnd Gyðinga sem þeir mættv mest. Josve oc hans herr<sup>7</sup> fylgðv flottamonnvvm allt til hinnar miklo borgar er Sidon hæitir<sup>8</sup> oc til þeirra vatna er hæita Masserephot. oc allt elltv þeir þa a vollo<sup>9</sup> Masphe. oc drapv sva vm siðir hvern mann af þeim mikla her. at eigi dro einn vndan. Nv gerði Josve sem gvð bavð honvm. mæiddi gða<sup>10</sup> dæyddi hæsta heiðingia. enn bravt oc brendi kerrvr þeirra oc vagna.

### Josue brendi borg Asor.

165. Eptir þetta<sup>11</sup> sem Josve sneri<sup>12</sup> apr af þessvm flottarexti. tok hann borg Asor. hon var at fornv hin hæsta hðfvðborg af þessvm ðllvm rikivm. Drapv þeir þar hvern mann vngan oc gamlan sva konrv sem karla oc börn. enn rakv brottv kvikendi oc regntv fe ðllo. lðgvðv siðan elld i oc brendv vpp borgina at kðlldvm kolvm. Ok með sama hgtti eyddi Josve vnhverfuss allar borgir oc bði. kastala oc kavptv. sem hinn dyrligi gvðs þionn Moyses meðan hann lifði hafði boðit honvm. vtan þær borgir er settar vorv a hgvðvm gða hæiðvm. Enn Asor eina af þessvm borgvm er allra var mest oc styrkvzt brendi hannalla

<sup>1</sup>) ope tilf. B    <sup>2</sup>) [ok aeggian, B    <sup>3</sup>) [vgglauss ok vruggr, B    <sup>4</sup>) mgl. B

<sup>5</sup>) tilf. B    <sup>6</sup>) viðr, B    <sup>7</sup>) [mgl. B    <sup>8</sup>) heet, B    <sup>9</sup>) voll, B    <sup>10</sup>) ok, B

<sup>11</sup>) þat, B    <sup>12</sup>) meðr sinn her tilf. B



vpp. Nv at ðilvm monnvvm drepnvvm oc dæyddvm skiptv Gyðingar með ser kvikfe af ðilvm avði þeirra borga sem aðr var giętið. Enn Josve framdi oc fvlgerði alla lvti. sem gvð hafði boðit Moysi enn Moyses Josve. sva at ægi eitt hit minzta læt hann eftir liggia af gvðs boð-orðvm. Nv þa skiott yfir at fara þa vann Josve vndir Jsraels folk alla iorð vpplęgia i svðrætt oc allt riki Gessen oc iafnlęndi til vestr. fiall Jsraels með sinvm vðllvm oc nðckorvm lvt fiallz þess sem er at fara vpp til Seir allt til Baalgath. vm sliettv<sup>1</sup> Libani fram vndir fiall Hermon. alla þa konvnga er þar riktvm sem nv var talt vann Josve með herskap. Miog langan tima striddi Josve við þessa konvnga. oc var sv engi borg gða þioð er sialfkrafa giefiz vpp i hans valld vtan lyðr Evevs er bygdv i<sup>2</sup> Gabaon oc þeim þrimr sinaborgvm<sup>3</sup> er þangat lagv vndir. Enn allar aðrar þioðir feck hann oc vann með bardavgvm. þiat þat var drottins atkvæði. at heiðingar harðnaðv<sup>4</sup> i hiortvm til obbelldiss<sup>5</sup> at beriazt i moti Jsrael. oc þeir skyldi sva falla fyrir þeirra vapnvvm. at þeir veri engrar vegðar verðir. oc sva fyrirferiz þeir vtan alla milldi oc miskvnn sva sem drottinn hafði boðit Moysi. [J þæim tima<sup>6</sup> kom Josve oc drap til davða alla þioð Anachim af fiallbygðvm Ebron oc Dabir oc Anab<sup>7</sup> oc ðilvm fiðllvm Gyðinga landz. enn eyddi oc bravt borgir þeirra. sva at ægi liet hann nockvra eplir þa er kynsmenn Anachim bygdv a iorðv sona Jsraels. vtan i þessvm borgvm Gaza Geth oc Azoto i þeim liet hann lifa nockora ętt kynsmanna Anachim. Hafði Josve nv vvnnit allar borgir oc heroð i Jvdea. er forðvm het Chananea enn ver kðllvm Gyðingaland. oc hafði sigrað i þessvm bardavgvm sem nv var fra sagt vm hrið .ii. konvnga hins fiorda tigar. oc gaf riki þeirra til ęignar Jsraels folki. Liętti þa af fyrirhæltz iorðv fyrst i stað ðilvm vfriði oc orrostvm. oc gaf gvð sinvm lyð frið oc frelsi. For þa allr sa herr i orlofi Josve vt<sup>8</sup> yfir Jordan. sem Moyses hafði þar riki gefit sem fyrir er<sup>9</sup> getið. oc settiz hverr at sinni eign oc hlvtskipti.

Her seger af Chaleph ok landaskipti.

166. Þa er Josve var staddr i Galgala. gengv fyrir hann Gyðingar oc sa maðr er het Chaleph oc var kallaðr Cenezevs. Hann var kominn af ætt Jvde. Þessi Chaleph var æinn af þeim .xii. monnvvm er Moyses hafði sent eftir gvðs boði af æyðimðrk at skynia hvilik veri sv iorð

<sup>1</sup>) slettur, B <sup>2</sup>) tilf. B <sup>3</sup>) [saman borgum, B <sup>4</sup>) harðnade, B <sup>5</sup>) ofhelldiss, B <sup>6</sup>) [þenna tima, B <sup>7</sup>) Onab, B <sup>8</sup>) saal. B; yt, C <sup>9</sup>) var, B

er gvð higt at gefa þeim. Ok fyrir<sup>1</sup> þi at þeir .ii. einir Josve oc Chaleph af þeim .xii. sendimonnum helldo einorð vm goðlæik Gyðingalandz. þa er þeir komu astr i eyðimörkina til svndar við Moysen. þa naðv þeir nv oc at gvðs villia .ii. einir at koma a fyrirheitz iorð af öllum Jsraels lyð. þeim sem i fyrsto for af Egyptalandi með Moyse. Nv sem Chaleph kom fyrir Josve. segir hann sva. Eigi hygg ek þer vkvnnikt vera hvat sialfr gvð talaði við sinn þion Moysen af okri i Chadesbarne. þeim stað er sva heitir. þa var ek fertogr at alldri segir hann. er Moyses sendi mik af Chades at skoða oc skynia giezko oc goðlæik landz þessa. oc barvm við honvm þat sem ockr syndiz sannendi. enn aðrir þeir sem voru ockrir selagar i þeirri ferð reitv hvgi oc hiorv lyðsins. oc ecki því siðr fylgða ek sannleik fyrir gvði minvm. Ok a þeim degi sagði sva Moyses oc sor. Sv iorð er þv Chaleph komt a fæti framarst skal vera þin æign oc þinna sona at eylifv. Nv hefir drottinn gvð sem hann hgt Moysi lieð mer lifdaga allt higt til. halfan fimta tðg ara siþan ek var sendr til landzins at niosna. sva at nv halfnirðr em ek i engi stað aflaminni til bardaga gða vhræssari til gavngv enn i dag enn þa var ek. Nv bið ek at þv gefir mer til eignar. sem drottinn het at þer ahæyranda. þessa siallbygð oc þessar hinar<sup>2</sup> sterkv borgir. er aðr byggir hæðin þioð Enachimen. ef ek giet þer með gvðs fvltingi vunnit vndir mik. sem drottinn hefir mer hætið. Josve blezaði hann oc gaf honvm til eignar Ebron sem hann beiddiz. oc er þat riki æ siþan eign Chaleph oc hans ættmanna. þat hann hellt gvðs drottins boðorð i alla staði. Ebron var fyrr kallvð Carialharbe. þar var iarðaðr enn mikli Enachim. hinn mesti maðr er verit hefir a iarðriki. oc hinn fyrsti faðir Adam.

---

Josue skipte lande sem gud baud honum.

167. Josve gerðiz alldri orpinn.<sup>3</sup> talaði þa drottinn til hans a þessa lund. þv hefir lengi lifat oc geriz nv gamall miog. enn þat er harða viðt land er þer haft vunnit vndir yðr. siþan þer komvð higt yfir Jordan a fyrirhæitz iorð. Nv er allri þessi iorðv vskipt segir drottinn. sem þer haft eignazt þessvm megin arinnar. fyrir þi kalla þv saman allt Jsraels folk. oc skaltv hlvtskipta iorðv þessi með halfvm [tivnda kynþætti<sup>4</sup> sona Jsraels. Josve giðrði sem gvð bavð honvm. at allri iorðv fyrir vestan Jordan skipti Josve vndir hlvti. oc með honvm Eleazar kennimaðr oc allir hinir hæstv<sup>5</sup> höfðingiar Gyðinga.

<sup>1</sup>) af, B   <sup>2</sup>) hinu, B   <sup>3</sup>) vorpinn, B   <sup>4</sup>) [ðu hundrade, B   <sup>5</sup>) æzstu, B

með halfri tivndv ætt Jsraels. þat er með kynsmonnvm Jvde oc Effraim oc halfv kyni Manase. með sonvm Simeon oc Neptalim. Benjamin oc Zablon. Ysachar Asser oc Dán. enn kynsmonnvm<sup>1</sup> Josephs skiptv þeir<sup>2</sup> i tver ættir Manase oc Effraim. Nv. skiptv þeir allri iorðv vndir hlvti. Tok þa hverr þessi kynþattr slikar iarðir oc æignir sem hlutr bar til handa. Enn sonvm Levi oc þeirra ættmonnvm skiptv þeir engri iarðar eign vtan gafv þeim borgir at byggia með ser i öllum kynþattvm sona Jsraels. Þetta iarðarskipti gerði Josve oc Eleazar kennimaðr oc höfðingiar Gyðinga i þeim stað er Sylo heitir a sliettvm velli fyrir tialldbvðar dyrvm sattmáls<sup>3</sup> drottins eftir hans boði. Enn þi var ættmonnvm Levi engri iorð skipt til eignar gða erfðar. at sialfr gvð drottinn er þeirra eign oc erfð. þiat hann valði þa þinkannliga til sinnar hælagra þionostv. sem segir i sðgv Moysi. Ok þi var þeirra eign allt ofr<sup>4</sup> oc fornir i lavgmals tialldbvð oc allt þat er gvði var gefið. þat var allz .xl. borga oc .ii. er Gyðingar gafv Levitis til byggðar með ser i sierhverio hlvtskipti.

#### Gyðingar gafu Josue Tha(m)nak.

168. Eptir þat er hlvtskipt var allri iorð með Jsraels folki. gafv Gyðingar sem gvð hafði boðit Josve til eignar borg þa er hann bæiddiz er het Thamnach i ríki Saraa a fialli Effraym. Smiðaði Josve þa borg vpp oc efði oc byggði þar til davðadags. Hieilt Josve þa frið við allar þioðir oc Gyðingar vmhverfis. þiat engi lyðr þorði þeim motstöðv at veita. helldr hlyddv allir þeirra boði oc banni. þiat þeir þionöðv gvði oc helldo vel hans boðorð vm alla daga Josve oc lengi síðan. meðan margir vorv þeir a lifi. er visso öll stormerki þav er drottinn hafði vnnit fyrir sina þræla Moysen oc Josve. Enn fyrir því villdi gvðlig forsia eigi æyða öllum heiðnvm þioðvm a Jorsalalandi. helldr byggðv nöckvrir hæðingiar með Gyðingvm i hverio hlvtskipti sem síðarr man segia. at þa er Gyðingar hyrfi fra gvði sinvm oc misgiorði i hans aglíti. hefði þeir æ nockvra vvini við at beriazt.

#### Nu andadiz guds maðr Josue.

169. Nv andaz hinn goði gvðs vin Josve. þa hafði hann at alldri .x. ár oc tiræðt hvndrat. Chaleph hafði þa lifað .c. vetra tigrðt. Josve var iarðaðr af Gyðingvm með mikilli hrygð oc grati allz lyðs i sinni eigin borg Thamnach a fialli Effraim. Enn bæin hins agæta Josephs.

<sup>1</sup>) saal. B; kynsmenn; C <sup>2</sup>) tilf. B <sup>3</sup>) ork tilf. B <sup>4</sup>) offr, B

er Jsraelite höfðv flutt af Egyptalandi sem hann bæiddi. grofv þeir i Sichem a akri þeim er Jacob faðir hans hafði keypt af sonvm Emor. favðvr þess mannz er Sichem het oc borgin tok nafn af. fyrir .c. lamba. er þat æ síþan eign æltmanna Josephs. J þann<sup>1</sup> tima andaðiz oc Eleazar kennimaðr son Aarons. oc grofv hann Finees son hans oc aðrir frendr a fialli Effraim i borg þeirri er het Gaab. sv hafði honvm verit gefin til bygðar. Oc lykr her nv sögy Josve hins agæla hertoga Gyðinga.

### Skyring af Josue ok Jericho.<sup>2</sup>

170. Josve er Jesus het ððrv nafni merkir æigi at eins varn herra Jesum Cristum i nafni. helldr iafnvel i framferð oc flæstv athęfi. síþan hann kom<sup>3</sup> yfir Jordan. Borg Jericho er luna þyðiz a latinv merkir verolld þessa. er sva liðr fram sem tvngl. fyrst til avka oc algerfi hefz vpp [ok hreyfiz<sup>4</sup> i farsælligvm lvtvm. a annarri stvndv lægiz hon<sup>5</sup> i gagnstaðligvm hlvtvm til þvrðar oc þrotnanar.<sup>6</sup> Josve sendi .ii. menn i Hiericho. Almattigr gvð sendi i verolldina tvenn lðgmál. þat er Moyses<sup>7</sup> oc hælagt gvðspiall. Konvngv borgar Jericho merkir fiandann. enn Raab portkona hælaga kristni snvna oc valða af hæiðnvm þioðvm. er fyrr var þionostofvll oc vndirorpin sinvm vnnazstvm. þat er mðrgvm dioflvm oc þeirra þionkan. Konvngv Jericho villdi drepa sendimenn Josve. þiat fiandinn fyrir sina limv. þat er fyrir ofsækendr<sup>8</sup> oc villvmenn. kostar alla vega at lemia niðr oc lyta lðgmalit hvartveggia enn drepa oc dæyða þa sem þav<sup>9</sup> varðvæita. Enn Raab tok við sendimonnvm oc varðvæitti i sinv herbergi. oc liet<sup>10</sup> verða vmæidda aptr<sup>11</sup> venda til Josve. þviat heilog kristni sendir<sup>12</sup> aptr til sins drottins predicara hælagra laga. Jordan er þyðiz niðrstignung merkir davða varn. Jsraels lyðr cristinn lyð. fyrirhæltz iorð eylifa sęlo er ollvm er fyrirhæltit<sup>13</sup> eftir davðann. þæim sem aðr hafa gvði trvluga þionat. J yfirferð Jordanar rann hennar inn næðri hlutr til sęvar. enn hinn efri lvtr stoð styrkliga. Sva oc inn næðri hlutr<sup>14</sup> mannzins sekir<sup>15</sup> niðr i davðanvm. þiat likaminn ferr þa i iorð. er af iorðv<sup>16</sup> var skapaðr. Enn hinn efri hlutr mannz er sálin. stendr<sup>17</sup> þa styrk.<sup>18</sup> þiat sva sem hon tekr pryði sina. ferðaz hon þegar til eyflifeiks. Jordan merkir oc hælaga skirn. þiat sva sem Jsraels lyðr geck fram af<sup>19</sup> fyrirhæltz iorð. meðan kennimenn stoðv

<sup>1</sup>) þenna, B    <sup>2</sup>) Her segir af merking Josue, A    <sup>3</sup>) vt tilf. A

<sup>4</sup>) [saal. A, B; hryfiz, C -<sup>6</sup>] [þat ok lytiz, B    <sup>6</sup>) þrotnanar, B; þrotnadar, A

<sup>7</sup>) madr(!), B    <sup>8</sup>) ofsækendr, A    <sup>9</sup>) villdu tilf. A    <sup>10</sup>) þa tilf. B    <sup>11</sup>) at tilf. B

<sup>12</sup>) vendir, A    <sup>13</sup>) fyrirheitin, A    <sup>14</sup>) luti, B    <sup>15</sup>) sęker, B    <sup>16</sup>) henni, A

<sup>17</sup>) sáalin tilf. B    <sup>18</sup>) styrkt, B    <sup>19</sup>) a, B

i farvæg Jordanar. slikt it sama cristinn lýðr gengr inn i gleði oc sagnat hins eylista lífs fyrir skirnarþionosto kennimanna. Steinar þeir .xii. er Jsraelite toko<sup>1</sup> or Jordan merkia styrklæk postoligrar trvar. þa tokvm ver .xii. steina or Jordan. er ver holldvm i hvgskoti postoliga trv oc lavgligan lifnað. Paskahalld þat er Gyðingar helldo. þa er þeir vorv yfirkomnir Jordan. merkir rétt paschahalld oc sanna sæfing hins goða gvðs lambs. þat er varr herra Jesus Cristr. Saltmalsörkin merkir varnn herra Jesum Cristum. þiat i örkinni vorv varðvæittar .ii. taðyle lavgmals Moysi. er merkia spekt oc vitzkv. oc manna er merkir miskvnn. oc vavndr Aarons er merkir rettlæti. Sva hirðiz i varvm herra Jesu Cristo ðll avðefi vitrv oc visdoms. af þeim lærir hann oss til sannleiks kynningar. J honvm varðvæitiz oc andlig miskvnn. með þeirri sæðir hann oss. oc sva réttlæti er hann styrkir oss með. Órkin var borin .viii. daga vm Hiericho. Kristr er nv boðaðr i hæiminvm allt til enda þessar veralldar. er vm velltiz a .vii. vikv dagvm. Enn bvrðarmenn þessar arkar ero postolar oc predicarar. Af þeim er þetta ritað. Hliomr þeirra for vm allan hæim oc orð þeirra a hvern vt-skaga. Eirligir lvðrar merkia styrkia oc vyfirstiganliga predicanar ravksemd. þessa lvðra hallda þeir með havndvm sem þa þæyta. þa er helgir predicarar fylla þat i verki er þeir hlioða i orði. Veggir Hiericho merkia fornspekinga læring gða enn helldr skvrðgoða blotskap. er eflr var oc vppræistr vmhverfiss heiminn. Allir menn Hiericho borgar vorv drepnir oc dæyddir. þiat þeir menn sem þiona þessa heims systvm oafalliga manv fyrirdðmaz at eylifo. þessir heiðnir domar hravpvðv fyrir arkar<sup>2</sup> vmlæiding. [þa er forvz<sup>3</sup> fyrir Krist<sup>4</sup> predican hlioðandi vm heiminn. Raab liet koma gvðvefiartavg i glvgg<sup>5</sup> vt. enn hon hafði enndann annan inni hia ser. Sva gerir oc hæilog cristni. at hon megí hialpaz. hon iatar Cristz pisl<sup>6</sup> með mvnni. þa er hon trvir i hiartanv sik læyst hafa fra drapi oc davða oendiligra kvala til eylists rikis. Síþan samtgingdiz hon hðfðingia komnvm af kyni Jvde. þat er varvm herra Jesu Cristo eylistiga rikianda. Borg Hay merkir hæim þenna. enn konvngv hennar vvin allz mannkyns. Konvngv Hay vissi gígi lavnsatir Josve. þiat myrkiar<sup>7</sup> spamanna<sup>8</sup> forspar oc læynd stormerki lðgmals ritninga læyndvz fyrir fiandanvm. sva at hann vissi engan hatt lavsnar varrar. Josve tok til at flyia. oc sik sva<sup>9</sup> synandi yfir myndv<sup>10</sup> verða stiginn af konvngi Hay sigraðiz, hann slægliga a honvm. þiat varr drottinn Jesus Cristr syndi a ser ostyrklæk mann-

<sup>1</sup>) upp tilf. A, B    <sup>2</sup>) arkarinnar, B    <sup>3</sup>) [er þeir foru, B    <sup>4</sup>) Kristz B, A  
<sup>5</sup>) glugga, B    <sup>6</sup>) pisl A, B    <sup>7</sup>) myrkar B, A    <sup>8</sup>) bokr ok þeirra tilf. A  
<sup>9</sup>) mgl. B    <sup>10</sup>) saal. A, B; myndi, C

286. domsins. þa er hann læyfði fiandanum at fræista sin oc hans erendrek-  
 um at sialfvm honvm samvinnanda sik a<sup>1</sup> kross festa oc sigraði litil-  
 lalliga drambsemi<sup>2</sup> diðfvls oc hans vandskap vitrliga. Vpphald skialld-  
 ar Josve merkir vpphald heilagrar trvar. Óldvngar þeir sem voru  
 með Josve oc aðrir bardagamenn merkia postola oc predicara. Borg  
 Hay er brend var. þa er hverr<sup>3</sup> sem æ elskar illt at gera brendr i  
 vslavckanda<sup>4</sup> elldi helvitiss. þa er konvngur Hay drepinn oc hans herr.  
 er gvð tekr fra fianda oc hans arvm allt valld sinvm monnvm mæin  
 at gera. þat er sol stoð. meðan Jesus son Nave barðiz fyrir Jsraels  
 folki oc meðan hans menn eyddv sinvm vvinvm. merkir þat at ræll-  
 lætliss solin setz nu æigi gða hverfr fra varvm hvgskolzavgvm. ef vgr  
 striðvm knaliga moti andligvm illzkvm með himneskv fylltingi vars  
 herra Jesu Cristi. þiat sialfr hann segir sva. Ek em með yðr allt til  
 enda veralldar. At eyddv oc vndirbrotnv riki sinna vvina skipti Jesus  
 son Nave fyrirhæltz iorðv sinvm lyð er sigraz hafði. Sva gerir varr  
 greðari<sup>5</sup> við sina valða menn [at sigraðvm<sup>6</sup> höðvingia heimsins með  
 sinvm svæitvngvm. þat er vhræinvm anda oc hans erendrekvm. þa  
 væitiz hveriom sem einvm fyrst i þessi verolld hælags anda birting  
 til nytsemðar. þiat fyrir þann helgan anda er oðrvm gefin spect. qð-  
 rvm spalæiks andi. qðrvm malsnilld. qðrvm miklar iartegnr. Enn siðan  
 eptir græin giasanna væitiz græin goðra hlvt. [þat er<sup>7</sup> eptir verð-  
 læikvm veitaz ömbvnr i himinrikiss fagnaði vtan enda amen.

### Her byriaz af domendum fyrst af Chalef.<sup>8</sup>

171. Efter andlat Josve læitaði Jsraels lyðr raðs við gvð sva  
 segiandi. Drottinn. hverr skal nu vera varr hertogi oc höðvingi at  
 ganga fyrir oss at<sup>9</sup> hævja bardaga við hæðinn lyð Chananevm. er  
 enn byggir þetta land. Drottinn svaraði. Sa lyðr er kominn er fra  
 Jvda skal vera fyrir herskap. þiat ek gef heiðingia i hans valld. Af  
 nafni Jvda sonar Jacobs ens gamla ero Jvðar kallaðir hans æltmenn.  
 Jacob hinn gamli het avðrv nafni Jsrael. oc er þaðan af kallaðr opti-  
 liga Jsraelite allr Gyðingia lyðr gða Jsrael. sa er kominn er fra hans  
 sonvm .xii. þetta nafn Jsrael gaf sialfr gvð Jacob. þa er hann vitraþiz  
 honvm i Bethel. sem segir i Genesy. Jvðar kallaz<sup>10</sup> nu saman oc gera  
 rað sin. þeir tala sva til æltmanna Symeons. þat er varr vili at ver

<sup>1</sup>) at, B <sup>2</sup>) saal. A, B; drambsemi, C <sup>3</sup>) sa tilf. B <sup>4</sup>) vslökkuanda B;  
 osloknanda, A <sup>5</sup>) herra, A <sup>6</sup>) [er sigraðu, A <sup>7</sup>) [saal. A; þiat B; þiat er, C  
<sup>8</sup>) Overskr. af B; her har ogsaa C Overskr.: Chaleph var gorr domandi;  
 Overskr. mgl. i A <sup>9</sup>) ok A, B <sup>10</sup>) samnaz, A

striðim allir samt a<sup>1</sup> heiðingia. með því moti at þer væitið oss lið at vinna oc frelsa vart ríki. enn síðann ver yðr i yðrv hlvtskipti. Sva gerðv þeir [sem Jvðar mællto<sup>2</sup> oc forv þegar a hendr hēiðingivm. Enn gvð gaf þeim i hēndr hēiðnar þioðir Chananevm oc Ferezevm. J þeim stað er Betzech hēitir svndv þeir einn konvng ríkan oc ramm-an bardagamann er het Adonibezech. slo þar þegar i bardaga oc sneri bratt mannfalli i lið konvngs. oc fiello hēiðingiar er kallaðir vorv Chananei oc Ferezei. enn Jvðar fengv sigr oc drapv i Bezech .x. þvsvndir bravstra dreingia. En Adonibezech flyði or bardaga. Jvðar sotto eptir honvm oc gatv handtekit hann. oc hlvggv framan af fotvm hans oc fingrv. þa mællti hann. Rættlátr er gvð oc gelldr mer nv makliga [þat er ek hefi til vnnit.<sup>3</sup> þiat .lxx.<sup>4</sup> konvnga af mer herteknir at afstyðvm fremstvm kavglvm<sup>5</sup> fota oc fingra hafa samanlesit ser til fæðv mola vndir mino borði. [Síðan flvttv Jvðar hann i Hiervsalems oc þar do hann. Nv settvz Jvðar vm Hiervsalems<sup>6</sup> oc vnnv hana. oc slogv menn<sup>7</sup> sverðvm enn brendo borgina alla. Eptir þat havrþvzt þeir við hēiðinn lyð Chananevm er bygðv i fialldavlv svðr fra borginni oc sigrvðv þa. Síðan forv þeir til motz við Chananevm er bygðv i Ebron. sv borg het fyrr Carcatharbe. þar drapv þeir Sisai Haiman oc Tholmai. þa hðsðingia er sva higtv. Þaðan forv þeir a hendr hēið-ingivm þeim er bygðv Dabir. sv borg var aðr kavllvð at fornv Cariathsepher. þat er at varv mali letgrerða borg. J þenna tíma stíornaði Chaleph er fyrr var gētið Gyðingvm i stað Josve. hans dottir het Axa. Chaleph atti allt ríki i Ebron. sem aðr var sagt. Nv sem Jvðvm væitti erfitt at vinna borgina Dabir. þa mællti Kaleph. þeim manni sem vinnr Dabir oc æyðir hana. skal ek gipta<sup>8</sup> Axam dottvr mina. Othoniel het maðr. hann var son þess mannz er het Cenez. Othoniel var broðvr-son Chaleph. hann vann borgina oc geck síðan at eiga Axam. Ok er þav forv fra brvllavpi<sup>9</sup> oc Kaleph fylgði dottvr sinni a læið. þa minnir Othoniel Axam a. at hon bæiði favðvr sinn gefa ser til eignar einn akr. Hon snyr at feðr sinvm sitiandi a asna sinvm oc andvarpaði miog. Kaleph spvrdi hvat henne vcre. Hon svaraði. Faðir minn gef mer blezan. þv hefir gefit mer þvrra iorð i landsvðri. bið ec at þv gefir mer nv vakva<sup>10</sup> iorð. Hann gaf henne þegar [iorð dagggvaða beð-<sup>11</sup> ofan oc neðan. Chaleph merkir i þessvm stað skaparann sialfan.

287

<sup>1)</sup> við, A <sup>2)</sup> [mgf. A <sup>3)</sup> [min verk, A <sup>4)</sup> .lx., A <sup>5)</sup> kogglum, B <sup>6)</sup> [Allir heiðingiar flydu. enn Judar drapu konung i Jerusalem ok sátu um borgina, A <sup>7)</sup> [hvert mannz barn, A <sup>8)</sup> gefa, A <sup>9)</sup> brúkaupi, B <sup>10)</sup> vokua, B <sup>11)</sup> [vokua iorð, A

enn Axa dottir hans cristins mannz salv. þess er synða iðrazt með viðrkomning hiartans. sem Gregorivs pavi skýrir i dýalogo.

### Judar wnnu borgirnar.

172. Jvðar forv nv sem þeir höfðv heitið með eltmonnvm Simeons oc bavrðvz við hæðingia Chananeos. er bygðv i þeirri borg er Sephath het. oc drapv þann lyð. oc er sv borg síþan kavllöð Horma. þat er bannsett at varo mali. Eptir þat vnnv þeir Gazam oc Askalon oc Accaron með öllum heroðvm oc rikivm þeim er liggia vndir þessar borgir. Oc þiat drottinn var með þeim eignvðvzt þeir allar fiallbygðir oc vpplæg heroð. enn dalbygðir mattv þeir æigi vinna. [þiat heiðingivm vann þar mikinn styrk gnogt<sup>1</sup> hestalið<sup>2</sup> oc bardaga bvnir vagnar með morgvm vigvælv.<sup>3</sup> Nv geck með slikv moti hverr kynþattr sona Jsraels til eiginna iarðar sem hlotnaz hafði oc striddv við hæðingia. Enn þo i hverio hlvtskipti lifðv eflir nockvrrar hæðnar þioðir oc bygðv með Jsraelitis. Enn þa er Gyðingar staðfestuzt i riki. skaltgilldo þeir Kananeos oc gerðv sett við þa oc veittv þeim bygðarlag með ser. Enn þeir hæðingar er Amorrei vorv kallaðir þravngðv sva þi folki er komit var fra Dán a þi fialli er Ares<sup>4</sup> hætit. at æltmenn Dáns naðv með öngv moti at koma niðr a tofno. ok fyrir því bygðv þeir i fiallborgvm<sup>5</sup> þeim er sva heita Achilon oc Salabim. Enn kynsmenn Josephs vrðv hæðingiom harðir viðreignar.<sup>6</sup> þiat gvð var með þeim. þat var þa er þeir gengv til sins hlvtskiptis. at þeir komv i Bethel oc salv vm borg þa er fyrrvm het Lvza. þa sa þeir mann einn ganga fra borginni. þeir meltv við hann. Syn oss ingavngv borgar þessar oc manvm ver gefa þer grið. Hann gerði sva. Vnnv þeir þa borgina oc drapv menn alla. nema þessvm manni gafv þeir frið<sup>7</sup> oc frelsi allri hans ætt oc eign. For hann þa með allt sitt a iorð Achin oc gerði ser þar borg oc kallaði Lvzam. oc sva heitir sv borg enn i dag.

### Drottinn sender eingil sinn til Gyðinga ly(ðs).<sup>8</sup>

173. Nv fyrir þi at Gyðingar höfðv gert sattmal við hæðingia i moti gvðs boði. þa sendir<sup>9</sup> drottinn til þeirra engil sinn i þeim stað er síðan het gralandi manna staðr. Enn engillinn talar sva til þeirra.

<sup>1</sup>) gnott, B <sup>2</sup>) liðs, B <sup>3</sup>) [sakir styrks heiðingia, A <sup>4</sup>) Ores, B <sup>5</sup>) fiallbygðum, B <sup>6</sup>) i horn at taka, A <sup>7</sup>) grid, A <sup>8</sup>) Fra þui er engillinn talaði gvðs eyrendi, A <sup>9</sup>) gud *úlf*. B



Ek em sendr at segia fram þessi orð drottins. Ek leidda yör segir drottinn yðvarr. af Egyptalandi a þa iorð sem ek higt feðrvm yðrvm. oc sagða ek at ek mynda ægi rivfa saltmal mitt við yör at eylifr. oc þo með þeim maldaga<sup>1</sup> at ægi skylldo þer semia<sup>2</sup> saltmal við þessa landz menn. oc þer skylldvt briota hof þeirra oc havrga.<sup>3</sup> Nv villdv þer ægi hæyra rödd mina segir drottinn. fyrir því vil ek ægi æyða hæðingiom gða af ma yðrvm asianvm.<sup>4</sup> til þess at þer hafð æð<sup>5</sup> vvini at beriazt. við. oc þeirra gvðar se yör til lions oc tapanar. þa er engill drottins hafði þessi<sup>6</sup> orð talat fyrir ðllo Jsraels folki. gret allr lyör með mikilli sorg oc sví. Ok heilir þar siþan sytandi manna staðr æða gratandi. oc þar ferðv þeir fornir gvði drottni sinvm.

288.

### Gyðingar gerdu enn vdaader.<sup>7</sup>

174. Sem Josve var davör oc Chaleph oc allir hinir æzsto ðöldvngar Jsraels.<sup>8</sup> þeir sem verit höðv með þeim Moyse oc Josve oc seet þav stormerki sem gvð hafði gert með þeim. oc aðrir risv vpp i þeirra stað. þeir sem ægi visso hveria hlvti gvð giorði við þeirra feðr. þa tokv<sup>9</sup> Gyðingar at gera illzkvr oc vdaðir i avgliti drottins. sva at þeir fyrirlgfv lifanda gvð feðra sinna. er þa hafði leiðt af Egyptalandi. Enn þeir fylgðv falsaðvm gvðvm heiðinna þioða. er byggðv vmhverfis. oc tignaðv skvrðgoð er sva higtv Báal oc Astaroth. oc rættv sva reiði drottins i gegn ser. þar fyrir syndi gvð þeim sina rættvsa ræiði oc gaf þa i valld vandra hermanna. þeirra er þa selldo með<sup>10</sup> verði vvinvm þeirra. er bivggv vmhverfis i þian oc þrældóm. ok mattv þeir ecki viðrnam væita sinvm motstoðvmonnvm. þiat hvert sem þeir villdo fara gða flyia. þa var æ yfir þeim hefndar hönd drottins fyrir þeirra illgerðir. sva at hvervitna vorv þeir akafliga kvalðir. þar til er gvð drottinn sneri til þeirra mivkri miskvnn oc sendi þeim domendr at frelsa þa af fianda<sup>11</sup> yfirgang oc anavð. enn siða oc semia folkit með stilliligri stiorn til hlyðni við almalkan gvð oc dyrðligvm dðmvm sinna fyrri feðra. Enn [þiat þeir villdo ægi miog hlyðnaz þeim domendvm<sup>12</sup> er gvð gaf þeim. þa for sva lengi fram. at þeir lifðv at nockvrv hofi meðan domendr stiornaðv þeim.<sup>13</sup> enn þa iafnan er domandi var davör. vikv þeir aftr af þeim visenda<sup>14</sup> veg. er þeir vorv a

<sup>1</sup>) skilmala, A <sup>2</sup>) gora, A <sup>3</sup>) horga, B; hðrga, A <sup>4</sup>) asionum, B <sup>5</sup>) nðckura tilf. A <sup>6</sup>) þessor, B <sup>7</sup>) Her segir fra illzku Gyðinga, A <sup>8</sup>) hofðingiar, A <sup>9</sup>) enn tilf. A <sup>10</sup>) vidr, B <sup>11</sup>) fiandmanna, B <sup>12</sup>) domandum, B

<sup>13</sup>) [þa er domendr lifðu ok stiornadu þeim. lifðu þeir nockura likt, A <sup>14</sup>) sanninda, A

læiddir. oc gerðv gagnstaðliga hlvti gvðs boðorðvm. sva at vngir menn gerðv þa flæira oc mæira illt. ef þat mgtti. enn þeirra feðr höfðv gert. fylgiandi oc sagnandi gięzskvlavsra goða blotvm heiðinna þioða. oc villdo vist eigi fyrirlata þann [vanda oc hinn vesta<sup>1</sup> veg. er þeir höfðv vaniz at ganga. Ok þar fyrir vðcktv þeir vpp gvðs ræði i gegn ser. at sialfr drottinn segir sva. Fyrir þi at þessi þioð [hefir brigðt oc brvggat<sup>2</sup> satmali minv. er ec samða við feðr þeirra. oc vilia þessir menn ægi hęyra rödd mina.<sup>3</sup> þa man ek nv ægi æyða þeim hæið-nvm þioðvm. sem Josve hefir eftir leift þa er hann andaðiz. at ek mega sva ræyna Jsraelitas. hvart þeir vilia gða eigi ganga þa gativ sem feðr þeirra oc varðvæita vegv mina. Nv ero þessar hæiðnar þioðir þer ær gvð æyddi ægi fyrir Gyðingvm .v. höfðingiar Philistinorvm rikia. allir Chananei. Sidonii oc Evei. er bygdv við fiall er Libanvs hæitir. allt fra fialli Hermon til þess er fram kemr i þat riki er hæitir Emath. Bygdv nv Gyðingar með þessvm þioðvm er sva hæita. Chananei. Elhei. Amorrei. Pherezei. Evei oc Jebusei. oc gengv at æiga dętr þeirra oc<sup>4</sup> giptv þeim sinar dętr. oc glæymðv sva gvði sinvm at þeir þionaðv skilmiligvm<sup>5</sup> skvrðgoðvm Baal oc Astaroth. Oc þi rętti drottinn sinn reiðisprota yfir þa. sva at hann selldi þa i valld konvngi Mesopotamie. er het Cvsanrath. oc þionvðv þeir honvm vndir anavð-aroki .viii. ár. Jsraelite kallaðv þa til gvðs sins. enn hann hęyrði bęnir þeirra oc sendi þeim hialparmann þann er þa frelsti Othoniel broðvrson Chaleph oc mag. sem fyrr var getið. Var með honvm andi drottins oc giorðiz hann domandi yfir Jsrael. Dregr hann nv her sam-an oc ferr at beriaz við Cvsanrath Syrlandz konvng. Giefr gvð heið-ingia i hans valld. sva at hann sigraz i þeirri orrostv oc drepr kon-vnginn. Höfðv þa Gyðingar goðan frið oc frelsi meðan hann lifði. Otho-niel var domandi yfir Gyðingvm<sup>6</sup> .xl. ára oc andaðiz siðan.

Her seger fra Eglon konungi ok þui er Aoth drap hann.<sup>7</sup>

175. Þa er andaðr var Othoniel. avkaðv Gyðingar illgiorðir i avgliti drottins. fyrir því vacti hann vpp i mot þeim Eglon konvng þeirra þioða er Moabite hæita. Komo til liðs með honvm þeir menn er<sup>8</sup> kallaðir vorv synir Amons oc sa lyðr er het Amalech. For Eglon konvngr með vvigian her a hendr þeim Gyðingvm oc barðiz við þa. oc vann i fyrsto borg þa af þeim er hæitir Palmaria oc eignaðiz. Siþ-

<sup>1</sup>) [versta, B <sup>2</sup>) brugdit, B <sup>3</sup>) [vill eigi hęyra rödd mina ok geyma boðord min sem fedr þeirra, A <sup>4</sup>) enn, A, B <sup>5</sup>) skelmilegum, B; mgl. A <sup>6</sup>) her beg. Fragn. VII. <sup>7</sup>) Er Aoth drap Eglon, A <sup>8</sup>) tilf. A, B

an lagði hann vndir sik allan Jsraels lyð. sva at Jsraelite vorv lyð-  
skylldir vndir Eglon konvng af ríki Moab oc þionoðv honvm .xviii.  
ár. þa kallaðv Gyðingar enn til gvðs drottins sins. Enn hann leit  
þegar miskvnnar. avgvm a þa oc ræisti þeim vpp agetan höfðingia.  
þann er þeim hialpaði. Sa er nefndr Aoth. hans faðir het Gera son  
Gemini. Aoth vorv iafnbvnr baðar hendr til bardaga. Jsraelite bæiddv  
Aoth fara oc fera Egloni konvngi gíaftr þer er þeir sendo honvm.  
Aoth iataði sendifavrinni. Enn aðr hann byggiz heiman. smiðaði hann  
ser sax eineggiað. oc a miðiv saxinv hialt gða fornám þvers losa langt.  
þesso vapni gyrðir hann sik vndir yfirhofn a hægri hlið. Síþan ferr  
hann oc fram kemr i ríki Moab oc ferir gíafarnar Egloni konvngi.  
Eglon var mikill maðr oc vmatvliga<sup>1</sup> fæitr oc digr fra þi sem flestir  
menn aðrir. Nv sem Aoth hafði ofrat<sup>2</sup> konvngi giðfvm þeim er sendar  
vorv. sneri hann þegar brottv með sina felaga oc fðrvnæyti. Ok er  
hann var kominn fram vm Galgala. þar attv hæðingiar hof stor. þa  
mælti hann til sinna manna. Farit nv fram a veginn til þess staðar  
er heitir Serath oc biðit min þar. þiat ec a erendi aptr til konvngs.  
Oc er hann kom fyrir Eglon.<sup>3</sup> segir hann sva til hans. Ek hefi gitt  
læyndareyrindi til þin konvngr. Enn hann bavð þegar sinvm monnvvm  
at gefa hlíoð til oc naðir. Dreif þa vt or herbergino allt folk. sva at  
konvngr sat einn eftir i lophvsi agætv. er hann atti oc var vanr at  
hafa fyrir svmarherbergi.<sup>4</sup> þa geck Aoth at honvm oc mælti. Mins  
drottins orð oc erendi hefi ek þer at bera. Konvngr spratt vpp skiott  
af stólinvm. er hann hafði setið á. En Aoth drap sinni vinstri hendi  
a sina hegri siðv oc bra saxinu gða mækinvm hart oc titt oc lagði  
framan i kvið konvngi sva mattvliga. at þegar geck vpp yfir hialltið.  
oc ægi tok hann saxit or sarino. þviat fornarnit hafði fest i istrvnni.  
bratt hann þa fra ser ðllo saman. ok við davðann sprændi fram savrr-  
inn nattvrvliga af læyni kviðarins. Aoth lokar oc lęsir nv innan lopt-  
hvsit sem vanddligazt. gengr siðan ofan vm riðit i vndirskemmvna oc  
þar vt. Enn er konvngs menn koma at lophvís dyrvnm<sup>5</sup> vtan oc sa  
at læst var. ætlvðv þeir i fyrstv. at konvngr þeirra myndi ganga eyr-  
na<sup>6</sup> sinna oc hafa þvi byrgt hvsit. Stóðv þeir þar sva lengi at þeim  
læiddiz. oc vndra hvi ægi var vpp lokit. læita nv inn vm siðir i vnd-  
irhvsit oc sva vpp i loptið. finna þar sinn herra liggia davðan a golf-  
ino. Enn vegandinn var allr i brottv. þiat meðan þeir stallraðv<sup>7</sup> vti

<sup>1</sup>) [vmattvlega A, B; maattulega, Fragm. <sup>2</sup>) ofrat A, B <sup>3</sup>) konung tilf. B

<sup>4</sup>) synarherbergi(!) B, Fragm. <sup>5</sup>) durunum, A <sup>6</sup>) saal. ogsaa A; heimolega  
(brna tilf. B); B, Fragm. <sup>7</sup>) stodu, A

fyrir dyrvum. þá flyði Aoth fram vm blothvsin<sup>1</sup> ok kom i Serath til sinna manna. ok liet iamnskiott kveða við lvðra a fialli Effraim. Drifa þa Gyðingar at honvm. þeir er næstir vorv. oc sēkia sva ofan af fiallinv. at hann var sialfr i ferðar broddi oc eggiaði sina menn sva segiandi. Fylgið mer dreingiliga. þviat drottinn er með oss. oc hefir gvð nv gefit vara vvini alla Moabitas i vart völd. þeir forv fyrst oc toko alla vegu oc vavð a Jordan. er lagv til rikis Moab. sva at þeir lietv engan mann af Moabitis yfir komaz ana. oc drapv af þeim i því sinni .x. þvsvndir. alla þa er hravstaztir vorv oc aflamestir. sva at engir<sup>2</sup> af þeirra kenpvm<sup>3</sup> komvz<sup>4</sup> vndan. oc a þeima degi lægði sik lyðr Moab vndir Jsraelitas. Friðaðiz þa enn oc lietti bardaganvm fyrst i stað. Hinn agiæti Aoth dömði Jsraels lyð .lxxx. ara. eptir því sem segir Ymago mvndi. þat segir oc sv sama bok. at a hans dagvym varð sa hinn mikli bardagi við Gabaon. er striddvz<sup>5</sup> sialfr Gyðingar. þviat kynsmenn Benjamin vættv lið Gabaonitis. þviat þeir vorv i þeirra hlvt-skipti oc þeim lyðskylldir.<sup>6</sup> enn i mot striddv allar aðrar ættir Jsraels. Enn tilgang þessar orrustv segir sva Specvlvm ecclesie oc enn fleiri bðkr.

#### Af bardaga Gabaons manna.<sup>7</sup>

176. Einn vngr maðr af ætt Levi feck ser hvsfrv af borg Bethleem oc flytr hana hæim með ser til sinnar fostriarðar oc savðvrlæilðar. Enn litlo siðarr fylgir hann henne heim i Bethléém. þiat hann villdi hana eina lata. Enn frendr hennar toko inn vnga mann oc lietv engan kost a at þav skilði. Ok með þeirra aeggian oc atfylgio með sinni frendkono settaz þav enn oc samvægja. flvtti hann hana þa enn<sup>8</sup> avðrv sinni með ser til sinnar ætliarðar. Enn sva berr<sup>9</sup> til ferð hans. at vm farinn veg snyr hann i borg Gabaon til gistingar. A þeirrisamo nott samnaz saman æskomenn borgarinnar. taka konv hins tilkomna oc ofþravngva henne sva miog til savrlifnaðar samlags. at þeir ganga af henne davðri. Sem gestr riss vpp arla.<sup>10</sup> tekr hann lik konv sinnar oc skiptir i svndr i .xii. stycki. sendir siþan sinn lvt hverri ætt .xii. sona Jsraels. at af gvðligv vandlæti skyldi þeir sem skiotaz saman samnaz oc hefna<sup>11</sup> með rettlætiss striðv<sup>12</sup> laganna sva vhaeyriligan osoma. Nv seni .xii. [ættvm Jsraels<sup>13</sup> koma þessar sendingar.<sup>14</sup> bregða

<sup>1)</sup> *saal. rettet*; lophvsin, C; lophusit A; blothus.iii., B; blothofin.iii., *Fragm.*

<sup>2)</sup> eingin, B, A <sup>3)</sup> kempum A, B <sup>4)</sup> komz, A <sup>5)</sup> a tilf. B, A <sup>6)</sup> lyðskylldugir, B <sup>7)</sup> Fra borgarmonnum i Gabaon, A <sup>8)</sup> heim tilf. B, *Fragm.* <sup>9)</sup> her ender *Fragm.* VII. <sup>10)</sup> vm morginn tilf. A <sup>11)</sup> hegna, B

<sup>12)</sup> *saal. ogs.* B, A <sup>13)</sup> [saal. A, B; Jsrael, C <sup>14)</sup> orðsendingar A, B

þeir þegar við. oc koma allir i cinn stað með sinn her. senda síþan boð borgarmonnvm i Gabaon. at þeir skyldi fram selia til hægingar hefiligrar þa vando vikinga. sem framit höfðv þenna gvdækiliga<sup>1</sup> glæp. enn þeir næitaðv. Nv fyrir þi at ættmenn Beniamin attv valld yfir Gabaon. þa flvtvz<sup>2</sup> saman allir Beniaminite oc gengv i lið til verndar Gabaon<sup>3</sup> með borgarmonnvm. Nv kemr allr herr<sup>4</sup> at borginni. setiaz vmhverfis oc sækia a hana með bardaga. Enn því at borgin var styrk. en Gabaonite<sup>5</sup> allra manna freknastir oc vapnfimazstv.<sup>6</sup> sem fyrr er<sup>7</sup> ritað. sva at hveriom manni vorv þar baðar hendr iafnar<sup>8</sup> at beriaz með. þa geck þeim litt atsoknin.<sup>9</sup> sva at Jsraelite lietv af sinvm her .xl. þvsvnda enn gatv þo ægi vvnit borgina. Oc nv er þeim fellr sva erfiðliga. hera þeir rað sin saman. oc kemr þat vpp. at þeir setia lavnsatir vm<sup>10</sup> borgina af sinvm monnvm. Estir þat hvaz hvarirtveggio borgarmenn oc þeir er til sekia til bardaga at vanda. ok þegar er soknin tekz leggjr Jsraels lyðr a flotta oc teygia Gabaonitas sva slægliga fra borginni. snerv síþan a moti þeim. enn hinir<sup>11</sup> i opna skioldo er i lavnsatinni vorv. oc drapv af þeim .xx. þvsvndir. en fair menn forðaðv hanann. Estir þat ganga þeir i borgina er sigraz höfðv oc slogv sverði alla karlmenn eyddv<sup>12</sup> elldi konvm ok börnvm. sva at graðvgr logi liek oc brendi borgina alla. oc allt herað vmhverfis eyddv þeir með elldi oc vapnvm. sva at þeir drapv oc dæyddv beði karla oc konvr. þa var þar sem van var<sup>13</sup> hinn mesti gratr. sva at víða oc langt i loft vpp hæyrðiz þessi þytr. er synir Rachel vorv gratnir<sup>14</sup> vtan hvggan. þiat fair svndvz þeir er estir lifði<sup>15</sup> af ætt Beniamin sonar Rachel. Segir sva Ymago mvndi at i þessv striði fiellv af Jsrael .xl. þvsvnda sem aðr var sagt enn af Beniamin .xxv. þvsvndir oc .c. karlmanna. Gliking<sup>16</sup> þessar sögv tekr til dæmis miklo siðarr hinn agiæti Jeremias spamaðr. oc segir fyrir at þvílíka hlvti myndi þola af Babilons monnvm Hiervsalem oc<sup>17</sup> ætt Jvde. er var son Lie systvr Rachel. þat geck skiott estir sem spamaðrinn hafði sagt. með þeima alþvrd at Babilons menn settvz vm Hiervsalem með miklvm herskap. gatv vvnit borgina oc brtv alla. enn æyddv ætt Jvða með eggiv oc elldi enn herlæiddv þat folk er þeir drapv ægi. Enn síþan var Babilon niðr brotin af Ciro oc Dario. Enn þessi allri liking oc forspa vikr gvðspiallannaðrinn til ofsoknar<sup>18</sup> hæligrar kristni. er til tok i

<sup>1</sup>) saal. ogs. A, B; *dog har en ny Haand i A skrevet o over og saal. rettet Ordet til ogudrækiliga.* <sup>2</sup>) flyktvz, B <sup>3</sup>) mgl. A <sup>4</sup>) herrinn, B <sup>5</sup>) voru tilf. A <sup>6</sup>) vapnfimaztir, A, B <sup>7</sup>) var, A, B <sup>8</sup>) til tilf. A <sup>9</sup>) at sognum(!), B <sup>10</sup>) vidr, B <sup>11</sup>) komu tilf. A <sup>12</sup>) með tilf. A <sup>13</sup>) at tilf. B <sup>14</sup>) grætter, B <sup>15</sup>) lifdu, A <sup>16</sup>) Likingh, A, B <sup>17</sup>) af B; or A; at oprindelig i C, men dette er underprikket og oc skrevet over. <sup>18</sup>) afsakanar(!), B

barna drapi vndir Herode enn lyctaz vndir Anticristo sem sv bok skyr-  
ir er haitir Specvlym ecclesie.

### Fra Samgar domanda.

177. Samgar er maðr nefndr. hans faðir het Anath.<sup>1</sup> Samgar var havðingi yfir Jsraels lyð næst eftir Aoth. Sva er sagt af honvm. at hann drap af heiðingvum Philistim er agang væltiv Gyðingvm .vi. hyndrat manna með æinv arðriarni. Þi er ristill haitir. oc varði sva lyð gvðs oc læysti vndan þeirra valldi. Samgar var .x. ár domandi yfir Jsrael. Þat er oc vitanda. at sva sem Josve merkir varn drottin Jesum Cristvm. slict hit sama merkia Othoniel oc Aoth oc aðrir eñirkomendr Josve helga postola oc aðra eptirkomendr Kristz lærendr ok stiorndr heilagrar kristni.

### Hertugi Sisara þraungdi Gyðingum .xx. aar.<sup>2</sup>

178. Jsraels lyðr framði enn illifnað<sup>3</sup> oc vnyta atferð i avgliti drottins eptir andlat hins agiæta Aoth. oc því gaf gvð Gyðinga<sup>4</sup> vndir valld þess konvngs er næfndr er Jabin. Hann helt riki yfir þeim hæðnvum [þioðvm oc<sup>5</sup> lyð er kallaðr var<sup>6</sup> Chanáán. oc hafði atselv i þeirri borg er heitir Asor. Enn fyrir herliði Jabins konvngs riefð einn hertogi er het Sisara. hann bygði þann stað er kallaðr var Aroseth heiðinna þioða. Þessi hertogi Sisara þravngði akaliga Gyðingvm .xx. ár i samt. þiat með ðörvm miklum herskap vvvnv honvm mestan styrk iarnaðir vagnar oc kerrvr bardaga bynar. er hann hafði .ix. hyndrat kallaði þa enn Jsraels lyðr til drottins.

### Barak ok Delbora fara mot Sisara.<sup>7</sup>

179. J þann tíma var yfir Jsraels folki einn<sup>8</sup> spakona er het Delbora. hon var þa eckia. þiat bondi hennar var andaðr<sup>9</sup> er het Lapidoch. Hon hafði atsetv i<sup>10</sup> fialli Effraim vndir einvm palmviðar skogi. er kallaðr var af hennar nafni Delbora. Þat er milli þeirra staða er annarr haitir Rama en annarr Bethel. Ok hvat sem at barsk<sup>11</sup> með

<sup>1</sup>) Anoth, A <sup>2</sup>) Fra þui er Jabin þrongði Gyðingum, A <sup>3</sup>) ill lifnat, B; illen lifnat, A <sup>4</sup>) þa tilf. B <sup>5</sup>) [mgl. B <sup>6</sup>) [þioðvm er kalladar voru, A <sup>7</sup>) Fra Delbora spakono capitulum, A <sup>8</sup>) saal. ogs. B; ein, A <sup>9</sup>) daudr, B <sup>10</sup>) a, B <sup>11</sup>) barsk, A, B

Gyðingvm. þa komv þeir til hennar. þiat hon dœmði doma alla. Delbora sendir nv menn sina oc boðar til sin þeim manni er nefndr er Barach. son þess mannz er het Abinoem af þeim stað er het Cades i hlvtskipti Neptalim. þa er Barach kom. mællti Delbora til hans. Drottinn gvð Jsraels byðr þer Barach sva segiandi. Far oc flyt hvalliga her<sup>1</sup> a fiall þat er Thabor heitir. þv skalt hafa með þer .x. þvsvndir bardagamanna af sonvni Neptalim oc Zabulon. enn ek man segir gvð drottinn leiða til þin viðr fors Cison Sisaram hersshðfðingia Jabin konvngs. kerrvr hans flocca oc siolmenni man oc selia i þinar hendr. Sem Barach hæyrði þetta. mællti hann við Delboram. Fara man ek moti Sisara. ef þv ferr með mer. enn ef þv vill þat æigi. þa man ek fara hvergi. Delbora svarar. Senniliga skal ek fara. Enn þo fyrir þat er þv þrekar<sup>2</sup> mik til þessar ferðar. þa man æigi metaz þer þessi sigr sem faz man i ferð þessi. helldr man nv Sisara verða selldr i konv hendr. Nv byr sik Delbora oc ferr með Barach fyrst i Cades. heimtir Barach þa til sin Zabylons ættmenn<sup>3</sup> oc Neptalims. oc velr af þeim .x. þvsvndir bardagamanna. ferr síþan með þat lið oc hafði i för með ser Delboram.

272

#### Fra drape Sisara medr nagla.<sup>4</sup>

180. Maðr er nefndr Aber. hann var einn af þeim monnvum er Cinei vorv kallaðir<sup>5</sup> synir Ohab mágs Moysi. Cinei hðfðv gengit til landz með ættmonnvum Jvde. oc tekit ser bygd i þeirra hlvtskipti. Aber hafði þa snvit<sup>6</sup> fra Jvðvm<sup>7</sup> frendvm sinvm oc sett sinn hvstað i afdal þeim er heitir Sennim skamt fra borg þeirri er Cades heitir. Nv sem Sisara hðfðingi hæiðingia frettir at Barach var kominn með her a fiall Thabor. þa byr hann sinar iarnvarðar<sup>8</sup> kerrvr .dcccc. oc dregr saman allan [sinn afla<sup>9</sup> af riki Aroseth. oc flytr til fors Cison oc setr þar sinar herbvðir. þa mællti Delbora spakona. Ris þv nv vpp Barach. þiat nv er sa dagr kominn er drottinn man selia Sisaram i þinar hendr. þiat þinn læiðtogi er lifandi gvð. Barach bio sik skiolt oc for ofan af fialli<sup>10</sup> Thabor með .x. þvsvndir hermanna til motz við Sisaram. Enn gvð drottinn slo sva mikilli hrððzlo Sisaram oc hans her enn mikla. þegar er þeir sa vapn Barach oc hans manna a lopti. at allr mvgrinn heiðingia [sneri baki við vapnvum þeirra oc villdi engi vera þeim næstr.<sup>11</sup> Enn sialfr Sisara varð sva hræddr. at hann hliop

<sup>1</sup>) herinn, B <sup>2</sup>) þrekar, B <sup>3</sup>) ætt, B <sup>4</sup>) Her segir fra Barach oc Gyðingum. capitulum, A <sup>5</sup>) Cinei voru tilf. B, A <sup>6</sup>) snvit, A <sup>7</sup>) rikum, B <sup>8</sup>) iarnaðar, B <sup>9</sup>) [her sinn, B <sup>10</sup>) fiallinn, B <sup>11</sup>) [flydi, A

or kerro sinni oc flyði a sæli. Barach oc hans menn rakv flottann oc fylgðv flottamonnv. rakv hesta lið oc allan herinn allt til Aroselh. lieltv æigi fyrr enn drepinn var drivgv. sa allr fioldi hæðingia. Enn sialfr Sisara höðingi hersins lietti eigi fyrr flotta enn hann kom at því herbergi er sv kona reð fyrir er het Jabel gða Jael. hon var hvsfrv Aber Cenei. er aðr var nefndr. Enn friðr oc felagskapr hinn kerazsti var með konvngi Jabin af Asor oc Aber oc hans svæitvngv. Þegar sem Sisara gengr at herbergino. gengr Jabel vt a mot honv. Þiat Aber bondi hennar var æigi hæima. Hon fagnaði Sisara oc mælti. Minn herra gack inn i mitt herbergi. [gack inn<sup>1</sup> oc ottaz ecki. Hann [geck inn<sup>2</sup> oc lagðiz niðr. enn hon bræiddi a hann [skickiv sina<sup>3</sup> oc fal hann sva. Hann mælti. Bið ek min kera. at þv giefr mer valn at drecka. Þviat mik þyrstir inio. Hon for skiott oc rendi miolk af einvm legli oc gaf honvm at drecka. Siþan hvldi hon hann enn með mðtli sinvm sem aðr. Þa mælti Sisara til hennar. Far þv nv oc slatt við herbergiss dyrr. oc ef nockorr kemr [sa er<sup>4</sup> spyr hvat manna her se inni. seg þv at ecki se. Sisara sofnar nv skiott oc fast. Enn Jabel-tok byðarnagla sinn gða lokv oc einn hamar. geck inn hlið-liga þar at sem Sisara la. hon lietti af höfði honvm mðtlinvm. setti naglann a hans þvnnvanga<sup>5</sup> þann er vpp horsði. slo siðan [a hamr-invm<sup>6</sup> sva hart. at i gegnv geck [heilann oc havisinn<sup>7</sup> oc i iorðv nam stað. Var nv allt senn<sup>8</sup> at hann vaknaði oc liet lifit. Barach æptir lætandi Sisaram kom þar litlo siðarr. Enn Jabel vt gengin i mot honvm segir sva. Kom her Barach. ek man syna þer þann mann er þv læitar. Sem hann var inn kominn. sa hann þar Sisaram liggia dæðan. Nv lægði gvð drottinn Jabin konvng Chanaan vpp fra þeima degi fyrir Gyðingvm. Enn þeirra afli ox dag fra degi. sva at með harðri hendi þravngðv þeir honvm þar til er at lyctvm cyddv þeir hans afli ðllvm enn drapv sialfan hann. A þeim degi svngv þav Delbora oc Barach lof drottni oc þackoðv gvði sigr sinn oc þann frið oc farsælo er hann væitti þa Gyðingvm. J þeim halæita lofsavngi ravctv þav framm af gift heilags anda margar fagrlicar forspár gvði til dyrðar oc hans heilagri efirkomandi kristni til sömðar. enn til asakan-ar envm siðarrvm Gyðingvm oc avðrvm þeim er heiminn elska oc of fast fylgia siandans teygingvm oc fyrir þat letiaz oc afrekiar gvði at þionn.

<sup>1)</sup> [mgl. B <sup>2)</sup> [gerdi sua, A <sup>3)</sup> [mðttul sinn, A <sup>4)</sup> [ok, A <sup>5)</sup> kinuvanga, B

<sup>6)</sup> [hamrinum ofan aa naglann, A <sup>7)</sup> [hausinn ok heilann, B <sup>8)</sup> i senn, B



Capitulum af huerium þyðiz.<sup>1</sup>

273.

181. Delbora er at varv mali þyðiz malsnilld merkir sagrliga fyriravgv ovorðinna hlvtu er frammi flvttv helgir spamenn. Barach er þyðiz blik gða brianda<sup>2</sup> merkir Gyðinga lyð þann er litt birtiz i goðvm síðvm [gða hlvtvm. helldr sva sem nockvt blik eða favlunar<sup>3</sup> briandi.<sup>4</sup> Sisara merkir sialfan fiandann. enn Jabel helga cristni saman samnaða af heiðnvni þioðvm. Nv var enn Gyðingvm goðr friðr æ<sup>5</sup> meðan Delbora dæmði Jsraels lyð oc Barach stiornaði með henni.

Fra striði vpp aa Gyðinga lyð.<sup>6</sup>

182. Þa er hin agiæta kona Delbora var dævd. villtiz skiott Gyðinga lyðr [a villistigha fra þeirre gudlegre gotu sem hon hafde þeim a visal.<sup>7</sup> giorðv þeir nv sem fyrr illa hlvti i avgliti drottins. Þvi gaf gvð þa i hendr heiðingvm þeim er hæita Madianite .vii. ár i samt. sva at þeir vorv af hæiðingvm harðla miog þravngðir oc þiaðir. Enn Gyðingar hivggv ser hella i biorgvm oc síðllvm oc bioggv sem þeir mattv ðll sin vigi til verndar. Nv sem ner allr Jsraels lyðr stirðnaði oc stærðiz moti gvði með grimmvm glæpvm<sup>8</sup>. Þa samnaðvz saman Madian oc Amalech oc margar aðrar avstrhalsv þioðir. sva mikill mannsíoldi sem my veri. með vtalligvm vlfallda her oc hesta liði. gta allir með alla oc herskap a hendr Gyðingvm. oc hvar sem þeir komo gða slogv sinvm landiðllðvm. Þa æyddv þeir ðllv [þvi er graskyns var<sup>9</sup> allt avstan til Gaze borgar. oc með ðllo ecki lietv þeir eptir af Jsraels folki at þeir dræpi eigi þat er [lifs var.<sup>10</sup> æigi navt. æigi savði. æigi asna. gða avnnvr kvikendi.<sup>11</sup> Sva eyddv þeir alla iorð. at allt var svart sem sviðit veri eptir þar er þeir foro. þiat þeir flvttv með ser allar sinar hiarðir oc herbvðir. Tok nv fyrir þvi miog lagt at lvðra Jsraels lyðr i asianv<sup>12</sup> Madian. kallaðv þa allir Gyðingar til drottins oc baðv hann væita ser fvlting moti Madianitis. Drottinn hæyrði kall<sup>13</sup> þeirra oc sendi þeim einn spamann. þann er sva mælti. Þessa hlvti segir drottinn gvð Jsraels. Ek liet yðr leiðaz af Egiptalandi oc frelsta oc yðr af þian oc þreldomi oc vndan vandv valldi Egipta oc allra annarra vvina þeirra er yðr kvalðv. enn ek gaf þa vndir yðvart valld oc vapn oc þeirra iorð yðr til eignar oc sagða

<sup>1</sup>) Af nafna þyðing, A <sup>2</sup>) briandi, A <sup>3</sup>) folnar, B <sup>4</sup>) [mgl. A <sup>5</sup>) .xl. aara, B, A <sup>6</sup>) saal. A; Overskriften kan ikke sees i B <sup>7</sup>) [tilf. B <sup>8</sup>) [ok striddu meðr glæpum moti gudi. Þa selldi gud þa i hendr heidingum Madianite .vii. ár i samt i þian ck þrekan, A <sup>9</sup>) [grasi, A <sup>10</sup>) [lif var meðr, B <sup>11</sup>) [kuikt var, A <sup>12</sup>) asionv, B <sup>13</sup>) hænir, A

ek sva. Ek em drottinn gvð yðarr. eigi skvlv þer ottaz oc æigi tigna gvða Amorreorvm gða annarra hæðinna þioða. oc villdo þer æigi hæyra rødd mina. fyrir því fellr yðr nv sva erfiðliga segir drottinn.

Her seger af Gideone ok engillinn vittradiz honum.<sup>1</sup>

183. Maðr er nefndr Joas. hann atti bygð a fialli Effraim oc var hðfðingi fyrir því folki er kallat var [hvs gða hyski Ezre. Son<sup>2</sup> Joas het Gedeon. enn atti hann flæiri syni.<sup>3</sup> Sva bar til sem Gedeon var staddr vti a akri favðvr sins oc barði hveiti af halmi. [þvi at hann bioz við sem annat folk at flyia vndan hernaði hæðingia.<sup>4</sup> Þa vitradiz honvm engill gvðs oc settiz vndir gina eik er þar stoð. Eingillinn mælti við Gedeon. Drottinn er með þer hinn styrkazti allra manna. Gedeon vissi æigi at engill veri. enn þo svaraði hann sva. Hæyr minn herra. ef drottinn er með oss. þa bið ek þic attv segir mer fyrir hvi sva margir illir hlvtir [hafa oss at hendi boriz vm hrið.<sup>5</sup> Hvar ero nv þav miklo oc mætv stormerki drottins er varir fyrri feðr hafa fra sagt. at hann læiddi þa af Egyptalandi. enn nv fyrirletr hann oss oc selr i hendr Madian. Eingillinn er drottinn var ræyndar leit til hans oc mælti. Far þv oc mantv i þinvm styrklæk frelsa syni Jsraels af hendi hæðingia Madian. vita skaltv at ek man miskvna þer. Hann svaraði. Hvat man ek drottinn minn mega læysa gða frelsa Jsrael. allz er<sup>6</sup> minir svæitvngar ero lægstir af gttmonuvn Manase. enn ek þi<sup>7</sup> minnzt hattar af minvm frendvm oc hvsí favðvr mins. Drottinn mælti enn til hans. Ek skal vera með þer. oc sva skaltv sla oc sigra alla Madianitas sem einn mann. Gedeon mælti. Ef ek fann miskvnn fyrir þer. þa gef mer þat [til marks.<sup>8</sup> at þv bið min her meðan ek geng brottv. eftir þi sem ek vil þer ofra.<sup>9</sup> Hann svarar. Her man ek biða þinnar tilkvainv. Gedeon geck hæim skyndiliga. tok æit kið slatraði oc savð. leggr siðan kiotið a disk enn lætr soðit i einn litinn ketil. oc þar með hefir hann nockora nyia bravðhlæifa. ferr nv með þetta allt saman vndir eikina oc ferir þeim er þar sat. Eingill drottins mælti til hans. Tak nv kiot þetta oc bravð oc kom niðr a hellv þessa. er her er fyrir þer. oc steyp þar yfir soðinv. Hann giorði sva. Engillinn rætti þa til vðnd er hann hafði i hendi. oc spratt þegar elldr vpp or steginvm oc brendi þetta allt saman. Hvarf þa engill drottins fra avgliti Gedeons. Sem Gedeon sa at hann hafði við engil drottins

<sup>1</sup>) Her segir af Gedeon syni Joas, A <sup>2</sup>) Enn ellzsti sun, B <sup>3</sup>) sonu B; [Jezre. hans son het einn Gedeon, A <sup>4</sup>) [mgl. A <sup>5</sup>) [liða yfir oss, A <sup>6</sup>) mgl. A <sup>7</sup>) þo, B; er, A <sup>8</sup>) [mark til, B <sup>9</sup>) ofra, B, A

talat, segir hann sva. Ho ho herra gvð. miog em ek hræddr at ek man dæyia. ef ek hefi eiginligvm avgvn setð engil þinn. þa mælti drottinn til hans. Friðr se þer. hirð ecki at ottaz. þvial ecki mant þv sva skíott dæyia. Síþan gerði Gedeon þar alltare drottinn til dyrdar oc kallaði þat Domini pax. oc sva heitir sa staðr síðan æ drottins friðr. þat var gina nolt litlv síðarr er Gedeon var heima i Esfrait. at drottinn vitradiz honvm sva segiandi til hans. Tak þv gríðivng<sup>1</sup> favðvr þins oc annan gríðivng<sup>1</sup> .vii. vetra. far til síðan oc briot niðr blotstall<sup>2</sup> favðvr þins oc goðil Baal er þessa heraðs menn hafa allz til lengi dyrkal. oc havgg þv vpp allan blotskap vmhverfis hosið. oc af þeim sama stað sem<sup>3</sup> þv hefir vpp hōggvit blotstallinn skaltv gera alltare a þeim steini er þv settir fyrrvm fornina yfir oc þv kallaðir domini pax. síðan tak þv oc fornfer yfir alltarit þann gamla gríðivng.<sup>1</sup> Gedeon gerði nv sem gvð bavð honvm. Hann kvaddi með ser at kveldi dags .x. menn af sinvm svæinvvm oc fvlgiordí þessa alla hlvti vm nollina. þiat hann ottaðiz at hann mvndi ægi na at briota hosið gða havggva vpp blotlvndinn fyrir hæimamonnvvm favðvr sins ok qðrvvm þeirrar borgar monnvvm. ef hann veri at vm liosan dag. Nv sem heraðs menn [risv vpp arla. sa þeir<sup>4</sup> at blothvs Baal var niðr brotið oc allr lvndrinn vmhverfis vpphavggvinn enn þar gert nytt alltaræ oc vxa<sup>5</sup> yfir lagðan. þa mellto þeir milli sin. Hverr man með dðmalavsri dirfð hafa þessv bellt at briota gvð várn Baal. Ok er þeir altv vm þetta at tala. var þeim sagt at Gedeon son Joas hafði gert þessa hlvti alla. þeir<sup>6</sup> gengv þegar með mikilli reiði at Joas sva segiandi. Sel þv fram son þinn. þiat hann er vlfismaðr. hefir brotið blothvs gvðs vars Báal oc hōgvit vpp hans hinn helga lvnd. Joas svarði. Ero þer nv til settir at hefna honvm þetta verk oc beriaz fyrir Baal. Ek gef til annat rað [ægi vsniallara.<sup>7</sup> Latit sialfan Báal hefna<sup>8</sup> þeim er honvm gerði skomm. þiat ef hann er gvð sva mattvgr sem þer segit. þa man sa davðr aðr morginn kemr er brotið hefir blothvs hans. Forv þeir brðt við sva hvið. enn Gedeon secc þar nafn af. at hann var kallaðr vpp fra þeima degi Jeroboal fyrir þat er Joas bað Baal hefna [sinnar svivirðingar.<sup>9</sup>

Fra þui er guð talaði við Gedeon.

184. Nv er þar til at taka er fyrr var fra horfit. at Madian oc

<sup>1</sup>) gridung, B, A <sup>2</sup>) bolstad, B <sup>3</sup>) er, B <sup>4</sup>) [vakna vm morginn risu þeir upp arla ok saa, A <sup>5</sup>) gridung, A <sup>6</sup>) her mgl. 4 Blnde i B, dog er der en Levning tilbage af det 3die. <sup>7</sup>) [sniallara, A <sup>8</sup>) sin a tilf. A <sup>9</sup>) [sin a Gedeone, A

Amalech oc allir ævstrhalfv lyðir höfðv saman samnaz. Oc sem þeir vorv komnir avstan yfir Jordan. settv þeir sinar herbvðir i dal þeim er heitir Jezrael. Enn andi drottins var með Gedeone. Hann þæytir nv sinn herlvðr oc stefnir til sin ðllo folki af heraði Abieser. Hann sendi oc boð vm allt riki Manase. at allir vapnferir menn skyldi fylgia honvm. þeir gerðv þegar sva. Hann sendi oc menn i heroð Asser Zabvlon oc Neptalim. oc komv þeir allir til hans. Gedeon kallaði þa til gvðs sva segiandi. Ef þv drottinn minn vill frelsa lyð þinn Jsrael fyrir minar hendr. sem þv hefir hætið. þa ger mark til at ek megí æigi við dyliaz. Síþan tok hann æitt vllar ræyfi oc mælti. Nv set ec þetta ræyfi vt i lafagarð minn. Oc ef daggg er a mor(gv)n er ek kem til a reyfinv einv enn ðll iorð er þvrr. þa væit ek drottinn minn at þv mvnt sem þv hefir mælt fyrir minar hendr frelsa folkit. Sva varð at vm morgvninn er hann ræis vpp var ðll iorð þvrr oc daggglaus. enn ræyfit var sva fvllt af daggg. at hann vatt þar vr skal fvlla vat. Oc enn mælti hann. Bið ek drottinn minn. at æigi ofrir þv ræiði þinni i mot mer. þo at ek gera enn annat sinni ravn til vm ræyfi þetta. Bið ec þik at nv se ræyfit æitt þvrt enn ðll iorð vat af daggg. Oc sva giðrði gvð a þeirri nott sem hann hafði beðit. Hinn næsta morgin eftir þetta reis Gedeon vpp snæmma oc allr herrinn. bivggvz þa sem akafazt a hendr heiðingvm. forv síþan oc framkomv at brvnni þeim er heitir Arath. Enn heiðingia herrinn var þa i dal æinvn norðr fra því er het hafa hæiðr. þa mælti drottinn við Gedeon. Of mannmart hefir þv með þer. þvrat æigi man ek Madian selia i hendr her þessvm ðllvm. þvrat þa myndi<sup>1</sup> Gyðingar dyrkaz i sialfvm ser oc dramba i moti mer. oc sva segia. Vér erom frelstir með sialfra var aña vndan vfriði illra þioða. Nv kallaðv saman lyðinn. oc seg fram þessi orð sva at allir hæyri. Hverfit her<sup>2</sup> nv aptr vr þessi herferð. hverr sem einn maðr sa er nockvrv vgg eða otta hefir með ser eða herr i briosti. Gedeon gerði sem gvð bavð honvm. hvrfv þa astr af herinvn .xxii. þvsvndir. en eftir vorv með Gedeone eigi meirr enn .x. þvsvndir. þa mælti drottinn við Gedeon. Enn er mart lið með þer. nv skaltv læiða lyðinn<sup>3</sup> til vatna þeirra er fram ero a veginn fyrir yðr. oc vil ek þar<sup>4</sup> prova þa. Síþan [lattu þa með þer fara<sup>5</sup> sem ek byð þer. enn hinir hverfi aptr er ec vil æigi at fari. Sem folkit kemr fram at vavtnvnm. mælti drottinn enn við Gedeon. Nv skaltv sva greina lyðinn at skipa<sup>6</sup> þeim saman er savtra valn v'r lofvm ser. allt æitt<sup>7</sup> oc rackar metia með tvngv. enn hinvm i annan stað er at bæygðvm likam

<sup>1</sup>) mundu, A <sup>2</sup>) mgl. A <sup>3</sup>) með þer tilf. A <sup>4</sup>) saal. A; þat, C <sup>5</sup>) [vil ek at þeir fari með þer, A <sup>6</sup>) skipta, A <sup>7</sup>) eins, A

leggjast at niðr oc drecka sva. Nv koma þeir at vavtnvnm allir miog þyrstir. enn eigi vorv þeir meirr en .ccc. manna er baro vatn at mvnni ser með höndvm oc drvckv sva. en allt annat folk lagðiltz at niðr.<sup>1</sup> Þa mælti enn drottinn við Gedeon. Með þessvm þrim .ccc. manna. sem drvckv með höndvm ser. man ek yðr frelsa fra heiðingia yfirgang enn selia Madianitas vndir yðvart valld. ok þa skal allt annað folk snva aptr til sinna heraða. Siþann snyr hverr maðr til sins hæima. vtan þessi .ccc. sem nv var fra sagt hvast til bardaga með Gedeon. Enn herbvðir hæiðingia vorv þar rielt vndir niðri i dalnvm.

Her segir fra þui er guð taladi við Gedeonem.

185. A næsto nott eftir þat er herrinn Gedeons hvarf aftr. þa mælti drottinn sva til hans. Ris þv vpp oc gack ofan i herbvðir heiðingia. þiat nv gef ek þa i þitt valld. enn ef þer þickir oeinsligra. þa sari með þer svæinn þinn er hælir Phara. kann vera er þv kemr þar i herbvðir hæiðingia oc hæyrir hvat þeir tala. at helldr styrkiz hvgr þinn oc hiarta [oc ser þa allt orvggari<sup>2</sup> at ganga i moti þeim. Nv geck Gedeon ok Phara svæinn hans niðr til herbvðanna. þar sem vorv varðmenn þeir er vaka skyldo yfir her Madian i fialzhliðinni. Enn Madian oc Amalech oc [allir avstrhalfv lyðir. sva margir<sup>3</sup> sem locvste þeir fvglar er sva hæita koma flestir saman. lagv niðri i dalnvm. ok þat til marks vm mannfioðann at vlfallda þeirra oc wyki matti æigi telia fyrir fioða sakir. Nv er Gedeon kom at varðmanna bvðinni. hæyrði hann at winn maðr sagði dravm sinn felaga sinvm með þessvm hætti. Mier syndiz i svefni sagði hann sem einn avskvbakaðr bygghlæifr vyllti<sup>4</sup> ofan or hliðinne fiallzins rielt i<sup>5</sup> miðiar herbvðir Madian. oc er hann kom at eno ezta landtialldi. slo hann þat oc bravt niðr sva giorsamliga [með grvndvelli<sup>6</sup> at allt varð sliett eptir. Enn hinn svaraði er sagðr var dravmrinn. Skiott reð<sup>7</sup> ek dravm þenna sagði hann. Maðr heitir Gedeon Joas son. hann er einn Jsraelita. Nv er æigi annat hleifr þessi er þik dræymði enn sverð Gedeons. þiat gvð man gefa i valld hans Madian oc allan hans aða oc herskap. Sem Gedeon hæyrði dravminn oc sva hverso raðinn var. lofaði hann gvð oc hvarf aptr til sinna mæma. sva segiandi. Risit vpp skiott þiat nv gefr gvð i varar hendr herbvðir Madian. þeir klæðaz hvattliga. siðan skipar Gedeon þeim i þria flocka. hann fer

296.

<sup>1</sup>) niðri, A <sup>2</sup>) [mgl. A <sup>3</sup>) [allr avstrhalfu lydr. sua margr, A <sup>4</sup>) saal. A; yyllti, C <sup>5</sup>) aa, A <sup>6</sup>) [mgl. A <sup>7</sup>) ræd, A

sinn lvðr i hendr hveriom þeirra. oc þar með favtvr tomar vñan log-  
anda liosker stoð i hverri favto. Hann segir sva til þeirra. þa ær  
ver komvñ til herbvða ovina varra. þa hafiz þer slikt at sem þer  
siait mik gera. at þa er ek þæyti minn lvðr. blasi þer allir i yðvr  
herhorn. oc hlavpvñ sva i hring vñ herbvðir með opi oc eggian.  
þiat litið vinnvñ ver með vapnvñ fair menn a vtalligvñ her hæiðingia.  
Gedeon ferr nv með .ccc. manna oc kēmr til herbvða heiðingia. þa ær  
varðmenn skiptvz til vavkv fyrir miðia nott. Tok þa Gedeon oc hans  
menn at blasa herbblastr<sup>1</sup> allir senn. brvtv þeir þa favtvrnar oc helldv  
þa vinstrvñ hñndvñ liosvñ logandvñ. enn i hegrvñ hñndvñ hñsðv  
þeir lvðra er þeir þæyttv með miklo opi oc þess haltar orðvñ. Sverð  
drottins oc Gedeons. Hæiðingar i herbvðvñ vðcknvðv ægi við goðan  
dravm. vvrðv sva hræddir at allir flyðv þegar felmssfvllir qpandi oc  
ylandi. Enn ægi at helldr liclti<sup>2</sup> lvðragangi þav .ccc. manna er vorv  
með Gedeon. Ok sva mikinn otta sendi gvð i allar herbvðir Madian.  
at þeir veslir sem villavsir bðrðvz sialfir oc drapvz með sinvñ sverð-  
vñ<sup>3</sup> i flottanvñ. Nv sem Jsraels folk heyrir lvðraganginn oc ser ellt-  
an her hæiðingia. þa sēkia Jsraelite til af riki Neptalim oc Asser oc  
allir kynsmenn Manase við.<sup>4</sup> oc fylgia flottamonnvñ Madian með opi  
oc eggian. Gaf þa enn herra gvð halæitan sigr sino folki. Gedeon  
sendi þa boð vñ alla fiallbygð Effraim oc bað at Gyðingar þeir er  
þar bygðv skylldo gera i moti hæiðingivñ oc varða þeim avll vðtn-  
favll oc vavð a Jordan til yfirferðar. þeir bregða við skiott sem þeim  
koma boð. hlavpa nv saman allir bygðarmenn Effraim oc taka oll  
vavð a vðtnvñ allt til þess staðar er heitir Bethbara. Siþan snva þeir  
i mot Madian. Fiorir konvngar er fyrir vorv hæiðingia herinvñ hieþv  
sva. Oreb oc Zeb. Zebee oc Salmana. Nv sem þeir menn er komnir  
vorv af Effraim hvrfv i mot hæiðingiom. handtokv<sup>5</sup> .ii. af þessvñ hñsð-  
ingiom er aðr vorv næfndir Oreb oc Zeb. oc drapv þa baða þar sem  
siðan ero avrnefni við kend. Oreb a biargi þvi er [þaðan af<sup>6</sup> het Oreb.  
enn Zeb við vingarð er siðan er kallaðr Zeb. þeir hñsðv með ser  
hñsvð konvnganna oc forv þar til er þeir fvndv Gedeon við Jordan.  
þeir talvðv til hans með mikilli ræiði sva segiandi. Hvi þottizt þv þer  
æinn sva ærinn. at þv villdir oss ægi i fyrstv kalla með þer. er þv  
fort at beriazt við hæiðingia Madian. Oc varo i illv fari her vñ.<sup>7</sup> at  
viðrlægt var at þeir myndi a<sup>8</sup> hann raða með aþi aðr hann svaraði  
sva. þolit vel þiat<sup>9</sup> yðr hefir hent mikit happ sva at viðfregt man  
verða. þiat drottinn hefir sellt vñdir<sup>10</sup> yðvart valld oc vāpn konvnga

<sup>1</sup>) i luðra sina, A <sup>2</sup>) letti, A <sup>3</sup>) vapnum, A <sup>4</sup>) mgl. A <sup>5</sup>) saal. ogs. A  
<sup>6</sup>) [siðan, A <sup>7</sup>) sua tilf. A <sup>8</sup>) saal. A; at, C <sup>9</sup>) mgl. A <sup>10</sup>) i, A

Madian Oreb oc Zeb. ok hafit þer vunnit þann sigr<sup>1</sup> sem langt er vm mitt magn [at alla slíkv.<sup>2</sup> sem þat er at líkendvm at ecki megi plog-arar heraðzs Abiethzer<sup>3</sup> íafnaz i nockvrvvm hlvtvm við agiæta þíod Effraim. Nv við þessvr hans orð sēfaðiz ræði þeirra [er þrvtnat hðfðv honvm i mot.<sup>4</sup>

Fra ferð Gedeons yfir aana Jordan.

297.

186. Nv sem Gedeon kom at Jordan. for hann yfir hana eflir flottamonnvm með ægi meira líð enn þav .ccc. manna er fylgðv honvm i fyrstv. Enn fyrir mōði oc matleysi mattv þeir ægi fylgia hæð-ingíom er vndan flyðv. Sv borg er Socchot het stoð rígt við veginn. Enn er Gedeon kom at þessi borg. talar hann sva til borgarmanna. Gerit sva vel goðir dreingir sæðit menn mína. þíat þeir ero míog at þrotvm komnir sakir fðstv<sup>5</sup> ok mikillar mōðv. sva at [síþan hrestir oc hvíldir mætti<sup>6</sup> ver sækia eflir konvgvm Madian Zebee oc Salmana. Hððingiar Socchoth svaraðv helldr hæðiliga<sup>7</sup> sva segiandi. Vera kann at þi bíðir þv oss gefa monnvvm þínvmm mat. at þer i hendi lēiki vellðissvðndr Zebee oc Salmana. [gða hitt ægi síðr at dræng-læysi hafi dvl i híarta.<sup>8</sup> Þa mætti Gedeon. þessor yðor svívrðingarorð skal æk grímnv gíallda þann tíma sem gvð drottinn minn hefir gefit i mitt valld hæðingia<sup>9</sup> Madian. sva at ek skal yðra hvð ellða<sup>10</sup> kna-liga með klvngrvmm eyðimerkr [oc yðvarn líkam lyia með<sup>11</sup> hvossvm hagþornvm. Eptir þetta sneri hann fra borginni oc fram til þess kastala er het Phanvel. oc bæiðir enn þess staðar menn at sæða flok sinn. Enn þeir [næita rígt með sama orðtaki<sup>12</sup> sem hínir fyrri. Hann svarar þeim oc a þessa lvd. Annat sinn er ec kēmm her með sigri. þa er ec hefi fríðat oc frílsat gvðs lyð oc goða menn. þa skal ek æyða oc níðr bríota allan þenna kastala. Zebee oc Salmana toko með sinn her hvíld er Gedeoni svēinkaðiz eptírsocnín.<sup>13</sup> Þa var ægi mæírr eptir af ðílvmm heíðingia her enn .xv. þvsvndir karla. enn fallit hafði i þessvm flotta .c. þvsvnda oc .xx. þvsvndir vígra manna. Gedeon for nv af Phanvel til þeirra borga er sva heita Nobe oc Lechaa. þar fyrir avstan borgírnar hðfðv hans vvínir slegit sínvmm landtíolldvm. Enn þvi at Madianite er i herbvðvm vorv þottvz nv sva orvggir at þeir ottvðvz ecki at ser. þa kom Gedeon sva a vvart. at þeir fvndv ægi fyrr enn hann hliop a þa með braðvm bardaga. sva at þegar slo otta a hæið-

<sup>1)</sup> tíf. A <sup>2)</sup> [mgl. A <sup>3)</sup> Abiezer, A <sup>4)</sup> [ok skíldu sattir, A <sup>5)</sup> hungri, A <sup>6)</sup> [þi beir megum, A <sup>7)</sup> með haadi, A <sup>8)</sup> [mgl. A <sup>9)</sup> hððingia, A <sup>10)</sup> ellta láta, A <sup>11)</sup> [edr, A <sup>12)</sup> [svðrudu sva, A <sup>13)</sup> eptírférðin, A

ingia herinn. oc flyði viðs vegar hverr er vndan komz. enn fíðli var drepinn. Flyðv þa oc konvngar Zebee oc Salmana. enn Gedeon sotti eptir þeim oc gat handtekið hvarntveggia. Síðan hvarf hann aftr. oc a þeim sama degi fyrir solar setr gat hann fangit einn svein af borgarmonnum Socchoth. oc spvði hann hvat hiegi höfðingar borgarinnar. enn svæinninn skrifaði honum .vii. ðlðvnga nafn hins atta tigar. Sem Gedeon kom til Socchoth. sagði hann sva til borgarmanna. Her megi þer nv sia Zebee oc Salmana. er þer vælftvð mer mðrg haðvngarorð vm hvat ek myndi þa sigra. Hvi gangit nv æigi oc takit mækliga ðmbvn sem þer hafit til vunnit oc yðr var hætið. enn þat er hin hæðiligsta hyðing með þeim hvassasta þyrni er til fær. Eftir þat liet hann taka alla ðlðvnga borgarinnar oc beria með klvngnum oc þyrni oc hinum snarpasta æyðimerkr æini. Enn kastala Phanvel bravt hann allan niðr at iorðv enn drap þa menn sem þar bygðv.

### Drepnir Zebee ok Psalmana.

187. Eptir þetta talar Gedeon við konvnga Zebee oc Salmana sva segiandi. Hverso vorv þeir menn i halt er þer drapvt i Thabor. Konvngar svaraðv. Þeir menn vorv þer miog likir oc einn af þeim sem konvngs son veri. Gedeon mælti. þat vorv bræðr minir sammððra. Ok því skyt ec til gvðs. ef þer hefðit þa lifa latið. vtan ef skyllda ec yðr nv grið gefa. þa mælti hann við hinn ellzta son sinn. sa hel Jezer. Statþv vpp skiott oc drep þa. Hann þorði æigi at bregða sinv sverði. þviat hann var þa enn barn at alldri. þa mæltu konvngar. Vinn þv sialfr at ok. ef engi er lifs ván. þiat að fylgir alldri manuz. Gedeon gerði sva. at hann drap baða konvnga Zebee oc Salmana. Tok hann tignarklæði þeirra oc allt þat skravt er konvnga ræiðskiotar vorv bvnir með. þa samnaz saman allr Jsraels lyðr. oc mæltv sva við Gedeon. þat vilivm ver at þv drottinr oss oc þinn son eptir þik. fyrir þat er þv hefir með gvðs fvltingi frelst oss fra vandv valldi Madian. Hann svaraði. Eigi man ek yfir yðr drottina oc æigi son minn helldr. engi vtan einn gvð yðvarr drottinn. enn hins vil ek biðia. at þer gefið mer at herfangi ðll höfðgvll oc eyrnabvnað.<sup>1</sup> þiat Jsmaelite<sup>2</sup> vorv vanir at hafa til pryði oc tignar marks gvlligan vangabvnað. þeir kvaðvz þat giarna vilia. Var þa niðr bræiddr einn mðttvll oc þar lind a af herfangi ðll eyrnagvll. oc varð þetta sva mikil fe er Gedeon bæiddiz af herfangi at æigi va minna enn .xvi. hvndrat skill-

<sup>1</sup>) eyrnagull, A   <sup>2</sup>) Jsraelite, A



inga gvlz. oc var þa hia allr klæða buningr sva men oc þvrvri er konvngar Madian höfðv at lignarklæðvm. oc enn vorv vmfram briostgiarðir oc bittlar oc avnnvr pryði er konvnga vlsalldar oc hestar vorv bvnir með. þar af ligt Gedeon gera kennimannz klæði agiæt er þeir kallvðv ephot. Ligt hann ephotoh liggia i sinni borg Effra. Enn þat varð þo siþan til mikilla mæina Gedeoni oc hans hvsi. fyrir þi at þar fyrir savrgaðvz synir Jsraels. Enn sva var legðr ofstopi Madian fyrir Gyðinga folki. at þeir mattv alldri siþan hofvðs hefia. helldr var nv enn allt kyrt oc agalavst .xl. ara meðan Gedcon var domandi yfir Gyðingvm.

Nv for Gedeon er ððrv nafni het Jeroboal hæim til sinnar borgar eptir drap Zebee oc Salmana oc bygði a favðvrlæifð sinni i Ephra.<sup>1</sup> Hann atti margar konvr oc með þeim .lxx. sona. Enn þa ær Gedeon var i Sicchem. þeirri borg er sva het. gat hann einn son við frillv sinni. oc var sa nefndr Abimelech. enn þo sæddiz hann vpp hæima i Ephra með breðrvum sinvm oc var þeim litt astfolginn. Nv andaz Gedeon i goðri elli oc varð miog gamall. hann var gravinn i Ephra hia feðr sinvm Joas.

#### Fra Gedeon capitulum.

188. Gedeon merkir varn herra Jesum Cristum enn Madianite daliga diðfla er fyrir kristz tilkvamv kvalðv grimliga gvðs<sup>2</sup> lyð. Gedeon sigraði vvini oc læysti lyð gvðs af anavð oc yfirgangi Madian. Varr herra Jesus Cristr frelsti mannkynit fra diofla þrældomi oc þeirra þravngingvm. [Enn at skyra til maunligs siðferðiss merkir Gedeon hvern sem einn trvlyndan cristinn mann.<sup>3</sup> Laðinn er Gedeon hrðinsaði [hvæiti með vendi<sup>4</sup> merkir læyni hiarta mannzins. vðndrinn riçt-læti skynsamligrar græinar goðs oc illz. hvæitið manndygðir<sup>5</sup> gða krapla.<sup>6</sup> enn helinnv lyti oc lavstv. Sva skyra helgir kennifeðr. at lavagarðr sa er Gedeon lagði ræyfit á merkir hæim þenna. enn reyfið helga kristni. enn daggin miskvnu heilags anda. þiat þa yrðiz dagg a ræyfið er [hin blezaða mæ<sup>7</sup> Maria gat<sup>8</sup> sou gvðs varn herra Jesum Crist. oc þaðan af dagggvaðiz lavagarðrinn þa er hæilog cristni yfir siotandi hæiminn trvði a þann sama sinn lavsnara Jesum Crist. Nv var ræyfit lagið i lavagarð. þat er sæl mæ<sup>9</sup> Maria vavkvaðiz<sup>9</sup> af gvðs krapli oc speki. [enn Gyðinga þioð þornaði af vtrvlæk. Enn merkir þvrrlæikr garðzsins mæydom sellar Marie. enn vavkva ræyfissins frio-

<sup>1</sup>) Effath, A <sup>2</sup>) Gyðinga, A <sup>3</sup>) [mgl. A <sup>4</sup>) [hueitit aa, A <sup>5</sup>) mannkostu, A <sup>6</sup>) verk tilf. A <sup>7</sup>) [sancta, A <sup>8</sup>) ok sæddi tilf. A <sup>9</sup>) dogguadiz, A

læik móðvr drottins.<sup>1</sup> Oc því segir David sva. at drottinn ste<sup>2</sup> niðr sem daggr a ræyfi. þiat hann væitti friolæiks avðxt móðvr sinni [enn tok æigi því helldr brottv mæydominn.<sup>3</sup> Margar eiginkonvr Gedeons merkia margar kirkivsoknir oc margar þjóðir þer er samteingðar ero Cristi i hæilagri trv. Enn synir Gedeons ero sierhverir kristnir menn. Enn frilla sv er hann gat með Abimelech er Gyðinga þjóð. af því [frilla er syndvgv er.<sup>4</sup>

### Er Gyðingar villtvz fra guði.

189. Skiott eptir andlat Gedeons villtvz Gyðingar af rættvm vegvm oc horaðvz með hæðinni þjóð Baalim. friðmælltvz við skvrð-goð Baal oc hietv at þeir skyldi hann dyrka. enn þeir glæymðv gvði sinvm er þa frelsti vndan vandv valldi allra sinna vvina. er hvaðan æva hðfðv þeim agang væitt. Oc enga miskvnn gerðv Jsraelite við hvs Gedeonis i ðmbvn allra þeirra goðra hlvtu er hann hafði giort þeim.

Abimelech frilloson Gedconis for eptir andlat favðvr sins i Sicchem til móðvrfrenda sinna. Hann kallar saman alla sina frendr þa sem þar vorv oc segir sva til þeirra. þat legg ec til með yðr. at þer stefnið þing við alla borgarmenn i Sicchem. oc telit fyrir þeim at ðllvm yðr samt er betra at æinn hravstr hðfðingi riki yfir yðr helldr enn hitt at bva vndir anavðaroki allra svna Gedeonis. oc drottni yfir yðr .lxx. manna iafnfram. Hvgsit þat oc allir samt. at ek em yðarr nainn<sup>5</sup> frendi oc ecki verr til hðfðingia fallinn enn bræðr minir. ero þeir allir yðr vskyldir. Móðvr bræðr hans oc uðrir nafrendr kalla nv saman allan borgar lyð. tia oc tina fyrir þeim þessor orð sem Abimelech hafði lagt vndir tvngvrætr þeim. flvttv þeir alla vega hans mal. kallaðv hann vera sinn broðvr oc allra manna hazt til hðfðingia fallinn. oc sva galv þeir sinvm fortavlvim fram komit at allt folk sneri til hans sinni alvðrv. Læiddo siðan Abimelech i blothvs goða sinna Baal oc Berith. lkv vpp fehirðzlor oc gafo honvm af goða feno .lxx. pvnda silfrs. Með þesso fe læigði hann ser lið einlæypinga felavsa.

### Her segir af Joathas. capitulum.

190. Abimelech hefr nv þenna ransflocc i Sicchem. ferr fyrst til Ephra til favðvrhvs sins oc tekr þar bræðr sina syni Gedeons .lxx.

<sup>1</sup>) [Enn þurrlæiki gardzins merkir Gyðinga þjóð er þornadi af otru. Enn vðkua reyflissins merkir meydom ok freoleik sællar guds modur, A <sup>2</sup>) steiz, A

<sup>3</sup>) [at hölldnum hennar meydomi, A <sup>4</sup>) [at hon er syndug, A <sup>5</sup>) skyldir, A

manna oc drepr þa alla a einv bergi vtan enn ynxti er het Joathas komzt vndan læyniliga. Eptir þat samnaðvz saman allir karlmenn i Sicchem oc setia Abimelech havðingia yfir sig oc gefa honvm konvngs nafn vndir eik einni. Sem Joathas frettir at Abimelech var til konvngs tekinn. ferr hann a blæzanar fiall er heitir Garram.<sup>1</sup> stendr þar a kolli fiallzins oc kallar hátt sva segiandi. Hæyrit mic [menn Sicchem<sup>2</sup> segir hann. sva sem þer vilit at gvð hæyri yðr. þiat ek man segia yðr eina dqmisðgv. Skogtre forv at velia oc vigia ser konvng. þav fvnðv i fyrstv viðsmiorstre. oc savgðv sva til þess tres. Vertv konvngur oc bioð yfir oss. Viðsmiorstre svaraði. Hverso <sup>3</sup>ma þat vera at ek fyrirlata feilleik minn þess er nyta oc niota beði gvðar oc menn. enn ec taka i staðinn hræring oc kvirlæic<sup>4</sup> milli skogtreea. Forv þav þaðan oc fvnndv fiktre. sva segia þav. Kom þv oc tak riki yfir oss. Fiktre svarar. Hvat man ek glata oc gefa vpp segllæik minn oc ilnandi avðxto enn fara oc hræra mic milli annarra treea. Nv tala þav sva til vintress. Kom þv oc bioð yfir oss. Vintre segir sva. Verþi þat æigi at ek fyrirlata vin mitt. þat er beði gleðr<sup>5</sup> gvða oc menn. enn ek hrærmzc með skogtream. Nv komv skogtre til þess tress er ramnvm heitir oc mælltv sva. Vertv varr yfirkonvngur. Ramnvm svarar. Ef þer skipit mik með alvðrv yfir yðr konvng. þa komit þer oc hviliz fyrst vdir skvgga minvm. Enn ef þer<sup>6</sup> vilit þat æigi. þa kæykiz<sup>7</sup> elldr af ramno oc eyði ðllvm cedris Libani. Nv þa segir Joathas. ef þer Sicchems menn hafit þetta gert vel oc riættliga við Gedeon favðvr minn andaðan oc við hans hyski oc golldit honvm maktliga ðmbon sinna goðgerninga er hann barðiz fyrir yðr oc lagði lif sitt i haska at hann frelsti yðr vndan valldi Madian. enn nv risv þer [vpp i moli hvsi<sup>8</sup> oc drapvð syni hans .lxx. manna yfir einn stëin enn settvð amballar son Abimelech konvng yfir bygðar menn fyrir þat er hann er frendi yðarr. nv ef þer hafit þetta gert vtan lavst oc lyti við favðvr minn oc hans hvs þa manit<sup>9</sup> þer glæðiaz með konvngi yðrvm Abimelech oc hann með yðr. enn ef þer hafit þetta rangt gert. þa mæli ek [vm þat<sup>10</sup> at af Abimelech kyndizk sa elldr er vppbrenni byggendr Sicchem oc kavptvn Mello oc sva sialfan hann. Enn er Joathas hafði þetta talat. flyði hann oc for i þann stað er heitir Berara oc byggði þar því at hann ottaðiz Abimelech broðvr sinn.

<sup>1</sup>) Gazam, A <sup>2</sup>) [Sichems menn, A <sup>3</sup>) *her begynder Brudstykket af 3die Blad i Lacunen i B, Spalte 1.* <sup>4</sup>) okyrreik, B, A <sup>5</sup>) tilf. B, A <sup>6</sup>) *her ender 1ste Spalte af Brudst. B* <sup>7</sup>) kueykiz, A <sup>8</sup>) [vpp, A <sup>9</sup>) munud, A <sup>10</sup>) [þat um, A

## Her segir af Abimelech. capitulum.

191. Þá er Abimelech hafði ríkt miog sva .iiii. ár. sendi gvoð svndrþyckiss anda milli Abimelech oc bygðarmanna Sicchem. Þetta for sva sem hann melli. at þeir tokv honvm enga virðing at væita helldr fiandskap fyrir þat er hann hafði drepit syni<sup>1</sup> Jeroboal oc með hinvm mesta glæp hellt ṽt saklavso bloði .lxx. brøðra sinna. Ok sva kastaði almvgrinn staðarmanna oþocka a alla höfðingia sina. Þa ær hann höfðv i fyrsto efndan<sup>2</sup> til slikrar ṽhæfv. Abimelech var brattfarinn af borginni at afla ser rikiss. enn hafði sett til stiornar oc gietzlo Sicchem einn sinn þion þann er het Zebul. Borgarmenn Sicchem efla nv flok a<sup>3</sup> hestvm fiðllvm meðan Abimelech var i brottv oc ætlaðv at væita honvm vmsalir oc atgavngv er hann kvæmi aptr. Nv sem frestaðiz hans tilkvama mæirr enn þeir hvgðv. Þa sla þeir i [vikingskap oc ræna bæði<sup>4</sup> bōndr i nand oc serðamenn oc gera margar vspectir. Allt frettir þetta Abimelech. J þenna tima kemr sa maðr er Gaal het með brøðrv sinvm i Sicchimam. hann var höfðingia ællar oc allr þar frendr. faðir hans het Obeth. Viðr hans kvamv<sup>5</sup> ræltvz vpp at nyio<sup>6</sup> frendr Sichem til vspectar. gengv ṽt af borginni oc æyddv akra oc vingarða allt i nand. Ok af sinv rānfeingi efldv þeir allzkonar pris oc gleði. þeir gerðv kvēði oc kantilior. slogv siþan hringlæk. oc með þess hattar glavm gengv þeir inn i ætt hōf. settvz þar til samdryckiv oc bavlvaðv i sinv orði Abimelech. Gaal kallar þa hátt sva segiandi. Hverr er þessi Abimelech sva mikill oc mattvgr. æða hverir erom ver Sicchems menn sva litils hattar at ver eigvm honvm at þiona oc leggiaz sem þrælar vndir hans anavðarok. er æigi þessi hinn sami son Jeroboal er fyrir agirndar sakir hefir drepit bræðr sina saklavsa. ok a þetta ofan hefir hann þræl sinn Zebul sett höfðingia yfir alla sina frendr. Hvat skyldar oss nv til at þiona honvm. makara at þessi ṽesli lyðr gefiz i mitt valld. liettliga at ek myndi skiott frelsa folkit vndan ofsa Abimelech. Hann talaði sva hátt at Zebvl borgar höfðingi hæyrði fvlgiarla vti hia hofino hvat hann sagði. Zebvl var miog reiðr viðr tðlo Gaal oc sendi þegar læynilig boð Abimelech sva segiandi. Gaal son Obeth er nv kominn i Secchimam oc byðr bardaga vpp a borg vara. Riss vpp nv þa oc hæimt her saman sem skiotazt oc skvnda til borgarinnar. eigi sæinna en þegar i noll. læynzt i ekrvm við borgina þar til er dagar. enn i solar vpprás raðil i borgina. Enn ef Gaal gengr ṽt með lyðinn i moti þer. ger<sup>7</sup> honvm

<sup>1</sup>) sonu, A    <sup>2</sup>) her beg. 2den Sp. af Brudst. B    <sup>3</sup>) hinum tilf. B    <sup>4</sup>) [raan vid, A    <sup>5</sup>) tilkvamu B; þarkuamu, A    <sup>6</sup>) her ender 2den Sp. af Brudst. B

<sup>7</sup>) her beg. 3die Sp. af Brudst. B

þa sliet illt sem þv hefir til. Abimelech bra við skiott oc for þegar vm nollina með allan her sinn i Sicchimam. oc setti fernar lavnsatir við borgina. Oc sem Gaal var vt genginn arla oc stoð við borgarhlið oc litaðiz vm. j þi bili spratt vpp or lavnsatinni Abimelech oc sotti til borgarinnar með allan sinn her. þa kallaði Gaal a Zebul oc mælti. Se nv hvar mikill fiolði manna skvndar til borgarinnar fra fiollvm ofan. Zebul svaraði. þer gefr glámsyni<sup>1</sup> sva at þv væizt æigi hvat þv segir. ællar þat manna hofut<sup>2</sup> sem þv scr skvgga fiallanna. þa mælti Gaal. Senniliga ferr her mart folk riðt af læitino ofan oc vist hygg ek vфриð vera. Zebul mælti. Hvar er mvnnrvgl<sup>3</sup> þitt er þv gambraðir i giær oc spvrðir hvat manna Abimelech veri þess at þer skyldvt honvm þiona. man æigi sa her kominn er þær þolti þa litils verðr.<sup>4</sup> Gack vt nv þa oc strið við hann. Gaal gerði sva. bio sik skiott oc sina menn. for siþan vt. enn lyðr Sicchem skyldi biða i borginni. Rið hann þegar til bardaga er hann kom vt við Abimelech. Enn hann tok sva snart i mot at Gaal sneri þegar með sina felaga a flotta. eltti Abimelech Gaal aptr i borgina. oc drap af honvm miog sva allt lið. oc fylgdi flottamonnmv allt til borgarhliðs. sneri fra siþan oc villdi ecki at sinni i borgina. Enn meðan Gaal var i brottv hafði Zebul vapnat sik oc sina menn. kom hann nv a moti Gaal oc rac hann ór borginni sva at hann næði ecki þar at vera. Enn næsta dag eftir geck borgarlyðrinn vt a slættan vðll at skemta ser. þess verðr varr Abimelech. oc byr skiott her sinn oc skipar i þriar fylkingar. Hann setti oc lavnsatir við borgina. Siþan hlæpyr hann a borgarmenn sem harðazt með fylktv liði oc berzt við þa. oc þegar er liðit tekr at dreifazt þa striðir hann a borgina með þriðivng hersins. enn .ii. flockar [ellta folkit<sup>5</sup> higat oc þigat vm vðllvna. Abimelech sękir a borgina allan þann dag oc getr yvnnit. drepr hann folkit enn brytr niðr borgina sva fvllkomliga at þeir sa sallti i borgar staðinn eftir. Sem þessa verða varir þeir menn sem satv i kastala<sup>6</sup> Sicchimorvm er het Berith. gengv þeir i hof gvðs sins Berith er þeir hðfðv þar<sup>7</sup> blotað. oc þaðan af hafði kastalinn nafn tekit. Var þessi slaðr ið agiglazta vigi. Nv sem Abimelech frellir at hans molstoðvmenn flyckiaz saman i kastala Sicchimorvm. ferr hann a fiall Selmon með sina menn. Hann tekr æina bolavxi oc mælti til sinna manna oc felaga. Gerið sliet allir sem þer siat mig gera. Gengr hann þa at einv tre ok kvistar af limit með avxinni. Nv gerir sva allr hans herr

362

<sup>1</sup>) glámsyni, B    <sup>2</sup>) tilf. B    <sup>3</sup>) her ender 3die Sp. af Brudst. B    <sup>4</sup>) um vert, A    <sup>5</sup>) [elltu herinn, A    <sup>6</sup>) her beg. 4de Sp. af Brudst. B    <sup>7</sup>) lengi tilf. A

at hverr maðr havggr hris oc byr ser byrði.<sup>1</sup> oc bera þenna við vmhverfiss kastalann. slá siðan i elldi oc vinna sva þetta vigi. oc sva varð mikill elldzgangrinn vm hrið. at .m.<sup>2</sup> manna alt saman karllar oc konvr kafnaði af ræyk oc hita. þat vorv allt Sicchems menn.<sup>3</sup>

### Her segir fra drapi Abimelechs. capitulum.

192. Þaðan for Abimelech til þess staðar er heitir Thebes oc settiz þar vm með allan sinn her. oc þegar flyðv staðarmenn bæði karlar oc konvr i einn hafan tvrn oc niog styrkan er stoð i miðri borginni. byrgðv siðan kastalann með styrkvu hrvðvm. hvaz þa höfðingiar oc hravstir dreingir til varnar i herbergivm oc hvsaþekivm kastalans. enn almvgrinn skytr avrvm æða grytir or svavlvu eða vigskavrðvm a vikinga herinn. Abimelech geck fast fram at tvrninvm oc bardiz allstyrkliga. Sem hann nalgaz tvrninn. leitar hann til at kynda elld fyrir sialfv porti kastalans. Enn þat berr sva til at ein kona i kastalanvm þrifr vpp kvernstains brot oc sendi<sup>4</sup> ofan oc setr beint i höfvd Abimelech. sva at þegar brotnaði havssinn oc hæilinn vti. Hann kallaði skialldsvein sinn oc mællti. Bregð sem skiotaz sverði þino oc slá af mer höfvdit at ægi segiz kona hafa væitt mer lifat. Sveinninn gerði sem hann bavð sló af honvm höfvdit. At honvm davðvm ravfz samnaðr sa er með honvm hafðe verið oc for hverr Jsraelita til sins heima. Enn kastalamenn toko lik Abimelech oc brendo a þi sama bali sem hann hafði tekil til at kynda. Nv með þessv moti gallt gvd 301. Abimelech þat illa verk sem hann gerði við favðvr sinn framlíðinn er hann drap .lxx. sona hans. Var nv oc makkliga ðimbvnat Sicchems monnvu þat ær þeir eflv hann til agangs oc ofbelldiss við brqðr sina. sva at yfir þa kom ðll havlvau Joathe sonar Gedeonis.

### Her segir fra merkingu manna oc víða. capitulum.

193. Abimelech merkir Antecrist. þiat saman samnandi tyndar þiðir oc tapaðar man hann sva ofsækia cristna menn sem Abimelech drap oc dæyddi brqðr sina. Joathas merkir þa menn er fyrir miskvnu gvðs stiga vpp a hæð andligs<sup>5</sup> lifs oc forðaz sva fyrirdömingar glæp. Skogtre merkia þiðir þær er engan avðxt gera oc alla þa menn er sva elldaz i fornvu synðvm at þeir verða fyrirbvnir elldibrandar eylis

<sup>1</sup>) [byrd]ar, B <sup>2</sup>) .lii.c., B <sup>3</sup>) her ender 4de Sp. af Brudst. B <sup>4</sup>) sendir, A

<sup>5</sup>) eyliða, A

loga. Viðsmiorstre merkir miskvnn. þíat sva sem viðsmior er halæitra hveriom legi. sva er ok miskvnn vmfram alla krapta. Eignvm ver oc gvði feðr miskvnn sva sem ver segivm hann sialfan lofandi. Blæz- aðr se gvð faðir drottins vars Jesu Cristz faðir miskvnnar. Vintre merkir son gvðs. sem hann sialfr sagði. Ec em sialfr satt vintre. Enn fiktire merkir helgan anda er a ser herr sætan oc ilmanda avðxt sem ritað er. vndarlíga sætr er drottinn. audi þinn er i öllvm hlvtvm. oc sva segir sialf spekin. sætari er andi minn enn hvnang. Nv koma skogtre til olifatres vintres oc fiktress at læita ser konvngs. þa (er) menn sem øngan bera avoxit goðra verka segia sva feðr ok syni oc helgvm anda með fvlvm vilia varvm Drottinn drottinn. Enn olifatre vintre oc fiktire<sup>1</sup> neita ríki skogtria. þíat faðir oc son oc hælíagr andi hefía ægi til ríkis [sona ranglata menn<sup>2</sup> vfriova vtan þeir geriz avaxta- fvlir af goðvm lvtvm. þíat varr herra segir sva. Eigi man sa hverr inn ganga i himna ríki er mik kallar herra drottin. nema þeir ænir sem gera vilia favðvr mins þess er a himnvm er. Nv taka skogtre yfir sik til ríkis ramnvm. þíat ranglatir manv sik sialfviliandi vndir setia yfirboð Anticristz. Enn sva sem skogtre oc ramnvm eyðaz vpp hvarir af annarra elldi. sva man Anticistr oc hans þioð fyrirdömaz af sameiginni illzkv.

---

#### Her segir af Thola domanda. capitulum.

194. Næst eftir Abimelech reis vpp hertogi Jsrael<sup>3</sup> er het Thola. son þess mannz er Thav<sup>4</sup> het. hann var favðvr broðir Abimelechs. Thola var ættaðr af Sicchar. hann bygði i þeim stað er Sanir heitir. þat er við fíall Effraim. Hann var domandi yfir Jsrael .xxiii. ár. Síþan andaðiz hann oc var gravinn i Sanir.

---

#### Fra Jair domanda.

195. Þar næst var domandi yfir Gyðingvm sa maðr er het Sair af Galaad .iii. ár oc .xx. Jair atti .xxx. sona. þeir vorv allir agætir riddarar oc höfðingiar yfir .xxx. borga er af hans nafni vorv kallaðar Avothiair. þat ero<sup>5</sup> kauptaðir Jair. oc sva heita þer borgir allt til þessa dags a iorðv Galaath. Jair andaðiz i þeim stað er het Chamo oc þar var hann grafinn.

<sup>1)</sup> saal. A; olifatre, C <sup>2)</sup> [sonu ranglatra ok, A <sup>3)</sup> Jaraels, A <sup>4)</sup> Thauar, A

<sup>5)</sup> þyðaz, A

302. Þá avkaðv Jsraelite enn [fornar syndir með nyiom glæpvm oc gerðv þá verra<sup>1</sup> enn allðri fyrr i avgliti drottins sva at þeir þionaðv þá berliga skvrðgodvm Baalim oc Astaroth oc annarra hæðinna þiðða gvðvm<sup>2</sup> Syrorvm oc Sidoniorvm Moabitarvm oc sona Amon<sup>3</sup> oc Philistim. enn fyrirlietv [sinn drottin.<sup>4</sup> fyrir þi syndi gvð þeim sina ræði sva at hann sellði þá i hendr hæðingvm Philistim oc sonvm Amon. oc<sup>5</sup> vorv af þeim akaðliga þiadir oc þravngðir .xviii. ar allir þeir Jsraelite er vorv fyrir vltan Jordan a iorðv Amorrei vm allt riki Galaath. Oc sva miog gæisaði vm siðir ofsi hæðingia oc yfirgangrat synir Amon sorv vltan yfir Jordan með sva mikinn hernað [at þeir æyðdv drivgvvm riki Jvða oc Eßfraym oc Beniamin.<sup>6</sup> Var þá allr Gyðingia lyðr miok kvalðr þar til er Jsraelite kallaðv þá enn til drottins sva segiandi. Miog höðvm ver misgert oc margfalldat syndir varar i þinv avgliti drottinn gvð varr. er ver fyrirlietvm þik enn þionaðvm bavlvaðvm Baalim. Drottinn hæyrði akall þeirra oc talar sva við þá. Minnaz megi þer a þat at yðr þravngðv Egiptar oc Amorrei [synir Amon<sup>7</sup> oc Philistei. sva Sidonii oc [hæðingiar Amalech oc Canaan.<sup>8</sup> oc kallaðv þer þá til min oc ek frelsta yðr vndan valldi allra þeirra. enn þo fyrirlietvð þer mik oc dyrkaðvt annarlaga gvða. oc fyrir þvi man ek nv æigi sva skiott leysa yðr. farit nv oc kallit a þá dæva sem þer hafit yðr valit til atrvnaðar. þeir manv frelsa yðr a þessvm eymðar tima. þeir svaraðv. Ver erom senniliga synda fvlir i þinv avgliti drottinn. nv gialltv oss syndir varar sem þer likar [þess er fyrir þina miskvnn frelstv oss<sup>9</sup> nv at sinni af hendi<sup>10</sup> varra vvina. Þetta mælltv þeir oc kastoðv brottv ðllvm skvrðgoða blotvm oc þionaðv drottni. enn hann lietti<sup>11</sup> þegar þeirra eymðir oc vnaðir. J þenna tima höðv synir Amon dregit saman mikinn her. oc vorv þá komnir i riki Galaað oc settv þar sinar herbvðir. enn moti samnaz Gyðingar oc setia sin landtiðlð i þeim stað er heitir Masphat. Þá æiga höðingiar Galaað stefnvr til raðagiörða. en þat kemr samt með þeim at sa skal vera hertogi þeirra oc höðingi er fyrst af þeim vegr vig a sonvm Amon.<sup>12</sup>

Her segir fra Galaath ok Jepte syni hans. capitulum.

196. Maðr er nefndr Jepte. hann var einn hinn styrkazsti kappi

<sup>1</sup>) [illgerdir framarr, A <sup>2</sup>) skurðgodvm, A <sup>3</sup>) Amons, A <sup>4</sup>) [lifanda gud, A <sup>5</sup>) sua at þeir, A <sup>6</sup>) [i riki Juda Eßfraym ok Beniamin ok aleyðdv ngr allt, A <sup>7</sup>) [Amonite, A <sup>8</sup>) [Amalechite ok Chanane, A <sup>9</sup>) [þers þo at þu frelsir oss fyrir þina miskun, A <sup>10</sup>) valldi, A <sup>11</sup>) linadi, A <sup>12</sup>) Amons, A



af monnum Galaað oc hinn mesti hermaðr. hann var einnar portkonv son enn faðir hans het Galaað. Galaað var eiginkvangaðr oc atti hann með hvsfrv sinni marga syni. enn þeir vxv vpp allir samt. oc er faðir þeirra var allr þa rakv hinir skilgetnv Jepte fra ser. segiandi sva. Með engv moti mattv taka arf með oss i hvsí favðvr þins þar sem þv ert horkonv son. Jepte flyði favðvr hvs oc forðaðiz bræðr sina. oc bygði a þeirri iorðv er heitir Tób. drifv þa til hans vngir menn felavsir oc vikingar eða vspectarmenn [fylgðv honvm sem sinvm eiginhofðingia.<sup>1</sup> J þenna tíma veittv Amonite hinn mesta agang Jsraels lyð sem aðr er gælið. forv þa geðingar<sup>2</sup> af Galaað til fvndar við Jepte frenda sinn oc biðia hann veita ser lið með sinn styrk. Jepte segir hveria framferð þeir höfðv við hann. þer erot þeir savmo er mik rakvð brott af hvsí fððvr mins enn komit nv til min er þer erod i navðvm staddir. Höfðingiar Galaað mælltv. Satt er þat at sv er savk til varrar herkvaino at ver villdim hafa þik með oss til bardaga við Amonitas. oc þo með þi at þv ser hertogi yfir oss Galaaðs folki. Jepte svaraði. Til man ek hætta at stríða við syni Amon oc ættmenn. með því at þer hætlið til fasta at ek skal vera yðarr formaðr ef gvð vill gefa þann<sup>3</sup> hæðingiaher i minar hendr. þeir sogðv sva. Sa hinn sami gvð a himnum er nv hæyrir varlt viðrmæli. se hann sannr valtr oc vitni at ðll var hæt við þik skolvum ver vel hallda. Jepte for nv með höfðingiom Galaath oc iatði honvm allt folk hlyðni. Hann tiaði oc tindi allan sinn malavðxt fyrir drottni i Masphat þial þar var hinn mesti bqnarstaðr.

Síþan sendi Jepte boð til konvngs Amonitarvm sva segiandi af sinni personv. Fyrir hveria skyld hefir þv her dregit saman moti mer at eyða mitt ríki. Hann svarar sva þesso grendi. Sv er savk til mins hernaðar at Jsraelite toko mina iorð. þa er þeir forv af Egyptalandi. fra vmmerkivm Arnon allt til Jaboch oc Jordanar. Nv þa ef þv vilt mef avðveldliga aftr giallda þessa iorð þa man ek lietta af hernaði a hendr yðr. Sem Jepte heyrði þessi andsvðr konvngs Amons þioðar. sendir hann sðmv menn sem fyrr til fvndar við hann oc byðr þeim at flytia fram dreingiliga þav orð sem hann segir fyrir. Sendimenn fara oc koma fram i herbvðvm Amonitarvm. ganga fyrir konvng oc segir sa er fyrir þeim var. Þessa hlvti sagði Jepte oc bavð mer at bera yðr til eyrna. Eigi tok Jsraels lyðr iorð <sup>4</sup>Moabs oc Amons með rani eða rangendvm. nema helldr sem Gyðingar forv af Egyptalandi gengv þeir vm avðn oc vbygðir allt til Ravða hafs. oc síðan

<sup>1</sup>) [ok gerdu hann sinn hofðingia, A <sup>2</sup>) höfðingiar, A <sup>3</sup>) þenna, A <sup>4</sup>) her. beg. atter B

komv þeir i þann stað er het Cades. þa sendo þeir menn til konungs þess er ríkti i Edom sva segiandi. Læyf þv oss at fara rétta læið yfir ríki þitt oc skolvu ver hvarki gera þer skómu ne skaða oc engv misbrigða því er þv att. Enn hann bannaði þeim berliga at fara um sitt ríki. Þeir sendo þa en sðmv<sup>1</sup> orð konungi Moab. enn hann næitaði þeim þverliga framferð um sína iorð. Dvalðvz þa Gyðingar i Cades oc forv þaðan fram fyrir iorð Edom sva at hon var a aðra hönd. oc sem þeir komo gagnvart ríki Moab til avstrss settv þeir sínar herhövðir fyrir vtan Arnon oc villdo æigi ganga [vlofat um endulönd Moab. þat fors gða á Arnon er vinmerki<sup>2</sup> þess ríkis. Sendo Jsraelite þa enn menn til svndar við Seon konung Amorrevum þiöða er bygði i Esebon at biðia hann ferðarleyfiss fram til Jordanar um vtanverða hans iorð. enn hann væitti þeim því siðr til yfirferðar vtskaga síns ríkis at hann dro saman vtalligan her i þann stað er Jeska<sup>3</sup> heitir oc væitti viðnam Jsraels folki með allan sinnu styrk oc alla. Enn gvð drottinu gaf hann oc allan hans her i hendr Gyðingvum. drapv þeir hann oc eignaðvz sva allt ríki Amorrei oc allar bygðir þeirrar iardar fra Arnon allt til Jaboch. oc allar vbyggðir oc avðnir allt til Jordanar. með þessvum hætti hefir gvð drottinn sialfr vndirbrotið Amorrevum oc gefið sigr sinvum lyð er bardiz við hann. Nv væit ek eigi hver sannendi þv finnr til þess er þv vill æignaz jorð drottins gvðs vars oc taka hans ríki at herfangi. hv gða ek at þer hærði réttlíga at hallda þeim hlvtvum ef nockvra eignaz klækiafvllr Chamos gvð þinn. enn þeir hlvtir hafi fallit frialsliga i vara eign er varr hinn sigrsæli herra gvð a himnvum hefir vunnit oc öðlaz eigi með minna krapli enn nv var talt oc tint vtan þv ser miklo betri enn Balach konvngv Moab þiöða. er dirldiz at dæila við Jsraels lyð. oc næmir þv nv af hans dömvum at veita agang oc vnaðir þesso folki er byggð hefir i Esebon oc i öllvum borgvum oc bæivum við Jordan vel.ccc. ara. gða fyrir hvi hafi þer alldri akert sva langan tíma ef þer vilitt nv væita oss vmaka. Nv geri ek þer ecki mein. enn þv eðfir illzv oc ræisir rangliga bardaga i mot mer. því bið ek at varr drottinn styrkr stíornandi þessa dags dömi meðal var oc yðvar. Enn konvngv Amonitarvum anzaði ecki þessvum orðvum Jepte er sendimenn barv framv.

Nv var andi drottins með Jepte oc eðði hann. oc for hann nv um þessi ríki Galað oc Manasen oc Masphat oc þaðan til motz við syni Amons. þa hiet Jepte a gvð til sigrs ser sva segiandi. Ef þv drottinn minn selr mer i hendr syni Amon þa skal ek þer öðra til eignar þann mann er fyrst kemr moti mer af minv hvsi þa er ek

<sup>1</sup>) bēnar tilf. B <sup>2</sup>) [vm merki vlofat, B <sup>3</sup>) Eleska, B

kem aftr með friði at sigrvörðum sonum Amóns. Jepte ræðr nú til bardaga við Amónitas. og gæfr gæð þá þegar í hans valld sva at hann vann af þeim .xx. borgir og lægði Jsrael nú ofstopa Amóns. Nú sem Jepte kom heim til síns óðals í Masphat eftir þenna sigr. rann í mot honum einga<sup>1</sup> dottir hans með skemtunar savngfæri. þíat hann atti enga syni. Sem hann sa hana.<sup>2</sup> reif hann klæði sín sva segiandi með miklum harmi hugar. Hó hó min einga<sup>1</sup> dottir. sarliga hefir þú mik svikit og æigi síðr sialfa þig. þvíat ek hefi hætlið at forna þik gæði sva at ek ma þvi æigi bregða. Hon svaraði. Minn sæti faðir. með þvi at drottinn villði þiggja hæt þitt og gaf þer at sigra syni Amóns og þina alla vvini. þá ger þat sama sem þú hefir hætlið. Enn með þvi at þú mætt mik eigi manni gípta fyrir sakir hæt þins. þá gæf mer frest um .ii. manaði og orlof at fara um allar fiállbyggðir at grata með minum fösystnum minn mæydom. Síðan sem ek kem aftr vil ek vera eggjandi at þú efnir hæt þitt við gæð. For hon nú með læyfi fæðvrs síns með sína sveina og meyar .ii. manaði um fiðll at grata sinn mæydom. [Eftir þat<sup>3</sup> fornferði hann hana gæði sem hann hafði hætlið. Þaðan af tokz þat í vanda sem leingi hiell(z) síðan at allar Jsraels konur komu saman í einn stað a hverio ari og grietv dottvr Jepte af Galaad .liii.<sup>4</sup> daga.

Eftir þetta keykiz vfríðr í ríki Efraim með þvi moti at Efraims menn komu saman og foru norðr í Galaad til fvnndar við Jepte og savgðv sva til hans. Fyrir hvi villdir þú sva vanvirða oss at þú villdir æigi [kalla oss til bardaga<sup>5</sup> með þer við Amónitas. og fyrir þessa svirðing skvlu ver þik í elldi brenna og allt þitt hyski og hæima-menn. Hann svaraði. Harðla mikil hæðvng var mer at og minum monnum at stríða við Amóns þjóðir. og þi bæð ek yðr veita mer. fvllting enn þer villdvst vist æigi og fyrir þvi lagða ek lif mitt í haska og for ek með [litið lið<sup>6</sup> í mot heiðingvum. og varð sa várr fvndr sem nú ma vita at gæð gaf þá a mitt valld og vapn. Nú væit ek gígi hvat yðr skylldar til at ræisa her a hendr mer vtan æin saman yðvr ófvnd og ofhelldi. Síðan kallar Jepte saman alla vapnfæra menn þá er hann seck í Galaad og hellt til bardaga við Efraims menn og veittv þeim mikit slag og þó mest fyrir þá skyllt at Efratei höfðv mællt mðrg hæðvlig<sup>7</sup> orð við Galaditas. þeir höfðv og sva sagt at Galaad hefði fyrr vorðit forflotta fyrir Efraim og bygði sa lyðr nú fyrir þvi milli Efraim og Manase. Galaads menn komu fyrir Efraim og tokv qll vðð a Jordan þar sem van<sup>8</sup> var at Efraim myndi yfir læita. og sva

<sup>1</sup>) einka, B <sup>2</sup>) dottur sína, B <sup>3</sup>) [Ok er hon kom aftr, A <sup>4</sup>) .liii., A <sup>5</sup>) [at ver berdimz, A <sup>6</sup>) [lílu lídi, A <sup>7</sup>) hæðilig, B <sup>8</sup>) von, B

varð mikill atgangr Jepte oc hans manna at i því striði fello af Effraim .xlii. þvsvndir. Jepte Galadites var domandi yfir Gyðingvm [Jsraels folki<sup>1</sup> .iii. ar. síðan andaðiz hann oc var grafinn i Galaad.

### Skyring af Jepte.<sup>2</sup>

197. Sva hafa helgir feðr skýrt at Jepte merki varnn herra Jesum Crist. [þviat Jepte<sup>3</sup> brot rekinn fra sinvm bræðrvm ððlaðiz höfðingskap. Varr herra Jesus Cristr feck halæitan höfðingskap yfir ðllvm [rættv- anda lyð<sup>4</sup> þa er hann var aðr rækr oc rækin af Gyðingvm. Jepte læysti Jsraels lyð af [illvm yfirgang<sup>5</sup> sona Amons. Jesus Cristr frelsti sina valða menn af diðða þionkan oc þrældomi. Jepte fyrir sigr sinn fornfærði sina cinga<sup>6</sup> dottvr. Varr herra Jesus Cristr sefði sinn eigin likama til lavsnar ðllvm sinvm<sup>7</sup> mavnnvm.

### Af Abesan.

198. Abesan het maðr ættaðr af borg Bethleem. hann dömði Jsrael næst eflir Jepte. Abesan atti .lx. barna iafnmart hvart syni oc dqr. ðll hans bðrn vorv vel mannvð. Hann gipti vt allar dqr sínar oc tok inn iafnmargar eiginkonvr svnm sinvm. Abesan var domandi yfir Gyðingvm .vii. ár. þa andaðiz hann oc var iarðaðr<sup>8</sup> i Bethleem.

### Fra Ahilon.

199. Eftir Abesan var domandi oc höfðingi sa maðr er het Ahilon. hann var kominn af kyni Zabvlon. hann dömði Jsraels lyð .x. ár. oc andaðiz síðan oc var grafinn i ríki Zabvlon sem [hann atti kyn til.<sup>9</sup>

### Her segir af Abdon domanda.

200. Síðan var domandi yfir Jsraels lyð Abðon. hann var son þess mannz er het Hellel. Abðon var ættaðr af því heraði æða borg er het Pharathon. því var hann kallaðr Pharathonites. Abdon atti .xl. sona oc .xxx. svna sona. þessir .lxx. manna vorv allir hrvastir ridd-

<sup>1</sup>) [mgl. A <sup>2</sup>) Her segir af merkingu nafns Jepte, A <sup>3</sup>) [ulf. B <sup>4</sup>) [rettruande monnum, B <sup>5</sup>) [vandu valldi, A <sup>6</sup>) einka, B <sup>7</sup>) cristnum, A <sup>8</sup>) grafinn, A <sup>9</sup>) [hans ætt ok kynferdi var til, A

arar oc tǫmðv sik við hesta oc hervapn. Abdon Pharathonites var domandi .viii. ár. þa do hann oc var grafinn i Pharathon. þat er i ríki Elfráim a fíalli þi er heitir Amalach. [At davðvm<sup>1</sup> Abdon tokv Gyðingar enn at hafa<sup>2</sup> vhefvr oc illifnat sem fyrr. [þar fyrir<sup>3</sup> selldi drottinn þa enn i valld hæðingia Philistim .xl.<sup>4</sup> ara.

Her byriaz saga fraa Samson hinum sterka domanda sunar(!)  
Manue ok af Dalida.<sup>5</sup>

201. Maðr er næfnr Manve af þeirri borg er Saraa<sup>6</sup> hælir. hann var kominn af kyni Dán svnar Jacobs hins gamla. Manve var eiginkvændr.<sup>7</sup> kona hans var vbyria oc er æigi nefnd. Sva bar til einn dag at engill drottins birtiz henne sva segiandi. þv hefir verit<sup>8</sup> vbyria oc gætið enga erfingia við bonda þinvm her til. enn varaztv vin at drecka gða annan afeinginn dryck. oc æigi skalltv vhræint eta. þvial þv mant verða gætandi i kviði oc þann son fæða at hans höfvd skal harknifr alldri snerta. þiat hann man vera nazarevs domini. þat er gvði helgaðr allt fra moðvr kviði af barns alldri oc honvm merktir. hann man frelsa folk yðart oc allan Jsraels lyð af allri anavð Philistinorvm. Nv sem þessi kona kom til bonda sins segir hon sva. Ek hefi þer ny tiðendi at segia. Gvðs maðr kom at mer sa er hafði eingiliga asianv<sup>9</sup> oc var miog ogvrligr. Sem ek eftir spvrða hverr hann veri<sup>10</sup> gða hvaðan hann var<sup>11</sup> gða hvat hann hiet. villdi hann eigi segia mer. nema enn hellr sagði hann sva. þv mant son geta oc fæða. oc þi bað hann mik eigi vin drecka gða styrkan dryck. oc æigi [ne eitt<sup>12</sup> gta vræint. at hann kvað þenna svæin<sup>13</sup> verða mikinn fyrir ser snæmmendiss oc vera gvði helgaðan fía moðvr kviði allt til davðadags. þa hof Manve vpp bæn sina til drottins sva segiandi. Ek bið drottinn minn at sa hinn sami maðr er þv sendir til konv minnar komi ðörv sinni oc segi oss hvat ver skvlvm gera við svein þenna er fæddr man vera. Gvð hæyrði bðn hans oc sendi eingil sinn til konv hans sem hon sat vti a akri ein saman. Oc þegar sem hon sa eingilinn rann hon sem skiotazt oc segir bonda sinvm. at nv birtiz henne sa hinn sami dræingr er hon hafði fyrr seed. Manve spratt þegar vpp oc fylgði henne. oc er þav komv at einglinvm. mællti Manve til hans. Ert þv sa dreingr er komt fyrrvm oc talaðir við

<sup>1</sup>) [A dógum, A <sup>2</sup>) heða, B, A <sup>3</sup>) [fyrir þi, A <sup>4</sup>).xxx., A <sup>5</sup>) Her segir af Manue ok konu hans. capitulum, A <sup>6</sup>) Sarra, A <sup>7</sup>) eiginkuētr, B <sup>8</sup>) lengi tilf. A <sup>9</sup>) asionu, B <sup>10</sup>) var, B <sup>11</sup>) vère, B <sup>12</sup>) [nokkut, B <sup>13</sup>) myndu tilf. B

kono minna. Hann svaraði. Ek em sa hinn sami. Þa mælti Manve. Nv þa þann tíma er þat kemr fram<sup>1</sup> sem þv fyrir sagðir. hveria framferð skal sveinninn hafa gða við hverio skal hann [viðrsia veita.<sup>2</sup> Eingillinn andsvaraði. Eigi skal hann gta þat er vræint er oc ecki þat er i vingarði vex. oc halldi sik sva at ðllo sem ek bayð konv þinni. Manve vissi enn eigi at eingill gvðs veri sa er hann talaði við oc mælti til hans. Bið ek felagi at þv biðir her meðan oc geng at matbva þer eitt kið af hiorð minni. Eingillinn svarar. Eigi man ek gta fgdv þina þo at þv skyldir mic til. enn ef þv vilt drottni fgra fornir æða offr þa mæltv þat vel gera. Manve mælti. Seg mier nafn þitt. at ver megim þer mækliga virðing<sup>3</sup> veita. ef<sup>4</sup> með framkvæmd fyllaz orð þin. Hann svarar. Hvat þarft þv at spyria at nafni minv þviat<sup>5</sup> þat er miog vndarlic.<sup>6</sup> Manve rann nv skiott til hiardar sinnar oc tok eitt kið. oc þar með aðra hlvti þa er hann villdi forna. oc er hann kemr apr. seir hann niðr a eitt berg þat er hann for með. offrar hann drottni fyrir sin stormerki með því moti at þar spratt vpp logi or steininvm. oc brendi offrit<sup>7</sup> [með þæima hætti. enn með<sup>8</sup> ræyk er þar stoð af for engill gvðs til himins. Enn er þetta sa Manve oc hvsfrv hans. fiello þav til iardar af hræðzlo. oc mælti Manve. Við manvm skiott dæyia er við höfvm secð drottin likamligvm avgvm. Hon svaraði. [Til hvers veri drottin at hafa þegit ofr oc fornir af ockarri hendi. ok<sup>9</sup> alldri hefði hann synt ockr þessa<sup>10</sup> hlvti oc sagt fyrir þat er siðarr man fram koma<sup>11</sup> ef hann villdi nv þegar drepa okr.

### Her er Samson fæddr sun Manue. capitulum.<sup>12</sup>

202. Nv kemr at þeirri stvndv er kona Manve fgdir son oc nefnir<sup>13</sup> Samson. Þessi sveinn vox vpp með favðvr oc moðvr oc blezadi gvð hann. oc var styrkr andi drottins með honvm snemmdiss. Sva bar til einn tíma þa er Samson var frvuvaxta at hann kom i ríki Philistim i þann höfvdstað er het Thomnatha.<sup>14</sup> oc sa þarkonv eina þa sem honvm fiell vel i skap. Hon var af ætt Philistim.<sup>15</sup> hann for hæim til favðvr<sup>16</sup> sins oc moðvr<sup>17</sup> oc segir sva til þeirra. Ek hef lítið konv þa af dðtrvm Philistinorum er ek vil fyrir hvernumvn

<sup>1)</sup> vm æuin þenna tilf. A <sup>2)</sup> [varna, A <sup>3)</sup> vegsemd, B <sup>4)</sup> þa er, A <sup>5)</sup> mgl. B <sup>6)</sup> dasamligt, A <sup>7)</sup> alla fornina, A <sup>8)</sup> [ok með þess hættar B; ok með þeim, A <sup>9)</sup> [mgl. A <sup>10)</sup> alla tilf. B <sup>11)</sup> gdr þegit ofr ok fornir af ockar(!) tilf. A <sup>12)</sup> Fra því er Samson var fæddr, A <sup>13)</sup> er nefndr, B <sup>14)</sup> Thamnath, B; Tamnata, A <sup>15)</sup> Philistorum, B <sup>16)</sup> fedrs, B <sup>17)</sup> mædr, B

at ið<sup>1</sup> fait oc fastnit mer til eiginkonv. þav svaraðv beði. Hvert er nv engi kona sv ær þer se eigandi i varri ætt gða i ðllv Gyðinga kyni. er þv vill fa þer konv af ððtrvm Philistim þeirrar þioðar er ecki hefir<sup>2</sup> vmskrðar skirnn.<sup>3</sup> Enn mællti Samson til favðvr sins. Ecki likar mer annat enn þv fangir<sup>4</sup> mer þessa konv til hvsfrv. þiat hon þocknaðiz vel minvm avgvm. Enn Manve oc kona hans vissv ægi at af gvðligri fyrirhyggiv myndi þetta kvanfang Samsons verða Philisteis til sva mikils tions oc tapanar. þiat i þann tíma gæisaði sem mest ofsi Philistinorvm yfir Jsraels lyð. Nv fyrir bðn Samsons oc æggian fara þav með honvm i borg Thamnath.

Nv sem þav komv at vingavrðvm borgarinnar rann i mot þeim einn leo grimur oc graðvgr þo at vngr veri hræðiliga remiandi.<sup>5</sup> við þessa syn flyðv þav með mikilli hræðzlo Manve oc kona hans. en andi drottins kom yfir Samson með miklo kappi oc afli. Snvr hann þegar at<sup>6</sup> dyrino sva at hann hafði ecki i hendi. hann ræðr a<sup>7</sup> oc liggir ægi fyrr enn hann hefir drepit dyrit. oc sva lamit oc smátt i svndr slitið sem hann hefði brytiað eitt kið til kietils. Síðan for hann at læta foðvr sins oc moðvr oc fann þav þar sem þav hððv folgiz. enn eigi villdi hann þeim segja þetta þrekvirki er hann hafði vnnit. Fara þau nv i Thamnath. oc tala þetta mal. oc var honvm heitið konv.<sup>8</sup> Forv þav Manve þa hæim. Enn Samson dvalðiz þar eptir nockvra daga. oc sem hann for heim til hvs favðvr sins. veik hann af veginvm oc villdi sia hræ dyrsins. Ok er hann kom at sa hann at byflygi hafði borit hvnang ægi litið i mvnn dyrinv. hann tok hvnangit oc át<sup>9</sup> enn svmt ferði hann hæim fððvr sinvm oc moðvr oc sagði þeim ecki til hvaþan honvm hafði komit.

Litlo síðarr for Manve i borg Thamnatha at bva brvllavp svnar sins. sem margtiðt er. Enn er þess staðar menn sa at Samson var samennr fengv þeir honvm til fylgðar .xxx. vngra manna. Samson talar sva til þessa svæina. Ek man bera vpp fyrir yðr eina litils hattar galv. enn ef þer giætið læyst innan þessa .vii.<sup>10</sup> daga sem væizlan stendr. þa man ec gefa yðr .xxx. linklæða oc sva marga, kyrtla.<sup>11</sup> ef þer giætið ægi gatv minn læyst sva at mer liki. þa skvlv þer gefa mer [.xxx. skyrtla oc .xxx. kyrtla.<sup>12</sup> þeir baðv hann bera vpp gatvna. hann gerði sva oc mællti. Matr<sup>13</sup> for vt af etanda oc af styrkvim stormikill sællæikr. ægi er mæiri segir Samson min gata. þeir briotaz við oc giæta ecki at gert. Ok sem nalgazt hinn .vii. dagr væizlvnnar.

<sup>1</sup>) þit, B, A <sup>2</sup>) hafa, A <sup>3</sup>) tekit tilf. A <sup>4</sup>) fair, A <sup>5</sup>) emiandi, B <sup>6</sup>) i mot, A <sup>7</sup>) þat tilf. A <sup>8</sup>) konunni, A <sup>9</sup>) sumt tilf. A <sup>10</sup>) flogurra, B <sup>11</sup>) en tilf. B, A <sup>12</sup>) slíkt hit sama, A <sup>13</sup>) saal, rettet; mattr, C, A; mædr, B

326

tavldv þeir sva til brvðarinnar. Gior þik bliða við bonda þínu Samson oc locka hann sva<sup>1</sup> at segia þer þessa gatv sem hann hefir vpp borit fyrir oss oc sva hval hon merkir. Enn ef þv vill þetta ægi þa manvm ver þig inni brenna oc allt hyski favðvr þins. eða hafi þer þi boðit oss til væitlo at þer villdit<sup>2</sup> ræna oss varvm penningvm. Hon læitar eptir við Samson hval þess<sup>3</sup> gata merkir. oc biðr með tarvm sva segiandi. Hatar þv mik enn elskar ægi. ef þv vill ægi skyra mer gatv þa er þv hefir vpp borit fyrir mína frendr. Samson svaraði. Ellar þv at ek mvna þer þat segia er ec villda hvarki favðvr minvm ne moðvr. En þo vm siðir a siavnda degi brvllavpsins sem hon gerir honvm allar vnaðir með akaðligvm grati verðr þat at hann segir henne hval gatan merkir. enn hon segir þegar sinvm borgarmonnm. Oc a þeim sama degi fyrir solar sêtr ganga þeir fyrir Samson oc segia<sup>4</sup> til hans. Hval er sætara hvnangi oc hval styrkara leone.<sup>5</sup> Hann svaraði. Enn hafi<sup>6</sup> þer ægi fyndit divpan grafning gatv minnar vtan þer hefðit arit til með minni<sup>7</sup> kvigv. Endrnyiaz þa andi drottins i hans briosti honvm til styrktar. geck hann þegar i þa borg Philistinorvm er Aschalon haitir oc drap þar .xxx. manna af hæðingivm oc tok þeirra klæði þeim at gjalda er gatvna hðfðv græiðt. Varþ hann fyrir þetta fvrðvliga ræiðr Philisteis er honvm þotti<sup>8</sup> þeir hafa gabbat [sik oc gint<sup>9</sup> kono sina at segia þeim gatvna. ferðaðiz hann nv heim til fððvr sins. en hvsvrv hans dvalðiz eptir. Ok litlo siðurr tok hon ser annan mann einn af vinvm Samsons oc giptiz þeim at fððvr raði.

Nv sem sa timi kom er menn skylldo skera hvæitiakra sina. þa for Samson oc ætlaði at vilia konv sinnar. Tok hann einn bvck sæitan at fera henne.<sup>10</sup> Enn er hann kom at hennar herbergi oc ætlaði inn at ganga at vanda sem siðr var til. liet faðir hennar a þi engan kost oc sagði sva. Vgr ætlvðvm at þv villdir fyrirlita hana oc lata æina. fyrir þi gipta ek hana einvm þínum vin. Enn ef þer mislikar þetta þa skal [ec þer<sup>11</sup> skiott bðta. ek a aðra dottvr [miklo yngri<sup>12</sup> fegri oc friðari. oc gack þv 'nv þa at æiga. Samson svaraði. En ek ælla hitt nv rað at glæpaz ecki lengr i felagskap við Philistim. nema enn helldr vpp fra þeima degi sklv þer til þess ætla at ec man gera yðr slict illt sem ec orka.<sup>13</sup> Oc þegar for hann þar til sem hann vissi at refa vrð var. oc tok þar .ccc. refa oc let alla lifa. enn veitli þeim þess hattar vmbvð. at hann batt saman halana a

<sup>1)</sup> til tilf. A <sup>2)</sup> villdut B; villd<sup>1</sup>, A <sup>3)</sup> þessor, B <sup>4)</sup> sva tilf. B <sup>5)</sup> leoni, B  
<sup>6)</sup> hefde, B <sup>7)</sup> saal. A, B; mvnni, C <sup>8)</sup> þottu, A, B <sup>9)</sup> [eigin, B  
<sup>10)</sup> konu sinne, B <sup>11)</sup> [þat, B <sup>12)</sup> [yngri. myklu, B <sup>13)</sup> ma, A



hveriom tveimr. oc þar meðal<sup>1</sup> batt hann loganda elldiskid.<sup>2</sup> Sem hann hafði sva vm bvit ljet hann lavsa alla refana senn.<sup>3</sup> Enn þeir hliopv logandi higat oc þigat. komv niðr vm siðir i sæðvm Philistinorvm. lavst þa loganvm i hialma þeirra er þeir höfðv hlaðit saman<sup>4</sup> hveiti sino. toc þa at loga hvat af ððrv sva at engv malti biarga þar til er vpp vorv brendir akrar þeirra allir oc vingarðar. olivatre oc alld-  
 inskogar. þa talaðv Philistei vm með ser hverr þeim myndi gertl hafa sva mikinn skaða. var þeim þa sagt at Samson magr höfðing-  
 ians af Thamnatha hafði þetta gert fyrir þat er hann hafði tekit dottvr sina eiginkono Samsons oc gipt ððrvm manni. Við þessa sögv fyllaz Philistei vpp reiði. fara til sem skiotaz oc brenna inni kono þessa er Samson skyldi att hafa favðvr hennar oc<sup>5</sup> frendr hyski oc hæima-  
 menn. Kemr þa Samson at i því oc mælti til þeirra. Nv þickiz þer vel hafa syst oc hefnt skaða yðars. enn þer manvt þo ægi lengi þessv fagna. þiat ek skal sannliga hefna yðr minnar svivirðingar. er þer hafit brent konv mina oc mag. enn siðan man ek sefaz oc læita þa enn ecki a yðr fyrrvm en þer synit yðr þa enn i nockorri vvisv við mig. Samson bra þa sverði sinnv oc hio bæði hart oc titt oc væitti þeim sva harða hrið at allir þeir er þi komv við flyðv skialf-  
 andi oc felmsfvllir með sva skiotri ras sem fotr mattv þa mest bera. Nv dreifði hann sva hermonnvm Philistim. Segiz oc sva at i þessarri suerrv drap hann af þeim þvsvnd manna. sem ægi ma vndarlict þickia at þi sem eptir ferr at hann drepi mart manna með sinnv sverði. þiat fyrir þa skyld var hann kallaðr Samson hinn sterki at sva miog elldi hann andi drottins i hverri þravt at honvm varð til engiss<sup>6</sup> lvt-  
 ar affallt.

Fra þui er Samson drap þusund manna með asnakialka.

203. Eftir þenna atbvrð for Samson til eins helliss i biargi þi er Etham heitir. bioz hann þar vm oc bygði hellinn. Enn Philistei draga nv her saman at<sup>7</sup> nyio oc fara i riki Jvða. setia sinar herbvðir i þeim stað er siðan hæitir [Lehi gða<sup>8</sup> Thei. þat er kinnarkialki at<sup>9</sup> noręnv. þar coma til þeirra ættmenn Jvde oc eptir spyria hvi þeir hefði her samnat a hendr þeim. þeir svarðv. Til þess ęrv ver her komnir at taka Samson oc giallda honvm grimliga alla þa illa hlvti sem hann hefir oss gert. nv ef þer komit honvm byndnm i vara avgsyn þa manvm ver ægi yðr mæin gera. Jvðar vðlðv þa [iii. þvs-

<sup>1</sup>) i medal, B; millum, A    <sup>2</sup>) elldiskid, A, B    <sup>3</sup>) i senn, B    <sup>4</sup>) af tilf. A

<sup>5</sup>) moður tilf. B    <sup>6</sup>) einskiss, B    <sup>7</sup>) af, B    <sup>8</sup>) [mgl. A    <sup>9</sup>) a, A, B

vndir<sup>1</sup> af sinvm monnvm. þeir forv til helliss Etham oc svndv þar Samson oc savgðv sva til hans. Fyrir hvi hefir þv reitta Philisteos i mot oss sva at þeir ero nv komnir með mikinn her i varl riki oc ætla at eyða enn oss at drepa. Nv er þat vart grendi til þin at taka þik oc selia bvndinn i hendr Philisteis. Samson svaraði. þat skolo þer fyrir vist vita at ecki em ek einn vppnæmr fyrir yðr ðilvm. Enn til þess at ek spilla ægi minvm ættmonnvm. nema enn helldr ef gvð villdi tima til gefa mætti Jsraelite fyrir minar hendr frelsaz af vandv valldi sinna vvina. þa man ek kost þann gera yðr at þer bindit mik sem yðr likar oc færit mik sva Philisteis at kavpa yðr frið oc frelsi oc ðllo yðro goðs<sup>2</sup> ef þer vilit aðr hçila oc sveria vpp a trv yðra at þer skvltv ægi drepa mik. þeir dvðlðv ecki þat at sveria at þeir skyldi<sup>3</sup> hann ægi drepa helldr selia bvndinn i hendr vvinnvm.<sup>4</sup> Taka hann nv oc binda<sup>5</sup> tvennvm hinvm styrkaztvm nyiom ræipvm. oc sva hvinn<sup>6</sup> flvttv þeir hann oc ferðv brotlo af biargi Etham. Enn er þeir nalgaz herbvðir hæiðingia [Philistinorvm. þa hlavpa þeir<sup>7</sup> þegar i mot þeim með [miklo opi<sup>8</sup> oc vapna braki. þa kemr enn [knyiandi styrklar<sup>9</sup> andi drottins yfir Samson. hann sva miog eflandi at ægi sæinna slæit hann ðll i senn þav ræip sem hann var bvndinn með helldrenn akafr elldz logi brennir lim<sup>10</sup> gða lavf af þvrrvm viði. Vorv þa þegar hans vvinnir ægi iafnakafir at honvm at ganga er hann var lavs vorðinn. Nv sem Samson var vapnlavs fyrir sinvm vvinnvm oc motstðvmonnvm svifz hann vm. gripr hann vpp einn asnakialka fornan er la i læirinv fyrir honvm. hlæypr þa þegar a alvapnaðan heiðingia<sup>11</sup> her oc berr a tvær hendr sva at hann drepr af þeim þvsvnd manna með einvm asnakialka. enn allir flyðv þeir sem estir lifðv. Samson losaði gvð<sup>12</sup> oc kastaði þa niðr kialkanvm oc kallaði þann stað Ramathehi. þat þyðiz vpptaka kinnarkialka. Samson var nv oc<sup>13</sup> miog sva at þrotvm kominn af þorsta oc mikilli mæði. sva at hann mætti varla vppstanda. kallaði hann þa til drottins sva segiandi. Þv minn herra gvð gaft þenna kinnarkialka i havnd mer þræli þinvm oc væittir mer styrk at sigra vvini mina með sva miklo stormerki. enn nv se ek at ek man dæyia oc sva i hendr falla hæiðingia vtan<sup>14</sup> þv hialpir mer með þinni miskvnn oc milldi. Enn herra gvð hæyrði þegar bðn hans oc hrærði einn iaxl i asnakialkanvm er hann hafði bariz með. oc fyrsti þar þegar vatn or sva gnogliga sem hann þvrsti at drecka.

<sup>1</sup>) [iii. hundrat, B    <sup>2</sup>) goði, B    <sup>3</sup>) skyldu, B    <sup>4</sup>) hans tilf. B    <sup>5</sup>) festa bundinn, B    <sup>6</sup>) bundinn, B    <sup>7</sup>) [ok Philistei laupa, B    <sup>8</sup>) [gny, A    <sup>9</sup>) [styrkr, B    <sup>10</sup>) sinu, A    <sup>11</sup>) vuna, B    <sup>12</sup>) fyrir sinn sigr tilf. A    <sup>13</sup>) mgl. B, A    <sup>14</sup>) nema, A

hrestizt Samson þá skiott oc toc all sitt. Oc til vitnis vm þetta halæita takn hæitir sa staðr<sup>1</sup> brvnnr rennandi framkallaðr af asnakialka oc sva kallaz sa staðr enn i dag. Tokv nv Gyðingar Samson til höfðingia oc hertoga yfir sik at hallda strið oc hæyia bardaga við Philistim. dömdí hann yfir allt Jsraels folk .xx. ár.

### Fra Samson ok hans sterkleika.<sup>2</sup>

204. A nockorvm tima þá er Samson var staddr i borg þeirri er Gaza heitir. læit hann þar æina portkonv oc geck inn i hennar herbergi oc svaf þar vm nött. Þetta fretta Philistei at Samson myndi vera innan borgar i Gaza. hlavpa þeir þegar saman. taka borgarhliðin lykia oc lesa ramliga. oc setia þar með varðhaldsmenn at engi skyldi vpp lvka. Síþan sla þeir mannhring vm herbergit er hann svaf i. biðv nv sva dags oc ætlaðv at væita honvm atgavngo þegar er hann gengi vt vm morgvninn oc drepa hann. þottvz þeir nv svllkomliga hafa rað hans i hendi. Enn þeir höfðv hann einn sinna manna inni byrgt i borginni sva at hann matti með engo moti vt komaz. Samson svaf i naðvm allt til miðrar nqtr. Síþan reiss hann vpp oc geck vt ættar nv á brott af borginni. <sup>3</sup>varð hann varr við vmsatina. oc snyr vt at<sup>4</sup> borgarhliði oc ser þat með styrkv m lasvm lvkt. hann gengr þo til oc faðmar portlið með þi moti at hann tekr<sup>5</sup> sinni hendi hvarvm megin oc spennir sva vm vndirstolpa hliðsins. en hann selr hals oc herðar vndir yfirportid. treystir a síðan þar til er losnar allt samau. kemz hann nv sva or klandi sinna motstöðvmanna. at hann berr þann allan borgarhliðs vmbvnað<sup>6</sup> a avxlv m ser allt a ofanvert þat hið hæsta fiall er veit til Ebron. Philistei missa nv með þessvm hætti Samsons i Gaza vm morgvninn.

Her segir huersu prettafull Dalila sueik Samson sterka.  
capitulum.<sup>7</sup>

205. Þesso næst lagði Samson ast við þa konv er bygði i einvm afdal þeim er heitir Soreth. [Philistei verða varir oc visir at Samson elskaði þessa konv. enn hon er nefnd retto nafni Dalila þo at margir menn kalli hana Dalidam.<sup>8</sup> fara höfðingiar þeirra at finna hana oc

<sup>1</sup>) síðan tilf. B <sup>2</sup>) Her segir fra sterkleika Samsons, A <sup>3</sup>) Nv tilf. B <sup>4</sup>) saal. B; af, C <sup>5</sup>) meðr tilf. B <sup>6</sup>) brott tilf. B, A <sup>7</sup>) Fra Samson ok Dalila hans vnnostu, A <sup>8</sup>) [þessa kona er nefnd Dalila rettu nafni þo at marger menn kalli hana Dalidam. Nu þegar sem Philistei verða viser at Samson elskade Dalilam, B

segja sva til hennar. [Allz þv ert<sup>1</sup> einkannliga vnnastza Samsons. þa vitvm ver at hann væitir þer allt þat er þv biðr hann. oc þi man hann segja þer sina alvðrv. Nv vilvm ver gera kavp við þik at þv komiz a slæglæiks mvni við Samson með þino bliðlæti oc klokskap. sva at þv verþir viss af honvm ens sanna hvaðan honvm kemr sva mikill mattr oc styrklæikr at honvm verðr til einkiss<sup>2</sup> affátt. sva oc skaltv vis verða með hverio moti ver megim hann sigra oc sigraðan pina vegðarlavst. Enn ef þv kemr þessv a læið oc kannt oss at segja þessa alla hlvti sem nv höfvm ver tint oc tall. þa skaltv þetta ægi til eingiss<sup>2</sup> vinna sem verðvgt er. helldr sva margir sem ver ervm höfðingiar Philistinorvm. skal hverr varr gefa þer .iii. c.<sup>3</sup> silfrpenn- inga. Þesso iatar hon [at gera.<sup>4</sup> oc gera þer þetta kavp stalt við hana.

Nv sem þav Samson finnaz oc taka tal sín i milli segir sva Dalila til hans. Bið ek minn keri at þv segir mer i trvnaði hvaðan þv hefir sva mikinn styrklæik vmfram alla veralldar<sup>5</sup> menn eða með hverio þik<sup>6</sup> ma binda<sup>7</sup> at þv megir ægi slita. Samson svaraði. Ef ek em bvndinn með siðfalldv<sup>8</sup> sinstreingivm hrablavtm. þa em ec ecki sterkari enn aðrir menn. Litlo siðarr segir hon Philisteis. Enn þer fa henne þegar þess hattar ræip. oc þar með bindr hon Samson sof- anda. Enn Philistei læyndvzt i herbergino. þiat þer villdo vita hversu feri með þeim. Nv sem hon hefir bvndit Samson sem hon kann kallar hon hátt oc segir sva. Philistei<sup>9</sup> taki þik Samson. Hann bregðr við hartt<sup>10</sup> er hann hæyrði Philistim nefnda. slitr þegar bavndin af ser sem [hann veri bvndinn með brvnnvm havrtygli.<sup>11</sup> oc væit<sup>12</sup> nv ecki giorr vm af hans enn aðr. þa mællti Dalila sva sem með glænzi. Se nv hversu þv hæddir mik. ær þv sagðir mer ægi salt. Nv bðt yfir við mik oc seg mer sannlæic af með hverio þik ma binnda altv<sup>13</sup> slitir ægi.<sup>14</sup> Hann svaraði. Ef ec em bvndinn með skavrpvm ræip- vm oc þo nyivm sva at til engrar vinnv hæfi havfð verit oc ægi a klyf komit. þa verð ec vstyrkr sem aðrir menn. Dalila ræyndi enn<sup>15</sup> oc batt hann með þesskonar ræipvm oc mællti siþan. Komi nv Phil- istei er læynaz i þesso herbergi oc handtaki þik Samson. Enn hann slitr af ser bvndin ægi seinna enn einarðan vef. Oc enn mællti Dal- ilar. Hvi villtv sva svikia mik at þv lygr æ at mer. Nv seg mer salt [iii.<sup>16</sup> sinn með hverio þic skal mega binda.<sup>17</sup> Samson svaraði. Ef

<sup>1</sup>) [Ef þu ert allz, B <sup>2</sup>) einskiss, B <sup>3</sup>) .iii. hundrat, B, A <sup>4</sup>) [mgl. B; at fremia þessi suik, A <sup>5</sup>) mgl. B <sup>6</sup>) þess tilf. B <sup>7</sup>) sva tilf. A <sup>8</sup>) siau- foddum B; seaufoddum nyium, A <sup>9</sup>) Philistim B <sup>10</sup>) skiott, A <sup>11</sup>) [fainn hðrtvgil, A <sup>12</sup>) hon tilf. A <sup>13</sup>) at þu, B <sup>14</sup>) af þer tilf. B <sup>15</sup>) til tilf. A <sup>16</sup>) þridia, B <sup>17</sup>) [fyrir mina ast, A

þv tekr mína .vii. locka snyr saman með hardregli oc bindr ramliga við einn [hæl hafan<sup>1</sup> oc setr hēlinn i iorð niðr. þa verð ek þegar vstyrkr sva at ek ma ecki at færæz.<sup>2</sup> Oc sem Dalila hafði þetta gert við Samson sofanda. kallar hon hált sva at hann vaknar við. Philistei hlavpa at þer Samson. segir hon. Hann bregðr þa enn við oc kippir vpp hēlinvm þegar með harinv. þa mællti Dalila. Harðla miog hryggir mik þat er þv segiz elska mik. enn þat er þo ekki vtan hægomni þinn. þiat hvgr þinn er mer hvar fiarri. Nv hefi ek þrysvar ravn til gert hvernn trvnað þv villdir vndir mer eiga. oc hefir þv<sup>3</sup> hverio sinni logit at mer enn<sup>4</sup> viljat mer ecki salt fra<sup>5</sup> segia vm þitt it mikla afl. Nv sem hon helldr æ a hinni samv bøn við hann oc gnaddar ið sama [dag oc dægr. sva at hann ma hvarki fyrir henne hafa naðir nolt ne dag. læiðiz honvm lox<sup>6</sup> oc mæðiz hvgr fyrir hennar vnaðvm<sup>7</sup>. segir hann benni nv vm siðir sannlæk af þessv efni. Hann mællti þa til hennar. þat er mer skyllðvliga boðit af gvði minvm at ec skal alldregi nockvrs konar iarn lata snerta hðfvð mitt. þiat ec em nazarevs. þat er gvði helgaðr allt fra moðvr kviði. Ok fyrir því ef allt hár er rakat af hðfði mér þa er brotið<sup>8</sup> allt mitt afl oc verð ek þa ekki styrkari en einahverr vbræytr<sup>9</sup> maðr. því at þa man andi drottins flyia fra mer.

Nv sem Dalila sa at Samson bar salt vpp fyrir hana. sendir hon þegar til allra hofðingia Philistinorvm með þeim grendvm at hon bað þa enn vm sinn koma með vapnvðv liði. sagði nv Samson hafa fvllkomliga birt ser sina alvðrv. þeir bvaz sem skiotæz fara oc fram koma með vapnvðv liði til hvsa Dalile. hafa nv með ser oc se þat er þeir hðfvðv hætið.<sup>10</sup> Enn sv bannsætta<sup>11</sup> oc bitra naðra er alla vega var<sup>12</sup> vtan a at sia tigvrlig oc tillystilig.<sup>13</sup> þiat hon var friðvzt allra kvenna synvm. enn innan liot oc læiðilig fvll æitrs oc vlyfiæns. plagar sik nv alla vega viðr skravt oc skart. klæðiz hinni bæzlv gangverio oc ðllvm hinvm fegrsta bvnaði. gengr siðan inn fyrir Samson. byrlar oc bærr honvm hinn styrkazla dryck oc lockar hann miog til at drecka með bliðvm halsföngvm oc blavtligvm kossvm. Með þeima hētti sem nv megi þer hæyra svæk oc sigraði þessi prettafvll pvta með æitri sinnar illzkv þann agæta kappa sem alldri aðr varð yfirstiginn af sinvm vvinvm. Nv sem Dalila ser at dryckr mæðir Samson oc svæfn sigr a hann. sættiz hon niðr hia honvm oc læggr hann sitt hðfvð i kne henne. sofnar bæði skiott oc fast. Nv helldr hon þann hertekinn með sinni

<sup>1)</sup> [iærðfastan hæl, A <sup>2)</sup> hafæz, A <sup>3)</sup> i tilf. B <sup>4)</sup> ok, B <sup>5)</sup> til, B <sup>6)</sup> adr lauk, B <sup>7)</sup> [nær ok daga. sun at hann ma alldri naðir hafa, A <sup>8)</sup> þrotit, B <sup>9)</sup> vbreyttir, B <sup>10)</sup> henne tilf. B. <sup>11)</sup> puta tilf. A <sup>12)</sup> tilf. B <sup>13)</sup> lystilegh, B

illzkvfullri vndirhyggiv. er hvarki mætti aðr sem þer hafit hæyrt hallda baynd ne borgir. Hon kallar til sin einn raxtrmann oc at hennar bæðni fer hann henne enn hvassazla harknif oc rakar hon af Samson .vii. hans locka. Síðan skræðiz hon vndan hofði honvm oc kallar þa hátt sva segiandi. Philistim [yfir þik<sup>1</sup> Samson. Hann vaknaði ocræis vpp skiott oc mællti i hvg ser. Ek man enn vt ganga sem ek hefí fyrr gert oc man ek æigi mæira við þvrfa at [hræða hæðingia<sup>2</sup> enn hrista mik at eins. Ok því sagði hann sva at hann var nyvaknaðr oc visse æigi hversv hæðiliga<sup>3</sup> hann var læikinn. enn drottins andi oc allr hans styrkr var<sup>4</sup> fra honvm horfinn. Philistei lavpa nv til ok handtaka hann. beria oc bæysta oc blinda hann baðvm avgv. Síðan fiotra þeir hann oc færa<sup>5</sup> til borgar Gaze. byrgðv hann þar i dyflizv oc lætv hann mala korn. Var hann<sup>6</sup> sva þiaðr mðrgvm harmkvælvv þar til er lockar hans tokv at vaxa. Þat hððv Philistei oc iafnan til skemtanar at samkvndvm eða þa er þeir helldo hatíð guða sinna at Samson skyldi læika fyrir þeim. oc brosoðv sva sigri sinvm er þeir hððv hann feingit.<sup>7</sup>

#### Fra dauda Samsons sterka. capitulum.

206. Þa er sva hefir fram farit vm hrið. senda hððingiar af Gaza boð vm ðll riki Phistinorvm at allir hinir rikastv menn hverrar borgar oc bæiar skyldi saman koma i Gaza at fornfera gvði sinvm Dagon. hvern eðfir sinvm favngvm oc flareign. fyrir þat er hann hafði með sinvm<sup>8</sup> mætti selt Samson vndir þeirra valld oc vilia. Nv þvaz Gaze borgarmenn með bæztvm fðngvm er til vorv oc<sup>9</sup> tigvrligv hatíðar halldi oc hððingia kvamv. Nv sem þar gerðiz mikill mannfíolði var [feingit at bloti miklo.<sup>10</sup> sva at þeir offraðv vlitinn fíðlða yxna oc graðvnga<sup>11</sup> gvði sinvm Dagon. sva segiandi. þessi gvð varr Dagon hefir gefið Samson varn hinn mesta vvin i vart valld. Eðfir þetta setia þeir samdryckio oc virðvliga væizlo i þeirri steinhóll sem mest var i borginni. Oc er dryckr kietir hððingia. enndrnyia þeir villtir snapar<sup>12</sup> at lofa gvð sinn með slikvm orðvm. Þackir gervm ver drottni varvm Dagon fyrir þat er hann gaf i varur hendr Samson inn sterka er flæst illt hafði gert. drepit fyrir oss mikinn mannfíolða oc eyðtriki vart. Oc nv senda gēðingar Gaze borgar at læiða Samson or myrk-

<sup>1</sup>) [eru yfir þer, B; taki þik, A <sup>2</sup>) [hrinda heiðingium, A <sup>3</sup>) haduliga, A <sup>4</sup>) tilf. A, B <sup>5</sup>) sua bundinn tilf. A <sup>6</sup>) nu tilf. B <sup>7</sup>) fangit, A <sup>8</sup>) mikla tilf. B <sup>9</sup>) vidr, B <sup>10</sup>) [geingit at blotum miklum, B <sup>11</sup>) gridunga, B <sup>12</sup>) snappar. B

vastofv at læika fyrir ser eftir vanða. Sem hann hafði leingi leikit a miðiv hallar golfi oc tok miog at mæðaz. mællti hann til sveinsins er til var feinginn at læiða hann blindan. Fylg mer svæinn segir hann til stolpa þeirra .ii. sem hallda vpp höll þessi. at ek mega þar staðar nema oc styðiaz við vm lilla stvnd meðan mðði rennr af mer. Svæinninn gerði sem hann bæiddi. Enn hvsit var fvlit af monnvum bæði karlvum oc konvm. sva at þar var inni allt saman eigi færa enn .iii. þvsvndir manna oc allir hinir hæsto höfðingar Philistinorvm með glævm oc glæði oc vgvðv nv ecki at ser. þviat ðngvir þvrfv nv at ottaz Samson blindan. helldr væittv honvm allir þeir sem inne voro hormvliga haðvng.<sup>1</sup> Hann mælltiz nv fyrir hlioðliga a þessa lvd.<sup>2</sup> Herra gvð segir hann. minnzlv min a þessi stvndv oc giallt mer aftr nv drottinn minn styrkleic minn hinn fyrra. sva at ek mega hefna min a minvm vvinvm oc gera þeim æinnhvern vfagnat fyrir þat er þær ræntv mik baðvm avgvum. Siþan græip hann sinni hendi hvarnn stolpann<sup>3</sup> oc mællti. Enn bið ek þik drottinn minn at þv latir mik hgr nv dæyia með Philistim. J þessv bili sviptir hann stolpvnm styrkliga vndan. sva at allt herbergit hrapar sva skiott niðr a þa sem inni vorv at engi maðr komz hæill vndan. Liæt þar Samson lif sitt oc allir höfðingar oc sva mikill [fio]lði manz<sup>4</sup> sem aðr er talt. Var þessi hinn siðarsti sigr Samsons at hann drap nv miklo flæiri dæyiandi enn hann hafði aðr drepit meðan hann lifði. Siþan foro til frendr Samsons oc tokv likam<sup>5</sup> hans oc ferðv i sitt riki oc grofv hann hia feðr sinvm Manve i milli þeirra staða er sva hæita Saraa ok<sup>6</sup> Estaol. Samson var domandi yfir Gyðinga .xx. ár sem fyrr segir. J þann tima var eingi konvngv yfir Jsrael oc lifði þa hverr sem syndiz.<sup>7</sup> Þvi at Hely kenni-maðr af Sylo. er næst<sup>8</sup> var eptir Samson domandi yfir Gyðingum .xl. ara. er sagt at vgr i linr oc æigi stiornsamr.

### Skyringh huat huert merker.<sup>9</sup>

207. Samson merkir várn herra Jesum Crist. þiat getnaðr Samsons var fyrirboðaðr af gvðs engli sva sem vars herra. Samson drap leonem. enn varr herra sigraði fiandann. Samson tok hvnang or mvnni [hins varga dyrs].<sup>10</sup> enn Jesus Cristr dro mannkynit or kverkvm fiandans.<sup>11</sup> Samson bravt vndir sik Philisteos. enn várr drottinn lagði

<sup>1</sup>) héding, B <sup>2</sup>) leid, B, A <sup>3</sup>) enn bað sveinninn skyndiliga vt ganga er bonum hafði fylgt tilf. A <sup>4</sup>) [mannfoldr, B, A <sup>5</sup>) likama B; lik, A <sup>6</sup>) tilf. A; mgl. C, B <sup>7</sup>) lysti, A <sup>8</sup>) næstr, A <sup>9</sup>) Fra þyðingu nafns Samsons, A <sup>10</sup>) [leonis, A <sup>11</sup>) fiandans, B

fyrir alla vvini andliga oc likamliga. Samson gecc vpp a<sup>1</sup> fiallzbrún með borgarhlíð Gaze. enn Jesus Cristr ste<sup>2</sup> vpp til himna at niðr-brotnvm byrgivm helvitis. Nv með slikvm oc mðrgvm ððrvm [myndvm oc merkingvm<sup>3</sup> i fyrra lðgmali boðaz fyrir halæit stormerki mannligrar lavsnar.

Her seger af Noemi ok Ruth mouerskum. capitulum.<sup>4</sup>

208. Saga þessi giðrðiz a æfi domanda. þa varð sva havrð avlld oc hallæri i riki Jvda at færikir menn fengv varla lifs biðrg. þa for æinn maðr af borg Bethleem fyrir svlltar sakir með konv sina oc .ii. syni<sup>5</sup> i riki Moab. at hann mætti þar matar aflla er árferð var goð sem aðrir vtlendir menn<sup>6</sup> gða vianheraðs menn. þessi maðr hieð Eli-melech en kona hans Noemi. synir þeirra Maalon oc Celeon. Nv sem þav komv i riki Moab. dvðlðvz þav þar vñ hrið. oc þar andaðiz Elimelech bondi Noemi enn hon lifði eftir með sonvm sinvm. þeir kvangaðvz baðir oc fengv þarlænzkra kvenna hæiðinna. hieð ðnnvr Orfa enn ðnnvr Rvth. þav vorv .x. ar i riki Moab. enn þa andaðvz þeir baðir Maalon oc Celeon. Var þa Noemi eftir begði bondalavs oc sonlavs.<sup>7</sup> fystiz hon nv at fara aftr i riki Jvða til frenda sinna með hvaratveggiv sina sonarkván.<sup>8</sup> þiat hon hæyrði sagt at gvð drotliun hefði litið miskvnnar avgvm a lyð sinnu oc batnað<sup>9</sup> arferð a Gyðinga landi.

Siðan bioz hon til haimferðar oc fylgði henne hvartveggi snavr<sup>10</sup> hennar. Ok sem þer höðv farið vñ hrið mełli Noemi til þeirra. Nv hañ þið vel<sup>11</sup> læiðt mig af garði. man ec nv venda til minnar oðalsiðar.<sup>12</sup> enn þið hverfið aptr i moðvrhvs yckart. oc syni ykr almattigr gvð sina mikla miskvnn i ðmbvñ allra þeirra goðra hlvtu sem þit hafit við<sup>13</sup> mik giðrt oc mina syni<sup>14</sup> er nv ero andaðir. Gief gvð ykr at finna hvilld oc hægjar naðir i hvsvm yckarra eiginna bonda. er<sup>15</sup> ykr hæfir enn at giptaz. Siðan kysti hon þær. enn þær tokv at grata með miklo hareysti oc sva savgðv þær. þær vilivm við fylgia oc þinvm lyð þiona. Hon svaraði. Hverfið aptr minar kiero dðtr. hvat hæfir ykr með mer at vœra. ægi er sem ek mega manni giptaz at geta þa syni<sup>14</sup> i minvm kviði at værða mætti ykrir eigin-

<sup>1</sup>) mgl. B <sup>2</sup>) steigh, B <sup>3</sup>) merkileghum B; [stormerkium, A <sup>4</sup>) Her segir af þrimr konum Noemi ok snorum hennar .ii., A <sup>5</sup>) sunu, B <sup>6</sup>) mgl. B <sup>7</sup>) sunalaus, B <sup>8</sup>) sunarkuén, B <sup>9</sup>) batnade, B; bætt, A <sup>10</sup>) sunar-kona, B; snðr, A <sup>11</sup>) val, A <sup>12</sup>) oðalsiðar, A <sup>13</sup>) með, A <sup>14</sup>) sunu, B <sup>15</sup>) enn, B



bvendr<sup>1</sup> sem lavg vár standa til. fyrir þi snvit nv aptr i ykra æt-læisð at ec em sva allðri orpin sem þit megit sia at mæR hœyrir ecki at giptaz. Enn þo at ec ælti mer bonda oc mætti ek a<sup>2</sup> þessi nott giæta syni oc villði þit þeirra biða til giptingar. þa veri þit fyrr gamlar kerlingar helldr<sup>3</sup> enn þeir veri sva frvmvaxta at þeir mætti kvangazt. Nv hirðit þið<sup>4</sup> ecki mer at fylgia. þið<sup>5</sup> at ykr skortir ecki með frendum ykrum enn mik sækir mikit fatæki oc er merykart mein miklo sarara en mitt. Nv toko þer enn at grata hastðfvm. [Minntiz þa Orpha við svero sina oc hvarf aptr. enn Rvth fylgði Noeme.<sup>6</sup>

þa mælti hon við Rvth. Nv snyr Orpha aptr til favðvrhvss sins. far nv með henne oc hirð ecki vm mik. Hon svaraði. Bið ec<sup>7</sup> at þv skyldir mik ægi til aftr at hverfa. þiat fyrir vtan ef skal ec þer fylgia oc þik allðri fyrirlata. hvar sem þv ferr eða dvelzk þa skal ec þar vera. þinn lyðr skal vera minn lyðr heðan af oc þinn gvð minn gvð. a hverri iorðv sem þv andaz a þeirri skal ek deyia oc hafa hinn sama graptarstað sem þv ef ek ma raða. Ok þess bið ec gvð hier með at hann lati okR ecki skilia nema einn davðann. Nv sem Noemi ser at Rvth vill ecki annat enn fylgia henne. fara þær þa oc fram koma baðar samt i Bethleem. Oc<sup>8</sup> þi at Noemi hafði fyrr verit vinsgl i þeirri þorg. þa þegar sem hœyrinkvnnig<sup>9</sup> var hennar astrkvama. forv til fvndar við hana hin<sup>10</sup> æzsto konor borgarinnar oc savgðv sva. Glæðr oss þat Noemi er þv ert heim komin or sva langri vtlegð sem þv hefir þolat. Hon svaraði. Eigi skvltv þer nv kalla mik Noemi. þat þyðiz favgr. helldr skal ek heðan af hæita Amara. þat er bæisk at varo mali. þvi at nv fyllvmz ec af<sup>11</sup> bitrvm bæiskleik. Ek var aðr ek for heðan gnægð<sup>12</sup> af goðvm hlvtvm oc fylld farsellda. enn nv læiddi mik drottinn aptr avða at ynði oc aflæita hamingivnni. Nv væit ek ægi fyrir hveria skyllð þer kallit mik fagra þa konv er sva er leggð oc lytt sem ek em nv vtan gvð drottinn vili gefa mer enn siðarr bliðari daga. J þann tima missera kom Noemi heim i Bethléem or vtlegð með Rvth moversko er menn tokv at skera akra sina.

#### Af Booz ok Ruth.<sup>13</sup>

209. Einn maðr var miog ríkr i Bethleem oc<sup>14</sup> het Booz. mikill

<sup>1)</sup> eiginbendr, A <sup>2)</sup> næstu tilf. B <sup>3)</sup> mgl. A <sup>4)</sup> þui B; mgl. A <sup>5)</sup> mgl. B <sup>6)</sup> [Minntiz þa Noemi við andr sina Orpham ok hvarf hon aptr. en Ruth fylgdi sueru sinni, A <sup>7)</sup> þik tilf. B <sup>8)</sup> fyrir tilf. B <sup>9)</sup> saal. A, B; hœyrigkvnnig, C <sup>10)</sup> hinar, B, A <sup>11)</sup> mgl. B <sup>12)</sup> nægd, B <sup>13)</sup> Her segir fra Booz ok Ruth, A <sup>14)</sup> er, A

311.

oc mattvgr. Booz var nainn [at frendzemi<sup>1</sup> Elimelech [er verit hafði  
bvand<sup>2</sup> Nöemi. Einn dag segir Rvth sva til Noemi sværv sinnar. Ef  
þv vill frv min þa man ek fara vm daga vt a akra þar til er ek finn  
þann bonda<sup>3</sup> er æigi amaz við mik. oc man ek lesa saman axhelmvr  
þær sem fivka gða fallaz vm hendr kornskvrðarmavnnvm. Noemi bað  
bana vist fara.

Rvth kom nv a akrinn oc tok at lesa saman avx at baki þeim  
er skarv oc geck helldr vdiarfliga. Enn sva bar til at þann akr atti  
Booz frendi Elimelech oc sona<sup>4</sup> hans sem aðr er sagt. Hann kom  
þa<sup>5</sup> a akrinn oc kvaddi sva kornskvrðarmenn sina. Veri drottinn með  
yðr. Þeir svarvðv. Gvð blezi þik. Booz mælti til fyrirmannz korn-  
skvrðarins. Hverr a þessa hina ivngv<sup>6</sup> konv. Hann svaraði. Þessi er  
sv hin moverska er hingat kom fyrir skommv<sup>7</sup> i borg vara með Noemi  
magkonv þinni. Nv bæiddi hon at fara þar eftir sem ver skervm<sup>8</sup>  
akrinn oc henda ef nockot stendr eptir gða fykr fra oss. Ecki giet  
ek at hon salog se miog diarflæk. nv hefir hon hier staðit a akrinnvm  
fra morni oc allt hier til oc hvergi gengit. oc æigi helldr hæim vikit  
til herbergiss. Þa mælti Booz við Rvth at hon skyllði hvergi fara  
annarstaðar vm akra enn fylgia hans þionostomðnnvm<sup>9</sup> hvern dag  
meðan akrverk vgr oc henda þar slict sem verða mætti. eta oc drecka  
með þeim. enn hann kvæðz myndv bioða sinvm svæinvm at eingi  
maðr giorði henni mæin. Rvth fiell þa ðll framm til iarðar fyrir fotr  
honvm sva segiandi. Hvaðan bar mer sva mikla hamingio til handa  
at ec skyllði<sup>10</sup> finna sva mikla miskvnn i þinv avgliiti at þv virðiz at  
kynnazt við mik avma konv oc vtlenda. Hann svaraði. Sagt er mer  
hverso marga goða lvli þv hefir gert við þina sværv siþan bondi þinn  
andaðizt. oc nv fyrirlatið frendr þina oc favðvrhvs oc ært nv komin  
hier með vkvnnvm lyð er þv hefir æigi fyrr seð. Nv ðmbvni<sup>11</sup> þær  
almattigr gvð [allt þat goðs<sup>12</sup> er þv gerir.<sup>13</sup> oc taklv af giæzkvfvllvm  
gvði Jsraels fvll starflavn<sup>14</sup> vndir hverss vengia skiol þv ært nv  
komin. þvi at þv hefir til hans fvlltings flyit. Rvth mælti. Væit ek  
minn herra at ec em æigi sva mikils hattar af mer sialfri at ec mega  
þar fyrir samvirðaz þinvm ambattvm. allt at æinv þo at ek hafí nv  
fyrir þinvm avgvm fvndit sva mikla miskvnn at þv virðiz at glæðia  
mina fatækt með mðrgvm hvgganarorðvm þeim er minv hiarta ero  
miog lystilig.

<sup>1</sup>) [frændi, A, B <sup>2</sup>) [er var bondi, B <sup>3</sup>) husbonda, B <sup>4</sup>) kona, B <sup>5</sup>) mgl. B  
<sup>6</sup>) ungu, A <sup>7</sup>) litlu, A, B <sup>8</sup>) skaarum, B <sup>9</sup>) þionostukonum, B  
<sup>10</sup>) skyllða, A, B <sup>11</sup>) ambani, A <sup>12</sup>) [alla þa goda luti, A <sup>13</sup>) hefir  
henne gert, A <sup>14</sup>) starfalaun, B

Rvth snæddi a akrinvm vm daginn oc liet Booz i engan stað henne verr bva<sup>1</sup> enn sinvm verkmavnvm. oc sialf hirði hon læifar sinar sem hon var mett at færa fostro sinne. Enn aðr Booz gengi brott af akrinvm segir hann sva til sveina sinna oc kornskvrðarmanna. Æigi skolv þær ama Rvth. helldr vil ek at þær kastit til hennar sva af yðrv<sup>2</sup> bvdinvm at henne se skammlavst at lesa saman. oc æingi yðarr skal dirfaszt at gera henne kinnroða gða klækia hana vm<sup>3</sup> at hon sari fatækliga. Rvth var þar allt til aptans. Síþan tok hon þvst oc barði kornn af halmi þæim er hon hafði saman lesit vm daginn. Feck hon þar af þria mela bygs. bar hon þetta i borgina oc syndi sverv sinni. sva oc fgrði hon henne þær vista læifar sem hon hafði ællað vm morgvninn. Þa melli Noemi til hennar. Hvar hefir þv vnnit i dag er þv hefir sva mikils aflat. Blezaðr se sa maðr er þer hefir hialp væitta.<sup>4</sup> Rvth segir at sa maðr hiet Booz er þann akr atti sem hon hafði vnnit a vm daginn. Noemi svaraði. Se hann gvði blæzaðr. þvi at nv endrminniz hann at gera slik milldiverk fyrir goðvilia sakir við andaða syni mina sem hann framði fyrrvm<sup>5</sup> við þa lifandi. Er þessi maðr oc skyldr frendi varr. Þa melli Rvth. Ek [gæt hann eigi þessa eina hialp okr væita.<sup>6</sup> þviat hann bavð mer at fylgia sinvm kornskvrðarmavnvm þar til er lokit er ðllo akrverki. Noemi svaraði. Miklv er þer oc betra at ganga til akrverks með hans þionostomæyiom enn at læita þer til annarra akra þar sem æigi er ðrvænt at snapar snvbbi þik. Rvth giorði nv sva at hon fylgði iafnan mæyiom Booz ok vann með þæim þar til er bæði bygg oc hvæiti var i hlððvr komit. Hefir Rvth nv aflat þæim mikillar atvinnv.

### Ruth lagðiz vnder kleðin hea Booz.<sup>7</sup>

210. Sem Rvth var heim komin til sværv sinnar at lyctaðv akrverki. melli Noemi til hennar. Nv skal ec læita þær dottir min hvilldar oc hoglifus fyrir þat erfði sem<sup>8</sup> þv hefir fyrir mer haft. oc sva skal ec vm hvgsa at eitthvert gott rað geriz fyrir þær. Booz þessi var miog skyldr sonvm minvm sem ek hefi sagt þær. Nv man hann þessa nolt hvgsa vm korn sitt oc sofa i lafagarði sinvm. Enn nv skalltv lavgaz oc smyria þik agevym ivrtvm. síþan klæðtv<sup>9</sup> þik sðmiligri gangverio oc gack læyniliga i lafagarðinn.<sup>10</sup> gæym þv þess at

<sup>1</sup>) matbua, A, B    <sup>2</sup>) mgl. B    <sup>3</sup>) þo tilf. B    <sup>4</sup>) nu tilf. B    <sup>5</sup>) fyrri, A  
<sup>6</sup>) [truir at hann geri okkr meiri hialp, A    <sup>7</sup>) Her segir fra Ruth ok Booz, A    <sup>8</sup>) er, B    <sup>9</sup>) klæð A; klæð þu, B    <sup>10</sup>) ok tilf. A

eingi maðr verði þar varr við þik. en þa er Booz gengr at sofa. hvgsaðv<sup>1</sup> vandliga hvar hann liggr. Nv sem hann er somfnaðr.<sup>2</sup> gack þv þar til oc [liett vpp abræiðvnni<sup>3</sup> at fotvm honvm oc ligg þar vndir.<sup>4</sup> Siðan man hann segia þer hvat þv skalt at hafast. Rvth gengr nv i garðinn oc gerir alla hlvti sem sværa hennar hefir fyrir sagt.

Nv sem Booz er mettr vm kvellit oc gleðikendr af dryck. for hann vt i garðinn oc lagðiz<sup>5</sup> til svefns rætt vndir kornhialminn. Enn er hann var sofnadr kom þar Rvth læyniliga oc kastaði ser vndir klæðin at fotvm honvm. Nv sem Booz vaknar vm miðnætti slær i fyrsto a hann otta oc vndran mikilli. vissi hann æigi giorla [hveriv fa myndi<sup>6</sup> er hann sa þar konv liggia at fotvm sér. Hann spvrði þa hver hon væri. Hon svaraði. Ek em ambatt þin Rvth. oc bið ek þik at þv bræiðir a mik þitt skickivskavt þviat þv ært nafrændi minna vandamanna. Booz svaraði. Væl ert þv signvð<sup>7</sup> af sialfvm gvði. þiat þa sðmv milldi oc miskvnn sem þv hefir aðr vvnnit i þionkan<sup>8</sup> við þina sværo avkar þv nv oc endrnyiar i þessi þinni<sup>9</sup> meðferð. er þv svæimar æigi vti vm nætr með galavsvm<sup>10</sup> garvngvm. hvarki ferikvm ne fatækvm. Nv hirð ecki at ottaz. þviat þessi<sup>11</sup> þin meðferð man þer snvaz til fvllkominnar farsælo oc æigi næita ek mik vera yðr vandabvndinn. enn þo er hier i borginni annarr maðr enn nanari þinni sværv oc hennar framliðnvu svnm. Sof þv þar nv<sup>12</sup> i nott sem [nv ert þv<sup>13</sup> komin. enn i morgin ef þessi maðr vill þik taka til sin eftir skyllðlæika rieltendvm. þa ferr þat vel til vegar. enn ef hann vill æigi. þa skyt ek þi til gvðs at vtan ef skal ek gera fyrir þer gott rað eftir rieltv lavgmali. Enn þat bvðv lavg Moysi ef kvangaðr maðr af ætt Jsraels andaðiz barnlávss. þa skyldi broðir hans gða hinn nanastli frendi hans sa þeirrar konv er hann hafði att oc keykva<sup>14</sup> sva vpp kyn hins andaða.

Rvth sefr nv at fotvm Booz þar til er dagaði. oc ræis þegar vpp fyrr enn nockorr maðr mætti kenna hana. þa mællti Booz til hennar. Gæym þv at engi maðr verði varr við at þv hafir her komit. Oc enn mællti hann. Græittv til yfirklaði þitt oc hallt vpp baðvm höndvm. Hann lætr þa komu i móttvl hennar .vi. mæla miols oc bio sialfr vm hana. Oc bar hon þetta i borgina. Ok þegar er Noemi sa hana mællti hon. Hverso hefir þer at farit dottir. Rvth sagði henne allt sem farit

<sup>1</sup>) hugsa vm, A   <sup>2</sup>) sofnadr, A, B   <sup>3</sup>) abreizlinu, B   <sup>4</sup>) [legz vpp a beðinn at fotum honum ok ligg þar, A   <sup>5</sup>) nidr tilf. B, A   <sup>6</sup>) [saal. ogs. B, A   <sup>7</sup>) signat, B; signad. A   <sup>8</sup>) þionan, A   <sup>9</sup>) metu tilf. B   <sup>10</sup>) gedlausum, B   <sup>11</sup>) þessor, B   <sup>12</sup>) mgl. A   <sup>13</sup>) [þu ert, B   <sup>14</sup>) kveykia, B, A

hafði oc hvat Booz hafði talat til hennar. oc se her nv segir hon miol sva mikil sem hann gaf mer. oc kvaz æigi vilia at ek særa með tvær hendr tomar til fustrv minnar. Noemi mællti. Dvelz þv nv her með mer þar til er við<sup>1</sup> siam hver endalyckt a fellr þitt mal. þiat Booz er sva goðr dreingr at æigi liettir hann fyrr enn hann hefir fyllgert alla þa hlvti sem hann heitr.<sup>2</sup>

### Booz gekk at eiga Ruth moversku.<sup>3</sup>

211. Þegar vm morgvinnn sem Booz var klæddr gekk hann i borgina oc settiz við sialft borgarhlið. Nv sem hann sa þann mann ganga þar nær er hann hafði getið fyrir Rvth vm nottina at henne veri vandabvnninn. kallar Booz hann til sin með eiginligv nafni oc bað hann sitia hia ser vm litla stvnd. Hann sneri þegar þangat oc settiz niðr. Booz hæimti þa til sin .x. menn af avlldvngvm borgarinnar oc bað þa sitia. Sipan mællti Booz til þess mannz sem aðr var getið. Þat er sem þer er kvnnict frendi segir hann at Noemi er afstrkomin til ettlæisðar sinnar i borg vara af riki Moab. oc verðr hon nv at selia<sup>4</sup> þann akr [oc eign<sup>5</sup> er att hefir Elimelech frendi varr.<sup>6</sup> Nv segi ek þer þætta at ahæyrandvm ðllvm þeim sem her sitia oc rikbornastir ero i þessi borg. ef þv vill eignaz eptir rígttv frendzemis lavgmali þessa iorð kavp þv. enn ef þer likar annan veg seg mer þat skiott. sva at ec megí vita hvat ec skal at gera. þiat engi maðr er her nalegr<sup>7</sup> fyrir frendzemis sakir vtan við .ii. oc ert þv þo nerri oc nanari. Hann svaraði. Ec vil vist kavpa akrinn. Þa mællti Booz. Nv þa sem þv kavpir akrinn oc iorð at Noemi. þa hlytr þv þar með at taka þer til hvsfrv Rvth moverskv. er verit hefir eiginkona ens andaða þins frenda<sup>8</sup> at þv alir vpp erfingia þins frenda<sup>9</sup> oc keykir<sup>10</sup> vpp allboga vndir hans nafni af hans eiginkvæn sem lavg bioða. Enn er hinn hæyrir þetta segir hann sva. Vægja vil ec oc vndan skeraz þessv lavgmali þiat ec vil [enga arfsvipting gera minv afkvemi.<sup>11</sup> ok fyrir því vil ec at þv næytir her vm minnar frvmtignar oc gangir i mitt hlæyti<sup>12</sup> þo at ec se nanari. þiat ec iati mik giarna vilia vpp gefa oc þarnaz allt saman. Enn þat vorv oc lög Gyðinga. ef hinn nanasti frendi sa er tilkominn var fyrir laga sakir næitaði at taka til sin

<sup>1</sup>) mit, A <sup>2</sup>) hefir heitit, A <sup>3</sup>) Fra þui er Booz gat at eiga Ruth ok sun með, A <sup>4</sup>) ser til atvinnu tilf. A <sup>5</sup>) [ok eing B; mgl. A <sup>6</sup>) her beg. Fragn. VIII. <sup>7</sup>) naalegri, B <sup>8</sup>) til þers tilf. B <sup>9</sup>) naunga, B <sup>10</sup>) kveykir, B. Fragn.; kveikir, A <sup>11</sup>) [æigi gera arfsvik vid mina erfingia, A <sup>12</sup>) ruun, B; leyti, Fragn.

eiginkono hins andaða oc villdi vpp gefa ððrvm frenda sinvm þeim sem firnari var. þa skyllði hann læysa skoklæði af fœti ser oc gefa þeim er við villdi taka þeima raðahag. ok skyllði þat þa vera vitni þess gjaforðz. Nv segir Booz sva sinvm frenda. Með því at þv nælttir<sup>1</sup> þesso raði oc vill at ec taki Rvth til min. þa tak skoklæði þitt oc syn sva þina alvðrv her vm. Hann dvelr þat ecki. læysir þegar af fœti ser oc fer Booz. þa mæltti Booz til allra höfðingia oc mvgamanna er við vorv. þer erod segir hann vattar oc vitnissmenn her i dag at ek eignvmz nv alla hlvti þa sem att hafa varir frendr Elimelech oc synir hans. Oc nv selr Noemi af hendi með því moti at ec tek Rvth moversko til min i hivskapar samlag er verit hefir eiginkvan<sup>2</sup> Maalon. at kveykia vpp kyn hins andaða frenda mins i<sup>3</sup> sinni erfð. at ægi falli sva niðr allr hans atlbogi<sup>4</sup> at hans nafn maiz af sinv hvs<sup>5</sup> oc brøðrvm oc borgarlyð. Nv tel ec yðr vatta at ec eignvmz allt þeirra<sup>6</sup> goðs. hvs oc herbergi eign<sup>7</sup> oc akra. þa svðrvðv avlldvngar oc allr sa lyðr er við var sva segiandi. Ver ervm vist þessa vattar. gefi gvð drottinn ykr goðan tima oc geri þessa konv Rvth slika i þinv hvs<sup>8</sup> sem þer vorv systr Rachel oc Lia<sup>9</sup> er allt Jsraels folk er fra komit. at hon se dygðar dæmi i Effra oc hennar nafn se iafnan halættliga tignat i Bethleem. sva verþi þitt hvs halætt af þeima afspring er gvð man þer gefa af þessi konv sem var hvs Phares sonar Jvde oc Thamar. Estir þetta geck Booz at eiga Rvth oc gat með henne son. Ok þegar sem borgarkonvr i Bethleem frietta at Rvth hafði svæin sæddan. komv þer saman i herbergi Booz oc sðgðv sva með miklvn fagnaði til Noemi. Lofaðr se drottinn gvð varr sa er þitt hyski liæt ægi koma vndir annarlict valld. þiat nv er þinn erfingi alinn sa er æ man nefndr verða<sup>10</sup> i ætt Jsraels. hann man hvग्ga þitt lif oc með gleði fram læiða þina elli. þiat nv er sa fōddr af þinni snavr er þic man elska oc þer<sup>11</sup> einn betri [heldr enn<sup>12</sup> þv gttir sialf .vii. sonv. Nv tok Noemi þenna svæin sem fæddr var. lagði hann i faðm oc fostraði við mikla ast oc ælskv sem hann veri hennar eigin svn. Enn nagrannar<sup>13</sup> hennar samfōgnvðv henni sva segiandi. Nv er Noemi fēddr nyr svn. þessi svæinn var nefndr Obeth. hann var faðir Ysai<sup>14</sup> fððvr Daviðs. Nv er þessi ættartala. at Phares son Jvde var faðir Esrom. fððvr [Aram. fððvr<sup>14</sup> Amminadab. fððvr Naason. fððvr Salmon. fððvr Booz. fððvr Obeth. fððvr Ysai. fððvr Daviðs konvngs.

<sup>1</sup>) neittar, B <sup>2</sup>) eiginkona, B, A <sup>3</sup>) saal. Fragm.; oc, C, B <sup>4</sup>) ættbogi B, Fragm. <sup>5</sup>) hyski, B, Fragm. <sup>6</sup>) þetta, B <sup>7</sup>) engh, B; eing, Fragm. <sup>8</sup>) Lys, B <sup>9</sup>) vera, B <sup>10</sup>) er tilf. Fragm. <sup>11</sup>) [en þoat, A, Fragm. <sup>12</sup>) nagravnur, Fragm. <sup>13</sup>) eða Jesse tilf. Fragm. <sup>14</sup>) [tilf. Fragm.

Skyring huat hvert merker.<sup>1</sup>

Jorð oc ríki Moab merkir heiðinn dom. Rvth helga cristni fra læidda hæiðni. iorð Jsraels andliga alferð. sa navðlæytamaðr er æigi toc Rvth til sin merkir Jon baptista. Booz merkir varn herra Jesum Cristum. akr heim þenna. sęði menn.<sup>2</sup> enn kornskvrðarmenn merkia eingla.

Vna pars de libri regum. ok segir i fursta capitulo af Helkane ok Anne fodurmodur Samuels spaamannz er hann var fęddr i Raamatha.<sup>3</sup>

212. Hælchana er<sup>4</sup> maðr nefndr. hann var son þess mannz er hæt Jeroboam [sonar Hæliv<sup>5</sup> sonar Thav sonar Suphs. Hælchana var kallaðr Effratevs þviat hann var ættaðr af fiallbygð Effraim. oc þar bygði hann i borg þeirre er [her er kolloð<sup>6</sup> Ramatha en i qðrvum bokvm Rama. hon stendr i því heraði a Gyðingalandi er heitir Sophim. Hann var ríkr maðr oc avðigr. Enn því at þat var miog siðr i fyrra lðgmali at einn maðr ætti flæiri senn<sup>7</sup> enn æina kono. sem segiz af hinvm agæta Jacob er allt Jsraels<sup>8</sup> folk er fra komit. at hann atti .ii.<sup>9</sup> systir. þa atti þessi maðr Hælkana .ii. eiginkonvr. hæt avnnvr Anna enn qnnvr Fenenna. Fenenna atti börn meðr<sup>10</sup> bónda sinvm. en Anna atti ęingan ærfingia. þviat drottinn hafði byrgt qvið hennar sva at hon var vbyria. Hælkana for iafnan at lðgligvm hativm oc þeim dagvm sem siðr. oc setning var til rikvm monnvm af sinne borg Ramatha i þann stað er Silo hælir at dyrka drottin gvð Jsrael oc færa fornir sem Moyses lðg byðo. þviat i þann tima var þenastaðr oc kennimanna sęta<sup>11</sup> i Sylo. þviat þar var hin helga sattmals ðrk drottins er Moyses hafði gera latið i æyðimorkinne eftir gvðs boði. oc þar vorv i hirðir allir helgir domar Gyðinga. Vorv þar fyrir kenne-menn drottins Ophni oc Finees. þær vorv synir Heli kennimannz hins gamla. Hann var þa enn a lifi oc þo ellihrvmr. Nu kemr þa dagr sem Hælkana atti at fornfæra. oc sem hann hefir sæst fornina. þa skiptir hann með hyski sinv sem siðr var til. gæfr Fenenne hysfræyiv sinne oc ðllvm börnvm sinvm lvti. en hann gaf Anne kono sinne æinn lvt meðr hrygð oc harmaði þat er gvð hafði byrgt qvið

<sup>1)</sup> Her segir fra þyðingu nafna, A <sup>2)</sup> saal. A, B, Fragm.; mann, C

<sup>2)</sup> Her hefir vpp ok segir fra Hælchana ok konum hans .ii. Anna ok Fenenna, A <sup>4)</sup> var, B <sup>5)</sup> [sum Hely, B <sup>6)</sup> [kallater, B <sup>7)</sup> i senn, B

<sup>8)</sup> saal. de ðor.; Jsrael, C <sup>9)</sup> konur ok tilf. B <sup>10)</sup> vidr, B, Fragm. <sup>11)</sup> seir, A

hennar sva at hon matti æigi barnn geta. þvi at hann ælskaði Annam miok. En<sup>1</sup> elia hennar gerði henne iafnnan skaprævn i orðvm oc brigg-laði henne iafnan barnlæysi meðr rangri asakan. kvað drottin dōma hana vverðuga at æiga hvri<sup>2</sup> við bonda sinvm. Hælkana gerði með sama hætti sem nv var sagt a hverio ari [þa er<sup>3</sup> sa timi kom er hann for at fōra fōrn<sup>4</sup> i Sylo. Enn Anna var þa iafnan vgloð oc græt iafnan<sup>5</sup> sva at hon matti æigi sæðv næyta. Oc a einn tima sem þav vorv i Sylo mælti Hēlchana. Hvi grētr þv<sup>6</sup> Anna oc næytir æigi sæðzlv. fyrir hvi hryggiz hiarta þitt. ær þer æigi hætra at eiga mik æinn at bonda helldr enn þv ættir .x. syni. Nv sem Anna hafði snætt oc drvckit i Sylo. stendr hon vpp oc gengr til mvsteris drottins oc lægz til bōnar. Enn Heli kennimaðr sat i sæli sinv gegnt dyrvm mvsterisens. Ok er Anna biðz fyrir með þgiskvm hvg gratandi gnogligvm tarvm hætt hon a himna gvð sva segiandi. Hæyrðu drottinn [gvð allzheriar.<sup>7</sup> ef þv virðizt at lita avmlæk ambattar þinnar oc minnaz min oc glæyma mer æigi<sup>8</sup> þinni salugri þionostokono. oc gefr<sup>9</sup> þv mer þo að vverðugri vm siðir drottinn minn at geta svn við bonda minvm. þa skal ek þann svein þer gefa æilifr gvð at hann þioni þer alla daga lifs sins. oc eigi skal harknifr snærta höfvð hans. Nv sem Anna læingði oc margfalldaði bōnir sinar i avgliti drottins. þa hvgsaði Heli vm hvað hon hæfðiz<sup>10</sup> at. Enn Anna baðz fyrir i<sup>11</sup> hvg oc hiarta. sva at hennar varrar hrgrðvz at æins enn ecki matti hæyra rōdd æða orða skil. Heli ællaði hana<sup>12</sup> vinoða oc mælti til hennar. Lætt af þv vm litla stvnd at drecka vin [sva at þv gerir þik<sup>13</sup> ginta.<sup>14</sup> Anna svaraði. Vist æigi em ek vindrvckin minn herra. þvi at ek em ein avm kona oc veslog. oc enn alldregi drack ek vin æða annan dryck sva at a mik megi<sup>15</sup> fa. nema enn helldr mycti<sup>16</sup> ek ðnd mina i avgliti drottins. eillaðv æigi mik ambatt þina sem æinhveria af dætrvm æða blotkonvm Belial. þvi at allt her til hefi ek talat af mikillækik mins angrs oc ecka. þa mælti Heli til hennar. Farðv i friði. [oc gvð Jsrael virðiz<sup>17</sup> at væita þer bōn þa er þv hefir hann beðit. Anna mælti. [Mækara at ec mælti<sup>18</sup> þin ambatt finna sva mikla miskunn i þino avgliti sem þv hefir til talað. Snyr hon nv i brotto til bonda sins. Henni var þa sva hvglætt at hon matti vel næyta sæðv með fagnaði oc varð alldregi sva hrygg siðan sem aðr hafði hon verið.

<sup>1</sup>) tilf. *de ðvr*. <sup>2</sup>) *saal. ogs*. B, Fragn.; bōrn, A <sup>3</sup>) [þegar, B <sup>4</sup>) forner, B <sup>5</sup>) iafnolega, B <sup>6</sup>) sva tilf. Fragn. <sup>7</sup>) [allzualldande gud heriar, B <sup>8</sup>) með ollv tilf. Fragn. <sup>9</sup>) gefir, Fragn. A, B <sup>10</sup>) hafðiz, B <sup>11</sup>) meðr, B <sup>12</sup>) vera tilf. Fragn. <sup>13</sup>) eigi tilf. B <sup>14</sup>) [ok gora þik ginta, Fragn. <sup>15</sup>) mætti, B <sup>16</sup>) mykta, B <sup>17</sup>) [þuiat gud Jsraels man virðaz, B <sup>18</sup>) [Gefi gud at ek metta, B



Vm morgvninn eftir risv þav Hælkana vpp snimma<sup>1</sup> oc dyrkvðv drottin. hvrfv<sup>2</sup> siðan astr til sins hæima<sup>3</sup> i Ramatha.

Féddr Samuel spamadr sun Helkane. capitulum.<sup>4</sup>

213. Litlo siðarr kennir Hælkana Annam eiginkono sina.<sup>5</sup> enn<sup>6</sup> gvð drottinn minniz þa Anne sem hon hafði beðit i Sylo oc gaf henne getnað af bonda sinvm. sva at a tækiligvm tíma feðir hon svn oc nefnir Samvel. því at hon hafði [þa hann<sup>7</sup> getið at bøn þeirri er hon bað drottin. Helchana for nv at vanda sinvm meðr allt hyski sitt i Sylo at offra drottni hæit sin<sup>8</sup> oc hatiðligar fornir. Enn Anna var eftir. því at hon villdi æigi fyrrvm fara enn hon hefði<sup>9</sup> sveininn af briosti. oc offra hann þa sem hon hafði hæitið gvði til þionostv alla ævi. Enn Hælchana bað hana gera sem hon villdi. oc þess bið ec segir hann at drottinn fvlgeri sitt orð þat ær hann hefir fyrirætlat. Nv var Anna heima i Ramatha meðan sveinninn var a briosti. enn siþan for hon oc ferði hann i Sylo [meðr .iii.<sup>10</sup> yxn oc .iii. mðla<sup>11</sup> miqls oc vintvnnv. Samuel var þa enn litið barnn. Ok sem þav Hælkana komv i Sylo. sælðv þau einn vxann oc offroðv svæininn Heli kennimanni. Anna kvaddi Heli virðuliga. oc siðan sagði hon sva. Ek em sv kona minn herra er her stoð i þino avgliti a gvð kallandi i hiarta mino. nv hefir drottinn veitt mer bðn mina oc gefið mer at geta svn meðr<sup>12</sup> bonda minvm. ok þar fyrir fðri ek hann nv gvði. at hann þioni honvm alla daga meðan hann lifir. Nv dyrkoðv þav drottin þar i Sylo. Enn Anna þackaði gvði með fagrligri bqñ oc mikilli glæði alla þa miskvnn oc eftirlæti er hann hafði henni væitt i þessvm getnaði. sva at þa orti hon þann halæita lofsðng er siðan er i minne hafðr oc i tiðvm svnginn i hælagri kristni. oc þetta er vpphaf.<sup>13</sup> Exultavit cor meum in domino. Eftir þetta for Hælkana með hyski sitt heim i Ramatha. enn svæinn<sup>14</sup> Samuel var<sup>15</sup> eftir i avgliti drottins oc ox<sup>16</sup> vpp með Heli kennimanne i Sylo.

Fra vsidum suna Hely kennimannz.<sup>17</sup>

214. Synir Heli vorv miok vsiðugir oc [kvnnv æigi gvð drottin

<sup>1</sup>) snemma, B <sup>2</sup>) þau tilf. B <sup>3</sup>) herra, B <sup>4</sup>) Fra Annam ok syni hennar, A <sup>5</sup>) kuidugha tilf. B <sup>6</sup>) þuiat, B <sup>7</sup>) [saal. ogs. B; hann þa, A; hann, Fragin. <sup>8</sup>) sitt, B <sup>9</sup>) tekit tilf. Fragin. <sup>10</sup>) [ok meðr honum þrea, B <sup>11</sup>) mēla, B, A <sup>12</sup>) vidr, B <sup>13</sup>) at tilf. B <sup>14</sup>) sveinninn, B, A <sup>15</sup>) þar tilf. A <sup>16</sup>) vox, B, A <sup>17</sup>) Fra ospekt sona Heli. capitulum, A

oc<sup>1</sup> eigi æmbætti kennimannzskapar er þeir vorv skyldir<sup>2</sup> at veita lyðnm. nema enn helldr hverr maðr sem kom i Sylo oc færði fornir. oc sem hann hafði svndrað fornarkvikendit oc hann tok at siðða kiot.<sup>3</sup> þa kom sveinn kennimannz oc hio i ketilinn með [þriðngðvm soðal<sup>4</sup> er hann hafði i hendi oc færði vpp slikt er hann villdi. oc tok þat kennimaðr til sin. Nv gerðv synir Heli slikt við allt Jsraels folk er þar kom i Sylo. Var þat oc siðvenia oc sva bvdv login at mðr æða sæiti fornar hverrar skyldi æinkannliga gvði offra oc brenna yfir altari. Enn nv aðr en sa er sæfði fornina hefði mðrinn<sup>5</sup> til bvið. þa kom svæinn kennimannz oc sagði til þess er svndraði<sup>6</sup> fornina. Gef mer kiot at matbva kennimanni. því at ek vil æigi at þv fair mer soðit helldr rátt. Sæfarinn svaraði. Bið þv þess er buinn<sup>7</sup> er mqr oc fornaðr sem siðr er til [i dag.<sup>8</sup> oc tak siðan slikt er þer likar. Svæinninn segir. Meðr ðngv moti skal sva vera. helldr gefðu<sup>9</sup> nv i stað. ælla tekr ek með afli. Nv vorv sva hörmvlegar syndir svæina i avgliti gvðs at þeir [(toko) menn af fornvm drottins.<sup>10</sup> Enn Samuel þionaði þa þegar sem hann var einn snasvæinn klæddr linklæði því er Ephoth heitir oc sva var kallað. oc moðir hans gerði honvm [litinn kyrtil<sup>11</sup> oc færði honvm þa er hon kom með bonda sinvm at akvæðnm hatidvm fornir at færa. Enn Heli<sup>12</sup> blæzaði Hælchane oc hans hvsfrv sva segiandi. Gvð drottinn gefi þer kyn af konv þessi fyrir þat halæita offr er þið gafvð gvði svn yckarnn. Forv þav við þat heim i Ramatha. Nv vitiði gvð Anne sva at hann gaf henne at gæla oc fæða siðan .iii. syni oc .iii. dætr. Enn svæinn<sup>13</sup> Samuel miklaðiz fyrir gvði i goðvm lutvm dag fra degi. Hæli var þa miog gamall<sup>14</sup> oc hæyrði illa luti er synir hans gerðv qllo folki. hversu þær spillto oc savrgvðv fornir oc lggðvz með konvm þeim er [þionodv oc<sup>15</sup> fornir færðv at tialldbvðar dyrvm<sup>16</sup> drottins. Oc sva segir Heli til þeirra. Fyrir hvi geri þer slikt sem ek hæyri sagt at þer hagið yðr verr enn annarr lyðr. Nv gerið æigi sva læingr. því at þat er æigi goð fregð er af yðr segiz helldr mikil vsqmð<sup>17</sup> at þer latið sva aflaga ganga lyð drottins. þo at [maðr misgeri<sup>18</sup> við nienn. þa ma gvð þat likna honvm. enn ef maðr misgerir við gvð. hverr man þa biðia fyrir honvm. Enn þeir villdo ecki [lyðnaz orðvm favðv sins.

<sup>1)</sup> [kenduz litt vidr gud drottin ok kunnu, B <sup>2)</sup> skulldugir, B <sup>3)</sup> kiotit, Fr.

<sup>4)</sup> [þriengdum (þriðngudum, B) soðaal, A, B, Fr <sup>5)</sup> her ender Fragn. VIII.

<sup>6)</sup> sundrat hafði, A <sup>7)</sup> soðinn, B <sup>8)</sup> [mgl. A <sup>9)</sup> mer tilf. A <sup>10)</sup> [toko forner drottins ok atu, B; toku af monnum naudgum fornir drottins, A

<sup>11)</sup> [linkyrtil, B <sup>12)</sup> kennimaðr tilf. B <sup>13)</sup> sveinninn, B, A <sup>14)</sup> maðr tilf. B

<sup>15)</sup> [mgl. B <sup>16)</sup> durum, A <sup>17)</sup> vfrægd, A <sup>18)</sup> [ver misgiorum, B

þvi at<sup>1</sup> gvð villdi ægi at þeir lifði læingr til slíks vsoma. enn svæinn<sup>2</sup> Samuel [þroaðiz oc vox i goðvm lvtvm dag fra degi oc var þeckr<sup>3</sup> gvði oc goðvm monnvvm.

Vm aminningh vidr Hely kennemann. capitulum.<sup>4</sup>

215. Nv kom æinn gvðs maðr af honvm sændr i Sylo til aminningar<sup>5</sup> við Heli sva segiandi til hans. Þessa lvti segir gvð drottinn oc havð mer at flytia þer til cyrna. Ek vittroðvmz<sup>6</sup> optliga segir hann þino forællri. þa er þeir vorv þiaðir oc þrðngðir<sup>7</sup> a Egyptalandi i hvsí Pharaonis. oc valði<sup>8</sup> ec þina frændr af qllym ættvm Jsraels mer til kennimanna at ganga að minv alltari oc forna mer reykælsi æða bera fyrir minne asynd ið hælga klæði ephoth. oc gaf ek þeim allar hælgar fornir sona Jsraels. fyrir hvi<sup>9</sup> villdir þv nv þa bakverpaz við forn minne oc hældrepa hælgar gíafir minar. þær er ek havð<sup>10</sup> offra i minv mvsteri. oc sðmðir þv syni þina mæirr enn mik sva at i molí mino boði [altv þær val a<sup>11</sup> hverio sem gino fornarkvikændi þvi sem fornað var oc minn lyðr Jsrael offraði. Ok fyrir þessa skyllð skal þat af nemaz þer oc þinne ætt sem ek hæt fyrir [frendvm þinvm<sup>12</sup> a Egyptalandi. at þær oc þæirra afkvæmi skyllði ævilega<sup>13</sup> þiona i minv avgliti ef þeir villdi mer lyðnaz.<sup>14</sup> Enn nv segir drottinn. þann skal ek veggama sem mik dyrkar. gnn þeir er mik fyrirlita mnv verða liotir oc hæðilegir. Se. nv nalgaz þeir dagar segir drottinn er ec man æyða oc af næma þinn frendastryk [oc ættfærslu<sup>15</sup> favðvrhvs þins. enn þv mannt sia þinn vndirmann i minv mvstæri fram ganga i qllym farsæligvm lvtvm Jsraels.<sup>16</sup> Enn ægi man vm alldr nokkvrr maðr hæðan af gamall verþa af<sup>17</sup> þinne ætt. oc ægi man ec þiggia þionosto af<sup>18</sup> minv<sup>19</sup> alltari af [ne ginv<sup>20</sup> þinna sona. þv mant þat oc taka viti a sialfvm þer at avgv þin<sup>21</sup> vskygnaz oc slioviz<sup>22</sup> vit þitt. oc mikill lvti þins hyskiss man deyia a lættazla skæiði alldrs sins. Enn er til marks at þetta man allt eftir<sup>23</sup> ganga. at .ii. synir þinir Ophni oc Finees manv baðir a æinvvm degi deyia. Enn ek man vpp vækia þann kennimann er mer se trvlyndr oc alla lvti geri eftir minvm vilia. oc ek man

<sup>1</sup>) [lyða fodur sinum. Enn, A <sup>2</sup>) sueinninn, B, A <sup>3</sup>) [þockaðiz val, A <sup>4</sup>) Fra sendimanni i Sylo, A <sup>5</sup>) fundar, A <sup>6</sup>) vitradiz, B <sup>7</sup>) þrælkadir, A <sup>8</sup>) valda, B, A <sup>9</sup>) hueria skyllð, B <sup>10</sup>) at tilf. B <sup>11</sup>) [gripu þeir ualit af, A <sup>12</sup>) [þinum ættmonnum, A <sup>13</sup>) efinlega, B, A <sup>14</sup>) hlydnaz, B <sup>15</sup>) ettarfærslu, B <sup>16</sup>) [mgl. A <sup>17</sup>) i, A <sup>18</sup>) at, B <sup>19</sup>) musteri eda tilf. B <sup>20</sup>) [neinum, B, A <sup>21</sup>) manu tilf. B, A <sup>22</sup>) sleofaz B; minkaz, A <sup>23</sup>) fram, B, A

317

væita honvm lyðmenn dyggva oc drængi goða til þionosto. oc man hann vera forgavngomaðr kristz mins vm alla daga. Cristus þyðiz at varo mali sva sem smvrðr. oc því þarf æigi at vndraz þo at lignir menn se kristar kallaðir i þessarre bok. at þat var þegar siðr i fyr-ra lavgmali hinna fyrri fæðra taknsamlig fyrirmerking varss drottins er æiginliga kallaz kristr. oc af því halæita sinv nafni virðiz hann fyrir sina miskvnn sva at næfna sina savði þa er hann læysti meðr sinv blæzaða banabloði. því at hverr sem æinn kallaz nv kristr gða kristinn maðr sem hann er smvrðr hælgyv krisma i skirninne. Sveinn-inn Samvel þionaði drottni fyrir Heli kennimanni oc fylldvz a honvm agæl gvðs orð oc þat fyrirhæit sem nv var aðr fra sagt. A þæim dagvum var gingi sa maðr er<sup>1</sup> [opinberliga birtiz<sup>2</sup> merkiligar vittranir æða spadomligar synir.

Gud vitradiz Samuel. enn hann etlade at vere Hely kenni-madr.<sup>3</sup>

216. Sva bar til æinnhvern dag at Heli la i hvilo sinne. hann var þa niok ellihrvmr oc nesta blindr. enn Samvel svaf i mvsteri drottins hia hinne hælgyv ðrk gvðs. þa kallaði drottinn Samvel. Enn hann sva. Se her em ek segir hann. Spratt hann vpp þegar oc rann til Heli oc sagði sva. Se nv em ek her. því at þv kallaðir mik. Heli svaraði. Ekki kallaða ek þik. far þv astr til hvilo þinnar oc sof. Samvel lagðiz niðr oc sofnaði skiott. Enn drottinn kallaði i annað sinn. Samvel.<sup>4</sup> Hann vaknaði við kallið oc rann þegar þangat sem Heli la oc mælti. Her em ek enn sem þv kallaðir mik. Hann svaraði. Eigi kallaða ek þik svn minn. far oc sof. Samvel vissi þa enn æigi<sup>5</sup> æða kendi drottin. því at æigi hafði honvm fyrr birtz mal drottins. Nv sem hann var sofnaðr. kallaði drottinn enn ið .iiia. sinn. Samvel. Oc enn reis hann vpp oc rann til Heli oc mælti. Se nv enn em ek her kominn. því at vtan ef hygg ek at þv kallaðir mik. Heli skildi nv at drottinn myndi kalla sveininn. oc mælti sva til hans. Far þv enn svn minn oc sof. enn ef hæðan af er a þik kallað. þa skalltv sva segia. Tala þv drottinn því at [hæyrir þræll þinn.<sup>6</sup> Nv for enn Samvel at sofa. enn iafnskiott kom drottinn til hans oc kallaði enn sem fyrr. Samvel Samvel. Hann svaraði. Tala þv drottinn. því at hæyrir þrell þinn. Drottinn mælti þa við Samvel. Þat orð man ek

<sup>1</sup>) at, B    <sup>2</sup>) [drottinn birti, A    <sup>3</sup>) Her segir fra Heli ok Samuel, A

<sup>4</sup>) kuad hann tilf. B    <sup>5</sup>) gud tilf. B    <sup>6</sup>) [heyri ek kall þitt, B

fram segia at ymia mǫn i baðvm æyrvm þæim er þat hæyrir. Sa dagr man koma at ek man vpp hæfia at fremia oc fvlgera alla lvti þa er ek hæfi talað yfir hvsi<sup>1</sup> Heli. at ek man hans kyn oc hyski dǫma fyrir ranglæti. þvi at hann kannaðiz við lǫst sona sinna oc æigi at hælldr hirti hann þa. fyrir þvi segir drottinn man ek æigi linaz æða liknaz ranglæti hv<sup>2</sup> hans meðr fornv<sup>3</sup> oc segiofvm at æilifv. Nv svaf Samvel allt til morgins. Ok sem hann vaknaði lavk hann vpp dyrv<sup>4</sup> a drottins hvsi enn kom æigi til Heli. þvi at hann ottaðiz at segia honvm syn þessa. Nv kallaði Hæli Samvel til sin sva segiandi. Hæyr nu syn minn Samuel. Hann svaraði. Her em ek hia þer fostri minn. Hæli mællti. Bið ek at þv latir i lios við mik oc læynir ðngv af þvi er drottinn talaði til þin a þessi nótt. Se gvð þer sva holrr semecki orð selr<sup>5</sup> þv fyrir mer af ðllo þvi sem hann sagði þer. þa mællti Samvel oc sagði honvm ðll orð drottins oc læynði ðngv af. þa mællti Hæli. Giðri drottinn þat sem honvm syniz gott i sino avgliti. Samvel ox vpp oc var drottinn meðr honvm sva at æigi eitt orð hans varþ at hægoma. Ok heðan af kannaðiz við allt Jsraels folk af Dan oc Bersabee at Samuel var trvlyndr spamaðr drottins. Oc nv tok drottinn enn at birtazt Samvel i Sylo oc vitraði honvm alla lvti sem hann villði vera lata. [Flðg þa oc for<sup>6</sup> fregþ Samvelis vm allt Jorsalaland oc riki Gyðinga.

#### Fra usigr(i) Gyðinga. capitulum.<sup>6</sup>

217. J þann tima samnaðiz saman Jsraels lyðr oc for til bardaga moti hæðingiom Philistim oc herioðv a riki þeirra. Settv Gyðingar herbvðir sinar við biarg æitt er þeir kavllvðv fvltings stein æða hialpar. Philistei vorv þa comnir i þann stað er hætir Affeth oc fylktv liði sinv i moti Gyðingvm. Enn þegar i vpphafi orrostvnnar snero Gyðingar baki við Philisteis oc flyðv sem mest. hæðingar ællta<sup>6</sup> þa her oc hvar vm æng oc akra. J þeim bardaga fellv af Gyðingvm [iiii. þvsvndir<sup>7</sup> karla. Nv sem Philistei hvrfv aftr til herbvða sinna. þa samnaz enn saman gæðingar Gyðinga oc sðgvðv sva sin i millvm. Hvi man drottinn oss hafa latið fara<sup>8</sup> mikinn vsigr æða svaðil fyrir hæðingivm i dag. Nv mǫnv ver þat bragða taka at fara oc flytia hingat<sup>9</sup> hælgv sattmáls ðrk drottins at hon frelsi oss vndan valldi varra vvina. Þeir gerðv nv sendimenn i Sylo. oc flvttv þeir þaðan

<sup>1</sup>) hous, B <sup>2</sup>) huuss, B <sup>3</sup>) feler, B <sup>4</sup>) [for þa ok flaug, B; flaug þa ok for, A  
<sup>5</sup>) Fra sonum Heli ok huersu varð vm dauða hans, A <sup>6</sup>) elltu, B, A  
<sup>7</sup>) [ðogur þusundrat, B <sup>8</sup>) sva tilf. B <sup>9</sup>) hina tilf. B

hina hēlgv ōrk drottins. Enn .ii. synir Hēli Ophni oc Phinees foru með ōrkinne oc ferðv hana til herbvða Gyðinga. Ok sem avrkin kom til herbvða Gyðinga. gekk allt folkit vt með [miklo opi oc fagnaðar<sup>1</sup> ravst. sva at viða þavt iorðin af þeirra<sup>2</sup> hlioðan. Enn er Philistei hēyrðv þetta. frættv þeir estir hvat vissi hark þetta oc haræysti er þær hēyrðv i herbvðvm<sup>3</sup> enna ebræskv manna. Enn þegar er hēið-ingiar vvrðv visir hins sanna. at qrk drottins var komin til herbvða Gyðinga. oltvðvz þeir æigi litt oc syttv sva segiandi. Væi oss vesolv<sup>4</sup> því at nv er gvð kominn i herbvðir þeirra. oc æigi vorv Ebrei meðr sva mikilli glæði i gær æða fyrra dag. Væi oss væsolvm.<sup>4</sup> hverr man oss varðveita við valldi þeirra halæitv gvða sem nv ero til þeirra komnir. því at þessir ero þeir samo gvðar sem forðvm slogv Egyptaland meðr miog mðrgvm bysnvm oc bardavgvm oc læiddv siðan syni Jsrael vm æyðimerkr. Hvat nv þa allt at æinv styrkiz þer Philistei oc verit hravstir dræingir oc striðit styrkliga moti Ebreis. oc kostgæfit nv karlmannliga at þær komit æigi vndir anavðarok oc þeirra þrældom sem aðr hafa yðr þionað.

Estir þessa aeggian lavpa vpp allir Philistei oc fylkia sinvm her meðr ognar miklvm gny opi oc aeggian<sup>5</sup> oc vapnabraki. liopv þegar til bardaga a Gyðinga oc higgv a .ii. hendr. enn viðrtaka<sup>6</sup> varþ æingi. helldr flyði hverr sem hvataz er því kom við til sinna herbvða oc i ymsa staði ser hæliss at læita. þar feck Jsrael lyðr sva mikiltion oc tapan sinna manna at æigi fell fðra<sup>7</sup> af þeim enn .xxx. þvs-vnda<sup>8</sup> fotgangandi manna. þar vorv oc drepnir baðir synir Hēli Ophni oc Phinees. enn hertekin ōrkin helga af hēiðingivm Philistim. Einn maðr af ætt Benjamin komz or bardaga oc rann sem [mest matti hann.<sup>9</sup> sva at þann dag kom hann i Sylo. [þessi maðr sem hann kom i Sylo.<sup>10</sup> var hann miog moðr<sup>11</sup> ræif af ser klæðin oc bar molland i hðfvð ser. Hēli hinn gamli kennemaðr sat i sæti sinv vti við æitt stræti oc hēið sva hver tiðendi hann spyrði fra herbvðvm. því at hann var miok hvgsivkr vm hina hēlgv qrk. Nv sem sendimaðr var kominn. boðaði hann bðiar. folki fra bardaga allt hið sanna. Tok þa allr lyðr sarliga at syrgia meðr hðrmoligre hrygð.

Ok sem Hēli hēyrði haræysti þessa gratz. þa mællti hann. Hvat væit þessi gratr æða hðrmvngar hliomr er ek hēyri. Rennarinn skvndaði þa at segia Hēli allan atþvrð bardagans oc ændalykt. Hēli var þa sva gamall at hann hafði at alldri .viii. ár hins tivnda tigar oc

<sup>1</sup>) [fagnadar sðngum ok mikilli, A <sup>2</sup>) þeirri, B <sup>3</sup>) herbuðer, B <sup>4</sup>) ueslum, B <sup>5</sup>) eggian, B <sup>6</sup>) viðrtakan, B <sup>7</sup>) fðra, B <sup>8</sup>) þusundraða, B <sup>9</sup>) [hann matti, B <sup>10</sup>) [mgt. B <sup>11</sup>) ok tulf. B

var þa blindr baðvm avgv. Kvamvmaðr<sup>1</sup> segir nv sva til Heli. Ek em her nv nykominn oc a þessvm sama degi flyði<sup>2</sup> ek fra bardaga Jsraels oc<sup>3</sup> Philistinorvm. Heli mællti. Sæg mer svn minn hvat þar var liðenda. Hann svaraði. Þat kann ek þaðan at segia at allt Jsraels folk flyði ór bardaga oc fengo mikinn mannskaða i hðsðingia falli oc siolmennis. oc þar fello fyrir hæiðingivm baðir synir þinir oc hin helga ðrk hertekin. Enn i því bili er Heli hæyrði næfnda ðrk drottins þa fell hann a bak aptr or sætinu sva hart at allr hans havss lamðiz. sva at þat varþ þegar hans bani. Hafði hann verið domandi yfir Gyðingvm .xl. ara. Enn svnarkona Heli var með barni sv er allt hafði Phinees. oc þa komit at þeirri stvndv er hon atti at sæða. Sem hon hæyrði at hin helga ðrk drottins var hertekin af hæiðingivm. enn Heli magr hennar davðr oc bondi hennar. þa stoð hana sott sva at hon sæddi svæinbarn. Slogvz þa til ofverkir oc qnnvr sott af hrygð oc harmi. Enn þær konvr sem yfir henne satv melto. Ver þv hravst oc hirð æigi at ottaz því at þv hefir svæin sæddan. Enn hon svaraði ðngo orði oc litt hvglæiddi hon hvat þær sðgðv. Enn þo<sup>4</sup> gaf hon nafn svæininvm eftir sinne tvngv Hichaboth. þat er at varo mali brotborin dyrd. Oc sva segir hon. því kalla ek sva svn minn at ðll dyrd er af nvmin Jsraels folki. er [ðrkin hin helga<sup>5</sup> er hertekin. Enn hitt þar þo mæirr til er hon næfndi hann. sva er þgði var davðr magr hennar oc maðr.<sup>6</sup> oc þegar i stað do hon.

### Fra vandreði heiðingia.<sup>7</sup>

218. Nv er þar til<sup>8</sup> mals at taka sem aðr var fra horfil. at æstir þat hið mikla mannsfall sem Philistei giðrðv Gyðingvm við fylltings stæin hertoko hæiðingiar ðrk drottins oc flvttv hana þaðan i þa borg er heitir Azotvs oc þottvz sætia hana sðmiliga i mvsteri gvðs sins er þeir kðlloðv Dagon. oc rætt sem næst [sialfv Dagon.<sup>9</sup> gengo brot siðan. lvkv astr oc læsto mvsterit. Enn vm morgvninn eftir sem dagaði foro prestar Dagon oc aðrir borgarmenn til hofs honvm at þiona eftir vanda. Ok sem þeir hðsðv vpp lokit mvsteri Dagon. sia þeir þar standa ðrk drottins sem þeir hðsðv hana sett vm kvellit. enn Dagon gvð þeirra [grvði a golfi<sup>10</sup> frammi fyrir ðrkinne. þeir gengv til oc ræisto vpp Dagon oc settv hann i stað sinn. Nv annan dag er

<sup>1</sup>) Sendimaðrinn, B   <sup>2</sup>) flyða, B   <sup>3</sup>) fyrir, B   <sup>4</sup>) þegar, B   <sup>5</sup>) [hin helga ðrk drottins, B   <sup>6</sup>) bondi, B   <sup>7</sup>) Fra gvðs hefnd a heiðingium, A  
<sup>8</sup>) [godinn, A   <sup>9</sup>) [laa aa grufu, A

þeir komu til hofsins. la Dagon a grvfv<sup>1</sup> sem fyrr fyrir örð drottins. oc var þa af honum brotið þæði höfðvð oc hendr sva at hvarlvæggia la vtan gatta.<sup>2</sup> enn bolrinn la frammi fyrir örðinni hælgu. Oc fyrir þessa savk gæyma<sup>3</sup> æ siðan allir blotmenn oc hæðingar i Azoto at stiga alldregi a þræskavllido<sup>4</sup> þa er þeir ganga i blothvs Dagon. því at hann hafði þar brotnað um. oc heill þat enn i dag segir hinn helgi Jeronimvs.

Eptir þetta kyn<sup>5</sup> þyngiz hönd drottins yfir Azotos. sva at hann stríðir þeim með mörðum bysnum oc bardagum. Már<sup>6</sup> sva af oc minnar þeirra styrk a marga vega. oc æyðiz<sup>7</sup> þeirra obbelldi<sup>8</sup> með sva miklum<sup>9</sup> firnum oc faddmum. at iorðin bræstr niðr vndir þeim borgarinnar oc [savkva þar<sup>10</sup> eng oc akrar margra i miðio hennar heraði. enn þar fæddvz myss oc<sup>11</sup> mæinkykvændi er spillt bæði mat oc mavrgv qðrv. þeir þöldv oc sva sialfir borgarmenn i Azoto mikla skavmm oc scripi<sup>12</sup> til dæða. því at gvð drottinn slo þa með þeirri pino sem Grickir<sup>13</sup> kalla sinkopan. þat var með þæima hætti at þeir höfðv sva mikla vtsott oc iðra verk. at þaðan<sup>14</sup> svlló innan lægniligir vegar<sup>15</sup> vallgangsins með sva liotri oc læðiligri pino. oc gymprinn fvnæði neðan. dó mikill flðlði manna i Azoto. Enn allir karlmenn vngir oc gamlir syktvz með því moti sem nv var<sup>16</sup> sagt. þo at lif hæfði at kalla. Nv sem Azoti sa sik stangaða sva stríðv afelli. mello þeir<sup>17</sup> með ser. Alldri skal örð þessi længr meðr oss vera. því at gvð Gyðinga slðr<sup>18</sup> oss oc Dagon drottinn gvð varnn sannliga<sup>19</sup> með sinni heiptar hendi. Siþan senda þeir oc saman kalla alla vittringa oc visendamenn Philistinorum oc segia sva til þeirra. Hvat skolvu ver gera við örð þessa. þeir svaraðv. Hvat manv þer gera við hana nema flytia<sup>20</sup> fra yðr til annarrar borgar. Nv sva sem örðin flvttiz um borgir Philistinorum hveria fra annarri. þa fylgði Philisteis<sup>21</sup> hinn sami vfagnaðr at þeir fvnvðv neðan. oc dó af því sva gamlir menn sem smasvæinar. Ok um siðir sendv þeir örð drottins i þa borg er het Accharon. [Enn Accharonite sðgvð<sup>22</sup> sva. því hafa þeir hingal flvtt<sup>23</sup> i borg vara örð drottins Jsraels. at þeir vilia [at hann drep<sup>24</sup> oss sem vara lagvnavta. Accaroniss<sup>25</sup> borgarmenn senda nv sem skiotaz eftir öllum hæðnum hofprestum oc margvisum mæistarum. Ok sem þeir koma saman.<sup>26</sup> segia þeir sva til höfðingia Philistinorum.

<sup>1</sup>) golfi, B <sup>2</sup>) gatta, B <sup>3</sup>) varaz, A <sup>4</sup>) þræskellid(!), A <sup>5</sup>) kynzl, B <sup>6</sup>) hann tilf. A <sup>7</sup>) eyðer, B <sup>8</sup>) ofhelldi, B, A <sup>9</sup>) mörðum, B <sup>10</sup>) [sukku þar niðr, B <sup>11</sup>) madkar ok tilf. A <sup>12</sup>) skript, B, A <sup>13</sup>) Girker, B, A <sup>14</sup>) af tilf. B <sup>15</sup>) ueger, B <sup>16</sup>) fra tilf. B <sup>17</sup>) saal. B, A; þar, C <sup>18</sup>) slær, B, A <sup>19</sup>) barið tilf. her C; mgl. B, A <sup>20</sup>) hana tilf. B <sup>21</sup>) æ tilf. A <sup>22</sup>) [Einn Akkaronita sagði, B <sup>23</sup>) sent, B <sup>24</sup>) [drepa, A <sup>25</sup>) Accarons, A <sup>26</sup>) heim, A



Gjörð sva vel goðir dræingir. gæfð vpp ðrk drottins oc sendit hana hœim i sitt riki at æigi drepí drottinn oss oc allan lyð. því at vggr oc otti dalígs davða er nv kominn i allar borgir Philistinorvm. sva at íafnvel hравstir dræingir æpa oc yla með hörmvligri sorg oc svt.

Vii.<sup>1</sup> manaði var hin hælga ðrk i riki heðingia. þa tokv Philistei at æpa oc kalla til kennimanna Dagon's gvðs sins oc annarra galldra-mæistara sva segiandi. Gæfð til gott rað goðir halsar. hversó ver skolv m til haga at senda hœim avrk þessa til sins staðar. þeir svara. Eigi hæfir yðr hana meðr ðngri sœmð senda i brottv avða<sup>2</sup> helldr með verðvgri<sup>3</sup> virðing skolo þer læysa skylldv yðvarra synða. oc manv þer skiott hæilir verða [oc þa<sup>4</sup> við kannaz fyrir hveria skyllð hæiptar hönd drottins hvarf<sup>5</sup> æigi fra yðr. Philistei mæltó. Hvat er þat er vgr eigvm fyrir vara glæpi<sup>6</sup> at giallda. Hæðnir spamenn oc spekingar svðrvðv. þær vitid vm riki Philistinorvm at æitt<sup>7</sup> afelli oc davðadrep hæfir alegit yðr oc ðllvm hofprestvm yðrv m. Nv skolo þer gera .v. gvllker vaxin a þa mynd sem gvmpar yðrir. oc þar með gerið enn af gvlli .v. líkneski i mynd mvsa yðvarra þeirra er miok hafa æytt yðrv korni oc mðrgvm avðrv m<sup>8</sup> gæðvm. þetta allt skolo þer gefa gvði oc dyrka drottin Jsrael. til þess at hann virðiz at hefía hönd ræiði sinnar af yðr oc yðrv m gvðvm oc avllo yðrv riki. Fyrir hvi herðit þær hiorlv yðvr sva sem Egiptar oc Pharaó er forðvm grimmoðvz moti gvði oc varð<sup>9</sup> þa vpp at gefa gvðs lyð er [hann var þa aðr sleginn<sup>10</sup> mðrgvm mæinv m. Enn því at [hann villdi<sup>11</sup> æigi af lata sinvm grimlæik við Gyðinga. þa var honvm oc hans lyð<sup>12</sup> vm siðir dreckt i siovar divp.<sup>13</sup> Nv þa siaið við slikvm ðómvm oc gerit sem skiotaz æinn nyian vagn vel ramligan. siðan takit .ii. kyr sæitar þær er kelft<sup>14</sup> hafi fyrir scavmmo. oc gangi kalfarnir vndir þeim. þessar kyr skolo vera vtamðar sva<sup>15</sup> alldri [hafi vndir ok<sup>16</sup> komið. þessar kyr skolo þær bæita fyrir þann hinn nyia vagn enn byrgia inne kalfa þeirra. þa skal taka avrk drottins oc setia i vagninn. oc þar hia þann kistil sem i ero lvkt mvsa líkneskin oc þav gvllker sem getið var er þér gialldit fyrir glæpi yðra. Farið nv sva með ðllvm vmbvnaði sem ver höfvm fyrir sagt. Gæfð siðan vpp kyrnar með ðrkinni. oc hyggit at hvert þær snva. af því at þat er visvitað<sup>17</sup> at gvð Gyðinga hefir oss barið með sinne harðri hendi ef

<sup>1</sup>) Siau, B <sup>2</sup>) mgl. B, A <sup>3</sup>) uirðulegri, B <sup>4</sup>) [eðr, B; ok, A <sup>5</sup>) huerfr, B <sup>6</sup>) glæpi, A <sup>7</sup>) erið, B <sup>8</sup>) yðrum, B <sup>9</sup>) urðu, B <sup>10</sup>) [þeir uurðu aaðr slegner, B <sup>11</sup>) [þeir uilldu, B <sup>12</sup>) liði, B <sup>13</sup>) diupi, A <sup>14</sup>) borit, B <sup>15</sup>) at tilf. A, B <sup>16</sup>) [skolo undir ok hafa, B <sup>17</sup>) vist uitat, B; vist, A

kyrnar fara rétta veg til þess rikiss er hæitir Bethsamiss.<sup>1</sup> enn ef þat er æigi þa hefir þessi vfarnaðr<sup>2</sup> a oss fallið meðr nockorvm atbvrð. Nv forv Philistei með ðllvm lvtvm sem þeirra visdomsmenn oc meistarar höfðv rað til kent [oc til skipað.<sup>3</sup> Enn þegar sem kyrnar vorv fyrir bæittar vagninn. gengo þær beliandi hinn bæinsta veg þann er la til Bethsamiss. sva at [þær snero qngan veg<sup>4</sup> af hvarki til hægri handar ne vinstri. Enn hofprestar Philistinorvm er rað höfðv til gefið foro eftir at forvitnaz allt til Bethsamiss.<sup>5</sup>

#### Fra ork drottins.<sup>6</sup>

219. Betsamite vorv at kornskvrði i dal æinvvm. oc er þeir sa vagninn oc ðrkina hina helgv vvrðv þeir miok fegnir. Kyrnar gengv þar til er þær komo i landeign þess mannz er hætt Jesus. þar namv þær stað [vndir æinvvm miklvm stæini.<sup>7</sup> Svæinar þeir er at kornskvrðinvvm vorv rvnnv til oc tokv kyr þessar. hivggv, við oc hloðv bal oc fornfarðv bapar kyrnar drottni. Siðan komo þar til diaknar þeir er<sup>8</sup> voro i Bethsamis er<sup>9</sup> tokv ðrkina oc gvllhvisð yr<sup>10</sup> vagninvvm oc bivggv vm a því sama bergi. Sðmnvðvz þa saman Betsamite oc ferðv gvði fornir þann dag meðr mikilli glæði oc fagnaði. Enn er hofprestar hæiðingia höfðv setð þessa alla lvti hvrfv þeir aftr i Accaron. Enn því at drottinn villdi æigi at ðrkin veri i Bethsamis. þa drap hann af þeim er i fyrsto sa ðrkina .lxx. manna. enn af samfingno<sup>11</sup> folki .l. þvsvnda.<sup>12</sup> Sneriz þa allr lyðr sa er eftir lifði i sorg oc svt. Sendo þeir<sup>13</sup> boð i þat herat er hæitir Cariath. ocbvðv þeim bygðarmonnvvm fara þangat oc flytia til sin ef þeir villdi ðrk drottins er Accarons menn höfðv þangat sent. Var hitt ræyndar at Betsamite villdv fra ser færa<sup>14</sup> ðrkina oc þorðv hvergi nær at koma sakir þess mikla davðadreps er a þa lagðiz. Folkil af Cariath for þegar fagnanda eftir hinne helgv ðrk oc flttv hana i herbergi þess höfðingia er hætt Amminadab i borg Gabaa. enn svn hans þann er hætt Eleazar völdo þeir oc vigðv til kennimannz at varþvæita ðrk drottins. þar var oc við kosning Eleazari Samvel. Þaðan af var hin helga ðrk i Cariatharim .xx. ár.

<sup>1</sup>) i riki Juda tilf. A <sup>2</sup>) vfgnaðr, B <sup>3</sup>) [mgl. B <sup>4</sup>) [huergi viku þær, A <sup>5</sup>) borgar tilf. B; hvat fram ferir tilf. A <sup>6</sup>) Her segir fra Noa(?) aork, A <sup>7</sup>) [vid einn stein, A <sup>8</sup>) þar tilf. B <sup>9</sup>) ok, B <sup>10</sup>) or, B <sup>11</sup>) samfengno, A, B <sup>12</sup>) þusundraða, B <sup>13</sup>) þa tilf. A <sup>14</sup>) flytia, B

Fra sigri er guð ueitti fyrir Samuel.<sup>1</sup>

220. Samvel geriz<sup>2</sup> uv allagætr oc ælskaðr af gvði. Hann talaði þa fyrir ðllo folki því er við var. þa er ork drottins kom aftr or herlæiðing Philistinorvm sem nv var sagt. hann sagði sva. Ef þær vilið af ollo hiarta. oc hæilvm hvg snvaz til drottins. þa flytið fra yðr oc kastið brot [annarliga gvða<sup>3</sup> Baal oc Astaroth. enn bvið drottni hiortv yðvr oc þionið allzvalldanda gvði. þa man hann [yðr minir sælv synir<sup>4</sup> fagrliga frelsa af vando valldi Philistinorvm. þeir gerðv þegar eftir hans bæn oc boði. flvltv i brott oc brvtv Baal oc Astaroth er þeir hðfðv aðr tignað<sup>5</sup> oc þionvðv nv vel æinvm drottni.<sup>6</sup> Ok enn mællti Samuel til þeirra. Samnið nv saman ðllvm Jsraels lyð oc setið þing i Masphat at ek biðia til drottins fyrir yðr. Nv komv saman allir Gyðinga hðfðingiar oc ðll alþioð<sup>7</sup> i Masphat. oc helltv vt mðrgvm tarvm i avgliti drottins. oc fastaði<sup>8</sup> þann dag. oc savgðv sva með iðranar grati. Við þik hðfvv ver miok misgert drottinn. Samvel gerðiz þa domandi oc dðmði yfir allt Gyðinga folk. Nv verða Philistei varir við at Gyðingar vorv saman komnir i Masphat. senda þeir þa sina hofpresta oc visendamenn at niosna hvat þeir þeriz<sup>9</sup> fyrir. Enn er Gyðingar sinna þat. þa ottaz þeir at hæiðingiar mani<sup>10</sup> enn vm bravgð bva oc með nockorvm svikvm sitia vm þa. þeir mæltv þa við Samvel.<sup>11</sup> Bið þv fyrir oss hinn goði gvðs maðr at varr drottinn virðiz at frelsa oss af hendi<sup>12</sup> heiðingia. Samuel tok þa æitt vnglamb oc fornfærði alhæillt drottni oc bað til gvðs fyrir ðllo folki. Enn meðan hann fornfærði. þa hliopv Philistei a Jsraels lyð með braðvm bardaga. Enn fyrir þenir<sup>13</sup> Samuels væitti drottinn fullting sinvm lyð oc hræddi hæiðingia a þæima degi með ognar gny oc vndarliga storvm brestvm i lopt vpp at hæyra. þær vvrðv sva ottafvllir at þeir lætv elltaz fyrir Gyðingvm allt fra Masphat til þess fiallz<sup>14</sup> er Bethacar het. oc drapv Jsraelite fioldá af Philisteis. þa tok Samuel æinn stëin oc sætti niðr milli Masphat oc þess staðar er het Sën. oc kallar þann stað fvlltings stëin. [ok segir hann sva at fyrir því kallaði hann<sup>15</sup> sva. at með gvðs fvlltingi hðfðv þeir allt þangat fylkt<sup>16</sup> flottamonnvm. Lægðiz þa sva ofstopi Philistinorvm. at þeir samtoko þat með ser<sup>17</sup> at væita allðri agang siðan Gyðingvm. því at iafnan var drottins hæindarhðnd yfir Philistëis. sva at þeir fengv æingan framgang moti

<sup>1)</sup> Fra Samuel domanda, A <sup>2)</sup> gerðiz, A <sup>3)</sup> [annarligum gudum, A

<sup>4)</sup> [yðra sētu sunu, B <sup>5)</sup> dyrkat, A <sup>6)</sup> guði, B <sup>7)</sup> þioð, B; alþýða, A

<sup>8)</sup> favstudu, A <sup>9)</sup> bæðiz, A <sup>10)</sup> muni, B <sup>11)</sup> Samuelem, B <sup>12)</sup> valldi, A

<sup>13)</sup> þenir, A <sup>14)</sup> staðar, A <sup>15)</sup> [fyrir þui, B, A <sup>16)</sup> fylgt, A <sup>17)</sup> ok reðu tilf. B

Jsraelitis meðan Samuel lifði. helldr gvlldv þeir astr allar þær borgir oc bæi<sup>1</sup> ær þær hafðv vnnið af Gyðingvm. allt þat ríki með sinvm vmmerkivm sem verðr fra Accaron til þeirrar borgar er het Geth. Oc frelsti Samuel með gvðs fvltingi Gyðinga lyð vndan ofsa<sup>2</sup> oc agangi Philistinorvm. Þa [var oc<sup>3</sup> friðr goðr milli Gyðinga oc þess hæðins lyðs er hæt Amorrevs. Samuel for a hverio ari yfir ríkið oc dðmði monnvvm lqg oc siðaði folkit oc atti iafnan þing i þessvm stqðvm Bethel oc Galgala oc Masphat. hann dðmði oc Jsraels lyð i Ramatha oc þar<sup>4</sup> var æinkannlega hans hæmile a favðvrlæifð sinne. þar smiðaði hann alltari drottnei oc þionaði gvði með allri kvnnvzto oc goðvilia. Samuel atti .ii. syni.<sup>5</sup> het hinn ællri Johel enn annarr Assa.<sup>6</sup> Enn þa er Samvel tok at elldaz. setti hann syni sina domendr yfir folkit i þann stað er het Bersabee. enn þeir gengo eigi gðtvr favðv sins. helldr sneroz þeir til ofmikillar agirni oc toko [giafir af monnvvm<sup>7</sup> at dðma rangt.

### Spa Samuolis við Gyðinga.<sup>8</sup>

221. Nv er þat sagt þesso nest. at hððingiar oc allir rikbornir menn af Jsrael samnaz saman oc fara a fynd Samvelis i Ramath. þeir hefia sitt ærendi a þessa lund. þat er sem þær er kvnnict at þv geriz gamall enn synir þinir vilia æigi fylgia þinvm folsporvm i gvðs hræðzlo oc goðv framferði. þvi biðivm ver at þv velir oc selir yfir oss konvng af varvm lyð sem allar aðrar þioðir hafa. at hann dðmi oc bioði yfir oss. Samvel sem hann hærir<sup>9</sup> þessor þeirra orð. mislikaði honvm miok þeirra bgn ok bað drottin syna ser sinn vilia her vm. Drottinn mgtli þa við Samvel.<sup>10</sup> Hæyrði<sup>11</sup> ek hvat lyðr þinn talaði [til þin.<sup>12</sup> enn æigi hata þær þik sva miok i þesso sem [mik fyrirlita þeir i ðllvm lvtvm þessvm<sup>13</sup> sem<sup>14</sup> þær hafa gert i moti mer fra þeim degi er ek læiddi<sup>15</sup> þa af Egyptalandi oc allt hær til. oc vilia allt annað helldr enn ek rikia yfir þa. þvi at sva sem fyrr fyrirleto þeir mik oc þionoðv annarlegvm gvðvm. slikt ið sama vilia þeir segiaz vndan minni þionkan<sup>16</sup> oc [þinv yfirððmi.<sup>17</sup> Nv skaltv hlyðnazt<sup>18</sup> þeirra akalli. oc þo allt at æinv haf við vatta oc seg þeim [fyrir fram ðll rættarlðg<sup>19</sup> oc lyðskylldo er þeim hæfir at væita konvngi sinvm. Samvel gerir nv sem gvð bavð honvm. Hann hefr sva

<sup>1)</sup> bæi, A <sup>2)</sup> ofstopa, A <sup>3)</sup> [vard, A <sup>4)</sup> þat, B <sup>5)</sup> sunu, B, A <sup>6)</sup> Abia, B <sup>7)</sup> [fo til, A <sup>8)</sup> Er guð talaði við Samuel, A <sup>9)</sup> heyrði, B <sup>10)</sup> Samvelem, B <sup>11)</sup> Heyrða, B <sup>12)</sup> [við þik, B <sup>13)</sup> saal. A; i þesso, C <sup>14)</sup> [mgt. B <sup>15)</sup> leidda, B <sup>16)</sup> þionan, A <sup>17)</sup> [þinum yferdomi, B <sup>18)</sup> hlyða, B <sup>19)</sup> [fram fyrir rett lög, A

sina rðv við alla þa sem konvngsins bæiddo yfir sik. Þetta er lög-  
 mal konvngs þess er rikia man yfir yðr. Hann man taka syni yðra.  
 setia þa oc semia ser til þionosto. man hann svma gera riddara. svma  
 fyrirrennara [sinna reiðskiota.<sup>1</sup> hann man skipa til ármenn oc aðra  
 höfðingia at hœimla læiðangra oc lyðskylldir.<sup>2</sup> oc syni yðra man hann  
 gera sina akrkarla oc kornskvrðarmenn. aðra man hann lata smiða  
 sér vápn oc kerror.<sup>3</sup> Dqtr yðrar man hann gera ser at þionostokonvm  
 til bravðgerðar oc annars starfs. Hann man oc taka vingarða yðra oc  
 akra oc olivotre oc alldingarða þa er þér eigvð bæzla oc gefa sinvm  
 þionvm. sva oc yðra þræla oc ambattir oc aðra mansmenn. Asna oc  
 æyki þa er þer eigvt bæzla man hann brott taka oc sætia vndir sina  
 vini. Sæði yðvr oc vingarða oc garða<sup>4</sup> avðxt oc sva þiardið<sup>5</sup> man  
 hann tolla oc tivnda oc gefa gelldingvm þeim sem honvm þionoðo.<sup>6</sup>  
 oc oka yðr sialfa vndir þravngvan þrældom. A þæima degi manv þær  
 kvæina oc kalla til drottins at hann frelsi yðr vndan anavð konvngs  
 þess er þer haðð valit yðr. oc er þa vønna at drottinn vili gigi hœyra.  
 Nv villdi lyðrinn æigi heyra Samvel<sup>7</sup> her vm. hellðr köllvðv þeir oc  
 qptv i mot honvm sva segiandi. Alldri skal annað verða enn ver  
 haðm konvng yfir oss sem allar aðrar þioðir. at hann dömi oc halldi  
 af varri halfv [at veria oss við<sup>8</sup> agangi varra vvina. [Nv sem Samvel  
 hefir hœyrt<sup>9</sup> orð ok akafa Gyðinga. biðr hann til gvðs oc tiar fyrir  
 honvm qll þeirra orð. Drottinn mælti til hans. Hæyrði<sup>10</sup> ek hvat þeir  
 savgðv. nv ger þv sem þeir beida oc set yfir þa konvng. Samvel  
 bavð nv ðllo liði oc folki. at hverr maðr sem ginn skyllde fara til  
 sinnar borgar oc annaz sin<sup>11</sup> hvs oc heima. enn ek man yðr hvgsa  
 konvng sagði hann sem þer haðð beðit. Var þa slitið þesso þingi. oc  
 for hverr til sins hœimilis.

Fra þui er Saul fann Samuelcm.<sup>12</sup>

222. Maðr er nefndr Cis. hann var kominn af ætt Beniamin. Cis  
 var son þess mannz er het Abiel. son Sesor.<sup>13</sup> sonar Bechorethei.  
 [sonar Jareth.<sup>14</sup> sonar Asia. sonar Emini<sup>15</sup> hins sterka. Cis atti þann  
 son er Savl het. hann var sva valdr oc vinsgell at engi maðr fannz  
 bgetri i þann tima af ollo Jsraels folki. hann var manna styrkaztr oc  
 sva mikill at engi maðr i ætt Jsraels toc meirr enn i avxl honvm. Þat

<sup>1)</sup> [mgl. B <sup>2)</sup> landzakyllder, B <sup>3)</sup> vagna kerrur ok kastala, A <sup>4)</sup> iarða, B  
 allan, A <sup>5)</sup> hiarðar, B <sup>6)</sup> þiona, A <sup>7)</sup> huat Samuel tolaði, B <sup>8)</sup> [bardaga  
 fyrir, A <sup>9)</sup> [Sem Samuel heyrði, A, B <sup>10)</sup> Heyrða, B <sup>11)</sup> sitt, B <sup>12)</sup> Fra  
 Saul ok Samuel. capitulum, A <sup>13)</sup> Seor, B <sup>14)</sup> [silf. B <sup>15)</sup> Jemini, B

barsk<sup>1</sup> at með Cis<sup>2</sup> at asnar hans hrvfð oc fndvz ægi [er læita var farið<sup>3</sup> Hann bæiddi þa Saul son sinn. at hann myndi fara at læita asnanna með einhveriom<sup>4</sup> svæine. Saul bio sik oc foro þeir .ii. saman vm flall<sup>5</sup> Effraym oc vm þa iorð er het Salisa oc vm Salim oc vm iorð Gemini oc fvnno ægi asnana. Enn er þeir komo a þa iorð er Svph het. þa mællti Savi við svæininn er for með honvm. Nv manv við hverfa aftr. at ægi [verði faðir minn mæirr sivkr vm ockra ferð oc vm asna sina sem mik varir ef við komvm ægi skiott hæim.<sup>6</sup> Svæinninn svaraði. Her rétt i [þessi borg<sup>7</sup> er æinn agætr gvðs vinr. [sva at ægi gílt orð verðr at hægoma þat er hann talar nema helldr at sannlæik oc visendvm<sup>8</sup>. nv fðrvm til fvdar við hann [at vita<sup>9</sup> ef hann [vil oss<sup>10</sup> visa gera oc sannynði segia vm þetta ockart æyrendi sem við erom<sup>11</sup> sendir. Saul svaraði. Hvat litið höfvm við lavst til at gefa gvðs manni ef við fðrvm at finna hann. þvi at þat er vðversk- lict at færa honvm ekki. enn við hofvm nv ægi til vistir ne vandlavp æða æitthvat annað þat er sendilict er. Svæinninn mælti. Hafa man ek litið af silfri. gefvm honvm þat. at hann segi hver verða mrvn lok læiðar okkarrar. Saul læt ser þetta vel lika. Forð. þa baðir samt til borgar þeirrar er gvðs maðr var fyrir. Nv sem þeir gengv vm æin- stigi er la vpp til borgarinnar. þa komv i moti þeim meyyar nock- ðrar<sup>12</sup> er forv at taka vatn. þær spvrdv hvar spamaðrinn var i borg- inne. Mæyiarnar svaraðv. Her er hann bæint fram<sup>13</sup> fyrir ykr. hann kom her i dag. skvndit þo helldr þvi at i dag helldr allt folk mikla hatið i hæð borgarinnar oc ferr spamaðrinn skiott vpp þanngat til borðz. þvi at boðsmenn biða hans oc snæða ægi fyrr enn hann kemr oc blæzar fornir. Nv var þat siðr i þann tîma meðr Gyðingvm at dyrka drottin i hæstvm stöðvm<sup>14</sup> hveirrar borgar. allt þar til er Sal- omon smiðaði drottni mvsteri i Hierusalem. Nv sem þeir Savi komv i miðia borgina. fvdno þeir Samvel.<sup>15</sup> þvi at þa rætt geck hann vt or herbyrgi sinv oc ællaði vpp þar sem þeir kolloðv a hæð at hælga fornir. Enn drottinn hafði vitraðz honvm annan dag aðr Savi kom oc sagði<sup>16</sup> at hann myndi hinn næsta dag eftir senda til hans af ríki Ben- iamin þann mann sem hann skyldi til höfðingia smyria yfir Gyðinga. Sa man sagði drottinn hialpa folki mino oc frelsa vndan agangi Phil- istinorvm. þvi at ek læit miskvnnar avgvm a lyðinn. Oc i þvi ær

<sup>1</sup>) barst, A, B <sup>2</sup>) fðður Saul tilf. B <sup>3</sup>) [þa er leitast var, B <sup>4</sup>) einshuerium, B, A <sup>5</sup>) flall, B <sup>6</sup>) [ryggiz faðir minn meirr af ockru brottthvarð, A <sup>7</sup>) [þersum stað, B <sup>8</sup>) [er Samuel heitir er reyndr er at reitvisi ok sannindum, A <sup>9</sup>) [ok uitum, B <sup>10</sup>) [uili okkr, B <sup>11</sup>) epter tilf. B <sup>12</sup>) nqkkurar, B <sup>13</sup>) frammi, B, A <sup>14</sup>) hædv, A <sup>15</sup>) Samuelem, B <sup>16</sup>) sagt, B

Samvel læit Saul. þa mælti drottinn við hann. Sæ her nú þann mann er ek sagði<sup>1</sup> þér frá fyrra dag. Þessi skal drottinn og dóma yfir mína þjóð. Saul gekk fyrir Samuel<sup>2</sup> í miðiom herbergiss dyrvum og mælti. Því at hann hafði ægi [fyrir sæð Samuel.<sup>3</sup> Seg mér satt goðr maðr. hvar ero hvs æða herbergi spamannz.<sup>4</sup> Samvel svaraði. Ek em sa spamaðr er þú spyrst at. Nú skaltu ganga vpp á hæð með mér og vera í boði mínu í dag. enn í morgin gef ek þér orlof. og þa man ek segja þér hvað sem þik forvitnar æða þú hefir í hvg og hiarta. þú þarft nú og ægi at [ahyggiast um asna<sup>5</sup> favðr þins því at þeir ero fvnir.<sup>6</sup> Ok hveriom man til hýra at eiga hina bæztu lvti Jsraels nema þér og þino favðrhvsi. Saul svaraði. Ek em kominn af ætt Gemini<sup>7</sup> af hinum minnzta kynþétti Jsraels. og ero því mínir frendr minnz hattar og siðarzt<sup>8</sup> í ættartölo Beniamin. og því skil ek ægi [hvað<sup>9</sup> þetta þitt mál væit.<sup>10</sup> Samvel læiðir nú Saul og svæin hans í þat hesta herbergi sem aðr var gelið og sètti Saul í öndvegi millum boðsmanna. þar var ægi inne mæirr enn .xxx. karla. þa mælti Samvel við matbúðarmanninn. Tak nú þat er ek bauð þér enn fyrra dag at varþvæita og sæt fyrir Saul. Hann gerði sva. þa mælti Samvel við Saul. Tak nú og snæð þessa litlu sennding sem eftir varð af þeim fagnaðarkrasum er ek kallaði<sup>11</sup> lyðinn til. Sat Saul þar at sémiligri væizlo þann dag. Um kveldit gengo þeir ofan í borgina. og svaf Saul þar um nottina í málstofu Samvel. Ok þegar um morguninn sem liost var gekk Samuel í stofuna og mælti við Saul. Statt vpp og þú þik því at nú dvel ek þik ægi leingr at sinne. Saul spratt vpp og klæddiz. gengo síðan .iii. samt. og sem þeir voru komnir í vtanverða borgina. þa mælti Samvel við Saul. Sæg þú svæininum at hann gangi fyrir fram<sup>12</sup> á veginn. enn þú nœm staðar um litla stund at ek megi segja þér æitt dyrligt drottins orð.

---

Fra þi er Samuel smurði Saul.<sup>13</sup>

223. Samvel tok þa ker þat er hann kallaði lenticulam fyllt við-smiors og gekk at Saul og stæypti þessu hino helgv viðsmiorvi yfir höfð honum. og kysti hann sva segiandi. Se nú smurði drottinn þik til höfðingja yfir sína ærfð. at þú læysir lyð hans af hendi sinna vvana

<sup>1</sup>) sagða, B <sup>2</sup>) Samuelem, B, A <sup>3</sup>) [fyrir sið hann, B <sup>4</sup>) spamannzins, B; Samuelis, A <sup>5</sup>) [þera ahvggiu fyrir ausnum, A <sup>6</sup>) fundner, B, A <sup>7</sup>) Emini, A <sup>8</sup>) siðazter, A, B <sup>9</sup>) hvar, B <sup>10</sup>) til tilf. B; [hvar til koma þessi þin ord, A <sup>11</sup>) kallaða, B <sup>12</sup>) yðr, B <sup>13</sup>) Er Samuel smurði Saul til höfðingja, A

er hvaðan æva heria a oss.<sup>1</sup> Enn þat skalt þv at marki hafa at þetta er allt satt sem ek segir.<sup>2</sup> at i dag at miðivm deggi mant þv koma til læiðiss Rachel<sup>3</sup> oc finna þar menn .ii. er þer manv segia at fvnir ero asnar þeir er þv fort at læita. oc þat með at faðir þinn er<sup>4</sup> nv ahyggivfllr vm þina fgrð hvað af þer man vorðit. Nv sem þv ferr þaðan oc kemr at æik einne þeirre er stendr a fialli Thabor. þa<sup>5</sup> mant þv finna .iii.<sup>6</sup> menn er fara at dyrka drottin oc biðiaz fyrir i Bethel.<sup>7</sup> Einn þeirra man bera kið .iii. annarr .iii. mēla bravðs. þriði byttv fylla vins. Ok sem þer hæilsiz. þa manv þeir gefa þer tva læifa<sup>8</sup> bravðs. oc þv mvnt við taka. Eptir þetta mant þv koma þar<sup>9</sup> [sem haitir staða Philistinorvm. oc sem þv gengr inn i borg þa er þar verðr. man<sup>10</sup> i mót þer koma fioldi spamanna er þeir ganga ofan or hæð með allz hattar [læika<sup>11</sup> oc skemtan. simphon oc psalterivm. gigior oc hörpvr oc aðrir strēinglæikar.<sup>12</sup> enn þeir sialfir manv spa með fagrlegvm framsynvm. þa man koma yfir þik andi drottins oc mant þv taka at spa með þeim oc allr skiptaz i annan mann enn aðr erittv. Enn ef þetta gengr<sup>13</sup> allt eftir minne frasðgn. þa ger þv hvað er hönd þin visar þer a. þvi at þa er drottinn með þer oc man fara fyrir þer i Galgala. enn ec man koma til motz við þik þa er ek vil at þv fornfærir drottin til friðar oc farsælo oc sæfir sigrfornir .vii. daga sem siðr er til. Enn þess skaltv biða er ek kem til motz við þik at syna þer hversu þv skalt hverivm lvt skipa. Nv þegar [enn sem sinn veg geck hvarr Samvel oc Saul.<sup>14</sup> þa skipti gvð [hans hiarta oc hvgr.<sup>15</sup> oc ðill þesse merke sem Samuel hafði sagt komo fram oc fylldvz a þeima deggi. Ok sem þeir mættv spamanna flockinv þar sem haitir hals æða hæiðr drottins. þa kom fvlkomliga gvðs andi yfir Saul. sva at hann rakti fram fagrligar forspár millvm spamanna. Enn allir þeir sem kendo hann mēlto sva sin a mille. Meðr hveriom atbvrðvm hefir þessi spadómr komit at syni Cis. þaðan [af var þat haft fyrir orðzqvíð.<sup>16</sup> hvart er Savl i spamanna tqlo.<sup>17</sup> Eptir þat geck hann vpp i hæð þar sem var bqnarstaðr borgarmanna. þar var fyrir gamall maðr favðvrfaðir Saul. hann spvrði hvert þeir hæfði farit. Saul segir. Við forvm at læita asna favðvr mins oc komvm við til fyndar við Samvel.<sup>18</sup> Segit mer þar af<sup>19</sup> segir hann. hvað talaði spamaðrinn Samvel við yckr. Saul svaraði. Hann sagði okr at fvnir vorv<sup>20</sup> asnar varir.

<sup>1</sup>) hann, A <sup>2</sup>) segi, B <sup>3</sup>) Rachelar, B <sup>4</sup>) tilf. B <sup>5</sup>) þar, B <sup>6</sup>) þa, B <sup>7</sup>) Bethleem, B <sup>8</sup>) hleifa, B <sup>9</sup>) tilf. B <sup>10</sup>) [i borg Philistinorum er stada heitir. þar munu, A <sup>11</sup>) leikum, B <sup>12</sup>) [gledi ok strengleikum, A <sup>13</sup>) ferr, B <sup>14</sup>) [sem þeir skildu, B; sem sinn veg for hverr þeirra Samuel ok Saul, A <sup>15</sup>) [hiarta ok hvgr Saul, B <sup>16</sup>) [hofz saa orðzkuidr, A, B <sup>17</sup>) tali, B <sup>18</sup>) Samuelem, B <sup>19</sup>) nqkkut tilf. B <sup>20</sup>) ugri, B, A



Enn Saul villdi æigi segia karli þat er Samvel hafði talað vm ríkit.  
For Saul þa<sup>1</sup> hæim til favðvr sins.

Vm konungs tekiu. capitulum.<sup>2</sup>

224. Þessu næst kallar Samuel saman allan lyð fyrir avglit<sup>3</sup> drottins i Masphat oc talar sva til þeirra. Þessa lvti talar gvð Jsrael. Ek læiddi<sup>4</sup> yðr af Egiptalandi oc frialsaða ek yðr af vvina hendi oc allra konvnga er yðr kvöldv. enn nv segir Samvel kasti þer yðr sialfviandi vndan þionkan vars drottins þess<sup>5</sup> sem yðr hefir læyst af ðllo illo klandi oc kvöldvm hæiðingia. því at þer savgðvt sva. at þer villdit ekki annað enn ek setti yfir yðr konvng. Nv skipiz<sup>6</sup> þer saman i svæitir fyrir avglit<sup>7</sup> drottins sva sem til hærir æltvm Jsrael. Siðan lvtar Samvel vm konvngs kosning oc [berr lvtir kynsmonnvm<sup>8</sup> Beniamin. Samvel lvtar enn allt þar til er hlvtir kemr yfir Saul son Cis. Var hans þa læitað oc fannz æigi þar a þingino. þa var gengit til frettar við drottin. hvart Saul myndi nockvð þar koma. Enn drottinn sagði hann folginn hæima i herbergi. Havðingiar foru þa oc flttv hann a þing.<sup>9</sup> Ok sem hann stoð a millvm þeirra. var hann halsi oc höfði hæri enn hverr manna annarra. þa mælti Samvel við folkit. Hér megí þer nv séa þann sem drottinn hefir yðr til konvngs valið. at æingi er honvm líkr af qllvm þessvm lyð sem her er saman kominn. Þeir kalla þa allir sva segiandi. Lifu konvngr varr. Samuel kvaddi sér<sup>10</sup> hliðs. oc þegar er staðnaði óp oc akafi lyðsins. þa talaði hann oc tiaði [vpp fyrir<sup>11</sup> ðllo folki ríkis rígtindi oc laga stíorn oc lyðskylldo konvngs þeirra. oc skrifaði<sup>12</sup> a bok oc lét koma til hirðzlo i tialdbvð drottins i gvðs avgliti. Siðan gaf hann hveriom manne hæimfarar læyfi. For þa oc Savi konvngr heim i borg sina er het Gabaath með þann lvti hersins er honvm villdi fylgia oc gvð gaf i briost gott<sup>13</sup> hiarta með hvppryði. enn þeir vorv aðrir er sinvm frendvm höfðv ællað konvngdominn oc fyllaz<sup>14</sup> þegar vpp illzkv oc ðfvndar i mot honvm sva segiandi. Hvát man þessi konvngr litillar ættar oss hialpa. Oc sva stærðvz þeir oc fyrirlito hann at þeir væitto honvm þingar gíafir ne goða hlyðni. enn hann læt at sinne sem hann vissi æigi.

<sup>1)</sup> siðan, B <sup>2)</sup> Er Saul var til konungs tekinn, A <sup>3)</sup> augliti, B, A <sup>4)</sup> leidda. B, A <sup>5)</sup> saal. B; þann, C <sup>6)</sup> skiptiz, B <sup>7)</sup> augliti, B <sup>8)</sup> [kemr upp lutir kynsmenna, B; berr lut yfir kynsmenn, A <sup>9)</sup> þingit, B <sup>10)</sup> þa, B <sup>11)</sup> [mgl. B; fyrir, A <sup>12)</sup> skipaði, B <sup>13)</sup> saal. B, A; gvti, C <sup>14)</sup> fyllduz, B, A

Sneyþufqr Naas oc tilręði Saul.<sup>1</sup>

325.

225. A þæim sama tíma fór sa höfðingi Amóns<sup>2</sup> þjóðar er hét Naas oc heriaði með storsamlígo<sup>3</sup> stríði í<sup>4</sup> ríki Galaath a þa borg er kólloð er Jabes. Enn þeir<sup>5</sup> borgarmenn sa æigi sinn alla at rísa í moti hans hernaði. Þaðv þeir Naas gefa sér gríð oc gera selt við þa með því moti at þeir skyldu honvum þíona. Þessarri gríðabæiðni þeirra svarar sva Naas. Kostur skal yðr af mer lífs oc gríða með þeim skildaga at ek skal stinga vt íð hæggra avga or [höfði hveriom yðr<sup>6</sup> sem einvm manni.<sup>7</sup> til þess at þat verði sva æylifskomm öllu Jsraels folki. Avllðvngar borgarinnar bæiðu þa Naas gefa sér .vii. daga frest til raðagerþar oc orðsendingar til vína sinna oc sambygðarmanna. enn þeir myndi taka þenna afarkost sem hann hafði boðið ef þeim kómi æingi hialp aðr en vti veri þeir .vii. dagar. Þessu iatar Naas. Nv sem þeir hafa fęingit þesse frest. senda þeir boð a<sup>8</sup> alla vega fra sér oc lata Gyðinga víta í hveriar þröngvar<sup>9</sup> þeir ero komnir fyrir hæðingivm. Ok sem þeirra sendimenn vorv komnir í Gabaath til herbergia Saul oc höfðv fram flvtt sín æyręndi.<sup>10</sup> tok allt folk at syta sarlīga þeirra gymð með andlígo opi. A sömv stvndo kom Saul með svæina sína af akri með .ii.<sup>11</sup> gamla arðryxn. Sem hann kom í garðinn oc hęyrði grat lýðsins mælti hann. Hver vndr ero vorðin folki þessu er sva syrgir sarlīga. Þa vorv honvm savgð qll þesse líðendi oc hverra harmkvęla<sup>12</sup> Jabes borgarmenn attv vísa ván af heiðingiom. ef þeim kvęmi ecki fvllting innan<sup>13</sup> þeirra .vii. daga sem þeim vorv gríp gefin. Saul<sup>14</sup> sem hann hęyrir þetta fylliz hann af anda drottins með miklo kappi oc konvngligri ræiði. grípr þegar yxinin<sup>15</sup> oc havggr hvartveggia<sup>16</sup> í sma stycki. þar með sendir hann sína menn í borgir oc bæi<sup>17</sup> vm qll lönd oc a hvern vtskaga Jsraels ríkiss sva segiandi. Þessi stycki skulu þer fram bera<sup>18</sup> fyrir hvers mannz herbergi<sup>19</sup> með þæima boðskap. at sva smatt skal brytia þæss<sup>20</sup> mannz æyk oc vxa er hæima sitr oc vil nv eigi fylgia Saul oc Samvel. Við þessi ognarboð vvrðu allir slęgnir hręðzlo drottins oc [skvndar þa<sup>21</sup> hvern sem æinn hravstr dreingr til fvndar við Saul konvng. Nv sem saman kom allr herrinn í þeim stað er hęitir Bethec.<sup>22</sup> þa var skorað manntalit.

<sup>1</sup>) Her segir frá Naas ok Saul konungi ok hans boðskap, A <sup>2</sup>) Amónit, B <sup>3</sup>) stormsamlegu, B <sup>4</sup>) aa, B <sup>5</sup>) mgl. B; þeirrar, A <sup>6</sup>) yðrum, A <sup>7</sup>) [huers yðars höfði, B <sup>8</sup>) mgl. A <sup>9</sup>) þrönguvingar, B, A <sup>10</sup>) erendi, B, A <sup>11</sup>) tva, B <sup>12</sup>) saal. B, A; harmqila, C <sup>13</sup>) saal. A; manna, C; manna á, B <sup>14</sup>) konvngur tilf. B <sup>15</sup>) yxnina B; yxnin, A <sup>16</sup>) þegar huarntveggia, B <sup>17</sup>) bæi, A <sup>18</sup>) leggja, B <sup>19</sup>) dyrr, A <sup>20</sup>) huers, B <sup>21</sup>) [saal. B; skundadi, A; skvundaða, C <sup>22</sup>) Bezeth, B

oc vorv þa með Saul .ccc. þvsvnda af lyð Jsraels. oc vorv þa hia ættmenn Jvda. þat vorv .xxx. þvsvnda. Saul mætti þa til sendimanna Jabes borgar.<sup>1</sup> Farið nv fyrir oc segit sva yðrvm borgarmonnvm. at a<sup>2</sup> morgin sem sol sækir a himin man þeim koma hialp oc hælsa. Sendimenn Jabes<sup>3</sup> komv hæim oc savgðv sinnvm monnvm allt hið sanna vm sina ferþ. Við þat verþa þeir glaðir sem ván var at. Þeir sendo þegar þav boð Naas. at hann bviz sva við at þeir manv vm morgvinnn eptir ganga a hans valld. at hann geri þeim þa slikt sem honvm likar. Saul skipar nv sinnvm her .iiii.<sup>4</sup> fylkingar. ok koma þeir at herbvðvm heiðingia þegar i dagan oc drapv hvern þar er kominn var miok sva til hadægiss. Enn þeir vavknvðv ecki vel er þeir visso ser aðr engiss otla vanir. enn allir þeir er því komv við oc livið þago flyði<sup>5</sup> ser hverr sva at engi for mæirr samt en æinn.

#### Tala Samuelis fyrer Gyðingum.<sup>6</sup>

226. Eptir þenna bardaga tðloðv sva Jsraelite við Samvel.<sup>7</sup> Nv syniz oss vel fallið at þv fair menn til at drepa þat folk er siand-skaþaðiz a Saul. þegar sem hann var til konvngs tekinn. oc savgðv<sup>8</sup> þat bervm orðvm at þeir villdi<sup>9</sup> ecki hans riki yfir ser. oc nv syna þeir þat sama at þeir [væita honvm engu hlyðni.<sup>10</sup> Saul svaraði lyðnvm. Eigi skal því lavna drottni þann sigr sem hann hefir oss gefið at drepa ne einn mann af varo folki a þæima<sup>11</sup> degi. Samuel bað nv allt folk þat er þa var með Saul fara i Galgala oc setia þar þing. Ok a því allzheriar þingi var Saul tekinn til konvngs at<sup>12</sup> nyio i gvðs drottins avgliti yfir allt riki Jsraels. Sæfðv þeir siþan frið-samligar fornir með mikilli glæði konvngs oc allz lyðs fagnaði. Eptir þat stoð Samuel vpp oc talaði fyrir ðllvm Gyðingvm oc bæiarlyð þeim er þar var saman kominn. Hann hof sva sitt mal. þat er yðr kvnnict ðllvm. at ek hefi hæyrt akall yðart vm alla lvti er þer hafið til min talað oc<sup>13</sup> skipað konvng yfir yðr sem þer bæiddvt. gengr hann nv i bardaga oc er fyrir yðr [briost oc brynja i hverio striði.<sup>14</sup> Synir minir ero oc með yðr. Nv em ek gamall oc grar fyrir hærvm. hefi ek með yðr verit fra barnæsko oc er yðr miok kvnnict mitt athæfi. Nv standi þer her fyrir drottni gvði varvm oc þessvm hans kristi Saul konvngi. berið nv salt vitni vm minar framferðir at mer hiaveranda.

<sup>1</sup>) manna tilf. B <sup>2</sup>) i, B <sup>3</sup>) borgar tilf. B <sup>4</sup>) saal. ogs. B; i .iiii<sup>er</sup>. A  
<sup>5</sup>) flydu, A <sup>6</sup>) Fra Samuel ok Saul konungi, A <sup>7</sup>) Samuelem, B  
<sup>8</sup>) sagði, B <sup>9</sup>) villdu, A <sup>10</sup>) [vilja honum óngva lydni veita, A <sup>11</sup>) þersum, B  
<sup>12</sup>) af, B <sup>13</sup>) ek hefi tilf. B <sup>14</sup>) [ok er yduart traust, A

hvert ek hefi fyrir nöckorvm manne rangliga halldit vxa æða asna. sva oc ef ek hefi einshveriom<sup>1</sup> inanni mæin gert æða þravngt með nockorv moti. ef ek hefi af yðr lekit mltvr moti sannendvm þa skal ek a þessvm degi af lata oc aprt giallda hveriom manni sitt æigin. þa svaraði allr lyðr. Eigi hefir þv nockorvm manni mæin gert oc engan ofsott oc æigi dregið þer i sið annarra æigin. Samvel mælti. Drottinn gvð væit at þessi hans kristr Saul konvngv er hæyrandi vâltr i dag at þer manvð ecki yðvars goðs finna i minne hendi. þeir savnnvðv þat allt með swardaga sem hann sagði. þa tok Samvel sva til mals. Nv þa standi<sup>2</sup> þer i avgliti þess gvðs er miklaði Moysen oc Aaron oc læiddi sæðr vara af Egiptalandi. fyrir þeim sama drottni man ek diarfligan dóm setia yðr i mot af ðllvm hans miskvnnsemdvm er hann gerði við yðr oc yðra sæðr. Tek ek þar fyrst til sem Jacob kom a Egyptaland. oc siðan vorv sæðr yðrir þar þiaðir þar til er þeir kólloðv til gvðs. enn hann sendi þeim Moysen oc Aaron oc læiddi þa með mðrgvm oc miklvm taknvm af Egiptalandi oc skipaði þeim þenna stað oc riki sem nv byggj þer. Enn þeir glæymðv gvði sinvm. oc fyrir því selldi hann þa vndir valld Sisare hertoga Assvr oc i hendr hgiðingvm Philisteis oc vndir anavð Moabitarvm þioða. sva at þessir oc margir aðrir lyðir striddv i mot þeim með miklo ofbelldi. Siðan kollvðv þeir til drottins oc savgvðv sva. Miok höfvm ver misgert er ver fyrirlætvm<sup>3</sup> drottin gvð varnn oc þionoðvm annarligvm gvðvm bqlvðvm<sup>4</sup> Baal oc hinvm illa Astaroth. Nv frialsaðv oss drottinn gvð af anavð oc yfurgangi varra vvina ok manv ver þer þiona. Sva mæltv þeir. Enn drottinn hæyrði bðn þeirra oc sendi þeim hialparmenn [Gedeon oc Jepte oc Samson.<sup>5</sup> en siðazt<sup>6</sup> sendi hann yðr til aminningar þenna Samvel sem nv talar við yðr. hefir hann<sup>7</sup> nv læyst<sup>8</sup> yðr af hendi yðvarra vvina er byggðv vmhverfuss.<sup>9</sup> sva at þer matlvð vel vera i naðvm vltan vgg oc oltta. Nv sem Naas konvngv Amons þioðar væitti yðr motgang. sðgvðvt þér ecki annað mega nyta enn [konvngv iarðligr<sup>10</sup> stiornaði yðr. þar sem gvð drottinn yðvarr hafði aðr raðit riki yfir yðr. Nv er her sa konvngv sem þær vðlðvt oc gvð gaf yðr eftir yðvarri bæiðni. oc ef þer ottiz drottin gvð yðvarn oc þionið honvm enn ræitið æigi mvnn hans moti yðr. þa manv þær oc konvngv yðarr sa er yðr stiornar vera i naðvm oc fylgia drottni gvði yðrvm. Enn ef þer hæyrið æigi rödd drottins með athygli gvðs vilia

<sup>1)</sup> saal. B; eins, C <sup>2)</sup> her beg. Fragm. IX. <sup>3)</sup> fyrirlitum, B; fyrirlutum, Frag.

<sup>4)</sup> hinum bqluaða, B <sup>5)</sup> [Jerobaal ok Bedan ok Barach ok Jepte Samson ok Gedeon, B <sup>6)</sup> siðan, B <sup>7)</sup> guð, Frag. <sup>8)</sup> frelat, Frag. <sup>9)</sup> yðr tulf. B

<sup>10)</sup> [iarðligr konvngv de ðor.

nema helldr ræiti þer ræiði hans. þa man hans hæfudarhönd [koma yfir yðr sem yðra fyrri frendr.<sup>1</sup> Enn sitið þer 'oc siaið þann ognarlví er drottinn man gera í yðrv avgliti. Nv er sa timi er hveitiakrar<sup>2</sup> ero vpp skornir oc [sizi er<sup>3</sup> regna ván. nv man ek biðia gvð at hann syni yðr hversu mikil þer hæfið nv misgert í mins drottins avgliti. Samvel kallaði þa til drottins. oc gaf gvð þegar a þeima dæge ræiðir<sup>4</sup> oc regn sva at allr lyðr ottaðiz drottin oc Samvel. Oc sva mælti allt folk við Samvel. Biðv<sup>5</sup> fyrir oss þrælvn þinvm til drottins gvðs þins. at hann drepí oss eigi nv í stað sem ver ervm verþir. því at ver iatvm allir at þenna glæp höfvm ver nv við lagt varar fornv synðir er ver bæiddvm oss konvng.<sup>6</sup> þar sem ver varvm aðr vndir raði oc ríki vars drottins. Samvel svaraði.<sup>7</sup> Hirðit ægi<sup>8</sup> at ottaz þo at þer hæfið þetta illa gort. bakverpiz<sup>9</sup> þa nv ægi við yðrvm drottin. helldr þionið þer heðan af gvði allzvalldanda með hræinvn hvg oc hiarta. enn hirðit ægi at hnægiaz gþtir [vandvm villvm oc þeim gvðvm<sup>10</sup> er yðr stoða ecki ne styðia oc ægi mega yðr frelsa vndan anavð vvina yðarra<sup>11</sup> því at þeir ero harðla hegomligir. Nv ef þer hverfið ægi fra gvði. þa væit ek fyrir vist at hann fyrirlætr yðr ægi fyrir sitt<sup>12</sup> mikla ok mattvga nafn. því at hann hefir svarið at gera yðr ser at glskvlegvm gignarlyð ef þer vilið ægi honvm bregðaz. oc ægi lati gvð mik þann glæp henda at ek lætti af at biðia yðr miskvnnar af gvði. oc senniliga skal ek ægi aflata þat sem ek orka yðr at læiða a rættan veg oc goða gavto. Fyrir því bið ek minir kero synir. at þer vinnið rættlæti oc ottiz gvð yðvarnn oc þionið honvm í siðlæti oc sannlæk oc ast oc ælsko af ðllo hiarta. því at hann hefir nv synt yðr sinn mikla matt. Enn<sup>13</sup> ef þer groð sem gvð lati ægi vera þralatir a yðra illzsko. þa manv þer fyrirfaraz. oc sva konvngv yðarr. Meðr því moti lavk Samvel tqlo sinne bæði langri ok sniallri. A þesso þingi valði Saul konvngv .iii. þvsvndir af qlvm lyð. [skylldo .ii.<sup>14</sup> vera með konvngi í því heraði er het Machimas oc a fialli Bethel. enn þvsvndrat manna var með Jonathas syni hans í borg Galaath. þat er a iorðv Beniamin. Enn allan annan Gyðinga lyð lét hann hvernn fara til sins hæmiliss. Saul konvngv atti þa kono er het Achinoem. enn hennar faðir var nefndr Achimaas. þessir vorv synir Saul. Jonathas Jesvi oc Melchis. dottir hans hin

<sup>1</sup>) [refsa yðr sem yðrum fyrrum frændum, Frag. <sup>2</sup>) *saal*. Frag.; hann veitti akrar, C, B <sup>3</sup>) [siaið þer, B <sup>4</sup>) reiðar, B; reidarþrumur, A <sup>5</sup>) Bið þu, B; bið nu, A <sup>6</sup>) konvngs, B <sup>7</sup>) mælti, B <sup>8</sup>) þer *tílf*. B <sup>9</sup>) þer *tílf*. B, Frag.

<sup>10</sup>) [villamonnum at þiona falsgudum, Frag. <sup>11</sup>) *saal*. B, Frag.; sinna, C

<sup>12</sup>) biit *tílf*. Frag. <sup>13</sup>) *saal*. Frag.; at, C; ok, B <sup>14</sup>) [skyllði tæmr, B

ellri het Merob enn Michol en yngri. Jonathas settiz i Gabaa oc vëitti þegar alavp hæðingiom Philistim ok gaf þeim hartt slag er honvm vorv nęstir.

Fra lagabroti Savi konvngs er hann fornfærði.<sup>1</sup>

227. Eptir þat mikla mannfali Ammonitarvm er fyrr var getið gladdiz allr Gyðinga lyðr með hverskonar skemtan. oc hæðingar Philistim hęyra hvert lof Gyðingar væita Saul konvngi vm allt Gyðingaland með lvðra þyt oc þesshattar kalli. Hęyri Hebrei oc allr Gyðinga folk fregð þessa er Saul hefir drepit sva mikinn her hæðingia. oc man Jsrael nv rættaz vpp i mot Philisteis. Philisteis ærir þetta<sup>2</sup> illa. þeir draga þa her saman oc ælla at beriaz a gvðs lyð. þeir fengv sva mikinn her. at þeir höfðv i kerrvm oc vagnvm æigi færa enn .xxx. þvsvnda oc .vi. þvsvndir æinvala riddara. oc folgdngvlið var torvellt at telia fyrir siolda sakir. Þeir flytia allan her þenna i Gyðingaland oc setia sinar herbvðir i Machimas. Enn Saul konvngur var þa i Galgala. oc því var allt folk i Machimas ottasvllt. at Gyðingar sia at þeir manv miok verða þravngðir af hæðingivm. Dræifþvz þeir þa af hræðzlo oc faloz her oc hvar i hellvm oc holvm iardar. i biargrifvm æða bergskorvm. enn Hebrei flyðv vt yfir Jordan a iorð Gath oc Galaath. Sva oc allr lyðr með Saul i Galgala var slęinn miklvm otta af hernaði hæðingia. Samvel var þa æigi með Saul i Galgala. oc biðv þeir hans þar .vii. daga sem hann hafði orð vm sent. Nv sem hann kom æigi. þa tok miok at drifa liðit fra konvngi fyrir hræðzlo sakir. Oc nv er Saul ser þat. bað hann ser færa þa lvti sem kennemenn vorv vanir at fornfæra gvði til sigrs oc friðar. Ok er þat var gðrt. færði hann sialfr fornina. enn þat atti kennimaðr at gera sem lög bvðv. Ok þegar sem hann hafði lokit at fornfæra þa kom Samvel. Konvngur geck vt i mot oc hæilsaði honvm. Samvel spvði hvat hann hæði<sup>3</sup> gert. Saul svaraði. Ek sa at mitt folk fættiz<sup>4</sup> oc flyði fra mer. enn þv komt sæinna enn ver ætlvðvm.<sup>5</sup> nv sem herr hæðingia oc varir motstðvmenn drogvz at ðllom megin<sup>6</sup> oc Philistei vorv komnir allt i Machimas. syndiz mer<sup>7</sup> sem þeir ætti harðla skamt hingat i Galgala. enn ek hafði<sup>8</sup> þa enn ecki mykða asionv drottins mins. Nv af þesse navðsyn allri samt tilkvinn fornfærði ek sialfr drottni. Samvel męlti. Hæinsliga<sup>9</sup> hefir þer tekiz er þv hefir brolið

<sup>1</sup>) Fra Saul konungi ok Samuel, A <sup>2</sup>) nu tilf. B <sup>3</sup>) hafði, B <sup>4</sup>) fęck-  
aðiz, B <sup>5</sup>) hugðum, B <sup>6</sup>) megin, B <sup>7</sup>) monnum, B <sup>8</sup>) hefði, B  
<sup>9</sup>) heimsklega, B, A, Frag.

boðorð drottins gvðs þins oc bratt sva skiott af því sem ek bavð þer. því at ef þv hefðir ægi þetta gert. þa myndi<sup>1</sup> gvð drottinn hafa þitt ríki avkit oc [yfir skipað<sup>2</sup> Jsraels lyð at æylifv. enn nv man þitt ríki engan vppgang fa heðan af. því at drottinn man læita þess mannz til höfðingia yfir sitt folc er mæirr se eptir hans hiarta oc hvgarlvnd. þa man æyðaz [þinn rikdomr.<sup>3</sup> því at þv varðvæilir ægi hans boðskap. Eptir þetta stoð Samvel vpp oc sneri brott af Galgalis.<sup>4</sup> oc for hann þa i Gabaath a iorð Benjamin. Enn Saul var eptir i Galgala oc skoraði þa hverso mart lið hann hafði þa með ser. Enn sva hafði folkit fra honvm skotiz at þar fannz ægi mæirr enn .dc. karla. oc vnsframm Savl oc Jonathan.<sup>5</sup> Var þat folk flest er fra þeim hafði lavpiþ komið i Gabaath.

### Hinn agieti sigr Jonate.<sup>6</sup>

228. Hæiðingiar Philistim sato i Machinas oc bioggvz at beriaz a Gyðinga. Ok sem þeir vorv herclæddir gengv þeir fra herbvðvm oc þrískiptv sinv liði. for æinn flockr gegnt Effraim i ríki Savls. annarr flockr for þann veg sem liggr til Bethoron. [enn hinn þriði sneri<sup>7</sup> fram at dal þeim er haitir Oim.<sup>8</sup> er liggr við æyðimörk. I þann tíma fannz engi iarnsmiðr i ríki Gyðinga. því at Philistei höfðv sva til gilldrat með sinvm raðvm at Hebrei skyldo engi vapn mega smiða. helldr forv Gyðingar iafnan i borgir Philistinorvm [þar sem þeir vorv at<sup>9</sup> hvessa gða sla ðxar sinar æða gref gða avnnvr verkferi. Nv sem her var komið at Jsraelite skyldo til bardaga. þa fannz ægi<sup>10</sup> sa maðr i þeirra liði at hefði sverð æða spíot at vega með vtan Saul oc Jonathas son hans. Jafnan vin daga gengv fylkingar hæiðingia fra herbvðvm oc syna sik vera bvna til bardaga.

Ok einn dag talar Jonathas til skialldsveins sins. Fðrvm fram til [þess segir hann sem stendr fylking<sup>11</sup> Philistinorvm. Ecki sagði Jonathas til þessa favðvr sinvm. Saul var þa staddr i yztv halfv ríkis Gabaa<sup>12</sup> i þeim stað er Magon haitir vndir æinv alldintre. hann hafði ægi flæira lið enn .dc. bardagamanna. þar var þa með honvm Achias son Achitob broðor<sup>13</sup> Jchabod<sup>14</sup> sonar Finees sonar Hely kennimannz af Sylo. Bar Achias þa kennimannz nafn oc hið hælga clæði er þeir

<sup>1</sup>) myndi, B <sup>2</sup>) [skipat þik yfir, B <sup>3</sup>) [þitt ríki, Frag. <sup>4</sup>) Galgala, B

<sup>5</sup>) Jonathas, B, A <sup>6</sup>) Fra Jonathas ok heidingium, A <sup>7</sup>) [þriði flokkur sneri til iardar Sabaa ok sva, B <sup>8</sup>) Soboim, B <sup>9</sup>) að tilf. B; [at, A, Frag. <sup>10</sup>) eingi, B, A <sup>11</sup>) [fylkingar, Frag. <sup>12</sup>) Galgala, Frag.

<sup>13</sup>) sonar, A <sup>14</sup>) Jkaboth, B; Hicaboth, A

kölloðv Ephot. folkit vissi ekki til<sup>1</sup> hvað Jonathas barsk<sup>2</sup> fyrir. Enn þar sem Jonathas ætlaði at fara fram til fyndar við Philisteos var hið brattasta æinstigi vpp at ganga. oc [i harða ha<sup>3</sup> clif. enn tveim megin gengv at glivfr ha oc hin brattazto biðrg [hæita þav biorg er norðan ganga or<sup>4</sup> staðnm Machimas Bosess. enn svör fra moti borginne Gabaa ganga þav biorg er hæita<sup>5</sup> Sene. Nv sem þeir sqkia fram at einstigino. mælti Jonathas við skialldsvæininn. þat vñ ec at við farim til motz við þessa bannsætta hæiðingia oc vita ef gvð drottinn vili nockoð vinna fyrir ockrar hendr. því at honvm er iafnavðvelli<sup>6</sup> at hialpa sino folki við<sup>7</sup> fa menn sem marga. Svæinninn svaraði. Far sem þik fysir. enn ek man þer fylgia hvað sem þv vill at hafaz. Jonathas mælti. þa er mið<sup>8</sup> komvm at einstigino oc hæiðingiar megv sia okr. ok ef þeir tala sva. Biðit þar til er ver komvmz<sup>9</sup> til motz við yðr. þa skolom mið<sup>8</sup> staðar nema oc ganga æigi vpp at þeim. [Enn ef þeir bidia okkr fara til fundar við þa. þa skolum mit ganga vpp at þeim<sup>10</sup> því at þa man drottinn selia þa vndir ockvr vapn. Nv skolvm við hafa þat at marki her vm.

¹ Sem þeir koma fram i klivin i avgsyn hæiðingiom. þa mælti Philistei með ser vppi a biðrgvnm. Se. nv fara her Hebrei oc hafa nv vm siðir skriðit út sem myss or holvm. þeir kolloðv a Jonathan sva segiandi. Gangið vpp hingat oc mvnm ver syna yðr æinn lvi. Jonathas mælti við svæininn. Fylgðv<sup>11</sup> mer dræingiliga oc gavngvm vpp at þeim. því at nv hefir gvð drottinn várr svipta þa hamingvnni oc þa vndir gefið Jsrael<sup>12</sup> lyð. Enn sva var vegrinn brattr. at Jonathas grvflaði helldr enn géck oc klæif æigi siðr með höndvm enn fótvm vin æinstigið. oc þar svæinninn eflir. Ok þegar sem þeir komv at her hæiðingia vpp a bergið. hioggv þeir haðir ianfram a tver hendr hvað sem fyrir varþ. Var þat þeirra hið fyrsta atlavp at þeir drapv af Philisteis .xx. hravsta dræingi oc rvddv ser sva veginn rætt i miðia fylking Philistinorvm. a savmv læið oc .iii. iafnir æykir drægi æinn arðr vm akra. For þetta oc flavg þegar með mikilli vndran vm allar herbvðir þeirra. Ok sva gðrði gvð þetta takn með myklo storkmerki. at ógn oc otta sló a allan her hæiðingia [er aðr var til bardaga hvinn. Giorðiz þa mikill gnýr<sup>13</sup> af opi oc hlavpvm hæiðingia sva at viðá þotti iorðin skialfa vmhverfiss.<sup>14</sup> því at þeir visso æigi hvar þeir skyldo koma ser fyrir hræðzlo.

¹) mgl. B ²) barst, B; ætlaðiz, Frag. ³) [harða haatt, B; i ha klif, Frag.

⁴) [at or, A; at, Frag. ⁵) [er heita Boses enn qnnur, B ⁶) iafamikil

fyrir, Frag. ⁷) fyrir, B ⁸) við, B; mit, Frag. ⁹) komum, B ¹⁰) [túlf. Frag.

¹¹) Fylg, B, Frag. ¹²) Jsraels, Frag. ¹³) ok gnýdr túlf. Frag. ¹⁴) [sua at viðá

þotti iorðin skialfa af opi ok hlaupum heiðingia, B



Nú [gato at líta<sup>1</sup> varðmenn Saul konungs þar sem þeir voru í hæstun tturnum Gabaath at fiöldi Philistinorum var niður drepinn enn allir annarr mýgr flýði her og hvar. þeir sögðu þetta<sup>2</sup> konungi. Læt hann þá kanna lið sitt og vita hvort er nokkorir [veri í<sup>3</sup> brottu af hans her. Ok sem hann varð viss [at Jonathas og skialldsvæinn hans var<sup>4</sup> brottu.<sup>5</sup> Þá bað hann Achiam kennimann fram bera orkina hælgu. því at Gyðingar höfðu í þann tíma saltmálsörk drottins í herför<sup>6</sup> með sér. Á þessi samu stundu gerðiz sva mikitt gnadd í herböðum hæðingja. at Gyðingar heyrðu fyllgiðra hörmvngar þyt<sup>7</sup> þeirra og hræðzlo. Sotti þá Saul fram af vætfanginu og allir hans herra með opi og eggjan. En er opinu slo saman. þá vörð hæðingjar sva hræddir. at af því varþ mest [mannfallit er<sup>8</sup> þeir baroz sialfir vapn á. sva at hverr drap sinn felaga og frænda þann er nestr<sup>9</sup> honum var. Enn allir hebreskir menn þeir sem voru í herböðum Philistinorum og aðr höfðu fyrir hræðzlo sakir tekit sér grið af hæðingiom flýðu nú til fundar við Saul og Jonathan og báruðvz með þeim. Sva at hverr maður sem einn af Jsrael sa er sik hafði aðr folgið í fialli Efraim æða avörum læynum fyrir otta Philistinorum. þá hliopu nú allir til sinna vápna sem þeir sa at Philistei flýðu og slogvz í bardaga með þeim Saul og hans<sup>10</sup> monnum.

Þessi sokn var harðla löng. sva at akafi orrostunnar hellz allt til þess staðar er het Bethven.<sup>11</sup> Kom þá saman allir herra Gyðinga. þá mælti Saul með swardaga við allan lýð. at hverr sa maður skilldi vera bálvaðr og til dæða dómör er dirfðiz at bergja nokkrum lét a þæima<sup>12</sup> degi fyrr enn hann hefði sigraz a sinum vvinum sem hann villdi. Þenna boðskap hellt allir lýðir sva ríkvliga. at þá er þeir komu í flottargetrinum fram í<sup>13</sup> skog þann er avll iorðin flaut af hvernangi var þingi sva moðr gða hvngraðr at sína hönd rétti til at kenna vtan Jonathas. hann hafði ægi fyrr<sup>14</sup> hært hvar faðir hans hafði um talað. Hann rétti fram sverðit er hann hafði í hendi í hvernangið. [þá bra hann<sup>15</sup> í mynn sér. því at hann var miok<sup>16</sup> moðr at hann mætti varla síja læið sína. Enn þegar sem hann hafði bergt. lkvz vpp avgu hans.<sup>17</sup> Þá mælti maður til hans og sagði [hverja varygð<sup>18</sup> konvngs hafði mælt og svarit um at ængi maður skilldi a sæðv kenna a þæima degi sa er lífno vil halda. Jonathas svaraði. [Mikil vandregði<sup>19</sup> hefir faðir minn

<sup>1)</sup> [sia, B <sup>2)</sup> Saul sílf. B <sup>3)</sup> [eru aa, B <sup>4)</sup> uoru í, B <sup>5)</sup> [at Jonathas var í brottu ok skialldsvæinn hans, Frag. <sup>6)</sup> herfgrum, B <sup>7)</sup> sut, B <sup>8)</sup> [mannfall at, B <sup>9)</sup> nestr, B <sup>10)</sup> Jonathan ok þeirra, B <sup>11)</sup> Bethauen, B, Frag. <sup>12)</sup> þeim, B, A <sup>13)</sup> a, B <sup>14)</sup> mgl. B, A, Frag. <sup>15)</sup> [ok bra, A, B, Frag. <sup>16)</sup> sva, A, B, Frag. <sup>17)</sup> ok rann mæði af honum sílf. A <sup>18)</sup> [hvat, A, Frag.; huerau, B <sup>19)</sup> saak. B; vandreði, C; [Mikinn þunga, Frag.

gert allri iarðarbygðinne i þesso. því at þer gatvð nv at lita hversu lystvz avgv min sem ek bergþi<sup>1</sup> harðla litlo af þesso hvnangi. þar sem ek matti<sup>2</sup> aðr drivgvn ecki sia fyrir meði. ok því hefir hann þetta mellt mæirr af akæfð<sup>3</sup> enn alitvm. því at vtan ef myndi þessi lyðr er nv er naliga at þrotvm kominn af þorsta oc hvngri styrkligarr striða a heiðingia oc reka flottann i dag. ef þeir veri saddir af herfangi sinna vvina.

A þeim degi hialpaði drottinn sino folki. oc rako Gyðingar flottann oc drapo Philisteos allt fra Machinas til þess staðar er het Aialon<sup>4</sup>. þa var allr lyðr miok moðr af erfði oc fðsto. sva at þeir toko navt oc savði at herfangi oc drapo niðr. oc þegar sem þeir höðv svndrat tok folkit at æta ratt. Enn svæinar konvngs sqgðv honvm hversu Gyðingar glæpðvz i gvðs avgliti. er þeir atv vsóðit oc bloðvgt kiot. Saul mælti þa til hersins. þer hafð i þessvm lvt gert mikit lðgbrot sva at storvm berr oc hæfir ægi at længr se vbegt. velltið nv i stað hingat einvm miklvn stæini. Ok er þat var gert. talar konvngr til sinna svæina. Farið skioft vm allan herinn. oc bioðit hveriom manni at flytia hingat sitt<sup>5</sup> navt gða savð oc sæfi<sup>6</sup> hér yfir þenna stein. matbvið siðan oc sneðit. enn gerit ægi sva mikinn glæp at þer ætið ratt sem hæiðingar. Nv gerði folkit sem hann [fyrir sagði<sup>7</sup> allt til nætr.

Þar smiðaði Saul<sup>8</sup> drottni hið fyrsta altari. Eftir þat sagði hann sva herinvn. Hlarpvm<sup>9</sup> nv sem harðaz a hæiðingia oc drepvm þa i alla nótt þar til er lysir af degi. oc æyðvm sva illvm vikingvm at ver latim [ægi ne æinn<sup>10</sup> eftir liva af þeim<sup>11</sup> her. Folkit bað hann raða. þa mælti Achias<sup>12</sup> kenninaðr. Gðngvm fyrst til sattmalsarkar drottins oc vitvm hvert rað gvð<sup>13</sup> gefr til. Saul bað gvð segia ser gða syna hvart hann skilldi sèkia<sup>14</sup> eptir Philisteis æða hvart gvð villdi gefa þa fram<sup>15</sup> vndir valld Gyðinga. Enn hann fekk þar vm engi visendi [i þat sinn.<sup>16</sup> þa mælti konvngr. Misgert hefir nv æinn<sup>17</sup> af varvm monnvn i dag. kalli nv saman allan herinn oc rannsaki vandliga hverr þessa er valldr. Ok þat væt lifandi gvð græðari Jsrael. þo at [þessi glæpr<sup>18</sup> at gera gvð ræiðan hafu hent Jonathan son minn. þa skal hann ægi með drætti<sup>19</sup> vndan domi frelsa. helldr skal hann þegar i stað dæyia. þesso mælti engi maðr i mot at sinne. Konvngr bavð nv at allr lyðr skipiz<sup>20</sup> i æinn stað. enn þeir .ii. i annan stað

<sup>1</sup>) bergða, B, Frag. <sup>2</sup>) maatta, B, Frag. <sup>3</sup>) kappi, Fragm. <sup>4</sup>) ok drapu mikit agrynni hers tilf. A <sup>5</sup>) sin, B <sup>6</sup>) sæfa, B <sup>7</sup>) [sagði fyrir, B <sup>8</sup>) konvngr tilf. B <sup>9</sup>) hlaupt, B <sup>10</sup>) [engan, B <sup>11</sup>) þeirra, B <sup>12</sup>) Achaz, B <sup>13</sup>) hann, B <sup>14</sup>) her-skilddi tilf. Frag. <sup>15</sup>) framarr, B; mgl. Frag. <sup>16</sup>) [at sinni, B <sup>17</sup>) einnhverr, Frag. <sup>18</sup>) [þenna glæp, B <sup>19</sup>) nökkurum undandregti, B <sup>20</sup>) fgr, B

Saul oc Jonathas. Enn er sva var gert. þa kallaði Saul sva segiandi. Seg mer<sup>1</sup> drottinn hvi þv vælir engi andsvör þreli þínum i dag. Nv ef þetta ræði ranglæti liggir a mer ęða Jonatha<sup>2</sup> syni minvm. þa gíallt þv okr vili fyrir. enn ef lyðrinn [er sekr.<sup>3</sup> þa ęef þeim hirting til hęlganar. Sþan var hlvað oc fannz lęstr með Jonatha<sup>2</sup> oc Saul. Þa bavð konvngur at lvta skyllði með þeim. var þa sva gert. ok kom vpp lvir Jonathe.<sup>4</sup> Þa bað Saul hann segia hvat hann hafði gert. Jonathas svaraði. þa er ver komvm i dag a þann hvnangs flotanda skog. bergði<sup>5</sup> ec oc þo sem minnz af hvnangi. Sę nv<sup>6</sup> þer vilið at ek dęyi<sup>7</sup> fyrir þetta. Saul svaraði. Þat vęit gvð at nv i stað skallt þv dęyia. Við þessor orð konvngs liop vpp allr lyðr sva segiandi. Og-vrlig vhfæ<sup>8</sup> at drepa þann mann er ęinn hfęir mesta hialp vvnnið Jsraels folki. sem gvð lifir a himnvm at ęigi skal nðckorr maðr a iarðriki blasa hár af hðfði honvm at sinne. Toko þeir þa Jonathan með valldi oc frelstv hann fra davða. For Saul þa i Gabuath oc lattiz at sękia eptir Philisteis. flyðv þeir hęim i riki.<sup>9</sup> oc skilði þar meðr þeim þvi<sup>10</sup> sinne.

Er gud baud Samueli at drepa Amalech.<sup>11</sup>

229. Þa er Saul konvngur hafði staðit<sup>12</sup> oc styrkt riki sitt ifir Jsrael. heriaði hann a riki hęiðingia oc striddi við alla vvini Gyðinga. við þær þioðir er kallaðir<sup>13</sup> vorv synir Moab oc synir Amons. ok hann barðiz við þann konvng er rikði i Edom oc við konvng þess rikis er kallað var Soba. oc iafnan hęllt hann striðv<sup>14</sup> við Philisteos. Enn hvar sem hann sneri a sinvm hernaði. þa hafði hann ę sigr oc bravt vndir sik allar þioðir oc ðll riki i nand oc frelsti Gyðinga af allra þioða agangi. Enn hinn hęsti hðfðingi i herinvvm með Saul var sa maðr er het Abner frendi konvngs. skylldr sva at þeir<sup>15</sup> vorv [bręðr. synir þess mannz er het Abihel. Cis faðir Saul oc Nęr faðir Abner.<sup>16</sup> Enn fyrir þvi at allar stvndir var hið mesta strið oc vfriðr milli Philistim<sup>17</sup> ok Saul konvngs meðan hann lifði. þa valði Saul ser til fylgðar hvern mann er hann fann styrkan<sup>18</sup> oc vigķęnan. Þenna<sup>19</sup> tima var með Saul Samvel. Ok a nðckorvm degi ķęmr hann at mali við konvng oc sagði sva til hans. Þat er þer ęigi vķvnnict. at gvð

<sup>1</sup>) þu, B <sup>2</sup>) Jonathe, B <sup>3</sup>) [hefir misgert, Fragn. <sup>4</sup>) her ender Fragn. IX.

<sup>5</sup>) bergða, B <sup>6</sup>) ef tulf. B <sup>7</sup>) dęyia, B <sup>8</sup>) er tulf. A <sup>9</sup>) sitt tulf. B

<sup>10</sup>) at, B <sup>11</sup>) Fra hernaði Sauls konungs a heiðingia, A <sup>12</sup>) staðit, B, A <sup>13</sup>) kallaðar, B <sup>14</sup>) striði, B; strid, A <sup>15</sup>) feðr þeirra, B <sup>16</sup>) [bręðra synir, A <sup>17</sup>) Philisteis, B <sup>18</sup>) styrkztan, B <sup>19</sup>) þann, B

drottinn sendi mik at velia þik oc vigia til konvngs yfir sinvm<sup>1</sup> lyð. fyrir því hæyrðv nv orð drottins oc gef [at gævm.<sup>2</sup> því at þessa lvi talar drottinn gvð allzheriar. Nv endrminnvvmz ek sagði drottinn hvat hinn vandi lyðr Amalech gerði við<sup>3</sup> mitt folk er ek læidda af Egiptalandi. er þeir striddo oc stoðv alla vega mot Gyðingvm. fyrir því far þv nv með þinn her oc drep i davða allan [þann lyð<sup>4</sup> Amalech. oc ger sva mikla alæyðv<sup>5</sup> vfagnaðarfolki því. at þv þyrm hvarki elli ne æsko. bana sva [konvm sem karlmonnvvm.<sup>6</sup> börnvvm oc<sup>7</sup> bvs mala. vxa oc asna. kið sem kalf. oc æyð öllv því er lifs er i því riki.

Saul konvngv byðr nv at ser her vm allt Gyðingaland. Ok sem saman kemr liðit. lætr hann skora manntal. hafði hann þa .cc. þvs-vnda folgavngvhers. en .x. þvsvndir hinna hravstvstv<sup>8</sup> bardagamanna af ætt Jvde. Sem Saul konvngv kom með sinn<sup>9</sup> her i riki Amalech. at þeirri borg er sat i konvngv þeirra er het Agag. settiz hann vm borgina oc slo sinvm landtiqlldvm við æinn fors. Sendi Saul þa sina menn til þeirra þioða er Cinei vorv kallaðir. sva segiandi. Bviz brotto þer [oc farið sem fyrst<sup>10</sup> langt or riki Amalech með allt yðart goðs. at æigi veviz þer i vandregðvm<sup>11</sup> með þeim sva at ver drepim yðr. því at ver vilivm yðr ekki mæin gera sakir þess er þer æinir af öllvm þioðvm giorðvt Gyðingvm miskvnn oc manndom er þeir forv af Egiptalandi. Cinei gerðv sva. forv oc flvttvz brott sem þeim [boð komv<sup>12</sup> af riki Amalech. Enn því at Amalechite höfðv litinn viðbvnað enn Saul mikinn her oc matkan. þa vann hann skiott qll riki þeirra fra þeim stað er het Eivla allt þar til er fram kemr þar sem het Assvr. þat riki liggr við Egiptaland. þeir handtoko Aggag konvng oc ferðv i bðnd oc flvttv með ser lifanda. enn allt annað samfengið folk slogo þeir sverði. Saul konvngv oc hans liðsmenn<sup>13</sup> læto lifa [konvng Aggag<sup>14</sup> oc þyrmðv því qllo er þeim þotti sagrt fyrir avgvm. kvikse oc klæðvm. yxnvvm oc æykvvm. höfvrvm oc hrvtvvm. oc öllv því er eigvlict þotti villdo þeir eigi tortima helldr taka at herfangi. enn drapv allt þat sem var aflæitt gða ælict<sup>15</sup> hrvmt gða hervilict.

A þessi sðmv stvndv vitraþiz gvð Samvel sva segiandi. Ofgert hefi ek þat er ek setti<sup>16</sup> Saul konvng yfir lyð minn. því at hann fyrir-lætr mik oc brytr boð min oc vill æigi gera eftir orðvm minvm. Við þetta hrygðiz miok hiarta Samuelis. sva at hann vakði alla þa nott oc kallaði til gvðs drottins. Enn þegar sem lysir byr Samuel sik at fara

<sup>1</sup>) sinn, B, A <sup>2</sup>) [gaum at, B, A <sup>3</sup>) mik ok tilf. B <sup>4</sup>) [her, B <sup>5</sup>) a tilf. B

<sup>6</sup>) [kqr lum sem konum, B <sup>7</sup>) sem, B <sup>8</sup>) rqs kuztu, B <sup>9</sup>) sinum, B

<sup>10</sup>) [sem fyrst ok farit, B <sup>11</sup>) saal.-B; vqndregðvm, C <sup>12</sup>) [uar boðit, B

<sup>13</sup>) lið, B <sup>14</sup>) [Agag konung, B, A <sup>15</sup>) elikt, B, A <sup>16</sup>) setta, B

430

til fndar við Saul. Var honvm þá sagt at Saul hafði komit i karmel þann stað er sva het. oc þar ræist vpp altara<sup>1</sup> til marks oc minnis sigrs sins. oc þaðan altr hverfandi hafði hann snvið i Galgala. þar fann Samvel konvng. Saul qvaddi þegar Samvel sva segiandi. Blæzaðr ser þv gvði. framit ok fyllt hefi ec alla lvti eptir orðvm drottins. Samuel svaraði. Hvat væit rðdd þessi navta oc savða er ek þyckimvz hæyra til herbvða.<sup>2</sup> Saul svaraði. Þat er litils hattar er menn minir hafa tekit or riki Amalech. því at lyðrinn hefir valið hið villdazta af savðvm oc navtvm at fornfæra herra gvði þinvm.<sup>3</sup> enn allt annað drapvm ver. Lætt af þv nv at livga [segir Samvel.<sup>4</sup> oc man ek segia þer hvat drottinn minn talaði til min i nott. Saul bað hann segia slíkt er hann villdi. Samvel mælti. Þat væizt þv at þv vart settur af gvði höfvd oc höfðingia ifir allt Jsraels folk. þa er þv vart lagr oc litils verþr af [sialfs þins<sup>5</sup> domi meðan þv þottiz [æigi gvði<sup>6</sup> ofgoðr at þiona. ok smvrði gvð þik til konvngs yfir allan sinn lyð. síðan sendi gvð þik sinna eyrenda<sup>7</sup> sva segiandi. Far þv oc drep glæpavllt folk Amalech. oc sva skall þv ogvrliga æyða ðllo þeirra goðsi<sup>8</sup> með elldi oc eggiv at æigi æitt kvikenndi [latt þv<sup>9</sup> eptir lifa. Nv þa fyrir hvi hæyrðir þv æigi orð gvðs þins. helldr sneriz þv til rans oc rangenda oc framðir illzkv oc agirnd i avgliti drottins. Saul svaraði. Lofaðr se drottinn gvð at ek hefi fyllt hans boðskap oc gengið i engan stað af þeirre gðlv er hann bavð mer. sva at ek eyddi<sup>10</sup> ðllvm Amalechitis. enn ek læidda lifanda hingat Aggag konvng þeirra. því at ek villda sva sqma gvðs boðorð at hann dæyi<sup>11</sup> her ef drottinn vill. enn fæita yxn oc sagra savði senu ek sagði fyrr þat flvti<sup>12</sup> ek til þess at fornfæra drottini her i Galgalis.<sup>13</sup> slíkt allt sem hann villdi þiggia. þa svaraði Samvel. Lætt af falsi oc hægoma. hversu ma drottinn þiggia i forn þav kvikendi er hann hefir aðr bannsett oc bðlvað i rgiði sinne. Þat skall þv fyrir vist vita at betri<sup>14</sup> þyckir gvði trvliga<sup>15</sup> halldin hlyðni sinna boðorða helldr en fornfæring rvta gða hafra. því at mæiri glæpr er<sup>16</sup> en skvrðgoða blot at [briotaz gvði mot<sup>17</sup> oc vilia honvm æigi hlyðnaz.<sup>18</sup> Hæyr nv þa oc gef gavn at savnno. fyrir þat sama er þv castaðir brottu boðskap drottins þins. þa kastar hann þer af hendi at þv ser æigi konvngur yfir hans lyð. Saul mælti þa. Misgert hefi ek er ek bravt boð drottins oc þin orð. en ek hlyddi<sup>19</sup> þessa folks fortqlvm. Nv bið ek at þv berir oc bætir<sup>20</sup>

<sup>1</sup>) alltari, B, A <sup>2</sup>) herbuðanna, B <sup>3</sup>) sinum, A <sup>4</sup>) [tilf. B, A <sup>5</sup>) [sialfum þinvm, B <sup>6</sup>) [guði æigi, B <sup>7</sup>) erenda, B <sup>8</sup>) saal. A, B; goð, C <sup>9</sup>) [laattu, B; skal, A <sup>10</sup>) eydda, B <sup>11</sup>) dgi, B <sup>12</sup>) flutta, B, A <sup>13</sup>) Galgala, B <sup>14</sup>) betra, B, A <sup>15</sup>) mgl. B <sup>16</sup>) þat tilf. B <sup>17</sup>) [briota moti guði, B <sup>18</sup>) hlyða, B <sup>19</sup>) hlydda, B <sup>20</sup>) bætir, A

synd minna, far nú og fylg mér at dyrka drottin. Samúel mælir og svarar. Eigi man ek fara með þér því at þú [vrækþir orð<sup>1</sup> drottins, og þar fyrir af setr hann þik konungdómi yfir Ísraels lýð. Samúel spratt þá vpp og ætlaði snva brotlo.<sup>2</sup> Þá græip Saut til hans í ofanvert yfirklæði hans sva at rifnaði. Þá mælti Samúel. Sva slitr drottinn af þér a þæima degi ríki Gyðinga og gefr þat navngi þínvm þeim sem betri er en þú. Saut mælti. Jati ek at ek hafi misgðrt, en þú allt at æino<sup>3</sup> væitt þú mér nú virðing fyrir höfðingiom og öllum Gyðinga lýð, sva at þú far með mér at dyrka drottin gvd þinn. Samúel gðrði nú sva at hann fylgði Saut at sinne og [dyrkaði þá<sup>4</sup> drottin í Galgalis. Þá bauð Samúel liðsmönnum at læiða fyrir sik Agag konung. Agag var allra manna fætaztr. Var hann nú fram leiddr og færðr Samúeli skíalfandi og sva segiandi. Hvat er, skal nú bæiskr dauði [bana mér<sup>5</sup> væita. Samúel svaraði. Sæ, þitt sverð gerði margna kono sonlavsna, sva skal þin móðir milli annarra kvenna allðri síðan giga gríngia. Bra Samúel þá sverði og snæið hann<sup>6</sup> í sná stykki fyrir avgliti drottins í Galgalis. Epir þat fór Saut í Gabaath, enn Samúel í Ramatha, og sa hann Saut allðri síðan móðan hann lifði.

#### Upphaf sögu Dáviðs og fra hqrpulist hans.<sup>7</sup>

230. Ísai gða Jesse het æinn ríkr maðr í borginne Bethleem. hann atti .viii. syni.<sup>8</sup> og ero her .iiii. nefndir. het hinn elztí Eliab enn annarr Amminadab .iii. [Ama æða<sup>9</sup> Samaa .iiii. ero æigi nefndir. Dávið het hinn<sup>10</sup> yngzti. hann var virðr minnzt af þeim. því var hann vti a æyðimdrk og gætti hiarðar<sup>11</sup> favðvr sins. hann vandíz við stræinglæika og læk manna bezt hðrþv. þat er sagt þá er honvm þotti of miok dræifaz hiðrðin [tok hann<sup>12</sup> hðrþv sína og drap stræingi til slattar.<sup>13</sup> lífaðiz þá þegar saman senaðrinn og lagðiz vmhverfuss hia honvm og gæði æigi at bita. Ok þá þegar sem hann var vngr svæinn var gvd með honvm og vann fyrir hann mikil stormerki. þat var æinn dag þá er Dávið getti hiarðar. at hiðbiornn æinn kom or skogi og tok kíð fra hiorðinne og rann til skogar með. Dávið sa þetta og rann þegar eptir birninvim. ferr sva læikr með þeim. at hann læmr leggi biarnarins og drepr hann enn frelsar kíðil hæillt og

<sup>1</sup>) [villdir æigi lyða ordum, A <sup>2</sup>) í brott, B, A <sup>3</sup>) eins, B <sup>4</sup>) [dyrkaðu, B <sup>5</sup>) [mér bana, B <sup>6</sup>) Agagh í sundr, B <sup>7</sup>) Er Dávið konungr reit kíaþta a oarga dyri, A <sup>8</sup>) sunv, B <sup>9</sup>) [mgl. B <sup>10</sup>) her beg. Fragm. X. <sup>11</sup>) sauða, B <sup>12</sup>) [at hann tok, Frag. <sup>13</sup>) slagar, Frag.; slaga, A

vsakað. Annan tíma kemr af mörkinni sér matar at læita með miklum grimleik<sup>1</sup> leo oc græip einn rvt af hiorðinni. Daurid sncri þegar eptir honvm. Enn er dyrið fann sér eptirför væitta. snaraz þat þegar i moti oc ognaði manningvm með grimligri asiono oc grettiz ræiðvliga enn villdi þo ægi lavst lata sitt ranfæingi. Daurið er vapnlavss oc rennr þo at diarfliga. þrifr baðvm höndvm [i faxið<sup>2</sup> dyrino<sup>3</sup> oc kastar sér vpp a halsinn. spennir saman baðvm solvm vndir kverkina enn tekr sinne hendi hvarnn kioplinn<sup>4</sup> oc rifr fra niðr kialkana. Ferr sva hrvt seginn til hiarðar. en Daurid gengr af [dayðvm leone.<sup>5</sup>

### Valiðr Daurid til konungs af guði.<sup>6</sup>

231. Eptir þat er þeir skilðv i Galgalis Samvel oc Saul. sem aðr er ritið. oc Samvel var hœim kominn i Ramatha. græt hann Saul er hann hafði til þess vnnið at drottinn tæki<sup>7</sup> af honvm konvgdominn. þa vitraðiz honvm almattigr gvð sva segiandi. Hverso lengi skallt þv syta Saul. þo at æk vili<sup>8</sup> ægi at hann gða hans askvæmi riki yfir lyð minvm. Far nv oc fyll horn þitt af hægvm viðsmiorvi. því at æk vil senda þik i Betleem til Jesse.<sup>9</sup> því at þar se ek fyrir oc vel ek mer til konvngs æinn af sonvm hans. Samvel svaraði. Hverso ma ek þessi fór fram koma. því at Saul man verða varr við oc man vilia drepa mik. Drottinn mælti. þv skallt taka æinn vxa af hiðrð þinni oc læiða með þer oc segia at þv ferr at fornæra drottni. oc þv skallt Jesse til fornarinna biða. Siðan man ek segia þer hvat þv skallt gera oc hvernn sona hans þv skallt smýria til konvngs. Samvel gerði nv sem gvð bavð honvm. Sem hann kom i Betleem rvinno i mot honvm ðlðvngar borgarinna vndranndi er hann var þar kominn ok sva segiandi. Hvart er friðsamlig þin kvuma. Hann svaraði. Með friði fer ek. em ek kominn at offra drottni vxa þenna. Hræinsiz þer ok hægiz. komit siðan [oc sæfti<sup>10</sup> fornir með mer. Nv hægði Samvel Ysai oc syni hans oc kallaði þa til hælags æmbættis með sér. Samvel segir Ysai at gvð drottinn hafði valið til konvngs einn af sonvm hans. Ok sem þeir vorv inn gengnir. sa Samvel Eliab hinn ælzta son Ysai. oc mælti til gvðs. Hvart er þessi sa er þv hefir mer til visað. Drottinn sagði. Ekki<sup>11</sup> skallt þv lita asiono hans æða virða vðxt hans. þo

<sup>1</sup>) rennandi tilf. Frag. <sup>2</sup>) [faxit a, B <sup>3</sup>) [i fax dyrsens, Frag. <sup>4</sup>) kioplinn, B; kiptinn, A <sup>5</sup>) [daudu leoninu, A <sup>6</sup>) Er sialfr guð vitraðiz Samuel ok sagði honum fyrir, A <sup>7</sup>) tok, B <sup>8</sup>) vilia, B <sup>9</sup>) eða Ysai tilf. Frag. <sup>10</sup>) [oc sgrit, B; at sæfa, Frag., A <sup>11</sup>) Eigi, B

at hann se mikill. því at brot<sup>1</sup> kasta ek þessvm. ok eigi dðmi ek eptir manna asynd. því at maðr<sup>2</sup> sęr þat er vtan birtiz a bvkinvm. en gvð litr æigi siðr hiarta ok hvg mannzins. Þa kallaði Ysai Amminadab oc læiddi hann fyrir Samvel. Samvel mælti. Eigi hefir gvð þenna valið til konvngs. Nv sem Ysai hefir fram læiðt .vii. syni<sup>3</sup> sina. segir Samvel drottin ðngan hafa af þessvm<sup>4</sup> valið. Samvel spvrdi<sup>5</sup> ef Ysai ælti<sup>6</sup> flæiri syni enn hann hafði þa sęð. Hann svarar. Sva er nv sem lokit sę. þo er æinn smasvæinn er gętir savða minna. Samuel mælti. Sętþv<sup>7</sup> skíott<sup>8</sup> oc læið þann inn. því at æigi skolvm ver fyrr taka samsæti en hann kęmr her. Jsai sendir eptir honvm oc læiddi hann fyrir Samuel. Daid var ravðblæikr a har ok<sup>9</sup> friðr i asiðno oc æygðr vel. Nv sem hann var kominn. mælti drottin við Samuel. Ris vpp þv oc smyr hann. því at þessi er sa er ek valði.<sup>10</sup> Samvel tok viðsmiorshorn sitt ok smvrdi hann milli brqðra sinna til konvngs yfir Jsrael.<sup>11</sup> Græiddiz þa þegar sem æ siðan heilagr andi drottins yfir Daid. Eptir þetta ræis Samuel vpp oc for hæim i Ramatha. enn Daid gætti savða sem aðr.

### Fra þi er Saul konungr kualdiz.<sup>12</sup>

232. Milldi drottins hvarf nv fra Saul enn illr andi skælfði hann oc sturlaði. þa mæltu þionostomenn hans. Herra konvngr. latið læita at harpslaga nðckorvm. at þa er illr andi sækir yðr læiki hann hðrpvna fyrir yðr. oc vita at<sup>13</sup> þer berit lættligarr yðvart mæin. Saul svaraði. Hvgsit vm goðir halsar hvar þenna mann kann fa sem þer talið til. Einn af svæinvn hans svaraði mali konvngs. Ek kann þann mann. Ysai af Bethleem a .viii. syni. hæltir hinn yngzti Daid. hann kann harðla vel hðrpo at læika. hann er storhvgaðr oc manna sterkaztr. vænn oc vitrmall. vapnfimr oc væl at ser<sup>14</sup> vm alla lvti. því at drottinn er með honvm. Sem Saul konvngr hęyrði þetta. sendi hann þessi orð Ysai i Bethleem. Send til min son þinn. þann er Daid heitir oc hiarðar gætir i havgvm vti. Ysai þegar sem honvm kom<sup>15</sup> konvngs boð. tok hann æinn asna oc klyfiði af vistvm oc vini oc einn bvkk fæitan. þetta sendir hann Saul með syni sinvm Daid. Nv hvernn tima sem illr andi ærði konvng þa tok Daid hðrpv sina oc

<sup>1</sup>) brott, B <sup>2</sup>) *saal*. Fragn.; mæirr, C, B <sup>3</sup>) sunv, B <sup>4</sup>) þeim, B <sup>5</sup>) þa tilf. B <sup>6</sup>) nakkvat tilf. B <sup>7</sup>) Sendtu, B; sentv, Fragn. <sup>8</sup>) eptir honvm tilf. Fragn. <sup>9</sup>) fagr oc tilf. Fragn. <sup>10</sup>) valða, B <sup>11</sup>) Jsraels lyð, B <sup>12</sup>) Fra Saul konungi ok Daid syni Ysai. capitulum, A <sup>13</sup>) *saal*. ogs. Fragn.; ef, B <sup>14</sup>) giorr tilf. B <sup>15</sup>) komv, B, A, Fragn.



læk fyrir honvm. linaðizt þa þegar hin mesta hans hvgar stvrlan. oc iafnan flyði fra honvm illr andi sem Daudid læk hðrpvna. Þar fyrir ælskaði Saul hann harðla miok oc gerði hann skialdsvæin sinn. enn hann lét sva segia Ysai. Vær þv æigi hvgsivkr vm Daudid son þinn þo at hann se með mer. því at hann fann miskvnu i mino avgliti.

332

### Digryrði Goliathz.<sup>1</sup>

233. [A þæssom<sup>2</sup> tima drogo hæðingiar Philistim saman all-mikinn her oc bvaz at stríða a Gyðinga. þeir setto sínar herbvðir i þeim staðvm er sva hæita Soccoth oc Azech.<sup>3</sup> þat er i vthalfvm<sup>4</sup> þess rikiss er het Domin. Saul oc Gyðingar samna liði i mot. oc koma saman i dal þeim er Therebintvs het. oc bioggv sinn her at stríða við Philisteos. Nv hðfðv hæðingiar sett sínar herbvðir<sup>5</sup> a fialli einv æða hæði. enn Jsraelite vorv a avðrv fialli með sínar fylkingar. sva at dalr einn æigi mikill var milli þeirra. Þa geck maðr einn miok mikill fra herbvðvm Philistinorvm fram at dalnvm. oc skialdsveinn hans rann fyrir honvm. þessi mikli maðr het Goliath<sup>6</sup> oc var kallaðr Gethęvs. því at hann var af þeirri borg er Geth het. Goliath var .vi.<sup>7</sup> alna harr þeirra sem þa vorv oc þverrar hanndar. hann hafði æirhialm gylltan<sup>8</sup> a hðfði. brynio hafði hann sva harða sem sa stæinn er aðamas haitir. hon var sva þvng at hon va .v. þvsvndir<sup>9</sup> skillinga. neðan at brynivnni<sup>10</sup> hafði hann brynhosor af æiri. eirskioldr gyllðan<sup>11</sup> a herðvm bæði þyckan oc viðan. spiot i hendi af<sup>12</sup> harðazta iarni. sva þvngt at skaptið va .vi. hvndrað skillinga. þat var sva vaxið at fioðrin var bræið vpp at fálnvm enn slegið ferstręnt fram. slikt er nv kallað bryntravll. hann var gyrðr sverði því er bæði var mikið oc hvast. Nv sem Goliath kom gagnvart fylkingvm Gyðinga. nam hann stað oc kallaði ogvrligri röddo sva segiandi. Fyrir hveria skyllð<sup>13</sup> ero þer her komnir meðr vapnvðv liði oc til bardaga bvnir. því at ver villiom hafa aðra atfðr oc með minna mannsPELLI beriaz enn þer hyggit. Ek em Philistevs en þer<sup>14</sup> þrælar Sauls.<sup>15</sup> Velið nv af yðrv liði einn mann at stríða við mik.<sup>16</sup> oc ef sa fær hæra lvt oc fellir mik i einvigi. þa skolo Philistęi vera yðrir þrælar. enn ef ek em fræknari oc ber ek sigr af þeim. þa skolo þer oss þiona at æylifo.

<sup>1</sup>) Er Daudid vönn Goliam risa, A <sup>2</sup>) þeim, B; [J þenna, A <sup>3</sup>) Azecha, B

<sup>4</sup>) vthalfu, B <sup>5</sup>) her beg. Fragm. XI. <sup>6</sup>) Golias, A <sup>7</sup>) .vii., A <sup>8</sup>) gyllðan,

B, Frag. X <sup>9</sup>) .v. þusundrat, B, Frag. XI <sup>10</sup>) mgl. B <sup>11</sup>) gylltan, Frag.

XI <sup>12</sup>) hinu tulf. B <sup>13</sup>) sqk, B, Frag. XI <sup>14</sup>) erut tulf. B, Frag. XI

<sup>15</sup>) Saul konvnga, B, Frag. XI <sup>16</sup>) i einuigi tulf. B, Frag. XI

Oc enn mælti hann. Sæ nv hversso hæðiliga ek hefð brizlað Gyðingvm i dag. þvi at engi af ollvm [þeirra her<sup>1</sup> man þora at stríða við mik. Sem Saul oc [allir hans menn hæyrðo<sup>2</sup> þessi orð hæðingians. vrðv þeir ottaslegnir oc hræddoz harðla mlok hans hit ogvrliga op.

### Dauid drap Goliath risa.

234. Dauid er fyrr var fra sagt var yngztr sona Jesse af Bethleem. Jesse var kominn at langfæðga tali fra Jvda syni Jacobs hins gamla. er mestr höfðingi<sup>3</sup> oc kynsælstr varð allra hans sona. þvi at af hans ætt virðiz varr drottinn Jesus Kristr at berazt<sup>4</sup> i þenna hæim til lavsnar ðllo rettrvðv<sup>5</sup> mannkyni. oc þat var sem annað fagrlig fyrirboðan æylifss rikis varð herra Jesu Kristi. er sv<sup>6</sup> var tignazt<sup>7</sup> allar stvndir oc mest frelsoð<sup>8</sup> með Gyðingvm er fra Jvda var komin. Enn þvi at Jesse var miok gamall i þann tima sem nv var fra sagt. þa var hann æigi i þessi herfðr sialfr með Saul konvngi. helldr gerði hann heiman .iii. hina ællztv af sonvm sinvm Eliab Amminadab oc Semma.<sup>9</sup> Nv sem þeir fylgðv Saul. þa for Dauid hæim i Bethleem til favðvr sins at gæta hiarðar hans sem fyrr. Enn sa sagnaðarlavsi Philistevs Goliath geck fram sið oc snimma a [hveriom degi oc spottaði<sup>10</sup> Gyðinga. er engi af þeim þorði at beriazt við hann. Sva gerði hann .xl. daga i samt.

A nöckorvm degi talar Jsay sva við Dauid son sinn. Ek vil senda þik til brøðra þinna með vistir. oc seggia þeim kveðiv mina ok vita hvat þeim liðr gða meðr hveriom höfðingia þeir ero i svæit. [oc verð viss<sup>11</sup> hvat til tiðenda geriz i herinvm. Nv ræis Dauid vpp snimma vm morgininn oc feck mann til at gæta hiarðar. enn hann for með þa lvti sem faðir hans hafði til græitt oc kom i þann stað er het Magala. hæyrði hann þa hark oc haræysti til herbvða.<sup>12</sup> þvi at hvarirtveggio höfðv þa fylkt sino liði oc vorv bvnir til bardaga. soltv þa hvarir i mot qðrvm. Dauid læt þa eplir vndir goðri gæymslo þa lvti sem hann for með. enn hann rann fram til hersins oc spvrði at brøðrvm sinvm. J þi bili kom framm sa hinn grimmi hæðingi Goliath or herbuðvm Philistinorvm ok talar slikt hit sama sem hann var vanr. sva at Dauid hæyrði giðrla orð hans. Enn allir Gyðingar sem hann galo at lita vvrðv þegar felmsfvllir oc flyðv sem mest hans

<sup>1</sup>) [þeim, B <sup>2</sup>) [hans herr heyrði, B <sup>3</sup>) var tilf. B, Frag. XI <sup>4</sup>) fegðaz, B, Frag. XI <sup>5</sup>) rett truaðu, B, Frag. X; rettruaðu, A, Frag. XI <sup>6</sup>) ætt tilf. A <sup>7</sup>) tignuz, B, Frag. <sup>8</sup>) þrelkut(!), Frag. XI <sup>9</sup>) Saman de ðor. <sup>10</sup>) [hværn dag at spotta, B <sup>11</sup>) [gðr, B <sup>12</sup>) herbuðanna, B

asiono. oc sva sagði hverr til annars. Hvartt satt þv þenna vvin er brizlaði varvm monnm. þann sem fellir þenna Philistævm man konvgr varr gæða miklvn avðæfvn oc gipta honvm dottvr sina. oc favðvrhvs hans man hann frelsa oc frialst gera af hverri skyll<sup>1</sup> oc skatti. Daudid talar nv við þa menn er næstir vorv honvm. oc spvrði eptir inneliga hverio þeim mvndi<sup>2</sup> avmbvnað ef einnhverr yrði til at drepa þenna Philistævm hinn mikla oc ræki sva svivirðing af Jsrael. gða hverr er þessi hinn bannsetti sagði hann er sva dirfuz at brizgla oc bqlva lyð gvðs lifanda. Folkit flvtti Daudid allt hit sama sem aðr hafði hann hæyrt. Nv sem Eliab hinn ælztu broðir Daudids hæyrir hvat hann talar við menn. vgrðr hann ræiðr miok [við orð<sup>3</sup> hans oc mætti sva til hans með mikilli stygð. Til hvers fort þv hingat oc fyrirælz a gyðimörk i varga mvnni þa<sup>4</sup> fa savði er þv skyllidur gela. enn væit ek dramb þitt oc dvl. ðfvnd oc illzko hiarta þins. oc fyrir hæmsko oc mætnað hefir þv farið at sia hardagann. Daudid svarði. Broðir minn. hvat gerða ek til at<sup>5</sup> þv talar sva harðliga til min. þat ero dðmi at maðr mæli mælt mal gða spyri eptir því sem aðr er orðflæygt. Væik hann þa þaðan [af þangat<sup>6</sup> sem bræðr hans vorv. enn<sup>7</sup> talar i liði við menn vm þat sama sem fyrr. Enn allir segia gitt til. hverso<sup>8</sup> Saul konvgr hafði hēitið þeim manni er felldi enn gēzkolavs Goliath. þessi ðll orð sem Daudid hefir talað koma<sup>9</sup> skiott [fyrir konvng Saul.<sup>10</sup> Enn hann lætr þegar kalla hann til sirf.

Nv sem Daudid kom fyrir konvng. segir hann sva. Minn herra. eigi þarf at stallra hiarta nðckors mannz. fyrir þa skyllid at ek þrell þinn man ganga i mot Philistæo þessvm oc beriaz við hann. Saul svarði. Ecki mant þv mega honvm motstoðv væita gða striða við hann. þar sem þv ert einn smasveinn enn hann hinn mesti oc hinn matkazti kappi ok hefir vaniz vigfimi allt fra æskoalldri. Daudid mætti. Eigi em ek mikill.<sup>11</sup> þo hefir þinn þionostomaðr vorðit skogdyrvn hælldr harðlæikinn. þa er ek gætti<sup>12</sup> hiarðar fððvr mins. þo at kōmi [af mqrkinni<sup>13</sup> leo oc biorn oc læki af hiorðinne rvt gða hafr. þa sotti<sup>14</sup> ek eftir oc drap ek dyrin [oc læysti ek<sup>15</sup> savðina. því at beði hefi ek banað birni oc leoni. Nv væit ek at þessvm [vfagnaðar oc<sup>16</sup> vansignaða vikingi man<sup>17</sup> fara allt a gina læið oc avðrvn þeim sem dirfaz at bðlva oc banna lyð lifanda gvðs. því at ek treysti at sa drottinn sem mik læysti fra leons mvnni oc biarnar biti. hann sialfr ma

<sup>1</sup>) skyllidu, B; skulld, Frag. XI <sup>2</sup>) myndi, B <sup>3</sup>) [ordum, B <sup>4</sup>) hina tilf. B, Frag. XI <sup>5</sup>) er, B, Frag. X <sup>6</sup>) [brott, B <sup>7</sup>) ok, B <sup>8</sup>) hveriu, B, Frag. XI <sup>9</sup>) her ender Fram. X <sup>10</sup>) [til Saul konungs, B, Frag. <sup>11</sup>) enn tilf. B, Frag. <sup>12</sup>) gietta, B <sup>13</sup>) tilf. B, Frag. <sup>14</sup>) sotta, B, Frag. <sup>15</sup>) [ann ek leysta, B, Frag. <sup>16</sup>) [mgl. B <sup>17</sup>) her ender Fram. XI

33 mik enn frelsa af hendi þessa hins hamingiolavs hæðingia. Saul mælti. Drottinn sæ með þer. oc far nú i hans travsti. Saul dýbbar nú David með sialfs sins herklæðvm. sætti gyllðan eirhialm a hölvð honvm. ferði hann i brynio þēði víða oc síða. oc gyrði hann sino sverði. Síðan provaði David ef hann gæti gengit. oc mætti hann ægi. því at honvm vorv helldr síð herklæði konvngs. Þa mætti David. Eigi hefi ek vandá<sup>1</sup> til vapn at bera. fyrir því ætla ek at þav vinne mer [ægi mikit<sup>2</sup> at sinne. Lagði hann þa af ser vapnin enn<sup>3</sup> toc staf sinn oc skreppo sem hiarðarsvæina háttir var at bvaz. Hann geck at forse ginvn oc valði þar or .v. hina lættvzto stēina oc kastaði i skreppo sina. Síðan tok hann ser slöngv i hönd. því at hann hafði vaniz at fleygja<sup>4</sup> til fvgla stēinvn. þa er hann gætti hiarðar. Rann hann nú sva fram a mot hinvm mikla Goliath Philistēo. Goliath i annan stað sotti fram fra hæðingiom ok skialdsvæinn hans með honvm.

Nú sem þeir nalgaz hvarr i mot avörvm. oc hinn vandi vikingr gat at lita David. fyrirlæt hann hann þegar. því at þessi vngi maðr var friðr [oc fagr i asiono<sup>5</sup> sem aðr er sagt enn ecki sva storskorinn sem Goliath. Þessi hinn herviligi hæðingi kallaði þa með ogvrligri röddo a David sva segiandi. Hvert em ek hvndr er þv smasvæinn gengr i mot mer sem þv ætlir at lvrka mik. Sæz hann þa niðr oc tok at bðlva David i sinvm gæzkolavsvm gvðvm. Oc enn sagði hann sva. Kom hingat ef þv þorir. oc man ek skiott gefa hrðsnvm hræ þin oc skogdyrvn. David svaraði. Þv ert kominn i mot mer með alvæpne. enn ek em vist vapnlavss sem þv sagðir. því at ecki ærmitt travst vndir herclæðvm. helldr treystvmz ek i nafni drottins allzheriar oc i krapti gvðs Gyðinga lyðs. hveria er þv hefir hæimsliga<sup>6</sup> hæðt i dag. því at gvð drottinn minn man þik gefa i mitt vald. skal ek þa afhðsða þinn bannsetta bvk oc brytia i smatt oc gefa a þæima dēgi bðlvaða bvka Philistinorvm hræfvglvn himins oc qlvm skogdyrvn iarðar. at ðll verallðar bygðin viti at drottinn gvð er með Jsraels folki. ok allt þetta rēttvað folk sem her er nú saman komit megi skynia oc skilia at hialp oc fagrlicet fvllting varss drottins er ægi vndir herclæðvm. man hann nú selia yðr i varar hendr því at ver hæyiom hans orrostor. Goliath þotti David helldr<sup>7</sup> stororðr. Reis hann nú vpp með rēði mikilli oc ætlaði at David yfir litið dalverpi er varð<sup>8</sup> milli þeirra. Enn David skvndaði sem mēst i mot honvm oc rann at [fram dalinvn. hann<sup>9</sup> græip þa æinn stēininn<sup>10</sup> or skreppo

<sup>1</sup>) uana, B, A <sup>2</sup>) [litit gagn, A <sup>3</sup>) ok, B <sup>4</sup>) saal. B, A; fljia, C <sup>5</sup>) [syn-  
um ok fagr, B <sup>6</sup>) heimaklega, B <sup>7</sup>) vera tilf. B <sup>8</sup>) var, B, A <sup>9</sup>) [hon-  
um ok, B <sup>10</sup>) stein, B, A

sinne oc skavt i slöngvna. slöngði síðan ok slo<sup>1</sup> rætt framan i ennið þeim<sup>2</sup> vanda vikingi Goliath sva<sup>3</sup> snart at þegar festi oc fal stæininn i hans havsi oc hæila. Enn hann fell afram<sup>4</sup> við havggit. Nv sigraði Daid sva sem þer matlvð<sup>5</sup> hæyra með æinvn litlvn steini þenna hinn hræðiliga hæiðingia. oc ræyndar með gvðs miskvnn oc fvlkingi. Sem Goliath var fallinn. en hann hafði ekki vapn i hendi. þa [rann hann yfir dalinn oc liop<sup>6</sup> vpp a Goliath oc bra þa sialfs hans sverði er hann var gyrðr með oc hio af honvm höfvd. þa er Philistgi sa a<sup>7</sup> at davðr var þeirra enn sterkazti kappi ær þeir þottvz mest travst vndir æiga. lögðv þeir a flotta. enn Gyðingar qptv sigróp oc ellto þa fram eptir dalinvn.<sup>8</sup> oc fello Philistgi svmir sarir enn svmir davðir vm alla læið<sup>9</sup> sem þeir flyðv þar sem<sup>10</sup> hel Sarym allt til borgar Geth oc Accaron. Enn er Jsraelite hvrfo apr af flottarextrinvn. rannzakaðv þeir oc rænto herbvðir hæiðingia oc toko at herfangi þat er femætt var. Enn Daid tok höfvd Goliath oc hafði með ser i Jervsaleem. enn vapn þav sem hann hafði att feck hann til varðvæizlo i tialldbvð drottins.

### Felags giorð þeirra Dauids ok Jonathas.

235. þat var fyrr þa er Daid gæck af konvngs fvnði oc [ætlaði sem hann gerði at fara<sup>11</sup> i mot Goliath. þa spvði Savl Abner höfðingia sins hers oc frenda sem fyrr var nefndr. Hverrar ættar er þessi hinn vngi maðr sagði konvng. er hann læit eftir Daid. Abner sagði at hann vissi þat æigi. Saul mælti. þa skallt þv spyria eftir oc segia mer síðan. Nv sem Daid kom apr til herbvða Gyðinga oc hann hafði drepð Philistgvn. tok Abner hann oc læiddi inn i landtialldit fyrir konvng. sva at hann hafði i hendi ser höfvd af<sup>12</sup> Goliath. Saul mælti til hans. Hverrar ættar ert þv dręingr. Daid svaraði. Ek em son þrels þins Jesse af Bethleem. Sem Jonathas konvngs son hæyrði Daid sva litillatliga tala við favðvr sinn. slika frægð sem hann hafði vnnið. þa keyktiz<sup>13</sup> hann til sva mikillar astar við Daid. at hann ælskaði hann æ síðan rætt sem sialfan sik meðan hann lifði. A þeim dęgi tok Saul haun<sup>14</sup> sva fvlkumluga til sin i hinn mesta kęrlæik. sva at hann naði með engv moti at fara hęim til favðvr sins i Bethleem. Bvndv þeir Jonathas þa sinn sagrligan felagsskap meðr sva vleysiligv astar sambandi. sem þeir helldo allar stvndir sinar<sup>15</sup> síðan. at hvargi

<sup>1</sup>) kom, B <sup>2</sup>) hinum tilf. B <sup>3</sup>) fast ok tilf. B <sup>4</sup>) afram, B <sup>5</sup>) męgit, B <sup>6</sup>) [liop Daid, A <sup>7</sup>) mgl. B, A <sup>8</sup>) dalnum, B <sup>9</sup>) þar tilf. B <sup>10</sup>) mgl. B <sup>11</sup>) [for, B <sup>12</sup>) mgl. B, A <sup>13</sup>) keyktiz, B <sup>14</sup>) Daid, B <sup>15</sup>) mgl. B

villdi vita annars megin heldr en sílfs síns. Enn því at Dáuid var ægi sva vel klæddr sem Jonathas villdi [(oc hafði) gíngi vapn.<sup>1</sup> þa syndi hann þegar í því sítt lítillæti oc þa hina miklv ælskv er hann hafði á Dáuid. oc hann læt ægi gera honvm avnnvr clæði. heldr af klæddi hann sík sínvu kyrtli oc steypti yfir Dáuid. oc qll sín<sup>2</sup> sðmíligstv klæði gaf hann honvm.<sup>3</sup> íamnvél beltti sítt oc boga sverð oc spíot oc allar herneskiör. en þó var Jonathas hinn mesti bogmaðr. Dáuid var sva lýðinn oc þíonostofvllr Saul konvngi. at hann framði oc fvlgerði alla lyti vél oc vítrliga eptir hans boði. Seitti Saul hann þa hððíngia yfir kappá sína. oc var hann sva tekinn með Gyðíngvm at hann var mest vírðr<sup>4</sup> allra konvngmanna.<sup>5</sup>

### Hin fyrsta reiði Saul við Dáuid.<sup>6</sup>

236. Þa er Gyðingar hvrfv aptr or þessi herför at feíngnvu sígri sem nv var sagt. þa gíngv<sup>7</sup> vt konvr af<sup>8</sup> hverri borg Gyðinga oc slogv hringlæika með hverskonar<sup>9</sup> savngfærvm oc sagrlígvu ravstvm a mot Saul konvngi. Svmar slogv hðrþvr oc gígívr. svmar svngv í píþvr æða með eígenlígri ravst. enn æítt var sen<sup>10</sup> í allra þeírra sqng. þat at Saul hefði vnníð sígr a þvsvnd manna enn Dáuid a .x. þvsvndvm. Þesso ræíddiz Saul oc míslíkaði honvm míog þessi sqngr. oc sva mælti Saul. Dáuid gafv þer til lofs .x. þvsvndir enn mer gína. hvat skortir hann þa víð mík nema konvngdominn æínn. Oc af þessi savk fyllðiz hann vpp sva míkíllar ðfvndar oc íllzkv víð Dáuid. at vpp fra þæíma<sup>11</sup> degi mátti hann ægi rétívm avgvu síá Dáuid. heldr mælti hann sva víð síalfan sík í hvgínvu. Nv skíl ek af slíkvm<sup>12</sup> lofsógvu sem þessar konvr flíttv fram oc enn heldr af forðógn Samvéliss. at gvð hefir þæíma manni gílað at taka ríkí eptir mík en ægi sonvm mínvu. en ek skal læíta víð at fyrírkoma því raði. oc þó meðr þeírrí líst at gíngi skal víta at ek drepa hann síalfvílíandi. Annan dag eptir þetta gíste íllr andí konvng<sup>13</sup> sem fyrr. [var hann þa<sup>14</sup> hæím komínn í borg sína Gabaath. Dáuid tok þegar hðrþó sína oc læk til hvgbotar<sup>15</sup> konvngi sem hann var varr oc sat gagnvrt<sup>16</sup> honvm. Saul hælít a gíno spíoti. snerí hann þa fram oddínvu oc sendí til Dáuid oc ætílaði at nísta hann í gegnvu víð hallarveggínn.<sup>17</sup> Dáuid

<sup>1</sup>) [mgl. B <sup>2</sup>) hin sílf. B <sup>3</sup>) Dáuid, B <sup>4</sup>) uerðr, B <sup>5</sup>) konungsmanna, B, A <sup>6</sup>) Fra Saul konungi ok Dáuid, A <sup>7</sup>) gengu, B, A <sup>8</sup>) or, B <sup>9</sup>) hverskyns, B <sup>10</sup>) saal. ogs. B, A <sup>11</sup>) þersum, B <sup>12</sup>) þersum, B <sup>13</sup>) Saul, B <sup>14</sup>) [þa er hann var, B <sup>15</sup>) huggunar, B <sup>16</sup>) gagnuart, B <sup>17</sup>) hallarvegginn, B

hnægði ser vndan. oc kom eigi a hann. Syndi Saul þat nv með verki sem hann hafði hvgsat hinn fyrri dag. því at þegar tok af honvm orarnar [sem fyrr<sup>1</sup> ær Daudid læk hörpvna. enn hann hafði sva ætlað at forða ser við manndraps sauk. at allir hvgdv<sup>2</sup> at hann hefði drepid Daudid af orvm oc villæysi enn æigi af sinvm vilia. Kom nv sva at Saul tok at ottaz Daudid. þi at hann sa þat oc skyniaði þegar er erslin gengv af honvm. at hæligr andi var fra honvm horfnn. enn gvd drottinn var Daudid samvinnandi i öllvm lvtvm. Ok nv hrærði hann Daudid fra ser oc setti hann höfðingia yfir þvsvnd hermanna oc sœmði hann sva i avgysnd<sup>3</sup> allz lyðs. Enn Daudid gerði væl oc vitrliga i öllvm [lvtvm oc<sup>4</sup> sinvm meðferðvm því at drottinn var með honvm. enn allt Jsraels folk ælskaði hann þi at hann geck fremstr<sup>5</sup> fyrir þeim i hverri mannravn.<sup>6</sup> Enn sem Saul sa at gvd eðði Daudid i öllvm lvtvm. þi meirr öfvndaði hann<sup>7</sup> hann oc kostgefði at fyrirkoma honvm með læyndvm vælvm. oc þi syndi hann honvm optliga mikinn blöðskap fyrir alþyðv avgvm. enn Daudid þionaði honvm með fvlkomnvm goðvilia oc trvlæik.<sup>8</sup>

Þat var æinn tima at Saul talar sva við Daudid. þess ær ván at þv vilir mer æigi leingi til litils þiona. nv vil ek gipta þer til æiginkonv dottvr mina [ena ellsri<sup>9</sup> er haitir Merob. enn þv skallt vera mer styrkr kappi oc hæyia bardaga drottins af minni halfv.<sup>10</sup> Hitt bio ræyndar vndir. at hann villdi gtia honvm a hæiðingia herinn. oc hvgsaði at hann skyldi æigi sialfr leggja sinar hendr til at drepa hann helldr með þess hattar slægð oc vndirhyggio [koma honvm<sup>11</sup> i valld Philistinorvm. Daudid svaraði [Saul a þessa lvd.<sup>12</sup> Hvarki hefi ek til þess ælt ne sialfs mins meðferði gða framkvæmð at [geraz magr sva riks konvngs.<sup>13</sup> Nv sem sa time kom er konvngv ætlaði at gipta Daudid dottvr sina Merob. þa villdi Daudid þat æigi. helldr geck hann at æiga þa konv gr het Adiel<sup>14</sup> oc var köllvð Malathatha.<sup>15</sup> Enn Mikol en yngri dottir konvngs ælskaði miog Daudid. Enn er þat var sagt föðvr hennar. varð hann glaðr við oc mælti sva fyrir trvnaðarmonnvm sinvm. Michol dottvr mina skal ek gipta Daudid sialfvm honvm til vfarnaðar.<sup>16</sup> sva at þa se helldr hönd Philistinorvm ifir honvm en aðr. Bavð hann þa svæinvm sinvm at tala þetta fyrir Daudid sva at Saul<sup>17</sup> veri hvergi ner. þeir fvndv Daudid oc sögdv sva læyniliga til hans. Sæ hverso vel þv þockaz konvngi oc allir hans menn ælska þik. fyrir

<sup>1)</sup> [mgl. B <sup>2)</sup> hygði, B, A <sup>3)</sup> augliti, B, A <sup>4)</sup> [mgl. B <sup>5)</sup> fremzt, B <sup>6)</sup> raun, B <sup>7)</sup> Saul, B <sup>8)</sup> *Nyt Cap.* i A: Er Daudid feck Michol konungs dottur. <sup>9)</sup> [hina ellstu, B <sup>10)</sup> enn tilf. A <sup>11)</sup> [ok koma honum sva, B <sup>12)</sup> [sva, B <sup>13)</sup> [vera konungs maagr, B <sup>14)</sup> Adriel, B <sup>15)</sup> Malathatha, B <sup>16)</sup> ufagnaðar, B <sup>17)</sup> hann, B

þi villiom ver vera fysandi at þv geriz hans magr oc gangir at æiga dottvr hans Michol er allra mæyia er friðvz. Daudid svaraði. Syniz yðr þat rað [litils vert<sup>1</sup> at vera konvngs magr. ek em ginn fatækr svæinn oc hefi ek hvarki til avðæfi ne avrlæk at kavpa mvndi<sup>2</sup> mæy sva rikborna. þeir segia þegar konvngi ðil hans andsvðr. Saul mælti. Talið enn sva til hans. Konvngr er sva avðigr oc rikr at hann þarf ecki peninga at taka i festingarfe<sup>3</sup> dottvr sinnar. nema enn helldr at vvinvm hans se golddinn motgangr. nv bæiðiz hann æigi mæira til mægðar af þer enn þv ferir<sup>4</sup> .c. prepvcia af hæiðingiom Philistinorvm.<sup>5</sup> þat hæita prepucia er sniðit er framan af gætnaðarlimvm karlmanna. Nv bæiðiz<sup>6</sup> Saul þessa fyrir þi at hann villdi koma Daudid i hendr Philistinorvm sva at þeir dræpi hann. Sem konvngs menn flvttv þetta allt til gyrna Daudid lëynilega. þocknaðiz<sup>7</sup> honvm vel oc þotti þetta æigi mikit at vinna til mægðar við konvng. Oc sam dagvum siðarr geck Daudid a hendr [hæiðingiom Philistim<sup>8</sup> með sina sveit oc drepr af þeim .cc. manna. sneið hann af þeim prepucia [oc talði þat i sva mavrg hvndrat sem hann<sup>9</sup> hafði bæiðt. þottiz<sup>10</sup> þa tilkominn at mægiaz við konvng. Saul giðrði oc sva at hann gipti honvm dottvr sina Michol. Skilði konvngr<sup>11</sup> nv at drottinn var með Daudid. sva at hann gat honvm æigi fyrirkomit. enn Michol ælskaði miog Daudid. Oc af þesso ðllv iafnsaman þrvtaði ræiði konvngs til fvllz fianzskapar<sup>12</sup> moti mægi sinvm. sva at hann hvgsaði a hverri stvndo at raða honvm bana. enn i annan stað ottaðiz hann Daudid mæirr oc mæirr sva sem hann sa at gvð [æfði hann.<sup>13</sup> þi at æ sva<sup>14</sup> sem heiðingiar villdo heria a Gyðinga. þa æyddi Daudid oc stöðvaðe þetræ hernað með mæiri vitro oc visdom<sup>15</sup> enn allir aðrir konvngs hermenn oc höfðingiar. þi varð viðfrægt hans nafn.<sup>16</sup>

### Aaeggian Sæul at drepa Daudid.<sup>17</sup>

237. Litlo siðarr enn nv var sagt talar Saul við Jonathan son sinn oc aðra sina svæina at þeir skyllði<sup>18</sup> drepa Daudid. Enn fyrir þi at Jonathas konvngs son hafði mikla ast oc ælsko a Daudid. þa gengr hann þegar til fyndar við hann oc segir sva til hans. Minn kæri fe-

<sup>1)</sup> [litiluert, B <sup>2)</sup> mgl. B <sup>3)</sup> festarfe, B, A <sup>4)</sup> honum tilsf. B, A <sup>5)</sup> mgl. B <sup>6)</sup> beiddiz, B <sup>7)</sup> likaði, B <sup>8)</sup> [Philisteis, B <sup>9)</sup> [sua mærg sem konungr, B; ok taldi þar af sva marga sem konungr, A <sup>10)</sup> hann tilsf. B, A <sup>11)</sup> Saul, B, A <sup>12)</sup> fianzskapar, B, A <sup>13)</sup> [elskaði hann ok efdi, B <sup>14)</sup> mgl. B <sup>15)</sup> uisdomi, B, A <sup>16)</sup> vm avll nælg riki tilsf. A <sup>17)</sup> Er Saul konungr villdi suikia Daudid, A <sup>18)</sup> skylldu, B, A



lagi. vara þig oc varðvæit. fyrir þi at faðir minn vill fyrir vist drepa þig. Fyrir þa skyld [biðr ek a myrgin snæmma fel þv þig i einhverio<sup>1</sup> læyni þar sem þer syniz. en ek man þa ganga inn fyrir favðr minn oc flytia þitt mal sem mcr likar. enn segia þer siðan hvers ek verð af viss. Jonathas geck fyrir fæðr sinn vm morgininn oc [segir sva<sup>2</sup> til hans. Goðan dag minn herra. ek em skyldr at veita þer hlyðni oc hæil rað ef ek hefð til sem hvrr<sup>3</sup> son sinvm fæðr. Gær æigi sva mikinn glæp a þinvm þionostvsvæine<sup>4</sup> Daudid sem ætlað var fyrra dag. stillt<sup>5</sup> helldr ræiði þina. þi at hann hefir enn alldri misgert við þig. helldr hefir hann gort marga goða lvti siðan hann kom til þin. hann lagði lif sitt i hætto þa er hann drap grimðarfyllan Goliath risa oc vann vapnlavss maðr meðr gvðs fvltingi sva mikla hialp oc hæilso ðllo Jsraels folki. aflaði þer hans þrævirkri þat mikillar gleði sem van var at. þi at eingi annarr var sva hravstr dræingr þo at vapnaðr veri eptir sialfs sins vilia. at aræði beri til at ganga i mot þeim illa vvin. Fyrir hvat villt þv nv<sup>6</sup> sva sarliga glæpaz a saklavso bloði at drepa Daudid. þi at eptir alþyðv vitni oc vitorði er hann hlvt-lavs<sup>7</sup> lastanna. Saul sæfaðiz at sinne af fðgrvm fortðlvvm sonar sins oc sor við gvð at æigi skyldi drepa Daudid. Jonathas kallaði þa Daudid a æinmæli oc sagði honvm allt tal þeirra feðga. læiddi hann<sup>8</sup> inn fyrir favðr sinn. oc þionaði Daudid konvngi enn meðr ðllvm goðvilia sem fyrr.

### Slægð Michol við feðr sinn.

238. J þann tima samnaz enn saman hæiðingiar oc ætla at heria a [riki Gyðinga.<sup>9</sup> Saul sendi Daudid með sina svæit i mot þeim. þeir æiga bardaga oc for sem fyrr at Daudid gefr þeim mikit slag oc fær sigr. falla Philistgi. enn svmir flyia. Nv sem hann kemr aptr með sigri or þesse herfðr. þa ærir<sup>10</sup> ohræinn andi Saul sem mæst. hann sat i herbergi sino oc hafði spiot i hendi. eun Daudid innkominn settiz niðr oc toc at læika hðrpv sina. Saul skavt at honvm spiotinv oc stefndi a hann miðian oc ætlaði<sup>11</sup> enn sem fyrr at nista hann við vegginn. enn Daudid flyði oc gat holpit ser oc hallaðiz vndan. varð hann litt sarr. enn spiotið stoð fast i vegginvm. Flyði þa Daudid oc gat holpið ser þa nott hæima i herbergi sino. Saul sendir nv hirð-

<sup>1</sup>) [bið ek þik fel þu þik snimma a morgin i einshueriu, B <sup>2</sup>) [sagði, B

<sup>3</sup>) annarr tilf. A <sup>4</sup>) þionostumanni, B <sup>5</sup>) still, B <sup>6</sup>) þa tilf. B <sup>7</sup>) saklavss, A <sup>8</sup>) þa Daudid tilf. B <sup>9</sup>) [Gyðinga ok þeirra riki, B <sup>10</sup>) enn tilf. A

<sup>11</sup>) nu tilf. A

menn sína til hysa Dávid at gæyma til at hann seti<sup>1</sup> æigi a brott vm nollina. oc bávð at hann skyllði drepa þegar er dagaði. Enn er Michol hysfrv hans varð þessa vavr<sup>2</sup> gengr hon skíott til svndar við hann oc segir sva. Ef þv forðar þer æigi i nott. þa mant þv dæyia a morgin. Hann býr sig hvattliga. oc hon lætr hann síga i festi ofan fyrir mvrinn i gëgnvm glvgg æinn. flyði hann þa oc hialpaðiz<sup>3</sup> sva at sinni. Michol tok mannlikan æitt oc setti i sæng Davið.<sup>4</sup> oc gerði höfvð a því af loðno gæitskinni sem þat veri mannz har. síðan hvlði hon þat klæðvm. sva at þa syndiz sem maðr lægi i sænginne. Nv sem konvngs menn komv inn þeir sem hann hafði til sett at handtaka Dávid. var þeim sagt at hann veri sívkr. Enn er þeir komv afr oc sðgv þat konvngi. sendir hann þegar aðra menn sva segiandi. þer skoloð tera mer Dávid hverso sívkr sem hann er. þa i sæng ef hann ma æigi sitia vpp. þi at rætt i stað skal hann drepa sem hann kemr til min. þessir<sup>5</sup> sendimenn forv til herbergiss Dávid. Sva sem þeir komv allt at sænginni finna þeir þar [líknæski oc loðit gæitskinnvm höfvðit. Saul kallar þa til sín dottvr sína Michol<sup>6</sup> oc melli. Fyrir hvi spottaðir þv mik sva hæðiliga<sup>7</sup> at þv læzt brottv<sup>8</sup> setia minn hinn mesta vvin. Hon svaraði. Faðir minn. ek matti<sup>9</sup> eigi raða. því at hann hæitaðiz<sup>10</sup> at drepa mik nema ek læynda brotfavr hans.

### Dávid kom til Samuel i Ramatha.

239. Dávid for þar til er hann fann Samuel i Ramatha. oc sagði honvm allt hið sanna til hvat Saul gerði við hann. forv þeir Samuel þa baðir samt [oc settvz i þeim<sup>11</sup> stað er Nathiath<sup>12</sup> het. Þetta frellir Saul oc sendir þegar gesti sína at gripa hann þaðan oc færa hann ser. Nv sem þeir koma þar oc sa<sup>13</sup> spamanna flokinn framflytianda<sup>14</sup> sinn visdom. oc Samuel<sup>15</sup> er þo var fremstr ok fyrstr þeirra allra. þa kom andi drottins ifir sendimenn konvngs. sva at þeir sialfir toko at spa meðr hinvm sem fyrir vorv. Ok sem<sup>16</sup> þetta var sagt Saul. þa sendir hann aðra menn. oc spa þeir þegar er þeir koma þar. Hann sendi hina þriðiv. oc ferr allt samt at þeir styðia spadom oc gvðs lof meðr hinvm. enn handtaka ecki Dávid. Saul fylltiz<sup>17</sup> nv mikillar ræiði oc ferr sialfr i Ramatha. Ok sem hann kom i Nathi-

<sup>1</sup>) setti, B <sup>2</sup>) uis, B <sup>3</sup>) hialpaði sier, B <sup>4</sup>) saal. A; við, B; hans við, C <sup>5</sup>) mgl. B

<sup>6</sup>) [mannlikanit ok færdu konungi. Hann varð nu reidr Michol dottur sinni, A

<sup>7</sup>) haðulega, B <sup>8</sup>) brott, B, A <sup>9</sup>) maatta, B <sup>10</sup>) við mik sílf. B <sup>11</sup>) [i

þann, B <sup>12</sup>) Haioth, B <sup>13</sup>) sia, B <sup>14</sup>) framflytiandi, B <sup>15</sup>) Samuelem, B

<sup>16</sup>) er, B <sup>17</sup>) fylltiz, B

alh.<sup>1</sup> þa græiddiz guds andi ífir hann oc tok hann at spa sem aðrir. hann kastaði oc sialfr af ser öllum sínum klæðum [oc hlíðaði<sup>2</sup> sva nocktr sin spadoins fræði allan þann dag oc vm uottina estir. þaðan af hófz sa orðzqvíðr. hvart er Saul með spamonnum.<sup>3</sup>

#### Rað fóstbræðra Daud ok Jonatas.<sup>4</sup>

240. Nv sem Saul kom i Nathiath.<sup>5</sup> þa flyði Daud þaðan oc for þar til er hann fann<sup>6</sup> selaga sinn Jonathan i Gabaa. oc sagði sva til hans. Eigi væit ek minn kæri hvert<sup>7</sup> rangleti<sup>8</sup> gða sva mikil. min sekð er i avgliti favðvr þins. er hann vill iafnan sitia vm lif mitt. Jonathas svaraði. Eigi man sva illa vera at faðir minn vili enn drepa þik. því at engi rað væit ek hann þav meðr hquðvm hafa er<sup>9</sup> hann segi mer æigi. hvarki stor ne sma. ok því ma þetta meðr ðngv moti vera. David sor vm at þetta var satt. Enn faðir þinn er nv viss vorðinn at ek hesi fengið miskvnn i avgliti þino. oc þi vill hann æigi at þv vitir þessa raðagiorð at hann væit at þv mant styggiaz við. þat vgit lifandi gvð at æigi skal ek livga a favðvr þinn. enn iafnnsatt er [þat lifi þino<sup>10</sup> at skíott man davði okr skilia ef hann ma raða. þa mælti Jonathas. Þat skaltv vita at ek man læita at fvlgera hveria lvti sem þv vill mer til segia með alvorv. David mælti. A morgin sem þv væitz hæfiaz hatíðligir kalende<sup>11</sup> dagar. en ek em þa iafnan vanr at sitia at konvngs borði. nv gef mer orlof at selaz vti a akri þessa .iii. daga. Enn ef faðir þinn lætr læita min. þa segðv honvm at frendr minir æiga mikið hatíðarhalld. oc fyrir þi bæði ek læyfiss at fara hæim i Bethleem oc hallda þar hatíð með frendvm minvm. Nv ef hann segir at þat se vel. þa væit ek at mer man vera friðl. enn ef hann roðnar oc ræiðiz við. þa mantv vita at hann fylliz vppillzko mot mer oc vill mik hafa at davðamanni. Giðr þv nv miskvnn við mik þrel þinn. þo at ek hafi æigi verðlæika til at tælia við þik. vtan þat er þv letz þer soma at binda selagskap við mik at guds vitni. Enn ef þv finnr með mer ranglæti gða liottligar lymskvr. þa drep þv mik oc lat mik ekki koma i avgsyn favðvr<sup>12</sup> þinvm. Jonathas svaraði. Verði þat æigi at ek drepa þik. oc alldri skal mik þa skqmm henda. <sup>13</sup>ef ek finn at illzka favðvr mins qslgaz i gegn þer [at ek geri þer þat eigi<sup>14</sup> kvnhict. Daudið mælti. Hverr man mer segia þo at faðir

<sup>1</sup>) Haioth, B <sup>2</sup>) hlíðaði, B <sup>3</sup>) [syngiandi sva gudi lof, A <sup>4</sup>) Fra raðagiorð Jonathas ok Daud, A <sup>5</sup>) Haioth, B <sup>6</sup>) tilf. A, B <sup>7</sup>) vin huart, B <sup>8</sup>) mitt tilf. B <sup>9</sup>) at, B <sup>10</sup>) [þetta þinu lifi, B <sup>11</sup>) kalendis, B <sup>12</sup>) feðr, B <sup>13</sup>) Enn tilf. B <sup>14</sup>) [þa skal ek þat gera þer, B

þinn svari mer harðliga vm mitt efni. Jonathas mælti. Ek skal gera gott rað fyrir. Gangvm nv vt a akrinn baðir samt. Nv sem þeir komv a akrinn mælti Jonathas. Heyri þetta gvð Gyðinga lyðs. Ef ek get fvnnit alvorv favðvr mins [i morni<sup>1</sup> gða [hinn daginn<sup>2</sup> næsta eptir. oc se nockoð gott i lyndi hans eptir við þik Daudid. oc senda ek æigi þegar til þin at gera þer kvnnict. þa gialldi gvð mer [enn harðara<sup>3</sup> enn ek hefi til vnnið. Enn ef staðfestiz með favðvr minvm falslig flærð. þa skal ek sialfr vengdilige þik visan gera sanninda<sup>4</sup> þar af oc gefa þer gott<sup>5</sup> orlof at fara i friði i brotto. Sæ gvð með þer sem hann var með feðr minvm. þi at ek væit ef ek helldr<sup>6</sup> lifi oc verði valld þitt mæira en nv. at þv lætr mik æigi missa miskvnnar drottins. enn ef ek dey þa væitir þv hialp hyski minv at eyливо þi ær eptir lifir. Ok þa er gvð drottinn hefir eytt oc af mat<sup>7</sup> iorðvnni alla þina vvini enn læyst þik oc læiðt or vllegð oc vndan valldi annarligra þioða. þa man birtaz at Jonathas hefir samit salmal oc halldit dygð við Daudid. Ok enn sor Jonathas við allzvalldanda<sup>8</sup> gvð. at hann ælskaði David rætt sem sialfs sins anda. Ok enn mælti hann við Daudid. Nv skalt þv fara oc læynaz i dag oc a morgin. enn hinn .iii. dag skaltv sitia vndir steini þessvm<sup>9</sup> er her stendr fram a placið<sup>10</sup> er [het Ezel.<sup>11</sup> en ek man ganga vt af borginne at skæmta mer. þa man ek skiota .iii. qrvv oc<sup>12</sup> fram at steininvm sem til hæfuz. siðan man ek senda svein minn at sækia avrvarnar. Nv ef ek segi sva svginvm. sæ þar oro skæytin rætt hia þer tak þv þav. þa kom þv til min oc ottaz ecki. þi at þa er þer friðt<sup>13</sup> oc ecki illt skal þer gert. gvð væit at æigi skal ek svikia þik helldr en sialfan mik. enn ef ek tala sva. þar æro avrvarnar fram [fra þer.<sup>14</sup> þa skaltv fara oc forða þer sem gvð vill. Drottinn styrki ockarn felagskap at gy lifo þann sem við hofvm saman talað<sup>15</sup> með ockr.

Nv fal Daudid sik a akrinvm. enn Jonathas geck hæini til hallar favðvr sins. Koma nv at hendi hatiðar dagar. Gengr Saul konvngr nv til borðz oc settiz<sup>16</sup> i sæti sitt at vanda. sat Abngr frendi hans a aðra hönd honvm. enn Jonathas stoð vpp<sup>17</sup> oc þionaði. Var þa avðt sem vita matti sæti Dauids. talaði konvngr ecki þar til a þeim deggi. þi at honvm þotti þat vera mega. at Daudid hefði nöckvrr sa lvtv at borizt at hann þyrfti at þeirra sið hræinsan fyrir at taka oc mætti hann fyrir þi æigi ganga i hatiðarhalld. Ok annan dag eptir var enn

<sup>1)</sup> [a .morgin, B <sup>2)</sup> [annan dag hinn, B <sup>3)</sup> [æigi uharðara, B <sup>4)</sup> mgl. B  
<sup>5)</sup> saal, B; gvti, C <sup>6)</sup> helld, B <sup>7)</sup> manð, B <sup>8)</sup> hinn hesta, B <sup>9)</sup> þeim, B  
<sup>10)</sup> planzit, B <sup>11)</sup> [heitir Azel, B <sup>12)</sup> mgl. B <sup>13)</sup> friðr, B <sup>14)</sup> [fyrir  
þik, A <sup>15)</sup> tekitt, B <sup>16)</sup> setz, B <sup>17)</sup> mgl. B

avðt rvm Daudid. Þa mælti Saul við Jonathan son sinn. Fyrir hvað kemr son Jsay æigi til borðz með oss. æigi i dag oc æigi i gær. Jonathas svaraði. Hann bað mik allkostgefliga at fara sem skiotaz i Bethleem at vitia frenda sinna. Þvi at hann sagði æinn af bræðrvm sinvm hafa boðit ser til hatidarhalldz. nv<sup>1</sup> fyrir þessa skyld kom hann æigi til borðz. Saul fylldiz þegar reiði<sup>2</sup> i mot Jonathan sem hann hæyrði þetta. oc mælti höðrvm orðvm til hans. Þv vandr<sup>3</sup> pvtoson sagði hann. ællar þv æigi at ek vita at þv ælskar son Jsay sialfvm þer til svivirðingar oc til skamsamligrar<sup>4</sup> hnæykingar þinni lytafvllri meðr. Skilr þv æigi skynlavss snapr. at meðan son Ysai lifir mant þv allðri fa frælsi ne þitt riki staðfestaz. oc fyrir því sændt<sup>5</sup> þv þegar i stað oc lat læiða hann<sup>6</sup> fyrir mik. því at hann er hinn daligsti dāvða son.<sup>7</sup> Jonathas svaraði. Hvað hefir Daudid þess gðrt at hann se dāvða fyrir verðr. Saul græip þa spiot er stoð hia honvm oc villdi sla hann með. Jonathas sa nv at fððr hans var alogat<sup>8</sup> at drepa Daudid. Geck hann þa i brott fra borðino ræiðr oc i höðrvm hvg. sva at hann snæddi ecki a þeim degi. þi at miog hrygðizt hiarta hans sakir þeirrar vlvðar<sup>9</sup> er faðir hans hafði a Daudid. Ok þegar er lysir<sup>10</sup> vm morgvninn. geck hann vt a akrinn sem þeir Daudid höfðv mæltt.<sup>11</sup> oc æinn smasvæinn með honvm. Hann mælti til svæinsins. Far oc fær mer drvar er ek flæygi. Nv sem svæinninn rann fram a akrinn oc tok saman drvarnar oc ferði sinvm herra. oc visse [með ðngv moti<sup>12</sup> til hvers kom. Jonathas sendi aðra fram ifir hann oc kallaði hatt. Sæ þar er skæytið frain fra þer. skvnnda þv sem mest oc næm æigi stað. Svæinninn tok enn saman drvarnar oc ferði sinvm herra. [Vissi þetta rað engi vtan<sup>13</sup> þeir .ii. Jonathas oc Daudid.<sup>14</sup> Jonathas fer nv svæininvm vapn sin oc bað hann bera i borgina. Enn þegar sem hann var brotto. ræis Daudid vpp vndan stæininvm oc fell fram allr<sup>15</sup> þrim sinnvm ok baðz fyrir. Enn er þeir Jonathas fvndvz. [þa felldi hvarveggi<sup>16</sup> tar. þa mælti Jonathas. Far þv i nafni drottins oc forða þer. oc halldi hvarr ockarr við annan hæverskliga alla lvti sem við höfvm svarið. se drottinn meðal ockar oc ockars afkvæmiss at æylifo. Siðan stoð Daudid vpp oc for brotto læið sina. enn Jonathas snæri aptir i borgina með hryggvm hvg.

<sup>1</sup>) ok, B   <sup>2</sup>) tilf. B   <sup>3</sup>) hinn vaandi, B   <sup>4</sup>) skemmilegrar, B   <sup>5</sup>) send, B  
<sup>6</sup>) tilf. B   <sup>7</sup>) sun, B   <sup>8</sup>) alhugat, B   <sup>9</sup>) qfundar, B   <sup>10</sup>) hann sier, B  
<sup>11</sup>) við mæltz, B   <sup>12</sup>) [æigi, B   <sup>13</sup>) nema, B   <sup>14</sup>) [Ok red engin i þetta, A   <sup>15</sup>) mgl. B; til iardar tilf. A   <sup>16</sup>) [kystuz þeir ok favðmoðuz ok felldu, A

## Fra Abimelech kennimanni.

241. Dauíð for nv oc fram kom i þa borg er het Nobe til fvnndar við Abimelech byskup. hann var Aarons ættar oc kominn fra Hęly af Sylo. Abimelech bra nðckvð i brvn er Dauíð var þar kominn oc mælli til hans. Fyrir hvi sęrr þv æinn saman sva at engi maðr ær með þer. Hann svaraði. Konvngr hefir sęnt mik at sinvm læyndvm<sup>1</sup> gyrendvm. oc þvi hefi ek visat fra mer ðllvm svæinvvm i ymsa staði. at engi maðr skyllði vita með hvershattar boðskap ek fer.<sup>2</sup> Nv ef þv hefir nðckvrrar vistir. þa sa mer. Kennimaðrinn svaraði. Eigi hefi ek [nockvra vist<sup>3</sup> vtan<sup>4</sup> hælilagt fornarbravð drottins. þat ma ek gefa þer ef svæinar þinir ero hræinir<sup>5</sup> ęinkannliga af kvænna samvisto. Dauíð svaraði. Mattv þat fyrir þvi vel gęra at ver hðfvm halldit varvm hiortvm hræinvvm siðan ver forvm hæiman. Siðan gaf Abimelech honvm<sup>6</sup> hælilagt fornarbravð. Einn af konvngrs monnvvm var þar við staddr oc sa þessa alla lvti. þessi maðr er nefndr Dohec<sup>7</sup> kyniaðr af þvi riki er het Jdumea. hann var æinn [hinu mattkasti af<sup>8</sup> hirðsvæinvvm Saul. Enn męlti Dauíð við Abimelech byskup. Fa þv mer ef þv hefir at varðvęita vapn nðckvð. spiot ęða sverð. þvi at sva braðvm<sup>9</sup> bar at vm hæimanferð mina at ek gaða æigi at taka vapn min. Hann svaraði. Vapn hefi ek æigi til<sup>10</sup> nema þv vilir hafa sverð þat er þv tokt af Goliath risa. oc hefir her hirðt verið siðan hia bino helga clæði ephoth. Dauíð svaraði. Þetta sverð vil ek giarna af þer þiggia. þvi at ecki man annað iafngott<sup>11</sup> finnaz a ðllo Gyðinga landi.

## Dauíð fann fręndlið sitt.

242. Þenna sama dag for Dauíð af Nobe oc forðaðiz sem mest asiono Sauls.<sup>12</sup> Kom hann þa fram i þi riki er het Geth. þar reð fyrir sa konvngr hæiðinn er het Achis. Sem Dauíð kom til hirðar hans. męlto sva þionostomenn konvngrs. Hvat er vm. er æigi her kominn konvngr iarðrikiss Dauíð. þann<sup>13</sup> er kvinna<sup>14</sup> flokkar lofvðv fyrrmgirr i sinvm sðngvm<sup>15</sup> segiandi. Saul drap þvsvnd manna enn Dauíð .x. þvsvndir. Dauíð hvęfestir þetta tal<sup>16</sup> oc trvir illa Achis konvngrgi. Ottaz hann nv miøg er hann var kendr af konvngrs monnvvm. tekr nv þat rað at hann bręytir sem mest ma hann sinni asiono oc

1) leyndar, A 2) tilf. B 3) [nokkurar vister, B 4) nema, B 5) ok tilf. B

6) Dauíð, B 7) Bohet, B 8) [af hinum matkvatum, B 9) bradan, A

10) mgl. B 11) saal. B; iafngvtt, C 12) Saul, B 13) huern, B

14) kuenna, B, A 15) sua tilf. B 16) maal, B

torkennir sik. sva at hann kastar molldo i avgv ser oc andlit enn þenr vpp<sup>1</sup> hvarmana oc glikir<sup>2</sup> sik gömlom karli. [hann hostar miog oc hrækir i skegg ser. hyrr<sup>3</sup> hann hvrðir oc hvetvitna<sup>4</sup> þat er fyrir honvm verðr oc lætr ner sem vitstoli. Nv sem Achis konvngur sa hann. mælti hann sva til manna sinna. Hvert hafi þer lynt vilino. er þær sögðvt þenna enn gamalæra glop vera Daid af Bethleem. til hvers læiddv þær þetta fol fyrir mik. gða skortir oss aðr skynlavsa skiptinga. þo at þessi vfarnaðr<sup>5</sup> æriz æigi inni her fyrir avgv mer. hæilir sva skyndit<sup>6</sup> til oc rekið vt vvin þenna. sva at hann komi æigi síðan i min herbergi. Daid for nv þaðan hvlðv höfði til hellis þess er het Odolla. Nv sem brðr hans oc aðrir æltmenn fretto hvar hann var. samunvðv þeir saman oc forv til fvnndar við hann. sva oc allir frendr hans þeir sem þravngðir vorv skóttvm gða skyllðvm gða nockvrvv moti avmstaddir hryggir oc hvgsivkir þa komv til hans oc gerðiz hann þeirra höfðingi. vorv þa með honvm .cccc. hravstra dréingia. Daid for nv<sup>7</sup> i Masphath. þat er i riki Moab til konvngs þess er þar rēð fyrir oc gerði sætt við hann. síðan mælti hann [til konvngs.<sup>8</sup> Herra. biðandi<sup>9</sup> vil ek vera at faðir minn oc moðir se her með yðr þar til er ek<sup>10</sup> væit hvat gvð vill gera við<sup>10</sup> mik. Konvngur iatti þi. Ysai var þa fyrir skómmo<sup>11</sup> kominn til Daids með allt sitt hyski. þi at Saul læt honvm ecki friðt<sup>12</sup> i Bethleem. oc engi nafrendi Daids matti frælsi<sup>13</sup> hafa i hans riki. Daid setz nv með sina menn i æitt virki. enn faðir hans oc moðir vorv með konvngi meþan. hann sat þar. þa var æinn spamaðr með Daid er het Gath. hann gengr nv fyrir Daid oc segir sva. Herra hirðit ecki at sitia i virki þessu sem vikingar. farið hellðr hæim i riki Jvda. Daid for þegar með sina svæit. þar til er hann kom i skog þann er het Arēth. var þa þegar sagt Saul hvar Daid var með sina menn.

---

Er Saul konungur let drepa halfan .ix<sup>da</sup>. tug kennimanna.

243. Nv var Saul i Gabaa. hann hafði sva mikinn fiandskap a Daid magi sinvm at hann matti æigi nefna hann rētto nafni. þat var æinn dag at konvngur sat vtan borgar a æinne hæð skogar oc hēllt a kesio. höfðingiar hans oc hirðmenn stoðv i bring hia honvm. Saul

<sup>1</sup>) ut, B <sup>2</sup>) liker, B <sup>3</sup>) *saul. ogs.* B, A <sup>4</sup>) [hyrr ok hrækir i skegg sitt ok huatvitna, A <sup>5</sup>) ufagnaðr, B <sup>6</sup>) skundit, B <sup>7</sup>) þaðan *tílf.* B <sup>8</sup>) [við konung, B <sup>9</sup>) *saul.* B; biðandi, C <sup>10</sup>) *tílf.* B <sup>11</sup>) litlu, B <sup>12</sup>) vera *tílf.* B <sup>13</sup>) frið, B

talar sva til þeirra. Hæyri þer frendr minir er komnir groð af æt Emini.<sup>1</sup> hvat ætli þer at son Ysai man gefa yðr akra oc vingarða oc gera yðr alla ríka valldsmenn oc höfðingia ef þer hafið raðagiorð með honvm oc eroð hans æiðsvarar. þat [fyrst oc mest<sup>2</sup> er son minn hefir sik byndit i selagsskap við hann. Nv er sa engi af yðr er slict harmi fyrir mina hönd æða mer segi til slikrar vhaefv at son minn efsir þræl minn til motgangs við mik. þann er æ sitr vm at svikia mik. Mali hans svaraði Doeck af Jdvmea. þat kann ek at segia þer at ek var i Nobe i tialldbvð drottins. oc þar kom son Ysai. oc Abimelech byskup geck til frettar við drottin fyrir hans hönd. oc hann gaf honvm vistir oc sva sverð þat er att hafði Goliath risi. Sem Saul hæyrir þella. sendir hann þegar efsir Abimelech byskupi oc ðilvm kennimonnvm sem vorv i Nobe. Ok er þeir komv til konvngs mælti hann við Abimelech. Fyrir hveria skyllð bindr þv svikræði i mot mer við son Ysai. sva at þv gaft honvm vistir oc sva sverð þat er Goliath<sup>3</sup> hafði att oc raðgaðiz við drottin fyrir hans hönd hverso hann skyllði risa gëgn mer. þvi at enn i dag sitr hann vm at svikia mik. Byskup svarar. Minn herra segir hann. ek gengr við þvi at ek gaf Dauid vist oc vapn þat æina sem ek hafði til oc þo fyrir þa skyllð at hann sagðiz fara gyrenda yðvarra. enn ætlið æigi at ek hafi nockvra raðagiðrð með honvm yðr i mot. Enn fyrir hvat<sup>4</sup> myndi ek æigi vel taka við þvilikvm manni. þar sem hann sagði mer at hann særi með yðrvm boðskap. þi at gingi sinnz dyggri dræingr i allri þinne hirð oc þer truligarr þionandi með ðilvm goðvillia en Dauid magr þinn. þa mælti Saul með akafri ræði. þess sver ek sagði hann. at i dag skalt þv dæyia ok allt þitt kyn. oc þvi næst bavð hann sinvm svæinvn at drepa kennimenn drottins. þvi at þeir allir ero hallir vndir Dauid sva at þeir visso at hann flyði fra mer oc villdo æigi segia mer. Enn konvngs þionar villdo vist<sup>5</sup> æigi rætta sinar hennðr til at gera mæin kennimonnvm drottins. þa bað konvng<sup>6</sup> Doeck at hann drepi þa. enn sa svikari enn vandi sem<sup>7</sup> þa hafði rægt Doeck dvalði ecki oc drap með sinni hendi a sama degi halfan nívnda tog þeirra manna er allir voro pryddir kennimannligri tign. Siðan for Doeck eptir konvngs boðskap i borgina Nobe. er kennemenn höfðv att. oc slo með sverði sva konvr sem karla. vngmenn i oc briostbörn. navt oc savði oc allt þat er kvikt var vtan æinn son Abimelech byskups er het Abiathar. flyði hann til fýndar við Dauid oc sagði honvm at Saul hafði drepið<sup>8</sup> kennemenn drottins. Dauid felldi tar sem hann hæyrði þessi tíðendi

<sup>1</sup>) Jemini, B   <sup>2</sup>) [fremzt, B   <sup>3</sup>) risi tilf. B   <sup>4</sup>) hui, B   <sup>5</sup>) mgl. B, A  
<sup>6</sup>) hann, B   <sup>7</sup>) er, B   <sup>8</sup>) drepa laetit, B, A



oc svaraði með miklvm harmi hvgar. Lifandi [gvðs son<sup>1</sup> fyrirlati mer minna sækð með sinne miskvnn. þat ær mer hræðilic at ek se ofmiok lvtakari þessa illa verks. því at giorla vissi<sup>2</sup> ek at Doeck af Jdvmea var þann dag i Nobe er ek kom til fæðr þins. matti<sup>3</sup> ek þat oc vita at vtan ef mvndi<sup>4</sup> hann segia Saul hvat þar giorðiz. oc fyrir því er sem ek se davðasavk fæðr þins oc allra þeirra er þar vorv drepnir. Nv ver þv með mer. oc ef gvð vill at ek lifi<sup>5</sup> þa þarftv æigi at ottaz. því at æitt skal yfir ganga okr baða. oc ef nockorr maðr vil mer mæin gera gða þer þa skal eingi þin verr gæyma en min.

### Drottinn vitraðiz Daudið.<sup>6</sup>

244. Nv koma þav tiðendi til eyrna Daud. at Philistei veri komnir með mikinn her i þann stað er Cehilam het. hðrðvz þar a Gyðinga.<sup>7</sup> hðsfv hæiðingiar<sup>8</sup> lið miklo mæira. rvplvðv þeir oc ræntv hvivitna allt vmhverfuss<sup>9</sup> borgina. Daud bað gvð syna ser hvart hann skyldi fara at stríða við þessa hæiðingia. Drottinn bað hann vist fara oc frelsa borgina Cehilam enn drepa Philisteos. þa mæltu menn Dauds við hann. Hvát manvni ver fair menn fara i Cehilam moti sva miklvm her hæiðingia. þar sem ver erom her heima i Gyðinga landi með vgg oc otta oc fðrvm miog hvlðv hðfði. Daud bað enn til gvðs. Drottinn mælti til hans. Ris vpp þv oc far i Cehilam. því at ek man selia Philisteos i þinar hendr oc valld. Daud for þa með sina svæit oc ræð þegar til bardaga við hæiðingia. feck hann i fyrsto nað ræiðskiotvm þeirra. hann drap hæiðingia oc væitti þeim mikit slag enn frelsaði<sup>10</sup> borgarmenn.

### Abiathar. giorr kennimaðr.

245. Daud hof nv Abiathar son Abimelech til kennimannz eptir fæðr sinn. hann hafði haft með ser hið helgazta clæði ephoth. þa er hann flyði er fæðr hans var drepinn. þetta clæði hðsfv þeir til þess at verða visir [af gvði<sup>11</sup> þeirra lvta er þa forvitnaði. þi at drottinn sagði þeim þar yfir þat sem þeim varðaði. Nv kom þetta fyrir Saul konvng at Daud var<sup>12</sup> i Cehilam með sina menn. Varð Saul við þat

<sup>1)</sup> [guð, B <sup>2)</sup> uissa, B, A <sup>3)</sup> maatta, B <sup>4)</sup> myndi, B <sup>5)</sup> lifa, B <sup>6)</sup> Fra Daud konungi ok Saul konungi, A <sup>7)</sup> ok tilf. B <sup>8)</sup> þar tilf. B <sup>9)</sup> umhuergia, B <sup>10)</sup> frelsaði, B <sup>11)</sup> [mgl. B, A <sup>12)</sup> ugeri, B

gæysi glaðr. þottiz<sup>1</sup> þa hafa hans rað allt i hendi. oc sva mælti hann. þat varð vm síðir at gvð gaf hann i mitt valld. er hann hefir nv gengit sialfr inn. i þa borg er hann er drivgv<sup>2</sup> hirðr oc læstr sem savðr i kvi. Byðr Saul þa öllum sinvm her at bvaz til bardaga. fara síðan oc sitia vm Daudid oc hans svæitvnga. Sem Daudid fer af nockvrn kvitt at Saul myndi enn bva honvm læyniliga vmsat. þa bað hann Abiathar kennimann færa ser hið helga clæði ephoth. Hann giordði sva. þa mælti Daudid. Hæyrðv herra gvð Gyðinga. þat flygr nv i æyro mer þreli þinvm at Saul ætli her at koma oc briota niðr borg þessa alla fyrir minar sakir. Nv ef hans er hingat van æða borgarmenn þessir se mer vtrvir oc vili mik sælia i hans hendr. þa bið ek drottinn minn at þv segir mer þreli þinvm. Drottinn mælti. Hann kemr her skiott. ok ecki skaltv trva borgarmonnvm. Daudid bra við skiott oc for með sinn flocc brotto af Cehilam. [hann hafði þa með ser .dc. manna. gengo þeir nv hingat oc þingat. því at þeir visso ægi giðrla<sup>3</sup> hvert þeir skyldo af snva. Saul kom til borgar Cehilam.<sup>4</sup> oc hafði niosn af at Daudid var brotto. Sneri hann þa aptr með sina menn. enn Daudid for a æyðimdrk þar sem vorv vrvgg<sup>5</sup> læyni ef þyrfti. oc dvalðiz þar i æyðifalli<sup>6</sup> er Zvph het. Saul læitaði hans hvern dag með sinn her. enn gvð vill eigi læiða hann i hans valld. Nv sem Daudid ser at Saul sitr vm lif hans. hefz<sup>7</sup> hann við a eyðimdrk Zvph oc læyniz þar i skogi. Jonathas konvngs son for þa æinn samt fra hirð favðvr sins a þann sama skog at læita Daudid. oc fann hann. Varþ með þeim hinn mesti fagnafvndr. Jonathas styrkði með fagrligvm<sup>8</sup> fortölvvm hvgr oc hiarta Daudid. oc sva mælti hann. Ægi skaltv ottaz minn kæri felagi. því at ægi man hæiptarhðnd favðvr mins fyrirkoma þer. nema en helldr mantlv avðlaz riki ifir Gyðingvm. oc mant þv þa væita mer sqmð oc minv hyski <sup>9</sup>goða virðing. oc allt þetta væit faðir minn. oc þi ofsækir hann þik. at hann vill þi fyrirkoma at þv verðir konvng ifir Jsrael. enn lifandi gvð gæti þin oc hölldvm [ockurn fagran<sup>10</sup> felagsskap at hans vitni. Síðan for Jonathas hæim i Gabaath oc villdi ægi fylgia her<sup>11</sup> favðvr sins læingr at sinne. Enn Daudid dvalðiz<sup>12</sup> eptir a skoginvm. þeir menn sem þar bygdv næstir við fiall þat er aðr vqr næfnt oc kallaðir Ziphei<sup>13</sup> þæssir menn fara nv til fyndar við Saul oc segia sva til hans. þat hyggivm ver herra at Daudid læyniz þar með oss i sva vrvggvm læynvm sem þar skortir ægi þav fylskni<sup>14</sup>

<sup>1</sup>) hann tilf. B <sup>2</sup>) saal. B; drygv, C <sup>3</sup>) glðgt, A <sup>4</sup>) [mgl. B <sup>5</sup>) mgl. B <sup>6</sup>) þi tilf. A <sup>7</sup>) saal. B, A; hðfz, C <sup>8</sup>) sqgrum, B <sup>9</sup>) ok tilf. B <sup>10</sup>) [okkrum sqgrum, B <sup>11</sup>) herinum, B <sup>12</sup>) dualdi, B; vard, A <sup>13</sup>) Zuphei, B <sup>14</sup>) leyni, B

at varla megv<sup>1</sup> finnaz. nv far þv ofan sem hvgr þinn girniz. en þat skal vart at koma honvm a þitt valld. Saul mælti. Blezaðir verði<sup>2</sup> þer af drogti. þvi at þer harmið minna vanskömð. farit nv fagnaðarsælir oc læitið vengdiligra hvar hann læyniz gða hverr honvm hefir þangat visað. þvi at sa man hafa vitað at ek vil sitia vm hann. Actið þer oc innelegga ðll læyni þav er hann ma felaz i. oc komið sva til min avðrv sinne at þer hafið vrvgga visso af hvar hann er. at ek megí þa finna hann iamsnvel þo at hann læyniz i hællvm gða holvm iardar. Ziphei<sup>3</sup> fara nv sem Saul hafði boðit þeim at niosnæ vm Daudid. enn hann var þa með<sup>4</sup> sina svæit a þeirri æyðimork er het Maon<sup>5</sup> a slættvm nðck-orvm. Saul ferr nv með sinn her a þann sama skog at læita hans. Ok sem Daudid fer niosn af. læitar hann vndan a æitt berg. þat var vigi gott. Saul verðr þess varr oc sækir eptir honvm sva at æigi var længra a milli þeirra enn æitt litið fiall. tok Daudid þa ner at ðrvænta at hann myndi længr forðaz næga asionv Saul. þvi at þa tok Saul með sinvm<sup>6</sup> her at kringia sem korona veri ðllvm megin<sup>7</sup> vm Daudid oc hans felaga. oc var þa viðrlægt at hann myndi gæta fængit<sup>8</sup> hann.

#### Fra sigri Saul konungs ok vsigri heiðingia.<sup>9</sup>

246. A þeirri stvndv kom æinn lavpandi svæinn með miklvm skvnda fyrir<sup>10</sup> Saul konvng<sup>11</sup> sva segiandi. Minn herra skvndit sem mest moti Philistæis. er með harþla miklvm her ero komnir i yðvart riki oc æyða hvivætna með [eggio oc ælldi.<sup>12</sup> Sem Saul komv þessi tiðendi for hann þegar með allan sinn her mote hæiðingiom oc skilði þar at sinne með þeim Daudid. fyrir þvi köllvðv þeir þat skilnaðarberg sem Daudid var þa a staddr. Litlo siðarr for Daudid oc læitaðiz vm þa staði er vrvggastir veri til hæliss. hann dvalðiz þar sem hætitir Engaddi. Saul með sinn her bardiz við Philisteos. þegar þeir fvndvz flyðv Philistæi. en Saul feck sigr oc glli þa or sino riki.

#### Miskunn Daudid við Saul konung.<sup>13</sup>

247. Sem Saul kom aptr af<sup>14</sup> þeirri sgr. var honvm sagt at Daudid var a æyðimðrk Engaddi. Hann valði þa af sinvm her [.iii. þvs-

<sup>1)</sup> megi, B <sup>2)</sup> so, B <sup>3)</sup> Zuphei, B <sup>4)</sup> við, B <sup>5)</sup> Meron, B <sup>6)</sup> sinn, B <sup>7)</sup> megum, B <sup>8)</sup> fangit, B, A <sup>9)</sup> Fra bardaga Sauls konungs ok Philistei, A <sup>10)</sup> til, B <sup>11)</sup> konungs, B <sup>12)</sup> [elldi ok eggju, B, A <sup>13)</sup> Her segir fra Saul konungi ok Daudid, A <sup>14)</sup> or, B, A

vndir<sup>1</sup> gínvalaliðs oc for nv af nyio at læita Dauids<sup>2</sup> oc hans manna. ok atti<sup>3</sup> sva ærfiða færð vm bravtt biorg oc vm hamra oc glivfr. at varla matti nockvt kvikendi fram komaz vtan þav fravasto<sup>4</sup> dyr sem þar liggia i mörkvum er ibices<sup>5</sup> hæita. Nv sem þeir koma fram yfir klifn. verþr fyrir þeim ginn mikill hëllir. Saul snyr ginn samt fra liði sino inn i hellinn at navðsynivm sinvm. Sem David með sina menn læyndiz i þessvm sama hëlli oc sa Saul innkominn. þa mæltu felagar Dauids til hans. Nv hëfir gvð þat hëfnt<sup>6</sup> við þik sem hann hëfir þer hæitið oc sent i hendr þer vvin þinn. kom nv at nyta þer þessa væiði. David ræis vpp oc bra sverði sino oc geck frammi i hëllinn liððliga at konvgi. oc snæið skavtið af skickivnni er hann hafði yfir ser. sva at hann varð eigi varr við. David slo þa með iðran hiarta sitt oc hëpti hvginnc er hann hafði giðrt lyti a yfirlæði konvngs. snere þa innar i hëllinn til sinna felaga. þeir mæltu til hans. Ef þv vill æigi leggja hendr a Saul. þa lat oss drepa hann. David svarar. Jofn er sqk min fyrir gvði [at ek geri<sup>7</sup> þat<sup>8</sup> gða [sendi ek<sup>9</sup> aðra til. Gvð geymi min. at [ek verði æigi<sup>10</sup> sva diarfr at ek [leggi minar<sup>11</sup> hëndr a minn herra. Gvð firri þeim glæp alla mina menn. þvi at hann er kristr drottins. hann er min yfirmaðr. oc hëfi ek honvm lengi þionað. æigi er oc sem ek eiga a honvm favðvr at hëfna æða [brqðr gða aðra nafrendr.<sup>12</sup> oc æigi er sem hann hafi vvnnið vndan minvm frendvm með nðckvrvvm svikvm gða avðrv<sup>13</sup> afli þella sæti sem nv hëfir hann. nema gvð kavs hann til oc helgaði hann ser til þionostvmannaz oc skryddi hann meðr sialfs sins nafni. oc er þat rættlict at sa taki hann fra [með sinvm vilia<sup>14</sup> sem hann kavs til. enn æigi ek meðr agiarnligri girnd. Ok þess sver ek i dag. at gvð skal kalla hann. annaðhvart at hann skal falla i bardaga fyrir vvinvm sinvm [gða ella kræfr<sup>15</sup> gvð hann andar sinnar. enn lifa skal hann mega marga daga fyrir minna handa sakir.

Sem Saul var kominn til manna sinna oc hëllt fram a fyrirætlaðan vëg. þa geck David vt af hellinvum oc rann a hæð gina<sup>16</sup> oc kallaði gptir konvgi sva segiandi. Hæyr minn herra konvng. Saul leit aptir er hann hæyrði kallið. oc þegar fell David allr til iarðar [oc tignaði hann<sup>17</sup> sva segiandi. Eigi skylldo þer minn herra trva rogi þeirra manna er þer segia at ek vili<sup>18</sup> sitia vm lif þitt. Sæ nv til at ek hëfi her vitnisbvrð i hëndi mer at drottinn selldi þik i minar hendr

<sup>1)</sup> [þriu þusundrat, B <sup>2)</sup> Dauð, B, A <sup>3)</sup> aattu, B <sup>4)</sup> frafustu, B <sup>5)</sup> ilicas(!), B

<sup>6)</sup> efnit, B, A <sup>7)</sup> gicra, B <sup>8)</sup> [hvart ek drep hann, A <sup>9)</sup> [ek senda, B

<sup>10)</sup> [æigi verða ek, B <sup>11)</sup> [leggia, B <sup>12)</sup> [bræðra eðr annarra nafrenda,

B, A <sup>13)</sup> nqkkuru, B <sup>14)</sup> [mgl. B <sup>15)</sup> [ella kreß, B <sup>16)</sup> nqkkuru, B

<sup>17)</sup> [mgl. B <sup>18)</sup> vilia, A

þa ær þv geckit inn einn fra þinvm monnvvm i þenna hælli. þi at kost allt<sup>1</sup> ek at drepa þik þa er ek snæið þetta blað af þino ifirklæði. Nv mantv<sup>2</sup> hvgsa at æigi er illt með mer. oc æigi giðrði<sup>3</sup> ek við þik ranglæti ne sviksamliga synð. en þv sitr vm lif mitt oc vill hafa mik at davðamanni. þat er forn orðzkviðr. at af vmilldvvm monnvvm<sup>4</sup> komi miskvnnarlæysi. hefni drottinn min a þér sein honvm likar. enn ek skal æigi minar hendr til þess hafa at ek leggja<sup>5</sup> a þik. Nv man birtaz þat er fyrir spaði æinn [spakr maðr<sup>6</sup> fyrir skommv sva segi-andi. Hvern ofsækir þv konvngv Jsrael. hvernn ofsækir þv nema racka davðan gða einn kleggja. þi at ek virði mik litlo meira i þino avgliti en þessi kvikendi. Nv profi mik. drottinn oc dðmi mina savk oc frelsi mik af þinni hendi. Saul linaðiz<sup>7</sup> oc myktðiz miog fyrst i stað fyrir orð Daud. þvi at hann fann at hann sagði satt. oc mælti með tarvm til hans. Senniliga ma þat sia at þv ert rettlatari en ek. þvi at þv hefir gert mer goða lvti en ek ðmbvnað illo. i dag syndir þv þinn guðlæik. hversu drottinn gaf mik i þitt valld. enn þv villdir æigi drepa mik. fagælt er slict er<sup>8</sup> maðr finnr vvin sinn at hann gefr<sup>9</sup> vpp a goðan veg oc geri honvm ecki mæin. ef hann a [þo allz kost<sup>10</sup> við hann. Nv gialldi gvð þer makliga verðskvld<sup>11</sup> fyrir þa miskvnn er þv syndir mer i dag. oc nv væit ek ið visazta at þv mant avðlaz riki oc hafa valld yfir ðllo Jsraels folki. Nv væittv mer svardaga fyrir gvði at þv skalt æigi æyða mino afkvæmi eftir minn dag oc æigi mitt nafn ma af hvsi favðvr mins. en ek hæit þgr i mot at ek skal þik alldri siðan hata ne ofsækia. Daud dvalði ecki at sverja þat er hann bæiddi. For þa Saul heim i Gabaath. en Daud dvalðiz enn með sina svæit a fiðllvm vti oc læitaði ser fylskna. þvi at hann trvði Saul enn æigi til fvllz [þo at hann hgti honvm friði.<sup>12</sup>

### Andlaat Samuel ok svf Gyðinga.<sup>13</sup>

248. Nv anndaðiz hinn agæti gvðs maðr Samuel. Samnaðiz þa saman allr Gyðinga lyðr oc gretv davða hans oc grofv hann i Ramatha. þesso ngest for Daud af fiqllyvm ofan i æyðimðrk þa er Pharan het. þar við skoginn i þeim stað er Charmelvs<sup>14</sup> het atti .i.<sup>15</sup> ríkr maðr bygd. oc var hiorð hans halldit iafnan a þa mðrk sem Daud var með sina menn. þessi maðr sem nv var gætið var mikils hattar

<sup>1)</sup> satta, B, A <sup>2)</sup> maaltu, B <sup>3)</sup> giðrða, B, A <sup>4)</sup> manni, B, A <sup>5)</sup> leggi, B

<sup>6)</sup> [spamaðr, A <sup>7)</sup> linadi, B <sup>8)</sup> ef, B <sup>9)</sup> hann sílf, B <sup>10)</sup> [allz kosti, B

<sup>11)</sup> verðkaup, B <sup>12)</sup> [mgl. B <sup>13)</sup> Fra Daud ok Abigail husfreyio, A

<sup>14)</sup> Karmelus, B <sup>15)</sup> einn, B, A

oc miog avðigr. hann atti [.iii. þvsvndir<sup>1</sup> savða oc þvsvnd<sup>2</sup> gæila. þessi maðr er nefndr Nabaal en kona hans Abigail. hon var [kvinna vitraz.<sup>3</sup> væn at asiono oc vel at ser vm alla lvti. Nabaal var grimmr maðr oc harðr viðræignar. illzkv fvlr oc ærr i skapi. sva at ægi varð verri maðr til. Nv sem David hæyrði sagt a æyðimðrkina at Nabaal myndi klippa hiorð sina. sendir hann til hans afsinvm monnvvm .x. vnga dreingi oc mælti til þeirra. Þer skolvf fara i Charmelvm til fvndar við Nabal oc hæilsa honvm friðsamliga af minne halfv. Síðan segir David þeim gyrendit.<sup>4</sup> Sendimenn forv oc framkomv til fvndar við Nabal oc sðgðv sva til hans. Ver grom sendimenn David sonar Ysai af Bethleem. hann havð oss at flytia þer þessor hans orð sem nv skaltv hæyra. Friðr se þer Nabal. friðr se þino hyski oc heima-monnvvm oc ðllo því goðs<sup>5</sup> er þv æignaz. Ek hæyri sagt at hiarð-svæinar þinir þeir er hia oss hafa verið i eyðimðrk ætli nv at klippa savði. enn bæði er at ver höfvm þeim ægi vnað<sup>6</sup> gert ne latið gera aðra þo at viliat hañ. sva at ægi hafa þær æins savðar mist meðan þeir hafa her verit hia oss a mðrkvm.<sup>7</sup> enn þo mattv sialfa þa eptir spyria oc manv þeir sva segia. Nv kollymz ek oc minir menn þinir svæinar. lattv oss fyrir því þina þionostómenn finna miskvnn i avgliti þino oc send oss vistir slikar sem þv fer til. Nabaal tok seint til orða oc sagði þo sva. Fvrðv diarfr er David þessi oc allmiog<sup>8</sup> stæriz hann nv son Ysai. sa vtlaga þræll er flyið hefir fra sinvm herra. hval man<sup>9</sup> þa. skal ek taka [vistir oc vatn<sup>10</sup> fra minvm hiorðsvæinvm oc hvskarlvvm oc gæfa þeim ær ek væit ægi hvat manna ero. Sendimenn forv afr við svabvið oc sðgðv David ðll þessi hans<sup>11</sup> andsvðr oc orð sem hann hafði talat. David havð þa sinvm monnvvm at [vapna sik.<sup>12</sup> [regz hann til ferðar sem hann var bvin. oc með honvm .cccc. hans manna. enn .cc. dvalðvz eptir at starfa oc bera at þeim þat er þeir þvrfto.<sup>13</sup>

Nv er þar til mals at taka at æinn hiarðarsvæinn Nabal kæmr at Abigail hvsvrv hans sva segiandi. Jlla hefir Nabaal nv til tekiz. David son Ysai sendi menn af eyðimðrk meðr hæilindiss<sup>14</sup> kvæðio til hans. enn hann fiandskapaðiz við þa. David oc hans menn varo oss yfrit goðir oc havlltzi<sup>15</sup> hægir. því at a ðllvm þeim tíma sem ver heilðvm hiorð [i æyðimðrkinni<sup>16</sup> hia þeim. þa höfvm ver ægi latið æitt lamb. því at þeir vorv oss bæði a noll oc<sup>17</sup> degi sem styrk vernd æða

<sup>1</sup>) [þriu þusundrat, B <sup>2</sup>) þusundrat, B <sup>3</sup>) [kuenna uitrvz, B <sup>4</sup>) erendit, B <sup>5</sup>) goz, B <sup>6</sup>) unaðer, B <sup>7</sup>) eyðimorkum, B <sup>8</sup>) allzmiqk, B <sup>9</sup>) nu, B <sup>10</sup>) [uin ok uister, B; vistir, A <sup>11</sup>) mgl. B <sup>12</sup>) [vapnaz, B, A <sup>13</sup>) [ok fara at Nabaal ok drepa hann aa þeirri natt. Hafa þeir sik nu i veg, A <sup>14</sup>) heilsanar, B <sup>15</sup>) heilltzi, B <sup>16</sup>) [a eyðimorkina, B <sup>17</sup>) aa tilf. B

[veggr við<sup>1</sup> qllvm [atkomanda haska<sup>2</sup> oc ransmonnvm eða meinsðmvm dyrvm. Nv fyrir þessa skyld hygg at min frv hvað þv skalt gera. þvi at bondi þinn man skiott finna þann vandskap sem hann hefir vakið vpp i gegn sialfvm ser oc sinv hyski. þvi at hann gr sva bæmskr oc hæðarlavss bðlvanarsoninn at eingi maðr ma orðvm við hann koma. þegar sem Abigail hefir hæyrt orð hans. brægðr hon við oc tekr .cc. bravðs oc .ii. vintvnnvr oc .v. rvtafavll soðin oc mikla gnott grasa [ertra oc<sup>3</sup> epla oc margskonar alldins. sva at hon klyfiar marga asna af ðllo saman. Hon mælti þa til svæina sinna. Farit nv fyrir. enn ek kæm skiott eptir yðr. Ecki vissi þetta bondi hennar Nabal. Hon steg þa a asna sinn oc ræið fram a skoginn með svæinvm sinvm. Enn David ferr nv með<sup>4</sup> sina sveit oc ætlar at Nabal vm nollina. Hann segir sva til sinna manna. Sennilega höfvm ver at þarflavso gæymt oc gætt allra lvta þeirra er þessi niðingr Nabal atti a æyðimðrkinne. sva at æigi hit minsta fyrirfors<sup>5</sup> af hans goðs. enn hann gelldr oss illt fyrir gott. þess skal hann nv giallda. þvi at ver skolvn hann drepa a þessi noll. oc æigi skal æinn hans manna<sup>6</sup> er at ær veganda lifa til morgins.

Sem Abigail for ofan<sup>7</sup> fyrir fiallzhlið nockvra. sa hon hvar David for [með sinn flokk.<sup>8</sup> hon steg<sup>9</sup> þa af asnavm<sup>10</sup> oc rann sem mest a mot honvm. Ok sem þav finnaz fellr hon ðll til iarðar fyrir fqr honvm oc vęgsamar hann sva segiandi. [Liggi minn vandskapr<sup>11</sup> a mer. Bið ek minn goði herra at þv afvirðiz æigi at hæyra orð min þo at vverðvgrar þinnar ambattar. þess vil ek biðia þo at min<sup>12</sup> se diarfiçt. at þv setir æigi hvę þinn oc hiarta yfir þenna hinn ranglat-azta mann Nabal. eptir þvi sem heimska hans hefir til vvnnið.<sup>13</sup> þvi at fvllkomin folska oc foraðskapr er með honvm. enn ek fann ecki þina svæina þa er sendir vorv til hans. oc varð ek þvi sæinne til fvndar við þik enn vera skyldi.<sup>14</sup> Nv mattv trva orðvm minvm. þvi at þat væit ek fyrir lifanda gvð<sup>15</sup> a himnvm oc fyrir lif andar þinnar at sa hinn sami drottinn sem bannaði þinvm vvinvm vt at hella þino saklavso bloði. oc hialpaði hann þer oc varðvæitti hæilan styrk hanndar<sup>16</sup> þinnar. sa hinn sami drottinn lofar þer æigi at drepa Nabal eða aðra þina vvini þa er liggia vm lif þitt æða læita þer annað illt at gera. helldr vill hann sialfr hefna þin a Nabal oc hans iafningivm. fyrir þi tak nv minn herra þann goðvilia sem ek hefi fert þer. Vita

<sup>1</sup>) [vegr fyrir, B <sup>2</sup>) [atkomendum haskum, B <sup>3</sup>) [ok sua, B <sup>4</sup>) við, B

<sup>5</sup>) fyrirforst, B <sup>6</sup>) maðr, B <sup>7</sup>) með sinn flokk tilf. B <sup>8</sup>) [mgl. B <sup>9</sup>) steig, B

<sup>10</sup>) asna sinvm, B, A <sup>11</sup>) [Vaandskapr minn liggi, B <sup>12</sup>) saal. ogs. B

<sup>13</sup>) gort, B <sup>14</sup>) [Miskunna mer minn herra þoat vverdagri ok vandskap mins bonda Nabal, A <sup>15</sup>) guði, B <sup>16</sup>) andar, B

skaltv oc þat at gvð man gæfa þer trvlynda liðsmenn. þv mant hans orrostor hæyia. Alldregi man onyt<sup>1</sup> illzka finnaz með þer meðan þv lifir. oc fyrir þi þo at nockarr<sup>2</sup> maðr risi þer i mot þik ofsækiandi oc siti vm lif þitt. (man lif þitt) sva sem i byndini [lifandi manna<sup>3</sup> með sialfvm gvði enn ðnd æða lif vuina man vera sem a hverfanda hioli læiki gða stæinn vellti<sup>4</sup> i slöngv. Nv þa er drottinn hefir fyllt oc framkuæmðt<sup>5</sup> alla þa lvti sem hann hefir þer fyrirhæitið oc sett þik domanda ifir allt Jsraels folk. þa man þer ægi verða skravk æða hægomi at þv mant þa mega standa i manndrapvm oc hefna þin sialfr ef þv vill. Mant þv þa<sup>6</sup> minnaz hvat ek hefi nv talat oc væita mer miskvhn þinne æligri<sup>7</sup> ambatt. Nv sem Abigail lætti af at tala. þackar David henni sinn goðvilia sva segiandi. Lofaðr se drottinn gvð minn er hann sendi þik til fyndar við mik. oc blæzvð ser þv oc þin tala er þv bannaðir mer i dag at fara til manndrapa oc heptir mik at hefna min með sialfs mins hendi. þi at þat væit gvð sa'er mer bannar at gera þer meín. hæðir þv ægi sva skiott til fyndar<sup>8</sup> við mik komið. þa myndi ægi nockvrr af monnvvm Nabal hafa beðit morgins vdrepinn sa er vapnvvm matti vallda. Siðan tok David með þavckvm af hendi Abigail alla þa lvti sem hon hafði fært honvm oc mælti til hennar. Far þv nv með<sup>9</sup> friði oc fagnaði til þins heima. þvi at mikils [skal oc<sup>10</sup> virða þina fegrð enn mæira snilld þina oc litillæti með goðvilia. Abigail kom heim oc fann Nabal bonda sinn. Hann hafði þa i hvs-vm<sup>11</sup> sva fiolment drivgvvm sem konvngs væizla veri. þvi at þat var siðr Gyðinga at hverr bondi þa er hann klipti savði sina. skyllði væita vinvm<sup>12</sup> oc hvskðrlvm. oc kolloðv [þat hiarðarvæizlo eða vilarvæizlo.<sup>13</sup> var Nabal þa hinn katazti. Abigail mælti ecki orð við hann a þeirri nott. þvi at hann var allmiog drvcinn. enn vm morgvninn arla sem af honvm lætti vinorvm. sagði hon honvm allt hve<sup>14</sup> farit hafði með þeim David oc hverso hon hafði þegit hann oc allt hyski<sup>15</sup> vndan drapi oc davða. Enn hann [varð við sva harðbrystr oc hiarladavðr at hann anzaði gígi helldr enn mæltti við stock æða stæin.<sup>16</sup> Nv sem .x. dagar vorv liðnir. þa slo drottinn Nabal daligvm davða.

Fra þi er David fekk Abigail til eignar.

249. Þa er David frettir at Nabal var davðr. segir hann sva.

<sup>1</sup>) unytt eðr, B <sup>2</sup>) nokkurr, B <sup>3</sup>) [lifandi manna, B <sup>4</sup>) velltiz, B <sup>5</sup>) gort tñf. B <sup>6</sup>) tñf. B <sup>7</sup>) mgl. B <sup>8</sup>) mox, B <sup>9</sup>) i, B, A <sup>10</sup>) [á ek at, B <sup>11</sup>) sinum tñf. B <sup>12</sup>) sinum tñf. B, A <sup>13</sup>) [þeir þat ullaræizlu, B <sup>14</sup>) huersu, B <sup>15</sup>) hans tñf. B, A <sup>16</sup>) [þagdi við, A



Blæzaðr se drottinn minn er [hann dómði<sup>1</sup> sœk minnar svivirðv oc ~~348~~ haðvngar a hönd Nabal oc varðvæitti mig þrel [sinn. en læt<sup>2</sup> hans vandskap koma honvm i koll. Sendi þa Daid þegar sina menn til Abigail með þeim grendvm at hann villdi<sup>3</sup> fa hennar ser til gigin-kono. Svęinar hans fvdv Abigail i Charmelo oc taloðv sva til henn-ar. Daid sendi oss til þin með þeim boðscap<sup>4</sup> at hann vill taka þik ser til gigin-kono. Hon stoð vpp rælt i stað oc fell fram<sup>5</sup> ðll til iarðar oc mælti. Varla ęm ek verðvg at vera hans ambatt ęða bera skocleði [hans þionostomanna.<sup>6</sup> Siðan bio hon sik skiott oc stę<sup>7</sup> hon a bak asna sinvm. oc .v. þionostomęyar hennar foro með henne. kom hon til Daid oc giorðiz hans hvsfrv. þa feck hann oc kono þeirrar er het Achinoem af Jezrael. oc vorv þær baðar iafnfram gigin-konvr Daid. En Saul gipti þa Mikol dottvr sina þeim manni er het Phaltiel Lais son af þeim stað sem haitir Gallim.

#### Fra dygð Daid uiðr Saul konungh.<sup>8</sup>

250. Ziphei sem fyrr var getið er<sup>9</sup> Saul setti til niosna vm<sup>10</sup> Daid. þeir komv nv til fvndar við hann i Gabaa oc sðgðv honvm at Daid læyndiz skamt fra byggðvm þeirra i skogarhalsinvm er haitir Acile.<sup>11</sup> Saul bra við þegar oc for i æyðimðrk Ziph<sup>12</sup> með [.iii. þvs-vndir<sup>13</sup> einvalaliðs oc kom þar sem het Gabaa Acile.<sup>14</sup> þat er skamt fra æyðiskogi þeim sem Daid dvalðiz<sup>15</sup> a með sina svæit. Daid grvnar<sup>16</sup> at Saul man enn sitia vm hann<sup>17</sup> með sinn her. Hann ferr nv sialfr læyniliga fra sinvm monnvm þar til sem Saul la með sinn her. hann sa at konvngv svaf oc sva Abner hinn æzti hans hertogi oc frendi oc allt hans lið. sneri hann þa sem skiotazt til sinna manna oc kvaddi til farar með ser [ęinn höðęingia er het Abisai.<sup>18</sup> þeir komaz<sup>19</sup> vm nottina þar sem Saul<sup>20</sup> svaf i skialldborg. enn Abner oc allr herrinn la i hring vm skialldborgina. oc svaf hvęrr maðr sva at [æigi vaktði nockvrr.<sup>21</sup> þa męlti Abisai. Nv mattv sia at gvð vill gefa þenna mann oc vvin þinn i þinar hendr. er nv æinsælt at hafna eigi þeirri veiði er sialfr gvð byðr þer. nv man ek leggja spioti mino i gðgnvm hann sagði Abisai ef þv bannar mer eigi. Daid

<sup>1</sup>) [dæmder, B <sup>2</sup>) [þinn ok letz, B <sup>3</sup>) vill, B, A <sup>4</sup>) boðum, B <sup>5</sup>) þegar tilf. B <sup>6</sup>) [at hans þrelum, A <sup>7</sup>) steig, B <sup>8</sup>) Fra Saul konungi ok Daid. capitulum, A <sup>9</sup>) ok, B, A <sup>10</sup>) uiðr, B <sup>11</sup>) Achille, B <sup>12</sup>) Cipa, B; Zuph, A <sup>13</sup>) [þriu þusundrat, B <sup>14</sup>) Acille, B <sup>15</sup>) leyndiz, B <sup>16</sup>) um tilf. B <sup>17</sup>) lif hans, A <sup>18</sup>) [Abimelech Etheum ok Abyssai son Saruie broður Joab, B <sup>19</sup>) koma, B <sup>20</sup>) konungr tilf. B <sup>21</sup>) [eingi vakti, B

svaraði. Gæymðv minn goði felagi oc giðr honvm ecki illt.<sup>1</sup> þvi at engi man sva rætta hæiptarhendr a krist drottins at þat se sæktalavst við gvð. nv er enn sem fyrr at gvð gerir þetta til ravnar við mik. hvart ek vil rættindvm fram fara i hans avgliti. Enn ek segi enn sva. at hann skal lifa langan alldr ef gvð vill fyrir minvm savkv. oc þat væit lifandi gvð at ek skal ægi njnar hendr ne hvg til leggja at drepa hann. Nv tak þv spiot er stendr at hofði honvm. enn ek man taka borðkær hans. til iartegna<sup>2</sup> at við höfvm her komit. oc förvm síðan til liðs ockars. þeir giðrðv sem hann talaði.<sup>3</sup> forv síðan a brottv sva at eingi maðr varð varr við.

Sem þeir vorv langt brottv komnir sva at þo matti<sup>4</sup> nema kall milli þeirra oc manna Saul. oc namo stað a hæð einne gagnvari<sup>5</sup> herinvm. þa kallaði Daid a Abner hertoga sva segiandi. Matt þv andsvara mer Abner. Abner<sup>6</sup> svaraði. Hverr ert þv er sva øpir oc gerir vnaðir konvngi varvm. Daid mælti. þv þickiz sem þv ert hinn æzti<sup>7</sup> konvngs höfðingi oc eingi<sup>8</sup> annarr iafningi þinn með Gyðingvm. nv þa fyrir hvat gæymðir þv ægi þins herra konvngsins. þvi at þv svaft meðan einn maðr af annarligvm flocki geck inn i skialldborgina at drepa hann. Nv hefir þv gert ægi vgl. oc þat væit gvð at senniliga veri þær allir verþir daligs davða fyrir dygðarlæysi. er þer varðvæittið<sup>9</sup> ægi konvng yðarn. hygg at þv nv Abner hvar se kgsia hans æða dryckiarkgríð<sup>10</sup> ær stoð at<sup>11</sup> höfði honvm. Saul kendi ravst Daid oc mælti. Er ægi þat þin rödd son minn Daid segir hann. Vist er þetta min rödd herra konvngr. Nv seg mer minn herra. hvat er sva illt með mer þræli þinvm at<sup>12</sup> þv ofsækir mik a hveriom tima rætt sem væiðimaðr hiðrt gða hæra. en þo man gvð vilia at ægi verði<sup>13</sup> ek væiddr. þvi at þat væit ek at ek skal alldregi hefja vpp mina hönd<sup>14</sup> þer til vþvrftar. þa mælti Saul. Misgert hefi ek þat<sup>15</sup> er ek villdi hafa þitt lif. hverf þv nv aptr til min minn sæti son Daid. þvi at [vm alldr skal ek þer eigi<sup>16</sup> illt gera vpp fra þessu<sup>17</sup> fyrir þina dygð oc trvlæik.<sup>18</sup> J dag birtiz þat at ek hef þer hæmsliga moti bariz [oc verið vm marga lvti miog vvitandi.<sup>19</sup> þa mælti Daid. Sæ her nv spiot konvngs. fari einn af sveinvm hans at sækja þat. en almattigr gvð a himnvm avmbvni hveriom sitt rættlæti oc trvlyndi. þi at drottinn minn gaf þik Saul konvngr enn i dag i mitt valld. oc villdi<sup>20</sup> ek ægi hefja mina hönd a kristi<sup>21</sup> drottins. oc sva

<sup>1</sup>) mein, B <sup>2</sup>) iarteina, B <sup>3</sup>) bað, B <sup>4</sup>) vel tilf. B <sup>5</sup>) gegnt, A <sup>6</sup>) hann, B, A <sup>7</sup>) hæsti, A <sup>8</sup>) er tilf. A <sup>9</sup>) varðueittuð, B, A <sup>10</sup>) borðkerit, B <sup>11</sup>) hia, A <sup>12</sup>) er, B <sup>13</sup>) uerða, B <sup>14</sup>) hand, B <sup>15</sup>) þa, A <sup>16</sup>) [alldri um alldr skal ek þer, B <sup>17</sup>) þessum degghi, B <sup>18</sup>) truleika, B <sup>19</sup>) [mgl. B <sup>20</sup>) uillda, B, A <sup>21</sup>) krist, B

sem þin avnd er i dag mikloð oc sqmð fyrir minvm avgvm. slict ið sama mikliz min ðnd i avgliti drottins gvðs mins oc frelsi hann mik af ðllvm vandvm lytv<sup>1</sup>. Þa mælti Saul. Blæzaðr ser þv son minn Daid. þi at þinn styrkr oc aili man vaxa. sva at þv megir gera hvat er þv vill.

Eptir þetta for Daid veg sinn. enn Saul sneri þa astr [ok settiz i borg sinne i<sup>2</sup> Gabaath. Daid hvgsar nv sitt mal at hann [man varla gæta<sup>3</sup> forðat ser við<sup>4</sup> Saul. en<sup>5</sup> hann sitr iafnan vm lif hans oc vill svikia hann alldri<sup>6</sup> at siðr þo at hann hæiti honvm friði. Giðrir hann þa þat rað staðt með<sup>7</sup> ser. at hann skal flyia i riki Philistinorvm til þess at Saul [skilldi þa lgtta<sup>8</sup> helldr af<sup>9</sup> svikrðvm við hann. ef hann hæði inga vænting a at hann mætti finnaz i hans riki. Villdi [hann þa<sup>10</sup> forðaz hans hendr. at hann villdi æigi at Saul giðrði honvm skaða oc hans monnv<sup>11</sup>. enn hann var raðinn i sem aðr ræyndiz at gera honvm inga svivirðing [þo at<sup>12</sup> færi gæfi a.<sup>12</sup>

### Fra þi er Daid uar i Geth með Akis.<sup>13</sup>

251. Daid ræð til ferðar sem hann var bvinn. oc með honvm .dc. hermanna. hann kom fram i þi riki Philistinorvm er Geth het. oc dvalþiz þar vm hrið með þeim konvngi er het Achis<sup>14</sup> oc tok ser grið af honvm oc avllvm sinvm monnv<sup>15</sup>. [vorv þa með honvm .dc. bardagamanna oc<sup>16</sup> allt hans hyski oc hvsvrv .ii. Achinoem oc Abigail er att hafði Nabal. þetta frettir Saul at Daid hafði flyið or hans riki til Akiss konvngs i Geth. lietti hann þa af at læita eptir honvm. Daid dvalðiz nv með Achis konvngi sem aðrir vtlendir menn. Einn dag kemr hann at mali við konvng oc segir sva. Ef ek fann miskvnn i þino avgliti. þa gef mer borg nockvra æða kastala i þino riki [til ibvðar.<sup>16</sup> þi at ek ma æigi her vera i sialfri borg þinni sakir fiolmennis oc [fiolskyllða minna.<sup>17</sup> Achis konvng gaf honvm borg þa er het Sicileg.<sup>18</sup> oc því la sv borg iafnan siðan vndir þann konvng er rðð fyrir riki Jvða.

Þa er Daid hafði verið .iiii. manaði i riki Philistinorvm. giðrði hann gina vppras með sina menn oc heriaði i riki þeirra þioða er sva hæita Gessim oc Gætri oc Amalechiti. þav heroð bygðvz i fyrsto

<sup>1</sup>) lutum, B <sup>2</sup>) [settiz hann i borg sine, B; ok settiz i borg sinni, A <sup>3</sup>) [gæti, B <sup>4</sup>) fyrir, B <sup>5</sup>) er, B, A <sup>6</sup>) *saal. ogs.* B, A <sup>7</sup>) fyrir, B <sup>8</sup>) [letu þa, B <sup>9</sup>) eun aðr, A <sup>10</sup>) [sva, B <sup>11</sup>) [þa er, B <sup>12</sup>) þui tilf. B <sup>13</sup>) Fra Achis konungi ok Daid, A <sup>14</sup>) sun Mahoch tilf. B <sup>15</sup>) [var þar með honum, B <sup>16</sup>) [i at bus, A <sup>17</sup>) [fiolskylldu minnar, B <sup>18</sup>) Sicelech, B; Sichileg, A

af þeim monnum er ferðaz ællvör til Egyptalandz. Daid eyddi þessa iorð sva giðrsamliga at hann drap allt mannfolk<sup>1</sup> enn tok at herfangi navt oc savði. asna oc vlsfallda. oc allt þat ær sæmætt var. Síðan hvarf hann aftr oc hitti Achis konvng. Akiss mælti til hans. A hvern lýð hefir þv nv heriað. Daid sagði honvm [ið sanna til.<sup>2</sup> oc læt ek [hvarki lifa karl ne kono i þeim herodvm.<sup>3</sup> oc æigi herlæiddi<sup>4</sup> ek hingat nockvrnn mann. at æigi mætti þer þat segia at ek væktði<sup>5</sup> vpp her a hændr yðr. Achis konvngtrvði vel Daid. oc hvgsaði hann þat at hann skilddi hallda hann ser til þionosto<sup>6</sup> ævinlega.

Þenna tima draga enn [hæiðingar Philistim<sup>7</sup> her saman vvgian oc bvaz at heria a Gyðinga. [Konvng Achis<sup>8</sup> talar til Daid. Vita skaltv at ek ælla<sup>9</sup> þer oc þinvm monnum at fara með mer i þessa herför. oc þi at ek væit þik vrvggan i allri trvlyndi. þa skaltv vera höfðvavrðr minn [allar stvndir<sup>10</sup> meðan þv ært með mer. Daid svaraði. Hvi mant þv æigi þi raða herra hvat ek skal gera sem aðrir þinir þionostomenn æða svæinar. Sem allr herr Philistinorum var saman kominn i þeim stað sem hel Apheth. oc<sup>11</sup> seltv þeir<sup>12</sup> sinar herbvðir. Enn sv var skipan a iafnan þa ær þeir flvttv her sinn. at fyrst forv höfðingar oc hofprestar Philistinorum með sinar svæitir. enn Daid oc hans menn vorv i siðvrstv fylking með Achis konvngi af Geth. þa mglto höfðingar til Achis. Hvat villia þessir Ebrei. hvi ero þeir her. Konvngtr svaraði. Kenni þer æigi Daid er verið hefir svæinn Saul konvngs Gyðinga. enn nv hefir hann marga<sup>13</sup> daga með mer verið. siðan hann var<sup>14</sup> landflotta<sup>15</sup> fyrir Saul konvngi. oc fann ek enn alldregi illt meðr honvm. Hæiðingar reiðaz<sup>16</sup> konvngi sinvm er hann losaði Daid. oc sögðv sva til hans. Hverfi þessi maðr apr með sina svæit til þess staðar sem þv skipaðir honvm. þi at ver vil-ivm fyrir engan mvn hafa hann með oss til orrosto.<sup>17</sup> at æigi sviz hann [þa i mot<sup>18</sup> er væst<sup>19</sup> gegnir. æða hverso man hann komaz apr i kerlæika við sinn höfðingia þann er hann hefir aðr forflotta<sup>20</sup> fyrir vorðit vtan hann kavpi ser frið með höfðvm varvin. æða er æigi þessi sa hinn sami Daid er forsparnar visa sva til. at hann felldi þar .x. þvsvndir er Saul slær<sup>21</sup> æina.

Achis kallar Daid a æintal oc segir sva til hans. Þat sver ek at þv ert rættlatr oc ravskr at minne ravn. oc hefir þv nv verit vm

<sup>1</sup>) folk, A <sup>2</sup>) [þar af sannindi, A <sup>3</sup>) [þar hvarki lifa eptir karl ne kono, A

<sup>4</sup>) herleidda, B <sup>5</sup>) uekta, B <sup>6</sup>) þionostumannz, B <sup>7</sup>) Philistei, B

<sup>8</sup>) [Achis konungr, B <sup>9</sup>) saal. B, A; ætli, C <sup>10</sup>) [allan tima, A <sup>11</sup>) saal. ogs.

B; mgl. A <sup>12</sup>) þar tilf. B <sup>13</sup>) nockura, A <sup>14</sup>) varð, B, A <sup>15</sup>) landflotti, B

<sup>16</sup>) nu tilf. A <sup>17</sup>) bardaga, A <sup>18</sup>) [i moti oss, B, A <sup>19</sup>) uerst, B, A

<sup>20</sup>) forflotti, B, A <sup>21</sup>) felldi, B

rið með mer þęði hęima oc i herbvęvm. oc fann ec ekki [vtan gott<sup>1</sup> með þer fra þeim fyrsta degi sem<sup>2</sup> þv komt til min oc [allt hingat<sup>3</sup> til. enn ęigi þocknaz þv hęsęingiom varvm. þi vil ek nv at þv hverfir aptr i friði. at ęigi styggim ver vara valldzmenn. Daudid svaraði. Hvat hefir þv minn herra [til þess<sup>4</sup> fvnntit segir Daudid i minne þion-osto. at ek megi<sup>5</sup> ęigi beriaz með þer moti þinvm vvinvm sem ađrir þinir svęinar. Konvngur svaraði. Vęit ek at þv ert gođr oc gęđfastur i mino augliti sem ęinn gvđs ęngill. enn þo vilia vist ęigi varir rađgiasar at þv farir til bardaga með mer. fyrir þi ris vpp arla a<sup>6</sup> mđrgin oc far aptr með alla þina menn til borgar<sup>7</sup> þeirrar sem ek gaf þer. kann vera at þi se ęigi vęrr rađit. Daudid gerði sva. ferđ- ađiz<sup>8</sup> heim i riki Philistim með alla sina svęit. en hęiđingiar<sup>9</sup> helldo fram sinne ferđ þar til er þeir komv þar sem hęitir Jazarael.<sup>10</sup>

### Daudid sigraði vikinga.<sup>11</sup>

252. A þriđia degi þaðan fra er Daudid skilđiz fra hęiđingia herinvm. kom hann i Sicileg<sup>12</sup> með sina menn. þar var þat<sup>13</sup> tiđ-enda. at meðan þeir vorv brottv<sup>14</sup> hęsęv þeir menn er Amalechite vorv kallađir sott svnnan a Sicileg. oc gert sva mikla styriđlld at þeir hęsęv vnniđ borgina oc bręnt oc hertekit hvert<sup>15</sup> barnn sva karla sem konvr oc drepit<sup>16</sup> ęnga menn. Vorv þeir þa nyfarnir brottv er Daudid kom. Nv sem Daudid oc hans svęitvngar fvnno borgina brotna oc brenda enn herlęiddar konvr sinar oc bđrn oc allt þeirra<sup>17</sup> gvđs a brott borit. toko þeir at syta sarliga þar til er þeir rđv modir af sorg. þar vorv oc herteknar .ii. eiginkonvr Daudid Achinoem oc Abigail. oc angraði hann þat ecki sva miog sem<sup>18</sup> męirr hrygđiz hann af þi er hann sa harm sinna manna. þi at allir vorv þa með sva bæiskvm hvę vm konvr sinar oc bđrn at þeir vissv varla hvat þeir giđrđv. sva at þa villdi lyđrinn ganga at oc gryta Daudid. enn hann styrkđiz af gvđs miskvnn oc bavđ Abiathar kennimanne at fera ser hinn helga kenniumannzbvnađ ephoth. Kallaði Daudid þa til gvđs oc bađ hann segia ser hvart hann skyldi sękia eptir vikingvm þessvm. Drottinn bađ hann fara oc lęita þeirra oc taka af þeim allt herfang.

Daudid for þa með sina menn þar til er þeir komv at ęinv stravngv

<sup>1)</sup> [nema gott eina, B; þat er illt er, A <sup>2)</sup> er, B <sup>3)</sup> [her, B <sup>4)</sup> [þess, B; þat, A <sup>5)</sup> mega, B, A <sup>6)</sup> i, B <sup>7)</sup> þinnar tilf. B <sup>8)</sup> for hann, B <sup>9)</sup> hęsęingiar, A <sup>10)</sup> Jezrael, B, A <sup>11)</sup> Her segir frę Daudid konungi, A <sup>12)</sup> Sicelech, B; Sicileg, A <sup>13)</sup> til tilf. B <sup>14)</sup> i brottu, B; aa brottu, A <sup>15)</sup> mannz tilf. B <sup>16)</sup> drapu, B <sup>17)</sup> sitt, A <sup>18)</sup> mgl. A .

stravmvatni er het Besor. þar namv þeir stað mǫddir<sup>1</sup> af mikilli gavngv. Síðan sotti Dauid yfir ana með .cccc. manna. enn .cc. mattv ægi fylgia honvm fyrir þravtlæika.<sup>2</sup> Liðsmenn<sup>3</sup> svndv fyrir ser a akri nockorvm ginn egyptzkan mann oc ferðo Dauid. Hann lét gefa honvm at drecka oc æta af þi sem þeir höfðv til. því at hann var aðr drivgv at dæða kominn. toc hann þa helldr at bressaz. þi at hann hafði aðr ægi helldr kennt vatn<sup>4</sup> enn<sup>5</sup> sæðv a .vi. dagvm. þa mælti Dauid til hans. [Hverss hattar maðr<sup>6</sup> ærtv æða hvaðan<sup>7</sup> gða hvert skalt þv fara. Hann svaraði. Ek em egyptzkr maðr. var ek þionostosveinn eins Amalechite. enn minn mǫgstari lét mik her eftir fyrta dag því at ek syktvmz.<sup>8</sup> enn<sup>9</sup> höfvm heriað svnnan a ríki Achis konvngs oc æyddvm með elldi borg Sicileg. Dauid mælti. Mattv segia mer læið þangat sem þessi hermanna flockr er nv. [Hann svaraði.<sup>10</sup> Sver þv mer nv<sup>11</sup> við gvð. at þv skalt ægi drepa mik oc ægi gefa mik i valld mins herra þess er sva haðvliga lét<sup>12</sup> mik her eptir. oc skal ek<sup>13</sup> senniliga vera yðarr læiðtogi þar til sem þessir vik-ingar ero.

Síþan fara þeir eftir leiðsögv<sup>14</sup> hans-oc finna heiðingia þar sem þeir helldo ríka væizlo sem hið mesta hafiðarhalld veri. er þeir favgn-vðv<sup>15</sup> sigri sinvm oc ranfengi er þeir hafðv saman dregit af iorðv Philistim oc or ríki Jvða. Var þar stormikill herr saman kominn. sva at víða landz hvlði iorðina. Dauid kom at þeim vvarvm með sina svæit oc drap þa alla nottina oc vm daginn eptir allt til aptans. sva at ægi sættv<sup>16</sup> mæirr vndan af þeim mikla her en .cccc. vngra manna. er naðv hestom oc riðv brotto.<sup>17</sup> Tok Dauid þar baðar konvr sínar oc rætti<sup>18</sup> allt ranið sva gersamliga. at ægi misti<sup>19</sup> hins minsta lvtar af ðillo þi er Amalechite höfðv hertekit. helldr toko þeir þar annað fe allmikit er hæiðingiar höfðv att. forv nv aptir við sva bvit. oc komv þar sem vorv þav .cc. manna sem Dauid hafði eptir latið við forss Bæssor.<sup>20</sup> er ægi mattv fylgia honvm fyrir mðði sakir. þeir gingv nv i mot Dauid oc [þi er með honvm var.<sup>21</sup> oc þegar þeir svnnvz hæilsaði Dauid þeim með friði oc fagnaði. þa mælti einn vandr maðr oc ranglatr af þeim sem farið höfðv með Dauid. Ecki manv ver lata þessa menn hafa ransfe þat<sup>22</sup> er ver höfvm aptir heimt gða af<sup>23</sup> herfangi því er ver höfvm aflat i þessi ferð. þeim monnvinnr þavrf

<sup>1</sup>) mǫðir, A <sup>2</sup>) þreytleika, B, A <sup>3</sup>) hans tilf. B <sup>4</sup>) vaz, B, A <sup>5</sup>) annarrar tilf. A <sup>6</sup>) [Hvat manna, A <sup>7</sup>) komtu tilf. A <sup>8</sup>) saal. B, A; syktðvm, C <sup>9</sup>) ver tilf. B <sup>10</sup>) [tilf. B <sup>11</sup>) þat tilf. B <sup>12</sup>) setti, A <sup>13</sup>) þa tilf. A <sup>14</sup>) leiðsögn, B, A <sup>15</sup>) sva tilf. A <sup>16</sup>) flyðu, B <sup>17</sup>) a brott, B <sup>18</sup>) aptir tilf. B <sup>19</sup>) .hann tilf. B <sup>20</sup>) Besor, B, A <sup>21</sup>) [þeim er með honum uoru ok þut er hann for með, B; mǫg. A <sup>22</sup>) saal. B, A; því, C <sup>23</sup>) tilf. B

[at eign<sup>1</sup> vel yfir at lata at [hverr þeirra taki sina eiginkonv<sup>2</sup> oc bðrn. allz<sup>3</sup> þeir hafa hvergi ner komið þessvm vikingvm oc ecki til vnnið. Daudid svaraði. Eigi skolot þer þetta gera brøðr minir at lavna sva litt þat er gvð gallt oss eign vara oc varðvæitti oss i þessvm haska. enn gaf spellvirkia þessa i varar hendr er oss hðfðv gerl sva mikinn vmaka. latið ægi nockvrn mann [hæyra slict optarr koma vndan yðrvn tungurotum.<sup>4</sup> Þvi at rætt skal slikt lytskipti taka sa ær til bardaga ferr sem hinn er eptir dvelz at bera clæði æða annað fargagn.<sup>5</sup> Var þetta dðmt oc lðgtekið [at raði<sup>6</sup> Daudid sem hann hafði fyrir sagt vm herfangs skipti. oc þetta helldo Gyðingar ę siðan sem annað lðgmál. Sem Daudid kom til Sicileg. þa sendi hann virðvlegar vingiasfir af herfangi sino avlldvngvm Juda frendvm sinvm i allar hðfvðborgir þer ær hann hafði fyrr i verið oc hans menn.

### Fra þi fitonsanda kona kom til konvngs.<sup>7</sup>

253. Nv var andaðr gvðs maðr Samuel sem fyrr var sagt. enn Saul tok af livi alla visindamenn oc æyddi af iorðunne ðllvm fiolkvngvm<sup>8</sup> monnvvm oc dravmspekingum. þa er Saul konvngr fretti at herr Philistinorvm var kominn i Jezrael<sup>9</sup> sem [aðr er<sup>10</sup> ritað. þa stefnir hann saman ðllvm Jsraels lyð oc kęmr með allan herinn a fiðll er hęita Gelboe. oc sem hann ser yfir allar herbvðir hæiðingia. þa toc [miog at stalla<sup>11</sup> hiarta hans af akafligvm otta.<sup>12</sup> læitaði hann þa til vmraða við gvð drottin.<sup>13</sup> oc feck af honvm ęingi andsvðr æða visendi. hvarki i dravmvvm ne fyrir [kennimonnvvm æða spamonnvvm.<sup>14</sup> Saul [mælti þa til sinna manna. Meðr þvi at drottinn vill mer nv ðngv svara oc ęngi visendi gera. hveria framferð skolom ver nv hafa. farið oc læitið mer<sup>15</sup> nockorrar kono er hafi phitons<sup>16</sup> anda. oc mæn ek fara til fvndar við hana oc vita at ek fái af hennar kvnnatto<sup>17</sup> nðckorn visdom.<sup>18</sup> Svęinar hans svðroðv. Kona sv sem miog ær fiðlkvnng af phitons anda byggir i þeim stað er hęitir Endor.

Konvngr skipti þegar clæðvm oc bio sik sem æinn vtiginn mann. for siðan við hinn þriðia mann oc kom við<sup>19</sup> nott til þeirrar

<sup>1</sup>) [ok eign, B <sup>2</sup>) saal. B; eiginkonvr, C; [at þeir taki sinar eiginkonur, A  
<sup>3</sup>) þvi at, B <sup>4</sup>) [optarr heyra yðr slikt mela, B <sup>5</sup>) farargagn, B  
<sup>6</sup>) [um daga, B <sup>7</sup>) Fra Saul konungi ok gallðrakonu, A <sup>8</sup>) fiolkunnaigum, B, A <sup>9</sup>) Azrael, B <sup>10</sup>) [fyr uar, B, A <sup>11</sup>) stallra, B <sup>12</sup>) [hiarta hans at ottaz akafliga, A <sup>13</sup>) huat hann skyldi raðs taka tilf. A <sup>14</sup>) [kennimenn (visindamenn A) eðr spamenn, B, A <sup>15</sup>) nu tilf. B <sup>16</sup>) fitons, B  
<sup>17</sup>) kunnostu, B <sup>18</sup>) [leitir þa raðs við sina menn, A <sup>19</sup>) um, B, A

fiðlkvngv konv oc mælti. Syn mer þinn visdom oc kvnnattv<sup>1</sup> oc vek vpp or iorðv einn davðan mann þann sem ek kann þer til<sup>2</sup> segia. at ec meg<sup>3</sup> þaðan af viss verða sanninda vm þa lvti sem mik forvitnar. Hon svaraði. þv ært af monnvu Saul konvngs oc er þer æigi vkvnnict at hann hefir latið drepa oc ma af iorðunni alla visdomsmæistara oc vtisetomenn. fyrir hvi [vill þv<sup>4</sup> þa sitia vm lif mitt. er þv biðr mik a þat stvnda er ek væit visan bana minn ef Saul verðr varr við. [Hann svaraði.<sup>5</sup> þat sver ek við gvð at æigi skal þer nockvð grand gera. Hon mælti þa. Hverr er sa hinn davði maðr er þv vill lata vpp vekia.<sup>6</sup> Hann svaraði. Samuel. Hon for þa oc framði sinn galldr oc kvæði þar til er henni syndiz Samuel vpp risa. tok hon þa [at kalla<sup>7</sup> mikilli röddo oc sagði sva. Hvi bavð þv mer þetta at gera. þar sem þv ært sialfr Saul konvngv. [Saul mælti.<sup>8</sup> Hirð ecki<sup>9</sup> at ottaz. hvat satt þv. Hon svaraði. Mann gamlan sa ek vpp risa oc hafði sveipað at ser mðtlli einvm oc hygg ek at se einnhverr af gvðnvu. Saul þottiz skilia at þar nvndi<sup>10</sup> vera Samvel oc fell fram til iarðar oc lavt honvm. Dravgrinn<sup>11</sup> mælti. Fyrir hvi gerðir þv mer vnaðir oc letz vekia mik vpp or iorðo. Savi mælti. þvi at mer þravngir<sup>12</sup> nv miog. heiðingiar striða nv styrkliga i mot mer. enn drottinn er horfinn fra mer oc vill vist eigi hœyra mik oc guga visso mer gera hvarki fyrir spamenn ne svefnasynvm.<sup>13</sup> fyrir þessa skyllð kallaða ek þik at þv syndir mer hvat ek skyllði<sup>14</sup> gera. <sup>15</sup>[Hinn davði<sup>16</sup> svaraði. Hvat spyrr þv mik at þinvm athðfnvm með þi at drottinn se horfinn fra þer oc til mags þins. þvi at nv man þat fram koma sem þer var heitið. at drottinn man svipta þik rikino ok gefa þat navngi þinvm David. fyrir þat er þv villdir æigi lyðnaz<sup>17</sup> drotni gvði þinvm oc saddir æigi stormsamliga ræiði hans a lyð Amalech sem hann bavð þer. Nv fyrir þessa skyllð man drottinn gefa þik i valld Philisteis. oc a morgin mant þv oc synir þinir koma til min enn herbvðir hððingia seliaz i hendr hæiðingiom. þegar i stað slo Saul ser flavtm a iorð niðr þi at hann varð hræðzlofvllr við orð þessi. oc sva var honvm ner farið af ðllo samt otta oc favsto. þi at hann hafði æigi fæðv<sup>18</sup> kent a tvæim dægrvm<sup>19</sup> oc drivgvu dro vr<sup>20</sup> honvm allt aðið. þa geck at honvm þilonsanda konan oc mælti. [Bið ek<sup>21</sup> minn herra. at sva sem ek ambatt þin lagða lif mitt i þitt valld oc fyllði<sup>22</sup> ek alla lvti sem þv bavðt mer. sva væit þv mer nv æina bðn. oc

<sup>1</sup>) kunnostu, B <sup>2</sup>) mgl. B <sup>3</sup>) mega, B <sup>4</sup>) [uilltu, B <sup>5</sup>) [silf. B <sup>6</sup>) reisa, B <sup>7</sup>) [ok kallaði, B <sup>8</sup>) [silf. B <sup>9</sup>) æigi þu, B <sup>10</sup>) myndi, B <sup>11</sup>) Samuel, B <sup>12</sup>) þrønguer, B, A <sup>13</sup>) svefnasynir, B, A <sup>14</sup>) skyllða, B <sup>15</sup>) Hver beg. Fragn. XII. <sup>16</sup>) [Samuel, B <sup>17</sup>) hlyða, B, Frag. <sup>18</sup>) fæðu, B <sup>19</sup>) dogum, Frag. <sup>20</sup>) or, B, A <sup>21</sup>) [Ek biðr þik, B, Frag. <sup>22</sup>) fyllða, B, A, Frag.



lofa mer at bva þer hvðaravvrð. þo at æigi verði sva sēmiliga sem skyllði. enn þat veri þo til styrkingar ef þv villdir a kenna. sva at þv mættir siðan fara veg þinn. Hann næitaði oc kvaðz æigi myndv<sup>1</sup> gta. enn þo vm siðir sem hans þionostomenn skylldoðv hann til oc sva konan. sættiz hann vpp i gina sæng er honvm var bvin. Enn þessi kona hafði i hvsi sinv ginn vxa hagenginn.<sup>2</sup> hon skvndaði oc drap vxann oc bio grænt kiot til sæðo með avðrv því sem hon hafði til. setr siðan fyrir Saul oc hans menn. Oc sem þeir höldv snæðt stoðv þeir vpp oc gengv alla<sup>3</sup> nott oc komv aptv i dagan til liðs sins.

#### Fall Saul konungs ok svna hans.<sup>4</sup>

254. Herr Philistinorvm kom nv til motz við Jsraels lyð a galli<sup>5</sup> Gelboe oc slo þar i hinn harðasta bardaga. oc sneri þegar mannfallino i lið Gyðinga. sotti þa allr herrinn heiðingia sem akafast a<sup>6</sup> fylking Saul konvngs. oc i þeirri rið fello þeir Jonathas oc Amminadab oc Melchisve<sup>7</sup> synir Saul konvngs. Sneriz þa almenningr<sup>8</sup> vpp a Saul konvng sialfan.<sup>9</sup> enn hann varðiz með miklvv hravstlæik [oc ravskleik.<sup>10</sup> oc i því bili koma at bogmenn hæiðingia. beraz þa sar a hann af þeirra skoltvm beði mðrg oc stor. Hann mælti þa við skialldsvain sinn. Bregð skiott sverðino oc drepp mik. at æigi nai þessir vansignaðir<sup>11</sup> hæiðingiar<sup>12</sup> at velia mer hæðiligan davða. Svgeinninn sagðiz æigi þora oc æigi vilia sva mikið niðingsverk gera at drepa sinn herra konvginn helgaðan drottni. Saul greip þa sverð sitt oc sneri<sup>13</sup> vpp oddinv. oc lét fallaz a ofan.<sup>14</sup> þa ær skialldsvæinninn sa [at Saul myndi skiott dæyia.<sup>15</sup> sneri hann sverðino oc lagði i gðgnvm sik oc do<sup>16</sup> hia sinvm herra. Nv lét Saul konvngv þar lif sitt. oc .iii. synir hans oc skialldsvæinn hans. oc allir hinir hravstvtv menn oc kappar Gyðinga fello a þæim degi. enn þeir flyðv er þi komo við. Nv sem Jsraelite [þeir sem vorv qðrv<sup>17</sup> megin dals þess er þar verðr. oc sva þeir er byggðv fyrir vtan Jordan. sa flotta Gyðinga oc hæyrðv þann kvrr at Saul mvndi<sup>18</sup> þa davðr vera oc synir hans.<sup>19</sup> þa fyrirleto þeir borgir sinar oc bæi oc flyðv a fiðll vpp

<sup>1</sup>) myndu, B <sup>2</sup>) haggenginn, Frag., A <sup>3</sup>) þa tilf. B, A <sup>4</sup>) Er Saul konvngv drap sik sialfr, A <sup>5</sup>) fiðllum, A <sup>6</sup>) at, A <sup>7</sup>) Melchisar, B <sup>8</sup>) almugrinn, de ðer. <sup>9</sup>) með harðri atsokn tilf. A <sup>10</sup>) [mgl. de ðer. <sup>11</sup>) vansignaðu, de ðer. <sup>12</sup>) hundar, A <sup>13</sup>) niðr hiohtunum en tilf. A <sup>14</sup>) varð þat hans bani tilf. A <sup>15</sup>) [þat, A <sup>16</sup>) deyði, Frag. <sup>17</sup>) Her mgl. 2 Blade i B <sup>18</sup>) myndi, Frag. <sup>19</sup>) [frettu fall Saul konungs ok sona hans, A

æða i annarra þjóða ríki. Enn Philistei tóko síðan borgirnar og byggð. Annan dag eptir orrosto þessa foró Philistei at kanna valinn. og fundu Saul og [syni hans .iii.<sup>1</sup> liggja dauða a fialli Gelboe. þeir bioggu höfvd af Saul dauðum og fletto hann herclæðum og sendo um allt ríki Philistinorum i<sup>2</sup> hverja borg. og læto lysa i hverio hofi þessum liðendum. og syna i fiðlmenni höfvd Saul og herclæði. Síðan festo þeir vpp vapnin til syniss i hofi gvðs sins Astaroth. enn likama festo þeir vpp a vegg borgarinnar er Bethsan het. Nv sem byggðarmenn Jabes<sup>3</sup> Galaath hæyrðv hvat Philistei höfðv gert við Saul. forv til um nött hinir styrkvztv kappar þeirra og tokv i brotto af mvr Bethsan lichama Saul og sona hans og flttv i sína borg Jabes og brendo þar. Toko síðan bæin og qskv og grofv vti i stormavrk<sup>4</sup> hia staðinum.

Her hefz vpp af David er hann var til konungs tekinn yfir allt ríki Juða. capitulum.<sup>5</sup>

255. A þriðia degi fra því er Daud var aptr kominn til Sicileg<sup>6</sup> fra vikinga drapi Amalech sem fyrr var ritað. þá kom einn lavpandi maðr or herbvðum Saul. hann<sup>7</sup> ræif af ser clæðin og ios molldo i höfvd ser. Ok sem hann kom fyrir Daud fell hann allr til iarðar og kvaddi hann. Daud spvði hvaðan hann kom.<sup>8</sup> Hann [segir sik flyið hafa<sup>9</sup> fra herbvðum Gyðinga. Daud mælti. Hvat er þar liðenda. seg mer satt af. Hann svaraði. þav ero liðendi þaðan at segia. at þar varð mikil orrosta. Gyðinga folk flyði or bardaga enn fioldi var fallinn. Saul konvngv drepinn og Jonathas svn hans. Sem Daud hæyrði þesse liðendi. tok hann [oc sleit<sup>10</sup> clæði sin með hörmvligri hrygd ok allir þeir menn er með honum vorv. fostvðv þann dag allan til aptans og syrgðv sarliga eptir Saul konvng og Jonathan<sup>11</sup> svn hans og allt Jsraels folk<sup>12</sup> er þar hafði fallið.

Daud gret miog dauða Savi og Jonathas sva segiandi. Agætir höfðingiar þinir Jsrael hafa nv fallið a fiðllvm þinvm. ægi skylldo<sup>13</sup> þessi liðendi flytiaz i Geth gða vera fram borin fyrir fiotraða menn Askalonis.<sup>14</sup> at ægi glæðiz þaðan af konvr Philistinorum gða dætr vansignaðra hæðingia. Bqlvat<sup>15</sup> verit þer fiql Gelboe. lati gvð allri

<sup>1)</sup> [sunu hans þrea, Frag. <sup>2)</sup> um, Frag. <sup>3)</sup> ok tilf. Frag. <sup>4)</sup> storrimork, A

<sup>6)</sup> Denne Overskrift har A; liðenda sogn af falli Saul til Daud, Frag.

<sup>9)</sup> Sicileg, A; Sicelech, Frag. <sup>7)</sup> ok, Frag., A <sup>8)</sup> kiemi, Frag. <sup>9)</sup> [svaraðe. Ek hefer flyit, Frag. <sup>10)</sup> [at slita, Frag. <sup>11)</sup> Jonathan, A <sup>12)</sup> þat tilf. A <sup>13)</sup> skulu, Frag. <sup>14)</sup> saal. Frag.; Aaskolo, C, A <sup>15)</sup> Bolund, A; Bolfat, Frag.

ífr yör koma dögg ne groandi grqs. þi at þer væittvð Saul konvngi oc Jonatha<sup>1</sup> svivirðliga<sup>2</sup> stiga enn villdot ægi væita þeim linligar gætvr þer er þeir mætti forða lifi sino fyrir vvina höndvm. oc ægi væittv þer þeim hermannlegar varnir a hæðvm yörvm. Bæiskr harmr er þetta ðllo Jsraels folki er sva agætir höfðingiar ero fra fallnir raðagiðrð oc rikisstiorn sem Saul var oc Jonathas. fagrir oc ynnilegir feðgar oc samvistiligr i lifi sino skilðv ægi i dævða. Mikill þrekr oc afl hefir tynzt a þeima degi sem sva goðir höfðingiar oc dyrðligir<sup>3</sup> riddarar. oc mart vapn oc goð brynja sem þar hefir tynz ok glataz<sup>4</sup> með þeim.<sup>5</sup> þeir vorv skiotari ærni oc styrkari leoni. Avr Jonathe flavg alldri vint eða skæift. oc sverð Saul hio alldri mis. Variz nv smælingar<sup>6</sup> gvðs ræiði. þar sem hann lofaði hæiðingiom at leggja hendr a þann er honvm var helgaðr. Syrgi allr lyðr karlla oc kvinna<sup>7</sup> sliet lion oc tapan rikissins. er sva styrkir kappar skolo falla<sup>8</sup> fyrir hejðno folki. harmr er mer at<sup>9</sup> þinvm dævða minn kæri broðir Jonathas. miog fagr oc elskvligr framarr enn kvinna ast. Sem moðir elskar sinn æinga son. sva elskaði ek þik minn goði felagi. Meðr hveriom hætti fello sva hravstir dræingir.

Sípan kallar David til sin [ginn vngan mann þann<sup>10</sup> er tiðendin bar. oc spvrði hvaðan hann veri. Hann svaraði. Faðir minn var ginn vtlendr maðr með Gyðingvm kyniaðr af borg Amalech. David mælti. Hvaþan af<sup>11</sup> vissir þv at Saul veri dævðr oc Jonathas son hans. Hann svaraði. Þat var með þæima atbvrð at ek kom a siall Gelboe. oc þar la Saul a grofv yfir kæsio sina. oc vagnalið oc riddaralið hæiðingia soltv fast eftir honvm oc atto þa skamt til hans. Enn er hann sa mik. kallaði hann oc spvrði hverr ek veri. en ek sagði<sup>12</sup> at ek var einn Amalechita. Þa mælti hann. Gack hingat oc drep mik. þi at enn er avnd i briosti mer. enn þo [standa mik sva storar þröngslor<sup>13</sup> at mer er verra lif enn hel. Nv giðrði ek<sup>14</sup> sem hann bæiddi at ek drap<sup>15</sup> hann. þi at ek sa at hann matti ecki lifa sakir storra [sara oc sarligra harma.<sup>16</sup> tok ek þa tignarkoronv af höfði [honvm ok gvllhring af armi hans.<sup>17</sup> oc hafði ek hingat at færa þer minn herra. David mælti. Hvi vartv sva diarfr hinn avmi maðr at þv þorðir at leggja þinar hendr til at drepa krist drottins. oc er þer bættra at taka her skiota hefnd fyrir. helldr en þessi sok fylgi þer til

<sup>1</sup>) *saal. ogs. A; Jonathe, Frag.* <sup>2</sup>) *suinirdiliga, A; suinirdulega, Frag.* <sup>3</sup>) *dyrlegher, Frag.* <sup>4</sup>) *tapaz, Frag.* <sup>5</sup>) *a þeima degi tulf. A* <sup>6</sup>) *smælingiar, A* <sup>7</sup>) *kuonna, Frag.* <sup>8</sup>) *fallit hafa, A* <sup>9</sup>) *af, Frag.* <sup>10</sup>) *[þann unga mann, A; einn vngan mann, Frag.* <sup>11</sup>) *mgl. Frag.* <sup>12</sup>) *sagða, Frag.* <sup>13</sup>) *[er ek sua storliga þröngdr, A* <sup>14</sup>) *sua tulf. A* <sup>15</sup>) *dræpi, Frag.* <sup>16</sup>) *[harma ok ogurligra sara, A* <sup>17</sup>) *[saal. Frag.; oc þröngvin af harmi hans, C; mgl. A*

helvitiss efiliga.<sup>1</sup> Þi næst bauð Daurid at hann skilldi<sup>2</sup> drepa. En þa er hann sa at honvm mendi dauði ætlaðr. þar sem hann hvgði sik nockvrn fagnað myndo i moti taka sinvm tiðendvm oc gott<sup>3</sup> yfirleti gða giðf. þa iðraþiz hann er hann hafði logið [þeirri sok<sup>4</sup> a hendr ser oc villdi giarna aptr kippa orðvm sinvm. En Daurid sagði<sup>5</sup> sva. Sialfs þins munnr oc tvnga dðmir þik til draps verðan en ægi ek. þvi at þv sagðir sialfr a hendr þer at þv hefðir drepit krist drottins. Var hann þa halshavgginn at boði Daurids.

Þvi næst bað Daurid drottin syna ser hvart hann skyldi ægi þa<sup>6</sup> fara vpp i æinhveria borg i riki Jvða. Enn drottinn bað hann fara i<sup>7</sup> Hebron. Daurid bio sik sem skiotast oc flvttiz or vtleggð sinne vpp i Gyðinga land með [sinar .ii. æiginkonvr<sup>8</sup> Achinoem oc Abigail. oc allir hans menn fylgðv honvm hverr með sitt hyski oc settoz i borgir oc þei<sup>9</sup> Hebron. Drifv þa til hans hðfðingiar oc raðsmenn þess rikiss oc toko hann til konvngs oc smvrðv hann sem siðr þeirra var til yfir allt riki Jvda. Var honvm sagt at Jabesborgar menn hðfðv grafit Saul. Hann sendi þegar sina menn til<sup>10</sup> oc þackaði þeim þetta starf sva segiandi. Gvði veri þer blezaðir er þer gerðvð sva mikinn manndom við yðarn herra Saul konvng at þer grofvð hann. þar fyrir man drottinn væita yðr hialp oc hæilso. en ek skal giallda yðr fyrir þetta þaccsamlega<sup>11</sup> vinatto. Styrkiz hendr yðrar ok vaxi af yðvart. Nv þo at Saul konvngv se dauðr. þa hafu ættmenn Jvde<sup>12</sup> tekit mik til konvngs yfir sik oc sitt riki.

### Fra .iii. bræðrvn Joab Abisa ok Asael.<sup>13</sup>

256. Þrir bræðr ero nefndir þeir er vorv með Daurid konvngi. het .i. Joab. annarr Abisay .iii. Asael. [faðir þeirra er nefndr Saphia.<sup>14</sup> Allir vorv þeir hravstir kappar. Joab var þeirra ellztr ok hermaðr mestr. enn Asael yngstr ok ræyndr minzt. hann var allra manna fothvatatztr sva at ecki skogdyr<sup>15</sup> var skiotara at ras. Daurid konvngv setti Joab son Saphia<sup>16</sup> hðfðingia yfir herlið sitt oc skipaði þeim bræðrvn i horg Gabaon<sup>17</sup> til verndar við borgina oc gezlo rikiss sins fyrir hernaði hæiðingia oc innlenzkvm vfriði.

<sup>1</sup>) efnalega, Frag., A <sup>2</sup>) skyldi, Frag., A <sup>3</sup>) saal. Frag.; gvt, C <sup>4</sup>) [þersv verki, A <sup>5</sup>) þaa tilf. Frag. <sup>6</sup>) þegar tilf. A <sup>7</sup>) þa borg er heitir tilf. A <sup>8</sup>) [sinum tueimr eiginkonum, Frag. <sup>9</sup>) i tilf. Frag. <sup>10</sup>) þeirra tilf. A <sup>11</sup>) (með tilf. A) þacksamligri, Frag., A <sup>12</sup>) Juda, Frag., A <sup>13</sup>) Nofn sona Saphie, Frag. <sup>14</sup>) [moder þeirra er nefnd Sarnia syster Daurid, Frag. <sup>15</sup>) dyr, A <sup>16</sup>) Sarnie, Frag. <sup>17</sup>) Gabaath, A

Fra þi er Abner drap Asael.<sup>1</sup>

257. Abner frendi Saul konvngs oc hans höfðingi tok þegar eptir frafall konvngs son hans er het Hisboseth oc læiddi vmhverfiss herbvðir Gyðinga.<sup>2</sup> oc tok hann til konvngs<sup>3</sup> yfir allan Jsraels lyð. þa var Hisboseth fertogr at alldri. hann ríkti .ii. ar ífir Jsraels folk.<sup>4</sup> Enn David hafði ecki meira en ríki Juda. var þat .vii. ar oc .vi.<sup>5</sup> manaðr<sup>6</sup> er hann ríkti i Ebron yfir Juda at eins. Abner oc sveinar Hisboseth forv með mikít líð fra herbvðvm<sup>7</sup> i Gabaon. En Joab oc menn David gengo þegar vt af borginne i mot þeim. Sem þeir hittvz við tiorn nockvra. sva at sinvm megin seltvz<sup>8</sup> hvarir. þa mælti Abner við Joab. Standi vpp sveinar hvarratveggio oc læiki nockoð til skemt-onar oss. Joab bað sva vera. þeir risv vpp oc gengvz [at moti<sup>9</sup> fram a vðllvna .xii. svæinar af hvarra líði. enn nockvð varð læikrinn graligr er þeir komv saman. því at eitt bragð hafði hverr þeirra við sinn iafnoka. tok<sup>10</sup> annarri hendi i höfvdit en pikaði<sup>11</sup> með annarri hendi sino sverði a siðvnni þeim er i moti stoð.<sup>12</sup> sva at þar fello þeir allir senn dævðir niðr til iarðar. þaðan af var sa staðr síðan kallaðr avflogra manna akr i Gabaon. Stvkkv þa vpp hvarirtveggio oc hofz með þeim af þessvm atbvrð hin snarpazla [hrið oc bardagi.<sup>13</sup> oc at lyktvm flyr Abner með [sina svæit fyrir<sup>14</sup> svæinv David.

Nv sem þeir Joab rako flottann. rann Asael langt fra sinvm monnvm eftir Abner. Hann læit aptir oc mælti. Ertv Asael son Sarpia.<sup>15</sup> Hann sagðiz sva hæita. þa mælti Abner. Vik þv þer af vt annaðhvart til hægri handar gða vinstri. oc höndla einnhvernn vngan dreing oc tak af honvm herfang. Asael villdi ecki annza hvat hann sagði. þa mælti Abner avðrv sinne við Asael. Far brotlo oc hirð ekki lengr at sækia eptir mer. at ægi verði<sup>16</sup> ek næyddr til at drepa þik oc þaðan af megi<sup>17</sup> ek alldri ottalavss lifa fyrir ofsokn bræðra þinna. Asael lét sem hann hæyrði eigi hvat hann sagði. oc villdi ægi hnægiaz fra honvm. Abner væik þa i mot honvm hart oc titt. oc sneri þo<sup>18</sup> spiotino i hendi ser oc lagði avrfalnv i kviðinn framan. sva at hann fell þegar i stað dævðr niðr til iarðar. oc hverr sa maðr sem þar kom [er Asael la<sup>19</sup> nam staðar. Dro þa Abner vndan oc

<sup>1</sup>) Overskr. sees ikke i Fragm. <sup>2</sup>) heidingia, A <sup>3</sup>) ok skipaði hann yfer Gal-anth ok yfer Gelim ok yfer Jezrael ok Effraim ok Beniamin ok tilf. Frag. <sup>4</sup>) folki, Frag., A <sup>5</sup>) .vii. Frag. <sup>6</sup>) manadi, Frag., A <sup>7</sup>) Gyðinga tilf. A <sup>8</sup>) satu, A <sup>9</sup>) i moti, A <sup>10</sup>) toku, Frag. <sup>11</sup>) pickaði, A; pickadu, Frag. <sup>12</sup>) stodu, Frag. <sup>13</sup>) [orrosta, A <sup>14</sup>) [sinum sveinum fyrir Joab ok, A <sup>15</sup>) Saruie, Frag. <sup>16</sup>) verda, Frag. <sup>17</sup>) megi, Frag. <sup>18</sup>) þa, Frag., A <sup>19</sup>) [ok saa Asael, A

hans sveit. enn Joab oc Abisai bręðr Asael sottv eftir Abner allt til solarfallz oc vorv þa komnir til þess staðar er het vatnvæilo hals. þat er a bak dal þeim er liggr til eyðimerkr Gabaon. þa sðmnvðvz saman kynsmenn Benjamin til liðs með Abner oc skvtv a fylking a breckv ęinne. þa kallaði Abner a Joab oc mælti. Hvart manltv ęigi fyrr letta enn þv hefir hvetvitna<sup>1</sup> eyt með oddi oc eggio. ęða veitlv ęigi hversv þęisk endalykt eptir man koma ok haskasamlig ðrvilnan. ef þv lætr sva lengi lyðinn ofsækia sina bręðr. Joab svaraði. þat væit gvð. hefðir þv fyrr til talað þa hefði folkit fyrir lðngv af lætt<sup>2</sup> að ellta yðr.

þæytti Joab þa lvðr sinn ok stððvaðiz þa allr herrinn. oc skilðv þeir þa at sinni sitt strið. for Abner þa oc hans menn fram eftir vðllvnm oc sva yfir Jordan. oc ęingv þa alla nott sem læið liggr vm Bethoron oc komv sva<sup>3</sup> til herbvða sinna. Enn Joab at vppęefnm Abner hvarf hann<sup>4</sup> aptv oc kannaði lið sitt. oc vorv fallnir af svęinvm Davids .xix. menn aðrir enn Asael. enn þeir hðfv drepit af Beniamin oc þeim monnvnm er vorv með Abner .lx. manna oc .ccc. Joab oc hans menn toko Asael oc færðv i Bethleem oc grofv hann<sup>5</sup> þia fęðr sinvm Sarpbia. þeir Joab ęingv oc alla nottina siðan þeir Abner skilðv oc [komv i dagan<sup>6</sup> til fvndar við Daud i Ebron. Giðrðiz þaðan af oc lengi siðan agi ok vfriðr milli frendaliðs<sup>7</sup> Saul oc þeirra manna er honvm hðfv þionað oc svætunga Davids. oc ox iafnan styrkr oc affi Davids dag fra dęgi. enn þvarr i hverri<sup>8</sup> mattv oc affi sveitvnga Saul. Abner var þa mestr raðsmaðr [oc stiornar<sup>9</sup> þess liðs.

### Her segir af Abner ok Daud.

52. 258. Kona er nefnd Repha.<sup>10</sup> faðir hennar het Ahia. hon hafði verit frilla Saul. Ok ęinn tíma talaði Hisboseth son Saul við Abner frenda sinn oc fostra sva segiandi. Hvi ertv sva diarfr at þv þorir at liggia með frillo favðvr mins. Abner ræiddiz miog orðvm hans oc mælti. Of miog hefi ek vsyniv fest hvnnðzhðfvð a mik moti æltvm Jude er ek [drygða mann<sup>11</sup> yfir hvs favðvr þins oc hans frendr. er ek selldi þik æigi i hendr Daud oc hans monnvnm. en þv sitr vm at þv megir nockvð þat sinna með mer er saknęmt er<sup>12</sup> oc asakar

<sup>1</sup>) huietna, A; allt, Frag. <sup>2</sup>) liett, Frag., A <sup>3</sup>) i mornan tilf. Frag., A <sup>4</sup>) mgl. Frag., A <sup>5</sup>) þar tilf. Frag., A <sup>6</sup>) [foru, A <sup>7</sup>) fręnda, A <sup>8</sup>) saal. oga. A, Frag. <sup>9</sup>) [ok stiornari, Frag.; mgl. A <sup>10</sup>) Respha, Frag. <sup>11</sup>) [setta mann, A; drygda manna, Frag. <sup>12</sup>) se, A

mik vm konv mal. Gæri gvð mik þa hvarki hēilan ne sælan ef ek stvnda æigi a eptir mēgni at fram komi oc fylliz [fyr en siðarr<sup>1</sup> þat er gvð drottinn hefir Daudid hēitið. at allt riki takiz af Saul en rikiss sæti oc æinvalld Dauids hefiz vpp yfir Jsrael oc Jvda. Jsboseth þorði þa ðngo orði at svara. þi at hann ottaðiz eigi litt Abner.

Abner sendi þa sina menn til<sup>2</sup> at flytia grēndi sitt við Daudid. hann<sup>3</sup> segir sva. Sv er [min bæiðni Daudid.<sup>4</sup> at þv gerir sætt við mik oc fastan felagsskap. enn ek skal með allan minn afla með þer vera ok heimta vndir þik sem ek orka allt Gyðinga folk. Daudid sendir þessi orð i moti. Þat likar mer hit bezta at binda felag við þik Abner. enn til verðr þv at vinna ginn lvt. þv skalt æigi fyrr koma mer i avgsyn en þv hefir at færa mer Mikol dottvr Saul konvngs eiginkonv mina. er ek festi mer fyrir .c. preputia Philistinorvm. Hisboseth sendi þegar [oc tok<sup>5</sup> systvr sina Michol at<sup>6</sup> navðgvm Phaltiel Lays syni. er hann hafði þa eiga gengit at raði favðvr hennar sem fyrr var sagt. enn Phaltiel fylgði henne með mikilli sorg oc svt allt til þess staðar sem haitir Barim. þa mælti Abner til hans. Far [oc hverf<sup>7</sup> apr sem skiotaz. þvi at þv fær hana alldri siþan. Phaltiel hvarf<sup>8</sup> astr með miklvm harm<sup>9</sup> hvgar.

Abner [a nv<sup>10</sup> tal við avldunga<sup>11</sup> Jsraels. þer hafð vm hrið talað til at Daudid skyldi rikia yfir yðr. gærið nv þat sama. gangit nv til handa honvm. þi at drottinn segir sva. J hendi Daudid þræls mins man ek læysa lyð minn Jsrael vndan vandv valldi Philistinorvm oc allra hans vvina. Slikt hit sama talar Abner við<sup>12</sup> Beniamins lyð. oc toko hvarirtveggio þvi val. Siþan bioz Abner at fara til fvndar við Daudid [oc segia<sup>13</sup> honvm hvar þa var komið gða hversu Jsrael oc Beniamins lyðr villdi allt vera lata. Abner hafði með ser lið mikit oc Michol konvngs dottvr. for hann þa oc fann Daudid i Ebron. Fagnaði konvngr honvm með ðllvm bliðskap oc giðrði honvm oc hans monnvmin hina bezto væizlo. Siþan mælti Abner. Nv man ek fara minn herra konvngr oc<sup>14</sup> hēimta vndir þik sem ek ma við komaz allan Jsraels lyð oc semia þat sattmal við yðr. at þv æinn skalt raða oc yfir alla bioða sem þv vill. Nv iafnskiott sem Daudid hafði Abner læiðt vt með sqmð oc lēt hann fara i friði. þa komv hēim hermenn Dauids. oc var Joab höfðingi þeirra. konvngr hefir þa sent moti heiðingiom oc vikingvm er gengo a rikit. höfðv þeir fengit oc flvttv með ser ofa mikit herfang.

<sup>1)</sup> [mgl. A <sup>2)</sup> mgl. A <sup>3)</sup> ok, A <sup>4)</sup> [þen miu, A <sup>5)</sup> [menn til at taka, A <sup>6)</sup> af, A <sup>7)</sup> [mgl. A <sup>8)</sup> sneri, Frag. <sup>9)</sup> harmi, A <sup>10)</sup> [atti, A <sup>11)</sup> höfðingia, Frag. <sup>12)</sup> allan tilf. A <sup>13)</sup> [ok segir, A; at segia, Frag. <sup>14)</sup> at, A

353.

Nú sem Joab var kominn í Ebron og hans menn. enn Abner er nú farinn brottv. þá var Joab þegar sagt at Abner hafði komit til konungs og at konungur hafði tekit honum val og bliót<sup>1</sup> og latið hann fara frialsan og í friði. Joab gekk þegar inn fyrir konung. ecki kvaddi hann konung. nema með ræði og asakanar orðum segir hann sva til hans. Hvat hefur þú górt. vissir þú eigi at Abner kom til þess hingat at svikia þik og verða viss um alla þína framferð og raðagiðrð. og ægi veit ek hvi þú letz þann svikara frialsan fara brotlo. Konungur svarar öngv. Joab gekk vt. sendi þegar menn eptir Abner at vvitanda Daud. og bað segia at konungur villdi finna hann. Sem Abner kom aþr í borgina. settiz hann niðr einshvers staðar með svæina sína og gekk ægi þegar inn fyrir konung því at hann vissi ser eingiss otta vanir. þá gekk Joab at honum og læiddi hann a ein-tal fra sínum monnum í miðt lið borgarinnar. hann hafði brvgðit sax vndir ífirhðfninni og lagði í gðgnum hann. sva at hann fell íafnskiott dæðr niðr a iorð. Joab mælti við<sup>2</sup> er hann lagði hann. Sva hæfni ek Asael bróðr mins. Sem konungur fretti vigit með öllum atvikum sem til bar. mælti hann. Hræinn em ek ok saklavss og allt mitt ríki af bloði Abner sonar Ner. komi hefnd bloðs hans í höfð Joab og yfir favðvrhvs hans. sva at alldri missi hann og hans frendr nöckvrs vfaruðar.<sup>3</sup> solta gða vfríðar. farskaða gða fatæktar.

Daud konungur kallar nú saman allan lyð þann er með honum var. og segir sva. Her hafa vorðit mikil tíðendi og ill er Joab son Sarphie<sup>4</sup> hefur drepit Abner með samþykki Abisai bróðr<sup>5</sup> síns. fyrir þat er Abner hafði nauðigr fellt í bardaga<sup>6</sup> bróðr<sup>7</sup> þeirra Asael. Nú fyrir þetta hit hörmvliga verk skaltv Joab og allir menn slita af þer og yðr clæðin og clæðaz seckum og hrygðarbvningi. og sva syta drap og dæða þessa hins ageta höfðingia Abner. og gerið nú hans líkerð með hrygð og harmi. þeir gerðv sva sem hann bauð. enn sialfr Daud konungur fylgði börvnum. Og er þeir höfðv iarðat hann talaði konungur yfir grestinum með miklum ryggleik sva segiandi. Sömð er þer þat Abner er þú hefur ægi hlotið daligan dæðann þann er mækligr er vdyggum monnum og illgiðrnum. eigi vorv hendr þínar daliga hvndnar ne fætr þínir fíotrnum læstir. helldr vart þú vapndævðr sem verða kann fyrir svikafvllum sonum ranglætiss. Felldi þá konungur sialfr tar. og allr lyðr græt vörnum tarum a læði Abner og var í sorg og svt alla þá nött. Enn at líosum degi eptir komanda sem [allt folk<sup>8</sup> æll-

<sup>1</sup>) blidlega, Frag. <sup>2</sup>) saal. ogs. A; mgl. Frag. <sup>3</sup>) vfagnadar, Frag. <sup>4</sup>) Sar-phie, Frag. <sup>5</sup>) bróður, Frag. <sup>6</sup>) Her ender Fragm. XII. <sup>7</sup>) bróður, A <sup>8</sup>) [allr lyðr, A



aði til borðs at ganga eftir vanda með konvngi. þá sagði hann sva. þat veit gvd at ek skal æigi snæða a þessvm degi fyrir solarsetr. Allr lyðr hærði þat hvat hann sagði oc þocknaðiz þeim vel allt þat er hann giðrði. oc fðstodv allir þann dag. vvrðv þa hðfðingiar Gyð- inga visir oc qll alþýða at þetta var ecki rað Dauids er Abner var drepinn. Konvngr talar þa enn til sinna manna. Eigi er yðr vkvnn- ict felagar. at nv er drepinn hinn mestu oc hinn mattkasti hðfðingi Gyðinga. en þo at ek se valðr oc vigðr<sup>1</sup> þa verða mer þo allt at æino harðir i hðnd at taka synir Sarphe. sem gvd drottinn hefni þeim [illzkv sina er illt gera.<sup>2</sup>

### Fra (dauða) Hisboseth sonar Sauls konungs.

259. Nv sem Hisboseth son Sauls frettir at Abner var felldr i Ebron. angraði hann þat miok. oc allt Jsraels folk fylldiz við þav liðendi af vgg oc otta. En .ii. synir Sauls lavgdvzt vt a fðll til spell- virkia oc gerðvz þeirra hðfðingiar. het annarr þeirra Banaa gða Bech- ana. enn annarr Rechab. þeirra moðir het Remon. hon var komin af kyni Beniamin oc ættvð af þeirri borg er Beroth het. Enn at davðvm Saul var henni skipat riki Beniamin sem hon atti ætt til. enn synir bennar flyðv i þann stað er het Gerahim<sup>3</sup> oc hældo sik þar vm hrið sem aðrir vtlendir menn gða læysingiar. Jonathas son Saul atti oc eptir þinn son er het Miphiboseth. hann var sollama. þi at þa var hann .v. vetra gamall er frettiz fall Sauls oc Jonathe. við þav liðendi varð fostra svæinsins sem annað folk felmsfvll. toc hon svæininn oc villdi flyia. oc er hon skvnndaði sinne fgrð sem mest i flottanvm fell hon með svæininn oc mæiddiz hann at fotvnm. sva at hann var æ siþan halltr oc miog hrvmr til gðngv. þat var æinn dag sem varla mætti vti vera fyrir hita at Hisboseth svaf vm hadegi inni i herbergi i sæng sinne. þa koma þar<sup>4</sup> Banaa oc Rechab synir Remon sem fyrr er ritið. þeir gingv inn i herbergit at hvilvnni er Hisboseth svaf i. baro þegar vapn a hann oc drapo. slogv siþan hðfvð af honvm oc hðlvð með ser. forv þa brotlo oc gingv alla nottina vm gyðimðrk. komv fram i Ebron oc færðv Daud konvngi hðfvð Hisboseth brqðr sins. sva segiandi. Sæ her herra konvngr hðfvð Hisboseth sonar Sauls þins vvinar er sat vm lif þitt. oc hefir nv hefnt fvlkumluga þinna mæingerða a Savl oc hans kyni. Konvngr svaraði. Lifandi gvd væit sa er mik læysti af mðrgvm navðvm. at þa er sa maðr kom til min i

<sup>1</sup>) til konungs tilf. A   <sup>2</sup>) [mgl. A   <sup>3</sup>) Geraphim, A   <sup>4</sup>) brædr hans tilf. A

Sicileg er drepið kvaðz hafa Saul konvng af sialfs hans bøn oc ællaði ser þat til sðmðar oc framkvæmðar við mig. tok ek hanu oc læt ek drepa hann. þi at mer þolti þat hæyrilict at gæfa honvm slíka ðmbvn fyrir sina ofðárfð er hann þorði sva miklvm glæp at lysa a sialfan sik. þa er mer nv miklo skyldra at qmbvna ykk miskvnnarlavsir morðingiar þenna grimðarfvlla glæp. er þið niddvz a herra ykrvm oc drapvð saklavsan broðvr ykkarn sofanda i sialfs sins herbergi. gvð lati mik ægi sva lyta lavgin at þið lifð lengi fyrir þetta niðingsverk. þi at þat er min navðsyn at hræinsa iorðina i ykro afnami. enn ykr er mikil hialp at taka helldr braða hefnd oc skiota refsing enn þessi sqk læiði ykr til eylifra qvala. þvi næst bavð David sinvm monnvm at höggva af þeim hendr oc fotr. oc eptir þat læt hann hæingia þa við stavðvvatn æitt þar i Ebron. Enn höfvð Hisbo-seth let hann grafa með sðmð hia Abner höfðingia fostra sinvm.

---

Fra sonum David konungs. capitulum.

260. Davið konvngi fæddvz þessir synir meðan hann rikði i Ebron. Hinn ellsiti het Ammon. hans moðir var Achinoem af Jezrael. annarr het Chelaab. hans moðir var Abigail er att hafði Nabal i Charmelo. þriði var Absalon. hans moðir het Maacha dottir Tholomei konvngs af Gessvr. .iiii. Adonias. hans moðir het Aggith. .vii. Saphathia. hans moðir var enn Abigail. .vi. Jetraan. hans moðir het Eglagða Agal. hon var enn eiginkona Davids.

---

Her segir af David konungi. capitulum.

261. <sup>1</sup>Þa er David hafði konvngr verið i Ebron [i ríki yfir<sup>2</sup> Juda .vij. ár oc .vj. manaði. þa komv menn or ðllvm kynkvíslvm<sup>3</sup> Jsrael til fvndar við hann. sva segiandi. Ver ervm þinir ættmenn oc nv höfðingialavsir. enn þa fyrrvm er Saul konvngr var a lifi. vart þv settr höfðingi ok hertogi oc þi heitið af gvði at þv skyldir sęða lyð drottíns. nv vilívm ver allir þer þiona þi at þv ert ælskvligr faðir ðllvm þinvm monnvm. þa komv oc til hans margir höfðingiar Gyðinga oc gerðvz allir hans menn oc hętv honvm hlyðni. var hann þa til konvngs tekinn ífr Jsraels ríki oc Juda. David konvngr bioz nv af Ebron með alla sina menn er þa vorv með honvm. oc for fyrst

<sup>1</sup>) Her begynnder atter B <sup>2</sup>) [yfir ríki, B, A <sup>3</sup>) kvíslum, B

til motz við þann lyð er het Ebuseus er bygði<sup>1</sup> Hiervsalems oc þat ríki sem<sup>2</sup> þar liggir til. Var þa sagt Dáuid at blindir menn oc halltir i Hiervsalems heitaðiz<sup>3</sup> at banna honvín borgina. Dáuid tok þegar i fyrstu lurninn Sion oc settiz þar i með sína svæit. Lét hann þaðan veita arasir heiðingiom oc drepa<sup>4</sup> allan lyð Jebuseum i Hiervsalems enn<sup>5</sup> reka a brotto alla blinda menn oc hallta þa sem honvín höfðvadr hotað. Þaðan<sup>6</sup> er sa orðzqvíðr at blindr oc halltr skal ægi hafa herbergi. Konvngur lét gera hinn styrkasta<sup>7</sup> vegg oc vigi vinn Sion. oc kallaði Dáuid<sup>8</sup> borg. þroaðiz þa oc ox hans styrkr oc afli. Þi at drottinn gvð allzheriar var með honvín. Sa konvngur er Hiram er nefndr sendi nú menn til [konvngs Dáuid<sup>9</sup> með vinmálum<sup>10</sup> oc mðrgvinn pre-sentvinn oc með þðrvinn goðvinn gíofvinn. sendi Dáuid konvngi ágæt tre cedrina er alldri kvinnv at<sup>11</sup> fyna. þar með hina hagosto smíða<sup>12</sup> a tre oc stein at smíða honvinn [hvs ok herbergi.<sup>13</sup> Skilði Dáuid at drottinn hafði nú skipað honvinn einvalld yfir allan sinn lyð Jsrael. hvgsar þat með sér at hann a þetta gvði at gíalda með allri ast er goðvillia-þionosto.<sup>14</sup> sem enn man síðarr birtaz i frasðgvinni.<sup>15</sup> Dáuid tok sér enn fríllor oc sva eiginkonvur i Hiervsalems síðan hann kom af Ebron oc gat við þeim bæði syni oc dætr. Þessi ero<sup>16</sup> nafn sona hans þeirra sem honvinn fæddvz i Hiervsalems Samaa<sup>17</sup> oc Sabab.<sup>18</sup> Nathan oc Salomon. Hibaar oc Helisva. Nephēc oc Japhia.<sup>19</sup> Helisama. Helida oc Heliphelech.

#### Fra vsigri heidingia ok flotta.<sup>20</sup>

262. Heiðinn lyðr frettir nú Philistim at Gyðingar hafa tekit Dáuid til konvngs ífir allt sitt ríki. fara<sup>21</sup> þa Philistim með mikinn her vpp i Gyðingaland oc sitia vinn ef þeir næði Dáuid. Sem hann fer<sup>22</sup> niosn af.<sup>23</sup> þa læitar hann þangat raða sem hann var vanaztr. at hann [frettir drottinn<sup>24</sup> hvart hann skal fara i mot hæiðingiom er þa vorv komnir i dal þann er het Raphaim. gða hvart gvð myndi<sup>25</sup> gefa þa i hans valld. þa mælti drottinn við Dáuid. Far þv avrvggur i mot Philistim. þi at ek man svllkonnliga selia þa i þinar hendr. Konvngur fór þa með sína menn. þeir þðrvz i þeim stað er kallaðr

<sup>1</sup>) i tilf. B, A <sup>2</sup>) er, B <sup>3</sup>) heitaðvz, B, A <sup>4</sup>) drapu, B <sup>5</sup>) ok. B <sup>6</sup>) af tilf. B, A <sup>7</sup>) sterkazta, B <sup>8</sup>) Dáuids, B <sup>9</sup>) [Dáuid konungs, B <sup>10</sup>) vinmælum, B <sup>11</sup>) mgl. B <sup>12</sup>) smíði, B, A <sup>13</sup>) [saal. A; herbergi, B; hvs herbergi, C <sup>14</sup>) ok sgmð tilf. B <sup>15</sup>) frasqgninni, B <sup>16</sup>) vorv, B <sup>17</sup>) Samua, B <sup>18</sup>) Sobab, B <sup>19</sup>) Saphia, B <sup>20</sup>) Er gvð talaði við Dáuid, A <sup>21</sup>) foru, B <sup>22</sup>) frettir, B <sup>23</sup>) þeim tilf. B <sup>24</sup>) [biðr drottinn syna sér, B <sup>25</sup>) myndi, B

var Baalpharasim. oc fekk konvngur sigr oc drap síðla hæðingia.<sup>1</sup> enn þó flyðo fleiri. þá mælti Daid. Lofaðr se drottinn minn er hann hefir dræpit<sup>2</sup> oc i svndr græint mina vvini. a sðmv læið oc rennandi vavtn svndr<sup>3</sup> græinaz. Var nv fyrir þi sa staðr kallaðr Baalphasarim<sup>4</sup> at hæðingar hliopv þar fra skvrðgoðvm sinvm gvlligvm.<sup>5</sup> oc tok Daid konvngur þav oc hans menn með qðrv herfangi. Philistim gafvz<sup>6</sup> enn æigi vpp. helldr samnvðv þeir nv her<sup>7</sup> af nyio ok flvltvz saman i dal<sup>8</sup> Raphaim oc ætla þa fullkomliga at hefna sin a Gyðingvm. Sem Daid hæyrði þetta. raðgaz hann vm við drottin. Enn drottinn mælti til hans. Eigi skaltv nv raða at þeim. helldr skaltv kringia líoðliga með þitt lið fram hia þeim. sva at þv komir síþan a bak þeim ovqr- um oc lavpa þegar a þa með hðrðvm bardaga er þv hæyrir hornblastr a høgð sytandi manna. þi at þa man ek segir drottinn ganga fram fyrir þik oc sla herbvðir Philistinorvm. Konvngur giðrði sem gvð bavð hon- vm. oc þegar sem þeir svndvz flyðv Philistei. enn Daid oc hans menn [fylgðv oc<sup>9</sup> rakv flottann oc drapv þa allt fra þeim stað er Gabe heitir þar til er fram kðmr i Gezer. eptir þat hvarf hann apr i Hierusalem.

#### Fra þi er sott var orkin helga.<sup>10</sup>

263. Þi nðst kallar Daid konvngur saman allan lyð Jsrael oc lysir þi fyrir ðllo folki. at hann ætlar at fara i Gabaa at flytia þaðan hina hælgu sattmalsðrk drottins. Hann velr nv af Gyðingvm allt hið friðazta lið til þessar ferðar .lxxx. þvsvnda.<sup>11</sup> Síþan [lyptir hann sinne<sup>12</sup> ferð með þetta lið af Hierusalem oc kom fram i Gabaa til herbergia Abinadab<sup>13</sup> kennimannz er þa varðvgitti ðrkinni. þeir toko ðrkina<sup>14</sup> oc baro vt oc seltu i einn nyian vagn. Enn Oza oc Haio synir Abinadab<sup>15</sup> styrðv vagninvm. ok sem þeir tokv til ferþar geck Haio fram fyrir ðrkinni hælgu enn Oza eptir. En Daid konvngur oc allt folkið læko fyrir drottini hðrpor oc gigior. symphon oc psallteria. oc allz hattar songfæri [sem af tre verða gior.<sup>16</sup> ok sem þeir koma fram at þeim garði er haitir Nachors garðr. þa rðtti Oza til hðnd sina oc hçllt apr qrkinni. en vxarnir er drogv vagninn oc avrkina spyrndo við fast. Drottinn reiddiz Oze<sup>16</sup> oc slo hann fyrir sina of-

1) riddara, B 2) dreift, A 3) mgl. B 4) saal. ogs. B; Baalpharasim, A 5) gyllidum, B 6) þó tilf. A 7) saman tilf. B 8) þann er heitir tilf. A 9) [mgl. B 10) Fra Daid konungi, A 11) þusundraða, B 12) [hefir hann sina, B 13) Aminadab, B 14) af husi Aminadab tilf. B 15) [mgl. A 16) i moti Ozam, B

diríð. sva at hann fell þegar dæðr niðr. Dáuid konvngv varþ miog  
ryggv við dæða Oze<sup>1</sup> oc otaðiz at flytia avrk drottins at sinni i  
Hierusalem. helldr sneri hann með hana til herbergia þess mannz [er  
bet Obethedom.<sup>2</sup> oc var hon i hans hvsi .iii. manaði. Gvð drottinn  
blezaði Obethedom<sup>3</sup> oc alla hans eign fyrir hina helgv ork. Eptir .iii.  
manaði for Dáuid konvngv oc flvtti þaðan órkinu i Hierusalem með  
glæði oc fagnaði. Konvngv sialfr afclæddr<sup>4</sup> konvngligvm bvnaði oc  
skryddr litillatligvm linclæðvm ligk fyrir drottini með ðllo magni oc  
kvnnattv.<sup>5</sup> oc þar með allr lyðr kringði vm órkinu með skemtan oc  
söngfervm. Sem órkin kom innan borgar i Hierusalem leit Michol  
drotning vt vm einn glvgg oc sa Dáuid konvng litillatliga læikanda  
fyrir drottini.<sup>6</sup> þa fyrirlæit hon hann<sup>7</sup> i hvgr ser. Nv flvltv þeir órk  
drottins i kastalann Sion<sup>8</sup> oc setto hana niðr i miðia tialldbvð<sup>9</sup> er  
Dáuid hafði aðr reist oc vmbvið fyrir órkinne. Síþan ferði konvngv  
þar friðsamligar fornir i avgliti drottins. Eptir þat for allr lyðr brotto  
sem [hann hafði fyllt<sup>10</sup> allt embætti fornferingar oc [blæzað allan  
lyð<sup>11</sup> i nafni drottins. hvarf<sup>12</sup> þa hverr til sins heima. Sneri þa kon-  
vngv heim at blæza hirð sina [oc herbyrgi.<sup>13</sup> Enn Michol drotning  
þrvngin af metnaði geck vt i mot honvm sva segiandi. Ho ho. hversog  
ligvligv var i dag konvngv Jsrael. er [hann afklæddiz fyrir ambaltvm  
þræla sinna oc<sup>14</sup> liæk navkðr sem æinn snapligr trvðr. Konvngv  
svarar litillatliga sva segiandi. Leika skal ek oc gera mik lagan i  
sialfs mins avgliti oc virða mik sialfr þi minna sem drottinn setr mik  
hæra. fyrir hvað skal ek lagr oc litill dramba af gvðs giðf. þo at gvðs  
miskvnn hafi mik valit til hertoga oc hðfðingia yfir sinn lyð vtan  
allan minn verðlæik. oc þi skal ek nv [enn giarna<sup>15</sup> skemta gvði  
minvm oc litillatligarr læika fyrir honvm helldr enn ek liek fyrrvm  
fyrir feðr þinvm oc allri hans hirð. oc man engi goðr maðr mer  
þat virða til nðckorðar smanar.

#### Fra syn Nathan spaamannz.<sup>16</sup>

264. Sem Dáuid konvngv hafði frelst oc friðað fyrst i stað riki  
sitt. oc gvð gaf honvm naðir oc afsetti þeim illa agangi oc vfríði  
sem vvinir væitto Gyðingvm oc hann sæltiz vm kyrt i Hierusalem.

<sup>1</sup>) Ozam, B <sup>2</sup>) [Obethoedom gethei, B <sup>3</sup>) Obethoedom, B <sup>4</sup>) afklæddiz, B, A  
<sup>5</sup>) kunnostu, B <sup>6</sup>) ork drottins, B <sup>7</sup>) konung, B <sup>8</sup>) mgl. B <sup>9</sup>) drottins  
tilf. A <sup>10</sup>) [fyllt uar, B <sup>11</sup>) [blezaðr allr lyðr, B <sup>12</sup>) for, A <sup>13</sup>) [mgl. B  
<sup>14</sup>) [mgl. B <sup>15</sup>) [enn giarnara, B; giarna, A <sup>16</sup>) Fra Nathan spa-  
manni, A

þa kallar hann til sin ginn agætan spamann er Nathan er nefndr oc [talar sva segiandi.<sup>1</sup> Varla syniz mer viðrkvæmiliht sem þv malt sia segir konvng. at ek byggj<sup>2</sup> i þeim höllvm oc herbergiom sem giðr ero af agætvn triom<sup>3</sup> cedrinis. enn hin helga ðrk drottins er selt i gina fatækliga oc skinnþakða tialldbvd. fyrir þi hvgsa ek at gera drottni hvs til helganar hans nafni. Nathan svaraði konvngi. Giðr alla lvti minn herra konvngr sem þv hefir i hvg oc hiarta. þi at drottinn er með þer. Se nv a næsto nott eftir þetta kom yfir Nathan rødd sva segiandi. Far þv til fvnndar við minn trvlyndan þrel David konvng oc tala sva til hans. Hvat mant þv smiða mer hvs til ibvðar. þar sem ek hefir enn alldri i hvs i byggðt siþan ek [læiddi syni<sup>4</sup> Jsrael af Egyptalandi oc allt til þessa dags. nema helldr flvttvmz ek iafnan i tialldbvdðr hvar sem ek for með þeim. Ejgi bavð ek nõck-orvm<sup>5</sup> domanda [þeim sem ek selti til at stiorna minvm lyð.<sup>6</sup> at hann skyldi mer hvs gera af triam cedrinis. Ok nv skaltv sva segia þion-ostvmanni minvm David. þessa lvti segir drottinn gvð allzheriar. Ek tok þik or hogvm fra hiarðargezlo oc setti<sup>7</sup> ek þik hertoga yfir lyð minn. oc var ek með þer i öllvm lvtvm hvar sem þv for. oc æyddi<sup>8</sup> ek öllvm ovinvm þinvm [fyrir asyn þer<sup>9</sup> oc gaf ek þer tignarnafn sem hinvm eztvm<sup>10</sup> höfðingiom heimsins. oc man ek planta oc groðsetia<sup>11</sup> þann stað sem lyðr minn Jsrael skal byggia. oc æigi man hann þvrfæ at ottaz vm þina daga at ranglatir menn mani kvælia hann sem fyrr a dögvn domanda. oc ek man gefa þer naðir oc frelsa þik af öllvm þinvm vvinvm oc segia þer fyrir hversu þv skalt sialfvn þer gæra hvs oc herbergi. Oc vel hefir þv þat hvgsað at þv mant mer hvs gera til dyrkanar. æigi man þer þess avðit verþa. helldr [sem fylldir verða<sup>12</sup> dagar þinir at þv sofnir i friði með fegðr þinvm af þesso lifi. þa man ek vekia vpp kyn þitt eptir þik oc man ek styrkia riki sonar þins. hann man smiða hvs oc helga mīno nafni. Ok man ek styðia riki hans at eylifo oc vera honvm vbrigðr faðir. enn hann mer elskvligr son. ef hann gæymir minna boðorða oc fræmr rættlætis doma. enn ef nockot gerir hann rangliga. þa man ek asaka hann oc hirta með raðningarvendi mannligrar<sup>13</sup> striðv enn taka æigi fra honvm mina miskvnn sem ek tok fra Saul. Oc man hyski þitt oc riki vera þer tryggt oc trvlynt iafnan i þino avgliti. oc stoll þinn þat er konvngliht valld man iafnan styrkiaz.

<sup>1)</sup> [sagði sva, B; talar sva, A    <sup>2)</sup> byggia, B    <sup>3)</sup> tream, B, A    <sup>4)</sup> [leidda sunu, B    <sup>5)</sup> stiornara eðr, B    <sup>6)</sup> [sem ek setta yfer minn lyð til at stiorna honum, B    <sup>7)</sup> setta, B    <sup>8)</sup> eydda, B    <sup>9)</sup> [mgl. B    <sup>10)</sup> hestum, B  
<sup>11)</sup> rotvetia, B    <sup>12)</sup> [manv fyllir, B    <sup>13)</sup> maktigrar, B

Nv for Nathan þegar i stað til fvnðar við konvng oc sagði hon-  
vm syn þessa alla. oc flvtli fram hvert orð sem gvð bavð honvm.  
[Konvngur Daudid sem hann<sup>1</sup> hæyrði þetta. geck hann iafnskiott til  
tialdbvðar drottins oc lagðiz litillatliga til bqnar i gvðs avgliti oc  
sagði sva. Hæyrðv drottinn minn gvð. Hvers nyt ek at oc mitt hyski  
er þv læz<sup>2</sup> þer soma at læiða mik fram með þinni halæitri hialp allt  
til þessa tima sem nv er yfir mik kominn. Ok enn syndiz þer drottinn  
minn ægi fvllgiðr sv hin mikla miskvnn er þv virðiz at vçila mer  
vverðvm þinvm þreli allt hingat til. vtan iafnvel talaðir þv fram ifir  
mitt hvs langa çfi heðan af þin sagrlig fyrirhæit. Lofaðr ser þv at  
eylifo almattigr gvð. þi at çngi er annarr þer likr oc çngi er gvð  
vtan<sup>3</sup> þv æinn lofandi oc çlskandi i ðllvm lvtvm. Eingi er slik þioð  
a ðllo iarðriki sem þinn lyðr Jsrael. er þv læystir af Egyptalandi  
oc valðir af ðllvm þioðvm þer til ærsðar oc æignar oc lagðir þitt  
nafn a. oc syndir þeim þin stormerki mikil a sia<sup>4</sup> oc a landi. oc  
styrkðir þinn lyð iafnan at þv fremðir oc fvllgiðrðir þitt orð hit  
helga oc styrktir til mikils mattar moti þinvm vvinvm. Nv biþ ek  
drottinn minn at þv fremir oc fyllir þitt hit helga orð. þat er þv  
hefir talað fram ifir mik oc mitt hvs. Blæzaðv mer þræli þinvm oc  
minv hvs i oc [hird oc<sup>5</sup> ðllvm Gyðinga lyð er þv hefir mer a hendi  
folgit at eylifv. þvi at þv ert drottinn gvð allzheriar oc orð þin ero  
savnn vm alldir verallda.

#### Sigraðer Philisteos af Daudid.<sup>6</sup>

265. Eptir þetta ferr Daudid konvngur með her sinn a hændr Phil-  
isteis oc bravt þa vndir sik oc tok af þeim [giðlld stor<sup>7</sup> oc giðrði  
þa skattgillda. þa barðiz hann við þa þioð er het Moab oc tviskiþli  
þeim lyð. sva at hann drap helming enn lçt lifa annan hçlming oc  
skattgilldi. þvi næst striddi hann við þann konvng er [ncfndr er<sup>8</sup>  
Adadezer.<sup>9</sup> hann reð fyrir þi riki er het Soba. þeir fvnnvz vm farinn  
veg þa er Adadezer flvtliz með allmikinn her oc çtlaði at setiaz  
að riki avstr við hina miklo Evfratçn. Felldi Daudid konvngur af honvm  
þvsvnd çinvala riddara oc .xx. þvsvndir [folgangaða hers.<sup>10</sup> hann  
mæiddi çða drap eyki þeirra enn bravt kerrvr þeirra oc vagna. sva  
at ægi vrðv meirr eptir enn .c. vagna. J þeirri ferð kom Daudid

<sup>1</sup>) [Sem Daudid konungur, B <sup>2</sup>) liez, B <sup>3</sup>) nema, B <sup>4</sup>) sio, B <sup>5</sup>) [hlif, B

<sup>6</sup>) Er Daudid yann borgina Damasco, A <sup>7</sup>) [stoor inngiçlld, B <sup>8</sup>) [het,  
B, A <sup>9</sup>) son Reob tilf. B <sup>10</sup>) [folgunguliða, B

konvngur [avstr i<sup>1</sup> Syrland allt til Damaskoborgar at sitia þar fyrir Adadezer konvngi. Syrlandz höfðingiar elldv her i mot honvm oc bavrðvz við hann. oc felldi hann af þeim [xxii. þvsvndir<sup>2</sup> hravstra dręingia. Vann hann af þeim Damaschvm oc settiz þar með sinn her. oc striddi þaðan a landzmenn<sup>3</sup> langan tima oc skattgilldi vnnDIR sik allt Syrland. Daid konvngur tok at herfangi i Syria mikinn fólða vapna þeirra er af gulli voro ger. oc enn mikit fe i gulli oc męnvm oc dörvm bunaði er menn Adadezer konvngs höfðv att. flvtti hann þetta fe allt i Hiervsalein hęim. enn þetta gull tok siþan Svsi<sup>4</sup> konvngur af Egyptalandi. þa er hann heriaði i Hiervsalein a dögvn Rob-oam sonar Salomonis.<sup>5</sup> Daid konvngur tok oc ęir mikit oc annan malm mikinn or þeim höfvðborgvm er hęita Batha<sup>6</sup> oc Boroþ. þat var allt riki Adadezer konvngs. af þęim malmi giðrði siþan Salomon konvngur ęirlig ker oc aðra navðsynliga<sup>7</sup> lvti i mvsteri drottins.

Konvngur er nefndr Thoy<sup>8</sup> er reð fyrir því riki er het Emath. [hann sendi<sup>9</sup> svn sinn er Joram het til fvnnar við Daid konvng með vinmęlvn oc mðrgvm presentvm. oc heilsaði hann með miklvn fagnaði oc vęitti honvm margfalldar þackir fyrir þat er hann striddi við Adadezer konvng. þi at hann var hans<sup>10</sup> mesti vvin. [oc með dörvn giofvn sendi Thoy<sup>11</sup> Daid konvngi mðrg kęr giðr af gulli oc silfri oc dörvn hnossu.<sup>12</sup> Enn þessa lvti hęlgaði Daid oc gaf gvði með því dörv gulli oc silfri er hann dro saman af öllvm rik-ivm þessvm. af Syria riki oc Moab oc Amon oc Philistim oc Amalech. oc þat allt sem hann tok af Adadezer konvngi oc hans monnvm. Giðrðiz þa Daid konvngur allnafnsregr. Sem hann hvarf aptR með sinn her [er hann hafði vnnið Syrland. þa kom hęiðingia herr i moti honvm<sup>13</sup> oc drapv Gyðingar af þeim i dal Salinarvm<sup>14</sup> [xviii. þvsvndir<sup>15</sup> manna. Litlo siðarr bðrðvz þeir þar sem het Gebelem oc felldo af hęiðingiom [xxviii. þvsvndir.<sup>16</sup> Daid elldi vigi i Jdumea ok setti þar i sina menn til landzgezlo. því at allt þat riki var honvm lyðskyllt. oc varðvęitti gvð drottinn Daid i qllvm þessvm hernaði oc fðrvn. Settiz hann nv i riki sitt oc dömdði allan sinn lyð með miskvnn oc rettlęti oc stiornaði sino riki val<sup>17</sup> oc vitrliga með ving-an allra Gyðinga.

<sup>1)</sup> [a, B <sup>2)</sup> [tær þusunder ok .xx, B; .lxx. þusunda, A <sup>3)</sup> landzfolk, B <sup>4)</sup> Svak, B <sup>5)</sup> ok hann kom i Hierusalem af iqrðu Machimas tilf. B <sup>6)</sup> Bethē, B <sup>7)</sup> þarfiga, A <sup>8)</sup> Chori, B <sup>9)</sup> [ok heyrði hann at Daid konungur hafði brotit hans afl ok sendi hann, B <sup>10)</sup> hinn tilf. B, A <sup>11)</sup> Chori, B <sup>12)</sup> tilf. B; [mgl. A <sup>13)</sup> [a moti Adadezer, B <sup>14)</sup> saal. B; Salmarum, C, A <sup>15)</sup> [xii. þusundrat, B <sup>16)</sup> [iii. þusunder ok .xx., B <sup>17)</sup> vel, B



## Fra agietisuerkum Daudid ok kappu hans.

266. Margir agætir höfðingar at hræysti oc styrklæk vorv með Daudid. Enn fyrstr oc fremstr<sup>1</sup> at telia var<sup>2</sup> sialfr Daudid konvngur sitandi i sino velldiss sæti. hinn spakasti höfðingi milli sinna kappu. Hann er sva agætr oc berr af qörvm<sup>3</sup> vm alla fremð oc frægð sem hinn fegrsti kvistr nyrvnninn vpp af algræno alldintre. Þat er æitt af mörgvm hans fremðarverkvm at hann drap<sup>4</sup> .dccc. heiðingia i einni snerro. Næst konvngi at allri hræysti oc hvgrprýði var Eleazar frendi hans. þeir vorv brøðra synir oc Daudid konvngur. Einn tima þa er Philistim mæltu morg haðvlig orð við Daudid konvng oc allt Gyðinga folk oc liopv a þa með sva akavvm bardaga at Jsraelite létv vndan. vtan Eleazar stoð einn eptir oc veitti gitt embætti öllum heiðingiom þeim sem hann naði sino sverði til. at hann drap Philisteos allt þar til er hönd hans þreyttiz [oc þrvtnaði<sup>5</sup> af erfiði oc krepti<sup>6</sup> at meðalkaflavvm sva at hann matti lengi æigi rætta. vann gvð fyrir hann a þeima degi Gyðingvm micla hialp oc hæliso. sva at þat folk sem aðr hafði flyið hvarf þa aþr at rvpla oc ræna valinn er hann hafði drepð. Þar næst vm allan hvalleik gecc sa maðr er Samaa het. þat var enn at Philistei striddo a Gyðinga við einn akr oc baro þa ofrliði.<sup>7</sup> sva at allir læitaðv vndan nema Samaa stoð eptir a akrinvvm oc hio a tvær hændr oc drap heiðingia. Gaf drottinn þa enn mikla miskvnn fyrir hans handaverk.

Þat var miclo fyrr þa er Daudid hafði flyið vndan ofsokn Saul konvngs oc læyndiz i ríki Philistinorvm. þa foro þrir höfðingar oc hans kerrir vinir at læita hans oc svundo hann i helli Odolla. Einn af þeim .iii. höfðingiom var Abisai son Sarphie brøðir Joab. annarr het Sibachai. hinn þriði het Nathan. Litlu siðarr sem Daudid með sina svæit sæt i virki gino i ríki Geth. sem fyrr er ritað. enn Philistei vorv þa enn komnir með mikinn her i Gyðinga land oc kringðv sinvm herbvðvm vmhverfiss Bethleem. þa var þat æinn dag sem Daudid oc hans menn mgddvz af miclvm solar hita at Daudid mælti fyrir mivnni ser. Mikit eptirlæti veri nv at drecka kallt vatn or þeim fagra brvnni er stendr við borgarhlið Bethleem. Enn þessir .iii. kappar sem nv vorv<sup>8</sup> nefndir Abisai oc hans felagar [hleyptu sem<sup>9</sup> hvatazt<sup>10</sup> mattv þeir i herbvðir heiðingia oc toko vatn or þeim brvnni sem hann hafði til talat oc ferðv honvm. Sem hann tok við vatnino. villdi hann æigi drecka. helldr ofraði<sup>11</sup> hann þat drottnei sva segiandi. Drottinn

<sup>1)</sup> af þeim tilsf. B <sup>2)</sup> tilsf. B <sup>3)</sup> qllvm, B <sup>4)</sup> með sverði tilsf. B <sup>5)</sup> [mgl. B <sup>6)</sup> kreptiz, B <sup>7)</sup> offiði, B <sup>8)</sup> aðr tilsf. B <sup>9)</sup> [tilf. B <sup>10)</sup> skiotaz, B

<sup>11)</sup> ofraði, B, C

gvð [siæ<sup>1</sup> miskvnnar avgvn a mik.<sup>2</sup> at ek fvlgeri<sup>3</sup> ægi mina rangliga fysi. Hvi man ægi sem ek drecki<sup>4</sup> bloð þeirra rēttlatra manna er lif sitt lavgðv i haska at sekia þetta vatn ef ek dreck þat. Þat var enn hræystiverk Abisai. at hann drap einn tima með sinni kēsio .ccc. manna. Nv var hann allfregr hðfðingi<sup>5</sup> en þo ægi iafn við hina [þria er fyrst<sup>6</sup> vorv nefndir. Banaias<sup>7</sup> son Joade er nefndr allagætr kappi Daud konvngs. [hann var son Joade.<sup>8</sup> hann var ifirmgistari [allrar vinno oc smiðar<sup>9</sup> a garðinvn. þat var hans þrekvirkir at hann drap [.ii. hin oavrgv dyr<sup>10</sup> i riki Moab oc hið .iii. a einvm vazis<sup>11</sup> þa er sniovar vorv a<sup>12</sup> vetr. Þat varð með þæima atbvrð at hann drap einn egypzkan mann. þann sem frasagnar er verðr fyrir afis sakir oc vaxtar oc hvgar. [er hann geck i mot hinvm egipzka manni hafði sa<sup>13</sup> mikit spiot i hendi. enn Banaias geck i mot honvm oc hellt a einvm vendi. hann slo með afli spiotið or hendi honvm oc drap hann með þi. Banaiam giðrði Daud konvngv sitt hið hezta<sup>14</sup> rað gða trvn-aðarmann vm læynda lvti. Enn ero talðir .xxx. annarra hravstra kappi Dauds konvngs. Einn af þeim het Vrias Etheus oc<sup>15</sup> enn man getið verða siðarr. Joab son Sarphie<sup>16</sup> setti Daud hðfðingia yfir allan sinn her. Josaphat son þess mannz er het Alilid<sup>17</sup> hann var febirðir konvngs oc tok saman skatt<sup>18</sup> oc skyllidir. þessir vorv kennimenn konvngs Sadoch son Haitob<sup>19</sup> oc Abimelech<sup>20</sup> son Abiathar. ritari konvngs het Seralas.<sup>21</sup>

### Miskunn Daud uið Miphiboseth.

267. Davið konvngv hvgsar nv ef nockoð er eptir af nafrendvm Saul. at hann skal þeim miskvnn væita sakir hins<sup>22</sup> goða felaga Jonathe. Hann kallar þa til sin þann mann er nefndr er Siba. hann hafði fyrr<sup>23</sup> verit svæinn Saul konvngs. Konvngv spvrdi ef hann vissi nockvvn<sup>24</sup> mann eptir af ætt Saul konvngs. sva at hann mætti hialp væita fyrir miskvnn gvðs. Siba svaraði. Væit ek at er a lifi son Jonathe er hætir Miphiboseth oc er miog hrvmr<sup>25</sup> oc fottami. Konvngv spvrdi hvar hann veri. Siba sagði at hann var [þar sem het Jodabar.<sup>26</sup>

<sup>1</sup>) siai, B <sup>2</sup>) [miskunni mer, A <sup>3</sup>) fullgiora, B, A <sup>4</sup>) drekka, B, A <sup>5</sup>) maðr ok hofðingi mikill, B <sup>6</sup>) [er fyrr, B <sup>7</sup>) Bananias, A <sup>8</sup>) [mgl. B, A <sup>9</sup>) [allra smiða, B, A <sup>10</sup>) [tuau leon, B <sup>11</sup>) vazisi, B <sup>12</sup>) um, B <sup>13</sup>) [hin egipzki maðr hafði, B <sup>14</sup>) æzta, B <sup>15</sup>) er, B <sup>16</sup>) Saruic, B <sup>17</sup>) Ahilut, B; Absid, A <sup>18</sup>) skatta, B, A <sup>19</sup>) Achitob, B, A <sup>20</sup>) Abimech, B <sup>21</sup>) Saranias, B <sup>22</sup>) sine, B <sup>23</sup>) fyrrum, B <sup>24</sup>) þann tilf. B <sup>25</sup>) hrumm, B <sup>26</sup>) [i husi Machir sunar Amihel, B

Konvngur sendir þegar sína menn [oc lætr<sup>1</sup> flytja hann til sín í Hierv-salem. Nv sem Miphiboseth kom fell hann allr til iardar oc lavt konvngi. Daudid mælti. Eigi skaltv ottaz Miphiboseth. því at ek man væita þer miskvnn sakir favðvr þins Jonathe. oc ek skal þer lata aptr giallda akra oc æignir Saul favðvrfavðvr<sup>2</sup> þins. en ek skal hallda þer borð með sialfvn mer. Hann fell þá enn fram fyrir konvng oc mælti. Hveria makliglæika hefi ek til þræll þinn herra konvngur. at þv litir sva miskvnnar avgvn a mik fatækan oc herviligan smasvæin. Konvngur kallaði þá til sín Siba oc sagði sva til hans. Alla þá lvti sem atti Saul<sup>3</sup> oc hann tok at ærfð eptir favðvr sinn. hvs oc herbergi. akra oc iardir. gef ek nv Miphiboseth sonarsyni hans. oc þar með set ek þik til með sonvm þínum oc þrælvn at vinna iardir hans honvm til avaxtar oc afða. þi at þv hefir aðr lengi þionat hans forellrvn. enn hann skal með mer vera oc taka iafnan fæðv af minv borði. Siba atti .xv. syni<sup>4</sup> oc .xx. þræla. hann iatti giarna at giðra sem konvngur bavð. oc þionaði hann með alla sína menn Miphiboseth. enn [Miphiboseth var sialfr<sup>5</sup> með konvngi í engan stað verr halldinn enn hann sialfr oc hann veri hans son. Enn þo varo hans fætr baðir mæiddir sva at hann matti varla ganga. hann atti ginn vngan svn er het Micha.

Fra vuitzkv Amons konungs. capitulum.<sup>6</sup>

268. þat verþr nv næst til tiðenda at andaz Naas konvngur þeirra manna er Ammonite ero kallaðir. tok ríki eptir hann Amon son hans. þessi konvngur Naas<sup>7</sup> hafði val tekit við Daudid einn tíma þá er hann varð forflotta<sup>8</sup> fyrir Saul konvngi. Ok sem Daudid konvngur spvrdi hans davða [sagði hann sva.<sup>9</sup> Ek skal nv giallda þat með guðv Amon konvngi er Naas faðir hans væitti mer miskvnn þá er ek þvrfti<sup>10</sup> hans. Sendi þá Daudid sína menn með vingiofvn til Amon konvngs at glæðia hann oc lina með fðgrvn fortölvn hans hrygð oc harm er hann bar af favðvr davða. Sem sendimenn Daudid konvngs komv til svnnar við Amon konvng. gengv þegar höfðingiar þess ríkis fyrir sinn herra sva segiandi. Ætlarðv at Daudid<sup>11</sup> hafi senda þer hvggendr sakir sqmðar fððr þins. enn ver hvggiom helldr at þessir se hans niosnarmenn oc skyli skoða með hveriom vigvælvn

<sup>1)</sup> [at leita hans ok, B   <sup>2)</sup> fæðvrfæðr, B   <sup>3)</sup> konvngur tilf. B   <sup>4)</sup> sunu, B

<sup>5)</sup> [hann sialfr var, B   <sup>6)</sup> Fra Daudid konungi ok Amon, A   <sup>7)</sup> Naason, B

<sup>8)</sup> forflotti, B, A   <sup>9)</sup> [saal. B; sva segiandi, C   <sup>10)</sup> þurfta, B   <sup>11)</sup> konvngur tilf. B

356

vara borg megi vinna. enn hann man koma [með svik<sup>1</sup> oc heria a hendr oss. Amon varð<sup>2</sup> bernskr oc lyðdi a fortörlor sinna manna oc raðgiafa. Læt hann þegar taka sendimenn Davids konvngs oc raka af þeim skegg allt öðrvm megin. oc þar með til haðvngar sníða af þeim clæðin sva at þeir vorv<sup>3</sup> alberir a aðra hlið allt niðr [til þionappa.<sup>4</sup> oc sva herviliga hnæista<sup>5</sup> læt hann þa brot fara. Sem David frettir at hans menn vorv sva liotliga<sup>6</sup> skemðir. sendir hann i mot þeim þess hattar boðskap. Farið i Hiericho sagði hann oc verit þar. oc komið þa til min er skegg yður ero vel vaxin.

### Fra ufqrum heiðingia.

269. Ammonite sia nv at þeir hafa<sup>7</sup> misboðit David oc þickiaz manv sêta hans fiandskap fyrir. Senda þeir þa til Syrlandz<sup>8</sup> oc læiga<sup>9</sup> ser til liðs [þarlendzkan her<sup>10</sup> með miclvn sekostnaði .xx. þvsvndir fotgangandi manna oc .xii. þvsvndir riddara oc .m. einvala kappa. Sem þetta fregn<sup>11</sup> David konvngr. sendir hann i mot þeim Joab með allmikinn her oc vel bvin. Ammonite flvttv sinn her af borginne oc sættv sina fylking rætt við sialft borgarhliðit. Syri<sup>12</sup> vorv annan veg a vqlinn<sup>13</sup> með sina fylking. enn Joab flytr sinn her ok finnr ægi fyrr enn hann er kominn [með allt sitt lið<sup>14</sup> fram i klömbrina miðia milli þessa fylkinga. Hann valði alla sina hina hravstvstv menn af Gyðingvm oc skipar þeim i fylking i moti Syri. hann gerir aðra fylking moti Amons þioð. sêtr hann fyrir þat lið Abisai brqðr<sup>15</sup> sinn oc sagði sva til hans. Ef Syri<sup>16</sup> avflgaz i mot mer oc bera mik magni. þa skaltv fvltingia mer. enn ef Amonite aka þer a bvg. þa man ek þer hialpa. Verit nv styrkir oc standit fast goðir dræingir. beriomz hravstliga fyrir [lavg var oc lyð<sup>17</sup> oc hina agætv borg Hiervsaleu. gæti hvern sin enn gvð allra var. giðrvn hæiðingiom harða hina fyrsto hrið. sva at þa fysi litt til annarrar. oc gangi nv sem gvð vill. Ræið þa þegar Joab til orrostu með<sup>18</sup> sina fylking við<sup>19</sup> Syross. enn þeir flyðv fyrir honvm iafnskiott sem til tok bardaginn. Enn er Amonite gatv at lita hverso Syri flyðv fyrir Joab. enn þeir sa sverð Abisai oc annarra Gyðinga bita vel hvka sinna manna. þa læiddiz þeim þar at standa

1) [saal. A; svik, C; suiksamlega, B 2) var, B 3) aller tilf. B 4) [um miaðmer, A, B 5) neista, B 6) leiknir ok suiuirdliga tilf. A 7) mik tilf. A 8) Rohob Sirum ok Saba tilf. A 9) leigia, A, B 10) [þarlendzka hermenn, B 11) frettir, B 12) Syrer, B 13) Sobn ok Roob ok Istob ok Muacha tilf. B 14) [mgl. B 15) broður, B, A 16) Syrer, B 17) [guðs leg ok lyð vaarn, B 18) við, B 19) moti, B

oc flyðv allir aptr i borg sina oc létu hana gæta sin. Enn Joab oc Gyðingar sneru aptr með sigri oc forv þar til er þeir komv hæim i Hierusalem.

### Fra flotta Syris.<sup>1</sup>

270. Nv sem Syri sia hvern svaðil þeir hafa farit fyrir Gyðing-vm i flotta oc falli sinna manna. samnazt þeir saman oc ætla nv fyllkomliga at hefna þeim.<sup>2</sup> sendir þa Adadezer konvngur avstr yfir Evfraten til þeirra þjóða sem<sup>3</sup> þar byggðv oc dro saman allan her þann sem hann feck. Hann setti<sup>4</sup> Sobach riddarameistara sinn<sup>5</sup> höfþingia fyrir þat herlið er avstan kom yfir ana. Sem þessi tíðendi komv fyrir Dauid konvng i Hiervsalem. þavð hann þegar saman öllum her. oc for sialfr i mot hæðingivm vt yfir Jordan. fvnnavzt þeir þar sem het Elema.<sup>6</sup> Adadezer oc Syri<sup>7</sup> ræðv þegar til bardaga við Dauid konvng. oc varð sv orrosta hin harðasta oc ecki löng aðr Syri<sup>7</sup> flyðv. enn Dauid drap af þeim allt þat lið sem flvtz hafði til bardagans i .vii. hvndraðvm vagna [ok .xl. þusunda riddara liðs.<sup>8</sup> enn Sobach agætlan höfðingia felldo Gyðingar. oc með honvm ægi fera enn [.lx. þvsunda<sup>9</sup> riddara. Nv sem allir hæðnir konvngar þeir sem komiz höfðv i æitt virki sa sig yfirkomna oc sigraða. gingv þeir<sup>10</sup> til griða oc gerðv sett við Gyðinga oc þorðo þo ægi síðan at væita fvllting [sonvm Amon.<sup>11</sup> For þa Dauid konvngur til Jorsalaborgar með favgrvm sigri oc sat þar<sup>12</sup> vm kyrt<sup>13</sup> eitt ar.

### Dauid lagðiz með Bersabce.<sup>14</sup>

271. Þa er liðit var fvllt ar fra þi er Dauid konvngur barðiz við Syross sem nv var sagt. sendi hann Joab með riddara sina oc miog sva allan Gyðinga lyð at striða vpp a Amons<sup>15</sup> þjóð. fyrir þa vsömð er Amonite<sup>16</sup> höfðv giðrt monnvum hans enn ræist síþan vfrið i mot honvm. Joab oc hans menn æyddv riki Amons<sup>16</sup> þjóðar hvar sem þeir komo. þeir settvz þar vm sem var hinn sterkazti staðr.<sup>17</sup> Dauid konvngur sat heima i Hiervsalem oc for ægi þessa herför.

<sup>18</sup>Sva bar til einnhvernn dag sem konvngur var vtginginn.<sup>19</sup> hann

<sup>1</sup>) Her segir fra Dauid konungi. capitulum, A <sup>2</sup>) sin, A <sup>3</sup>) er, B, A <sup>4</sup>) sendi, B <sup>5</sup>) ok setti hann tilf. B <sup>6</sup>) Elama, B <sup>7</sup>) Syrer, B <sup>8</sup>) [tilf. B <sup>9</sup>) [.lx., B <sup>10</sup>) tilf. A; mgl. C, B <sup>11</sup>) [Ammonitis sonum, B <sup>12</sup>) þa, B <sup>13</sup>) um tilf. B <sup>14</sup>) A har her ikke nyt Capitel. <sup>15</sup>) Ammonitis, B <sup>16</sup>) Ammoniti, B <sup>17</sup>) Rabath tilf. B <sup>18</sup>) Her har A nyt Cap. med Overskrift: Er Dauid konungur let drepa Vriam etheus. <sup>19</sup>) utgenginn. enn, B

hafði aðr legit i sng sinni vm hadggi sem hann var vanr. hann gat at lita hvar ein harðla fqgr kona þo ser i grasgarði<sup>1</sup> einvm skamt fra höllinni. Konvngr [spvrði eptir hver sv kona<sup>2</sup> veri. Honvm var sagt at hon het Bersabe riks mannz dottir er nefndr er Heliám.<sup>3</sup> oc var nv giginkona eins [riddara konvngs<sup>4</sup> er het Vrias Ethevs. Konvngr lét hana læiða i sitt herbergi. oc siðan svaf hann með henni. Eftir þat for hon heim til hvs sins oc hafði feingit barngetnað af þeirra samvistv. Ok þegar er hon væit þat. lét hon segia konvngi at hon er með barni. Konvngr sendi þa boð Joab hertoga. at hann skilldi senda heim Vriam Etheum. Gyðingar satv þa vm staðinn Rabba<sup>5</sup> sem aðr var gætið. Joab giðrði sem konvngr þeiddi.<sup>6</sup> oc sem Vrias kom a fvdn konvngs. frætti Daud fyrst [hverso Joab gða herrinn gða bardagar gingu.<sup>7</sup> Siðan mælti hann við Vriam. Far þv nv hæim til hvs þinna oc lavgaz. tak siðan a þik hvilld oc naðir. Oc iafnskiott sem Vrias var vginginn.<sup>8</sup> var bvið borð konvngs. Enn Vrias for ekki hæim a þeirri nott. helldr svaf hann fyrir hallardyrvm með ðörvm þionostvsveinvm konvngs. Þess verðr konvngr varr vm morgininn. hann kallar Vriam til sin oc mælti til hans. Fyrir hvat villdir þv sva pina þik er þv fort æigi hæim til herbergis. sva farmoðr maðr oc þolt aðr mart [valk oc vas<sup>9</sup> i herbvðvm. Vrias svaraði.<sup>10</sup> Jsrael lyðr oc Jvða byggia marga vasbvð. oc minn mæistari Joab oc aðrir þinir hðfðingiar oc hirðsvæinar liggia allir vm nêtr a berri iorðvenn beriaz vm daga. þa er æigi hæyrilict<sup>11</sup> at ek kræsymz oc sofa ek hia minni hvsfru. Nv fyrir þitt lif oc heilso minn<sup>12</sup> konvngr skal mik allðri þa skom henda. at ek fari<sup>13</sup> at læik minvm oc skemtan meðan aðrir yðrir sveinar ero i slikvm navðvm. Konvngr sagði. Nv at<sup>14</sup> þi ver her i dag. enn i<sup>15</sup> morgin man ek þik brotto senda. Hafði konvngr þann dag Vriam i boði sino oc lét honvm með kappi væita at hann yrði ofdrvckinn. Enn vm kvellit geck Vrias at sofa i sama stað sem hina fyrri nott oc for ecki hæim a þi kvellit til konv sinnar.

Snimma vm morgininn sendir konvngr Vriam með brefi til fvdnar við Joab. þar stoðv þessi orð a. Skipi þer Vria þa er þer beriz við Ammonitas<sup>16</sup> i ðndverða fylking þar sem mest se mannravn.<sup>17</sup> oc hagit svá til at vist se at hann komiz æigi með fiðrvi<sup>18</sup> i brott. Nv

<sup>1</sup>) garði, B. <sup>2</sup>) [sendi epter þessi konu ok spurði huerr hun, B. <sup>3</sup>) Helyas, B. <sup>4</sup>) [mannz, B. <sup>5</sup>) Raba, B. <sup>6</sup>) bauð, B. <sup>7</sup>) [epter (at A) Joab ok herinum eðr huersu bardagar gengu, B, A. <sup>8</sup>) utgenginn, B, A. <sup>9</sup>) [vaalk ok vas, B. <sup>10</sup>) guðs ork ok tilf. B. <sup>11</sup>) tilheyrilikt, B. <sup>12</sup>) herra, B. <sup>13</sup>) fara, B. <sup>14</sup>) saal. ogs. A; af, B. <sup>15</sup>) a, B. <sup>16</sup>) Ammonitis, B. <sup>17</sup>) i tilf. B. <sup>18</sup>) lif, B.

sem Joab barðiz a borgina. skipar hann Vria<sup>1</sup> þar til atsoknar sem hann vissi mesta vorn oc sterkasta kappa fyrir vera. Gingv<sup>2</sup> þa borgarmenn dræingiliga vt<sup>3</sup> oc bavrðvz alldiarfliga. drapv þeir mart<sup>4</sup> af Gyðingvm. oc i þeirri rið fell Vrias Ethevs oc let<sup>5</sup> sitt lif með hræysti oc goðvm orðzstir. Joab sendir þegar manni i Hiervsalem at segia konvngi liðendin. Joab mælti við sendimanninn. Þa er þv hefir flvtt konvngi sem græiniligast allan atbvrð þessa bardaga. oc finnr þv at honvm mislikar var framferð oc kallar sem mik varir [at ver hafim<sup>6</sup> vvitrliga rasat fyrir rað fram vndir vapn varra vvina oc hvglæiðt æigi forn dömi. hversso litt þat hefir iafnan gefiz at ganga vvarliga<sup>7</sup> under borgarueggi. sem uarð Abimelech syni Jerobaal<sup>8</sup> er hann barðiz i<sup>9</sup> Tesbes ok gekk allt under murinn meðr sina menn. sua at uuiner hans aaltv at bera vapn<sup>10</sup> under fętr sier niðr aa þa. enn ein kona setti kuernsteins brot i hfut honum ok uarð þat hans bani.<sup>11</sup> Þa seg þu sua til konungs at lyktum. Ammoniti gengu uut af borginni a vqll nokkurn ok veittu oss hart athlaup<sup>12</sup> ok ver tokum i mot fulldrengilegha ok komum stökk<sup>13</sup> i lið þeirra ok elltum þa allt til borgarhiðs ok siðan barv borgarmenn ofan aa oss skot ok griot af murinum. fell þa mart af yðrum hirðsueinum oc þar<sup>14</sup> let sitt lif þinn þionostumaðr reyndr at allri dygð ok drengskap Vrias Etheus. Sendimaðr<sup>15</sup> fann David konung ok sagði honum [alla þersa luti.<sup>16</sup> Konungr męllti<sup>17</sup>. Far þu aptr til herbuða ok seg Joab þersi min orð. at hann laati þenna atburð ekki bita á sik þo at hann hafi laatit nqkkura menn. þi at opt kann þat henda [sem męllt er at fall er farar heill. ok giorer þeim ekki or i bardqgum starfa at sakaz þo at ymser falli<sup>18</sup> fyrer qðrum. bið hann helldr styrkia sitt herlið oc eggia þa<sup>19</sup> at briota borg sinna uuina ok kostgefa at retta þann krók i baki þeirra<sup>20</sup> er þeir beygðu. Nu sem Bersabee fretti fall bonda sins. harmar hon þat harðla miqk ok gret lengi sem liklikt var hans dauða. Ok þegar sem nqkkutlinar hennar sorg ok suut. sender David konungr epter henni ok let leiða hana i sitt herbergi. ok litlu siðarr tekr hann hana sier til eiginkonu oc fęddi hun honum sun.

Þetta mislikaði guði miqk sem David hafði gort. Sendi drottinn nu til konungs einn sinn þion er het Nathan at asaka konung. Sem

<sup>1</sup>) Vrie, B <sup>2</sup>) Gengu, B <sup>3</sup>) framm, B <sup>4</sup>) manna tilsf. A <sup>5</sup>) hann þar tilsf. A <sup>6</sup>) [mgl. B; oss hafa, A <sup>7</sup>) Her mgl. 1 Blad i C; suppleret efter B <sup>8</sup>) Gedeonias, A <sup>9</sup>) vid, A <sup>10</sup>) vapnin, A <sup>11</sup>) Nu ef konungr leidir framm slik dæmi segir Joab qdr onnur þvilik tilsf. A <sup>12</sup>) anlaup, A <sup>13</sup>) þegar stöck, A <sup>14</sup>) þa, A <sup>15</sup>) for ok tilsf. A <sup>16</sup>) [avll þau ord sem Joab hafde kent honum, A <sup>17</sup>) svaradi sua sendibodanum, A <sup>18</sup>) [at ymissir felli menn, A <sup>19</sup>) mgl. A <sup>20</sup>) þeim, A

Nathan kom fyrer konung. seger hann sua. Minn herra konungr. Tueir menn uoru i einni borg annarr auðigr miðk enn annarr furðu-  
lega<sup>1</sup> fatékr. Hinn ríki maðr aatti mikinn fiqlða nauta ok sauða. enn hinn fatéki meðr qllu ekki kuikfe utan einn litinn smasaub er hann hafði keypt ser til hugganar ok ol heima i husi sinu meðr bqrnum sinum. þersi alisaubr uar sua spakr at hann aat braub ok drakk af kerí hins fatéka mannz ok suaf i faðmi hans. fyrer þui var honum þersi gymbr sua kigr ok elskuligh sem sinn sqnn<sup>2</sup> eigin dotter. Nu berr sua til sem uerða kann at einn vtlendr maðr kemr til hins auðga mannz. hann tekr honum vel oc uill gera honum sagnaðarveizlu i husi sinu. hann leit þa yfer allan fiqlða nauta ok sauða ok syniz allt sua fagrt at hann timer af qngu at sia ne taka gestinum til buðar-  
uadrar. verðr þat fyrer um siðer at hann tekr einga<sup>3</sup> saub þersa fatéka mannz ok lætr hva til borðz gestinum er til hans uar kominn. Huat demi<sup>4</sup> þer herra konungr vm þenna hinn agiarna mann er saub-  
inn tok seger Nathan. Konungr suaraði. þat ueit lifandi guð at saa<sup>5</sup> maðr or dauða uerðr. Nathan melli. þu sialfr konungr ert þessi hinn ríki<sup>6</sup> maðr. þui skaltu nu heyra huat seger [af þui<sup>7</sup> guð allz heriar drottinn. Ek smurða þik til konungs yfer minn lyð ok frölsta ek þik af hendi Saul konungs ok annarra þinna uaina ok gaf ek under þitt valld hirð ok hyski Saul konungs þins herra bqrn hans ok eiginkonu. ok þer hefi ek gefit allt ríki Jsrael seger drottinn ok Juda. Nu ef þetta er litils uert. þa man ek enn til gefa<sup>8</sup> marga luti micklu stærr. fyrer hui vanræker þu min orð<sup>9</sup> sua at þu giorðer<sup>10</sup> illzku i minu augliti. Vriam Etheum hefer þu drepit meðr suerði suna Amons enn hans husfrv tekit þer til eiginkonu. fyrer [þersa þina sekt<sup>11</sup> ert þu þers uerðr at alldri gangi suerð ok sut af þinu<sup>12</sup> afkvæmi at eylifuu. Ok enn seger drottinn þersa luti. Af sialfs þins huusi man upp uekiaz illzka i gegn þer. sua at þinn naungr man taka þinar eiginkonu eðr frillur [sua at þu sialfr siaer aa<sup>13</sup> ok man hann leggiaz meðr þeim um liosan dagh<sup>14</sup> at skinandi solu. þui at þu hefer gort leynilega þinn glæp. enn drottinn man þer gioræ sem ek hefer þer sagt seger Nathan sua opinberlega at allr lyðr megi sia ok uita. Konungr melli þa meðr<sup>15</sup> iðran sua segiandi. Sua er glæpr minn illr ok þungr at ek em uist dauða uerðr ok ek em aumr ok vesæll erek gaf slik demi<sup>16</sup> folki guðs. þar sem hann skipaði mik [stiornarman

<sup>1</sup>) hardla, A <sup>2</sup>) son edr, A <sup>3</sup>) saal. A; einka, B <sup>4</sup>) demit, A <sup>5</sup>) hinn auðgi, A  
<sup>6</sup>) auðgi, A <sup>7</sup>) [mgl. A <sup>8</sup>) leggia, A <sup>9</sup>) bodord, A <sup>10</sup>) framdir  
glæp ok, A <sup>11</sup>) [þenna glæp, A <sup>12</sup>) þer ok þinu hyski ætt ok, A  
<sup>13</sup>) [mgl. A <sup>14</sup>) i sealfs þins husi tál. A <sup>15</sup>) grati ok mikilli tál. A  
<sup>16</sup>) demi, A



at dēma<sup>1</sup> yfer sinn lyð. ok uil ek þola nu dauða helldr enn sia glæpr [leiði mik<sup>2</sup> til heluitis. Nu meðr þui at ek hefer gort syndsamlig dæmi i dauðligum glæp fyrer guðs folki. þa er ek nv buinn epter uilia<sup>3</sup> drottins mins at þola refsing [fyrer þersa synd<sup>4</sup> at æigi falli folkit at minum dēnum i slikan glæp. þa mēllti spamaðrinn til David. Sannlega<sup>5</sup> sier guð iðran þina ok vill æigi að þu taker dauða fyrer þersa þina synd. helldr uill hann veggja þer meðr sinni miskun. þui at þu hefer optlega striðt [meðr þinni hendi ok harðri refsing uuinum drottins.<sup>6</sup> Enn þo man guð meðr mundangshofi hefna þer þetta uerk<sup>7</sup> meðr þui moti at sueinn sa er Bersabee hefer nu feddan man skiott deyia.

Epter þetta for Nathan spamaðr i brott til sins heima. enn drottinn slo sueininn meðr þungri sott sua at eingi maðr uenti honum lifs. [þa bað drottin David meðr alhugha barninu lifs<sup>8</sup>. David konungr stoð upp þegar sem Nathan var utgenginn ok kastaði konungligum bunaði ok klæddiz herfulegv hárkleði ok gekk i einn kofa ok fastaði ok laa a berri iqrðu. þa sqfnuðuz saman hans æztu raadgiasar ok hirðstiorar ok komu fyrer konung ok skylldaðu hann til meðr bliðum fortqlum ok þenarorðum at risa af iqrðu ok hrinda harmi. Enn hann uilldi þat fyrer engan mun ok huarki kendi hann aa fēðu ne uatni .vii. daga i samt. ok sua segiz sem truanlegt er at þa hafu hann ort saalminn Miserere mei deus secundum magnam misericordiam tuam. þat segia sumer menn at hann leti giqra ser diupa grof sua at .xx. pallar ueri at ganga niðr i iqrð. ok settiz hann þar eðr lagðiz i neð-anuerða grqfina. Enn meðr miskunn guðs lyptiz hann upp um pall uið huert uers sem hann sagði fram i saalminum. til at syna at guð saa iðran hans ok fyrerlet honum syndina ok þo æigi refsingarlausu.<sup>9</sup> A .vij. degi andaðiz barnit er David bað fyrer til guðs at lifa skylldi. þui at guð uilldi æigi unna honum [nytia ok skemtanar at<sup>10</sup> þui barni er hann hafði sua syndsamlega getit meðr Bersabee konu Vrie.<sup>11</sup> Enn sv var avnnvr hefnd fyrir þenna glæp. at gvð villdi æigi þiggia af David at hann gerði honvm mvsteri ok kallaði hann manndrapa<sup>12</sup> mann fyrir þat er hann hafði raðit Vriam af lifi. sva ok<sup>13</sup> allar þær skapraavnir<sup>14</sup> er synir hans vælto honvm. sem siþarr man segia. þolði hann fyrir horan Bersabee.

<sup>1</sup>) [stiornara ok domara, A <sup>2</sup>) [fylgi mer, A <sup>3</sup>) domi, A <sup>4</sup>) [til þeirrar vidrsyndar, A <sup>5</sup>) Senniliga, A <sup>6</sup>) [ok niðrat hans vvinum, A <sup>7</sup>) fyrst tilf. A <sup>8</sup>) [mgl. A <sup>9</sup>) þi at David bað gud lifs barni þeirra Bersabee tilf. A <sup>10</sup>) [yndis af, A <sup>11</sup>) Her begynder aller C <sup>12</sup>) manndraps, A <sup>13</sup>) at, B <sup>14</sup>) motgordir, A

Herbergiss svæinar hans þorðv ægi at segia honvm andlat barnsins. oc sva mæltu þeir sin a milli. Ver tölðv til konvngs þa er svæinn þessi var a lifi. oc ætlaðv at glæðia hann.<sup>1</sup> villdi hann þa ecki hæyra oss. hversu miclo helldr man hann nv pinaz af hrygd oc harmi er hann frettir davða svæinsins. Nv sem konvng [ser sina menn qvisa<sup>2</sup> með ser.<sup>3</sup> þyckiz hann vita hvat valda man. Hann mælti þa til sinna þionostomanna. [hvat er.<sup>4</sup> er svæinninn davðr. þeir sðgv sva vera. Hann ræis þa vpp or molldo [oc var malræifr við menn.<sup>5</sup> Ok sem hann hafði gert clæðaskipti. geck hann til hinnar hælgrv tialdbvðar oc þackaði litillatliga gvði þetta allt er at hafði borið.<sup>6</sup> for siðan heim til herbergiss oc bað sveina bva ser borð. oc siþan snæði hann glaðliga. Raðgiafar konvngs tala til hans sva segiandi. Hveria skynsemð synir þv herra<sup>7</sup> konvng i þesso er þv fastaðir oc syllir saran<sup>8</sup> meðan barnið lifði. enn nv [þegar sem svæinninn er davðr<sup>9</sup> ræis þv vpp af iorðv oc læz<sup>10</sup> þer borð bva oc ært nv glaðr oc katr. Konvng suarar. þat kemr til þess at ek fastaði<sup>11</sup> oc gret meðan svæinn þessi lifði. at mer þotti vera mega þo at ek veri vmakligr. at drottinn minn gæfi mer þa hvggan at hann lifnaði. Enn hvat gerir mer nv<sup>12</sup> syrgia gða meða mik<sup>13</sup> miklv mðstvm. þi at ek ma hann nv ecki aptr kalla siþan hann var allr. a ek oc litillatliga þetta at þacka gvði minvm sem allt annað. þi at þat ferr eptir natvro at drottins mins vilia oc skipan at ek færi<sup>14</sup> nv eptir syni minvm þegar gvð vill helldr enn hann risi vpp mer til hvgganar. Skal ek oc glaðliga vndir ganga alla þa lvli er gvð skipar<sup>15</sup> hvart sem<sup>16</sup> þickir bliðt gða stritt. þi at hann er rættlatr oc miskvnnusamr.

### Feddr Salomon sun Daud.<sup>17</sup>

272. Eptir þetta hvggði Daud konvng Bersabee eiginkonv sina gr att hafði Vrias oc glæðr hennar harm með ælskvligrvm bliðskap. gerir hana drottning sina oc lætr [læiða ser i sama seng<sup>18</sup> oc gætr son við konv sinni. þann nefndi hann Salomon. þenna svæin ælskaði drottinn þegar i fyrsto. oc sendi til konvngs<sup>19</sup> spamann oc bavð at kalla svæinninn a þeirra tungv Jdidiam. þi at Jdidias er at varo mali elskaðr drottins.<sup>20</sup> Nv barðiz Joab sem aðr var sagt við Amonitis oc

<sup>1)</sup> tilf. B <sup>2)</sup> kuisa, B <sup>3)</sup> [heyrði kuis þeirra, A <sup>4)</sup> [huart, B, A <sup>5)</sup> [mgl. B, A <sup>6)</sup> boriz, B, A <sup>7)</sup> oss, B <sup>8)</sup> saart, B <sup>9)</sup> [er þat er dauðt, B, A <sup>10)</sup> liez, B <sup>11)</sup> fastaða, B, A <sup>12)</sup> at tilf. B <sup>13)</sup> i tilf. B <sup>14)</sup> fera, B <sup>15)</sup> yfir mik ok skriptar mer tilf. A <sup>16)</sup> mer tilf. B <sup>17)</sup> Fra Amon ok Thamar systur hans, A <sup>18)</sup> [hana leiða i sama seng sier, B <sup>19)</sup> Nathan tilf. B <sup>20)</sup> drotmi, B

solti fast a sialfa konvngsborgina Rabba.<sup>1</sup> þat köllvm ver vatnaborg. Sem miog var vvnin borgin sendir Joab menn a fynd Davids konvngs sva segiandi. Ek oc yðrir menn höfvm<sup>2</sup> langan tima setit vm borg Rabba.<sup>3</sup> oc man sv borg<sup>4</sup> skiott vpp gefaz i vart vald. oc fyrir þi kom nv til min með nockvð lið oc vinn hana með ðllo. at æigi se mer kendr sigr þessi sem vera kann ef ek æyði hana sva at [þv ser<sup>5</sup> æigi við staddr. Ok sem Daudid konvngi [kom þessi orðsending.<sup>6</sup> ferr hann með mikinn her oc berz i<sup>7</sup> borgina oc vinnr hana skiott. Tok hann þar tignarkoronv af höfði Melkolm konvngs<sup>8</sup> þeirra. Melkolm þyðiz i<sup>9</sup> varo mali konvngr þeirra. enn þat var allt at gino<sup>10</sup> skvrð-göð Ammonitarvm. þessi korona var giðr af gvlli oc sett með hinvm agætvzlvm gymsteinvm<sup>11</sup> ok með miclvm haglæik. oc sva mikil at hon va pund gvllz. Var þessi korona sett a höfvd Daudid konvngi. oc þaðan flvtti hann ofa mikit herfang. enn borgarlyðinn lætr hann setia i halsiarn. oc i þessi ferð gerði hann slikt við allar borgir Ammonitarvm. oc siþan hvarf hann aftr með herinn i Hiervsalem.

---

Fra þi er Ammon laa meðr systur sinni.

273. Davið konvngr atti þa dottvr er het Thamar. allra meya friðvzt at sia. hon var sammqdd Absalon<sup>12</sup> konvngs syni. enn Ammon son Davids konvngs lagði hvg a hana oc sva mikla ofrast at hann sycðtiz af [hennar astar brima.<sup>13</sup> þvi at honvm syndiz æigi avðvellid-lict gða hæyrilikt<sup>14</sup> at gera henni nockvra vansqmð.<sup>15</sup> þar er hon er konvngs barnn oc systir hans sialfs oc hin fegrsta męr. Ammon alli æinn kęran vin oc frenda er het Jonadab son Semma brqðr<sup>16</sup> Davids. Jonadab var manna vittraztr. Hann mælti ģinn dag við Ammon konvngsson. Hvat er þer at męini minn kęri felagi. þi at þv nytr. qng-rar gleði at þi sem mer syniz. en þv megriz sva at dagsmyn ser a. fyrir hvat<sup>17</sup> læynir þv mik hvat vm er. Ammon svaraði. Ec hefi sva mikla ast a Thamar systvr Absalons at ek ma ģinskiss niota fyrir. Jonadab męlti. Skiott rað ģeri ek þar fyrir. þv skalt legģiaz i reckio þina oc segiaz sivkr. oc ef faðir þinn kęmr at vitia þin sem mik varir. þa bæið<sup>18</sup> þv hann at Thamar systir þin komi at matbva þer. oc seg

1) Raba, B 2) hafa, B 3) Raba, B 4) nu tilf. B 5) [þer seerð, A 6) [komu þersi orð, B 7) aa, A 8) konungi, B 9) at, B 10) eins, B 11) gimsteinum, B; dyrum steinum, A 12) Absaloni, B 13) brima ell. bruna, B; [męl. A 14) tilheyrilikt, B; vidkvęmilligt, A 15) vsęmð eðr nęnuirðu, B 16) broður, B 17) hui, B 18) bið, B

at þv vill<sup>1</sup> af hennar hendi fæðv taka. Ammon gerir sva. slær ser niðr sem hann se sivkr. oc gengr allt eptir því sem Jonadab gat. at konvngr ferr at finna son sinn. Amon talar sva til konvngs. Bið ek minn sēti faðir at Thamar systir min komi her at bua mer hvðarvörð því at hon man bezt kvnna. man ek oc ecki fæðv neyta vtan ek taki<sup>2</sup> af hennar hendi. Daudid sendir þegar<sup>3</sup> til hennar herbergiss. oc bavð at hon skyldi fara i hvs Amons brqðr sins. oc hv honvm fæðv sem þv kant bezt. Hon giðrði allt sem faðir hennar bavð. oc setti<sup>4</sup> fyrir Ammon er hon hafði matbvið. Hann villdi ecki a taka oc mælti. Lat þv alla menn<sup>5</sup> vt or herbergino. Ok sem þav vorv tvav eptir. þa bað hann hana fa ser þat er hon hafði aðr [til bvið.<sup>6</sup> Nv sem hon geck at honvm með vistina. þræif hann til hennar oc mælti. Kom her oc ligg hia mer. Minn kæri broðir<sup>7</sup> gæym oc ger þetta ægi at þravngva mer til samlags við þik. þi at ægi varð slik vhwæfa enngiør i Jsrael. Nv hirð ægi at hallda framn þinni hæmsko. þi at þat er sva mikil min skom at ek gæt<sup>8</sup> ægi vndirstaðit. enn þv mant æsiðan virðr sem hinn hæmskazti snapr með Gyðingvm. Gēr nv sem ek gef rað til. tala þetta mal helldr við konvng ef þer er fyst a mer. oc fyrir þi at við<sup>9</sup> erom ægi sammqdd. þa man hann ægi mæina at þv fair min til eiginkono. Enn hann villdi því ecki samþyckia [hennar bæiðni her vm.<sup>10</sup> helldr lēt hann kenna afismvnr oc la með henni [berliga vviliandi.<sup>11</sup> oc þegar eptir lagði hann a hana sva mikla vþyckio at hann hataði hana nv miklo mæirr enn hann hafði aðr ælskað<sup>12</sup> oc bað hana brotto verða. Hon svaraði. Miklo mēiri skom oc verri er þetta er þv gerir nv i þinvm brotrekstri oc hatri en aðr hefir þv gert i savrgan oc mæydoms spelli. Hann annzar ecki hval hon segir. oc kallar til sin þionostovæin sinn oc bað hann læiða hana vt oc byrgia eptir dyrrin. Hann giðrði sva. Thamar var clædd fotsiðvm kyrtli oc hafði allan bvnað sem siðr er til konynga detrv<sup>13</sup> meðan þer ero vsavrgaðar meyar. hon dræifði molld<sup>14</sup> i hðfvð ser oc ræif af ser kyrtlinn oc tok baðvm hðndvm i har sitt oc ryskti<sup>15</sup> sik. Sva for hon til herbergia<sup>16</sup> Absalons brøðr sins oc geck þar øpandi inn. Sem Absalon sa hana sva rygga.<sup>17</sup> mælti hann til hennar. Hvat er.<sup>18</sup> hefir Ammon broðir þinn spillt [þinvm hag oc<sup>19</sup> fagra meydomi. Nv allt at æino læyn þessvm glæp oc þegi yfir systir min. þi at hann er broðir þinn. Nv var Thamar harmþrvngin i hvs Absa-

<sup>1</sup>) uilir, B <sup>2</sup>) *saml.* B, A; tak, C <sup>3</sup>) menn *tilf.* A <sup>4</sup>) setr, B <sup>5</sup>) ganga *tilf.* B <sup>6</sup>) [matbuit, B <sup>7</sup>) sagði hun *tilf.* B, A <sup>8</sup>) fær, A <sup>9</sup>) mit, A <sup>10</sup>) [mgl. B <sup>11</sup>) [sua at hon var berliga naudig, A <sup>12</sup>) hana *tilf.* A <sup>13</sup>) dætra, A <sup>14</sup>) molldn, B <sup>15</sup>) reytti, B <sup>16</sup>) herbergia, B <sup>17</sup>) bryggia, B <sup>18</sup>) nv *tilf.* B <sup>19</sup>) [þer ok þinum, B, A

lons.<sup>1</sup> Enn konvngur var<sup>2</sup> hryggur er hann hæyrði þetta. Enn Absalon mælti hvarki gott ne illt við Ammon. [þi at honvum mislikadi<sup>3</sup> miog. er hann hafði sva sarliga savrgat Thamar systur hans. oc hataði hann i hvig ser. Var nv þo kyrt vum hrið.

#### Absalon drap Ammon brodur sinn.<sup>4</sup>

274. Sva bar til þa er tvær vętr vorv liðnir at Absalon skilddi klippa savði sina i þeim stað er Ballassar<sup>5</sup> hel.<sup>6</sup> þa hafði Absalon bviit vllarvęizlo rika. sem siðr Gyðinga var til. oc bavð til ðllvm konvngs sonvm.<sup>7</sup> Hann geck þa fyrir fððr sinn sva segiandi. Se nv skal klippa savði mina þræls þins. fyrir þi bið ek minn herra at þv virðiz at koma með þina hðfðingia til þeirrar vęizlo sem ec hef fyrir buit. Konvngur svaraði. Hirð eigi son minn at biðia þessa. þvi at ekki hefir þv kost til þess at veita sva mðrgvm [mðnnvm oc<sup>8</sup> hðfðingivm senn. Sem Absalon hafði beðit sem hann kvnni. oc feck æigi af feðr sinvm [at hann kemi til veizlvnnar<sup>9</sup> helldr gaf hann honvm orlof oc bað hann vel fara. þa mælti Absalon. Meðr þi minn herra at þer vilit æigi virðaz at þiggia vęizlo at<sup>10</sup> mer.<sup>11</sup> þa latid þo Ammon brøðr minn oss fylgia [oc vera i samsinni<sup>12</sup> mer til sqmðar með qllvm ððrum sonvm yðrvum. þvi at þat er hæyrilict<sup>13</sup> at hverr varr brqðra væiti qðrvum viðkemilikt eptirlæti til sqmðar sva virðvlegan<sup>14</sup> favðvr sem ver eigvm. Konvngur sagði þat sitt hvigboð at Ammon myndi þarf-lavst<sup>15</sup> eyrendi þangat hafa til þessar<sup>16</sup> vęizlo. oc með þvi at Absalon bað mivkliga með morgvum sagrligvm orðvm. þa læysði konvngur Ammon oc ðllvm sonvm sinvm at fara með Absalon. þa er þeir koma til vęizlvnnar bavð Absalon sinvm monnvum at sitia vm Ammon ok bað þa ecki ottaz at drepa hann. þvi at þer eigit<sup>17</sup> þvi at lyða sem ek byð yðr með þvi at ec skal hæita yðarr hðfðingi. þeir forv þi fram sem hann [lagði fyrir þa<sup>18</sup> oc giorðv Ammon miog drvckiunn. baro siðar. vapn a hann oc drapo. Sprętta þa vpp allir konvngs synir oc flyðv<sup>19</sup> sva hverr sem naði sinvm ræiðskiota.

Nv sem þeir forv sinn veg. þa flavg<sup>20</sup> til konvngs nockvrr kvrr. at Absalon hefði drepit alla syni<sup>21</sup> hans. [sva at eigi myndi æinn

<sup>1</sup>) Absalonis, B <sup>2</sup>) varð, B, A <sup>3</sup>) [enn þo mislikadi honum, A <sup>4</sup>) Fra þui er Amon var drepinn, A <sup>5</sup>) Baalasar, B <sup>6</sup>) nær Eðfrain tilf. B <sup>7</sup>) sveinum, B <sup>8</sup>) [mgl. B <sup>9</sup>) [þessa bæn, A <sup>10</sup>) af, B <sup>11</sup>) Her begynder Fragm. XIII. <sup>12</sup>) [mgl. B <sup>13</sup>) tilheyrilikt, B <sup>14</sup>) saal ogs. A; virðuligvm, B, Frag. <sup>15</sup>) þarfleysu, B <sup>16</sup>) þeirrar, B, A <sup>17</sup>) eigut, B <sup>18</sup>) [sagði fyrir, B <sup>19</sup>) flyði, B <sup>20</sup>) flir tilf. Frag. <sup>21</sup>) sunnu, B

314

eptir lífa nema sialfr Absalon.<sup>1</sup> Davíð konvngur stoð vpp við þessa harmsögu. ræf af sér clæðin oc fell síðan framm allr til iardar. oc slikt ið sama allir hans menn þeir er við vorv. vtan æinn Jonadab broðvr son konvngs. hann talar sva. Eigi skilldi<sup>2</sup> þer minn herra trva at allir synir yðrir se<sup>3</sup> davðir. því at ek þickimvz vita at Ammon æinn man vera drepinn. þi at Absalon hefir haft a honvm illan hvg. síðan hann tok oc lagðiz með navðigri Thamar systvr hans. Ok fyrir þi þvrfi<sup>4</sup> þer æigi herra konvngur at ælla at Absalon hafí flæiri drepit sonv yðra enn<sup>5</sup> æinn. Davíð konvngur hafði íafnan einu svgin i hæstvm tvrnvm borgarinnar at sia allar mannaferðir gða aðra lvti. þa sem at kvnnv at<sup>6</sup> beraz begði nær ok fiarri. kallaði hann þenna speculatore. þat er vmskygnari<sup>7</sup> at varo mali. Nv sem Jonadab hafði þetta talat. lítaðiz speculator vm þar sem hann var staddr oc sa mikinn mannariðvl skia til borgarinnar ofan vm fialhliðina<sup>8</sup> þar semecki var alunnanna vegr. Hann sagði þetta Davíð.<sup>9</sup> Þa mællti Jonadab til konvngs. Nv for<sup>10</sup> sem ek ætlaði.<sup>11</sup> at þar fara synir þinir minn herra oc ero eigi allir drepnir. Sem hann hætti sinni reðv komv konvngs synir. þeir gingv<sup>12</sup> inn fyrir feðr sinn oc savgðv honvm davða Ammons með miclvm harmi hvgar. Aflaði þetta mikillar vgleði oc hrygðar konvngi oc allri hans hirð. Absalon flyði<sup>13</sup> i ríki Gessvr. oc var þar .iii. ar með [konvngi þeim er het Tolomevs<sup>14</sup> er þar reð ríki. Lattiz þa Davíð konvngur at sækia eftir honvm sva sem hann hvgði af harmi<sup>15</sup> oc gladdiz eptir Ammon svn sinn.

Þetta skildi skíott Joab son Sarphie<sup>16</sup> at konvngi rann ræiði við Absalon. þi at hann vnni honvm mikil. Sendi Joab þa menn til borgar þeirrar er Thetva<sup>17</sup> het eftir einne visdomskonv er hann vissi mal-sniallazta. Oc sem hon kom til fyndar við Joab. mællti hann til hennar. Þv skalt lata sem þv ser miog harmþrvngin oc clæða þik sorgarbvningi. Ecki skaltv bera a þik oleum gða [aðrar lyfðir<sup>18</sup> at þv syniz at ðllo sem sv kona er lengi hefir gratið saran manna missi. oc inn gengin fyrir konvng skaltv fram segia slikt sem ek kenni þer. Lagði þa Joab qll orð i mvnn henne þav er hann bað hana fram bera fyrir konvng. Enn hon inn gengin [i havllina<sup>19</sup> kastar hon ser fram a golfi<sup>20</sup> fyrir fqrtr konvngi oc dyrkaði hann sva segiandi með miclvm harmi. at þi sem konvngur ætlaði oc<sup>21</sup> þeir er hia vorv. Miskvnnu þv

<sup>1)</sup> [mgl. B <sup>2)</sup> skulo, B; skyldvt, Frag., A <sup>3)</sup> drepner ok tíf. B <sup>4)</sup> þvrfu, B; þvrfu, Frag., A <sup>5)</sup> hann tíf. Frag., A <sup>6)</sup> mgl. B, Frag. <sup>7)</sup> umskygning-armaðr, B <sup>8)</sup> fialhliðina B, A, Frag. <sup>9)</sup> konungi, B <sup>10)</sup> ferr, B <sup>11)</sup> ætlaða, B <sup>12)</sup> gengu, B, A, Frag. <sup>13)</sup> til Tholamai sunar Amiur tíf. B <sup>14)</sup> [Tholamai konungi, B <sup>15)</sup> honvm, B <sup>16)</sup> Saruie, B <sup>17)</sup> Takva, B <sup>18)</sup> [iurter, B <sup>19)</sup> [fyrir konung, B <sup>20)</sup> hallargolfit, B <sup>21)</sup> allir tíf. A

mer avmri konv minn herra. Konvngur svarar. Hvat er þer kona. hvi  
 létur þv sva. Hon mællti. Ho ho vei<sup>1</sup> mer vgsalli. ec em ein eckia.  
 oc alti<sup>2</sup> ek eftir bonda minn .ii. syni<sup>3</sup> mannvæna. þeir vvrðv mis-  
 sattir sin a milli vm einn lvt oc striddvz a með ofrkappi vti a akri.  
 þar sem gingi var sa er þeim bannaði slíka vhfsv. oc lavk sva þeirra  
 samangign<sup>4</sup> at annarr drap annan. Se nv minn herra. Allir frendr  
 þeirra risv vpp með æinv raði. gengv at mer ambatt þinni með mik-  
 illi akefð sva segiandi til min. Sel fram svn þinn er drepð hefir  
 bræðr sinn. þvi at verð vilivm hann af lifi<sup>6</sup> oc hefna sva hins vegna.  
 oc skolvm ver æyða ærfð hans fyrir broðvrvig. Nv hafi þer hæyrt  
 konvngur hversu sarliga þeir vilia slavckva þenna gina<sup>7</sup> gnæista minnar  
 hvgganar sem enn lifir. til þess at niðr falli nafn bonda mins oc æigi  
 megí avkaz hans afkvæmi a iardriki gða nockvrrar miniar eftir lifa  
 hans minningar. Konvngur svaraði. Far þv i hvs þitt oc man ek biðða  
 boð fyrir þik oc svn þinn. Konan sagði. Liggi a mer rangleti  
 þetta oc a favðvrhvi minv. enn minn herra konvngur oc hans tignar-  
 sæti se frialst oc akerolavst<sup>8</sup> her firi. Konvngur svaraði. Þa geri ek<sup>9</sup>  
 annat rað fyrir. lat þv þann til min er i mot þer mælis gða misbyðr  
 oc skal sa æigi þer siðan mæin gera. Þa mællti konan. þess bið ek  
 minn herra at þv minniz drottins gvðs þins. sva at æigi latir þv  
 margfalldaz gða avkaz ættvig enn framarr til hefndar eptir þann er  
 drepinn var. oc æigi se son minn af lifi tekinn. Konvngur mællti.<sup>10</sup>  
 þess sver ek við gvð at engi maðr skal blasa har af höfði þer gða  
 syni þinvm. Konan sagði. Eigi þickivmz ek enn hafa fvlmat mins  
 gyvindiss. vtan þær gefit mer orlof at tala enn flæira við yðr. Kon-  
 vngur bað hana tala sva mart sem hon villdi. Hon mællti. Hversu  
 lgingi skalltv herra lata lyð gvðs sva misgera at kalla eigi aptr þann  
 er lgingi hefir vtlaga verið. qll eigvm ver einn veg fyrir hendi at  
 ver skolvm deya. oc dregr þa iorðin sitt til sin. sva at hvers mannz  
 likami skriðnar til sinnar natvrv i iorðina sem vavtn þav er æigi  
 kvnnv aptr at hverfa. enn allir menn æigv sal. oc er ecki hennar at  
 venta i iorðina<sup>11</sup> þi at drottinn vill vist æigi lata hana fyrirfaraz. helldr  
 hvgsar hann oc setr sva<sup>12</sup> rað til at sa tapiz æigi með ðllo er mis-  
 gerir þo at hann se rækr oc rekinn vm stvndar sakir. Nv kom ek  
 til þess hingat at flytia þetta mal fyrir þer konvngur oc allri hirð  
 hia verandi. þvi at ek var orvgg at tala slíct hversu sem þv tækir  
 minv mali. En nv hefir þv minn herra þvi helldr heyrt minn fram-

<sup>1)</sup> *saal. de ðor.*; ve, C <sup>2)</sup> aatta, B <sup>3)</sup> sunu, B <sup>4)</sup> sameign, B; vidskipti, A  
<sup>5)</sup> mer, A <sup>6)</sup> slaa, A; taka *tilf.* B, Frag. <sup>7)</sup> einn, B <sup>8)</sup> kierulaust, B  
<sup>9)</sup> *mgf.* B <sup>10)</sup> suaraði, B <sup>11)</sup> iorðvne, Frag. <sup>12)</sup> sier, B

hvarð at þv hefir hæitið at frelsa mik af valldi þeirra oc<sup>1</sup> þæði villdv mik oc son minn ma af erfð drottins. Bið ek nv þess at ek eiga þat at segia at hæit þitt herra konvngv se sva fast sem swardagi. Þvi at sva ert þv geðfastv sem gvðs engill. at hvarki vikv þv af rettindvm fyrir bliðv ne striðv. oc þvi er drottinn gvð með þer. Konvngv mælti til hennar. Seg mer satt af oc læyn mik eigi [þann lvt er ek vil spyria.<sup>2</sup> er ægi þat nv at Joab se i raðvm með þer vm þessa lvti. Konan svaraði. þess sver ek fyrir heilso andar þinnar minn herra at þv hnæigir<sup>3</sup> hvarki til hægri handar ne vinstri af ræltvm veg her vm. at Joab lagði þetta vndir tvngvrætr mer oc bavð mer at bera fram merkingar<sup>4</sup> figurv þessa mala.<sup>5</sup> Enn þv konvngv ert sva vitr<sup>6</sup> oc visdomsvllr sem sa gvðs eyrendreki er alla lvti skilr oc skyniar. oc þv mæltir finna a minv tali at son minn likamligr atti ecki sliet at kæra sem ek sagði<sup>7</sup> fram. Þa mælti konvngv við Joab. Nv skalltv sia hversv mer likar þessi þin raðagiorð. Far þv nv oc læið vr vtlegð Absalon son minn. Enn Joab iafnskiott fram fallandi a hallar-golfd oc<sup>8</sup> lavt konvngi oc þackaði honvm þessa milldi sva segiandi. A þessvm degi skil ek at ek hefi fvnnit miskvnn i þinv avgliti minn herra. er þv gerðir þetta estir minvm orðvm.

Joab bioz nv sem skiotaz. [for siðan avstr<sup>9</sup> i Syriam i riki Gessv ok flvtti Absalon konvngs svn þaðan oc hæim i Hiervsalem. Sem konvngv spvrði kvamv þeirra. sendi hann orð Joab at Absalon skyllði hæim fara til bva sinna enn koma ecki a konvngs<sup>10</sup> fvnd. oc sva giorði hann. Absalon var segri oc friðari skapaðr fyrir allra lvtu sakir en engi maðr annarr i Gyðinga kyni. sva at þat er<sup>11</sup> sannsagt af honvm. at milli hæls oc hvirfils fannz hvergi fleckr eða lyti a hans likam at maðr myndi sik annan veg kiosa skapaðan. Hann var oc frægðarsamliga hærðr fra þi sem aðrir menn beði at fægrið oc væxti. oc þat til marks vm mikilleik hars hans. at þat þyngði hann sva at hann varð vm sinnu a hverio ari at lata reka<sup>12</sup> af ser. Ok einn tima hafði klipparinn forvitni til at færa a vag har af höfði honvm. oc va .cc. skillinga. Absalon atti .iii. syni<sup>13</sup> oc eina dottvr harðla fagra synvm er het Thamar. hana atti siðan Roboam konvngv son Salomons.<sup>14</sup> oc var þeirra son Abia konvngv Juda. Absalon var nv sva .ii. ar i Hiervsalem at hann kom ecki til fvndar við feðr sinn oc ægi naði hann at sia konvngv. Hann giorði þa orð Joab hertoga. at hann villði

<sup>1</sup>) at, Frag.; er, A <sup>2</sup>) [mgl. B; þvi er ek mvn spyria, A <sup>3</sup>) hnæigiz, B <sup>4</sup>) mgl. B <sup>5</sup>) mæla, A, B, Frag. <sup>6</sup>) maðr tilf. B <sup>7</sup>) sagða, B <sup>8</sup>) saal. ogs. B, A; mgl. Frag. <sup>9</sup>) [ok for, B <sup>10</sup>) hans, B <sup>11</sup>) var, B <sup>12</sup>) saal. ogs. B, A, Frag. <sup>13</sup>) sunu, A, B <sup>14</sup>) Salomonis, A, B



senda hann til konvngs. Enn Joab villdi æigi koma til moz við Absalon. Sem Absalon hafði sendt tysvar eftir honum oc villdi hann æigi koma. þa mællti hann til sveina sinna. þat er yðr kvnnict at akrrar ockrir Joab liggia saman. farit nv til oc leggit i elld i akr<sup>1</sup> hans oc brennit vpp. þeir giðrðv sem hann bavð oc brendo allt sęði Joab. Enn er þrælur hans komv til oc sa þar [verks ofmerki.<sup>2</sup> rynnv þeir með hrygd oc rifv klęði af ser oc savgdv Joab skaða sinn. Joab for þa at finna Absalon oc mællti sva til hans. Firir hveria savk leztv [þræla þina<sup>3</sup> brenna sæði mitt.<sup>4</sup> Absalon svaraði. Ek senda þer boð tveim sinnvm biðiandi at þv skylldir koma til min. þvi at ek villda senda þik til konvngs [at forvitnazt<sup>5</sup> fyrir hvi ec var kallaðr vr vtlegð. þvi at bętra var mer at vera i Gessvr gða annarri vtlægð enn her. ef ek skal alldri koma i konvngs avgsyn. Nv bið ek at [ek na vm siðir at sia hann.<sup>6</sup> enn ef hann vill þat æigi. þa vęit ek at hann minniz ranglętis mins oc man lata drepna mik.

Joab for þa at finna konvng oc talaði<sup>7</sup> þetta mal [fyrir honvm.<sup>8</sup> oc tok hann þvi vel. Var þa Absalon [til kallaðr.<sup>9</sup> Sem hann kom inn i höllina fell hann fram fyrir feðr sinn oc kvaddi hann virðvliga. Konvngur [tok til hans.<sup>10</sup> ręisti hann vpp oc kysti oc tok hann með fagnaði i fvlla sętt. Eptir þetta lęt Absalon giðra ser ęina agęta oc höfðingliga kęrrv oc dvbbaði .lx. riddara<sup>11</sup> oc .l. fylgðarmanna ser til þionosto oc sinni kerrv til verndar. Hvern morgin sem Absalon var clęddr. geck hann vt at borgarhliði. settiz þar oc sætti komandvm.<sup>12</sup> með þi moti at hvernn mann þann er nðckvð ætti<sup>13</sup> at kęra oc veri kominn at lęita doms konvngs a sinv mali kallaði Absalon til sin. oc spvrði af hverri borg [gða hverr<sup>14</sup> veri gða hverra ęyrinda<sup>15</sup> fęri. Ok sem sa er hann talaði við sagði hvaðan hann var æða hverrar ættar gða hvat hann atti at kęra. þa svaraði Absalon. Malęfni þin synaz męr goð oc rętt. enn ęngan vrskvrd fer þv þinna mala. þvi at konvngur hęfir ęngan til sętt at hęyra þik. oc þat<sup>16</sup> vęit trv min at slik mal skyllda ec skiott oc vel gręiða ef nockvrr villdi mik taka til domanda yfir folkit. Absalon var sva bliðr við allt folk með frabęro yfirbragði sinnar halęitv fęgrðar.<sup>17</sup> at hann kvaddi oc kysti hlęiandi<sup>18</sup> hvern mann er til hans kom. Sva giðrði hann við allt folk Gyðinga þat er for at sękia doma konvngs oc hęyra af

<sup>1</sup>) akra, B <sup>2</sup>) [saal. ogs. Frag.; verks ummerki, B; vex ummerki, A <sup>3</sup>) [mgl. B, A <sup>4</sup>) min, A, B <sup>5</sup>) [mgl. B <sup>6</sup>) [sia hann um siðir, B <sup>7</sup>) flutti, A <sup>8</sup>) [við hann, B <sup>9</sup>) [kallaðr til konungs, B <sup>10</sup>) [mgl. B <sup>11</sup>) riðandi manna, B <sup>12</sup>) komendum, A, B <sup>13</sup>) atti, A <sup>14</sup>) [hann, B; hverr, Frag. <sup>15</sup>) hann tilf. B, A <sup>16</sup>) mgl. B <sup>17</sup>) saal. de ðer.; fregðar, C <sup>18</sup>) saal. de ðer.; hlęgiandi, C

honvm réttendi. oc margs mannz hiarta giorði Absalon ahyggiv-  
fvllt.

### Fra vppreist Absalonis moti Daudid.<sup>1</sup>

275. Þa er liðnir vorv .xl. vetra fra þi er Saul konvgr let drepa kennimenn drottins sakir Dauids sem fyrr var sagt. gengr Absalon ginn dag fyrir favðvr sinn sva segiandi. Gefit mer orlof herra konvgr at leysa hēt þat er ec hēt þa er ek var i riki Gessvr i Sýrlandi. at ek skyldi fara oc fornsfæra i Ebron ef gvð villdi læiða mik aptr i Hiervsalems af þeirri vtlægð. Konvgr bað hann fara i friði oc fremia réttlæti. Absalon bio sik skíott oc for i Ebron. hann sendi sina menn i alla kynþattv Jsraels oc havð sva. at þann tíma sem Gyðingar hæyrði<sup>2</sup> lvör hans skyldi<sup>3</sup> þeir segia at Absalon rikir<sup>4</sup> i Ebron. Absalon hafði .cc. manna af Hiervsalems [þeirra er hann kvaddi til farar með ser.<sup>5</sup> þeir vorv allir með hreinv hiarta oc einfavlldvm hvgr oc vissv. ecki til hvat vndir bio. Absalon hæimti oc til<sup>6</sup> Achitophel af Gilo. þeirri borg er sva hætir. hann var raðgiafi Daudid konvgs. Sem Absalon hafði sēft fornir i Ebron. læt hann allt folk sveria ser trvnað. dreif þa lið til hans hvaðan æfa. sva at hann hafði skíott allmikinn her.

Nv sem Daudid konvgr frettir ðll þessi tiðendi kallar hann saman<sup>7</sup> sina menn i Hiervsalems ok segir sva. Þav tiðendi hēfi ec spvrt fra Absalon syni minvm er mik tregar miog. Vil ec þat rað gefa yðr goðir felagar<sup>8</sup> at hverr því sik sem skiotaz oc skvndvm vt af borginni. þi at eigi man siðarr kostur at flyia er Absalon kemr með allan her oc teppir<sup>9</sup> oss inni oc [drepi enn slai<sup>10</sup> sverði alla borgina oc eyði.<sup>11</sup> Þa svarvðv allir hans menn. Giarna vilvm ver þinir þrælur herra konvgr þeim ðllvm lvtvm at fylgia oc algera<sup>12</sup> eptir matt<sup>13</sup> oc mēgni sem [þv vill<sup>14</sup> bioða oss. Sifan for konvgr oc ðll hans hirð af Hiervsalems a fēti sva at æigi reið helldr konvgr sialfr. Ean hann læt eftir i borginne til at gæyma konvgs herbergia .x. frillvr sinar. Ok sem konvgr var vt kominn. ok allr Jsraels lyðr næytti eiginligra<sup>15</sup> fota til gavngv. nam hann stað langt fra borginne oc bæið sinna manna þeirra er sēinne vrvðv. Sottv þa til [motz við kon-

<sup>1</sup>) Fra serð Absalons i Ebron. capitulum, A <sup>2</sup>) heyrðu, B <sup>3</sup>) skyldu, B

<sup>4</sup>) saal. ogs. Frag.; man rikia, B; riktú, A <sup>5</sup>) [mgl. B <sup>6</sup>) sin tilf. B, Frag. <sup>7</sup>) tilf. B, Frag. <sup>8</sup>) höfðingjar, A <sup>9</sup>) kneppir, A <sup>10</sup>) [saal. ogs. B, Frag.; slær, A

<sup>11</sup>) eyðir, A <sup>12</sup>) gígra, B <sup>13</sup>) mētti, B <sup>14</sup>) [þer uilit, B <sup>15</sup>) mgl. A

vng<sup>1</sup> allir trvlyndir þionostomenn oc sva þeir menn með sínar fylkingar er hætv Cherethi oc Phelethi. Þa gengv fyrir konvng þav .dc. manna sem honvm höfðv fylgt or ríki Geth þa er hann toc ríki i Ebron. höfðingi þeirra hét Ethai. Daud<sup>2</sup> mællti til hans. Þv Ethai ert vtlendr maðr oc hefir verit með mer vm hrið oc fyrirlatið fyrir mina skyld fe þitt oc fustrland. nv man ek fara sem fyrir liggr oc avðæt<sup>3</sup> ma verða. en æigi skal nær fara at ek lavna<sup>4</sup> þer þi dygd<sup>5</sup> oc dræingskap er þv hefir mer synt með trvlyndri þionkan.<sup>6</sup> at vesia þik i vandreðvm<sup>7</sup> með mer. oc fyrir þi snv þv astr með alla þina sveitvnga oc tak þer bygðarlag i Jorsalaborg með þessvm nyia konvngi. Ethai svaraði konvngi a þessa lvnd. þess sver ek við lifanda gvð oc lif þitt konvngr. at ek þrell þinn skal þar vera sem þv ært oc þer fylgia minn herra. hvart sem þv ert lifs æða davðr. oc ðngvm ððrvm konvngi þiona vndir heims solo. Konvngr mællti. Far at þi sem þer likar.

Þa rð Daud konvngr til ferðar oc með honvm Ethai með sina svæit oc þar með annað folk. oc allr lyðr geck með hrygd oc harmi. For þa<sup>8</sup> konvngr með allt sitt lið [yfir forss<sup>9</sup> Cedron þann veg sem<sup>10</sup> liggr til eyðimerkr. Kom þa til motz við hann Sadoch kennimaðr oc allir Levite með ser flytiande ena helgv sattmalsðrk drottins oc settv hana þar niðr. Abiathar byskup var oc þar. oc Achimaas son [Abiathar. oc son hans Jonathas.<sup>11</sup> Þa mællti Daud. Þat vil ek at þer hverfist aptr oc verið frialsir i Hiervsalem. enn ek man her læynaz i [æyðimðrkvm<sup>12</sup> i eyðirioðrvm<sup>13</sup> þar til er mer kemr fra yðr nðckvr tiðendasðgn. þi at þat skolot þer annaz at gera mik varan við þa lvti sem að kvnnv beraz hæima i landinv oc mik varðar at vita. Sadoch oc Abiathar fluttv nv aptr avrkina i Hiervsalem. Enn David konvngr geck með hrygd oc harmi oc berföttr at<sup>14</sup> hvlðv höfði framm a skoginn þar sem heitir olifaborg. oc sva allir hans menn gengv með sorg oc svt oc hvlðv höfðv sin. Þa fretti konvngr þav tiðendi. at Achitophel er verið hafði hans hinn hesti raðgiafi hann var nv æiðsvari Absalons<sup>15</sup> til allra raða. Þa mællti konvngr oc sa til hersins.<sup>16</sup> Vandr svikari er Achitophel. bið ec drottinn minn at þv latir með nockrvv moti vvitrliga verða hans raðagerð. Sem [hann<sup>17</sup> toc<sup>18</sup>

<sup>1</sup>) [konungs, A, B <sup>2</sup>) konvngr *tílf.* B <sup>3</sup>) auðit, B, Frag. <sup>4</sup>) launi, B <sup>5</sup>) þina *tílf.* B, A <sup>6</sup>) þionan, A, B <sup>7</sup>) *saal.* B, A, Frag.; vændreðvm, C <sup>8</sup>) Daud *tílf.* B <sup>9</sup>) [*saal.* A, Frag.; til fors, B; yforss, C <sup>10</sup>) leið *tílf.* B <sup>11</sup>) [hans ok Jonathan Abiathar sun, B; hans ok Jonathas, A <sup>12</sup>) eyðimqrk eðr, B <sup>13</sup>) [eyðirioðrvm a morkinni, Frag.; eyðimorkinni, A <sup>14</sup>) ok, A, B <sup>15</sup>) Absalons, B <sup>16</sup>) lydsins, A; himina, Frag. <sup>17</sup>) Daud, B <sup>18</sup>) [þeir toku, Frag.

hvilld a gínne fíallzhæð. kom til hans ginn vin<sup>1</sup> hans er het Cvsai með sorgar yfirbragði at rífnv clæði oc molldarfvllv<sup>2</sup> höfði. Konvngv mællti til hans. Ef þv fylgir mer Cvsai oc minvm flocki. þa verðr mer helldr<sup>3</sup> at þi þvngi enn<sup>4</sup> gagn. oc ef þv vill mer nockvt lið væita. þa snv þv aptr i Hiervsalem oc mēl til friðar við Absalon. Oc ef hann vill sem mik varir þiggia þina þionostv. þa skalltv kostgefa at eyða oc vnyta raðagiðrð Achitophel. Nv ero þar kennimenn Sad-och oc Abiathar. oc skallt þv segia þeim hvert orð er þv heyrir a konvngs garði. oc síþan skolot þer allir samt senda til min oc [segia mer oc gera<sup>5</sup> varan við allar þeirra framferðir oc raðagiðrðir sem þer verðit visir. Cusai for nv sem konvngv gerði rað fyrir. Ok sem hann hafði skamma hrið<sup>6</sup> dvaliz i Hiervsalem kom þar Absalon konvngsson með sinn her.

#### Siba ferði Daudið uistir.<sup>7</sup>

276. [Þo er nv<sup>8</sup> fyrst fra þi at segia. at þa er þeir skilðv konvngv oc Cvsai sneri konvngv yfir fíallit þvert. oc avðrvm megin i fíallzhliðinni kom til hans Siba sem fyrr var nefndr er Daudið setti til at þiona Miphiboseth með tva asna klyfiða af vistvm oc vini. Konvngv spvrdi hvat þat skilldi<sup>9</sup> sem hann for með. Siba svaraði. þessa hlvti ferða ek þer minn herra. asna til ræiðar at þv gengir æigi sialfr. vistir at fæða með sveina þina. vin at drecka ef nðckvrrir þreytaz<sup>10</sup> af þorsta oc erfði a eyðimorkinni. Konvngv mællti. Hvar er mæistari þinn Miphiboseth. Siba svaraði. Hann var eptir i Hiervsalem oc sagði sva at Gyðinga lyðr myndi nv skipa<sup>11</sup> honvm ríki favðvr sins. oc bregða ællar hann nv sinvm trvnaði við yðr. enn ek bið at finna miskvnn i þinv avgliti. Konvngv mællti. Allir lvtir þeir er allt hēfr Miphiboseth skolo nv vera þinir.

#### Fra illyrðum Nabath við Daudið.<sup>12</sup>

277. Sem Daudið konvngv kom<sup>13</sup> þar framm sem heitir Bavrím. geck vt i mot honvm<sup>14</sup> ginn frendi Saul konvngs er het Semei oc avðrv nafni Nabath. Hans son var Jeroboam er siðarr<sup>15</sup> man getið

<sup>1)</sup> uinr, B <sup>2)</sup> molldvgv, A <sup>3)</sup> mgl. A <sup>4)</sup> eigi tilf. A <sup>5)</sup> [giqra mik, B <sup>6)</sup> stund, B, Frag. <sup>7)</sup> Fra Daudið konungi ok Semei, A <sup>8)</sup> [Na er, B <sup>9)</sup> skal, B <sup>10)</sup> sykiaz, A <sup>11)</sup> skipta, B <sup>12)</sup> A har her ikke nyt Capitel. <sup>13)</sup> for, B <sup>14)</sup> af staðinvm tilf. Frag. <sup>15)</sup> siðan, B

verða. Semei for a veginn fyrir konvng oc hans menn með bðlvan oc banni. sva ærr oc oðr at hann barði grioti til konvngs oc hans sveina. enn þeir gengv tveim megv<sup>1</sup> hia konvngi oc hlifðv honvm við griotflavginni. Semei bolfaði konvngi [i akafa<sup>2</sup> með þessvm orðvm. Drags<sup>3</sup> þv a brott heðan diðfvls maðr oc morðingi. Nv hefir gvð golldit þer er<sup>4</sup> þv hefir raðit bana allri hirð oc hvskörlv<sup>5</sup> Saul konvngs. en þv setz<sup>6</sup> i rikið efter með rani oc rangendvm. fyrir því hefir gvð nv gefið rikit Absalon syni þinv<sup>7</sup>. enn þik taka at þravngva þinar illzkvr þi at þv ert vandr manndrapari. Þa mællti Abisai son Sarphe<sup>8</sup> til konvngs. Hvi bðlvar sva þessi bannsettr<sup>9</sup> hvndr minvm herra. nv vil ek fara oc sla af honvm hðfvð. Konvngr svaraði. Hæyrið mik synir Sarphe.<sup>6</sup> Hvat skaðar<sup>8</sup> oss orð hans. latið hann bðlva sem hann vill. þi at ec trvi at drottinn hafi boðit enn bannat ægi at illyrða mik fyrir minar synðir. oc hverr<sup>9</sup> man sva diarfr at þori at spyria eftir hvi gvð gerði sva. Ok enn mællti hann til Abisai oc annarra sinna manna. Litið a goðir dreingir. Minn eigin svn sitr vm lif mitt oc vill drepa mik. Hverso myklo helldr er mer van grimðarfvllz fiandskapar af frenda<sup>10</sup> Saul mer vandalavsv<sup>11</sup>. Kann oc vera ef gvð litr mina mqvðv. at hann avmbvni mer með einhverio goðv ef ek hefi þol við. Geck þa David konvngr leið sina oc hans felagar. enn Semei for [æ iafnfram<sup>11</sup> vm fiallzavxlina<sup>12</sup> it efra bðlvandi oc barði grioti til þeirra oc ios a þa iorva<sup>13</sup> oc molldo sem hann komz við. Konvngr for þar til er hann kom a einn slettan hialla<sup>14</sup> i fiallzhlidinni. vorv þa allir hans menn moðir [af gavngv<sup>15</sup> oc tokv hvilld.

#### Fra raadagiorð Achitophel.<sup>16</sup>

278. Nv er þar til at taka sem aðr er fra horfit. er<sup>17</sup> Absalon oc Achitophel drottins svikari<sup>18</sup> oc ner allr Jsraels<sup>19</sup> lyðr kom i Jorsalaborg. þa geck Cvsai sannr vinr Davids konvngs fyrir Absalon sva segiandi. Hæill heill herra konvngr. Absalon svaraði. Þessi er virðvlig oc vinsamlig kvæða. enn fyrir hvi ert þv her enn fylgðir ægi þinv<sup>7</sup> herra oc felaga<sup>20</sup> David konvngi. Cusai svaraði. Uist ecki vill sva vera. þi at þeim man ek þiona sem drottinn hefir valið

<sup>1</sup>) megin, B, Frag. <sup>2</sup>) [akafiga, A <sup>3</sup>) Dragz, B, A, Frag. <sup>4</sup>) at, Frag.; þat er, A <sup>5</sup>) saal. ogs. Frag.; settiz, B; hefir setz, A <sup>6</sup>) Sarphe, Frag., B <sup>7</sup>) saal. ogs. B, Frag.; bannsetti, A <sup>8</sup>) saal. ogs. B, Frag.; saka, A <sup>9</sup>) tilf. B, Frag.; engi tilf. A; mgl. C <sup>10</sup>) frændum, A <sup>11</sup>) [iafnan, B <sup>12</sup>) fiallzhlidina, Frag. <sup>13</sup>) iqra, B <sup>14</sup>) vqll, B <sup>15</sup>) [mgl. B <sup>16</sup>) Raðagerð Absalons ok Cusai, A <sup>17</sup>) at, B <sup>18</sup>) suiki, B <sup>19</sup>) Jsrael, B <sup>20</sup>) uin, B

ok allt þetta folk Gyðinga lýðr lætr sér soma lotning at væita. ok sva man ek þer reynaz sem ek hefí ræyndz favðvr þínm. þa mællti Absalon við Achitophel. Undir þer ero ðll rað hvat ver skolvm at hafaz. Achitophel svaraði. þat er mitt hit fyrsta rað at þv gangir inn oc leggiz með frillvm feðr þins er hann hefir til sætt at gæyma sinna herbergia. þi at þa er allt Jsraels folk frettir at þv geriz ægi minni fyrir þer enn feðr<sup>1</sup> þinn. þa manv allir astvnda at efla þik sem mest i mot honvm. Síþan slogv þeir landtialldi Absalons<sup>2</sup> i einvm grasgarði. enn hann geck inn til frillna feðr sins at avggsiandvm ðllvm lýð. þi at i þann tíma var sva mikil virðing væitt Achitophel. at ðll hans raðagiðrð var sva tekin [fyrir fvlinað<sup>3</sup> i alla staði sem þat veri gvðs forsia<sup>4</sup> er hann sagði fram. sva þa oc<sup>5</sup> er hann var með Daud sem nv með Absalon.

Ekfir þetta talar Achitophel við Absalon. Nv man ec segir hann velia .xii. þvsvndir<sup>6</sup> hravstra dreingia af [her þínm<sup>7</sup> a þessi natt er nv kemr. ok man ægi mikill vandi at raða a hann<sup>8</sup> vvaran oc vapn-lavsan oc mquðan af miklo vasi. þi at allir hans menn manv verða felmsfvllir oc flyia viðs vegg fra honvm. enn ec skal drepa hann þegar hann er ginn eptirlatinn. þi at betra er oss at ver þrglar þinir takim af lífi ginn mann enn gera<sup>9</sup> ægi mēira mannsPELL. [Síþan man ek<sup>10</sup> læiða aptr allan lýð sva myktan vndir þitt valld. reitt a [sðmiv læið<sup>11</sup> sem misgerandi kona friðmēliz við sinn bonda. þetta þockaðiz<sup>12</sup> vgl Absalon oc avllvm hðsðingivm hersins. þa mællti Absalon til svæina sinna. Kallit mer Cusai. oc vil ec hœyra hvat hann segir. Ok sem Cusai kom [til hans segir sva Absalon<sup>13</sup> til hans. Hvert rað gefr þv til hvart ver skolvm [eða ægi gera eptir þi<sup>14</sup> sem Achitophel hefir rað til gefið. Jnnir hann þa vpp fyrir honvm raðagiðrð hans oc tilskipan. Cusai svaraði sva. Ægi syniz mer þetta gott rað er Achitophel hefir þessv sinni til lagt. Hann þagnaði þa vm litla stvnd oc mællti síþan. Sialfvm þer Absalon er ægi kvvnnict at sæðir þinn oc allir þeir menn er honvm fylgia ero hinir mestv kappar. þicki mer oc van.<sup>15</sup> at bæði se at hann þickiz nv bæiskliga vera bæiddr enda [ælla ec hann sva nv vera<sup>16</sup> i bæiskvm hvg. at hann [giri eingv vætta<sup>17</sup> helldr en birnan er [nyrēnt er<sup>18</sup> sinvm hvnm. Hann er oc beði vitr oc vigkenn til allrar forsia<sup>19</sup> oc herstiornar oc þvi man

<sup>1)</sup> saal. ogs. A; faðer, B, Frag. <sup>2)</sup> Absalon, B <sup>3)</sup> [mgl. B <sup>4)</sup> forsio, B <sup>5)</sup> mgl. B <sup>6)</sup> þusundrat, B <sup>7)</sup> [hermonnum, B <sup>8)</sup> konung, A <sup>9)</sup> gerim, B <sup>10)</sup> [ok síðan, B <sup>11)</sup> [sama vegg, B <sup>12)</sup> þoknaðiz, Frag. <sup>13)</sup> [fyrir Absalon seger konungsson sua, B <sup>14)</sup> [sua gera, B <sup>15)</sup> von, B <sup>16)</sup> [er hann nu sua, B <sup>17)</sup> [man engu vætta eira, B <sup>18)</sup> [hon er nyrēnt, A <sup>19)</sup> forsio, B

hann æigi raðlavss fyrir<sup>1</sup> uerða. oc æigi minni van at hann se nv ecki með sinvm her oc floeki. nema enn helldr hafi hann folgiz i hreysvm gða holvm iarðar æða [fangit ser<sup>2</sup> hæli i einshverivm<sup>3</sup> stað þeim er hann se æigi avðsvndinn. Nv er þat kvnnict orðit<sup>4</sup> ðilvm Gyðinga lyð. at faðir þinn er manna styrkaztr<sup>5</sup> oc hefir orvggan hvg oc hiarta sem leon oc hann ottaz ecki. hann hefir oc þa æina með ser at allir ero hravstir hermenn oc vrvggir til vapns. Enn ef einn- hverr hðfðingi af her þinvm sellr i fyrsto. þa man þat segia maðr manni at þegar hafi vegiz a þinn her. oc manv þinir menn þa allt slioligarr<sup>6</sup> at ganga enn hinir diarfligarr i mot taka. Nv syniz mer þat meira rað at þv stefnir til þin hveriom manni er vapnvm ma vallda af Jsraels kyni fra endilavndvm<sup>7</sup> Dan allt til Bersabe. Enn þa er saman kemr vtalligr herr sem siavar sandr oc þv ært æinn yfir- maðr allra. þa manvm ver hlavpa a Daudid oc hans svæitvnga. sva þyckt oc margr vm einn sem vr gða davgg kann at falla a iorð. oc drepa sva giðrsamliga niðr alla þa ær með honvm ero at æigi þg einn eptir. Enn með þi at þeir seli vðau ser til hæliss i nðckvra borg. þa [sköl allt Jsraels folk til fara oc bera bðnd oc strgingi vm þa borg. siþan<sup>8</sup> skolv ver draga allt saman borgina oc byggendr hennar i forsa æða fen. oc savckva sva ollo samt at hvarki hittiz eptir steinn<sup>9</sup> ne stika. Lavk Cusai sva sinni ræðv at Absalon oc allr herr<sup>10</sup> gerði goðan rom at hans mali. vrðv allir a æitt sattir. at raðagiðrðin Cusai var bæði bætri oc nytsamligri i alla staði helldr enn Achitophel.<sup>11</sup> Savgðv sva ef hans raðvm vgeri fram sarið at þat horfði Absalon<sup>12</sup> til mikils vaða. at<sup>13</sup> drottinn mvndi<sup>14</sup> honvm lata nockvð illt at hendi þeraz.<sup>15</sup>

For þa þegar Cvsai oc sagði Sadoch oc Abiathar kennimonnvm allt hversu [sarið var<sup>16</sup> oc hvar þa var komið.<sup>17</sup> oc sva hvert rað hvarr [þeirra Achitophel hafði<sup>18</sup> til gefið. Sendit nv<sup>19</sup> segir Cvsai sem skiotaz til konvngs oc latið hann vita þessa alla lvti. oc segi<sup>20</sup> honvm [þav þar með<sup>21</sup> min orð at hann læiti brotlo vtan<sup>22</sup> alla dvðl<sup>23</sup> a þessi nolt þaðan sem<sup>24</sup> hann er nv a vðilvm æyðimerkr. at æigi verði hann oc hans menn bornir ofrlíði ef hann biðr þar þess er Absalon kemr með sinn vvgian her. Jonathas oc Achimaas synir

<sup>1</sup>) mgl. B <sup>2</sup>) [fenger(!) sus, B <sup>3</sup>) einhuerium, B <sup>4</sup>) mgl. Frag. <sup>5</sup>) sterkaztr, B <sup>6</sup>) saal. A, B, Frag.; skiotligarr, C <sup>7</sup>) saal. ogs. A, Frag.; endimqrkv, B <sup>8</sup>) [mgl. B <sup>9</sup>) staurr, A, B <sup>10</sup>) herrinn, B, A <sup>11</sup>) reð tilf. B <sup>12</sup>) Absaloni, B <sup>13</sup>) ok, B <sup>14</sup>) myndi, B, Frag. <sup>15</sup>) bera, B <sup>16</sup>) hafði, Frag. <sup>17</sup>) [komit nær ok huat þeir hofdu talat, B <sup>18</sup>) [Achitophel eðr Cusai hqðu, B <sup>19</sup>) siðan tilf. B <sup>20</sup>) saal. ogs. B, Frag.; segit, A <sup>21</sup>) [þar með þau, A, B, Frag. <sup>22</sup>) aan, A <sup>23</sup>) rett tilf. Frag. <sup>24</sup>) Her ender Fragm. XIII.

byskvpa<sup>1</sup> voro þá staddir við brvnn Rogel. þar kom ein ambatt send af byskvpum oc sagði þeim alla þessa lvti. þeir brvgðv við þegar. oc [forv þaðan sem þeir vorv at hera<sup>2</sup> niosn Daudid konvngi. þi at þeir maltv [ecki koma<sup>3</sup> innan borgar. Enn svæinn einn sa ferð þeirra oc þoltiz vita hvat þeir ætlvðv.<sup>4</sup> Gecc hann þegar fyrir Absalon oc sagði honvm. Sendi hann síþan sína menn [at taka.<sup>5</sup> En er sendimenn sa ser vætta eptirfðr. skvnnðvðv þeir sem mest sinni ferð. ok er þeir komv fram at borg Barim. hliopv þeir i garð eins bonda. þar var brvnnr i garðinvm oc harðla [hatt at niðr.<sup>6</sup> Gengv þeir niðr at brvnninvm. enn heimakona<sup>7</sup> tialldaði yfir sva at ecki sa til at þar vere niðrganga.<sup>8</sup> þi likt at<sup>9</sup> hon þvrcaði<sup>10</sup> hvsbvnad sinn. Ok sem svæinar Absalons<sup>11</sup> komv i garðinn. spvrðv þeir konvna hvar þeir veri<sup>12</sup> er þar komv litlo aðr. Hon svaraði. Brottv forv þeir oc atlv her ecki lgingri dvðl enn þeir drvckv vatn er ek gaf þeim. Ok ær þeir fvndv þa ægi. hrvfv þeir aptr i Hiervsalem. Enn þegar sem þeir vorv brotto stoðv hinir vpp fra brvnninvm oc forv veg sinn. þeir fvndv Daudid konvng oc flvttv honvm ðll tiðendi þav sem þeir visso af Jorsalaborg. Síþan mællto þeir. Nv vitvð þer af varvm orðvm raðagiðrð Achitophel i mot yðr. risit þvi vpp skiott oc skvndit vt yfir Jordan. Daudid konvngr bioz hvatt með alla sína svæit. Var konvngr oc hverr sem æinn hans manna kominn vt yfir ana aðr lysti af degi.

#### Achitofel drap sik sialfr.

Achitophel sa nv at hans raðagiorð invndi<sup>13</sup> at qngv havfð. tok hann þa asna sinn oc biotz a brotto af Hiervsalem. for hann sva bvinn til síns heima i børg Gilo. hann skipaði [til allra lvtu<sup>14</sup> i hvsí sínv. síþan hæingði hann sik sialfr oc var þat hans bani. var hann grafinn i Gilo [hia frendvm sínv.<sup>15</sup>

#### Fra Daudid konungi ok Absaloni.<sup>16</sup>

279. Davið konvngr kom þar sem kallaz Castra. Absalon for eptir honvm vt yfir<sup>17</sup> Jordan. oc með honvm hverr maðr drivgvm

<sup>1</sup>) þeirra, B <sup>2</sup>) [barv, A, B <sup>3</sup>) [ægi komaz, B; huergi koma, A <sup>4</sup>) mundu æla, A <sup>5</sup>) [at taka þa, B; eptir þeim, A <sup>6</sup>) [diupt at ofan, A <sup>7</sup>) þeon-ostukona, A <sup>8</sup>) niðrgangr, A <sup>9</sup>) ok, B; sem, A <sup>10</sup>) þar tilf. B <sup>11</sup>) Absalonis, B <sup>12</sup>) menn voru, A <sup>13</sup>) myndi, B; var, A <sup>14</sup>) [rað fyrir aullum lutum, A <sup>15</sup>) [i leiði fður síns, B <sup>16</sup>) Fra herbunaði Daudis, A <sup>17</sup>) anna tilf. B



sa er vapnvm matli valda i Jsrael. settv þeir sínar herbvðir i Galaath. Absalon setti þann höfðingia yfir sinn her er het Amasa [af Jesreli.<sup>1</sup> Amasa geck inn i herbergi þeirrar konv er het Abigail oc lagðiz með henne. Abigail var systir Sarphe<sup>2</sup> móðvr Joabs hershöfðingia Daudid konvngs. Sobi het maðr<sup>3</sup> annarr Machir.<sup>4</sup> hinn þriði er nefndr Berzellai [af Galaath.<sup>5</sup> Þessir .iii. menn af miklvm manndom hvglæiddv hversu miklar navðir [konvngv Daudid<sup>6</sup> hafði þolað a æyðimðrkvm. oc hans menn mvndv<sup>7</sup> miog at þrotvm komnir af hvngri oc þorsta. Nv sem konvngv var kominn i Castra. þar<sup>8</sup> var æin sterk borg. hva þessir menn sem nv vorv nefndir til hvæiti oc hvngang miol oc mælt oc allz hattar iardar avðxt. sva oc allan hinn agætazta dryck. savði oc yxn sæita oc allt annað þat er til mannfæðv<sup>9</sup> ma hafa fluttv þeir til herbvða Daudid konvngs. oc gafv honvm oc hans monnvm sva mikla gnott vins oc vista at þeim mætti<sup>10</sup> vinnaz marga manaði. Nv sem Daudid hefir skoðat lið sitt oc sett höfðingia yfir .ccc. manna oc sva yfir hvert .c. síþan þriskipti hann herinv. oc setti Joab höfðingia yfir einn þriðivng. enn Ethai af Geth yfir annan þriðivng [enn yfer hinn þriðia þriðivng setti hann Abysay sun Saruie broður Joab ok þar fylgði konvngv sialfr þeim þriðivngi. Konungv<sup>11</sup> mælti þa til lyðsins. Nv er vænaz at ek fari með yðr til bardaga. Enn allr herrinn svaraði þegar at þat skyldi með engv moti vera at hann færi með þeim at sinni. því at þeir hgliarmenn ero i moti segia þeir ef ver komvm saman. at ecki mikit manv vm hirða hvart ver menn þinir föllvm gða flyivm. því at helldr mvnv þeir vilia na þær einvm enn .x. þvsvndvm annarra manna. Er oss hitt betra at þv ser her i orvggri<sup>12</sup> borg. hvers sem ver [kvnnvm við þvrfa.<sup>13</sup> þi at oss þickir allz giçtt ef yðar er. Konvngv svaraði. Sva man ek gera at sinni sem þer vilit. Stoð konvngv þa við borgarhlið meðan höfðingiar forv vt hverr með sínar svæitir. þa mælti konvngv til<sup>14</sup> Joab oc Abisai oc Ethai. sva at allr herrinn hæyrði. þat byð ek yðr skyllðvliga öllvm. at þer drepit æigi Absalon son minn þo at yðr gefi færi a. nema enn helldr færi [hann mer<sup>15</sup> lifanda. því at mer man miog mislika ef þer bregðit af þessv minv boði.

<sup>1)</sup> [sun þers manuz er kallaðr nar Jethra af Jezeli, B <sup>2)</sup> Saruie. B <sup>3)</sup> sun Naas af Rabad sonar Ammon tilf. B <sup>4)</sup> het Machir sun Amihel af Lodabar, B <sup>5)</sup> [Galadites af Rogelim, B <sup>6)</sup> [Daudid konungv, B <sup>7)</sup> myndv, B <sup>8)</sup> þat, B <sup>9)</sup> mannfæðia, B <sup>10)</sup> mætti, B <sup>11)</sup> [saal. B; enn sialfvm konvngi fylgði þriðivngv. Haun, C; enn hann sealfv styrði enum þriðia, A <sup>12)</sup> qrggum stað ok, B <sup>13)</sup> [þurfum við, B <sup>14)</sup> við, B <sup>15)</sup> [þer mer hann, B

## Fall Absalonis ok hans manna.

280. Hofðingiar Dávid flúttv herinn<sup>1</sup> a skog Effraim. þar kom a mot þeim Absalon með allan sinn her. oc var allmikill liðsmvnr [at herr konvngsmanna var minni.<sup>2</sup> Hofz þar þa hin snarpazta orrosta oc sneri skiott mannfalli a<sup>3</sup> lið konvngssonar. oc sva væltti herrinn<sup>4</sup> Dávids konvngs harða snerrv<sup>5</sup> at þeir felldo af þhinvm a þeim degi .xx. þvsvndir.<sup>6</sup> [Tok þa at riðlaz bardaginn oc reiða ymsa vega vm völlum.<sup>7</sup> ok vm siðir brast flotti a her Absalons.<sup>8</sup> oc varð þeim þat haskasamt. þi at skoggrinn tynði oc tapaði miklv fleirvm helldr enn fello fyrir vapnvm sinna vvina. Absalon konvngsson reið einvm mvl vm daginn. Enn sva bar til at allr herrinn dreifðiz fra honvm. enn hann hlæpti hvas<sup>9</sup> vm skoginn vndan monnvm Dávids. ok sem mvlinn vndir honvm rann fram. at einni eik mikilli oc margkvisslottri. þa snart höfvd hans eikina oc brazt harið vm einn kvist sva<sup>10</sup> honvm kippti<sup>11</sup> vpp or savðlinvm. enn mvlinn rann framm vndan honvm oc hekk hann sva i loptinv. Þetta gat at lita einn konvngsmaðr oc sneri þegar aptr i mot Joab oc sagði sva. Nv rétt sa ec Absalon konvngsson hanga i halimvm einnar æikr her frammi<sup>12</sup> fyrir oss. Joab svaraði. Ef þv satt hann hanga. <sup>13</sup>hvi drapt þv hann æigi. oc myndi ec hafa gefit þer .x. skillinga af skirv silfri oc þar með gott helldi. Hann svaraði. Þat veit. ec vpp a trv mina þo at þv gefir mer .m. skillinga. at æigi þvi helldr legða ek hendr minar a hann. sva mikla varhygd<sup>14</sup> sem faðir hans bavð yðr höfðingivm a at ðllvm oss aheyrandvm at þer skyldvt varðvæita hann [lifanda oc hæilan<sup>15</sup> honvm færa. Nv ef ec hefða drepit hann. [þat veri diarfliga<sup>16</sup> minn davði þi at þat mælti ecki lænaz fyrir konvngi. ælla ec at þv. [mivndir giarnn at<sup>17</sup> bera þat verk a mik enn [afsaka sialfan þik.<sup>18</sup> Joab svaraði. Sg ec hvat þv vill. oc man eigi sva fara at hann lifi enn ec se drepinn. þi at ec skal fvlldiarfliga [fyrir þer at honvm ganga.<sup>19</sup> Þræif hann þriv spiot oc [flæygði sitt sinn<sup>20</sup> hverio at Absalon oc nisti hann<sup>21</sup> sva at ðll namv stað i hiartany. Ok sem Absalon spornaði enn a æikinni. rvnnv til .x. skialldsveinar Joab oc sprðv hann til davðs. Læt Joab blasa sigrblastr oc stöðvaði herinn af<sup>22</sup> flottarekstrinv oc villdi æigi

<sup>1</sup>) her sinn, B <sup>2</sup>) [mgl. B <sup>3</sup>) i, B, A <sup>4</sup>) herr, B; menn, A <sup>5</sup>) sokn Israhel, B <sup>6</sup>) [þeim .xx. þvsvndrat a þeim degi, B <sup>7</sup>) [Ridladiz þa bardaginn i flokka, A <sup>8</sup>) Absalonis, B <sup>9</sup>) hart, B; hvatt, A <sup>10</sup>) at tilf. A <sup>11</sup>) lypti, B <sup>12</sup>) framm, B <sup>13</sup>) fyrir tilf. B <sup>14</sup>) uarud, B <sup>15</sup>) [ok lifanda, B <sup>16</sup>) [þa ueri þat uiss, B; þa veri þat senniliga, A <sup>17</sup>) [myndir giarnara, B <sup>18</sup>) [af þer, A <sup>19</sup>) [at honum ganga fyrir þer, B <sup>20</sup>) [skaut sinu sinni, B <sup>21</sup>) vpp við eikina, tilf. A <sup>22</sup>) aa, B

[lata drepa.<sup>1</sup> Toko þeir þa Absalon oc kastaðv honvm i gina grof divpa þar a skoginvm oc giorðv mikinn griothavg<sup>2</sup> vpp af honvm. Enn þo er læiði hans i Hiervsalein. er hann let ser bva virðvliga sem margra ríkra manna siðr var til meðan [hann lifði.<sup>3</sup> oc er þat<sup>4</sup> merkt vndir hans nafn oc hætitir Absalons læiði allt til þessa dags. Achimaas son Sadoch byskvps mællti við Joab. Nv man ek renna oc segia konvngi at drottinn hefir dðmt makligan dom vvinvm hans. Joab svaraði. Eigi skalltv oc engi yðarr<sup>5</sup> þat flytia daglangt at konvngs son se davðr. Joab mællti til þess mannz er Chusi het. Far þv oc seg konvngi þav tíðendi sem þv hefir sgt. Chusi lavt honvm oc rann síþan. Þa mællti enn Achimaas. Hvat dvelr mik<sup>6</sup> nv er Chusi er þo farinn. Joab sagði. Hvat fyszitv<sup>7</sup> felagi sva miog þessa. æigi mantv [sagnaðartiðendi flytia konvngi.<sup>8</sup> far nv sem þær likar. Achimaas rann þegar sem mest matti hann allan<sup>9</sup> hinn bæinsta veg oc komz fyrir Chusi.

Dauíð konvngr sat þar er borgarhlið vorv til beggia handa. Enn speculator litaðiz vm i hæð borgarinnar oc sa renna ginn mann. hann kallaði hatt oc sagði<sup>10</sup> konvngi. Hann svaraði. Þessi maðr man segia goð tíðendi ef ginn saman ferr. Ok sem þessi maðr nalgaðiz borgina kallaði speculator i tvrninvm oc mællti. Enn sæ ec annan mann renna ginn saman. Konvngr svaraði. Þessi man oc<sup>11</sup> goðr sendibodi. Enn mællti svæinninn.. þat bygg ek at Achimaas renni fyrr. Konvngr mællti.<sup>12</sup> Hann er goðr maðr oc man bera goðan boðskap. Achimaas kom þa oc hæilsaði hatt a konvng oc fell til fota honvm sva segiandi. Lusaðr se drottinn gvð sa er [saman byrgði<sup>13</sup> oc bravt niðr þa menn sem sinar hendr hofv vpp i mot þer minn herra konvngr.<sup>14</sup> Hvat er nv sagði hann. ero æigi grið gefin svæininvn Absalon. Achimaas mællti.<sup>15</sup> Eigi væit ek þar meira af at segia konvngr enn þa er Joab sendi mik sa ec æina mikla dys. Stat vpp segir konvngr oc bið her vm<sup>16</sup> hrið. [Hann gerði sva. Kom þa<sup>17</sup> Chvsi oc mællti. Goð eyrindi<sup>18</sup> ber ec minn herra. at drottinn. hefir dqmt fyrir þik alla i dag þa er meðr ofrdið<sup>19</sup> risv i gegn þer. Konvngr mællti. Er æigi [friðt syni minvm<sup>20</sup> Absalon. Chvsi mællti.<sup>21</sup> Fari sva allir sem Absalon þinir vvinir konvngr oc þeir sem þer

<sup>1</sup>) fleira Israel lyð tilf. B; [lengr drepa láta lyði, A <sup>2</sup>) saal. A; griothög, C; griothorg, B <sup>3</sup>) [lifðu, B <sup>4</sup>) þar, A <sup>5</sup>) annarr, A <sup>6</sup>) mgl. B <sup>7</sup>) fysziz þu, B. A <sup>8</sup>) [segia konungi seginsögu i þessu, A <sup>9</sup>) mgl. B, A <sup>10</sup>) sva tilf. B <sup>11</sup>) enn, B <sup>12</sup>) svaraði, B <sup>13</sup>) [i dag lægdi, A <sup>14</sup>) Konungr svaraði tilf. A <sup>15</sup>) svaraði, B, A <sup>16</sup>) litla tilf. A <sup>17</sup>) [þvi bili kom, A <sup>18</sup>) erendi, B; tidindi, A <sup>19</sup>) ofdið, B, A <sup>20</sup>) [friðr sveininn, B <sup>21</sup>) svaraði, B

gera mæin gða misbioða. því at nv er hann fallinn. Konvngv varð nv harðla hryggv við þessi liðendi. Geck hann þegar vpp i lopthvsi<sup>1</sup> yfir portinv sarliga syrgiandi oc sagði sva. Hvat skylldi mergavmlvm karli at lifa hravnanda<sup>2</sup> a hveriom degi. enn þv son minn Absalon skylldir deya i blomi<sup>3</sup> alldrs þins. makara at ek mætta nv helldr deya ef gvð villdi. en þv lifa son minn Absalon. Var þa þegar boðat oc borið vpp fyrir alþýðv at konvngv græt sarliga son sinn davðan. Sneriz þa öllum lyð i svt oc sorg þessi haleiti sigr. oc ræikaði raðlavsliga vtan borgar allr herr konvngs er heim var kominn fra bardaga oc dreifðiz<sup>4</sup> her oc hvar því likara sem flottamenn helldr enn sigrvegarar. þi at flestir forðvðvzt at koma innan borgar meðan konvngv mquðiz<sup>5</sup> af sva mikilli hrygð oc harmi. Joab geck þa vpp i loptið til konvngs sva segiandi. Miog lytir þv oc svivirðir [i dag asianvr<sup>6</sup> allra þinna manna. þeirra sem hialpað hafa bæði þino lifi oc sva<sup>7</sup> sona þinna oc dættira oc frialsvðv fra skomm oc skaða allar þinar æiginkonvr oc frillvr. þv elskar þa er þic hata enn hatar þa er þik elska. oc synir nv af þer sva mikla vansomð at þv hirðir ecki vm herloga þina oc hirðsvæitir. Enn giorla skil ek nv hvat vm er. ef Absalon lifði enn ver allir verim davðir þa myndi þer lika. Nv þa ris vpp oc ger sva mikil tillæti þinvm monnvvm. at þv væit þeim viðmæli. því at ek segi þer satt af oc þar sver ek vm fyrir sialfan drottin. sva er nv komið. vilir þv æigi vt ganga oc glæðia þina menn sva<sup>8</sup> man fra þer dræifast folkit. <sup>9</sup>at æigi man einn maðr eplir vera með þer aðr þessi natt er brottv. ok er þer þetta verra. ef sva ferr. enn allar æymðir oc illir lytir þeir er þer hafa til handa borið fra barns alldri oc allt her til. [manv<sup>10</sup> skiott fra þer hverfa<sup>11</sup> ef þv lætr æigi<sup>12</sup> at minv mali verða farið.

Konvngv reis þa vpp oc geck ofan or loptinv oc sættiz i sialft borgarhlíði. oc sem þat frettir folkit. drifv til hans allir hans menn. Enn Gyðinga<sup>13</sup> herr sa er verit hafði i bardaga með Absalon flyði i herbvðir sínar. Atti þa allt Jsraels folk þing oc stefnv sin a milli oc giorðv<sup>14</sup> rað sin.<sup>15</sup> Gæystiz fram allr almvgrinn með einv samþycki oc sðgvðv sva til sinna stiornara. Davið konvngv er agætr höfðingi. hann hefir frelst oss af valldi<sup>16</sup> Philistinorvm oc annarra varra vvina oc er nv vorðinn forflotta<sup>17</sup> fyrir Absalon oc rangliga rekinn af rikino. enn Absalon er ver vðlþvm oc vigðvm oss til konvngs

<sup>1</sup>) er var tilf. A <sup>2</sup>) hrqvnanda, B, A <sup>3</sup>) bloma, B, A <sup>4</sup>) hann tilf. B <sup>5</sup>) meðiz, B <sup>6</sup>) asianur, B; [sigr þenna, A <sup>7</sup>) annarra tilf. B <sup>8</sup>) þa, A <sup>9</sup>) sva tilf. B, A <sup>10</sup>) man, B <sup>11</sup>) [mgl. A <sup>12</sup>) tilf. B, A <sup>13</sup>) lyðr ok tilf. B <sup>14</sup>) giorði, B <sup>15</sup>) sit, B <sup>16</sup>) uelldi, B <sup>17</sup>) forflotti, B, A

rangliga<sup>1</sup> er dæðr oc drepinn i bardaga. Hverso þingi etli þer nv þa höfðingiarnir<sup>2</sup> at hindra oc vilit ægi aptr kalla réttan konvng i riki sitt.

J þenna tima sendir konvngr boð byskvpvm Sadoch oc Abiathar. at þeir skyldi<sup>3</sup> boða saman höfðingiom i riki Jvda oc flytia fyrir þeim sin eyrendi. Kennimeinn giðrðv sem konvngr bavð. oc er þing var sett. bera þeir fram boð oc bréf konvngs þav er sva segia. Amase höfðingia oc ollvm rikbornvm monnvvm i riki Juda sendir qvæðiv Daud konvngr. Orðsendingar Jsraelitarvm komv til min. at [þeir villdi<sup>4</sup>. sættaz viðr mik oc kalla<sup>5</sup> aptr til rikiss stiornar. Nv með því at þer eroð minir bræðr oc ver allir af ginv kyni komnir. þa væit oc ægi hvat yðr dvælr er þer komið siðarst<sup>6</sup> oc verþit sæinstir til<sup>7</sup> at læiða mik [heim i riki mitt gigit.<sup>8</sup> Enn þv Amasa allz þv ert mer sva kiærr oc ælskvligr nafrendi sem þv ser mitt bæin oc blöð. þa sver ek við lifanda gvð at þv skallt hvern tima vndir mino valldi vera yfirmæistari allra minna. kappu oc formaðr hverrar<sup>9</sup> herferðar i stað Joabs<sup>10</sup> er mer verðr ofiarll fyrir storlæika sakir. Viðr þessi<sup>11</sup> orðsending konvngs vvrðv allir menn i riki Jvda því samþyckir at senda honvm þav boð at moli at hann skyldi sem fyrst aftr venda or vtlægð með alla sina menn. Enn þeir forv mot honvm i Galgala. Sneri konvngr þa þegar til ferðar vtan at Jordan. komv þa frendr hans oc vinir af Juda at flytia hann vtan yfir ana.

### Semei gefin grið af Daud konungi.<sup>12</sup>

281. Semei Nabath<sup>13</sup> af Bavrím er bölvæð hafði konvngi. hann skvndaði nv sem mest sinvm hvnaði oc for moli konvngi með monnvvm Juda. Semei hafði með sér af ætt Benjamin þvsvnd [sinna manna oc svæitvnga.<sup>14</sup> þar var oc i fðr Siha er verið hafði svæinn Saul með syni sina .xv. oc svæina sina .xx. Þessir sem nv var getið vorv læiðsgvmenn fyrir liði konvngs yfir Jordan. þegar sem Daud konvng nam stað<sup>15</sup> yfir kominn ana. ste<sup>16</sup> Semæi af hesti sinvm oc fell til fota konvngi oc la þar allr til iarðar sva segiandi. Gerið ægi herra við mik<sup>17</sup> sem ek em verðr fyrir min rangindi oc minniz ægi

<sup>1</sup>) mgl. B <sup>2</sup>) höfðingiar, A <sup>3</sup>) skyldu, B, A <sup>4</sup>) [þer villdu, A <sup>5</sup>) mik tilf. A <sup>6</sup>) ægi, A <sup>7</sup>) mgl. B <sup>8</sup>) [aptr i eignarriki mitt, B <sup>9</sup>) minnar tilf. A <sup>10</sup>) Joab, B, A <sup>11</sup>) þessa, A <sup>12</sup>) Fra Daud konungi ok Semei. capitulum, A <sup>13</sup>) sun Gera sunar Jemini tilf. B <sup>14</sup>) [karl-manna, B; sinna manna, A <sup>15</sup>) staðar, B <sup>16</sup>) steig, B, A <sup>17</sup>) sva tilf. B

a minna illzkv. er ec synda yðr [j illvm orðvm oc<sup>1</sup> vmannligvm er ec væsell<sup>2</sup> vætla yðr þa er þer forvð næsta sinne af Hiervsalem. þi at ec kannvmz<sup>3</sup> við þann mikla glæp sem mik hefir hent. oc fyrir því varð ek nv skiotaztr af ættmonnum Josephs at fara a mot þer minn herra. Abisai son Sarphe<sup>4</sup> svaraði fyrst mali hans. Hvað ættar þv Semei segir hann. at þv mavnir með afsakanarorðvm frelsa þik vndan dauða. þar sem þv vart þa sva bannsettr at þv bavlvaðir oc barðir grioti krist drottins. Konvngur svaraði. Fyrir hvi vili þer geraz<sup>5</sup> grimðarfvllir fiandans þionar oc þola ecki<sup>6</sup> hefndalavst. þat væit gvð at æigi skal ek lata drepa<sup>7</sup> nockvrn mann af Jsrael a þeima degi. gða ma ek æigi nv minnaz at gvð hefir giort mik konvng yfir sinn lyð af litlvm svæini. Nv ris vpp Semei oc skalltv æigi fyrir þessa savk dæyia at sinne. Geck hann þa til griða oc svaraði konvngi trvnað.<sup>8</sup>

#### Fra flutningi Mifiboseths.<sup>9</sup>

282. Mifiboseth for i mot konvngi sem hann kom i rikit með savrgvm hvnaði oc vskapvðv skeggi. því at æigi hafði hann latið meita<sup>10</sup> skegg sitt ne skera har fyrir hrygðar sakir meðan konvngur var<sup>11</sup> brottv. i slikv vasi oc vesolld [sem nv var fra sagt.<sup>12</sup> oc allt þar til sem nv kom hann aftr i Jorsalaborg með friði oc fagnði. Nv sem Mifiboseth geck fyrir konvng<sup>13</sup> i Jervsalem. mælti konvngur til hans. Fyrir hvi fort þv æigi oc fylgðir mer bravttv<sup>14</sup> er ek flyða hgdan. Hann svaraði. því minn herra at ec em sva follami ochrvmr sem þer vilvð at ek em ecki gavngvferr. enn minn þionostomaðr Siba fyrirlæit<sup>15</sup> mik sva sem nv ma hæyrast. Ek bavð honvm með bqnarorðvm at hann skyldi bva mer asna til ræiðar at ec mælti<sup>16</sup> fylgia þer<sup>17</sup> herra konvngur. enn hann giðrði þat því siðr sem ek bæidda. at<sup>18</sup> a þetta allt ofan bar hann mik i rog við yðr. Nv giðrv<sup>19</sup> við mik minn herra konvngur sem gvð kennir yðr oc þinn stendr vili til. því at æigi var favðrvhs mitt saklavst við þik<sup>20</sup> konvngur. hellðr allt til<sup>21</sup> dauða sialsdömt ef þv hefðir sva viliað. en þer syndiz þo fyrir þins goðlæika sakir at miskvnnu mer þinvum þræli.

<sup>1</sup>) [i minvm orðvm, B <sup>2</sup>) uesæll, B; væsall, A <sup>3</sup>) kennvmz, B, A <sup>4</sup>) Sarphe, B <sup>5</sup>) uera, B <sup>6</sup>) engar motgerdir, A <sup>7</sup>) tilf. B, A <sup>8</sup>) trunaðareiða, A <sup>9</sup>) Fra Mifiboseth ok David konungi. capitulum, A <sup>10</sup>) skapa, A <sup>11</sup>) i tilf. B, A <sup>12</sup>) [mgl. B <sup>13</sup>) hann, B <sup>14</sup>) brottu, B, A <sup>15</sup>) fyrirlæit, B, A. <sup>16</sup>) meita, B <sup>17</sup>) yðr, B <sup>18</sup>) hellðr ok, B <sup>19</sup>) giðr, B; gerit, A <sup>20</sup>) yðr, B <sup>21</sup>) tilf. B

sva at þv virðiz at væita mer samsæti at sialfs þins borði milli þinna kerazlv vina. hval hefi ek nv þa rættendi til nockvrrar kerslv<sup>1</sup> gða hval ma ek framarr kalla a yör enn þer vilit. Konvngur mæltti.<sup>2</sup> Eigi þarftu her sva mart til at tala. allt skal þat standa sem ek hefi þar aðr vm mæltti. at þit Siba skiptið eign<sup>3</sup> oc avkrvm<sup>4</sup> með ykr sem verða ma. Miphiboseth svaraði.<sup>5</sup> Giarna minn herra þo at þer vilit at hann hafi ginn.

### Chamaam for til Daudid konungs.<sup>6</sup>

283. Berzellai [af Galaath<sup>7</sup> hafði sæddan konvng i vtlægðinni oc hans menn meðan þeir vorv [i vtlægð þessi.<sup>8</sup> Hann for nv oc at flytia hann vtan yfir Jordan. var hann oc þa þvinn oc bavð<sup>9</sup> at fara lęingra með þeim. þa var hann attræðr<sup>10</sup> at alldri. Konvngur mæltti til hans. Far þv nv Berzelai oc sit vm kyrt með mer i hvilld oc hoglið i Hiervsalem. Hann svaraði. Ec em nv miog gamall sva at ek hefi lifat .lxxx. ara. slisfaz mer nv miog vit oc skilning. sva at ec kann varla greina hvart ek bergi sætt gða beiskt. oc litt ma mik gleðia fęða gða<sup>11</sup> dryckr. er mer oc ægi mikil skemtan heðan af at hęyra a fagra sęngva lęikara<sup>12</sup> gða einhveria glęði. Hvi man ek nv þa afgamall<sup>13</sup> karll vera þer sva miog til þvnga oc męðv minn herra konvngur. Nv man ek fylgia þer ægi langt a lęið fra ainne<sup>14</sup> Jordan. enn ek þarf [eckj þeirrar bręytini at ek se nv<sup>15</sup> með yör i Hiervsalem a ganals alldri. helldr bið ek yör at þer gefið mer orlof [aptr at hverfa<sup>16</sup> i nina borg. þi at fallz er van at fornv tre. enn mer er mikil hvggan at vera grafinn hia feðr minvm oc frendvm.<sup>17</sup> Nv er her son minn Chaam.<sup>18</sup> fari hann með þer minn herra. honvm er vel hent yör at þiona. oc ger þv við hann slikt er þer likar. Konvngur svaraði. Sva skal vera sem þv segir at Chamaam<sup>19</sup> skal með mer fara. ok þv skallt þess vanir vita at þv inant avðlaz<sup>20</sup> af mer hvat sem þv vill beðit hafa. Siþan minntiz konvngur við hann oc bað hann vel fara. Hvarf Berzellai þa astr til sins staðar. enn konvngur<sup>21</sup> framm i Galgala oc med honvm Chamaam. Kom þar þa saman allt

<sup>1</sup>) kęgru, A <sup>2</sup>) svaraði, B, A <sup>3</sup>) eignum, A <sup>4</sup>) okrum, B <sup>5</sup>) męltti, B <sup>6</sup>) Fra Berzellai ok Daudid konungi. capitulum, A <sup>7</sup>) [Gadites af Rogelim, B <sup>8</sup>) [þar, B <sup>9</sup>) bauðz til, B <sup>10</sup>) .lxxx. vetra, A <sup>11</sup>) ne, A <sup>12</sup>) leika, B <sup>13</sup>) męðr ok tilf. B <sup>14</sup>) aanni, B, A <sup>15</sup>) [nu ægi at vera, A <sup>16</sup>) [at ek hverfa aptr, B <sup>17</sup>) męður minni, B <sup>18</sup>) Chamaam, B <sup>19</sup>) Chaam, A <sup>20</sup>) þiggia, A <sup>21</sup>) for tilf. A

Gyðinga folk þat er farit hafði i moti Daudid. þar var allr lyðr Juda oc hælmingr af Jsrael. Juda gða menn Juda ero kallaðir allt þat folk er komit var<sup>1</sup> fra Juda syni Jacobs hins gamla. oc þat riki Jvda er þeir höfðv hlotið i landaskipti sem segir i savgv Josve. enn allar aðrar ættir Jacobs<sup>2</sup> vorv kallaðar Jsrael gða Jsraels folk. oc sva riki þeirra kallat Jsrael gða Jsraels riki. sem enn græiniz<sup>3</sup> siðarr meirr þa er rikin skiptaz estir [davðan Salomon.<sup>4</sup>

### Fra aþrætni Jsrael ok Juda.<sup>5</sup>

284. Nv sem Daudid konvngv var hæim kominn i Gyðinga land. giðrðiz þegar svndrþycki oc nockvrar ðfvndargræinir [með þi folki er farið hafði i mot konvngi. þi at Jsraels lyðr talði a<sup>6</sup> þat er menn Juda gengv frammarri<sup>7</sup> at allri fylgð oc þionkan við konvng oc hans menn. Enn menn Jvda svarvðv allt þo helldr storligarr enn hinir mellto til. Forv<sup>8</sup> þa i orðahnippingar oc akerslor. kallaði Jsrael at Jvðar hefði stolið fra þeim konvngi. sva at þeir metti ecki niota hans. Savgðv Jvðar sva at af þi vorv þeir nakvæmri konvngi at hann var þeim nanari at frendzemi oc af þeirra ætt kominn. Hof hann oc her i lyssto riki sitt savgðv þeir. ok enn helldr þat til at ver höfvm meiri ast a konvngi enn þer. sem nv har ravn a at ver komvm fyrri at kalla hann aftr i rikit. vitv ver oc æigi þess van at konvngv gefi oss giasfir framarr enn yðr gða geri i nockorv varn rætt sva mikinn at þer þvrfuð fyrir þat at kasta ræiði gða vþyckiv a oss. nema helldr fyrir gina saman ofvnd. Jsraelito svaraðv sva. þar æigv ver at tælia til konvngs .x. ættir sem þer gigit æina. oc þi a hann helldr til var at hniga en<sup>9</sup> yðar. [var oss<sup>10</sup> gigi fyrr orð ger at ver skyldimleiða aptr konvng varn i rikit enn þer höfðvt<sup>11</sup> til dyttz. Skilðv þeir sva at hvarigvm likaði vel.<sup>12</sup> Enn sva bar til at her var við staddr einn daligr drottins sviki<sup>13</sup> af Jsrael er nefndr er Seba. son Bochri þess mannz er sva het. hann var enn kominn af ætt<sup>14</sup> Gemini.<sup>15</sup> þersi maðr þeytti sinn luðr ok sagði sua. Huat er oss maalskipti um Daudid þenna. ok æigi er vaar erfð under syni Ysai. Snu þu Jsrael aptr til herbuða þinna. Skilðiz þa allr Jsraels lyðr uiðr konung ok fylgðu

<sup>1</sup>) er, B <sup>2</sup>) af Jacob, B <sup>3</sup>) greinir, B <sup>4</sup>) [davða Salomonis konungs, B <sup>5</sup>) Fra Daudid konungi, A <sup>6</sup>) [milli Jsraels lyða ok Jvða vm, A <sup>7</sup>) frammar, B <sup>8</sup>) Fara, B <sup>9</sup>) til tilf. B <sup>10</sup>) ok tilf. B; [voru oss, A <sup>11</sup>) eðr tilf. A <sup>12</sup>) mgl. B <sup>13</sup>) suikari, A <sup>14</sup>) Her mgl. 1 Blad i C, suppleret efter B <sup>15</sup>) Emini, A



Seba ok hans raaðum. enn menn Juda foru meðr konungi allt heim i Hierusalem. Daudid konungr sem hann uar heim kominn i borgina. tok hann þær .x. konur sem verit hqðu frillur hans ok Absalon hafði saurgat. hann<sup>1</sup> setti þær allar i rikt uarðhald ok fekk þeim atuinna sem þær þurftu. enn ekki aatti hann samræði við þær [helldr helldu þær hreinlifi<sup>2</sup> allt til dauðadags.

### Fra þi er Joab drap Amasa hertoga.<sup>3</sup>

285. Konungr kallaði nv til sin Amasa frænda sinn er hann hafði þa gort hertoga yfer herlið sitt ok sagði sua til hans. Kalla þu saman hermenn Juda. sua at þeir komi aller til min ok sua þu sialfr a þriðia degi heðan. Amasa giorði sem konungr bauð. hann for ok stefndi saman qllum lyð Juda. enn þa dualðiz honum ok uarð hann seinni aptr til konungs enn hann hafði aa kueðit. þa melli konungr til Abysai. Hinn vaandi uikingr Seba man enn fleira ok meira illt giqra oss ok riki voru ef hann maa enn Absalon giqrði. nu þa tak þu her hirðsueiter minar ok sek epter Seba sem harðaz. at hann seli æigi sua undan oss at hann nai styrkum borgum eðr qðrum uigium. Abysai lypli sinum her af Hierusalem. ok uoru i þersi ferð með honum Joab broðer hans ok þeir Cerethi ok Feleti ok aller hiner styrkuztu kappar. Sem þeir uoru komner með herinn i Gabaon at þeim mickla steini sem þar stendr. kom epter þeim með [mickla sueit<sup>4</sup> hinn goði hqðingi uinr konungs ok frændi Amasa. Joab uar sua buinn at hann hafði einn þrøngvan kyrtil yzlan klæða ok þar gyrðr yfer utan tuieggjuðu suerði<sup>5</sup> i umgiqrð. ok þo sua umbuið at þegar var burt þo at æigi ueri brugðit ef skiott þurfti til at taka. huart sem uilldi leggja eðr hoggua. Joab gekk þegar i moti Amasa er hann kom ok melli til hans. Heill heill broðer. ok tok hægri hendi til hqku hans sem hann uilldi kyssa hann. Amasa geymdi æigi saxens er Joab hafði. þui at hann vænti ser einskis af honum nema goðs.<sup>6</sup> Enn Joab setti suerðit utan a siðuna<sup>7</sup> sua at þegar [fellu út<sup>8</sup> iðrin. Var þetta hans bani sem uita maatti. Enn Joab ok Abysai sottu þa framm sem oðaz epter Seba. Ok sem sueitungar Joab komu þar at sem likami Amase laa i bloði sinu. melli þeir. Morgu skipter skiott um. sa liggr her nv er giarna villdi vera [hqðingi Daudid fyrer Joab

<sup>1</sup>) ok, A <sup>2</sup>) [þadan af ok engin annarr, A <sup>3</sup>) Her har A ikke nyt Capitel.

<sup>4</sup>) [marga menn, A <sup>5</sup>) saxi, A <sup>6</sup>) ok varðiz ecki tilf. A <sup>7</sup>) siðin Amasa, A <sup>8</sup>) [lagu vti, A

hertuga varn.<sup>1</sup> Ok sem einn af liðsmonnum ser aa at allr herrinn dvalði hia Amase ok undruðuz er hann laa þar drepinn rett a veginum. tok hann ok kipti likinu af brautinni i akrinn ok kastaði<sup>2</sup> yfer klæði. at ægi [duelði þetta folkit.<sup>3</sup> Fór þa huerr leið sina.

Seba suikari sem hann hafði umfarit allar kynkuislir Jsrael i Ada ok i Bethmacha. völduz til hans hinir mestu bardagamenn ok kappar Jsrael. settiz hann meðr sinn her i borg þa er Abella het oc i Bethmacha. Nu sem Joab kom til Abella setti hann sinn herskiolld umhuerfis borgina ok bardiz aa með marghaattuðum uiguelum. Enn er allr hans herr kostgígfði sem mest at briota murinn. gekk ut a uegginn ein kona drengilig ok diarfingllt froð ok forsial i frammburði mikillar vitru ok visdoms. Hun kallaði haatt sua segiandi. Heyrit heyrið hermenn. kallit hingat hqfðingia yðarn Joab. ek uil tala við hann. Sem hann gekk fram spurði hun ef hann veri Joab. Hann sagðiz sua heila. þa heyr þu orð min ambaattar þinnar. Fyrer hueria skyld leitar þu at briota eyða ok umsnua alla þersa borg er vel ma moðer heita annarra borga meðr Gyðingum. huat dirfiz þu at tapa ok tyna eðr fyrertara erfð almaattigs guðs. Joab suaraði. [Eigi ægi sagði hann. þarri mer slik firn at ek uili eyða erfð drottins eðr afná yðart riki.<sup>4</sup> helldr er hitt at einn vaandr uikingr af fialli Eðfrain er heiter Seba sun Bokri hefer vpp hafit sina illzkv ok ofbelldi a mot David konungi. Nu selit hann [einn i vaart valld ok skulum uer þegar huerfa fra borginni.<sup>5</sup> Hun suaraði. þat ueit [ek fyrer monnum<sup>6</sup> at alldri skul hans hqfut hafa borg vaara i háska. Sneri hun þa framm i borgina ok talaði vel ok uitrlega fyrer borgarmonnum. þar til er þeir toku Seba ok slogu af honum hqfut ok slöngðu [ut af murinum.<sup>7</sup> Enn Joab leet þegar blasa qllym herinum fra borginni til herbuda ok huarf síðan aptr til konungs i Hierusalem. Var þa Joab enn einn hqfðingi yfer her Gyðinga. Enn Banaias sun Joade<sup>8</sup> uar skipaðr hqfðingi yfer [her Gyðinga er kallaðer<sup>9</sup> uoru Cerethi ok Felethi. Adurum het skattahqfðingi konungs. Josaphat svn Achilud skytingameistari eðr tulkr konungs. enn Siba ritari. Sadoch ok Abiathar yferbyskupar. Hira sun Jarithes heit kennimaðr konungs innan hirðar.

<sup>1</sup>) [hershofdingi David yfir hertoga varum Joab, A <sup>2</sup>) breiddi, A <sup>3</sup>) [staðadi þar herrinn vid, A <sup>4</sup>) [Ægi ægi er þat minn vili, A <sup>5</sup>) [frammi hafit frid i moti, A <sup>6</sup>) [gud, A <sup>7</sup>) [síðan vt af borgarvegglaum, A <sup>8</sup>) Joiade, A <sup>9</sup>) [þeim þjóðum er kalladar, A

Drepner frændr Saul konungs.<sup>1</sup>

286. A dögum Daudid konungs uarð hallæri mikil i Gyðinga landi .iii. uetr i samt. Konungr bað guð giora ser uissv af hual uolldi þersi ánaud ok uhamingiu er aa lagðiz Jsraels folk. enn drottinn sagði at þat ugrí<sup>2</sup> fyrer saker Saul konungs ok hans manna<sup>3</sup> i Gabaon ok þers uar enn uhcfnt. Konungr let þegar kalla<sup>4</sup> til sin Gabao-nitis ok sagði sva til þeirra. þat veit ek sem yðr er kunnikt at Gabaonile uoru ekki af ættum Jsrael helldr epterleifar Amorreorum þioða. enn höfðingiar Gyðinga soru þeim sætt ok frið. enn Saul konungr let drepa marga menn af þeim fyrer eina saman qfund. huat skal ek nu þa uinna til uið yðr at þer sieð i goðum hugh uið Gyðinga ok inelit vel fyrer erfð drottins. Gabaonite sugruðu. Ekki agirn-umz uér gull eðr silfr ok æigi girnumz<sup>5</sup> uer at nokkurr yðarr maðr se drepinn. helldr er vaar kiersla<sup>6</sup> moti [Savl konungi.<sup>7</sup> ok þui laattu gefa oss .vii. hina nanuztu hans menn til uppfestingar i augliti drottins. at uer megin sua hefna saklaussa frænda vaarra at eyða ok af ma iqðunni ætt ok askugni þers heruikings er oss ok vaara frændr [þröngði ok pyndi<sup>8</sup> ranglega. Konungr giörði sem þeir beiddu [hann. Konungr<sup>9</sup> let taka tua frillusunu Saul Armon ok Miphiboseth. möðer þeirra het Respha dotter Haia. ok .v. sunu Michol dottor Saul er hun hafði fengit af Adrieli syni Berzellai. sa uar af Molathi. þersa .vii. menn gaf konungr i hendr þeim Gabaonitis. enn þeir festu þa upp aa galga a hafu fialli i Gabaath. þat uar i qnduerðan kornskurðar-tima. Enn Mifiboseth sun<sup>10</sup> Jonathe lét konvngr vndan ganga fyrir felagsskap oc swardaga er þeir höfðv svarið sin a millvm [við gvðs vitni.<sup>11</sup> Enn Respha sem hon spvrði at synir hennar vorv vppfestir. for hon þar til oc kastaði gino harkleði a bergið oc la<sup>12</sup> oc gæymði likama<sup>13</sup> þeirra .vii. sva at hvarki let hon slita hrg<sup>14</sup> þeirra fvgla vm daga ne dyr vm ngr allt þar til er rigndi af himni yfir þa. Sem Daudid konvngr frétli hval Respha hafði gört. giðrði hann [heiman sialfr fðr<sup>15</sup> sina með mikla svæit manna. lætti [gigi fyrrvm<sup>16</sup> enn hann kom til borgar Jabes i Galaath. þess staðar menn höfðv grafið i borg sinni sem fyrr var getið<sup>17</sup> likami þeirra feðga Saul konvngs oc Jonathe.<sup>18</sup> Ok nv fengv þeir bgin þeirra<sup>19</sup> i hendr konvngi. sem

<sup>1</sup>) Er guð talaði við Daudid konung ok sagði honum fyrir, A <sup>2</sup>) var, A <sup>3</sup>) er hann hafði drepa latit saklausa menn tilf. A <sup>4</sup>) blasa, A <sup>5</sup>) beið-umz, A <sup>6</sup>) aakiersla, A <sup>7</sup>) [frændum ok felögum Saul konunga, A <sup>8</sup>) [þyngdi ok þröngdi, A <sup>9</sup>) [Hann, A <sup>10</sup>) Her beg. atter C. <sup>11</sup>) [til guðs vitnis, B <sup>12</sup>) a tilf. A <sup>13</sup>) lika, B <sup>14</sup>) likami, B; ræ, A <sup>15</sup>) ferð, B; [sealfr heimanfðr, A <sup>16</sup>) [hann æigi fyrri ferð sinni, B <sup>17</sup>) ritat, B <sup>18</sup>) [huerer er þau höfðu stólit af stræti Bethsan tilf. B <sup>19</sup>) feðga tilf. B

hann beiddiz. for hann síðan oc flvtti með ser bęinin. oc sva bęin<sup>1</sup> þeirra .vii. manna sem nv var fra sagt at<sup>2</sup> Gabaonite höfðv vpp fest. þeir flvttv oll þessi bęin i riki Benjamin oc grofo ðll saman hia Cis favðvr Saul. Síþan settiz Daid konvngv i Hiervsaleu. oc gerðv þa Gyðingar alla hlvti scm hann bavð. Liknaði drottinn þa lyð sinu oc sendi ar a iorðina.

### Framgangr Abysai meðr Daid.<sup>3</sup>

287. Þesso næst taka enn Philistei at ęfla vfrið oc draga her a hendr Gyðingvm. en Daid konvngv for a mot þeim með sitt herlið oc tokz<sup>4</sup> þegar hin akafazla orrosta sem þeir svndvzt. Maðr er nefndr Jesbe<sup>5</sup> af þeim stað er Nob<sup>6</sup> het. hann var kominn af ęll þess konvngs Philistinorvm er het Repha.<sup>7</sup> Þessi maðr Jesbe<sup>5</sup> var styrkazlr oc mestr kappi i heiðingia herinvu. hans spiot var giðrt af stinnazla<sup>8</sup> stali. þat va skaptlavst .ccc. avra. hann var gyrðr nyio sverði því er hann sialfr hafði gera latið estir sinvm vexti oc allu. Enn því at þessi bardagi var beði langr oc strangr. þa varð<sup>10</sup> Daid. konvngv miok moðr oc navðvlgia<sup>11</sup> staddr. því at Jesbe<sup>5</sup> sotti hann i akafa oc kostgefði með ðllo megni at drepa hann með sinv bitra sverði. sem aðr var getið. J því bili kom þar at Abisai son Sarphie<sup>12</sup> oc geck fram diarfliga moti Philisteo oc hlifði konvngi. Vęitti þar hvarr ððrvu mðrg havgg oc stor af mikilli<sup>13</sup> reði. oc lyktaðiz með því at Abisai drap Jesbe. letv heiðingar þa vndan at sinni. Enn höfðingar Gyðinga gengv<sup>14</sup> at Daid sva segiandi. Nær hafði nv miklvm vaða. oc þat vait lifandi gvð. fyrir þess nafn sveriom ver. at þv skallt ægi síðan ganga i bardaga með oss. at ægi beri sva illa til oc vęfðiliga sem nv var viðrlægt at þv slæckvir lofsamlegt liosker Jsraels. þat<sup>15</sup> erltv<sup>16</sup> sialfr. því at oss þickir allz<sup>17</sup> gett ęr<sup>18</sup> þin er. Nv kom þar sem mælt er. at sialldan vegir hinn verri. Philistei vorv enn ęigi af horfnir illvilianvm við Gyðinga þo at þeir veri nockvt tannsarir. snero þeir enn i moti oc tokz bardagi með þeim avðrv sinni þar scm het Gob. J þeirri snerrv<sup>19</sup> felldi sa kappi

<sup>1)</sup> mgl. B <sup>2)</sup> er, B <sup>3)</sup> Fra Daid konungi ok heiðingium, A  
<sup>4)</sup> tekz, B <sup>5)</sup> Lesbi, B <sup>6)</sup> Nobe, B <sup>7)</sup> [kyni Rafa konungi Philistinorum, B <sup>8)</sup> hinu tilf. B, A <sup>9)</sup> sterkazta, A <sup>10)</sup> var, B, A  
<sup>11)</sup> nauðulega, B, A <sup>12)</sup> Saruie, B <sup>13)</sup> grimmligri, B <sup>14)</sup> þa tilf. A  
<sup>15)</sup> saal. B, A; þar, C <sup>16)</sup> ert þu, B <sup>17)</sup> saal. B, A; allu, C <sup>18)</sup> ef, B  
<sup>19)</sup> sokn, B

Dauid konvngs er het Sabochai<sup>1</sup> þann höfðingia er het Sephi af Geth. hann var kominn af ætt Arepha.<sup>2</sup> Énn<sup>3</sup> þriðia bardaga attv Gyðingar enn i Gob við Philisteos. þar drap [af gvði gefinn<sup>4</sup> Polimitarivs<sup>5</sup> af Bethleem Goliath Gethevm. hans hoggspiot var harðla mikit oc af stali giðrt. ferstrent fram enn fiððrin breið. vpp. Fiorða bardaga attv þeir i Geth. i þeim bardaga fell einn fagnaðarlavss hæðingi.<sup>6</sup> sa<sup>7</sup> er miog hafði bðlvat oc bannað Jsraels folki oc gvðlastat i mot Gyðingvm. þessi hæðingi var sva mikill vexti sem storir risar. hann hafði .vi.<sup>8</sup> fingr a hvarri hendi oc .vi.<sup>9</sup> tær a hvarvm fðti. [þenna mann drap Jonathas broðvrsyn Dauid konvngs.<sup>10</sup> Allir þessir .iiii. vorv þinir fræknstlv hæðingar<sup>11</sup> er nv var fra sagt oc vorv komnir af ætt Arepha<sup>12</sup> konvngs af Geth.

---

Er Dauid orti saalminn Diligam.<sup>13</sup>

288. Þa er drottinn hafði frialsat Dauid<sup>14</sup> af hendi allra sinna vvina oc valldi Saul konvngs mags sins. geck hann inn i tialdbvð drottins oc flvtti fram i hans<sup>15</sup> avgliti með ðllo litillæti af gift hins helga anda þetta lofsamliga fræði oc segir vt til enda Dominus petra et robor meum et saluator meus. þetta fræði er psalmrinn Diligam te domine fortitudo mea.

---

Fra mannfalli fyrir brot Dauid.<sup>16</sup>

289. Nv reitti Gyðinga lyðr enn reiði drottins fyrir mðrg misfelli oc lðgbrot. þa bavð drottinn Dauid konvngi at telia allan lyð Jsraels oc Juda oc refsa þeim rangendi er þess vorv verðir. Konvngur kallaði þa til sin Joab hertoga oc segir sva. Far þv vm allt riki Gyðinga fra Dan oc allt til Bersabe. oc tel allan lyð at ek meg<sup>17</sup> vita hversu mart hermanna er vndir<sup>18</sup> minv valldi. Joab svaraði konvngi a þessa lund. Gvð drottinn avki við þann lyð er nv er i kyni Jsraels at hann hvndraðfalldi hans tðlo i þino avgliti herra konvngur. enn æigi veit ek hvat yðr er i slikv. Nv for þetta fram sem konvngur

<sup>1</sup>) Sadochai af Osathi, B <sup>2</sup>) Arapha, B; Arethe konungs af Geth, B <sup>3</sup>) Hinn, B, A <sup>4</sup>) [mgl. A <sup>5</sup>) son Saltus tilf. B <sup>6</sup>) fyrir Joab tilf. A <sup>7</sup>) ok var af Arapha, B <sup>8</sup>) .vii., A <sup>9</sup>) .vii., A <sup>10</sup>) [hann het Belebuzar. Jonathas broðurson Dauid konungs drap ok mikinn kappu er het Beleaf, A <sup>11</sup>) höfðingar, B, A <sup>12</sup>) Arapha, B; Arethe, A <sup>13</sup>) Her har A ikke nyt Capitel. <sup>14</sup>) konung tilf. B, A <sup>15</sup>) gvðs, B <sup>16</sup>) Fra drepsott aa Jsraels lyð. capitulum, A <sup>17</sup>) mega, B <sup>18</sup>) aa, B

mællti at Joab oc allir hans höfðingiar forv at telia Gyðinga lyð. Foro þeir fyrst af fyndi konvngs vt yfir Jordan oc komo fram i Arohel til hegri handar fra borg þeirri sem er i dal Gath. oc sva gengv þeir fram vm Jazer [ok i iorð Galaath ok komu i Dan ok Siluestria ok uið Sidonem ok foru um Menia ok Tyri ok sua um alla iorð Eiueth ok Chananei.<sup>1</sup> sva forv þeir vm ðll endilavnd Gyðinga oc komv framn i Bersabez<sup>2</sup> Juða. Ok at vmkringðv ðllv landi komv þeir eftir .ix. manaði oc .xx. daga apr i Hiervsalem. feck Joab konvngi skrifaða tðlo Gyðinga lyðs. Varo þeir af Jsrael .dccc. þvsvnda<sup>3</sup> vapnferra [manna enn af Jvda .i. þvsvnda<sup>4</sup> bardagamanna. Gvði mislikaði við Daudid konvng er hann villdi ægi sialfr fara sem hann hafði boðit at akta folkit ok hægna vsiðv.

Nv sem [lyðr var manntaldr.<sup>5</sup> hugsaði Daudid hvat hann hafði gðrt oc stvrlaðiz niog hiarta hans. þi at hann iðraðiz sinnar vhlýðni. oc sva sagði hann. Harðla niog hef ek misgert<sup>6</sup> i þessv verki. því bið ek drottinn minn at þv takir brottv<sup>7</sup> ranglæti mitt. þi at miok vvitrliga hefir mer til tekiz. Enn þv miskvnnu mer gvð þinvm þræli. Gvð sendi þa Gath spamann til konvngs. hann segir sva til hans. Þessa .lvti segir drottinn gvð. þrir ero þer kostir gerfir enn þv kios hvern þv villt hellzt af þessvm. at .vii. ar [i samt<sup>8</sup> komi hvngr oc hallæri vm allt þitt riki. æða þv verðir .iii. manaði forflotta<sup>9</sup> fyrir þinvm vvinvn. sva at þv lætir<sup>10</sup> vndan enn þeir sgi æ eptir oc siti vm lif þitt. gða komi þrysvar akof drepstott i riki þitt. Nv hvgs þv segir Gath oc seg mer siðan at ek meg i birta fyrir þeim er mik sendi hvern þv hefir hellzt kiorit<sup>11</sup> af þessvm.<sup>12</sup> Konvngv svaraði. Miok þyngiomz ek i þesso. enn þo þarf þess ægi. því at betra er mer at gefaz vpp a valld gvðs mins enn i hendr heimligvm manni<sup>13</sup> því at margfold er miskvnn drottins mins.

Nv sendi drottinn drep i allt rikit sva langan tima sem fyrr var sagt. sva akast at a þeim .iii. dagvnm do ægi sferi enn [.lxx. þvsvnda karla<sup>14</sup> enn vtalðar konvr oc bavrnn. Ok sem sottin nalgadiz til Jorsalaborgar. þa sa Daudid engil gvðs standa milli himins oc iarðar yfir garði þess mannz er het Arevnan.<sup>15</sup> þessi engill drap folkit með elldligv sverði. Daudid konvngv rætti þa halsinn vndir sverði sem hann sa engilinn bvinn at höggva oc mællti. Þess bið ec drottinn minn at þetta sverð snvizi mer a hals oc ræði drottins mins seðiz

<sup>1)</sup> [tilf. B <sup>2)</sup> Bersabee, B <sup>3)</sup> [.ix. tiger þusundraða, B <sup>4)</sup> [karlmannu ok smtuger þusundraða, B <sup>5)</sup> [lyðrinn var taldr, B, A <sup>6)</sup> i augliti þinu tilf. A <sup>7)</sup> af mer, A <sup>8)</sup> [mgf. B <sup>9)</sup> forflotti, B, A <sup>10)</sup> flyir, A <sup>11)</sup> kiorit, B, A <sup>12)</sup> luthum tilf. B <sup>13)</sup> monnum, A <sup>14)</sup> [.vii. tiger þusundraða karlmannu, B <sup>15)</sup> Reunan, A

helldr a mer oc minv kyni enn folk gvðs se nv fleira drepit fyrir [minar sakir misverka oc vrækt.<sup>1</sup> Lat æigi drottinn þinn lyð flæira tynaz fyrir mitt ranglæti. þi at ec em sekr oc davða verðr i þin<sup>2</sup> avgliti. enn þessir þinir menn ero sva mæiqlavsir sem savðir. Sem drottinn sa iðran Davids oc hæyrði sva þeckiliga oc miskvnnsamliga þen hans. bavð gvð<sup>3</sup> englinvm af at lata at drepa folkit. Ok þegar lætti af sottin vm allt rikit. Oc a þeirri savnv stvndo com Gað<sup>4</sup> spamaðr til konvngs af gvði sendr sva segiandi. Farðv konvngr oc gior drottni alltari i grasgarði Arevnan sem þv satt engilinn standa með brvgðnv sverði. Konvngr geck þegar vpp i garðinn sem [Gað mællti oc gvð haði boðit.<sup>4</sup> En Arevnan garðzbondinn sem hann gat at lita oc kendi konvng oc hans menn fara til sin. geck hann i mot þeim oc fell a kne oc lavt konvngi sva segiandi. Gvði se þer vel komnir. hver er savk til er þv virðizt minn herra at vitia<sup>5</sup> þins þion-ostosveins. þat er mitt erendi hingal segir konvngr at ek vil kavpa at þer þenna litla grasgarð er þv alt oc<sup>6</sup> gera þar alltari gvði oc færa fornir. at drottinn virðiz at nema drep oc davða af folkinv. Arevnan svaraði. Giarna giarna minn herra. tak alla lvti af minv goðs<sup>7</sup> þa er þer likar. þi at grasgarðinn oc allt annat sem þv þarft gef ek þer goðfvsliga. yxn oc avnnvr kvikendi skalltv hafa at<sup>8</sup> sæfa i forn. eyki oc vagn til vinnv at flytia til við ok navðsynliga lvti til þessa embættis. Lati gvð drottinn ser soma at þiggia þin hæit oc þionostv. Konvngr mællti. Eigi dvgir at sva se sem þv hefir til skipat. helldr skal ek kavpa at þer þat er ek vil. þi at æigi skal ek offra gvði drottni minvm i forn nockvt þat er ec þigg kavplavst. Kæypti konvngr þa grasgarðinn oc yxn til at fornfæra fyrir .i.<sup>9</sup> skillinga silfrs. Sipan ræisti hann þar alltare oc færði gvði fornir oc friðsamligt ofr.<sup>10</sup> Giðrðiz drottinn þa enn liksamr oc sneri sinne reiði oc raðningarvendi af Jsraels lyð.

Nv ma a þessi frasavgn marka ok mðrgvm qðrvm þvilikvm sem nv hafa sagðar verið. hversu liknarfvllr oc giezkv Daud konvngr var við allt folk. at hann villdi helldr davða þola enn sia annars<sup>11</sup> davða. nema þar er hann sa at fyrir regllætiss sakir veri refsing ger. Hann var manna vaskastr til vapna i orrostvm oc vel harðr i rætttri refsing. hann var maðr goðgiarnn oc æstholr hveriom manni oc avmhiartaðr yfir vðrvn hvers mannz. hann var tryggr oc trvr i ðllvm lvtvm oc sva lastvarr at hann villdi ecki vamin vita a sik. raðvandr

<sup>1</sup>) [minna misverka sakir ok uræktar, B; minn misverka ok vrækt, A <sup>2</sup>) þaa tilf. B <sup>3</sup>) Gath, B, A <sup>4</sup>) [gvð mællti, B <sup>5</sup>) min tilf. B <sup>6</sup>) at, B <sup>7</sup>) goz, B; goðz, A <sup>8</sup>) ok, B <sup>9</sup>) fimmtigi, B <sup>10</sup>) ofr, B, A <sup>11</sup>) annarra, B

oc fastorðr i vinattv oc i ðllvm ltvvm. litillatr oc þolinmoðr vmfram aðra menn sva at æigi var annarr<sup>1</sup> hans maki<sup>2</sup> i Jsraels folki at allri gæzkv. þi at sialfr gvð tok sva til orðz i vitnisbvrðinvvm þa er hann valði Daudid til konvngs. at hann kvaz<sup>3</sup> fvndit hafa mann eplir lvnðerni<sup>4</sup> sinv. Enn þvi volldi bræysklæikr mannligrar vstyrktar er hann fell i synðir gða afbrigði gvðs boðorða. enn hann var hinn hog-verasti ok hinn miskvnnsamasti. sva at hann iðraðiz oc græt akaðiga<sup>5</sup> oc bað gvð ser liknar ok bavð sik vndir hans raðning þegar hann fell i nockvra savk.

### Huersv Abysach þionaði Daudid konungi.<sup>6</sup>

290. <sup>7</sup>Konvngv gerðiz nv gamall en þo mæirr ðrvasi enn allðr stoð til. þvi at kvði nalgaðiz hðrvnd hans sva at af klæða yl mætti hann æigi hæitr verða gða varmr. Var þat rað herbergiss svæina oc raðgiafa konvngs at læita skyllði at meivv nockvrri. at hon þionaði oc legi i seng hia honvm til þess at hann mætti fa verma af blavtv [oc hennar hæitv hðrvndi.<sup>8</sup> Var þa farit at þeirra raði vm allt rikit oc fvndin æin mer vng sv er af bar qllvm ððrvvm at feggrð oc ætt. hon het Abisach.<sup>9</sup> Var hon þa læidd til sengr konvngs. svaf hon hia honvm oc vermði hann oc þionaði honvm með mikilli list oc hæverskv. Konvngv elskaði hana sem sina fostrmoðvr en eigi konv. þi at hann alti ecki savrvgligt samlag við hana oc engu<sup>10</sup> brvgðning hennar hræina meydoms. Enn sva helgaðiz hennar tign af faðmlagi Dauids at allr lyðr sgmði hana. sva at af ðllvm var hon virð sem hðfvðdrottning yfir ðllvm drottningvm konvngs.<sup>11</sup>

### Adonias let sik til konungs taka.<sup>12</sup>

291. Adonias het son Daudid konvngs. hans moðir het Aggith.<sup>13</sup> hann var harðla friðr oc sagr synvm sva at hann geck næst Absalon<sup>14</sup> at allri likams<sup>15</sup> skapan. J þann tima sem faðir hans var gamall oc nær ðrvasa. sem nv var sagt. giorði Adonias vppræist i moti<sup>16</sup>

<sup>1)</sup> ne einn, A; *mgl.* B <sup>2)</sup> liki, A <sup>3)</sup> kueðz, B, A <sup>4)</sup> lyndi, A <sup>5)</sup> sinar afgiqrðir *tílf.* B <sup>6)</sup> Fra Daudid konungi ok af Abisach, A <sup>7)</sup> Daudid *tílf.* B <sup>8)</sup> [ok heitu hennar hqrundi, B; hennar hðrvndi ok heitu, A <sup>9)</sup> Sunamitis *tílf.* B <sup>10)</sup> engan, B <sup>11)</sup> hana, B <sup>12)</sup> Fra Adonias syni Dauids konungs. capitulum, A <sup>13)</sup> Agith, B <sup>14)</sup> Absaloni, B <sup>15)</sup> *mgl.* A <sup>16)</sup> i gegn, B



honvm með miklv ofbelldi oc kavs sik sialfr til konvngs yfir riki favðvr sins at honvm vvitanda. Tok hann ser þa þegar hirð oc giorði handgengna menn. Siþan giorði hann hatiðliga væizlo svasem nyvigðr konvngr. lēt renna vm borgina með bumbvm oc pipvm oc lēt boða vm allan staðinn at þa var Adonias konvngr. Þessir vorv i raðagiðrð með honvm Joab hertogi Davids ok Abiathar byskup oc margir aðrir hððingiar. at þeirri væizlo vorv oc allir konvngs synir þeir sem þa vorv a lifi nema Salomon. honvm hafði Adonias æigi boðit. þi at hann vissi at David konvngr hafði hæitið honvm riki eftir sinn dag. Sadoch byskup oc Nathan spamaðr Banaias hððingi<sup>1</sup> oc aðrir kappar konvngs oc mestr styrkr hans hers var i engv<sup>2</sup> samþykki her um meðr Adonia. Nathan spamaðr gekk þa til Bersabee drottningar móður Salomonis oc sagði sua til hennar. Er þer nqkkut heyrinkunnikt huat nu ferr framm. at Adonias lætr nu gefa seer konungs nafn oc dregr rikit undir sik enn minn herra David konungr er þersa enn uuitandi. Nu tak<sup>3</sup> af mer heil raað ok hialpsamlig þer ok syni þinum Salomon. Far þu nu til fundar uið konung ok seg honum þersi tiðindi. siðan skalltu spyria huert raað hann giqrer fyrir þer ok syni þinum. man ek þa ok til koma er þu talar uið konung ok styðia þitt maal. Bersabee drottning gekk þegar inn fyrir konung. hon hneigði sik litillaatlega ok laut honum. Sem David saa Bersabee<sup>4</sup> melli hann til hennar. Þu ert með hrygðar yferbragði.<sup>5</sup> huat uilltu af mer þiggia. Hun suaraði. Minn herra konungr. ek minnumz a þat er þu hefer heitit mer þinni þionostukonu fyrir guðs nafn. at Salomon son minn skyllði setiaz i þitt sæti ok rikia epter þik. Enn nu at þer uuitanda hefer Adonias laatit gefa ser konungs nafn ok ællar at taka under sik allt rikit. enn þo seer enn allr Jsrael<sup>6</sup> lyðr til orlausnar hingat sem þer erut ok biðr yðarra atkuðða minn herra. huerr setiaz skal i þitt tignarsæti epter þik. þikkiumz ek nu ok sia huersu ferr þa er þin missir uið. ef þu giqrer ekki raað aaðr fyrir rikin. at uið bæði ek ok Salomon son minn munum<sup>7</sup> dæmð sek ok utlæg. Varla hafði hun lokit sinni ræðu aðr sueinar konungs sogðu<sup>8</sup> at Nathan spamaðr uar kominn. ok sem hann kom inn i augsyn konungs. kuaddi hann konung ok siðan tok hann sua til orðz frammsfallandi allr til iardar. Hafi þer spurt minn herra konungr at a þersum<sup>9</sup> degi hefer Adonias son þinn laatit drepa yxn ok fiolða ruta. ok til ueizlu hefer hann kallat bræðr<sup>10</sup> sina ok Joab hertuga ok Abiathar byskup. ok

<sup>1</sup>) ok Semei tilf. B   <sup>2</sup>) Her mgl. 1 Blad i C, suppleret efter B   <sup>3</sup>) þu tilf. A

<sup>4</sup>) inn koma. þa tilf. A   <sup>5</sup>) bragði, A   <sup>6</sup>) Jsrael, A   <sup>7</sup>) bæði tilf. A

<sup>8</sup>) honum tilf. A   <sup>9</sup>) þeima, A   <sup>10</sup>) bræðr, A

360.

sítia þeir nu i sámdrykkiu með honum ok marger aðrer hqðíngiar við glaum ok gleði ok hafa uigt hann til konungs. En nu hugða ek minn herra konungr at þu myndir þersu ægi hafa raðit utan mitt uilorð huerr setiaz [skyldi yfir<sup>1</sup> sætisstol þins rikis eptir þik. Enn þat skal guði þakka at ek þinn þionn ok Sadoch byskup ok Banaías raðgíafi yðarr ok Salomon sun þinn hqfum þersu ekki [samraaða uorðit.<sup>2</sup> Dáuid konungr sem hann heyrði þersi tíðindi: þa þagnaði hann [við þersi orð<sup>3</sup> nqkkura hrið. Þui næst tok hann sua til orða<sup>4</sup> með micklum harmi hugar. Eigi vilia minir synir segir hann draga mina natturu til sin. Þui at ek þionaða Saul konungi marga daga við þat at hann laa um líf mitt ok hafði þo guð kosit mik til konungs. Þi at hann var reiðr Saul konungi. enn þo beið ek þers doms at er guð dæmði<sup>5</sup> hann af ríki. [enn ægi villda ek dæma hann af ríki<sup>6</sup> þo at hann vgeri minn uuin. Nu hefer sun minn gort þat við mik er ek uillda ægi gíqra við uuin minn. Nu meðr þui at Adonías hefer dæmt<sup>7</sup> mik fra ríki þui er guð gaf mer. fyrr enn ek segða upp eðr sa tæki<sup>8</sup> mik fra er mik kaus til. fyrer þui skal hann<sup>9</sup> með haðung fra falla þersari sémð. sua sem sa fell er hina fyrstu vppreist gíorði með drambi moti sinum drotni.

Konungr melli þa til Bersabee drottningar. þat ueit lífandi guð saa er mik leysti or huerri aanauð ok ufriði. at nu rett á þersum<sup>10</sup> degi skal þat allt framn koma ok fullgíqrazt sem ek hefer þer heitit við guðs uitni. at Salomon skal konungr uera son þinn ok taka ríki ok sítia i minu sæti epter mik. Sem hun heyrði þessor orð af konungs munni. fell hon þegar framn ok þakkaði<sup>11</sup> sem makligt var þessa skipan. Þui næst melli Dáuid konungr við Sadoch byskup. Tak þu mul minn ok laat bua með qlum þeim bunaði sem hann hafði þa er ek reið honum meðr allri tign. ok set þar aa Salomon son minn ok tak með þer Nathan spamann ok Banaíam hqðíngia ok alla hina trygguztu mina riddara ok riðit til tialldhuðar drottins ok smyrit þar Solomon til konungs. þui næst laat taka luðra mina ok laat<sup>12</sup> blaasa um alla borgina meðr hatíðlegu kalli. ok laat boða at Salomon er uorðinn konungr at<sup>13</sup> guðs uilia ok at kosningi<sup>14</sup> Dáuid konungs. þui næst leið hingat Salomon sun minn. at ek mega sagna nysettum konungi i mitt seti. Enn at lokinni rēðu konungs. þa gíorði Sadoch alla luti sem Dáuid bauð honum. Enn þa er Salomon kom apr far-

<sup>1</sup>) [saal. A; skal, B <sup>2</sup>) [raðit meðr Adonías, A <sup>3</sup>) [mgl. A <sup>4</sup>) orðs, A <sup>5</sup>) dæmði, A <sup>6</sup>) [tílf. A <sup>7</sup>) dæmt, A <sup>8</sup>) tæki, A <sup>9</sup>) tílf. A <sup>10</sup>) þeima, A <sup>11</sup>) honum mikilliga tílf. A <sup>12</sup>) mgl. A <sup>13</sup>) meðr, A <sup>14</sup>) kosning, A

andi skryddr allri konungs tign. þa stóð upp Daudid sialfr [ok hneigði<sup>1</sup> honum ok blezaði hann meðr þersum orðum.

Salomon til (konungs) tekinn af feðr sinum.<sup>2</sup>

292. Blezaðr seer þu drottinn guð minn. er þu letz þer soma at hefia mik til sua mikillar semðar af litlum stigum sem ek em nu i skipaðr. ok hefer holpit mer i mǫrgum haaskum ok leiddan mik [til þeirrar hugganar<sup>3</sup> epter mart uandregði ok mart ok langt starf. at augu min megu i dag sia þann frammgenginn af minum lendum er þu hefer nu skipat i þat semðarseti sem þu hefer mik aaðr i skipat. epter þui sem þu hefer mer heitit. þers bið ek þik drottinn minn at þu tuifallder ok þrifallder manuit ok tign Daudid yfer þeima æskumanni ok giqr hann fullkominn hqðingia ok stionnara þinu folki epter þinum vilia. Þui [nērst kyrsti<sup>4</sup> Daudid Salomon sun sinn ok mēllti til hans. Sa guð er himnum styrer margfalldi þer frið á iqrðu umframm alla konunga ok gefi þer af iardar auqxtum alla sēlu. þers uil ek beiða þik<sup>5</sup> son minn. at þu væger frændsymi<sup>6</sup> uið Adoniam broður þinn. ef þu sier sanna iðran hans. fyrer þat er hann giorði suikliga uppreist i moti mer.<sup>7</sup> At lokinni blezan þa suaraði Banaias ræðismaðr hans ok sagði amen. Ok enn mēllti hann. Guð drottinn laati allt þetta epter þui fara sem þu hefer talat. ok sua sem drottinn hefer uerit meðr þer herra konungr sua se hann nu með syni þinum Salomon ok giqri haaleitara hans tignarseti ok semð rausn ok riki ok frialsara i alla staði enn yðart riki hefer uerit minn herra. Epter þetta mēllti Daudid konungr uið Sadoch byskup ok Nathan spamann. Leiðit nu þenna unga konung Salomon i holl sina ok setið hann i hasēti mitt<sup>8</sup> með qllum hatiblegum fagnaði ok guðri veizlu. Enn þeir fylldu allt þat sem Daudid konungr bauð þeim.

Enn at lokinni veizlu Adonie þa heyrðu þeir sǫngua<sup>9</sup> fagra pipur ok huerskyns gleði sua sem með nykomnum fagnaði um borgina. Enn Adonias spurði epter<sup>10</sup> hverio gegndi sia fagnaðr folksins. hvart sv glæði var fyrir hans [sakir oc tignar<sup>11</sup> gða vorv [nockvr ny<sup>12</sup> tiðendi. Oc a þeirri [stvndo sðmo<sup>13</sup> kom þar Jonathas son Abiathar byskups oc geck fyrir Adoniam[. Adonias mēllti til hans. Þv ert

<sup>1)</sup> [hæigandi sik fyrir, A. <sup>2)</sup> Fra Daudid konungi ok Salomone syni hans, A. <sup>3)</sup> [tilf. A. <sup>4)</sup> [nēst kysti, A. <sup>5)</sup> tilf. A. <sup>6)</sup> frændsemi, A. <sup>7)</sup> feðr sinum, A. <sup>8)</sup> sitt, A. <sup>9)</sup> stora ok tilf. A. <sup>10)</sup> Her begynder alter C. <sup>11)</sup> [tignar saker, B, A. <sup>12)</sup> [onnur, A. <sup>13)</sup> [sqmu stundu, B, A.

hravstr dręingr oc mant þv hafa fram at bera nockvr<sup>1</sup> goð ęrendi. Hann svaraði. Þo verðr at segia at æigi se goð.<sup>2</sup> Daid hefir gefið Salomon syni sinvm konvngs nafn ok allt sitt riki. Segir Jonathas þeim þa gersamliga allt sem fallit var. at Salomon var þa vigðr til konvngs oc i hasæli sættr favðvr sins Dauids með allri hatiðligri glæði oc allz hattar fagnaði<sup>3</sup> sva sem a agættri hatið, þa er Adonias heyrði þessi tiðendi. varð hann harðla hręddr oc allir þeir sem i raðagiðrð vorv með honvm. oc flyði hverr til [sinna hæimkynna.<sup>4</sup> Enn Adonias flyði til tialldhvðar drottins oc lagði hñnd sina a hæilagt alltari sva sem iatandi sik til hræinlifiss oc vndir þionosto i helgv landtialdi gvðs. þvi næst sendi hann mann til<sup>5</sup> konvngs ok mællti. Her skal ek dæyia. nema minn herra Salomon konvngr hæiti mer með fastmælvvm. at hann drep i mik æigi þion sinn fyrir [þat er ec hefi misgert.<sup>6</sup> Þa segir<sup>7</sup> konvngr. Adonias er broðir minn at frændsemi.<sup>8</sup> oc vil ek giarna þyrma honvm. ef hann vill rēttliga iðraz fyrir þat er hann gerði svikliga vppræist moti feðr sinvm Daid konvngi. ek vil bera þessa byrði með honvm fyrir gvði með þeim maldaga at hann verði iafnan<sup>9</sup> kendr við tryggelæk<sup>10</sup> oc litillæti fyrir vñan alla flærð. enn ef nockvr flærðsamlig agirnd verðr svndin með honvm. þa a hann visa van hfndar yfir hðfði sino.<sup>11</sup> Nv fari hann heim til ęigna sinna oc nioti þeirra æ meðan hann helldr þetta sem nv er męllt.

### Tilskipan Daid.<sup>12</sup>

293. Nv nalgaz<sup>13</sup> davðadagr hins blæzaða<sup>14</sup> Daid konvngs. kallar hann þa til sin Salomon son sinn oc segir sva til hans. Nv er þat likazt son minn at ec gangi þann veg sem allir menn a iarðriki ęiga fyrir hñndvm. Nv minnztv iðvliga at gvð hefir gefið þer spect oc mannvit.<sup>15</sup> oc þvi gæym þv iafnan hans [boðorða oc ęlska hann<sup>16</sup> vm alla lvti fram. Styr þv riki þinv með vitrligv rēttðemi. [sva nockvrv refsingasamr<sup>17</sup> at æigi syniz riki þitt stiornarlavst fyrir þinnar ofblæyði sakir. Get<sup>18</sup> oc með mvndangshofi harðrar<sup>19</sup> ræfsingar. at æigi verðir þv svndinn miskvnnarlavss með ofmiklvvm grimeik.

<sup>1</sup>) morg, B <sup>2</sup>) [ok mællti, A <sup>3</sup>) þessvm tiðendvm *sílf*. C; *mgl.* B, A <sup>4</sup>) [sins heims, A <sup>5</sup>) Salomon *sílf*. A <sup>6</sup>) [minn glæp, A <sup>7</sup>) mællti, B <sup>8</sup>) frændsymi, B <sup>9</sup>) *mgl.* B <sup>10</sup>) truleik, B <sup>11</sup>) ser, B <sup>12</sup>) Fra fortolum Daid ok heilræðum við Salomon son sinn, A <sup>13</sup>) naalgæðiz, B <sup>14</sup>) dyrðliga, A <sup>15</sup>) manvit, B <sup>16</sup>) [boðorð at elska ok unn honum, B <sup>17</sup>) [hæf sva refsingum, B <sup>18</sup>) Giqr, B <sup>19</sup>) harðar, B

382

þo<sup>1</sup> skalltv minnaz Joab frenda þins er mer hefir længi þionað<sup>2</sup> með miklo starfi. oc hefir þat ægi at syndligar<sup>3</sup> sakir þer er hann hefir i fallit fylgi honvm til helvitis. því at hann drap Abner ok Amasa agætla höfðingia i minvm griðvm. er lengi höfðv þionað Saul konvngi með miklvm tryggðæik.<sup>4</sup> oc miog margir ero þeir aðrir<sup>5</sup> er hann hefir drepð fyrir ofrkaps sakir helldr enn retrar ræfsingar. oc er betr at þv latir hann taka her skiota hefnd helldr<sup>6</sup> en hann tyniz gylifiga i þessvm savkvm. Hallt oc orð min við Semei<sup>7</sup> þo<sup>8</sup> at hann bavlvaði mer er ec flyði<sup>9</sup> fyrir riki Absalons<sup>10</sup> broðvr þins. oc þo með þeim hetti at hann hafi nockora minning þess gleps. at ægi staðfestiz sv bavlvan yfir honvm at gylifv er hann bavlvaði mer saklavsvm. Minnz- tv þess at Abiathar byskup lét<sup>11</sup> seðr sinn oc alla frendr [fyrir þat er ek var feddr j Nobe<sup>12</sup> þa er ek flyði<sup>9</sup> af avgliti Saul konvngs. þess a Abiathar oc at niota. er hann for með mer oc flvtti ork drott- ins fyrir mer oc þoldi [morg vās oc vandredi fyrir minar sakir. þo<sup>13</sup> gæymðv þess at hann hafi retta minning iðranar fyrir þat er hann var nv i svikraðvm<sup>14</sup> við mik með Adonia broðvr þinvvm oc moti mer. at sv sok fylgi [ægi honvm<sup>15</sup> til davða. Ver þv son minn diarfr oc harðhendr ok þo hofsamr vm alla lvti. Giæt<sup>16</sup> oc geym i ðllvm lvtvm gvðs vilia at gera. þa man drottinn styrkia oc styðia efla oc avka<sup>17</sup> riki þitt. oc manntv eignaz hvartveggia eylifa sælv oc<sup>18</sup> stvndliga.

#### Andlat hins blezaða Daud.<sup>19</sup>

294. Þi næst andaðiz hinn dyrðligi konvngr Daud i goðri elli. oc græt Salomon konvngr davða hans marga daga oc bio groft hans [i Hiervsale<sup>20</sup> með allri konvngligri tign oc vtallegvm avðgefvm.<sup>21</sup> Enn fyrir þi at nv er læiði hans tomt segir hinn helgi Jeronimvs prestr. þa er þat margra manna ætlan at hann hafi vpp risit af davða með varvm herra Jesu Cristo. eptir því sem gvðspiðll visa til at margra manna likamir lifnaðv<sup>22</sup> i vpprisv vars lavsnara Jesu Cristi. [Er þat oc<sup>23</sup> vel trvanda. at þessi enn dyrðarfvlli Daud konvngr man

<sup>1</sup>) þa, B <sup>2</sup>) ok hann hefir isfnan uerit i morgum vigirðum ok herferðum ok þionat tilf. B <sup>3</sup>) syndsamlegar, B <sup>4</sup>) truleik, B <sup>5</sup>) mgl. B <sup>6</sup>) mgl. B <sup>7</sup>) son Gera sunar Jemini af Baurim tilf. B <sup>8</sup>) þui, B <sup>9</sup>) flyða, B <sup>10</sup>) Absalonis, B <sup>11</sup>) fyrirlet, B <sup>12</sup>) [sina i Nobe fyrir minar saker, B <sup>13</sup>) [marga uásbuð. Nu, B <sup>14</sup>) suikræðum, B, A <sup>15</sup>) [honum ægi, B, A <sup>16</sup>) Gior, B <sup>17</sup>) þik ok tilf. B <sup>18</sup>) sva tilf. B <sup>19</sup>) Her segir af lif- lati ens dyrliga Daud konungs, A <sup>20</sup>) [mgl. B <sup>21</sup>) athefum ok uanduirk, B <sup>22</sup>) saal. B, A; lifnaði, C <sup>23</sup>) [enn þat er, B

nv glæðiaz i eylifri sælv vtan enda með þeima gvðs syni lifanda sem hann bar merking vm marga lvti i þessvm hēimi. því at sialfr allz-valldandi gvð bar vitni hans goðlæk sva segiandi. at David son Jesse gerir flest manna<sup>1</sup> at minvm vilia. David konvngv var þa siavtogr<sup>2</sup> er hann andaðiz. hann hellt riki .xl. ara. hann var fyrst konvngv i Ebron yfir riki Jyda at ġins .vii. ar. enn siðan i Hiervsaleh hellt hann .iii. ár oc þriatigi ġinvalldzriki yfir allan Jsraels lyð. En hann var þritðgr<sup>3</sup> þa er hann tok at rikia i Ebron oc Saul var fallinn.

Her hefr .iii. bok liber regum. Vpphaf rikis Salomonis.<sup>4</sup>

295. At frammlidnvm David konvngi af þessv lifi settiz Salomon svn hans yfir hasæti rikiss hans oc gerðiz skiott hinn virðvligsti hofðingi. A þeim sama tíma sem David konvngv var andaðr geck Adonias til fvnndar við Bethsabe<sup>5</sup> drottningo oc bað hana bæiðaz af Salomon<sup>6</sup> syni sinvm. at hann gipti honvm til ġiginkonv Abisach hina friðv mæy er þionað hafði David<sup>7</sup> i elli.<sup>8</sup> Enn með þeirri athygli læitaði hann þessa kvanfangs. at hann ætlaði sva at [komaz at<sup>9</sup> rikino með flærðsamligri vel. þi at sva mvndi allt folk virða. ef hann fengi Abisach. at sa veri makligastr at sitia i sēti Davids er verðr var at liggia i sæng hans oc i þeim faðmi sem David hafði helgat með sialfvm ser. þat ætlaði hann oc sem vera myndi at brðr Abisach oc allir hennar frendr myndi betr vnna honvm rikiss ef hann fengi hennar helldr enn þeim manni er ecki veri við þa vandabvndinn.

Nv þi at drottning var goðvilivð<sup>10</sup> oc litillat með hrġinv lyndi oc flærðlavso. þa kendi hon ægi vndirhyggiv oc flærð Adonie oc tok við ġrendi hans. for þegar til fvnndar við Salomon konvng. Oc sem hon kom i hōllina. stoð konvngv vpp oc geck sagnandi moti moðvr sinni. hann lavt henne oc læiddi<sup>11</sup> til sætiss með ser. því næst birti drottning eyrindi sitt oc mællti sva. Ek hefi ġina litla bōn at flytia til þin minn herra. ok vil ek eigi birta<sup>12</sup> fyrr enn þv væitir mer aðr. Konvngv svaraði. þv ert moðir min oc hæfir mer ægi at synia þer. oc vil ek ġiarna at þv þiggir þat er þv bæiðir<sup>13</sup> meðr skynsemd. enn þat hēfir þer at hvglæiða at þv bæiðir þess sem<sup>14</sup> mer er<sup>15</sup> vel væit-

<sup>1)</sup> mgl. B <sup>2)</sup> siavtogr, B; .lxx. aara, A <sup>3)</sup> þritogtr, B; .xxx., A <sup>4)</sup> Her byriaz vpp ok segir fra Salomon konvngi er hann let dregs Adoniam broðr sinn fyrir retta sok, A <sup>5)</sup> Bersabe, A <sup>6)</sup> Salomone, B, A <sup>7)</sup> konungi tilf. B <sup>8)</sup> sinni tilf. B <sup>9)</sup> [naa, A <sup>10)</sup> goðvillig, A <sup>11)</sup> hana tilf. A <sup>12)</sup> hana tilf. A <sup>13)</sup> biðr, B <sup>14)</sup> er B; eius er, A <sup>15)</sup> se, B, A

384

anda. Þá mællti drottning. Ek vil þess biðia at þv giptir Abisach til eiginkonv broðvr þinvm Adonie. Konvgr sa þegar hvat vndir þessi bejðni<sup>1</sup> bio af hendi Adonie oc svaraði ræiðr. Hvat þarft þv moðir at biðia honvm Abisach til eiginkonv. nēma helldr ef þv vnnir<sup>2</sup> honvm betr konvngsdomsins<sup>3</sup> þa bið honvm rikissins. fyrir því at þv væltz at Adonias broðir minn er ellri enn ek oc gaf ser sialfr konvngs nafn með kosning hinna agætvzstv hōðingia fyrr enn faðir minn kysi<sup>4</sup> mik til konvngs at gvðs vilia. Nv ero þeir sōmv enn i dag i ðllv fylltingi með honvm Joab hinn rikasti hōðingi oc hertogi oc Abiathar byskup. Enn Abisach er af þi bezta kyni sem i er ollo rikin oc nv virð af ðllvm lyð hin hæsta drottning sakir fostrs þess er hon væitti feðr minvm i elli sinni.<sup>5</sup> Enn ef Adonias fær hennar til konv.<sup>6</sup> þa [virðir alþýðan<sup>7</sup> sva at hann se makligaztr at silia i sæti Davids. þar sem hann er verðr at sofa i þeirri sæng oc a þeim armi sem David la sialfr. Nv meðr því at Adonias giðrði<sup>8</sup> drottinssvik moti feðr sinvm. þa bvðvmz ek til at bera abyrgð þeirrar<sup>9</sup> syndar með honvm við gvð fyrir frendsæmi<sup>10</sup> ockarrar sakir. enn nv þrefalldar<sup>11</sup> hann i annað sinn þav svik við mik broðvr sinn er hann hof vpp i avndverðv við sinn feðr. fyrir því sver ek við þann gvð er mik [skapaði oc<sup>12</sup> skipaði i sæti Davids. at Adonias skal bera savk sina oc sva hverr annarr þeirra er i þvisa niðingsraði vorv með honvm.

Þvi næst mællti Salomon við Banaïam hōðingia. Far þv til oc drep Adoniam broðvr minn. því at helldr vil ek at hann taki her skiota hefnd. [eptir því sem regla hælagra laga byðr fyrir drottinssvik.<sup>12</sup> helldr en hann beri niðingssavk til helvitis. Drep þv oc Joab hertoga. því at hann giðrði .ii. niðingsverk þa er hann drap Abner oc Amasa agæta hōðingia i griðvm oc trvnaði David konvngs. en þessi er hin þriðia savk er miklo er mest. at hann giðrði drottinssvik moti feðr minvm þa er hann gaf Adonie konvngs nafn. oc er hann at viso tyndr annars hæims eylifluga nema haun taki iðran þessa hæims með iðgligri refsing. Banaïas giðrði sem konvgr bavð oc drap Adoniam.

Enn sva sem Joab oc Abiathar vorv i raðagiðrð at gefa Adonie konvngs nafn. sva vorv þeir oc i þeirri<sup>13</sup> raðagiðrð at hann skilldi biðia Abisach. Ok þa er þeir spvrðv davða Adonie. vgentv þeir ser ecki griða. Banaïas tok Abiathar byskup oc læt lēiða fyrir Salomon

<sup>1</sup>) bōn, A <sup>2</sup>) ant, B <sup>3</sup>) konvngsdomsins (enn mer tilf. B), B, A <sup>4</sup>) kigri, B, A <sup>5</sup>) hanz, A; mgl. B <sup>6</sup>) eiginkonu, B, A <sup>7</sup>) [nirðn aller, B <sup>8</sup>) aaðr tilf. B <sup>9</sup>) þersarar, B <sup>10</sup>) frēndsymi, B <sup>11</sup>) þrifalldar, B, A <sup>12</sup>) [mgl. B <sup>13</sup>) mgl. B

konvng. Enn Joab flyði i tialldbvd<sup>1</sup> drottins oc hællt sik þar við hæltagt alltare gvðs. Banaias kom til tialldsins oc mælti. Þat er boðskapr mins herra konvngs<sup>2</sup> at þv Joab gangir vt or tialldi gvðs. Joab svaraði. Meðr þi at ec em her kominn a gvðs grið. þa skal ec her annathvari davða þola gða i griðvm vera. þa sendi Banaias mann til konvngs með Abiathar byskup oc læt segia honvm þessa alla lvti. Konvngr segir sendimanninvm. Far þv oc seg sva Banaia at hann drepi Joab hvar sem hann er staddr. þi at verk hans sialfs oc domr hælagra laga drepr hann enn hvargi ockarr. Banaias gerði sem konvngr bavð. geck<sup>3</sup> inn i tialldbvd drottins oc drap Joab.

Enn konvngr mælti a þessa læið við Abiathar byskup. Vita matt þv þat. at þv ert davða verðr at rælttri reglo hælagra laga. enn fyrir þi at þv ligtz soðvr þinn oc alla frendr a einvm degi fyrir þat er faðir þinn fegdi Daud i Nobe. sva bart þv oc ðrk gvðs<sup>4</sup> oc þolðir meðr fegðr minvm mart vas oc ærfði. þess skalltv niota er ek læt æigi drepa þig at sinni. Far þv nv til æigna þinna oc lif þar sem æinn plogkarll oc niot með þvi allra eigna þinna. at þv halldir iafnan aminning iðranar þinnar fyrir drottinssvik þav er þv giðrðir við Daud. sva at þv skallt æcki byskupliet embette flytia.<sup>5</sup> Enn vit þat vist. at sva skiott sem þv fremr nockvrn kennimannzskap vpp fra þvisa.<sup>6</sup> þa er þat þinn davði.<sup>7</sup> Abiathar for hæim oc hellt þetta allt sem konvngr bavð oc lifði lengi síþan sviptir allri kennimannzskaps<sup>8</sup> tign. oc fylldiz<sup>9</sup> sva a honvm fyrirhæit gvðs þat er hann hafði fram talat yfir afkvæmi oc ættir Hely af Sylo. þi at Abiathar var af hans kyni<sup>10</sup> kominn. Konvngr skipaði Sadoch yfirbyskup i hans stað enn Banaiam gerði hann hertoga i stað Joab.

### Drepinn Nabath fyrer vhlyðni sina.<sup>11</sup>

296. Litlo siðarr sendi [konvngr Salomon orð<sup>12</sup> Semei Nabath. oc sem hann kom a konvngs fvnd. segir konvngr sva til hans. Far oc hysa þer her garð i Hierusalem til bygðar oc ver þar síþan stöðvgr oc staðfastr at hæimili þino. enn gack ecki vtan borgar með nockvrri lavsvng. þi at ef nockvrn tima ferr þv yfir forss Cédron. þa skalltv vist vita at þat er þinn davði.<sup>13</sup> oc þitt bloð man dreifaz þer i höfvd ef þv gerir æigi sem ec byð. Semei svaraði. þessi þicki mer hinn

<sup>1)</sup> landtialld, B <sup>2)</sup> konungsins, B <sup>3)</sup> hann tilf. B <sup>4)</sup> drottins, B <sup>5)</sup> fremis, A <sup>6)</sup> þersu, B, A <sup>7)</sup> bani, A <sup>8)</sup> kennimannz, B, A <sup>9)</sup> fylldiz, B <sup>10)</sup> ætt, B <sup>11)</sup> Fra Salomon konungi ok Semei. capitulum, A <sup>12)</sup> [Salomon konungr epter, B <sup>13)</sup> bani, A



þęzti kostr. oc skal ec þinn þionn þetta giarna gera sem þęr hafð talað minn herra. Bygði þa Semei vm hrið i Jorsalaborg. enn eftir .iii. ar varð [þat með atbrð.<sup>1</sup> at þrælar hans hliopv fra honvm i riki Geth. ok er hann spvrði til þræla sinna. bio hann ser reiðskiota. [for siðan<sup>2</sup> oc flvtti þrælana apr i Hierusalem. Þetta fretti Salomon konvng<sup>3</sup> oc sendi<sup>4</sup> þęgar eptir honvm oc sagði sva til hans. Mvna mantlv Semei hvat ec sagði þęr við gvðs vitni. at a þęma degi sem þv gengir<sup>5</sup> vt af Hierusalem [eftir þinni villd oc<sup>6</sup> lavsvng. at þat mvndi vera þinn davði. enn þv sagðir at þęr likaði þat vel. Nv þa fyrir hvi gęymðir þv ægi þęss logmals er ec setta þęr til ravnar oc iðranar. þar sem þv veitz með sialfs þins samvizko hveria illzko þv gerðir við feðr minn. er þv bavlaðir honvm saklavsvm oc gryttir hann oc hans menn. nv gialldi gvð þęr þęssa meingiorð oc hefni þęr stvndliga<sup>7</sup> þina illzko. En konvng Salomon se blęzaðr oc allt [riki Dauids<sup>8</sup> se styrkt fyrir drottni at eylifo. Þvi næst bavð konvng Banaie at drepa hann. oc sva giorði hann.

#### Vitran drottins við Salomon.<sup>9</sup>

297. Nv tok mikinn styrk oc framgang riki Salomon konvngs. hann męgðiz við Pharaon<sup>10</sup> konvng a Egiptalandi. sva at hann feck dottvr hans oc flvttv hana hęim i Syon oc læt hana þar vera. meðan hann hvgsaði ser hallir oc herbyrgi oc efði Hierusalem [at veggivm vmhverfv.<sup>11</sup> Ok meðan ægi var gert mvstari<sup>12</sup> drottins [ok enn<sup>13</sup> þa fornfærði lyðrinn i hæðvm gða tvrnv hveerrar borgar. Salomon konvngr ęlskaði miog gvð oc geck fram i boðorðvm feðr sins Dauids. vtan þat at hann ferði ofr<sup>14</sup> oc lögligar fornir i hæðvm sem siðr var til. Nv [for Salomon konvngr i Gabaon at fęra fornir. þi at þa var þat hinn mesti oc halęitasti bðnastaðr.<sup>15</sup> fęrði hann i forn yfir altari<sup>16</sup> i Gabaon þvsvnd fornarkvikenda.

A ęinne nott villraðiz drottinn Salomon konvngi i svæfni sva segandi. Bið mik þęss sem þv vill at ek vęita þęr. Salomon svaraði. Mikla miskvnn væittiz þv þinvm þionostvmanni David konvngi feðr minvm. sva at hann geck fram i þinv avgliti með sannlęik oc rættlęti

<sup>1</sup>) [sa atburðr, A <sup>2</sup>) [ok for i Geth til Achia konunga, B <sup>3</sup>) at Semei hafði farit i Geth ok hvarf apr i Hierusalem tilf. B <sup>4</sup>) konungr tilf. B <sup>5</sup>) gengr, B <sup>6</sup>) [at þinni villd með, A <sup>7</sup>) stranglega, B <sup>8</sup>) [hans riki, A <sup>9</sup>) Er drottinn utraðiz Salomon konungi, A <sup>10</sup>) Pharaonem, A <sup>11</sup>) [saal. ogs. B; vmhverfis at veggivm, A <sup>12</sup>) musteri, B, A <sup>13</sup>) [mgl. A <sup>14</sup>) offr, B, A <sup>15</sup>) bęnarstaðr, A <sup>16</sup>) [fęrer Salomon konungr, B

með hræinv hiarta. oc varðvættir<sup>1</sup> þv honvm micla hialp<sup>2</sup> i marga staði oc gaft honvm þann son er settiz i hans rvm oc gaft mer riki eftir hann. Enn ek em einn smasvæinn sva favitzkr<sup>3</sup> at ek kann varla fotvm minvm forrað meðal þessa lyðs. er þv hefir þér valið oc sva er margr at varla ma tavlþ [eða ætlan<sup>4</sup> a koma [fyrir fiolða sakir.<sup>5</sup> Nv er sv þqn minn drottinn minn at þv gefir<sup>6</sup> vit oc visdom i hiarta mitt. sva at ek megí<sup>7</sup> með rættvisi dōma þitt folk oc gera græingōds oc illz. [þi at<sup>8</sup> hverr megí<sup>9</sup> dōma sva mikinn fiolða þins lyðs af sialfs sins hvgvili vtan gíof gvðligrar miskvnnar. þessi orð Salomonis þocknaðiz<sup>10</sup> vel drottni. oc segir hann sva til hans. Fyrir þa skyld at þv bæiddir<sup>11</sup> æigi langlifis<sup>12</sup> eða avðgefa eða fa valld a þinvm ovíavm. helldr baðt þv þer gefez vitrv til at greina doma. þa skal ec gera eptir þinv tilmæli. at ek gef<sup>13</sup> sva mikla speki ok skilning i þinn<sup>14</sup> hvg oc hiarta. at gngi iarðligr maðr [se þer<sup>15</sup> líkr at speki hvarki aðr ne síðan. veiti ek þer eptir þen<sup>16</sup> þinni. oc þar með avðgefi oc alla dyrð. sva at gíngi konvngvr verði slíkr síðan. Oc ef þv gengr gavtvr minar oc varðvættir boðorð min [sem faðir þinn.<sup>17</sup> þa man ec gefa þer langa lifdaga. þvi næst vaknaði Salomon<sup>18</sup> ok kom<sup>19</sup> skilning a dravm sinn. Ok sem hann kom heim i Hierusalem. ferði hann ofr<sup>20</sup> oc friðsamligar fornir til tialldbvdar drottins fyrir hinni helgv ork gvðs. Síþan giorði hann ágæta væizlo ðllvm sínvu hðfðingívm oc hirðsveitvm.<sup>21</sup>

### Fra domi Salomonis.<sup>22</sup>

298. At þeirre væizlo komv fyrir konvng at kígra sitt mal .ii. pvtvr eða portkonvr. Oc sem þgr stoðv a hallargolfino. tok sva avnnvr til mals. Minn herra konvngvr. ec bið at þgr virðiz at hœyra [hvatec segi.<sup>23</sup> Ec oc þessi kona bygðvm baðar samt i einv herbyrgi. Nv bar sva til sem konvr kann<sup>24</sup> henda at ek var með barni. oc i natrvligan tíma fædda ek sveinbarn. enn a .iiia. degi þaðan ifra fæddi oc þessi kona svæin. Enn nv var gngi maðr i þessv hvsi vtan<sup>25</sup> við .ii. Oc sva bar til a ginni natt at hon sofandi<sup>26</sup> hafði sva<sup>27</sup> þravngt syni

<sup>1</sup>) veittir, B <sup>2</sup>) miskunn, A <sup>3</sup>) fautr, B, A <sup>4</sup>) [mgl. B, A <sup>5</sup>) [mgl. B <sup>6</sup>) mer tilf. B, A <sup>7</sup>) mega, B <sup>8</sup>) [Ok, B; eðr, A <sup>9</sup>) ma, A <sup>10</sup>) saal. ogs. B; þocknaduz, A <sup>11</sup>) beiddiz, A <sup>12</sup>) langa lifa, B <sup>13</sup>) þer tilf. B <sup>14</sup>) þinum, B <sup>15</sup>) [skal þer uera, B; er þer, A <sup>16</sup>) bæn, A <sup>17</sup>) [mgl. B <sup>18</sup>) konungvr, B <sup>19</sup>) saal. A; setti, B; mgl. C <sup>20</sup>) ofr, B, A <sup>21</sup>) með hinum mesta kostnaði tilf. A <sup>22</sup>) Her ségir fra .ii. portkonum, A <sup>23</sup>) [mitt mal, A <sup>24</sup>) opt tilf. A <sup>25</sup>) nema, B, A <sup>26</sup>) saal. A; sofnaði (ok tilf. B), C, B <sup>27</sup>) of tilf. A

sínum. at hann var dæðr er hon vaknaði. Hon reis vpp vm mið-  
myrknetti<sup>1</sup> oc geck hliðliga til hvilo minnar oc tekr minn svn sof-  
anda<sup>2</sup> af faðmi mér sofandi.<sup>3</sup> oc setr<sup>4</sup> sinn dæðan i staðinn. Enn vm  
morguninn arla sem ek ætlaða at gefa miolk syni minvm. þa syndiz  
hann dæðr. ok sem ek hvgði at vandligarr i biortv liosi. kenda ec at  
ecki var sa svæinn<sup>5</sup> minn son. þa svarar ðnnvr. Ecki er þetta sva  
sem þv segir. þi at þinn son er dæðr enn minn lifr. þv lygr segir  
hin. þi at þinn son er dæðr enn minn lifr. Með þessvm hætti þrætt-  
vz þer a fyrir konvngi vm stvnd. Konvngr mællti vm siðir til sinna  
manna. þessar konvr sem þer megvð hæyra þrætað a vm þqrnn sin.  
segir hvar aðra livga. þi at hvartveggi segiz eiga lifanda svæin<sup>6</sup> enn  
hvargi vill eiga hinn dæða. Færit mer nv [einn bitran brand.<sup>7</sup> þat  
var þegar giðrt. þa mællti konvngr. Takið nv oc [tvískiptið hinn  
lifanda svæininn.<sup>8</sup> faið sípan sinn lvt hvarri þeirra. þa mællti qnnvr.  
Ho ho harðla sart er mitt hiarta. Bið ec þic herra konvngr. at þer  
gefið henne þetta lifanda barn [enn drepið ægi.<sup>9</sup> Hin kallaði i moti.  
Drepið oc skiptið sagði hon. þi at ec vil giarna at hvargi ockvr nioti.  
þa mællti konvngr. Gefið nv þeirri hinn lifanda svæininn sem ægi  
villdi drepa<sup>10</sup> lata. þi at sv er moðir hans. Nv sem allr Jsraels lyðr  
hæyrði þenna konvngs dom. ottaðvz þeir hann. þi at þeir sa mikla gvðs  
speki vera með honvm at dōma sva vitrliga.

#### Fra rikdomi Salomonis.<sup>11</sup>

299. Salomon konvngr hafði nv einvalld yfir allan Jsraels lyð.  
þessir vorv höðgingiar hans. Azarias son Sadoch byskups Heliareph<sup>12</sup>  
oc Abia<sup>13</sup> synir Sesa ritara. Josaphat<sup>14</sup> skyringameistari. Banaias<sup>15</sup>  
hertogi. Sadoch oc Abiathar byskupar. Azarias son Nathan spamannz  
var hið æzsta rað konvngs oc fremstr af þeim er fylgð helldv oc  
nakvæmstir vorv konvngi i allri þionosto. Zabvth kennimaðr<sup>16</sup> enn  
son Nathan<sup>17</sup> var hinn kærasti vin konvngs. Achisar<sup>18</sup> reðissmaðr  
innan hirðar. Adoniram<sup>19</sup> skattahððingi. Salomon konvngr setti oc  
.xii. menn yfir allt Gyðinga folk. þeir skyldo annaz konvngi borð  
hvert ar fra avörv oc allri hirð hans sinn manað hverr þeirra. oc afa

<sup>1</sup>) myrknetti, B; midnetti, A <sup>2</sup>) mgl. A <sup>3</sup>) mgl. B <sup>4</sup>) sun tilf. B, A  
<sup>5</sup>) mgl. B, A <sup>6</sup>) sun, B <sup>7</sup>) [eitt bitrt suerð, B <sup>8</sup>) [skiptit i tna luti  
sueininn þann sem lifer, B <sup>9</sup>) [mgl. B <sup>10</sup>) skipta, A <sup>11</sup>) Fra Salomon  
konungi hinum spaka, A <sup>12</sup>) Heboeth, B <sup>13</sup>) Haja, B <sup>14</sup>) sun  
Ahilut tilf. B <sup>15</sup>) sun Joade tilf. B <sup>16</sup>) var tilf. B <sup>17</sup>) hann tilf. B  
<sup>18</sup>) Achasar var, B <sup>19</sup>) sun Abdia var tilf. B

þar til allra lvtu þeirra er þvrfsti. hverr þeirra hafði mikit ríki oc margar borgir oc fioldu folks til forraða. En Salomon konvngur heilt einvalld yfir öllum<sup>1</sup> ríkium frá þeirri miklu á er vmmerkir ríki Philistim allt til endimarka Egiptalandz. sva at allir höfðingiar oc ríkissmenn væittu honum vingiafir oc þionöðv<sup>2</sup> honum meðan hann lifði. Enn til borðz konvngs var at ætla hvern dag .xxx. mæla similv-bravðs<sup>3</sup> oc [.ii. slik rvgbravð<sup>4</sup> .x. yxn feita oc .xx. haggengna .c. hrvta. oc vmfram<sup>5</sup> skogarhirtir oc ávnnvr veiðidyr er iafnan vorv gnog.<sup>6</sup> oc enn alifvglar.

Nv var Salomon yfirkonvngur allra ríkia milli Evfraten oc Gaze borgar a Blalandi. oc allir konvngar þeirra landa hnigv vndir hans valld oc helldv við hann hinn bezta frið. Sva ok innanlandz bygðv<sup>7</sup> Gyðingar við sémð oc sællið vtan vgg oc otta oc groðrsett v ser akra oc alldingarða hverr a sinni eign oc iorðv. Salomon konvngur atti .xl. þvsvnda vagnhesta með kerrum bardaga bvnvm oc .xii. þvsvndir riddarahesta vel tamða til orrosto. alla þessa hesta hvaratveggio olo oc önnvðvz þessir .xii. greifar sem aðr er getið oc flvttv til borðs<sup>8</sup> bygg oc bravð balm oc hæy. æ þangat sem konvngur var með sinn her. þeir helldo oc honum sialfvm borð með hinni þgztv gæymslv oc allmiklv kostnaði hverr a sinvm tíma sem þeim var skipað.

### Fra frægð ok speki Salomonis.<sup>9</sup>

300. Nv gaf gvð Salomon konvngi harða mikla spect [oc vitrv.<sup>10</sup> divpsæi hiartans oc hvgvit. sva at hans speki oc visdomr. geck langt vmfram vitrv oc visendi allra<sup>11</sup> spekimæistara avstralfvnnar<sup>12</sup> oc Egiptalandz. oc varð hann nafnfregr með öllum þioðvm vmhverfiss. hann talði fram .iii. þvsvndir dömisagna [oc vm<sup>13</sup> lofsamlig savngva dict. oc dispvtaði af triam cedro oc ysopo. sva<sup>14</sup> af skogdyrum oc skriðkvikendvm. af fvglv oc fiskvm. oc komo menn til at hæyra hans speki af öllum þioðvm víða vm verolld oc frá öllum konvngvm þeim er heyrðv hann nefndan oc getið hans speki.<sup>15</sup>

<sup>1)</sup> þeim tilf. B <sup>2)</sup> þegnadu, A <sup>3)</sup> similiubrauða, B, A <sup>4)</sup> [saal. ogs. A; Jxx. mela rugbrauðs, B <sup>5)</sup> at auk, B <sup>6)</sup> i nog, B; nog, A <sup>7)</sup> lifðu, A <sup>8)</sup> mgl. B <sup>9)</sup> Her er ikke nyt Capitel i A. <sup>10)</sup> [uisku, B <sup>11)</sup> annarra, B <sup>12)</sup> australfvnnar, B, A <sup>13)</sup> [oc, B; vm, A <sup>14)</sup> ok tilf. B <sup>15)</sup> ok þoti aullum mikils vm hana vert tilf. A

Fra vinattuboðum konunganna.<sup>1</sup>

301. Jram konvngur af Tyro sem hann fretti at Gyðingar höfðv tekit Salomon til konvngs i stað favðvr sins. varð hann geysi glaðr við oc sendi þegar sina menn<sup>2</sup> at hælisa hann<sup>3</sup> af sinni halfv. þi at hann hafði verið einn hinn kęrazsti vin Daudid konvngs allar stvndir meðan hann lifði.

Salomon konvngur sendi þa menn a fvnnd Jram konvngs með þessvm orðvm. Giorla vissir þv vilia feðr mins. Enn þi at hann matti ægi sakir agangs oc vfriðar [er hvaðanæsa vęitti<sup>4</sup> agan<sup>5</sup> oc vnaðir hans riki at<sup>6</sup> smiða þat hvs sem hann hvgsaði gvðs nafni at gera. enn nv hefir gvð drottinn gefið mer oc minv riki sva mikinn frið oc frelsi at engi andskoti ęða vfriðar akvama stvrlar mik ęða minn her. fyrir því hvgsa ek at smiða mvsteri mins drottins nafni eptir því sem sialfr gvð sagði fyrir feðr minvm. at sa hans son er settiz i tignar- sęti hans skyldi smiða hvs hans hęilaga<sup>7</sup> nafni til lofs oc dvrðar. fyrir þessa skyld sent<sup>8</sup> þv til [smiða þinna<sup>9</sup> með minvm monnvvm at hęggva mer hin goðo tre cedros i skogi Libano<sup>10</sup> til þessar hvs- gerðar. enn ek man giallda þinvvm monnvvm [slika læigv<sup>11</sup> sem þv bæiðir.<sup>12</sup> þi at þv væitz at engi minna manna [er iafnkenn<sup>13</sup> i viðar- talgv ęða sva hagr<sup>14</sup> a tresmiði sem Sydonii.

Sem Hiram konvngur heyrði þessa orðsending Salomonis gladdiz hann harðla miog oc sagði sva. Blęzaðr se drottinn gvð er hann gaf Daudid konvngi hinn spakasta mann at ęiga at syni. þann sem makligr er at styra sva niðrgvm lavndvm oc lyðvm. Siþan sendi hann Salo- mon konvngi þessor andsvðr i mot. Heyrða ec segir hann yðvarnn boðskap oc vil ek giarna gera yðvarnn vilia. sva at svęinar minir skolo hęggva cedros oc avnnvr hin agętazstv tre oc flytia or fialli Libano<sup>15</sup> allt til siavar. Siþan skal ec sialfr viðr taka oc a skip leggja. oc flytia þar a land sem þv kant fyrir<sup>16</sup> segia. Enn þv hlytr at veitá mer navðsynliga hlvti til vista at fęða folk mitt. Nv gaf Hiram kon- vngur Salomon konvngi tre cedrina oc abigiena.<sup>17</sup> sva<sup>18</sup> sem hann villdi hafa. enn Salomon væitti honvm til vista .xx.<sup>19</sup> þvsvndir męla hvęitiss oc .xx. męla af hinu skięrazsta viðsmiorfi<sup>20</sup> a hverio ari. Ok bvndo

<sup>1</sup>) Fra Jram konungi ok Salamon konungi, A <sup>2</sup>) til tilf. B; til hans tilf. A <sup>3</sup>) honum, B <sup>4</sup>) ueittv, B <sup>5</sup>) saal. B; agang, C <sup>6</sup>) [heiðingia, A <sup>7</sup>) heilagu, B <sup>8</sup>) send, B, A <sup>9</sup>) [smiði þina, B; smidu þina, A <sup>10</sup>) Libani, B <sup>11</sup>) [slikt kaup, A <sup>12</sup>) byðr, A <sup>13</sup>) [eru iafnkęner, B <sup>14</sup>) hager, B <sup>15</sup>) Libani, B <sup>16</sup>) at tilf. B <sup>17</sup>) saal. ogs. B; abigiena, A <sup>18</sup>) noglig tilf. A <sup>19</sup>) .xl., A <sup>20</sup>) oleo, B; viðsmiori, A

þeir með sér frið og felagsskap og helldo vel meðan þeir lifðu  
[allar stvnnir<sup>1</sup> baðir.

### Salomon let efla mvsteris smið.<sup>2</sup>

302. [Konygr Salomon<sup>3</sup> haimti nú saman smiðv og vinnmenn  
[vinnu þá sin ríki.<sup>4</sup> Hann sendi .xxx. þvsvnda vinnmanna í fíall Lib-  
anvinnu með þeirri tilskipan að þeir skyldu<sup>5</sup> skiptaz við. sva af .x. þvs-  
vndir veri senn að vinnu þinnu manað. enn síðan skyldu þeir hvíla  
.ii. manaði haima í herberginu sínu. Adoniram skattahöfðingi kon-  
vngs var þeirra mæistari. Salomon hafði .lxx. þvsvnda hvskarila þeirra  
er byrðar baro. [.lxx. þvsvnda<sup>6</sup> þeirra manna er hann hafði í fíalli  
at<sup>7</sup> griotstarfi og stéintalgv. og enn vinnuframmi þeirra tölu mæistarar  
þeir er til skipvöðv og fyrir savgöðv hverri vinnu. þeir<sup>8</sup> voru .iii. þvs-  
vndir og .ccc. Nú bauð konygr þessum vinnmönnum að flytja agíelt  
griot til grvnnðvallar mvstarissins.<sup>9</sup> og að gera ferstrenda þá stéina  
sem aðr höfðv þeir afornat steinsmiðirnir. Enn allir villdu sva gera  
alla lvti sem konygr bauð. og voru nú til bvnir viðir og griot að  
smiða lvsit.

### Fra vexti ok smið mvsteris guðs.<sup>10</sup>

303. A hinv atloganda ari hins fimta hvndraðs frá því er Gyð-  
ingar gengo af Egiptalandi. þat var a flórða ari ríkiss Salomons<sup>11</sup> a  
manaði zio. þa tok Salomon að smiða mvstari drottins. enn þat hvs  
er Salomon giðrði gvði var .lx. alna langt þeirra sem þa voru. enn  
.xx. alna bræiðt .xxx. alna hatt. Enn forskotið frammi af mvstarinu.  
þat kavlvinu ver nú forkirkio. var sva langt sem mvstarit var bræiðt  
.xx. alna. enn .x. alna a bræiðdina<sup>12</sup> fram frá mvstarino. Glvgga  
gerði hann a mvstarino í hinu hæstvinu plazvinu veggjanna. þi að hann  
þilði alla veggj hvssins með þrennu þilvinu a hæðina. var hit næð-  
sta þili .v. alna hatt enn annat .vi. [hið þriðia .vii.<sup>13</sup> Hann setti allt  
grindvinu gða skotvinu<sup>14</sup> hit ytra vinnhverfiss innan í mvsterino. sva að  
hvergi malti koma við veggina. Enn golf og grvnnðvellir sva veggir

<sup>1)</sup> [mgl. B, A <sup>2)</sup> Af Salamon konungi ok hans tilskipan. capi-  
tulum, A <sup>3)</sup> [Sal. konygr, B <sup>4)</sup> [sina, B <sup>5)</sup> skyldu, B, A <sup>6)</sup> [.lxxx. þvsvnd-  
raða, B <sup>7)</sup> i, B <sup>8)</sup> þat, B <sup>9)</sup> mvsterissins, A <sup>10)</sup> Her segir af  
mvsterisgiðrði drottins, A <sup>11)</sup> Salomonis konunge, B <sup>12)</sup> hæðina, B  
<sup>13)</sup> [mgl. B <sup>14)</sup> saal. B, A; skotvinu, C

oc allt mýstarit var fyrst smíðat af styrkvum stéinvm oc aðr<sup>1</sup> telgðvm oc algerfvm. Oc hvergi hæyrðiz i hvsinv meðan þat var smíðat hamars högg ne [ðoxar talga<sup>2</sup> oc til engra smíðartola. Allt hvsit hvælfði hann innan oc þackti með cedrinis triam. Þa kom yfir Salomon<sup>3</sup> rødd drottins sva segiandi. Hvs þetta sem þv smíðar þat likar mer segir drottinn. ef þv gengr framm [eptir vegvm<sup>4</sup> mins lög-mals oc dqmir rætta doma oc gæymir i alla staði minna boðorða. þa man ek efna þat sem ec hæf seðr þinvm Daud. at ec man byggia millvm sona Jsraels i hvs i þesso oc ægi fyrirlata lyð minn.

Salomon konvngr algerði nv mýsterit oc þilði innan alla veggj [sem aðr var sagt<sup>5</sup> með spiolldvm gða<sup>6</sup> spilvm cedrinis. af gulfu neðan oc iafnsiðt. ofanverðvm veggivm allt vt [af rafri.<sup>7</sup> Enn gulfu þilði hann með þeim triam er abigiena<sup>8</sup> heita. Hann giðrði oc innan af mýsterino hvs oc þilði með fiqlvm cedrinis i unilli allt<sup>9</sup> i ræfr. þat kalla þeir sancta sanctorvm. enn ver köllvm savnghvs. þat var iafn-bræiðt mýsterino .xx. alna oc sva langt. þat var oc tviðgt<sup>10</sup> at alna-tali a hæðina. Varð nv fertogt<sup>11</sup> mýsterit fram fra savnghvsino. Nv var allt þilið með cedrinis hvarntveggia hvsit bæði hit æfra oc hit neðra sva at hvergi matti beran stéininu sia. J savnghvsino bio hann fyrir þar er setia skyldi hina helgv saltmalsörk drottins. oc allt savng-hvsit innan læt hann þeckia með hinu skigrazst<sup>12</sup> gvlli. sva oc mýst-erit fyrir framan sðnghvsit læt hann bva með hreinv gvlli oc sæymði a speingr oc listv með gvllnðglvm. oc ecki var þat i mýsterino er ægi var<sup>13</sup> sem gvll eitt sæi. þar sem bæta<sup>14</sup> þotti bvnaðr<sup>15</sup> a. Allt-arið i savnghvsino þilði hann með cedro oc þackti allt með gvlli. Siþan gerði hann [i savnghvsino<sup>16</sup> tvav engla likneski chervbin af olivatriam. var hvart likneskit .x. alna halt oc hafði .ii. vængi .v. alna hvarn. setti hann cherubin i miðiv savnghvsino. Hvarntveggia cher-ubin læt hann gylla. Alla veggj mýsterissins innan vmhverfiss læt hann grafa oc penta með vndarligvm hagleik. oc giðrði engla likneski oc manel<sup>17</sup> oc ymisligar figvrar sem kvæmi gða liti framm or veggivn-vm. sva gulfu sialft læt hann gvlli bva bæði i miðiv oc vm<sup>18</sup> it ytra. þar sem gengið var i savnghvsit gerði hann dyristafi<sup>19</sup> ferstrenda oc .ii. hvðir af olivatriam [oc skar<sup>20</sup> þær<sup>21</sup> oc pentaði<sup>22</sup> hagliga með marghattaðvm myndvm oc manelvm<sup>23</sup> oc bio allt með gvlli. Sva oc

<sup>1</sup>) qðrum, B <sup>2</sup>) [exar taalgv, B <sup>3</sup>) Salomonem, B <sup>4</sup>) [vegu, B <sup>5</sup>) [mgl. B <sup>6</sup>) ok, A <sup>7</sup>) [at rafn, B, A <sup>8</sup>) abigene, A <sup>9</sup>) upp tilf. B <sup>10</sup>) tuitugt, B <sup>11</sup>) fertugt, B, A <sup>12</sup>) skigrazta, B, A <sup>13</sup>) vgr, B <sup>14</sup>) bæta, A <sup>15</sup>) bun- ingr, A <sup>16</sup>) [i mýsterinu, B; mgl. A <sup>17</sup>) maner, B, A <sup>18</sup>) mgl. B <sup>19</sup>) Her beg. Fragm. XIV. <sup>20</sup>) saal. A; alar, C <sup>21</sup>) [mgl. B, Frag. <sup>22</sup>) þer tilf. B, Frag. <sup>23</sup>) manerum, B, A

vm dyrr mvsterissins bio hann halættliga<sup>1</sup> með miklvm haglæik a marga vega skrifat. vorv þar dyristafir af olifs oc hvrðir af triam abigienis. oc allar sættar oc hasæymðar með gvlsspöngvm. því næst gerði hann garðinn vm mvsterið. [iii. plazin<sup>2</sup> af telgðv grioti enn eitt af triam cedrinis. A fiórða ari rikiss sins i manaði zio hof Salomon konvngv vpp<sup>3</sup> at smiða templvm domini. enn a ellipta ari rikis hans i manaði bol.<sup>4</sup> sa er hinn atti manaðr. varð algjört með ðllvm bvnði oc þarfundvm þeim sem þar þvrfli. þi at þat var .vii. [ar i smið.<sup>5</sup> Enn sialfs hans herbergi varð<sup>6</sup> algjört a .xiii.<sup>7</sup> ari.

### Smíðat saltus Libani ok aðrer luter.<sup>8</sup>

304. Þa er algjört var templvm domini lét konvngv smiða ser herbergi þat er hann kallaði hvs<sup>9</sup> saltvs Libani. þat er sva sem af skogtriam Libani. þetta hvs var hvndrað alna langt oc fíntigi alna bræiðt enn .xxx. alna hatt. þetta hvs var smíðat með meira vitrlæik oc visdom marghattaðra lista oc halæitra<sup>10</sup> haglæik. segir sa er savgvnni hefir snvið til sinnar tvngv af latinv. enn min fafræði kvnni skilia gða skyra. Enn þa er ræist var hvsit. feck hann til hinn hagazsta [smið a gvl oc silfr.<sup>11</sup> hann var oc fvllr skynsemdar oc skilningar æir oc allzkonar<sup>12</sup> malm at stæypa. þessi maðr het Hiram af Tiro. þi at faðir hans [hafði verit þeirra<sup>13</sup> borgarmaðr. enn moðir hans var þa orðin eckia. hon var Gyðinga kyns komin af ætt Neptalim. Enn sem hann kom til konvngs var hann höfðmæistari at steypa æirstolpa oc [fyrir ðllo þi<sup>14</sup> sem af malmi var gert. Hann steypiti oc [eitt ker<sup>15</sup> gða en helldr hver kringlottan af æiri estir forsögn konvngs til mvsteris drottins. þat kallaðv þeir enevm mare. þat er æirligr siar [at varv mali.<sup>16</sup> þat var .xii. alna ofan yfir þvert þrama i milli. enn .v. alna hatt ok .xxx. alna<sup>17</sup> vmmals vtan. Enevum mare setti hann til hegri handar. þat er envm syðra megin i mvsteri drottins. En ðll þionostokær in templo domini sva mikinn fiolða at varla [gat vegit<sup>18</sup> fyrir þvnga sakir ðll saman gerði Hiram af brendv gvlli.<sup>19</sup> [Hann gerði oc gvllikt allteri oc borð af gvlli.<sup>20</sup> þar skyllði a sætia hina helgv

<sup>1</sup>) heiðrlega, B <sup>2</sup>) [þriu plaz, B, Frag. <sup>3</sup>) mgl. B, Frag. <sup>4</sup>) ebal, B; ahil, Frag. <sup>5</sup>) [sara smið, B, Frag. <sup>6</sup>) var, B <sup>7</sup>) xiiið, B <sup>8</sup>) Her segir fra meistara Jram. capitulum, A <sup>9</sup>) mgl. B <sup>10</sup>) haleitum, B, Frag. <sup>11</sup>) [mann aa silfrsmið ok gull, B, Frag. <sup>12</sup>) allzkyns, B <sup>13</sup>) [var þeirrar, B, Frag.; hafði verit þeirrar, A <sup>14</sup>) [allt þat, A <sup>15</sup>) [eirker, B, Frag. <sup>16</sup>) [a vara tungu, A <sup>17</sup>) var tilf. A <sup>18</sup>) [matti vega, A <sup>19</sup>) kerin tilf. B, Frag. <sup>20</sup>) [mgl. B, Frag.



389

fornarhlæifa er þeir kavllvöð panes propositionis. Oc .x. kertastikvr<sup>1</sup> gerði hann af skiro<sup>2</sup> gvlly steyptar sva sem með lavfvm oc lilivm. skylldo .v. standa til hvarrar handar at ganga i savnghvsit. þar yfir stikvnrar<sup>3</sup> liosker af gvlly [oc kærtæklofa.<sup>4</sup> ræykelsisskær af hræinv gvlly oc mært annat miklo fleira en ek kvnni græina gerði Hýram af gvlly til þionosto i templo domini. iasnel hiarrarnir [er hvrðir<sup>5</sup> savnghvssins oc sva sialfs mvsterissins [lekv a<sup>6</sup> vorv af gvlly gervir. Sem Salomon<sup>7</sup> hafði algert alla hlvti sem hann vildi i nytsemövm oc navðsynivm mvsteriss drottins. þa læt hann þangat bera oc varðvæita i sehirðzlv mvtsterissins allt gvlly oc silfr oc agæt ker er Daudid konvngv faðir hans hafði helgat oc gvði gefit.

### Fra vigslyvgiorð mvsteriss.<sup>8</sup>

305. Eptir þetta samnaðiz<sup>9</sup> saman eptir boði oc þen Salomon<sup>10</sup> konvngs i Hierusalem allir hinir rikvzstv höðsingiar oc hertogar Gyðinga. oc þar með allir rikbornir bændr oc allr lyðr. Sem allir avlldvngar Jsraels vorv komnir til konvngs a miklv m haliðardeg i manaði bethahim.<sup>11</sup> sa er hinn .viidi.<sup>12</sup> manaðr at þeirra tqlv. for [konvngv Salomon<sup>13</sup> með allan herinn oc hirð sina i Syon at flytia þaðan hina hælgyv sattmalsörk drottins. toko þa kennimenn oc diaknar örkina oc alla tialldbvð drottins með kervm oc avörvm hlvtvm þeim sem tialldbvðinni fylgðu<sup>14</sup> oc hafa þvrsti til heilagrar þionosto. enn konvngv oc aluivgrinn geck fyrir örkinni oc sæðv fornir savði oc navt. meira fiolða enn hægt veri at telia gða gtlan a at koma. flvtv þeir þa örkina með, allri glæði oc fagnaði i mvsteri drottins oc settv hana i<sup>15</sup> savnghvsino i þann stað sem henne var fyrirbvin vndir vengi engla likneskianna. sva at chervbin [rættv vengi<sup>16</sup> yfir örkina oc skyldv<sup>17</sup> henne.

Enn þegar kennimenn vorv vt gengnir af savnghvsinv. þa fylldi þoka lios mvsterit sva at kennimenn matlv æigi standa at æmbætti. þi at dyrd drottins fyllti allt<sup>18</sup> hvsit. þa mælti konvngv. Nv sannaz þat sem gvð<sup>19</sup> hefir fyrir sagt. at hann myndi byggia i þokv. Oc enn

<sup>1</sup>) kertistikur, B, Frag. <sup>2</sup>) skígru, B, Frag. <sup>3</sup>) voru tilf. B, Frag. <sup>4</sup>) [kerta-klofar, B, Frag. <sup>5</sup>) [ok hurðirnar ok, B; ok hurðir, Frag. <sup>6</sup>) [er a lekv, B <sup>7</sup>) konvngv tilf. B, Frag. <sup>8</sup>) Er Salomon konvngv biðr til guða. capitulum, A <sup>9</sup>) saal. ogs. A; sqfnubuz, B, Frag. <sup>10</sup>) Salomonis, B <sup>11</sup>) bethan, B, Frag. <sup>12</sup>) .viii., B; aetti, Frag. <sup>13</sup>) [Salomon konungv, B, Frag. <sup>14</sup>) saal. de öv.; fylgði, C <sup>15</sup>) niðr i, B, Frag. <sup>16</sup>) [rettu uengina, B, Frag. <sup>17</sup>) saal. A; skyldi, B, Frag.; skyldu, C <sup>18</sup>) mgl. B, Frag. <sup>19</sup>) drottinn, B

mællti hann. Nv hefi ec smiðat hvs þetta drottinn minn þer til hins styrkazsta herbyrgiss oc tignarsætiss at eylifv. Síðan sneriz konvngt oc blæzaði allan<sup>1</sup> lyð oc reittrvaðan [samansamnat Gyðinga<sup>2</sup> þann er þa var<sup>3</sup> við staddr. oc enn<sup>4</sup> sagði hann sva. Blęzaðr drottinn gvð Gyðinga lyðs hefir þat nv fyllt [með framkvæmð<sup>5</sup> er hann hgt [með orðvm<sup>6</sup> Daudid [konungi feðr minvm.<sup>7</sup> þa er hann talaði sva til hans. Vel hvgsar þv þat Daudid sagði drottinn at þv skylir<sup>8</sup> mer hvs smiða. enn ægi man þer þess avðit verða helldr þinvm syni. Nv hefir drottinn sva sannat sitt fyrirhgit segir konvngt. at hann setti mik i tignarsæti fððvr mins til rikiss stiornar yfir Jsrael. Ok nv hefi ek hvs smiðat hans hæilaga nafni oc þar sætt ðrkina helgv i þann hæfliga stað sem henni<sup>9</sup> var fyrirbvin. J þeirri ðrk er friðgiðrð sv er drottinn gerði við<sup>10</sup> feðr vara þa er þeir forv af Egyptalandi.

Síþan fell konvngt Salomon a kne fyrir alltari drottins i avgliti allz lyðs oc hellt höndvm til himins sva segiandi. Heyrðv drottinn gvð Jsraels. Eingi er gvð þer líkr a himni eða a iorðv. því at þv varðvæltir frið oc miskvnn þeim er þer þiona oc með ðllv hiarta fylla þin boðorð. þv fvlvgiorðir með framkvæmð þat er þv talaðir með þinvm blęzaða mvnni fyrir þrel þinn Daudid<sup>11</sup> feðr minn sem nv birtiz i dag. Nv þa drottinn gvð minn. minnztv þess er þv hgtz honvm. at ægi skyldi ganga or hans ætt riki Jsraels. ef hans synir græiddi sinar gavngvr i þinv avgliti i alla staði eftir hans dēmi<sup>12</sup> oc villtiz eigi af þeim rettlætissveg sem hann geck fyrir. Enn hvat<sup>13</sup> mantv allzvalldandi gvð [virðaz at<sup>14</sup> byggia a iorðvnni. þar sem hinir hæsto himnar ero varla verðir at taka við þer. hverso miklo siðr þetta hvs er ek hefi smiðat. Enn þo allt at æino<sup>15</sup> lit a lofsavg þrels þins oc hæyr bøn mina er<sup>16</sup> ek bið þik i dag drottinn gvð minn. at þv lkvir vpp avgv þin oc litir bæði dag oc nolt oc a hverri stvndo. yfir hvs þetta oc þenna stað. sem þv hefir hæitið at þitt nafn skyldi her byggia. Hæyrðv drottinn minn bqñir minar oc allra þinna<sup>17</sup> manna er a þik kalla i þessvm stað. oc ver þeim mivkr ok miskvnn-samr. Ef maðr verðr ofsolttr af sinvm navngi oc harðliga halldinn oc komi hann fyrir þitt alltari i þessv hvsi a þik kallandi. heyrðv hann af þinvm halæta himni oc giallt sina grimð hinvm vmiðlað enn ðmbvna rettlætvm sinn goðvillia oc goðlæk. Ef þinn lyðr verðr

<sup>1</sup>) Gyðinga tilf. B, Frag. <sup>2</sup>) [samansafnaðan, B, Frag. <sup>3</sup>) þar tilf. B <sup>4</sup>) mgl. de ðer. <sup>5</sup>) [ok frammkuemt, B; ok framit, B, Frag. = C <sup>6</sup>) [forðum, Frag. <sup>7</sup>) [saal. B, Frag., A; konvngs feðr mins, C <sup>8</sup>) saal. ogs. B, A; skalt, Frag. <sup>9</sup>) tilf. de ðer.; mgl. C <sup>10</sup>) fyrer, B, Frag. <sup>11</sup>) konung tilf. B, Frag. <sup>12</sup>) domi, B, Frag.; dēmi. A <sup>13</sup>) hvar, B, Frag. <sup>14</sup>) [mgl. B, Frag. <sup>15</sup>) eius, B, Frag. <sup>16</sup>) Her end. Fragm. XIV. <sup>17</sup>) minna, B

forflotta<sup>1</sup> fyrir sinvm<sup>2</sup> vvinvm sakir synda sinna. er þeir hafa við þik misgiort. oc ef þeir giora iðran iatandi þinv nafni oc biðia þik miskvnnar með litillæti. hæyrðv af himni bøn þeirra oc fyrirgef glæpi þeirra. oc læið þa aptr or herlæiðing a þa iorð sem þv gaft seðrvum þeirra. Ef himinn byrgiz. sva at æigi nai at rigna<sup>3</sup> yfir iorðina sakir synda manna. ok [ef þeir kalla<sup>4</sup> i þessvm stað til þin með iðran oc aflati synda. hæyrðv þa drottinn minn oc fyrirlat þeim oc kenn þeim at ganga goðan<sup>5</sup> veg. oc gef regn til groðrar a [iðrð þeirra.<sup>6</sup> Ef hvngv eða hallæri kemv a land þetta. drep æða dævi. hagl eða hrið. maðkr eða mygla.<sup>7</sup> locvsta<sup>8</sup> my eða avnnvr meinv þravngva þinv folki. vvina vmsatir. sar eða sollir. siaravðn eða salækt oc hverskonar tilfelli sem at kvnnv beraz<sup>9</sup> til erviðiss eða þravngsla<sup>10</sup> lyð þinvvm. oc ef nockorr er sa af ðllo<sup>11</sup> folki at við kanniz<sup>12</sup> sin hiartasar oc [rætti hanin<sup>13</sup> sinar hendr til þin biðiandi i þesso hvsi. þa bið ek at þv hæyrir hann oc liknir honvm oc gialldir hveriom eptir því sem. til vinnr. oc sva sem þv ser hans hiarta. því at þv einn kennir hiðrtv oc [hvgar læyni<sup>14</sup> allra manna. Ok til þess striðir þv misgiorandvm enn miskvnnar iðrandvm. at þinir menn ottiz þik a hverri stvndv. Enn ef annarligv<sup>15</sup> maðr sa er æigi er kominn af ætt Jsraels sækir til af siarlægvm lðndvm þik at dyrka i þessvm stað. fyrir þa skyllð at hann hafv kannaz viðr þitt halæita nafn sem hvervitna man heyrin-kvnnict verða. þa mant þv sem mik væntir þenna vtlenda mann af þinv himnæskv tignarsæli gera sem hann biðr. til þess at allar þioðir a iarðriki nemi þitt nafn at ottaz sva sem þinn lyðr Jsrael. ok<sup>16</sup> allir sannprofi at a þitt nafn er kallat yfir hvs þetta. Ef þinn lyðr ferr at þinv boði til bardaga moti sinvm vvinvm ok lægia sik ok lvta moti þeim veg sem liggv at þessi borg oc minnazk<sup>17</sup> þeir þessa hvss sem ek hefi smiðat þinv nafni til dyrðar. nv hafv þinir menn misgert við þik sem verða kann. þi at engi iarðligv maðr lifir syndalavst. oc þar fyrir verði þeir herlæiddir [langt eða skamt brottv<sup>18</sup> af sino landi i riki vvina sinna. oc [meðr þi at þeir snviz<sup>19</sup> til þin af ollvm hvgr oc hiarta með fvllkomnvm goðvilia oc<sup>20</sup> dyrka þic með minning þessar heilvgv<sup>21</sup> borgar Hierusalem oc þessa mvsteriss. bið ec þic at þv hæyrir þa oc vælir þeim miskvnn i avgliti þeirra er þa hafa herlæiðt. þi at þesse lyðr er þin ærfð er þv læiddir af Egyptalandi

<sup>1</sup>) forflotti, B, A <sup>2</sup>) þinum, A <sup>3</sup>) regna, A <sup>4</sup>) [kalli menn, A <sup>5</sup>) rettan, A <sup>6</sup>) [iordina, A <sup>7</sup>) saal. B; mykla, C, A <sup>8</sup>) eðr tilf. B <sup>9</sup>) at bera, A <sup>10</sup>) þravngva, B <sup>11</sup>) þinu, A <sup>12</sup>) kennoiz, B <sup>13</sup>) [rettir, A <sup>14</sup>) [hugrenningar, B; leynda luti hiartans, A <sup>15</sup>) vtlendr, A <sup>16</sup>) at, B <sup>17</sup>) minnaz, B <sup>18</sup>) [brott, B <sup>19</sup>) [ef þeir snuaz, B <sup>20</sup>) at, B <sup>21</sup>) heilagv, B

vndan þvngri þrælkan þarlendzkra manna. Ok enn bið ec drottinn minn at þv virðiz at hœyra i þesso hvsi bqñ mina þræls þins oc allra þinna manna i hveriom navðsynivm sem þeir kalla a þig. þi at þv valðir þetta folk þer til erfðar af ðllvm þioðvm a iarðriki sem þv talaðir fyrir mvnn Moysi þins blæzaða þions.<sup>1</sup>

### Fra ueizlu Salomonis.<sup>2</sup>

306. Nv sem<sup>3</sup> konvngr giðrði enda a bðn sinni rettiz hann vpp fra alltarino. þi at alla þessa stvnd hafði hann a kniam staðit oc halldit hðndvm til himins. Stoð hann þa vpp oc blæzaði qllo retrv-vðv<sup>4</sup> Gyðinga folki þvi sem þar var samankomið oc mælli hatt sva segiandi. Lofaðr oc blæzaðr se gvð drottinn varr. sá er gefið hœfir frið oc frelsi sino folki. sva at æigi gill hit minnzta ligger eptir af ollo þi goðs<sup>5</sup> er hann hgt sinvm lyð fyrir mvnn Moysi sins blæzaða þionostomannz. Nv se varr herra gvð með oss sva sem hann var með feðrvm varvm. ok<sup>6</sup> æigi fyrirlati hann oss gða kasti fra sino avgliti. nema<sup>7</sup> helldr<sup>8</sup> hnægi hann hiartv var til sin. sva at ver gangim hans gavtvr oc gæymim boðorða hans oc laga oc reitra domvm alla lvti sem hann bavð feðrvm varvm. Ok þessi min bðnarorð er ek hefi beðit i dag drottin gvð varn se þegilig i hans avgliti. at hann væiti mer þræli sinvm miskvnnardom oc sinvm lyð Jsrael a hveriom lima. at ðll veralldar bygð viti at engi er gvð vtan [varr drottinn<sup>9</sup> a himnvm. Nv veri varlt hiarta sva algjðrliga styrkt ok staðfast i vars drottins setningvm æ meðan ver lifvm sem nv i dag. þvi næst sefði konvngr fornir drottini oc allr Gyðinga lyðr þa er [með honvm<sup>10</sup> var [.xii. þvsvndir navta<sup>11</sup> oc [.cxx. þvsvndir<sup>12</sup> savða. oc vigðv sva allir samt templvm domini. A þeim sama<sup>13</sup> degi helgaði konvngr halfan garðinn þann hlvtan<sup>14</sup> sem fram var fyrir<sup>15</sup> mvsterino. oc hafði þar fornir oc brendi þar ræykelsi oc fiðlða fornarkvikenda sem lavg hvðv. þvi at æigi mælli fyrir fiðlða sakir kvikendanna sæfa gða brenna yfir þat æirliga alltari<sup>16</sup> er til þess var giðrt. Konvngr giørði þa agiðtt hatiðarhalld. oc með honvm allr fiðlði Gyðinga lyðs er hann hafði til sin boðit vm allt sitt riki. Stoð sv hatið .vii. daga. hinn atta dag gaf hann [orlof til brottferðar tilkvamvfolkino.<sup>17</sup> Enn

<sup>1</sup>) tilf. B <sup>2</sup>) A har her ikke nyt Capitel. <sup>3</sup>) Salomon tilf. B <sup>4</sup>) retruadu, B, A <sup>5</sup>) goz. B; mgl. A <sup>6</sup>) at, B <sup>7</sup>) enn tilf. B <sup>8</sup>) geri hann oss ein-kenda ser ok tilf. A <sup>9</sup>) [guð vaarr, B <sup>10</sup>) [þar, B <sup>11</sup>) [.ii. þusunder ok .xx. yxna, B <sup>12</sup>) [.c. ok .xx. þusundrat, B <sup>13</sup>) mgl. B <sup>14</sup>) lutann, B, A <sup>15</sup>) fra, A <sup>16</sup>) alltara, B <sup>17</sup>) [aullum lyð orlof til heimferdar, A

hann væitti þa hirð sinni oc höfðingiom aðra .vii. daga. sva at .xiii. daga hellt konvngr mvsteriss helgina. At lokinni þessi vezlo for hvert<sup>1</sup> til sins heima með mikilli glæði lofandi gvð fyrir alla goða hlvti er hann hafði gert við David oc Salomon son hans oc allan Gyðinga lyð.

Fra þi er drottinn vitraðiz Salomoni.<sup>2</sup>

307. Sem [konvngr Salomon<sup>3</sup> hafði algert templvm domini oc sva [sialfs sins<sup>4</sup> herbergi oc alla lvti þa sem hann villdi smiða lata. þa vitraðiz honvm drottinn a sðmv læið sem hann hafði vítraz honvm fyrr i Gabaon. oc sagði sva til hans. Hæyrt hefi ek bqñ þina oc helgað hvs þetta sem þv smiðaðir.<sup>5</sup> oc mvn min dyrð þar byggia. Ef þv læiðir þina framferð fyrir minv avgliti eftir því sem feðr<sup>6</sup> þinn giðrði i eínfelldi hiarta oc iafnlyndi oc gerir alla lvti sem ek byð oc varðveitir min lög oc doma. þa man ec setia þinn rikiss stol yfir allan Jsraels lyð at ælifv. sem ek sagða<sup>7</sup> feðr þinvm at æigi myndi ganga vndan hans ætt riki Gyðinga. Enn ef þv oc þitt afkvæmi snyzt rangliga fra mer oc fylgir æigi minvm boðorðvm oc varðveitir æigi þat lögmal sem ek hefi yðr sætt. nema enn helldr gangit eptir illvm raðvm oc dyrkit [annarra þioða<sup>8</sup> gvða oc þionið þeim. þa man ek reka brottv Jsraels lyð af þesso riki sem ek hefi þeim gefið. oc sva man brott snva<sup>9</sup> min asiana<sup>10</sup> fra þesso mvstari sem nv hefi ek helgat minv nafni. Man þa Gyðinga lyðr verða at skavmm oc skavpi<sup>11</sup> ðllvm þioðvm oc þetta mvsteri at vsqmð oc avgabragði. sva at hverr maðr er fram gengr hia hvsi þesso man ottaz með vndran [oc eptir spyria<sup>12</sup> hvi gvð giðrði sva við þenna landzlyð oc þetta mvsteri. Enn þeir sem vita manv andsvör væita. at fyrir því læl gvð ganga sva marga illa lvti yfir lyð þenna. at þeir fyrirletv drottin gvð sinn. þann er feðr þeirra læiddi af Egyptalandi. enn þionaðv oc dyrkaðv<sup>13</sup> annarliga gvða.

Fra þui er Salomon let borger smiða.

308. þa er liðin vorv .xx. ar fra þi er Salomon konvngr hafði latið smiða templvm domini oc sialfs sins herbergi oc Hynam konvngr

<sup>1</sup>) hverr, B, A <sup>2</sup>) Her segir af Salomon konungi, A <sup>3</sup>) [Salomon konvng, B <sup>4</sup>) [sitt, B; sin, A <sup>5</sup>) hefir smiða latit, A <sup>6</sup>) faðir, B <sup>7</sup>) het, A <sup>8</sup>) [annarliga, A <sup>9</sup>) snuaz, B <sup>10</sup>) asiona, B, A <sup>11</sup>) saal. rettet; skavpi oc, C; sviurðing, B; skavpi af, A <sup>12</sup>) [mgl. B <sup>13</sup>) meðr fullri aastundan tilf. B

af Tyro hafði honum þar til stöðat. svo at hann gaf honum tre cedrina oc abigiena oc svo mikít gull sem hann þvrfsti. þa gaf Salomon konvngur honom .xx. bæi gða kavptvñ i Galilea.<sup>1</sup> Ræið Hiram konvngur þa vt af Tyro at'sia þessa giof. [gaf ser litíð vm enn fannz þo a<sup>2</sup> at honvin þocknaðiz ægi. Hiram<sup>3</sup> sendi Salomon konvngi .c. pvnð [gvllz oc .xx. pvnð.<sup>4</sup> þetta gull var þo litit til vpphafs þess<sup>5</sup> kostnaðar sem hann lagði til at smiða templum domini oc sialfs sins herbergi oc kastala<sup>6</sup> oc mvra [vm þessar borgir<sup>7</sup> Hierusalem oc Eser Mageddo oc Gazer. Gazer hafði aðr vunnit með hernaði<sup>8</sup> af heiðnum lyð Chanaaneco Pharao konvngur af Egyptalandi. gaf hann siðan borgina oc allt þat ríki sem þar la til Salomoní konvngi i heimanfylgio dottvr sinnar. Enn Salomon<sup>9</sup> læt vpp reisa borgir Gazer oc Betharon hina minni oc Balaath oc Palmiram við eyðimðrk. oc allar borgir oc bæi i sinv ríki lét hann efla oc vpp reisa ef aðr vorv niðr fallnar gða fyrndar. oc sætti til geymslo i allar borgir riddara sina oc iarnvarða vagna oc annan herskrvða sem hæði<sup>10</sup> hveriom stað. Ok allt læt hann þat smiða er honum líkaði i Hierusalem oc i öllv sinv ríki. Allar eftirlæifar hæðinna þiöða oc<sup>11</sup> Gyðingar höfðv ægi æyðt i öllo hans ríki skattgilldi hann. Enn hann sætti þat<sup>12</sup> at ængi af Jsraels ætt skyllði þræll vera. helldr gerði hann alla Gyðinga ser at hermonnum oc höfðingium. [hirdmenn oc hertoga oc riddara oc greifa.<sup>13</sup> Enn vinnogreifar konvngs þeir sem fyrir vorv<sup>14</sup> avllvm starfa. þeir vorv halft sietta<sup>15</sup> hvndrat oc hafði hverr þeirra mart folk vndir set er þeir stiornaðu oc skipaðv til smiðar gða ymissar iðnar fram at flytia.<sup>16</sup> Drotningia<sup>17</sup> dottir Pharaonis flvttiz af Davids borg til þeirra herbergia sem konvngur hafði latið henne gera þegar þav vorv bvin. Enn konvngur lét þa smiða vpp borg Mello.<sup>18</sup> Konvngur Salomon ferði oftr<sup>19</sup> oc friðsamligar fornir þrysvar a hverio ari i mvsteri drottins.

### Saba drotning kom til Salomons.

309. Enn er algert var templum domini. læt hann smiðv sina raða til skipasmiðar i þeim stað er hætitir Asiongabgr.<sup>20</sup> þat er skamt fra Ahilam. sv borg stendr við Rauða haf i ríki Idumea. Til at hallða

<sup>1</sup>) iqrðu tilf. B <sup>2</sup>) [ok fannz honum litit um. enn þo saa menn, A <sup>3</sup>) konvngur tilf. B <sup>4</sup>) [ok .xx. gullz, B <sup>5</sup>) þessa, B <sup>6</sup>) Gaze tilf. A <sup>7</sup>) mgl. B <sup>8</sup>) herskild, A <sup>9</sup>) konvngur tilf. B, A <sup>10</sup>) i tilf. B <sup>11</sup>) saal. ogs. B <sup>12</sup>) þau lög A <sup>13</sup>) [hirdmonnum ok hertogum riddarum ok greifum, A <sup>14</sup>) smidum konungs voru ok, A <sup>15</sup>) setta, B; dca(!) A <sup>16</sup>) lora, B <sup>17</sup>) drotning, B <sup>18</sup>) mickla, B <sup>19</sup>) oftr, B, A <sup>20</sup>) Asiongabgr, A

þessvm skipastol með monnvvm Salomons feck Hiram konvngur af Tyro sina menn þa sem hann feck skipkænazsla [oc męsta siagarpa.<sup>1</sup> þeir sigldv til þess landz er heit Ophyr.<sup>2</sup> þaðan fluttv þeir oc ferdv Salomon konvngi<sup>3</sup> .cccc. pvnda oc .xx. pvnd gvlz.

#### Fra Saba drottningu ok Salamon konvngi.<sup>4</sup>

310. J þenna tima for drottning Saba at profa með giginligri ravn hvatsannlækr<sup>5</sup> veri vm þa miklv fregð er flavg hvervitna vm heiminn af speki oc rikdomi Salomon konvngs. Kom hon i Hierusalem með mörgv förvneyti oc miklv avðæsum. Flutti hon a vllðildum oc qðrvvm eykivm<sup>6</sup> agælar vrtir<sup>7</sup> oc vvegilikt gvll oc gimsteina<sup>8</sup> dyrliga með mærghattaðvnm dyrgripvm. Sem hon fann konvng. talaði hon fyrir honom diarfliga alla lvti þa sem henne bio i hug oc htarta. Enn konvngur lærði hana af mörgvvm visdomi. ok [hvarki þeirra leyndi annat nockvt af sinv hvargarfari<sup>9</sup> ok vitrv. Sem drottning sa speki Salomons<sup>10</sup> oc hvs þat hit agæta sem hann hafði smiða lalið oc allan hans borðbvnað oc vistagnott sva mikla sem hann hafði hversdagliga ser til borðz. þar með herbergi hans þionostvmanna. kvrtæisi klęðnað oc fagrliga skipan þeirra sem honvm þionvðv ok hæversko hans skenkara<sup>11</sup> oc skvtilsveina oc þær miklo fornir sem hann ofraði i mvsteri drottins. þa brá henne sva miog við at hon gat varlla hvglæiðt allan hans<sup>12</sup> rikdom. hon mællti þa til konvngs. Satt er þat þo at ek tryði<sup>13</sup> ægi þi sem mer var sagt a minv landi fra þinni vitrv oc visdomi. þi at nv hefi ek sialf<sup>14</sup> komit oc sannprobat<sup>15</sup> at mæirr enn halfv męiri er þin spect<sup>16</sup> enn sv fregð sem fra fluttiz. þi at mikla sęmð oc sælv hafa þeir menn er þer na at þiona ok þer ero sva nakvęmir at þeir megv hęyra þina spekl. Lof ok dyrð se drottni gvði þinvvm<sup>17</sup> þeim er þv likaðir sva vel at hann virðiz at skipa þer yfir [rikisstol sins lyðs<sup>18</sup> Jsrael. er hann glskaði iafnan. Ok því setti gvð þik hinn hęsta konvng. at þv gerir hans vilia oc dđmir rętta doma. þa gaf drottning konvngi .c. pvnda gvlz oc .xx. pvnd oc marga agęta gimsteina<sup>19</sup> oc mærghattaðar oc miklar vrtir<sup>20</sup> oc ilmandi smyrsl.<sup>21</sup> sva at hvarki aðr no siðan fluttvz slik i Hierusalem sem Saba drottning gaf Salomon

<sup>1</sup>) [mgl. B <sup>2</sup>) Ephir, B <sup>3</sup>) sa hveriu nari tilf. A <sup>4</sup>) saal. A; B har ikke nyt Capitel. <sup>5</sup>) sanninda, A <sup>6</sup>) kuikendum, B <sup>7</sup>) iurter, B, A <sup>8</sup>) saal. B, A; gymsteina, C <sup>9</sup>) [hvart þeirra birti dđra sitt hugarfar, A <sup>10</sup>) Salomonis, B <sup>11</sup>) skenklara, B, A <sup>12</sup>) þann, B <sup>13</sup>) tryða, B <sup>14</sup>) mgl B, A <sup>15</sup>) sannprofat, B, A <sup>16</sup>) speki, B <sup>17</sup>) mgl. B <sup>18</sup>) [sinn rikisstol ok allan lyð B <sup>19</sup>) saal. B, A; gymsteina, C <sup>20</sup>) iurtir, B, A <sup>21</sup>) smyrsl, B, A

konvngi. Salomon konvngur gaf [drotningu Saba<sup>1</sup> alla hluti þa sem hon villdi þiggja af honum oc þackaði henne þær gersimar sem hon hafði gefið honum. Vændi hon því næst aptr til sins rikiss með sinu förvænti.

[Konvngur Salomon<sup>2</sup> fluttiz<sup>3</sup> af Ophyr<sup>4</sup> a skipum þeim er hann atti með Hiram konvngi. [mikill fjöldi<sup>5</sup> þeirra trea er thyma<sup>6</sup> hæita oc mikil<sup>7</sup> dyrðligra gimsteina gnott með ymissum natúrum. Af treum thymis<sup>8</sup> læt konvngur [setja þva<sup>9</sup> i templo domini oc sva i höll sinni horpvr oc gígivr oc önnvr savngfæri. Thyma<sup>10</sup> ero sva fagðet<sup>11</sup> tre at alldri voru slik fyrr sen i þeim landum. Salomon konvngi var fert a hverio ari .dc.<sup>12</sup> þvnda<sup>13</sup> oc .lx. oc .vi. þvnd gvlz. oc vmfram skatta<sup>14</sup> oc landskylldir. oc<sup>15</sup> kápmenn ferðu honum oc allir konvngar Arabie. sva herlogar oc höfðingiar er sattu til hans víða um hæim. Hann læt gera .ccc. höfðingja<sup>16</sup> skiallda oc þva með reinv gvlli. sva at .dc.<sup>17</sup> skillinga gvlz [gaf hann til bvnings a einn hvern<sup>18</sup> skiolldinn. hann læt oc gera .ccc. flatskiallda af einu saman brendu gvlli. oc kostaði .ccc. gvlpenninga þeirra er mímæ hæita at þva hvern sem einn þann skiolldinn. þessa skiolldo hvaratveggio hafði hann til hallar þryði. því næst let konvngur gera einn hasætiss stol<sup>19</sup> harðla mikinn af silfðini oc þeckia<sup>20</sup> allan með rauðu gvlli. .vi. gradur<sup>21</sup> voru vpp at ganga til stolsins. Ofanverður stollinn a bakíð<sup>22</sup> var kringlattu oc sem .ii.<sup>23</sup> manna hendr hældi vpp sætinu sinu megin hvarr. ok þar skornir sem leones .ii. hia sinni hendi hvarr.<sup>24</sup> Enn .xii. smadyr giðu enn<sup>25</sup> i mynd leons<sup>26</sup> hvelpa stóðu .ii. a hverri gradu er vpp var [at ganga til hasætissins<sup>27</sup> til sinnar handar hvart.<sup>28</sup> Alldri varð giort [slikt smíði eða annat þvilict eða<sup>29</sup> þesskyns a iarðriki bæði at efnum oc haglæiks list.

Avll ker þav er konvngur drack af voru af gvlli giðu oc allr borðbvnadr. oc öll þarfendi þav er hafa þvrti til þionosto i sialfs hans herbergi. [skogarhvs Libani voru bvin af hinu skirazsta gvlli.<sup>30</sup> oc æigi þótti silfðr nockvru verði<sup>31</sup> káþanda a hans dagum i Jorsalaborg. þi at hans hinn mikli skipastoll hellt samflot við [skip Hyr-

<sup>1</sup>) [Saba drottningu, B <sup>2</sup>) Salomon konungur, B <sup>3</sup>) flutti, A <sup>4</sup>) Ephir, B <sup>5</sup>) [mikinn fjölda, B, A <sup>6</sup>) thymia, B <sup>7</sup>) mikill fjöldi, B; með mikilli, A <sup>8</sup>) thymis, B <sup>9</sup>) [saal. B; setja bvin, C; gera setja bvin, A <sup>10</sup>) Thymia, B <sup>11</sup>) aggt, B, A <sup>12</sup>) .vi. hundrat, B <sup>13</sup>) *Her begynder* Fragm. XV. <sup>14</sup>) skattar, A <sup>15</sup>) saal. ogs. B, Frag.; er, A <sup>16</sup>) saal. ogs. B, Frag., A <sup>17</sup>) .vi. hundrat, B <sup>18</sup>) [voru vpp a einn, B <sup>19</sup>) stool, B <sup>20</sup>) þekia de öv. <sup>21</sup>) gradur, B <sup>22</sup>) þakit, Frag. <sup>23</sup>) tveggja de öv. <sup>24</sup>) saal. de öv.; hvart, C <sup>25</sup>) mgl. A <sup>26</sup>) leonis, A <sup>27</sup>) [gengit til stolsins, B; at ganga til alltarissins, Frag. <sup>28</sup>) hvarr, B, Frag. <sup>29</sup>) [jafnaggt smíði, A <sup>30</sup>) [mgl. A <sup>31</sup>) mgl. A



am konvngs.<sup>1</sup> þeir siglöv vm sinn a hveriom þrimr arvm i þat riki er Tharsis hgitir oc flvttv þaðan ofa mikit gvll oc silfr filatænnr ap-  
ynivr oc pafvga oc aðrar torvgætar<sup>2</sup> gersimar.

Nv miklaðiz Salomon konvngr vmframn iardøliga konvnga bæði at avðæfvm oc speki oc ðllvm rikdomi. sva at þa þotti engi slik fregð hððingia oc hravstra dreingia vm allan hæim sem at<sup>3</sup> fara at<sup>4</sup> sia Salomon<sup>5</sup> konvng oc hæyra þa spect sem gvð hafði gefið i hans briost oc hiarta. Enn allir þeir<sup>6</sup> sem komo hann at finna ferðv honvm agætar gisfir. kær af gvlli ger [gða silfri.<sup>7</sup> fagæt klæði gða vapn. fasænar vrtir.<sup>8</sup> hesta gða mivla er rikir konvngar ferðv honvm gða sendv a hverio ari. Salomon konvngr [dro saman kerrvr oc riddara. sva at hann<sup>9</sup> atti herligar kerrvr þvsvnd oc .cccc.<sup>10</sup> oc .xii. þvsvndir ein-  
vala riddara. þeim skipaði hann sem honvm syndiz<sup>11</sup> i styrkiar<sup>12</sup> borgir. enn svmir vorv með honvm sialfvm i Hiervsalem. Ok sva [gerði hann avðgan<sup>13</sup> at æigi var onægra silfr i Jorsalaborg enn griot. oc cedri sva nog sem skogtre. Bæði vorv honvm ferðir hestar af Egypta-  
landi oc<sup>14</sup> þi riki er Coa<sup>15</sup> heitir. [þi at kavpneunn konvngs<sup>16</sup> kæypto i Coa bæði hesta oc aðrar gersimar.<sup>17</sup> Ein kerra með .iiii. hiovm var honvm send af Egyptalandi. enn þa kerrv kostaði .dc. skillinga af skirv silfri. þaðan vorv honvm oc keyptir [halft annat hvndrat<sup>18</sup> hinna þezstv vapnhæsta. oc með sama þetti sendv honvm gða selldo hina bæstv hesta allir konvngar þeirra þioða er hæita Ethiei gða Siri.

#### Fra hormulegri villu Salomonis.<sup>19</sup>

311. Þvi næst gerðizt þat sem miog er sorglikt at segia oc hrygglikt<sup>20</sup> at hæyra vm sva spakan oc i ðllvm lvtvm agætan konvng sem Salomon var. at fyrir ofmikla kvinna<sup>21</sup> ast bravt hann boðorð drottins. þi at gvð hafði boðit Gyðingvm at þeir skyldo æigi sam-  
þeingiazt hæiðnm konvm. Enn nv gerðiz konvngs sva vsiðvgr at hann samlagaði<sup>22</sup> ser með hinni hæitazstv ast oc hivskapar sambandi mik-  
inn<sup>23</sup> fiðllda hæiðinna kvinna<sup>21</sup>. þi at allra þioða konvngar ferðv honvm hæim dætr sinar til samlags. sva at hann atti alhz .dcc.<sup>24</sup> eiginna

<sup>1</sup>) [Hyram konung, B <sup>2</sup>) torvgietar, Frag.; torgietar, B; torfengar, A <sup>3</sup>) mgl. Frag. <sup>4</sup>) ok, A <sup>5</sup>) Salomonem, B <sup>6</sup>) menn tilf. A <sup>7</sup>) [mgl. B <sup>8</sup>) iurter de ðvr. <sup>9</sup>) [mgl. A <sup>10</sup>) hann hafði tilf. B, Frag. <sup>11</sup>) likaði, B <sup>12</sup>) sterkar, B <sup>13</sup>) [vard hann rikr, A <sup>14</sup>) af tilf. B, Frag. <sup>15</sup>) Koe, B <sup>16</sup>) hans, B <sup>17</sup>) [mgl. A <sup>18</sup>) [saal. ogs. A; .i. annars hundrads, B; fimmtigir ann. hund., Frag. <sup>19</sup>) Af mis-  
fellum Salomonis, A <sup>20</sup>) hryggilikt de ðvr. <sup>21</sup>) kuenna de ðvr. <sup>22</sup>) saal. ogs. A; samlagði, B, Frag. <sup>23</sup>) mgl. B, Frag. <sup>24</sup>) .vii. hundrat, Frag.

kvenna sem drottningar veri. enn frillvr .ccc. Ok sva snero hæðnar konvr hvgr hans aflæðiss. at fyrir þeirra ast glæymði hann gvði sinvm enn<sup>1</sup> lignaði annarliga gvða oc gerði þeim hof a síðlvm gða hēðvm.<sup>2</sup> Hann dyrkaði gyðiv Sidoniorvm þioða er het Astarten oc skvrðgoð Ammonitarvm er þeir kalloðv Maloth.<sup>3</sup> Hann læt hof gera a falli gegnt Jorsalaborg skvrðgoði Moab þioðar er het Chamos.<sup>4</sup> Ok með sama hætti gerði hann ðllvm .sinvm eiginkonvm þeim er hæðnar vorv. sva at þær fornsferðv gvðvm sinvm begði kvikendi oc annat ofr.<sup>5</sup> [Drottini gvði<sup>6</sup> mislikaði miog við konvng þat er hann sneri [sitt hvgrscot<sup>7</sup> fra honvm oc hans þionosto. allra hellzt [þar sem<sup>8</sup> gvð hafði aðr vitraz honvm tveim sinnvm oc æinkannliga varað hann við at hann skyldi eigi þiona annarligvm gvðvm. Ok nv segir drottinn sva til hans. Fyrir þa skyld er þv<sup>9</sup> briggðaðir einorð þinni oc hælzt<sup>10</sup> eigi vppþekinni þionosto við mik oc varðvæittir æigi lögmal mitt oc þav boðorð er ek bavð þer. þa man ek svadr slita oc skipta þinv riki oc gefa þat þinv vndirmanni. Enn þo fyrir sakir mins kgrazsta þionostomannz Dauids favðvr þins þa man ec æigi rēna þik riki meðan þv lifir. helldr man ek son þinn svipta riki. Oc enn með því moti<sup>11</sup> at ek man af honvm taka eign oc hlvtskipti .x. kynkvísla Jsraels. enn<sup>12</sup> gefa honvm oc hans afkvæmi riki Jvda oc gna helgv borg Hiervsaleem er ek hefi valið til dyrðar mins nafns. oc enn geri ek þetta allt fyrir dygd Dauids vinar mins.

### Fra orrostu ok sigri Adad.<sup>13</sup>

312. Nv er þat at segia sem miklo var fyrr. þa er David konvgr hafði i Syrland heriað. at hann sendi fra ser i þat land er Jdvmea het Joab hertoga sinn með mikinn hlvtu Gyðinga hers.<sup>14</sup> Dvalðvz þeir Joab i Jdvmea .iii.<sup>15</sup> manaði oc rakv sva harðan hernað vm allt þat riki. at þeir dræpv hvern mann þann er vapnsferr var oc þeir gatv nað. Maðr er nefndr Adað.<sup>16</sup> hann var konvnga ællar af Jdvmea. Adað komz vndan þessvm hernaði með nockorvm monnvm. hann var þa barn at alldri. þeir flyðv af Madian oc kōmo þar sem hætitir Pharan. þar toko þeir ser læiðtoga<sup>17</sup> til Egyptalandz oc lættv æigi fyrr

<sup>1)</sup> ok, B, Frag. <sup>2)</sup> hæðum, Frag. <sup>3)</sup> Moloth, B, Frag. <sup>4)</sup> Chamos, B; Camos, Frag. <sup>5)</sup> ofr *de ðor*. <sup>6)</sup> [saal. A; Drottinn gvði, C; gudi, B; drottni, Frag. <sup>7)</sup> [saal. ogs. A; sinu hugskoti, B, Frag. <sup>8)</sup> [þat er, B, Frag. <sup>9)</sup> saal. *de ðor*; þy, C <sup>10)</sup> hellt, B, Frag. <sup>11)</sup> mgl. B, Frag. <sup>12)</sup> ok, B, Frag. <sup>13)</sup> Af herian Dauids i Syrland, A <sup>14)</sup> lyðs, Frag. <sup>15)</sup> .vi., B, Frag. <sup>16)</sup> Adad *her og senere* B, Frag. <sup>17)</sup> leidsögvmann, A

enn þeir komo til fvnndar við Pharaonem konvng er þa reð Egyptalandi. Hann tok bliðliga við Adað oc gaf honvm herbergi oc hellt honvm borð. Pharao konvngur var kvangaðr oc het drottning hans Tapnes.<sup>1</sup> hon atti gina systvr [oc er sv æigi nefnd.<sup>2</sup> Litlo siðarr kom Adað ser i sva mikla kerleika við konvng. at hann gipti honvm þessa konv systvr drottningar. þav gatv<sup>3</sup> son er het Genebath. oc fegdi hann vpp Tapnes<sup>1</sup> með sonvm sinvm i höll konvngs. Enn þa er þav tiðendi komo a Egyptaland at Daudid konvngur var andaðr oc Joab drepiunn. þa geck Adað fyrir Pharaonem konvng oc segir<sup>4</sup> sva. Nv ero dauðir minir hinir mesto vvinir þeir sem mik rænto riki oc allri semð. fyrir þi vil ek nv meðr yðro orlofi fara til mins<sup>5</sup> fostrlandz. Pharao bað hann fara i sinv læyfi hvert sem hann villdi. Adað for þar til er hann kom i Syrland. þar reis i moti<sup>6</sup> með mikinn her [einn vikingr er het Ravztim.<sup>7</sup> Hann hafði verit maðr Adadezer konvngs oc varð missattr við hann. flyði fra honvm þa oc afaði ser svæitar oc gerðiz hermaðr. Sem þeir Adað fvnndvz bavrðvz þeir með miklo kappi. seck Adað sigr enn Ravztim<sup>8</sup> fell. Setliz Adað þa i Damaskv borg oc toko Siri<sup>9</sup> hann til konvngs yfir allt Syrland. oc hellt hann siðan allar stvudir strið við Gyðinga meðan Salomon konvngur lifði.

Fra Jeroboam oc hans vppreist. capitulum<sup>10</sup>

313. J þann tima hofz vpp i mot Salomon konvngi eftir gvðs villia [oc fyrirsögn<sup>11</sup> fyrir ohlyðni oc vsiðv konvngs ginn af þionostomonnvm hans<sup>12</sup> Jeroboam son Nabath er avðrv nafni het Semei. Jeroboam var þa frvmvaxta oc þo manna styrkaztr. er<sup>13</sup> Salomon konvngur lét drepa Nabath favðvr hans fyrir þat er hann hafði bðlval Daudid konvngi saklavsvm oc villdi þa<sup>14</sup> æigi halda þa litlo iðranar minning sem [konvngur Salomon<sup>15</sup> bavð honvm. Ok eptir dauða Nabath sem Salomon konvngur sa at Jeroboam var siðlattr [oc gott mannzefni.<sup>16</sup> skipaði hann honvm græifadom yfir kyn Josephs. þvi næst bar sva til einn dag sem Jeroboam var vt genginn af Hiervsaleem. þa kom i mot honvm Ahias spamaðr af Sylo. hann var [sva bvinnt at hann hafði svæipað at ser<sup>17</sup> yfir avðrvn clæðvm einvm mðlli nyiom. Ok er þeir fvnndvz a einvm akri. tok spamaðrinn sina nyia yfirhöfn oc ræif i svndr

<sup>1</sup>) Tafnes, *de ðor.* <sup>2</sup>) [sv er nefnd er Germana, B, Frag.; fra kon atti gina — nefnd *mgf.* A <sup>3</sup>) attu, B, Frag. <sup>4</sup>) sagði, *de ðor.* <sup>5</sup>) Her ender Fragg. XV. <sup>6</sup>) honum tilf. B <sup>7</sup>) [Razon sun Eliadam, B <sup>8</sup>) Razon, B <sup>9</sup>) Syrer B <sup>10</sup>) Af vppreist vid Roboam, A <sup>11</sup>) [*mgf.* A <sup>12</sup>) er het tilf. B <sup>13</sup>) enn, B <sup>14</sup>) *mgf.* B, A <sup>15</sup>) [Salomon konungr, B <sup>16</sup>) [maðr, B <sup>17</sup>) [sveipadr, A

i .xii. hlvti oc mællti sva við Jeroboam. Tak þv nv til þin þessa .x. spotta mottvlsins. þi at sva segir drottinn gvð Jsraels. sva man ek svndr skipta ríki Salomons<sup>1</sup> oc gefa þer .x. ættir Jsraels. enn þitt kyn man ek eftir lata segir drottinn sakir mins þionostomannz Dauids oc gefa syni Salomons. at afkvæmi Daud ríki yfir Jvda oc mina þiua helgo borg Hiervsaleim. til þess at aldri slokni réttlætiss lampi gða tyniz með ðllo minning mins vinar Dauids er mer þionaði oc varðvæitti réttlætis doma oc min boðorð. Ok enn fyrir hans skyldd man ec æigi taka af Salomon konvngi ríki meðan hann lifir. helldr man son hans oc all<sup>2</sup> afkvæmi gjallda þess er hann geck æigi vega foðvr sins oc glæymði<sup>3</sup> mer gvði sinvm oc minvm boðorðvm oc fagaði hæiðin gvð. Nv man ek segir drottinn gvð þik vpp hefía oc setia<sup>4</sup> konvng yfir Jsrael. Oc ef þv gengr réttlíga framm [eftir minvm vegvm<sup>5</sup> oc geymir þeirra hlvtu allra sem ek byð þer oc vinnr<sup>6</sup> réttlæti fyrir minv avgliti i alla staði sem Daud konvng. þa man ek vera með þer oc efía þitt hus oc hamingiv sem ek giðrða við hann oc gefa i þitt valld Gyðinga lyð. enn þravngva kyni Dauids oc Salomons. oc þo æigi gyðlíga. Nv sem Salomon konvng varð allz þessa viss. villdi hann drepa Jeroboam. enn hann flyði vndan til Egyptalandz a valld Svach konvngs er þa reð<sup>7</sup> Egyptalandi. oc þar var hann allt til dæðadags Salomonis. Nv ero þeir margir lvtir er mikillar frasagnar veri verðir af Salomone er her græinir æigi bæði vm speki hans oc athafnir. þi at hinn heilagi<sup>8</sup> Jeronimvs visar til i þa bok er heitir Paralypomenon<sup>9</sup> en a latino liber regnorum. þat er [i margra manna vitorði<sup>10</sup> at Salomon<sup>11</sup> hefir sett saman .iii. bkr er sva heita. parabole Salomonis. oc ecclesiastes. oc cantica canticorum er gzt er allra spamanna boka oc mest lof i almatkvvm gvði oc hæilagri cristni.

### Andlaat Salomonis konungs.<sup>12</sup>

314. Salomon konvngr hellt einvalldzríki yfir ollo Jsraels folki .xl. ara oc hafði iafnan hasæti rikiss sins i Hiervsaleim. Eptir þat for hann almenniliga gavto feðra sinna oc varð solldavör oc var gravinn i borg Daud favðvr sins.

<sup>1</sup>) konungs tilf. B <sup>2</sup>) hans, B <sup>3</sup>) saal. A; glæymð, C; gleymt, B <sup>4</sup>) þik tilf. B <sup>5</sup>) [mgl. B <sup>6</sup>) saal. B, A; vinn, C <sup>7</sup>) fyrir tilf. B <sup>8</sup>) helgt, B <sup>9</sup>) Paralippomenon, B <sup>10</sup>) [margra manna vitorð, B <sup>11</sup>) konungr tilf. B <sup>12</sup>) Af ríkisstíorn Salomonis konungs, A

Af iðran Salomonis.<sup>1</sup>

315. Sva segir hinn heilagi Avgvstinvs byskvp er hann getr Salomons konvngs i skyring<sup>2</sup> yfir Genesim. Með engv moti er þat ællanda [gða trvanda<sup>3</sup> segir hann. at slíkr spectarmaðr sem Salomon konvngur var myndi trva nockvra nytsemð<sup>4</sup> i dyrkan skvrðgoða. nema hellðr varð<sup>5</sup> hann dreginn til slíkrar vhefo oc illzko af ofmikilli heiðinna kvinna<sup>6</sup> ast. oc hann nænti eigi at hryggja sínar vnnastv. þa giðrði hann þat sem hann vissi fyllkomliga at vgeranda var. Sva segir oc hæligr Jeronimus i skyring yfir Ezechielem. er hann talar vm hina siðvrsto syn hans er honvm syndiz mvsteri smiðat a fialli. þa minniz Jeronimvs Salomons sva segiandi. þo at Salomon glæptiz miog i skvrðgoða fagan. þa giðrði hann iðran fyrir glæpi sina. sem hann setti saman oc ritaði siþan þa bok er hann kallaði Proverbia. oc þar segir sva sialfr Salomon. A siðvrstvm stvndvm giðrða ec iðran. oc hvgða ek at ek skyllða velia mer raðning gða refsing. Sva segir enn Jeronimus i skyring yfir Ecolesiasten. þessa<sup>7</sup> kalla ebreskir menn bok iðranar Salomonis. Hinn agæti Ambrosivs byskup kallar Salomon<sup>8</sup> helgan i þeirri bok er haitir Exameron. [oc sva<sup>9</sup> i þeirri bok er haitir Apologia David segir<sup>10</sup> sva Ambrosius. Hvat man ek tala af David. oc hvat af hinvm helga Salomone. hvat nema hann fell af gvðligri fyrirhyggio i vstyrkt til þess at hann syndiz ægi vmfram mannliga natvrv. þi at allr fioldi Gyðinga etlaði hann vera sialfan Crist. Nv talar Ambrosivs fyrir þi ecki þar til hvart David er heilagr gða ægi. at þat er flestvm monnvum kvnnict at hann er heilagr. enn þi kallar hann Salomon helgan at hann taki af oss allan efa vm hans iðran. Sva segir hinn helgi Ambrosivs i einvm stað. þat sanna ebreskar bokr segir hann at Salomon konvngur hafi latið sik draga .v. sinnvm vm stræti Jorsalaborgar. þat segia<sup>11</sup> ebreskir menn at hann hafi komit með .v. vavndvm i mvsteri drottins. þat sama sem hann hafði gera latið. oc með þeim vavndvm bavð hann .vii. iðgmonnvum at beria sik oc afhyða. Enn þeir svaraðv allir einn veg. sðgðv sik alldregi skyllða leggja hendr a crist drottins. Segiz siþan at hann hafi sialfr bart sik.

Vpphaf rikis Roboam yfer Jvða ok Hierusalem.<sup>12</sup>

316. Roboam son Salomonis stefnir ðllvm Gyðinga lyð i Siche

<sup>1)</sup> Ikke nyt Cap. i A. <sup>2)</sup> skyringu, B <sup>3)</sup> [mgl. B <sup>4)</sup> vera mundu tilf. B <sup>5)</sup> var, B, A <sup>6)</sup> kuenna, B, A <sup>7)</sup> bok tilf. B <sup>8)</sup> Salomonem, B <sup>9)</sup> [sua ok, B <sup>10)</sup> ok tilf. B <sup>11)</sup> ok tilf. B <sup>12)</sup> Her hefz þattr af Roboam syni Salomonis konungs ok ath hann var til konungs tekinn, A

397.

at taka sik til konvngs þegar faðir hans var andaðr.<sup>1</sup> Enn Jsraelite bera rað sin saman. oc kom þat a samt með þeim at þeir sendo boð [a Egiptaland<sup>2</sup> Jeroboam syni Nabath. þi at hann hafði þar verit síðan hann [var landflotta<sup>3</sup> fyrir Salomon.<sup>4</sup> Sem sendimenn komv a Egiptaland oc Jeroboam fretti dauða Salomons konvngs. bra hann við skiott. oc sem hann kom i<sup>5</sup> Gyðinga land. dræif til hans nær allr Jsraels lyðr. forv sva allir samt i Sichem til fvdar við Roboam. Ok sem þing var sett toloðv Jsraelite sva til Roboam konvngssonar. Hart þickir oss vndir at bva því þvnga anavðaroki sem feðr<sup>6</sup> þinn setti a oss. Enn ef þv vill nockoð lina [hið harðazsta hans<sup>7</sup> riklyndi þa vilium ver giarna þer þiona. Roboam svaraði. Farit nv brot<sup>8</sup> at sinni oc komit apr allir til min a þriðia degi. þeir gerðv sva.

Roboam kallar þa saman qldvnga oc spekinga þa sem verit höfðv raðgiasar Salomon konvngs meðan hann lifði. oc segir sva til þeirra. Hvert rað gefit þer til hverso ec skal svara lyðnm. þeir svaraðv. þat er vart rað at þv svæigir til nockoð við lyð þenna. ver æigi miog harðr við þa i fyrsto oc tala til þeirra linliga. oc manv þeir þa allar stvndir þer þiona goðfsliga. Roboam svaraði fa. ok fannz þat þo [a at honvm<sup>9</sup> likaði æigi raðagiorð avlldvnganna. því næst kallaði hann til sin vnga menn þa sem verit höfðv hans læiksvæinar oc mælti til þeirra. Hvat leggi þer til. hverio ek skal svara þesso folki er mik bæiðir<sup>10</sup> vægðar vm [herðv þa<sup>11</sup> sem feðr minn hefir a þa lagt.<sup>12</sup> Ek hef nv læitað raðs<sup>13</sup> vndir gamla spekinga er læingi hafa verit með feðr minvm.<sup>14</sup> ok baðv þeir mik vægia eptir beiðni folksins. Læiksvæinar svaraðv. þat er vart rað at þv gerir vdællt við þik oc segir<sup>15</sup> sva þessvm lyð. Minn hinn minnzsti fingr skal yðr verða bræiðari en bak favðvr mins. ok þar sem hann lagði a yðr þvngt anavðarok. þa skal ek þat a engan veg lina gða lætta. heldr i alla staði [mikit a avka hans alðgvr.<sup>16</sup> Faðir minn barði yðr<sup>17</sup> vavndvm gða svipvm. enn ek skal með höggormvm oc haldrekvm.

A þriðia degi kom Jeroboam oc allr Jsraels lyðr [sem Roboam mælti fyrir.<sup>18</sup> flvtv Jsraelite fram [savnv bæiðni sem fyrr.<sup>19</sup> Enn Roboam svaraði allstvt<sup>20</sup> oc storliga. oc vm síðir talaði hann ðll þessi orð sem hinir vngv menn höfðv honvm til<sup>21</sup> kent oc nv varaðr sagt. Enn með engv moti villdi hann hafa rað avlldvnga at vegia

<sup>1</sup>) dauðr, B <sup>2</sup>) [af Egiptalandi(!) B <sup>3</sup>) [varð landflottu, B, A <sup>4</sup>) Salomoni konungi, B <sup>5</sup>) a, B <sup>6</sup>) faðer, B <sup>7</sup>) [hans hinni hqrðuztu, B <sup>8</sup>) brott, B, A <sup>9</sup>) [saal. A; a honvm, C; a honum at honum, B <sup>10</sup>) biðr, B <sup>11</sup>) [þunga þann, A <sup>12</sup>) [þat sem faðer minn gtorði ok lagði a þa, B <sup>13</sup>) raða, B <sup>14</sup>) tilf. B <sup>15</sup>) seg, B <sup>16</sup>) [auka, B <sup>17</sup>) með tilf. A <sup>18</sup>) [mgl. B <sup>19</sup>) [sit erendi enn sem fyrr a sgm leioð, B <sup>20</sup>) stygt, -B; stutt, A <sup>21</sup>) mgl. B

almvginvm. þi at ræyndar var gvð almattigr honvm gagnstaðligr. fyrir því at drottinn villdi fylla með framkvæmð þat er hann hafði fyrir hætið Jeroboam fyrir mvnn Ahie<sup>1</sup> spamannz af Sylo.<sup>2</sup> Nv sem höfðingiar Gyðinga oc allr lyðr sa at konvngsson villdi ecki vikia eptir þeirra bæðni. savgðv sva höfðingiar. Hvat æigvm ver malskipti gða vara grfð vndir Daudid gða hans ællmonnvm. farðv Jsrael til þinna giginna staða er gvð hefir gefið þer. enn Roboam siai rað fyrir ser oc sinni hirð oc gttlæisð Dauids. Með þesso ravsz þingiit. oc for hvert<sup>3</sup> til sins hæima. Enn Roboam let a því þingi gefa ser konvngsnafn oc hafði ecki meira af riki Gyðinga enn þat er bygðv ællmenn Jvde sonar Jacobs ens gamla. Oc er þat kallat þaðan<sup>4</sup> af riki Juda. oc sa lyðr<sup>5</sup> Jvðar gða menn Jvða. Enn hinar .x. gttir Jacobs þat haitir Jsrael gða Jsraels riki. oc þat folk Jsraels lyðr gða Jsraelite. Ok af<sup>6</sup> þesso sama þingi sendi Roboam konvngr til at handtaka einn hinn þezsta mann af Jsraels lyð er het Vras.<sup>7</sup> hann var skaltahöfðingí yfir öllu riki Gyðinga oc var hann gryttr til bana at konvngs raði. þetta verk var miog vþockat af alþyðv. Oc þegar ste<sup>8</sup> konvngr i kerrv sina oc flyði helldr skyndiliga i Hiervsalem. oc alldri siðan a konvnga gfi þionaðv Jsraelite vndir afkvæmi Dauids konvngs.

### Jeroboam tok konvngdom.<sup>9</sup>

317. Þi næst samnaz saman allr Jsraels lyðr oc settv þing. sendo siðan eptir Jeroboam oc tokv hann til konvngs yfir allt Jsraels riki. Enn i annan stað sem Roboam kom i Jorsulaborg. stefndi hann at ser [þegn oc þræl<sup>10</sup> vm allt riki Jvda oc Benjamin. sva at hann hafði æigi færi<sup>11</sup> en [clxxx. þvsvnda<sup>12</sup> hermanna. flvtti haan her þenna oc ællaði at beriazt a Jsrael oc vinna rikit sva aptr vndir sik. Þa kom rodd drottins yfir einn gvðs mann er het Semeias. sva segiandi. Far þv til fvnndar við Roboam konvng Jvda oc allan þann her sem hann hefir saman dregit. oc tala fram þessi orð sva at allr lyðr [heyri a.<sup>13</sup> þessa hlvti segir drottinn. Eigi skolv þer fara at beriazt við yðra bræðr sonv Jsraels. fyrir því snvi hverr maðr til sins heimilis. því at allt þetta ferr eptir minvm vilia segir drottinn. Semeias for sem gvð bavð honvm oc flvtti skavroliga sitt gřenndi. oc þegar hrvfv allir Jvðar aptr af þessv herhlavpi oc rvfv samnaðinn. sem þeir hæyrðv þenna

<sup>1</sup>) Ahie, B <sup>2</sup>) Syro, B <sup>3</sup>) hverr, B, A <sup>4</sup>) saal. A; adan, C; Judea, B <sup>5</sup>) eru tilf. B <sup>6</sup>) a, B <sup>7</sup>) Urias, B <sup>8</sup>) steig, B, A <sup>9</sup>) Er Jeroboam var til konungs tekinn ok fra Semeias, A <sup>10</sup>) [þegni ok þræli, B <sup>11</sup>) færa lið, B, A <sup>12</sup>) [c. ok .lxxx. þusundraða, B; .lxxx. þusunda, A <sup>13</sup>) [heyri, B, A

boðskap drottins. Jeroboam smiðaði vpp borg Sichem a fialli Efraim oc hellt þar hasæti rikissins.<sup>1</sup> Þvi næst gerði hann aðra borg er het Phanvel.

### Fra illgiorðvm Jeroboam konvngs.<sup>2</sup>

318. Jeroboam hvgsar nv ef folkít feri i Jorsalaborg at dyrka drottin i Salomons<sup>3</sup> mvsteri. at þa myndi lyðrinn skipta trvnaðinvm oc hverfa aftr vndir Roboam oc myndi sva ganga vndan honvm ríkit. oc ef sva [færi veri<sup>4</sup> æigi orvænt at Jsraelite drepí hann sialfan. Ok af þessi sinni hvgsan stofnar Jeroboam illt rað. Hann lætr gera .ii. kalfa af gvlli oc síðan segir hann sva til lyðsins. Hirðit æigi nv at fara i Hiervsalem. Se her ero nv gvðar þínir Jsrael þeir sem þik læiddo af Egiptalandi. Setti hann annan gvllkalfinn i Bethel enn annan i Dan. Þetta varð til mikilla glæpa. Þi at nv for allt Jsraels folc at dyrka gvllkalfana eftir hans boði. Hann gerði hof oc havrga a hæðvm æða heidvm oc setti kennimenn af hinvm lægstvm gttvm lyðsins enn ecki af sonvm Levi sem gvð hafði boðit. Jeroboam setti mikít hatíðarhalld hinn .xii.<sup>5</sup> dag hins atta manaðar ars. i þa líking<sup>6</sup> sem halldit var i Hiervsalem. hann gerði alltare bæði i Bethel oc Dan. A .xii. degi hins atta manaðar ste<sup>7</sup> Jeroboam vpp a alltarec er hann hafði gert i Bethel at fornfæra gvllkalfinvm.

Sem hann stoð a altarinvm oc brendi reykelsi fyrir skvrðgoðinvm. þa kom einn gvðs maðr af ríki Jvða þar i Bethel með drottins eyrendi. Ok þegar kallaði hann sem hann kom gegnt alltarinvm sva segiandi. Hæyrðv alltare alltare. þessa lvti segir drottinn gvð. Svæinn man fæðaz af kyni Davids. sa man Josias hæita. hann man sæfa yfir þik oc æigi hrvtá oc<sup>8</sup> hafra. helldr kennimenn heiðna oc hofpresta. oc manna bæin man hann brenna þeirra somv sem nv þiona þer oc brenna ræykelsi yfir þik.<sup>9</sup> Enn þat er [mark til<sup>10</sup> at þetta er drottins orð er ek flyt framm. at a þessvm degi man þetta alltare i svndr rifna oc ðll aska niðr steypaz sv sem nv er a þvi. Sem konvngr Jeroboam heyrði hvað þessi gvðs maðr kallaði. rétí hann hond sína af alltarinvm til hans oc bað sína menn taka hann. þa varð þegar sva stírd hond konvngs at hann málí með ðngv moti henne vikia at ser. Losnaði þa oc i svndr alltarit oc stæyptiz niðr askan sem gvðs maðr hafði sagt þa mællti konvngr til spamannzins. Bið þv nv gvð þinn þarfíalliga

<sup>1</sup>) ríkissins, B, A <sup>2</sup>) Fra Jeroboam er let gera .ii. gullkalfa, A <sup>3</sup>) saal. ogs. B, A <sup>4</sup>) [væri þotti honum, B <sup>5</sup>) tolfsta, B <sup>6</sup>) minning, B <sup>7</sup>) steig, B, A <sup>8</sup>) ne, A <sup>9</sup>) þer, A <sup>10</sup>) [til marka, A



at [hond min<sup>1</sup> mykiz [oc mega ek<sup>2</sup> vikia henne sem fyrr. Gvðs maðr giðrði sva. oc varð þegar hönd konvngs<sup>3</sup> hæil. Þa mælti konvng enn til hans. Gack nv til borðz með mer oc skal ek velia þer goðar gisfr. Spamaðr<sup>4</sup> svaraði. Þo at þv gefir mer helming rikis þins. Þa kem ek eigi til borðz með þer. ok þi siðr næyti ec fegðv i þessvm stað at ec skal æigi drecka<sup>5</sup> einn vatzdryck. Þvi at sva bavð minn drottinn mer. at ec skyllða her hvarki eta ne drecka oc æigi enn sama veg aplr snva sem ec for hingat. Eftir þetta for hann brotto vm annan veg enn hann hafði þangat farit.

J þenna tíma var einn spamaðr gamall i Bethel. synir hans voro við staddir þessa alla lvti sem fram forv a þeim<sup>6</sup> degi. Þeir koma heim oc sðgðv favðvr sinvm hvað fram hafði farit. oc sva þat at gvðs maðr var brottv farinn. Spamaðrinn spvrði syni sina. hveria læið hann hafði brott farit. Þeir sðgðv sem var. Hinn gamli spamaðr lét bva ser asna oc rgið eplir honvm sem skiotazl<sup>7</sup> þann sama veg sem hinn hafði brotto farit. Oc hitti [a þar sem hann sat<sup>8</sup> i dal Therebinto oc sagði sva til hans. Ef þu ert sa gvðs maðr er komt<sup>9</sup> af ríki Jvða. þa stig a asna þinn oc far heim með mer at snæða. Hann svaraði. Þat ma ek eigi gera. þi at gvð drottinn minn sa er mik sendi bavð mer skyllðvliga hvarki at eta ne drecka i þessvm stað. Hinn<sup>10</sup> svaraði. Ec em oc spamaðr ecki siðr enn þv. ok kom engill at mer með boðskap drottins sva segiandi. Far þv oc læið hann apr<sup>11</sup> at snæða með þer. Oc sva gat hann bleckt hann. at þeir hrvf aftr baðir samt oc snæddv i hvsi spamannzins. Nv sem þeir satv baðir samt at borði. Þa kom andi drottins yfir þann gamla spamann oc kallaði hann. sva segiandi til hins er til var kominn. Sva segir drottinn. Fyrir þa<sup>12</sup> skyld at þv villdir æigi hlyða orði gvðs þins oc gæymðir æigi þess er hann bavð þer hvarki<sup>13</sup> eta ne drecka. enn nv hefir þv beði gerit i þeim stað sem hann bannaði þer. Þvi man þinn likami æigi avðlazt gravt hia þinvm frendvm ne forellvm.

Sem þeir vorv mettir bio gestrinn asna sinn oc rgið brottv. enn er hann hafði skammt riðit kom at honvm leo or skogi oc drap hann. Ok sem farandi menn koma ngr vndrvðvz<sup>14</sup> þeir miog er likit la a veginvm oc þar stoð asninn yfir. enn [hit varga dyr<sup>15</sup> er þar stoð hia með skæðleik sinn grandaði æigi asnanvm oc ræif æigi likamann. Þeir gerðv vm þetta margtalað er þeir koma i Bethel. Sem hinn gamli

<sup>1</sup>) [hondin, B <sup>2</sup>) [at ek mega, B <sup>3</sup>) hans, B, A <sup>4</sup>) Spamaðrinn B, A <sup>5</sup>) her tilf. A <sup>6</sup>) þersum, B <sup>7</sup>) maatti hann tilf. B <sup>8</sup>) [saal. ogs. B; hitti hann sitianda, A <sup>9</sup>) komit hefer, B <sup>10</sup>) Hann, B <sup>11</sup>) spamanninn tilf. A <sup>12</sup>) þann, B <sup>13</sup>) at tilf. B <sup>14</sup>) vndraðu, B <sup>15</sup>) [leonninn, B

spamaðr sa er hann hafði vælltan hæyrði þetta. mællti hann sva. þetta er engi svrða er dyrit hefir drepit þenna mann. fyrir þat er hann var [æigi hlyðinn<sup>1</sup> gvði sinvm. enn þat grandar æigi nv honvm davðvm. þi at nv er hann heilagr oc af hræinsaðr<sup>2</sup> glepvm fyrir davðann. Bað hann þa sonv sina bva ser reidskiota. því næst for hann oc fann likit alheillt oc vskatt. enn leo<sup>3</sup> stoð nær oc hafði hvaritveggia varðveitt. sva at engi hrækvikendi naðv at granda. Tok þa spamaðr<sup>4</sup> likamann oc setti vpp a asnann ok flvtti i borg Bethel oc grof i læiði þi sem hann hafði ser bvit. Spamaðr oc synir hans grietv yfir grefni hans.<sup>5</sup> hins andaða. oc mællto með harmi hvgar. Ho ho broðir. þa mællti spamaðr til sona sinna. þat byð ek yðr skyldvliga. at þa er ec em davðr iarðit mik i þessi<sup>6</sup> sðmo grðf hia gvðs manni. þi at allt man þat fyllaz sem hann sagði fram með gvðs orði a mot altari i Bethel oc i gegn<sup>7</sup> ðllvm hofvm i borga<sup>8</sup> hæðvm Samarie.

#### Fra reðum spamanna ok spasqgum.<sup>9</sup>

319. Nv er þar til at taka at Jeroboam batnaði ecki við slikar aminningar oc gvðligar benndingar. sem nv var fra sagt vm hrið. helldr geck hann fram sinn hinn versta veg sem hann hafði vpp hafid.<sup>10</sup> oc setti kennimenn moti gvðs vilia af hinvm [lægstvm eltvm lyðmanna.<sup>11</sup> oc skipaði þeim yfir hof<sup>12</sup> oc havrga. er hann efði i tvrvnm gða hæðvm hverrar borgar. Hverr sem villdi skyllði verða hofprestr gða hæða kennimaðr. Ok með þessv moti læiddi hann i eylistion oc tapan alla sina hirð oc hyski oc alla þa menn er honvm þionaðv.

J þann tima syktiz<sup>13</sup> son Jeroboam konvngs er het Abia. Jeroboam mællti þa til drottningarinnar moðvr sveinsins. Far þv segir hann oc skipt bvningi.<sup>14</sup> at [æigi megi kenna at þv ser drottning.<sup>15</sup> Tak siðan .x. hlæifa bravðs oc eina krvs vins oc ker fvllt hvnangs. þetta skalltv sfera Ahia spamanni i Sylo. er mer sagði fyrir at ec myndi konvngv verða yfir Jsrael. Hann man kvnna at seggia þer. hvart sveinn þesse man lifna<sup>16</sup> gða æigi or solt þessi. Hon gerði sein hann bavð. for oc fram kom i Sylo. Ahia var þa blindr vorðinn af elli. Enn aðr

<sup>1)</sup> [vhlýðinn, A <sup>2)</sup> saal. B; af hræinsvðum, C; reinsaðr af, A <sup>3)</sup> leo, B <sup>4)</sup> spamaðrinn, B <sup>5)</sup> mgl. B, A <sup>6)</sup> saal. A; þessa, B; þesso, C <sup>7)</sup> i mot, B <sup>8)</sup> mgl. B <sup>9)</sup> Fra ferð drottningar i Sylo ok fra Ahiam spamanni, A <sup>10)</sup> tekit, A <sup>11)</sup> [lægsta lyð, B <sup>12)</sup> ok turna tilf. B <sup>13)</sup> syktiz, B <sup>14)</sup> þinum tilf. B <sup>15)</sup> [þu ser æigi kend sva at þu meger drottning vera, B <sup>16)</sup> lifa, B; deyia, A

hon geck inn i hans herbergi mællti drottinn við hann. Her er komin eiginkona Jeroboam at frella þik eptir vm sollarfar sonar sins. en þv skallt segia henne bæði þat oc annat þat sem ek man [kenna þer.<sup>1</sup> Nv sem Ahia hæyrði til fola hennar er hon geck inn. mællti hann til hennar. Gack inn diarfliga drottning Jeroboam. Hvi vill þv dyliaz oc likia þik annarri konv enn þv ært. Eingiss<sup>2</sup> þarflv at spyria. þi at ek hefi [hart grynði<sup>3</sup> at segia þer. far aptr oc seg sva bonda þinvm. at þessa lvti segir gvð drottinn Jsrael. Ec hof þic vpp at litils hattar nianni. oc setla ek þik hertoga oc höfðingia yfir lyð minn. oc slæit ec i svndr ríki Daudid oc gaf oc þer mestan lvt þess rikiss. Enn þv<sup>4</sup> gerir þik vlikan minvm þionostomanni Daudid. er varðvæitt boðorð min oc fylgði mer af öllum hvgr oc hiarta oc gerði þat iafnan sem mer var þegilict. Enn þi i mot hefir þv gert sva illt sem engi<sup>5</sup> annarr fyrir þer. þv steyptir þer skvrðgoð af malmi ok dyrkar þav enn lætr mik at baki þer oc ræltir mik þer i gegn sva til reiði. Nv<sup>6</sup> man þin illzka þravngva hyski þino. þvi at ec man sla með harðri raðningar-svipv allt þitt afkvæmi oc alla þina vndirmenn meira hattar sem minna. Oc sva man ek<sup>7</sup> hreinsa aflæifar þinnar ættar oc þinna manna [af ríki Jsrael<sup>8</sup> a somo læið sem þvattr<sup>9</sup> hræinsar klæði. Þeir sem dæyia innan borgar af þinvm sveitvngvm Jeroboam. þa manv hvndar eta.<sup>10</sup> enn þa sem vtan borgar dæyia manv slita fvglar himins oc hrækvik-ænndi. Nv far þv heim drottning segir Abias. oc haf þat at marki at þetta allt ero gvðs orð oc grændi sem ec hefi nv fram flvtt.<sup>11</sup> Ok sva sem þv kemr innan borgar i Bethel. man [smasvæinn þessi<sup>12</sup> sem [þik forvitnar<sup>13</sup> vm davðr.<sup>14</sup> oc allr<sup>15</sup> lyðr man sytandi iarða<sup>16</sup> með sqmð. þi at þessi einn fra Jeroboam kominn man fa sðmiligan grðft. Enn drottinn<sup>17</sup> man skipa annan konvng yfir Jsraels lyð. sa man væita Jeroboam hart slag a nalægvm tima. oc man drottinn gvð [lyia<sup>18</sup> oc lëmia sem ræyr i vatni oc<sup>19</sup> bravt hræra þann lyð af þesso goða landi sem hann gaf feðrvvm þeirra. oc hann man þa i vllegð sgra oc dreifa þeim i qnnvr ríki. þi at þeir gerðv ser blotskoga enn hëddv sinn herra gvð. Þetta allt man gvð gera fyrir glæpi Jeroboam. þi at æigi at eins synðgaðiz hann sialfr. helldr lët hann allan lyð misgiora moti gvði. þvi nest stoð hon vpp oc for [bravttv vfegin.<sup>20</sup> Oc iafn-skiott sem hon kom hæim<sup>21</sup> oc geck inn i sitt herbyrgi. þa do svæinn-

<sup>1</sup>) [segia þer ok kenna, B <sup>2</sup>) Einskis, B <sup>3</sup>) [heyrð(?) erendi þitt, B <sup>4</sup>) tilf. B, A <sup>5</sup>) hefer tilf. B <sup>6</sup>) ok, B <sup>7</sup>) eyda ok tilf. A <sup>8</sup>) [mgl. A <sup>9</sup>) þu þvær ok, B <sup>10</sup>) ræ þeirra tilf. A <sup>11</sup>) sagt, B; borit A <sup>12</sup>) [son þinn san, A <sup>13</sup>) [þu forvitnaz, B <sup>14</sup>) deyia, B; vera dauðr, A <sup>15</sup>) Jsrael tilf. B <sup>16</sup>) hann tilf. B <sup>17</sup>) guð, B <sup>18</sup>) saal. B; lina, C <sup>19</sup>) [mgl. A <sup>20</sup>) [i brottv vglqð, B <sup>21</sup>) inn i Thersa borg, B

inn. oc for allt eftir því sem Ahia hafði sagt. at allir Jsraelite gæto hann oc grofo með sömð.

#### Fra illzkv ok blotvm Roboam.<sup>1</sup>

320. Nv er þar til at taka er Roboam son Salomons ríkti i Hierusalem. Hann var þa einvm vetri meirr enn færtögr er hann tok konvngdom yfir ríki Jvda. Roboam var þegar sem hann hafði tekit ríkit<sup>2</sup> illa lvti iðnaði fyrir drottins avgliti. þi at hann oc hans menn afræktvz almatkan gvd. enn heiðingiar spóttöðv hann oc [fræendr þeirra<sup>3</sup> i sinvm glæpiligvm synðvm. sva at þeir gerðv a hverri hæð oc halsi heiðinglig hof oc blotvðv bæði skoga oc skvrðgöð vndir hverio blom-gvðv tre. Ok enn vmfram allar mannligar<sup>4</sup> illzkvr afræktvz svmir konvr enn þyddvz karla. oc allar vmenzkvr heiðinna þjóða frðmðv þeir. þer<sup>5</sup> sem drottinn hafði mest fyrirboðit Gyðingvm.

#### Fra Roboam ok Susak konvngi.<sup>6</sup>

321. A fimta ari rikis Roboam heriaði Svack<sup>7</sup> Egyptalandz konvngv a Roboam<sup>8</sup> oc tok allar fehirðzlor or mvsteri drottins oc sva konvngs [fehirðzlor. oc eigi siðr<sup>9</sup> þa hina gvlligv skioldo er Salomon konvngv hafði gera latið til pryði mvsterino. þa hafði Roboam aðr brott tekit [or mvsterino<sup>10</sup> oc fgingit sinvm monnvvm enn latið gera girskioldv i staðinn. oc<sup>11</sup> hvivitna rento Egyptar því sem þeir mæltv höndvm a koma. þeir Roboam oc Jeroboam helldo oc alla stvnd stríð sin i milli meðan þeir lifðv baðir. Roboam andaðiz þa er hann hafði .xvii.<sup>12</sup> ar konvngv verit oc var<sup>13</sup> grafinn i borg Daud hia forellrvm sinvm.<sup>14</sup>

#### Fra því er Abia tok ríki.

322. A .xviii.<sup>15</sup> ari rikis Jeroboam konvngs Jsraels tok Abia son Roboam ríki eftir feðr sinn. oc var konvngv .iii. ar i Hiervsaleml yfir Jvda. hans móðir het Thamar<sup>16</sup> dottir Absalons.<sup>17</sup> sem fyrr er

<sup>1)</sup> Her segir af Roboam konungi syni Salomonis, A <sup>2)</sup> i Hierusalem tilf. B <sup>3)</sup> [hans frendr, B <sup>4)</sup> malcgar(!), B <sup>5)</sup> þar B; þær, A <sup>6)</sup> Ikke nyt Cap. i A. <sup>7)</sup> Susak, B; Susach, A <sup>8)</sup> i Hierusalem tilf. B <sup>9)</sup> [fehirðzlor alla dyrgripi ok sva, A <sup>10)</sup> [mgl. B; þadan, A <sup>11)</sup> en, B <sup>12)</sup> .xviii., B <sup>13)</sup> tilf. B; mgl. C, A <sup>14)</sup> móðir hans het Naaman tilf. B <sup>15)</sup> .xviii<sup>4</sup>. B, A <sup>16)</sup> Maacha, B <sup>17)</sup> Absalon, B; Absalon, A

getið. Abia var slikt illr sem faðir hans oc hellt eigi gvðs boðorð. Enn þo fyrir sakir Davids er alldri hnægðiz fra gvðs boðorðvm a avllvm dagvum lifs sins vtan<sup>1</sup> mal Vrie Ethei. þa kæykti<sup>2</sup> drottinn vpp af Abia agætan lampa at lysa sinni<sup>3</sup> helgv borg Hiervsalems. þi at Abia gat agætan son er het Asa. þeir attv bardaga oc vfríð saman alla sina daga Abia oc Jeroboam konvngsr Jsrael. Ok segir sva sv bok er heitir Ymago myndi. at Abia konvngsr sigraði oc drepi Jeroboam. þa tok konvngdom eftir hann Nadab son hans oc ríkti yfir Jsrael .ii. ar. hann [geck feril fæðvr sins vm illzkv oc efldi allan Jsraels lyð til glæpa.<sup>4</sup> Nadab for með her a hendr Philisteis oc settiz vm borg þa er het Gebethon. Baasa er maðr nefndr hann var kominn af ætt Ysachar sonar Jacobs<sup>5</sup> gamla. hann var svæitarhöfðingi i her Nadab oc drap hann við<sup>6</sup> borg Philistinorvm Gebethon er þeir sato aðr vm. Enn Abia konvngsr af Hiervsalems varð sottdavðr oc var iarðaðr i borg Davids. þa hafði hann<sup>7</sup> konvngsr verit yfir Hiervsalems oc ríki Jvda .iii. ar. Nv sa er vita vill glavgligarr efi þessa konvnga oc bardaga þeirra oc allra annarra<sup>8</sup> vpp fra Daud oc allt til hinnar miklo herlæiðingar Gyðinga i Babilon. þa læiti i þa bok er haitir Liber regnorvm.

### Fra hinum goða Asa konungi.<sup>9</sup>

323. Asa son Abia Jorsala konvngs tok konvngdom i Hiervsalems eftir fðvr sinn oc [ríkti i<sup>10</sup> Jvda gitt ar oc .xl.<sup>11</sup> hans moðir het Maacha.<sup>12</sup> Asa var goðr konvngsr sva at hann geck fram rettliga<sup>13</sup> rettan veg i avgliti drottins eftir dðmvm Davids konvngs frenda sins. Hann tok af lifi alla þa menn er karlla þyddvz.<sup>14</sup> oc hræinsaði oc æyddi ðll blot<sup>15</sup> skvrðgoða. er faðir hans hafði eft oc vppræist oc Roboam fæðvrfaðir hans. Maacha moðir hans var hin versta kona oc [forgangskona annarra<sup>16</sup> vm blotskap. sva at hon lagðiz vt oc bygði einn helli. Hon lét gera ser skvrðgoð i þa mynd sem karllmannz skavp<sup>17</sup> oc blotaði oc lund ginn oc gaf hann gvðinv. Enn [konvngsr Asa<sup>18</sup> setti moður sina af ðllvm blotskap oc bravt niðr hellinn. enn brendi við fors Cedron [þeði saman<sup>19</sup> blotskoginn oc þat hit skamsamliga skvrðgoð. En þi<sup>20</sup> feck hann eigi til læiðar komit við folkit. at niðr legðiz fornsæringar

<sup>1)</sup> um tilf. A <sup>2)</sup> kveykti, B; kveikti A <sup>3)</sup> mgl. B; sina hina, A <sup>4)</sup> [hann var slikt illr sem faðir hans, A <sup>5)</sup> hins tilf. B <sup>6)</sup> i, A <sup>7)</sup> tilf. B, A <sup>8)</sup> sem vorv tilf. A <sup>9)</sup> Af Abia Jorsala konungi, A <sup>10)</sup> saal. B, A; ríki, C <sup>11)</sup> .xx., B <sup>12)</sup> dottir Abesalon tilf. B <sup>13)</sup> mgl. A <sup>14)</sup> saal. B, A; þyddvz, C <sup>15)</sup> aullvm blotvm, A <sup>16)</sup> [forgongukona annarra, B; veitti forgang A <sup>17)</sup> skðp, A <sup>18)</sup> [Asa konungr, B <sup>19)</sup> [mgl. B <sup>20)</sup> þo, B

i hæðvm [eða tvrnvm<sup>1</sup> hverrar borgar. þo var hann trvr oc ginarðr<sup>2</sup> i hiarta sinv við gvð alla sina lifdaga.<sup>3</sup> Nv var þat a þriðia ari rikis Asa konvngs Jvða<sup>4</sup> ær Baasa drap Nadab við Gebethon oc tok rikit eftir hann oc gerðiz konvngr yfir [Jsraels lyð.<sup>5</sup> Hann æyddi sva gersamliga oc drap niðr hirð oc hyski Jeroboam. at æigi [var nðckvt mannzbarinn eftir a lif<sup>6</sup> af hans ætt. eftir þi sem drollinn hafði talað fyrir sinn sendiboða Ahia spamann af Sylo. Alla stvnd<sup>7</sup> meðan þeir vorv baðir vppi helldo þeir strið sin a milli Asa konungr af Hiervsa-alem oc Baasa. Baasa hellt hasæti rikis sins i þeirri borg er het Thersa. þa er Baasa hafði niðr drepit allt afkvæmi Jeroboam. þa for hann með allmikinn her i riki Jvda oc ræisti þar borg er het Rama. sva at æigi matti nðckvrr af monnvvm Asa konvngs þar ganga vt æða inn. Enn Asa hafði æigi lið til [eða styrk<sup>8</sup> at stavckva honvm a brottv gða veria riki sitt.

J þann linia ræð fyrir Syrlandi sa konvngr er het Benadab. hann sat i þeirri höfvdborg er het Damascvs. Við þenna konvng hafði Baasa Jsraels konvngr gert frið. oc ecki hafði Benadab heriað i riki Jvða. Konvngr Asa tok þa þat rað. at allt gvil oc silfr þat er hann feck til oc eftir hafði vorðit i sehirðzlvvm þa er, Egiptar heriaðv i Hiervsa-lem þat sendi hann Benadab konvngi [sva segiandi. Vær<sup>9</sup> höfvm halldit frið allar stvndir ockar i milli oc sva seðr ockrir. því sendi ek þer þessar vingiafir biðiandi at þv brægðir vpp þeirri sett [oc friði<sup>10</sup> sem þv hefir her til halldit við Baasa konvng Jsraels. oc komir<sup>11</sup> til með her þinn at stavckva<sup>12</sup> honvm or minv riki. Benadab tok [vel orðsend-ing Asa.<sup>13</sup> Sendi hann þegar sina höfðingia með her i riki Jsraels [oc forv<sup>14</sup> herskilldi yfir alla iorð Neptalim. Nv sem Baasa fretti þesse tiðendi. gaf hann vpp borgarsmiðina oc sneri hæim i höfvdborg rikiss sins Thersam. Enn konvngr Asa sendir þa vm allt sitt riki oc stefnir til<sup>15</sup> öllvm lyð oc lætr briota niðr at iorðv þat sem Baasa hafði efnað til borgar Rama. Enn af þeim esnvm sem hann hafði latið til flytia smiðaði konvngr Asa .ii. borgir. het avnnvr Gabaa Beniamin enn önnvr Maspha. Baasa konvngr af Thersa rikti yfir Jsrael .vi.<sup>16</sup> ar oc .xx. Hann var iafningi at allri illzkv oc glæpvm hins illa<sup>17</sup> Jeroboams sonar Nabath. Son Baasa het Hela.

Maðr er nefndr Annani.<sup>18</sup> hans son het Hiev. þenna Hiev sendi

<sup>1</sup>) [mgl. B <sup>2</sup>) einfalldr, A <sup>3</sup>) lifs daga, B <sup>4</sup>) mgl. B <sup>5</sup>) [Jsrael, B <sup>6</sup>) [lifdi nðckvt mannzbarinn eptir, A <sup>7</sup>) daga, A <sup>8</sup>) [mgl. B <sup>9</sup>) [syni Dabremon sunar Ezion meðr þeisum orðum. Við, B <sup>10</sup>) [mgl. B <sup>11</sup>) æigi(!) tilf. B <sup>12</sup>) stökkua, B <sup>13</sup>) [við giðsvm þessum ok, A <sup>14</sup>) [ok i borgir Abion ok Dan ok hus Maacha oc alla Ceneroth ok foru siðan, B <sup>15</sup>) at ser, B <sup>16</sup>) iiij, B <sup>17</sup>) vonda, A <sup>18</sup>) Annon, B

drottinn með sinn boðskap til fvdar við Baasa. Ok sem Hiev kom [fyrir konvng<sup>1</sup> sagði hann sva til hans. Þessa lvti segir drottinn gvð Jsrael til þin Baasa. Ek hefi þik vpp hafð af molldo iardar oc settan þik höðingia yfir lyð minn. enn þv gelldr þat sva at þv hatar mik oc heðir enn gengr fram enn versta veg aftr dömv Jeroboam oc lætr allt folk misgera i minv avglti. þi invnt þv fyrirfaraz sem Jeroboam oc qll þin ætt. oc engi maðr af þinni halfv man fa sömiligan grðst vtan þv sialfr. þvi at þa manv hvndar gla sem innan borgar dæyia enn hina hrefvglar sem [i heraði<sup>2</sup> deyia vtan borgar. Baasa batnaði ecki við þetta. helldr læt hann taka Hiev spamann oc drepa fyrir þessa savk er hann hafði borið framm gvðs grendi a mot honvm. Baasa varð solldavör oc var grafinn i Thersa.

### Fra þui er Zambri drap Helam.<sup>3</sup>

324. Hela son Basa tok konungdom eftir favör sinn oc riki<sup>4</sup> i Thersa yfir allt Jsraels folk .ii. ar. Zambri het maðr hann var höðingi yfir helmingi riddaraliðs Jsraels vndir Hela konvngi. þa var sa borgargræfi i Thersa er het Arsa. Zambri er aðr var nefndr fyllidiz öfvdar oc illzkv oc sat með svikvm vm sinn herra Hela konvng. Sva bar til at konvngr þa væizlo at Arsa borgargræfa i Thersa. þa kom þar Zambri með riddaraliði oc sotti þegar með vapnv at herbergino. Hela oc hans menn vorv miok vindrvcknir oc varþ þvi litil vðrnin. fell þar Hela konvngr oc allir hans menn. Var þat makliga<sup>5</sup> þi at Hela framði oc fíðkyngi oc fylgði oc fvlgerði allar illzkvr feðr sins. Zambri drap oc niðr sva giorsamliga hirð oc hyski Hela konvngs. at ægi lifði eitt barn eftir af hans frendvm gða vinvm oc fyllidiz sva þat er drottinn hafði talat fyrir mvnn Hiev spamannz oc alagt fyrir glæpi þeirra feðga Baasa oc Hela.

J þenna tima höðv Jsraelite heriað a Philisteos oc satv vm þa borg sem aðr er nefnd Gebethon. Var höðingi [fyrir her<sup>6</sup> sa maðr er nefndr er Amri. Nv þegar sem herrinn sa er i borginne sat fretti þessi liðendi af<sup>7</sup> Thersa at Zambri hafði<sup>8</sup> bariz<sup>9</sup> við sinn herra oc drepit.<sup>10</sup> gera herhöðingiar<sup>11</sup> þat rað at þeir taka Amra til hertoga yfir allt riki Jsrael. Enn a þesse stvndv sem Zambri hefir eyðt öllo afkvæmi Baasa oc Hela sonar hans i Thersa. þa settiz hann i rikit oc læt gefa ser konvngs nafn. oc rikti Zambri þrell [i Thersa .vii. daga.<sup>12</sup>

<sup>1</sup>) [til konungs, B <sup>2</sup>) [mgl. B, A <sup>3</sup>) Af Ela syni Basa, A <sup>4</sup>) ríkti, A <sup>5</sup>) makligt, A <sup>6</sup>) [yfer þeim her, B <sup>7</sup>) i, B <sup>8</sup>) tilf. B, A <sup>9</sup>) barðiz, B <sup>10</sup>) hann tilf. B <sup>11</sup>) hershöðingiar, B, A <sup>12</sup>) [.vii. aar, B

Amri oc herrinn [læt nv<sup>1</sup> af at stríða a Gebethon. snero þa hæim i ríkit oc settvz með herskilldi vm borg Thersa. Oc sem Zambri ser at [bariz er<sup>2</sup> a borgina oc hon man skiott vunnin verða. gengr hann inn i konvngshóllina sialfa oc setz þar með alla sina hirð. lętr hann síðan sla [i elldi<sup>3</sup> oc brenna vpp allt saman. Nv lavk sva hæðiliga hans æfi sem maklićt var. þi at hann var þęði svikall oc synðafvllr sem þeir konvngar sem<sup>4</sup> verstir vorv fyrir honvm yfir Jsrael.

Einn hófðingi i ríkinv het Thebni.<sup>5</sup> faðir hans er nefndr Gineth. Enn eftir davða Zambri hófz ofríðr oc agangr með sialfvm Jsraelitis. sva at i tva staði geck allr Jsraels lyðr. villdo svmir taka Thebini<sup>6</sup> til konvngs enn aðrir Amri.<sup>7</sup> Þeir dæilldv þetta með ser sva miklv kappi. at hvarirtvæggi drog v at ser sem mestan her oc bórðvz. Oc fyrir því at Amri var liðfleiri. þa fell Thebini<sup>8</sup> enn Amri settiz i ríkit oc læt gefa ser konvngs nafn oc ríkti yfir allt Jsraels folk .xii. ár. [.vi. i Thersa. en<sup>9</sup> þa kæypti hann flall æitt i Samaria fyrir .ii. p vnd sífrs. þar giðrði hann<sup>10</sup> borg er hann kallaði Samer.<sup>11</sup> oc sat þar ðnnvr .vi. ár. Hann var slikt illr sem Jeroboam son Nabath oc geck [alla hans vegv.<sup>12</sup> því at hann svivirði gvð drottin margfalliga<sup>13</sup> i sinvm vandskap. Hann varð sottdavör oc grafinn i Samaria. hans son het Achab er ríki tok eptir hann a .viii. ari hins flórða tigar konvngs Asa. Achab ríkti i Samaria yfir Jsrael .ii. ár oc. .xx.

#### Upphaf ríkis Josaphat.<sup>14</sup>

325. Hinn goði konvngr Asa i Hiervsalem atti þa konv er het Azvba enn faðir hennar Salai. þav Asa konvngr oc Azvba gatv<sup>15</sup> son er het Josaphat. Hann var snemmiendiss<sup>16</sup> vitr oc vinsell. mikill vexti styrkr oc manna friðaztr synvm.<sup>17</sup> limaðr oc lataðr vel. ælskaðr miok af konvngi oc drottningv. hyrr oc hvþeckr allri alþýðv. þa er Asa Jorsala konvng sotti elli. giðrðiz. hann miok hrvmr<sup>18</sup> til gavngv þi at verkr la i sotvm hans. Ofarlíga a hans dagvym birtiz hinn agæti gvðs vinr Helias spamaðr af Thesbes þeim stað er sva hætir. oc var hann af þi kallaðr Thesbithes. Konvngr Asa andaðiz i goðri elli oc var honvm væittr virðvligr groftr sem verþvgt var i borg Davids frenda sins.

<sup>1)</sup> [letti, A <sup>2)</sup> [hermenn beriaz, A <sup>3)</sup> [elldi i, B, A <sup>4)</sup> er, B <sup>5)</sup> Thebin, B; Tephni, A <sup>6)</sup> saal. ogs. A; Thebin, B <sup>7)</sup> Amra, B <sup>8)</sup> Thebin, B <sup>9)</sup> enn .vi. i Tersa, B; .vi. j Thersa, A <sup>10)</sup> sílf. B, A <sup>11)</sup> Semer, B <sup>12)</sup> [allar hans gotur, A <sup>13)</sup> margfalldlega, B; a alla vega, A <sup>14)</sup> Af Asa goda konungi, capitulum, A <sup>15)</sup> attv, A <sup>16)</sup> snemma, A <sup>17)</sup> mgl. B, A <sup>18)</sup> hrummyr, B



Tok þá ríki yfir Jvda ok Hiervsalem Josaphat son hans oc for allan feril feðr sins i goðvm hlvtvm fyrir gvði oc monnvvm. Josaphat tok konvngdom a .iiii. ari [Achab konvngs Jsraels oc ríkti halfan þriðia tðg ara. Hann hellt frið oc sætt við Jsraels konvnga Akab oc syni<sup>1</sup> hans. hann var alla æfi hlyðinn gvði oc hans boðorðvm. Josaphat eyddi ðllvm blotmonnvvm<sup>2</sup> þeim sem eftir vorv i hans ríki oc faðir hans hafði ægi nað. Enn ægi nam hann af þær vvænior sem læingi höðv stadið. at lyðrinn ferði<sup>3</sup> fornir oc brendi ræykelsi i hæðvm hvers staðar. enn vm allt annað samði hann oc siðaði sitt ríki vel oc fagrliga.

Achab konvngr Jsrael var hinn versti konvngr oc höðingi. þi at hann endrnyiaði i avgliti drottins allar illzkvr hinna fyrri konvnga Jeroboam oc annarra eftir hann komandi. Ok enn [læt hann ægi ser þeirra vandskap<sup>4</sup> einlitan. helldr iok hann þeirra illzkvr. hann geck at æiga hina verstv kono er het Jezabel dottvr Methbaal<sup>5</sup> konvngs Sidoniorvm þioða. oc fyrir hennar [blotgirni oc vandskap<sup>6</sup> gerði hann hit mesla hof i Samaria oc [skvrðgoð Baal oc dyrkaði þat.<sup>7</sup> oc plantaði lvnd vmhverfis hofið oc æignaði bannsettvm Baal. A dagvmm Achab var vpp ræist oc endrbælt borg Hiericho af þæim manni er het Ahiel af Bethel.

J þann tíma kom Helyas Thesbithes til fvndar við Achab oc mælti sva til hans. þvi skyt ec til gvðs lifanda a himnvmm. fyrir þess asionv stend ec<sup>8</sup> i dag. at fyrir þína glæpi kemr langan tíma or lofti hvarki dggg ne regn a iorðina nema þat verði fyrir min orð. Þegar sem hann hafði þetta mælt kom rødd drottins yfir hann sva segiandi. Verð a brottv hððan oc far til forss þess er haitir Charith oc sel þic. þar mattv drecka af forsinnvm. Enn ec man segir drottinn bioða fvglyvm at sæða þik. Helyas gerði sem gvð bavð honvm. for til forsins Charith oc settiz þar i læyni. þat er gegnt Jordan. þar sæddv hann hrafnar at gvðs [vilia ok<sup>9</sup> boði. sva at þeir fgrðv honom bravðhlæif oc kiotstycki kveld oc morgin. enn hann drack af forsinnvm. Oc eftir langan tíma þornaði af forsinn. þvi at alldri rigndi yfir iorðina. oc hafði Helyas þa ecki at drecka. þa kom ravdd drottins yfir hann oc mælti. Ris vpp<sup>10</sup> nv segir drottinn oc far i ríki Sidoniorvm i þann garð gða bæ er haitir Sarepta. þar byr eckia ein. henne hefi ec boðit segir drottinn at sæða þik. Helyas for nv þegar oc kom i Sareptam. oc sem

<sup>1</sup>) [ríkis Achab ok suna, B <sup>2</sup>) blotum, B <sup>3</sup>) sær, B <sup>4</sup>) [ægi let hann ægi sinn vandskap ok þeirra illzku ser, B <sup>5</sup>) Metabal, B <sup>6</sup>) [girnd ok vaandan blotskap, B <sup>7</sup>) [dyrkaði þar skurðguð Baal, B <sup>8</sup>) her tilf. B <sup>9</sup>) [mgl. B <sup>10</sup>) þv tilf. B, A

hann com at garðzhliði. sa hann þessa kono sem honvm var til visat. því at hon var vti oc las ser elldivið. Helyas kallaði a hana oc mællti. Gef mer litið vatn [i ker<sup>1</sup> at drecka. Nv sem hon for at sækia vatnið kallaði Helyas [estir henne.<sup>2</sup> Giðr sem ek bið kona segir hann. at þv fær mer i hendi þer af bravði þo at litið se. Hon svaraði. þat segi ec satt til vitnis drottins gvðs þins. at ec hefði æigi bravð gða fegðv meiri enn sva litið i steinkeri af miolfi at hafa ma i hendi gða hnefa oc allitið<sup>3</sup> af viðsmiorfi i koppi. Sæ nv tek ek saman .iij. tre. siðan geng ek inn oc by ek þetta hit litla til matar mer oc syni minvm. [at við farim<sup>4</sup> siðan at dæyia sem við höfvm þessv snæðt. Helyas mællti. Hirð ecki at ottazk.<sup>5</sup> far nv oc gior sem þv sagðir. Enn þo allt at einv giðr mer fyrst af þessv litla miolfi litinn hlæif oc baka a gloðvm oc fêr mer. enn siðan [giðr þer oc syni þinvm.<sup>6</sup> þi at sva segir drottinn gvð Gyðinga. at miql i steinkeri man gigi þrotna oc viðsmior i koppi æigi<sup>7</sup> þverra þar til er gvð gefr regn a iorðina. Hon for nv oc giðrði sem hann [sagði fyrir.<sup>8</sup> Oc af þesso fegði hon Helyam oc sialfa sik oc allt sitt hyski oc heimamenn. Oc þvarr hvarki fra þæim degi miðl hennar ne viðsmior. ostir þi sem drottinn hafði heitið oc talat fyrir mvnn Helye. Nockorv siðarr tok sôtt sonr hvsfreyio<sup>9</sup> oc andaðiz. Hon mællti þa við Helyam. Gvðs maðr. hverio skiptvmz við nv við. Gecktv til þess i min herbergi at<sup>10</sup> endrminntiz min ranglæti. sva at þar fyrir drepir þv son minn. Helyas bað hana fa ser svæininn. Tok hann þa likið oc lagði niðr i sæng sina oc kallaði til drottins sva segiandi. Heyrðv drottinn gvð mian. Lit þv goðvilia eckiv þessar<sup>11</sup> sem ec em með. hvi villdir þv sva hryggia hana at þv lietiz dæyia son hennar. því næst rætti Helyas hendr sinar þrim sinnvm yfir likit oc mællti. Biþ ec þik drottinn minn at þv sendir aptr sal svæinsins i likamann. Drottinn hæyrði akall hans. oc lifnaði svæinninn. Helyas tok hann oc sætti niðr i vndirhvsíð oc mællti til moðvr.<sup>12</sup> Sæ nv lifir son þinn. Hon svaraði. J þessvm hlvt kðnnvmz<sup>13</sup> ek við fvllkomliga at þv ert gvðs maðr. oc sannliga er<sup>14</sup> hans orð i þinvm mvnni. þa mællti drottinn til hans. Far þv nv oc syn þik Achab til þess at ec gefa regn a iorðina. Helyas for til fvndar við Achab sem drottinn bavð honvm. þa var mikit hallæri i Samaria sva at menn oc kvickendi do af svllti. þi at iorðin gaf ðngan avðxt. oc æigi græri

<sup>1)</sup> [mgl. B <sup>2)</sup> [a hana, B <sup>3)</sup> alltitit, B, A <sup>4)</sup> [Eon við sgrum, B; at mit farim, A <sup>5)</sup> [saal. rettet; ottak, C; ottaz, B, A <sup>6)</sup> [matv þer ok syni þinum þat sem avk er, A <sup>7)</sup> man tilf. B <sup>8)</sup> [mællti, B; hafði fyrir sagt, A <sup>9)</sup> husfrunnar, B <sup>10)</sup> ok, B <sup>11)</sup> þersarar, B <sup>12)</sup> sveinsins tilf. B; hans tilf. A <sup>13)</sup> kennumz, B, A <sup>14)</sup> eru, B

gras af þyrkv oc solar hita. þi at alldregi kom dōgg gða regn a .iii. arvm sem Helyas hafði fyrir sagt.

405

### Her segir af Abdias.<sup>1</sup>

326. Abdias er maðr nefndr goðr oc gvðhræddr. hann var ræðissmaðr með Achab konvngi. þat var þa er Helyas hafði fram flutt eftir gvðs boði spasōgv vm þessi harðendi oc hallæri sem alagðiz Jsraels folk sakir illzkv konvngs oc Jezabel konv hans. Sem Helyas var horfinn enn Achab læt leita hans. þa bavð hin bannsetta drottning Jezabel at taka alla gvðs spamenn oc kennimenn þa sem rællrvaðir vorv oc liet drepa. þa kom þessi Abdias sem aðr var nefndr [oc kom<sup>2</sup> vndan læyniliga .c. spamanna. oc fal þa i hellvm tvæimr er hann vissi hvar vorv enn fair menn aðrir. vorv .i. gvðs manna i hvarvm hellinv. Enn hinn goði maðr Abdias gaf þeim bæði mat oc dryck sem [þeir þvrfv<sup>3</sup> at hafa. Nv sem .iii. [vetr vorv liðnr<sup>4</sup> hallærissins. kallaði Achab til sin Abdiam ræðissmann sinn oc mællti. þat er rað at við farim vm ðll hin næsto hæroð. til allra brvnnu gða vatna er þv væizt. oc vm alla dali oc laglændi. oc vita ef við finnim<sup>5</sup> nōckvr gras<sup>6</sup> æða hæy hæstvm varvm oc mvlvm at þeir mælti<sup>7</sup> lifa við.<sup>8</sup> þeir skiptv þa<sup>9</sup> með ser til yfirfarar.<sup>10</sup> for Achab annan veg enn annan Abdias. Sem Abdias var a ferð kominn geck i moti honvm Helyas. Ok er Abdias þottiz kenna hann. sell hann þegar fram allr til iarðar sva segiandi. Hvart kenni ek rétt at 'her se kominn minn herra Helyas spamaðr. Hann svaraði. [Rétt kendan<sup>11</sup> hefir þv mann.<sup>12</sup> Nv far þv oc seg Achab konvngi at þv hefir fvndit Helyam. Abdias svaraði. Hvat hefi ek þrell þinn sva miog misgert at þv vill selia mik<sup>13</sup> til davða vndir avxi<sup>14</sup> Achab.<sup>15</sup> þat væit lifandi gvð at hann hefir sennt vm ðll riki oc til allra þioða at læita þin oc mattir þv hvergi finnazt. fyrir þa skyllð hefir hann sent til allra þioða at segi<sup>16</sup> til þin hvar sem þv kemr fram. Nv ef ec fer sem þv mælltir<sup>17</sup> með þetta grendi til konvngs.<sup>18</sup> þa kann vera at andi drottins flyti þic i einnhvern þann stað sem mer er okvnnr. oc ef ek segi Achab til þin [en hann finni<sup>19</sup> þik ægi þa er þat viss minn bani. Ec hefi ottaz drottin allan alldr minn. æða hefir minn herra þer ægi sagt verið þat er<sup>20</sup> Jezabel drap gvðs vini

<sup>1</sup>) *Overskriften af A; C og B have ikke nyt Capitel.* <sup>2</sup>) [mgl. B, A <sup>3</sup>) [þurfti, A <sup>4</sup>) [nar vorv liðin, A <sup>5</sup>) finnum, B <sup>6</sup>) grqs, B <sup>7</sup>) megi, B <sup>8</sup>) mgl. B <sup>9</sup>) landi tilf. A <sup>10</sup>) yfir, B; yfirferdar, A <sup>11</sup>) Rettkendan, B, A <sup>12</sup>) manninn, B <sup>13</sup>) tilf. B, A <sup>14</sup>) exi, B <sup>15</sup>) konungs. þvi at tilf. B <sup>16</sup>) segia, B, A <sup>17</sup>) mglr, B <sup>18</sup>) hans, B <sup>19</sup>) ok finnr hann, B' <sup>20</sup>) at, A

fyrir þat er þv fannz<sup>1</sup> eigi æða hversu ek skavt vnðan .c.<sup>2</sup> spamanna ok fal ek þa oc fædda ec. Enn nv vill þv senda mik til davða. Helyas mællti. Þess sver ek við gvð fyrir þess avgliti stend ek nv. at ek skal þenna dag syna mik Achab.<sup>3</sup> Abdias for nv til fvndar við Achab oc sagði honvm slict sem Helyas hafði boðit honvm. Achab rann þegar moti Helya oc mællti [til hans þegar er þeir fvndvt.<sup>4</sup> Ert þv æigi sa hinn sami er skelfir oc hræddan gerir allan Jsraels lyð. Helyas svaraði. Ecki skelfi ek lyðinn sem þv segir. heldr þv sialfr oc favðvr-hvs þitt. er þer fyrirletvð gvð yðvarn enn þionit bannsettvm Baal.<sup>5</sup> Enn þo lattv nv saman kalla allan Jsraels lyð oc set þing a fialli Carmelo.<sup>6</sup> stefn þv oc til þess þings spamonnvim oc blotmonnvim Baal gvðs<sup>7</sup> yðars. þat [er halft fimla hvndrat<sup>8</sup> manna. sva lattv oc kalla a þetta þing spamenn Jezabel drottningar. þa sem hon fegðir at sinv borði til þess at blota með ser skoga oc skvrðgoð. þat ero .cccc. manna.

#### Fra Helia spamanni ok blotmonnvim.<sup>9</sup>

327. Achab sendi þa boð vm allt sitt riki oc setti þing i Carmelo þar sem Helyas hafði boðit. Þar com Helyas oc .dccc. oc .i. falsaðra visendamanna oc blotmanna. Sem þingit<sup>10</sup> var sett. stoð vpp Helyas oc hof sva sitt mal. Hversu leingi ætla Jsraelite sva at halltra fram tviskiptir i yðrvim trvnaði. Gærit nv sva sem ec segi fyrir. Ef minn drottinn himna konvngv er gvð. þa þionit þer honvm með allri [tign oc<sup>11</sup> trvlyndi. Enn ef hitt ræyniz sannara a þessv þingi at Baal se gvð. þa þionið honvm oc fylgit. Nv ero allir drepnir drottins<sup>12</sup> spamenn nema ek einn. Enn spamenn Baal oc aðrir villospamenn<sup>13</sup> ero her komnir halft .ix.<sup>14</sup> hvndrat. Gefið oss nv .ii. yxn til fornsfæringar. oc taki þer þann sem betri er oc sæfi<sup>14</sup> brytiandi<sup>15</sup> i sma stycki sem til heyrir þeirra iðlo [fvllvm fiðlða.<sup>16</sup> oc leggi hverr þeirra<sup>17</sup> sinn hlvt a viðarbvlyng<sup>18</sup> æða alltari. oc veiti vmbvð sem þa er þeir ero vanir at brenna fornir. vtan þat at þeir skolo engan elld vndir hafa. Ek skal oc taka annan vxann oc bva vm a savmv læið sem þeir at hafa engan elld vndir trianvm<sup>19</sup> sem ek set vxann a. siðan kalli hvarir a sinn gvð. Oc ef annarr hvarr hæyrir oc gefr elld vndir timbrit. þa er avðsynt at [saa er<sup>20</sup> sannr gvð. þa svaraði allr lyðr. savgvðv allir

<sup>1</sup>) snar(!), B <sup>2</sup>) hundrði, B <sup>3</sup>) konungi *tílf.* B <sup>4</sup>) [mgl. B <sup>5</sup>) Baalim, B <sup>6</sup>) Karmeli, B; i Carmelo, A <sup>7</sup>) *saal.* B, A; gvð, C <sup>8</sup>) eru .i. ok .cccc., B <sup>9</sup>) C og B have heller ikke her nyt *Capitel.* <sup>10</sup>) þing, B <sup>11</sup>) [mgl. A <sup>12</sup>) guða, B <sup>13</sup>) villumenn, A <sup>14</sup>) seft, B <sup>15</sup>) brytiðan, B <sup>16</sup>) [mgl. A <sup>17</sup>) mgl. B <sup>18</sup>) *saal.* B, A; viðan bulung, C <sup>19</sup>) þar *tílf.* B <sup>20</sup>) [i*lf.* B, A

Þetta vera hina beztv tilskipan oc ena visaztv ravn hvarr gvð veri dyrkandi Baal gða drottinn gvð Gyðinga. Þa mællti Helyas [til villo-spamanna.<sup>1</sup> Velið nv vxann oc bvit til fornsfæringar. Þvi at þer erodð flæiri. enn æigi skoloð þer elldinn vndir leggja. kallið siðan a gvð yðvarn at hann gefi yðr elld. Nv sem þeir hðfðv hlaðit alltarit af triam ok gert til vxann. Þa kallvðv þeir a Baal<sup>2</sup> allt fra morni oc til miðs dags oc rvnnv vmhverfiss alltarið sva segiandi. Hæyr oss nv hinn blezaði Baal gvð varr. Enn þar komv engi svavr<sup>3</sup> a moti. Sem miðr dagr var.<sup>4</sup> Þa tok Helyas at gabba þa oc mællti. Kallit miklo hæra. Þvi at vera kann at gvð yðvarr se a malstefnv gða eigi gestvm at æmbætta gða se farinn nðckvr. vera ma oc at hann sofi. nv kallit [fyrir þi<sup>5</sup> at vist se at hann vakni. Þeir kallaðv þa sem þeir mattv mest gpa oc særðv sik með knifvm [oc handavxum<sup>6</sup> sem siðr þeirra var til. sva at bloð rann vm þa alla. Nv sem liðit var hadegi oc sv stvnd sem<sup>7</sup> vandi var<sup>8</sup> at fornsfæra. en Baal vættilt engi andsvðr spamonnvvm sinvm [oc ecki andsvaraði hann<sup>9</sup> þeirra bðnvvm. Þa kallaði Helyas til sin allan lyð. Hann fann i þeim stað hvar fyrr hafði verit alltari drottins oc var nv allt<sup>10</sup> niðr brotið. Tok hann þa<sup>11</sup> .xii. stæina eptir tðlv .xii. sona Jsraels oc gerði þar af alltari drottini. Hann gerði oc vatzras gða diki vmhverfis alltarit sva divpt sem tvænnar arðsforar. siþan hloð hann a alltarit bvlvng af viði. Þvi næst limaði hann i svndr vxann oc lagði vpp a bvlvnginn. oc mællti til þeirra manna er næstir vorv. Takit<sup>12</sup> nv .iiii.<sup>13</sup> sai fvlla vaz oc steypit yfir allt saman fornina oc viðinn. Þeir gerðv sva. Helyas bað þa sva gera annat sinn oc þriðia. Sem þat var gert. þa var alvatt alltarit oc rann af trianvm oc fornarvxanvm. sva at fvllar vorv allar vatnrasir<sup>14</sup> er hann hafði gert vmhverfiss alltarit. Þi næst geck hann at alltarinv oc mællti. Hæyr þv drottinn gvð Abraham [Ysaachs oc Jacobs.<sup>15</sup> Ek bið at þv synir a þessvm degi at þv ært gvð Jsraels. oc ec þræll þinn hefði alla hlvti gert [eftir þi<sup>16</sup> sem þv bavðt mer. Hæyrðv drottinn minn oc væit mer.<sup>17</sup> at þessi lyðr fai rætta<sup>18</sup> skilning af at þv ert æinn gvð. oc þv snvir<sup>19</sup> sva hiðrtvm þeirra enn a rættan veg. Sem hann hafði varla lokið bæn<sup>20</sup> sinni. Þa com elldr drottins af hinni ok brendi æigi at æins fornina oc trein vndir. helldr oc iafnvel [sva at at<sup>21</sup> engv varð steinalltarit oc molldin<sup>22</sup> i nand oc allt

<sup>1</sup>) [við villuspamenn, B <sup>2</sup>) guð sinn tilf. B <sup>3</sup>) annsvqr, B <sup>4</sup>) kom, A <sup>5</sup>) sua hatt tilf. B; [sua, A <sup>6</sup>) [mgl. B; ok handsauxum, A <sup>7</sup>) er, B <sup>8</sup>) til tilf. B, A <sup>9</sup>) [ne, B <sup>10</sup>) mgl. B <sup>11</sup>) nu, A <sup>12</sup>) Taki þer, B <sup>13</sup>) flora, B; .iii. A <sup>14</sup>) vazraaser, B, A <sup>15</sup>) [Ysaac ok Jacob, B, A <sup>16</sup>) [mgl. B, A <sup>17</sup>) mgl. A <sup>18</sup>) rættan, A <sup>19</sup>) snu, B, A <sup>20</sup>) bæn, A <sup>21</sup>) tilf. B <sup>22</sup>) [steinalltarit ok molldina, A

vatnið or dikinn vmhverfis. Oc þa er lyðrinn sa þetta. fléllv<sup>1</sup> allir til iardar oc kallaðv hari ravddv sva segiandi. [Eingi er gvð nema sialfr gvð drottinn<sup>2</sup> Jsraels. þa mælti Helyas til lyðsins. Handtaki nv sem skiotaz alla spamenn Baal. sva at æigi nai ndckvrr vndan at flyia. Sem þeir vorv höndlaðir.<sup>3</sup> læiddi Helyas þa fram at forsi Cison. oc þar drap hann þa alla. þi næst mælti hann til<sup>4</sup> Achab. Nv er engi þavrf at svellta leingr. Gack nv til herbergis<sup>5</sup> snæð oc dreck. þi at nv þytr fyrir miklo regni. þegar sem Achab var brott genginn. for Helyas a hit hesta fiall sem þar var til i Carmelo oc lagðiz þar a grvfv til bðnar. enn bað þonostovæin sinn ganga a eina hæð oc lita i haf vt ef hann sêi [ndckvt til<sup>6</sup> nylvndo. Hann gerði sva oc sagðiz engu nyiong sia. þa var hæðskerr<sup>7</sup> himinn. Helyas mælti þa til svæinsins. at hann skyldi snvazt .vii. sinnvm. Svæinninn gerði sva. Ok hit siðnda<sup>8</sup> sinn sem hann sneriz. þa dro vpp or [haf litinn<sup>9</sup> skyfoka. þa bað Helyas hann fara at segia Achab. at hann skvndaði til sinnar borgar at æigi teki hann regnit. þi næst var veðr alþyckt oc fvllt af þokv oc vindi. oc dvndi akaft regn or lopti. þa for Achab þar til er hann kom hæim i borg sina [er het<sup>10</sup> Jezrael. Enn hond drottins kom yfir Helyam. oc gyrði hann sik til gavngv oc rann sva hart. at hann kom fyrr i borg Jezrael en Achab.

Er guð talaði við Heliam spamann.<sup>11</sup>

328. Achab sagði sem hann kom hæim sinni vandv drottningv Jezabel alla hlvti þa sem Helyas hafði gert. oc hann hafði með sialfs sins hendi drept alla spamenn þeirra. Jezabel sendi þegar boð<sup>12</sup> Helye sva segiandi. Eigi þotti þer fvllgert þat. er þv hefir margan lyð svællt til bana oc byrgt sva himininn at alldrigi naði<sup>13</sup> rigna a .iii. arvm. vtan<sup>14</sup> nv hefir þv vegit<sup>15</sup> alla spamenn vara. þar fyrir hialpi mer sva ðll gvðin. at a morgin i þenna tima skal ek þik ræna lifnv oc æigi vægiligarr þik pina enn þv gerðir viðr einnhvernn þeirra. Helyas ottaðiz hæit hennar. stoð hann þegar vpp oc for [brottlo þann-ig<sup>16</sup> sem hvgr hans visaði honvm hælzt.<sup>17</sup> Hann kom niðr i riki Jvda þar sem hæitir Bersabe. þar læt hann eptir svein sinn. enn hann for þaðan daglæið a<sup>18</sup> æyðimörk. Hann settiz þar niðr vndir einv tre er hæitir ivnipervs. þat kalla svmir menn eini. hann beiddiz þar þa

<sup>1</sup>) falla, B <sup>2</sup>) [Einn er gud, A <sup>3</sup>) handtekner, B <sup>4</sup>) vid, A <sup>5</sup>) ok, tilf. B <sup>6</sup>) [nockura, A <sup>7</sup>) heiðskirr, B, A <sup>8</sup>) siavnda, B; .vii.ð, A <sup>9</sup>) [hefnv, B <sup>10</sup>) [mgl. B <sup>11</sup>) C og B have ikke nyt Capitel. <sup>12</sup>) eptir, A <sup>13</sup>) at tilf. A <sup>14</sup>) enn, B <sup>15</sup>) drept, A <sup>16</sup>) [þangat, B <sup>17</sup>) til, A <sup>18</sup>) i, B

at deyia oc sagði sva. Heyrðv drottinn. mal er nv at þv takir sal mina fra likam. þi at æigi em ek betri enn minir sæðr oc ero þeir davðir. þi næst lagðiz hann niðr oc sofnaði i skvgga tressins. Sem hann hafði sofið vm brið. kom at honvm engill drottins oc tok a honvm oc mælli til hans. Ris<sup>1</sup> vpp oc snæð. þi at þv att enn langan veg at ganga. Hann litaðiz vm oc sa at höfði ser einn eldbakaðan<sup>2</sup> bravðlæif oc ker fvllt vatiz. hann at oc drack enn siðan sofnaði hann. Engillinn vakti hann ððrv sinni oc mælli. Ris<sup>3</sup> vpp oc snæð. þi at þv att<sup>4</sup> enn langt<sup>5</sup> at ganga. Hann sa enn sliet sem fyrr. Enn er hann hafði snæðt oc drvckit. rēðz hann til ferðar oc geck i styrkleik þeirrar sæðv<sup>6</sup> .xl. daga oc .xl. natta allt til hins hēlga fiallz gvðs. er Oreb hætir oc avðrv nafni Synai. oc þar dvalðiz hann i helli nockorvm. þa kom rōdd drottins yfir hann sva segiandi. Hvat gerir þv Helya. Hann svaraði. Ek fylgi með ðllo kappi oc kostgēfi vandlæti þino drottinn gvð allz heriar. þi at synir Jsraels hafa fyrirlatið sattmal þitt oc brotið niðr alltari þin enn slægið sverði spamenn þina. sva at ek em æinn estir vorðinn. oc læita þeir<sup>7</sup> hvern tima at taka mik af lifi. Roddin mælli. Gack vt oc stalt i avgliti drottins a ofanverðv fiallino. Helyas dro yfirklæði sitt fyrir andlit ser<sup>8</sup> ok geck vt i hellissdyrnar oc stoð þar. Oc enn mælli rōddin til hans. Hvat gerir þv her. Enn hann svaraði allt a savmo læið sem<sup>9</sup> fyrr. þa mælli drottinn. Far þv nv<sup>10</sup> oc snv apr veg þinvm<sup>11</sup> til Damascv borgar. þi at þar skalltv vigia til konvngs yfir Syrland þann mann er hætir Azahel. enn þann mann er Hiev heitir son Namsi skalltv smyria til konvngs yfir Jsraels lyð. Vigia skalltv oc spamann i stað þinn Helysevm son þess mannz er heitir Saphat. þi at þeir .iii. manv æyða ðllo því folki er niddiz a mer. sva at hvern þann mann er vndan setr<sup>12</sup> sverði Azahel man Hiev drepa. en Helysevs þann er Hiev fær æigi nað. [Enn estir<sup>13</sup> man ec lata oc varþveita ginkannliga mer til þionosto segir drottinn .vii. þvsvndir<sup>14</sup> af Jsrael þeirra manna sem ecki bæygia sin knē fyrir skvrðgoðit Baal. oc alla man ec frelsa fra haska þa sem hann tigna æigi gða kyssa honvm a hönd.

Nv for Helyas allan veg sem fyrir la þar til er hann fann Helyseum vti a akri. þar sein hann arði [ginn samt<sup>15</sup> a .xii. yxnm. Helyas toc af ser mōttvl sinn oc lagði yfir hann. Enn Helysevs fyrirleit<sup>16</sup> þegar yxnina oc rann estir Helya oc mælli. Bið ec at þv læyfir mer

<sup>1)</sup> þv tilf. B <sup>2)</sup> saal. B, A; eldbakaða, C <sup>3)</sup> þu tilf. B <sup>4)</sup> aatt, B <sup>5)</sup> saal. B, A; lang, C <sup>6)</sup> fezlz, B <sup>7)</sup> mgl. B <sup>8)</sup> sitt, B <sup>9)</sup> ok, B <sup>10)</sup> mgl. B <sup>11)</sup> þinn, B <sup>12)</sup> flyr, B <sup>13)</sup> [mgl. B <sup>14)</sup> þusundrat, B <sup>15)</sup> [mgl. A <sup>16)</sup> saal. B, A; fyrirleit, C

at minnaz við feðr minn oc móðvr.<sup>1</sup> enn síðan man ek fylgia þær. Helyas svaraði. Far nv þa oc kom síðan altr. þi at þat var mitt sem ek gerða þer.<sup>2</sup> Nv sem þeir skilðvz tok Helysevs yxnina oc drap oc gerði þar af væizlv lyðnvm. þvi næst for hann til fvnndar við Helyam oc fylgði honvm oc þionaði.

### Fra agietvm sigri Gyðinga.<sup>3</sup>

329. Benadab het konvgr yfir Syrlandi. hann dro nv saman her vvgian. sva at hann hafði með ser .ii. konvnga oc .xxx. oc mikian flðlða vagna oc riddara oc margskonar herbvnað. þegar sem hann er bvinn. flytr hann allan [sinn her<sup>4</sup> vpp i Gyðingaland oc settiz vm Samariam oc barðiz a borgina. Hann giðrði oc sendiboð vpp i borgina at segia Achab konvngi Jsraels með þessvm orðvm. Gvll þitt oc gersimar eiginkonvr oc agætir synir allt þetta er mitt. Achab svaraði sva. Allt a samvm læið minn herra konvgr sem þer hafð nv talað em ek oc allt mitt goðs<sup>5</sup> a yðrv valdi. Benadab sendir enn<sup>6</sup> sömv menn til hans sva segiandi. Gef mer nv i stað gvll oc sñfr þitt konvr þinar oc syni. þi at a morni<sup>7</sup> rett i þenna tíma dags man ek senda til þræla mina at rvpla oc rannzsaka oll þin hvs oc herbyrgi oc þinna manna. at þeir ræni oc bravi<sup>8</sup> beri slikt sem þeir villia oc þeim þickir bættra at hafa enn an<sup>9</sup> at vera.

Achab kallaði þa saman alla ðlldvnga oc vittrvzstv menn rikissins oc segir sva til þeirra. Hyggit at goðir höfðingiar hversu mikit ofbelldi oc viafnað Syrlanz konvgr synir oss. Hann sendi til min sem þer hæyrðvt. at minar eiginkonvr oc synir veri hans oc allar minar gersimar. oc æigi afnæitta ek at sva veri. Leggit nv gott rað til. hversu ek skal svara þessvm hans síðarra boðskap. Enn höfðingiar oc allr lyðr svaraði a einn veg hans mali. at þesso skyllði hann alldri iata gða samþyckia. Hann mæltti þa til sendimanna Benadab.<sup>10</sup> Farit nv oc flytið þessi min orð til konvngs yðvars. at [alla<sup>11</sup> lvli<sup>12</sup> sem hann sendi mer i fyrstvm boðvm oc ek iataða honvm. þat skal allt halldaz af [minni hendi.<sup>13</sup> Enn ef hann vill gera mik fatækian<sup>14</sup> svein oc alla mina menn at stafkarlvvm. þa er þi með engv moti iatanda. Forv þa sendimenn oc flvttv sinvm konvngi [hans orð ðll.<sup>15</sup> Syrlanz

<sup>1</sup>) mina tilf. B <sup>2</sup>) við þik, B <sup>3</sup>) Fra Benadab konungi. capitulum, A

<sup>4</sup>) [herinn, B <sup>5</sup>) goz, B; godz, A <sup>6</sup>) hina tilf. A <sup>7</sup>) morgin, B, A

<sup>8</sup>) brott, B, A <sup>9</sup>) aan, B <sup>10</sup>) konungs tilf. B <sup>11</sup>) þa tilf. B <sup>12</sup>) [alt

þat, A <sup>13</sup>) [minna vegna, A <sup>14</sup>) fatækan, B, A <sup>15</sup>) [oll þerni (hans tilf. A) orð, A, B



konvngur sem hann hýrði þetta varð hann miðg reiðr við oc segir sva. Öll min gvd hialpi mer sva. at ægi skal<sup>1</sup> Jsraelitis sva mikit læifa<sup>2</sup> af Samaria. at hverr þeirra hafi hnæfa fyllan molldar. farit helldr minir menn þegar i stað. kringið vm borgina oc beriz a hana.<sup>3</sup> Þeir gerðv sem hann bauð.

Enn a þeirri stvndo sem herrinn flvttizt fram at borginni. þa geck einn<sup>4</sup> spamaðr fyrir<sup>5</sup> Achab sva segiandi. Þessa hlvti segir varr drottinn. Nv hefir þv sgd Achab hverso mikit ogryn timer þessi konvngur hefir. Vtan ef segir drottinn man ek a þeima degi gefa allan þenna mannfliða a<sup>6</sup> þitt valld. til þess at þv kenniz við at ek em<sup>7</sup> drottinn gvd. Achab svarar. Hverr man mer vinna sva mikinn styrk. Spamaðrinn mælti. Sva segir drottinn. Ef þv hefir drepit hesta höfðingia er i mot þer ero. hverr man þa vig vekia nema þv oc þinir menn. Nv segir sva drottinn. at þv mant sigraz fyrir freknæik þionostosvæina þinna höfðingia. Konvngur læt þa telia skialldsvæina rikismanna. oc vorv þeir .cc. oc .ii. ens fiörða tigar. þa var talinn samfenginn lyör vapnferr sa er innan borgar var með Achab [.vii. þvsvndir.<sup>8</sup> [Geck þa<sup>9</sup> Achab vt af borginne vm hadegiss skeið með þenna lilla flok hia hæiðingia herinvm.

#### Fra Benadab Syrlandz konvngi.<sup>10</sup>

330. Benadab Syrlandz konvngur sat oc drack i landtialldi sinv oc var allmiðg vindrvckinn. oc þar með honvm aðrir .ii. konvngar oc .xxx.<sup>11</sup> þeir sem komið höfðv til liðs við hann. þa komv varðmenn inn fyrir hann oc sqgdv at Jsraelite vorv þa gengnir vt af borginne. Hann svaraði. Farit þa i mot þeim oc handlakit þa alla lifandi. hvart sem þeir villia beriaz gða [biðia friðar oc griða.<sup>12</sup> Achab ferr nv með sina menn. oc ero rikra manna sveinar fremstir fyrir merkivm. enn þar eplir fylgir annat folk. Fvndr þeirra varð skamt fra herbvðvm heiðingia.<sup>13</sup> Ok er þat skiotazst af at segia. at Jsraels menn gengv [at sva. at hverr sem ginn drap þann er hann malti fyrst<sup>14</sup> af Syris. Tokv þeir þa at flyia. enn<sup>15</sup> Jsraelite fylgdv þeim oc rakv flottann. Benadab konvngur komz a hest ok flyði með riddarvm. Achab oc Gyðingar drapv menn oc hesta alla þa sem þeir fengo nað ok

<sup>1</sup>) saal. ogs. B; ek tilf. A <sup>2</sup>) goðz hafa(!), B <sup>3</sup>) þa, B <sup>4</sup>) enn, B <sup>5</sup>) at, B, A <sup>6</sup>) i, B, A <sup>7</sup>) tilf. B, A <sup>8</sup>) [.xii. þusundrat, B <sup>9</sup>) [Gakk þu, B

<sup>10</sup>) Överskriften af A; C og B have ikke nyt Capitel. <sup>11</sup>) .xx., B

<sup>12</sup>) [eigi, A <sup>13</sup>) Gyðinga, B <sup>14</sup>) [sva fast framm. at þeir drapu hvorn er þeir naðu, A <sup>15</sup>) Her mangler 1 Blad i B.

brvtt vagna þeirra oc kerrvr. þeir rakv þa allt heim i Syriam oc gerðv þar allmikitt hervirkti. þa geck einn [af spamonnmv<sup>1</sup> fyrir Achab konvng oc mæltti til hans. Far nv heim<sup>2</sup> i riki þitt. oc hvz þva við [vm allan styrk oc afla.<sup>3</sup> at Syrlandz konvng man koma at viltia þin a næsta ari.

Nv er þar til at taka at Benadab konvngv er aftr kominn i riki sitt með vsigr oc svivirðing. þa ganga hans menn fyrir hann oc segia sva. þat er ægi vndarligt at Gyðingar hafi sigraz a oss þessv sinnl. er ver höfvm við bariz a fiollvm vppi. þi at þeir dyrka fiallagvðin oc því hafa þav verit [i sinni þeim.<sup>4</sup> Nv man ecki sva fara. ef ver berivmz a iafnlendi. fyrir því ger sva sem ver gefvm rað til. Sent þv a brottv alla konvnga. þa sem nv ero með þer. hvern til sins rikiss. enn set. i stað þeirra höfðingia yfir herinn. Dvbba oc aðra riddara i stað þeirra er fallit hafa af þinvm monnmv. bv til vagna oc valslavngvr. hesta oc herskrvða. vapn oc vistir oc allan tilbvnað sem fyrr. Siþan manv ver striða a slættvm vðllvm við Gyðinga. skalltv þa mega sia at ver vinnvm þa. ef fiallagvðin fylgia þeim ægi. Benadab hlyddi a þeirra fortðlor oc giorði alla hlvti sem þeir gafv rað til.

Ok sem eitt ar var afliðit heimti hann saman Syros. for þa<sup>5</sup> vpp i Gyðingaland oc striddi<sup>6</sup> við Jsraels lyð. Syri höfðv her sva mikinn at drivgvv þotti ðll iorð<sup>7</sup> skriða fyrir mannfiolða. Jsraelite i annan stað heimtvz saman oc höfðv. viðrbvnað slikan sem þeir mattv vm vapn oc vistir. forv siþan oc settv herbvðir a moti envm syrlendzka herinv. oc þotti þeirra folk ægi meira enn litill riðvll manna hia heiðingivm. þa geck enn einn gvðs maðr fyrir Achab konvng sva segiandi. Fyrir þa<sup>8</sup> skylld segir drottinn gvð Gyðinga er Syri kalla mik fiallagvð oc etla mik ecki fvllting mega veita minvm lyð i davlvm gða a iafnlendi. þa man ec nv gefa alla þessa hæiðingia i þinar hendr. at allir viti at ek em einn gvð a hinni oc a iorðv. sva a fiollvm sem i fialldavlvm. Nv er skamt i millvm þeirra oc hafa hvaririveggiv settar sinar herbvðir a viðvm oc slættvm vðllvm. Var þat .vii.<sup>9</sup> daga i samtt at hvarir fylktv liði i mot qðrvm enn hvarigir rēðv a. Enn a .vii. degi sigv saman fylkingar. tokz þa þinn [harðazsti bardagi.<sup>10</sup> oc snēri þegar mannfallinv a hēiðingia. sva at Jsraelite drapv a þeim degi af Syriss .c. þvsvnda folgavngvmanna. Enn þeir sem [eptir lifðv<sup>11</sup> flyðv i borg þa er hēitir Aphet.

Ok a næstv nott varð sa atbvrdr at borgarmvrrinn fell a þa. sva

<sup>1)</sup> [spamadr, A <sup>2)</sup> aptr, A <sup>3)</sup> [mgl. A <sup>4)</sup> [þeim i sinni, A <sup>5)</sup> siðan, A <sup>6)</sup> saal. A; striddv, C <sup>7)</sup> kuik tilf. A <sup>8)</sup> þann, A <sup>9)</sup> sex, A <sup>10)</sup> [snarpasta orrosta, A <sup>11)</sup> [undan komuz, A

409.  
 at af þi tyndvz .xxvii. þvsvndir af flottamonnm. Enn Benadab kon-  
 vngr þeirra flyði i hit styrkazsla herbergi borgarinnar oc byrgði sik  
 þar. Þa gengv hans menn fyrir hann oc sðgðv sva. Herra þat hefir  
 vorit almæli allar stvndir. at konvngar Gyðinga se miðkir ok miskvnn-  
 samir við sina vvini. þegar þeir gefaz vpp oc væila þeim lötning. Nv  
 þa leggim niðr vapn oc villdarklæði. enn skryðvmz herviligvm har-  
 klæðvm oc veðvm var höfvd fatækligvm böndvm. fðrvm sva til fvndar  
 við konvng Jsraels. oc biðvm hann gríða. kann vera at hann gefi oss  
 lif oc limar. ef ver gavngvm a hans valld viliandi.<sup>1</sup> Þeir forv nv með  
 þessu moti til fvndar við Achab. Enn konvngr sat eptir i borginni.  
 Sem þeir fvndv Achab. mællti sa sem grendit bar. Sva segir þinn  
 þræll Benadab. Bið ek þarfliga<sup>2</sup> þina milldi konvngr. at þv gefir mer  
 lif með slikri lavsn sem þv vill a læggia. Achab svarar. Ef hann  
 [lifir enn oc<sup>3</sup> vill vera mer sem broðir. Sendimenn tokv þegar þessi  
 orð. hann vill giarna geraz þinn fostbroðir oc felagi sðgðv þeir.  
 Achab mællti. Farit nv oc latið hann koma a minn fvnd. Nv sem  
 hann kom. setti Achab hann i sina konvngliga kerrv oc sagði sva til  
 hans. Allar þær borgir sem faðir minn vann af þinvm favðvr með  
 hernaði<sup>4</sup> vil ec nv þer aptr gefa skattalavst oc skyllða. oc settv hasæti  
 þins rikiss i Damasco oc efl hana sem faðir minn eðði Samariam.  
 Ok með þessv saltmali oc friði ockar milli man ek aptr hverfa i  
 mitt riki. Benadab toc þessa sætt sem van var. Bvndv þeir þetta  
 svardavgvm oc skilðv at þi. For þa hvarr hæim i sitt riki.

### Her segir af spamanni einum.

331. Þa bað einn maðr kóminn af ætt spamanna. sem hann  
 metti sinvm felága. at hann skyllði sla hann mikit högg. Enn hann  
 villði vist ægi liosta saklavsan sinn vin. Þa mællti hinn. Fyrir þat  
 sama er þv vilðir ægi heyra orð drottins þins sem ek bar fram.  
 far nv brottv fra mer sem skiotaz. þvi at it varga dyr man drepa  
 þik fyrir þessa savk. þat for sva. at þegar sem hann hafði fa fet  
 gengit. kom at honvm leo oc drap hann. Enn er spamaðr fann annan  
 sinn kvningia. bað hann þann sla sik. Hann gerði sva oc særði hann  
 mikit sar. Oc sva særðr rann spamaðr a veginn fyrir Achab. hann  
 bar molid i mvnn ser oc avgv. sva at ægi mætti kenna hann. þvi at  
 [varla var likams litr<sup>5</sup> a honvm oc hans asionv. Hann kallaði a kon-

<sup>1</sup>) Konungr bað þa sva gera tilf. A <sup>2</sup>) miukliga, A <sup>3</sup>) [mgf. A <sup>4</sup>) herskilldi,  
 A <sup>5</sup>) [hvergi saa likams lit, A

vng sva segiandi. Minn herra. veit andsvör minv mali oc orskvrð. Ek þræll þinn for til bardaga með ððrv folki. þar varð einn maðr hertekinn. enn sa sem hann hafði feingit.<sup>1</sup> læiddi hann til min sva segiandi. þenna mann skallt þv varðvæita. oc ef hann setr fra þer. skallt þv lata lifit. ella giallda pvnð silfrs þar fyrir. Nv varð ek hræddr er hermenn sottv mik. oc læitaða ec mer hialpar higat oc þigat. enn þa er ec svipvðvmz<sup>2</sup> vm. þa var hinn hertekni brott.<sup>3</sup> Konvngv svaraði. þenna skalltv þola dom. sem þv sagðir þer settan. Enn iafnskiott þerði [spamaðr im<sup>4</sup> af andliti ser. [Kænndi þa konvngv<sup>5</sup> at hann mvndi vera af spamonnvvm. Hann mællti þa til konvngs. þessa lvti segir drottinn. Fyrir þi at þv gaft þeim frið<sup>6</sup> sem rættliga var davða verðr af þinni hendi. þa attv at lata þitt lif fyrir hans lif oc giallda þinn lyð fyrir hans lyð. oc hefir þv nv sialfvvm þer sett þann dom. sem þv hvððiz mer dōma. Konvngv for heim i Samariam oc [gaf ser ecki vm orð<sup>7</sup> spamannzsins.

#### Fra Achab konungi ok Naboth. capitulum.

332. þessv næst verðr at nefna ginn höfðingia i Samaria er heitir Naboth. Hann var ættaðr af þeirri borg er het Jezrael oc þar bio hann. Naboth atti ginn vingarð mikinn oc goðan rett hia höll<sup>8</sup> konvngs. Achab konvngv bað Naboth gefa ser þenna vingarð. sagði ser vel falla at gera ser þar af alldingarð. er hann var miog sfastr hans herbergivm. enn kvaðz mvndv gefa honvm við annan vingarð. vtan honvm kvæmi þetr lavsafe sva mikil sem maklict veri. Naboth sor vm við gvð. at hann skyllði með engo moti honvm vpp gefa sina frendlæifð oc favðvraf. Achab varð miog reiðr hans andsvörvm. oc feck honvm sva mikils. at hann lagðiz i reckio af oc nævt hvarki svefns ne seðv.<sup>9</sup> Jezabel eiginkona hans for at finna hann oc mællti. Hval [væit hrygð þessi oc harmr er þv þolir.<sup>10</sup> Hann segir henne allt viðrtal þeirra Naboth. oc<sup>11</sup> hann nair eigi vingarðinvvm af honvm. Hon svaraði. þv ert mikils hattar maðr vm marga lvti oc styrir vel riki Jsraels. Nv ris vpp skiott ok giðr þik glaðan [enn avvirðz æigi fyrir þessa skyld.<sup>12</sup> þi at ek skal skiott fanga<sup>13</sup> þer þenna garð.<sup>14</sup> Hon ritar nv bref vndir nafni Achab konvngs oc innsiglar meðr hans fingrgvlli. oc sendir til rikborinna manna oc gēðinga Jezrael borgar.

<sup>1</sup>) fangit, A <sup>2</sup>) saaz, A <sup>3</sup>) i brottu, A <sup>4</sup>) [spamadriinn moid, A <sup>5</sup>) [Kendiz konungr þa vid, A <sup>6</sup>) grid, A <sup>7</sup>) [sinnti ecki ordum, A <sup>8</sup>) hall, A <sup>9</sup>) matar, A <sup>10</sup>) [herr ydr til rygdar, A <sup>11</sup>) saal. ogs. A <sup>12</sup>) [mgl. A <sup>13</sup>) faa, A <sup>14</sup>) vingard, A

A þeim brefvm var sa boðscapr. at þeir skyldi<sup>1</sup> kalla saman alla borgarmenn oc boða föstvm vm alla borgina. oc þa er borgarmenn koma saman [setia Naboth<sup>2</sup> millvm hinna hęstv höfðingia.<sup>3</sup> siðan heimtið til .ii. blotmenn. þa er vitni beri<sup>4</sup> a Naboth davðasavk. oc eptir þeirra vitnissbvrði gripit hann oc grytið til bana. Borgarmenn Jezrael forv með öllum ltvvm sem bref hvðv. at .ii. hinir verstv menn lvgv a Naboth enne daligsto davðasavk. oc þar fyrir drapv þeir hann. Sendv siðan orð Jezabel at Naboth var gryttr til bana. Enn hon geck þegar fyrir Achab oc mællti. Ris nv vpp ok æignaz kavplavst vingarð Naboth. þann er hann villdi ægi selia þer við verði. þi at nv er hann davðr. þegar sem Achab hæyrði þetta. for hann til oc tok með valldi vingarðinn.

A þeirri sömv stvndo mællti drottinn við Helyam spamann sva segiandi. Far þv i Samariam til fvnndar við Achab konvng Jsraels. hann er nv kominn i vingarð Naboth at taka hann með ofriki oc illzkv. Enn þv skallt sva tala til hans. þessa lvti segir drottinn. Nv hefir þv drepit Naboth saklavsan. oc þar a ofan tekr þv [með rangendvm<sup>5</sup> þa æign sem hann hefir att. Helyas for nv oc flvtti fram fyrir Achab þessor orð sem nv vorv tind.<sup>6</sup> Ok enn segir Helyas sva. J þessvm stað segir drottinn sem Naboth var veginn.<sup>7</sup> manv hvndar sleikia þinn davða dreyra. Achab mællti. Þorir enn vvinrinn at asaka mik. Helyas svaraði. Nv hit fyrsta hefi ek fvnndit. at þv hefir þic veðmęlltan<sup>8</sup> at gera allt illt i avgliti drottins. oc því segir hann sialfr sva. at hann man læiða þina illzkv yfir þik oc æyða öllv þinv afkvæmi oc ætt enn gefa avðrvm þinar hallir oc herbyrgi. sva sem hann giðrði við Jeroboam oc Baasa. þi at þv hefir alla vega reitla ræiði drottins i gegn þer með þinvvm illvm verkvm. oc þv hefir marga latið glæpaz Gyðinga i molgiðrvdm við gvð. Enn af Jezabel segir sva drottinn. at hrę hennar manv hvndar slita. þi at hon eggiaði þik a allzhaltar<sup>10</sup> vhfsvr. sva at þv ært verri enn hverr konvngr fyrir þer. þi at þv hefir fyrir hennar ast oc æggian dyrkað berliga bannsett skvrðgoð. þav er gert hafa Amorrei. þeir menn sem drottinn hefir fvllkomliga fra skilið öllu samlagi sinna manna. Sem Achab hafði hæyrt öll þessi orð drottins er Helyas þar fram. reif hann af ser konvngs skrvdann oc skryddiz harclæði oc hrygðarlvnaði. hann fastaði i savrgvm seck oc svaf litit. geck lagliga með ltvv höfði. þa mællti

<sup>1</sup>) skyldu, A <sup>2</sup>) [saal. rettet; segia brefin, C <sup>3</sup>) Fra oc þa er borgarmenn koma — hęstv höfðingia mgl. A <sup>4</sup>) mgl. A <sup>5</sup>) [rangliga, A <sup>6</sup>) greind, A <sup>7</sup>) drepinn, A <sup>8</sup>) vedsettan, A <sup>9</sup>) Her begynder Fragm. XVIa. <sup>10</sup>) allskonar, Frag.

drottinn við Helyam. Hvart ser þv nú hversu Achab lægir sik í minn avgliti. Þar fyrir man ek eigi illzkv læiða yfir hans hys meðan hann lifir. helldr a dagvinn svnar hans. Nu var kyrt<sup>1</sup> at kalla oc fritt<sup>2</sup> .iii. ár milli Syrlandz oc Jsraels lyðs.

### Fra Josaphath konvngi ok Achab konvngi.

333. A þriðia ári frá þeim mikla bardaga sem aðr var getið. er Achab vann Siroz oc gaf grið oc giðrði sætt við konvng þeirra. þá kom Josaphat konvngur af Hiervsaleim til fundar við Achab konvng at hans orðsending. Achab kallar þá saman sína hirð oc svæitarhöfðingia. oc segir sva til þeirra. Vita manv þer. at borg sv er<sup>3</sup> heitir Ramoth Galaath er at réttv vár eign oc ríki. þó at ver hafim nú nokkura hrið vanrækt oc ægi gæynt at taka hana af Syrlandz<sup>4</sup> konvngi. Nu vil ec vita af þer Josaphat konvngur. hvart þv vill þessa ferð fara með mér at vinna aðrir borgina. Josaphat konvngur svaraði. Vælt þv [þat. at sva er fastleikinn með okkr friðr oc felagskapr.<sup>5</sup> at sva er sem einn maðr se ec oc þv. sva minir sveitvngar ero þínir oc [þínir minir menn.<sup>6</sup> Enn þó vil ek biðia. at þv lætir til drottins oc vitir hans vilia her um. fyrr enn þv [raðir til þessar ferðar.<sup>7</sup> Achab lét þá saman samna spamonnum sínum. þat vorv .cccc. Hann mælti til þeirra. Hvat segi þer til. hvart ec skal fara æða ægi at beriað<sup>8</sup> a borg Ramoth.<sup>9</sup> Þeir svaraðv. Sannliga skalltv fara. þi at þessa borg man drottinn gefa í þitt valld. þá mælti Josaphat konvngur. Engi af þessum monnum er sannsögull. sva at ver [megim enn visir verða<sup>10</sup> drottins vilia her um. þvi at þessir [menn þíona ecki<sup>11</sup> gvði. Achab mælti. Eptir er enn<sup>12</sup> einn af spamonnum. sa er [ma vel<sup>13</sup> segia sannan gvðs vilia. enn þó hefi ec hann halað. þvi at hann spar mér iafnan illt enn allðri gott. þessi spamaðr heitir Micheas.<sup>14</sup> Josaphat svaraði. Eigi skallt þv illa [til hans<sup>15</sup> tala. þi at hann er enn bezsti maðr. Achab kallaði þá til sín einn gellding oc bað hann sekia sem skiotaz Micheam spaman. Konvngar satv nú í einum grasgarði klæddir konvngs skrvða. a sínum stoli hvarr þeirra. Oc þar stoð<sup>16</sup> hia þeim þessi svæit spamanna sem aðr var<sup>17</sup> sagt oc ravcktv fram sín visendi. Einn af þeim

<sup>1</sup>) Her ender Fragm. XVIa. <sup>2</sup>) friðr, A <sup>3</sup>) tilf. A <sup>4</sup>) Her beg. Fragm. XVIb.

<sup>5</sup>) [at okkr. vinatta er sva sambundin, A <sup>6</sup>) [[minir menn þínir, A

<sup>7</sup>) [farir í þessa ferð, A <sup>8</sup>) Her begynder atter B. <sup>9</sup>) Galaath. tilf. B

<sup>10</sup>) [seem enn visir vorðner, B; megim enn vita vísan, A <sup>11</sup>) [manv ekki þíona, B

<sup>12</sup>) mgl. de ðor. <sup>13</sup>) vel ma, B; ma, A <sup>14</sup>) sun Hemila

tilf. B; með Ordet sun ender Fragm. XVIb. <sup>15</sup>) [við hann, B <sup>16</sup>) mgl. B

<sup>17</sup>) frá tilf. B

412.

het Sedechias.<sup>1</sup> hann giðrði ser [sva sem eitt horn af iarni<sup>2</sup> oc mællti siðan. Þessa lvti segir drottinn. Með þessvm hornvm mant þv Achab [af stanga<sup>3</sup> Syriam. þar til er þv hefir alæyt. oc slikt hit<sup>4</sup> sama spaðv<sup>5</sup> allir spamenn oc baðv Achab fara þessa ferð oc sðgðv goða mvndo verða. oc drottinn myndi gefa i hans vald borgina.

Nv kom sendimaðr konvngs til [fvnnar við Micheam spamann<sup>6</sup> sva segiandi. Achab konvngr bað þik koma a sinn fvnd. þar ero komnir allir spamenn oc segia honvm allir sem einn fyrir farsæliga lvti vm sina herfðr. Nv verð<sup>7</sup> þv þeim samþyckr i þinvu orðvm oc væit honvm gott formæli. Micheas mællti. þat væit lifandi gvð. at ek skal þat tala sem drottinn byðr mer. Oc þegar sem hann kom fyrir Achab konvng. mællti konvngr til hans. Micheas. hvat segir þv til. hvart ver skolvm fara at stríða a borg Ramoth gða sitia vm kyrt. Hann svaraði. Vist skalt þv fara. þi at þv mant sækia farsellíkt grendi. sva at drottinn man<sup>8</sup> gefa þat ríki i konvngs valld. Konvngr spvrdi þa i annat sinn. oc sagði hann allt hit sama. Ok hit þriðia sinn segir konvngr til hans. Ek særi þik i drottins nafni. at þv segir mer æigi annat enn satt er. þa mællti Micheas. þat segi<sup>9</sup> ek satt. at ek sa allan Jsraels lyð dræifaz vm fioll sem savði hirðisslavsa. oc sva mællti drottinn. Þessir hafa engan herligan hðfðingia. fyrir því snvi<sup>10</sup> hverr til sins heima i friði. þa mællti Achab við Josaphat konvng. Hvart ferr nv [æigi sva<sup>11</sup> sem ec sagða þer. at æigi mvndi<sup>12</sup> hann mer nv gott spa heldr enn fyrr. Micheas mællti enn. Ek ætla nv þat sannaz. at æigi þvrfi at hlifazt við at segia hvat ec hefi seðt.<sup>13</sup> Ek sa gvð drottin sitia yfir sitt<sup>14</sup> tignarsæti oc allan himneskan her standa a tver hendr honvm. þa mællti drottinn.<sup>15</sup> Hverr skal svikia Achab konvng Jsraels. sva at hann fari til bardaga oc falli i Ramoth. þa geck fyrir drottin ginn andi sva segiandi. Ek man svikia hann með því moti at villa synir fyrir hans spamonnavm oc kasta lygiorðvm i mvnn ðllvm þeim. Drottinn mællti. þv mant hann [mega vel<sup>16</sup> vcla. far nv oc gior sva. Se nv segir Micheas. hversu gvð hefir gefit lygianda i mvnn allra spamianna þinna. þeirra sem her ero nv. enn drottinn byðr slik mein i mot þer. þa geck at sa maðr sem aðr var nefndr Sedechias. hann slo Micheam mikinn pvstr a kinn oc mællti. Hefir mik þa fyrirlatið andi drottins oc sagt þer sannendi. Micheas svarar. þat

<sup>1</sup>) son Chanaan tilf. B <sup>2</sup>) [af iarni vexit sem eitt horn, A <sup>3</sup>) [stanga, A; af ma, B <sup>4</sup>) Her beg. Fragm. XVlc. <sup>5</sup>) sðgdu, A <sup>6</sup>) [Micheam spamannaz, B, A <sup>7</sup>) uert, B; ver, A <sup>8</sup>) tilf. de ðor. <sup>9</sup>) Her ender Fragm. XVlc. <sup>10</sup>) fari, A <sup>11</sup>) [at því, A <sup>12</sup>) myndi, B <sup>13</sup>) sieð, B <sup>14</sup>) sinu, B <sup>15</sup>) Her beg. Fragm. XVld. <sup>16</sup>) [vel mega, B.

412.

mant þv sia a þeima degi. er þv ferr at selazt fyrir hrøðzlo sakir i læyndarkofa þins herbyrgiss. Konvngr Achab bað sina menn taka Micheam oc fera .ii. borgarhððingivm. hēt annarr Amos einn<sup>1</sup> hinn rikasti maðr borgarinnar enn annarr Joas.<sup>2</sup> Konvngr bavð sva sendimonnyvm. at þessir hððingiar skyldv<sup>3</sup> halda Micheam miskvnnarlavst i harðri myrkvastofv. sva<sup>4</sup> at bæði angri hann hvngv oc þorsti. þar til er ek kem aptr sagði<sup>5</sup> hann með friði oc sagnaði or þessi herfor. Micheas mællti. Hæyri þer allir lyðir oc skilit sva min orð. Ef þv Achab kemr heill aptr. þa talar alldri drottinn fyrir minn mvnn.

Nv forv [konvngar baðir<sup>6</sup> þar til er þeir komv i Ramoth.<sup>7</sup> þar var fyrir konvngv Syrie með [allmikinn viðrbvnað oc vagnalið mart.<sup>8</sup> þa mællti Achab við Josaphat konvng. Tak þv vapn þin oc konvngligan herskrvða ok gack i bardagann. Enn Achab skipti bvnngi oc torkendi sik. er hann geck til orrostlo. Enn aðr orrostan<sup>9</sup> hofzlk.<sup>10</sup> talaði Syrlandz konvngv til sinna hððingia þeirra er vðgvnyvm styrðv. þat vorv .ii. menn oc .xxx. Gefi þer segir hann alldri gavm at nðckorom manni ððrvv helldr<sup>11</sup> enn konvngi Jsraels. Kostgefið með ðllo kappi hann at fanga. Þvi næst lavst saman liðino með miklo opi oc eggian i hvarntveggia flock. Josaphat konvngv var avðkendr fra ðllvm Gyðinga<sup>12</sup> lyð sakir agætz bvnaðar. Þi ætlvðv hæiðingiar<sup>13</sup> hann konvng Jsraels. var þar þa æinna<sup>14</sup> mest atsoknin oc akafazstr barduginn sem hann var. Kallaði þa Josaphat hatt oc eggiaði sina menn oc bardizt sialfr alldiarfliga. Enn er vagnameistarar heiðingia<sup>15</sup> hæyrðv kall hans oc kendo at hann var ecki Achab konvngv. þa linvðv þeir þar<sup>16</sup> atsokninne. enn þo vissi engi þeirra hvar Achab konvngv Jsraels var i orrostvnnne. Enn þo sendi einn af Syriss avr af lasboga i lið Gyðinga oc þo ovitandi a hvern hann stefndi. Enn þessi ðr nam staðar a kviði konvngs Jsrael ok rendi vpp i lvngv. Achab stoð i kerro vm daginn oc bardiz allfræknliga. Hann mællti þa til þess mannz er styrði kerrvnni. Tak til hendi þinni oc vik mer fra bardaganvm. Þi at ek hefi fengit [hættlikt sar miog harðla.<sup>17</sup> Bardaginn helldzt<sup>18</sup> hinn harðazsti. Ok enn stoð Achab konvngv i kerrv sinni oc lifði miog sva til aptans. enn bloð flavt vm alla kerrvna or sari konvngs. Enn aðr sol settiz þann sama dag rann kallari vm allan herinn sva segiandi. Sæki nv hverr sem einn heim i sina borg

<sup>1</sup>) mgl. B, Frag. <sup>2</sup>) sun Amalech tilf. B, Frag. <sup>3</sup>) skolo, B, Frag.; skyldi, A

<sup>4</sup>) Her ender Fragm. XVID. <sup>5</sup>) segir, B <sup>6</sup>) [konungarnar, B <sup>7</sup>) Galaath tilf. B <sup>8</sup>) [allmicklum viðrbunadi ok morgu vagnalið; B <sup>9</sup>) bardagi, B

<sup>10</sup>) hofz, B, A <sup>11</sup>) mgl. B <sup>12</sup>) Jsrael, B <sup>13</sup>) hððingiar, B; gyðingar(!), A

<sup>14</sup>) mgl. A <sup>15</sup>) mgl. B <sup>16</sup>) mgl. A <sup>17</sup>) [harðla hættlikt saar, B; miok hættlikt saar, A <sup>18</sup>) var, A



oc a oðalsiorð. þi at fallinn er konvngr Jsraels. Gyðingar flvttv Achab i Samariam oc grofv hann þar. Enn þeir hræinsoðv bloð hans af kerrvnni oc annars staðar þar sem a hafði komit við gina tiorn gða stoðvratn þar i Samaria. nær því sem Naboth var gryttr. oc sleikt<sup>1</sup> hvndar hans bloð. sem drottinn hafði talat fyrir spamann sinn.

Mart giðrði Achab. þat er her grëinir æigi. i borga smið enn bravt niðr svmar. sva þat at hann giðrði hvs af fílsbëini. Achab atti mæirr en .lxx. svna. oc ero .ii. nefndir. Ochozias annarr. er riki tok eptir feðr sinn yfir Jsrael. enn annarr Joram. Ochozias tok konvngdom a .xvii.<sup>da</sup> ari rikiss Josaphat konvngs. Ochozias rikti .ii. ar yfir Jsrael. Hann for feril feðr sins oc moðvr vm alla illzkv oc vsiðv. þi at hann blotaði Baal sem faðir hans oc trvði a hann enn niddiz a gvði drottlni sinvm.

Josaphat konvngr styrði vel oc fagrliga sinv riki. Hann var halffertogr er hann tok konvngdom eftir Asa seðr sinn oc rikti i Hiervsaleml yfir Jvda [halfan þriðia tðg<sup>2</sup> ara. Var þa længstm goðr friðr i hans riki. þi at hann hellt iafnan sætt oc frið við konvng Jsraels. Josaphat konvngr lét gera mðrg skip oc bio til siglingar i þat riki er hæitir Opphyr.<sup>3</sup> at flytia þaðan gvll oc aðrar gersimar. Enn þeir er með skipin forv komv æigi fram ferðinni. þi at þeir brvtv skipin þar sem hæitir Asiongber.<sup>4</sup> þa bavð Ochozias honvm.<sup>5</sup> at [þeir myndi bæta oc fa til menn baðir samt at hallda.<sup>6</sup> enn Josaphat villdi þat æigi.<sup>7</sup>

#### Fra sigri Josaphat ok heiðingiar drapvz.<sup>8</sup>

334. A dagvum Josaphat konvngs droz saman vflyiandi<sup>9</sup> herr at striða a Jvda oc Hiervsaleml. þat vorv þer þioðir er heita Moabite oc Ammonite. þessi hersaga flvttiz konvngi æigi fyrr enn hæiðingiar vorv komnir i hans riki. Josaphat konvngr kallaði þa sem iamsfan a gvð drottin. Drottinn hæyrði kall hans oc sendi sinn anda yfir þann mann er hæt Hiazael. Hann geck fyrir konvng oc mællti hatt. Hæyrið Jvda oc Hiervsaleml. Hirðit ecki at ottaz. A morgin<sup>10</sup> manv þer vt ganga a mot heiðingivm oc mvn drottinn vera með yðr. A næsta degi eptir kom heiðingiaherrinn at Hiervsaleml. Enn Josaphat konvngr geck þegar a moti með sitt lið þo at litid veri oc ræð til orrosto. Ok

<sup>1</sup>) þa tilf. A <sup>2</sup>) [xxv., A <sup>3</sup>) Epir, B <sup>4</sup>) Asyongaber, B; Asiongabær, A  
<sup>5</sup>) Josaphat, B <sup>6</sup>) skipunum tilf. B <sup>7</sup>) [lata bða. oc helldi þeir baðir  
samt. Enn Josaphat villdi þat æigi, A <sup>8</sup>) Er Josaphat konungr barð-  
iz, A <sup>9</sup>) vtolvligr, B <sup>10</sup>) mergin, B

413.

meðan bardaginn var. skipaði konvng<sup>1</sup> kennimannum til<sup>2</sup> at syngja lof gvði [hatt með sðgrvm hliðvm við þessor orð.<sup>3</sup> Conſitemini domino. quoniam bonvs. quoniam in eternum misericordia eius. þat segir<sup>4</sup> sva. Jali þer drottnei. þi at hann er goðr. [þi at eglifiſiga man halldaz miskvnn hans.<sup>5</sup> Enn hæiðingvm bra sva við. er þeir heyrðv þenna ſavng. at þeir barvz vapn á oc drapvz niðr ſialfr. oc gaf gvð drottinn konvngi Joſaphat ſagran ſigr a þæim degi.<sup>6</sup>

### Fra hinum agieta Helya ſpamanni.

335. Þa er hinn illi konvng<sup>7</sup> Ochozias hafði rikt i Samaria ægi<sup>7</sup> fvl .ii. ar. varð sa atbvrðr. at hann ſiell harðla hatt ofan vm loptſvalir nockvrar oc mæiddiz. Var hann<sup>8</sup> þa inn horinn i ſeng ſina. Hann liet kalla til ſin nðckvra<sup>9</sup> ſina þionostomenn oc ſegir sva til þeirra. Þer ſkolot fara i borg þa er heitir Accaron oc ganga til frettar við gvð þeirrar borgar er heitir Beelzebvb. hvart ek man liſna oc verða hæill maðr<sup>10</sup> mæizla þessa.<sup>11</sup> A þeirri ſavmo ſtvndo vittraðiz engill drottins Helye ſpamanni sva ſegiandi. Riſ vpp oc gack fram a veginn fyrir ſendi-menn Ochozie konvngs af Samaria oc tala sva til þeirra. Hvart er nv ægi gvð til með Jsrael. er þer [ſarit til at ganga<sup>12</sup> til frettar<sup>13</sup> við Beelzebvb ſkvrðgoð Accharons borgar. Fyrir þa ſkylld ſegir drottinn man konvng<sup>7</sup> ægi riſa or þessi reckiv hæill. Helyas ſor til ſendimanna oc ſagði þeim ðll þessi orð. Hvrſv þeir aptr þa til konvngs. Hann mællti. Hvi ero þer sva ſkiott aptr horſnir.<sup>14</sup> Maðr rann i mot oss ſqgðv þeir oc bað oss aptr snva. ſagði hann þat drottins orð ok atkvæði. at þv ſkylldir deya enn riſa ægi or þessi reckiv fyrir þat sama er þv ſendir til frettar<sup>15</sup> við Beelzebvb. ſem ægi veri gvð með Gyðingvm. oc villdir þv ecki annza drottnei. þa mællti konvng<sup>7</sup>. Hverſo var sa maðr i hatt er yðr bavð þetta grendi. Þeir ſvaraðv. Hann var maðr<sup>16</sup> loðinn vm andlit oc gyrðr vm lendar með albellti.<sup>17</sup> Konvng<sup>7</sup> ſagði. Sva ſegi þer fra manni. at þar man vera<sup>18</sup> Helyas Theſbites. Konvng<sup>7</sup> kallaði til ſin einn riddarahðſðingia. oc mællti til hans. Þv ſkallt fara með .i. riddara þeirra er þer þiona oc læiða Helyam til min.

<sup>1</sup>) Joſaphat, B <sup>2</sup>) mgl. B <sup>3</sup>) [með þeſum orðum ok haari rauſt, B <sup>4</sup>) þyðiz, A <sup>5</sup>) [ok hans miſkun man halldaz aan enda, B <sup>6</sup>) ok at lyktum flýðu heiðingar i ſitt riki tilf. B <sup>7</sup>) varla, A <sup>8</sup>) tilf. B, A <sup>9</sup>) mgl. B <sup>10</sup>) mgl. B <sup>11</sup>) eðr ælgi tilf. A <sup>12</sup>) [gangit nv, B <sup>13</sup>) fretta, B <sup>14</sup>) komner, B, A <sup>15</sup>) fretta, B <sup>16</sup>) mgl. B <sup>17</sup>) aalbellti, B <sup>18</sup>) veriſ hafa, B

Hann for með sína sveit og fann Helyam á fiallzhæð gínne. hann gekk fyrir Helyam og mælti. Hæyr guds maðr. konvngur byðr þer á sinn fnd. Helyas svaraði. Ef ek em guds maðr. þá komi eldr af himni og brenni þik og þína felaga .i. manna. Þá kom þegar eldr af himni og brendi þá alla at öskv. Konvngur sendi til hans annan höfðingia með .i. manna. Hann fann Helyam sitia í sama stað. og mælti. Guds maðr. konvngur bað þik sem skiotaz koma á sinn fnd. Helyas svarar. Ef ek em guds maðr sem þú segir. þá komi eldr af himni og brenni þik ok svelgi og alla þína svæitvnga. Þat for þegar sva<sup>1</sup> sem hann talaði. Konvngur sendi hinn þriðia höfðingia<sup>2</sup> með .i. riddara.<sup>3</sup> Hann fann Helyam.<sup>4</sup> fiell á kne fyrir hann fram [segiandi sitt grenndi með þesshattar þegarorðum heldr enn boðskap konvngs.<sup>5</sup> Heyrðu hinn goði<sup>6</sup> maðr. hirð ægi at fyrirlita<sup>7</sup> líf mitt ok sal og þinna þionostvmanna. þeir<sup>8</sup> sem með mér ero. Sæ. nú hefir eldr af himni brenda þessa .ii. höfðingia er fyrr komv. og .c. manna með þeim. en nú bið ek þic. at þú miskvnnir minv líf og minna manna. Þá mælti engill drottins við Helyam. Far þú<sup>9</sup> með honum og ottaz ecki. Helyas stoð vpp og for með honum á fnd konvngs og talaði sva til hans. Sva segir drottinn. at fyrir þat er þú sendir í Accharon at fretta eptir bolvaðan Beelzebub um þinn vanmatt. sva sem ægi veri<sup>10</sup> gvd<sup>11</sup> í<sup>11</sup> Jsrael. sa er þer mælti sannendi birta. þá skaltv hvarki sinna líf né heilso og ægi or þessi reckiv risa. heldr mant þú fyrirfaraz í daligan dæða. Litlu síðarr do hann eptir orðum drottins. sem Helyas hafði fyrir sagt. Enn þi at Ochozias atti óngan son eptir. þá tok ríki yfir Jsrael Joram bróðir hans.

#### Fra uppnumning Helye.<sup>12</sup>

336. Nú nalgast sa tími er drottinn villdi Helyam vpp nema af iorðvnni í þann stað er hann hefir hvgat að varðvæita hann með ónd og líkam lífanda til enda veraldar. þi at vtan ef ero þat sannyndi. estir þi sem almattigr gvd hefir synt og fyrir sagt Joni postola og enn flæirvum helgvum monnum. at Helyas skal aptr koma í þenna heim á dægvum Anticristi og annarr maðr Enoch.<sup>13</sup> er þó var enn<sup>14</sup> miclv fyrr vppnuminn frá monnum á fyrsta heimsalldri. Skolv þessir .ii. guds kappar ganga í mot Anticristo og predica opinberliga guds

<sup>1)</sup> framm tilf. B <sup>2)</sup> riddara, B <sup>3)</sup> sveina, B <sup>4)</sup> ok tilf. B <sup>5)</sup> [með þegarorðum sva segiandi, B <sup>6)</sup> guds tilf. A <sup>7)</sup> fyrirlata, A <sup>8)</sup> þeirra, B, A <sup>9)</sup> nú tilf. B <sup>10)</sup> til tilf. B <sup>11)</sup> mgl. B; með A <sup>12)</sup> Er Helias spamaðr var vppnumenn, A <sup>13)</sup> mgl. B <sup>14)</sup> mgl. B

gryndi<sup>1</sup> oc af honvm<sup>2</sup> vera pindir oc þola likams dæða fyrir gvðs sakir. Enn þat væit sialfr lifandi gvð. hvar gða hversu hann varðvæitir þa þar til. enn þat er visvitað<sup>3</sup> at æigi dæyia þeir fyrr enn þa.

Nv forv þeir Helyas oc Helysevs tveir samt af Galgalis. þa mællti Helyas við Helysevm. Sittv her eptir. enn ec man fara sem drottinn hefir sent mik allt til Bethel. Helysevs svaraði. Þi skyt ek til gvðs lifanda. at sialfviliandi man ek æigi þik fyrirlata. Ok sem þeir forv ofan or<sup>4</sup> fiallzhliðinni til borgar Bethel. gengv vt af borginni i mot þeim spamanna synir þeir sem þar vorv. þeir snero allir at Helyseo sva segiandi. Hvart væitzv. at drottinn man a þessvm degi þinn herra fra þer taka. Hann svaraði. Vist væit ek. verit hliodir. þa mællti Helyas við Helysevm. Vert<sup>5</sup> þv nv her eptir. þvi at drottinn hefir mik sent i Hiericho. Hann svaraði. Þess sver ek fyrir gvð lifanda oc fyrir sal þina. at þik fyrirlæt ek enn æigi. þa er þeir komv til<sup>6</sup> Hiericho. gengv vt spamenn. þeir sem þar vorv. oc mælltv við Helysevm. Hvart væitzv. at a þeima degi ællar drottinn fra þer at nema<sup>7</sup> þinn mæistara. Hann svaraði. þat væit ek giðrla. latið hliott. Helyas mællti enn til hans. Sit þv nv<sup>8</sup> her eptir. þi at drottinn sendir mik fram til Jordanar. Helysevs svaraði. þat veit lifandi gvð. at þer skal ek fylgia meðan ec ma raða. þeir forv enn .ii. samt. Enn .i. af spamanna sonvm forv eftir nockrvr. siðarr oc namv stað langt fra<sup>9</sup> þeim. þa er þeir komv til Jordanar. tok Helyas mavttvl sinn oc vasði saman oc lavst með ana. enn valnit skiptiz þegar i tva staði. oc forv þeir baðir samt þvrrvm fotvm yfir. Nv sem þeir gengv fram fra ainni.<sup>10</sup> þa mællti Helyas. Nv skalltv biðia mik þess er þv vill. aðr ek se fra þer tekinn. Helysevs svaraði. þess bið ek þa. at þinn audi tvefalldiz<sup>11</sup> i mer. Helyas mællti. þess hefir þv beðit sem æigi er avðvellit at væita. enn þo allt at cinv. ef þv ser mik þa er ec em nvminn fra þer. þa man sva verða sem þv beiddir. enn ella æigi. Enn sem þeir gengv oc talvðvz við. þa komv elldligir hestar fyrir þa af himni. oc skilði sva með þeim. at Helias settiz i kerrvna oc hofz vpp til himins sva sem með vindzbyl. Helysevs sa þetta fvlgiðrla. hann kallaði eptir honvm með miklvm hryggglæik sva segiandi. Faðir minn. faðir minn. kerra Jsraels oc stionarmaðr hennar. Nv fal syn með þeim. oc sa hann æigi Helyam siðan. Helysevs þræif þa klæði sitt oc ræif i svndr i tvav. Hann tok þa mðttvl Helye. er hann hafði kastat til hans þa er

<sup>1</sup>) erendi, B; ðrindi, A <sup>2</sup>) þeim, B <sup>3</sup>) saal. ogs. A; vist uitat, B <sup>4</sup>) af, B

<sup>5</sup>) saal. ogs. A; ver, B <sup>6</sup>) i, A <sup>7</sup>) taka, B <sup>8</sup>) mgl. A <sup>9</sup>) i fra, A

<sup>10</sup>) aanni, B; anni, A <sup>11</sup>) tvifalldiz, B, A

hann var vppnvminn. oc hvarf nv aptr til Jordanar oc nam staðar a backanvm. Hann lavst vatnit með mðtlinvm oc skipadiz ecki við. þa lavst hann i annað sinn oc mællti. Hvar ert þv nv gvð Helye. þa brast i svndr vatn<sup>1</sup> arinnar. sva at stoð vpp fra honom oc ofan. enn Helysevs geck þvrrvm solvm fram i milli. Enn er þetta sa spammanna synir af Hiericho. þa mællto þeir með ser. Sannliga hviliz andi Helye yfir Helyseo. Gengv þeir þa mot honvm oc fello<sup>2</sup> allir fram oc lvtv honvm. [þeir sðgvðv sva til hans.<sup>3</sup> Her með oss þrælvvm þinvvm ero .i.<sup>4</sup> hравstra dręingia. þeirra sem vel ero til fallnir at læita þins mæistara vm fiðll oc dali. ef andi drottins sem verða kann hafl<sup>5</sup> sett hann niðr i einshveriom<sup>6</sup> stað. Hann svaraði. Ecki skolvtt þer senda til þess. þeir tðlvðv<sup>7</sup> vm<sup>8</sup> fyrir honvm þar til er hann bað þa senda oc læita hans ef þeir villdi. Sem .i.<sup>9</sup> manna hðsfðv leitað hans .iii. daga oc fvnndv<sup>10</sup> eigi. hvrfv þeir astr til fvnndar við Helysevm. þi at hann dvalðiz<sup>11</sup> i Hiericho. Hann mællti þa. Sagða ek yðr æigi at ecki myndi gera at læita Helye.<sup>12</sup>

Litlo siðarr gengv fyrir Helysevm borgarmenn Hiericho sva segiandi. Þessi borg er hin bezta ibvðar fyrir allra lvtu sakir. sem þv mælt nv sialfr sia herra. vtan þat at her ero vavtn verri enn hvar<sup>13</sup> annarstaðar oc iorð vfrjó. Hann bað þa fera ser sallt i nyio keru. for hann þa til vppsprettv þeirrar sem vðtnin fiello or. Hann steypiti þar i salltino<sup>14</sup> sva segiandi. Þessa lvti segir drottinn. Nv geri ek heilsamlig þessi vðtn. sva at i þeim skal hvarki vera siðan davði ne vfrialeikr.<sup>15</sup> Oc ero þav vðtn æ siðan hræin oc hæilend<sup>16</sup> allt til þessa dags. [eptir þi<sup>17</sup> sem drottinn mællti fyrir invnn Helysei. Af Hiericho for Helyseus til borgar Bethel. Enn er hann geck vpp eptir veginvm til borgarinnar. komv vt af borginni margir svęinar. þeir vorv glęznmiklir oc gavbbvðv hann sva segiandi. Stig vpp skalli. stig vpp skalli. Hann læit við þeim oc bðlvaði þeim i nafni drottins. komv þa .ii. birnir af skogi oc drapv [af svæinvnm<sup>18</sup> .ii.<sup>19</sup> hins fimta tigar. For hann þaðan a fiall Carmel<sup>20</sup> oc siðan astr i Samariam.

Joram giorr konvngv yfer Jsraels lyð.<sup>21</sup>

337. A attianda ari rikiss Josaphat konvngs Juda tok riki i

<sup>1)</sup> vatnit, B <sup>2)</sup> falla, B <sup>3)</sup> [sva segiandi, B <sup>4)</sup> .v. tiger, B <sup>5)</sup> heflr, A <sup>6)</sup> einhuerium, B; einshuerium leyndum, A <sup>7)</sup> toldu, A <sup>8)</sup> mgl. B <sup>9)</sup> .v. tiger, B <sup>10)</sup> hann tilf. B, A <sup>11)</sup> medan tilf. A <sup>12)</sup> hans, A <sup>13)</sup> mgl. B, A <sup>14)</sup> vatninu, A <sup>15)</sup> vfrioleikr, B, A <sup>16)</sup> heilsqm, B; heilind, A <sup>17)</sup> [mgl. B <sup>18)</sup> [svæinana, A <sup>19)</sup> tva, B <sup>20)</sup> Carmeli, B <sup>21)</sup> Fra Josaphat konungi ok Joram, A

Samaria oc konvngdom yfir Jsrael Joram svn Achabs konvngs. oc ríktli<sup>1</sup> .xi.<sup>2</sup> ar. Hann gerði mart illt i avgliti drottins. en þó æigi sva sem faðir hans oc móðir Jezabel. þi at hann brávt niðr skvörðoð Baal þav<sup>3</sup> er faðir hans hafði gera latið. enn þó geck hann fram epter synðsamligv dðmi Jeroboam svnar Nabath gða annarra eigi betri.

### Fra vsigri Moabitis.

338. Konvngur er nefndr Mesa<sup>4</sup> hann rðð fyrir ríki Moab. Hann var æigi sva viðlendr sem<sup>5</sup> ríkr at kvíkfe. Hann var lýðskylldr konvngi Jsraels. sva at hann gréiddi honvm i<sup>6</sup> skatt a hverio ari .c. þvsvnda lamba oc .c. þvsvnda gamalla hrvla meðr ræyfv. Enn nv sem Achab var konvngur. [brvggar hann<sup>7</sup> ok brytr allt saltmal oc gelldr Gyðingvm engan skatt. Þetta líkar illa Joram konvngi. Hann sendir boð vm allt sitt ríki oc heimtir saman allan Jsraels lýð. Hann sendir oc orð Josaphat konvngi i Hierusalem. at hann komi til fvltings<sup>8</sup> við hann at beriazt við Moabitas. er sannir vorv at svíkv oc landraðvm við hann. Josaphat konvngur kvað<sup>9</sup> þat skyllt.<sup>10</sup> sagði<sup>11</sup> at þeim skyllði sameiginnt allr hans afli. þegnar oc þrælar. hestar<sup>12</sup> oc herklæði.

Lyptir nv Joram sinvm her af Samaria. oc finnaz þeir Josaphat við gyðimðrk Jdvmeo sem þeir höfðv akveðit. þar kom til motz við þa konvngur af Edom. þeir flvttv herinn .vii. daga i samt vm eyðimðrk. oc nv kom sva at þeir fengv æigi vatn. hvarki ser at drecka ne fara-skiotvm<sup>13</sup> sinvm gða<sup>14</sup> fenaði er þeir flvttv með ser. þa tok Joram illa at þola. hann væinaði miog oc mællti sva. Ho. ho. ho. Seet<sup>15</sup> þer nv at gvð hefir [til þess oss<sup>16</sup> saman hçimt þria konvnga. at hann gefi oss i hendr hçiðingvm Moab. Josaphat konvngur svarar. Ecki man sva fara. gða er her engi spamaðr drottins. sva at ver megim fyrir þess goðleic flytia fram milldar bðnr oc bliða<sup>17</sup> sva varn drottin. Einn af [monnvm Joram<sup>18</sup> svaraði. Her er i fðr varri Helysevs er verit hefir þionn Helye hins agæta spamannz. þa mællti Josaphat. Vist er<sup>19</sup> gvðs orð með þeim goða manni. Gengv þeir þa .iii. konvngar til tals við Helyseum. Hann mællti við Joram konvng þegar hann sa hann. Hvat villtv hinn vandi hingat. hvat [skylldar mer<sup>20</sup> við þik. far þv til spa-

<sup>1</sup>) hann tilf. B, A    <sup>2</sup>) .xii., B    <sup>3</sup>) mgl. B    <sup>4</sup>) Mesa, B    <sup>5</sup>) hann var tilf. A  
<sup>6</sup>) mgl. B    <sup>7</sup>) saal. ogs. A; feller hann niðr, B    <sup>8</sup>) lide, A    <sup>9</sup>) sagði, B  
<sup>10</sup>) vera tilf. B    <sup>11</sup>) ok mællti, B    <sup>12</sup>) ok huskarlar. vapn tilf. A    <sup>13</sup>) fararskiotum, B, A    <sup>14</sup>) ne, B    <sup>15</sup>) Stai, B; Seait, A    <sup>16</sup>) [oss til þessa, B; oss nu til þess, A    <sup>17</sup>) bliðka, B, A    <sup>18</sup>) [þrælum Jsrael konungs, B  
<sup>19</sup>) erv, B    <sup>20</sup>) [skylldums ek, B; skylldar mik, A

mannanna fávör þins oc móðvr. Joram svaraði. Til hvers hefir drottinn heimt oss saman .iii. konvnga at selia oss i valld Moabitis. Helyseus svaraði. Þat væit drottinn allz heriar. i þess avgliti stend ek nv. þætti æigi Josaphat konvngi [vsqmð i gða ser i meín<sup>1</sup> gert. at þer skyllda ek alldri [segia þat er þer veri gagn i.<sup>2</sup> oc þi siðr at þik skyllda ek alldri sia fyrir min bæði<sup>3</sup> avgv. Enn nv sakir þess<sup>4</sup> gða konvngs kallit til min þann mann er vel læiki psallterivm. Nv sem<sup>5</sup> þessi maðr tok at læika. kom yfir hann andi drottins oc mælli hann. Sva segir drottinn. Grafi þer þenna [ár farveg<sup>6</sup> sem her er nv þvrr. þi at æigi munnv þer sia vind gða vætv segir drottinn. oc man þo vatn dýnia vm farveg þenna. sva at fylli lægðir allar oc grafar. megi þer þa drecka.<sup>7</sup> herra yðarr oc hestar. Enn er þetta æigi mikit [i avgliti<sup>8</sup> drottins. þi at her eftir man gvð gefa riki Moab i yðvart valld. sva at þer manvð vinna vigskgrðar borgir oc hvern styrkan kastala oc valit<sup>9</sup> vigi. Þær manvð vpp briota hvern lynd blomgaðan oc byrgia brvnnna gða vppsprettv allra vatna. ok hvern agætan akr grioti hylia sva at æigi megi siðan sia. Þetta for sva at arla vm morgininn dvndv vavtn. sva at drivgvn flavt avll iorð af.

Nv er þar til at taka at Moabite fretta at konvngar draga her a hendr þeim. Stefna þeir þa saman þegn oc þrel hvern þann mann er vapnvm matti vallda. kom þar saman þeirra herra sem mætiz<sup>10</sup> riki þeirra oc Gyðinga. Þat var snimma vm morgininn er Moabite vorv klæddir. at vavtn fliv vm alla vðllo. þa rann sol vpp oc skæin i vavtnin. oc syndvz<sup>11</sup> þeim miog ravð vavtnin. er þeir attv at sia [i mot<sup>12</sup> morginskininv.<sup>13</sup> þeir mælltv þa sin a milli. Þetta [er ecki vðtn<sup>14</sup> helldr bloð er her rennr.<sup>15</sup> Nv manv konvngar þessir hafa bariz oc drepiz niðr. oc ær þetta þeirra sara lavgr<sup>16</sup> er her rennr<sup>17</sup> [vm vðllvna.<sup>18</sup> fyrir þi fðrvn nv til valsins oc til herbvða þeirra oc iðkv m þar herfang. Moabite forv þa til herbvða Gyðinga. oc var<sup>19</sup> þar ððrvviss enn þeir hvðv.<sup>20</sup> attv þeir helldr vapnvm at mæta enn val at rena. þi at Jsraelite hliopv a þa or herbvðvm með braðvm bardaga oc hivggv þa niðr sem navt er næstir þeim vrðv.<sup>21</sup> enn allir flyðv þeir sem þi komv við. Jsraelite fylgðv flottamonnvm oc drapv alla er þeir [gatv nað.<sup>22</sup> For nv sem drottinn hafði fyrir<sup>23</sup> sagt. at

<sup>1)</sup> [ser mein, B; vsæmd i gðr ser mein, A    <sup>2)</sup> [gða sðgu segia, A    <sup>3)</sup> mgl. A  
<sup>4)</sup> þessa, B    <sup>5)</sup> hann kom fyrer hann ok tilf. B    <sup>6)</sup> [aar veg, B    <sup>7)</sup> nogt vatn tilf. A    <sup>8)</sup> [ranglæti(!), B    <sup>9)</sup> valin, B    <sup>10)</sup> mettiz, B; mættiz, A    <sup>11)</sup> saal. B, A; syndiz, C    <sup>12)</sup> [við, B    <sup>13)</sup> morginsolini, A    <sup>14)</sup> [er æigi vatn, B; ero ecki vðtn, A    <sup>15)</sup> rennr vm vðllvna, A    <sup>16)</sup> lðgr, B; logr, A    <sup>17)</sup> rennr, B, A    <sup>18)</sup> [mgl. A    <sup>19)</sup> varð, B    <sup>20)</sup> æluðu, B    <sup>21)</sup> vorv, B    <sup>22)</sup> [mættu naa, B    <sup>23)</sup> mgl. B, A

þeir rakv hernað<sup>1</sup> vm allt ríki Moab. brvttv borgir enn<sup>2</sup> brendv herbyrgi. sva at ecki stóð eftir vtan<sup>3</sup> avðir tiglveggir. byrgðv þeir brvnnna oc vppspreltv allar. eyddu akra oc alldinskoga. sva at þar vorv nv margstaðar eftir gryttar grvndir sem aðr [hðsfv verit<sup>4</sup> eng oc skrar enir beztv. Konvngv hæiðingia hafði flyið með mart liði<sup>5</sup> i hina sterkvstv borg. oc vm siðir settvz þeir vm þar Gyðingar oc giðrðv til valslavngvr oc aðrar vigvelir.<sup>6</sup>

Nv sem Mesa konvngv ser i hvert efni komit var.<sup>7</sup> at borgin man<sup>8</sup> bratt vnnin verða. þa velr hann af sinv liði .dc.<sup>9</sup> manna. oc ætlaði með þessa svæit at konvngi Edom oc væita honvm aras vvdvrm með hinvm harðazla bardaga. Oc er hann ser at hann fær þi ecki fram<sup>10</sup> komit. þa tok hann hinn gllzta svn sinn. hann var hinn mannvænsti<sup>11</sup> oc vel til hðfðingia fallinn oc konvngs eftir feðr sinn. [enn nv<sup>12</sup> fornfærir hann [þann son sinn<sup>13</sup> gvðvnm oc sgvir hann<sup>14</sup> sinni hendi vt a borgarmvrinn.<sup>15</sup> sva at Jsraelite sia þetta.<sup>16</sup> oc varð þeim þetta hin mesta vþeckt. [lættv þeir nv<sup>17</sup> vmsat oc atðokn borgarinnar oc snva heim i sitt ríki.

### Fra þi er Heliseus gxladi viðsmiqr.<sup>18</sup>

339. Nv er fra þi sagt þesso næst. at ein af eiginkonvm spammanna veitti akall Helyseo sva segiandi. Nv er andaðr þinn þræll bondi minn. Enn þer er æigi vkvnnict. at hann var gvðhreddr oc með goðri atfærd. hann atti mikla skvllð at gialda einvm ríkvmm manni. Enn þi at ek hefi ecki at giallda. þa vill hann nv taka .ii. syni mina ser til [þianar oc þionkanar<sup>19</sup> oc þrældoms. Helyseus svaraði. Hvat villtv at ek gera þer. Seg mer hvat þv hefir i hvsi þino. Trv þv<sup>20</sup> mer ambatt þinni segir hon. eigi hefi ek nockot i hvsi minv vtan litið af viðsmiorvi at smyria mik með. Helyseus svaraði. Far þv nv oc bið þær konvr er næstar bva þer. at þer fai þer ker tom æigi allfa. oc þa er þv kemr i þitt herbyrgi. [lættv sonv þina vera inni hia þer.<sup>21</sup> þa skalltv byrgia dyrr a hvsi þino. þa<sup>22</sup> skalltv lata nackvað af þesso litla viðsmiorvi i ðll kerin. oc tak siðan til þin er fvll ero. Konan [for með oc giðrði<sup>23</sup> sem gvðs maðr mællti. byrgði sik<sup>24</sup> oc syni sina.<sup>25</sup>

<sup>1</sup>) flottann ok heriuðu, A <sup>2</sup>) ok, B <sup>3</sup>) nema, B <sup>4</sup>) [vorn, A <sup>5</sup>) lið, B <sup>6</sup>) vigvelar, B; viguælar, A <sup>7</sup>) er, B <sup>8</sup>) mundi, A <sup>9</sup>) .vii. hundrat, B <sup>10</sup>) aa, B; a leid, A <sup>11</sup>) mannvæniigsti, B, A <sup>12</sup>) [ok, B, A <sup>13</sup>) [mgl. B, A <sup>14</sup>) med tilf. A <sup>15</sup>) borgarveggiann, A <sup>16</sup>) þat, B; vpp aa, A <sup>17</sup>) [letu þeir nu af, B <sup>18</sup>) Fra Heliseus ok konu einni, A <sup>19</sup>) [þionvnar, B; þianar, A <sup>20</sup>) mgl. A <sup>21</sup>) [mgl. B <sup>22</sup>) epter þat, B <sup>23</sup>) [giqrði nu, B <sup>24</sup>) siðan husit, A <sup>25</sup>) hia ser tilf. A



Barv þeir at henne kerin enn hon hellti i. oc vox sva i kervnum at ðill vorv fyll af viðsmiðrú. Hon bað þa enn [son sinn<sup>1</sup> fera ser ker. enn [hann kvað<sup>2</sup> æigi til vera. Tóć<sup>3</sup> þa oc af at vaxa viðsmioríð. For hon þa til fvnndar við Helysevm oc sagði honvm hvat vm var. Hann mællti. Far nv oc sel viðsmior þetta. oc giallt verðit skvldar-manni þinvm. enn haf til viðrlífiss þer oc sonvm þinvm þat sem avk er.

Fra þui er Heliseus reisti mann af dauða.<sup>4</sup>

340. Þat var einn dag at Helyseus for at nockvrvn navðsynivm.<sup>5</sup> enn læið hans la vm borg þa er Synam het. þar var fyrir ein hvsfrv gavfvg oc gestrisin. hon tok Helysevm oc laðaði<sup>6</sup> i sin herbyrgi með fvlkomnvm goðvilía oc bað hann þar iafnan gisting taka. ef hann færi<sup>7</sup> i nand. Hann giðrði oc sva. sneri þangað optliga oc þa af henne goðan þgina. Einn tíma talar hon sva til sins bonda. Þat hefi ek hvgsað segir hon. at þessi hinn helgi gvðs maðr fyrir fiðlskyllda<sup>8</sup> sakir a her iafnan veg vm var herbyrgi. þvi vil ek at við<sup>9</sup> gerim honvm eitt litið loptivs oc bvim honvm þar sæti<sup>10</sup> oc sæng. borð<sup>11</sup> oc bravð. kgr oc kertastikv.<sup>12</sup> oc þa er hann sækir hingat hvilld. megi hann þar frialsliga niota naða. Bondi gerði sva sem hon bað.

Nv bar enn sva til [einn dag<sup>13</sup> sem optarr. at Helyseus sneri þangat vm farinn veg oc tok hvilld i þessv loptivs. oc þionostvsvæinn hans með honvm er het Giæzi. þa mællti Helyseus til svæinsins. Far ok kalla hvsfrv þessa.<sup>14</sup> Hon kom oc stoð fyrir Helyseo. Helysevs mællti [við svæininn.<sup>15</sup> Spyr hana epter.<sup>16</sup> hverio hon vill at ek ðmbvna henne sva margfalldan goðvilía sem hon synir mer [i optligv embgtti<sup>17</sup> oc storligvm starfa oc kostnaði. Skal ek oc vera bvinn oc boðinn til at flytia fyrir konvngi gða hans hðfðingiom. ef hon a nockvr grendi gða malakgrslvr. Giezi geck til hennar oc kom aftr sva segiandi. Hon kveðz ðngan hlvt kera eiga fyrir hðfðingiom. þi at hon byggvir her i miðri sinni frendlæifð oc verðr henne þvi her ecki agengt. Helyseus mællti. Spyr hana nv þa. hvat hon vill af mer þiggia hellzt.<sup>18</sup> Sveinninn svaraði. Ek þarf æigi eptir at spyria. hana angrar einn lvtr. Bondi hennar er nv miok gamall. þav eiga einga erfungia enn avð

<sup>1</sup>) [saal. ogs. B; sonu sina, A <sup>2</sup>) [þeir kvaðu, A <sup>3</sup>) let, B <sup>4</sup>) Fra Helyseo ok husfreyio einni, A <sup>5</sup>) erendum, B <sup>6</sup>) hann tilf. A <sup>7</sup>) þar tilf. A <sup>8</sup>) fiðlskyllda, B <sup>9</sup>) mit, A <sup>10</sup>) hasæti, A <sup>11</sup>) saal. B, A; bavrð, C <sup>12</sup>) kertastiku, B <sup>13</sup>) [mgl. B <sup>14</sup>) hegat, B <sup>15</sup>) [til sveinsins, B, A <sup>16</sup>) mgl. B <sup>17</sup>) [optlega i sinum embgttum, B <sup>18</sup>) mgl. B

mikinn. Þá mællti Helyseus til hennar. At iafnlængð<sup>1</sup> ars rétt a sama tíma sem nú er ef þú lifir mant þú son geta. Hon svarar. Bið ek minn goði herra at þú livgir eigi at mér ambatt þinni.

Þetta fór svo sem guds maðr sagði at hon fæddi son. vox<sup>2</sup> þessi sveinn þar vpp með favðr og moðr. Þat var einn tíma at svæinninn rann vt a akr til feðr sins. sem hann var hia kornskvrðarmonnm. Sveinninn nam stað<sup>3</sup> a akrinum og mællti. Faðir minn. virkir mik i höfðit. Bondi bað einn þionostomann<sup>4</sup> [læiða svæinninn<sup>5</sup> hæim til moðr sinnar. Hon setti hann i kne ser. sat hon svo vndir honum allt til miðs dags. Þá andaðiz hann. Hon geck þá vpp i þat litla loptivs. er þav hafðv bvið guds manni Helyseo. og lagði likamann i hvilo hans. [Hon geck og læsti loptino. Síðan kallaði hon<sup>6</sup> bonda sinn og bað hann<sup>7</sup> bva ser asna til ræiðar og fa ser mann til fylgðar. Þi at ec vil sagði hon fara at finna guds mann Helyseum og koma aptr sem skiotast. Hann svaraði. Hvat skal<sup>8</sup> nú svo skyndiliga til motz við hann. Þar sem nú ero eigi helgir dagar æða hatiðarhalld. Enn þó bio hann asnann. Stæig hon a bak og bað hann vel lifa. Hann<sup>9</sup> bað sveinninn renna hart og kæyra asnann ef hann verj latr. Þessi kona fann Helyseum i fialli Karmel.<sup>10</sup> Hvsfrv þessi var kend við borg þá er hon bio i og köllvð Svnamitis. Þegar sem Helyseus sa hana. mællti hann við Giezi svæin sinn. Her ferr hvsfrv Svnamitis. far þú þegar a mot henne og spyr estir<sup>11</sup> hvart hæillt ok kyrt er með henne bonda hennar og sygi. Hon kvað<sup>12</sup> þar kyrt vera. Og er hon kom til guds mannz. fiell hon ðil til iarðar [og havndlaði fêtr hans.<sup>13</sup> Giezi geck til og villdi vikia henne fra. Helyseus mællti. Lat vera hana. Þi at hon er harmþrvngin. enn drottinn læyndi mik hvat hana angraði. Hon mællti þá. Ek bað þik at þú skylldir ægi gabba mik. Þá er þú sagðir at drottinn mvndi<sup>14</sup> mér svn gefa. Helysevs mællti við Giezi. Bv þik skiótt og gyrð þik til gavngv og tak staf minn i hönd þer. far síþan skyndiliga. og þottv<sup>15</sup> finnir mann a læið þinni. Þá skalltv ægi hæilsa honum og ægi svara þott<sup>16</sup> hann hælsi þer. Síðan sem þú kemr þar sem svæinninn er inni davðr. þá skalltv leggja stafinn yfir asionv liksins.<sup>17</sup> Nú ferr hann. Þá mællti moðir svæinsins við Helysevm. Þat sver ek við lifanda gud og við ðnd þina. at heðan geng ek ægi vtan þú farir með mér. Hann reis þá vpp og fór með henne.

<sup>1</sup>) iafnlengð, B, A    <sup>2</sup>) fæddiz, B    <sup>3</sup>) staðar, A    <sup>4</sup>) sinnu tilf. B    <sup>5</sup>) [fylgia sveininum, A    <sup>6</sup>) [ok læsti síðan loptinu. Hon kallaði, B    <sup>7</sup>) [Hon læsti loptusinu ok geck i brott. Síðan bað hon bonda sinn, A    <sup>8</sup>) skaltu, A    <sup>9</sup>) Hon, A    <sup>10</sup>) Karmeli, B    <sup>11</sup>) hana, A    <sup>12</sup>) sagði, B    <sup>13</sup>) [mgl. B    <sup>14</sup>) myndi, B    <sup>15</sup>) þó at þú, B, A    <sup>16</sup>) þóat, B    <sup>17</sup>) sveinsins, B

Giezi kom til svæinsins oc lagði stafinn a líkið. oc skipaðiz ecki við. Rann hann þá i mot þeim Helyseo oc sagði þeim<sup>1</sup> at sveinninn risi<sup>2</sup> eigi vpp. Helysevs geck inn i lofthvsi sem hann kom at. [la þá<sup>3</sup> svæinninn davðr i sæng hans. Hann byrgði hvrðina sem hann var inn kominn. oc bað fyrst bðn sina<sup>4</sup> til drottins. Síðan geck hann at reckivnni oc lagðiz vpp yfir svæinninn. sva at mvnnr mælti mvnni oc avgv avgvm ok hendr höndvm svæinsins. oc beygði hann sik sva allan yfir hann. þá tok at flona likit. Eplir þat stoð hann vpp oc geck<sup>5</sup> vm sinn vm hvsi innan. Oc er hann kom aftr til hvilvnnar. lagðiz hann enn yfir likit. Enn svæinninn hostaði sið<sup>6</sup> sinnvm oc hof vpp avgv sin. Helysevs kallaði þá a Giezi oc bað hann þangat heimta hvsvrv Svnamitis. Hon geck inn i loftið. þá mælti Helysevs. Tak þar nv svn þinn. Hon fiell þá til fota honvm oc tignaði hann lofandi gvð. Tok<sup>7</sup> þá svn sinn oc geck vt. enn Helysevs hvarf aftr i Galgala.

#### Fra þi er Helisevs reinsaði fęzlv.<sup>8</sup>

341. þá var hallæri oc hvngr a iorðvnni.<sup>9</sup> læitvðv þá allir spamanna synir at byggia i nand Helyseo. Ok ęinn dag talar hann til eins af sinvm svæinvvm. at hann [skyldi festa<sup>10</sup> vpp mikinn ketil oc bva bvðarvqrð svnvvm spamanna. Svæinninn hliop vt at lesa akrkál<sup>11</sup> at siðða. Hann fann a akrinvvm fyrir ser [þvi líkazst<sup>12</sup> sem skogvaxið vintre. þar af las hann sem hann mætti mest hafa i mðtli sinvm. þat vœit ek æigi hvat hætitir. þat var þi líkaz vaxit sem akrdae.<sup>13</sup> Oc er hann kom heim. saxaði hann þetta i ketilinn oc vissi æigi hvat var. Enn er hann hafði vellit sem hann villdi. þá ivsv<sup>14</sup> felagar hans vpp oc settv fyrir spamanna syni. Nv þem þeir kenndv a. kavllvðv þeir sva segiandi. Davði er i katlinvm gvðs maðr oc megv ver æigi ęta. Hann toc lítið [af miðlf<sup>15</sup> oc kastaði a ketilinn. síðan bað hann færa folkino at ęta. oc var þá af<sup>16</sup> ðll remma oc bæisklæikr i<sup>17</sup> katlinvm.

#### Fra þi er Helisevs exlaði fęzlv.

342. A þeim sama tíma kom ęinn maðr af þeim stað er hęitir Balsalisa<sup>18</sup> oc fęrði Helyseo frvmsarbravð sem Moyses lðg bvðv oc

<sup>1</sup>) honum, A <sup>2</sup>) reis, B <sup>3</sup>) [saal. A; laa, B; þa, C <sup>4</sup>) sinni, B <sup>5</sup>) siþan tilf. A <sup>6</sup>) .vii. B, A <sup>7</sup>) hon tilf. A <sup>8</sup>) Fra Helyseo ok sueine einum. capitulum, A <sup>9</sup>) iðrðina, A <sup>10</sup>) [festi, A <sup>11</sup>) akrkaal, B, A <sup>12</sup>) [þilikkt, A <sup>13</sup>) akrðai, B, A <sup>14</sup>) iosu, B <sup>15</sup>) [miðl, A <sup>16</sup>) mgl. B <sup>17</sup>) or, B <sup>18</sup>) Balsilisa, B

þar með .xx. byggðhlæfa oc nytt hvæili i skreppv. En Helysevs bað þegar gefa lyðnvm at snæða [er aðr var hvngraþr.<sup>1</sup> þionn hans svar-  
aði hvat þat veri at setia<sup>2</sup> fyrir .c. manna. Helysevs mælli þa enn. Gefðv lyðnvm at snæða. þi at sva segir drottinn at folkit man geta sem vill. oc man þo af ganga. þionostomaðrinn setti þa fram fyrir lyðinn. oc for sva sem gvðs maðr sagði at þeir læifðv ægi litið.

### Naaman reinsaðr af likþra.<sup>3</sup>

343. Maðr het Naaman. hann var hershöfðingi Syrlandz konvngs mikill oc mattvgr. ríkr oc raðvgr. hann var gðfgaztr allra<sup>4</sup> i Syria þegar [konvngv var fra.<sup>5</sup> þi at fyrir hans hreysti oc harðfeingi hafði drottinn vætt hialp oc heilso Syrlandi. Enn þo var Naaman likþrar. Sva hafði at boriz. at nðckorir vikinger vættv vppras af Syria<sup>6</sup> oc heriaðv a Gyðingaland oc herleiddv þaðan eina mey litla. þessi mēr var nv þerna. þionaði hon hvsvrv Naamans oc<sup>7</sup> af henne halldin sðm-  
liga. Hon talar sva optliga fyrir sinni frv. Makara at minn herra Naaman veri nær spamanne gvðs. þeim sem er i Samaria. oc mvndi<sup>8</sup> hann skiott heill verða sinnar vanhæilso. Ok einn dag geck fyrir Syrlandz konvng Naaman oc sagði honvm hvat mēr þesse talar<sup>9</sup> isfn-  
an. Konvngv svaraði sva. [Skiot ero<sup>10</sup> her rað vm.<sup>11</sup> þv skallt fara með minvm breftv til konvngs Jsraels. Naaman bio sik sem skiotaz með vegligv fðrvnæyti. Hann hafði með ser .x. pvnð silfrs oc .vi. þvsvndir<sup>12</sup> gvllpenninga oc .x. manna gangverior hinar agætazstv. Ok sem hann kom til fvndar við konvng Jsraels. bar hann fram bref Syrlandz konvngs. þar stoð þetta a. þa er þv hefir lesit þessor<sup>13</sup> bref. skalltv vita at ek sendi til þin minn þion Naaman. at þv græðir hann af likþra. Oc þegar sem hann hefir lesit þetta bref. reif hann af ser klæðin sva segiandi. Hvert man Syrlandz konvngv sa snapr vera. at hann ælli mik gvð. sva at ek meg<sup>14</sup> lifga oc deyða. er hann sendi til min þenna mann at ek skyldi<sup>15</sup> græða hann af likþra. Hvgsit nv goðir höfðingar segir hann. með hverri væl gða villv man hann ætla at gabba oss. Nv sem Helysevs fregn þetta. at<sup>16</sup> konvngv reif klæði sin. þa sendi hann til hans menn með þessvm orðvm. Fyrir hvi ræift þv klæði þin. Lat þv þenna mann til min<sup>17</sup> koma. at hann viti at enn er

<sup>1)</sup> [þi at sva seger drottinn, B <sup>2)</sup> fram tilf. A <sup>3)</sup> Her hefr af Naaman höfðingia, A <sup>4)</sup> manna tilf. A <sup>5)</sup> [konunginn leið, A <sup>6)</sup> Samaria, B <sup>7)</sup> saal. ogs. B; var tilf. A <sup>8)</sup> myndi, B <sup>9)</sup> talaði, B <sup>10)</sup> [Skiott er, B, A <sup>11)</sup> mgl. A <sup>12)</sup> þusundrat, B <sup>13)</sup> min tilf. A <sup>14)</sup> mega, B <sup>15)</sup> skyldi, B <sup>16)</sup> Jsrael tilf. B <sup>17)</sup> saal. B, A; þin, C

spamaðr með Jsrael. Nv kom Naaman með sinnv fðrvnæyti til hvsa Helysei. Enn hann sendi þegar boð vt i mot honvm. at hann skyldi fara oc þva sik<sup>1</sup> .vii. sinnvm i Jordan. oc þa mvndi<sup>2</sup> hann heill verða. Naaman varð við þetta allræiðr. sneri þegar brotlv oc sagði sva. Ek hvgða<sup>3</sup> at þessi maðr mvndi<sup>4</sup> vt ganga til min oc akallandi herra gvð sinn hafa hændr at<sup>5</sup> likam minvm oc gera mik sva heilan oc hræinan. Hvat nv þa. ero æigi aar Damaschv borgar Abana oc Pharphar<sup>6</sup> betri ðllvm vðtnvm a Gyðingalandi. at ek þvavmzt þar.

Nv sem hann sneriz til brotferðar i hðrðvm hvg. þa gengv at honvm menn hans sva segiandi allir sem einn. Herra. þo at spamaðr þessi hefði<sup>7</sup> boðit þer nockvra navð gða torvellða hlvti. allt at einv hæfði þer sva at gera sem hann legði fyrir þik. hversv miklo helldr heyrir þer nv æigi at vnyta hans boð.<sup>8</sup> er hann bað þik þvaz at eins i vatni ok kvað, þik hræinsazt mvndv oc hæilan verða. Ok af þeirra fortavlv for hann til Jordanar oc þo sik .vii. sinnvm i ainni.<sup>9</sup> þa varþ hans likami sva skærr oc alhæill sem a vngvm svæini. er aðr vall allr vagi milli hæls oc hvirfls. Hann hvarf nv astr til fvnndar við Helysevm glaðr oc i goðvm hvg meðr ðllo sinnv fðrvnæyti. Ok er hann kom oc stoð fyrir gvðs manni.<sup>10</sup> mællti Naaman til hans. Nv væit ek visliga. at engi er gvð a ðllo iardriki vtan<sup>11</sup> gvð Gyðinga. fyrir þi bið ek litillatluga. at þv þiggir þessa litlv goðvilja minning af þregli þinvm. Bar hann þa fram sva mikit fe sem aðr var talt.<sup>12</sup> [i gvlli oc silfri oc agætvm klæðvm.<sup>13</sup> Helysevs svaraði. þat væit gvð. fyrir þess avgliti stend ek nv. at fyrir þenna hlvt þigg ek æigi [ginn penning þins fear.<sup>14</sup> Naaman bað þa enn þarflatluga oc læitaði allz við. at hann þegi giasar hans. enn þat fleck hann ecki. Ok enn mællti hann við Helysevm. Se nv sem þv vill. Enn bið ek at þv gefir mer tvønnar klyflar af þessi hinni<sup>15</sup> helgv iorðv. þi at ek hæit vpp a trv mina. at alldri siðan skal ek fornsfæra annarligvm gvðvm vtan einvm drottini. Ok fyrir þa skyllð er sa ginn<sup>16</sup> hlvt er ek vil at þv biðir drottin gvð þinn fyrir mer. Ef sva berr til sem henda kann. at minn herra Syrlandz konvngr skyllðar mik til at ganga með ser til mvsteris Remmon gvðs sins oc lætr mik þo at vvilianda<sup>17</sup> hann dyrka. þa bið þv drottin at þat fyrirlati hann mer. Helysevs iataði þesso oc bað hann fara i<sup>18</sup> friði. [For Naaman þa veg sinn.<sup>19</sup>

Enn Giezi þionostsvegin Helysei mælltiz þa við einnsaman.<sup>20</sup> Ok

<sup>1</sup>) ser, B <sup>2</sup>) myndi, B <sup>3</sup>) hugsaði, B <sup>4</sup>) myndi, B <sup>5</sup>) a, B <sup>6</sup>) Parphar, B <sup>7</sup>) hað, B <sup>8</sup>) tilf. B; rad tilf. A; mgl. C <sup>9</sup>) aanni, B, A <sup>10</sup>) Helyseo tilf. A <sup>11</sup>) nema, A <sup>12</sup>) talit, B <sup>13</sup>) [mgl. B <sup>14</sup>) [fæ af þer, A <sup>15</sup>) mgl. B <sup>16</sup>) sua tilf. B <sup>17</sup>) vvilandi, B <sup>18</sup>) gvðs tilf. B <sup>19</sup>) [mgl. B <sup>20</sup>) einnsamt, B

minn herra segir hann vegði sva þessvm ęnvm syrlendzka. at hann villdi ecki þiggia þat er hann færði honvm. þat vœit ek fyrir monnvm. at ek skal strykia<sup>1</sup> eptir honvm oc vita at<sup>2</sup> ek fai<sup>3</sup> nockvað af honvm. Rann hann<sup>4</sup> eftir [honvm Naaman<sup>5</sup> sem mest matti hann. Enn er Naaman gat at lita eftirför hans. stavck<sup>6</sup> hann or kerrvnni i mot honvm oc mællti. Hvat er nv. haga ek nockvrn veg minni ferð ððrviss enn vera ætti. Giezi kvað allt réttlíga fram fara. Minn herra sendi mik til þin. at<sup>7</sup> .ii. spamanna synir af fialli Effraim ero komnir til hans. oc bað hann at þv skylldir gefa þeim eitt pvnd silfrs oc tveggja manna klæðabvnað. Naaman qvað betr fallit allz þeir vorv .ii. at þeir þegi helldr .ii. pvnd enn gitt. oc sagði sva vera skyldo. Siðan feck hann til .ii. sveina sina at bera með Giezi .ii. pvnd oc tvennan klæðnað. Nv sem þeir komv til herbyrgiss<sup>8</sup> Giezi vm kvellit. tok hann við feno ok hirði i hvsi<sup>9</sup> sinv. enn svæinar forv sem skiotaz aftr til Naaman. Siðan geck Giezi inn til sins meistara. Helysevs mællti. Hvaðan komtv Giezi. Hann svaraði. [Eigi ne eins staðar<sup>10</sup> hefi ek farið. Ngi segir hann. Var æigi nær hvgr minn oc hiarta. er Naaman spratt or kerrvnni oc rann i mot þer. Nv hefir þv tekit silfr oc dyrlig klæði ok ætlar þar<sup>11</sup> með at kavpa þer<sup>12</sup> vingarða oc alldinskoga. navt oc savði oc mansmenn. enn cc kann segia þer annat. Líkþra Naamans skal ataz a þíg oc þina ætt at cylifo. Ok íafnskiott geck hann vt fra hans avgliti sniahvitr af líkþra.

Er iarn sotti fra grvnni.<sup>13</sup>

344. Nv gengv fyrir Helysevm spamanna synir ok sðgðv sva til hans. Se nv gvðs maðr. [at ver megym æigi<sup>14</sup> her bva hia þer fyrir þrönglendi. oc þvi vilivm ver<sup>15</sup> til Jordanar at havggva hvsavið oc efnitre i eyðiskogvm enn<sup>16</sup> taka oss þar bvstað við ana sem gnogt er viðlendi. Helysevs bað þa sva gera. þa mællti ęinn þeirra. Vær villdim oc giarna at þv rēðiz oc<sup>17</sup> þangat með oss. Hann svaraði<sup>18</sup> kvað oc sva vera skyldo. oc for með þeim. <sup>19</sup>Einn dag er þeir hivggv ser efnitre við ana. þa hravt ðx af skapti fyrir ęinvn þeirra vt a vatnit oc savck þegar sem van<sup>20</sup> var. þessi maðr rann þegar til motz við Helysevm harmandi oc mællti. Ehev. ehv. ehv. minn herra. mer

<sup>1</sup>) striuka, A <sup>2</sup>) ef, B <sup>3</sup>) nai, B <sup>4</sup>) þa tilf. A <sup>5</sup>) [Naaman, B; honum, A <sup>6</sup>) stökk, B, A <sup>7</sup>) þui at, B <sup>8</sup>) husa, A <sup>9</sup>) herbyrgi, A <sup>10</sup>) [Huergi, B <sup>11</sup>) þer, B <sup>12</sup>) mgl. B <sup>13</sup>) Fra Helyseo ok spamanna sonum, A <sup>14</sup>) [huar megum ver, B <sup>15</sup>) fara tilf. B <sup>16</sup>) ok, B <sup>17</sup>) mgl. B <sup>18</sup>) mgl. B, A <sup>19</sup>) Ok tilf. A <sup>20</sup>) von, B

var lið þessa verkfæriss sem nv er tynt. Helysevs tok ðxarskaptið<sup>1</sup> oc rætti framm i vatnit þar sem ðxin<sup>2</sup> hafði a<sup>3</sup> hrotið. Enn iarnit rendi þegar or divpino a mot. oc tok með fagnaði sa [er tynt<sup>4</sup> hafði.

### Lyðr blindaðr fyrer þæner.<sup>5</sup>

345. Þat segir nv þesso nest. at Syrlandz konvngr stríðdi með allmikinn her a Jsraels lyð. hann hafði raðagiorð við sitt lið. oc kom þat a samt með þeim. at [þeir skyldo setia margar<sup>6</sup> lavnsatir fyrir Gyðingvm. ef þeir ræði til bardaga við þa. Helysevs sendi a þeirri stvndv orð konvngi Jsraels. at hann skyldi gæyma at fara ægi til orrosto með sina menn i þann stað sem hann kvað a fyrir honvm.<sup>7</sup> þvi at þar vilia Syri sitia vm þik með svikvm. Konvngr [bra við þegar. sendi<sup>8</sup> til [sinna manna<sup>9</sup> at taka læyni þav ðll er Syri höfðv ser ællað fyrr enn þa varði. For sva tysvar gða þrysvar. at Syri naðv ægi læynvm<sup>10</sup> fyrir Jsraelitis. Toc þa Syrlandz konvngr at ottaz oc kallaði saman alla sina menn sva segiandi. Segið mer. hverr er sva svikall oc vtrvr at vara læynda raðagiorð hefir [borit a ofroð oc<sup>11</sup> birt Jsraelitis. Einn af hans höfðingivm svarar sva mali hans. Þat væit ec sannliga minn herra konvng.<sup>12</sup> Eingi varð<sup>13</sup> sva diarfr af þinvm monnvvm at þetta giðrði. nema enn helldr spamaðr sa sem er með Jsraelitis oc heitir Helysevs. hann gerir konvngi þeirra kvnnict hvert orð. þo at þv talir með læynd i læstvm herbergivm. Konvngr mællti. Hæilir sva. hafð gæymð a. farit til oc verit<sup>14</sup> visir hvar þessi hinn vandi maðr er. oc skal ec þegar senda til at<sup>15</sup> taka<sup>16</sup> hann. þeir foro oc aftr komo. sðgðv konvngi at Helysevs var i þeim stað sem heitir Dotham.<sup>17</sup> Konvngr sendi þegar riddara sina með kerrvm oc hestvm oc hinvm mesta afla oc styrk hersins. Koma þeir at vm nott oc slogo herskilldi vm borgina. Einn af þionostomonnvvm [Helysei sem hann klæddr<sup>18</sup> geck vt i dagan oc sa harðla mikinn her ganga<sup>19</sup> ðllvm megvvm<sup>20</sup> vm borgina með hestvm oc kerrvm. Honvm bra miog við þessa syn. sva at hann hliop inn oc øpti hatt sva segiandi. Hai. hai. hai. minn herra. hval skolvvm ver<sup>21</sup> at hafazt. Helysevs svaraði. Ottaz þv ecki. þi at flæiri væita oss enn þeim. Helysevs bað þa þen<sup>22</sup> sinni

<sup>1</sup>) exarskaptit, B <sup>2</sup>) exin, B <sup>3</sup>) af, B; i, A <sup>4</sup>) [aptr er fyrr, B; er tapat, A

<sup>5</sup>) Fra Helyseo spamanni oc vorum Herra, A <sup>6</sup>) [setti, B <sup>7</sup>) þeim, B

<sup>8</sup>) [sendi þegar, A <sup>9</sup>) [sina menn, B <sup>10</sup>) launsatvm, A <sup>11</sup>) [mgl. A <sup>12</sup>) at

silf. A <sup>13</sup>) var, B <sup>14</sup>) verðit, B, A <sup>15</sup>) ok, B <sup>16</sup>) drepa, A <sup>17</sup>) Do-

thaim, B, A <sup>18</sup>) [saal. ogs. B; hans var klæddr hann var klæddr(!), A

<sup>19</sup>) vera, B <sup>20</sup>) megin, B <sup>21</sup>) mer, A <sup>22</sup>) þen, A

422.

til gvðs með þeima hætti. Lvk þv vpp drottinn avgv þessa manns. at<sup>1</sup> hann siae hvat vm er. Svæinninn sa þegar at<sup>2</sup> allt fiallit vmhverfiss Helysevm var<sup>3</sup> fvlit af hestvm oc kerrvm elligym.<sup>4</sup> Hæiðingiar snero þa at Helyseo oc ællvðv at handtaka hann. Enn hann hafði bðn sina fyrir hlif sva segiandi. Bið ec þic drottinn minn. at þv slair blindi þessa [hina hæiðnv<sup>5</sup> þioð. Oc rætt i stað vvrðv steinblindir<sup>6</sup> allir heiðingiar. Helysevs geck þa at þeim oc mællti. Þer farit ecki rættan veg oc æigi er þessi sv borg er þer skolvð til sgkia. Fylgit nv mer. oc man ec syna yðr þann er þer læitið. Hann læiði nv allan her heiðingia þann sem þar var þa kominn i miðia borgina Samariam. Helysevs kallaði þa a drottin oc mællti. Lvk þv vpp nv drottinn avgv<sup>7</sup> þeirra. at þeir siae hvar þeir ero komnir. Þeir tokv þa syn sina. Enn er konvngr Jsraels gat þa<sup>8</sup> at lita. þa mællti hann við Helysevm. Hvát er nv minn keri faðir. skal ec nv drepa þa. Hann svaraði. Með engo moti. þess sver ec at þv skallt þa æigi með ðrvm ravfa ne sverði sla. lattþv<sup>9</sup> helldr bva þeim borð með goðri vist oc dryck. Nv var sva gert. at þeim var borð bvið oc bvdarvðrðr. Oc er þeir höfðv snæðt oc drvckit. toko þeir orlof af Helyseo oc forv brottv<sup>10</sup> til sins herra. oc alldri siðan gerðvz þessir til vspektar a Jsraels lyð.

Fra þi er heiðingiar flyðv fyrir otta.<sup>11</sup>

346. Efter þetta dregr Benadab konvngr Syrie saman allan sinn her oc flvtliz vpp i Gyðingaland oc settiz vm Samariam sva þratt oc lengi. at allt var<sup>12</sup> gtið fyrir svlltar sakir i borginne þat er tðnn mætti a festa. iafnvel eykir oc asnar. oc vm siðir fvgla savrr oc dvfna drit kæpyt við verði. [sva at<sup>13</sup> æitt asna höfðv var<sup>14</sup> sellt<sup>15</sup> .lxxx. silfrpenningvm.<sup>16</sup>

Oc einn dag er konvngr Jsraels var genginn vt a mvrinn. kallaði a hann ein kona sva segiandi. Hialpþv<sup>17</sup> mer minn herra konvngr. Hann svaraði. Eigi man ek hialpa þer. hvaðan man ek hialpa þer. hvart af lafa<sup>18</sup> gða vinþrðng. gða hvat villt þv. Hon svaraði.<sup>19</sup> Her er kona sv hia mer er til talaði. at við myndim taka svn minn oc skyllidim við matbva oc gta hann i dag sagði hon. enn<sup>20</sup> minn svn a morgin. Nv sellda ec minn son til soðningar sem við höfðvm mællt.

<sup>1)</sup> sua at, B <sup>2)</sup> tilf. A; mgl. C, B <sup>3)</sup> mgl. B <sup>4)</sup> elldlegum, B, A <sup>5)</sup> [mgl. B <sup>6)</sup> blindir, B <sup>7)</sup> augum, B <sup>8)</sup> tilf. B, A <sup>9)</sup> lét, B, A <sup>10)</sup> brott, B <sup>11)</sup> Fra Benadab konungi ok Helyseo, A <sup>12)</sup> vard, A <sup>13)</sup> [v. penningum silfr, B <sup>14)</sup> ok tilf. B <sup>15)</sup> keypt, A <sup>16)</sup> saal. ogs. A; silfrpenninga, B <sup>17)</sup> hialp þu, A <sup>18)</sup> laafa, B, A <sup>19)</sup> mællti, B <sup>20)</sup> tilf. B, A



enn annan dag fal hon son sinn oc villdi ægi fram selia. Sem konvngur hærði þetta. ræf hann af ser [klæði enn<sup>1</sup> svæipaði sik herfiligv harclæði. sva at allr lyör sa. Hann mælti. Lati gvð mik sva svællta æða henda annat illt. ef ek lgt Helysevm bera hæillt höfvð a sinvm bvk vpp fra þæima degi. Helysevs sat þa i sino herbergi oc vmhverfiss hann<sup>2</sup> ðlldvngar borgarinnar. Konvngur sendi nv mann<sup>3</sup> til at drepa Helysevm. Enn aðr sa kom. mælti Helysevs til ðlldvnganna. Hvart vitvð þer at þessi manndrapasvnrinn hefir nv sett til mann at sniða af mer höfvðit. Nv gæymit til oc byrgit hvsit. sva at þessi sendimaðr komiz ecki inn. þi at hans herra kemr skiott eptir honvm. [Sem hann hafði varla lokit sinni ræðv.<sup>4</sup> kom sendimaðr at hvrvð oc þegar konvngur<sup>5</sup> eptir með sina menn. Enn þi at hann matti ægi inn komaz segir hann sva. Se hverso mikit illt yfir liðr. hvat man ek lengr biða harðenda af drotni. þa mælti Helysevs. Hæyrit nv orð drottins. A morgin. [rætt i<sup>6</sup> þenna lima dags segir drottinn. man mælir similio<sup>7</sup> seliaz i hliði Samarie fyrir einn staterem. þann penning er sva heitir. oc at slikv verði .ii. mælar bygs. þa svaraði einn hertogi konvngs. þo at drottinn bori himininn oc rigni<sup>8</sup> þar ofan hveiti oc byggi. þa mætti þetta með engv moti vera sem nv segir þv. Helysevs svaraði. þer mvn syn sðgv rikri her vm. Enn þo allz þv forslægir<sup>9</sup> orð drottins. þa mant þv þetta sia enn mega ecki af gla.

Fiorir fatækir menn satv við borgarhlið Samarie oc allir líkþrair. þeir talaz við a þessa lvnnd. Hvat þvrfvm ver her heliar at biða. Nv þo at ver vilim inn i borgina. þa svelltm ver þar til bana. Hæilir sva. tókvm helldr skiott rað oc skðrvlikt. flyiom til herbvða Syrorvm.<sup>10</sup> Vili þeir þyrma oss. þa megvvm ver lifa. ella væita þeir oss braðan bana<sup>11</sup> oc harmkvælalavsan.<sup>12</sup> A þessvm sama aptni rððvz þeir til ferðar. Enn er þeir komo til herbvða Syrorvm.<sup>13</sup> bra vndarlíga við. þeir fvndv þar [enga menn.<sup>14</sup> enn þat bar<sup>15</sup> til með gvðs forsia oc fyrirskipan. at Syri heyrðv i herbvðvm vm nottina vagna gny oc vapna brak. horna þyt oc hesta gneg. með marghattaðri ogn oc vkylræik.<sup>16</sup> sem hinn flæsti<sup>17</sup> herr særi at þeim alla vega. þa mælltv hæiðingiar. [Seet er<sup>18</sup> þat at konvngur Jsrael hefir nv læigt til liðs ser alla konvnga Etheorvm þioða oc Egipta.<sup>19</sup> oc ero þeir her nv komnir at oss vvðrvm. Við þetta hliopv þeir vpp i nattmykrin

<sup>1)</sup> [klæðin ok, B <sup>2)</sup> mgl. B <sup>3)</sup> menn, B <sup>4)</sup> [Nu, B <sup>5)</sup> herran, B <sup>6)</sup> [mgl. B <sup>7)</sup> similie, B; similiubrauda, A <sup>8)</sup> rigndi, A <sup>9)</sup> saal. ogs. B; forsmár, A <sup>10)</sup> Syriorum, B <sup>11)</sup> dauða, B <sup>12)</sup> harmkvælalausari, B <sup>13)</sup> Syrie, B <sup>14)</sup> [engan mann, B <sup>15)</sup> sva tilf. B <sup>16)</sup> saal. B, A; vkylræik, C <sup>17)</sup> mesti, B <sup>18)</sup> [Siai þer, B; Seet þer, A <sup>19)</sup> Egipti, B

allir ottafvillir oc flyðv. hverr sem mest matti.<sup>1</sup> at biarga lifi sino. læifðv þar eptir allt sitt goðs.<sup>2</sup> fe oc fót. hesta oc herskrvða. asna oc allar herbvðir með vavgnum<sup>3</sup> oc vistvm. Nv sem hinir líkþra menn komv i herbvðir. snæddv<sup>4</sup> þeir fyrst oc drvckv sem þa fysi.<sup>5</sup> Stoðv síþan vpp oc hvndv sér byrðar af gvlli oc silfri oc agælvvm klēðvm. forv með þat a brot oc falv.<sup>6</sup> Eptir þat sneru þeir aptr at annarri tialldbvð oc baro þaðan slict æða mēira<sup>7</sup> oc falv sem hit fyrra. Þi næst lðlvðv þeir með ser. at nv veri<sup>8</sup> vel fahit at boða i borgina þessi fagnaðartíðendi oc til konvngs hallar. Þi at ver ervm makiþa asakaðir<sup>9</sup> vmm mikla glēpskv. ef ver þegivm yfir þessvm ltvvm allt til dags. þeir forv nv oc kallaðv hatt. sem þeir komv at porti borgarinnar. Vgr varom farnir til herbvða hæiðingia oc svnnðvm þar landliqlld tom oc avð. hesta hvnna<sup>10</sup> [asna oc æyki<sup>11</sup> enn engan mann. Hliðverðir borgarinnar rvnno þegar til hallar konvngs oc sðgvðv honvm at Syri vorv brottv. Konvngv stoð vpp oc mællti við sina menn. Ec kann segia yðr at þetta er ecki vttan prettr hermannu. þeir vita at ver erom miok at þrotvm komnir fyrir svlltar sakir. fyrir þat hafa þeir driðð fra herbvðvm oc læynaz i avkrvm vti. oc þa ær ver gvngvm vt af borginni. glla þeir at hðndla oss oc hafa<sup>12</sup> sva valld [a borginni.<sup>13</sup> Þa svaraði einn af hans monnvm. þetta megv ver skiott prova. Enn ero eptir .v. hestaz i allri borginni. <sup>14</sup>allir aðrir hafa gtnir verit fyrir svlltar sakir. lðkvvm þessa hesta oc sendvm a niosn til herbvðanna. Konvngv lét taka .ii. hesta. oc kvaddi til .ii. hina freknazsto menn af sinv liði at vita hvað vm veri. þeir riðv oc komo skiott a farit<sup>15</sup> heiðingia oc sēkia eptir þeirra farveg allt til Jordanar. Enn vm [alla læið<sup>16</sup> lagv kgr oc klēði. er Syri hððv slavngt fyrir hræðzlv sakir. Nv hvrfv aptr sendimenn oc sðgvðv konvngi slikt sem þeir vrvðv visir. dreif þa þegar allt folk sem fara matti at rvpla oc rēna herbvðir hæiðingia.

Var þa þat torg sett við borgarhlið Samarie. at þar geck mælvir similiobravðs fyrir einn staterem. oc at slikv verði .ii. mælar bygs. eptir þi sem gvðs maðr Helysevs hafði fyrir sagt enn fyrra dag. Enn hertoga þann er i mot mēlti<sup>17</sup> Helyseo oc kvað þat eigi vera mega sem hann sagði. þo at drottinn gerði ravfar a himninvm. þenna mann setti konvngv nv við sialft portit borgarinnar at gæyma til. at ængi giðrði qðrvvm vskil. oc sva þrðngðiz lyðrinn. at hertoginn fiell oc var

<sup>1)</sup> mgl. B <sup>2)</sup> goz, B <sup>3)</sup> vapnum, B <sup>4)</sup> átu, A <sup>5)</sup> lysti, B, A <sup>6)</sup> Her mangler 1 Blad i B. <sup>7)</sup> fe tilf. A <sup>8)</sup> mundi, A <sup>9)</sup> asakandi, A <sup>10)</sup> bundna, A <sup>11)</sup> [mgl. A <sup>12)</sup> faa, A <sup>13)</sup> [yfir henni, A <sup>14)</sup> þi at silf. A <sup>15)</sup> far, A <sup>16)</sup> [alla veg, A <sup>17)</sup> hafði mælt, A

fottroðinn til bana. oc fylldiz enn<sup>1</sup> a honvm gvðs orð þat sem Helysevs hafði fram flvtt. at hann mvndi sia ganga fęðzlv enn mega ecki af næya.

Þi nest bavð Helysevs hvsfrv þeirri. er soninn atti þann<sup>2</sup> sem hann hafði af davða ræistan. at hon skyldi brottv<sup>3</sup> fara af sinni eign með allt sitt hyski oc hæimamenn at læita ser hialpar. Þvi at sakir illgerða þessa lyðs sagði hann man drottinn senda hallæri yfir þetta riki .vii. vetr i samt. Hon giorði sem gvðs maðr mællti. for með allt sitt hyski i riki Philistinorvm oc vtlændiz þar. Enn er .vii. ar vorv liðin. hvarf hon aptr til sins fostrlandz. Enn þat bar saman er hon geck. til konvngs fvndar at kalla til garðz sins oc annarra eigna er hon atti i borg Synamite. oc þa hafði konvngr kallat til sin Giezi er verið hafði svæinn Helysei oc bað hann segia ser stormerki þav er gvðs maðr giorði. Oc i þann pvngrt sem Giezi sagði konvngr hversv Helysevs hafði reist mann af davða. þa kom þar Synamitis oc kallaði a konvng vm eignir sinar oc akra. þa mællti Giezi. Minn herra konvngr. nv er komin sv [sama kona<sup>4</sup> með son sinn þann er Helysevs ræisti af davða. Konvngr spvrði konvna ef sva veri. Hon kvat<sup>5</sup> þat satt. Feck þa konvngr til einn geldding at skipa henne aptr allar eigvr sinar með fvlvm avðxtvm. siþan hon for fra oc þar til sem þa var komit.

#### Fra Helysevs ok sendimanni konvngs.

347. J þann tima for Helysevs i Syriam oc kóm fram i Damasvm. enn Benadab Syrlanz konvngr la þar sivkr i borginni oc var honvm sagt at Helysei var<sup>6</sup> þangat van. Konvngr kallar til sin einn hðfðingia er het Azael. oc bað hann fara með ageþar giafir oc gersimar i mot Helyseo oc biðia hann læita eptir við drottin hvart konvngr mvndi hęill verða þessar sottar. Nv for Azael eptir boði konvngs. oc flvtti með ser allar hinar mestv gersimar Damaschv borgar at gefa Helyseo .xl. vlfallda klyfiada af margskonar fe. Oc sem þeir fvndvz. mællti Azael við Helysevm. Þinn svn Benadab sendi mik at verða viss af þer. hvart hann man hæill verða [sottar sinnar.<sup>7</sup> Helysevs svaraði. Far þv oc seg honvm at hann man hęill verða. enn þo syndi drottinn mer at hann man deyia. Azael sa at asiona Helysei tok at hryggiazat af miklvm harmi. Azael mællti. Fyrir hvi gretr þv minn herra. Hann svaraði. Þi at nv væit ek hveria<sup>8</sup> illa hlvti þv mant gera Jsraelitis.

<sup>1</sup>) sua, A <sup>2</sup>) sama tilf. A <sup>3</sup>) brott, A <sup>4</sup>) [kona hin sama, A <sup>5</sup>) kuad, A <sup>6</sup>) veri, A <sup>7</sup>) [ędr æigi, A <sup>8</sup>) hue mikla, A

424

Styrkar börger þeirra mant þv elldi eyða oc vnga menn þeirra með sverði sla. en smasvæina lvrka oc læmia oc ohravstar konvr i svndr sniða. Azael svaraði. Hvi man ek þionn þinn vera sa mannhvndr at væita þeim lyð sva mikit afelli. Helysevs mællti. Þat hefir drottinn synt mer. at þv skalltt vera Syrlandz konvng. Azael sneri þa aptr. oc sem konvng sa hann. mællti hann. Hvat sagði Helysevs þer. Hann svaraði. Þat sagði hann mer. at þv mvndir enn taka hgilso. Ok sem annarr dagr kom. þa andaðiz Benadab konvng. enn Azael settiz þegar i rikit eftir hann. sem Helysevs hafði fyrir sagt. Þat var a .v.<sup>u</sup> ari rikis Joram konvngs Jsraels.

### Her segir af Joram konvngi.

348. Nv er þar til at taka. at hinn goði konvngr Josaphat tok sott oc andaðiz. var honvm væittr virðvligr groftr sem makliot var hia Daid konvngi oc [ððrvm sinvm frendvm.<sup>1</sup> þa var hann siotðgr<sup>2</sup> at alldri. Joram het son hans. er konvngdom tok eftir hann oc rikti .viii. ar i Hiervsalem. Hann hafði þa .ii. ar oc þritogt er hann tok konvngdom. Joram gerðiz bratt illr oc vlyðinn gvði. sva at hann læiddi fram sitt lif eftir vandvm vegvm Jsraels konvngs Achabs<sup>3</sup> oc annarra hans maka. þi at Joram geck at giga dottvr Achabs oc Jezabel. hon var systir Joram konvngs i<sup>4</sup> Samaria. Enn þo at Joram i Hiervsalem giorði illa lvti i avgliti drottins. þa vilddi gvð enn eigi fyrir sina miskvnn dreifa riki Jvda. þi at<sup>5</sup> sakir Dauids vinar sins villdi drottinn at allar stvndir lifði nockvrr gnæisti ættar hans til rikiss yfir Jvda oc Hiervsalem. J þann tima geck vndan valldi Jvda þat riki er hæitir Edom. Tok sa lyðr ser konvng oc villdi ecki vera lyðskylldr vndir Jvda riki. sem aðr hafði verið. Joram konvngr for þa með allan her sinn a hendr Jdvmeis. Hann lagði at þeim vm nott þar sem hæitir Seir. Enn þo hðfðv Jdvmei vorðit fyrri at bragði oc hðfðv lið miklo meira oc kringðv vm Jsraelitas. Enn þo drap Joram konvng af þeim marga hðfðingia oc þat lið sem til hafði flvtz i vðgnvm gða kerrvm. enn eigi gat hann vnnið aftr rikit. þa geck oc vndan hans riki sv borg er heitir Lopna. Joram andaðiz þa er hann var fertðgr at alldri oc grafinn hia frendvm sinvm i Dauids borg.

Ochozias het svn hans er riki tok eftir hann. þat var a siðarsta ari rikis Joram konvngs i Samaria svnar Achab. Ochozias hafði þa

<sup>1</sup>) [frenda sinum ok ððrum sinum forellrum, A    <sup>2</sup>) seautðgr, A    <sup>3</sup>) Achab, A  
<sup>4</sup>) af, A    <sup>5</sup>) fyrir tilf. A

.ii. ar oc .xx. oc ríkti gítt ar í Híervsalem. Moðir hans het Atthalía dottir Amrí konvngs Jsraels. hann var slíkt illr sem faðir hans oc vandí hann sík eptir vsíðvm Achab oc hans manna. Ochozías for herför með Joram konvngi af Samaría í Ramoth Galað at beríaz við Azael Syrlanz konvng. Þar var Joram konvngur særðr miog af Syris. Hann var þa flvtr til lækningar í borg Jezrael. enn eptir satv í Ramoth til landzgietzlo margir höfðingar af Jsrael. Einn þeirra het Híev. son þess höfðingja er het Josaphat. Ochozías konvngur af Híervsalem sneri þa oc heim í sitt ríki. er Joram var særðr af Syris. Enn sam dagvín síðarr for hann at finna Joram konvng. sem hann la í sarvm í Jezrael.

### Fra Helysevm ok sendimanni hans.

349. J þenna tíma<sup>1</sup> kallar Helysevs til sín ginn af spamanna sonvm oc mælti til hans. Bv þik skíott oc gyrð þik til gavngo. tak síðan heilagt víðsmíor. þv skalt fara í Ramoth til fvdar við Híev son Josaphat. þv skalt kalla hann a æntal í gítt afhvs fra qðrvím höfðingvím. síðan skaltv taka víðsmíor oc vígia hann til konvngs yfir Jsrael. Eigi skaltv þar læingr dvelíaz. far þa bravttv<sup>2</sup> vm þav<sup>3</sup> dyrr sem þar verða a herbergino. Svæinninn for nv [oc fram kom<sup>4</sup> í Ramoth. Hann geck inn þar sem hershöfðingar<sup>5</sup> satv allir samt. oc mælti. <sup>6</sup>Ek a grendi við þik<sup>7</sup> höfðingi. [Híev svaraði. Hier sitívm ver margir.<sup>8</sup> við hvern altv grendi. Sveinninn svaraði. Við þik sialfan.<sup>9</sup> Híev stóð vpp oc geck í annat herbergi með honvm. Þa tok sendimaðr víðsmíorsker. er þeir kavllvðv lentvlam olci. oc stepti yfir hofvð honvm sva segiandi. Þessa hlvti segir drottinn gvð Jsraels. Ek smyr þik konvng yfir<sup>10</sup> lyð mínn. at þv drepir níðr hírð oc hyski Achab<sup>11</sup> oc hefínr sva minna spamanna oc allra þionostomanna. er Jezabel hefínr drepa latið. Oc sva gíðrsamlíga skaltv eyða allri ætt þeirra oc askvæmi, at ægi einn hinn minnzti svæinn skal eptir lífa í Jsrael. Enn hræ hinnar illv Jezabel manv hvndar rífa a akri Jezrael oc engi man grafa hana. Eptir þetta lavk sendimaðr vpp hvrðv oc flýði [vt þar.<sup>12</sup> Enn Híev geck til [sinna felaga. Höfðingar<sup>13</sup> mællto. Hvrr var þessi hinn villavsi snapr æða hvat villði hann þer. Híev svaraði. Kenna megi þer maunninn oc visir manv þer verða grenda

<sup>1</sup>) A þessum tíma, A <sup>2</sup>) aa brottu, A <sup>3</sup>) þær, A <sup>4</sup>) [framm, A <sup>5</sup>) höfðingjar hersins, A <sup>6</sup>) *Her begynner* Fragm. XVIIa. <sup>7</sup>) Híev tilf. A, Frag. <sup>8</sup>) samt tilf. Frag. <sup>9</sup>) [mgl. A <sup>10</sup>) ífir, Frag. <sup>11</sup>) konungs tilf. A <sup>12</sup>) [þar vt, A, Fragm. <sup>13</sup>) [annarra höfðingja. Þeir, A

424

hans. Þeir sögðu þat hegoma oc baðu hann<sup>1</sup> bjrtu ser hvað hann sagði. Hiev sagði eit oc annat heilur allt vuerkiliga. oc sva sagði hann um siðir. Þessa hlvti segir drottinn. Ek smyr þik til konungs yfir Jsrael. Enn höfðingarnir sem þeir hæyrðu þetta. skvadaði hverr fyrir annan oc toku sina mavta oc bræiðu vndir fgr honum oc biuggu honum haseti. Síðan þæyttu þeir lðra sina ok kavllðu hatt. at Hiev konungur skyldi ríkia yfir Jsrael. Eptir þat sor hann eið. at hann skyldi væita motgæng Joram konungi. enn aðrir höfðingar<sup>2</sup> at væita honum lið þar til. Þvi næst segir hann sva. þat syniz mer rað. ef þer viliz sva. at ver setim sem rikuz<sup>3</sup> varðhöld fyrir. at'gingi maðr komiz vt af borginni at hera niosn um þetta i Hiezrael.

Biuggvzt þeir nu sem skiotazt oc forv vpp i Gyðinga land til borgar Hiezrael. Joram la þa enn i sarvum. Ochozias var þa oc þar kominn af Hiervsaleim at vitia hans. sem aðr var sagt. Varðmaðr er þeir kölluðu speculatoreim var i hæsta tverni borgarinnar. hann gat at lita. hvar Hiev for með flokk sinn. Hann mælti. Ek se riðvi manna sækia til borgarinnar. Konungur Joram mælti. Taki eyk<sup>4</sup> oc ræiðslaða oc sendi mann<sup>5</sup> i moti flokkinum at vita hvað um er. Sva var gert. Oc er sendimaðr fann Hiev. mælti hann. Konungur sendi mik eftir at at fretta hvart þer fgrit með friði. Hiev svaraði. Hvað varðar þik um frið. far oc fylg mer. Speculator mælti. Nu er sendimaðr kominn til flokksins oc snyr ecki aftr. Konungur sendi þa annan mann a hesti. Enn<sup>6</sup> er sa kom i mot þeim<sup>7</sup> mælti hann. Konungur forvitnaz hvart friðr er. Hiev svaraði. Hvað man varða um frið. far oc fyll flokk minn. Speculator sagði enn konungi. at þessi maðr var kominn til flokksins oc hvarf ecki aftr. Enn likt þicki mer segir hann. at her fari Hiev son Josaphat. oc ægi syniz mer fvlkomliga<sup>8</sup> friðlikt. Joram bað<sup>9</sup> hva kerru oc bæita hesta fyrir. Geck hann þa vt oc settiz i kerru<sup>10</sup> oc for sialfr i mot Hiev. enn Ochozias<sup>11</sup> i annarri kerru. þeir fvnndu Hiev a akri Naboth. er Jezabel<sup>12</sup> lét drepa saklavsan. sem fyrr var sagt. Joram mælti þa. Hvart er friðr Hiev. Hann svaraði. [Hvað friði.<sup>13</sup> Hordomar oc hosleysvur oc ærslafvll<sup>14</sup> grínd Jezabel moðvr þinnar hefir enn her til margan mann svikliga sigrað. Joram bra þa vpp hendi sinni oc sneriz<sup>15</sup> a flotta. Hann kallaði a Ochoziam<sup>16</sup> oc mælti. Svik svik Ochozia.<sup>17</sup> Hiev þreif einn handboga oc lavst avro

<sup>1)</sup> Her ender Fragm. XVIIa. <sup>2)</sup> sóru tilf. A <sup>3)</sup> rikuz, A <sup>4)</sup> eyki, A <sup>5)</sup> mgl. A <sup>6)</sup> ok, A <sup>7)</sup> Her begynder Fragm. XVIIb. <sup>8)</sup> miok, Frag. <sup>9)</sup> þa tilf. Frag. <sup>10)</sup> kerruna, A <sup>11)</sup> Achazias, Frag. <sup>12)</sup> Her begynder atter B. <sup>13)</sup> [mgl. A <sup>14)</sup> saal. B. A, Frag.; ærslafvll, C <sup>15)</sup> sneri, Frag <sup>16)</sup> Achaziam, Frag. <sup>17)</sup> Achazia, Frag.

milli herða Joram konvngi i gegnvm hiartað. sva at vt geck vm briostið. Hann steypłizt afram i kerrvnni. Þa mæłłti Hiev við hertoga<sup>1</sup> ginn er het Baddacher.<sup>2</sup> [Tak þv oc kasta<sup>3</sup> Joram or kerrvnni i<sup>4</sup> akrinn. Þi at ek man giorla. hversu gvð heitaðiz fyrir mvnn Helye spamannz at hefna Naboth. er saklavss var drepinn a þessum akri. Ochozias konvngr Juda sem hann ser þetta. flyr hann vndan. Enn Hieu sækir eptir oc eggjar sina menn at drepa hann. ef þeir mega. Hann flyði i þann stað er heitir Maggedo. oc þar do hann lillo siðarr. Flvttv hans menn lik haus i Hiervsalein oc grofv hann hia frendvm sinvm.<sup>5</sup>

### Drepin hin illa Jezabel drotning.<sup>6</sup>

350. Enn<sup>7</sup> er Hieu hafði drepit Joram. þa sotti hann til borgarinnar Hiezrael. Ok sem hin illa drottning Jezabel moðir Jorams konvngs heyrði sagt. at Hieu nalgaðizt til borgarinnar. hratt hon af ser ellipocka sem hon matti oc pryddi sik agæłvm hofvðbvnaði oc hinvm bezta kleðnaði. Hon geck vpp i ginn tvrn oc sa til. er Hieu reið i borgina með [sina menn.<sup>8</sup> Hon mæłłti þa. Hvart matti vandr drottins svikari<sup>9</sup> Zambri [nðckvrn frið hafa.<sup>10</sup> er drap svikliga sinn herra. Hieu leit vpp til hennar. oc spvrði hver sv kona veri. Enn .ii. gellðingar er þar vorv i tvrninvm<sup>11</sup> hia henne [hnægðv honvm oc<sup>12</sup> sðgv. at þar<sup>13</sup> var drottning Jezabel. Hieu bavð þeim at taka hana oc hrinda henne ofan or tvrninvm. Þeir gerðv sva. Hravt hæili hennar oc bloð viða vm hvsveggi. enn hestar Hieu traþv hrę hennar vndir fotvm. Þvi nęst geck Hieu til borðz. Enn er hann hafði snæðt. mæłłti hann til sinna manna.<sup>14</sup> Þessi bannsætta<sup>15</sup> Jezabel var konvngs dottir. farit þi til oc grafit hana. Þeir forv oc svundv ecki af henne vłan [havsinn oc litit<sup>16</sup> framan af fingrv oc fotvm. Þeir sðgv Hieu til sva hvins. Hann svaraði þa. Fylliz<sup>17</sup> enn i þesso þat er drottinn mæłłti fyrir mvnn Helye spamannz. at Jezabel myndi<sup>18</sup> hvndar rifa oc hennar hrę myndi<sup>19</sup> ðllvm monnvum verða at avgabragði sem annarr fvll iarðar savrr.

<sup>1)</sup> Her ender Fragm. XVIIb. <sup>2)</sup> Baddazer, B <sup>3)</sup> [Kasta þu, B <sup>4)</sup> aa, B <sup>5)</sup> i borg David tilf. B <sup>6)</sup> Her segir af dauða Jezabel drottningar, A <sup>7)</sup> Eptir þat, A <sup>8)</sup> [flock sinn, A <sup>9)</sup> auikarinn, B <sup>10)</sup> tilf. A; [með nqkkurum friði uera, B <sup>11)</sup> murinum, B <sup>12)</sup> [mgl. B <sup>13)</sup> su kona, A <sup>14)</sup> undirmanna, A <sup>15)</sup> ok hin bqlfaða tilf. B <sup>16)</sup> [mgl. A <sup>17)</sup> Fylliz, B <sup>18)</sup> mundu, A <sup>19)</sup> mundi, A

Drepner aller syner Achab konungs.<sup>1</sup>

427 351. Achab konvng<sup>r</sup> atti .lxx. syni<sup>2</sup> i Samaria. sem fyrr var gætið. oc vnf<sup>r</sup>am þessir<sup>3</sup> .ii. Ochozias oc Joram. Hieu sendir nv bref i Samariam. þá v<sup>r</sup> bref segia sva. Hieu sendir qveðiv höfðingivm i Samaria. baronvm<sup>4</sup> ok borgargræifvm oc ðllvm ræðismonnvm oc rikbornvm. þeim sem vpp hafa fæðt oc fostrað syni Achabs. þer hafuð mikit höfðingiaval. vigskerða vagna oc vapnabvnað. hestalið oc hqlzliti<sup>5</sup> styrkar borgir. Nv<sup>6</sup> sva skiott sem yðr ero<sup>7</sup> borin þessi bref. þa velit til konvngs oc setið i lignarsæti feðr sins einn þann er bezt er<sup>8</sup> tilfallinn<sup>9</sup> af .lxx. sona Achabs konvngs. Fylgið þessvm<sup>10</sup> siðan oc verið með oddi oc eggio riki hans. Enn þessir höfðingiar vvrðv ottaslegnir. oc talvðv sva sin a milli. at þeir [mvndo<sup>11</sup> ecki mega<sup>12</sup> striða i mot Hiev. allz æigi mattv .ii. rikir konvngar. Sendv þeir þesshattar<sup>13</sup> bref oc boðskap i mot brefvm Hieu. Vgr ervm allir þinir þræl<sup>r</sup>. firir þi manvm ver gera alla hlvti sem þv byðr enn geraz ecki sva diarfir at taka konvng æða ræisa flok i moti þer. Sem honvm [koma þessar orðsendingar.<sup>14</sup> ritar hann enn tij þeirra. þar<sup>15</sup> segir sva. Ef þer höfðingiar Samarie vilit vera minir menn oc mer hlyðnaz.<sup>16</sup> þa takit alla syni Achab oc latið koma til min höfvd þeirra æigi seinna enn a<sup>17</sup> morgin i þenna tima. Nv þegar sem [bref komo.<sup>18</sup> drapv gjeðingar<sup>19</sup> Samarie .lxx. konvngssona<sup>20</sup> oc sendv Hieu höfvd þeirra. Oc er [sendimaðr sagði<sup>21</sup> honvm. at höfvdin vorv<sup>22</sup> komin. þa mælti hann. Kastid saman i tver hrvgrv vtan borgar oc biði sva morgins. Enn er lysti vni morgvninn. geck Hiev vt at sia höfvdin. Hann mælti þa við allan lyð. Þer erot rættlatir. litið nv a allir. at ek hefð drepit Joram konvng oc sva þessa hans [bræðr. er<sup>23</sup> her liggia nv höfvdin. oc til yðvars vitniss hefð ek [æigi æitt latið enn her til niðr falla<sup>24</sup> af boðskap drottins. þeim er hann hefð framm sagt yfir hvs Achabs fyrir mvnn Helye af Thesbes. Þvi ngrt liet Hiev drepa þa. sem eptir vorv af monnvm Achab i borg Jezrael. sva rika sem fataekia.<sup>25</sup> ef<sup>26</sup> hans frendr höfðv verit gða vinir.

Enn þat ferðaðiz hann með sina menn i Samariam. Enn er þeir komv þar sem var hiarðsvæina skali nockvr<sup>27</sup> við veginn. [fvndv þeir

<sup>1</sup>) Fra bre(fasending Hieu, A <sup>2</sup>) suna, B; sona, A <sup>3</sup>) mgl. B <sup>4</sup>) bar-unum, B <sup>5</sup>) saal. B: hæylsti, C; hardla, A <sup>6</sup>) C tilf. her fyrir; mgl. B, A <sup>7</sup>) uerða, B <sup>8</sup>) se, B <sup>9</sup>) fallinn til þess ualldz, A <sup>10</sup>) honvm, A <sup>11</sup>) myndi, B <sup>12</sup>) [mego ecki, A <sup>13</sup>) þa sua fattin, A <sup>14</sup>) [kemr þessor orðsending, A <sup>15</sup>) þat, B, A <sup>16</sup>) hlyðner, B <sup>17</sup>) i, B <sup>18</sup>) [brefen koma, B <sup>19</sup>) saal. B, A; gjeðingiar, C <sup>20</sup>) suna Achabs konungs, B <sup>21</sup>) [sendimenn sagðu, B <sup>22</sup>) vgr, B <sup>23</sup>) [brædr. sem, A <sup>24</sup>) [enn æigi eitt her til niðr fellt, B <sup>25</sup>) fateka, B, A <sup>26</sup>) er, A <sup>27</sup>) ngkkurr, B



broðvr<sup>1</sup> Ochozie konvngs af Hiervsaleim með nockora menn. Hieu spurði. hvat manna þeir veri. Þeir svörvðv. Ver erom frendr Ochozie konvngs oc ætlvm at fara i Samariam til fyndar við syni Achabs oc drottningar Jezabel. Hieu bað sina menn handtaka þa. Þeir gerðv sva oc liet hann þa alla drepa niðr i gina tíðrn er þar var hia hirð-  
abvðinni .ii. menn hins fimta tigar. Sem hann for þaðan. fann hann Jonadab syn þess<sup>2</sup> höðsingia er het Rechab. Hieu heilsaði honvm oc mællti. Mant þv nackvat Jonadab mer iafngoðviliaðr sem ek þer. Hann qvað þat vist. Þa mællti Hieu. Þa handfest mer vpp a trv þina. at þv skalt vera minn trvr vin. Ok þat handfesti hann.<sup>3</sup> Hieu setti hann þa i kerryrna hia ser oc mællti. Nv skaltv fara með mer oc sia hverso ek fylgi vandlætisskappi drottins. Enn er hann kom i Samariam. drap hann alla þa sem eftir lifðv af svæitvngvm Achab.

Þi næst stefndi Hieu saman ðllvm lyð oc mællti við folkit. Achab þa er hann var konvngr i þessi borg dyrkaði Baal oc þo æigi miog. enn nv skal ek tigna hann meirr. Fyrir þa skyld boðit<sup>4</sup> a minn svnd ðllvm spamonnvvm Baal oc ollvm hofprestvm oc hans þionostomonnvvm. þvi at ek vil gera honvm mikit blot. oc fyrir þvi skal hverr er<sup>5</sup> heima sitr af hans þionvm vita ser visan bana. Eftir þessvm hans boðskap komo saman i Samaria allir blotmenn Baal. sva at eigi sat einn eptir i ðllo riki Jsrael. Þa mællti Hiev. Litið nv oc helgið Baal hina mestv hatið. Sem ailir menn<sup>6</sup> þeir er Baal þionvðv vorv inn komnir i [hans hit mikla hof. sva at allt var fyllt sem flest<sup>7</sup> matti inni vera. þa havð Hieu sinvm fehirðvm at færa sémiligan kleðabvnað ðllvm blotmonnvvm Baal. Þi næst geck Hieu inn i hofit oc mællti til allra þeirra er inne vorv. Takit nv til þionostogerðar yðvarrar oc actið<sup>8</sup> þo aðr. at [eigi nockvrr<sup>9</sup> af þionostomonnvvm drottins se her inne hia yðr. Enn aðr Hieu hafði inn gengit. skipaði hann vti hia hofino .lxxx. hinna hravstvzstv manna með alvæpni sva segiandi. Vitið þat fyrir vist. ef nockvrr af þessvm monnvvm sem nv ero her i hofino kæmzt með lifi a bravtto.<sup>10</sup> þa skal sa yðarr lifnv<sup>11</sup> tyna. ef<sup>12</sup> hinn lætr brottv flyia. Nv sem lokit var at fornlæra. havð Hieu sinvm kavppvm at ganga inn i hofit oc drepa þa. Þeir slogu sverði alla þa sem inni varo oc drogv vt hræ þeirra or hofino. Þeir brvtv skvrðgoðit Baal<sup>13</sup> oc brendv. Brvtv þeir oc hofit oc gerðv þar garðhvs i staðinn. sem enn ma merki sia segir Jeronimvs prestr. Hieu eyddi fvlkumlga oc maði af

<sup>1)</sup> [sunduz þeir brøðr, B <sup>2)</sup> mannz ok tilf. B <sup>3)</sup> tilf. B, A <sup>4)</sup> higat tilf. A  
<sup>5)</sup> sa sem, A <sup>6)</sup> mgl. B <sup>7)</sup> [husit. ok þat hit mikkla hof var sva fullt  
sem mest, B <sup>8)</sup> vaktit, B <sup>9)</sup> [engin, A <sup>10)</sup> brott, B, A <sup>11)</sup> lif, B  
<sup>12)</sup> .sem, B, A <sup>13)</sup> mgl. A

Jsraels folki allan atrvnað Baal. Enn þó hvarf hann ægi fra<sup>1</sup> synðvm Jeroboam sonar Nabath. Þi at hann dyrkaði gvlkalfa. Þa er Jeroboam hafði gera latið i Bethel oc Dan. Drottinn vitraðiz Hieu sva segiandi. Fyrir þi segir drottinn at þv hefir eptir minvm boðskap mikla stvnd a lagt at drepa niðr ætt alla oc afkvæmi Achab. Þa skolv þinir synir allt til fiordv ættar eignaz ríki oc sitia yfir tignarsæti Jsraels. Enn þó gæymði Hieu ægi at varðvæita lögmál drottins gvðs sins.

### Joachaz tok konungdom.<sup>2</sup>

352. J þann tíma tok Jsraels lyðr miog at misgera i vhlýðni gvðs boðorða. fyrir því striddi a þa oc vndir lagði Azael konvngur af Syria. Hann vann með herskilddi oc lagði<sup>3</sup> vndir sik [allt ríki Galaad oc Basan<sup>4</sup> allt fra forsi Arnon oc til Jordanar. Nv er þat mart vm alhafnir Hieu oc hans styrk. er þer græinir ægi. enn skrifat man sinnaz i Paralyppomenon i ævi Jsraels konvnga. Hieu varð soltdavðr oc grafinn hia feðr sinvm i Samaria. Þa hafði hann ríkt yfir Jsrael .viii. ar oc .xx. Eftir þat tok ríki yfir Jsrael son Hieu er hét Joachaz.

### Hversv Joas var vndan skotit ok til konungs tekinn.<sup>5</sup>

353. Nv er þar til at taka. er Atthalía móðir Ochozie konvngs af Hiervsalem frettir davða svnar sins. Ríss hon þegar vpp oc var heunar þat hit fyrsta. at hon lét drepa allt konvngakyn i<sup>6</sup> Jvda oc Hiervsalem. Enn Sosaba<sup>7</sup> dottir Joram konvngs gat nað læyniliga oc skotið vndan einv vngbarni Ochozie<sup>8</sup> broðvr sins<sup>9</sup> með fostro barnsins. Sosaba<sup>7</sup> fal þenna hinn lofliga stvlð. meðan Atthalía stivpmóðir hennar lét drepa onnvr konvngsbavn. Litlo siðarr færði Sosaba<sup>7</sup> þenna hinn vnga sinn broðvrson til mvsteris drottins oc fæddi hann þar vpp a lavn .vi. ar. Þessi svæinn het Joas. Atthalía settiz i ríkit oc hvgðiz<sup>10</sup> hafa æyðt allri konvnga gtt.

A .vii. ari fra því sem nv var sagt sendi Joiada. er þa var byskvp i Hiervsalem. boð vm allt ríki Jvda oc stefndi til sin i templvm domini öllum hvndraðshðfðingivm oc rikbornvm riddorvm.<sup>11</sup> J fyrsto helgar

<sup>1</sup>) af qllum, B <sup>2</sup>) Fra Azael konungi ok andlati Hieu, A <sup>3</sup>) vann, B

<sup>4</sup>) [qll persi ríki. Galaath iqrð ok Gad ok Ruben ok Manase Abaroer ok Besan, B. <sup>5</sup>) Fra Attalia móðvr Ochozie konungs, A <sup>6</sup>) mgl. B

<sup>7</sup>) Josaba, B <sup>8</sup>) konungs tilf. A <sup>9</sup>) ok tilf. A <sup>10</sup>) mynda tilf. B; hwa tilf. A <sup>11</sup>) riddarum, B, A

hann [þetta þing<sup>1</sup> með gríðamalvm allra þeirra i millvm oc semr  
sattmal við þa með swardaga allra<sup>2</sup> höfðingia. Síðan synir hann þeim  
konvngssvn. oc bavð þeim sva segiandi. Þer skolv<sup>t</sup> þrískipta liði  
yðrv. skal æinn þriðivngr liðs yðvars ganga hliððliga vpp i konvngs-  
garðinn oc gięta svæfnhallarinnar. annarr flockr skal geyma hliðs  
Seyr.<sup>3</sup> hinn þriði flockr skal vera við portið a bak skialldsveina bvðvm.  
Enn<sup>4</sup> ferr i hönd mikil hatið. þa skolv<sup>t</sup> þer sva skiptaz við.<sup>5</sup> at þriði-  
vngr svæitarinnar skal senn<sup>6</sup> ganga [a hatiðarhalldit.<sup>7</sup> oc sva sem sa  
floccr gengr vt. þa skal annarr ganga inn. sva at iafnan halldi .ii.  
floccar vðrð [oc varðvæiti<sup>8</sup> garð mvsterissins. er einn gengr inn i  
hatiðarhalldit. Nv sem liðr hatiðin. þa skolo .ii. hlvtir hallda fylgð  
konvngi yðrvm allir vapnaðir.<sup>9</sup> hvart sem hann gengr inn eða vt. Enn  
allir samt skolo þer til geyma. ef nockorr af vvinvm konvngs gengr  
inn vm garð mvsterissins. at sa se þegar drepinn. Höfðingar giðrðv  
nv hverr með sina<sup>10</sup> svæit sem byskvp<sup>11</sup> bavð. oc<sup>12</sup> lyktvðv hatiðar-  
halldi komo þeir<sup>13</sup> fyrir kennimanninn. Bar hann þa fram vapn þav  
sem alt hafði Daud konvng. er<sup>14</sup> þar höfðv varðvæitt verit i mvst-  
erino. skipvðvzt þeir þa með brvgðin vapn i fylking vm þvert mvst-  
erit. Þesso næst leiddi Joiada byskvp framm Joas konvngssvn. Gafv  
höfðingar honvm konvngs nafn oc dæmðv<sup>15</sup> honvm riki. Enn Joiada  
byskvp setti koronv a höfðv honvm oc smvrði hann oc vigði til kon-  
vngs yfir Hiervsalēm oc riki Jvda. Þæyttv þeir þa sina sagnaðarlvðra  
oc liekv allzkouar<sup>16</sup> sðngfæri með glavm oc glæði oc mæltv. Lifi  
konvngr varr Joas.

Atthalia hæyrir nv<sup>17</sup> hark oc hareysti alþýðv. þi at allr lyðr  
skvndaði til mvsteriss<sup>18</sup> sem fara matti. Slo hon ser [oc þa<sup>19</sup> a ferð  
með ððro folki at forvitnaz hvat vm veri. Sem hon kom inn i mvst-  
eri drottins oc sa konvng stolsettan oc koronaðan ok hæyrði allan  
lyð syngianda savngfæri. svmir svngv fyrir honvm<sup>20</sup> eiginne [oc  
hinne fegrsto ravst.<sup>21</sup> svmir i pipvr gða hlæsuv lvðra með allzhaltar  
gleði oc skemtan. þa ræif Atthalia af ser kleðin oc kallaði sva seg-  
iandi. Væi væi. nv fara svik j. Enn þegar sem byskvp sa hana. bavð  
hann hershöfðingivm at taka hana oc læiða<sup>22</sup> vt vm garð mvsterissins.  
at æigi savrgiz templum domini i drapi hennar. Enn ef nðckorr er  
sva diarfr segir hann. at henne væiti fylgð gða forstoðv. þa slae þann

<sup>1</sup>) [þat a þinginu, B <sup>2</sup>) saal. A; all, C; mgl. B <sup>3</sup>) Seir, B <sup>4</sup>) nu tilf. B

<sup>5</sup>) tilf, B <sup>6</sup>) i sgtin, B <sup>7</sup>) [ok i hatiðarhalldit sotti(!), B <sup>8</sup>) [um, B

<sup>9</sup>) alnapnaðir, A <sup>10</sup>) sinni, B <sup>11</sup>) Joiada, B <sup>12</sup>) at, A <sup>13</sup>) síðan tilf. B

<sup>14</sup>) ok, A <sup>15</sup>) dæmdu, A <sup>16</sup>) sagra leika ok tilf. B, A <sup>17</sup>) Her mangle

3 Blade i B. <sup>18</sup>) mvsterissins, A <sup>19</sup>) [þa ok, A <sup>20</sup>) með tilf. A

<sup>21</sup>) [raust hinni fegrstu, A <sup>22</sup>) bana, tilf. A

sverði. Þeir havndlöðv<sup>1</sup> hana oc ferðv hæim til hallar oc drapv hana þar sem heitir hestahlið. Lavk sva æfi Atthalie a .vii.<sup>2</sup> ari rikiss hennar.

Eftir þetta setti byskvp sattnial oc frið af drottins hendi við konvng oc lyðinn. oc þav lagv at allt folk skyllði gvði þiona oc væita honvm hlyðni oc konvngi sinvm trvliga fylgð oc vörkvæmiliga virðing. Þvi næst for allr lyðr með konvngi oc höfðingivm til blothvsa Baal oc brtv niðr ðll skvrðgud [hans oc stalla. enn<sup>2</sup> Nathan hofprest hivggv þeir<sup>3</sup> fyrir sialfv alltari i hofino. oc eyddv sva ðllvm blotskap i Hiervsalein. Joiada byskvp setti nv [styrk varðhölld<sup>4</sup> i mvstere drottins oc skipaði til fylgðar oc gæymslo við konvng hvndradshöfðingia oc hermanna flocka. þa er [kallaðir vorv<sup>5</sup> cherethi oc phelethi. oc vt þar ifra allan lyð rikissins. Leiðdv þeir nv konvng fra mvsterino heim til hallar oc sæltv hann i konvngs hasæti. Enn ðll borgin þotti þiota af savnghliðvum með glavm oc glæði oc allzsheriar sagnaði. Enn Atthalia la drepin i konvngsgarðinvum oc harmaði þat engi.

#### Fra Joas konungi oc Azael konungi.

354. A .vii.<sup>6</sup> ari rikiss Hieu tok konvngdom Joas. þa var hann .vii. vetra. oc rikti i Hiervsalein .lx. ara. Moðir hans het Sebæia kynivð af Bersabe. Joas vñann rættlæti i avgliti drottins g meðan Joiada byskvp lifði oc lærði hann. Enn þo cyddi hann enn ægi fornavm vvanda<sup>6</sup> lyðsins at fornsæra a hegðvm hverrar borgar. Joas konvngv bavð sva. at kennimenn skyllði taka oc hafa til þess at endrbæta þat er forsk<sup>7</sup> gða fyrndiz af<sup>8</sup> mvsterino allt þat se. er þangat var flvtt af vmsfarandvm monnvum gða menn offrvðv fyrir frvnggetnaði sina sem lagv bvðv. sva oc þat se er menn gavv at sialfvilia sinvm i templym domini. Nv for sva. þar til er Joas hafði rikt .iii. ar oc .xx. at kennimenn toko fgit enn bættv<sup>9</sup> ecki at mvsterino. þa kallaði konvngv til sin Joiada byskvp oc aðra kennimenn sva segiandi. Fyrir hvi lati þer ekki efla templym domini sem ek sagða fyrir. þvi skolv þer av ecki heðan af taka<sup>10</sup> se at sialfskipan yðvarri. hellðr giallda [aptr tekitt se<sup>11</sup> til vppræisingar oc gndrbætingar<sup>12</sup> hravnaðra<sup>13</sup> hlvtu. Tok þa byskvp gina mikla fehirdzlo oc setti ððrvum megin alltariss i mvsterino. oc lgtv kennimenn þar þa<sup>14</sup> i koma allt þat se sem offrat var. Ok þa er

<sup>1</sup>) böndladu, A <sup>2</sup>) [ok stæina, A <sup>3</sup>) i sundr i .ii. luti tilf. A <sup>4</sup>) [styrkt vardhallð, A <sup>5</sup>) [heita, A <sup>6</sup>) vanda, A <sup>7</sup>) forst, A <sup>8</sup>) at, A <sup>9</sup>) bœttu, A <sup>10</sup>) þat tilf. A <sup>11</sup>) [saa. A; takit, C <sup>12</sup>) endrbætingar, A <sup>13</sup>) rðrnadra, A <sup>14</sup>) mgl. A

þar var allmikit fe saman komit. for til notarivs konvngs með yfir-  
byskvi oc skiptv fenv til kostnaðar at smiða at mvsterino þat sem  
þyrfti. Enn þat fe toko kennimenn sem lyðrinn gallt i misverka bætr  
gða synða giolld.

J þann tima for Azael Syrlandz konvngr með allmikinn her i  
Gyðinga land oc settiz vm borgina Geth oc vann hana. Þvi næst flvtti  
hann allan herinn til Jorsalaborgar oc ætlaði at vinna hana. Joas  
konvngr tok þa allt gvl oc silfr. þat er hann ok hinir fyrri konvngar  
Jôsaphat oc Joram oc Ochozias höfðv helgat til templvm domini. ok  
sva allt þat er sialfr hann feck i konvngs sehirðzlv. þetta allt fe  
sendi hann Azaeli Syrlandz konvngi. [oc við<sup>1</sup> þat hvarf hann fra  
Hiervsalem.

#### Fra Joachaz syni Hieu.

355. A þriðia ari oc .xx. Joas konvngs Juda toc riki yfir Jsrael  
Joachaz son Hieu. hann rikti .xiii. ar i Samaria oc var illr konvngr  
ok vgæyminn gvðs boðorða. Ok fyrir þi at hann liet folkit miok mis-  
gera i avgliti drottins oc ræitti sva reiði gvðs i mot Jsraelitis sem  
Jeroboam son Nabath gða aðrir illir konvngar. þa seldi drottinn þa  
vndir sverð Syrorvm oc i hendr Azael Syrlandz konvngi oc Benadab  
syni hans. sva at alldri geck af Jsraelitis agi oc vфриðr meðan Joachaz  
lifði. Enn þo vm siðir bað Joachaz til gvðs. oc drottinn hæyrði<sup>2</sup> oc  
sendi Jsraelitis hialparmann eftir davða Joachaz. þann er þa frolsti  
vndan anavð oc agangi Sirorvm. Enn ecki at helldr fyrirlietv þeir  
sinar illzkvr oc fornar vhfvr. þi at enn þa stoð blotskogr i Sama-  
ria. Enn sva drap Syrlandz konvngr niðr oc æyddi Jsraels folk.<sup>3</sup> at  
æigi var meirr eftir herlið með Joachaz konvngi en .v. tigr riddara  
oc .x. vagnar oc .x. þvsvndir folgangandi manna. Enn þo varð Joachaz  
sottdavðr. Hann alti son eftir er het Joas. hann tok riki eftir feðr  
sinn ok rikti .xvi. ar i Samaria yfir Jsrael oc var illr konvngr.

Þat er sagt þesso næst. at daligir drottins svikar þrælar Joas  
konvngs af Hiervsalem. het annarr Joachar enn annarr Jozabath. riso  
vpp oc bvndo eið saman moti sinvm herra oc drapv Joas konvng i  
Hiervsalem. Var hann iarðaðr hia sinvm frendvm oc forellrv i David  
borg. Hans son het Amasia.<sup>4</sup>

<sup>1</sup>) [eptir, A <sup>2</sup>) bæn hans tilf. A <sup>3</sup>) folki, A <sup>4</sup>) Amasa, A

## Fra andlati Helysevs.

356. J þenna tíma tok hinn ágætli Helysevs spamaðr selt. þá er hann læiddi til bana. Joas konvngur af Samaria fór þá at vilja hans. Hann sytli oc svarkaði miog fyrir honum. Minn kærí faðir sagði hann. þar ferr nú styrkr ok stíorn Jsraels ef þú dæyr. Helysevs bað hann taka boga oc avrvar oc sára sér. Joas gerði sva. þá lagði konvngur sínar hendr a bogann. en Helysevs sínar hendr a hans hendr. oc bað hann opna glvgginn avstan a herberginu oc skiota þar vt avr af boganum. Konvngur gíðrði sva. þá mælti Helysevs. Skæyti drottins oc sigravr moti Syris. þú mannt stríða a Syrland oc vinna borg Japhet. Tak enn avrvar oc skiot sem tíðaz iorðina vt í gegnum glvgginn. Konvngur skavt þrim avrum oc lætti þá af. Guðs manni mislikaði er hann villdi æigi længr skiota oc mælti til hans. Nú draptu mikinn sigr or hendi þer. heðir þú sendt vt .v. skæyti gða .vi. gða ðll .vii. þá mndir þú fvlkomliga sigraz oc vinna Syriam allt vndir þik. Enn nú mant þú væita þrim sinnum Syris mikinn<sup>1</sup> slag. Þú næst andaðiz hinn ágætli Helysevs gvðs vin. oc væittu Gyðingar honum sémiligan gravst at sinum síð. Enn [miklu síðarr<sup>2</sup> a þú sama ari heriaðv nockorir vikingar af ríki Moab a Jsraelitas. þá tok selt æinn bondi í Samaria oc andaðizt. Enn frendr hans forv með líkið oc ællaðv at grafa. þá sa þeir vikingaliðit oc vvrðv sva hræddir. at þeir þorðv æigi at flytia líkamann þangat sem þeir höfðv ætlat. ok kastoðv niðr í gina líkagröf. er opin var<sup>3</sup> fyrir þeim. oc gæymðv æigi hvað vndir var. Eðn þar [vorv fyrir bæin<sup>4</sup> Helysei. Ok þegar sem líkami hins andaða kom niðr oc snart bæin hins helga mannz. þá lifnaði bondi oc reis vpp alheill af verðlæiknum Helysei.

## Fra Amasias syni Joas. capitulum.

357. Azael Syrlándz konvngur kvalði akafliga Jsraels lyð alla daga Joachaz konvngs. sem fyrr var sagt. en síðan miskvnaði drottinn þeim sakir satmáls þess er hann setti við fyrri feðr þeirra Abraham Ysaac oc Jacob. oc villdi æigi enn dreifa þeim gða með ðllo af hendi kasta. Do þá Azael konvngur í Syria. enn Benadað<sup>5</sup> son hans tok ríki eftir hann. For þá Joas son Joachaz .iii. herfarar í Syrlánd oc bardiz við Benadað oc hafði í ðllum þeim sigr oc vann aftr vndir Jsrael af

<sup>1</sup>) mikit, A    <sup>2</sup>) [mgl. A    <sup>3</sup>) stod, A    <sup>4</sup>) [var fyrir lík, A    <sup>5</sup>) Benadab her og senere A

Benadað konvngi allar þær borgir, sem faðir hans hafði hertekið af Joachaz favðvr Joas.

432.

A ððrv ari rikiss Joas sonar Joachaz konvngs Jsraels tok ríki Juda Amasias, son Joas konvngs af Hiervsalem. Þá var hann half-þritogr at alldri oc ríkti [.xx. oc .ix. ar<sup>1</sup> i Hiervsalem. Amasias geck fram allan réttan veg i avgliti drottins oc þo æigi til fullz við dyrðarfvllan Daud konvng. helldr fylgði hann fotsporvm feðr sins oc æigi eyddi hann hæða fornfæringvm. Oc þegar hann hafði ððlaz ríki, tok hann af lífi þa vando svikara sem drepit höðv favðvr hans, enn lifa lígt hann sonv þeirra estir, sem drottinn bavð i lavgmali Moysi, at æigi skyllði feðr<sup>2</sup> dæyia fyrir syni oc æigi synir fyrir feðr helldr hverr sem ginn i sialfs sins savk.

Amasias atti bardaga i ríki Edom þar sem hætir Vallis salinarvm, oc felldi af Jdvmeis .x. þvsvndir manna oc feck vnnið berg gítt agéta gott vígi. Þvi næst sendi hann orð Joas konvngi Jsraels, at hann skyllði koma til motz við hann. Enn Joas tok þi [helldr stykt<sup>3</sup> oc storliga, hann sendi þess hattar haðvngarorð i moti, þat vvirðvliga trø segir hann Libani<sup>4</sup> er cardvvs hætir, þat køvllv ver þístil, sendi orð cedro Libani sva segiandi, Gief þv dottvr þina syni minvm til eiginkono. Enn ðll skogdyr af Libano forv til at foltroða cardvnm. Nv veit ek, at þv stgrisz<sup>5</sup> i hiarta þino fyrir þat er þv hefir mikinn<sup>6</sup> slag væitt Jdvmeis, enn ek ræð hégillt. Vert þv hallzsamr þinni sðmð oc sit kyrr i hvsi þino, gða hvat skaltv egna til illz oc hafa þik i haska oc allan lyð yðvarnn. Amasias gaf ser ecki vm orðsending Joas. Enn litlo síðarr for Joas með her i ríki Jvda, oc fvnndvzt þeir Amasias þar sem hætir Bethsamis, oc rgðv Jsraelite þegar a til bardaga. Enn allt lið flyði frá Amasia, þat er gígi var drepit, enn hann sialfr hanntekinn.<sup>7</sup> oc flvtti Joas hann með ser til Jorsalaborgar. Joas barðiz a borgina oc bravt niðr mvr Hiervsalem vm .cccc. alna. Hann tok at herfangi allt gvll oc silfr oc ðll kær i templo domini oc allar konvngs fehirðzlv oc for við þat aftr i Samariam. Jeroboam het son Joas.

Joas varð soltdavðr i Samaria oc þar grafiun hia konvngvm Jsraels. Enn Amasias lifði síðan .xv. ar. Hans son het Azarias gða Ozias. A .xv.<sup>8</sup> ari rikis Amasie tok ríki yfir Jsrael Jeroboam son Joas oc ríkti i Samaria eitt ar oc .xl. oc var illr konvngr. A ofanverðvm davgvm Amasie konvngs harv borgarmenn i Hiervsalem rað sin saman i mot honvm, enn konvngr flyði vndan i þann stað er Johis

<sup>1)</sup> [saal. A; .xx. ix., C <sup>2)</sup> þeirra tilf. A <sup>3)</sup> [stygt, A <sup>4)</sup> mgl. A <sup>5)</sup> stær-iz, A <sup>6)</sup> mik', A <sup>7)</sup> vard handtekinn, A <sup>8)</sup> .xv.<sup>de</sup>, A

heitir. Þeir sendu þangat eptir honum og dröpu hann þar. og fluttu hann dæðan á hestum þeim í Hierusalem og grofu hia feðr sinnum í Davids borg.

Drottinn sa nú mikla kvæði og ávöð Israels lyðs. er hann þóldi af Syri. Ok þá at drottinn gæð villdi eigi með öllu þat folk lata eyðaz. þá efldi hann Jeroboam son Joas konungs af Samaria. þó at hann veri illr. sva at hann vann mikil ríki með hernaði vndir Gyðinga allt frá Einath og til eyðihafs hins mikla og Damaschum.

### Er Ozias varð konungr yfir Jsrael.

358. At dæðum Amasia konungi Jvda varð þat rað allra höfðingia Jvda með samþykki alþýðv at hafa til ríkiss Oziam son Amasie. þat var á .vii. ári og .xx. ríkiss Jeroboam konungs Israels er Ozias tok konungdom. þá var hann .xviii. vetra. hann ríkti í Hierusalem .ii. ár og .i. Moðir hans het Jecelia kynið af Hierusalem. Ozias var þeckr gæði. þá at hann gekk fram í gæðs avgliti með gæðum verkum allan feril feðr sins. enn þó nam hann eigi af enn.<sup>1</sup> at lýðrinn fornerði í hæðum borga. Hann vann vndir ríki Jvda þá borg. er haitir Ahila. ok ræisti hana vpp og efldi. er aðr var niðr fallin. Jeroboam konungr Israels son Joas varð sottedavör á fyrsta ári hins fimta tigar ríkiss sins og var ierðaðr í Samaria hia konungvni Israels. Hans son het Zacharias. Oziam konung slo drottinn vanheilso. sva at hann var líkþrar allt til dæðadags. hafði hann þá [ser einn<sup>2</sup> herbergi. Enn Joathas son hans stiornaði höll og hirð feðr sins og dæmði allan lyð Jvða. Á dagvum Ozie birtv agigtir spamenn Ysaías Osee Johel Amos Abdias Jonas Micheas.

Á .viii. ári hins fiórða tigar ríkiss Ozie tok konungdom yfir Jsrael Zacharias son Jeroboam. og ríkti .vi. manaði í Samaria og var slíkt illr sem [hans frendr og<sup>3</sup> forellrar. Einn af hans höfðingivm er het Sellvm reis vpp í mot honum. Hann gekk at opinberliga og drap Zachariam og settiz í ríkit eftir. þá at nú var þat fyllt. sem drottinn hafði heitið Hiev. at hans kynsmenn myndi<sup>4</sup> ríkia yfir Jsrael til fiórðv ættlar. Sellvm ríkti einn manaði í Samaria. þá kom sa maðr í Samariam. er Manahen (het) son Gaddi af Thersa. Manahen drap Sellvm í Samaria. Hann vann og þá borg er het Tharsan og drap hvert mannbarn. sem í var borginni. sva vanhæilar konvr sem karla. þá at þeir villdo ægi lva vpp borgina fyrir honum. Hann tok ríki yfir Jsrael í

<sup>1</sup>) mgl. A    <sup>2</sup>) [eign ser, A    <sup>3</sup>) [fadir hans ok frændr gðr, A    <sup>4</sup>) munda, A



Samaria a .ix. ari hins .xl. Ozie. oc ríkti .x. ar. Hann var illr oc vhlýðinn gvði sem Jeroboam forðvm son Nabath. er i synðvm hafði með sér allt Jsraels folk. J þann tíma kom Phul Serkia konvngr með mikinn her i ríki Jsrael. Enn Manahen gaf honvm til þvshvnd þvnda silfr.<sup>1</sup> at hann veri honvm at svlltingi oc styrkti ríki hans en heriaði ægi. Lagði Manahen þetta segialld a alla höfðingia Jsrael oc seríka menn. at hverr þeirra skyldi greiða Serkia konvngi .l. skillinga silfrs. at þessv seltvz þeir. Hvarf þa Phul aptr i Serkland oc dvalðiz ecki lengr i Gyðingalandi. Manahen varð sotldavðr. son hans het Phæccia.<sup>2</sup>

### Fra Joathas syni Ozie.

359. A fimtoganda ari rikiss Ozie konvngs ríkti Phæccia son Manahen .ii. ar i Samaria yfir Jsrael. oc var slíkt illr sem faðir hans. Einn hans hertogi er nefndr Phace son Romelie. þess mannz er sva het. Phace rísti stríð i mot Phæccia konvngi oc drap hann i Samaria i hæsta tvrn konvngs herbergia. oc með honvm .l. rikissmanna af Galaath. Phace son Romelie tok ríki yfir Jsrael a .ii.<sup>3</sup> ari hins setta tigar rikiss Ozie konvngs af Hiervsalem. A þi ari andaþiz Ozias leprosvs konvngr Jvda oc var iarðaðr hia frendvm sínm i borg Davids. Eftir hann tok ríki yfir Jvda Joathas son Ozie. þa var Joathas half-þritogr. Hann ríkti .xvi. ar i Hiervsalem. Móðir hans het Hiervsa. hennar faðir Sadoch. Joathas geck fram eftir fotsporvm feðr síns at goðlæk i gvðs avgliti. enn ægi nam hann af. at folkit fornferði a hæðvm. Hann liet halættliga bva vm dyrr mvsteris drottins. A hans dagvm tokv at ganga a ríki Jvda Rasyn konvngr Syrie oc Phace konvngr son Romelie. Joathas konvngr andaðiz a .xvi. ari rikis síns. oc var grafinn hia konvngvm Jvda i Davids borg. Son hans het Achaz. Phace son Romelie ríkti i Samaria yfir Jsrael .xx. ar. hann var i alla staði slíkt illr sem Jeroboam son Nabath eða aðrir hans eftirkomendr. A dagvm Phace konvngs Jsraels kom Theglathphalassar konvngr af Serklandi. hann rak hernað vm Maacha oc Galaath oc Galileam. oc allt ríki Neptalim vann hann oc herlæiddi i Serkland. þa ræis oc vpp i mot Phace oc væitti honvm vmsat sa maðr er het Osee son Hela. A .xvii. ari rikis Phace tok Achaz son Joathe konvngdom yfir Jvda. þa var hann .xx.<sup>4</sup> at alldri. hann ríkti i Hiervsalem .xvi. ar. Hann villtiz af réttvm vegvm Davids konvngs oc gerði ægi sva at gvði líkaði. helldr geck hann villistiga<sup>5</sup> eftir vandvm vegvm Jsraels konvnga. oc

<sup>1</sup>) saal. ogs, A    <sup>2</sup>) Phateia, A    <sup>3</sup>) odru, A    <sup>4</sup>) .xx.<sup>r</sup>, A    <sup>5</sup>) uillu-  
stiga, A

vmfram þat er<sup>1</sup> enn var verra blotaði hann syni sinvm oc brendi haun<sup>2</sup> fyrir skvrðgoðvm at hæiðinna manna sið. Hann eldi blot a hverri hgd oc halsi oc vudir hverio blomgvðv tre.

### Fra Achaz ok Rasyn konungi.

360. J þann tima forv þeir Rasyn Syrlanz konvgr oc Phace konvgr Jsrael at beriaz a Jorsalaborg. Enn Achaz varðiz harðliga. Enn því at þeir gatv ægi sigrat hann. þa settiz Rasin konvgr vm borg Ahilam. er Ozias konvgr hafði vnnið af Syriss oc vppreista oc eflda. Þessa borg vann Rasin nv aplr vudir Syros oc rak brotto alla Gyðinga enn skipaði sinvm monnvm staðinn. oc hafa Syri eignaz þa borg iafnan síþan. Þvi næst sendi Achaz menn a fvnd Theglathphalassar Serklandz konvgs með þessvm orðvm. Ek em þinn son. oc enn helldr þegn oc þionn. fyrir þi kom til með þinn styrk oc stavck a brottv þessvm konvgvm Rasin oc Phace. er mer þravngva fast oc minv ríki. Her með sendi hann<sup>3</sup> Serkia konvngi at gíof allt lavsafe. þat er hann feck i templo domini oc konvgs schirðzlvm. Serkia konvgr þa gíafir hans oc for þegar i Syriam til Damaschv borgar oc vann hana oc<sup>4</sup> herlæiddi allan borgarlyðinn enn drap Rasin konvg. Achaz konvgr for<sup>5</sup> þa til motz við Serkia konvg i Damaschvm. Enn er Achaz sa [alltarit i höfvðhofi Damaschv borgar.<sup>6</sup> þa gerði hann alla mynd þess alltaris oc sendi i Hiervsalems Vrie kennimanni. Enn Vrias smiðaði þegar alltarit estir allri þeirri skipan sem konvgr bavð. oc lét sva standa þar til er Achaz<sup>7</sup> kom heim i Hiervsalems. Ok þegar sem hann sa alltari þetta. lavt hann því oc fgrði þar yfir ofr<sup>8</sup> oc fornir. Enn hann flvtti brot gíralltarit or templo domini. Hann bavð Vrie byskvpi at fera allar fornir yfir þat mikla alltari. sem hann hafði gera latið. Vrias gerði alla lvti [eptir hans boði.<sup>9</sup> Achaz lét oc taka enevm mare af sinvm vmbvnaði oc setia a bert steingolft. oc alla pryði invsterissins lét hann svivirða. oc allt þetta<sup>10</sup> sakir Serkia konvgs. A þeim tima veitti Osee. sem fyrr var getið. með raði Serkia konvgs vmsatir Phace konvngi oc drap hann. enn settiz i ríkit eptir oc ríkti i Samaria .ix. ar. Achaz hinn illi konvgr varð sottdavör a .xvi. ari ríkis sins oc var grafinn þo at vverpvgv hia frendvm sinvm i borg Davids.

<sup>1</sup>) sem, A <sup>2</sup>) mgl. A <sup>3</sup>) saal. A; ek, C <sup>4</sup>) enn, A <sup>5</sup>) ferr, A <sup>6</sup>) [höfud-  
hóft ok þat alltari sem þar stod i Damasco borg, A <sup>7</sup>) konvgr tilf. A  
<sup>8</sup>) ofr, A <sup>9</sup>) [sem hann baud honum, A <sup>10</sup>) gerdi hann tilf. A

Her byriaz vpp af Ezechiam syni Achaz.

361. Hezechias<sup>1</sup> het son Achaz. er riki tok yfir Jvda eftir feðr sinn a .iii. ari rikiss Osee konvngs Jsraels. þa var Hezechias halfþri-togr. Hann rikti .ix. ar oc .xx. oc var vlikr sinvm feðr Achaz. þi at Hezechias af öllum konvngvm Juda hefir næst gengit vm allan goðlæik Daudid konvngi. Moðir hans het Abia dottir Zacharie. Osee konvngr Jsraels gerði æigi goðs hlvti i avgliti drottins. enn þo var hann æigi sva illr sem Jsraels konvngar þeir er<sup>2</sup> fyrir honvm vorv. Þvi næst minntiz drottinn a motgang oc mæingerðir Jsraelitarvm. er þeir frðmðv allakonar glæpi i dyrkan annarligrar gvða oc i öllum vsiðvm hæiðinna þioða. enn þeir fyrirlietv gvð drottin sinn oc minntvz eigi hans goð-gerninga oc stormerkia. er hann syndi þeim a sia oc a landi. þa er hann læiddi þa af Egyptalandi vndan þian oc þrældomi Pharaonis kon-vngs. Drottinn havð þeim með vitni allra spamanna at hverfa af sinvm hinvm verstvm vegvm enn varðvæita sin boðorð oc lagmal. er hann setti feðrvm þeirra. Enn þi at þeir villdo ecki hæyra orð drottins oc spamanna. helldr herða þeir svira sina i gegn gvði oc dyrkaðv gvlkalfa oc varðvæittv allan boðskap Jeroboam sonar Nabath. er þa hafði<sup>3</sup> villt oc skilit fra gvði sinvm. fyrir því vm siðir sva ræittr til ræiði af þeirra illzkv kastaði drottinn öllum Jsraels lyð fra sinv avgliti i hendr oc hernað heiðnv þioðvm Serkivm oc Syriss oc mðrgvm ððrym hæiðingiom. er þa þrðngðv vndir þian oc þrældom oc eyddv allt Js-raels riki. sem nv man sagt verða.

#### Fra Salmanasar Serkia konungi.

362. A þriðia ari rikiss Hezechie konvngs Jvda. þat var a .vi. ari Osee konvngs Jsraels. kom Salmanasar Serkia konvngr með vvig-ian<sup>4</sup> her i riki Jsrael. Sa þa Osee konvngr engan annan sinn kost en gefaz vpp. giðrðiz hann þa handgenginn Serkia konvngi oc græiddi honvm skatt slikan. sem hann qvað á. Litlo siðarr grvnar Salmanasar. at Osee konvngr myndi<sup>5</sup> vilia bregða saltmali viðr hann. þi at Osee hafði þa sendt mann til Egyptalandz konvngs. er het Sva. at hann skyldi ecki giallda Serkia konvngi skatt. sem hann var skvlldbvndinn. Settiz Serkia konvngr þa með herskilldi vm Samariam .iii. ar i samt. því var<sup>6</sup> fanginn Osee konvngr. liet Serkia konvngr [fiotra hann i myrkvastofv.<sup>7</sup> Hann vann allt Jsraels riki oc herlæiddi allan lyð þess

<sup>1</sup>) Ezechias overalt A <sup>2</sup>) tilf. A <sup>3</sup>) fyrstr tilf. A <sup>4</sup>) unigan, A <sup>5</sup>) mundi, A <sup>6</sup>) vard, A <sup>7</sup>) [þa setia hann fðtredan i myrkuastofu, A

rikiss í Serkland oc skipaði hinn herlæidda folki í borgir Medorvm. er sva hætta Hala oc Habor við a þa er hætir Cozan. þat var a .ix. ari rikiss Osee konvngs oc a .vi. ari Hezechie konvngs af Hiervsaleim. Þrytr þar nv ríki Jsrael. þa hafði þat ríki staðit fra því er Jeroboam son Nabath tok konvngdom halft fiórða hvndrat<sup>1</sup> tíreðit. Í þessi herlæiðing var hinn goði gvðs vin Thobias. Salmanasar skipaði borgir Samarie oc allt ríkit marghattvðvm þioðvm í stað Jsraelitarvm [serklændzkvm þioðvm.<sup>2</sup> Þær þioðir ottvðvz ecki drottin gvð Gyðinga. fyrir því sendi drottinn til þeirra hin vðrgv dyr. þav ær drapv heiðingia. Þetta fretti Serkia konvngr. oc sakir þess at hans menn. þeir sem hann hafði skipat í Samariam. kynnv ecki lofliga at þiona gvði þess landz. vorv þeir drepnir af dyrvm. bavð hann þa<sup>3</sup> senda þangat æinn af herlæiddvm kennimonnvm at læra folkit. hversu þeir skyldo þiona gvði þeirrar iarðar. Þessi kennimaðr byggði í Bethel oc lærði hæiðingia at dyrka drottin. Enn þat for sva. at þessar hæiðnar þioðir giðrðv ser skvrðgoð hverr estir sinvm atrvnaði. oc settv í hæða hofvm hverrar borgar. er Samarite hðfðv gert. oc dyrkvðv þav með fornvvm oc ræykelsi. Svmmir sæfðv bðrn sin oc brendv í elldi fyrir gvðvnm. Ottvðvz þeir drottin en þionvðv<sup>4</sup> þo skvrðgoðvm estir sinvm fornvvm vanda.

Hezechias konvngr geck fram í ðllvm goðvm hlvtvm estir fagrligvm ððmvm David konvngs. Hann eyddi í sinv ríki ðllvm hæða blotvm oc bravt skvrðgoð. brendi hann blotskoga oc bravt í svndr allan æirorminn. er Moyses [liæt gera<sup>5</sup> í eyðimðrkinne. þi at allt þangat til hðfðv Gyðingar fært honvm fornir oc brent reykelsi fyrir honvm oc kallaðv hann Naastham. Hezechias hafði alla sina trv oc travst a gvði. sva at engi konvngr var iafngoðr í Jvda fyrir honvm fra David oc engi varð síþan. ok sva var hann agiælliga gvði þionandi. at hann hnægði hvergi af gvðs gavlvm. Hann varðvæitti vandliga ðll boðorð oc lavgmal. þav sem drottinn hafði boðit Moysi. fyrir þi var drottinn með honvm. sva at hann hafði sik vel oc vitrliga í ðllvm sinvm meðferðvm. Hann bardiz' í mot Serkia konvngi oc væitti honvm enga þionosto. hann striddi oc a hæiðingia Philisteos sva hravstliga. at hann vann af þeim allar veggiaðar oc vigskerðar borgir oc hvern kastala allt til Gazam.

Fra Sennacherib Serkia konungi ok Ezechiam konungi.

363. A .xvii. ari rikiss Hezechie konvngs kom<sup>6</sup> Sennacherib

<sup>1</sup>) uetra tilf. A   <sup>2</sup>) [mgl. A   <sup>3</sup>) tilf. A   <sup>4</sup>) fornferdu, A   <sup>5</sup>) [hafði gera latit, A   <sup>6</sup>) tilf. A

Serkia konvngur með sva mikinn styrk<sup>1</sup> i Gyðingaland. at hann slo her-skildi vinn allar styrkar borgir Jvda oc vann þær. Hezechias konvngur sendi þa menn til hans með þessum orðum. Snu þu brottu af minni ríki með hernað þinn. enn ek man græða þér slíkt gjald sem þu vill a mik leggja. Enn Serkia konvngur lagði<sup>2</sup> a hann .xxx. þvnda gyllt oc iafnmikit silfr. Tok þa Hezechias allt se þat ær hann fekk i sínum fehirðzlu og sva i templo domini. oc iafnvel<sup>3</sup> brátt hann af brennaðinn oc allar gyllspængir er hann sialfr hafði bva látið i mynsteri drottins. oc allt þetta se sendi hann Serkia konvngi.

Enn Serkia konvngur ræf þa hæit sin oc allt saltmal við hann. ok sendi til Jorsalaborgar með allmikinn þersafla at stríða við Hezechiam<sup>4</sup> .iii. höfðingia Tharithan oc Rapsaris oc Rapsacen. Þeir komu til Hiervsalems ofan at borginni oc kallaðu a konvng. enn vt gengu til tals við þa af konungs halfu Eliachim herbergissvæinn hans oc raðgiafi oc Somnas ritari oc Joathe silfrsmíðr. Rapsaces segir sva til þeirra. Farit skíott til fvnðar við Hezechiam konvng yðvarnn oc flytið<sup>5</sup> honum þill þessi orð hins mikla Serkia konungs. Hann segir sva. Hvert er þitt hið mikla travst. er þu þorir með mikilli ofdirfð ræisa bardaga i gegn minni valldi. gða setr þu þina van i brotnum ræysprotu Egyptalandz. þeim er sva er væykr. at þegar brotnar ef maðr styðz a oc flisazt i hendi þeim er a helldr. Slíkr er Pharao Egyptalandz konvngur<sup>6</sup> þínum þeim sem honum træystazk.<sup>7</sup> Sva er oc ægi siðr ef þu sækir yðvart travst i drottni gvuð yðrum. hvat þa. hefir ægi Hezechias þess sama hædagðfgan niðrbrotið enn boðið þínum lyð at dyrka altari i Hiervsalems. Nu verðr þessi van at hinum mesta hegoma. Nu þa gangit helldr til handa minum herra Serkia konvngi. oc skal ec gefa yðr einn .xx. .c.<sup>8</sup> hesta. Hvgsit eftir sialfr. hvart þer [manit til fa<sup>9</sup> sva marga riddara. Ek ætla hitt helldr. at þer hafit ægi aflla til moti at standa einum vissdomsflvlu hofpresti af hinum minnstum þrælu minns herra. Eða hefir þu Hezechia þitt travst i kerrum oc riddarum Egyptalandz. Hvatt nu þa. man ec i moti drottins vilia vera kominn til þessar borgar. hana niðr at briota. hitt<sup>10</sup> helldr at drottinn sialfr hefir mik sendt oc mer boðið til at fara at æyða þetta land.

Þa svaraðu sendimenn Hezechie. Meðr þi at ver þrælur þinir skilvin sylrænka tvngv. þa biðvin ver at þu talir a þa tvngv til var. at ægi skili lyðr þessi mal þitt. sem vpp er genginn i vigskavrð oc a væggi borgarinnar. Rapsaces svaraði. Hyggur þu hinn heimski Helia-

<sup>1</sup>) her, A <sup>2</sup>) saal. A; sagði, C <sup>3</sup>) iafnval, A <sup>4</sup>) konung ok þar með tilf. A  
<sup>5</sup>) segit, A <sup>6</sup>) tilf. A <sup>7</sup>) treystaz, A <sup>8</sup>) hundrad, A <sup>9</sup>) [munut faa til, A  
<sup>10</sup>) er tilf. A

chim. at minn herra hafi mik til þess hingat sent. at ek skal blíðliga tala við þik oc þinn konvng. [Allfiarri ferr.<sup>1</sup> Helliðr skal ek sva diarfliga fram flytia mins herra ognaregrendi fyrir almvginvm.<sup>2</sup> er nv er vpp genginn a borgarvegginn. at allt folk verði sva ært oc vvita af hræðzlo. at hverr sem einn gti sinn savr oc dræcki sinn<sup>3</sup> þarfagang. sva mvgamenn sem þer sialfir höfðingiarnir. Rapsaces hlíop þa fram a hæð nockðra oc kallaði hari ravddo með þeirri tvngv sem qlvm Jvðvm var skilianligvzst. Hæyrit Gyðingar segir hann oc gefst gavn at orðvm hins mikla oc mattvga Sennacherib Serkia konvngs. hann segir sva. Latið ægi Hezechiam svikia yðr. þi at með engv moti ma hann yðr frelsa af minni hendi. þi at þott hann hælti yðr drottins fvltingi sva segiandi. Varr gvð milldr oc mattvgr með sinni hialp ma oss læysa oc vara borg vndan valldi varra vvina. þat verðr allt at fvlv falsi oc fvlvm<sup>4</sup> hegoma. Fyrir þi skolv þer nv hæyra hverio<sup>5</sup> hinn halæiti herra Serkia konvngr hæitr yðr. hann segir sva. Takit vpp þat rað sem yðr er sialfvm hæilt oc hialpsamlict. gangit til handa oc geriz minir menn. þa skal hverr yðarr sem einn fððaz i frelsi af sinvm vingarði oc fiktream oc drecka af yðrvm hinvm bæztvm brvnnvm oc hinvm hræinstvm vatnrasvm. þar til er ek man koma at læiða yðr a þa iorð sem ægi er verri enn yðvr iorð. sv er favgr oc friosavm fvl af avkrvm oc vingavrðvm af viðsmiorstream oc hvnangfliotandvm skogvm. Nv skolv þer ecki annza Hezechie. þi at hann færr með fals oc svik. er hann segir at drottinn [man yðr<sup>6</sup> fvltingia. Ero nockorir þeir gvðar. er hialpat hafi sinvm þioðvm æða frelsat riki sitt af valldi Serkia konvngs. Hvar ero nv gvðar Samarie gða annarra rikia. er ægi leystv sinar iarðir vndan minvm hernaði.

Borgarlyðr a veggivnm svaraði honvm engv orði. þi at sva hafði konvngr þeirra boðit Helyachim. Oc<sup>7</sup> þeir felagar komv nv a fvnnd konvngs. oc slitandi af ser klæðin flvttv þeir fyrir honvm alla gvðlastan oc ofmetnaðarorð Rapsacis. Enn er Hezechias hæyrdi þetta. reif hann af ser konvnglig klæði en skryddiz<sup>8</sup> sorgarhvnæði oc geck sva i gvðs hvs. Enn hann sendi Helyachim rððissmann oc Sonnam ritara oc nockora alldraða kennimenn i hrygðarhvnæði til fvnndar við Ysaïam spamann son Amos. er þa var einna<sup>9</sup> agætazstr af ðllvm gvðs spamonnmv þeim er þann tima vorv vppi. Sem þeir fvnndo Ysaïam. flvttv þeir honvm þess hattar grendi. Nv ero yfir oss komnir segir Hezechias konvngr eymðardagar oc asakanar. dagar grimðarmala oc gvðlastanar. Væri sva vel at gvð drottinn varr virðiz at hæyra ðll gvð-

<sup>1</sup>) (Nei, A <sup>2</sup>) almuganum, A <sup>3</sup>) tilf. A <sup>4</sup>) tilf. A <sup>5</sup>) hversu, A <sup>6</sup>) [muni honum, A <sup>7</sup>) mgl. A <sup>8</sup>) klæddiz, A <sup>9</sup>) einn, A

437

lastanarorð ens ranglata Rapsacis. er Serkia konvngr hefir sendan til at brizgla liotliga lifanda gvði oc hann at asaka með ognarmalvm oc ofmetnaðarorðvm. Nv skalt þv hinn helgi maðr biðia fyrir þi folki er eptir lifir af Jsrael. Nv sem sendimenn Hezechie höfðv fram flvtt þessi orð fyrir Ysaïam. svaraði hann sva. Þessi gvðs orð skolv þer flytia yðrvm herra Hezechie konvngi. Ecki skaltv ottaz ognarmal þessi sem þv hefir heyrt segir drottinn. þo at svæinar Serkia konvngs hafi gvðlastað i gegn mer. þi at ek man senda honvm minn ognaranda. oc hann skal skiott hæyra þann boðskap. er honvm man aptr hnæckia i sitt riki. Ok a sialfs sins iorðv man ek hann með sverði niðr briota.

Nv er fyrst at segia fra þi. at Rapsaces sneri fra Hiervsaleem til fvdar við Serkia konvng. þi at hann hafði spvrt at hanna var brottv farinn af borginni Jachis. Fann Rapsaces konvng sem hann barðiz a borg þa er Loïna heitir. Þvi næst frietti Serkia konvng. at Tharacha Blalandz konvng vill beriazt við hann. Sendi hann þa enn Hezechie konvngi menn með brefvm. Þav sðgðv sva. Lat þv æigi gvð þinn. er þv hefir travst vndir. sva svikia þik Hezekia. at þv dirfiz þi at hrosa. at Hiervsaleem man æigi gefaz i mitt valld. þi at sialfr þv hefir nv hæyrt hverso minir feðr hafa sigraz oc lagt vndir sik ðll lavnd oc riki. Hvart ætlar þv nv þa at þv mannt æinn frelstr verða. Hvar ero nv gvðar þeirra þioða er Serkia konvnga hafa sigrat. hafa þeir nockora hialp væitt sinvm þioðvm. Hvar ero nv konvngar af Emath gða Arphat gða ððrvm rikivm þeim sem ver hafvm vnnit. Sem Hezekias konvngr hafði þessi bref vpp lesit. geck hann þegar i templvm domini oc rakli þar brefin fyrir drottins asionv. hof þi næst bæn<sup>1</sup> sina til gvðs með þessvm orðvm. Hæyrðv drottinn gvð Jsraels er sitr yfir chervbin. þv ert einn gvð drottinn konvng allra konvnga a iarðriki. þv giorðir himin oc iorð. Lvk vpp avgv þin drottinn minn oc sæ til var. Hæig þv eyra þitt oc hæyr haðvngarorð. þav er Sennacherib hefir sendt at fera oss i brizgli lifanda gvð. þat er satt. at Serkia konvngar hafa sigrat<sup>2</sup> oc æyðt riki allra þioða oc i elldi brent vnyta gvða þeirra. þi at handaverk manna vorv æigi gvð helldr tre oc steinar. oc fyrir þi matv konvngar glata þeim. Nv þa herra gvð varr. frelst<sup>3</sup> þv oss vndan valldi Serkia. [til þess<sup>4</sup> at ðll veralldar byggðin viti. at þv æinn ært drottinn gvð Jsraels.

A þessi sðmv stvndv sendi Ysaïas til konvngs mænn með þessvm orðvm. Hæyrt hefi ek bðn þina segir drottinn gvð Jsraels. Enn nv skalt þv hæyra hvat ek segi yfir Sennacherib Serkia konvngi. Mæy-iarnar dætr Syon hata oc hæða þik Sennacherib. dottir Hiervsaleem

1) bæn, A. 2) haft sigr, A. 3) frels, A. 4) [mgt. A

408  
 skökr at þer höfvd sitt. er hon ser a bak þer. sva segiandi. Hveriom þottizt þv brigzla. hvern gvðlastaðir þv. a hvern snelldizt þv. J himininn vpp hefir þv sent þin avgv i mot helgvum gvði Jsrael. þv þickizt hafa gabbat drottin fyrir hönd<sup>1</sup> þræla þinna. þa er þv hrosaðir þik hafa vpp stigit með miklvm herskap a [hit hæsta<sup>2</sup> fiall Libanvm ok hafa vpp höggvið öll hin<sup>3</sup> agetvzstlv tre þess fiallskogar. þav ær heita cedri oc abietes. þv sagðiz hafa vpp havggvit allan skog Carmeli oc með þinn mikla her hafa vpp drvckit annarlig vavta at vvilia þeirra er attv. ok at þv myndir<sup>4</sup> þvrka meðr þinvm fotsporvm alla brvnnna. þo at byrgðir veri. Slikt er þitt hol<sup>5</sup> oc hræsni. Hvat þu. hefir þv æigi bæyrt segir drottinn. hverso ek hefe skapat fra vpphafi oc skipat af hinvm fyrrvm dagvm þat sem nv man fyllaz með framkvæmðvm. Styrkar borgir manv hrapa a halsa oc herðar hermonnvm. Enn þeir er i borgvm sitia oc þickiaz vrvggir.<sup>6</sup> manv verða aðalittir fvlir otta oc svivirðingar. fyrirverða sik sem halmr af akri gða grænt hvsa gras þat er fyrr savlnar enn fvlvaxsta<sup>7</sup> se. Herbergi þitt inngavngv oc<sup>8</sup> vtgavngv Sennacherib [oc. alla vegv þina<sup>9</sup> vissa ek fyrir segir drottinn. ok sva ræði þina er þv æðdiz með akæð [oc ærslvm<sup>10</sup> i gegn mer. oc allt þitt dramb oc ofbelldi kom mer til eyrna. Nv man ek segir drottinn hringa nasar<sup>11</sup> þinar sem svins rana [en lata<sup>12</sup> tavn i varrar þinar oc læiða þik aptr sðmv læið sem þv komt hingat. Enn þv Hezechia segir drottinn. skalt þat at marki hafa at þetta er satt. þv skalt fæðaz oc þina lyðr a þesso ari við slikt sem til fangazt. enn a oðrv ære við þat sialft sem vex a iorðvonne<sup>13</sup> oc oeki er sait til. Enn a þriðia ari skolv þer sa akra yðra oc skera oc planta vingarða oc fæðazt við þann avðxt. Enn þat sem þa er eptir af hvsi Jvda man rotsetia<sup>14</sup> sæði oc gera halæitan avðxt. þvi at agætar miniar manv fram læiðaz af <sup>15</sup>Hiervsalems oc hialpsamlig heilsa af Syon. Allt þetta man vinna vandlætiskapp drottins allzheriar. þi at drottinn gvð segir sva. at Serkia konvngi man æigi avðit verða inn at ganga i þessa borg Hiervsalems. oc æigi man hann skapti skiota i hana. oc æigi skildi hylia hennar veggj. oc æigi með hernaði hana vmkringia. þvi at ek skal skyla<sup>16</sup> oc hialpa þessa<sup>17</sup> borg. segir drottinn. bæði fyrir sialfan mik oc sakir Davids þionostvmannz mins.

A næsto natt sem Hezechias<sup>18</sup> konvngv hafði bæyrt þessa spasðgv

1) hendir, A 2) [mgl. A 3) saal. A; þin, C 4) mundir, A 5) hól, A 6) druggir, A 7) fulluxit, A 8) sem, A 9) [mgl. A 10) [mgl. A 11) nasir, A 12) [silf. A 13) iordinni, A 14) setia rotst, A 15) Her begynder sidste Blad i B. 16) hylia, A 17) saal. ogs. A; þessi, B 18) Ezechias her og siden B



Ysaie. kom engill drottins af honvm sendr til herbvða Serkia oc drap i davða af þeim [.clxxxv. þvsvndir.<sup>1</sup> Sem Serkia konvngv var vpp risinn oc klæddr vm morgvnn oc sa davða likami allra þessa sinna manna. bioz hann a brottv sem hvalligazt oc for heim i sitt riki oc settiz i sina hðfvðborg Niniven. Ok þa er hann [þar verandi geck<sup>2</sup> til mvsteriss at dyrka gvð sinn, er þeir kallaðv Neserach.<sup>3</sup> þar rælt i hofino barv synir. hans vapn a hann oc drapv. þeir<sup>4</sup> er sva hætv Adramelech oc Sarasar. oc flyðv siðan i þat riki er Armenia hætit. Enn Esereddon<sup>5</sup> hinn þriði son Sennacherib tok riki eftir feðr sinn.

Fra þi er Ezechias konvngv þa lengra lif af guði.<sup>6</sup>

364. Þvi næst tok Hezechias konvngv sott banvæna. kom þa til hans Ysaias son Amos spamannz<sup>7</sup> oc mællti. þessa lvti segir drottinn. Skipaðv sva til i hvsi þino. sem þv mant dæyia<sup>8</sup> [oc æigi længi lifa heþan af.<sup>9</sup> Gecc Ysaias [vt þa þegar<sup>10</sup> af konvngs<sup>11</sup> herbergi. Enn konvngv sneri asianv sinni til veggjar<sup>12</sup> oc bað til drottins með þessvm orðvm. Bið ek drottinn minn at þv minnizt. hversoc ec hefi fram gengit fyrir þinni asynd i<sup>13</sup> sannlæik oc<sup>14</sup> algervo hiarta. oc gert þat iafnan sem þer likaði. Tok konvngv þa miog at syta. Oc aðr Ysaias veri kominn vt i miðian garðinn. kom yfir hann rödd drottins sva segiandi. Hverf þv astr oc seg sva Hezechie hertoga lyðs mins. Sva<sup>15</sup> segir drottinn gvð Davids favðvr þins. Hæyrða ek [bqn þina oc sa ek tar þin.<sup>16</sup> Se. nv geri ek þik hgilan segir drottinn. sva at a þriðia degi mant þv ganga i mvsteri. þi at ek legg. við þina lifdaga .xv. ar. oc ek man frelsa þik af hendi<sup>17</sup> Serkia konvngs oc hlifa borg þessi sakir Davids mins pionostomannz. Ysaias geck inn fyrir konvngv oc sagði honvm ðll þessi orð drottins. Bað hann þa fera ser sðivkiarna oc lagði [við þar<sup>18</sup> sem konvngv hafði mestan verk oc sarlæik sollarinnar. oc varð hann þegar hgill.

<sup>1</sup>) [i.e. þusundraða ok .lxxx. þusunda ok .v. þusunder, B <sup>2</sup>) [saal. ogs. A; var þar gekk hann, B <sup>3</sup>) Nesciach ok, B <sup>4</sup>) sðmu tilf. A <sup>5</sup>) Assaradon, B <sup>6</sup>) Fra sott Ezechias konungs ok huat guð veitti honum, A <sup>7</sup>) spamaðr, B <sup>8</sup>) framstiga, A <sup>9</sup>) [mgl. B <sup>10</sup>) [þa þegar vt, A <sup>11</sup>) hans, B <sup>12</sup>) saal. B, A; veggja, C <sup>13</sup>) saal. rettet; oc, C, B, A <sup>14</sup>) með, A <sup>15</sup>) þessa luti, B <sup>16</sup>) [taar þin ok sua bqn þina, B <sup>17</sup>) valldi, A <sup>18</sup>) [þar vid, A

Spasaga Ezechielis spamannz.<sup>1</sup>

365. J þann tíma sendi Erodach<sup>3</sup> konvngur af Babilon bræf<sup>2</sup> með vilmelm<sup>4</sup> oc goðvm giðfvm Ezechie konvngi. þi at hann hafði frett sívklæik hans. Konvngur varð miog glaðr við kvamo þeirra sendimanna. er [með bresin forv.<sup>5</sup> oc syndi þeim allar sínar gersimar oc konvngligar fehirðzlv. Oc engi lvtr var sa i hans valldi er æigi syndi hann þeim. Þa kom Ysaías spamaðr til konvngs oc spvrþi. hvat þessir menn villdo<sup>6</sup> gða hvaðan þeir komv gða<sup>7</sup> hvat þeir höðv sgd i konvngs herbergiom. Hezechias svarði. þeir ero komnir af fiarrlegiv<sup>8</sup> ríki or Babilon. enn ek synda þeim alla lvti. þa sem i minv hvsi ero<sup>9</sup> oc ec hef valld yfir. þa mælti Ysaías til hans.<sup>10</sup> Hæyra skaltv hvat drottinn segir. þeir dagar manv koma. er<sup>11</sup> allir nytssamligir lvtr manv bravt flytiaz af þinv hvsi. ok allt þat sem þinir feðr hafa saman dregit i femvnm gða smiða latið allt til þess<sup>12</sup> dags man tekit at herfangi oc flvtt i Babilon. iafnvel synir þinir segir drottinn oc ættmenn þeir er fra þer ero komnir manv vera herlæiddir oc gervir gellingar oc þionostomenn i höll konvngs Babilonis. Hezechias konvngur svaraði. Gvði lof. ðll orð drottins ero agæt oc goð. þat gefi gvð at halldiz friðr oc rættendi vm mina daga.

Nv ero þeir margir hlvtir af Hezechia konvngi er her græinir eigi. [allr hans afli oc<sup>13</sup> hversu hann gerði vatvppsprettv<sup>14</sup> oc veitti sva vatni<sup>15</sup> i Hiervsalem með miclo manvirki oc kostnaði. allt slikt man finnaz skrifat<sup>16</sup> i Paralyppomenon i konvnga ævi Jvda. Hezechias for almenneligan veg vm dævða dyrr til feðra sinna oc var elskaðr af gvði oc goðvm mðnnvm.

Fra þi er Manases var leyst.<sup>16</sup>

366. Eptir Hezechiam tok<sup>17</sup> konvngdom Manases son hans. hann var þa .xii.<sup>18</sup> vetra oc ríkti i Hiervsalem .lv.<sup>19</sup> vetra. hans móðir het Aphsila<sup>20</sup> systir Ysaie spamannz. Manases villtiz af vegvm feðr sins oc gerði sva illa hlvti i avgliti drottins sem þær hæðnar þiðir er verstar<sup>21</sup> vorv i skvrðgoða blotvm. Hann liet vpp gera oc endrbeta hof a hæðvm. þav sem saðir hans hafði latið niðr briota. hann enði

<sup>1</sup>) Fra sendimonnum Erodachs konungs, A <sup>2</sup>) son Baladan tilf. B

<sup>3</sup>) mgl. A <sup>4</sup>) saal. ogs. B; vilmelum, A <sup>5</sup>) [brefin baru, A <sup>6</sup>) villdi, B

<sup>7</sup>) ok, B <sup>8</sup>) fiarlæg, B; fiarlægu, A <sup>9</sup>) vorv, B <sup>10</sup>) konungs, B

<sup>11</sup>) at, B <sup>12</sup>) [mgl. B <sup>13</sup>) vatvppsprettur, B <sup>14</sup>) vatn, B <sup>15</sup>) mgl. B

<sup>16</sup>) Fra Manases ok hans framferði. capitulum, A <sup>17</sup>) ríki ok

tilf. A <sup>18</sup>) .xvi., A <sup>19</sup>) haalfan setta togh, B <sup>20</sup>) Siba, B <sup>21</sup>) verst, B

blótskap skvrðgóði Baal oc blomgaði<sup>1</sup> blotskoga. sem gert hafði hinn verstí konvngr Jsrael Achab. Manases<sup>2</sup> dyrkaði himintvngl oc heddí drottín a alla vega. sva at hann setti eitt hit mesta skvrðgoð er hann hafði gera latið yfir alltarit í<sup>3</sup> templo domini. því sem drottinn hafði valit [til dyrkanar<sup>4</sup> sinv helga nafni í Hiervsalem. oc sva reisti hann vpp skvrðgoð í garði mvsterissins oc blotaði syni sinvm oc brendi hann at hæðnvm sið. hann framði fiðlkyngi oc setti hofpresta oc gallrameistara oc phitonsmenn<sup>5</sup> oc giorði alla illzko oc osiðv oc svæik sva lyð gvðs.

Fyrir því sendi drottinn til hans spamenn sina með þess hattar erendvm. Fyrir því segir drottinn at Manases konvngr Jvda hefir gert flæiri illzkvr oc vðaðir enn hæðinn lyðr Amorrevs. hefir dregit í syndir oc saurlifi<sup>6</sup> allan minn lyð Jvda. þa man ek nv lata sva mikla oc harða hefnd koma<sup>7</sup> yfir Hiervsalem oc Jvda. at gnæsta man í baðvm gyrvvm þess sem hæyrir. Ek man ræita<sup>8</sup> segir drottinn yfir Hiervsalem samdratt Samarie oc allt alag hers Achab.<sup>9</sup> oc sva man ek af ma oc slietta Hiervsalem sem rit er planað af vaxspialldi. þi at eftirlæifar minnar ærfðar. þat ero gttmenn Jsraels. man ec vpp gefa í valld sinna vvina. sva at þeir manv verða at rvpli oc ranfengi sinvm motstoðvmonnvm. fyrir þat er þeir vinna illa lvti í minv avgliti oc lætta alldri af mik at gábba oc svivirða siðan þeir gengv af Egyptalandi oc allt til þessa dags.

Sva segir<sup>10</sup> at Manases konvngr lèti drepa Ysaïam spamann móðvrbroðvr sinn. oc sva marga aðra gvðs vini oc spamenn. at kallat er at hann fyllði oc savrgaði alla Jorsalaborg í saklavso bloði oc spillti ðlvm lyð oc í vafði sinvm glæpvm. Enn þav harðindi sem gvð hafði ognað yfir Jvda oc Hiervsalem fyrir mvnn sinna spamanna oc nv var nockot af sagt í hegning glæpa Manase<sup>11</sup> fyllðiz með framkvæmð.

Ræyndi hann þa. at ecki er trvlt travst nema af gvði. oc sva þat. at a hverri stvndv sem syndvgr maðr snyzt til gvðs af ðllo hiarta oc iðraz afgiðrða. þa er gvðs miskvnn bvin at hialpa honvm oc þegar vpp at gefa. hversó mikít sem hann hefir misgert. þi at eftir savgn Gyðinga vör Manases konvngr herlæiddr af hæðingivm í Babilon. oc þar til davða ððmðr með því moti. at stæpytr var æinn mikill<sup>12</sup> oxí af<sup>13</sup> gíri oc þar var hann í settr. Síþan var vxinn lvctr aftr ramlíga oc hlaðit at vtan ðlvm megin bal oc skotið í elldi. Enn er vxinn tok

<sup>1</sup>) blomgaða, B <sup>2</sup>) konvngr tilf. A <sup>3</sup>) in, B <sup>4</sup>) [ser til dyrkanar ok, B <sup>5</sup>) stonsmenn, B <sup>6</sup>) saal. B, A; sðrlifi, C <sup>7</sup>) tilf. B, A <sup>8</sup>) retta, B; reita, A <sup>9</sup>) konungs tilf. A <sup>10</sup>) segiz, B <sup>11</sup>) manna sem, B <sup>12</sup>) mgl. B <sup>13</sup>) saal. B, A; a, C

440. at hitna. þa [tok Manases at blota<sup>1</sup> oc kalla<sup>2</sup> a skvrðgoð sin. þav sem hann hafði dyrkat i Hiervsale. Enn er<sup>3</sup> stoðaði ecki oc vxinn hitnaði sem aðr. þa sneriz hann af ðllvm hvgr oc hiarta til himna gvðs oc hiet a hann ser til fylltings. oc a sðmv stvnnðv kom gvðs engill af honvm<sup>4</sup> sendr oc tok hann a bravttv<sup>5</sup> [at lvktvm<sup>6</sup> givræxanvm oc bar hann a ginni momentv heim i Gyðinga land. Tok Manases síðan ríki sitt ok braz æigi gvði. Manases varð soltdavðr. þa hafði hann .vii. vetr oc .lx. hann var grafinn i Hiervsale i garði þeim er heitir Ozam.

Fra illzkv Ammons ok dauða.<sup>7</sup>

367. Amon son Manases tok ríki eftir hann.<sup>8</sup> þa hafði Amon<sup>9</sup> .ii. vetr oc .xx. oc ríkti i Hiervsale .ii. ar.<sup>10</sup> Hann blotaði skvrðgoð oc var hinn versti konvgr [i alla staði.<sup>11</sup> þi at hann fyrirliet fyllkomliga gvð drottin [feðra sinna<sup>12</sup> oc framði allzkyns odaðir [enn ecki gvðs gavtr.<sup>13</sup> Sialfs hans þionostvmenn væittv honvm vmsat oc tokv hann af lífi i [sialfri konvgs höðllinni.<sup>14</sup> var hann grafinn i garði Ozam. Þvi næst væittv landzmenn atgavngv þrælv þeim sem drepit höðv Amon konvgr oc drapv þa.

Fra þi er lqgbok var fundin.<sup>15</sup>

368. Þvi næst var til konvgs tekinn at raði allra höðgingia oc samþycki alþyðv son Amons<sup>16</sup> er het Josias. Hann var þa .viii. veta. hann ríkti i Hiervsale gitt ar oc .xxx.<sup>17</sup> Josias konvgr gerði alla lvti eptir drottins vilia. sva at hann veik hvarki<sup>18</sup> af ðllvm vegvm Davids konvgs frenda sins [til hegri handar ne vinstri.<sup>19</sup> A .xviii. ari ríkis sins sendi Josias konvgr Saphan ritara<sup>20</sup> til fyndar við Helkiam. er þa var byskvp i<sup>21</sup> templo domini. með þeim sðmv erendvm sem Josias konvgr hafði fyrrvm boðit Joiade byskvp i oc ððrv kennmonnm. at fe þav sem gefin ero<sup>22</sup> til templum domini skyldi hafa til eflingar oc endrbotar mvsterino.

<sup>1</sup>) saal. B; blotna, C <sup>2</sup>) [blotaði Manases ok kalladi, A <sup>3</sup>) þat tilf. A <sup>4</sup>) himni, B <sup>5</sup>) brottv, B, A <sup>6</sup>) [or, A <sup>7</sup>) Fra Amon konungi, A <sup>8</sup>) feðr sinn, B <sup>9</sup>) hann, B, A <sup>10</sup>) (hans moðer var) Messalemeth. dotter Barus af Jethba tilf. B <sup>11</sup>) [mgl. B <sup>12</sup>) [mgl. B <sup>13</sup>) [mgl. B <sup>14</sup>) [sialfs konungans hqll, B <sup>15</sup>) Fra Josias konungi er eyddi allri skurdgoda villu, A <sup>16</sup>) konungs tilf. B <sup>17</sup>) .xx. B, A <sup>18</sup>) huergi, B <sup>19</sup>) [Moðer hans het Jvidida dotter Fadaia af Besecath, B <sup>20</sup>) sunn Asha sunar Messulum ritara sinn, B <sup>21</sup>) in, B <sup>22</sup>) voru, B

Saphan ritari for oc flvtli þetta grendi við kennimanninn.<sup>1</sup> oc hann lataði [at sva skyldi vera.<sup>2</sup> Helchias byskvp segir Saphan<sup>3</sup> ritara. at hann hafði<sup>4</sup> fvndit lðgbok æina i mvsterino. Hann selldi<sup>5</sup> Saphani<sup>6</sup> bokina oc bað hann lesa. oc sva gerði hann. For hann síðan apr a konvngs fvnnnd. oc sagði honvm [at syst<sup>7</sup> var þat ærændi sem hann var til sendr.<sup>8</sup> Enn her hefi ek sagði hann logbok þa er byskvp feck mer i hendr. oc kveðz hann<sup>9</sup> hafa fvnnndit i<sup>10</sup> templo domini. Nv sem Saphan hafði lesit log drottins i hæyrn konvngs.<sup>11</sup> tok konvngr oc slæit klæði sin. Þvi næst kallaði hann til sin Helchiam byskvp oc Saphan ritara oc [þria menn aðra<sup>12</sup> oc bavð þeim at ganga til frettar<sup>13</sup> við drottin. hversu hann skyldi til haga oc hvat hann [skyldi oc hans lyðr<sup>14</sup> halda af boðorðvm þessar bokar sem fvndin var. þi at sva syniz mer segir hann. sem mikil drottins ræði se vpp kæykt<sup>15</sup> moti oss. fyrir þat er feðr varir villdo ægi hlyðnaz<sup>16</sup> boðorðvm [bokar þessar<sup>17</sup> oc ægi fylla þat logmal sem her<sup>18</sup> er ritað.

Þessir .v. menn sem konvngr sendi<sup>19</sup> forv til fvnnndar vil Holdan spakono. Hon bygði þar i Hicrvsalem oc var [eiginkona þess mannz er kallaðr var Sellvm<sup>20</sup> klæðahirðir. Sem þeir komo. baro þeir vpp fyrir hana sin erendi. Hon svaraði. Sva megi þer segia konvngi yðrvm. Se nv segir drottinn gvð Gyðinga. ek man framlæiða yfir stað þenna oc bygðarmenn hans ðll hefndar harðyndi. fyrir þat ær Jvdar brvzv þessi lðg. er lesin vorv fyrir konvngi. oc fyrirlietv mik oc forn-færðv annarligvm gvðvm mik svivirðandi i ðllvm sinvm handaverkvvm. Enn fyrir þat segir gvð drottinn. er<sup>21</sup> þv Josias hæyrðir boðorð bokar þessar með otta oc hrgðzlo hiarta þins oc lægðir þik i mino avgliti. þa er þv hæyrðir ognarhoð minnar ræði yfir stað þenna. oc þv ræift klæði þin með svt oc sorg<sup>22</sup> i minv avgliti. þetta sa ek oc hæyrða ek segir drottinn. þar fyrir man ek þik laða til framfarinna feðra þinna. oc skaltv i friði vera allt til davðadags oc fa sæmiligan grøft með þinvvm forellrvm enn lifa ægi læingi. til þess at þin avgv siae ægi sva illa lvti sem yfir manv liða þessa borg oc allt riki Jvda.

Nv sem sendimenn hðfðv hæim<sup>23</sup> flvtu konvngi [ðll þessi<sup>24</sup> orð Holldan spakonv. þa liet hann boða a sinn fvnnnd ðllvm ðlldvngvm oc

1) kennimenn, B 2) [þvi, A 3) Saphano, B 4) hefer, B; hefði, A 5) sendi, B 6) Saphano, B 7) gort, B 8) [sin erindislok, A 9) mgl. A 10) in, B 11) saal. A; konungi, B; drottins, C 12) [Haikan syni(!) Saphan ok Achobor sun Micho, B 13) fretta, B 14) [ok hans lydr skyldi, A 15) kveykt, B, A 16) hlyða, B 17) [guds, A 18) i þessi bok, A 19) Helchias kennimaðr ok Haichan ok Hachobor ok Saphan ok Asaya tilf. B 20) [husfrv Sellum sunar Cetue sunar Aras þers mannz er kallaðr var, B 21) at, A 22) Her ender B. 23) mgl. A 24) [mgl. A

höfðingium af ríki Jyda oc Hiervsalems. For þá konungr með alla höfðingia oc kennimenn oc spámennt oc allan Jorsalaborgar lýð til mýsteris drottins oc las þar at öllum ahæyrandum allan bóðskap drottins af þeirri bok sem fyndiz hafði i mýsterino. Konungr stoð a palli ham fyrir avgilti drottins. oc setti hann þat friðgerðarlögmal við gvd af lýðsins hendi. at allt folk skyldi ganga gættv drottins oc varðvæita hans lögmal oc bóðorð oc hátíðir af öllum hiarta<sup>1</sup> ok magni ok hallda i alla stadi þau sáttmálsög. sem skrifud voru aa þeirri nýfundinni bok. Ok þi iatti allr lýdr.

Baud konungr þá Helchie byskupi ok öðrum kennonum brott at bera or mýsteri drottins aull þau ker sem ger höfdu verit til blot-skapar Baal eðr blotskoginum eðr himintunglum. Öll þau ker ok blot-skaparefni brendi hann at ösku i dal Cedron. ok let flytia öskuna i Bethel. Hann tok af lífi ölla blotmenn. þá sem konungar Jyda höfdu til sett at fornfæra i borga hædum Jyda ok umhuertis Jerusalems. ok alla menn þá sem reyktisi brendu fyrir skurdgodinu Baal. fyrir solu ok tungli ok aullum himintunglum. ok allan blotlundina umhuertis mýsterit let hann vppræta ok brenna at ösku i Cedron. hann dreifði öskunni i daudra manna grafir. ok aull hof ok hauga yfir borgar-klidum braut hann niðr. Sva eyddi hann ok fyrirbaud þann vándskap. at ne einn maðr skyldi blota börnum sínum eðr brenna þau at heidinna manna síð. Aull þau líkneski sem vándir konungar höfdu vppreist ok alla blotskoga liet hann brenna ok bera ösku allz blot-skapar i fors Cedron. ok reinsaði alla Jorsalaborg.

Þi næst for Josias i Bethel. ok gordi þar slíkt allt sem fyrir hafði sagt spámaðr drottins. saa er kom af Jyda a dögum Jeroboam konungs Jsrael. sem fyrr er getit. þi at Josias konungr eyddi ok brendi alltarit. er Jeroboam hafði gera latit. ok allt blothusit ok blotlundina umhverfis. Enn er hann litadiz vm. saa hann þar aa síðlinni mðrg leidi daudra blotmanna. þau liet hann ræna öllum beinum ok brenna meðr alltarinu allt at ösku. þá mælti konungr. Huat titli see ek þar aa einni grófinni. Enn þeirrar borgar menn sögdu. at þar var leiddr guds maðr. saa er fyrir hafði sagt þessa alla luti sem hann fullgerði nu. Konungr mælti. Honum skulum ver frid gefa. verði engin sva djarfr. at raski þi leidi sem hann ligr. Voru nu fríals hans bein ok þess spámannz sem með honum var grafinn ok hann hafði uælltan. sem fyrr var ritat.

Her meðr braut Josias konungr niðr aull hof ok hædablot i borgum Samarie. er konungar Jsraels höfdu gera latit til háðungar ok hneisu

<sup>1</sup>) Her ender C; Slutningen er tagen af A.

lifanda gudi. Hann drap alla hofpresta ok hæða kennimeun. hueria yfir sina blotstalla. enn brendi buka ok bein manna yfir alltari. Þi næst hvarf hann aptr i Jerusalem ok baud þa aullum sinum lyd at reisa ypp lðgin ok endrnyia sáttmál drottins. setla ok helga paschahalld drottni gudi sinum. Ok alldri aa allri konunga ævi. fra þi er domendr voru yfir Jsrael. var slikt paschahalld sett eðr gert sem nu setti Josias i Jerusalem. Josias konungr eyddi ollum phitonsmonnum ok galldrameistarum ok fiolkunnigum monnum ok aullum skurdgodum. ok nam af ríki Juda ok Jhérusalem allar illzkur oc vdadir.

Engin konungr fannz meðr Gydingum aðr ne sidan. saa er meirr sneriz eptir gudi af aullu hiarta ok hug ok sva helldi lðg Moysy meðr ðllum styrk ok krapti. Enn þo fyrir þa sauk at Gydingar ok konungar Jsraels höfdu uakit upp alla uega reiði guds i gegn ser meðr vmennzku ok illgiðrdum; þa sneri drottinn enn ægi sinum rikissprota ok refsingaruendi sinnar reidi fra Gydinga lyd. helldr bendi hann til meðr berum ordum fyrir munn sinna spamanna. at hann mundi sua brottu kasta fra sinni aasyn Judvm sem adr Jsraels lyd. ok fra snua sin miskunnarhugu þessi borg Jherusalem. þo at hann hefði hana valit til dyrkanar sinu helga nafni.

J þann tíma for Pharao konungr af Egiptalandi. er odru nafni het Necho. til arinnar Eufraten at beriaz vid konung Serkia. For þa Josias Juda konungr af Jerusalem til fundar vid Egipta konung ok fann hann i þeim stad er Mageddo heitir. Enn þegar sem Pharao Necho saa Josiam konung. let hann taka hann ok drepa. Enn menn Josie toku likham hans ok fluttu heim i Jerusalem ok grofu med sæmd i sealfs sins leidi. sem hann hafði ser latit gera ok bua. A dögum Josie konungs birtiz hinn ágígti Jeremias spamadr. er meðr mikilli sorg ok sut sagði fyrir þa miklu eynd ok illzku. sem yfir geck Gydinga lyd litlu sidarr i herleidinginni micklu.

---

#### Fra Pharao Necho ok Joachim.

369. Eptir Josiam tok ríki Joachaz son Josie meðr radi Juda. þa hafði hann .xxiii. vetr. hann ríkti i Jerusalem .iiii. manadi. Hann vandiz þegar aa illzkur hinna fyrri frenda sinna enn uanrækti fagra stigu födur sins. Þi næst kom Pharao Necho i Gydinga land ok tok Joachaz fra ríki ok hellt hann bundinn i borg þeirri er het Rebella i ríki Emath. enn lagði gialld a ríki Juda .c. punda silfr ok pund gull. Setti þa konungr Pharao yfir Juda ok Jerusalem Eliachim annan son

443. Josiam. ok sneri nafni hans Joachim. Enn hann flutti Joachaz herleiddan ok halldinn i bõndum aa Egiptaland. Joachim heimti saman gull ok silfr af Gydingum ok gallt Egypta konungi. sem hann hafdi aa-kuedit.

Joachim var .xxv. þa er hann tok konungdom. hann rikti .xii. aar oc var illr konungr. A .viii.<sup>a</sup> aari rikis hans kom Nabogodonosor konungr af Babilon i Gydinga land. Geck þa Joachim til handa honum ok þionadi honum .iii. aar. Sidan bra hann trunadi vid hann ok bardiz i mot honum. Þi næst heriadu aa riki Juda tikingar Moabite ok Amonite ok dreifdu Gydingum. sem gud haldi ognat fyrir munn spamanna sinna. at hann mundi Judum af hendi kasta i hefnd sinna manna þeirra sem Manases konungr liet drepa saklausa. Fyrir slíkt ok adrar illzkur þeirra uildi gud ægi lengr likna lyd Juda. Joachim. er rettu nafni het Eliachim. andadiz á .xi.<sup>a</sup> ari rikis sins. Enn Egipta konungr Pharao Necho heriadi ok ecki sidan or sinu riki. Þi at hann hafdi þa farit vsigr fyrir konungi af Babilon. sua at Serkia konungr hafdi vnnit af honum allt Medialand milli Nilar kuisla ok aarinnar Eufraten.

#### Her segir af Nabogodonosor konungi.

370. Þa tok konungdom yfir Juda hinn .iii.<sup>a</sup> son Josie. saa het Joachim ok odru nafni Jechonias. hann var þa .xviii. uetra ok rikti i Jherusalem ægi lengr enn .vi. manadi. hann var illt idnandi i augliti drottins. A þeim tima komu hermenn Nabogodonosor konungs af Babilon ok settuz um Hierusalem oc borduz aa hana med mðrgum vig-uælum. Þa kom litlu sidarr sealftr Nabogodonosor konungr. Geck þa Jechonias konungr þegar ut af Jerusalem aa hans valld. ok modir konungs er het Nestha. ok ællir giędingar höfðingiar ok hirdmenn. ok gafu vpp borgina. Þat var aa .viii.<sup>a</sup> ari rikis Nabogodonosor konungs af Babilon. er hann tok Jechoniam konung Juda af riki ok flutti meðr ser til Serklandz i Babilon. Hann rænti templum domini aullum fehirdzlum ok fiarlut. ok allar konungs gersimar ok fehirdzlr tok hann at herfangi. ok aull gullker er Salomon hafdi gera latit til guds þeon-ostu i musteri drottins. Ok alla höfðingia ok hina sterkuztu hermenn Juda .lx. þusunda ok alla smidi ok haga menn. eiginkonur konungs ok alla gelldinga ok domendr af Jherusalem herleiddi hann i Babilon meðr Joachim konungi. sua at hann lét ecki eptir i rikinu vtan fátæk-issfolk ok litilmagna. ok setti þar yfir Mathaniam hinn .iiii.<sup>a</sup> son Josie



ok skipti nöfnum vid hann ok let hann heita Sedechiam. Hann hafdi .xxi. vetr er hann tok konungdom ok ríkti .xi. aar i Jerusalem.

Sedechias var slikt illr i guds augliti sem hinir fyrri bróðr hans. fyrir þi endrnyiadi hann reidi guds ok reitti hans hegningaruðnd moti Hierusalem ok Juda. Sedechias konungr bruggadi sáttmali vid Babilonar konung ok geck undan allri hans þionostu aa .ix.<sup>da</sup> aari Sedechie. A .x.<sup>da</sup> dag hins .x.<sup>da</sup> manadar kom austan af Caldea landi Nabogodonosor konungr af Babilon. ok settiz medr allan sinn her um Jerusalem ok bórduz aa hana. ok byrgdu inni Sedechiam konung ok allan hans lyd .ii. aar i samt ok bannadi allar tilflutningar. Górdiz þa sulltr mikill innan borgar. enn veggirnir bunir til brotz af atsokn hermannna. A hinu .xi.<sup>da</sup> ári ríkis Sedechie flydu allir uapnfærir mennvm natt af Jorsalaborg. enn Caldei satu umhuerfis borgina. Konungr Sedechias flydi þannig sem leidir lagu um uollu nockura til eydimerkr. Enn herr Caldeorum sotti eptir. ok gatu fangit hann aa sléttum Jericho. Dreifduz þa allir hans menn ok flydu fra honum. Kaldei toku Sedechiam ok leiddu hann fyrir konung sinn i þeim stad er het Reblata. Nabogodonosor setti þann dom Sedechie. at hann liet drepa syni hans fyrir augum honum. enn sidan stack hann ut augu hans bædi ok setti hann i iarn ok flutti hann sua med ser i Babilon a .vii.<sup>da</sup> degi hins fimta manadar. Þat uar aa .x.<sup>da</sup> aari ríkis Nabogodonosor konungs af Babilon.

Þa kom Nabuzardan hertogi Nabogodonosor konungs i Hierusalem ok slo elldi i templum domini ok konungs hallir ok herbergi. ok huert hus innan borgar brendu Kaldei en brutu borgarveggi alla til iardar. Enn allt folk þat sem eptir uar af Judum i borginni. iafnuel þa menn sem adr höfdu þegit ser grid af Babilonar konungi. herleiddi nu Nabuzardan. allt folk. utan nöckura fatæka menn setti hann eptir at vinna uingarda ok akra manna. enn alla eirstolpa i musteri drottins fluttu þeir medr ser i Babilon. sua katla sem ker. ok alla adra luti sem Salomon konungr hafdi gera latit af eiri gdr af malmi til þeonostu i musterinu. sua gullspengr ok allan gulligan bunad ok prydi musteri-issins reif Nabuzardan af adr enn hann brendi templum domini ok tok at herfangi. Sua mikinn malm flutti hann af Jerusalem i Babilon. at ægi kom vag vid. Hann tok ok Sophoniam byskup. ok einn annan kennimann ok .vi. duruðrdu musteriis drottins ok .i. greifa borgarinnar ok kappu .ii. er hann fann i borginni. þeir höfdu uerit fremztir i konungs þionostu. ok Sopher er uerit hafdi hertogi Juda ok .vi. af mugamonnum. þessa alla færði Nabuzardan Babilonar konungi i borg Reblata i ríki Emath. ok þar liet Nabogodonosor drepa þa alla.

Nv voru Judar herleiddir af sinni iðrðu. ok þrytr þar nu ríki Juda. þa hafði þat ríki stadið .cccc. .lx. ok .ix. aar. þærst er hinn .iiii.<sup>a</sup> heimsalldr frá Dauid konungi til þessar miklu herleidingar. þat er .cccc. ok .lxxv. ára eftir þi sem ebreskr sannleikr vattar segir hinn helgi Jeronimus prestur. enn .lxx. tálka. er Ptolomeus Egipta konungur setti til at skýra fornar bók. telia i þeim heimsalldri .xii. aarum fleira. þa var litið frá upphafi heims .iiii. þúsundir ok .dc. ok .x. ár.

### Fra Nabogodonosor konungi.

371. Sem Nabogodonosor konungur hafði herleidið allan lyd Juda. sem nu var sagt. setti hann yfir þat fatæka folk sem eftir var i landinu einn greifa er het Godolia. hann var þarlendzkr ok þó litillur ættar. Fjörir höfðingar af Juda eru nefndir. þeir er flyt höfðu ok folgiz i leynum fyrir hernaði Kalldeorum. einn het Jsmael. annarr Jóhannan. þriðri Sareia. fjórði Jezonias. Sem þessir .iiii. höfðingar freltu at Serkia konungur setti Godoliam höfðingja yfir ríki Juda. komu þeir meðr sína sueitunga til motz við hann. þeir tóku tal sitt. ok segir Godolias súa til þeirra. Eski þúft þer at þiona Caldeis. þi at ef þer veitit lotning ok lyðskylldu Babilonis konungi. þa megit þer vitan vgg ok ótta vera með fagnaði ok farsæld aa yðru foztrlandi. Skildu þeir súa at sinni. at þeir tóku af honum grid. þat var aa .vii.<sup>a</sup> manaði þaðan frá at Jsmael. hann var konunga ættar. kom i Masphath meðr .x.<sup>a</sup> mann a vvar. baru þegar vapn a Godoliam ok drapu hann ok alla hans sueitunga. bæði Gydinga þa er meðr honum voru ok Kalldeos. Eftir þat samnaðuz saman Judar allir þeir sem voru i landinu ok flyðu aa Egipta land. þi at þeir þórdi ægi at vera aa sinni ættiörðu fyrir Challdis. Nabogodonosor konungur ríkti i Babilon .xl. ok .iiii. ár. enn son hans eftir hann .xviii. aar.

A .vii.<sup>a</sup> ari hins .xl. herleidingar Joachim. er Jechonias het öðru nafni. tok Evilmerodach Babilons konungur hann út af myrkuastofu. sem hann var i halldinn allt þar til. þat var á fyrsta aari ríkis Evilmerodach aa .xxvii.<sup>a</sup> degi hins .xii.<sup>a</sup> manadar. Babilons konungur taladi blidliga meðr Joachim ok skipti við hann bunadi. tok af honum þau klæði sem hann hafði haft i myrkuastofu. enn fékk honum sæmiligan bunad sem konungi somdi. Hann setti Joachim héra enn huern annan sinn undirkonung. er var i Babilon. ok fæddi hann i sinni hall af sealfs síns borti allt til dauðadags.

## Trykfeil og Rettelser.

- |      |     |       |    |                                                                                                                                                                                                  |                                                                                                                                                              |
|------|-----|-------|----|--------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------|
| Side | 2   | Linie | 24 | byriar <sup>d</sup>                                                                                                                                                                              | læs: byriaz                                                                                                                                                  |
| —    | 2   | Note  | *) | byriaz, B <i>falder bort, thi baade A og B have byriaz.</i>                                                                                                                                      |                                                                                                                                                              |
| —    | 6   | Linie | 23 | gordu                                                                                                                                                                                            | læs: gordi                                                                                                                                                   |
| —    | 36  | —     | 27 | helldr suarandi                                                                                                                                                                                  | — helldr snarandi                                                                                                                                            |
| —    | 49  | —     | 35 | þeirra syndagialld; <i>her er þeirra Rettelse, Codex har þetta.</i>                                                                                                                              |                                                                                                                                                              |
| —    | 53  | —     | 28 | stettir                                                                                                                                                                                          | læs: stettir                                                                                                                                                 |
| —    | 57  | —     | 29 | kuenkys                                                                                                                                                                                          | — kuenkyns                                                                                                                                                   |
| —    | 68  | —     | 7  | stad                                                                                                                                                                                             | — stadr                                                                                                                                                      |
| —    | 71  | —     | 5  | e mannum                                                                                                                                                                                         | — er mannum                                                                                                                                                  |
| —    | 113 | —     | 10 | um eydimörkina; <i>for um har B viðr.</i>                                                                                                                                                        |                                                                                                                                                              |
| —    | 115 | —     | 36 | imellem skilmaala og honum indskyder B meðr.                                                                                                                                                     |                                                                                                                                                              |
| —    | 122 | —     | 12 | taladi til þeirra. læs: taladi sua til þeirra.                                                                                                                                                   |                                                                                                                                                              |
| —    | 124 | —     | 19 | heimslitiu skyldi; <i>saaledes læser B; A har skyldu.</i>                                                                                                                                        |                                                                                                                                                              |
| —    | 126 | —     | 25 | Ella suaradi. læs: Ella sua.                                                                                                                                                                     |                                                                                                                                                              |
| —    | 127 | —     | 7  | ok uilldir                                                                                                                                                                                       | — ok þo uilldir                                                                                                                                              |
| —    | 149 | —     | 26 | sinar skadsemdir                                                                                                                                                                                 | — sinar (skadsemdir); <i>Ordet skadsemdir mang-</i><br><i>ler nemlig i Haandskrifterne; dog burde i Texten snarere</i><br><i>have staaet sinar (syndir).</i> |
| —    | 195 | —     | 12 | godra mann                                                                                                                                                                                       | læs: godra manna                                                                                                                                             |
| —    | 321 | —     | 38 | ffiduzt                                                                                                                                                                                          | — fffidizt                                                                                                                                                   |
| —    | 322 | —     | 26 | ffiriletut                                                                                                                                                                                       | — ffiriletit                                                                                                                                                 |
| —    | 348 | —     | 5  | vit gud.                                                                                                                                                                                         | — vit Gad.                                                                                                                                                   |
| —    | 351 | —     | 21 | var uou; <i>saaledes Codex; þör være varð uor; se Side 350 Linie</i><br><i>33-34: er Raab varð vör vid</i>                                                                                       |                                                                                                                                                              |
| —    | 354 | —     | 39 | þeiss kolo                                                                                                                                                                                       | læs: þeiss skolo                                                                                                                                             |
| —    | 362 | —     | 27 | til iardanna; <i>feilskrevet i Codex for til Jordanar.</i>                                                                                                                                       |                                                                                                                                                              |
| —    | 383 | Note  | *) | <i>er ikke ganske tydelig; C og A have som der staar i Texten:</i><br><i>ganga eyrna sinna; B har: ganga heimoliga ðrna sinna;</i><br><i>Fragm. har: ganga heimolega og udelader ðrna sinna.</i> |                                                                                                                                                              |
| —    | 403 | Linie | 28 | Sair                                                                                                                                                                                             | læs: Jair                                                                                                                                                    |
| —    | 503 | —     | 16 | ast er goðvilia-                                                                                                                                                                                 | — ast oc goðvilia-                                                                                                                                           |
| —    | 594 | —     | 10 | þonostosvæin                                                                                                                                                                                     | — þionostosvæin                                                                                                                                              |















